

經部 史部 村華編越南之部一册





煎姜

北京大學《儒藏》編纂與研究中心

圖書在版編目(CIP)數據

儒藏. 精華編. 越南之部一/北京大學《儒藏》編纂與研究中心編. 一北京:北京大學出版社,2013.1

ISBN 978-7-301-21869-3

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2012)第 316389 號

書 名: 儒藏(精華編越南之部一)

著作責任者:北京大學《儒藏》編纂與研究中心 編

責任編輯:武芳 周粟 翁雯婧 童祁

標 準 書 號: ISBN 978-7-301-21869-3/B • 1095

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

電 話: 郵購部 62752015 發行部 62750672 編輯部 62756449 出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 68.25 印張 620 千字 2013 年 1 月第 1 版 2013 年 1 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子信箱: fd@pup. pku. edu. cn

《儒藏》精華編越南之部第一 册

首席總編纂 季美林

項目首席專家 湯一介

湯一介 龎

總

纂

本

册

主

編

阮金山

朴

孫欽善

安平秋 (按年齡排序)

則 爲儒 的典籍的 家經典和反映儒家思想、體現儒家經世做人原 中國傳統文化以儒家思想爲中心。 叢 編。 收書時限自先秦至清代結束。 《儒藏》

藏 》中的精要書籍

一、《儒藏》精華編爲《儒藏》的一部分,選收《儒

互見。 漢文寫作的 已收入人選的個人叢書或全集者,僅存目録,並 分類法分類,大類、小類基本參照《中國叢書綜録》和 土文獻。傳世文獻按《四庫全書總目》經史子集四 中國古籍善本書目》,於個別處略作調整。 一律收其釋文文本。 三、《儒藏》精華編所收書籍,包括傳世文獻和 出土文獻單列爲一 ?儒學著作,編爲海外文獻部類 韓國、日 個部類,原件以古文字書 本、越南儒 凡單書 學者 注 崩 明 部 出

> 編,不改編,保持原書的完整性和獨 五、對人選書籍進行簡要校勘。 V. 以對校爲主, 性

四、所收書籍的篇目卷次,一仍底本原貌,不選

爲主,酌校異同。校記力求規範、精煉 勘價值 確定内容完足、精確率高的版本爲底本,精選有校 的版本爲校本。 出校堅持少而精 以校 E 誤

例,進行規範化標點。 六、根據現行標點符號用法,結合古籍標 專名號除書名號用 角號(《》) 點

通

外,其他一律省略。

落。 正文原已分段者,不作改動。 七、對較長的篇章,根據文字内容,適當劃分段 千字以内的 短文

一般不分段。

八、各書卷端由整理者撰寫《校點說明》,簡

要

及其他有關情況。 及整理時所確定的底本、校本(舉全稱後括注簡稱) 介紹作者生平、該書成書背景、主要内容及影響,以 順序前詳後略 重複出現的作者,其生平 事 蹟 按

九、本書用繁體漢字豎排,小注 律排爲單行。 出現

《儒藏》精華編越南之部序言

化 僚 時 著 影 越 等上 名 的 世 響 南 期(公元前二世 並 紀 儒 各 不 儒學隨著漢字及中國文化早在秦 至十 甚 家學者及儒學文獻並 層社會範 個 開 方 明 始 世紀期 顯,幾乎僅 面 在越 圍,而尚未普及到 所 南 紀 間 以這 發 —公元二世 儒學對 揮影 限 段 於華 時 響 不多。 期 越 僑 所 南 但 **|紀) 傳** 在 出 社 行 社 會 現 政 會 公 元 文 官 的 漢 的

分秋色。

統 了 的 治 影 建 者 設 響 自 採 從李朝於公元 個 力 用 不 獨立文明 斷 所以 增 强 其 對 的國 十世紀成立之後, 被 社 儒 會 家,儒學 學 生 思 活 想 各 逐 佔 個 步 領 方 的 被 爲 面

> 文化、 當中未能 第 但 世 到 紀,儒 是 思 民 個領 因 爲 間 學的 文教、學術 域 佛 取 風 教 當然就是政治,接著 得 地位 俗等方 優勢 此 時 不斷 地 相 著作、文學創 面 當 位 得 盛行, 仍 自十世紀至十 到 與 鞏 其他 儒 固 學在 逐步 作、社 並 兩 提升。 擴 派 平. 教 Ŧi. 會 展

學的 才開 傳 干 層 南 化的東亞 南文化發 學也逐步滲透到越南社會 統 涉 最 始 及 後 影 這 自公元 響 種 超過 統 미 狀況 以説,直到十八、十九世紀, 個 特色比東南亞特色還 治,但 生了 之下,本來充滿 十五 封 佛 建 根本性 道 是仍 直 王 世紀 兩 朝 延 家, 然繼 阮 續 黎 的 成 朝 到 轉 朝 承 東 爲主 的 雖 + 起, 變, 南 並 然 各 九 儒學 使得 發 亞 受到 要明 世 個 體 揮 特 紀 領 思 色的 域 儒 越南 的 想 儒 法 顯 及 學 國 地 在 階 的 越 儒 儒 位 的 越 文

於 化 南 系 越 等方 南 及 人 越 思 在 本 南 土文化 想 接 面 的 的 逐 受 社 影 會 北 儒 及本 響 文 做 家 化 才達到 思 1 地 本 想 人 地 的 民 最 的 化 同 生 深 個 的 時 活、 刻 性。 改 也 的 社 變, 將 此 會 程 以 種 儒 價 度 符 學 值 本 合 地 文 體 越

化

又豐富了儒

學的

内容

學典 使 創 或 們 他 分子 士。 慢 士 儒 儒 都 作 事 研 慢 等重 學 籍 他 究 很 土 古典文學等等。 隨 形 儒 文 文 擅 階 們充當 著 成了 書立言、 獻 家 化 要 儒 長 層 經 的 學 卷 角 寫 成 或 典、修身養性、出 著 的 作、 或 色, 長 個 家 詮 作 家 發 的 熱 重 同 統 展,越 者。 釋 的 重 愛寫 要 時 越 治 儒 要 儒 的 也 機 南 越 家 因 士 南 作 是 社 南 構 科 經 的 素 在 並 留 舉 典 儒 的 會 共 + 仕當官 具 所 存 官 階 制 士 同 撰 有 至 僚 以 度 + 也 層 特 寫 文 越 就 具 今 及 色: 國 治理 學 有 的 世 是 知 南 史、 創 他 其 識 儒 促 儒 儒 紀

> 中 作 比 例 的 各 賦 種 散 條 文等 件。 文 因 學 此 類 在 作 現 밂 存 佔 的 據 儒 1 學 較 文 大 獻 的 當

多,但 著作是 字 記 文 現 所 越 喃 紀 記 獻 著 但 裏,越南 録 創 南 載 非 書立 越 越 造 X 越 是 目 或 出 以 南 常 南 出 南 字 前 是 現 重 的 言。 漢 人 來 語 喃 人同 被 於十 要 用 漢字,或 字 儒 的 認 著 的 學 漢 爲 字 雖 述 時 爲 部 經 = 越 種 素 喃 然 也 使 最 典 分 世 讀 材,參 標 早 是 字 是 用 早 紀 文 音 音 在 喃 越 構 漢 的 獻 的 來 的 + 没 考漢字造字 字 篇 南 成 念 使 方 世紀 有 越 及 幅 的 在 漢 用 塊 漢 字 南 較 最 文 字 兩 文字, 之前 字 儒 喃 字 長 種 .近 使 字 家 的 + 兩 文 典 用 字 已 用 方 喃 字 種 個 籍 得 文 # 出 來 左 是 字 來 喃

儒 者 著 越 南 述 的 現 存 小 的 儒 部 學文 分。 獻 爲 數 僅 不 是 少 越 的 南 儒 歷 學 代

文 其 文 的 爲 獻 獻 近 埶 因 口 現 惜 帶 在 爲 貌及特色帶來許多困 1 氣 僅 歷 候 留 史 文獻不 等 下 的 因 書 動 素 名, 蕩 足 而 的 而 戰 壞 情 内容 争 損 況 的 给 逸 難 不 破 瞭 失。 得 壞 解 而 很 濕 越 知 埶 南 多

儒

學

的

面

方文獻 信 活 學 史、 種 中 類 函 法律、典章制 第 著 等 的 越 綜 作 第三,詩 南 合性 儒 儒 第 學 家 四, 典 記 經 度、 籍 載 賦、散文、小説、記 風 典 大體 俗 禮 像 詮 民 儀、 家 釋 E 情 譜、 文教、科 著 可 及 作 分 家 人 爲 訓 民 第 舉 以 日 事 家 常 等 等 下 禮 生 文 官 或 幾

儒 家 經 典 詮 釋 作

踐 而 越 對 南 於 儒 純 家 理 比 論 較 的 注 研 重 究不太感 經 世 一之學 興 偏 趣 向 實 所

胡

傳

轉

進

以 書 通 少 教、科舉 解 經 成 越 釋、討 博 就 南 學 儒 考試 但 的 者 論 是 儒 在 儒 等方面 仍 家學者, 儒 家的 有 家 許 經 經 的 多 典 典 需 爲 儒 詮 求 5 家 釋 滿 學 都在 方 足 者 面 政 通 特 没 過 别 有 著 文 是 多

編《明 七)也 書 四 二的 季 世 譯 行 早 個 四 犛 成 討 世 證 著 朱文安(一 内容。 道》 寫 書 紀末 對 但 字 論 據, 書 出 説 並 根 討 喃 詩 可 約 書, 據 的 論 詩 且 這 些 經 惜 w 胡 相 儒 將 針 是 根 二九二| 具 的 關 季 的 胡 家 《詩 對 説 據 有詮釋性質的 記 是, 季 解 經 儒 明 朱 經》 載 犛 釋 典 學 這 朱 注 當 大 的 的 及 子 思 三三六 概 本 都 這 時 想 學 儒 三七 括 書 尚 依 些 史 的 傳 家 早 地 書 著 據 家 學者 人 介紹 著作, Ō 已 些問 他 作 都 越 失傳 無 是 自 也 四 南 認 逸 爲 未 他 第 題 他 己 0 的 四

+

最

的

轉 式。 特 的 譯 色 獨 的 成 胡 特 經 字 季 想 典 喃 犛 法 詮 詩 算 而 釋 的 是 方式 不 人 越 是 南 可 的 遵 第 視 創 循 爲 始 朱 個 這 人 子 將 種 的 儒 充 解 家 滿 釋 越 經 南 典 方

儒 馮 加 論 量 發 世 嗣 展,但 紀 時 克 仍 家 述 1 德皇 才 任、 寬、 然 初 經 解 儒 學在 的 經 有 不 典 是儒 一帝)、 裴 鄧太滂、黎貴惇、范 有 突 I. 多。 的 煇 作 + 出 潘 有 家經 阮 壁 五、十 其 佩 的 直 阮 等。 綿 珠、黎文 發 到 德 典 寯 中 展, + 達、 等。 最 詮 六世 + 七、 九 有 許 釋 阮 一、敔等 + 世 代 多 這 紀 + 文 九 紀 阮 儒 取 表 超 1 攸、 范 類著 得 世 曾 性 家 世 阮 學 紀 著 的 大 紀 作 書 者 規 末 福 儒 貴 洪 討 者 都 此 的 模 適 任 論 冬 類 + 有 數 的

典 論 籍 解 文 越 釋 南 獻 四 漢 總 書 喃 共 五 研 有 經 究 1686 的 院 有 目 122 種 前 所 0 種 其 留 0 中 存 涉 這 的 此 及 儒 計 文 學

漢

喃

書

籍》、《漢

喃研究雜

誌

》第

期

義 類 數 體 裁 獻 如 南 基 此 程 的 理。 著作以 果 儒 型 不 本 義 看 方 使 ,只是 跟 學 少 上 理 來 面 用 者 從這 深 中 此 是 的 的 也 提 表 受孔 或 問 文字 供 著 包 簡 出 達 類 宋、 答 此 括 作 教 略 自 自 著 孟 解 的 包 學 是 韻 清 地 己 己 作 括 方式 思 經 及 屬 文 諸 介 對 研 主 漢 想 的 科 於 及 儒 紹 經 究 要 文字及字 及 著 進 撮 舉 散 討 的 儒 典 儒 行 朱 作 要、 考 文 經 家 的 家 論 子 中 論 試 兩 典 經 見 經 節 述, 思 喃 詮 大 典 時 典 此 可 解 要、 想 兩 釋 以 的 此 的 儒 類 用 的 種 著 簡 看 内 類 的 也 心 家 影 著 作 出 容 要 有 路 經 從 在 作 相 越 及 的 爲 歷 典 整 體

⁰ 考鄭 況 考 阮 漢 克孟 春 喃研究雜 面 : 於 儒 漢 漢 喃 誌 喃 文 研 》第 研 獻 究 究 院 的 院 期 數 現 現 2005 存 量 存 及 的 有 價 有 駲 值 關 儒 四 的 學 考 典 書 五 籍 察 經 與 文 之 判 獻

身 對 非 道 比 示 治 越 儒 常 但 越 國 南 學 重 南 對 「等實 ·思想 一要的 學 於 儒 者 越 者 踐 意 是 的 南 這 見 方 義 如 儒 ?,它們 此 面 解及接受方式 何 去的。 學 解 治將儒 來 經 能 説 論 學 够 思 著 這 反 或 想 此 映 運 文 許 同 越 微 用 獻 時 南 到 學 具 不 也 足 修 顯 者 有

等官方文獻二國史、法律、典章制度、文教、科舉

籍 五. 朝 籍 非 史略》(佚名)、黎文休的《史記》等。 世紀 常 相 例 陳 當 重 儒 如 朝 視 以 發 學文化 由 降,出 達 史 旲 學 此 士 ,越 卷 歷 早 連及後代 現了 史著 諸 在 南 越 國的各個封 的 許多 作 南 狀況 剛 已 史家 卷 經 獨 也 帙 問 文 相 是一 浩 建 # 之後的 續 朝代 繁 編 像《 樣, 的 自 篡 越 李 都 的 書 + 中

> 部。 評、 地 族 包括 越南 記》的風格 史學思想,歷史敘 續 大越 的 精 編 史考等等。 編 * 政 神 越 的 史記 南 著 歷 治、社會生活及學術研 年 越 史著作 史、 的 述的 史 全 歷 但内容也 通 書 通鑑、 史 現存 目 ×, 鑑 所 論 述方 的 綱 由 採 述 史記、 的史 也是爲 衆 目 用 透露 基本 式借 史 × 的 籍 令大 家 體 實 出 上 1 鑑《春秋》、《 書 編 裁 録、 究等需 遵 南 越 滿 目 纂 相 南 循 達 實 足 史論 的 當豐富 越 人 儒 録 到 求 的 》等。 史記 南 家 幾 史 本 民 的 百 中

章 德 漢 會 有 制 律 典》、 名 喃)及《 度 的 書 法律文獻及記載典章制 潘 方 法 庫 皇 輝 面 律 裹 注 越 文 的 也 的《 獻 記 律 佔據了 載,有《黎朝會典》、《大 例 就 歷 是《國 》(阮 朝憲章類 重 朝 朝 要 法 地 刑 度的 律 志》等 位 律 × 著作, 關 黎 越 南 於 朝 南 典 洪 最 在

關於教育、科舉考試制度的文獻,除

搜 的 歷 了 珍 及 材 貴 集 科 及 文 次 儒 舉 原 歷 科 獻 高 家 次 始 制 舉 經 級 資 考 考 典 度 此 教 料 試 試 類 的 和 材 的 被 簡 文 越 考 録 要 優 獻 南 卷 取 秀 介 是 儒 樣 者 考 紹 學 研 本 簡 卷 傳 究 儒 之外 歷 播 越 記 家 的 史 南 載 經 等 還 登 儒 考 典 課 學 場 科 有 人 題 教 規 録 記 門 定 的 育 載 教

Ξ 儒 家 的 文 學 類 文 獻

統 使 都 中 南 以 用 具 計 佔 各 文取 備 的 王 據 文 伯 學 最 文 文 朝 士 此 大 類 字 學 都 類 文 制 的 是 創 取 著 度 獻 比 漢 作 法 作 來 例 在 字 的 於 應 選 越 及 才 中 該 雖 拔 字 南 華 或 然 有 人 漢 喃 及 尚 上 才 透 技 千 未 喃 過 關 典 巧 所 種 進 科 於 以 行 籍 文 舉 儒 他 因 仔 文 學 考 們 學 獻 爲 細 體 所 者 試 當 越 的

統的 道 學 從 有 裁 裁 的 文 的 他 除 學 體 文 文學觀,越南 詩 們 1 觀 學 裁 以言 還 採 大部 念 規 使 用 看 範 志 用 中 來,越 分都 來 越 或 等文 創 儒者將文 南 古 出 作 南 特 現 典 學觀。 儒 特 在 有 文 家 别 字 的 學 學 基 强 體 喃文學 的 視 依 本 調 裁 各 照 爲 E 儒 文 這 種 遵 ___ 領 家 以 此 古 種 循 域 體

之下 編 獨 者 深 儒 獻 歌 的 務 來 於 廣 的 刻 者 抱 輯 也 泛 及 仍 詩 影 能 抒 負 修 吴 搜 身 集 響 越 够 發 等 口 玉 集 南 集 個 目 透 教 玕 文 各 文 人 中 的 人 出 化 校 集 家 學 的 地 情 的 作 訂 形 作 實 類 思 反 懷。 工 者 的《 式 品品 施 著 維 映 具, 的 面 編 治 摘 作 模 儒 在 民 當 世, 成 道 艷 基 式 學 儒 族 然, 總 詩 學 但 本 及 思 寄 精 集 集 也 上 審 想 思 他 神 託 \sim 有 都 美 對 想 們 像 經 不 是 觀 於 這 的 也 邦 阮 黄 德 以 念 越 類 籠 用 天 少 濟 縱 儒 的 南 文 罩 詩 服 傳 載 儒 特 單 良 世

越文海 的《 《群賢 ×, 賦 裴 集》,黎貴惇的《全越 輝 壁 一的《皇 越 之詩 選》、《 詩 録 皇 * 越 ^ 文 皇

選》等。

刀 綜 記 性 載 風 獻 俗 民 情 及 人 民 日 常生活 的

活中 文獻 約、 於民 與 比 典 面 短 籍 中 多 較 族規 且 衆 多 國 模 的 的 文 此 作 普 少 本 存 類 糊 獻 日 :者、年 文獻 少 家 及 當 常 土標準 在 複 有 訓 反 中 生 雜 家 所 屬於風俗民情的記 代 此 映 活 佔 出 等信 文言文 類 儒 的 據 禮 越 一人,這 文 學 貼 的 南 家 切切 獻 息 思 比 儒 約 在 想 需 及 例 種 者筆 等, 語 傳 般 在 求 相 差 法 來 别 承 人 當 在 下 像 及 説 民 的 在 大 越 的 家 載 用 情 篇 日 此 南 漢 譜 類 語 常 況 幅 此 漢 服 文 作 方 都 類 務 較 生 喃 鄉

> 品品 以 所 以 中 反 也 映 表 很 儒 現 值 學 得 得 思 最 深 想 爲 人 在 明 研 人 顯 究。 民 日 因 常 爲 生活 此 類 的 文 獻

> > 可

豐富 儒 的 發 組 精 流 學 結 展 成 髓 長 的 從總體 的 部 是 T 果 價 分。 儒 成果,同 越 值 部分 學 越 南 豐 的 它們 看 南 文化 富 來 面 儒 時 貌 學 既 是 也 及 越 典 是 越 越 是 南 成 籍 儒 儒 南 爲 南 儒 學 文 學 歷 學 全 傳 球 獻 在 在 統 代 典 儒 的 越 越 儒 籍 非 學 存 南 南 常 者 文 及 傳 獻 在 本 的 重 東 地 播 要 智 源 亞 經 化 及 的 慧 遠

編選 南 心 儒 儒 的 藏 學 要 根據 I 》精 作 求 文 華編。 獻 北 來説 我 京大 當 們 中 也 必 學 選 是 須 選 $\dot{\sim}$ 出 從 儒 數量· 部 種 如 藏 分 難 此 有限 漢 編 事 豐 文 纂 富 著 我 對 與 多 們 作 研 我 彩 們 只 收 的 究 能 的 人 越 中

定把 以 也是要顧及的因素。 然文獻的完整,年代及作者等信息明 生活、風 詮釋文獻 學特色的著作。 嚴 重點 格的標準,儘量選出最能代表 俗民情中的影響的著作 放在 以 及 能 具有學術價 基於這樣的考量,我 够反 映 人選著作如下表所 儒 值 學 思 的 方 想 儒 越南 在 家 面 經 們 確 當 民 典 決 儒

8

多作者

族

約

家

規

9

黎貴惇

芸薹類

語

7

多

作

者

歷

代

家

訓

6

多

作

者

歷

代

聖

訓

示

12

阮

德

達

南

Ш

叢

話

11

阮

文

超

方亭

隨

筆

録

10

黎貴

惇

群

書考

辨

5 范	4 阮	3 吴	2 黎	1 佚名	作者
	綿寯	時任	黎貴惇	名	者
論語愚按	孝經立本 孝史略	春秋管見	書經衍義	易膚叢説	書名
	略詮				

作依 京大學

給 將 儒 國 以 藏》編纂與 内 上 我們 以 外 上 具 非常 的 書 有 學 籍 代 者,藉 研究中心的校點體例 期 的 表 校點 望 性 通 的 以 工 過《儒藏》 越 窺 南 見 儒 越 學 照 南 北 文 儒學 工 獻 程 進

能够

行

介

紹

及

越

直接參與校點的 工作小組 由 人 文 與 南

文化

面

貌

的

斑。

阮壽 其他相 社會科學大學及漢喃研究院的學者組成, 使校點工作得以順利完成。 梅秋瓊、陶心慶、阮德勇諸位的熱情協 友包括朱青莪、郭秋賢、范映鈔、阮 明孝、陳仲洋、阮文清、范文映、鄧氏 包括阮金山、丁清孝、鄧德良、 德等十位學者。 關工作也得到很多同事及學界朋 另外,審稿、翻 裴 伯 俊强 碧 鈞、馮 譯及 助, 玉、

纂工 貴意見的各位中國學者,以 研究中心,特别是湯一介教授,表示最真 友。同時,也非常感謝幫 的感謝,使我們有機會參加如 南《儒藏》工程的 程,將越南 我們在此謹向北京大學《儒藏》編纂與 儒學的 越南同事們、朋 精 助 華 介 及 審 積 福並 紹給 此重 友們。 極參 提供 各 要 國 的 加 寶 編 越 朋 誠

二〇一二年七月二十日於河内 阮金山

《儒藏》精華編越南之部第一册

易膚叢説

[越南] 裴伯鈞

校點

目	桂堂易膚叢説卷二	桂堂易膚叢説卷	校點説明	目
録	説卷一	最説卷		録
	:	:		

			0 0 0 0	
			0 0 0 0 0	
	六	-	_	

校點説明

言。

序言稱該書五卷、主要内容是對程、朱傳義及

先儒訓

釋的

講解與研究。

但《易經膚説

》今已

數思想融會的趨向。 及飛伏、納甲、參同、太乙等象數派學 此外還談到京房、魏伯陽、郭璞、王弼等易學家以 易大全》中《程子傳序》、《程子篇義》、《朱子圖説》、 傳義的見解,針對先儒有關朱子《易學啓蒙》、《周 代表著作之一。 言,《易膚叢説》的内容豐富多彩,表現出義理與象 經世·觀物內外篇》等的討論進行了講解和説明, 朱子五贊》、《朱子筮儀》、《易説綱領》,邵子《皇極 易膚叢説 》是越南儒學者研究《周易》經傳的 作者以問答的方式,闡述對程、朱 説。 總 體 而

點說明)所撰之《易經膚説》六卷,並録有該書序實惇(一七二六—一七八四,生平詳《書經衍義》校實學(一七二六—一七八四,生平詳《書經衍義》校

本。 家陳文理在《漢喃書庫的研究》中稱、《易膚 存,祇有一名爲《易膚叢説》之著作尚存。 書撰者姓名暫付闕如。 於《易膚叢説》的作者問題,我們應該存疑。」故本 志·文籍志》記載《易經膚說》是黎貴惇所著,但 内容與《易經膚説》相似,可能是《易經膚説》的 陳先生還說"「雖 然 潘輝 注《歷 朝 憲 書目 載説 章 殘 類

南漢喃研究院圖書館,具體如下:目前,《易膚叢説》共有九個版本,均收藏在越

一、《易膚叢説》、編號 VHv. 2016/2。與《易內質,行草書,有標點,分爲一百二十個問答小段,包括《程傳序》、《十二卦言時歌訣》、《上下篇義》、《朱子圖説》和許多小目(《十二律三分損益隔八相生序》、《十二律協十二月序》、《五聲十二律相配旋生序》、《十二律協十二月序》、《五聲十二律相配旋生序》、《十二律協十二月序》、《五聲十二律相配旋生序》、《十二律協十二月序》、《五聲十二律相配旋生序》、《黃膚叢説》、編號 VHv. 2016/2。與《易相爲官序》、《橫圖》、《八卦圖説》、《重卦圓圖》、《六

卦歌訣》)、《五贊》、《筮儀》、《綱領》。 十四卦圖作》、《後天圖説》、《變卦》、《一程子九變

訂》。 《朱子五贊以下》、《易説綱領》三篇屬於《易義存 《朱子圖説》、《易六十四卦大象辭》。另有《篇義》、 疑》卷一。 答小段。 卷、卷一爲《易學〔義〕存疑》、卷二即《易膚 學士范貴適之《周易問解撮要》中一種。 二、《易膚叢説訂》,編號 A. 2044。 此卷凡七十三頁,行草書,分爲九十 包括十四個問答小段和《十二時歌訣》、 爲内 范書凡二 __ 個 叢 閣 説 侍 問

《上下篇義》。 卦時歌訣》、《易説綱領》、《朱子圖説》(包括《小横 二十一個問答小段,包括十四個問答小段和《十二 疑》中一種。 變卦圖詩》用漢字和喃字書寫)、《朱子五贊以下》、 以下》、《小 三、《易膚叢卦訂》,編號 A. 363。 爲《易義存 共二一二頁,楷書,有句讀,共有 此本避「時」字諱、當鈔寫於嗣德皇 · • 以下》、《易變卦 回詩》數 篇《易 百

帝時期(一八二九—一八八三)。

《三十六宫歌》。 《十二卦時歌》、《上下篇義》、《朱子圖説》和許多小 詩》、《四千九十六時》、喃字《十二月二十四氣歌 説綱領》。 朱子十九變卦歌》)、《朱子五贊》、《朱子筮儀》、《易 詩》、《五聲十二律相配旋相爲官詩》、《五 子》、《六十四卦分八官》、《一程子九變卦歌》、《一 二月序》、《五聲十二律相配旋相爲官》、《六十甲 目(《附聲律甲子次序》、《五聲次序》、《十二律協十 讀,包括一百二十個問答小段,包括《程子傳 士左青威人阮衙撰。 四、《易膚叢記》,編號 VHv. 458。 另有六個小目。《十二月配十二律次 共一一六頁,行楷書,有 爲黎 運化 序》、 朝 句 序 氣 進

段,分成四大部分:《程子傳序》和《十二卦言時歌九年(一九六三)四月三日。共二五二頁,楷書,分九年(一九六三)四月三日。共二五二頁,楷書,分表接鈔寫,何輝璋校訂,完成於越南民主共和第十裝接鈔寫,何輝璋校訂,完成於越南民主共和第十

訣》、《朱子圖説》、《朱子五贊以下》、《易説綱領》。

《易義存疑後跋》,四十頁。 《變卦圖》、《一程子九變卦歌訣》、《一朱子十九變 《横圖》、《八卦圓圖》、《重卦圓圖》、《後天圖說》、 《程傳序》、《十二卦言時歌訣》、《上下篇義》、《朱子 卦歌訣》)、《五贊》、《筮儀》、《易説綱領》。, 卷二爲 律協十二月序》、《五聲十二律相配旋相爲官序》、 序》、《五聲次序》、《五聲三分損益相生序》、《十二 圖說》和十二個小目(《十二律三分損益隔八相生 載説》,共九十三頁、一百一十八個問答小段,包括 共一三三頁,楷書,有句讀,分二卷。 六、《易膚叢説附易義存疑》,編號 卷一爲《易膚 A. 2474°

歌訣》、《朱子圖 儀》、《易説綱領》。 訣》、《朱子十九變卦歌訣》)、《朱子五贊》、《朱子筮 十九個問答小段,包括《程子傳序》、《十二卦言時 蠡測》一書。 七、《易膚叢説》,編號 A.867。 從屬於《羲經 共一五八頁,楷書,有句讀,共一百一 説》和兩個小目(《程子九變卦 此外還有十三小目。《五行分 歌

> 月屬卦》、《八卦卦體》、《五行生剋》、《五行屬五 擊十二律相配旋相爲官》、《六十四卦大象》、《十二 律協十二月》、《十二律三分損益隔八相生序》、《五 屬》、《五聲次序》、《五聲三分損益相生序》、《十二

經蠡測》一書。 ,内容同上。 八、《易膚叢説》,編號: 此本共一二二頁,楷書,部分有句 東安福川黄氏鈔寫。 A. 1420° 從屬於《義

色》、《四方屬五行》、《卦象對聯》。

讀

《上經下經卦名次序歌》)、《朱子圖說》和五個小 以下》、《易説綱領以下》。 變卦歌訣》)、《朱子〈周易〉五贊以下》、《朱子筮儀 和兩個小目(《一程子九變卦歌訣》和《一朱子十九 十二律相配旋相爲官序》)、《伏羲八卦次序以下》 聲三分損益相生序》、《十二律協十二月序》、《五聲 (《十二律三分損益隔八相生序》、《五聲次序》、《五 問答小段,包括《程子傳序》和《十二卦時序歌》(附 八頁,楷書,二卷。卷一有一二四頁,一百二十個 九、《桂堂易膚叢説》,編號 AC.189。 共二三 卷二包括《河圖乾坤坎 目

修輯》。 即阮朝明命舉人青威人段仲萱(一八〇八—一八 圖說》、《先天 離分爲四寔兑震巽艮分爲四虚説》、《先天八卦横 八二)在嗣德甲寅年(一八五四)所撰《讀易略抄》 天地四象歌》、《圓圖解》、《律吕本原》、《應溪先生 書,因此可以斷定,該本是在一八五四年至一八 書中避「時」字諱、且《應溪先生修輯》 八卦圓圖説》、《 後 天 1 卦 部 説 分

八三年之間所鈔寫。

於《易義存疑》。 本的部分文字尚不能確定屬於《易膚囊説》還 本爲行草書,難以辨認,不易整理,且 A. 2044 版 早(大約一八〇五年至一八二九年),但 問》合編, 與《應溪先生修輯》合編, 疑》合編,兩 九六三年鈔寫。 A. 2044 和 A. 2016/2 如上所述、《易膚叢説》的四個版本與《易義 一個版本與《易膚叢記》合編。 個版本從屬於《羲 編 其他六個版本大約是在嗣德 號 爲 VHv. 2652 的 一個版本與《河 兩 個 經蠡測》, 版本鈔 的版 其中 道 寫 洛 兩 個 本是在 時 是 個 間 編 説 版 存 版 最 號 略 本

帝在位期間鈔寫的。

明。 189 本,稱爲乙本。 版本文字和内 的版本最 道 各 次整 版 本 理即 自 理想。 容 有特 也 以之爲 較爲清楚、充足,因此 點。 該本文字清楚,文 底本。 總 體 而 編 言 號 編 爲 號 P 辭 爲 選爲 . 867 脈 絡 AC. 分 校 的

《先天八卦圓圖説》、《後天八卦圓 但 其内容與《易膚叢説 此外、桂堂易膚 其他版本所無,且其内容與《易 象歌》、《圓 四寔兑震巽艮分爲四虚説》、《先天八卦横圖説》、 這兩部分應不屬於《易膚叢説》,故 合。《應溪先生修輯 對其性質暫且存疑。 桂堂易膚囊説》卷二的《律吕本原》部分, 解》六個部分,亦爲其他版本所無,但 叢説》卷二的《河 》部 》相近, 分乃段 因 此 應 我們 圖乾坤坎離 膚叢説》不甚 溪 而不予整 所 説》、《天地 也 作。 併整理, 因 分爲 理 此 相 四

校點者 都德良 裴伯鈞

桂堂易膚叢説卷一●

十二卦至六爻皆變例: 6乾

初爻變爲

乾

程子傳序

問"「吴臨川謂」始於乾之乾,終於未濟言之"六爻不動是乾之乾,六爻皆動是乾言之"六爻不動是乾之乾,六爻皆動是乾言之"六爻不動是乾之乾,六爻皆動是乾言之"六爻不動是乾之乾,終於未濟之之坤,●二、三、四、上爻變是乾之乾,終於未濟之之,以至、五爻變是乾之未濟。自未濟言之。

臨川之所謂始終也。」 空未濟,六十四卦反對爲三十二卦,●其 至未濟,六十四卦反對爲三十二卦,●其 至未濟,六十四卦反對爲三十二卦,●其 至未濟,六十四卦反對爲三十二卦,●其 至未濟,六十四卦反對爲三十二卦至 之師,三爻變爲執濟之晉,歷六十二 對至六爻皆變,則爲未濟之晉,歷六十二 其 至未濟,六十四卦反對爲三十二卦至

十二卦言時序歌●

「當」,乙本無此字。 「六」,原誤作「四」,據乙本改。 「柱堂」,乙本無此二字。

「動」、乙本作「變」。

「諸卦」,乙本無此二字。「于此」,乙本作「可以」。「則」,乙本作「是」。

「至六爻皆」,乙本無此四字。

「歌」下,乙本有「缺」字。

濟,六爻不變則爲未濟之未濟矣。●中間

自乾至既濟諸卦皆于此類推。●若朱子三

是未濟之屯,以至六爻皆變是未濟之既

爻變是未濟之坤,初、二、四、五、上爻變

之:初、三、五爻變是未濟之乾,二、四、上

是蹇。言時用者凡三見,一坎二睽三豫、遯、姤、旅言時義,曰時之義獨隨、時大矣哉凡四卦,頤、大過兮革與解。

問:「程子《篇義》言『未濟,坎離之合,既 程子言此,●至襯接下文「合而交則生 蓋 濟則離火在下而炎上,坎水在上而潤 下,●二氣不相交,故只可謂之合。● 合也。但未濟則離 「有異。合謂二體合而成卦,雖未 濟,坎離之交」,合與交有異乎?」曰: ,上下相交,故不必言合而但專言交。 合而不交者有之,●未有不合而交者。 火 自 炎 上,坎水 濟 自 既 潤 亦

「言此」、乙本作「此言」。「者」、原脱、據乙本補。「故只可謂之合」至「但專言交」、乙本無此三十七字。【潤」、原誤作「閨」、據乙本改。

至」,乙本作「主」。

「生」,原脱,據乙本補。「下」下,乙本有「者」字。「偏」,乙本作「概」,疑是。「下」,據乙本、經文改。

問:

「《篇義》言陽生於下達於上

, O

以

物」之意。」6

蒙、頤、坎當之。

繼云: 「陽

生

於下,謂

震、坎在下。震生於下也,坎始於中也。

與」、乙本無此字。

指屯、習坎之五爻,非互言也。」 指蒙、頤之上爻; 曰「或得正位」,分明是

問:「屯、蒙、頤、坎之體皆陽,何也?」曰: 卦者皆然,●不但此四卦。」 陽也。●凡言中二體陰陽,●與陰卦、陽 屯、蒙、頤、坎之二體有乾、坎、艮、震爲 「乾、坎、艮、震爲陽,巽、離、坤、兑爲陰,

問:「艮、蹇九三爻是陽,●而曰:『上有陽, 言「震生於下,坎始於中」,先生之意 已是下體之上。觀前論『陽生於下」,只 字非指下體,疑指初、二兩爻。● 蓋三爻 下無陽,無本也」,何耶?」曰:「此「下」 可見。」

問:「震、坎、艮 求於乾,●始變二爻而得陽。 於乾,始變三爻而得 是坤求於乾,始變初爻而得陽。坎是 何以謂之始變?」曰:「震 陽。 然此但指 艮是坤求 三卦 坤

> 重卦 之下體單卦言,●故皆曰:「始變徵。」若 則艮、震不若坎之下生上達,此又

不可不知。」

問:「離何以言二體上下皆陽?」曰:「此 蒙、頤、坎二體皆陽之義異。」❸ 説内、外二卦之上下爻皆陽,與前言屯、

問:「「卦三陰三陽者敵也,則以義爲勝」是 如何?」曰:「此言不論陰陽多少之數,

「屯蒙」上,乙本有「謂」字。「之」,乙本 「乾」、乙本無此字。「爲」、乙本作「屬」。 無此字。

「言中」,乙本作「中言」。

「艮」下,原衍「震」字,據卦畫、乙本删 「者」,乙本無此字。

「二」,乙本無此字。

「此」、「指」、原脱、據乙本補。 脱,據乙本補。 「坎是坤求於乾」至「始變三爻而得陽」二十六字,原 「卦」,原誤作「體」,

「坎」,原脱,據乙本補

乙本改

於陰,而 也」等句正相照應。」● 而 以 陰陽 居上爲勝」,「女在男上,陰之勝 尊卑之義 爲勝, 與下文「陽少

問:「蠱、實男在女上,既曰『皆陽盛 之上,方見陽之盛於陰。若男長於女, 若論男女長幼之序,●必以少女居中長 卑之義,則陽居上、陰居下皆是理之常。 常,未爲盛」,●何也?」曰:「論陰 失正位,四卦皆陰居五,是爲陰居尊。」 曰:「恒、豐、歸妹陽居 盛。」曰:「失正位而 及長少相敵,而男居 恒、損、歸妹、豐則曰『男在女上,乃理之 陰居尊,何謂也?」 上則常也,何足言 四,損陽居上,皆 陽尊 也」,

> 篇。 體上下皆陽,謂初、三、四、上等爻皆陽。 陽盛於中,二、三、四、五爻皆陽。 也,少男居中女、長女上,十一也,長陽 上下,綱紀於陰,謂初、上二爻陽。 下而達於上,又二體上下皆陽, 6七也 一陽爲衆陰主,六也,二陽卦,一陽生於 五也,盛謂五、上二爻皆陽,極謂 二爻皆陽。 於下,二也,陽長於下,●三也,長謂 陽盛者何? 陽盛於上,四也, 有乾之卦,一 陽極 獨上一爻是陽。 八 也 也; 九也 於上, 陽居 陽 初爻、 + 生

「未」下,乙本有「足」字。 「正」,乙本無此字。「應」,

乙本無此字。

問:「程子《篇義》辨説

重複,文理脉絡

斷 續

不一,初學最

難

體認,欲括其

總要,柰

外,餘皆以陽盛者居上篇,陰盛者居下

何?」曰:「六十四卦之中,除乾、坤二卦

「二體上下」,乙本作「上下體」。

[「]於下」、乙本無此二字。 「極」,原誤作「積」,據乙本、經文改。 「若論男女長幼」至「盛於陰」二十四字,乙本無,疑 注中「極」字同。

何? 非 也,陰長於下,●三也,長謂初、二爻陰。 少 陰所敵 有 坤之卦,一也,陰生於下,二 而下之,●十二也。陰盛 者 陰

五也;謂上爻一陰。 無坤 而陰過,六也;謂

盛於上,四也,謂五、上爻皆陰。陰極於上,

初、二、五、上爻皆陰。 陰衆 陽 寡,四 陰二陽。

陽生於下而不達於上,復失正位,爲陽 之弱,七也,陰衆陽寡,上有陽下無陽,

也,男雖居女上,每失正位,陰反居尊, 陰,九也,坎爲陰所陷,又與陰卦重,十 爲無本,八也,二陰爻之卦,●二體 俱

凡陽盛陰盛,其目各有十二,今依《上》、 十一也,女居男上爲陰勝,6十二也。

以便初學體認。」圖横看,云上列是《上經》,下列 《下經》卦序圖 列于後,而注其義于下,

是《下經》。

〇上下經六十四卦 陽盛陰盛 圖

11人 純 坤

||||水雷屯一陽生於下、達於上,又二體皆陽。

耳山 水蒙一陽生於下、達於上,又二體皆陽。

■水天需有乾之卦。

■天水訟有乾之卦

誕地 水 師雖有坤,而 陽爲衆陰主。

∭水地 ||風天小畜有乾之卦 比雖有坤,而 陽爲衆陰主

■ 天澤履有乾之卦。

- 「所」,乙本作「可」。
- 「於下」,乙本無此二字。
- 「四陰二陽」,乙本無此四字。

「二陰」下,原衍「二陽」二字,據乙本、經文删。

- 雖」、乙本作「固」。
- 居」,乙本作「在」。
- 圖横看」,至「下經」,乙本作「上經卦序三十」。

此圖各卦,乙本均無卦畫。

Ŧī.

|||地天泰有乾之卦。

|||天地否有乾之卦。

₩火天大有有乾之卦 ■天火同人有乾之卦。

計地 地豫雖有坤,而一陽爲衆陰主。● Щ 謙雖有坤,而一 陽爲衆陰主。❶

計雷

■ 澤雷隨長男下少女,非女勝男。

■地 山 澤臨陽長,故有坤而居上篇。**●** 風 蟲少陽居長陰上,爲陽盛。●

置火雷噬嗑長男下中少女,非女勝男。● 地觀陽盛於上,故有坤而居上篇。●

三山 火 賁少男居中女上,爲陽盛。

III 山 地 剥陽極於上,又一 陽爲衆陰主。

■天雷無妄有乾之卦。

||||地雷復陽生於下,又一陽爲衆陰主。

山山 天大畜有乾之卦。

耳山 雷 頭陽生下達上,二體皆陽,又陽居上下,紀綱

1

「上下之二體」,乙本作「二體之上下」。

乎陰。

||||澤風大過陽盛於中,陰居上,下不能制。■

|||八純坎坎、離陰陽之成質,故爲上篇之終。 ■八純離坎陽生下而達上,又二體皆陽,●離則上下

之二體皆陽。

一陽爲衆陰主」,乙本作「一陽主陰」。

陽」,原作「明」,據乙本、經文改。 "雖有坤而一陽爲衆陰主」,乙本作「同上」。

0

字。 ·陽長」,乙本作「陽盛」。「長」下,乙本有「於下」二

「故」下,乙本有「雖」字。「上篇」,乙本無此二字。

「中少」,原無「中」字,乙本無「少」字,今從經文。

0

[居」,乙本作「在」。

'生下達上」,乙本作「生於下達於上」。「居」,原誤作

本作「於」,是。 「生」,據乙本、經本改。「下」,乙本無此字。「乎」,乙

0 「坎」,原脱,據乙本補。 「又」,原誤作「反」,據乙本 0

大過卦原脱,據體例補入,注文據乙本補。

六

淵雷風恒男失正位,陰反居尊。❷

> 大山遯陰長,故有乾居下篇。❸

▓電天大壯陰盛於上,故有乾而居下篇。

|||火地晉有坤之卦。

Ⅲ地火明夷有坤之卦。

Ⅲ風火家人二陰之卦,二體俱陰。●

■火澤睽二陰之卦,三體俱陰。●

III 雷水解陽生於下,而不達於上。● 又陰衆陽寡,復III 水山蹇上有陽,下無陽,爲無本。

失正位。

∭山澤損男雖在女上,失正位,而陰反居尊。❸

Ⅲ澤天夬陰極於上,故有乾而居下篇。 ■**Ⅲ**風雷益男女少長敵,而女在男上,爲凌陰之盛也。●

■天風姤陰生於下,故有乾而居下篇。

||||澤地萃有坤之卦。

■地風升有坤之卦。

■■スルト会易放而有次。

以水風井陰陽敵而有坎。

■澤火革二陰之卦,二體俱陰。

■火風鼎二陰之卦,二體俱陰。

之弱也。●

|||||八純震陽生於下而不達上,又陰衆陽寡,失正位,陽

」「之首」下,乙本有「又咸陰陽」四字。

真」

「俱陰」,乙本作「俱屬陰」。

「俱陰」,乙本作「俱屬陰」。

字。「陽」,原誤作「陰」,據乙本、經文改。「於」,乙本無此

「雖」,乙本無此字。「反」,乙本作「又」。「復」,原誤作「後」,據乙本、經文改。

「盛」、乙本作「勝」。

弱也」四字原無,據乙本、經文補。 「於」,乙本無此字。「失」上,乙本有「復」字。「陽之

七

計八純 艮上有陽,下無陽,爲無本。❶

Щ 漸 女居男上,陰之勝。

||||雷澤歸妹男雖在女上,失正位,而陰反居尊。

一火山旅女在男上,陰之勝

一八純 兑二陰之卦,二體皆陰。❸ 八純異二陰之卦,二體皆陰。

Ⅲ風水涣陰陽敵而有坎,女居男上,❶陰之勝。

|||水澤節陰陽敵而有坎。

■風澤中孚二陰之卦,二體俱陰。

뻬雷山小過上下皆二陰,惟兩陽,陰過。❺

圖水火既濟陰陽之成功,●故爲下篇之終。 既則陰敵陽而有坎, ●未亦然。 В

|||火水未濟未又女居男上,**◎**陰勝。

附上經下經卦名次序歌●

乾坤屯蒙需訟 人大有謙 豫隨,蠱 師,比 臨 觀兮噬 小畜兮履 嗑賁,剥 泰否,同 復

無妄大畜頤,大過坎離三十備

成 解 損益央姤萃,升困井革 恒遯兮及大壯,晉與明夷家 鼎震 繼,艮 人睽,蹇 漸

濟兼未濟,是爲下經三十四。

歸妹豐旅巽,兑涣節兮中孚至,小過既

問 「建安丘氏謂『艮、兑、震、巽之卦各一,

爲無本」,乙本作「無本也」。

皆」,乙本作「俱」。「陰」下,乙本有「下同」二字。

録巽卦注文。 兑卦原脱,據體例補入。注文,乙本作「同上」,今照

「女」上,乙本有「又」字。「居」,乙本作「在」。 皆」,乙本作「各」。「惟」上,乙本有「中」字。「過」

下,乙本有「故爲勝」三字。 陰陽」上、乙本有「既未濟」三字。

既」下、乙本有「濟」字。 「陰敵陽」、乙本作

陰陽

「未」下,乙本有「濟」字。 ·未又」,乙本無此二字。「居」,乙本作「在」。

乙本無此歌。

八

爲《下經》之咸、恒,●

而坎、離

重體

之

卦●,既以之終《上經》,合體

二卦又以之

誤耳。 惟水火爲天地之大用,故除乾、坤冠《上 中,雖具天地、山澤、風雷、水火之象,然 創卦之象,₲疑「象」字是「四」字,刊寫之 經》始終之八卦實之,●原無意泛指中間 兑上∭爲大過,亦有坎象,是艮、兑、巽、 象;震下艮上Ⅲ爲頤,亦 以艮下震上歸爲小過,●有坎 經》之外,闡艮、兑、震、巽之卦各一合而 成始成終之義,舉《説卦》『定位』『通 震各以一 象, 兑下巽上Ⅲ爲中孚, 會有離中 「相薄」「不相射」之文,而以《上》、《下 而 坎、離象也」,何謂也?」曰:「舊 但詳建安所論, •專重《上》、《下經》 蓋謂《上》、《下經》始終八卦之 體 相 合而成卦,●而有坎、離 有離象; 中滿 - 虚之 巽下 説 氣 之 皆

> 若依舊説,認作「象」字解,摘他卦之似 其用大,故取用多於山澤、風雷之象也 震、兑、巽之卦各二,●不但非所謂一,● 頤、兑、巽合而爲中孚、大過,是爲 坎、離以寔之,●則震、艮合而 終《下經》,●是坎、離之卦各四,於以見 爲 小過, 艮

皆」,乙本作「多」。「爲小過」, 乙本無此三字。

「爲中孚」,乙本無此三字。

「巽震」,乙本作「震巽」。「而」,乙本無此字。

「所」,乙本作「此」。

「始終」,原脱,據乙本補。

「八」,乙本作「六」。

「創」,乙本作「别」,疑是。

「上」,乙本作「二」。

「之」,乙本作「二」。 「經」下,乙本有「首」字。

離」下,乙本有「者」字。

以」,原漫漶不清,據乙本補。

卦」下,乙本有「者」字。

各」七字。 非」,乙本無此字。「謂」下,乙本有「艮兑震巽之卦

九

平 亦 可 照 象,●則天山遯亦可以 而 以 應 可以爲震,又何以 □ 爲兑,風 ? 0 顧 宜細思之。」● 上文「成始成終」之意 又况 地觀 他 桂 亦 而 獨明水火之爲 可 可 爲巽,雷天大壯 以爲艮, 以指爲坎、離 亦亦 地 用 澤 何 大 臨 亦 之 所

問 故云: 桂。 之則 皆不可 미 則屯、蒙 卦, ●反對爲六十四卦, 有十八變成 屯、蒙至無妄、大畜共二十四卦,反易之 類,陽爻對陰爻也。《上經》三十卦,自 象,●何也?」曰:「反,如水 例推,是二十四卦,反易之只有十二 雙湖胡氏言《上》、《下經》各取十 爲山水蒙之類。 乾對坤, 頤對大 『共用十八卦。』《下經》三十四 反, 各自爲一卦。 爲 一卦,无妄、大畜爲 過,坎對離,此六卦 對,如乾對坤 合十二與六, 雷屯, 卦, 倒 卦 餘 之 之 八 看

> 卦也。」 法, 除中孚對 用十八卦。」十八變成卦,●蓋指揲蓍之 只有十六卦。合十六與二,●故云:『共 恒 至既 每 Ξ 濟、未濟原共三十二卦, 6反易之 小過,不 變成一爻,十八變 미 ,反者 二卦,餘自 丽 後 咸、 成

問:「艮、震、巽、兑與坎、離之餘卦皆其遇, 是何如?」曰: 「遇謂與乾、坤體相合爲

獨」,原誤作「燭」,據乙本改。 以」、乙本無此字。 回 顧」,乙本作「順回以」。 「指」,原誤作「揭」。

據乙本改

取」。乙本作「用」。 卦」,乙本作「變」。

一之」,乙本作「焉」。

此」,原脱,據乙本補。

餘」,原脱,據乙本補。 「既濟未濟」,

卦」,原誤作「爻」,據乙本改 與」,原誤作「對」,據乙本改。

既 類,離 坎、離,故無所嫌,而不曰『餘卦』。」❸ 皆其遇,亦謂艮、兑、巽、震。但《下經》 言『餘卦』以別之,《下經》乾、坤、坎、離 卦,如坎遇乾爲需、訟,●遇坤爲 餘卦者,因《上經》已有重卦 濟、未濟乃 與 震、艮、巽、兑皆然。 坎、離之合體,非是重 坎、離,●故 坎、離 師、 獨 比 掛 之

問:「《上經》屯、蒙、隨、蠱、噬嗑、賁、頤、大 過 乾、坤三陽三陰之體分布,晉▓是互體 未 離 有 坤三陰三陽之卦襍居,噬嗑██、賁██是 坤,大過是互體有乾,隨圖、疊圖是乾 也?」曰:「屯置、蒙置、頭置是互體有 艮、兑、震、巽正體 艮,明夷圖是互體 濟外,無一卦無艮、兑、震、巽」,何 外,無一卦無乾、坤。 八卦無乾、坤正 前 體、《下經》晉、明夷無 有震, 曰:《上經》自坎 《下經》自既濟 雖 正 體 而

體,取自三爻至五爻爲上體。」凡互體由下而上,取自二爻至四爻爲下未嘗無可取之乾、坤、艮、兑、巽、震也。

問:「乾、坤、咸、恒三變之序如何?」曰: 變而 乾變上體一爻,下體二爻,坤變上體二 **Ⅲ**。乾變下體,坤變上 居之象。三變而爲噬嗑、賁。 蠱Ⅲ則乾變上體二爻,下體一爻,坤變 下體二爻,坤變上體二爻,下體一爻。 「其始也,乾變上體,坤 上體一爻,下體二爻,而三陰三陽 爲隨、蠱。 隨置 則乾變上 體 變下體 丽 爲 噬嗑鬒則 體一爻, 否言,再 而 爲泰 有 襍

-] 「因」,乙本作「蓋」。
- 「不」,原脱,據乙本補。

變。 爻,而三陽三陰有分布之象。至於咸 恒之變,則以二體盡變爲始,上下二體 相合爲再變,❸上下二體交互相重爲三 爻,下體一爻,坤變上體 爻,0下體 一爻。 ❷ 賁匪 則 一爻,下體一 乾 變上 體

問:「所論《上》、《下經》主卦與相遇卦,末 陰,陰方多陰 猶先天八卦方位,陽方多陽 艮、震、兑、巽爲主,而未嘗無乾、坤,亦 主,●而未嘗無艮、震、兑、巽,《下經》以 謂也?」曰:「此 陰極陽生,互爲其根,而 曰,「此猶分陰分陽,陰陽又互爲根」,何 M 未 論《 | 當無 上經》 無 陽。 窮 以 也。」 陽 而 乾、坤 極 未嘗 陰 生, 無 爲

本文所引,已自分曉。」 十五。 爲十。 謂二一 日

《洛書》則 圖》則七八連於前左、九六連於右後、五 豈非變乎。 六相對而成十,其數亦與《河圖》無異, 如一九、二八、三七、四六之歌,⑥各相 「「正變」字原無輕重,而有主賓。 圖只是參互呈見」,大意 主《河圖》而言,⑤則此 主《洛書》而言,則此 一與九、二與八、三與七、四 又以縱横偏正,●而數之皆 正 也,而《河 正也,而 何 如 ? 與 且 連

「二」,原誤作「一」,據乙本改。 「上下」,原誤作「下上」,據乙本改。 「一」,原誤作「二」,據乙本改。 論」,原誤作「謂」,據乙本改。 互」,原脱,據乙本補。 潛室陳氏」,乙本作「陳潛室」。 河圖洛書」、乙本無此四字。

問:

經緯

表裹之説,潛室

主陳氏

謂

經

其

正, ●緯言其變,而二圖互爲正變」,與所

○朱子圖説

河圖洛書

主」,原誤作「六」,據乙本改。 歌」,乙本作「數」,是。 以」,乙本作「如」。「偏正」,乙本作「正偏」。

可以解陳氏之説。」
其互爲正變。朱子於此,蓋常發之,●正書》無異,●豈非變乎。舉此例推,可見與十守於中,各成十五,其數亦與《洛

可以列爲八卦。」●

各六。」
曰:「此言陰干、陽干各五,陽支、陰支五者,十日,六者,十二辰」,如何?」問:「朱子言曆法曰:●『二中者,五六也。

辰,各有分别,二終却無那箇可指,混併以一爲剛,二爲柔,二中以五爲日,六爲又自言其附會,何也?」曰:「此蓋二始問:「朱子引曆法,二終以十九歲爲一章,

方,謂有四角。《圖》數偶,故曰『用方』,曰:「《河圖》體圓,謂無四角。《洛書》體問:「蔡氏體用方圓之説,何謂也?」◎十九歲爲一章之數言之,故曰『附會』。」

《書》數奇,故曰『用圓』。」

方者徑一而圍四。圓三者,以一爲一,之象圓,圓者徑一而圍三。陰之象方,也?」曰:「凡數之起,●一陰一陽。陽問:「朱子謂「天地生數,到五便住」,何問

「亦」,原脱,據乙本補。

「蓋常發之」,乙本作「嘗發明之」。

疇,書何以爲畫卦」,據乙本、經文改。「圖亦可以明疇,書亦可以畫卦」,原誤作「圖何以爲

「五」,乙本無此字。

「列」,乙本無此字。

「何謂也」,乙本作「何如」。一曰」、乙本無此字。

起」,乙本作「始」。

<u>_</u>

参其 矣。既有 五 只於五,而萬物亦無能外。」 一,兩其一陰而爲二。二三之合則 一而成。 陽 故生數到五便住,所以 五,則六、七、八、九之數 뻾 爲三。 圍 四 者,●以其二爲 五 皆 行 爲 亦 遇 五

問:「劉雲莊謂:「水陰生於天一,火陽生 所指 於地二。 於陽,陽生於陰,而見其爲互根,非 互根者, 也。」 何指耶?」曰: 方生之始,陰陽 此 互 正所 根。」 謂 别 所 陰 生 謂 有

「《圖》有陰必有陽,有奇必有偶,生成相《洛書》何以謂之『肇其變』?」曰:問:「《河圖》何以謂之『揭其全而道其常」,

之分,豈不是變也。」 數各居其所,而不相合,陰陽又有偏正理。《書》有五而無十,非所謂全,生成理。《書》有五而無十,非所謂全,生成

問:「胡玉齋謂自《河圖》四象之合者觀之, 之老少迭遷」,何謂 横圖卦畫之成,而 象之列于四方者,各當所居之位,●象之 圖》與八卦横、圓 知四象分爲八卦,陰之老少不動,而 處于西南者,不協所生之卦。● 又曰「即 太、兩少數位相合,一太陽位,六太陰數。 圖 究圓圖 參考,便見《河圖 也?」曰:「此從《河 卦氣之運 素兩 陽 則

當所居」、乙本作「當其所處」。

[「]互」上,乙本有「交」字。

[「]協」,乙本作「合」。

^{■「}圓」。原脱,據乙本補。

圖》之北

横圖太陰

生坤

,坤亦!

居圓

圖

居西。 陽位三,而天三居東。 居之。少陰位二,而地二居南。 太陽數。 陰位,七少陽數。三少陽位,八少陰數。 陽之位居之。● 此之謂各當其位。」離,少陰所生之 故 日 「四象之合東北 西南陰方,而二陰之位 太陽位一,圖而天 太陰位四,而地 四太陰位,九 陽方, 一居北。 ; m 四 少

坤,太陰所生之卦也,與太陰所生之數 桂 也,與少 陰所生之數 八同 處 於 東 六

位 所生者乾也,而其 3 ●少陽所生者坎 數九乃 也,而其數七乃處 處乎西之坎 平

同

處於北

,●固協所生之卦矣。●

若太陽

南之乾位,6豈非不合所生之卦乎? 即

者,6而究圓 八卦之本於四象,而 圖 八 人 之列于四方, 而 陰

陰陽之畫以

成

横圖

四 陽之氣運行者,●而 象分爲 八 、卦。 動。 太陰 質 諸 數 河 六,原 圖 》,則見 居 河 其

> 西 少陰 北。 老少不動 原居《河圖》之南,横圖坎生於少陽,宜 反遷於少陽所居之南 横圖乾生於太陽,宜 生 少 陰數八,原居《河 離 也。 離 太陽數九,原居《河 亦居圓 方。 圖之東。 居 圖》之東; 圓 少 圖之西,乃 陽 此 圖》之 數 横 陰之 圖

「二陽」、乙本作「兩儀」。

太陽位一」至「地四居西」 四十

所生」、乙本無此二字。

「所生」、乙本無此二字。 固」,乙本作「故」。

「乃處乎西之坎位」,乙本作「乃與坎而居乎西」。

乃處乎南之乾位」,乙本作「乃與乾而居乎南」。

以」、乙本作「已」。

列」,乙本作「例」。 行」。乙本作「成」。

四象」下,乙本有「之」。

乃」、乙本作「今」。下一「乃」字同此 圖」,原脱,據乙本補

Ŧi.

居圓 此陽之老少迭遷也。」 圖 之南,乃反遷於太陽所居之西

問:「自《洛書》四象之分者觀之,象之居西 居西。 太陰數六居西北,位四居東南。 少,位數各居其所,太陽位一居北,數九居南。 者,悉協夫所生之卦?」●曰:「兩太、兩 南者,不當其所處之位,象之列于四 少陰位二居西南,數八居東北。 少陽位三居東,數七 此謂 四 象 方

之分。 位。 位一居北。少陽位三居東。 若西南陰方,而二陽之數居之,戴 東北陽方,而二陽之位居之,太陽 固當其所處之

則不當矣。 書》之南,則與乾居圓圖之南者協。 太陽生乾,而太陽之數 右七者,少陽之數,而居 太 居

九者,太陽之數,而居南。

西

陽之數居《書》之西,則與坎居圓圖之西 與坤居 陰生坤,而太陰之數居《書》之西北 圓 圖之北 治者協。 少陽生坎,而 列則 少

> 者協。 東北,則 四象悉協夫所生之卦乎。」 少陰生離,而少陰之數居《書》之 與離 居圓圖之東者協。●

問:「陽居四正 合也。」 《書》之四陰、四陽可配卦之陰陽耳、●非 隅,則配四陰之卦?」●曰:「此 謂《書》中陽正陰偏之位與卦之方位配 一,則配 四陽之卦。 但言 陰 居 其 四

問 金乘火位、火人金鄉之説。₲ 之數相易,雖 《圖》、《書》並言,然先有 曰:「西 南

「卦」下,乙本有「何

⁰ 如」三字。 悉協夫」、乙本作「盡叶于」。「卦」下、乙本有「者

固」,原誤作「同」,據乙本改。

[「]居」,原脱,據乙本補 陰」,原誤作「隅」, 據乙本改。

説」下,乙本有「何如」二字。 其」、乙本無此字。

寔有三十偶可紀。《圖》之數至於十,而積

四

九, 寔有二十五奇可紀。 二積而四, 而六, 而八, 而十,

在西金鄉也,而《書》則二七火人之。」也,而《書》則四九金乘之;《圖》之四九金、火指《書》。謂《圖》之二七在南火位金、火指《書》,●則位、鄉皆指《圖》,

問:「『左旋相生,右轉相克』是如何?」 时:「《圖》則北方一六水,水生東方三八木,●太是禹左旋相生。《書》則北方一六水,小豆面南二七火,火生中央五十六水,至西南二七火,火生中央五十六水,至西南二七火,火克東南四九金,金水克西南二七火,火克東南四九金,金水克西南二七火,火克東南四九金,金克東北三八木,木克中央五十土,●土復克水,是爲右轉相克。」

《書》倣此。」方,及中點之,則寔有五十五數

也。

而爲六,太陰數。便可對南方二,少陰位。 一、一、一、一、一、四九同處其方,是一、一、一、一、四九同處其方,是則一六、一、八、九者,四象之數。《河圖》位與數相對,而未嘗不相錯。曰: 問《河圖》位與數相錯,而未嘗不相錯。曰: 問《河圖》位與數相錯,而未嘗不相對,《洛

「復」,原脱,據乙本補。「私」,原無,據乙本補。「私」,原無,據乙本補。

「爲」字,乙本脱。

問《圖》、《書》積寔可紀之數。曰:「《圖》之

數十,積之爲五十有五。●

《書》之數九,

積之爲四十有五。

一積而三,每而五,而七,而

「此」字,原無,據乙本補。「概」,原誤作「慨」,據乙本「一積而三」至「書做此」六十字,乙本脱。

「是」,乙本作「此之謂」。

一七

爲九,太陽數。 便可 未嘗不相對也。《洛書》則一九、三七、 四,太陰位。 東方三得五而爲八,少陰數。 對北 方一; 南方二得五 便可對東方三,少陽位。1 太陽位。 M 西 爲七,少陽數。 方 便可對西 四 得 五 是 方 而

五 北三得五而爲八、●縱横交綜、●是未 不相錯 ,●故皆得 得五而爲七,東 也。 但覺 五 ൬ 成。 軒此 南四 得 論專主中央之 若但 五而爲九,東 論 錯 中 嘗 有

有五居中,則北

方

得

Ŧī.

丽

爲六,西

南

二八、四六,●彼此遥向,是相對也。

然

六,三對九,四對八,《洛書》六連一,七對,對中有錯,●則《河圖》一對七,二對

之象焉。宜更詳之。」

連二,九連四,八連三,又未嘗不有自然

詳見《啓蒙》玉齋論。<

● 之正。曰:「七九爲問《河圖》陰陽、老少、進退、饒乏進退、饒乏,

陽, 故六爲老陰。 退,由少陰八 無去處,故九 八,故踰八而 而退於六。● `陽主進,由少陽七而進。 進於九。● 爲老陽。 六則退之極,更無轉處,● 而退八之下爲七,故踰 進則饒,●故老陽饒於八, 六八爲陰,陰主 九則進之極, 七之上 更 爲

「少陽位」,原脱,據乙本補。

」「則」字、原無、據乙本補。

「東北」、乙本作「東方」、是。

「綜」、乙本作「錯」。

「主」、乙本作「重」。

「皆」下、乙本有「言」字。

「進退饒乏詳見啓蒙玉齋論」十一字,乙本「對中有錯」四字,乙本無。

「踰」。乙本作「迹」。

「故九」,原誤作「九故」,據乙本改

「踰」,乙本作「迹」。

「饒」,原誤作「鏡」,據乙本改。「更無轉處」,原脱,據乙本補。

者,陰之常。此所謂『正』。」●陰乏於九。進而饒者,陽之常。退而乏少陽饒於六,退則乏,故老陰乏於七,少

問:「陰陽老少互藏其宅之變,蓋言老陽數 爲退。此先儒所未發, 於二之外。陽順行而進,每今則自東南而逆,母故 成,6故七則由老陽之極退而爲少,而成 位西,而成於一之外。七則非由積數 六者,生數二、四之積,故二位南,●轉四 轉三位東,人五位中,而成於四之外。 九者,生數一、三、五之積,故一位北, 老則由積生數 固見其變。 居老陰位,老陰數居老陽位,二少亦然, 西而南,八則自北而東,何謂也?」曰: 西"六則自南而 ·大槩成數居生數之外,太少雖同,®然 但 九則 而成,少則老之極而退。 西,自西而北,七則自 但 以 自北 理推 , 6當是如此。 而 東,自東而 而

六與九,●迭爲消長。迭爲者,●六進爲問:「《洛書》之縱横十五,而七、八、九、六體,不過謂十五之數,皆八七、九六之裝,不過謂十五之數,皆八七、九六之則,不過謂十五之數,皆八七、九六之則由老陰之極退而爲少,而成於三之則由老陰之極退而爲少,而成於三之

「正」下,乙本有「詳見啓蒙玉齋論」。

■「太少雖同」,乙本作「大小相同」。

「故一位北」至「二四之積」二十六字、乙本脱

「故」下,乙本有「自」字。

□ 「七」下,乙本有「八」字。

「而」,乙本作「爲」。

「但以理推」,乙本作「以理推之」。「則」字,乙本無。「自東南」,據文意似應爲「自西南」。

「而」,乙本作「爲」。

「八七」,乙本作「七八」,恐是。

「六與九」,乙本作「九與六」。

「者」、乙本作「進退謂」。

一九

之『迭』。」
爲七,則陰消而陽長,●各有消長,●是謂爲七,則陰消而陽長,●各有消長,●是謂陰長,七進爲八,則陰長而陽消,八退九,則陽長而陰消,九退爲六,則陽消而

之餘,●即九、八、七、六之數也。」對皆十數。以十分之,則一、二、三、四何所指?」曰:「此指六、九、七、八而何所指?」曰:「此指六、九、七、八而問:「多伍錯綜,無適而不遇其合」,合字

數,●兑、震、巽、艮得一、二、三、四之之,●謂乾、坤、坎、離得九、六、七、八之之,例謂乾、坤、坎、離得九、六、七、八之。」《註》:『又以四象位數言問:「朱子云:●「析四方之合以爲乾、坤、問:「朱子云:●「析四方之合以爲乾、坤、

大綱。 居三而數則七,太陰位居四而數則六。 數則九,少陰位居二而數則八,少陽位 爲少陽,一、六爲太陰。 圖》四、九爲太陽,三、八爲少陰,二、七 以外面四生、四成之數取爲八卦,此是 發以備其義也。大抵《河圖》虚其中,而 補 曰:「此朱子明聖人則《圖》畫卦之旨,互 四 隅之空。」其 然其畫卦,則本於四象。 義 可 太陽位居一而 相 貫 通 否?」 在《河

「土」,原誤作「三」,據乙本改。「指」,乙本作「主」。「指」,乙本作「主」。

「爲」,原脱,據乙本補。「哉」上,原衍「以」字,據乙本删「之」字,乙本無。

「云」字,原無,據乙本補。

「通」字、乙本無。

爲乾、坤、坎、離、●而在四正之位,依

、二、三、四之次以爲兑、震、巽、艮,而

位。」而繼之曰:「析六、七、八、九之合以

《圖説》本文,蓋主八卦之位言。● 注者 此卦氣之運先天圓圖,是也。朱子於 補四隅之空。分陰分陽,陰陽互爲根, 得於四象之位者,以爲兑、震、巽、艮,而 之成先天横圖是也。● 卦畫既成,析六、 四得其位。 乾九坤六離八坎七得其數,兑一震二巽三 離、坎,而居四正,依一、二、三、四之次 七、八、九之與生數合者,以爲乾、坤、 自一至八,陰陽相間,此卦畫 艮

問:「乾、坤、坎、離得其數,兑、震、巽、艮得 差若是,每何也?」曰:「此朱子及前輩 未可以畫之先後、爻之陰陽分别,而 之陽爻,兑、震、坤、坎皆後畫之陰爻,似 其位,考之横圖,則乾、離、巽、艮皆先 儒之所未發,每但細認成卦之畫,則 書

> 爲十五,一對四,二對三,而各爲五,方 儀 或者必如是,然後九對六,八對七,而各 儀生陰爻,陰 生陽爻,陰儀生陰爻,昏皆得 儀生陽爻者,皆得其位。 其數, 陽

問"「五十五爲《九疇》之子目,何 見整然對待之妙耶。」●

「卦畫」,原誤作「畫卦」,據乙本改

也。」●五行五,五事五,八政八,五紀五,皇極一,三

曰:「蓋

指《九疇》中所

陳 事

物

之數

也?

- 「爲」字,乙本無。

「之」、乙本作「方」。

引朱子之言,乃論八卦之所由成,●而後

- 「之」字、乙本無。
- 「參差」上,乙本有「其」字。 而後及於方位」六字,原無,據乙本補。

前輩」二字,乙本無。「之」字,乙本無。「所」,原脱

「陰爻」下,乙本有「者」字。

據乙本補。

- 耶」字、乙本無。
- 蓋」、乙本作「此」。

德三,稽疑七,庶徵十,福極十一,總共五十五件事

物也。

問:《洛書》五自含五得十,爲大衍之數, 問:《洛書》五自含五得十,爲大衍五十五 數。積五與十謂以所含之五積之,則又 數。積五與十謂以所含之五積之,則又 數。積五與十謂以所含之五積之,則又 合本身五與所含一、二、三、四之十爲十 一方、一、一、一、一、四之十爲十 一方、一、一、一、四之十爲十 一方、一、一、一、四之十爲十 一方、一、一、四之十爲十 一方、四、一,爲《河圖》之數,何 一方、四、一,爲《河圖》之數,何 一方、四、一,爲《河圖》之數,何 一方、四、一,爲大衍之數,何 一方、四、一,爲大行之數,何 一方、四、一,爲大行之數,何 一方、四、一,爲大行之數,何 一方、四、一,爲大行之數,何 一方、四、一,爲大行之數,何 一方、四、一,爲大行之數,何 一方、四、一,爲大行之數,何

宫。干支之數自甲子至癸亥,其陰陽配角,上下相生之數,究於六十而旋相爲如?」●曰:「律吕之數自黄鐘宫至仲吕問:「聲律、干支相乘之數,究於六十何

曰:「干支則以甲子起數,甲而乙,乙而問:「聲律、干支之起數不同者,何也?」●

合之數,究於六十而復起甲子。」

是其不同也。」 損益、上下相生爲序,不依聲律之次,**6** 起數,而林鐘爲徵,太簇爲商,皆以三分 配合,而各依次第。 丙,子而 丑,丑而 寅。 聲律則 六甲 五子, 以 黄 鐘 爲宫 循 環

數六,以四因之,四六爲二十四。合之成數九,以四因之,四九則爲三十六。老陰十、●如何?」曰:「皆以四因得之。老陽問:「陰陽老少策數、●自相配合,皆爲六

者何也」三字,乙本無。

「爲」字、乙本無。

[「]共」,乙本作「之」。「事物」二字,乙本無。

^{)「}何如」二字,原無,據乙本補。)「中」下,乙本有「五」字。「數」上,乙本有「五」字。「數」上,乙本有「五」字。

[「]五」,原誤作「六」,據乙本改

[「]兌次」、乙本作「爲數」。

六十。 十八。合之亦成六十。● 其悉 少陽數七,以 少陰 數八,以 四 四 因之,四七則 因之,四 八 以 則 四 爲 爲 因

問:「五運、六氣、《參同》、《太乙》之屬, 出 火。 統 坎 修 干 運 西陽 之究於六十也。 何以謂之『無不相通』?」曰:「此亦指數 者,●蓋象有四,而揲蓍亦以四也。」● 相火,丑未太陰濕土,辰戌 庚化金,丙辛化水,丁壬化木,戊癸化 於 爲 養之書,漢魏伯陽所作。 配 亦 必 明 ,其餘十二運分布六十卦,是皆有 日家陰陽之書,以乾、坤、否、泰爲 藥鼎,餘六十卦分爲火候。《太乙》 氣,則一年合有六氣,6而五運、十 六氣者,子午少陰君火,寅申少 周六十氣 燥金,巳亥 五運者,甲己化土,乙 而復始。 厥 陰 風 其法乾、坤、離、 木。 《參同契》乃 太陽寒水,卯 總之,以 陽

取於六十之數。故曰:「無不相通。

十二律三分損益隔八相生序九忽爲絲,九《太乙》出於《鴻鶴統紀》之書。

絲爲

毫,九毫爲釐,九釐爲分,九分爲寸。

五寸五分五釐一毫。夾鐘七寸四分三釐七毫三絲。賓六寸二分八釐。大吕八寸三分七釐六毫。夷則寸三分。姑洗七寸一分。應鐘四寸六分六釐。蕤黄鱼九寸。林鐘六寸。大簇八寸。南吕五

毫四絲六忽三算。❺

无射四寸八分八釐四

毫八絲。

仲昌六寸五分八釐三

五聲次序

宮君。商臣。徵民。羽物。角事。

「亦」、乙本作「各」。

「四」下。原衍「因」字,據乙本刪。「悉」,乙本作「必」。

「参同」,原誤作「同參」,據乙本改。

「合」,乙本作「各」。

] 「三毫」。原誤作「二毫」,據乙本改。

111

五聲三分損益相生序

宮九九八十一。●商七十二。徵五十四。羽

四十八。角六十四餘算。

十二律協十二月序

黄鐘子。大吕丑。太簇寅。夾鐘卯。●

南吕酉。無射戌。應鐘亥。

姑洗辰。

仲吕已。

蕤賓午。

林鐘未。

夷則

申。

工学十二丰目记定目等三年 無身 5 见量 3

五聲十二律相配旋相爲宫序

黄鐘。宫,八十一下生林。

林鐘,微,五十四上

上生姑。姑洗,角,六十四下生應。應鐘,宮,四十生太。太簇,商,七十二下生南。南吕,羽,四十八

六十八下生无。无射,宫。仲吕,徵。黄,商。十二下生夷。夷則,羽,五十一上生夾。夾鐘,角,

二上

生

一蕤。

蕤賓,微,五十

六上生大。

大吕,商,七

黄,角。 林,羽。 羽。 大, 林,宫。 太,角。 角。 夷,宫。 太,徵。 南,宫。 夾, 姑,徵。 夷,商。 徵。 无, 夾,羽。 應, 商。 商。 仲, 无, 賓, 羽

> 南、徽。 宫。 姑,宫。 角。 无,徵。 仲,宫。 姑,商。 應,徵。 仲, 黄,徵。 應,羽。 賓, 商。 商。 林,商。 黄,羽。 蕤,角。 大,羽。 大,羽。 林,角。 夷,角。 太,宫。 南, 夾,

伏羲八卦次序以下●

問:「「自乾至坤皆得未生之卦,若逆推 後,方一陽畫生乾時,●未便生兑, 故自乾至坤數之,皆得未生之卦 陽生乾、兑時,未便有 辰之比」,何謂 春 而 逆推春後之夏秋冬也。」 也?」曰:「卦之畫 離、震以下諸卦。● 猶 方太 有 在 先 四

「餘」下,乙本有「一」字。

九九二二字,乙本無。

「伏羲八卦次序以下」八字,乙本無。「夾」,原誤「太」,據乙本改。

「以下」,原誤作「下以」,據乙本改。諱,今回改。後同此,不再出校。「生」,乙本作「在」。「時」,原作「辰」,乃避越阮翼宗

0

四四

問:「四 不盡同,但借其説,以明其象之有四耳。」 屬火,秋西屬金,冬北屬水。 爲少陽,金陰稱爲少陰,春東屬木,夏 北 以水陰盛爲太陰,火陽盛 何 象 謂 如春夏秋 也?」曰:「此本周子《太極 冬、 金 木 爲太陽,木陽 水火、 其爲説與此 東 圖 西 南 穉 南

問《列子》「混淪」之云、《漢志》「涵三爲一」 之説。曰:「《列子》意以天地萬物之氣 才爲一氣。 未判爲混淪。 二説皆指太極爲一氣。」 《漢志》意謂含天地人三

問:「「數往者順」,邵子謂:「順天而行 陽生。 陽,陽 往來、左右、順逆之辨?」曰:「此 第考圓 謂:「若逆天而行是右旋,皆未生之卦。」 左旋,❶皆已生之卦。」「知來者逆」,邵子 極陰生,異一陰至坤三陰,●陰 循環 圖 桂 流 氣 行,❸皆由左而 之運,自震 一陽至 右,如 所謂 乾 何 是 有 極

> 者,既 則由 所謂 逆,然詳味「若」字,則順逆之義,亦非專 自 皆爲逆推其未生之卦。至於左右之辨, 乾,皆爲進數其 義不同。邵子蓋借以 似右行。 於異爲將來,故自異而坎,而 逆者,於其將來而豫知之也。 離於震爲既往,故自震而離,而兑,而 北 以乾、坤爲縱。 而 順者,因 往之往 東,有似左行,巽 其寔與左旋 其 3 既 所 已生之卦。● 往 謂 自其中觀之,震則 面 來 左旋爲順,右行爲 相 者,將 追數之也,所謂 生、 (則自 、右轉 南 蓋乾、兑、 艮,而坤, 坤、艮、坎 來之來; 加 相克之 西,有

- 異」上、乙本有「自」字。 是」下了乙本有「在」字。
- 循環流行」四字、乙本無。
- 進」,乙本作「追」。

主。● 此意明矣,宜細思之。」

己謂也。」詳見《啓蒙》玉齋胡氏論以下二條。● 之意。● 其言陰陽,非《易》中陰卦、陽卦之意。● 其言陰陽,非《易》中陰卦、陽下陰地之太剛,故以此解上陰下陽、上陽下陰地之太剛,故以此解上陰下陽、上陽下陰

問:「天以始生言,地以既成言,此節 既 陰者,以其爲 不能,故陰上陽下。 論天地生成之義?」●曰:「此承上 震、兑所以上陰 成之後則尊卑定分,故陽上陰下。」 天以生物爲主,始生之初 地之陽。 而 下陽者,以 巽、艮所以 地以 成物爲主, 其 上陽下 非交泰 爲 天之 何故 文

> 居 盈 卯酉,朔至望漸盈,望至朔漸虧,●惟二弦 爲卯 乎坎、離也。 也。 兆於 寅, 陰陽之和。自一月言之,則上弦、下弦 經卯,人必經酉,是日月運行之道,必由 中,其位當乎卯酉 西。 凡日月冬行南陸,夏行北陸,而 虧之半。 酉,冬至極 而寔著於卯; 是天 自四 以晝夜,則二分節 地 陰,夏至極陽,惟二 生消 時言之,則春分、秋分 故凡天地開 闔 物 之機,必 雖 始 於戌,而 物 由 候其長 雖 坎、 一分爲 出 始 離 爲 必 己 於

乎坎

問:

「天地闔闢,日月出入,春夏秋冬,晦

朔

字,疑誤。

玉齊」二字,乙本無。「條」下,乙本有「日月出入」四

離,何謂

也?」曰:「此言坎、離爲陰陽之

弦望,晝夜長短,行度盈縮,莫不由

[「]意」上,原衍「畫」字,據乙本刪。」「善」,又本作「重」。

[「]飽」,乙本作「説」。

[「]朔漸」、乙本作「晦漸」。「地」、原誤作「物」、據乙本改。

爻、二爻、三爻、四爻之序,●何謂也?_

之,●是自坤至乾,自乾至坤。但所謂

爲中度,而非如冬夏有盈初縮末、縮初盈 末之差。由此言之,坎、離功用顧不 夜長之過。● 以行度,則二分八曆其 短均齊●,而非如冬夏有晝長夜短、晝 盈 短 縮

問:「天地開物闔物如何?」●曰:「開是發 焦之意已於酉月見之。又於一日之 卯月,草木零落,6雖在戌月之後,而枯 寅月之前,萌芽已動,而成花成葉多在 中,二月爲卯,八月爲酉,花卉之生,6雖 葉之披合亦然。● 此最易驗。」 中,●卯則群動作,酉則群動息。 植物花 生意,●闔是收藏肅殺意。● 且如一年之

離爲前二,兑、乾爲後二,右邊則巽、坎爲 卦、第三卦、第四卦之爻也。左邊則震 自午至子,則巽爲第一卦,●坤爲第四卦。 自子至午,則震爲第一卦,乾爲第四卦; 曰:「一、二、三、四是言第一卦至第二卦。 一爻、二爻、三爻、四爻言第一卦、第二

均齊」、乙本作「皆爲均」。

「晝長夜短晝短夜長」,乙本作「晝短夜長晝長夜短」。

開物」下,乙本有「於卯」二字。 於酉」二字。

- 一發生」,乙本作「生發」。
- 藏」,乙本作「飲」。
- 「卉」、乙本作「草」。 於」。乙本作「如」。 零」,原誤作「苓」,據乙本改。
- 謂」字,乙本無。

亦」、乙本作「皆」。

問:「蔡氏論先天八卦方位,謂:『其法自子

中至午中爲陽,●午中至子中爲陰。』明

- 「明之」,原誤作「明明」,據乙本改。
- 謂」,原誤作「止」,據乙本改。

一」,原誤作「二」,據乙本改。

二七

「閩物」下,乙本有

前二,艮、坤爲後二。」

陽。右邊爲陰,以此例推。」陰,先於離上爻陽,免上爻陰,先於乾上爻震、離中爻陰,先於兑、乾中爻陽,震上爻是二爻,先陽而後陰?」曰:「左邊爲陽,則問:「在陽中、上二爻,先陰而後陽,在陰中、問:「在陽中、上二爻,

『自上而下交』。』 陰居圖右,右爲上,故言下而上交』。陰居圖右,右爲上,故言『自圓圖而言,陽居圖左,●左爲下,故言『自問陽上交於陰,陰下交於陽。● 曰:「此指

方太極生兩儀,不過一陰一陽。然獨陰孤「大抵卦之所以成,不過一各生兩而已。問"「陰陽太少之交皆曰"半」,何也?」曰"

生,太陽、少陰,本陽儀中生也,而歸之陰太陰、少陽,本陰儀中生也,●而歸之陽根,然後各生一陰一陽,而爲四象焉。 但陽,豈有生理。 必各以半體相交易而互爲

知先儒下「半」字,亦非無意。」故也。八卦之生於四象皆可以此例推,則生者,則以陽得陰半,陰得陽半以爲之根

子異。 陰。 陽爲 柔爲坎,太剛爲艮,太柔爲坤。 陰爲震。 子以太陽爲乾,太陰爲兑,少陽爲離 爲太陽,陰爲太陰,剛爲少陽,柔爲 〔附〕看邵子分四象、八卦,●朱子釋與邵 其言陽與 剛、太陰爲柔。 邵子以太陽爲陽,少陰爲陰,少 四卦,天四象。● 少剛爲巽,少 剛同,而言陰與柔異。 朱子釋之,則 四卦,地 日 邵 少 陽

「死於陽」下,乙本有「何如」二字。

「生」字,乙本無。下「陽儀中生」之「生」字同、「圖」,原誤作「圓」,據乙本改。

● 「天」上,乙本有「爲」字。

六十四卦胡氏論。● 总、巽、坎同,言離、震、艮、坤異。● 義見象,●離、震,巽、坎爲地四象。 其言乾、四象。● 朱子以乾、兑、艮、坤爲天四四象。● 朱子以乾、兑、艮、坤爲天四

立天之道,●曰陰與陽。



問:「「二數殊塗,不約而會」,何謂 加一 矣。 與圓 即繼之曰「二數殊塗,不約而會」云云, 奇一偶●云云。 合。但詳朱子此段語意,先説一卦之 以横圖明之。 是所指二數,謂加八相錯之數與三倍横 上,各加八卦以相間錯,則 曰:「玉齋胡氏謂此段雖通論圓 倍,而卦體横分亦爲六十四矣。 然第三爻之相交,則生第四爻之一 圖 所分而言,二數相 所謂二數者,指横 以至六畫,則三畫者亦各 參皆不 六十四 圖 圖 也? 一,寔先 約 卦成 所 生 疑 而 加

「鬼坤」,原脱,據乙本補。「地」上,乙本有「爲」字。

「義見六十四卦胡氏論」九字,乙本無。「艮」,原誤作「巽」,據乙本改。

圖兩旁「立天之道……曰柔與剛」十六字,乙本無。

四」、乙本作「一」。

二九

耶。 坤。 外横圖之所生,何得言殊塗不約 即 數相符之妙耳。不然,則玉齋常言 分之數,其卦皆六十四,其 横圖,●規而圓之,是圓 蓋引横 此説恐不能無病。」 圖以明圓 圖,而 圖所分, 序皆始乾 極言横 而會 原 圓 圖 終 不 圖

問:「朱子論四象生八卦,曰:「乾一奇,今 坤得 之四,今又分爲八矣,何謂也?」曰:「此 儀、象儀初爻、象二爻。● 故乾得一奇,兑得一偶,離得一奇,震得 象生八卦時,則四象上各生一奇一偶。● 儀已分爲四儀,是初爻象是二爻。 本横圖以明圓圖。 卦之第三爻,餘皆倣此」,而初爻、二爻 分爲八卦之第三爻,坤一偶,今分爲八 偶, 巽得一奇, 坎得一偶, 艮得一奇, 一偶,各爲 本卦之第三爻,則 蓋兩儀生四象時,兩 已成四段者,今又 向之 到 四

> 分爲八矣。但朱子欲省文,故獨舉乾、 分爲八矣。但朱子欲省文,故獨舉乾、 以對之第三爻」,正謂此奇畫。今就 以對之第三爻」,正謂此奇畫。今就 以對之第三爻」,正謂此奇畫。今就 以對之第三爻」,正謂此奇畫。今就

至此而閉藏,但可以翕言,故立言故可以分陰分陽。坤居下而括終,萬物同,然乾以君之,居上臨下,無不主宰,曰『乾以分之』,何也?」曰:「語分限則問。「乾、姤、坤、復皆爲陰陽之分限,●獨

38

常」、乙本作「賞」、二字通。

三〇

[「]會」、乙本作「合」。

[「]儀初爻象二爻」六字,乙本無。

[「]姤」,原誤作「垢」,據經文改。以下逕改,不出校。

有異。」●

問:「无極之前陰含陽,有象之後陽分陰。 間, 自坤 坤、復之間爲无 朱子言邵子就《圖》上説循環之意。 坤反姤是无極之前」,每何也?」曰"「此 乾是陽分陰。 朱子釋謂:『自姤至坤是陰含陽,自復至 而反觀 無聲無臭之理,乃无 ,則推之於前以至姤,故爲 坤、復之間,乃无極。 極者、蓋以一動一静之 極 而 太極。 謂 自

翕聚者,所以含畜此陽也。陽分陰者,至姤右邊屬陰,而陰中有陽,陰主闔,其至於乾,❸故爲有象之後。陰含陽謂坤至於乾,函故爲有象之後。陰含陽謂坤 自坤而反鸛,則推之於前以至姊。故爲

闢,其發散者,所以分布此陰也。」詳見《啓謂復至乾左邊屬陽,●而陽中有陰,陽主

問圓圖陰陽順行逆行之説。● 曰:「行者,蒙》玉齋胡氏論。

而終微。左爲陽,右爲陰,按圖自見。」自上而下,陰居陽方,自下而上,皆始盛下,皆始微而終盛。逆行者,陽居陰方,居陽方,自下而上,陰居陰方,自上而或上或下,自此適彼之意。順行者,陽

『緩速以漸』,此是發朱子未盡之意。『緩速以漸』,此是發朱子未盡之意。● 然以其陽升陰降爲順,陽降陰升爲逆,然以其陽升陰降爲順,陽降陰升爲逆,

問:「翁氏言「陽順陰逆,不言可知」,此

「見」,乙本作「籗」。 乙本無此條。

「謂」下,乙本有「自」字。

「説」下,乙本有「何如」二字。

「是發」,乙本作「豈」。

十八陰,●爲始盛終微,其逆可知。」其逆可知。始於北二十八陰,終於南二可知。自復至无妄二十八陰,終於南二可知。自復至无妄二十八陰爲進無漸,也。● 蓋陰主降,而居陽方則爲升,其逆也。● 蓋陰主降,而居陽方則爲升,其逆

問:「然則所謂「陽居右方三十二卦則反」, 北則 刊 陰,否至坤 十陰,訟至師二十八陰,遯至謙二十八 方陽之進始緩終速者反。 陰剥,而坤以藏之。 三陰否,又三變 升者相反。 陰主降,自上而下,●與左方陽之自 此言右方三十二卦與之相反。● 是何也?」曰:「此「陽」字當作「陰」字, 寫之謬耳。 盛,與左方陽之北則微,東則著,南 三十六陰,南 歷十六變而二陰遯,八變 蓋前言左方三十二卦,故 ൬ 四 其退始緩 陰觀,又二變 則 自姤 微 終 西 謂右 至 速 則著, 升一 與 下而 而 左 而 方 Ŧī.

爲逆,亦不言可知矣。」則盛者反。此皆與陽相反。陰順則

陽

問:「玉齋胡氏謂「造化貴陽 《洛書》以奇數之陽統 之際、淑慝之分」、致 則抑陰 後天卦震以帝言,同 賤之意,孰切於此? 扶陽而 皆扶陽抑陰之意。 曰:「《河圖》以生數之陽統成數之陰 龍」,姤憂其陰壯 可知。 抑 陰一, 何處 又如坤 ,則「勿取」。 「 至於内陽外陰, 可見? 一尊陽之意。 先天 偶數之陰,造化貴 嫌 甚 品 於先陽, 桂 ൬ 乾以 别 又 賤 謂 如 陰, 凡 君言 何? 一消 則 尊 此 則 聖 陽 類 稱 長 人

[「]反」,原誤作「交」,據乙本改。」「終於南二十八陰」七字,乙本無。

[「]勿」上,乙本有「日」字。

子之半,可見矣。」

之區別,豈不深切著明者乎!」「小人道長,君子道消」。其於消長淑慝「君子道長,小人道消」,内陰外陽,則曰

附

実

賤,故有人物之辨。」

之生皆在下,故曰「根」、「窟」。 陽貴陰

爲陽,物爲陰,何也?」曰:「姤、復,陰陽

 \equiv

問:「邵子詩「天根月窟」,指姤、復二卦,人

問 巽至坤爲逆,即《説卦》所謂『數往者順, 謂「易,逆數也」。」 卦其次,●皆自乾一至坤八,即《説卦》所 知來者逆」也。 曰 圓 圓 圖 圖、左方自震至乾爲 一順一逆,方 方圖横看,内卦竪看,外 圖 有 逆 順,右 無 順?」 方自

圖,地也,主静,然中起於震、巽、恒、益,則以天地定位爲體,●而未嘗動也。方曰:「圓圖,天也,主動,然中起於乾、坤,問:「「動而無動,静而無静」,何謂也?」

則以風雷動散爲用,而未嘗静也。」

> 説。 夾坤之左右,今亦以艮納丙,震納庚,以 所納之甲、壬。《先天圖》以震、艮二陽 先天坎、 虚消息,循環無窮而已。」 夾坤所納之乙、癸。 左右,故亦以兑納丁,●巽納 故納己。 但求其大意,亦不過始陽終陰,盈 離之居中, 《先天圖》以巽、兑二陰夾 意其分布,●亦各有 坎陽故納 辛,以 戊, 乾 夾 離 乾 之 陰

八卦納甲之妙,其源本於月受日光。

「外卦其次」、乙本作「内外其次舉」。「順」下、乙本有「如何」二字。

●「猶」,原誤作「然」,據乙本改。「居」下,乙本有「其」●「定」,原誤作「立」,據乙本改。

●「亦」、乙本無此字。●「意」、乙本作「亦」。● 「意」、乙本作「亦」。

「故」,乙本作「今」。

「以」,乙本無此字。

下兩

一以

夾

●「陽」,疑當作「陰」。

乙本無此段。

問:

「《火珠林》自《先天圖》

出,

如何?」

蓋陰陽各以類從也。●



三 五

坤而 宫而言,則由乾 四 法 不出《先天圖》之外。」 卦之序,●用 以 六十 復、臨、泰、壯、夬。● 四 桂 爲 意 而 八宫, 亦 姤、遯、否、觀、剥、●由 不同,但 雖 其消長之序, 非 即 先 乾、 天 坤二 六 +

問:「朱子答葉永卿論横圖 其漸 謂陰位。 做 言先從正中以處,分爲半,一進一退,令 順 自震、復却行,以至於乾,乃自巽、姤 兩 行以至於坤」,❸何也?」曰:「此大槩 截,轉來是奇,謂陽位。● 離, ●然後開合, 將來亦與前所言拗 同一意。 然轉來、轉去之説,比 成圓 轉去是 圖 云 「先 m

> 合。 進去右陰方,則乾遇巽、地 然浮而上者,●進 儀者,稍浮而上,在陰儀者,稍凝 竟未安,亦無 儀 中觀之,則 所生,三十二 規 加 陽 圓之如 以 儀 見。 卦 却 來左陽方, 在 是 此, 右 陰 卦氣之運,必在陽 儀 則 陰 所 雖 儀 逢 生。 凝 却 有 雷恰 在左, 而 些 在 下者, 而下。 些 好鬪 横 浩 畢 圖

「坤」下,乙本有「便成」二字。「聽」上,乙本有「由復而」三字。「聽」上,乙本有「由指而」三字,「垢」,當作「姤」。「爲」,乙本作「克」,據乙本改。

「仓」,乙本作「方」。

下「謂陰位」之「位」字同

「亦」,乙本作「然」。

「然」下,乙本作「然」。

之辰,只一横圖,然其中三十二卦是

陽

則」,原誤作「到」,據乙本改。

附以己意發之。

蓋

當

初六

十四四

.....卦

既

成

之句,及玉齋胡氏『規

而

員

之」之説,而

今當竊取其意

多多以

邵

子[遇巽

逢

雷

却行、順行之説

較

明。

但

皆引

而

不

發,

三六

作, 横圖寫其上下去來之勢,以便學者 字,❸皆不可以簡易看矣。● 今且 而邵子遇 不甚 依 原 巽 畫 逢 , 然 雷之義, 不 害其 其 爲 構 自 以 意 有 八 體 桂 落 此

陰陽上下來往之圖 認。 推之六十四卦 圓圖

「亦然。」

右陰

方

進 陽儀浮而上, 來左陽方。

兑 離

> 又帶少陽,則沉而微浮。 陰,則沉而又沉; 其進來右方者,

前頭 後

頭 西 紬

異五 震四 六十四 六十四 卦方位圖 卦方位圖 作 作 姤。 復

坎六 艮七

則浮而帶沉。 後頭陽又帶少陰 頭

太陽

,則浮而又浮;

其進來左方者,前

進 來陰方,

左陽

凝而下。

問:

「朱子謂『

(圖)雖

無

言,而《易》中一

字

義,無 自 其 中 流出者」,●何也?」●

> 長之理而已。」 曰 :「《易》中文字,不過説 陰 陽、 往來、

消

問:「先天六十四 成,但即其已成之八卦而重之。 後及運行之序,與陰畫、 過先畫乾單體八卦, 低次至坤 蓋八卦重爲六十四,若不 少,可不待按 圖 卦横圖、圓圖 而 知 乎?」 陽畫之行列多 論三 、方圖,其先 日 其法 單 加 可可。 倍 丽

些些」,乙本只一「些」字。

逢雷」,原脱,據乙本補。

·看」,原誤作「者」,據乙本改。

「其」,乙本無此字。「構」,原脱,

據乙本補。

圓圖」二字,乙本無。 學者」二字,乙本無。

者」字,乙本無。

何也」二字,乙本無。

卦」下,乙本有「兒單體八卦」五字。 可不待」,原誤作「不可」,據乙本改。

三七

坤。 乾單 陰 列 圖 地否、地天泰之類。 與夫六十四卦之上下體,如八純乾、八純坤、天 三、震 此皆不待索而能者,誠於乾一、兑二、離 次序。● 次 艮、坤三十二卦 卦居左,其序則始乾 陽 皆可 畫 皆 卦次之,以至第八坤八卦居上而成。 畫 (卦單體,共二十四畫,半陰半陽,乾 、陽畫 土 可 方圖則第一 而異、離、兑各二陽而一陰,坤三陰 乾、兑、 共六十 心四、巽 胸 以 八卦之上, 便成横圖 員 默 中 多少之數,又不可不知 圖 推,而 寫 五 離、震、巽、坎、艮、坤, 四 皆熟念而强記之,則此 |則取 出,面而 單體 、坎六、艮七、坤八之序, 居 乾 不 右,其 乾、兑、離、震三十二 八 八卦於下 勞於按圖 而終復,取異、坎、 卦居下,●第二兑 其次序、方位、行 序 則 , 然後 矣。 始 六十 姤 其要。 至於 前 四 重 等 紁 桂 於 依

> 陽故也。 矣。下體艮、坎、震之八卦必二十八陰 體十六陽,合上體 八陽,而二十陰。 必三十六陰,而 而 每卦下體 十二,以下體 則下體乾之八卦 圃 艮、震、坎各二 二十陽。蓋此三卦者,每卦下體十六 八陰,合上體十二陰而爲二十 下體異、離、兑之八卦必二十 無 陰 陽只 陰 必三十六陽,而 故也。 蓋 十二陽而爲二十八。 而 此三卦者,每卦下 有十二,以 陽。 下體坤之 以 此 下 陰只有 推之, 體 八 卦 無

體

便」上,乙本有

「又依此次畫

八卦於兑單體

八十

圖」原脱,據乙本補。

^{●「}坤」下,乙本有「共」字。

❷ 「八」字,乙本無。

母「重於乾單卦八卦」,乙本作「單體卦重於乾單卦」。

^{●「}第一」,原脱,據乙本補。以至坤而終」二十字。

右行,則乾皆上體,

是也。

餘

可

類

推

也。

凡

此

先

辨而、 然横 能推此,則凡圖 體八陽,合上體 ൬ 某方,陰陽多少之數 陰,合上體十二陰而 方圖 過、圓、圓 卒 應。 則八卦 圖 蓋 八卦分布,只 相錯,又有横看、竪看之 所守至簡,故 中某卦至某卦, ●某方 十二陽而 ~~、欲有 爲二十八。 爲二十矣。 可 所求,皆可 能御煩 以一例看 每卦 也 立 至 果 F

一行,陰陽之數同,在下第二列,與右邊陰陽之數同,在上第一列,●與左邊第分。方圖在下第一列,與右邊第一行,

四列之與右邊第三行、第四行, 上第三、第二行, 陰陽之數同。以至下第三、第

第二行,陰陽之數同;上第二列,與左邊

之同故也。●同如第一下列,●則乾皆下體,●第之數皆同。此又何哉? 以下體、上體第四列之與左邊第三、第四行,其陰陽

刑學皆と下可下豐翠手,●女许及之。」輩之所未發,●有不知其所以然,●而象數無窮之妙,

則學者之不可不體認耳,●故并及之。」

問夏、商、周之《易》取用不同。曰:「《連

以坤爲首。《周易》以乾爲首。」

山》夏《易》,以艮爲首。

《歸藏》商《易》,

時而成,●以變化萬物也。」問文王八卦乃八用之位。曰:「用者,主

四

;「吃上今子,申上今子,欠冬今時而成,●以變化萬物也。」

問:「乾生於子,坤生於午,坎終於寅,離終於

「凡」、「中」,原脱,據乙本補。

字,乙本無。
■「在上第一列」至「左邊第二行陰陽之數同」四十七

● 「以」,原誤作「比」,據乙本改。

同如」二字、乙本無。

● 「下」上,乙本無「皆」字,下「皆」字同。

「推」,原脱,據乙本補。

「有」字,乙本無。「所以」,原脱,據乙本補。「此」,乙本作「是」。「之所未」,乙本作「皆未之」。

「體」、乙本作「細」。

「成」下、乙本有「用」字。

三九

曰『終於申』。」曰:「此言四辰相交之意。● 蓋《先天 曹。」曰:「此言四辰相交之意。● 蓋《先天 中。」曰:「此言四辰相交之意。● 蓋《先天 申。」曰:「此言四辰相交之意。● 蓋《先天 □ [終於申」。」

問:●「玉齋胡氏解應天、應地之意,曰:●

定位,左右門開、《先天圖》所以明自然之曰:「此玉齋胡氏引而未發也。● 蓋上下也,不變而有定位。」其將變、不變如何?」無定位。後天主坎、離、震、兑之交,其交無定位。後天主坎、離之交,其交也,將變而

下,●則爲兑。 一澤雷以上下相易爲巽、艮,四時,各乘 旺氣以用事,焉可變乎?● 一少男進之後,艮爲少男、先天圖》在西北。陽主進,少男進之後,艮爲少男、先天圖》在西北。陽主進,一天地以中相易而爲坎、離,謂乾得坤中爻爲一天地以中相易而爲坎、離,謂乾得坤中爻爲一天地以中相易而爲坎、離,謂乾得坤中爻爲於、謂以坎之上爲離之上,●則爲震,以離之上爲此之心。一天地以中相易而爲坎、離,謂乾得坤中爻爲於,謂以坎之上爲離之上,●則爲震,以離之上爲於之心,則爲之心,則播五行於而無定位。若《後天圖》之位,則播五行於而無定位。

「胡氏」二字,乙本無。

「呼」下,乙本有「文王改先天爲後天圖」。

「難之上」下,乙本有「爻」字。「坎之上」,乙本作「坎之下爻」。

上,則反背而未濟,必將變爲泰,●爲既濟

然乾上坤下,則否閉而不通,坎下離

四〇

説皆非自然矣。

有發明。

紛紛諸


巽之上二爻爲艮之下二爻爲乾,以艮之下 艮。 説,蓋即《後天圖》已成之後,而言有此自然 之象耳,非邵、朱所言文王改易伏羲《先天 相」字疑作「反」,●謂兑反易爲巽,●震反易爲 一爻爲巽之上二爻爲坤。右董氏相易之 風山以上下相交易爲乾、坤。❸謂以

進而上至南,東退而下至北,皆中度也。 離既變爲既濟之後,則離居西,坎居東,西 朱子謂「坎北進之中,離南退之中」,蓋坎

圖天後爲天先改王文 帝御案之論甚 先天之易爲後 天,惟看康 熙

圖外在圖天後内在圖天先

圖》之本意。」



「易」,原誤作「而」,據乙本改。 山」,原誤作「上」,據乙本改。「交」字,乙本無。 疑」,乙本作「宜」。「反」,原誤作「艮」,據乙本改。

底本實無圖,祇有標題及按語,乙本無圖,且無標

乙本無此圖。

題、按語。

四

問 生於春 終。 居 震、兑、坎、離 兑居西當收成之始,坎居 東當生育之始,●離居 當始者責輕,當終者責 而 長於夏,成 始終 輕 於秋 重之説。 南當長養之終, 而藏於冬,震 北當歸藏之 重。」 曰 : 物

問:「邵子謂:「乾、坤純陰純陽,故當不用 用,則獨陽 何也?」曰:「陰陽固易之本體,然語其 之位。」夫易基乾、坤,而乾、坤反不用, 不生,●孤陰不成。」

問:「蔡氏謂「西方爲陰不用」,●然考邵子 事,而乃以 得陰之多,是以爲天地之用。 兑居西用 之言,●則兑、離、異得陽之多,艮、坎、震 西爲陰 不用,何耶?」曰

以生成萬物,●此乃先天八用之本旨。 震、兑、離、坎居四方之正,配春夏秋冬 秋之卦,其爲有用也,不言可知

兑是正

蔡氏獨就四隅卦論之,●東則爲陽,●主

問:「邵子既以文王八卦爲八用之位,下文 震、兑、坎、離爲用事之卦,而乾、坤、巽、 艮則有半用、向用、全不用、全未用、未 乃自相矛盾耶? 獨以六子爲天地 用不復用之辨,果與邵子之意異乎?」 以居西隅耳,非槩謂正西之西也。」 之,所以 用,西爲 陰 居東隅; 不用,所 用,乾、坤不用,其言毋 乾、 朱子更爲之説,則以 以 明 坤 夫 陰 異、 陽 純 艮 之,の所 陰 陽 雜

生」、乙本無此字。

當」,原脱,據乙本

生」,原誤作「用」,據乙本改 重」下,乙本有「故也」二字。

考」,原脱,據乙本補。 陰」下,乙本有「故」字。

卦」下,乙本有「正中」二字。

純」上,原行「乾」字,據乙本删 則」,乙本無此字。

學爲 邵子之言爲矛盾耶? 若夫四時司序, 用 而 也。 之交居四方正位。巽、艮不交而雜當用 於四時之正,而四時之交交如夏末秋初,冬末 用之於春 雖皆天地之用,而天地之大德曰生,則 雖不用,而劉雲莊所謂『六卦之用,無 三男三女各得 中之偏,乾、坤陰陽 不容以槩論。● 此震、兑、坎、離以二氣 者,必由於二氣之合,而二氣之專者, 春初之類。● 者,不可以並言,成天地之用 曰:「以 ,即乾、坤之用」者,誠 非乾、坤之用」,胡 致用 雖然極陽、極 而 一夏之長養,其功用又多於春之發 八卦爲八用之位,槩言夫後天之 夏 也。 者,其意 其一體於乾、坤,則乾、坤 然司天地之用者,必在 陰乃乾, 純,又居偏中之不用 玉齋所謂「六子之 常 勝 確 、坤之全體 論 於秋冬之肅 也 ,豈得以 而 往

> 生。 用。 專論 純乎肅殺之地也。自巽、艮陰陽常用 之偏言之,●於巽則以長女可任事,● 養之方也。● 言之,於坤則以其母道常親,而曰『猶半 曰 [全不用]。全不用者何? 四隅之卦。 半用者何? 故朱子更爲之説,於四正 於乾則以其父道 自乾、坤純 謂居 西 而 陰 謂 猶 純 常尊, 向 陽 卦之後 西 於長 北 不 甪 則 而 中 而

乙本作「至」。 「夫」,乙本無此字。 「學」下,乙本有「之」字。「致」,

0

「二」,乙本作「一」。 "疑論」上,乙本有「一」字。 類」,原誤作「數」,據乙本改

·其意」二字,乙本無。「常」,乙本作「嘗」。

居」字,乙本無。 其功用」,原脱,據乙本補

間」,據乙本改 長女」,乙本作「女長」。 巽艮陰陽常用中」,乙本作「艮巽陰陽雜當用」。 「而」。乙本作「南」。 「向」, 原誤

四

問:「朱子更邵子之説,末云『故下文歷舉 就 坤不用」之義,説雖更而意未嘗悖也。」 不復用」,則又本邵子『巽、艮用 何? 漸 不用之别,●而曰『居東者未用,居西者 朱子此説 未習於事,●而曰『全未用』。全未 日 進 四隅不正之中,但以陰方、陽方爲用、 利 乎長養之方也。 向 東隅 用 所 **-**以 而 稍 發 猶 向用 邵子 向 於肅 於艮則 者何? 未盡、 殺之地 之意。 以 謂 其 偏,乾、 東 也。 用 至於 少男 隅 者 而

> 問:「邵子論《先天圖》曰:『乾、 條説 之用也。」先言横而後言縱。❸ 《後天圖》曰:『震、兑横 子横,易之本也。」先言縱 方可通。」 此。 也?」●曰:「先天對待以立體,所 今編經者只舉邵説,6 釋之,殊覺突兀,須詳《説卦》文意 而六卦縱, 丽 後言横 而 其不同 坤 以 縱 朱 重在 子 而 何 論 六 此

前一章」三字、乙本無。 陰方陽方」,乙本作「陽方陰方」。 歷」,原脱,據乙本補 猶」,乙本作「獲」。「向」,原誤作「 少男」、乙本作「男少」。

間

據乙本改

於後天方位圖下、邵説之前先引《説卦

曰:「朱子此條説

本出《啓蒙》。

《啓蒙

三章,前一章自『帝出乎震』至『成言乎

六子,而不數乾、坤」,云云。何指乎?」

舉」,乙本作「編」。

卦」,乙本作「子」。 」,原誤作「横」,據乙本改。

同」、乙本作「齊」。

而

不及乾、坤。

朱子所謂『下文』蓋指

妙萬物爲

言』至『莫盛乎艮』,只舉六子

艮一。皆歷舉八

卦, ●後章自『神也者,

之縱成全於冬夏者,資之以爲始。」●見有震、兑之横以當春秋之分,然後六卦主。後天流行以致用,所重在震、兑。然後六子之横布列於東西者,倚之以爲乾、坤。●有乾、坤之縱以立南北之位,●

西方。● 此蓋言明之生,●必始於西耳。」近。日既没,其光射月,便有些子明在左旋,但月受日光,晦朔之後,離日甚問:「月生於西之説。」曰:「日月本皆隨天

《啓蒙》玉齋胡氏論

四月之半,而爲純陽之乾。自姤一陰生陽生於十一月之半,●歷頤、臨、泰、夬至分屬十二月之類,各不相通。蓋自復一但與其他所説四時之陰陽,●如十二卦夏秋爲陰,與彖辭相表裹,自是一説。指?」曰:「朱子意謂此所論冬春爲陽,

次第,●非截然冬爲陽而夏爲陰也。」而爲純陰之坤。此方是陰陽生消微長於五月之半,歷遯、觀、剥至十月之半,●

「所」,乙本作「則其」。

問:「朱子答袁樞有十二卦之説,何所

② 「立」,乙本作「定」。

③ 「之」字,乙本無。

●「便」,原誤作「但」,據乙本改。

字。 「此蓋」,乙本作「蓋此」。「明」下,乙本有「在西方」三

「十一」二字、乙本無。

6

「他」,原脱,據乙本補。

「所」下,乙本有「以」字。

「遯」下,乙本有「否」字。

方」。乙本作「皆」。

四五

桂 變圖

問自然之易,伏羲、文王、周公、孔子之易。 文王、周公之易,變卦是孔子之易。」 書》是自然之易,先天是伏羲之易,後天是 曰:「此疑是朱子就九圖説,《河圖》、《洛

問:「程、朱所取變卦,同異如何?」曰: 或下换上,有自一卦來者,有自二卦來 卦,大抵言卦中互换一兩爻,或上移下, 則云「剛自外來」。● 朱子所取者十九 否上下二體,各交易一爻而成,其二卦 「程子所取者九卦,其七卦大抵云自泰、

者,有自三卦來者,各有所指。要之,程 今仍卦序圖列,●而註程、朱所取之義于 子所取九卦,亦在朱子所取十九卦中。

下,以便稽考。」

彖曰:「剛來而 二剛自外來而成訟。」朱子謂。「自 得中。」程子曰:「九

> 彖曰:「小往大來。」朱子謂:「自歸 遯而來▓,剛來居二,柔進居三。」●

妹來豔,六往居四,九來居三。」

象曰:「大往小來。」朱子謂:「自漸

而來弄,九往居四,六來居三。」

居初門,自噬嗑九來居五門,自未 居乾之上||||。」朱子謂:「自困九來 卦,乾之上來居坤之下,坤之初往 彖曰:「剛來而下柔。」程子謂:「否

蠱

濟來兼之門。」

彖曰:「剛上而柔下。」程子謂: 之上六下而爲初六。」朱子謂:「自 「自泰壨,乾之初九上而爲上九,坤

- 「二」,原脱,據乙本補。 此題,乙本無。
- 進」,原誤作「異」,據乙本、經文改。 仍」、乙本作「依」。

妄无

彖曰:「剛自外來而爲主於内。」程子

「初爻剛自外來。」朱子謂:

「爲

賁 來者,九五上 來者,初九 上 ൬ 上六下三,自既濟 而六二下型,自井

彖曰:「柔得中而上行。」朱子謂:

來者兼之‱。」●

得其中。」 自益卦 11六四之柔上行,至 五 而

上來 上而 文於艮之上也」。朱子謂:「自損 文其上而爲艮。」「分乾之中爻,●往 來文其中而爲離,上體本坤,剛 柔。」程子謂:「泰||||下體本乾,柔 彖曰:「柔來而文剛,分剛上而文 ■來者,柔自三來而文二,剛自 而文五,剛自五來而文上。」 文三,●自既濟≣來者,柔自 往

彖 卦自訟而變||||,九自二來而居於初。] 曰: 剛 上 ൬ 尚 賢。」朱 子謂

畜大

成

「自需來量,九自

五

而上。」

兑,剛下變柔而成艮」。朱子謂:「自 彖曰:「柔上而剛下。」程子以否卦言 **|||**,「柔爻上而剛爻下,柔上變剛 而成

旅來買,柔上居六,剛下居五。」 彖曰:「剛上而柔下。」程子以泰卦 膏嬲√乾之初上居於四,坤之四

55

恒

居二,柔下居初。」

居於初。」朱子謂:「自豐來豐,剛上

彖曰:「柔進而上行。」朱子謂:「自 觀 丽 來買爲六四之柔,進而上行,

晉

既濟」上,原行「未」,據乙本、經文删。

二上」,原誤作「上來」,據乙本、經文改 「分」上,原衍「其」字,據乙本、經文删。

■ 彖曰:「柔進以至于五。」

居三,自中孚三而來,柔進居五,剛。」朱子謂:「自離而來三,柔進象曰:「柔進而上行,得中而應乎

謂:「自渙耳而來,九進居三,自旅

三離

下

而爲上,●遂得正位。」朱子

否卦言,●∭

四四

復上進

而得

正位

自家人來者,●兼之豐。」

謂:「自小過訓而來,陽進居五而彖曰:「利西南,●往得中也。」朱子

得中。」

來,●三往居四,●人於坤體,二居吉,乃得中也。」●朱子謂:「自升訓訓教曰:「利西南,往得聚也。其來復

其所而又得中。」

于」,原脱,據乙本、經文補。

彖曰:「進得位,往有功也。」程子以

子」下,乙本有「謂」字。

下」,原無,據經文補。

[李]上,乙本有「而」字。

□ 「對自
□ 「內」,原誤作「往」,據四本、經文改。
□ 「內」,原誤作「往」,據四本、經文改。
□ 「內」,原誤作「往」,據四本、經文改。

二,六上居四。」朱子謂:「變自漸買上同。」程子以否買卦言,「九來居彖曰:「剛來而不窮,柔得位乎外而罰而來,九進居五。」

得九之位,●而上同於四。」 卦九來,●居二而得中,●六往居三

卦。

圖中變之序,如乾則自初一爻變爲

姤,經六十三變,●則六爻盡變而爲

坤

程子九變卦歌訣

坤變。 隨、蠱、賁、咸、恒、漸、涣,七者皆自乾、 訟 與无妄剛外來,程子傳中凡

九見。●

朱子十九變卦歌訣

困次嗑未濟兼、●蠱則賁、井、既濟改。 訟自遯變泰、歸妹,否從漸來隨 嗑六五本益生,賁原於損、既濟會。 无 三卦。 暰 自

蹇利西南小過來,解、升二卦相爲體。 妄、訟來大畜、需,咸、旅、恒、豐相更代。 晉從觀更睽有三,●離與中孚、家人 繼。 鼎

問:「《啓蒙》三十二圖 由巽至漸、涣、旅,涣自漸來終變例。 變例如何?」曰:

陰、老陰變陽之變,一卦可變爲六十 「此圖乃朱子 所作,即 筮 法 揲 蓍老 陽 四 孿

> 六爻盡變而爲乾。本是一卦一圖,以其 坤自初一爻變爲復,經六十三爻變,●則 順看逆推亦各具六十四卦。●今列乾、坤 相對,●故合二卦爲一圖,●共三十二圖

本誤作「漸來來九來」,據經文改。 變」,原誤作「卦」,據乙本、經文改。 漸卦九來」,原

「二」上,原衍「自」字,據乙本、經文删。

「之」,原誤作「三」,據乙本、經文改。

九」,原誤作「七」,據乙本改 "嗑」上,原行「噬」字,據乙本删。

睽有之」。 「經」,原誤作「終」,據乙本改

晉」,疑當作「震」,乙本亦作「晉」,經文作「震從觀更

「爻」字、乙本無。

其」,原脱,據乙本補。 合」,原誤作「今」,據乙本改。

推」,乙本作「看」。

四 九

桂 爲 例 餘 以 此 推。 其欵式雖不 盡 小,依

啓蒙》其序則如此 也。

乾坤二卦變例之圖

泰濟既恒濟未壯大孚中過大 過小 豐.... 頤 益証 困 蒙旦 損嘘噬蠱 晉 漸買 人家 **海**

需

隨 看乾卦 費以至坤 首乾次 終。 姤 順 數 至 井、 恒 噬

看坤卦,首坤次復,逆

數

至

噬

嗑、益、

恒、

井以至乾終。

問 朱子周易五贊以 何?」日 「朱子謂「前、後 一、「凡 筮卦中變至三爻,然 下 + 卦 又 自 有

貞

悔

۲,

如

前、後

千

卦之例。

蓋以

卦而變爲

六

後

有

四

卦,其中三爻變者,每爻之變皆十

卦。 + 變,至恒初、 卦, 自益二、三、四爻變, 至泰四、五 如占得乾卦,則自 五、上爻變,共 否初、二、三爻 十卦,●爲前

朱子周易五贊以下」,乙本作「朱子五贊」。 井」下,乙本有「疊」字。 恒」下、乙本有「益」字。「黄」、乙本無此字。

共」上、乙本有「至」字。 每爻之變皆」五字,乙本無。 謙夷明解

復

艮 妹歸

五〇

嗑

倣此。 十卦則以 至益 卦悔爲主歟?●前後義,見後所説之捷法。」 上爻變,共十卦,爲後十卦。●坤 爲 前十卦,自恒至否爲後十卦, 此所謂『自有貞悔』。●意亦謂 本 卦貞爲主,●後十卦則以支 則 自 前 餘 泰

問: 之通爲五十也。」 五點 之祖。⑥所謂大衍者,蓋《圖》、《書》中之 十。《河圖》、《洛書》之中數皆五,即 各極其數,則一合九,二合八,三合七, 後面有九,二則後面有八,三則後面 終也,一者數之始,十者數之終。 三奇,地之二偶,二三合則爲 乃備?」曰:「元猶始也,謂數始於天之 四合六,五合五,❸各成十數,合之共五 七,四則後面有六,五則後面有五,衍之 「倚數之元,參天兩地,衍而極之,五十 有 一點,小衍之爲十合五點,大衍 Ŧį. 極 一則 數 猶 有

> 問 於是讚易道,以黜八索,故曰『八索以 「韋編既絶,八索以祛」。 好讀《易》,●韋至於三絶,●言其勤 曰:「夫子晚年 也。

又問朱子《明筮》贊自「老極 祛」。」 十句。●曰:「老極 一而變,謂爻得三少爲 而變」以

下二

老陽變少陰,三多爲老陰變少陽。少守

·卦」上,乙本有「得」字。「支」,原誤作「爻」,據乙本 意」字,乙本無。「前」上,乙本有「得」字。 此」、「自」二字、乙本無。 爲後十卦」四字,乙本無。

合五」,原誤作「合十」,據乙本改

改。

改。 「夫」上,乙本有「言」字。 即數」至「爲十」二十四字,乙本無。 「晚」,原誤作「曉」,據乙本

「韋」下,原行「絶」字,據乙本删 勤」,原誤作「動」,據乙本改。

又」,乙本無此字。

Ŧī.

爻。 用」是也。 也。 卦,則占《彖》辭『乾,元、亨、利、貞』是 是當,謂六爻不變,則占卦辭,如得 其常,謂爻得一少兩多 在下者謂之尾。變及三爻,占兩卦體 乾乾」云云爲主。●大抵爻在上者謂之首, 田」爲主,初爻、三爻,則以三爻辭[終日 爲訟,●則占乾初爻與二爻,或初九與三 則如乾變初爻、二爻爲遯,或初爻、三爻 初爻爲姤,則占《乾》初九爻辭「潛龍 兩少一多爲少陰不變。 云云是也。 體謂卦辭也。 元、亨、利、貞」與《否》卦辭『否之匪人』 ,二分一專,謂卦變至四爻,或變至五 初爻、二爻,則以二爻解「見 變視其爻,謂卦中變一爻,如乾變 或四或五,視彼所存,四二五 兩兼首尾,謂卦中變二爻, 如乾變否,則占《乾》卦辭 爲少陽不變, 六爻皆守,彖辭 元龍在 乾 勿 得

> 占之。 之上爻解,變四爻,則分占觀卦所存之 上二爻之辭;6乾變五爻爲 卦,舊謂本卦也。 乾變坤是也。●新成舊毀,新謂變出之 變五爻則占專剥卦所存之上爻。●故曰 五爻、上爻,而二者則以五爻爲主。● 爻,則視所變出之變卦,●存某爻不變者 二分一專」。 如乾變四爻爲觀,則占觀之五 皆變而他,謂六爻皆變, 消息盈虚,舍此視彼 剥,則占剥

,乾」上,乙本有「如」字。

占專」,乙本作「專占」。

而二者則」、乙本作「仍」字。

見龍在田或」。 「爲」上,乙本有「變」字。 五上二爻」,乙本作「五爻上爻」。 所」上,乙本有「彼」字。「變」,乙本無此字。 "或初九」至下「則以」,乙本作「或三爻醉而以二爻辭 卦中」,乙本作「中爻」。

⁶⁰

問

「前十卦、後十卦,共二十卦,得卦時何

《復》卦辭曰「七日來復,利有攸往」,故 《否》卦辭曰『否之匪人』云云,❷故可懼 六爻。泰愕匪人者,謂泰盡變而爲否,❶ 之卦辭占也。 乾則占用九爻, 坤則占用 言吉、凶、悔、吝皆舍本卦,而 姤喜來復者,謂姤盡變,❸則爲復, 以 所 變出

問「三爻變則占本卦及支卦之彖辭,●而以 十卦主悔」。 日喜也。」 支卦悔也,故曰『主悔』。」 卦、支卦彖辭,6而以支卦彖辭爲主。 蓋 以本卦之彖辭爲主。蓋本卦貞也,故曰 變在前十卦,雖同占本卦、支卦彖辭,而 悔,此一定之例。但占得卦時,如三爻 本卦爲貞,支卦爲悔。前十卦主貞,後 「主貞」。三爻變而在後十卦,則雖占本 曰:「本卦爲貞,●支卦爲

者爲後十卦,此是捷法。」 而有初爻者爲前十卦,三爻變而无初爻 以便知其爲前爲後?」曰:「但記三爻變

問:「「八卦之象、《説卦》詳焉、考之於經、 其用弗專」,何謂也?」曰:「夫子所言卦 之象。」 象, 6考之於經卦爻詞, 其用不專在所説

問「六虚」之義。曰:「此本《繫辭》『周流六 虚」之文,謂六爻皆未有寔事也。」

「人」下,乙本有「不利君子」四字,無「云云」二字。 乙本有「六爻」二字。「而」,乙本作「則」。 「謂」上,乙本有「何」字,下「謂」字上同此。「泰」下。

·姤」下,乙本有「六爻」二字。

「支」,原誤作「變」,據乙本改,下一「支」字同此。

本」,原誤作「十」,據乙本改。

雖」下,乙本有「同」字。

夫」,原誤作「朱」,據乙本改。

五三

朱子筮儀以下

問: 凡 者一樣。 三;左二右二,左三右一。爲偶數謂二 策,爲奇數謂一箇四數也。 偶者一」,何也?」曰:「此言一變所餘之 「朱子《筮儀》於一變之下曰『奇者三而 一變,除掛 左四則 數不併。」 右亦 四。 故 者三樣,或左一右 日 奇三偶一 一 箇 四 數 也

問:「『二變』之下言『奇偶各得四之二』,何 奇數者二樣,或左一右二,左二右一,皆是三數 謂也?」曰:「此言二變所餘之策,❷爲 數爲偶。 右三,左三右四,皆是七數,合掛一 合掛一數爲四,是一箇四數爲奇。 者二樣,共 四 樣。 數爲八,是二箇 爲偶 餘策 數或左 或奇或 四 74

曰:「原來只有四十九策,三 偶,各得四樣中之二樣也。」 陽老少, 一變所 如 何 餘之 ? 「八」下,乙本有「策」字。 少」上、乙本有「蓋」字

問:

過揲之數

八爲陰

内劫三十,掛一,合之。則揲所存之數二十八 存之數三十二策而爲少陰。◆ 是十七策,内劫十六,掛一,合之。 十八也。或兩少一多,兩少八,一多亦八。 蓋老陰數六,四其六而爲二十四也。或 則已揲所存之策二十四 蓋老陽數九,四其 則已撰所存之數,三十六策而 而爲少陽。● 少陽數七,6四其七而爲一 三多,是二十五策,内劫策二十四,掛一,合之。 少兩多,一少四,兩多十六。 九而爲三十六也。 是二十一策, 策而爲老陰。 則已揲 爲 少 老 陰數 陽 或 所

策,或三少,是十三策,内肋十二,掛一,合之。

[「]以下」二字,乙本無。 「策」,原誤作「象」,據乙本改。 過撰」、乙本作「揲蓍」。

策」,乙本作「卦」。 八」,原誤作「多」,據乙本改

寅,三爻納甲辰之類,即其法也。」卜法得乾卦,則初爻納甲子,二爻納甲問:「京房以甲子起卦,如何?」曰:「如今八,四其八而爲三十二也。」

問 與焉。 坤。 邊,三十二卦亦無與焉。❷ 巽、艮、坎、坤,而重卦亦不出巽、坎、艮 得陽畫,則此卦下體不出乾、兑、離、震, 三十二卦,❶二畫只有十六卦,三畫 畫故也。初爻得陰畫,則此卦下體不出 而 八卦於上爲六十四,如今一畫定爲 何謂也?」曰:「自乾 八卦,四畫只有四卦,五畫只有二卦」, 二卦,其巽、坎、艮、坤一邊,三十二卦無 「朱子筮短龜長之説,謂『一 重 體之三十二卦 卦亦不出乾、兑、離、震。 蓋巽、坎、艮、坤一邊,初爻皆陰 ,其乾、兑、離、震 一至坤八,每卦 蓋乾、兑、離 體之三十 畫便只有 初爻 一只有 書

> 六卦』。 也。 但求艮、坤二體十六卦。故曰『只有十 體 十六卦,二爻得陰畫 震 卦,❸以此四卦由乾、兑、離、震 陽畫,則知其不出乾、夬、大有、大 則因下體卦而推之,如下體乾 卦上卦。❸ 故云『只有八卦』。❹ 但求巽、坎二體十六卦,二爻得陰畫 而 + 二爻亦得陽畫,則但求之乾、兑二體 一邊,初爻皆陽畫 ·六卦。 下體乾 三畫則下體已成,不過求之本 而四爻得陰畫,則知 初爻陰,而 ,則但求之離、震二 故 以也。 二爻得 至 圃 陽畫,則 如 到 其 重 四爻得 初陽 四 一之故 壯 不出 一,則 四

[「]本卦上卦」,乙本作「本體之八卦」。「與」,乙本作「干」。

[「]乾」,原脱,據乙本補。

爲自然也。 五畫 發此論。」 心於其間,終不若龜卜之一鑽成兆,●尤 成而可以意揣度,纔有揣度,不能 畫 陽而五 坎、艮、坤重之故 『只有二卦』。 得 陰 則又因 需、大 畫又得 便 知 筮短龜長之辨,非朱子 畜、泰 四畫以推之,如下體乾四 此大槩言筮法,不 其 陽 非 ,則知其非乾 也。 四 大 卦, 有 他 以 則 可 此 大壯。 以 四 類 則夬; 卦 待六 推 由 ,孰能 不容 故 巽、 書 五 曰 書 到

問:「三變所餘之策,左右一、二、三、四之 十八策 來只有 策 右 右 數,何從而定?」❸曰:❸「此甚易曉,原 亦四數,左二則知右亦二,左三則知 雖 一,左一 或多少不同,然左是四數,●則可 爲十二箇 四 十九策,初一 則知右三。 四,無 變掛 零數,故左 至於初變得九, 策,存 右 手 四 知

> 必一,左一則右必二,會皆一定之數也。 必零三,左零三則知右必四,左二則 零三,四十三則十箇四而 初變得五,存四十四者。● 三十九則九箇 十九指初變得九,存四十策者。 存四十 則 手策雖多少不 至於初變得九,●二變得八,則第三變存 第二 變 四 策。 存 四 同,然 + 掛 策 3 策, 左是四 初 變 則所 零三。 或四十三。 得 「數,則. 五 存策 故 則 知右 凡三 左 四 右 右 指 變 丽

「曰」下,乙本有「不然」二字。「兆」下,乙本有「以其累揲而知之歟」八字。「兆」下,乙本有「之」字。

「二」上,乙本有「第」字。

是」,原誤作「足」,據乙本改。

敷而零三,則知右必零一,左是四數而零一,則知右「左二則右必一,左一則右必二」,乙本作「若左是四「指初變得五存四十四者」十字,乙本無。

「至於」,乙本作「又如」。

必零二」。

五六

得五,二變得八,則第三變存三十六,●三十二,●初變得九,二變得四,或初變

同,而揲蓍之數亦與二變同也。」
爲九個四而零三。故左右雖或多少不爲八個四而零三。四十者,存三十九,七個四而零三。三十六者,存三十五,七個四而零三。三十六者,存三十五,将一策則三十二者存三十一,爲初變得五,二變得四,則第三變存四

易説綱領以下❶

問:「兔何以作八卦,樹木何以見數?」

曰:「此言《圖》、《書》亦不過一、二、三、

畫,則於兔、木而求一、二、三、四、五、四、五、六、七、八、九之數,❸而八卦由此

問管輅、郭璞之學。●曰:「管輅,漢獻六、七、八、九,亦可以起數耳。」

晉元帝時人,得於《青囊經》,洞徹

時人,精於推占風

角,數學通

神。

郭璞。

五行。」

問:「程子謂【《詩》、《易》、《春秋》不可逐! 辭比 也?」曰:「凡詩人之情,一節深 若《尚書》、《論語》却不如 義例,然後褒貶可定,皆不可以逐句看。 其情。易卦中爻之才,剛柔不同,正不 節急一節,必通篇看先後章句,然後得 看、《尚書》、《論語》可 然後知吉凶之所自。《春秋》則聖人屬 正、中不中、應不應互異,必總看六爻、 事, ●必合上下文, 參其事寔, 考其 以 此 逐 句看」,何 且如《堯 一節, 旬

「存」上,乙本有「皆」字。

「變」下,乙本有「皆」字。

「十」下,乙本有「此三樣者」四字。

「以下」二字、乙本無。

「璞」,原誤作「朴」,據乙本改,下「璞」字同。「此言」,原脱,據乙本補。

「則聖人」,原脱,據乙本補。

五七

典》言「克明峻德」,便知堯之能明其德。

教人以學習兼舉,皆不待看一章首尾, 《論語·學而》言『學而時習』,便知聖人

如此。」

而意皆可通。」

不受異,幣交同而見不見異,大抵隨時「此言孟子之踐履皆易,如餽金同而受問:「「由孟子可以觀《易》」如何?」曰:

變易之意。」

「此義未有所聞,且淺言之,大抵有太極所以奇,陰數所以偶,却是何故?」曰:必奇,得陰必偶,物理同然」。● 但陽數問:「朱子言『數是理之分限節度處,得陽

先故數奇,陰爲陽之偶,故數隅,恐則有陰陽,然其序必先生陽,後生陰,陽

位、不當位。」曰:「事指卦之陰畫、陽畫,當否謂有當由。」又曰『事有當否之異』,何指乎?」問:「朱子言:『卦畫既立,便有吉凶之

問「羲、文、周公自略而詳」。曰:「伏羲只以本卦、支卦上下體之象,推説吉凶。」●曰:「《左氏》所載筮法,不專主繫辭,多問:「《左氏》所載,可見古人用《易》處?」

「得」,乙本作「特」。「任」,乙本作「己」。字。字。「言」下,乙本有「人於」二字。「理」上,乙本有「之」「子」、「德之」,原脱,據乙本補。

「同」,乙本作「固」。

乙本無此條。

以 彖辭, 卦 畫斷吉凶,文王始觀卦 周公又視卦爻之變,而爲爻辭, 體之象,而

始略而終詳也。」

問:「夫子純以理言,朱子既曰『未必羲、文 卦、此爻所以吉凶之理,無非解義、文當 也?」曰:「夫子雖以理言,然亦講説 本意」,又曰『事上説理,亦是如此』,何 初之意而已,故云然。」 此

問: 「古今有大闔闢、小闔 闢,如何?」曰:

|闔是閉藏,闢是開發,陽則開,陰則闔。 大

之生,一治一亂」,是也。 闔闢如邵子所云: 『子會開天,丑會開地 戌會消天,●亥會消地。」又如孟子言『天下 小闔闢如一歲、一

問 曰:「漢儒是指京房輩,去初、上二爻爲互 「漢儒互體、變卦、五行、納甲、飛伏之法」。 一,取六爻之動爲變卦,八卦中互有生

日之間,陽分便開,陰分便闔,是也。」

首卦,謂之飛神, 諸八卦,與夫布卦不見用神,則求諸 諸五行、十二支分爲陰陽,●則 村,如巽木生離火,●離火尅乾金。❸ 有飛來生伏、飛來尅伏之説。」 以本卦爻爲 則取之而 伏神 取之 9 八宫 而 而 納 冬

問「王輔嗣、伊川皆不信象」。 「朱子作《易・象》説象」。 也,假象以顯義。」」 曾曰「得意在忘象」,伊川亦曰: 曰:「此言但 日 王 「理無形 輔 嗣

間 《易·象》外之理。」 就《易》中之《象》解説象,不敢求之於

[「]如」下、乙本有「震」字。 會」下,原行「置」字,據乙本刪,下「會」字同此

[「]五行十二支」,乙本作「十干中」。 離火尅乾金」,乙本作「兑金克震、巽木之類」。

伏」、乙本作「用」。

顯」,原作「見」,據乙本、程傳改。

干支、五行,不用爻辭。」 林》即今卜書,焦延壽所作,但用爻而配問:「《火珠林》起課如何?」曰:「《火珠

以正民德也。」●以正民德也。」●以正民德也。」●以正民德也。」●以此有利貞、貞吉之戒,所知。以斷吉凶、知趨避,而便其用、厚其知。以斷吉凶、知趨避,而便其用、厚其問「古《易》便用厚生,《周易》始有正德」。●

易膚叢説卷一畢

「其」,原脱,據乙本補。「有」,乙本作「用」。

行、卦象對聯」。
「也」下,乙本有「五行分屬、五行次序、五聲十二律協十二月、十二律三分損益隔八相生序、十二律協十二月、十二律三分損益隔八相生相生序、十二律協十二月、十二律三分損益隔八相生

六〇

桂堂易膚叢説卷二

虚説河圖乾坤坎離分爲四寔兑震巽艮分居四

河圖》析四方之合以爲乾、坤、坎、離,補四 乾、坤、坎、離。 其所合者,而使六、七、八、九不動以爲 之空爲兑。 隅之空以爲兑、震、巽、艮者,是析二七之 析四方之合,就以補四隅之空也。 析去 北而爲坤,而移 南隅之空爲巽。 九之合,則九仍居西而爲坎,而移四補 爲離,而移三補東南隅之空爲震。 合,則七仍居南而爲乾,而移二補東 析三八之合,則八仍居東 却以所合者,補四隅 析一六之合,則六仍居 一補西北隅之空爲艮。 處 析 南 以 隅 西 四 而

四九。 也。 六。 八者,少陰之數,離、震者,少陰宫之卦 巽、坎之陽卦,亦各當二七、四九之陽數。 守常,則不變也,是所謂「陰之老少不動 數所以相同而無異者。 也,數與卦皆合也。是老陰、少陰之卦與 少陰一象,各以離、震二卦處三八。蓋三 宫之卦也,數與卦皆合也。 圓圖于太陰一象,各以坤、艮二卦處一 也」。又以《圖》之數各配其卦,則横圖 是所謂「象之列于西南者,不叶所生之卦 配數,離、震、坤、艮同,而乾、兑、巽、坎異 但老少易位,則以陽主動故耳。以其卦 八,坤與 爲兑、震、巽、艮,則離與震仍居少陰之二 蓋一六者,太陰之數,坤、艮者,太陰 横圖于太陽一象,以乾、兑二 蓋乾、兑者、太陽之卦,四九則太 艮 仍居太陰 之一六,其乾、兑、 以陰之老少主静 横圖、圓圖 卦處 Ŧ

陽 卦 陽之數也 象,以乾、兑二卦處二七,而不處四九。 少陽之數。 是以太陽之卦而當少陽之數。 處二七。 一象,●以巽、坎二卦處四九,而不 是以少陽之卦,而當太陽之數。 此蓋其正也。 横圖 蓋巽、坎爲少陽之卦,二七則 于少陽 圓圖于太陽一 象,以 又于以少 異、坎一 處 此

不守其常也。是所謂「陽之老少迭遷不同者。蓋陽之老少主動,而通其變,又蓋其變也。是太陽、少陽之卦與數所以七。是以少陽之卦,而當太陽之數。此

先天八卦横圖説

也

張 九人儀 定位之大矣。 通 相 相 氣之佳矣; 濟之美矣; 薄之苟 曰:「君子 矣 觀于 觀 觀于君之藏之,而 然所以知之之故,在 觀 于 于 止 烜 動 説, 潤, 散 m 而 而 知 知 知 知 天 水 山 風 動 地 火 澤 雷

> 薄」。 以 散、 構精,萬物化生』也。」 地定位」; 極 君 于外。 所謂『天地絪縕,萬物化醇,男女 藏之 方圖震、兑在内,先説『風雷相 序, 故 圓 由 圖 乾、坤當中,首言『天 陰 陽, 由 中 摩 盪

先天八卦圓圖説

張九儀曰: 薄。 始。風以助雷威,雷以鼓風力,故曰『相 見水即止,故曰『通氣』。 多水,大海爲水之歸。 職載,重濁之質下凝。 西,相代爲明,故曰『不相射』。」 生於坤之初,風從天下,故一陰生於乾之 地定位』。西北多山,崑崙爲山之祖,東南 日爲火精,出乎 「天氣職覆,輕清之氣上浮, 東, 乾南坤北,故曰『天 然俱從 雷從地起,故 月爲水精,出平 一出出 而 陽 山

❶ 「以」,據上下文,疑爲衍文。

吴景鸞公曰:「先天八卦,蓋理氣之體也。 理也。 西。 地歸藏之氣,其數主煞,故霜露居秋冬,結 行,至冬至而爲坤,故自午中至子中爲天 春夏,盛茂發生係焉。 自夏至一陰而 天地長養萬物之氣,其數主生,故雷 流,至夏至初而爲乾,故自子中至午中爲 推二十四氣之運用。 中爲陰,以六十四卦分布爲大圓圖,象以 坤一變爲震,故居坤左;●二變成兑,故兑 乾左, 二變爲艮,故艮居坎左, 三變成坤。 男女生,離得坤之正性,故中虚,有日之象。 以純陽居南,坤以純陰居 居離左,三變成乾。 故中滿 日出于東,故正位乎東。坎得乾之正性 四正既定,然後乾一變爲巽,故巽居 其法自坤子中至乾午中,午中至子 ,有月之象。 此變化之序,自然之 月在于西,故正位乎 自冬至一陽而 北。 自乾、坤而 復周 姤 雨 居 流 乾

實收藏係焉。」

後天八卦圓圖説

張九 生,非土不能 方金位,于時爲秋,于人爲義,乾、兑屬 夏,于人爲禮,離屬火,故易 詳,而所以相易之故,今試以淺言之。 義禮智之德,非信不成。 艮易居東北者,萬 坤居西南者,以 于人爲智,坎卦 金,故易而 屬木,故易而 東方木位 儀 曰:「後天易位之序,《易· ,于時爲春,于人爲仁,震、巽 居西。 止 居東。 火能 水,非土 屬 北方水位、于時爲冬、 物皆歸于土,冬盡春 水,故易而居北。 南方火位,于時爲 土,●土能生金 不能 故聖人易艮居 而居南 載物,猶仁 繋》已 也。 至 西

「能」下,疑脱「生」字。「故」下,疑脱「震」字。

東北者,即成之之旨也。」

吴景鸞公曰:「後天八卦得位,蓋理數之用 居之。 也。 東北;●陰以 事 於上下,取相交化物之得其成,男女用 故曰『不交』。 末,萬物之所以成始 爲山,山 物,故居東南。 陽在下,兑以一陰在上,故曰『終交』。 之義。秋爲陰之始,故兑居之。 奮發 致役乎坤」,坤 ·説言乎兑」, 兑正西也, 兑爲澤, 有潛畜 齊言乎異」,異東南也,異爲風,長育萬 有父母退居 「帝出乎震」,震東方也,震爲雷,雷 而物生。 艮以一 結 止 物,物作於春初 逆行,故坤 陽在 『戦 春爲陽之始,故震居之。 『成乎艮』,艮東北 西南也。 陽以 于 上 而成終者也。 順 一,巽 乾」,乾 動 逆 伏羲起 以 故 退 陰 加 乾 居 西 震 止 順 西 乾、坤 北 在 也,艮 故艮 一於冬 以一 退 南。 也 居

> 位。 地至此 陰生 冬至陰極陽生,故坎居之,坎陽居中。」 純陰老極,無生成之意,故曰『當不用之 言戰者,天地至此 一,故 「相見乎離」,離正 肅殺之初。 離居之。 『勞乎坎』,坎正北也 肅 乾以純 殺之極; 南也,夏至陽極 陽老亢,坤以 言役者,天

天地四象歌

指,太 少 卦分爲天地 土 少變太,堯夫底意出 中判别 離星,况兼 一,况 少合而交,諸 天,巽、坎、震、離 兼 少 詳 相 石 陰别 風 交 巽 四,陰陽剛柔象各二。 震 從 四 剛 儒 四天成。火艮水坤 其 地 柔 論 類。 生。 象爲 文王。 説 陽陰陽。 半 乾、坤、兑、 考亭先生 地。 同 日乾 異。 非無 太與 月 後 太太 又坎 兑又 艮 反 所 少 兩 祖 異 變

▶ 「東」,疑當作「西」。《後天圖》乾居西北也。

+

疑者,不信余歌盍問胡。胡玉齋。 伏羲圖,分明語 意廣堯夫。 何 如 人 復闕

甲木,地八生乙木,天七生丙火,地二生丁火,天九生庚 按: 天干出于《河圖》,天一生壬水,地六生癸水,天三生 金,地四生辛金,天五生戊土,地十生己土。

四隅。 各主其一,陰數偶,故各主其二。辰戌丑未無定位,寄居 寅申巳亥、辰戌丑未得地陰之數,而居四隅。 按:地支出于《洛書》,子午卯酉得天陽之數,而居四正,

陽數奇,故

土 中 [1] ø E 古 站 子 〇 坎

書洛于原支地

掛

圖河于原干天

土


壬〇癸

水

-111

六五

五、震四、艮七、兑二。以位言,則乾一、坤八、離三、坎六、巽




以數言,則乾三、坤六、坎五、籬四。巽四、震五、艮五、兑四。位與數皆九也。

爲衍文。

●「夏陽極陰生」,據文意,疑當作「冬陰極陽生」。●「現之中」,離卦作「午中」,坎當作「子中」,然「午中」又稱「月中」,離文意,疑爲衍文。

六七

陰陽平分日分。 少陰二、大陰二。 偶者, !



陰陽極至日至。

少陽二、太陽二。 奇者,一也。

太極既分,兩儀立矣。 兑 也。 奇,今分爲第三爻。震一偶,今分爲八 分爲四。 初爻。太陽一奇,今分爲左三十六卦之第二爻。少陰 爻,而初爻之二亦分爲四。陽一奇而爲左三十二卦之 六卦之第二爻。少陽一奇,今分右上十六卦之第二 右三十二卦之初爻。太陰一偶,今分爲右下十 各加八卦以相錯 之四象。以第二爻生第三爻而言,所謂四象生八卦 爲天之四象。剛太陽交于柔太陰,柔交于剛 陽,而生天之四象。乾、兑、艮、坤生於二太,故 所謂兩儀生四 下交於陽,而四象生矣。 陽,右一偶爲陰,所謂 而生地之四象。 偶,今分爲左下三十二卦之第二爻,而初爻之二亦 一偶,今分爲八 八卦相錯,而後萬物生焉。一卦之上。 乾一奇,今分爲八卦之第三爻。 象也。 ,則六十四卦成矣。 離、震、巽、坎生于二少,故爲地 兩儀也。 陽太交於陰太,陰交于 卦之第三爻。離一 以第一爻而占,左一奇爲 陽上交於陰,陰 以第一爻生第二爻。 陰一隅 而爲

> 相承而 倍法以 爻,而下五爻亦分爲六十四矣。 蓋八 是一奇一偶合爲二卦如乾、兑之第四爻、 卦體横分亦爲六十四矣。二數不約 各爲四卦之第五爻,而下四爻亦分爲三 則生第五爻之一奇一偶,于是一奇一偶 卦之三爻。以至巽、坎、艮、坤亦倣此, 十二矣。第五爻又相交,則生第六爻之 而下三爻亦分爲十六矣。第四爻相交; 三爻相交,則生第四爻之一奇一偶,于 而初爻、二爻之四,今分爲八八焉。 奇一偶,則一奇一偶各爲一卦之第六 至六畫,則 爲六十四,而 三畫者 自三畫以上,三加 亦 加 一倍,而 卦 而

未嘗不與《洛書》合。蓋《洛書》者,九居天之《易》,固以《河圖》爲本,而其卦位以先、後天而參之《圖》、《書》焉。 伏羲先

合,正是《易》之妙處。

東,八 天》巽 天》乾則居西北以當之;十者土之成數 卦各當水火生成之一象。 之,二七火在南,而《後天》離則居之,二 天》與《洛書》相合。 南、則《書》之少陽二七之位也。 西,二居西南,而《先天》坎居西,巽居 北,則《書》之老陰 北,六居西北,而《先天》坤 北,是《書》之少陰三八也。 南,是《書》之老陽 南 而《後天》兑則居其位,天九成金,而《後 本之伏羲 河圖》 後天》震 四 居東 則 居 一六水在 居東 東 則 加 南, 北 未 居 南 嘗不 愐 其 以當之,地 mi 位 北,而《後天》坎則 先 先 四 與《河 六也。 天》乾 天 九 天三生木位 文王《後天》易, 地 也。 離 八 居 圖 居北,艮居 居 四生金 《洛 《洛書》一居 成木,而《後 ^ \ 相 東,震 洛 南, 書》七 合。 兑 此《先 東,而 在 居 居 西, 蓋 但 西 東 居 西 居 居 東

> 相 以 則 合。 析 配 合中 五 爲 央之五 艮 居 東 ,是《後 北, 析 天》與 五 爲 坤 居 河 圖 西 南 m

圓圖解

其中白處 之一奇一 之 也。 之半下交於陽上之半,則 半上交於陰上之半,則生陰中之上十六 半交於少陰之下半,則生少陰中第三爻 之上十六奇、下十六偶,而 奇、下十六偶,而爲少陽、太陰也。 陰上 右之三十二畫 交於太陽之下半,則 交於太陰之上半,則生太陰中第三爻之 奇一偶,而 奇一 所謂 是 隅,而爲離 偶,而爲乾爲 太極 兩 儀 爲艮 偶陰 生四 也。 爲 一是兩 左之三十二 象 生 爲 坤 也。 震 兑 太 也。 也。 也。 陽 儀 生陽中第二 爲太陽、少 太陽之下半 中 太陰之上半 也。 之第 少陰之下 少 畫 陽 陽 奇 之上 下之 三爻 爻 陰

之一奇一偶,而爲六十四卦 之一奇一 爻一奇一偶,而爲巽爲坎 半交於少陽之上半,則生少陽中之第 生八卦也。 一
奇
一 偶;第五 偶,第四爻相 第三爻之相交,則 爻 相 交,則 交, 也。 也 則 生第 生第 生 所 第 謂 六文 四 五 四 交 交 象

又以三爻相交言之,左邊亁之八卦第三爻 交,則 奇四 生第 四 坎之八卦第三爻相交,則生第四爻之四 第三爻相交,則生第四爻之四 之四奇四偶;震之八卦第三爻相交, 偶;離之八卦第三爻相交,則生第四爻 相交,則生第四爻之四奇 卦第三爻相 爻之四 四 偶, 艮之八卦第三爻相交,則 生第 爻之四 奇 四爻之四 四 交,則生第四 偶 一奇 也,坤之八卦第三 四偶。 奇 四 右邊巽之八卦 四偶; 偶 爻之 是第 奇 四 兑之八 四 一爻相 奇 生第 偶; 四 交 四 則

> 第五 爻相 也。 坤 又 内 四爻相交,則 生第五爻之二奇二偶。 第五爻之二奇二偶; 四爻相交,則生第五爻之二奇二偶,又 爻相交,則 則生第五爻之二奇二偶。 則生第五爻之二奇二偶; 生第五爻之二奇二偶 第五爻之二奇二偶。 四 四 四 爻相 交,則 爻相交,則 爻相交, 爻之二奇二偶; 左邊乾之第四爻内四爻相交, 交, 生第五爻之二奇二偶。坎 生第爻之二奇二偶; ●又 則 生第五爻之二奇二偶。 則 生第五爻之二奇二偶; 生第五爻之二奇二偶, 生 第 又四 五爻之二奇二偶。 又 9 離 四 又四 震 内 爻相 又四爻相交 爻相交,則 内 四 右邊 爻相交,則 爻相、 四爻相交 交,則 選内 交, 則 内 艮 四 四 則 生 生 生

0

[「]第」下,疑脱「五」字。

Ξ 是 又 、震四、 第 四 爻 五 巽五、坎六、艮七、坤八之法。 爻 相 也 交 則 凡 生 卦之中,各具 第 五 爻之二 乾 奇二 兑二、 偶

左

爲 邊 爲 奇 奇 桂 奇 而 圃 第 偶 偶 皆 雷 天 而 奇 爲 爲 偶 而 而 . 兑二 澤 水 天 五 而 爲 爲 爲 面 地 而 而 偶 夬,一 天 天 大 爻相交一奇 爲 爲 Ш 火 爲 風 爲 而 地 水 雷 之 澤 澤 澤 天 泰 需 壯 爲 火 睽, 火 所 損 中 澤 火 澤 是 奇 明 豐,一 既 乎, 履 生 火 八 奇 奇 而 夷, 濟 也 革 偶 偶 卦 而 而 爲 而 是 奇 偶 皆 爲 火 偶 爲 而 而 爲 八 奇 乾 山 風 天 丽 爲 爲 八純 丽 奇 加 奇 掛 天 大 丽 爲 地 爲 雷 爲 __ 天 而 而 皆 之所 有, 澤 大 小 澤 水 八 乾 爲 風 爲 爲 離 畜 澤 純 畜 火 臨 歸 八純 山 天 三之所 兑, 生 家 節 昧 火 偶 是 火 偶 也。 賁 離 同 偶 偶 而 而

> 屯, 偶 是 純 雷 奇 相 生 而 交 偶 八 震 而 奇 爲 偶 隨 而 也 則 卦 爲 地 爲 而 而 而 奇 皆 火 爲 爲 爲 風 水 生第 前 奇 奇 奇 水 天 升 風 雷 澤 震 爲 而 而 而 水 未 井 風 風 四之所 天 六爻之 是 爲 爲 爲 濟, 訟 恒 大 雷 八 風 火 天 過, 頤 奇 卦 雷 雷 雷 生 皆 奇 益, 偶 偶 而 噬 無 奇, 也 偶 巽 奇 爲 而 嗑 而 而 妄 爲 爲 五 山 爲 而 而 而 偶 右 八純 雷 澤 之 風 爲 爲 爲 邊 偶 而 偶 水 水 所 蠱 火 天 地 第 爲 面 愐 巽, 解 風 雷 困 生 風 五爻 水 爲 爲 復 也 鼎 姤 偶 雷 澤 八

偶 皆 奇 而 而 坎 爲 而 爲 而 雷 爲 六 Ш 爲 之 澤 風 Ш 水 所 蒙 小 Ш 水 生 咸 涣 過 也 偶 奇 奇 而 偶 爲 而 而 奇 加 爲 爲 爲 地 m 風 火 水 八 爲 Ш Ш 師 純 天 是 旅 坎 漸 Ш 豚 八 偶 偶 桂 奇

爲風 山 奇 爲 而 而 爲 前 地 地 爲 水 剥 地 火 爲 Ш 地 天 謙 觀 Ш 是 晉, 地否,一偶 蹇, 偶 偶 八 而 卦皆艮七之所生也。 奇 偶 爲 而 八 爲 而 而 純 水 而 爲 爲 地 八 坤,是八 雷 爲澤地萃,一奇 純 比 地豫 一奇 艮, 小,一奇 卦皆 一偶 而 坤 爲 而 而

何謂 何 陽 謂 陽畫上生陰畫,爲一少陰象。 畫 奇,是陰畫上 四 兩儀? ,爲一太陽 象? 奇 奇上加一 陽儀,偶一陰儀 一生陽中 象。 畫,爲 一奇上 奇,是陽 少 加 一陽象。 偶上 畫上生 偶, 是 加

象。 偶上加一偶,是陰畫上生陰畫,爲〓太陰

次位也。

之位居三,太陰之位居四? 蓋先一奇而何謂太陽之位居一,少陰之位居二,少陽

中少 之上 是 太陽 先 日一、日二、日三、日四, 居 即《圖》之左 點〇。奇上生偶爲二,是四象之中少陰次 是 後 生,故曰「位居一」,即《 乎 第四」,即《圖》之右四 四象之中太陰次少陽而 兩 偶, 奇偶既 陽 在奇上生奇爲 而生,故曰「位居第二」,即《圖》 點・ 次 少 三點000。 陰 0 而 偶上生奇爲一,是四 分 生,故曰「位居第 而 1,是四象之中 兩 儀 偶上生偶 點●●●。 乃四象所生之 判 生,故曰「位 圖》中之 即 即 四 爲二, 此 太 象 則 中 陽 於

八之所生也

何 謂太陽之數九? 與 陰位已居二,除本身二點,存八點,即《圖》之左八點 (圖)》之右九點,故日 九陽數十。 上二點偶,左八點亦偶,合二與八陰數十。 太陽位已居一,除本身 「數九」。 下一點奇, 何 右九點亦奇,合 謂 一點,存九點,即 少陰之數 少

兑 上加一 奇畫上又加一偶〓,是太陽上生一陰名 陰之數六? 存七點,即《圖》之上七數點,故曰「數七」。 故 之上生一陰爲▋名坎。是少陽象生二 離。一偶一奇上加一偶,是少陰之上生 加一奇▋,是太陽上生一陽生乾▮。兩 點,故曰「數六」。 太陰位已居四,除本身四點,存六點,即《圖》之下六 上七點亦奇,陽數十也。少陽位已居三,除本身三點 爲一名巽。 日 偶 陰爲▋名震。是少陰象生二卦也。 數 一奇上生一奇,是少陽之上生一陽 此太陽象生二卦也。 奇,是少陰之上生一陽爲■名 何謂少陽之數七? 一奇一偶上生一偶,是少陽 右四點偶,下六點亦偶,陰數十也。 何謂八卦? 兩奇畫上又 一奇一偶 左三 何謂太 點 奇

> 上生 陰爲二名坤。 是太陰象生二卦

也。

問:「前十卦、後十卦可詳指歟?」曰:「假 即 是爲後十卦。 既濟囂、豐囂、損☲、節鬒、歸妹鬒、泰鬘 爲前十卦,自益|||、噬嗑|||、隨|||、賁||| 涣〓、未濟〓、困囂、蠱〓、井嘼、恒鬒是 如乾三爻動,自否〓"、漸〓、旅〓、咸〓 三陰、三陽圖,亦合如此,亦已無疑矣。 自益至泰,次第分明如 蓋究之圓圖,自否至恒 此。 又究之變卦


一乾卦可例其餘矣。」

卦也。

兩偶上生一奇,是太陰之上生

陽爲二名艮。

兩偶上生一偶,是太陰之



前十卦爲貞,後十卦爲悔,只就三爻發動爲充,治及、二爻、四爻發動爲否,初爻、二爻、四爻發動爲濟,以至四爻、五爻、上爻、四爻發動爲濟,以至初爻、五爻、上爻、四爻發動爲濟,以至初爻、五爻、上爻發動爲濟,以至初爻、五爻、上爻發動爲濟,以至初爻、五爻、上爻發動爲濟,以至初爻、二爻、四爻發動爲泰,是爲後十卦爲悔,只就三爻發動爲陰、三陽圖看,方曉。

《通典》曰:「古之神瞽收律均聲,必先立黄《通典》曰:「古之神瞽收律均聲,必先立黄鐘之知。五聲、十二律起於黄鐘之氣數。黄鐘建之均。五聲、十二十二十四八十二之數,其增減之法,又以三爲度。上生者,三分益一,下生者,三分去一,三分之則每分各二十四官數八十一,三分之則每分各二十四官數八十一,三分之則每分各二十四官數八十一之數,其增減之法,又以三爲度。

七五

學律之五聲也。 特各有五聲,合爲十六聲,是十二之法,亦如之。特各有五聲。其爲宮、商以下十二辰,辰各有五聲。其爲宮、商以下十二辰,辰各有五聲。其爲宮、商以下十二辰,辰各有五聲,去一存四十八爲之法,亦如之。特各有五聲,后爲十六聲,是五聲之法,亦如之。特各有五聲,合爲十六聲,是五聲之法,亦如之。特各有五聲,合爲十六聲,是五聲

七六

書經衍義

〔越南〕阮金山 校點〔黎朝〕黎貴惇 撰

清			角征 一八	之歌		作		記				連絡行事者と		本 至 了 起 高	占		目 録		
武成 三五	牧誓 三四	泰誓下 三三		泰誓上 三二	膏經衍義卷之二 三二	微子 三〇	西伯戡黎 三〇	高宗肜日 三〇	説命下 二九	説命中 二八	説命上二七	盤庚下 二六	盤 庚中 二六	盤庚上 二五	咸有一德 二五	太甲下 二五	太甲中二四	太甲上二三	伊訓 二二

顧命	君陳	周官	立政	多方	蔡仲之命	君奭	曹經衍義卷之三	無逸	多士	洛誥	召誥	梓材	酒誥	康誥	微子之命	大誥	金縢	旅獒	洪範	
八〇	七九	七五	七一	七〇	六九	六八	六八	六五	六四	六一	五七	五七	五四	四九	四九	四八	四七	四六	三八	

校點説明

(後改名黎仲恕)之子。人(今太平省興河縣獨立社),係黎朝進士黎富恕四),又名黎名芳,字允厚,號桂堂,沿河縣沿河社四)、《書經衍義》,作者黎貴惇(一七二六—一七八《書經衍義》,作者黎貴惇(一七二六—一七八

統 右侍郎。 十八年再度出仕,歷任入侍陪訟、户部左侍郎等 興二十六年退官歸鄉,專於治學著書。 旨、秘書閣學士等職,爵穎城伯。 七歲時進士及第,高中榜眼。 計 ,爵穎城侯。 一七七五年,在山南地區 工作。 黎貴惇於黎顯宗景興十三年(一七五二)二十 景興三十四年,授任陪訟。 一七七五年,升吏部左侍郎兼國史館 逮景興三十一年升侍都御史、公部 進行 之後歷官翰林院承 查簿 出仕未久,於景 一七七三年 及土地 至景興二 測 量

鎮。不久又被召回京任都御史。景興四十五年去郎、行都御史。景興三十九年,改入武班,授左校郎、行都御史。景興三十九年,改入武班,授左校郎、行都御史。景興三十九年,改入武班,授左校總裁,年底降禮部侍郎。景興三十七年,受派順化

世,贈少保,賜謚文忠。

爲提供給對儒家經典及《書經》已有較高程度的把意,可視爲黎貴惇對《尚書》的心得及理解,亦可視對《尚書》五十八篇内容的討論,重於分疏各篇涵對《書經衍義》成書於一七七二年,係黎貴惇針

握 越南十八世 尚書》的行爲有明顯的 並 一需要 貴惇序中希望皇帝能將此書用於治 進 紀政治動 步了解或者欲用於實踐之學 蕩的背景之下,黎貴惇衍 經世意義及政治意義。 國 者 的 解 在 講

出 多次引用顧炎武的 地方加以 修身、化民、舉賢任能、遷 貴惇把注意力集中在《尚 並 重 釋深淺不一,有的詳 根據考證的結果 歷史背景、地理條件、典章制度及 深度的 貴惇依據《 解 詮釋及發揮,對 釋, 再以 《尚書》篇章的 觀 表達對歷代解經者的 經典、史實論 細解釋,有的僅稍微提及。 點並表 都、賦稅、兵制等內容,作 書》有關治术、國君之德、 深奥難懂或過於含蓄的 示贊同。 次序講解,各篇 證。 法 黎貴惇 典 臧 的 否。 考 也 證 注 詮 他

版刊印,共二八四頁(含序跋),今取以爲底本。 自 作於一七七八年。 序作於一七七二年,李陳 書經行義》在越 序、 南目 跋均未述 前僅 環(黎 存 一個 及 貴惇的 刊 版本。爲 刻 時 學 間。 · 生 作 木

跋

底本缺自序第一頁,今據其他資料所引補足。

者

未找到 亦不出校。 多處引用《尚書》原文及其他典籍,或有省略。 李陳環的 重作 者的 轉引的 跋中也有許多脱字和模糊不 考 底本簡體字,今改用通行繁體 慮,整理時保持 資料,只能暫付闕 原貌,不 如。 ^ 清之 書 加 以 經 處, 補 衍 基於 義 因

尊

校 點者 阮 金山

序

事 焕 而 墟,古跡茫無可據,只有數篇文字耳。 之者曰「義之府」。 談 九百年矣。 舜至於嬴秦二千年,自秦以 明,官司之所遵守,罔不在 治,懿訓 學校冬夏以《 ,與夫 如新。 政 披一覽,●則 臣聞治天下 事 者,常祖《尚 嘉謨,宏規大典,卿士之所講 典則之貽,人紀之修,敬天仁 欽恭 冀方、亳邑、豐、鎬、郟、鄏之 書》教,而晉人敦《書》,稱 精 聖人之性、聖人之心,炳 ·不可 書 之傳,惇章 二帝、三王奉天 無政 **%** 蓋自 事,而古今之 是 至於今又千 也。 上古時。 庸用 自 立 堯 之

> 發揮 證 出 噫! 豈非 令,垂之萬 世之爲人臣者,觀省之間,於善於是,則 引傳記,討論古今,無 年,粗窺大義。 世。」自漢以來,注解尤多,至於宋、 揭 亂,如此 句字之異,大抵 民,明德慎罰,建邦設都,分爵列土之政 讀其書 也。 理 置 幾 方律例 趣 有要約處,時時 無 無窮。 而 則興,不 餘蘊 萬 不知其人,可乎? 世。 以示 古之矩墨歟! 矣。 有所 每讀古文,只覺意味 同 無論古文、今文,體制、 如 人,而 此道 此 臣實愚陋,涵 觸發,隨意書之,徵 非 則亡。 揭出。❷ 則治,反此 欲爲聖經之印 無 是以 昭 毫 孟子曰 竊欲 昭 爽 泳 元 道 論 焉 後 溢 如 則 有 丽 其

被」下,疑當有「書」字。

序曰」至「時時揭」三百餘字。原脱 漢喃書庫的研究》補 一頁,今據陳文理

書經衍義序

邊,而不細繹正文之意,亦不敢好爲新 監得戒失,保盛防衰,亦可備人君經 三十三年壬辰秋仲,臣黎貴惇謹序。 書凡三卷,謹畧述其梗概者如此。 景興 奇議論,以背於伊川、考亭之緒言也。 蓋以文字,天下之公,不敢執定注家一 注,或有異同與可疑 之覽,爲迪德施治之一助。至於先儒傳 之志功勤業,從政守官,庶幾 油 然 而 興 於惡於非,則 處,亦畧有辨正。 惕 然 有 加 益。 懼 幄 以 而

先明其德,次而親親,次而治國、平天下,

皆從「思」中出。

永」、《洪範》「思曰睿、睿作聖」。

欽、恭

書經衍義卷之一

臣黎貴惇撰

遠。

如此。

史臣稱堯之德,欽、明、文、恭、讓,已極其 盛。 情僞,剖判事理,通天下之志,成天下之 試虞舜,非意思深遠,何以能此? 務,全在於是。 傳》稱「其 中間下一「思」字,不可畧看。辨白 智 如神」。 吁放齊、驩兜,咈四岳, 陶謨》曰「思 故

> 皆各極乎數千餘里之外。 嗚呼! 盛

堯

典

分命羲仲、和仲,申命羲叔、和叔,正界分, 情,察物 測晷景,考宿度,順 於造曆一事乎? 理。爲治之道無所不備,豈偏 時令,重農功,辨民

· 允釐百工, 庶績咸熙。」此章盖帝總命義、 既察中星,以正四時,又置閏月,以定四 角、亢星晨見東方,而畢農務,戒土功。 方,日月會營室,而行籍禮、布農事。 者,每授人事,必 由以閏月定時成歲之故而致此 和四子之辭,通前 準天時,房星晨正 四章,而言其功效,非 也。 南

唐虞之治,雖曰不過九州,然疆界已自濶 後方及於曆象、授時之事,爲治有次序 嵎夷、南交、昧谷、朔方,分官測

上古仕皆世官, 《左傳》曰: 舜世系,當以《左》《國》爲 以 之以明德。」《國 據《世本》,不足據也。 庶民也。「嬪于虞」者,亦有國之稱。虞 人,求賢於朝不若 成樂物 下 民 知 生者。」是舜乃諸侯子,非下賤 「自幕 所 四岳 趍 語》曰: 向 至瞽 清請 ,衆功從 求於野之爲 揚 瞍 仁山金氏辨此 「虞幕能 側陋 無 Œ 而 違 ,遂得大聖 皆廣矣。 太史公只 命。 聽叶風 廣也 舜 重

媵。皇、英適舜乃禮也。古禮,諸侯一娶九女,長女爲正,姪娣爲

詳。

舜 在 樂取 由 重之上,而 側 而 微 義 人以爲善,二也; 成 聚 行,三也。 ,有大聖之德,克諧 成 亦聞 都。 之,已信其爲 風 所 聲 至 道 明 丽 化 庶 讓 傾 以孝,一 物,察人倫, 居 動 聖人 讓 時,九 畔,所 也 矣。

觀「厥刑」之語,亦姑爲是言爾。以養舜于畝畝之中。」蓋極其尊賢之禮

《傳》稱:

「使九男二女百官牛

羊

倉

廪備

舜典

堯 之精 草澤, 在 穆無 起作 不滿 屑於人人而擇之,事 治 歷試,咸 無違教,宅 \exists 水 位 神而化之,使民宜之」,又曰「鼓之舞 七十二 明。 N N 新之,而人人以未得人爲憂。蓋 未 意者多矣。 人。 有 底 運 旦登庸,四 成 年矣,十六族 百揆 用 미 袗衣 功。 之敏 績 而 故思 想見治 所 速 非 無 臨,風 海 事 一,何 材 廢 得賢明之輔 咸 而 在 能 事,接 極 以 仰。 Œ 野 之英 行雷動,三 之餘 能 之也。 此 四 賓客 爲 發,規措 庶 凶 司 以以 在 徒 舜 而 易 朝 載 自 有 不 肅 而

得。」

之以盡神」,其是謂乎。

雨,舜行弗迷。」《孔叢子》曰:「夫子答宰《史記》曰:「堯使舜人山林川澤,暴風雷

予曰:『堯既得舜,歷試諸艱,使大録萬

天也。」朱子謂「納于大麓」之説,當從以其應,不有迷錯愆伏。」明舜之行應乎機之政,陰清陽和,五者來備。風雨各

信。不見辨《孔叢子》所載是否如何。《史記》爲據。若「主祭」之説,所不敢

詢事考言」,其實不見諸經傳。考諸子有

無倦,而天下自來。』問:『奚事?』曰:何?』對曰:『執一無失,行微無怠,忠信云:「堯問曰:『我欲致天下,爲之奈

『奚務?』曰:『務人。」」又云:「堯得舜『事天。」曰:『奚任?』曰:『任地。」曰:

於服澤之陽,與言不違桑陰,而堯志

三年 之有 《左傳》 光景 也。 綜 制 理 度,且未 歷 迨 受 動 試、只據職事、盡 畔 整 人。 飾 曰「政如農功」,行 其 命攝 之規 Œ 過 此 四 鮮 見聖人沉潜涵 模。 政 矣。 凶之罪,不 然後 豈淺 賈 所當爲,未及 誼 近 無 始 敢 所能窺哉? 齊 爲 越思,如農 蓄之襟量 越 做 中 分出 大夫 赫 典 位 章 然

者也。

政,而

驟

欲考官吏、裁倖濫、皆越思

而

遽

請

興

禮樂、定官名。

范仲

淹

纔

爲

參

堯時,海 功,車 所 黜矣。「羣 接對諸侯之間。 正之,齊同之,則有 度量衡 陟 矣 服 内 舊 以 萬 未 后 庸 有 國 待 「,星羅 四 ۲, 成 考績之期,而賞罰已 則 法。 朝, 此宰制天下之大權也。 言 不叶 碁 敷 舜 與 布, 奏以言,明試 功 於 不 可 同 巡 歲 狩 取 者,必在 時 者 之日 月 「, 必 日 一行乎 以 在 所 叶 律

而

行

越,無 覲,考問政 歲之中, 徧 ※ 有壅 治 塞。 巡 無 四 四 敢 載 岳,君民上 廢 之中 弛。 諸 此 下不 運 侯 轉 以 次 相 天 來 帰

之大用也。

經》曰:「象以典刑。」又曰:「方施象刑。」 里,而· 以爲 持此説,謂上古無 赭 書》云「五 犯 者,其服象五刑也,犯 赭 虞畫象,而 罪於野、於 曰:「五刑有服 云:「古之用刑者,畫 官者 其衣 衣不純,中刑雜履,下 刑,異章 人耻之。」《白虎通》曰 犯 履 扉,犯大 刑 髕 民不犯。」又曰:「古者畫衣冠 朝 有 者以 服以 於市。 服 ,五服三就。」孔氏以爲大 」,此之謂 辟 墨 爲 刀、鋸、斧、鉞之用。 者 幪 《漢 象 墨者蒙 戮。」《尚書大傳 其 布 刑 而 史》乃曰:「 髕 衣 墨 不 :「五帝畫 矣。 三幪,以 巾 犯 無 處 盖上 領。」《 而 ,犯劓者 漢 畫之, 儒 居州 皆 尚 象 刑 唐

> 之,以 矣。 有「 能 之人也。愚按:夏去虞未遠。 刑」者,放之於遠,以寬夫犯肉 圃 五 故 先時、不 刑之狀,亦可。 使人知耻 示 日 孥戮」之文, 豈設法不用,概從衣服上示懲,而 民 爲象者如懸象魏之象。 「堯舜之世,有宥無刑。」 以 ·及時 Ŧi. 乎 等肉 ? 者皆殺無 則虞時 象 刑之常 以 自用 典刑」 赦」、《甘誓》 也。 肉 《政 或謂 刑 朱子 「流 者, 刑 而 典》 可 宥 情 畫 畫 深 又 知 象 E 邨 Ŧi. 爲 辨

惟刑 賞之資,是誠 辟,反自誇其 喜」,皆此意。 吕刑》云「哀敬折獄」,曾 之恤」,憫 不 聰 後世 小 仁也 察,亦有借以爲要名干 人之 有以術鈎 無 知 子 謂「哀 圃 人,真之重 犯 罪 矜勿 也

之語,其爲大惡可知。共工薦之,必是驩兜象恭滔天,至舜時諸臣尚有「何憂乎」

非以 之心 我而 鯀諫,共工又諫,堯不聽。] 雖或有是,舜 並 政 同 投 大大 黨, 哉? 其 諸 罪之,殆近 明 堯 付價 裔。 黜 以 怨不平之故也。 韓 陟,始 蓋亦 其 非 世 曹、馬之所 謂:「堯欲 族 正 上奉堯命,下咨 其 隱 罪,與 忍 未 爲,豈大聖人 傳天下於舜。 如以人不 去。 苗 鯀 至 1 僉論 同 舜 科, 服 初

書》稱"「四 宇宙,有非尋常所可 明决,用賢之誠 侯 四 同 X 心 ,舉十六 戴 舜 罪 以 相 而 爲 云下咸服。」《傳》稱:「去 壹。 ,有大功二十,而 天 及也。 子。」蓋 聖 人 作 服 崩 其 手 段 去 天 惡 下 掀 之 諸 揚

> 始 勞也。 瑞 而 始有次第。 岳十二牧,皆不令諸 亦 攝 政, 止付 以尊 率 於牧 百 統卑,以大諭 後 官 世 伯。 刺 則 史、 觀 侯一 後 四 節度、行 丽 岳 小, 齊 IE 羣 來 位 管 牧 省、 束 朝 則 輯 聯絡 承 恐 詢 瑞 官 煩 班 四

詢四岳,闢四門」, 務,亦法堯 遺賢,稽于衆,舍己從人」,則其臨 善與 氣 明四目,達四聰」,决 象。 人同 觀 , 好 其 而已矣。 稱 問好察,誠 堯曰「嘉言罔 廣薦揚以開賢路 壅 蔽 有 以 天 攸伏, 開 覆 言 海 路 政 野 容 也 也 無 之

未必

以此

而怒二人也。

鯀以崇伯治水

之設,皆此意

無功,自當致罰。

三苗

乃

荒

服之君

非

在

朝任大位,寧有懷憤於舜攝乎?

詢 四 邦,則能 農 伯 拒 時, 諸 岳 **險壬**,則無 侯,皆 一,内 則 佐 能 事 迪功之治。 [有民 費 也。 君子在野、小人在位之失。 養民之政。懷遠國,惠 咨 社之責者。 十二牧, 厚有德,信仁人, 外 重民食, 事 也。 邇 順 牧

六

語盡之,真聖人之言哉。
之,亦相率而服從矣。戒□外官,●以數如此則不特所統中夏之羣后服,蠻夷聞

舜攝位二十八載,而使禹治水者十三年, 契、泉 績 則水土之平,告厥成功已久矣。 矜不伐之驗也。 勉 陶,遂開 其新功,使之宅百 濟濟推讓之端。 揆 圃 即 此正 録其舊 讓 不

脩, 豈曰

小補哉

司

兼之。 徒、司空,官名最古, 曾爲之。 以司空宅揆,已爲首相之任。 空爲三公。真相之任,亦是古意,所以 太傅、太保爲三公,官不必 尹先作相,後尊 師,乃其職。師、保之名始見於商,是伊 後世不置三師,以司徒、司 司馬,名雖未見,胤侯命掌六 以 此號。 難 與 九官 備 周始立太師、 常以 並 司 馬、司 徒, 列, 他官 舜 禹

> 既辨三 藝,不可不設后稷之官也。 有高 無阻饑。《詩》云:「粒我蒸民,莫匪 亦有作十三載乃同之處,不可謂聖世遂 壤之異宜 下,禾有早晚。 則當布百穀之嘉 詢 其 便 利 水害甫平 穀政之 課 種 其 爾 樹 地

堯時道化,百年浸漬,至舜而猶有不 齊。 《禮》曰:「大爲之坊,民猶踰之。」君子刑 《易書》,遠近、承應、愛惡、親疎,雜 遜 以坊淫,禮以 紛紛。「乾餱以愆」,《行露》速訟 ,何也? 天生萬民,性本善而 六爻之情,何異於衆民之情 君子少而小人多,七情營營, 、坊欲。 聖人所以教、 氣質 刑並 乎? 私 親 然 部 欲 不 不

累朝遵用,不能易也。

^{₽ 「□」,}底本漫漶不清,疑或爲「敕」字。

禮之意。

九官之命,獨於伯夷曰「欽哉」,見敬重三

必能致十分淳俗。彼以朱之嚚,象之極教化之功,不過能使七八分從善,未用,而不偏廢也。爲之紀綱,示之禮義,

古人嚴華夷之别,自舜戒「蠻夷猾夏」始。 古者兵出於農。天子諸侯各置軍,有事徵 史不載耳。 者,付於士師,使議其罪之當刑當流,期 明于五刑,是 征,或會諸 水」,又曰「堯攻叢枝胥敖」。 發。 傲,所不能化,况下民乎? 六卿,仲康 于明允耳。 命禹征苗」。《傳》記稱「堯克苗於丹 軍將皆卿,故無 命胤侯,想亦因 侯,何嘗以 兵刑合一之説 蠻夷寇 專官。 賊奸宄已就 士師 「舜、禹 非也。 董 《書》稱「舜 是 兵。 時 之制, 啟召 或 拘 泉 親 執 陶

先儒謂上古未説氣質之性,愚觀舜 至聖極治之世,每汲汲於 司徒以教民,典樂以教士。民德不興,則 也。 子以直、寬、剛、簡,而導之以 虐傲,則已防其氣質之偏矣。 勿疑」,四也。 之子朱、均尚不能化,而何責於伯封 至有封豕之稱,以致滅國,何耶? 無以成淳厚,士性 后夔教諸胄子,而其子伯 難任人」,一也。 曰「庶頑 讒説」,三也。益曰「去邪 皋陶曰「何畏乎巧言令色 曰「堲讒説殄行」,二 不正,則無 防小人。 封 温、 貪 以 忿 備 栗與 命教胄 不悛 二聖 任 舜 也。 使。 日 無

孔壬」,五也。

豈以

敷言試功之法、黜

好問 讒 陟 弗詢之謀 受之奸故 惟恐有歉於知人之哲,而易惑乎浸潤膚 圃 吐 佞 明之典 好 露 乃 以告禹也 得 察 爾。 勿庸。」此 如 之 以 廣、取 眩 此 舜嘗 弄歟? 而 不 人 曰:「無稽之言勿聽 知人用人一秘密法 肖 爲 乃 兢業 善之 得 以 誠 戒懼之至, 濫 如 厠 此 歟 而 ?

觀《舜 如後 爲而 有 兵民教刑之政,朝會、貢賦之法,凡事須 大夫、師、長各居一方,各治 其所屬百官諸侯之績,沛乎有餘矣。 子考二十二人之功績,而 官分職以治乎内,十一 典 典》一篇,而見舜爲治之體 (籍簿 世 治,不亦 百揆、四岳,二相 事 煩, 書以 宜 非 相稽考, 也。 乎? 既 世謂上古事簡,非 兼 牧 有后、王、君、公、 何 總 以 二十二人各考 云簡也? 内 治 一事, 乎外。 外 統綱 也 便有 維 觀 無 天 九

> 禹 语一矣。 貢》 書 纖 悉如 此, 即 大 綱 可 以 推

節

大 禹 謨

禹之言曰:「后克艱厥后,臣 言曰:「天位難哉。」周公之言曰:「不易 謹之意一也。 畏,弗畏入畏。」有告其君,有告其臣,戒 惟王。」成王之言曰:「居寵思危,罔不惟 子之言曰:「爲君難、爲臣不易。」伊尹之 克艱 厥 臣。」夫

惠迪吉,從逆凶。」 之曆 之騐 申命 用殄厥世。 爲天下君。 數在 也。 用 休。 躬。 太康逸豫,乃底滅亡。 禹 舜 此吉之騐也。 克 慎 堯 勤 在 克 位 德 儉,不 廣運, 昭 受 丹朱 £ 矜不伐,天 皇 天 帝,天其 慢遊, 眷 此凶 命,

伯 旨。 君能 益 一儆 守法 罔 戒 失 無 度,不 虞」 法 度」者, 縱逸樂,則臣下 章, 括 君身之法 盡 無 逸》 度 亦皆 也。 一篇之 守

法

度

介,而

罔

敢

怠

惰矣。

疑謀勿 就之。 强成 哉 初 其 也 所圖 而 有 平,未欲伐 其 大功 謀,尚懷疑 决 成」,此 謀 梁 於 武 ,遂至誤事,悔 也 朱 不欲 或 而 異。 遼,以 决 家 慮 受侯景,慮 ,不當輕信人言,妄成 於 成敗存亡之所係。 唐 孔 王 昭 緯。 黼 不 何所及,可不戒 欲討 一言而 宋徽以睦寇 其致紛 克 行之。 用, 紜 念 有

天 生 天 董之 可 天 生 不 生 五 用 遂 時 烝 材,民 ,民 地地 民,有物 威」, 生不 生 並 以 財,人君以 用之,六府 時 미 有則,民 行 不 其賞罰 厚 也 正 德 不 用 不 也 「戒之用休, 可 之,民用不 可 不 不 司 正 脩 徒 也 也。 敷

> 時 糾 刑罰 送京 山 令》野虞勞農勸 威 能 德 審 土 詩,農官 五 萬 明明 之罪,亦此 」,如《周禮》里布穀粟 理。 師 伐木覆巢麝 行 教,《 師者 民之類。 ,豈一一關 所 者 其 張氏 掌 Ŧ 有 駿 亦 一,若諸 特 制 發 功 在 謂 意 蠻 有 者, 之 所 卵之禁,侵奪藪澤種 想 民,司 夷、寇 侯之國及圻 在 戒 命 上 表 唐 屬 土 用 賢崇德之文, 。 皆 揚。 虞 其 一師,亦 休, 賊 徒命農勉 亦當 戒 治 之征 如《周 奸 之用 田 地 須 内之民 宄 畯 者。 如 一與鄉 所 之就 休 至 此。 作,與 禮 則孝 在 喜」之 美 麥失 董 興 官 八 小 拘 ^ 也 月 刑 用 督 小 悌 司 執

泉 陶 祗 吕 明 掌 刑 于 刑 》亦 五. 見得 而 刑, 日 禹曰:「邁 : 法官 以 土 弼 制 守 五 Œ 百 教, 種德。」 姓 持 平, 于 刑 刑 期 舜美之曰 不 之中 于 失 無 輕 刑。」 以 重

泉 守也; 訓化於聽斷之中,寓仁厚於威嚴之際。 之以畫一之典,及人之既陷 施 犯 使 高不近理。 所以民 罪名明析,正之以罔赦之刑。 盖方人之未麗於法也 無 ,便是 象 民 刑 知罪 刑,而其效至于臣 期無 叶 知禁知義,而不敢干也。 種德,非務 中 之可 刑,仁也,法外意也」,爲得 陳大猷 則 遠 無 所 出 善之可 曰「明五 畏 人罪以求福報 一,則 而 庶 爲 形 罔 遷 善」之説,太 刑,智也,法 干王 於戾 象昭垂,示 而又能 而 不 一正者。 也,則 陳氏 敢 也 致 冒

以發明刑弼教之旨。

人君聽訟,自虞舜見之。 上 無小」,「罰弗及嗣」,「罪疑 殺不辜,寧失不經」,皆有司奏裁, 權衡斟酌之也。 范祖 「宥過無大,刑 禹 惟 謂 輕」,「記 五五 刑之 與其 而自 故

事,舜不與也。」不可以訓。

臯陶稱帝之德,帝亦美臯之休。從欲者接 乎? 四方 士師明慎法守,宣 上意,言謂寬簡 曉 然 知帝之心,而風 好生,帝之所 揚 德意,則 動 於聲教 何 欲 以 也。 能 使 中 非

堯禪 有道 禹。 舜、禹功德之盛如此,人心歸往如此,即 閑。」舜 人其知之矣。 舜 四 ,與物皆昌。天下無道,修德就 曰:「天之曆數 時 亦 代謝之序,五 日 「精華 華封人當告堯曰:「天下 在爾躬。」舜 已竭,褰裳去之。」 行更王之理, 亦 以 聖 命

魏杜恕篤

論

云:「聖人之制

刑也,非

以

害

民

也,將以利民

也,故民從而安之,非以

陷

民也,將以導民也,故民從而化之。

斷

一人之獄,而天下義之,是安之也,

斷

人之獄,而天下伏之,是化之也。」此足

之。

精一」、「執中」,欲其處事之間,無過

之差

也。

下文「

聽言

用謀」,「臨

民

不及

衆」,皆當

執其中

也。

道即治,治即道

西鄰之時也。」聖人知時而順命。 天命之所授。《易》曰:「東鄰殺牛,不如

人心非純 乎? 少放逸也。 狄、絶旨酒,以戒後世,持此心而不使之 示治法,開此心而使之愈光明也。 禹懲丹朱,過門不人,惟荒度土功、疏儀 矣。其要在於精以察之,一以守之耳。 牕, 劃然洞 安其止,而此心不危矣。 知仁政之所當行,而惛不能進,豈非微 色之不可好,而吝不能改,豈非危 也。道心則純公矣,性善之發也。 見欲如千重深壑,超然引避,則克 私 也,乃在公私之間,意情之動 開 懸五音以求善言,演九 ,則能昭其德,而此心 見善如一隙明 ·疇以 不微 乎? 知貨

與治而二之,非聖賢之旨也。下,示治法,傳治統。」此流於禪學,分道以下,示心法,傳道統,『可愛非君』以以下,示心法,傳道統,『可愛非君』以寧有異哉! 陳氏大猷謂:「「人心惟危」

黄氏《日鈔》解此章曰:「堯之命舜曰『允執 發也。 也。 其平日所嘗用力 其可願』於『天禄永終』之上,又所以警 終」,今舜加「無稽之言勿聽」以至「敬修 此訓之之辭也,皆主於堯之執中一語而 反説也。蓋舜以昔所得於堯之訓戒,并 之之辭也、皆主於堯之『永終』二語 中」之上,所以使之審擇而能執中者也。 厥中」,今舜加危微精一之語於「允執厥 切之,使勿至於困窮而永終者也。此戒 `,使知所以『執中」,而不至於 『永終』 「執中」之訓,正説也;「永終」之戒 堯之命舜曰 [四 而自得之者,盡以命 海 困窮,天禄 而發 永

之間 者, 借以 遂指 其説 耳,豈 傳 朝者 禪學 不合於理,而 此 心者,所 明帝王之心,而 下之本旨遠 **『道心』二字,而直謂即心是道。蓋** 全章本旨 乎 也 (之賢否,事之得失,天下之治亂 理 判。 而 一,流行天地間,貫 爲 此 固理之正也。 而 爲言心設 也 據 書十六字爲傳 不自 相 因以三聖 以 此聖人所以致察於危微 依矣。」顧 m 傳 理具 統 矣。 獨論人心、道心。 知。 以 無有過不及之偏者 宗 哉? 執 心者治國平天下之本, 於 此 蔡氏 其 中 傳 吾 理 氏 其後進此《書傳》於 去 之道 心爲説 徹古今,而無不 心, 炎 心之要,而 近世喜 堯、 而 書 武 『傳》雖 舜、 别 而 曰:「心 使 白 騐 , 世之學 言心學, 禹 甚者單 無 於 其 亦 授 也。 禪學者 光,皆於 事 是 事之 精 示 受天 陷 以 非。 物。 同 待 是 於 摭

> 洞達 單 學以 之云?」此二説平正,最得聖人之旨 天下國家之用,無非 傳 ,人人所同,歷 心 理 印。 爲 障 聖 而 獨 賢之學,自一心而 指 T 其 至 載 心 理之流行,明白 而 日 無 「不立文字, 間 者,何 達之 傳

舜初攝 因之 滿也。 力,破 寫,惡 其罪 至 前 之子繼爲諸侯者。舜罰弗及嗣,所 苗 禹治水至雍州而三苗丕叙,頑不即工 立 日興 ·誠待· 其子, 民 而 之猶在 位,已竄三苗之君,併遷其民。 日 巢毁卵,固 民 人 滅繼絶之仁,服此 敷 且帝之施仁於彼 既 而益贊禹 君子在野,小人在位」,是苗 而 德 遷,不容 不 其 苗 感 國 君 者。 動 不 班師,良 所 爲 盡 以 難 禹然之而 禹於後日 墟 隨 恐 子姓若此,豈 日 其 詣 以 赦 天道 或 闕 過宥 其 庭, 返 徂 舊 戒 窮 兵, 征 蓋 君 以 罪 夫 極 之 感 舜 盈 既 復 蓋 兵 君 故 後世可以監矣。

義。 豈 一旦弛威尚德,便能致乎?

鬼 陶 謨

臯 其言 陶 以 常人爲吉士。 也。 萬 爲 世 首陳迪 泉陶 ,必以 人君 巫醫。」不常之人,其爲 以彰 爲治之元龜 德、脩身之義,繼以 行事爲 夫子曰:「人而無恒,不可 厥有常爲吉士,周公亦以 騐。 也。 此 觀 九德,不徒觀 凶 知人安民 人之 可 知 要法

工之事。

胡 廣 温 非 所謂「柔而立」,汲黯非所謂「直 而

君子有勇而無義爲亂,小人有勇 盗 ,故成德貴乎「强而義」。 而無義爲

九德纔有其三、有其六,已使備大夫、諸侯 之任。 隆古人才充滿,尚不求全責備,

> 君者臣之表,上者下之唱。爲君上而肆逸 事 荒廢職業之謂 勞萬幾,臣下見君上之勤,胥竭心以治 欲,則無以責臣下之惰 下文惇典、庸禮、章服、用刑,皆代理天 ,,同寅叶恭,代理天工,莫敢曠弛矣。 也。 戒逸欲,崇兢業,焦 偷 曠 庶官者,

叙、秩、命、討,人體乎天。 乎民。治世君 臣 相 與 懋勉,只奉天理 聰明 明畏,天因

益 稷

順民心而已。

喻 情。 以鄰 勵之道然也。 則又凛然矣。 近,寄 至 一於「爾 以 無 股 和 面 如 肱 從, 春 耳 風 退 目 肅 有 後言」之戒 藹 如秋霜,勉 然親 待之

連接,朱子謂不可曉。 頑讒」一段繼於「欽四鄰」之下,語意不相

十二州置十有二牧總統之,又於每州立十 與虞畧同 不如此不足以 牧,共爲一百七十六人。 長,則四方當立二十長矣。併與十有二 之外迫於四海,每方又各建 十有二 二諸侯以爲 州 當 之師 立 統馭也。 百百 使 四十有 相牧 周 以 蓋萬 制 五 四 糾 方伯、 師 人以爲之 羣后 或 矣。 錯 連帥 峙, 州 則

君逸欲而臣下弛惰, 亦 「率作 惰。 即 已無叢脞之失。 興 不 事 親 事 慎 與 憲 親 「元首叢脞 小 反覆言之爾 事 省 成」, 其 弊 提挈 而 同 股肱 也 縕

禹

上古山 官。 澤而焚之,然後水土可 獸蕃多。 其選任爲 林未 禹 闢,草木盛茂,故 乘 重以 四 載,隨 此 平, 山刊木。 人民 工虞列於九 稀 益 少, 烈 Щ 禽

記》 力, 作 之役,此 郭之始,所謂 鯀教民築城以衛君,設郭以守民。此 州有脩 襄昏整,國 功者,水患方殷,堯咨俾乂,而 城 曰:「禹 績 禹 何 行 治之辭,見鯀未訖 爲 隳 由 所 能脩鯀之功。」《書》九 非其國、民非其 方 高 成 無 設 命 堙 ? 事 險以 也。 卑, 順順 Ħ. 守國 行 壅 萬 而 遏 導之。 或 也。 日 水 散 功於冀 民,又何 水, 勢, 處 然卒 遽 Ŧī. 州 水 疲 當 興 日土, 州 勞 日 暇 此 以 惟 不 也。 潤 民 於 懷 急 無 城 冀

於天錫,有以哉 土 爰 稼 穡。 禹咸 則 三壤,蒸民乃粒。 得

九 州 萬 或 貢 道悉 達 于 河。 竊 意 每 或 \blacksquare

賦 土 一貢、服食、器用之類,以 、穀 米、舟車之類,自當納 委州 於 伯徵 其 君 收 辨 若

《孟子》云「七十而 備,舟車輸納上京,方無零星煩費之患。 於貢」,貢田 賦 於國 貢」,龍子曰: 君 也。 ^ 夏 書》「任土 「莫不善

作貢」,貢土産於天子也

古人政事甚 爲 詳 密,田分等第,辨土 壤, 無

無 肥 輕重 瘠 不 不 登 . 載 於 於册。 籍 賦 土貢之常、夷服之 分等第, 較 E

足 周 異、包篚之微、貢道之别,靡不備具,誠 因於殷禮。」法度之善,後聖固 以爲萬世準。 夫子曰:「殷因於夏禮 所 不 能

易 也

九 河之説, 曰「簡」,曰「絜」,朱文公《孟子

> 集註》 一,謂: 其 與《爾雅》同。《蔡傳》以「簡 一則河之經流,不知何 據 絜」爲

禹 之 菲 碣石,人北海。今時黄河 時,至今三千餘年。 人橘柚, 飲食 丽 以 致 供 孝 祭 ,乎鬼 祀, 神 古時 昭 · , 徐 備 黄河東北 物 州 也。 之 魚 唐 行 虞 揚 之 州

唐虞疆 入南海。 界極 茫茫 爲 廣 邈,有 禹 迹, 非 有不可問者多矣。 後 世 所及。 盖 經

東南行至淮

畫 開 拓之遠,非僅 聲教 所 被 加 E 試 觀

達 冀州北境,貢道下北海,夾右碣 河。 碣 石 今在平 州 之南也。 石,而 梁 州 後 西

境, 貢道自西傾, 因 桓 水通 于潜、 沔、 渭

州東北境,頁道浮于積石,至于龍門 而 後 洮 西

入河。

西傾今在

州

西

南南

也。

河。 唐 所 積石 闢 今在 爲 邊 鄯 郡 州 宋 羗 時 中 所 也 棄 爲 此三州 外徼,皆 者

漢

不得尺· 布 斗 租之用 以佐 中 國者 圃 唐 虞

海表 諸 克詰 或 ,罔有不服」,真有深意 貢 戎 道 兵,以 通 行 陟 焉 禹 鳴 迹,方行 呼 1 也哉 周 天下 公勸 至 成 干 Ŧ

禹 州。 州 錫 也 正 正 土姓,封 夔子 自餘皋陶、垂、夷之封不見。 一當級 伯 服 棄於邰, 封 之地。 見 滅 於羿,其 封益 封 契 於 於秦,皆 商 或 當 豫 在 州 在 冀 境 雍

(蔡傳》 亦皆沙 曉。 西。 也。 北境 分冀 則 涿、易,亦 以 反 夷、 諸侯 棄 爲 但 箕子封朝鮮,在今遼東。 謂:「堯 泝大河,料非 并、幽、營 意古今土 漠不毛之地, 於要 齊爲 恐 貢道 (荒。 無二千 都 孤 À 冀 竹 三州, 地盛衰 北 以地 州,冀之北 君 五 海,經 荒漠鮮少 之子,其 而 百 土 勢考之,殊未 不 東 里。 地 ·同。」 愚按: 南 碣 極 藉 石 境并雲 財 者 或 此 廣。 賦 使 皆 所 聯 今 所 有 冀 在 能 檣 冀 之, 中、 出 舜 可 州 潦 堪 接 州

於諸 二千里 廣西。 越,在 服 來往 州 東南 之東 畧,治以 國 田 征 不泛及。」説亦 五 國,在今道州 法度哉? 外 有苗, 服之名,想亦言其大綱 不 賦 ,要、荒 四 異。 萬國 納 揚、 北 侯 今越州浙 禹會會稽,在今浙江。 於國 面 境, 所可容乎? 乎? 不治 越, 戮 已爲 各五百里爲侯服,天下 舜 防風, 之所 古 中,土貢 封 財 湖 馬 人 未是。 夷 弟 賦 觀要、荒二服、見法 南 江 何 氏 會 狄。 聖人何曾 所 象 境。 省。 同 曾 謂 此外之國將 出 於 輸 以 略 治 何曾 少 舜 有 於 建 爲 调夷 甸 夷 耳。 康封 庫 **////** 置 京 邊 、侯、 蠻 不繩遠 棄 師,亦 蒼 諸 遠 六飛 使 則 於 子 如 梧, 叙 侯, ? 吏 綏 法 萬 要 無 不 必 西 之所 裔以 度之 在 治 度 爲 得 或 以 荒 余 與 亦 至 官 炭 今 於 各 多 中 贵 其 如 甸

六

甘誓

夏都 交鋒 莫 州 遠畧矣。 内六鄉之兵,自將 雍 (遏,亦未得爲善謀國也 ,十餘年間, 州 安 原 境 邑,有扈 野。 内, 啟 豈 雖 惟 無 足以 在 第石后羿之禍, 知 方 扶 遠 渡 伯 立天子之威 風 顧 泂 可 鄠 西 人關 委討 縣 陲, 親 地 伐 不 勢 朝 近 與 乃 亦 遥 防 動 發 爲 叛 隔 冀 圻 勤 臣 mi

五子之歌

舜 皆遠 巡 只 心 爲 遽 沅、 畋獵 生 出 湘, 携 也 貳 而 禹 出 者 太 會 蓋蓋 康 江 則惡聲起而 遊 南 非 洛 爲 啟 巡 表 享 狩 亦 豫 事釁生矣 ",非 未 州 之 爲 爲 遠、民 補助, 鈞

> 傳》稱:「有夏之衰也,后羿自 所 稷官乃世 羅 遷於大邑,徒衆 衰,棄 竄於戎狄之間。」想見 「, 因 以 、伯因、熊髡、龐圉之徒皆往歸之。后 歸 稷 夏民 國 不 於邰 襲在 務,稷子不窋失其 以 代夏政。」又云:「有 京,太康不 日 盛。 后 太康 羿 脩民 乃 棄 北 介官守 鉏 事,不 賢,故 州 遷 方伯 夏 圃 于 窋 武 之 窮 自

曰:「民惟邦本,本固邦寧。」始終無不以禹告舜曰:「德惟善政,政在養民。」訓子孫

民

爲

心也。

天下九 后。 以 指 玉帛 卹 揮 朝覲 貢賦 其 無 州 疾 不 諸 輸 苦 ,雖要荒 受命者,求以 侯 納 也。 雖 萬 或 逞己之欲 無不會於方岳。 江 海 同 安其 無 戴 不達於王 人, (生業 無 意 謂 乎民, 也 役 之元 圻 小求 使

民

不

堪

命,臣化爲讐矣。

故

堯

日

四

以 兆 民,當敬乎身,罔遊罔淫,无 日 困 敬 民, 窮 身者,即 民 凛 天 可 平 禄 近,不 若 永 所以 終。」 朽 索 可 仁民 舜 之 下。 \exists 馭 也 : 六 五. 口 馬。」 子 怠 畏 日 无 非 荒 知 民 畏 子 所 平. 臨 禹

舜之 也。 酒 明 傳賢 者言 之也。 聖, 宫室爲 舉 危 戒,爲資 禹 微 之訓 精 子 爲 (禀尋 孫 訓 常者言之 舉 爲 色、 資 禀高 禽、

綱

而

周

滅

典 法 收 與 亂 乎雲夢。 蒙 户 E 圖 存 封 穀 圖 口 之 蒙 人宫, 多 籍 或 籍 律 田 穀 少、 相 令, 爲 若 六 獻 昭 負 强 國 + 典 王 「 雞 以 最 弱 反 畛 漢 五 此 重。 之 郢, 次 高 帝 官 處 」之典,以 或 五. 得 祖 得 楚 策 卒 具 官 法 昭 人 取 失 咸 知 稱 而 \pm 陽,蕭 天 天 法,萬姓 避 「蒙 百 浮 下。 下 于 姓 吴 穀之功 大治。 江 阨 出 何 ^ 逃 奔, 夏 先 香

> 是也 爾 書 理 民 * ^ 禹 必 有 貢 有 典 》之錯 許 有 多 則 載 法,《 貽 籍 厥 胤 子 鈞 征》之政 孫 石 特 當 畤 典, 小 治 事 官

紀綱 故太 者 康 禮 亂 法 其 刑 紀 政 綱 治 而 天下之大端 夏 亡, 幽 厲 大 蕩 本 無 也 紀

胤征

朱子曰:「太 居帝 仲 渡 之捍衛。 在 于陽夏、兖、豫、青、徐之 康 ,人人思仰之,故 河 滅 丘 之時,羿 夏, 或 仲 康失河北,至 弑 勢 康 帝 日 分 繼 相 削。 立 泂 太 北 稍 觀《左 寒 康 以 振 相 浞 或 雖 自 威令。 方失河 己 猶 不 傳》稱 帝)殺,后 相 復 也 扶 冀 帝 南 翊 都 帝 羿 禹 相 夷 遂 遷 爲 居 德 是

讀 之羲和 於善, 知 擊 歟 洛 知 豫 以 者 者 業以輔 輔 道 胤 羿 水 默 百百 是是 ? 矣。 有 或或 謂 馬。 盤 侯告衆之 一者,位 以 默 之 遊 捍王 爲 不 司 I 當 毋 猶 羿 然 天子,毋怠惰也。 諸 細 畋 僚 恭 百 末 守 荷 曾 有 非 侯 觀 也。 友, 于 酒 技 之 執 有常之法 無 同 距 解, 立仲康 尊卑,治 語 而 艱 荒 罪 蓋 尚 或 也 囯 河 有 意 皆 敵 厥 莫 而 得 律之,滔 Œ, 相 之變, 夏中微,非 如 邑, 進言, 有感於夏時之人心世 不 日 而 日 統 \pm 此, 坐 懈 有 執國 度 遐 所 三 屬 視 臣 大 弛 也 弼 Ŧ 棄 愾 滔皆是矣。 四 當 執 人 播 曰「官師 小 |政之騐 隳 違 厥 又 室 鄰 相 蓺 克 蕩, 當當 司 廢 日 誰 進 獨 何 之任 教 有 事 歟 諫 各舉 若 時 賴 以 其 誨 百 常 以 相 图 者 君 焉 治 不 官 他 以 憲 諫 規 聞 誰 ? 逸 職 脩 陸 目 可 磿 口 底

軍 罰 振。 周 臣 以 任 曰 不 愛」之辭, 者 莫肯朝夕。 弊習,故 以 誠 贄論建中之亂 之衰 一,伐 逃此 臨 旅 : 一等語 如 儆其他畔官離次之人。 容 諌 庶官 言 此弊, 此 其 諍 難 責 小邑, 先揭 爾 實 則 之列、備 寧 三事大 不能 也。 曠 與上文「不 衆 狹 相 獨 始 豐、鎬 矣。 士 照暎 效其 夏 官常臣道,次聲羲 萬 胤 以 可 奚用 事 時 夫 爲:「股肱之臣 懋 衛之司,見危 侯輔佐 以 ()意謂 然 源 力。」夏氏 之轍 莫 戒 率 張皇告諭 耶? ··, 其 肯 恭 哉 勵 遂東, 有 夙 嚴 医有 新 諸 刑 夜, 君、深 不然,責一小 此 明 若 之臣 臣 」、「奉 篇 勝 以 不 邦 而 爲 不 「威 下,耳 和罪 於姑息。 故申之 爲 可 不 君 能 哉 憤 實 專 將 勝 能 諸 克 此 致 目 不 天 厥 復 能 其 侯 西 時

太康犯禽荒之戒以失邦,后羿復冒于原

能 潤 自反, 和 可不戒哉 又 犯 甘 酒之戒。 逸 欲陷

人,不

亦大出

於不得已耳。

嗚

呼

聖

人

處

君

1

臣之變,後世亦可以察其心矣。

湯 誓

湯 礙。 君德。 不懼於 舍穡 矣 前 以湯之事 初 命 畏天命、 夏,如苗 非台小子 此 既 征 亳 必往 云爾。 其中必 黜 葛, 衆 非 憫 莠、粟粃之不容, 未 後 而 之師 桀 日 辜,豈有不 敢行 人 征 嘗 湯 湯知 有 最 稱 窮之 韋、 憚 終 明 以 忠,五 兵 稱 此 君臣 不 於征 征 以 意, 亂」,以明 意,故誓師之辭 釋 伐 顧 張 進 知桀之虐焰? 於 大義爲言者、託 役。 以 之, 膽 伊 征 懷, 解 對 小小大 尹,實欲 衆 昆 商 衆 惟 本 吾, 百姓言之, 心 人 惑 心 戦戦, 有 見 不 也 用 慚 次述 惡 首 無 王 民 德。 夏 於 疑 正 特 图 於 多 日

目

仲 虺 之 誥

仲

虺

稱

湯

德,

不

言其

他,

先

言

勇

智。

勇

則

能

斷

智

則

能

謀。

Œ

萬

方、

成大業

全

在

助 桀爲 者不 於勇 成湯 此二 也 時 皆苦其 有能 哲不足以當之。」亦此意。 雨 字。 愚謂 虐,寔 智 者,而 不 降, 止 爾。 , 耕 君 邇聲色、不 民 李綱言:「興 圃 不能攘 者 繁有徒。 大 古者諸侯世封 恨湯來 不變, 悦 外敵、復 殖貨 此 誅 之 觀西 所 衰撥 其 晚 利、克寬 以 君 可 其子孫,豈 夷北狄之民, 中原,以 爲 亂之主,非 知矣。 宋之人 吊 仁義 其民, 克 之 歸 仁 君 其 若 必 師 歉 市 亦 如 英

0

謂人莫己若者亡」,

商

紂、

楚靈、秦始皇

聖人不能

無

人

心

一,以

禮制之

而

己。

於民。 專征 子又有 之所覆, 勢當然,非 暴,拯民 無暴横,特以 伐, 時 夏道既衰,典章 所 於 湯 巡考察之法,故惡人不 安能 水 以 有 有方伯監 火 諸 意 封 利 也 或 其 徯 殖之? 土 望之,深 兼 ·不舉。 臨之、糾正之,天 地。 弱 取亂, 昏 聽 喜 湯 暴者,天 亦 以 天命而 其 得 是 除 方 肆 伯 事 昏 虐

以義 取亂 賞 當爲也。 外,敬以 不吝」,「從諫 」,「佑賢 制 侮亡」,「 事,以 夫全在 直 「不邇聲色,不殖貨利」,「改過 内」之説同意。 輔 禮 於此。 殖 德 弗 制 顯 咈」,便是「以 有 心」,與《周易》「義 禮,覆昏暴」,皆義 「德懋懋官,功懋懋 忠遂 良 士希賢,賢希 兼 禮制 弱 攻 心。 以 昧 所 方

隋煬帝,皆其類。

伊

之所 川 秉周 人 封 禮 被髮祭野,辛有知其將 ,仲孫 殖 也 • 知 無禮者,天之所 其 未 可 動 爲戎。 有禮 棄 也 者 魯猶 天

己。

武 王日 欲民 籲天」, 桀之所以亡也。 姑、尤以 之。」萬 無 :「天矜于 怨 紂 方百姓「並告無 西」,衆 之所 詛 當 如 以 「保抱擕持厥 民, 何? 皆 滅 民 詛 也 之所 ,齊之所 辜 惟 於 省 聊 上 欲,天 刑 婦 下 罰、薄 攝 以 神 女以哀 覆 以 必 祇 東, 也 賦 從

諸 王言 侯 無 即 朝 見 慆 新 淫 何 君 其 各 之始 約 守 而 爾 精 典 厲 以 而 承 . 天 温 無 休。」 也 從 匪 一大哉 慎 守

歛

而

已。

_

散。 法度 不縱逸樂 豈 則 非享禄位、保福祚之道乎 能 則 尊 天子 能子 百 而 姓 不 而 敢於變禮 不至於野 易 荒民 樂;

伊訓

立愛自親始,立敬自長始。 戴之。 各長其長,乖 則上合天理,下順人心,宗廟享之,百姓 君者,於吾親能致其愛,吾長能致其敬, 天下平矣。 倫之本然; 理義 庭,而民從之睦 通國 臣民,胥然胥傚,各親其親 戾無自生,凌犯無自起,而 者, 順, 何 人心之同然。 也? 愛敬脩之家 綱常者,天 爲人

> 哉? 若不 曰:「苟日新,日 命」,「昧 工傳神 切,令人感動。 及之工夫 一般。」 爽丕 顯,坐以 信 也。 朱子謂: 日 然。 新, 聖 又 敬 待 湯 「古人文字 日新。」皆檢身 日。 日 顧諟天之明 躋, 豈 盤 無 如 自 書

商之求哲,即夏之籲俊也。三風之儆,亦 賢否 康 此 責 商 六言之訓也。 見則暨 也。 興者,彼則臯、益諸元老一不慭遺,而 以湯 ,聖人固 豊非で 湯同德之阿 爲祖 天乎? 有所 ,而有欲縱之太甲: 以禹爲祖,而有盤遊之太 不 衡猶嶷然任師保之 能 必 也。 然夏 衰 子 孫 而

風 况於 以 論 于身,國必亡。 + 正犯。 其 愆 罪 卿 也。 士有一于身,家必 故朱子謂:「湯 臣下不匡,猶 非直 言其 制 喪 刑 理 官刑 以 也,按法 邦君 正是 有

伊

守之不易,故述先

 \pm

脩

德

省

躬

積

累之

久,以至于有萬邦,其艱

如

此。

語

極激

尹與湯共定天下,親見締造之甚勞,持

陳後 甚。 戒, 金海 奉行天討 旋亦覆敗,而 人君兼有衆惡者,如 主、隋煬 陵、 元 處。 順 帝、 帝, 後 世 唐玄宗、莊宗、 人 皆 王 臣 自 章不舉,然 酒 取 音貨 商 顛 約 沛 色之 漢靈帝 宋徽宗、 不 有 差毫 害 犯 此

童蒙始學之士, 不 日 入官 罹 于 咎也 知 所 以 以 正 官刑 諫 訓 亦使之兢 之, 非 獨 持 使 戒 其 慎 他

髪。

湯 既 於 因 儘 吟 極 儆 云 卿 危 歌 管 哦 其 戒 舞 嚴 亂 江 不 士 諸 留 破 Ш 絶。 切 乎 侯 有 邦 除 不 以 ? 餘 君 休。一 其 明 到 不 以三 毋 王 頭。 詩 太 盡之巧 從 參 人 祖 日 政 風 匪彝,毋 主 嘗 總 一能 + 伯 爲 愛 以 南 常 愆。 還 戰 唐 大 朝 存 争 造 有 天 人 即 訓 李 此 收 子 化 慆淫」,又 四 敕之辭, 心 拾 愛 山 留 留 得 風 甫 有 何 銘 詩 流 餘 至

> 還 臣 不 能 盡 百 之禄 常存此念,又何至於衰敗乎? 姓 留留 以 l 有餘 還 朝 不 廷, 盡 之 留 福 有 以 餘 還 不 子 盡 孫。」 之 財 人 以

太甲上

人 先言「慎儉德 宗, 君 其所 陳善 E 其 有 伊尹告太甲, 宫,示諸 有 君 本 不會,以 所 承 之奢 侍, 分錢」,援引《禮經》一充君 敝 閉 又 前 へ勸 也 邪 王 侯 又 欲 以 積 以 肆 以 」,次言「省括 後世 累 懷 汰,天 其 如 慎 先 爲 之基 君之侈用,如 裴 永 儉 戒 小 乃有 延 圖 德, 下 以「不德 失 龄 - 叛之。 易 進言, 無 者,慮 懷 者 流 妨 永圖 于 於 引《周 , 度」。 也 罔 厥 蔡京者。 謂 其 奢 大,墜 監 侈, 庖,以 一唑 所 真 桀 度者, 終, 不遠。 官 爲 下 蓋 所 催 遂 自 傾 自 稽 謂 厥

縱 殺 事 厥止,率乃祖 服 敗禮」,故勸之以 事 ,當遵守之,不可 、器用、飲 物 物 莫 不 食,先王已有制 攸行」也。 有當然之法則。 此。 有所增 太 陳 甲「欲 氏 益,乃是「欽 度。 解「止仁、 宫室、 不豐 敗 車

太甲中

止

孝」,意頗迂濶。

伊 尹 官、天職與天下之人共之,柅束 殺,人見其包容,一也。 於天下。 人,即當 於人,與此時 侯、公卿、大夫帖然 日千駟弗視、萬鍾弗顧 遷 太甲 或 頑 於 三年 童近習,但斥遠之,無 桐, 委任 之間 以 權 冢 無 力之重 事 宰 之風 任 事 辭。 攝 官 政, 無 操 有 I惟賢· 非 不 以 有 宗室、 親 獨 可 鎮 以 屬,一 (才,天 其 孚信 大 暴 服 誅 白 乎 前 諸

> 懇,四 簡 潔,五 成就, 敬感 不 不 殖 與 編寥落,亦可 (事,人 財 動 也。 也。 脱 君 貨 屣 人 心, 不以 見其公正,二 心 而 迹 事 見 歸 推見。 如 寵 君 其 曾 此 禄 無 清 無 居 不 澹,三也 孰 繋 成功,只 盡 也。 得 戀,人 禮,人 而 議 不 之? 營産: 見其 待 見 惟 君 其 以 業 雖 高 德 誠 孝

言及引誘之人,此所以爲真悔過。暗誤聽於羣小耳。然只反躬自咎,畧無太甲悔謝之言婉而有文。前日欲縱,非迷

伊尹進言於太甲有過之時, 後,則 儆戒 畧不及做 忝 者之法。 厥 深解,不 祖」,與 止 以 戒意 指 脩 口「無越厥 陳 身 欲縱之失。 懋 温 德 婉 與 和 命, 厚,可 四 如 思之義 言於改過之 以自覆」,皆 日 以爲告君 「辟不辟 ,勸之,

四四

口 之。 辯之人,援 機 言,秦王讀之,恨不與同時,皆辯言之士 勝理,乃辯言之士。 者,詞勝理也。 辯言亂舊政」之戒。 之弊 爲甚,伊尹已先見其微 不惟好異。 法,甘龍争之不能得; 作排 《畢命》曰:「政貴有恒,辭尚 駁 群 議 引 商俗靡靡,利口惟賢。」末流 似若 証據, 理勝詞,乃經濟之才, 人君 敷 可 《史記 韓非 聽,而 陳 於此,須細 利 作 ,故有「罔以 害,决 商 卒 書 不可 鞅 + 體要, 餘 論 斷 萬 行 變 察 詞 事

> 德無常師」,凡有善皆可 問 善而從之矣。此廣「聽德惟 擇,至於言之無稽、謀之弗詢,亦 善之可從。 準,惟以自我純一之心而觀衆理, 取人爲善之誠也。 下民,詢于芻蕘,百工技藝皆得進諫 心不 純 然天下之善,亦無定 一,則 ,師之。 茫 聰」之義 然 故聖人清 不 將 方知 知 以 爲 决 而

盤 庚 上

告君以聽言處事之要也

也。

西 洛邑 亳 前 向 在 崧 洛 面 高 勢 陽 後枕 E 東 七十 同。 大河,景 左據 里, 即 成 今之偃 泉,右 山 在 其南二十 阻 師 縣 澠 池 與

年。 計。 建都立邑之所繫,不其重歟? 北亳、南亳二邑之地 微子受封於宋,都商丘,從湯舊居,僅得 地勢卑下,民俗輕浮,不數傳而亡國矣。 後,商道復興,爲諸侯宗主者又二百餘 爲國家形勢計,亦爲民 舊都,則無以紹 遷徙,只救目前 不可舍此他適也。 成湯自商立都此興 州,居天下之中。 曰:「天其永我命于斯新邑。」自遷亳之 里,《詩》所謂「景 至武乙去亳,復都 盤 庚以顛 木喻 大業 ,從民一時之便,非永遠 員維 風 之,衰微甚矣。 王之地,爲子孫者斷 囂、相、邢、耿,累世 猶 氣平 圃 河」者 河北,居於朝歌, 生風俗計也。故 綏 相傳 四 和 方。 也。 ,民性安舒 七 百餘年。 此非 地 不返 屬豫 惟

盤庚中

古者公卿大夫各食采邑於畿内,六鄉、六 使有衆咸造,曉以生生之利。 庶民,今既先定計,亦不可不 遂各設官以治之。 時進民 致告有衆,以恭 而告,則體褻矣。 乃事,度 故未遷而告在位,使 乃 古者大事 口。 荷於此 開 苟於此 諭。 事謀及 故

此即以政令齊之,非以空言怵之也。不吉不迪,顛越奸宄,盡劓殄之,無遺育。不進民而告,則情壅矣。

盤庚下

「不肩好貨」語極嚴。恭承民命」言極遜、「尚皆隱哉」情極切、

商之 是,殷 貨」訓蒙士、 肅 每諄諄焉。 以 玉」之有戒、「總貨寶」之有禁,告 也 不貪 盛 時,君 罔不小大,好草竊奸宄,卿 迨紂 禄 以 此 以奢 IE. 儆有位。 不 所以 表 儀於 殖 · 欲崇 貨 貪風 下。 利 及其中葉,「具貝 積 衰 端 私 公卿 歇, 本 藏, 原 面 於 每 唱 士 朝 諭 Ŀ 以 之 師 廷 臣 於 清 相 民 殉 師

高

説命上

非

:度,而

風

化大壞矣。

高宗 臣 以 以 卿,未見 一、然後 「恐德弗類 即位 股 肱 朝 奮 惟 ,無大命令者三年,深沉 可 有 發 卓 以 有爲,而成名於後 良 輔 然 一,固 大 臣 出 有 惟 類者,故心心念念 謙 爲之志 聖。 抑 之本心,其意實 必得 大 世。 圃 涵 在 有 蓄, 其言 廷公 爲 之 所

> 百官 也。 想英 賢, 便 觀 可見。 一得 圃 不 傅 自 説 用 知 其 其 聰 果 明, 聖 輕 而 發 即 其 使 號 總 令

宗既 觀 穆公夢帝 《左傳》、《史記》夢帝命之事 象之間 四 方」,豈虚 夢 即即 帝 命 齊良 寫 汝 得 言哉 平晉亂。「 弼,付受 植 鰭 真 相,此 分 臨 明 下有 非 亦 而 一,如 有 召 神 I 秦 審

古者 礪 納 IE 論 誨 道 ,若木之 君之功莫大於此 諫 講學, 輔相 無 官,故 之任,即 陳 繩 善 舜 固 責 命 諫 不 難 禹 待 静之臣也。 以 , 防其 過 弼違,高 已 非, 形 杜 圃 若金之 命 其 後 説 諫。 以

納誨輔 之切。 説於此 傾倒 獻 德」、「啟心沃心」,委任之隆,期望 未 他 納 遽言也 人 條 處 條 此 一方且 縷 感激 縷 無 以 主知,發抒宿 從 有 餘 諫 藴 廣 矣。 高宗之 傅

真大臣 也。 必 明、擇賢才、退私 於命總 有中,惟不言,言必底 以 其 之風 百官, 承 堅 度, 而 高 而非輕躁淺露者所可 宗之 始 昵之説焉。 徐 進其戒 心, 行。 從 容 逸 惟 静 涵 豫、憲 重 不發,發 蓄 淵深 窺 聰 至

説命中

説進言於王 於此 德任 治 事 賢 即 而 民 른 一,雖若散一 從 之而 君法 治。 而不一,然其大旨,脩 天以立道 萬古治道 一,臣 奉君 不不 出 以

甲胄,所 不當, 鎮天下,七國弄兵,遂逆京 云 張 反 以 軍 有 衛 衛 或 起 外,禍 禦戎 戎 之端 反 也。 在 内。」 區處措 如 師 ^ 漢 鶡 ; 唐 封 冠 置,一有 同 建 子 方鎮 姓 以 所

> 又不 如 以 此 平 可 大 然 盗,藩 欲 銷 侯 弭 擁 兵 衆, 端 亦 而 抗 不 朝 脩 命。 武 事,則 其 勢

封 惟治亂在庶官」,千古爲政不能外此 之私 言。 也。 之説 之皆 虞所 動。 域 中 精 未 大夫 興 察 盡 贄 有干 賢能 觀 師 興 ,不亦宜 昵 强 革 得 以 子 恶 其 此必 敷言 元一韶,而 魚 力 長未必皆賢,而 其 戈之事 因 旁 底 德者,簸 人 任 諫 循 有以見諸 職 招 也。 宋 人,纔登 試 乎 廢 則 俊乂,列于 襄 當 功、 壞,莫之脩 治,私 商 公伐 强藩 揚沙汰不少矣。 反 考 朝 相 躬 行 績 順 曹, 用 具 昵 位 事, 省 人,率 命 玉總貨之風 惡 庶 黜 得 德 ,亦合此 丽 整。 而 德 位 陟, 傅 已有 無 非 則 由 説 傅説 欲 則 徒 闕 亂 之旨 世 庶 擇 商 在 空 圃 選 道 位 是 或 官 唐 官 後

動 乾,與 時純 而 而 惟 静 己。 厥 ,則爲不合時矣。《易》曰 熙矣,是用大介。」當 時 時 《詩》云: 偕 行。 時」之一字,當觀 亢龍 「於鑠王 有 晦, 師 晦 與 遵 IIII 時 天道 動,當 「終日 養 偕極。」 時 人事 晦 乾 熙

説命下

居三

面

退,居上而進,則爲不知時矣。

易 聖賢之域哉 聰明如 之罔顯。 · 咸 卦》象曰:「君子以虚受人。」高宗 此,初嘆 求道 師 其德之弗類,後 善 1有如 饑渴,豈 恨其 有 不 造 學

桁

是

也。

來,道積厥躬。」此尊德性之工夫也。朱之工夫也。「惟學,遜志務時敏,厥脩乃惟建事,學于古訓,乃有獲。」此道問學千古論學,始自傅説一篇。「人求多聞,時

多識 之學。 得。 以見 迁 據。 書 以 九淵、王守仁單提尊德性以教學者, 體 無著,莊子之於書無所不窺,惠子之其 子窮理以 闊 讀 博 用 五車是也。 道 然不監 聞 書窮理爲禁,皆傅説之罪人也。 ൬ 知古通 該 世有 難 理之源流。 ,方能建 内 致其 行, 外,實得先聖賢之正 多聞 今,適 成憲,則無以 劉歆之《周官》、荆公之經 亦有學古而不鑒成憲者 知,反 事。 而 時合俗,所 不學古訓 學古知 躬 然不學古訓, 以 踐 究 理,方 其 者 典章之根 以 (實,盖 一、泛漫 爲 傳。 有 經 則 綸 所 兼 無 陸 而 而

《管子》一書,多言治道,何嘗 子》書專言農戰,亦爲近實。 謂「言事不及理」,似 特於功利意爲多 道, 德意 爲未 穩 爲 少爾。 二子立言 無 夫理散於 理。 真 ^ 氏 商

不脩仁 事理而二之,是以治兵 可致 事 事 富 歸 |義,則| 强 於 此 理 又理之不當然矣。 理 非 之當然 有二致。 也。 (財爲· 專主 如 事,談性命 力 先儒: 農 於 此 教 分 戰 而

高宗肜日

爲

理,可乎?

古人祀 宗當 世同 祖廟,故祖己以爲諫 堂異 遷 典 最 室。 嚴。 據 公論 禰 七世 廟 纔 之廟, 有加禮,便是薄於 君 可 以 廟, 觀 非 德。 如 當 後

西伯戡黎

方境,得專征伐。若黎在河朔,密邇商西伯武王,非文王也。崇、密、耆、邗,皆西

理 ? 都, 文 觀祖伊恐懼奔 王 猶 服 事 商 告,情 豈 有 勢 稱 迫 兵 切,其 圻 内 武 之

先唱。人道無灾,不可先謀。」至此,正獨不知爾。太公嘗云。「天道無殃,不可失常性矣。商之必亡,愚智並知,惟紂不有康食」,天降大戾矣,「不迪率典」,民王大會孟津之日乎?

理矣。後世見此,可不懼哉!欲喪,爲君而使民心至此,亦無安存之桀之民曰「時日曷喪」,紂之民無大小罔不其乘時舉事之會也。

微子

興,相爲敵讐。」紂之所以亡也。「彼宜家從之。「凡有辜罪,乃罔恒獲,小民方國之將亡,必法制隳壞,紀綱蕩紊,而後國

無罪,女反收之,此宜有罪,女復脱之。」

幽王之所以滅也。

戰之際,倒戈返攻,有誰鈴束。是商紂究罔獲,攘竊無災,則其縱弛甚矣。臨盤庚之誥。「有奸宄者劓殄之。」而紂時,奸

之亡,非但無德,亦是無法。

下率皆酣宴,而政事職業一切廢棄矣。 任意肆行,至於有盗食祭牲而亦不問, 此以酒廢事之故也。諸子有云: 紂醉而 。其日,以問諸大夫,皆曰不知,惟箕子 。其日,以問諸大夫,皆曰不知,惟箕子 。其日,以問諸大夫,皆曰不知,惟箕子

可以爲樂,而豈知酒荒之害至此哉?

紂亦以才智過人,威權己出,諸侯服

事,

書經衍義卷之二

葛伯

矣。

隋

煬

帝

祀

南

郊,弗齋于次,至

即行禮。

陳後主祠七廟而

不

出,拜三妃

牲粢

盛

既

于

X

盗

可

謂

怠

慢

之

極

甚

於

而

臨 軒。

南

唐

主璟,

即

位

以

後,未嘗

郊

祀。

無道之君,如

出

轍

臣黎貴惇撰

伊尹有言曰:「惟天無親,克敬 民父母」,當兼教養言之方備 性 相 ,所以爲億兆之父母 得性之全。 ,使人遂其 生,脩 聖人出乎 道 綏 其 此 猷 惟 云二元 使 類, 親。 財 人 后作 復 成 鬼神 其 輔

敬

、誠、孝三字,乃人道之當然

也。

紂 夷

居,弗事上帝神祇,遺厥先宗廟弗祀,犧

五

+,

始得空地封

建諸侯,

晉、

魏、耿

無

常享,享于至

誠。」又

曰:「奉先思

孝。

天

地

化育萬物,降衷下民。

物得性之偏

泰

上

文王三分天下有其二,紂猶 冀、兗、青三州之域,悉其兵馬,背城迎 戰,豈不衆盛? 洛,固爲 化政令,西及庸、蜀,南及 能「率其旅若林」,何也? 重 勢乎? 武王三誓師,以甲子夜出 實啟寇心」,况紂以過人之才,有全盛之 猶謂 「理 據天下,恃力作威,亦尚有河北、山 之至 也。 順 廣大,只有 難恃,同 迨克 蓋柳元景之討宋劭也 紂 後 悪 西 相 南 俘夷 濟,輕進 江 周 有 帶 漢,東及 悪 興 臣億萬, 之地。 西土,道 陣,謹 無 防, 紂 又

者。 地人民事力可知。 齊、晉稱 霍 王,伯不得不伯。」皆有見乎天下之形勢 下震。」唐杜牧謂 寇,莫大於河北,河 邢、衛、 霸, 燕、 力 制 齊、皆冀、青 秦、楚二百餘 「河北 北平則大軍 魏辛 毗言:「四方之 極大,王不得 州 盛 年, 境 , 而 其土 也 天

泰哲中

断大事,决大疑,實不可廢。云:「訊之占夢。」《書》云:「謀及卜筮。」以夢卜言之,明自然之感應也。《詩》征伐大事,卜之天命,卜之人心而已。又

之不同如此。節,直曰「天其以予乂民」。湯、武氣象成湯既黜夏命,猶三讓諸侯,而武王方誓

武 非自 祖 代不乏人,然才德功業卓然表見,濟濟 劉 山之下,突出多人,有迪彝教之文才,有 盤、傅説爾。其他畧不見於經傳。 洋洋,同時奮庸者,實所希罕也。 斯 王有亂臣十人,夫子以爲「唐虞之際,於 臣 厥敵之武畧,佐辟之功,光昭簡册,豈 爲 乙、武丁,各一二人,伊 靡耳。 唐虞五臣 盛」,且歎人才之難。 成 而下,至周而始再見乎? 湯二臣伊、虺耳。 陟、巫 蓋 興邦 一咸、甘 太戊、 良佐, 今岐 康

泰誓下

當武王時,已稱古人之言曰:「撫 德務 虐我則讐。」「同力度 帝之書,想不爲 滋 除惡 務 少。 本。」亦 (徳,同 夏、商二王傳國 引古語,三皇 德度義。」「樹 我則 后, Ŧi.

党 書百 無 賢 篇,意此 哲 著 書 類 立 也 言 可 傳 於 世 ? 周

公讀

年

文王脩德省身工夫,與成 固矣。 獄 日仁、 堅 積 照 至 小 實 于 邦,其脩身、齊家之實 肅 昭 訟 善。 民, 也。 確矣, 之敬。 哉 臨 南宫, 事上帝,有翼翼之心,惠于宗公,有 光于 歸之。 日孝、 惠鮮鰥寡,追 明德 刑于寡妻,至于兄弟,以 以 而訪 惠 不聞亦式,不諫亦 不顯 四 升 日 和 嗚 方, 于莘君,其 敬、 聞 呼 治民,以豈弟作人,懷保 亦臨,無 顯于西土」, 豈一日之 ! 誕 日 琢成人,造就小子。 慈、日 膺 ^ 也; 書》 天 湯同一 射亦 尊賢 命, 稱 師 信,無不 人 保,則 一若 朝覲 則 于二號 一揆。 敬大臣 御于 日 蹈 歸 月之 極其 道 存 觀 之, 之 詢 家 純 誠 肅 其

牧

(牧誓) 六工し。 卿者 見商 此 此 卿 康成大儒,或 禮》「天子建官先六大, 卿始見於《周官》,有冢宰、宗伯之名,前 殷舊而不 九侯、鄂侯爲三公,見於《史》。 司 (書》; 所 否。 徒、 時 一 尚 周 有六卿, 未 司空、司寇 虺爲左相,見於《左傳》, 徒、 但 爲諸侯,故 見。 鄭 有 敢備置 伊 康 司 天 尹 或是 馬、 成以爲殷 則 下 有所據。 爲 也 以 以 亦亦 司 511 周 未 後 爲天子 空,《 衡 不 家 之制 備 知商 箕子 制,今無所 又 始 六 傅 《蔡傳 有 卿。 六卿、 説 置 非 五官、 時 叙 此 爲 **>** 武 , 止置 以 疇,有 愚 官。 相 與 並 諸 E 爲武 按: 考証。 六 周 見於 猶 侯 不 此 府 侯 遵 曾 曲 日 王

四

《左傳》稱:「庸率群蠻以叛楚。」又曰:周都甚遠。武王徵發其兵以爲選鋒也。庸、蜀、羗、髳、微、盧、彭、濮皆西南夷,去

「羅及盧戎兩軍之、楚師大敗。」又曰:

啟濮」。《史記》:「秦伐蜀,取之,益富各走其邑。」《國語》稱「楚蚡冒於是乎始「楚師分涉於彭。」又云:「百濮離居,將

定秦、楚,其後樂有巴渝之舞,則此八國强,輕諸侯。」漢高祖以巴、蜀、羗、賨人

 \sim

中原,漢祖用之而平定天下,不止助周人驍猛善戰可知。故楚人得之而争霸

成牧野之功也

四 來,非 忿 夫、卿士」,於理逆矣。 方之「多罪 侯宗乎? 也; 惟不 有亡荒 問 爲 逋逃,是信是使,是 其 逋 閲 罪,又收用之,何 逃主 周文所 , 紂 彼得罪 所 以 以 得 於其 天下之心 積 天 以 以 下之 爲 爲 君 諸 丽 大

> 也。 叛,其事體 由 人伐之。 降,見伐於隋。 也 梁納侯景降, 漢 挑 祖 則 怨 與 異 生 遼納 於是矣。 群 怒,召 雄 見惡於魏。 並 阳 疎,宋受張瑴,金 逐 兵 秦 致 鹿, 寇,皆 陳納 招 此 蕭岩 納 之

武成

易》稱:「 資。 也。 猶 洛 行,而「殉 之粟,紂積之而 於人,不可 未 口 至此 厭 後 如 世 焉 隋 何以聚人? 于貨 猶 方 焬 愚亦 以專於己。 知乃祖 有聚錢西園 帝 ,國必亡」之戒,昭 甚矣。 民 民之膏 怨,適 不 曰:財。」財可 殖貨利 鹿臺之財, 脂 如 爲周 已 漢 竭, (靈帝 真 武 得 而 然 堪 聚 衆 鉅 以 積 明 率 斂 騐 之 粟 攸 分 橋

三五

周

制

軍

賦

丘十六井,出戏馬

一匹,牛三

林,水 牧 牧 牛 丘 是 方 又 此 共 馬 間 在 頭 頭 日 其 掌 地 散 甸 處 成 伐 4 而 閑、六厩,共 民 ,戎車一 牧者 商 四 於 馬 功 馬 不 兵 養國之公牛, 放之官府 草肥 諸 「牛田 プ,還 丘 覌 時 牛 在 止 Ш 車 侯人關 也。 從 官牧 之牛, 一「歸 林 乘, 盡發 美, 至 處, 甸, 放之理 任 豐 更尋 者也。 三千 校 乃平 遠郊之地。」竊 及 有 大路 先縱 公馬 出 字字 邑, 以 人 卿 軍 戎 他 載 凡 ? 掌 四 大 可 乃 日 事 放 馬 公 所 馬 會 在 有 百 王 大夫共 見。 監 則 命一 牛 亦 於 + = 經 4 軍 同、 馬之政 牧 匹。 牧 召 無 以 、欲宣 此 以 所 師 者,華 豈 時 之 軍 軍 發。 有 備 兀 充 意華 掌 須 凡軍事 旅、行 家者。 地 將 有 縱 征 , 之 天 厩 牧 示 將 放 役。 此 牛 在 牧 陽、 器 馬 子 天 潼之 官 民 還 武 牛 十 物。 役, 地。 也 下 物 間 舊 桃 牛 馬 馬 至 王 +

戎 商 邑,訓 肯臣 若 殷 不 儒 遥 復」,然從 致 士 弗 不不 謂 商 之後 也 應之 民也,何安於妹邦而 肯 膚 復 周 敏 遽 民 服 輕從周,武 化誥 商俗之蔽, 之心 爾東土 蠢 以 故 ,天下大定, 從」,謬矣。 乘之意 裸將。 動。 周 之者僅 諭,自 者。 公 武 阚 東 諸 庚始欲 人 E 此 易 是 奄 侯 所 後 情 甸 若 君、 惑 品 征 與 分 = 親 侯 畧不 殷 處 難 面 殷 徐 康 紀 叔 附 奔 民 之宗 之法當 即 曉,視周 夷、 其 先 小 叔 走 果 平。 已 叙 以 以 唱 動 思 淮 室 無 流言 七 而 執 平 先 然。 遷 君 戴 敢 族, 爲 曰

民 愚 歸 謂 之五倍其 王 避 狄 初 ,遂成大國。 自 邠 内 徙 邑于 時 岐 西 方

詩》云「實

始

剪

商」,先儒

多辨之,以

大

E

當

祖

甲

時

殷

道

猶

盛、豈

有

剪

商

之

豆

殷

有

不

子

先

王

德

亦

民

新

周

自

或

常。二 荆 其 異。 侯 有成湯,自彼氐羗,莫敢不來享,曰商 書》稱 衛 荆 戎 附 而周家盡收之,使爲服 詩》 蠻 羗 「肇基王 於周非 君之。 日 無 不 服 維女荆 一日矣。 迹」,見得周之基業自大 武王伐 從, 此 楚,居國 與 紂, 羗、髳 非 剪商 剪 役。 商 之枝 南 而 太伯之 咸會 何 葉 ? 是 不

居稱。 君長 分禮 等之爵,唐、虞時已有之,但帝 啟之五子同 伯、崇侯、微子、箕子,其餘各以 同,今無可攷。 曰諸侯,又有葛伯。 秩 微、箕只 至周始定爲公、侯、伯、子、 粲 藩 然 輔 處京邑,無余於越僅 可 八子爵 見。 《夏書》有曰采、曰 夏、商不封同 小 商有九侯、鄂侯、巢 武 國, 王 、周公懲其弊 微 仲、 王沿 氏 比 爲 男,名 姓, 稱、以 男邦 蠻 革不 干 夷 如

五

王

௱

始

,所以武

王追崇王號

大夫。

下 故 土 一,所謂崇德報功之大義也 封 私 建宗 其 親 室 以 封 藩 先聖賢之後 屏 王 家。 然 與 不 功 미 臣 以 謀 天

惟賢惟能,見得必賢能者方使爲諸侯、勿用。」《書・武成》先言列爵分土,次言周公繫《師》上六爻辭曰:「開國承家,小人

周 之士。 王國 作成 能 雖 以 使不泥親疎,惟賢才之是與。 倦於擇任 不 奉璋左右皆追琢之人,禦侮後先總作 世 常島時 替 以 中中 義 族 克 親 德 爲 以之爲民 生者 親 丽 所 一,防 拘 爲 灼 用 乎 十 用 重, 見,繼 末 同 ? 臣 之,四方歸 流 姓皆公選 建 之同心,三千之宣力, 長伯,爲國干 武王 世 官 而 卿之弊也。 必 由 繼之,率從容德, 惟 繹。 也。 來 賢, 者 當是 文王始 武 位 城, 亦用之。 大 事 王 時 一猶 何嘗 必 抵 也 惟 興 官 惓 而

世。 亦皆昔 熊勿軒謂:「大臣之子若孫,莫不各以 家中葉之弊,而概論於國 且 夷、布列於百司庶府者,要爲 爲諸侯 親 而賢者方見庸,非賢者不得 三公、六卿,異姓 ,雖則親 時 濟 濟之多士也。 多於賢,而 亦鮮。」是 初 啟宇 治 矣。 親 都 分土 賢 邑、監侯 武 偏 咸 濫 E 指 序。 也 數 其 周 列

存心雖 惟 終 有 斷 日 制 「惇信明義」 與信而 極寬仁,無義 無信 已。 以 」,其知言哉 成 《武成》紀武 以裁之不 之不可。 可。 服 \pm 天下心, 政事之 處事 雖

紂曰

「官人以世」,又安肯蹈其失哉?

洪範

八卦於西,箕子明九疇於北,並爲千萬商之末世,精究天人之道者二人,文王明

變。 士。 信哉 方淳 垂拱 而 世 又囚 理 慤 有實學者,未嘗無實用也 箕子雖不得位,而傳 學、 ___ 1 之風。 奴之。 助。 文王用《易》之道、光四方、顯 數學 啟 「庸暗、 之宗。 封 仁 朝 賢之化,至千餘 解,教 紂 之君,不 非 民 道 惟 新朝, 八 不 미 條, 能 與言」, 用 年 足 成 也 爲 東 西 不

惟天陰騭下民,相叶厥居。」《蔡傳》及諸 道,使民 家皆從天説。 自然也。《蔡傳》之説亦是。 下民,作之君,作之師 會選》,始定以爲「陰騭 相 相 」與「佑」字同義。 叶厥居」屬之人君,謂 各安其所 至明 也。 太祖命 《泰誓》亦 其 下 彝 儒臣 義 民」屬之天 人君 倫,天理之 韙 言「天佑 作 輔相 矣。 **書** 然 天 傳

矣。違天道,疲人力,下民昏墊,萬國失一鯀陻洪水」,以土制水也。水多而土流

天怒鯀 時穀 晉 陻 \equiv 性以導之,於是 極 洪 壤 ,便是「彝 水」之類 諫 洛 咸 ,不聽。 闘,將毁 丽 則,蒸民 佑 禹,感應之理昭然矣。 倫攸斁」。 其後周室遂卑,是亦「鯀 乃粒 乎九州 Ŧ 宫,王將壅之。 ,便是「彝 滌 大 源,四 禹 嗣 倫攸 興,順 隩 可居, 太子 東周 叙」。 水

漢孔氏 福、六 謂九 自 潤下」,乃箕子 有 何事 至 叙。自「一五行」以下,乃箕子所演。」 愚 「二日」等名目,亦禹之本文。 一箕子 淫朋」以下,三德自「平康正直」以下, 説 何 疇名號、數目,禹如不説出,何 日 極,是仍 政 ? 恭」以下,皇極 「「初一日五行」一章,乃大禹 乎? 後 世 所演。 本 竊意「一五行」、「一曰」、 何 文 由 而 知 如八政、五 自 無 五 所演 事、八 「凡厥庶 説。 自「水 政 紀、五 <u>Ŧ</u>i. 之爲 以 事 日 傳 所

> 稽疑自「立時人作卜筮」以下,庶徵自 亦先立乾、坤等名,後聖方繫彖、爻、象 「五者來備」以 一名目皆禹 本文。 下,並箕子 如 伏羲畫六 ,演説。 十四四 其 卦,

大禹九疇與文王八卦相 三震、 ,此後天方位也 四 巽、五中、六乾、七兑、八艮、九 合、蓋一坎、二坤、

辭。不應有畫無名也

離

洪範》言五行,不言陰陽。 之,後之占筮者祖焉。緯書又以八卦 屬 陽,不言五行。 州分野,災福多騐,歷代皆 九宫,有「太一遊年」之法。 行分配八卦,又分配 日 八卦之六爻。京房、管輅、郭璞皆 ||河 圖》、《洛書》相爲 理實 相 十干、十二支,以 通 經緯」。 立太 《周易》言 以其 緯 書始 説 祠 以 推 故 九 配 從 分 \overline{h} 陰

天布其氣,地具其質,是爲五行, 而品物流

農、商 時,時 謀 是 咸 奉天 乎在,是爲 之,是爲 爲 形 僭 其 隨 福 之民,所以 有 禁,交際之常,兵戎之變,皆賴 及 宜 爲 遵 次 其 五 矣 臣 是 道 皇 序乎 事 舉 道 德之三 以 賈、祭祀、居處,愚 · 賢 任 君權 極。 民,而以卜筮决之,求以逢吉,是 爲 人 義 八八政。 作 圃 禀 ? 人性之急緩 而 承上 五 事 保合 當 德。 人情之逆 能,命官授 無,守 氣 事 無 紀。 人 戒 曆象 以 邪 君 天 太 以 其 成形 或 此 僻 陰 中 王 和 厚生, 下 事 豈 日月 天 騭 矣。 心 移,臣 豊 有 順不 以 偷脩 禄, 非 之 相 下 異,克 能 而 享 生 彝 星辰 而 斯 身 叶之意者, 待 常,宰制當各 以 無 相 民 倫 下 正, **沙** 以 人 共 教 疑 安 之道 之道 當 治 人 敬 之 定 成政 難 相 使 定 當 君 防 頑 生 命 養 庶 授 粲 其 各 四 於 以 而 事 之 當 是 人 滴 民 伙 耕 是 必 -海 IE. 須

> 乎 中 然 彝 民 天 己 爲 刑公明,方合君 者表之以 倫 道 之經; 稽 八 而 賞 疇 疇 之有次叙 以 疑 使 者 所 善 五 均享五 後四 福, 事 時 也 以 罰 候 參 主 惡 圃 之,求 疇 豈 也。 張 道 不善者 福 福 妙 能 統 善禍 其 前 無 御 加 是 以 用 愆 四 免咎 不入六 爲 亦 淫 施 疇 龙 乃時 威之以 福 設 人 ? 明 極 運轉 是 其 君 措之 極 必 體 爲 脩 省 此 極 庶 權 德 乃 亦 察 通 徵 自 皆 賞 善 化 諸 貫 ;

貌必 性 此 人,所謂 脩 恭 則 至 身之道 ,言必從, 於命 性也。 也。 矣 視 知 五 必 其 事 明 性 ,天之所 9 聽 則 必 知 聰, 天 以 矣,盡 思 賦 必 子 睿 乎 其

貌乃 愆 維 。」《禮》曰:「儼若思。」言乃樞機 儀 民 表 之 之所 則。」 關 又 曰: 故《 詩 輯 **>** 柔 曰 阚 顔 敬 慎 不 威 之所 遐 儀 有

近信 謂 保,故《詩》曰: 爾 矣 動容貌 出 出 話。」《禮 辭 氣,斯遠鄙倍矣。」皆 斯 君 遠 三日 子無易由言。」又曰 暴 : 慢矣; 「安定辭。」曾子 正顔色,斯 日恭

惟聰; 君 目 黄 不可不廣 纊 又不可 寒耳。 聰 盡 明也。故視遠惟 用 其聰明也,故前 明, 旒 聽 蔽 德

從之義

心者,神明之宅。 物、通鬼神、故「思曰睿」。 人之心思,徹 天地、 窮 萬

政

人君爲政,必本於天。 以定 鬼神 無 慎終追遠,祈福 居,烝民乃粒 饑,當務 故故 民 也。 居、 農 司 度地 成 重 徒主之。 穀 民 立邑,制 當 報功,祀 以 事 通 也。 裕 人情一 功易 寇攘 其 里 食, 飽 所以 事 奸 食 授 日 懋 ',以 完, 逸 廛,司空所 仁祖考、仁 遷 不 居,不 殖 不 有 再 其 可 食則 無 貨。 無 可 化

> 遇,賓 禁,故 皆所 之則也; 之道,實天 氣化發生之本也;五 度,立經陳紀,以 正邦國,兵師之脩治 事爲 謂 客之應 司寇掌之。 法,分而二之,可乎? 道 八政,人倫日用常行之理也: 也。 之道 酬 先儒 也。 不 爲 可 冠 以 法於天下耳。 不可廢。 人君 闕。 香、 事,動作禮義威儀 陰 陽 鄉 則 威 性 射, 之, 懲 命 凡此皆人 不 朝 爲道,以 制 ·軌,平 五行, 聘、 節 謹

曆 萬古 象 紀。 以 授 此天之道,亦人之道也 如 Ę 人時,紀王法。 夜 矣。 故八政之後,次以 無歲 時 月日 則

人君居至尊之位,立至理之準,脩己以敬 壽 叶 厥 建中于民。養之使各遂其生,教之使各 海内 中 庶民」也。 道 富 政成 安,所謂 下民 化行,兵寢 既 愈 蒙 其 時 福 五 刑 措,斯 福 而 耕 用 民仁 敷 錫

義

意,則 矣。 率循 風 嘏,受禄於天,以保天位。 上亦 息 比之偏私,依光華之道義。 以蕩平正直之道 之,謂取賢斂才,扶弱 庶民于汝極,錫汝保極」也。下文推言 無不順時矣。 順帝之則, 乎此 天子作民父母 ,五常充擴, 得以享其 五行叶序,五氣調和,而 福 日 下有以正 用 昭示天下, 面 加 以爲天下王,其道孰 飲 富 伴 食,徧 壽 抑强, 揚善遏惡, 奂 康 所謂 優 民 寧無 上有 使臣 爲 性, 游 雨 爾 「維 不 則 暘 以 民 彌 德 合 Ŧi. 燠 絶 順 時 性 應 事 寒 天 朋 厥 純 君

下民 常斁 士師 上之君 奸 無淫朋,在官無比 師 宄 能 非 ,小民 此紂之所以亡天下也。箕子親 度,凡有辜罪,乃罔恒獲,而 建 有 相 極 爲 也。 敵 德,凡若此 **讐**,而 殷 罔 不 民 大小, 風 者, 壞 好 以 官 草 在 卿

有

加

哉

《詩》所謂「勉勉我王,綱紀四方」也

才器卓越之人,念之而不忘,平常無 故人臣 收並 之道 矣。天之生人才也,將使之用 見其 沉於草野、淪於卑冗而不得自達 安和好德常吉之士,則爵之禄之。以此 人,受之而不拒:蓋將以次第收用之也。 三等論人,凡民之俊秀,皆爲王朝 下文「無偏 也。 弊, 蓄 蔽賢者 而 故 己。 人君奉天 無陂」 爲 武 「時人斯其惟皇之極」, 不祥,而達賢者有後,天 王詳言 節 用 與 人,其要 此 表 同 正 意 臣 世,豈 無 民 他 之道 乎? 之用 過之 兼 如

虐煢 失人 於權貴,非長久之道。以用人言, 人,泣而 如梁武,民 獨 心 則 惠 宥之。 違 澤不究,畏 有 天 理矣。 犯罪,老少質作; 時議 此 以 高 爲 節 明 急於小民,緩 以 則公道不行, 用 法 、王侯 言,則 則如 殺

賤 罷勢家,不使與孤寒並進,其合於王道 武賞不遺賤,罰不避貴。 魏孝文, 貴襲貴。 裁 抑 白 皆非 望 專 皇極之道 取 宋太宗貢 門 地 也 ; 以 舉 賤 魏 太 則 襲

文,非賢才昌人國之騐乎?拔之意寓焉。師師之亮舜,濟濟之寧在官者有能有爲,使進其行。此有作成奬

乎

無偏 平. 如 湯、文、武之所以 此,霸者反是。 3 無黨,王 無 反無側,王道正直。」此 道 蕩蕩; 治天下也。 尚 論王 無黨無偏,王道平 霸之辨, 王道 堯、舜、禹、 以此 大概

一章而考其行事,足矣。

皇極 己。 抑豪强,富善人而 正風俗,作養人才,賓興賢能 是誠也。 君之訓,皆天之訓也。天之道,一誠 直之道,無非常理大訓 候,品物之生有常形,兆人之生 |敷言 日月之行有常度,四時之行 總括上文,以爲此常理大法,非 人君體天立治,宣明教 退惡德,一 也 ,憫貧弱 皆公平正 有常性 化、表 有常 mi mi

平康正直,不剛不柔,如成、康之訓化殷民

也。

剛弗順者,以剛治之。 《易・謙卦》六五爻 惟辟作福,惟辟 象曰 東周、晩 用六極」言之。《周官》言「王 不振,紀綱不舉,全失乂用之道。 利 唐,優容諸侯,姑 用 侵伐,征不 作威」,照「嚮用 服 也」, 息藩 八 柄」,爵、 五 鎮 亦 (),威令 福,威 此 意。

禄 、廢、置、生、殺、與、奪。 \wedge 左傳 **※**言 慶

臣 賞刑 錢,所謂 王 能 論 無有作福、作威、玉食」,其戒深矣。 愷 制,如晉 後 威曰 世 以 衰 酒 國 季,强 君」,亦此 席 武 無 殺 時 政 行 ,石崇家 也。「人用側 臣 酒 專 數 擅 人,何 奴 僭 擬 干 旗,民 人皆錦 曾 而 其君 日 食 用 袍 不 僭 萬 無

臣 時 論 無 得 ,亦權 有 以 大將受命,專 作 便宜 福 不 作威」, 决 斷 經 也 制 惟 方能 閫 軍 外 有 中 賞罰 功。 事 不 生殺, 先决 可 執 後 此 臨

忒」,皆胥

相

效尤之故

聞

而

失

周禮》太卜掌三兆、三易之法,凡 大疑,謀及卜筮」即 封、大師、大遷、立君則占之,所謂 此 國 或 有 有 大

國 有大 必謀及庶民者,本 (疑,謀 自 君 心,謀 原 命脉、 及 卿 之所 士 足矣。 係,不 敢 又

> 心 州長 鄙,未能遠謀」之訕,詎不至於敗事乎? 至當 以 三日 萬民 之皙,實興我役」之謳,下民有「肉 專憑私心,一 不 忽 次進 與民共。 也。 雖意見 詢 率 而 則 詢之, 《周 而 庶 立 凡 間 民 君。 或殊、 禮 事 必先有 焉。 北 聽 一小 必 王 面 有位 濟 亦相 此皆 司 南 詢 面 群 以 寇掌 面 或 或 臣 與剖 叶 國 而 ,其鄉老、三公及 家 危 使 群 之大 乎 外 安寧矣。 小 輿 吏 析辨白,務 朝 分 民 論 事 之位 日 有 恢 立 詢 無 「澤門 兩 或 若其 乎 食者 往 以 衆 求 面 致

雨 博。 暘、 凶。 暘 叙 燠 得其 燠、寒、風 風應之,狂、僭、 《月令》所言春行冬令, 寒風 肅、乂、哲、謀、聖, 節 天 而 應之。 己。 時 之所 故 豫、 此 不 以 而 極 能 急、蒙 類 時 備 無 則某咎 推 雨、 凶 也 ·, 其 而 暘、 貴合其 恒 理甚 極 雨

日考之,非

僅

歲、一月、一日而

遽

以

斷

君

爲

而

秋行夏令,則某咎應。

蟲皆有形之具此氣者也。氣之和則爲盈天地之間皆氣也。山川、人物、草木、禽

祥,氣之乖則爲異。人君言出於身、加

於民,行發乎邇、見乎遠。如一言一語

善。

湯味

爽

丕顯,坐以

待

旦。

帝王

非

日慎

一日,以省一歲爲言者,舉大綱

也。

之善,一政一令之當,則人物安阜,老小

歡洽,鳥獸魚鼈罔不咸若,山川鬼神亦

莫不 寧, 無 伏 而 陰,秋 和 氣 充 無 滿 凄 矣。 風, 冬無 所 以 苦雨, 春 無 四 愆

時叶序,百穀用成,家川平康。若其布陽,夏無伏陰,秋無凄風,冬無苦雨,四

常無藝、徵索無度、民物騷擾、厥心違

怨,衆 風 雨 不時,四 П 皆 詛 序 , 則 失調 乖 氣 ,灾異迭見 充 滿 發 爲咎徵 ,百穀不

成,此理之自然也。

尹省一日之得失。歲歲察之,月月、日王省一歲之得失,卿士省一月之得失,師

皆當 思當 也。 其 休 睿 貌 敬 咎 ,此皆 當恭,言當 以 也。 持 之。 所 復 省者何? 性 舜 踐 從,視當明, 鷄 形之事 鳴 而 五 起,孳 事 君臣 聽當 之脩 孳爲 E 聰 下 否

溢,非積 常德保位 久 一、久道 何 以 能 化 致 成 ? 和 卿 氣 士 薰 師 蒸,美名洋 尹奉 職

夜匪懈,无從匪彝,各守厥典,以承天以事君治民,當自省一月一日之内,夙

徴矣。 无失五· 休。 日 1積月 否則 事之叙 反 累 是。 ,而至於肅、乂、哲、謀、聖 業 廣 「歲月日 功崇,斯 . 時 无 可 驗其 易」,言 休

也。「日月歲時既易」,言失五事之叙,

(言,而失先舉日爲言者,休徵歸重人)至於狂、僭、豫、急、蒙也。 得先舉歲

了,而咎徵責在人臣也。人臣克有常

四五

咎, 憲 而 乃 可 比 專諉於皇之不極 德 側 頗、作 威、作 乎? 福 豈 不 招

庶民 也 土 好 好 (惟星。 偏 風 徇 而多 陂,十 此 民 好 人君之所當省察者也。 雨 風 面 星之好風 多 使之僭忒, 分 只有箕、 雨,未叶 中 不 過三 雨,非 畢 由 時若, 二宿。 於狂 四 Ë 分。 也。 非 蒙 民 TE. 月 亦 亦 星 也 麗 皆 非 非 卿 平 非 正 皆

旅奏

大 東 克 明言 下, 夷。 禹 則 商之後,命 經 至于 孤竹久已爲 「遂通 周公告成 理,東畧 海表,以 道 將 于九 嵎 王 經畧 夷, 揚 以 臣,朝 夷八蠻」,是武 武 邊 陟 西 王之烈」。 陲, 鮮 禹 叙 之迹, 西戎, 始 開 命啟 通 道 《書》文 方行 南 E 封,肅 路 宣 及 也。 因 天 島

至

于

· 莫可

遏。

此老臣

所

以

諄

諄

也。

驛,曰 安民 既 适 誠 慎 素 四 命 平北 王 服 新 夷 果有 長筭 來貢 役,巢伯 通天 來王 以 荒, 攘 人獻。 意於斥大境土,亦 何必爲之辨 自 剔 ,道路自 可汗道,亦類 始來 敕 脩平之役。 南 勒 則 朝。 諸 荆、 通」,訓 部 解 因 吴 至京, 哉 此。 後 其 乃 釋 是 世 梯 日 《蔡 置 經 迁 航 姓 如 或 遠 四 覲 彭、 唐 傳 遠 + 享 太 或 謂 之 濮 如

西 旅 過,不忍逆其 獵 無 物,太保 耳, 益之物、蕩志之具,將 貢 獒,非服 不 必 豈 受 不 心,而受其 也 食器 知之? 武 用之物,不 王非 但 人獻。 源 恐 役 源 仁 耳 外 ൬ 過以 厚 目, 來,其 人聞之, 涵 容之 寶 充 流 遠 畋

食物 費。 奉,乃 雖 周太祖命疏 所 所 當 以 獻 昭 然 享 在遠 Ė 四方貢獻珍美食物, 之誠,在 夷, 世 中 見,不 國 則 妨 如 勞 進

之中,甚爲無用之物。」 朕躬,所損被於甿 兩 魚之類,悉罷之。 浙 細 酒、 湖 南 乳 其詔 庶。」又曰:「積於 糖 、襄 有 可謂合不貴異 州新 日]::「所 笋、江 奉 有 止 淮 物 於 白 司

之意。

不役耳目」,「玩物喪志」,儆戒緊切。 珍禽奇獸,弗育於國,不寶遠物, 中,以 秦。 者多 見以 間插入「德盛不狎侮」一段,語 權於是 翡翠、長 格。」聖臣之訓 不過 竊意獒 苑囿 ,用度不足,下調郡縣 禮 使 數千百 一觀 輕 能 馴 鳴鷄、 魏 爲村 曉 擾 瞻 人意 陛 殊 ,徽宗所以覆宋。 遺 犀 居野 深矣! 墀 覺 使求名鷹 象 如 ,畜之非能 不雅,是所謂狎侮 於吴,不入貢 店,珍 晉靈公耳。 狗、馬、禽 禽 海東青於女 司 奇 世 門守 似無 潤 遣 則遠 所 潤 群 典, 使 實 當 以 臣 也 夜 孫 求 人 朝 其 Ì. 食 中

> 不矜細行,終累大德。」聖人之言,千古藥 直 取予,往 夫,閨門居處之微,鄉 石,通乎上下,皆當服膺。 至於玷鄉評、汙清議,莫可 一、徽索 來交際,一介 無藝,女直於是叛 黨應酬 節 遼。 士君子,卿大 湔濯,見於傳 或 之末,辭受

有

不

謹

金 騰

記

,歷歷可鑒,皆忽畧細行之咎也。

管、蔡淺人也,以己亦至親 殷人尚鬼神,尊祖 周 政,獨周公當國 悠恿之。 情切事重,只告祖考而 祇,見公之守禮,不敢僭也 公告祭三王,亦 流言者 一情怨 考,盤 無端 其 (遺意。 速庚每 不 不敢告於天 傳 平,故 顧 言 以 在 以 高 不 武 外 身 后 知所從 庚 不 代 爲 地神 得 預 君 説 以 國

也。 説 以 者,元奉武王命治陝東諸侯,因請出巡, 變,非特光明正大 尋端再行讒毀。 久,方知造謗之人也。 如後世行臺也。「罪人斯得」者,深訪 起 自安,遂真 誳 也 成王半疑半信,此時三叔猶 王者,處君臣兄弟之際,未敢 「辟」乃「避位居東」爲 周 公日 反矣。 我之弗辟 自王感悟迎公, 公居東二年, 無一疵瑕,亦召、畢諸 公作詩托 當從 是。「居東 國 則彼 意 鳥 朱子後 深言 内 미 爲 無 不 以 喻 日

老臣調護之力也。

成湯革夏,夏桀奔于 淳維 殷 ,殷紂自焚。 遁 居 漢北 所 武王憫之,復封武庚,處 南巢,卒于亭山,其子 以 夏 民 帖 然。 武 王戎

> 以爾庶邦,伐殷逋播臣」,蓋徵諸 懷疑。 也。 之殷 爲衆,况十人乎? 征之舉者不少矣。 又曰「亦惟十人迪知上帝命」,則贊决 夏、殷遺民,静與不静,事勢不同也。 扇 准 邦君、御 、奄,於是 墟 觀於曰「民獻 0 乃乘 事反 成 敢 王 紀 曰 晉國三卿爲主,尚以 其 新 有十夫予翼以 「艱大」,未 立, 叙 而 説 曰「予復」。 誘 必 侯之兵 叔 于, 人人 東 構

言 《周 恪也 焉」。 書,命之建于上公以 始令微子繼大宗以奉湯祀,於是 想已封亳,爲 序》稱「成 至成王誅之,始廢朝歌 庚,亦令「統承先王」,「作賓王 國君而 銜璧迎武王 微 大封諸侯,箕子亦受封,微子不應見遺 子 「投殷後於宋」。 書 也,有謂 名號 ・ 王 尹 行 兹東夏,使 王鵬 降 一會篇 雖 禮 降,仍 相 其抱祭器 見 殷命,殺 ,恐無此 》稱 土舊都之處,故《樂記 幾 逮夫紂後既絶,成王 而 處 「堂下之左、殷公立 充 代 作,想或有之, 舊都,朝市不 方伯之任,而 殷公之位 歸周 武 爲 理。武王封 庚」。 下邑,故《書 有 家」,故 謂 情備 作 面 改。 不 册 武 非 縛

> 商 祀。 多賢君, 復置 鳴 仍 孔父有處命不渝之節。 公之義,遠孫正考父有三命滋恭之誠 神人,傳國於弟微仲,至宋公稽三世 土 大聖,爲文教道 呼! 商 一,宋八百年有土,而宣聖 微子以帝乙元子, 舊不稱謚。 監監之也 尚矣。 自成湯至于帝乙, 罔不明德 學之宗。 其孫弗父何 恪慎克孝, 世有明德,遂生 則萬世爲土 商 有讓 六 百 年有 或 肅 一, 猶 厲 恭 恤

康 誥

先儒以《康誥》 之鄘 處? 紂 都 東謂 朝 如 歌 以 故 之衛 爲 為武王 城 自 約 如 則 城 封 此 邶其武庚之居 丽 康叔之命,謂 則 北 武 謂 庚 之邶, 却 封 乎? 在 南 封 謂 何 於

書經行義卷之二

其 鄘 監 其 殷 其三 也 乃 監之居乎 奉命而 ? 時來 0 監 叔 治 各 也 自 有 或

漢

公。 墟。 儒 弔 殷 爲 定之,周公相 殷。』《左傳》衛祝 愚按、《周書 周公先稱王 而 唐 乃 民六族,命以《伯 封 成王之書。 謂 語》 寡 應、 蔡、郕、霍、魯、 分康 竊 於殷 武 叔 兄 意 王 韓, 圃 之不 勖」二句,爲説 時,康 武 封 虚 叔 武 王 於 以 作雒篇》曰:「俾康 命,下述己言, 咸, 王室以 之穆 分唐 一初有 般民 夏 然 叔 陀 虚 封 至 少,未封,而以《 日 叔 天下, 也。」二 衛,文之昭 釋「 七族,命以《康 禽》, 建 君 :「武王克殷,成 富 以九宗 宗 天下。 朕其 不 辰 而封 室 七年 通 説 亦 以 亦 弟 五 皆 日 於少 分魯 則 藩 小 而崩, 似 也。 Œ 歸 又以 叔宇于 子」與 牽 屏 康 一周 誥 公以 皞之 命 周。 强 許 公 爲 百 周

> 邶 此 觀 邶 監 邶 命 於 誣 命》之下耳。 復 至 封 土 度 作他 鄘 而 宋 最 周樂,聞 叛, 其先世哉! ・、鄘 成 衛 田 未 鄘 之錫 可考據 及 王 侯 之民 康 爲 之地」, 周公誅之,盡 則 潤 册 必在 時 叔 殷 飭, 當 詞,故《 以 邶、鄘、衛之歌,美康 留 墟 于洛邑。」故 既 也 於武 封 爲 亦 凡 當 祝佗言 黜 初 觀《 之,申 周 是 事 聽 想 鄭康 《書經 武 王時。 司 臆 漢 衛 亦草 庚,俾 寇,如周公之留 皆 説 以 命三 侯 成 書 命以 》真 周 其 專 吴 創 . 謂 雖 蓋 公 宇 制 季 地 地 或 此 《康 有 康 殷 制 于 作《 封 篇 札 志》云: 同 語》, 「往哉」之 無 叔 后 作 殷 於《 時, 聘 康 叔之德 容 康 孫 已 叔 魯 微 豈 始 仍 别 始 而 山 裂 併 遷 敢 子 併 封 不 111

) 「其其」,疑衍一「其」字。

傳,且其民既遷洛邑,烏用别立君爲爲三。若以改樹他人,不應畧不見於經

哉?

大封 固。 逆遂 庚連 武 康 同 潰。 姓,乃 兵, 而 伯禽撫魯,故淮、徐、奄君不 不 得 武 盡 所 王之貽 Ш 脇 以 東之勢固 七 制 族 謀誠 異 以反,而 姓。 遠矣。 康 王師 叔 河 撫 北 能與武 臨,群 衛, 之勢 故

古人 兹惟 先民 庸 不求 勖 伊尹言:「惟先王肇修人紀,從諫 命 考文王,克明德慎罰。 早 言 文 祗 、時若。 艱 備,檢身若不及,以 王 祇 語,叙致詳 爾 一,殪戎 哉。」《康 威威,用 小子封 居上克明,爲下克忠。 殷 在 浩》武 肇 明,告戒深切。 誕 一兹東 造 受 我 王言:「惟 上。上 不敢侮鰥寡。 厥 品 命。」「 至 夏。」「天乃大 見得 一于有 **愛** 乃寡 前 乃 萬邦。 弗咈 與人 丕 世 訓 兄 庸 顯

安有聞此而不感動者乎?光大之者,有無限之慨思,無窮之意味,勞,後人坐享見成富貴,當念所以繼述

先 賈 書》稱「文王殪戎殷」,與《詩》言「太王剪 謂。 誼 儒 刑 慎罰」、《左傳》釋之曰:「明德,務崇之之 行之,是王 刑 刑 般 刑。」愚 商」同。 到 意思較 ,何可偏發。 」, 非 謂 李 慎罰,務去之之謂。」則可見矣。 當 絳 康 也。 謂、「德」、「刑」二字, 皆歸 用 皆言: 叔 輕,主意 道 刑 命以治衛,何干周朝之事? 爲 重先君之辭,今不必深辨。 也。 罰 周 只是任 時 「王者之政, 司 觀武 使人人於德,不入於 又以 寇,故 王 德 寬厚仁恕之心 意 稱文考「明德 一篇多 思較重,任 任 如 陰 德 説 不 陽 任 用

「庚」,原誤作「康」,據文意改。

五.

朝 歌 俗之頹 權 竊 相 奸 人 滅。 宄 性 敗 輕 攘 極 有不孝 浮 食 矣。 牲牲 又 化 不友,有背 克殷之始,相率降附 一,其 於 紂 臣 之惡 則 朋 上 家 其 文 作 民 私 仇 則 風 脇 草

除 撫而安之,咸 也 遷 洛之民,三紀 與維 新 然其 而 餘 故態未 風 未 %,况 能 盡

道,諄諄於「保乂」、「康保」,而樞 留 於 妹 邦者乎? 故 戒 衛 侯 以 治 紐 或 在 之 於

如此 刑」之事。 也。 其末曰:「不 仁義 並 施 寬嚴 即繼之以「 適 不 相 迪 一,則 濟 治 图 政 體 在 固

作新民」之一語,隨

明

罰

用

見於《 化之 刑 或 風 而 薄 **>** 者, 俗 終不 淫 蕩 盡 怠 改。 惰 誣 東 遷 上 以 私

厥邦。」大意

可

見矣。嗚呼

1

以

周家之

俗多 虚 至西 康 漢 剛强,豪 叔之風 時 班 書《 傑 既 侵奪,薄恩禮。」然 歇 地 · 而 理 志》有 紂 之化 云: 猶 存。 河 則 内 故 作 殷

> 新 民 之功效 其 可 易言哉

紹 行 酌古今,詢 念老成之訓 文考之德 訪 海,又 言, 便利,天下之善 又 别 敷 求古 求 殷 哲王 先 王 其尚有遺 一之道 一之政; ; 偡 敬

者乎?

宓子賤宰單 成 禮 而 五人,皆教 一,用其 人之訓 單父治。 清 ,其可忽哉? 父, 静之言, 子 曹參相 賤 所 以 父 治 事 圃 齊,迎蓋公,事 民之術 者 齊 二人,所 大治。 於 地 是 兄 方 以 鳴 事 耈 琴 師 者

恫瘵乃身」,言不 大可 於耳 治民 亦 譴 人,雖赫然可畏, 也。 垂 處 見? 恕 目 宥。 民 所 事 情 不 自 順之則從, 咈之則怨。 及、 欲 惟 當一 詭 富 思 可以位 詐 而常 一欲壽 慮 以忠信 不 所未 佐輔 誠之人,弗能 ,欲安欲逸,豈 爲樂也。 到 或或 於誠實之人。 在 有差誤 E 天之鑒 照 卑 逭 臨 小 不 陰 出

民散; 也。 留 困 民」,此萬世守官守土之訓範也。 王告以「往盡乃心,無康好逸豫,乃其又 務 窮之民,尤難 不盡 廳 宴安逸樂,則門 下 其 ·有留 心,則政 囚 保其心之從違,甚 丽 事不治,至 外有留客,署内 政 爲之隳 一於野 矣。 怨 미 無 孟 有 荒 畏

觀衛 大小,在當 之後 嗣 順 懿 圃 不順 公好 鶴, 當 勉 至 而 有 不 乘 勉。 軒 者。 試

實有禄位,予安能戰?」遂爲狄人所滅。及狄來伐,使國人授甲,皆曰:「使鶴,鶴

召,而 而 獻公戒孫、甯二子食,皆 與之言。 射鴻 於圃。 二子怒,遂逐獻公。 二子從之,不 服 而 朝 此 釋 日 皮 豈 旰 非 冠 不

亡國。 公忌叔 不順、不勉之事者乎? 相形,而 武 莊公以 怨惡生焉, 而 殺之,元 戎 州 非 固 呾 姬 不在大小也。 彼此相方,輕 訴 姓 於晉侯,幾 而 翦之,後 成 爲 至 重

招怨之道矣。可不戒哉!國人所逐,入于戎州以見害。此又是大

助王宅天命,作新民」一語,上接言 罰 行。」不然「迪屢未 心 其勑懋和」,「惟民其畢棄咎」,此 之終,下居言謹 效騐也。 濟之。 去惡。 故後言「明罰 後又言: 新民不獨專尚教化,亦當 罰之始。 同,可 「告汝德之説 服 以 民 下文言 一,以 優 柔 姑 新 去 于罰之 息治 疾之 民 惟民 明德 以 刑 之

先言「大明罰服民」,次言「去惡如去疾之耶。

繼言「若保赤子」,見以德行罰而非徒用、言「大明罰服民」,次言「去惡如去疾」,

罰也。

要囚,服念至于旬、時,此即盡心之壹端。 陳 王以 政」者亦此 時 泉事 康乂 7, 罰 民 之事 蔽 《武 殷 成》固云: 彝。」此 傳 即 所 「反 敷 謂 求 放 商政,政 殷 以 先 殷 哲

由舊。」殷之舊政,乃經常之道也。

外 公誅 友諸 深惡 民 庶 以 子 華士、 及 侯 病 而 庶官之長 其 耕 曰「率殺」,御 君 華喬, 食 ,若未至於大 掘 飲 以 與 其立議不臣天子,不 小 無 臣 求 臣 有符 於 可 罪,武 謂 人。 節,干 嚴 夫子誅 矣。 王已 譽於 太 所

「乃别播敷」,謂不遵禮度,别行其意,宣揚有四誅不以聽之文,皆此意也。

而

險,記

醜

而

博,

順

非

而

澤。

而《

 \pm

制

少正

卯,以

其言僞

而

辨

,行僻

加

堅,心

逆

殺」。

新角发人耳,頂才拖子,質字滿月,爲之國,齊陳氏厚施於民,皆得國人心,漢王

私

惠,造民

大譽。

其

大

則

如

宋鮑厚

施

於

聲譽; 治之類 音通 敏 王 人 故 莽 事 嚴 收 傾 其 禮 財 刑。 名 施 士 予,賓客滿 \wedge · 交結將 蔡 傳》 以 相 門, 爲 虚 别 譽隆 爲 之 V/

爲臣而要人私譽以病其君,武王惡之,則

條

教」,恐狹。

行 條,蓋 私 乃爲 杜 成 王 要譽之刑,殷彝 漸之意,不當指 告 良 是武王 臣 君 陳 者 所 新 謂 大 創 成王爲失言也 概 斯 故故 及 與 猷 文王 曰「速 此 斯 相 謀 作罰, 合。 歸 由 德 兹 恐 蓋 我 義 無 防 后 此 微

敬 勞擾 典 輸 以 非 敬 有 典之義乎? 民 彝 宋 _, 無 裕 寧。 用 已,民 民 此敬典之實也。 王安石 之道。 漢 何由 用 桑 而 不 裕? 弘 創青苗、 循 羊, 常 下文「勿 故繼曰: 典, 圃 免役。 行 肆 権 爲 用 酤、 裕 紛更, 豈知 非 謀 均 乃

酒 爲 語 》 必 是 篇 武 ~ 庚 蔡 與 傳 頑 民 以 將 爲 酒 武 灌 王作。 醉管、蔡, 朱子 以 以

獻

伯

有

之

窟

室

縦

樂

皆

足以

壞其國

語 言 離 間 之,周 公所以 做《 酒 誥 **>** 1 寧 如

此 想來 朱 子説 當從。

酒 之,謂 以 成 禮 民 之 而 喪 其 德 過 亦 乃 罔 至 非 於 酒 失 禮 邦 之 先 用 E 喪 戒

亦罔 非 酒。 昭 昭 以 酖 毒告人,宜 可 以 懲

做矣。 號 式 呼 而後 俾晝 世人君,往往 作 夜; 漢成帝宴飲 不悟。 禁中, 周 厲 引 式

滿舉 白 晉 孝 武 兄 弟 日日 夜流 連; 昏 陳 叔

隋 實 煬 君 帝 臣 巵不 酣 歌 離 達 口 日。 唐 齊 穆宗 文宣 荒 宴 沉 酗 無 節 敬

宗與 軍 將 夜 飲。 宋 徽 宗 大 醉 Ŧ. 黼 第 度

宗酣 或 於 逸 歌 欲 深 官,元 宴 安之域, 武宗 耽 而 好 不 麯 ·覺其. 糵。 (危,亦 皆 置 有 其

落 臣 知 之 111 亦 事 然 愐 大 不 敗 能 則 禮 自克焉, 吁 如 傷 竹 教 林 小 七 賢 則 () 縱 如 子 亦愚矣。 酒 反之受竪 「香榧, 遺

使

人易

知易

從

而

已。

害 其 身。 噫 1 天之降 威,可不 ·畏歟

禹 官 祀 戒 方 守 甘 有 得 酒 飲 職 湯 業 戒 無 者 酣 得 醉 無 歌,文王之教 , 其 得 常 意 於 酒, 也 越 小 子 君 庶 子 或 與 勤 惟 有

禮 小小人 盡 力,方可 以 厚風 俗 而 致治平。

何 若宴樂之是耽 定 律,三人無 則 故 廢 群 事 飲 而 罰 敗 德矣。 金 四 兩 漢 蕭 武

辭 侯治 必戒 蜀 勑 市 日: 7 無 醉 人。 無 飲酒 唐 文宗 。」宋太宗時 每 刺 史 禁 面

卒買 誥 毖之義 酒 入營門 者 歟 ? 者 有 罪。

豈非

能體

文

Ŧ

父母 此 皆 慶 人 可 情 飲,克 天 理之當然 羞 耈 可 也。 飲, 羞 聖 饋 人 祀 立 教 可 務

御 皆 哲 事 其 呂 不 敢 敢 機 崇 湎 樞 飲 酒 雖 係 諸 風 於君 侯、 化 何 百 而 其 僚、 大要則 美 百 也 姓 在 里 經 云不 居 德 惟 秉 舉

 \overline{h}

各念其 不敢, 淫而 晝考國 俯育之重,有供役輸將之勤者也。 夫、士,有官守職業者也,庶民,有仰 惡心生。」諸侯,有民社之責者也, 民勞則思,思 後即安,卿、大夫朝考其 亦 職 職,夕省典刑 不 分之所當爲,諸侯朝 暇」之一 則善 語 心 ,夜儆百 生; 也 逸則淫 《國 職,畫講 I 語》 ,使 修君命 卿、大 一,淫 誠 無 日 使 事 其 則 慆

乃化 也? 子勞心,小人勞力,又何暇於嬉遊宴飲 人之本。 故禁其飲,乃治人之末,作其勤,

人以下明

而動,晦

而休,無

日

以

怠。

君

業,畫而

講

貫,夕而

習復,夜

而

計

過

庶

庶政,夕序其業,夜庀其家事,

土

朝

而

兴

爲臣 其畫,未卜其夜」。 飲桓公酒,公曰「以 而 不敢湎 酒,實能助 李景伯侍中宗宴,作 火繼之」,辭以「臣 成君 德。 陳 敬 1 仲

> 群飲勿佚」、《蔡傳》以爲指商民。 長。 規,侍 歌 皆能以禮自持,而弗納君 執以歸 不能化人,乃化於人,是可惡 史氏以爲 日 蓋 : 宴 周 周而論罪 迴 既 人夙 指周之臣 過 波 爾 奉文王之教,今往 爵, 乎? 持 酒 喧 民。 巵 譁 ·, 於荒 竊 陳、史之説爲 微 恐 淫者也。 臣 也。 非 職 陳氏、 儀。」此 一妹邦, 不當 在 箴

不用我教 殷諸 犯 則不可 亦不可不殺矣。 ',則是非眚惟終,自作不典,厥罪小, 臣 赦、當同 工 辭」,接「姑 既 再 三劼 於 殺 毖 惟 也。 而 教之」之下,乃 猶 蓋 狃 既 舊 教 犯 加 禁, 復

0

一句俱「迴波爾時」四字 《舊唐書》及《全唐詩 時 按: 迴 波詞

材

意如荒政殺禮而多昏之類。「儆寡」即文王之不敢侮鰥寡也。「屬婦」

宅洛之事,武 己。 謂:「懲三監之難,毖殷頑民,洛距 岐之程,自程之豐,自豐之鎬,何 室 爲近,易以鎮服。」又謂:「 所 此殆未 在 不不 究武 可 王命之,成 遷, 王、周公之本 故 於 洛 王 邑 鎬京,宗 成之。 會 Ċ 諸 處 也 無 侯 廟 妹 王 氏 宗 自 官 邦 而

> 事也。 念蓋 洛 涕,悲不能對。」君臣兄弟之間 王 或 注之最便。定神器,朝諸侯,固 我鎬都才三百里,又是水 爲惟民所 偃師、景、亳,即 朝歌之不 廟宫室,豈爲是 安,非但爲朝會之所也。《周書》曰: 下之中,風 迫,又有 薰鬻、昆 實實 中夜不寐,早起以告周公。公旦泣 祚, 如此。 欲 將 商家邢、囂、耿、相之屢 誉 於 以 夷之數侵,邠、 永,既 止 居 氣 動 此 王 之 純 以 其 攸 既未及興作,成王 邦圻。 商 有以章 重遷哉? 建 懲 和,地形秀偉。 賴 舊都,盤 於後。 無 窮 所 其 岐、 厥 之業,貽 以 右 陸 粤瞻 鑒 建都立 即 庚所居,地 則 舟 程、豐 於前 遷 車挹引 崤、陜, 圮 其 左 伊洛,天 民心,綿 一復 九 深 萬 邑,大 「武 鼎 く繋戀 之 謀 世 周 河 之 乃 北 密 于 近 逼 家 灌

之遺民 然則 悉遷洛 之乎? 武庚時 遂指爲 紹 民 鎬 而 必 七 上 京 0 勞 族 帝 遷 動天 營洛之事,專爲 已 諒 殷民 命 何 亦 如 授 周 不 官 獨 果 已 下 衛侯,六族已授 於洛 過二三邑,有 公「自時 留 逆知 不 防 作大都以 治 然? 此 者謂 新 其反,而欲營洛以 淮、徐、奄 邑, 中乂」之言。 此 處 何? 不 誠 處之? 置 何 果從召 淺淺之見也。 魯侯, 一頑民。 難 按 或 於料 後 武 之 公「來 邶 夫殷 世 民 後 E 理 立 封 應 制

> 静,未 有居, 愚以 家」, 此 也,均之爲整齊萬民之常道也。 位 宅爾宅,● 一,度 丽 建 爲 豈 化 乃 則誥 都 盤 亦 厥 П 庚 有 非 訓 田 諭 遷 所 ,則誥諭至於二篇,命以 也 爾 至於三篇,命之以「恭 亳,耿 成王 懲 田。 毖 遷洛, 民浮言胥 事 丽 雖 欲 殷民 不同 鎮 服 動 其 蠢 以 之 不 爲 意 動 哉 爲 之 乃 適 甫 ?

太保往 營以 曾請 圖 公東征 ,太保已稔知之,至此 待周公來觀 命,一 洛 1 與 宅,得 居 時 東之日 便 行,恐涉徑 1 爾 則 挥 經 取 誉, 1 此 得 率。 遂 地, 吉兆 攻 曾 意 位 即 畫 者 爲 姒 周 未

常也。

管子所云:

「作都」

邑,必於名山

之

邑,多徙民以實之,亦有募

民徙之,乃其

下,廣川

之上。」地

既閑

曠,不可

無民,故

成王即位之初,周公避居東,二年還歸,又

「命以之」,似當作「命之以」。

不

使

井

疆

宅

里

空

虎

也

盤

庚

遷

亳

亦亦

徙

耿邑之民,告之曰「往

哉生

生,永

建

乃

爾

如

武

庚

不反,亦須

徙

别

處

人來,終

因

既

廢

殷

或

之時,便徙

其

民

以

實

郊

遂

其 遷 公始 使居 故就 殷。 文 民 新 而 役」,殊爲 侯 朝 IE 侯已來赴集之驗。 邑, 城 陰 殷 辰 在 四 用 征 不 《蔡傳》謂 作 侯,分 陽 民 極 1 書 預先徵發期會者哉? 方 侯 役之。」愚 閲 製 四方民大和會。」豈有重大之事 之 焉。 焉。 洛先 一, 命· 之和 澗 或 里 之東、 未 之先,存 民 年班 庶殷 役 割 漢晁 ,然洛 合。 嘗 又ト瀍之東 未 賦 宅, 觀 至, 其 「意此 功,庚 師,又二年始作都 錯 瀍之西 侯、 《康誥》言: 後 先 汭本空地 水 體 日 惟 想 甸、 爲 泉 節,「 面 以 殷 時 戌 築 「古之徙民 以 之味,然 男、邦伯」,是諸 以 也 庶 民 殷民已遷於洛 攻 室家、 爲 爲 殷舊圻天 甲子,周 遷 位之役 也 諸家以爲 吴氏謂 成 E 「惟三月作 在 一,周 周 城 洛 置 後 公、召 也 下 東 器 公乃 誉 者 以 邑, 一,相 邑 都 遷 庶 物 品 可 諸 徵

序》以 其遷居 見。 場以 徴他 頓殷 宅前 洛 其 城 甸 綏 謂 焉 洛之民。 之友民,役遠之讐民」,斷以 文,至《多士》,周公留 (謬也。 亦 定 「受都去洛 男 燕 赴役, 民? 東 蓋《召誥》、《洛誥》並 不 處 民至有 邦,豈 惟 爲 師 之,於 西」之命 土,豈 知 爾 「成周 **《**多 所完」, 竊 思意 即 多 命 所 必 以 令分 士 土 何 事 四 居,作 既 問 皆 號 庶 攸 白 也。 官 篇 成 何曾役 理爲合。 友 近之友 畫 召 服 餘 相 殷當 所 遷 **生**? 普天, 下 有 ^ 奔 里,召 視 云 蔡 治, 邑,造 殷 所用。」二公未 走 地 是於營洛之時 「朕 近民 傳 民 頑 始見 用 勢,於何 無 考 ※ 采 ? 何 公安得 臣 攻位 作 民 書 廬 乎? 經 遷 分近 我 一,不 大 有「惟 「溥 而 吴 舍、定 文 多 頑 邑 即 命 氏 遜」, 于兹 遠 已遷 民 處 當 <u>~</u> 彼 捨 亦 侯 説 書 韓 之 疆 肼 安 疑 近 口 相

亦

亦 可 是平 ,何必其 . 説。 爲 遷民在營洛之先哉? 攸 服 奔 走」, 指 爲 在 妹 邦

周公自洛歸周,召公因公進戒。 左扶 也。 因 靡常,於是作詩勸成王聿脩厥 懋,於是作誥勸成王其疾敬德,其 周公因商之孫子侯服 庶 右 殷之民 持 如 丕作於洛,而感眷 此 成王得不爲 于周,而 賢 元老 德 慨 命之用 君 天 召公 乎? 大臣 意 命之

誥告庶殷,越自乃御事」,言告殷民,當自 事,比介于我 其御事之官也。 事」,恐與下文未 率之者,即 殷就役,豈 不敢指言 獨 成 所 有 小民,亦有 謂 王,謂 周 叶 商 下文言「王先 御事」,大概亦 \pm 之御 土 卿大 也。 事,猶今稱 夫、世族 蔡 服 同 傳 殷 董 執 謂 庶 御

召公謂成王「來居新

邑,

繼天爲治」,周

公

舉家不飲酒,放遺伶人,解縱鷹犬。

遊畋,不

恤

軍

民,宜

其

及此。

吾自聞

亡。」遼太祖謂唐使曰

聞

莊宗好聲

伍

其 謂 永我命于兹 厥 有 成 命, 新 治民 邑」之意同 今休」, 與 盤 庚 謂 天

無遺壽耈」,尊耆德也。「 「勿敢 邦本也。 殄 戮 一先 小民 服 」,省 殷 御 刑 事」, 罰 顧 也。 畏民岩」, 飭 臣 諴 I. 小 也。 固

視如一家之意,有大同之義,有包荒之使殷遺臣親比陪介於周臣,相觀爲善,有永天命,寧不本於此乎?

夏殷傳世,歷年長久,一遭末孫失德,遂 戒。 辭 可不監於有夏,亦不 於亡,皆赫赫目前事也。 深 唐太 切矣。 宗 賈 曰:「朕 Щ 借秦爲 可 嘗 不監於 思 喻,魏徵 召公曰:「我 煬 帝 有 驕 舉 殷。」其 暴 隋 爲 不 而

六〇

量

,有不言之教。

成王定 小民淫 公恐 之勸 皆以 肆誅 殺人 黜。 妄殺 於殄 殄。 無數,李氏 屠戮太甚,誅 重律,隋祚 八百人,剪滅徐州 其 殺 也。 鼎 過於殺戮,國 用德省刑,實祈天永命之本也歟。 如刈草菅,而 作威殺戮,毒痛四海,而 百姓並告無辜於上下神 戮,傷和 用 ",漢 恃 郟 非彝,當思所以教訓之,不 庶戮 天 鄏 遂訖。 亦促。 卒有 ,卜世三十,卜年七百。 命 鄆兵二千人,誅興元 損 方 而 德。 巫 告 不 作不 唐之季世,處置 銀刀軍數千人。寃横 五代梁、唐、晉、漢、周 蠱 秦皇以覆。 無 脩人事也,告之以 一之禍。 天道 永。 辜於 神明,人 然後知召 上, 任 商 祇 任 刑 而 紂 而 法,制 以亡。 亂 酷 7.募兵 夏命 苗 不 미 吏, 軍, 召 公 世 可 過

也。

早墜厥 耶! 得之,以不仁守之,不及其 定也。」德即仁也,善也,敬則存此 則得之,不善則失之。世之脩短,原靡 曰:「惟命不于常。」曾子釋之曰 夏、殷曆年,所 得之,以仁守之,其量百世。 天道遠,人道邇,故《丹書》曰 命 ൬ 己。 不 敢 何 知 其 婉 惟 而 弗 (世。」《・ 正 敬 厥 以不仁 明 康 「道善 德 一、「以 心者 而 譜 切 則

年,其不知理亦甚矣。 民。後有牲幣禱祠,燒丹煉藥,以求長以小民受天永命」,見得永命之本係在小

而往。」臣對君言,不應稱保。朱子謂:予乃胤保大相東土。」《蔡傳》謂:「繼太保

嗣 攝 政 事 保 佑 王 躬。」當從之。

誉 洛之役,命卜凡二。 經營,一也。 周 公繼 召公先往,得 至,卜惟 洛 食,二 1 則

王城第 也。 局,成 周 第二局。 河 朔 黎 水 則 無

尊服。 取 能二百七十年而 焉。 平王 自敬王 遷 徙 都 後亡。 居 王 成周,王室 城,二百 成周 餘 下都,城 一遂卑, 年, 諸 池 亦 侯

營築,依王城之制 狹小,足容殷民。 至敬 王始命晉合諸侯

洛誥》前二章,是成王 章以下,是成王已幸洛 復之辭。自「公曰肇 百工伻從王 于 周』,是周 稱 在鎬、周公在 殷禮、祀于新邑」 也。 公還 「曰:『子齊 鎬 ,復率 洛 往

盤 祀 庚大享先王,諸臣之祖從 于新邑,「記功,宗以功作元祀」,此非 與享之。 成王

百官扈從至洛也

人 孫,而 少 則亦思勸 獨 也 臣,而見先正之功德,感國家之禮遇, 報 功, 見 亦 先 爲善。 有 祖 教 之 化之意 光 其有補於世道人心不 榮, 則 存 思 焉。 勸 爲 蓋 爲 善。爲 人子

孺子其朋」,承「丕 視 功載」 之下, 殊 不 可

明作 意不 (傳》曰 有功,惇大成裕」,此爲 出 寬以 此。 成 濟 猛 王 猛 董 正 以 一治官, 濟 寬,政 治之 戒 敕 是 體 卿 以 要。 士, 和,

時巡 與「無忿疾于頑」,「有容,德乃大」,此 也。告君陳以「寬 成裕也。 一考制 度, 大明 而 鵬 有制,從容 陟。 此 明 以 作 和」, 有 惇 功

大

儀不及物,惟 將之,其何以昭享上之誠? 也。然貢 (物贄幣自有定式,苟 日 不享」,見古人重禮 漢 無 諸 備 侯 物 輕 王 以 財

也。 侯皆有以 酎 金 無之也,豈非不役志于享哉。 周 輕惡,奪爵者一百六人,是物不 景 鎮撫王室,晉獨無有」,是併 王宴晉使,樽以魯壺 ,責日「諸 物 及

而

乃惟孺子」一節,周公先言以輔民常性之 者? 殊爲 休田 已有 言「汝往敬哉」,不可泥着「往」字。 亦有 何嘗 王 逸》言「知 其明農」事,以「裕我民」,則無遠不至。 道,次言當篤敬乃父武王之法,次言「子 幸 意勸戒,語 洛。 禮貌 野,惟明農事,蓋公有歸老之意」, 有告老意? 鑿 又後段王還于周,命公留後,則 説。 百 今吕 稼 I 何嘗 古人禄足代 穯 怦從王」之言,必是因 脉 氏 艱 顯 解謂 有退休 難」及 吕氏釋之曰「我其退 然。 「王往洛邑,其 「明農」,亦如《 即 而 耕、七十致事 爲老農之事 田 功」之義 盖 而 敬 從 公 此

> 初 下挽留召公之意,大相違異。《蔡傳》録 之哉,我其退休田 遽 即 求去? 語 野」,豈有宅中 無 端 緒 與與 公自任 圖 治治之 天

周家撫 擾調柔之意,與湯之「輯寧」同義 日 「修和有夏」,每道 有天下, 一則日 着「和」字。 和 恒 四方」, 蓋 有 則 馴

其説,朱子不之取也

成王稱公勤施之德,又稱公棐迪之功。 自見。 示 推美尊敬之至。 去」,頗爲添贅。 所以留之之意」,又謂「未 《蔡傳》因吕氏説,乃 以平心看、《書》中語 可 以 脉 謂 蓋

王曰:「公功 無 斁其康事。」 朱子謂: 如漢所謂閔勞公以官職之事也,王則當 蔡傳 厭 倦 謂 於 安國 肅將祗歡,公毋困哉,我 毋 求去以 安民之事。」此 「言公無以 困 我」 亦 非。 説 事自 最明。 惟 困 因 無

1氏誤解「明農」二字,敷演至此。

伊 尹言: 肅 其意同也。 先。」衛武公言:「温 衰,每以恭不恭斷之。 。』《左傳 「接 》君子 恭即 下思恭。」周公言:「作 敬 ,觀諸 也。 温 恭人,惟德之 侯 《洪範》:「恭作 或 君之脩 基。」 周 短 興 恭

周公功德至矣,成王尊敬極矣。 也。 僭 漢儒據緯 公,只以秬鬯二鹵,已是事以神 竊之端。 書鑿 甚矣! 出「九錫」一段,遂啟 其悖聖經 而誤 明之禮 王命 後世 權 臣 寧

王命周 成 自 洛年之十二月也。 幸 工,合諸侯之力以營之,不過 洛 王拜手答復。 三月至十二月,中間周 加 公留後,史 肇 舉 · 群祀。 公還 逸 作 諸 二月告廟,三月 朝 侯朝 Mi 公遣使復 整 享, 數 齊 月 百 四方來 官,王 而 即 命 成 興 誉

> 禮。 賀。 即《召誥》、《洛誥》二篇,亦可推見大概。 命公留 周 公 進 治,烝 勸 戒 之解, **然祭祖** 廟。 成 王 其 盡 事甚繁, 尊 敬之

多士

服而致煩於話言也。

三士,如後世留守、節度,下車之始,告

三士,如後世留守、節度,下車之始,告

罰。」蓋助紂爲惡之侯國也。此即滅國《多士》曰:「凡四方小大邦喪,罔非有辭于

五十之類。

昔人謂:「克國禮賢,古之道也。」成 僚。 吴,吴之將吏,隨才擢 夏,於夏之臣民 光武平蜀 一,擢 迪 用 簡在王庭,有 西 叙。 土賢 隋文平陳, + 晉 服 在 湯 武 大 革 平 陳

循 簡用之理? 武庚以反,平定甫 桀之遠放,未 蓋 克紂之日 周於商士,未 南、訪求趙氏宗室及諸人才、皆擢任之。 唐,收其名 之子弟與公卿 商舊矣。 不如是,不足 猶 士,真之館閣。 聞簡 立武 遷洛之後,則簡修進良, 便選入王官。 皆授 以 拔 爾,肆赦 庚,朝不 示至公大同之義也。 以 致 官。 頑 其 改籍,非如夏 民 元 未幾而又從 宋 罪, 有 世 太 責言者。 祖 祖 豈 Y 有遽 平 江 南

E 討武 曰:「昔朕來自奄,大降四國民命。 官 蔡在 相犄角。 天罰 禽誓費,當是帥 因 庚、管 河 與 南 武 爾 霍 四國者,商、奄、淮夷也。● 庚爲逆,原非 叔 遐 前 在 逖。」是 師 Щ 成 征徐戎 西三 王親 東征之時 據國 一叔 征 、淮夷,與王師 奄國 乃 起 來 兵。 監 周 也。 殷之 公别 明致 伯

也。陳氏以「四國」爲殷、管、蔡、霍,非爾遐逖」者,遷奄居於蒲姑,遷殷民於洛

是。

遷民成周,給之土田,分以宅里,於是告以 乎? 民,次年三月作書告諭,語以尚有此土 氏,以遷民在作洛先,每每 亦豈不可,而 信商民之遷舊矣」。 尚 詳此章所言,皆仍舊有土田 有 爾土 一,尚寧 何 必其遷 幹 夫前年三月營邑遷 止。 在 附致 《蔡傳 未作邑之先 居止之辭, 其説,謂 》從 旲

無逸

淮夷」上,疑脱「徐戎」。

天子

與

卿

大夫日所衣食,皆取諸民。農夫

六五

之喜 終歲 其所從來乎? 實於御廪,但見 一登盤 勤 動 粒 無 粒 少 故能 其 休 皆辛苦也。 息,及 致之之易,而 知稼穑之艱難,念 秋 而 輸 始 於天府 有 孰能思 收 穫

乎聲色玩好、觀遊畋獵之好也? 苟不不作無益,不貴異物,躬行儉約,尚何有物力之不易,則必惜財節用,去奢省費,其所從外刊

也。於是暴征横斂,以充其求,而野有下供上賦,禮之常也,四海爲富,財非乏

能知之念之,則蕩然自肆於民上,以爲

王以此,下文即言:「無淫于逸、于遊、于餓莩,民有饑色,不遑恤矣。 周公先告

則傷財,傷財則必至於害民,安能「以萬蓋不知民囏則放逸,放逸則侈用,侈用觀、于田,以萬民惟正之供。」其旨瞭然。

人君居兆民之上,如不知畏,何事不爲?

王之志。」孟子曰:「文王發政施仁,必先

民

惟

正之供」哉

兆民 畏天 臣 季克自抑畏,所以能享歷年之永也。 成湯三風十愆之儆,皆不知畏者也 所共當守者歟! 彼犯大禹六言之訓 放縱,方能爲 弗畏入畏」。 亦 然, 所歸往。 命,畏祖 畏天,畏君,畏民。 宗,畏民 天地所福祐,鬼神所相 「畏」之一字,萬世君臣之 太戊寅畏祗懼,大王、王 心,不 敢有一毫之 故《書》 助, 戒

文王自朝至于日中昃,不遑暇食,用 也。 未當,一言之未善,而使吾民 聖人觀之,則只 之心同。自今觀之,則想見岐周之民, 萬民。」此與大禹「一饋十起,以勞天下」 詢訪,旦夕思惟,汲汲皇皇,惟恐一行之 已在春風和氣中,若不必勤勞者。 召公曰:「不勞一身而勞百姓,非文 見此時未 安未治,大小 弗獲其 自古 咸 所 和

四

窮。」其心在乎民爲何如。西土惟

時

小人怨詈,皇自敬 言嗟怨,帝猶不恤。至於諸軍離叛,喻 矣。 叢厥身之害,豈不大可鑒哉? 矣,人亦不感聖恩。」帝惟 以當有賞給,其臣 難犯故也。 叛王,王出 其亡也忽焉。」周公言此一節,旨意詳悉 此消怨咎、致親愛之道也。 怙冒,汝漢戴如父母,固其宜矣。 禹、湯罪己,其興也勃焉。 厲王監 奔彘,至十 唐莊宗 謗,其不知此 德,厥愆,曰朕之愆」, 對曰:「陛下賜已 好聲 四 色畋 年 流涕 戒 不 桀、紂罪人, 敷? 獵,軍民 敢 《傳》 帕 歸 ,衆怒 國人 EI: 晚 流 怨

厥心違怨,厥口詛祝」,以變亂 而衆 也。此如 小民也。 口皆詛 變亂 齊景 之類。 公布常 法度以 公能聽晏子之言,毀 自縱 無 藝,徵索無 于 逸 法度害及 遊 觀 度, 畋

書經衍義卷之三

一黎貴 惇 撰

臣

君

奭

周 也。 未 致 見 後 論召公大聖 愚按《洛誥》,周公留 所言 | 君乃猷 公留 嘗 事之文,想 召 人于丕 公有 周公在洛,遺書以 П 輔,召公不悦」,諸 朝。 時 避 位 人,即常人之情,亦不 召公爲太保, 裕」, 只 與「往 告老之意。 爲 與云「明 王朝與諸 敬 治洛 用 勉 治 召 家辨之詳矣。 在 都 我 禮 數數 公,詳 鎬 七 俊民,在 侯之大夫 雖 年 輔 語 有 政 m 書 介 七 殊 中 意 無

保輔相 命留 留後 王聽 成王 在康 體 不 如 民 事 至 釋政 以 公亦欲就 太公、召 言 誠 猶 親 或 謂 情 故 一之實。 語 内 而 家 輔 於洛,伯禽、叔虞就封於魯、晉, 政、天下無事、吕尚就 丽 姑 之 王 西 事 非 止 爲 幼君,内外懷輯 不告休於 時,猶立于朝,豈召 如 意 公、 周 意 0 是 謂 耳。 外,夾輔 國於燕。 是原 卿大夫止有采邑 諄 老 觀其 故知以 畢公皆以 自 辭, 臣 切 嫌 周 無主張 待 如 勉留召公,感天命 康 盛 公亦聖之任 未 王室,如左右手,不 成 明農 此 周公聞之,因遺書 主 滿 聞 贵 E 乎? 外 隨 一旦夕思惟 有 本 慰 爲 有 諸 舉 欲 諭 退 人 國於齊, 」者 先 竊意 公欲告休 侯 此 退休, 休田 翻 圃 也。 欲 留 比 例 留 改, 來 退 此 者 说,视 野者 以 召 亦非 身 周 則 休 爲 而 時 國 告 召 於 是 以 E 関 可 成 師 ? 公 公 蓋

强 説 也。

六臣 小臣侯甸矧咸奔走,内外布列,賢材 了,所以 輔商,援進同類,百姓王人罔不秉德, 商祚有六百年之永。 周公表 衆

多

ıfri

揚之,其亦思成湯「立賢無方」之心歟!

文王德化至矣,而周公歸之五臣之力,極 言其無此等人往來迪教,則文王無德 及

輔助乎? 然則 人君其 又可 不擇賢而泛用非人 (可自 用 而 不求衆賢之 乎 ?

疾苦,今因 唐明皇曰:「向遣使臣,分巡諸道 .封禪 歷 諸 州,乃知使臣 問問 負 我 民

多矣。」是「蔑德降國人」之驗也

明揚俊民,方可退讓,此亦《立政》「儲三有 此典常,政 望才智,一流派之相續,則式 宅」之意,忠厚正直,一氣味之相投,德 民永受其慶矣。 有先今,同歸 吕公著 於道 得常安民書,竟 而 時 猷 社 訓 稷 牛 師

> 純 人,宋治遂隳。 不能搜致海内之賢才,使皆萃于 人爲保業之本哉? 仁、吕大防亦然。其後哲宗别 大臣 爲 國遠謀, 可不以 朝。 用

番

范

蔡 仲之命

「忠」、「孝」二字並言,始於《蔡仲之命

周公輔相兩朝,因 行。 本末,罔不適中,王官、諸侯皆可世守 故戒蔡仲以 時 無 制宜,由俗施 作 聰明、亂 舊 政,鉅 章 魯 而 細

賦。 甚矣! 其不能率自中也

爲

望國,乃首廢周公之典,初

税

畝

用

田

舊 其小 章不可改也,而作聰明者常亂之。 智 私 意 妄 爲 丽 르 自 用 則 盖逞 小, 專

不作聰明,斟 酌人言,務存公道 一,則 雖 有

欲難

成

豈 能

免

生

事

擾

民

之咎

乎

?

如

六九

何 小 至 小 於 增 紛 損 亂 補 也 偏 救 弊, 不 失 爲 隨 時 之

周 不過 權 軌 《大雅》,又曰「不愆 流 民 家 飭諄悉矣。 讀 講 作 書同文 革 兵 如 法 畫 之 制 齊 争、聚歛之一 甚 師 度 作 巡 詳 行 衣 内 狩 故至 戒 防禁 服者, 考正 政 同 侯 倫 晉 於子思 或 甚 諸 不忘,率 事爾。 君討 作 以 嚴。 有 州 侯 毋 變 兵 不 時 亂 歲 敢 禮 由 戒 時 舊 魯 天下 [舊章 僭 卿 樂 章 布 用 士 者 法, 田 一重之 車 一,訓 形 以 賦 口 於 典 君 屬

多 方

眉 Ш \Box 酒 蘇 誥 氏 大 議 語 梓 論 材》、 偏 ^ 召 僻, \wedge 誥 多 朱 *\ ~ 士》、《多方》八篇 子 洛 所 誥 譏 \approx 今 康 誥 觀 其

守官視 徴師 方歸往 所誥 乎 當 侯伯 勑 皆紛紛不 庚 悦」,何 人 也 示 無富天下之心。 雖 几 也。」 然 四 與三叔,正 所 明罰 或 國 以 伐叛,擇 不 讀 誥 淮 是 浮 治 當有不 此殊 止 此 事 而 不 夷、 以 皇」,又 不得已 殷 八篇 民 伊 臣 概 心服,又 革 民 以 人,是紛紛 始,告示 徐 謂 未 , 薄俗,誥 其 地 大 赦 之道 服? 戎、 是。 爲 見 叛逆之罪。 建 丽 安 畧 孟 宥 有戎 周安殷 都,君 何 有 蒲 均均 人 安 子 文、武 以 新 周 足 不 稱 插之意,亦皆 姑 心 毖 殷 爲當 公輔 不心服者 民 商 心 之日 以 以 不 臣 人 之 商 積 以 之 爲 服 懲 服 相 ^ 心 難 奄 行之務 徳 寧 詩》歌之 嗣 舉, ? 湎 聖 取 而 不 與 居, 君, 累 酒, 人? 皆 作 之 如 不獨 服 多 惡 諭 而 事 又 四 討 皆 與 而 方 告 殷 鲎 留 命 戒 方 武 四 可 理 夫 民 知 作

七〇

質 不心 也。 如 丽 以爲思殷先王之德。 背上立 此,乃 臣附 以德化之,百年勝殘,必世後仁,道固 服」, 爲叛僅此四國,而 私 而 嘆其「安殷民之難」,殊不合理。 沉沉 又反 可乎? 爲民不孝不友,爲 湎 (叛,此 群 飲,怙侈滅 皆法之必誅 周家不以刑治之, 謂 「四方紛紛,皆 義,與既 也 乃 委 臣

成王幸洛,留周公後,歸于鎬京。 征討、綏懷之大規模、大手段,亦 月,周公告多士。 五月自奄還至 一篇只是一年事。 鎬 其年,成王東巡踐 京, 即 又 此 命 可 周 見 成 公誥多方。 王撫 次年三 可見周 巡、 奄

愚

不

得以不辨。

殄有罪,釋無辜,皆能使民知勸,無他,當稱殷湯。 至帝乙,盖治道不出於此。「明德慎罰」,《康誥》以稱文王,《多方》以

惡。此即「明刑弼教」之功用也。於理而已。知勸而相勉於善,不敢爲

聖,聰明之謂, 作狂 狂克念作聖」, 昔迷今復 」,先明 後 狂 暗也,唐明 ,迷妄之謂。 也,商太 皇 「惟 一是已。 聖 甲是 罔 惟 念

「自强不息」而已。故曰:「德非力,莫能克堪用德」,方可爲神天之主,其要只在

己。

「自時洛邑,尚永力畋爾田」,是主於告《多方》始徧告四國及殷侯尹民,末乃云

新遷民也。

立政

公棐迪襄成之大功大力也。

要,《立政》一篇盡之矣。牧民之長,如王者奉天設官,各有攸掌,名雖多,舉其大

監,掌侍衛,如後之十六衛、三衙、錦衣 部 後 世 閣 皆大臣 刺刺 部 史、 守法 承 也。 宣 掌服器, 之司,如 任事 公 如後之少府 後 卿 世 如 御 後 史、 世 刑 中

綴衣乃天子親侍,虎賁乃天子親兵,最 威福,背上行私,其弊有不可勝言者,豈 要重,不得忠謹之人掌之,或至於竊 習染之移哉 弄 爲

十二衛:

皆近臣

也。

但

立政》首舉五官,以「休兹知恤」爲戒。 引夏、商、周之用人,只及於三宅。 衣、虎賁二者皆統屬於三宅也。 蓋 綴 次

周公言夏之臣迪知忱恂于九德之行,後勸 書百篇,其資攷鏡、見施行多矣。 先後一轍。 德,彰厥有常,吉哉」之意。 王用吉士常人、盖取《皋 外史掌五帝之書與公所讀 陶 謨》「行 治法 相 有 九

人也。

三宅,正 任之,非僅 卿 也。 儲 養 三俊,貳 待 用 而 卿 未除授 也 盖 也,故 以 次 稱 第

湯曰「克用三宅、三俊」。

文王克知三宅心,灼見三俊心。 政事,方可爲 俊未任以事」,恐礙。 他日 次補三宅之地,若 盖三俊必當累 蔡注 未 試

裹臣、表臣,無非常吉之士。 下文「義德容 德」,即常吉之實也。 經任職,徑升公輔,似無此 處事 理。 而 有斷制,

心 而能寬容,非吉德 而 何

牧誓》微、盧二國會 宅心」,知人也。 阪尹,盖命官尹治險阻 「立兹常事司牧人」,用 戰、《立政》舉微、盧、 之國也。「克厥

罔攸兼」,「罔敢知」,不侵大臣 也。 内外不相侵奪而後安。 吕祖謙告 孝宗以「治道 陛下以大臣不 體統,上下 有司之職

郡 所 行 勝 侵,而 縣 任 有 司 忽 而 之事 省 不能 兼 船 行 其 令其 外 掾 事 至 屬 下。 監 凌 大 司 長 臣 故 守令, 史, 亦 豪 皆 猾玩官 賤 率 親 人 爲 細 邨 其 務 府 柄 E 而

輕 的 臣 人,必先克知灼 」,其 聽薦拔,不得 有見是人之能勝其任也。 言 可 謂 深 吉士,誤 見, 切 然後 矣。 任 罔 愚 憸 兼 謂 人,而 泛循資 罔 文王 知 日 格格 用 法

文王之體

統

馬,其

何能免於隳壞

平

罔敢知于兹」,「知」字當 記 知其 備 不 知大始」之「知」。 于 國 知 獄 識 事 政 則 成 唐虞之聖,猶 所 何 坐 進 係 刑 以 而 識, 獄 能 其 論 重 歲 道 訓 初 知,管也,主也。 事 終受會,又豈 也 其 人 謂 曰「屢省乃 容 用 之三公, 解如 命 有 違 所 不 也? 朱子訓 懸 屑 禁禁 屑 成一, 作 有 \sim 知 若 考工 戒 不 而 者 不 知 儲 謂 乾 行

> 之,謂 之, 行之以 何 之 况 付 土 人 有 君 大 司 夫。」 耳。 罔 夫三 若坐 兼 罔 公尚 論 知 則 不 是 君 作 與 不 相 作 丽 行 面 固

未

嘗

廢

也

周 罰、五 公訓 舉矣。 其 庶 均適平 學校,「庶慎」字足以 爲治之道 則 則 式敬 入 日和 日 獄 「式敬 爲先,言得 庶慎」,三則 成 過,皆獄 」字有畏謹之意。 一之意。 王,於 我 容 庶 由 有出 獄 獄 獄 事也。 「勿誤」 人 _ 0 庶慎」,二 慎 日 於此 而 之事 「其勿誤于 夫言 該之。 以 財賦、 者乎? 字 守 刑 立 再三 有詳 則 獄 此 政 田 庶 曰「勿誤 和」字有 三者,政 役、軍 圃 致 庶獄」, Ŧi. 審之意 務 意 以 刑、五 爲 用 旅 寄 斯 調 得 四 于

成德之彦,此克知厥若之術也。即辭尚言者,心之所發。自一言一話之間,永思

體 其爲憸 心,後察其 要 而 巧。 知 其 行以騐其迹而已。 觀 爲有常 人之道,先聽 3 即 利 口 其 浮 言以 靡 知 而 其 知

克宅之」,先得人使居其職 考察, 考其所 之」,使奉職以 考績。」甚是。 同則繹」之「繹」。 君道當 就,如堯之詢 然。 考其 蓋 雖 陳 陳 知 成 氏 事 氏《雅言解》謂 也。 其 謂 考言,舜之明 爲賢,亦必詳 也。 「繹」如「庶言 詳其 「克 所行 由 於 試 繹 以

憸小之人,傾巧辨給,似若可喜,其實 見 好 于德,所爲 立 或 此 政 利之夷公,幽 則 書耶? 勿 罔 以 有立 憸 皆害民 人」, 政 王用 用 反復 憸 病 孔聖之皇父,豈 人」,又戒 國之事。 諄 切矣。 厲 繼 周 公 王 自 不 不 用 謂 今 順

心

相

與,待人之誠

」,似未

切。

可

分看

古者兵出

一於民。

平居之時,每事

得

乎民

庶 獄」, 傳》云 刑 獄重 心 有 之屬,可以一戰。 戰之器。」魯莊公察獄 獄 罰 輕 則 一,而 ,豈有妄濫 事 舉 繼言「克詰戎兵」,同一 臨 既 者乎? 戎授甲 慈愛,戰 後能「克詰 能 詳 者乎? 審 之際,歡 既 憐憫,則 能 所 周 畜。」 調 戎兵」。 以情,曹 公先言 故必 和 欣 又 均 兵 用 意 日 先能「勿誤 平, 戰 命 此二節 也。 勿 劌 危 則 稱 ^ 德 事 誤 軍 蓋 爲 春 贵 刑 忠 秋 中 刑 庶

大禹 秩然。 則 功譏之? 表,綏懷 整 天下,有室大 陵夷委靡,何以 治六師 經 理 致《禹 九州,弼成五服,樹君建長, 撫 禹 以 御 迹之内,而 陟 競 貢》一書, 之道 禹 ,良有 爲 迹, 當 國? 一然,豈 方 由 無非 猶 行 也。 有 天下,至于海 徐子稱 미 昭示一統於 不 有王者作。 以 能服者, 好 王,穆 大喜 制 度

「克用常人」,即《臯謨》之所謂

「有

其禍。 灵夏於外徼,弱形已見,末世竟由失險 逐出之,不能一正土宇,至 庸、揚、粤至于鄂而不問,遂啟 至于南海, 王誅之,盛强 而周浸衰矣。 宋當盛時,畫地自守,棄燕、雲、 方永寧,獨 無 損 也。 宣王 迨夷 於 平淮 幺 西 \pm 戎 王 見熊渠伐 四 夷, 時,果罹 北 夷 狄, 疆 輕 止 理 侮

爲保邦之遠畧,豈苟云哉? 以 致亡 國。 然後知詰 戏兵、陟禹 然禹 迹,實 迹之

爲

亂

外,而 隔 横大漠,南 故狄仁傑曰:「東距 中 外。」若用武方外,邀功 必欲開 絶 拓,則 Ŧī. 領, 此 滄 天 海,西 窮黷,反以 所 以 絶 阻 限 域,竭 流 夷 沙,北 招 狄 府 而

所 稱,不務固本安人之術,此秦皇、漢 庫之實,争不毛之地,苟求冠帶遠 行,非五 帝、三王之事業也 武之 夷之

蘇忿生式敬由獄,可 獎勸表揚之意,温乎可想。 公命太史書之,使後之爲 面 德」,或「三德」,或「六德」,而 有常」,必 爲 泰」諸情狀,而後

謂

能

稱準人之任。

周

刑官者取法。

可謂

之「有恒

常」、《論語》之所謂

「有

恒

也。

必

備「九

無「亡而爲

有,

虚

圃

爲盈,

約

後

可謂

之

周 官

周官》三公、 及。 也。 亦 以六卿兼之,惟 無 孤兼官,無 公、孤 屬 官,且 雖 三狐 論 未 以 E 小賞備 道 師 弘 職 周 化、職 道 , 故 員,故《周禮》不言 禮 輔 不 天 無 任最 載。」 之。 子,無所治 大,然只 此 或 説 謂 是

用禮 》,周公分設治事之官也,故只及六

《周 卿、 官》,六年五服一 歲一見,朝覲 也,故始立三公、三孤。 侯有一歲、二歲一見,有三歲、 六卿分職,各率其屬」一 書 禮》一部書之旨矣。 六典。 雖 微 有 《周官》,成王潤飭周公之法 不同,大指 以 遠邇勞佚爲節也。《周 朝,通言朝會之期也。 無 《周 異。 句, 禮 足以該括 即《周官》 》,六服 四歲、五 諸

成王初聽政,周公嘗整齊百工,使從王于 周,《 耳。 則王 體統之未明。」殊不是。 綱紀之未 之規模,而推廣《周禮》設官分職之大意 深, 諳練之久。 講究 王氏 親 周禮》六典 董 謂 定 正治 昔非 昔非 官焉, 蓋 已見 無是 無 建立,大抵 可 是官也,有是 職 諸 周公爲政,乃猶 見 也,有 施 成 行。 王 閲 是 弘 至此, 周公 歷之 職 官 而 而

> 唐 祗勤于德,方能 宗、穆宗荒樂,公卿大夫競爲 虞 日 以爲胥然胥傚之本也。苟祗勤之念 執 屬 執 晝夜,優雜子女,百 望空爲高,習尚浮誕,弛 暗,於是進 有間斷,則臣下怠忽荒政,驕侈作僞,雖 私,恭儉惟畏,志功勤業,皆視上之祗勤 萬員矣,况每國又各有卿大夫士乎? 官,則 八外監 日 玉帛,是列爲君公、侯、伯、子、男者已 建官惟百、夏、 儆 敕,亦徒 臨 何 師 士者以苟得爲貴,登官者 口 訓 長大臣 勝 迪 數。 爲 一厥官。 商二百, 具文耳。 職 言之耳。 無 皆 論 廢職業。 廢。 卿 其 舉 士之以 他, 遊宴,沉 晉 内大 此後 若其 惠 即 唐 公滅 世 帝 萬 小 臣 之 酣 玄 以 庸 小 職 國 百

公、孤不别置、當以六卿兼之。公論道、孤

于位」,必以人君能綱紀四方爲本。

所當戒也。

故《詩》

稱

百百

辟

卿

士,不

懈

有未定、未明者乎?

六

卿

分

職

,各率其屬。

冢

宰

爲

五

卿

之長

首

相

也

他

卿

雖

非

相

然

有

加官

兼

類 師 弘 天地」,極言功效之大耳。 虚 所 · 坐 化 曠 别 以 即 而 「六典」内之治道、教化, 統 言, 立 條章 百 起 官、 耐 也 均 行 無 四 「燮理 海 非 也。 禮 陰 如冢 教、 陽 司 」,「寅 徒 政 宰 非 兼 兼 刑 高 太 太 亮 談

冢 不平。 海」,《 宰 己。 兼太師,上相之任。《書》 (詩)言 宰相所以服天下心,惟在 尹 氏 秉國之均」, 責 稱 均 其 均 平 爲 偂 政 四

保,亦

以

此

推

司 則周 才,施 馬 設官 海 相 統 公以冢宰東 專掌, 對 六師,平 無 是 不 俾 將 可 相 邦國,與冢宰 但 慎攸司。 分 征,原不曾泥 兵 職 政軍權 之驗。 至於 統百官、均 雖 臨 須 云隆 時 有 :所寄, 命 古 將, 四

> 之私 者,法古焉可 偶之功,宣王賴 有事 相 於經傳,班班 禹 召六 言召公非輔相。 公、孤者,亦亞 止一人,大約至二三員。 公位太保,經文明言「襄我二人」,不 相 頓 ,致太平非一士之畧。故 有數 權 卿,召、畢、毛皆三公,即 皋、益、湯相伊、虺、周 歸 一之説。要之,天下 人,天下 也。 可致。 相 共和之助。 以此知 也。 何由得治?」議 自南宋王華曰:「 如 成周 周公位 如《顧 相周、召, 命相,原不 後之論相 成 事 太師 命》中 E 非 相 資 者 家 宰 見 所 得 勖 每 召

學 萬古治官理民,不出 施于 好貨 俊 見,偏聽人言,亦私 偉 政 以以 好色,爲情爲 開 誠 布公、集思 以 面,皆私 也。 公滅 廣 武侯相業,光 益 也。 私」之一 而 自 用 語 明 己 與

意。 常爲 焉」,皆是 矣」,子 聞 利 如 師 建 ,皮使 皇 事 父 非 類。 無 必其 尹 役 學 以 何 民 道 古 利 爲 更改紛亂 何 訓 旁築舍,難 口 邑 日 有 亂 呵 「予不戕,禮 獲 厥 日 之意 ,只是 官」二句 使夫 究 同 于 往 給禦 成 則 是一 而 學 然 典

斷 哉」,怠忽 蓄 疑 與「業 則 敗 廣 則荒政 謀 惟 矣。 勤」戒之,其意 矣。 股 肱 後節 惰 以「惟 哉, 自 相 萬 接 克 事 續。 果 隳

朝將 原伯魯不 《論語》「不爲《周南》、《召南 而立」,即「不學墻 有 下 陵上替之禍, 豈止莅事 悦學,魯人知其每事皆苟,周 面」之義。 》,猶正墻面 景王之世, 惟煩 而

志者,志於經濟, 後之君子,誰能弛之」,每以爲己任。 聞其父有 言「所爲 勤者,勤於職 征 税 頗 重,非 事。 平世 隋 蘇 及 威

守貴也;

制節謹度,滿

加

不溢

一,所以

長守

已

耶

便,號 曰:「此人要路在前, 月治事,汗 相 相器。」其後卒爲名臣。 文 帝 爲 賢 奏 流 相 减 浹 賦 宋韓 背。 役 務 琦 丽 府 從 爲 治 尹 功崇業廣,在 輕 民 開 王 簡 如 封 博 此,真 推 文 海 官, 稱 内 宰 之 暑 稱

侕 已, 豈待外求哉

位 習所蕩也。 高 之何曾 豚肩 考父,則 而 驕 不揜豆之晏平仲,則不爲 心爲氣所移也; 不爲求揜七人之郤 人能知學三命滋益 禄厚而侈, 至 日 食 能 恭之正 萬 知 性 錢 希 爲

驕侈是病,恭儉是 孝經》曰:「在上不驕,高 之恭儉,人誰信之,豈不勞且! 休,驕於 止 由 外 飭者,鮮 行 則 勞 不 藥。 而 敗 拙 露。 乃恭 如 丽 安於德 E 儉不出實 不 拙 莽、公 危, 哉 所 則 以 孫 逸 心, 長 弘 而

七八

則 富 位 也 禄 能 可 常 存 保 思 危 惟 畏 之心, 不 敢 驕 侈

舉 能 能 法 匪 非 徧 人 官 知 始 而 而 天 於 日 \Box 不 阚 下之賢,所 唐、宋, 任 能 即 即 自周 後 後之薦賢受賞 之 賴 已有之。 保 群公互相推 任 連 坐 人君 也 也 不 是 稱

實弊。 滋大。 以 使 人 盖以 然胡 人 謹 寅 中人以下至多,雖舉 審 又 ? 日 或 有 連坐之法 प्रा 黨 比 周 似 者 爲 不 美 能 害 而

以

爲

次第

儲

用之階

如謬

舉

而

不

責,

何

殷

矣。

必 宋 其 太 人之不 宗 之 詔 改 令「内 行 易守也 外 官 所 保 如 舉 此 則 當 有變 法

君陳

節

踰

濫

者

,舉主自首,原其罪」,斯善矣。

令德孝恭,惟孝友於兄弟,克施有政」,此

陳 先 屬 常吉之士 孝 爲 氏 謂 友 何 一一商品 之 官,只因 君 也 陳 民 何 難 此 所 所 化 時 任 以 由 命 而 Œ 於民 尹 不 其 東 可 彝 本。」 ? 郊 泯 見之耳 亂 意 不 成 知 便 其 狹 Ŧ

之享 人 以 惟馨」之語,以爲「非 物 尊 神,周 徼 祀 豐 福 潔 於 亦因之。 神。 皆 是 隨 也。 侯 世人不能 德,民 之性 宮之 牷 奇 不 肥 省德, 和 引 腯 漢 神 明 德 不 面

君 情或 過宣 陳 至 能 圖 於 克 繼 政 殊 和 明 周 有 不能 番 厥 教 公後, 廢 更 中 化,審 有 易也 興」, 非 無 命 有 小 慎 以 小 弊 何 式 刑 損 也? 可 獄 時 益 廢 猷 有 酌 時 訓 政 宜 便 量 事 而 元允當 或 可 之大,不 又告 異,事 興, 以 而 方

政固本於寬,苟無斷制,則流於縱弛矣。

爲

享」,其有得於周公之訓

歟

字,乃萬古守官從政之大法也 端賣 削之弊乎? 臨 使人見其喜怒,則 事 (弄,其 决 斷 何以免於依勢 當 「寬 不 動 而 聲 有制,從容 奸 色, 巧 恬 作 得 然 威 以 以 如 窺 倚法 和」八 無 測 事 侵 百

庶獄 殷 之意耳。 宥之理? 民 罔兼 在辟,未 成 極 王當遵守文、武之家法 言其 經 君 不可 陳 閲 實, 徇君,務求 m 遽 \Box 小中道 辟 豈 E 有

先 王 其 狃 E 脩亦簡其不修,率良以率其不良」,而不 與告以 大 必致辟焉。 體 由 奸 命 議 此 敗常亂俗之細罪,此新令也。 君陳致辟於不 爾。 事 「有忍」、「有容」焉,又告之以「簡 遂 以 輕 制,不 過 重 此數節只是一意貫穿,當大 於 低 刻 爲 昂 因 7,在臨 刑 順不化之人,不宥 戒 辟。 以 時 無忿疾 布憲邦 斟酌之。 于頑 國 然 成 慮 夫 存

段融會,不當分看。

人性 言 成 王言 本 「習與性成」同 善善 1,性 「惟 本厚,因 民 生厚, 意 習 因 染 物 物 有 欲 遷」,與伊尹 而 有遷改

顧命

日 土也。 月麗 散。 者。 職 畜三者而已。三代盛時,皆設官以攽其 至妨害於此,則得古人之義矣。」 宅而已。 事 ,經其土 丘 後世不 乎天,百穀草木麗 氏 安民之道在 所謂 有言曰:「民之所以 必 地,辨 生生之具,稼 泥 古,凡有徵求 其 於奠其 田 里,無 乎土,民 所 穡、樹藝、牧 麗 爲 非爲是三 營造,不 生産 不 亦 麗 使 離 田 平

幾,微也,事之萌也,有是有非。 大臣

而啟

導其君於非幾,其後必至於不

可遏。

宋

器,導 之塗。 儀 柄。 珍玩 物失理,亂亡之端」者,方能不蹈於非 興,正其衣 心 以 至 温 之爲 一深固 康 公日 則當 Ē 凡此六者,其 發奢泰之端。 [。]此皆非幾也。 附耳屏語,開 原 冒 逼之原。 「宴安怠惰,肇荒淫之基。 本。 貢 如 冠,平旦視朝,慮 於非幾」, 夫子告魯君 上 句曰 初甚 假 讒賊之門。 借 甘言 一思 蓋 微,日 成王戒其臣 威 深知夫 夫 所 卑辭 福,授陵 人 謂 其 滋 自 (危難, 放啟 「昧 月益,遂 輔 不惜 亂 奪 爽 於 德 僥 奇 無 幾 威 格 之 名 倖 巧 夙

康 王 命 有 命 當屬《康 登退之事; 曲爲之説。 始 》中有脱簡 即 位,君 王之誥》。 惟顧 自此 臣皆吉服。 自「狄設 氏《 以下,記明年正 自此 黼 日 以 知 衣 先儒 上 録》斷 綴 記 衣」以 疑 成 以《顧 之, 月 王 下, H 顧 亦

也

康王之誥

日

原康

王即位

一朝諸

侯之事。

其辨

論

証

據敻出千古。

張皇六師」, 之民 農,六軍皆 况守成之世,武備 六師及之。」先 除惡 更周 則太淺矣。 猶 意思。」此不易之説 王之前」,尤 此説施 伺 猶 本, 間 公、君陳二 存者, 隙, 於 而 康 寓 品 欲逞其禍,不得 朱子 成王在位三十七年 非 又安 於 王 品 也。 \pm 農,此 后之化,豈 時 解 以 一何當 易隳,人心易解, 有養虎蛇 ^ 兵 之日 則 也。 詩》云: 爲 可,不可泛言於新 只 不 張 : 防者乎? 以 是 古古 氏 有 已 整 武 「周王于邁 於室 謂 事 加 伺 理 者 ·而崩, 爲尚 間 及此」, 兵 以 民 内,不 藏 逞 又 衆 蠹 商 弊 謂 ? 禍 中 民 底 於

亡,如 復。 浸壞。 法。 匿 親 此 宴 易 振,四夷交侵,六軍車乘 半,有什無二三,雖時 兵,一衛以五千六百名爲 亦爲近古。孝宗時,承平日 無人,卒 無楚患,於是戎馬 而公臣不能具三耦。 帥 一,日益耗散,宿衛不能給。 以爲言,將必 安,更以 生。 師 高宗、武后時,天下久不用兵,其法 晉、魯季世 此 番役更代,多不以時。 侵伐,於是民 繼 列 體 推之,周至 整 無 守文之君 理 長 至於 民衆 上,唐、 魯自 不駕,卿 廢 賦 爲 唐制府 夷、厲 明 不 壞 加 文公 不急之務。 人於 中 未必不 矣。 率,有 整 知 無軍行,公乘 間 時, 飭 久,民 私 以 兵 也。 明設衛所, 兵,最爲良 衛士 晉平公時 家,宴 後, 事 兵 名 終 僅 存實 張皇 勢 不 一稍亡 不 不 及 不 每 射 不 復 能 其 知 揭 溺

六師」之説,烏可以爲迂緩耶?

畢命》謂「殊井疆」者,但使之知

耻

爾

畢 命

畢公率東方諸 「典常 守一, 别淑 别」, 時後 脩」、「率不良」,二后何 由 于道。」道 涵大度,善惡並 之任,故於此命以周公之事。下文「 惟逸惟頗,離 政由俗 俗 作 革 似不是。《書》云:「三后 皆周公已行之事 慝」,「彰善 可 之 舉 政,何以 革」,因 師 此政」,且以 也,寧 -, 侯,即代周公爲東伯及分陝 逖 因 時 爲 癉 爾土」、《君陳》謂 育,至君 舊 施 有 同 惡」,「畫郊 宜 循 道 異 也。 之小 爲「周公之時, 嘗不 理 也? 乎? 之大 陳 吕 節 别 氏 猶 **今**多 叶心,同 目 悪癉 如 , 圻, 固 謂 規 未大區 也 謂 方》 簡 模 「惟 惡 此 也 ? 不 謂 是 底 桂 包 此 旌

五年。 也。 失尤遠矣。 謂:「五陽一陰,然後可 息,不分善惡者,愚不 爲政? 訓 義而錯施之,爲惡者衆,或以召 使善惡 德,齊之以禮 又何嘗不兼 不 若惡者一切不問,與 率」,古今治 有所 張氏謂:「至於畢公始曉然爲 周公治洛七年,君陳分正 勸 蓄並容哉? ,有耻且 戒。」是以二后 民 皆然,不 格 以盡决,不知 敢 〈善者 大抵「道之以 信 「表 可 也。 爲 同, 含 善 亂。」其 吕 糊 日 人 何 此, 氏 以 加 時 姑 無

人才可用,多出於世禄之家,而陵德 訓 遷於洛者 亦在於世 好異」,可見「革」非大變易之革 也。 「政由俗革」,而後言「政貴有恒,不惟 商 禄 多。 民 除 之家,是以 六 侯尹之子孫至於三紀之 族 授魯、七族授 不可無 德義 也。 衛外, 吃悖道 之教

> 革,欲 久,而 訓以導之,使無鮮克由禮之過歟 有令聞,往往 盧,太原之王,京兆之杜,河東 淫蕩之失。 地自矜婚姻、邀索重幣、而未嘗蹈 家者,皆 元魏、李唐 席寵 迪 [知自 簡 在 皆 怙侈、驕淫矜誇之風,猶未 如江左之王、謝,山 多爲名卿。 庭, 重,克循夫禮,雖 重氏 得乎? 族。 然號 豈非有德義之 晉、宋、齊、梁、 爲 間 之柳,世 東之崔 士大夫 有 奢麗 以 FF

敗常亂俗,怙侈滅義,殷俗之弊甚矣。 剛則民駭,柔則民玩,不剛不柔,此治民之中 康訓 道。 德 猛,猛以濟寬,政是以和。」同一意也。 敷 義 政優優,百禄是遒。」夫子曰:「寬以濟 下文「同底于道」,即此 兴此 化 防閑, 必世後仁之騐 三紀之餘,卒收放 也。 也。 王氏謂 《詩》曰: 心 而 成、 循

殷

民不輕於從周,見先王德澤之深」,殊

書 經 衍 義

其蔽 非 時 不 命》所謂 昔時尚質之俗矣。 染紂惡深之故 相 合。 也 易 利 其弊俗久而未革,盖自居妹土 惑 口 而 惟賢」、 難 曉, 董 氏 服美于人」 亦 謂「商 未 安。 俗尚 觀《畢 則已 質

君 牙

暑 是也。 雨、 死。 日 田 思民生之艱,而先圖之於其易, 生 日 里,而 一業,缺 : 怨咨,况於軍旅之煩、 祁寒,歲候之所不能無也, 輕其 天下有 百 無 於衣食,其怨咨尤爲 死 姓 嘆息 則天下 安 危 則 機 愁恨之聲矣。 樂 , 禍 亂矣。」噫! 其 福 生, 因 賦 之而 役之重 不 何 安 而 生, 陳子 如 則 則 小 미 妨妨 百 安 不 輕 民 昂 其 鑒 其 姓 能 於 惟

哉

可不畏哉

文謨 防 如《孟子註 僞禁邪正慝之法」者也 武烈,啟佑後人,即 》所云「正 德便用厚生之具, 「奠麗陳教」之事,

台 命

左氏言:「穆王欲肆其心, 群僕之長當簡擇其僚屬, 故 若德宗, 此 周 爲 側媚者便 想已有納貨 不以吉人爲吉, 而 了,便 爲 制 憸 任 之乎? 人? 言。 廢 百官之長,皆得自舉其屬。 其 則見 是。 但 只 法 反 賄、用私人之弊,故穆 而 以「惟 惟視其非巧言令色、便辟 人有言 然人孰不 覆 不行。 圃 戒之而已,不廢 以有貨之人爲吉矣。 貨」一 諸 此得 何 周行天下,將必 知此爲 司 以識 念蔽 失之分也 所 舉 其爲吉 之,則 君子、彼 皆 法 當 王舉 有 也。 情 時 有 士

駿」出 有 戒詳至如 妄,未足 日 永弼 欲 車 轍 於《穆天子傳》與《列 于 馬 將 彝 傳 此 跡 憲 信。 有以 乃未 焉 與《 觀《 然 祭公作 知王非逸遊之君也。 逸 之辭。 冏 周書 命》 詩 「七萃」、「八 以 子》,類皆誕 篇,欲 史記 止王 篇》 僕 心。 鑒 E

吕刑

舜 刑以 董氏 金之令以 輕 五 爲八金之 典》 既 刑 概從流竄 謂 宥之,盖罪之疑者, 五 内 於罰, 一刑是 五五 口 權 贖刑 疑 刑 衡 正刑,制爲 盡 當赦者,多直 無 低昂 ,則又過 以寬之,蓋罪之輕者。 贖 金 爲 可 之,此罰 鬻 納 重。 獄 五宅、三居之流 鞭朴是正刑 則還 三, 過 故穆王有罰 也 赦 從 矣。 非 非 之, 囚 贖也。 若其 禁流 則 然 過 制

成周 《周 皆五 縱有實 以 或 也。 疑而 後 用、矜恤寬恕之實政。 者、作言語不信者,以告而誅 刑之理? 屏之例,或 大辟者,非 相 後世决杖、 而誅之,禁暴氏,凡力正者、矯誣 世承 麗 ,各有一 半於道 封建,天子有圻内之刑,諸侯千八百 禮》,如禁殺戮之官,凡遏訟 民 緯 當 白 用。 條。 行乎經之中,乃權 罪。 赦 事,殺之亦 乎? ,必皆無 謂「有金者可 拘 加 必 國之刑 律有 墨罪、 教 之圜 皆殺 役、流與 化雖 罰、 Ŧi. 金者」,亦 土,或使之役作,亦 劓 爲甚重,况 人、傷人者 刑,經也。 至,不 贖 罪、宫罪 司 送 故先 二條,不 刑掌五刑之法, 以 配, 豈有更 無死, 宜 能 儒 非 必 "、刖 劑量 又情 雖非 也。 之。 能 也 五罰, 其 者 廢 m 殺 無 之妙 之而 在 此 是 犯 以 今觀 人 也。 刑 犯 緯 等 犯 禁 告 者 五 如 口

據《舜 之贖 禁。 五. 並言 罰 有 貨 耳目 王 事 也。 中 之於遠 殺 圃 罰 前 殊,未 前 臨 百 T 刑 疑 所 文、武 人 八 假 已 者 人 也 無 時 金 辨 即 謂 典》 有 于 何 也 百 哉? 此 如 棋 罪 必 刑 使 《周 罰 法,此 人 司兵。」賈 五 議 酌。 成成 之 循 足 出 疑 且 歲 也 事 刑 輕 禮 非 五 示 贖。」 則 司 諸 内 王 ; 以 降 無 ₩: 儆 重 刑 始 時 刑 人 距 侯 如 論 贖,下 制 ? 於 有 此 亦 於 或 舜 國 不 逵 職 賈 穆 罰 流 不 贵 罰 以 時 不 誅 論 釋 想 不 金掌 陸釋 贖 E 無 能 也。」 盡 準漢 已 必 過 ൬ 之 爲 $\overline{\pi}$ __ 贖 皆官 千 創 一受士 有 流 人 刑 日 以 百 之日 刑 之例。 始,以 是 餘 疑 里 殺 之法 宣 辟 權 是 府、 之金 蔡 周 · 豈 年 赦 不 輕 斷 歲 是 者, 傳》 公時 之條 行 駭 重 詔 學 刑 獄 世 能 爲 如 流 罰 人 之 校 者 穆 異 此 淵 刑 流 千 歲 贖

> 之。 法,而以斷周公之制,請得以《周禮》質

文獻 語 ※ 之用 欲。 皆當 既 豈 其 求設 且 惻 多 慮 姑 如 墨 至 罪」, 不 利 拳 末 取 怛 通 能 周 閲 之意,千載之下 \equiv 流 其 故 其 法 拳乎訖富 也 考》 康 之 之中, 干。 盡 貨乎?」近 奪 其 蓋 審 百 視前 誥 無 去, 實 言 鍰, 馬 其 矣。 己。 也 端 穆乃 罪 欲 代 疑 ^ 以 而 。」又曰 惟貨之戒,其不爲聚 之無 臨 且 立 以 加 其 擇 示 康 謂 作 政 時 病 所 密 可 其 罰 王 之, 刑 **>** 疑 謂 郝 赦 疑 諸 . 爾。 以 猶 時 仲 則 贖 熟 者 使 者贖之,又疑 真 篇 後 使 財者 使 興 者, 刑 讀 不不 1 繼 Ti. 其 人爲之感 然 又云: 聖 之 人之心 不 意 吕 耳。 可 遽 ,人之所 刑 人 爲 疑 日 赦 自 刑 己兢 之屬 觀《大 悪耳 一刑 則 閲 家 之, 有 歛 哉 贖 在 則 其 遂 兢 獄 實 征 矜 愐

言

「, 其

(利溥

哉

望之

非惟

不

能蠲

除

言其 欲因許 久矣。 引《甫 條 書》張 好。 如首 此 國 赦 晏子一言 死之言也。 則罪之疑者, 後 八之刑 党 長 不不 豊 儒 丘瓊 、法可蠲除,當令以差入穀贖 置 聖 久,壽踰 乃 實者 刑》之罰,小過赦 敞 容 其意蓋 ? 贖 、見知故縱、所不當爲者、議者 執先王之法,必 人 所 更 山 而 以 録 請 蓋 無 若《吕 齊侯 附 亦非《吕刑》贖法,謂:「如 宥之。 祥 與《吕刑》異。 富者得生,貧者坐死 百 聽,可 用 言此 死。 刑之意 歲,未必非仁人之報 蕭 省刑,君 刑》,則疑 望 望之所以 皆薄罪 比 謂 之之説 細 曲盡 冷,薄 不可 哉?」此二 認 子 罪 而 之, 敞言 矣。 以 罪 贖。 也。 律至大辟, 贖 有富 而 爲仁人之 自 已在 所從 [諸有 穆王 罪。 鳴 見 按《 党 説 生貧 呼 赦 來 或 漢 聖 皆 享 又 罪 是 而

爲法耳。

吕刑 於刑 用刑 開 此,以使司 有 法 所不能 丽 不得? 帝 **>** 乃徒借義 條生路,不仁甚矣,安足取 者。 舜 者 已而 之治民 盡 廢 篇,從苗 蓋天討 也。 刑 政 用 之, 利 典獄之官以苗爲懲,以 刑 有苗 也、居之、養之、教之。 爲説,而 民 庶戮 者,莫不叶于中道。 有罪,五 用 之君,肆爲 刑 告冤, 説 不爲薄罪者 刑 起, 帝 Ŧi. 因 哉 淫 用,政 用 及 虐,麗 遏 舜 絶 道 舜 舉 其 之 少

先王設官, 之類,是乃「折民 約 禮 五 者,自有臯 伯夷爲禮 一典而 ,乃官民之所 如 遒 循 人 職 官 五 ·陶議其罪,不當以伯 徇云 雖 禮 , 放布儀則, 使天下之人順 分 掌, 「其 惟 通 教條之下,亦當昭示 行, 所 刑 或不 事 _ 實 至若· 恭 聯 以 邦 屬。 文 有 有常 五 夷 天秩 入于刑 典 非 刑 也 禁 之

士師,而致疑於播刑也。

制 耳。 怠勤 萬古 獄 總告之,未 事 此説似 説,言不終其 通 ,貴 弊。 屑 者 爲長。 及於 非 以 終 威 、徳與 條 亂 惟 蓋 目 終,在 政 此 能 也 節 富者以 於其 是舉 ^ 人」,諸 蔡 德 傳 貨 大 在 **>** 奪法 家就 於人 綱 謂 丽

辟,皆在犯人。」則與上下文不相接續。「『非終』乃過之當宥,『惟終』乃故之當

休美勿以爲休美,與「戒之用休」同義。雖休勿休」,魏徵常引以勸文皇,意謂雖

|蔡傳》解「休」爲「宥」,又以「雖畏

勿畏

勿辟」之意,與古注疏不同。陳桱謂:之「畏」爲「威」字,謂即「曰宥勿宥,曰辟

心。」此與上下文甚相貫穿。「雖畏勿畏,雖休勿休,見得不自足之

兩争皆至,詞証皆在,參差不應。疑於刑,

則質於罰

而罰之;

又疑於罰,

則質於過

何哉 甚 疑 而 2詳,乃 有 宥 免之。 ? 赦 E. 於罰 夫疑 于 刑疑 于刑則 五 金條 過 有赦, 也。 下 入于罰,不應 更 《蔡 正于 非 其 傳 五 大辟 注 罰 此 也 心致辟, 亦 兩 贖 節 罰

舜,而 不降相! 此 因,古之制 制 亦 在 於 也。」雖 穆 王 前, 未必古之爲 審矣。 ^ 蔡 帝

罰之何·

害?

孔氏

謂

「五刑

疑各人罰

傳》謂 等而罪之。」考諸 「泉 陶 所 謂 經 傳,皆 罪 疑 惟 無 明 輕」者,降三 文。 夫 今

恕者 律文 介所謂 非疑 「減等」,乃真 獄 也,况於古制 犯 而 乎? 原 情 以 尚 理 有 論 口

相應,尚 之,如有 人被告遏訟,當誅 有 可 疑,乃降三 等 也,而 而 論 丰 辭 不 証 幾 不

於慘 殺之,或赦 酷 乎? 或罰 如 背野所 群飲,武 不 王 得 日 知 其 也 殺 然 未 加 必

之、劓之,必不忍爲,則罰之以金,姑示執歸而直赦之,何以示懲? 降等而刖

薄做,如漢律亦可爾。

訓

,誠不可少

也

金、銀、銅、鐵,古人通 完納。 金,爲 多價賤,非如後世之難得耳 千鍰六千兩,罰太重矣。 四 有以 白 八 罪名相告,使入三十斤之 十兩,亦太多。 稱 爲金。 縱富民,亦難 ? 六兩 意古者 日 鍰, 金

罰乃當」,最爲得之。

人能制法,法不能制 無 内、惟貨、惟來之疵 上下内外互相 所禁遏 則 此 維 弊更出 防,固 人。 也。 於上人,而 紀綱 無惟 紀綱 官、 心蕩 明 正之時, 惟 壞 日刑 之世, 友、惟

> 非其 此 罪復 者,則殺之,豈問 日 知 罰,皆不 穆 脱,又豈守上 罪,納褒女而免其獄,無罪反收, 王自作元命之言,哀敬 得其平矣。 兩 下比 造五 罪 辭 如 之例哉? ? 衛 殺杜 巫 告 折 獄之 伯 有 以 有 謗 而

上刑適輕下服,下刑 事也。 張氏謂 氏解之甚明。 輕 「以情爲權而 重諸 蓋 罰 非 有 適重上服」,張氏、陳 權 止 論疑罪之輕重,則 ,總結上文之意。 於宥 過 刑 故 之

温 罔不 之,所以能一言斷 差處而細察之,啟刑書之符合處而共視 怛之心,而無 良之人,悉其聰明,致其 得中也。 輕儇 獄,而附於輕比 捷給之辨。 忠愛,有敬 見民 重比 慎 辭 之 惻

明清」二字、盡治獄之道。世固有片言折

獄 亦有一毫 矣, 而 不 無 戒 私 惟 矣, 内、 圃 惟 不能 貨, 察 則 辭 不 于差,亦 得 其 中。

不得其中。

必兼此

然後爲善也

| 罔或私家于獄之兩解」, 吕氏謂 「出没變 於此。 化于兩辭之中,以爲囊橐窟穴」,此 今之通套。 獄官而不能明清,其弊必至 最古

文 侯 之 命

平王命侯仇當曰晉侯,此曰「文侯之命」, 史臣追書也。

者。

觀魯可以見周矣。

晉,北方大國,東遷之後,世主 天子二百餘年。 以見晉之得專征伐,自此始也。 夫子録《文侯之命》,一以存王制也,一 春秋》予晉伯之意歟 周之未亡,緊晉 夏 盟, 翊戴 是賴 其亦

費 誓

魯,周公之後,周 録《費誓》於《周 禮 書》之末,以 盡 在,諸 侯所 見 仰。 文 人獻之 夫子

王,綏内定外之大勳勞也。

國,一脉相傳,又以

見周公父子左右成

伯禽征淮、徐□、●與周公征商、奄同時。 路、嚴部伍、 用兵之法,即周 立 期會,真 公所授。 所謂 治器 善 械、除 師 善

魯人三郊三遂,峙楨幹芻茭,説者以爲魯 民,預先搬運 甲戌惟征,别 有三軍之証。 儲 有攻戰之兵,當役郊遂之 竊以爲此民也,非兵也。 峙版築器具與牛馬之食

0 □」,底本漫漶不清,似當作「戎」。

道

陳

乎?

禹、湯罪己,其興也勃然。

穆公曾

0

夫,而庶

有

番番

之良士,非卓出

一時

運 齊集 又分兵護之爾。 載,又責以征 地 面,至日 興工 討,且及工作,人所不 若舉三軍之衆,既責以 則 以 兵 力完築之,

奏 誓

堪,决無是理也。

穆公悔過,事 匹也。 秦破 於帝王之末,以畧示微旨也。 賢於此 札聽詩,稱其能夏。 西戎,盡得西周舊壤,國勢日盛。 夫子蓋知繼周者必秦,故録其書 者? ·至微-聖 小。 人不爲 趙武稱晉、楚、齊、秦、 春秋諸 此録 侯, 其 豈 誓 無令德 書 也。 季

> 利 不 其後必大也,審矣。 休容,豈非合於王道? 責 所 人, 好者容德。 而 樂受責。 穆公則 聖人取之,豈止悔 成周 以 家 此訓示子孫 惡論言 法, 所惡者 加 思

過 節 而已哉 ?

由余、蹇叔、百里奚、公孫枝、皆非秦産、 耳? 公收而用之,人才稱 者,極言得失,以激勵戒勅在 不之見,豈有媢疾之小人,能抑遏衆賢 盛 推 讓休容,雖 朝之群 臣 穆

秦誓》所舉二等人,試以同時言之,如 賢,而 由 軫,皆能以 叔之薦管仲,趙衰之舉郤穀、樂枝、先 於一臣、豈不炳然哉? 不與立,其國 其 (君霸。 卒不振。 臧文仲 知柳下惠之 榮懷杌隉, 鮑

春秋争戰之世,□

□左文右武,●秦居

西

陲,好武乃其俗。穆公乃不欲仡仡之勇

□□」,底本漫漶不清

書經衍義跋

其議 之元龜,下可爲人臣志功勤業之正鵠。 成》,其規模也。 **贊弘多。《臯謨》、《伊訓》、《説命》、《召誥》,** 也。大人清修正學,名重當代,踐揚臺省,裨 之高下、指趣之淺深,又未可以南北古今評 北,時有古今,而羽翼聖經則一。至於識見 未言,發百家所未發,上可爲人君迪德施治 之作,往往於本文中揭出新義。言百家所 定《書》迄今,世之説得奧境者,鮮矣。是書 王之政,而必云傳授都從學中來。 自聖人 論也,《堯典》、《禹貢》、《湯誓》、《武 學與政,非判然二致。《書》載二帝、三 帝王治平之事業,行復於三 □□考異。● 雖地有南

秋,門人慈廉雲耕李陳瑻謹跋。	□□□□□□□□■興三十九年戊戌□	□□□負所學,非敢岐學與政□□□□	書。 瑻親炙門庭,神領心會,如幸必聞其教,	政,他日當具於史,大人之學,今日且述於	有是政。學與政之出於一也如此。大人之	學,大人之政,即古人之政。有是學,然後	千餘載之下。可見大人之學,即古人之	

」「考異」之上十字,底本漫漶不清。下「□」同此。

春秋管見

[越南]丁清孝 校點 [黎朝]吴時任 撰

目 録	収公 五	足公 四	昭公 四	裴公 三	风公 三	亘公	又公 二	僖公	閔公	壯公	桓公	隱公	春秋管見自序	杈點説明	目	
	五 三	四八二	四二五	三七三	0	二八五	二四六	六六六	五八	· 八八	三六	:	:			

二年(一八〇三)。

校點説明

吴時任既

是

西山阮朝重

臣,又是

頗

有聲

望的

作

出仕。 家鄉山 名義率領越南使團 成了與清朝之間的邦交事務,曾以 年後,出仕於西山 八二至一七八六年期間,由於京城動亂,遷到妻子 同 歷 家,黎顯宗景興二十七年(一七六六)二甲進士,曾 人,出身於仕宦世家。父親吴時仕是文學家和史學 軒,河西省青威縣左青威社(今屬河内市清池縣) 晴派侯爵),遷兵部尚書。在西山朝期間,出色地完 兼太原 任黎朝户科都給事中、南山道監察御史、京北督 吴時任(一七四六—一八〇三),字希尹, 吴時任,景興三十六年(一七七五)三甲進士, 南武仙(今太平省武舒縣)避 督 同、東閣校書、工部右侍郎等職。 阮朝,受到重用,擔任工部右侍郎 拜 訪清朝。 卒於阮 西 難。 山 朝世祖嘉隆 阮 一七 朝 IE 入八八 使的 號 一七 達

> 豆頗有價值的代表性著作。 目頗有價值的代表性著作。 主题有價值的代表性著作。主要收在匯集其家族著作家。他現存的大量著作,主要收在匯集其家族著作家。他現存的大量著作,主要收在匯集其家族著作家。他現存的大量著作,主要收在匯集其家族著作家。

别 體現了作者對《春秋》的意義、筆法、事件、人物等方 探析了《春秋》經文,不但逐字逐句仔細講解, 面 及其他儒者對《春秋》的見解。 文進行參閱。 引用了與經文相應的《左傳》、《公羊傳》、《穀梁傳》傳 寫的,完成於景興丙午年(一七八六)。 是非與「寓褒貶、别善惡」的特質。 的獨創見解和 據吴氏自序、《春秋管見》是在山南鎮 在《管見》中,作者還參考了胡傳、程傳 獨特評價。同時也突出了《春秋》辨 其「管見」部分,不僅 該書 避 詳 難 並 時 細 且 地 撰

《春秋管見》屬《吴家文派選》的第四部分,共四

卷二三包括 公」部分、卷二二包括「宣公」、「成公」、「襄公」部分、 公」、「莊公」、「閔公」部分、卷二一包括「僖公」、「文 卷(卷二○—二三),卷二○包括「自序」、「隱公」、「桓 「昭公」、「定公」、「哀公」部分。

如下: 館 漢 藏 喃 書 研 現存《吴家文派選》均爲手抄本,主要藏 究院圖 目,《 春 書館 秋管 版 見》現 本 比較 存三 複 個 雜,多不 版 本, 具 完 整。 體 於越南 情况 據

有

整,書中有朱墨標點和 二十世紀初期 第 種 版 抄 本共 寫 的。 七 册。 書 些 體工整清楚,内容較 此本是 删 補 改正 博 古遠 一的 標 東 記。 學 我們 爲完 校在

稱之爲甲本。

術

到二十世紀初抄寫 ハハ九ーー九〇七 襄公」部分,且間有脱文。 第二種版本共四 的。)諱, 册。 行草字體,朱 但 書中避 不 我們稱 徹 底當 阮朝成泰皇帝(一 該版本爲乙本。 墨 是十九世 標 點。 紀 末 缺

們稱該版本爲丙本。 第三 種 版本共七 册。 行草字 體 朱墨標點。 我

> 字體最工整,内容最完整,因此 世紀初抄寫的, 本,其中乙本是主校本。 本字體較草,難 上述三種版本大概都是在十九世紀末到二十 且都不是很完整。 以辨認, 且 脱文較 用作底本 爲 相 嚴 比之下, 重 乙本 用 作 和 校 丙

典的 則不 明。 版本對校爲主,必要時 意摘引古書 秋》筆法的「人」、「公」、「即位」、「夫人」、「師」、「遂」等 語、根據語境、有時 出校説 的 加。 删 書中特指《 我們的 經」、「傳」等字,加書名號。 補 明。 原書没有目録,今目録爲校點 改 者加 IE 校勘工作遵循《儒 俗體字逕改爲正 標 春秋》、《左傳》、《公羊》、《穀梁》等 引號,意引或 記,直 加引號,並 查校《春秋》及三傳。 接 吸收其正 者化引作自己文字者 藏》精 體字,也不再 加 作 以 確 者用 華 説 部分,不 編 者所 明。 來說 的 通 作 底 明《春 例, 再 者 ___ 本 説 經 原 以

校 點者 丁清孝

春秋管見自序

用

而

君父; 者罪之。 秋》乎?」●蓋知尊君父者知之,不知尊君父 者 邪説暴行有作,臣弑其君者有之,子弑其父 旨,在於明君父之大倫,以立天地 曰:「知我者,其《春秋》乎? 罪我者,其《春 子惧,作《春秋》。《春秋》,天子之事也。 所謂「天無二日,土無二王,家無二主,尊無 二上」,事事物物之有根有脚者。方周之衰, 地,汪洋澎湃而原 有之。 五岳接天, 峮嶙岹屹 而君父者、《春秋》之根脚。 其效至於四夷交侵,禽獸食 孟子發明尊旨,◎《春秋》之根脚,昭 于天。故天地者,山 而脚于地;四 之大義。 是經之 人。 水之 海 孔 子 互

大脚。 《春秋》之教,以臣忠於君、子孝於父爲大根 者乎? 道之門,莫近於《春秋》。道非他,忠孝而已。 屈」,而其忠孝也固。 爲學者心術之病也。夫學以知道爲本,而 所以高; 於山者,徒知其高之不可幾,而不能反求其 然於世。 氣,則「富貴不能淫,貧賤 。一者,不可遷易。不淫於富貴,有篡逆 標揭 不能 反求 而所以立其 指 觀 歷代先儒羽翼而 不移於貧賤,有攘奪者乎? 歸,無 水 其所以深。 於水者,徒知其深之不可量 待於云云矣。 根脚者,在 故其微 此記 不 推廣之,其 能移,威武 解 誦 奥義,定之于 詞章之習,大 然世之觀 於養浩 宏綱大 不屈 然之 不能 求 Ш

其」下,乙本有「惟」字。

逆」、乙本作「弑」。 尊」。當作「宗」、避阮朝憲祖皇帝廟諱改。

之正. 水,何 於威 其 動 理會得分曉。 尾 世 出 瓦,見棄于大方,幸甚! 理之致。 約之,立身行己,亦不外是。某遭時多艱, 徒。 氣, 約數十萬言。 五稔,乃取是經編録, 而 應世,可以 武 氣壹動-加天地之秋毫? 高明君子,見而 學者苟能講貫乎是,體認乎是,及其 有 如何是合道,如何是不合道,自 鄙 倍者 志」亦於是求之。 求所以學爲忠、爲孝,而「志壹 断國是,可 大抵依傍經文,旁推古後 乎? 正之,幸 惟以自訓于心, 顔曰《春秋管見》,首 是之謂 越南後學希尹吴時 以立治法。 無以 極知評 撥 亂 小 世,反 博 兒 自 Ш 竪 밂 家 事 淑 遯 而

景興丙午莫春既望,書于武仙之麗

任自序。

澤

庵。

援

羊》:「成公意也。」《穀梁》:「先君之欲與桓,非正 元年 春, 王 正 月。《左傳》: 「不書即位、攝也。」《公 也。

盟 侯,而 可 公攝讓,夫亦 位 攝 **管見**:攝者,攝其位而不居是: 與争、兄傳國 伯之逃荆蠻,季札之避延 與焉? 攝 堯, ,已儼然有 ,視猶己也,泰伯、季札何容心焉?❶ ? 天下則 周公之攝 讓者,讓其國 何國 之讓? 魯國矣, 軌特群公子耳,何位 如是? 堯、成王之天下,舜、周公 而 成 不 肯受,季歷、餘 王,雖曾覲 南面 日 而不有是也。 「攝」,曰「讓」者 陵,弟承 爲諸侯,列於會 也。 四 岳, 祭之有 國 如 如 而 朝 舜 隱 泰 之 不 何 諸

以責天王也。若曰:隱非

攝

非

讓,蹈

虚

名

竊

之。 讓, 春秋 何所自來? 則天王授策,諸 伯,憫魯國之難,擇群公子之賢或長 卒之羽父譖而 故匿其名曰 國之嫌 讓之罪 而 而營蒐裘之居。 隱母雖賤,桓母亦非嫡。 之初, 立之,畏天王之見誅,惧諸 桓 桓 也。 名義 攝,而考仲子之宫,矯其 《經》不書「即 亦無 使上 鐘 侯定 猶 巫及, 在。 得 有 逡巡貪戀,終不肯捨 位。 國之 明天子, 則 隱之母 攝 望。 名分既 位,誅 非 真攝 弑 隱長宜立 侯之來討 賤也,大夫 下 Ē 意 逆之禍 · 有 也,亦 隱 賢 讓 而 方 文 非

真

焉」、乙本作「哉」。

0

爲諸

侯綱,故

F

書

「王」而

下不

書「公」,以

而

一受寔禍,故没「即位」以罪之。

天王

不

能

見王之非

王,而

侯之非侯也。

謹嚴之意

隱

公

淵乎深哉

也。《公羊》:「褒之也。曷褒之?漸進也。」《穀梁》:「不三月,公及邾儀父盟于蔑。《左傳》曰:「儀父,貴之

日,渝盟也。」

庸也,而公亟與之盟,蓋其意有歉於攝桓,管見:字儀父者,甚隱公也。邾,魯之附

望者、宋、齊、鄭三國而已。宋爵上公,鄭惧外諸侯之不已與也。當時諸侯之稍有

也,而未有其機,故借邾爲援,以自植其爲卿士,齊號東州小伯。公欲求所以定位

伐邾矣。邾於魯本無仇而有好,魯於邾則黨。及宋、齊、鄭平,位定志得,遂黨宋而

棄好 何責焉 而 爲 ? 仇。 穀 隱公乃 《梁》曰 : 小 不不 人之徒也,於 日,渝 盟 儀父 也。」

得之。

[弟」。如二君者,故曰「克」。稱「鄭伯」,譏失教也。」《公夏五月,鄭伯克段于鄢。《左傳》:「段不弟,故不言

》:「段失弟子之道矣。不謂「公子」,賤段而甚鄭伯

也

2 鄭伯之成於殺也。」

成、元吉是也。聖人之心,純乎天理。其以激變爲幸,鄭寤生於叔段,唐世民於建於象,周公於管、蔡是也。常人之於兄弟,於別弟,以處變爲不幸,舜

道焉。常人之心,純乎人欲。人欲勝,則於人倫之變,有無可奈何,而處之必盡其

天理亂。苟可以推同氣而成己事者,無所

又恐無辭於國人,故封之大都,●縱之爲不爲。寤生之志在於殺段,而殺之無名,

後制之。如是則天下之人不得以議其後,惡,亦猶世民之於建成、元吉,俟其先發而

心之忍,一至是哉! 不知其欲蓋而彌彰

而我之大位固

矣,惡名掩矣。

吁

其立

「之」、乙本無此字。

0

明知 矣。 誅,嚴矣哉 待其弟,窮謀極 書曰「克」,若兩 他人,以 以京城養之。 斃,而後爲快。若段之智齊謀敵,必不敢 却祭仲之諫,再拒公子吕之請,必使之自 鄭伯一 段 之 歸獄 無 生姦猾 能 耳。 將如衛晉之殺急子,假手於 爲 詐之罪尤不可掩。 國 然。 段寔非 而 丽 其 夫是而 此 力 足以 事爲尤。 寤 生之敵 寤生以 勝之, 一字之 彼 《經經 故 敵 固 國 已

公之妾也。禮,賵人之母則可,赗人之妾則不可。」也。何以不稱「夫人」? 桓未君也。」《穀梁》:「仲子者,孝《左傳》:「豫凶事,非禮也。」《公羊》:「仲子者何? 桓之母秋七月,天 王 使 宰 咺 來 歸 惠公、仲子之 賵。

之母母之。訃其喪於天王,而宰咺奉命以其爲夫人則未也。隱以庶孽攝位,故以桓子,以其爲宋武公之女,使之攝内政云耳,管見:嫡妾不明,亂之本也。惠公之仲

耄,專 子,所以薄天王也。 人賤而名之。 謹,其害有不可勝言。● 念。 可 歸 而罪桓公也。 夫人矣。隱公懷盜位之慚,桓公起閱墻之 以非禮賊其子孫哉? 賙。 遂使十三世秉禮 務 是則魯之亂,天王亂 姑息。 賤咺,所以賤仲子也。 桓公之罪,王與宰 獨 不思魯爲周公之後 薄天王 ,淪於弑逆。 宰咺成王之惡,聖 於是天王成之爲 之也。 ,所以傷 恒寔 微之不 平王 ん成之 隱公 賤 仲 而

通也。《公羊》:「孰及之?内之微者也。」九月,及宋公盟于宿。《左傳》:「公立而求成焉,始也。可不爲世道一感歎哉!

信,徒災三物。况以己私而瀆鬼神,其惡鮮克踐信。壇壝在郊,干戈在鄙。盟而無管見:君子屢盟,亂是用長。春秋之盟,

● 「可」,乙本無此字。

焉。 三邑。 微者」,非也。 即 可 位 勝 不書「公」,恥之也。《公羊》曰「内之 ,亟於成宋,故及其大夫盟,宿君 言 反覆 耶 ? 無信,若市井然。 宿之盟, 後十年,黨鄭伐宋,又取其 釋 黄之憾 文曰「惡之」 也。 公始 亦 與

羊》:「天子之大夫也。 冬十有二月,祭伯來。《左傳》:「非王命也。」《公 來者,來朝也。 **管見:**禮者,天下之大閑。閑之爲 寰内諸侯,非有天子之命,不得會諸侯。」 何以不稱「使」? 奔 也。」《穀梁

言

限

是

也

不敢 潤。 也。 民 志定。 若麋鹿之侣,鳥雀之群,非不相愛也 食。 酒清,●人渴 聖人以 蓋 不 敢 是提 踰 而 閑 不 防世變,使不入於禽 敢飲 以 從 欲,故上下辨 肉乾,人饑 而

以

閑

之者

也。

周衰,天子

不

能

閑

諸

侯

私

相

盟會

更相

:侵伐。

外諸

侯之不

禁,固然

馳

驟

飛騰,一

有所争,則相

搏

相

澨

蓋

無

有

者乎? 以愧魯之廢周禮也 矣。 《詩》之所謂「君子 無所從 無 受,此殆麋鹿、鳥雀之交爾,走人於禽獸之 \pm 馬,非侯國 不知有王,而 矣。 也。 殆「比之匪人」者矣。 恥 臣可行於侯國。 然則祭伯不當朝 而 祭伯之來,豈《易》之所謂「不寧 至於内 也。 不自知。 王 畿 山 諸 傷周 王臣 非 施於王 侯, 有故,魯隱非 之衰, 經》書曰 私 棄其 殆 來 奔,何爲其若是亟 臣; 魯人受祭伯之來,豈 而 朝 無 圃 職 朝 者乎? 弁冕 罪祭伯之妄,亦 臣 而 ,魯侯不當受 「來」,若曰 而 與 可交。 爲 執 外 有臣」 圭,亦 交 路 方來_ 來 車 則 者 之 而 非 乘 ? 其

遠也。」《穀梁》:「不日 公子益師卒。 《左傳》:「公不與小歛。」《公羊》:「不日 ,惡也。」

0 清」,原誤作「乾」,此引自《禮記 聘義》,

卑,伯主未興,諸侯

日惟侵軼是惧。

魯之

世官。東遷以來,又不請命於天王,則凡爲重,官人以世。諸侯之大夫,皆以公族也,觀於無駭,挾不卒以氏,可見。周親親也,觀於無駭,挾不卒以氏,可見。周親親

猶存其「公子」,必其爲人有可取焉。是爲大夫皆然也。《經》削大夫以尊王命,而

時,覺,公子也,帥師而不請命。無駭,公雅有其一公子」必其爲人有可取爲 是

者,責備之而不没其善又如此。其不日,例。《經》書以見親親之重如此,而親之賢絶其屬籍,而益師之卒,乃得從公子驱之孫也,人極而滅同姓。聖人於其生也,皆

二年春,公會戎于潛。《左傳》:「修惠公之好也。」因史文也,而三傳之説皆非也。

穀梁》:「危公也。」

魯、衛、晉、宋之墟,其種落尤多。王室既管見:自犬戎攻殺幽王,夷狄雜處中國,

舛。 其好。 削。 戎,蓋 書「公會戎」,卑魯也。 不知戎狄 徐戎 不以 也。 中華 無信 惠公既與之和,隱 爲 重 而 而 欲結 屈 己以 之以 於是,戎 會之,則 禮, 公 主 一復 則 與 爲 爲 申

公敵矣。不書爵號,外夷也。

而歸。人向,以姜氏還。」 夏五月,莒人人向。《左傳》:「莒子娶向,向姜不安莒

國也。不稱氏,滅同姓,貶也。」無髮的師人極。《公羊》:「疾始滅也。」《穀梁》:

王弗能庇焉,病王也。人之者,上無王命,争忿,入其國都。爲所入者,不保其國,天王,承國於祖。不犯司馬之伐,而以小小王,承國於祖。不犯司馬之伐,而以小小

復修戎好也。」 秋八月,庚辰,公及戎盟于唐。《左傳》:「戎請

毁

人庙社,爲已甚矣。

管見:蓋會潛之戎也。春與之會,秋與之

盟,一 亦甚矣。 歲 뻾 書以恥之。 再 見焉。 隱公之不 振於戎 也,

也。」《穀梁》: 九月,紀履 《左傳》: 在途、稱「歸」。 「逆女、親者也。❷ 使大夫、非正也。」 渝來逆女。● 冬十月,伯姬 「卿爲君 人國,稱「夫人」。 逆也。」《公羊》:「女在其 伯姬者何? 歸于 國,稱 内 女

始,風 逆不妨。 女嫁不書,此具書,志變禮 從人,可乎? 其基,方能 管見:禮,親 於其所館」,以「親迎于渭」證之,●似 化之基。 淺意,古者年十五 固 伯姬之葬于齊,有以也。 其本。 逆,厚别也。 謹於始,乃可成於終。 婦,從夫者也。 也。 夫婦,人倫之 ൬ 生子,蓋 程子曰「迎 於卿 歸 内 以 立 而

> 中又失禮焉,恐不得以越國 無故而緩娶,與再娶而 御授綏之逆,則從權 而娶夫人,必有委裘負扆之變,不 而 使同姓之大夫。 使卿 親逆爲解也 逆,是失禮之 得行 若 親

紀子伯、莒子盟 于密。●

母也。不書葬,成公意也。」《穀梁》:「隱之妻也。 十有二月,乙卯,夫人子氏薨。《公羊》:「隱公之 **管見:**胡傳:紀子伯闕疑,®是。 不

傳。 梁》以爲隱妻,《左氏》以尹氏爲君氏 管見: 此子氏者也,《公羊》以 前記惠公繼室以聲子,生隱公。 爲隱 母、《穀 故 竊意 無

于渭也。

自其

爲世子時,已

有

内

主。

及

繼

或

君

國,則内主爲夫人,無再娶之禮也。

子,故得親逆,至于渭

而

爲河橋

也,非

俟歸

宗庙繼體爲重,則

蚤娶,禮也。

文王

爲

世

- 書葬

夫人之義,從君者也。」

迎」、乙本作「逆」。 親者也」、乙本無。 履 渝」、《春秋》作「裂編」。

伯」《春秋》作「帛」。 紀」。原誤作「杞」、據上文改。

别嫡 説恐未可爲隱妻之斷。 陵,乃君之陵也。 夫以 即位之一年,即 隱既受國 之妻,先卒不書葬,以明倫 不葬者,非嫡也,不得祔葬於惠公,特没之。 子氏當爲聲子之子。其以夫人卒,何也? 綱目》,於長孫皇后書葬 夫 庶,●而夫婦之倫明。 人終君母,而 爲君,則君母也,故以夫人卒之。 治山 苟書之,亦未爲不順 君臣 陵。 學者詳之。 ・昭陵。 君后 之義重。 胡氏 也。」然考朱 先卒而 古者,邦 日 以不葬 葬 邦 此 於 君 子 君

鄭人伐衛。《左傳》:「討公孫滑之亂也。」

伐之」,衛非 也 專征伐爲 書,首罪鄭 管見: 人春秋之始,未 段惡之不稔,故以京城爲下毒,速之于 誠恐滑之去衛,又見容於他 侯 伯 有得罪於王 伯,乃爲滑之故,聲衛 也。 《司 馬法》「賊賢害民 丁,鄭伯 有書「伐」。 亦 非 國 罪 奉 也 此其 而 Ė 昔 伐 命 則

> 聲罪 辜。 慮滑 可 圃 獨書「鄭人伐 謂 義,必詳上下文。 叛之罪著 見。 薄責於衛, 殺弟之過掩,共 剪草除根,設心之最狠者 衛侯,驅兵伐國。 怨之既深 及段死而滑奔衛,人爲之取廪 滑 亦 衛」,以見鄭 減罪於滑。 丽 無 諸侯之或不己 衛以滑伐鄭,削 所 叔 容 叛兄之惡彰 以 以爲必如是 爲 莊之無所忌憚 聖人憫世之心 也。 糊 口 聖《經》 與。 之 而 地 衛 而 延, 不書。 於是 人 後 自 又 所 納

不違,後天而奉天時」,豈其於四時之序,詳矣。夫冬不可以爲春,聖人「先天而天管見:周正建子,改月不改辰,朱子論之三年春,王二月。程子曰:「月,王月也。無事則書辰。」●

「别嫡庶」,原誤作「嫡别庶」,據乙本改。

一辰」,當作「時」,避阮朝翼宗皇帝廟諱也。

後做此。

0

七

時令正 之時 蓋夏之春正月。 聖人於此,蓋 時 作 顧 丽 不 樂 爲 在 不 可 可 一,然後 改 是 君爲 得。 |牽合 也。 體元居正,在天爲 有 歲 月既改矣,正月爲屬 夫子有 而 所權 功 錯 周之正月、二月,乃夏之 成, 行之哉 量焉。 德無位 而 品品 ? 物 周之春三月, 雖 然 各 發 欲 時 得 生 民 王 行 其 萬 讀法 之制 夏 所。 物。 之 《穀

準,故 天時 月」,進二春於二冬。 於義爲舛。 年截子、丑月事 而 日 立王 春秋》,天子事 《經》 E 移前一 書「春王正月」、「春王二 体 乾元 仍周 年,移 之德, 也。 月 而 事從月,則 行夏時,假 爲 聖 人 萬 雖 世 無 之

天子之位,托之於《經》,以操天子之權 冬冠 IĘ, 則 於理爲悖。 每 知也。」 書。 於朔日 而

仲冬、季冬。

以

梁 0 其 不 言食之者, 何 也? 知 其 不 可 知, 是

八

《春秋》因魯史,或食於夜,朝 也。 此戒君,當恐惧修省,於義 中,止書三十有六。 避陽,咎之大也。 管見:日食,災而 其存之者,不以常數 或當食而 食,則人事感 論之。 書「有食之」、《公羊》曰「知其 聖 有食,爲數之常。 人 大抵食之既者,月 據 魯 舊 分有陰雲,不得 召 史,有則存之,無 所 其或同 致 非異,先儒 胡氏各指 而 遇 忽天象,惧災之意 災而 二百 度 同 固 犯 見,史略 日 已推 不 四十二年 道。當 然。 其 日 而 災 則不 盡,陰 事應,以 不見 其 也 淺意 不可 食 常 丽 益 傷。 之 度 至 不

0 「是」、乙本及《穀梁傳》無此字。 榖 梁一, 原脱,此下乃引《穀梁傳 據全書體例

己巳,日

有食之。《公羊》:「何以書之?

記

異也。」

於是

天

時

正,人道立,而

財

成

輔

相之責

盡

矣。

有不必深辨?

庚戌,故書之。」 三月,庚戌,天王崩。《左傳》:「壬戌,平王崩。赴以

秦。 禮之重。存没之際,方其 抑誰爲之挈七廟而即東,委不共戴天之讐 共主,畢竟何所圖回? 感契闊。 遄改,應門左右,侯伯雲集,孰不懷雍穆 管見:《經》書「天王崩」,見天子之尊,王 寔,豈不爲之感慨也夫! 王不知有父。 於没齒。甚至戊申報德,以興王之地畀 然平王之取侮於諸侯 奔,葬而不赴,此其弁梗王室爲已甚矣。 葬」,聖人傷周道之陵夷,有不能以没 遂不知有君。 詩人爲之刺蒲、楚而慨《黍離》,是平 魯隱獨何心哉! 遂致乾綱解 觀《經》書「崩」不書 有以 幽王既殺於犬戎. 其訃以庚壬,豈 玉几既 紐 也。 王喪訃而不 ,日就衰削, 五十一年 陳,綴衣 其 而

公主諸侯無疑矣。 國事者七年。東遷以後,宰周 稱「周公」、「召公」。厲王奔彘,二公共 陝以西諸侯。 當初,成王命周公主陝以東諸侯,召公主 正。」竊疑尹氏雖 胡氏取之。楊龜山亦曰:「須以尹氏爲 無意義。《公》、《穀》皆云「天子之大夫」, **管見:此不可曉。**《左氏》「尹」作「君」**,**殊 《經》。 禮,王崩,百官總己以 其後,二公之胤爲周室輔 執朝權,未必得主諸侯 尹氏,異姓卿也,豈得 聽冢宰,則一 公猶見於 理

) 「豈」,乙本作「蓋」。

九

隱

公

伯、蓋· 氏,與 太師 行 侯所得赴也。 此《經》意也 之,則未敢信。 大夫立族。 周 幽 未 召 周之尹氏 之事 王時 미 知 尹氏或魯之命氏大夫,故卒以 計 爲三公、恐三公之喪亦 古者,天子賜姓,諸侯命氏 同, 若 要之,書「尹氏」,譏世卿, 其 謂 如周 喪於諸侯? 周之尹氏, 有單 伯 魯亦 若謂 而魯史卒 有 非 尹氏 諸 單

夫也。其不言「使」,何也? 無君也。」 「喪事無求。求賻,非禮也。」《穀梁》:「武氏子者,天子之大秋,武氏子來求賻。《左傳》:「玉未葬也。」《公羊》:

陵。 王 喪,魯侯不奔,亦 **管見**:禮,王 王命也。 朝大夫乃往 其 於 廞 夫天子即位一 衛 崩,諸侯執 面 無 求賻,●雖云冢宰攝命,亦 無奠贄,其不臣 不 預 備 年而治牌棺、作 壤 何 奠。 至 於 熟甚 今平王之 有 求 焉 ? Ш

> 矣。 寓貶責。 氏自來求然。 生 不言,而 其没 《經》不書「使」,爲 賦形自具。 也,以 故曰:《 聖人一削之權衡,存忠 衰 弱 春秋》,化工也。」化工 丐葬,●周 周 朝 隱 也,使 室 之 若 厚 卑 武 而 甚

《商頌》曰:「殷受命咸宜,百禄是荷。」其是之謂乎?」」 曰: 『宋宣公可謂知人矣。 立穆公, 其子饗之, 命以義夫。 八月,庚辰,宋公和卒。《左傳》: 《左氏》引《詩》稱之,此議 之,子不肖而 管見: 宋公和者,穆公也。宣公捨其子與 人君以尊宗庙 夷而立穆公,穆公又捨其子 人,觀於後便見。 弟可授 、安社稷 其資質志趣,不可以主 則授之。 爲 重。 論 大害道 馮 「殤公即位、君子 子可 而立與 與 夷 傳 理 之爲 則 夫 傳

「衰」。原誤作「衰」、據乙本改。「賻」、原誤作「轉」、據乙本改。

平王

在

位

五

十一年,其

存也,

以姑息寄

0 0

與夷,●有一段好心之報,●便道宣公知 案有以啟之? 畢竟是他見後來穆公復位 僚、廷美皆及於難。豈非《左氏》立宣公一 以次及季札。宋匡胤傳國光義,欲以次及 弑於華督,曾以爲受命之宜乎? 德昭,卒皆不如所約。 家之禍,皆起於此。吴壽夢傳國餘祭,欲 宣公,亦淺淺乎知宣公矣。 以賊其子之心,爲計不亦左乎? 不惟挾詐以待其弟,而又蓄據國一念頭, 復其子,故授之以位,爲他日傳子之地,是 其心之公,而慮之深且遠也。 人」,正在此 「《左氏》有一箇大病,是他好以 且教後世之人行詭以御其子弟。 ,曲引《詩·頌》爲證。 宣公蓋知其子之惡,故拔弟立之。乃 處。 然則爲穆公計,奈何? 季札逃,德昭死,王 抑不思 非但 若策弟之必 與 不知宣, 成敗 朱子 大夷之 亡國敗 以是待 論 見

> 群公子之賢者而立之。 日: 馮 比與夷,都是一般人,不當立。 請於天王,誓爲 擇 世

「尋盧之盟也。」程子曰:「外諸侯盟,來告則書之。」 冬十有二月,齊侯、鄭伯盟于石門。《左傳 子,則爲宗庙之計得矣。

莫去責他,齊亦縱之爲惡,教他鼓出一場 及鄭莊憤王奪政, ●弄出許多事來。 先,然後命世之才始繼 管見:世道將變,天必生一箇狡猾 齊强,故亟與之合。 東遷之初,雖 才智傑出 則大勢自合,非有濁之則中流自清。後有 亦没 E 人處理 政不 自是射王中肩,諸侯 會,何曾見大手段? ·行,諸 而出。蓋 侯猶 非有 尊 以 王室。 他畏 分之 爲禍

好」、乙本作「孝」。

0

0

政」、乙本作「正」。 見」,原脱,據乙本補

僅 較低,見不透尊王大題 大敗壞。● 王,然後自家成就伯局。 做 得 小伯 使諸侯效尤,擅相侵伐,不 規模。 到 小白、管仲 目 ,浪與諸侯盟 禄父、諸兒,才識 出 來 知有 把

尊王 榜子,提醒 天下,使群 雄 更 動 不 · 得。

於是轟 轟 烈烈,天下翕然尊周,推齊爲主。

帝,暗暗 魚。 是寤生一生狡猾,勞心費力, 此 如 裹盗 董卓先壞漢天下,故曹操 一漢社稷,當時 没奈他 到底爲淵敺 何。 得 挾 獻 故

八 爲姦雄。 曰寤生、董卓是一樣人,止得爲奸狡,不得 倒,還住不得他人收局。 終是把愚肚腸,先壞世界得七顛 書 「齊、鄭盟 于

無 石門」,聖人傷 王,鄭爲之也。」信然。 世道· 也。 陳氏曰:「天下之

穆公致國乎與夷。 癸未,葬宋穆公。《公羊》:「當辰而日,危不得葬也。 ,莊公馮弒與夷,故君子大居正。 宋之禍

宣公爲之也。」

管見:魯會,故書之。其或日,或不 史文也。《公羊》曰「危不得 葬」,又「宋之 日,因

禍,宣公爲之」,此時穆公既 以國授與夷

當初不逐馮,與 何危之有? 其失在 夷未必 使馮 賈 居鄭 禍 遂啟 此穆公謀之 争心。

不熟。 以首禍罪宣公,不亦刻乎

「疾始取邑也。」《穀梁》: 四 年春,王二月,莒人伐杞,取牟婁。《公羊》: 「諸侯相伐,取地於是始, 故謹 m

立。」《公羊》:「曷爲以國氏? 戊申,衛州 吁弑其君完。《左傳》: 當國也。」《穀梁》: 「州吁 弑桓 以 公面 國

氏

誌之。」

者、嫌 也。 弑而伐之也。」

管見 尔? 何? 置毒 衛侯信州 州 吁者, 於行 吁,不爲備 館 衛 之公子 ൬ 手刃之。 也。 或 其 何 人 容 弑 畏其握 易 衛 乃 侯

0 他 原脱。 據乙本補 門,五

日

而還。

世子, 兵,不 乎? 莊 敢誰何。 州吁驕横不禁也。 公也。 莊公嬖其母弟 然則州吁 何 握兵,由桓 以 雏 不 立完爲 稱「 公 公

籍,使若路人然。稱國以氏,見州吁蓄心也。其視舉刃殺兄如提刃殺賊,故絶其屬子」?以爲寵愛公族之戒。州吁,忍人

人君父之有國家者,其可不謹乎哉?取國,而莊公寔成之也。夫賊生於愛,爲

《公羊》:「不期也。」《穀梁》:「「及」者,内爲志焉耳。」夏,及宋公遇于清。《左傳》:「未及期,衞人來告亂。」

同,兩君相遇,先王之禮存焉。春秋之時,管見:國君無事不出竟。或爲朝、覲、會、

好興戎,十步之内,可爲戰場:皆由簡慢諸侯放恣,鮮能崇敬敦讓。 一揖之外,便同 兩種相進 勞丑之權在黑 種私之服

宋公、陳侯、蔡人、衛人伐鄭。《左傳》:「圍其東

所致。

故

凡書「遇」,危之也

便欣然要定州吁。他心事,止在公子馮居出兵,陳、蔡必不敢動。殤公爲甯翊説倒,管見:當時,宋爵上公,爲諸侯望。若宋不

梟爲不可近也。州吁弑君,天下不赦之賊。大義。直欲問魚得鴻,不知鴻未必得而鴟

鄭,有箇不了底。

忽有人説出利害,遂不顧

義,寔蒙首戮。是役也,衛寔爲主。《經》特《傳》稱「五日而還」,不惟無功,而其黨惡賊

與其黨州吁伐鄭,曷若合四國

而討

州

吁?

序宋先之,除惡務本之意也。

敗鄭徒兵,取其禾而還。」程子曰:「再序四國,重言其罪。《左傳》:「諸侯復伐鄭、宋使乞師。公辭,羽父固請而行。秋,翬帥師會宋公、陳侯、蔡人、衛人伐鄭。

《左氏》以爲再伐,妄也。」

結暈。二國既出師,於是陳、蔡亦至。止不從,謀於石厚,乃以公子馮惧殤公,以賂管見:州吁欲伐鄭,以威國人。恐宋、魯

誅 誅 魯 州 此 惧,故言之而 之不 一一一 者乎? 量 役,《 以 貪賄 嚴 弑 (經》特 逆 宋非宋,衛 亂 而 而 復言之。 賊 擅 阻 重言之。 將 命 兵,宋殤以 陳、蔡 接 非衛,陳、 迹 若曰: 於 程子之論 以 世 猜 隙 有 蔡亦 忌 鄭 聖 弑 圃 圃 人 君 是矣。 黨 非 旅 爲 而 陳、 惡 從 不 此

陳。 執之,而 九 月 石錯使告于陳曰:『此二人寔弑寡君,敢即圖之。』 衛 請蒞於衛。」《公羊》:「其經稱「人」、討賊之辭也。」 人 殺 州 吁于 濮。 《左傳》: 石 厚從州 一陳人 吁 于

秋》成而亂

賊

蔡,

而翬也者,其州吁之徒歟?

穀梁》:

「「于濮」,譏失賊也。」

之。 不予 何? 所 也,特「人」之。 逃於覆載之間。 ·其私 \pm 石錯主其 此殺 法之重 殺 州 也 吁,陳人執之。 誅,天下之公憤,故 書「于濮」,見 謀也。 篡弑 《穀梁》曰 不書「 之賊,人 亂賊 「譏失賊」,非 衛人石錯」, 其稱 人 之罪 得 其 「衛人」 殺 丽 之 討 無

> 哉? 之援。 古。 也。 易 爲 但 也。 得八月諸 地 間 他 噫 ! 於 勢 聖筆之嚴 而 何 故曰: 大,急 也? 誅 陳 觀於《擊鼓》之詩,衛 侯,即 州 逆 乃 惧。 吁 州吁以公子 臣 能 動 春秋》,夫子之刑書 如 以弟弑兄,間 就夷 無 他 以 此, 計 所 不 人亦 /滅,而 逃 得。 殺 罪。 之。 何 據國, 幸 其惡名留 樂 雖 有 人 關求寵,僅做 于 而 留 石 寔惡之矣。 ,濮」, 又得 爲 錯 也。 時 篡 老臣 未 臭 幸之 逆 四 ^ 討 春 也 萬 或

諸 于邢。」《公羊》:「「立」者何? 冬十有二月,衛人立晉。《左傳》: 稱「人」,得衆也 侯與正 而不與賢也。」 ,則是賢也。 不宜立,何 立 者 不 宜 也? 立 「衛人逆公子晉 也。」《穀 《春秋》之義

管見 凡 君 以 丽 討賊,亦經 或 \sim 不 春秋》 可 日 經 也。 無 中 君,則 之 若乃賊既討,國既 權 行 繼 權 故 而 不 立之。 書「立」。 V

不當 耶? 則 丽 異 立之,所 、於是。 遽行即位之禮。 不 可 以尊一 草率 大夫擇先君子之賢者 \pm 丽 命 置君。 而 晉者,莊公之孽也 重宗統 其 未得 也。 命耶? 其 請 不 於 賢 \pm

主,則 或日 非 者 以 二, 固 主人也,盗也。 盗 今也,刃賊於門而又揖 爲主人乎? 其室亦 主人之室乎? 晉之穢 非主人之所得 行,乃晚年尔。 其爲錯 又不請于王。 又不. 舛, 知 擅 盗 更 不亦多乎? 於室。 有 當初捨晉, 有 也 抑 主 謂 曾 又况 人 之 室 口

晉」,惜之也。 又不知 備賢者。 於王 何以 爲 擇賢 辭 得專爲 於國 石錯,賢者也。 圃 人? 亦以志衛 立之,何 衛 罪? 又春 耶? 亂 曰: 秋 不知尊王 之始也。 諸 ^ 侯皆不請 書 春秋》之責 衛 爲重 人立 噫 命

秋》之義,不與賢」,是何理説?

石錯

大夫

不

得

辭

其

責矣。

^

穀

梁

日

春

僖伯諫。 五年春,公觀魚于棠。《左傳》: 「譏遠 也。」《穀梁》: 公曰:「吾略地焉。」遂往,陳 「常事 Ē 『視』、非常 魚而 E 「公將如 「觀 觀之。」《公羊》: 棠觀魚 公觀之,非 臧

風行地之無所注也。故先王觀民,以成其管見:《易》:「風在地上,觀。」觀也者,如

殺州

吁

*,

公子之奔

他

國

者,

當不

止

晉

Œ

也。

觀

其

有

禽獸之行,則

其

爲

人可

知。

石

錯

既

曰 : 抑不 化; 在乎魚。 聖人 知棠之 觀 魚 《詩》云:「王 觀 則 魚 物 知 更 自 而 得意。」是意在 有 察 何 其 在 可 理, 觀 靈 乃 乎 沼, 可 ? 觀 以 於 程 外 言 牣 明 而 觀 魚 渞

觀 然, 躍。」此豈 則推之爲教 隱公之觀, 一不觀 魚 其意羨乎魚 亦 者? 猶 是 觀 也 其 物 也。 是 理之所 之謂 將以 「貞 博 以

● 「王」、原誤作「魚」、據乙本改。

躬魚于 輕率爲常。 此 公觀 乃「淫于觀」之「觀」也。 戲 而 魚 積翠 縱 于棠」,見其 遠 池 蔿氏之禍,殆基於此。 遊 是 i', 其 後 初 怠政 六之「童 又與義 棄民,長傲縱 率此以 男同 觀 一者耳 往,遂 浴 明武 卒 欲 宗 見 以

夏四月,葬衛桓公。《左傳》:「衞亂,是以緩。」弑於豹房。遊觀之可戒也,如此夫!

之? 之。 徒姑 何 不 同盟 管見:於是 得謚 以 畢 樂而會之? 今葬桓公, 魯以衛 息容奸。 魯隱是没主張人,不能奮 至。 此 同盟之所 葬,故 桓 十五月,始克葬也。 是 見弑 雖 來 於州 匍 赴。 司 匍 悲 吁, 哀 諸 也。 喪,終非厚道。 身 侯五 何以 不 一發討 向 量 得 月 書 哀 而 藏 帥 賊 以 而 , 而 名 葬, 師 信 傷

取在 衛,同 之罪 常。 國 寔。 使在 事立 門庭之寇,而可 郕,小國尔,縱不黨他 失道矣。 後,亦未 衛既立晉, 郕乃 管見: 目其人而貶之。 軍。 ^ 淺意 義。 其或 此、未必有許多義 州 姓之 左氏》要歸 ^ 或 吁 左 可 軍 又按《 稱 或 貶 國。 篡 氏 修 即 古者大 稱「某帥 而 「將」,是 奪 怨 師也 謂 稱「人」,惡其 使郕 之時 乘亂伐喪、《經》必 用 公羊》 帥 當初,聖 獄 民。 郕 師 于 國 師 師 伐國 爲首釁,晉 人侵 人 郕 , 亦必不敢 三軍,次 他 書「 例,朱子之論 出 」,是著 况 人 ,故云然。 無名, 方 人作經,事 桓 衛 或 稱「師」,書法之 師 挾 喪未 擅 乎 其 國 四 例 興 ? 事 用 方繼 侵 大夫專兵 除, 或 侵伐,隨 二軍 不 民 衛 胡 不 他。 夫 伐 甚當。 無功。 經 晉 非 没 事 氏 亂 郕 鄭。 見。 寫 小 之 其 取 爲 有 與

羊》:「君將不言率師,書其重者也。」
秋,衛師入成。《左傳》:「威人侵衞,故衞師入處。」《公

且《春秋》據魯史。

子曰:

「立乎定、哀以

人直書,而

義自見。

一六

書,何 指 隱、 爲臆説,恐不可從。 處 桓 得 見 隱、桓之日遠 將 尊 師 衆,將卑師 矣,史文據 其曰「君將 少 ? 事直 ^ 公

羊》曲

率師,書其重者也」,或是。

禮也。」 母也。」《穀梁》: 九月,考仲子之宫。《公羊》:「隱爲桓立,故爲桓祭其 「仲子者, 惠公之母。 隱 孫 而修之,非

庙也。 禮 將致國乎桓,故母其 父之過也。 有孟子,又祔仲子,是爲二嫡矣。 特袝於考庙,而以嫡母之禮事之。 妾。其宫主,蓋袝於懿公之妾之主。隱公 管見:「考」者何? 之宫」,嫡妾之辨嚴矣。 再娶,特使之攝 ,亂孰甚 禮,妾祔於妾祖 馬。 惠公欲以仲子爲夫人,而禮不 《經》於其考宫直 内 政 母也。 祔仲子之宫,主於考 爾。 姑。 隱從 按「考」之爲義 崇虚 仲子,惠公之 ௱ 書「仲子 名,廢正 嫡之,是 惠庙既 隱公成

> 爲考。 以考宫爲祔于考之文,未知可否。 巧心目者自去掇拾。 句,如化工點染,爲 嘗曰「考」,恐不 獻,故云考爲祭爾。 袝,則祭在其中矣。 「格于藝祖」、《詩》「昭格烈祖」,皆祭也,未 公羊》,胡氏取之。 齊人殲于遂」之類,不用等閒文字。 公羊》曰「祭」、《穀梁》曰「成」。 蓋下句有「初獻六羽」,以爲祭方有 敢 以 紅 杜氏 如「紀侯大去其國」、 禮祭無考名。《書》 服 爲 白 虔 證 ,放落下來,使 爲 以服 斷。 虔祭之名 經文 程 或可言 子主 輒 起 敢

子八,諸公六,諸侯四。 八,諸侯六。」於是獻六羽。《公羊》: ●「譏始僭諸公也。 初獻六羽。《左傳》:「公問 也。」《穀梁》:「天子、諸侯皆用 僭諸公,猶可言也。 八佾。 羽數於衆仲,對曰: 「天子 「初獻六羽」。始厲 僭天子,不可 天 言

公羊」, 原脱 據乙本

也矣。」

日 之,謂之「文舞」,蓋 甚,又可八乎? 之僭,乃曰:「天子、諸侯皆八。」夫六之已 樂,是僭嫡也。《尸子》不知仲子祔廟用樂 大本已失。今仲子得從夫人之列,享廟備 侯樂也。 子於惠廟,公疑羽數而問焉,始用六,從諸 天子之樂,群廟因循亦僭用之。 焉。天子八,諸侯六。 管見:羽者,掛翟羽於籥。 「初」,喜之也。 後魯之群廟 《穀梁》引之,非矣。 然隱公配妾於嫡,禮之 大夏之樂也,干 用六羽自此始。 魯惟 祭祀則籥師 周 公廟, 至是祔仲 得 不 書 用 與 舞

邾人、鄭人伐宋。《左傳》:「宋人取邾田、邾人告于鄭

曰:"「請君釋憾于宋。」鄭伯以王師會之。」

竟是怒暈,怕鄭,比事差有主意。 舉行,《傳》稱宋使告命于魯,公却之。 畢

得矣。

《公羊》:「記災也。」《穀梁》:「虫,災也。甚則月,不

甚則時。」

災。 聖人重本之意也。 政,其一曰「食」。《春秋》水旱虫螟必書 之。《虞書》六府,其一曰「穀」。《洪範》八 **管見**:《詩・大田》曰: 賊,無害我 螟者,四虫之一。 穉。」蓋禾方幼時,最 以 「去其螟螠,及 其害稼 忌 故 此 特書 其 虫 爲

一等。」《穀梁》:「先君之大夫也。」冬十有二月,辛巳,公子疆卒。《左傳》:「葬之

伯也。 管見:「公子彄卒」,賢之也。 亦何益 齡,生不能用其言,没後乃感其言之不用, 厚葬之。 其後始命氏。隱公以 哉? 此與 雖 唐太宗 然,慎 祭魏徵、明 終旌善、於禮 其 强者, 臧僖 諫觀 皇祭張 魚, 則 九

羊》:「强也。」《穀梁》:「久之也。」宋人伐鄭、圍長葛。《左傳》:「報人郛之役也。」《公

一八

于齊也。」

其邑。 文,見宋殤久用其民爲不仁,忌同氣 管見:鄭莊使公子馮居長 年十二月圍 馮 棄 城 城 奔回 ,次年冬始克取 宋師 乃取 葛, 邑。 之。 殤公爲 詳 蓋 上下 是圍 而 自 侵 是

「墮成也。狐壤之戰,隱公獲焉。」《穀梁》:「不果成也。」六年春,鄭人來輸平。《左傳》:「更成也。」《公羊》:

鄰國爲不義。《公羊》曰「强也」,是。

公立之四年,遂同宋、衛伐鄭,則其爲仇管見:狐壤之戰,隱公爲公子,獲於鄭。

時,魯爲望國。盟宿以後,好宋既堅。魯、也,非一日矣。鄭莊非惧魯而求成也。當

己以納成於魯,然後宋之黨孤。於是齊、宋合,則鄭雖得齊亦未可得志,故不憚屈

夫三傳之是非,先儒固已論之。 魯合而爲鄭之用矣。此鄭莊之譎也。若

夏五月,辛酉,公會齊侯盟于艾。《左傳》:「始平

趨齊。 矣。天下將多故,智者役愚者。 管見:此 爲鄭用 此 鄭 如棋 魯隱 莊之謀也。 手,齊較高,鄭次之,魯爲 香 懦 既 用 齊 於 本 鄭 用 鄭, 聖人直 其 勢 先 著 自 伙 書 姑

風矣。《莊》:「蟻慕羊肉、羊肉何嘗慕蟻。 其 古明鏡,非直賞善罰 其事,而人情世故一一瞭然。 無以 國爲羊、蟻。 既 悪 己 爲羊、蟻,便爲 也。 ^ 善爲 春秋》,萬 蛇憐蚿。 國 者

蛇憐風。」

秋七月。《公羊》:「《春秋》雖無事,首時過則書。」

聖人之心,無思無爲。聲、臭者,形象也。●事則道存乎理。「上天之載,無聲無臭」。行焉,萬物生焉」。蓋有事則道見於事,無管見:聖人,天理也。「天何言哉? 四時

「蚿」,原誤作「蛇」,據乙本改。

「象」,乙本作「容」。

思、爲者,情欲也。 既有形象,情欲

理者爲純,欲之違 而情之正者爲性,情之非性者爲邪。 理者爲駁。❶ 既 生焉。 有 欲之 邪、

非。 正、純、駁,故其發於事者, 聖人不得已著之于言,使善者勸 有善、惡、 是、 惡惡

者懲,是者監,非者戒,所謂「道見於事」者

既無其事,則「不動而變,不見而彰

也。

之? 其 所 如鳶 花開 天之殺機。其生也福善,則其殺也禍 以不 魚飛躍,而 爲春,誰點染之? 觀於春則知天之生機,觀於秋 可見, 不見其所以飛躍 丽 所 以然者, 葉落爲秋,誰 可 者也。 得 加 則 搉 推 雖 知 掃

事則書時,其以合萬象於無聲,會萬形 觀天者 無臭,定 寂然不動,感而 ,觀聖人。 萬 情 於 無思,静萬欲 遂通」之謂也。《春秋 欲觀聖人者,觀《 於 無 春 爲 秋 》無 欲 於

思,無爲之爲者乎?

冬,宋人取長葛。《公羊》:「書久也。」

管見: 説見前

七年春,王三月,叔 姬歸 于紀。 《穀梁》:

微無

足

道焉耳。」程子曰:「憫其無終也。」 管見:《春秋》之義,必關於世教 而 後書,

不以微故忽之也。當時,彝

倫攸叙。

魯之

笱」之刺,備見於《詩》。 文姜,衛之宣姜,豈不貴者? 叔姬,賤 「鶉奔」、「敝 也,乃能

雖 夫以「采葑采菲,無 全節於紀。是其有始有終,婦德最賢。 人録之,以爲世 賤 而 必貴矣。 勸,故書其始,以見其終。 蘇 眉 以 下 山 體 日 : 德音莫違」, 書叔 ·姬,賢 聖

滕侯卒。《左傳》:「不書名,未同盟也。」《公羊》:「不名

之也。」是説得之。

違」,乙本作「非」。

0

春秋》,其無聲之聲,無臭之臭,無思之

秋》可無作乎

?

則赴 豈 管見:不名,史闕之。 不登於簡 有 赴以名之理? 以名。」夫「君前臣 牘,故於卒而赴,史不 惟 《左氏》曰:「 不 名」,諸侯同 預同 盟,則其名 得而書之。 列 同 也 盟

也。」《穀梁》:「益城無極。凡城之志,皆譏也。」夏,城中丘。《左傳》:「書不時也。」《公羊》:「以重書

管見:諸侯爲天子守土,不得專

其

國

也

卒而

不葬

,譏慢弱

也

禦侵 變爲 不暇顧也。 凡事不禀王 雉之城制焉。 城於何 、軼。 鬭 所,必 志 遂至勞 角 聖人憫世道之陵夷,傷生民之 力。 命,征伐自出。 須王官臨也。 周衰,王政不行,諸侯放 城不 民 興作,其得 高, 池 尚 故 不深,不足以 讓去争,一 有千雉、百 時義與否, 恣,

管見:香餌之下,必有懸魚。魯蓋齊之羊》:「母弟稱「弟」,母兄稱「兄」。」《穀梁》:「舉其貴者也。」齊侯使其弟年來聘。《左傳》:「結艾之盟也。」《公

權 魚。 聘,以親 不敢慢哉? 之南鄙。齊不得魯,豈能有鄭? 不明於世。 而從齊, 興,正 王章頹 魯也。 在 則 於 東 齊變詐之國,豈以 弛,諸侯簡 曲阜雖小,革車千乘,乃 此 州諸侯敢有 親 齊僖 魯者,所以 差 慢, 有 他 世朝 心? 小智,弟 餌 魯 魯 殷 能 魯、鄭合 聘 糾合之 也 秉 之禮 年 在 禮 來 大 齊 丽

鄰。 此, 説,甚失《經》旨。 道既隱,各親其親,子質弟聘,借其 聖人書以惡之。 是以子弟爲 餌 程 若夫 而魚鄰國 子深辨其義,其有 母弟 也 稱 「弟」之 世 親 道 以 功 至 交

秋,公伐邾。《左傳》:「公伐邾,爲宋討也。」

隱公

道

既

隱,天下爲家,城郭

溝池爲固」、《春

塗炭

,故於城築土功之事,謹

而

書之。「大

於《春秋》大矣。

 \equiv

可忘信,况國君乎? 故皆目「公」以示貶。公伐邾。口血未乾,爰及干戈。匹夫尚不管見:元年,公及邾儀父盟于蔑。七年,

管見: 書以罪魯也。

冬,天王使凡伯來聘。

程子曰:

「非王體也。」

之也。』《穀梁》: 戎伐凡伯于楚丘 也,將 遂? 萬物 方伯 天道 削弱,不 不能爲王討也。 戎,故乘其過衛而執之。 管見:諸侯 連帥, 何自 ,樹王后君公。 諸侯之無王 淪胥汩 無 天無 能 「戎者,衛也。 而生? 各舉其職,所以尊中國 統禦之而 無 没,人於昏 日,而 王, 戎亦效尤。 一以歸。《公羊》:「言「伐」之何? 夫諸! ,亦猶是 日 戎衛者,爲其伐天子之使也。」 王畿 日 不能 己。 侯陵天子,不 不必覆也,不必 種魑 彼蓋料諸 千 不知 照,群 也。 里 凡伯 魅而 天不 E 環列 生何 者, 有隙 不 過 而禦四 侯之必 能 五 奉若 可 由 侮 服 拔 於 照 其 而 執

> 禦之。 夷也。 帝,乃始興 明吴三桂 淪於夷狄。金人長驅入汴,自河以北, 吴、楚憑陵,中國幾爲左袵。 能執天子之大夫矣,於諸侯 奉命以往, 戎人俘之以 猾夏,不知有諸侯。 人。」清世 桓、文之功。 天子之大夫也 室,止足以自卑爾。 于 衛」者,通罪 及虜 諸侯自適己事,不知有王, 鎮 祖 師勤王。 自 宋二帝,乃曰 後世《春秋》之義不明,中 九邊,坐 遼 ,於吾何損?」戎 諸 潘 侯也。 《經》書「于楚丘」, 人 此乃理 無 一觀 紫 救於事,適以自斃。 成 歸。 荆 此夫子之所 敗。 一南 關 勢必然。 諸 何有?」遂至 是諸侯卑王 及其據 逐 侯 人日 朝 李自 日 口 則 燕稱 以 凡 謂 國 夷 無能 不 「此 一吾 成 大 狄 遂

八年春,宋公、衛侯遇于垂。《左傳》:「齊侯將平

聖人爲萬世

慮, 豈不深切著明

也

哉

不省。 焉 禮,交際有時,泛應有節,要質 惡,則會以謀之。 狂。」春秋之盟、會、遇,蜡之狂也。 先王 而 已哉? 子貢 乍讐忽親 觀 東遷以 於蜡,曰 ",則盟 挾此圖 來,諸 :「一國之人皆若 以結之。 彼,則陽遇以 侯 入於醉 有信,豈苟 乍好 夢 就 制 忽 而

蹄, 讓 者占首功。 策,交相欺 王典禮,以行己私。 本非絶鄭,陽 去争。 則 假之者之罪 忠信 騙。 雖相交結,全無信義。 爲 薄而 大要謀勝者奪 平宋、衛以求之。 也。 情文繁,遂至爲 夫禮以治情修 子曰:「末 先 利, 特借 如之 互 魚 1義,尚 兔筌 力 相 何 先 雄 驅

宋始與鄭盟宿,即與衛遇

而謀

鄭

齊

管見 賄魯也。 此 事 已在輸平伏線。

祊易許田,不祀泰山

也。』《穀梁》:

「惡與地

也。

庚寅,我人祊。《公羊》: 「其言『人」何? 難也。」《穀

梁》:「「人」者,内弗受也。」

也。 教。 當受,而蔽於目前之利,不覺墮 伐宋射王 賄魯,亦猶以齊賄魯。 後惟所欲爲。 姑以祊 愛魯? 以畀魯,果於慢天王 管見: 祊,小邑,在 魯既昵 祊爲藁邑,鄭所 聖人書之,戒爲 鄭 陷魯以堅其 鄭莊 ,鄭莊之譎謀,皆次第就局, ,齊人又爲之遷就於其間 志在 鄭固知齊之不屑於祊 許 好,使之即 而 以 國 鄭 田 魯人不知其義之不 從祀 者不 前 欺先祖 歸 魯,若無 岩 泰 可 其 Щ 見 (必取 齊棄宋,然 其心豈誠 利 其術中。 關 而 以鄭 之謀 於是 忘 於世 則歸 日 舉 義

齊」, 原誤作「衛」。 據乙本改。

之

三月,鄭伯使宛來歸祊。 《左傳》: 鄭伯以 泰山

隱

公

者,蓋、

亦末如之何也已。」聖《經》於列

國之

盟

、會、遇不厭書之、蓋爲世道晦

冥省覺

矣。 許 慮終也。 無 祊有以爲之地 以利爲利。 魯枉 《經》於「人祊」,謹 爲他 費力,成就其 利對 也。 故爲 害 而 丽 言。 國者, 日 悪 之, 謹始所 一,則 後來鄭終有 以義爲利 其 爲 害 深 以

夏六月,蔡侯考父卒。《穀梁》:「日卒,正也。」

辛

名。 文也。 ·亥,宿男卒。《穀梁》:「未能同盟,故男卒也。」 故 此 文而 之盛,莫不以名者,是仲尼筆之也。」恐聖 人非是恁地意必。 管見: 諸侯卒,或日不日,或名不名,因史 管見:子封人立。 於其 爲 《經》於其終,雖五 義自見。 通 禮。 惟有葬 卒 而 或 名之。 胡文定曰:「凡 有不葬,是乃謹大慢小。 史不 大抵諸侯不以名 書其 禮》 伯强國,齊桓 名, 日 無 赴者皆 「諸 以 别 侯不 一、晉文 世 相 不 次 赴, 牛 以 考

名

,死則名之。」記禮者多,約《春秋》爲之,

秋七月,庚午,宋公、齊侯、衛 左傳》:「齊人卒平宋、衛于鄭、禮也。」《穀梁》: 赴而史書之,則不削,見死生之義重也。 大一統也。 同,恐不定作如 存之,無則不益。 而名之」,是聖《 亦未必當時禮制 魯侯書「薨」,父母之邦也。 此 經》有 如此。 若日 看。 五五 意 至於天 聖人據史文,有 抑 伯强 侯 他 盟于瓦 Ŧ 國,聖人筆 使 書 「諸侯之參 與 「崩 小 屋 有 或 則

齊。 初,先平魯、鄭,次平宋、衛。魯、鄭之好終 齊東方形勝,得 義,武王始克受命。 後仁。」竊嘗推之,伯者亦必 矣,然猶未 管見: 是盟 固難,圖利 齊之伯,自僖 也。 也, 亦不易。 十二之强。 齊 孟 公始。 駸 子 此 駸 必世 日 周自大王積 有 : 然觀 糾 世 「王者,必 一後仁、 周衰,大 合 而 其 東 後 之難 糾 州 利 合之 徳行 、勢人 之 世 也。 勢 興 而

盟,自此始。」

隱

公

葬從主人。」

行 堅,宋、衛旋不可合。 欲叛王 許老 地 一,亦聽 步。 其 魯 叛 欲 王。 貪 此亦會行詐, 地 則 宋欲謀公子馮 聽其 貪 地 而未到 於 鄭

髒。 範圍 亦陽解其憾。● 而 一,此其詐術 後來,諸兒種 亦深。 而行之,屢盟數會,終不 吾就 到 中 有 和事、驅之人其 不合,便成骯

鄭,亦陽與之謀。

衛有

公孫猾之憾于鄭,

言『公及大夫』。」

了事。 也。 此行詐之魁,而亦可見必世後利之不可易 雖然,仁之感人也深,利之見算於人 直待小白詐尊王,諸侯不敢不從。

野盈城 綱常仁義封域變爲一場譎 也亦深。 世界,其害可勝言哉 終有奸雄 會機,蹈其故 詐功利,殺人盈 《經》於參 轍,遂使

八月,葬蔡宣公。《公羊》:「卒名,葬不名。卒從正, 道升降之機,尤不細也」,甚得《經》旨 吕氏曰「是盟關 於世

盟之始,謹而日之。

管見《公羊》穿鑿。 趙氏曰「史體當然」,

論得好。

紀好也。」《公羊》: 九月、辛卯、公及莒人盟 「稱「人」,則從不疑也。」《穀梁》: 于浮來。 《左傳》:

示不

「以成

黨鄭伐宋。惟二年及戎盟 管見:隱公之編,及盟 于蔑,七年爲宋伐邾。 者四。 及宋盟 于唐,此年及莒 元年及邾盟 于宿, 十年

不信 人盟于浮來,則未嘗渝盟。 于彼 ? 大抵隱公爲人,見利 何獨信于此而 忘義。

初年 所誘,渝盟之後,聽他左右。 未定位,故急盟 邾、宋。 見鄭與宋平, 中間 爲鄭莊

敢渝 又得 即爲宋伐邾。及見宋、鄭終不成好,而鄭 也 齊,即黨鄭伐宋。 1,於莒則有所求而未及渝 於戎則有所畏而 也。 鳴

「其」,乙本作「于」。

五五

利。 呼 質,在己爲自欺,在交鄰爲欺 則爲欺鬼 盟以結信, 存信 神 矣。 者, 有利存 故 而利之所趨,即 凡 書 焉。 盟 ,皆惡之,有 鄰,在對 是 其 去信 刑 鬼神 牲 加 不 要 從

螟。程子曰:「民以食爲命,故有災必 必 論 其 (及國 君與 及大夫也。

管見。重民命也。

冬十有二月,無駭卒。 公羊》:「疾始滅也。」《穀梁》: 《左傳》: 「隱不爵大夫。」 「公命以字爲 展 几。

朱子《綱目》有 管見:此大夫也,何以不氏? 人極,專輒之罪 卒而具 著矣。 官,有不具官,其得 不氏以卒,奪之也 二年帥 師

正也。」 九年春,天王使南季來聘。《穀梁》: 問諸侯, 非

春秋》之旨哉

仲子之賵,此平王時事。 管見:周之施 魯厚矣。 元年 七年使凡伯來 使宰咺 來 歸

> 膊。 聘,此年使南季來聘,皆桓王 孝,不忠於君 斧鉞之意寓 罪可誅也。 心,一至是也。故曰王之志可哀,而隱 侮之助,非 猶秉禮義。 何求於魯而若是汲汲? 弁髦以視之耳。 王縱不能行貶削之罰,顧 事周,何若是恝也? 不 以救之。 崩,魯不赴,又無贄奠,至於武氏子來求 戎伐凡伯于楚丘以 至是南季來聘,又不見答。 無望於魯也。不意隱之彘 聖人據事直書,不没其寔,而 原濕 馬。 丽 後 夫不孝於父而 裒矣,兄弟求矣,干城禦 其 臣不忠。 無所自哉? 過侮王室之卑,而 歸,魯不曾遣一 以魯,周公之後 時 暈之譖, 軌 後其子不 事。 魯之 行 平 乘 之 狼 E

之篡,隱寔教之,夫豈

三月,癸酉,大雨,震電。《公羊》:「不時也。」

庚辰,大雨 淑甚也。」《穀梁》:「八日之間,再有大變,故謹而日之。」 雪。 《左傳》。 「平地尺爲大雪。」《公羊》:

者,爲 消。 地雷。 始收 於復 相發 而上 之半,爲十一月中,則 藏也 蓋 仲秋又與《易》之地雷不合,非是相反也。 之雷天與《月令》之雷仲春合,而《月令》之 《易》於觀爲八月之卦,曰 電。」「仲秋之月,日 **管見:**《月令》: 大壯爲 易》於復、言陽之生。生消升降之機、互 一於天 聲。 雷, 月 爲十一月之卦,曰:「雷 也 氣之忒。 反覆其道,至四 陽消之極,則又漸漸發生。冬至子 爲四陰二陽之月,陰 二月之卦,曰:「雷在 陽之發也。 也。《月令》於仲秋、言陽之消。 至十月純坤,陰氣閉 順是令者,爲理之常。 周之三月,夏之正 「仲春之月、雷乃發聲,始 陽 夜 一陽之伏於地者,爲 分,雷 陽之月,則 氣 一「風 將歇,故 始收 漸 天 在 塞, 長 上。 在 地 出 反是 聲。」 月。 圃 於 加 中。」於 地 於 上。 是 陽 盡 易 地 \$ 是 雷 漸 歛 丽

甚矣。 矣。 茫昧 陰陽 天 於壇 凝而 則爲 前之 月也 理,無亂 令》於孟 方。」於大壯曰:「君子以 之專而 時,咎徵之應,夫豈無自? 隱公内縱 火之氣不 曰:「先王以 地 陰縱 得 相 壝,是陽 堅 雨 ,天地交泰,二氣 圃 董子於《繁露》一書,最先發之。 况於癸酉 以 委爲不足畏,則得《春秋》惧災之旨 時,休徵應之。 爲 釀禍於蕭牆 凝 春日 人之紀。」合而 流通。 當發 所 雷 者 則 至日 也。 氣不 謂 : 爲 而 雪霜大摯,亥水 「毋變天之道 闔闢 陽 陽泄,所謂 大雨,庚 驟發者也。 閉關,商旅不行,后 固 ,外貪鄰國之賄 泄 m 氤氲 卷舒,與時 有國者,其毋 陰 陰 觀之,人君 非禮 乘 縱,乃於和 辰 而 之。 雨 而 有 後之 勿履。」《 水 又 震 毋絶 之 聖 偕行 不 大 電、爲太 氣 雨 經 而 ·時,巳 雨 以 事 地 於復 大 淑 以 不 長 不 則 之 月 寇 夫 之 當 雪 天 與 省

挾卒。《公羊》:「吾大夫之未命者也。」

夏,城郎。《左傳》:「不時也。」 管見:挾者,無聞焉耳。不卒以氏,微之也。 打立

本而 公設險以 是其憂在於蕭 攝,蓄弟 恃以爲藏身之固者,曹然。 交鄰不信,使民不仁。其於爲國之本,所 壞。」隱公以 藏身之固。』《 養寇於 然謀守國而不謀爲國,知禦寇於外而 其於守國之謀亦勤 鄰之志,又慮 管見:魯自六年合齊、鄭以後, 事末,適以保姦 内。 於邪; 守國 《 禮 》 諸侯陵天子,以 詩》 四封 」,亦可已乎? 牆,而 貪賄 日 曰:「仁義者,人君 猶薄,故城 : 矣,禦寇之所亦固 加 何 面 「宗子惟 玩兵,養大夫於横 招 城築之亟 寇 至於貪位而 爾。 庶 中丘、 日 城, 母 侈然有侵 : ? 亂 然則「王 城 無 城 嫡 不 以 俾 所 不 矣。 母 郎 知 德 務 詐 城 以

> 其國。 城,獨 世而 也。 於城乎? 魚,有余介而 城奉天,有李晟 三版,卒 重民 不能 莒 劉 即即 無 繼釣 力也 修 故凡《春秋》書「城」,聖人傷衰 叛 德 墨不 志。 元 有 任 人不 而朱 接 賢, 下。 民 天關,不能 不 則 泚 敢 此 忘 劉 取 不 以 齊 禪 敢 德 則 有 此 犯 而 樂 保太原,况 劍 以以人 ; 固 毅 閣 宋 也 下 卒亡 而 城 七 守 釣 唐

秋七月。《穀梁》:「不遺時也。」

情,違 於《經》特存之。 長,於義當立,而何 先儒謂十年無「正」,蓋不 而秋者 二,皆無事 管見:隱公在位十 秋」乎? 聖人之心,固 天理,是天 ,成也,隱蓋 而書時,惟三年書「春二月」。 嗚乎 有 無 必 秋 一年,書「春」、「秋」各 成 虚 mi 者,何以備書「春」、 欲 讓 隱 秋者 正隱公之終。 成 以 自 隱。 召 無 ,物之遂,於 禍? 秋 桓 也 少,隱 蔽 伙 故 私

而

固以

人而守。

民不去趙則晉陽城不浸

琴而 知聖人之意, 爲義。 後 食之。 夫子 則 以回 此 所以 則 爲子,及饋祥肉,則鼓 知所 處天常者,豈至以恩 以 書「秋」之意

之。公會齊侯,謀伐宋也。《穀梁》:「「會」者,外爲主焉耳。」 冬,公會齊侯于防。《左傳》:「宋公不王,鄭伯以王命討 子爲 母乎? 象,每 室,母 維 有 以 慰母 管見: 嘗讀《詩 必縱之爲奸,又從而爲之辭,亦何 聖善,我無令人。」 掩 善道 天下 相 義 也 制 心。」先儒謂 而蒙首惡之名乎? 誠 掩卷嘆息。 防之,《柘舟》「匪 列 當時,淫 有 同 爵分土,以 春秋之諸侯亦猶是也 罪 奬 矣。 姓 • 風 一四章 颽風》之二章曰:「母 其子之罪,豈不 於綴旒之日 流行。 門昆弟,皆舜 夫七子之母而不 藩 Ė. 屏 石」,此何人 周 爲之子者,使能 「有子七人, 室、寔 爾。 耕 更 望其 武 取 歷 澗、洛 乎七 安其 者 重 E Ш 相 光 於 莫 ? 氏 氣

伐宋 善也。 連帥 周公之餽,詐稱王寵 伯 罪著矣。《左氏》不究其情, 明從之,同惡 命以伐宋,齊、魯蓋 侯,其《颽風》之七子乎? 則非卑也。不知其將誰欺 殆曰「我無令人」而 宋,乃以宋伐宋爾。 抑不知王之不能王,誰爲之也? 以鄭伐 相 至於絶滅哉? 伐自天子出」,天下何至於涣散 式微,乾綱解紐,諸侯能知尊王之義,方伯 戕 來朝,王不禮,周公黑 各舉其職,於以翊扶王 ,乃曰:宋公不王,聲其罪 一案,詳書始末,以具首從,而 我賢諸侯 相 既不能然,以 濟 而 小小 使王室至此 使母 明 歸 齊、魯又從而 知 人之徒也。 至 而謀之祭仲,矯 其 肩 也? 按桓王三年,鄭 此 (欺也。 私 運 曰「鄭伯 詐 乎 魄之。 一,使 乎? ? 相 東遷之諸 而 勝 禮 爲之謀 明 禮義 母 奸 《經》於 伐之。 以以 乃 賊之 王室 則聖 以 知 樂 Ŧ 而 以 力 何

命討之」,謂之何哉?

十年春,王二月,公會齊侯、鄭伯于中丘。《左

管見:伯者挾天子以令諸侯,濫傳》:「癸丑,盟于鄧,爲師期。」

會齊侯、鄭伯伐宋。」
夏,翬帥師會齊人、鄭人伐宋。《左傳》:「羽父先夏,翬帥師會齊人、鄭人伐宋。《左傳》:「羽父先

《書》曰:「臣無作福作威。」公之威 伸縮 翬帥師會之,公弗能禁。 盟 翬矣,而其來非一日也。 管見::會于防以謀宋者,公也。 師 自由,公特一寄生之君爾。 期,亦公也。 暈曷爲 於是重兵在 四年,四國 而先 會中 帥 由其 福 師 伐鄭 焉? 丘 柔 移 手 於 而 以

> 其bb。 六月,壬戌,公敗宋師于菅。《穀梁》:「不言戰,

其大也。」

於是乎可謂正矣。以王命討不庭,不貪其土,正之體也。」三辛未,取郜。辛巳,取防。《左傳》:「君子謂:「鄭莊

其好鄭不堅。寤生蓋已熟瞷 **蝉睫之邑**? 管見:鄭約魯所得宋地,悉以 氏》之不審也? 以爲用魯之地乎? 非己之甲兵。宋、鄭之憾方深,獨 貪所得,必以 有伯東州之志,彼將 貪不貪,而鄭莊 二邑分二國而魯獨取之?● 以郜、防歸魯。 不以讓之魯,不得鄭之賂, 捐魯。 然而齊、魯同 以 朱子曰: 物與嬰兒之譎 此盗 借非己之城邑,以役 旅 百 跖 乎魯,而 「《左傳》『君子 之仁義、 於歸 事 此齊僖之大 ,鄭何 與之,於是 也 游,故 不 何 ,何《左 留 有 齊 不 則 於 方

❶ 「不」,原脱,據乙本補。

行

無忌,譏隱公不能制之於早也

陽

德衰則陰乘之矣。

書「暈

帥

師。

見其

恣

弒

一廢立。

故君

德莫大於剛。

乾六爻皆陽

而

海

西

一廢。

權

臣脇制其君,未有不至於篡

不

斷

遂爲

所奪。

晉

桓

温拜

表輒行,

未

幾

不

利

得。」凡以 此 類 「鄭不 知守其國

國人之。」 秋,宋人、衛人入鄭。《左傳》: 故

戰 之。 自 兵圍 善 德踰大行,下晉陽,徑趨長安,則唐 爲敵,可 齊伐宋、取郜、取 **管見:**此孔嘉父乘虚掩襲之計也。 於兵 ",鄭伐 潰。 鄭莊 東都,王世充求救於實建德,或勸 建德不從,卒與 者 必 而入鄭, П 也。 勝 顧 乎? 巢穴, 然 疲民 防,勢如 而 故乘鄭 蓄 則睢陽之圍 以逞。 世充俱獲。 憾 破竹。 尋 無備 仇,十 孟 子 宋人 以 解 年 宋殤 兵不 矣。 衛 八與之 鄭以 春 + 師 殆 攻 秋 建 唐

無義戰」,其此 類歟?

宋人、蔡人、衛人伐戴。 宋、衛既 入鄭 1111 以 伐 戴 召 蔡人。 鄭伯伐取之。 蔡人怒,故不 《左傳 和 ilij 敗。

隱

公

4

《公羊》:「其言「伐取之」何? 因其力也。」

先取 璋 取 桁。 即 發者歟? 吾夫子所以 反 漢 不 管見:宋、 不納,乃召 滅亡。 覆。 以計 請 傷 或 中,亦鄭莊之故智也。世道衰微, 劉備 然 戴、然後戰宋、蔡、衛、 竊以爲 盡俘其 《詩》 人戴 丽 攻張 聖人書之,爲有國之戒。 不義 蔡 衛 有志於三代之英,其亦 此屠垣 $\stackrel{\smile}{\boxminus}$ 城, 輜 人 回 魯,●備遂先取城都,而 :「云誰之思,西方美 重。 攻之。 師, 甚 逐 矣。 其君 假 解牛之技也。 胡 道 氏比之卞莊 鄭 戴人不 而 於戴。 莊 據 衆理 之, 聞 悟 解 驅 戴人拒 其計 或 此 而芒 憫 其 兵 刺 童 智 人。」 人情 殺 世 後 如 虎 取 劉 自 刃 在 之 散 丽 圃

223

冬十月,壬午,齊人、鄭人入郕。 《左傳》:

0 此 如 」,原作「如此」,據乙本改

王 一命也。」

之。 子惧 露。 《春秋》之所以爲義理,何也? 於其伐宋,曰:「以王命討之。」於其人郕 於「予之墙」乎? 孔子者也,其不知之而 所 陰施陽設,雖足以 或 不幾於「由之瑟」乎? 其下者,曾謂左 詐力而 管見 王命乎? 日 逃 [時人,專去飲名談利,不於義理上起 一討 亂 於 奸 見者有所 賊 賊;●終也,亂賊 後仁義。 聖門三尺之童,羞 萬 違 得志, 世。 不 王 論 命。」然則襦葛之戰,此 畏而 爲 其 氏 皆 童子猶 聖 假 其知之而 籠絡一 而 由 不爲,故 人 命之 不 此等議 直 爲奸 知 能 鄭 惧孔子。 書 罪, 時,而其 乎 稱五伯,爲 知 莊 在 賊所 E 爲 ? 齊 又從 何 論, 此, : 僖 奸 亂臣賊子, 他 如 眩,不 始也, 賊 吾儒 其 人者? 而 自 心 必 鄭 所用 然 晦 迹無 其 是 遮 亦 莊 見。 奉 幾 先 蝕 飭 學 孔 呈 戰 乃

> 氏》有功於《春秋》,亦有過於《春秋》。 瞞過後世。《春秋》之後,又有《綱 操、晉之裕,其春秋之齊之鄭 凶之罪始著。 討桓玄,他亦自謂忠於漢、晉,其 經》旨甚矣。 曹操 使《左氏》傳 爲 漢 討 董 此 卓 者 愚 乎 心 劉 ? 目》, 知 事 裕 漢之 可 爲 左 以 晉

之,乃長滕侯。」《穀梁》。 長,公使羽父請於薛侯曰 焉,無 歟? **管見**。子曰「無臣 國何至有争? 敢受二國之旅,請 滕、薛旅 耻甚矣。 見於魯,已爲 而於世朝之禮,何嘗有僭? 爲魯侯者,宜辭 「植言,同時也。 m 改 「周之宗盟、 爲有臣」,學其鲁侯之謂 日 丽 各見於廟 失禮。 異姓爲后。」薛 累數,皆至也。」 寡 又 」,則二 争 君 侯 長 不

賊」, 原脱,

0

「子曰」、乙本無此二字。

十有一年春,滕侯、薛侯來朝。《左傳》:「滕、

薛

職 公

172

顔 乃受其 ,敢不下拜。」伯主舉措,與尋常自 君」者也。 旅 朝,又以宗盟 齊桓受胙,乃 爲辭,所謂 日 「咫尺天 武 人 别。 爲

經》書來朝始此,不待貶絶,其惡自見。 來。 《左傳》:「謀伐許 也

夏,公會鄭伯于時 馳驅。 乎? 管見:子夏問政,子曰 收鄭,故爲鄭出力。 公之病也。 利。欲速不達,見小利則大事不成。」此 有三邑之利,齊、鄭 受大者不取小,謀遠者不營近。 此鄭釣魯,非釣齊也。 盟艾以後,齊、鄭、魯同 魯特急於小利,遂許以 獨 無。 :「無欲速,無 是豈 吴臨 國之 事。 見 齊將 日 廉 小 隱 魯

秋七月,壬午,公及齊侯、鄭伯入許。《左傳》: 偏,使公孫獲處西偏。 齊侯以許與鄭人,鄭伯使許大夫百里奚奉許叔以居許 齊、魯不智。」愚謂: 鄭莊 有禮,所謂「管仲而知禮 君子謂: 齊智,鄭狡,魯愚 「鄭莊於是乎有禮 也。」 也。 東

處

未聞 於爲首者,齊、魯之以許 事,人人之家,取其 侯、鄭伯人 經達理,無爲奸猾所欺。《經》書「公及 名則存之,寔謀取之,亦鄭 國,必立其後,又置達魯花 之心,然後徐圖以併之爾。 元人滅人之 與其旋得 君失國失民之比。 其君,故請於鄭,以許 許寔無罪,以其逼於鄭而受兵。 夫禮者, 獲西 强 偏之譎也。 陵 興滅 旋失,不如姑存一綫,以 弱,衆 許」,宛然 國、繼 暴 鄭 寡,威 此不可不 絶世,天下之心 財 伯 叔 物, 夥凡 逆料 守其宗 迫 丽 莊 讓 赤以 丽 所 其 居許 鄭 劫。 强 得 廟, 未 許人未 是 服 重寶 監 可 學者 叔 也。 買 同 非 歸焉。 之也 其 遽服 東 符人 謀 如 偏 或 齊 厭 共 窮 戴 歸

經》之誅亂賊,其旨嚴矣一

公,公曰:『吾將授之矣。 冬十有一月,壬辰,公薨。《左傳》: 使營菟裘,吾將老焉。」羽父惧,反 羽 父請 殺 桓

譖公于桓公。公祭鍾巫,館于蔿氏。羽父使賊弑公。 不書

,不成喪也。」

長,請 之。 編、量一 立 欲殺桓者,由其 可用 度帥 制權 臣。 也。 管見: 不暇,而 身之機,守之有道,乃爲藏身之地。 不能辨之早,故及於禍。夫富貴權利,殺 才幹, 戕國之賊, 馭之得 丽 使有英主出於其間 師 莽、操、懿、 無 無 奸,殺桓之言,何以 於王而授之,及吾富貴權利之未衰, 不稱「公子」,則爲隱之賊著 會南 此弑 特公不能制之,遂得 以 乃 何弑逆之敢圖? 自容 蔽 也,何以 罪 面之君,發縱 於 (專權久,據勢重,恐一旦 温 隱 暈 非 有 乎? 不書 能 讓國 得至於耳 ,他將奔走奉 弑 宜,足爲定 隱公能攬威 「弑」? 無 非 專輒 主 之 寔,桓 失,其 也。 一,而庸 自 ? 終隱 才非 矣。 不忍言 由 俊辨 年 國 暈 承之 主 福 既 不 之 桓 其 兩 促 隱 之

> 兄,亦 可及。 南宋中 後、諸將兵權漸漸易授儒臣。 强 變,張、韓、 剛果不足,其馭 授 則 之間,傳授處置,終始 吾無憂矣。」其後建紹名將皆爲隆興名臣 中,立爲太子,卒授大位,曰: 臣,外有 桓 桓之德 惟吾驅策 不能君 隱公嗇位乎桓,促弒於翬,是不能 ·興、雖不能殄金復讐, 必深, 劉稍 强 也。 或 稍 將 他 愐 能 難 亦 暈之謀 鍾 固 堪 制 有 巫之 兩全。 長處。 幾 能 日 何 禍 一隅 臣 ? 所 是其智有 M 「付託得人, 也。 育孝宗于宫 自 江 自宙、 售 父子 魏 左,内 取之爾 ? 公 宋 傅之 君臣 勇 高 以 卒 有 宗 不 翬

事,故書「公薨」,姑以不地存其寔,而亂賊箕子不忍言殷惡。夫子魯人,不忍斥言魯

弟篡兄,翬也,以臣弒君,此人倫之大變。

可不忠,兄不友,弟不可不恭。

桓

也,以

雖然,父不慈,子不可

不孝;

君

不

仁,臣不

「其」,原脱,據乙本補。

三五

0

227

桓

公

管見: 天生物而肅殺以秋冬,不以生廢殺何?如其意也。」《穀梁》:「元年有王,所以治桓也。」元年春,王正月,公即位。《公羊》:「此其言『即位』

也。

反時

而

爲

春夏,則天道泯矣。

地

厚

載

西北 聖人於隱、桓之事,有深慨焉。 之主,賞善罰惡。 而不滿於東南,不以厚從薄也。 則 地紀 絶 矣。 以惡爲善,則 王者 中天 民彝 隱 地 湮水 雖 爲 廢 無 民 而 矣。 讓 物 歸

類 賊 釋 國之情,而 幾於 殺其兄。 重誅 乎? 禽獸 有讓國之狀。 0 世道至此,天地爲之冥晦 當時,王綱 有 王者作,其 頹 桓乃急於得位 弛,諸 、敢縱 侯篡弑 元惡而 人

> 群公。 行於 恢,桓卒以不正終,天網爲不漏矣。 故於「元年」揭「春」,揭「王」,大書「即位」。 習以爲常, 水然,徙 李氏曰:「《春秋》一 王法爲不墜矣。 不能誅,聖人操素王之權,一筆而 桓之賊骨既冷,而魯之史筆 也,公然以篡得,非天道 春者,天也。 四 聖人以植天地之經,示百王之訓。 時 ; 步 王亦 而形勢不同。」此足以言《春 王之紀綱,存於 王者,天之子也。天之禍福 不 故桓公之編,其書法異於 能問 事各是一例,如觀 也。 王 如 法之所 聖人爲 萬 新。 世 斧鉞之, 視聽 子。 此 時王 此位 Ш 恢 雖

秋》矣。

管見:狐死兔悲,物類猶然,而况人乎?三月,公會鄭伯于垂。《穀梁》:「「會」者,外爲主耳。」

❶ 「人」,原重文,據乙本删。

身,敢不以許爲贖? 有償期? 許,僅償其二。 矣。其意若曰: 之賊,若之何 魯隱、鄭莊 穀梁》曰「「會」者,外爲主」,此 隱死而吾索於桓。 蓋 而 曾 隱而一日存也,祊之貨 比 亟 吾以三邑貨魯,伐宋、入 與 肩 (之親 從 魯之災,鄭之幸也。 事者 ? 也。 莊之昧心 桓有大惡在 可斷鄭莊 桓者, 寧 甚 隱

取周田也。」《穀梁》:「非假而曰假,諱易地也。」

「如僧明祖之。」《公羊》:「此魯朝宿之邑也。謂之許田,諱鄭伯以璧假許田。《左傳》:「鄭人請復祀周公,卒易

以定位爲利 利之從陰,如木之從風,其易如此 管見:《易》於巽 不當易,義不當假爲留 相交,故其貿易假借如 市三倍。」陰在内,故也。 鄭 以 曰:「爲木、爲風、爲近利 得 田 「難者。 市 爲 陽爲義,陰爲利。 井然。 八利,彼 《傳》隱十 此 魯 無 也。 懷 利 以 禮 魯 以

> 秋》。 相投也。 乎? 巽爲多白眼。 人惜之。 易,其事甚 不至? 聖人於此,謹而書之。 之,習爲常事。 蘇忿生之田。 年王取鄔、 「君子正其誼不謀其利」, 「惟器與名,不可假人。」繁纓小物,聖 聖人惡夫好利而 朝宿之地,其 劉、蔦、邘 小, 是其 上下交相征利, IIII 有 以 魯桓交鄭莊,宜 之田 妨 利 於禮 相 爲名器,不 于 易 忘義者 鄭, 可謂善學《春 義 蓋 雖二 甚 其 ൬ 自 故董 大。 流 與 王 既 其 邑相 何 朝 鄭 子 意 子 名 所 行 人

成也。」《穀梁》:「「及」者,内爲志焉爾。」夏四月,丁未,公及鄭伯盟于越。《左傳》:「結祊

爲 桓欲定位,近不即 伯于越,皆衛地也。 **管見**:桓即位三月會鄭伯于垂,四 王卿士,伐宋,入許,皆假 齊 而 齊近於魯,號爲强 遠 即 鄭 王命以 何 哉 月盟鄭 合諸 國。 鄭

秋

憚。 周德 不能以 林。 堂堂天子,乾綱未去,其可使太阿爲人所 后 侯。 賊 雖 使有英君 鼎灰不死,有力者尚可吹餘燼而 桓 臣得柄在手,猶 制之也。 固 衰,天命未改。 利 其 奮發,安知其假之者,而 能假,而 郭威假漢后 假寡 雄奸篡 欲 倚 婦 重 ,張邦昌假宋 以自謀。 奪,猶 於 王 朝 焚深 有 也 所 况 吾

於桓即 王也。 假? 殆類 公寡婦! 用吾之命,行彼之奸,而莫之誰何。 位,「元年」不去「王」,蓋以 三月、四月書「會鄭」、「盟鄭」,見小 可欺,豈不爲之感慨者。 《春秋 討 !賊望

使名分爲假人之具,●則姦雄篡奪,其禍 自是桓之志行,而鄭之惡肆。 人同惡相濟,王不能討,而反爲其所用也 有國者 無 徒 何

災也。」《穀梁》:「高下有水災,曰「大水」。」 秋,大水。《左傳》: 「凡平原出水爲大水。」《公羊》: 一記

所至哉

陰順 管見:《易》於坎爲水,其象 行。 試 觀 於河,中流水脊 常 陽 居 中, 兩岸

三人

習坎,則二陰居三四,爲 水湄常低,其潤下也易,内剛 河 中 故也。 流。二陽居 至於

五五 之、大水之徵、皆由陰盛所致。春秋之時 則内虚而外溢矣。 ,爲河堤。 又二陰居 夫陽德不 初 上,爲堤外水, **寔則陰**

國而 叙。 君子道消,小人道長,彝 他 《經》書災異,其於陰縱 或 可 見,感應之機,毫髮不 倫 常多。 攸 斁,五行 爽。 舉 魯 失 夫

子之言天道,其不於此可聞歟?

冬十月。《穀梁》:「《春秋》編年,四時具 管見:存時令也。 推 時令存 則 而 後爲 王 道

可

得

一年春,王正月,戊申,宋督弑其君與夷及其

侕

0 「具」 原誤作「惧」。據乙本改。

氏父,字謚也。其不稱名,爲祖諱也。」惧,遂弑殤公。」《公羊》:「此何以書? 賢也。」《穀梁》:「孔大夫孔父。《左傳》:「宋督殺孔父,而取其妻。公怒,督

《易》、《論語

》,以中道教天下。

《易》曰:

「既

録 ?

聖人於《春

秋 >>,

以

律

示

後

世。

於

是也。 之結纓。 孔父是也。 牧是也。 從死 而死 有死 如隋煬之死,宦者王義殉於雷 命,而尤莫難於以 不書「及」。 言責,其可 心膂,其可以君亡而獨存乎? 管見: 人臣之義, 有可以 人皆馮道之事讐,不律以義 乎位 爲忠,可謂 而善,有死 聖人 不以 可以 大抵人臣事君,莫難於見危授 以 可 、於是 死 不 徒 忠讜自任 而 無死,晏嬰是也。 善乎? 謂 死 而 有 不善,徒人費、石之紛如 義制命。不獎其 不 善 而 權衡焉 · 善。 乎 累 ? 君 미 而 死,有 出 乎? 以 故 以 納 理則人 爲 殉 死, 荀息、仇 君 塘,此 股 有書「及」、 可 無官守, 于過 難 Œ 死而善, 肱,人爲 以 八皆子 爲 忠節 色立 無 鳥 榮 而 死 路 足 則 以 朝 無

夫二三子也。
求《易》、《論語》之道之廣,此夫子所以誘
亂邦不居。」學者覩《春秋》之律之嚴,則當明且哲,以保其身。」《語》曰:●「危邦不入,

[子」,夷狄之也。」 滕子來朝。程子曰:「滕本侯爵,後服屬于楚,故降

稱

號其 其盟 其 管見: 《春秋》,天子之事,非予人爵、奪 「王」以立王法,目其篡弑 爵之謂也。其大旨如書「春」以 朝 聘 僭 會 以 以 侵 行 膺 伐 典禮 戎 以 狄 抑 一。録其死 ?辨其 專擅 嫡 字 其 以 生 次 以 以 賢 誅 嚴 明 亂 以 行夏時,書 傳授,謹 名 進 賊,「人」 分,詳 善良,

●「語曰」。原脱,據乙本補。●「殉」,原誤作「詢」,據乙本改。

三九

四〇

《玄》、王通之《中説》,當不得罪於聖人矣。 之罪 産争 處。 以謂 子有德無 子命之,諸侯受之,聖人何故予奪他? 其 子」,則是年 事」一句作骨,遂云「滕首 〈經》, 「夏五」、「郭公」猶闕疑 婚 自見。 承 要之,逆桓當誅,直書「來朝 此 之 媾 以 爲 尊 一事 以 寓 不易。 王 位 厚 荷以《春秋》爲 ,秋何以「侯」杞? 證 乃 ? 人 王之法。 之,其論甚當,朱子亦 倫 行 滕 胡氏 侯 時王 凡 稱「子」,程 以「《春秋》,天子 若 至於 之黜陟、春秋 焉,其謹 此 朝桓, 黜 類,蓋 五 此論 陟人,雄之 等 如此。 沙 」,則從 制 朏 托 隨 似 爵 之 以 以 而 有 夫 之 夫 天 於 逆 爲 子 何 窒 稱

焉爾。」 左傳》: 一月,公會齊侯、陳侯、鄭伯于稷,以 爲 賂 · 故立 華氏 也。」《穀梁》: 「『以」者,内 爲志

成宋

亂

管見:《經》文案

而不斷,此其

断何?

甚

利。 之爲 斧鉞 列。 包藏 生殺 蓋有 公,曹操自比文王 泯。 丽 華氏 之也 惡從惡,不厭深言。 身後,不在身後之身而在身後之名。 理之心也,無有所爲而爲之。王莽自比 罪莫深 何所貴而爲之而成之一 亂 惡者 有 此聖賢名義之教,其 人,榮辱人。 所見而 文王没身事 賊之獄具,天下始 曰「成宋亂」,而特目「公」焉。 大抵君子所惜者義理,小人所愛者 禍 《春秋 可惧 於黨逆、故於定州吁,再序 心、未嘗不欲 何 也。 所憚 有所 》疾 畏也。 而 是故聖經於篡逆之黨,首 紂,周公以身代武王,義 惡之書,惡 其所畏,不在目前 ,權利之心,托 不爲 以爲 自 知天理民彝之不 小人一時 1 拔 氣 爲小人者,將操 不如是,則小 而 燄 君子之爲 莫 踏于一 無 甚 口 于 夫如 於 氣燄,能 四 聖 畏 義 國,立 故 弑 賢 善者 而 呵 理, 逆 之 雖 是 其 在 可

真 莽大夫罪 權利以賊義理矣。 操 比文王 雄 1,魏司 荀 彧成其篡漢。 ·徒罪彧,其《春秋》目 莽比周公,楊雄成其即 綱 目》以 魯

廟,章孰甚焉!」」《公羊》:「遂亂受賂,納于太廟,非禮也。」 夏四月,取郜大鼎于宋。戊申,納于太廟。《左 「非禮也。臧哀伯諫曰:「官之失德,寵賂章也。 郜鼎在

桓之意敷

作貪仁者看却好。仁者,以愛惜名義爲 愛,故屬仁。然貪有二義,作貪鄙看不好, 管見:用人之仁,去其貪。 貪者,事事都 穀梁》:「「納」者,弗受,而强致之也。」

宣之貪,魯桓似之。 **貪賄而定篡逆,又黷其貨於祖,不仁甚矣。** 仁者之貪也。 仁得仁,仁者之貪也, 貪;●不仁者,以耽嗜利欲爲貪。夷、齊求 夷、齊之貪,季札似之,齊 桓公貪位 齊宣好貨好色,不 而弑其兄,

蔡侯、鄭伯會于鄧。《左傳》:

「始惧楚也。」

侯求魯爲之主,故無貶。

非 也 歸,乃謀伐之。」程子曰:「杞,當爲「紀」。」 秋七月,杞侯來朝。《左傳》:「杞侯來朝,不敬。 乎? 視爲顛趾之鼎乎? 之後,有男子向闕,爲太祖、神宗言 業。宋徽宗貪取燕、薊,約金 則不仁之中又失禮焉,直書 不貪取非義。 人君,承宗廟以正享國,必大居 「尚宜速改也。」夫燕,中國故地,宋祖宗猶 前書「成宋亂」,此書「取郜鼎納 然則周公有靈,此 否則利出,❷神其享諸? 而 攻遼。得燕 罪 正以弘祖 自 鼎也 見 廟」, 日 杞侯 丁,其 爲

爵之者,不没其寔。胡氏謂 管見:凡書「來朝」,皆貶非世 齊欲 相 滅杞,杞 朝者也。

0 「名」、乙本作「仁」。

「利」,乙本作「非」。

周公「德音不瑕」,而可以非義之貨人其廟

春 秋 管 見

管 見 荆 楚 自 商、 周 盛 時 已 爲 中 或 患

荆蠻 《易》稱 一,大 震 邦 爲 用 仇 伐 鬼 方三年」、《 蓋 自 高高 宗、宣 詩》 E 稱 之 世 爾

制 馭 猶 以 爲 難 周 室 東 遷, 芈 氏 始 大。

桓 、文之後 遂 爲 中 國伯。 愚 嘗究古今 天

下事

事勢,不

能

無

疑。

古之荆蠻,今之江

南

也。 其在三代,盛强 如 此。 晉元、宋 明

弘光 弱 用 ,遂至於亡,豈 之,卒不 能 圖 風 中 會 原 使 以 然? 復 舊業,浸 南 風 競 淫 於

其 前 説 不競於今歟? 矣。 《詩》云:「 觀於《詩》、《春 維 女荆 楚,居 秋》 或 南 而

得

古

削

鄉。 伐 玁 狁 自 · 蠻 彼 氏 荆 羌,莫敢 來 威。 皆 不 先 來 制 王 西 戎、 又 日 北 狄 征 丽

後 後 謀 及 南 制 楚, 蠻 則 亦 聞 得 風 此 白服。 意 然諸 齊桓先伐 夏 根根 本 Ш 自 戎 犬 而

伯 戎 狄伐 攻 殺 坳 衛 \pm 諸 已 國皆被其毒 + 分 敗 壞。 方方 到 後 伯 連 來 戎 帥 伐 無 凡 有

> 得 能 專 舉 其 制 職。 於 東 戎、 南, 狄 日 横行 就 强 於西 大。 北, 桓 公 故 略 荆 略 楚 撑 遂

持,而 其 勢 已 不 미 遏。 晉失長 安, 宋 失

梁, 明 失燕京,不 復主 中 國 ,奔投於 荆

五

胡、 金、元、滿 清 戏 狄 據 西 北 而 逐 東 南 如

弱 無 能 爲, 何 能 又非 抵 當得? 如楚諸 熊 况 有 江 英 左 雄 諸 氣 君 1,皆柔 概, 其

不 振 宜 鄭 莊 矣。 差 此 亦 人 數 事 如 使 然 非 可 及 歸 此 之風 會 與

狄? 其假 也。 王命 先 V. 以 本 侵 有 領 諸 智 夏,曷若 荆 人 何 何 尊王 敢 料 不 īE. 室以膺 眼 以 窺 戎、 中

國? 謀 既 不 能 然,乃 與 蔡 J 爲 鄧 之 楚服 非 能

屬,計 制 楚,不 亦末矣。 過謀 《經》書 從 楚。 外 自 諸 是 侯 鄧、 相 蔡 會始 爲 此

月,人 杞。 《左傳》: 討 不敬 也。」

傷

中國之無人,其以

志世

變

也

九 管見 ^ 論 語》稱 杞、宋與 陳 爲

恪,

不當

四

之」,恐鑿。 遂人之,亦未可 伐之,而取其邑。 可疑爾。《左氏》謂「杞來朝,不敬,而 此 姑闕之。 知。 但其 此 人也,或蔡會鄭、 惟《經》無「遂」字,爲 國微弱,隱四年苔 鄧 討 己 而

公及戎盟于唐。《左傳》:「修舊好也。」

冬,公至自唐。《左傳》:「告于廟也。」 明,自 明皇微行,與長安公子争論家世三代; 邊,至土木爲 管見: 書「至」之義,先儒論之詳矣。 於危,甚如漢 危則危之,幸 太祖微行,爲山 止所當慎也。楚懷王人秦不返,明英宗 上承宗廟,下撫兆民,所係 行 放 肆? 乜先所獲。此皆輕出,卒陷 而安則致之,戒人君 武帝微 人占星 使有 行,爲少年 不 一所 測 識,豈非聖學不 最 如宗 重。 所擊; 廟 出 故 人君 何 所 ? 明 唐 巡 行 履

三年春,正月。程子曰:「三年不書「王」,見桓之無王也。」 冲至冥之表。其或大奸大惡, 苟逃憲網 若不見其逐逐然,而視聽恢恢 能 身」,夫亦理而 知其然而然。《易》曰「惡不積,不足 生都富貴,及其終局,卒假手於他人,有不 可逭也。 桓負大逆,既已除喪,天討可逃而天誅 管見:桓三年以後,書「春」不書「王」,見 隱惡於天。 夫天,一太虚而已。 已矣。 + 年數周,望王討之,而卒 桓能隱惡 心於王 默 福 善禍 運 前 以 乎至 不

「子」,乙本作「王」。

春秋》書「至」,則聖人爲訓,其旨深矣。

干何以 聖深 不能。 秋 爲之,是率天下爲楚商臣、唐禄 日 道 不能 不能 父,舜、禹 子,此言外之意,非 曰 「君君、 》爲天理,立民彝 若君 王 刑 誅 有 不能 賞,而 竭其忠? + 感 桓 不君 · , 八年, 何 臣 焉 誅 臣、父父、子子」,言各當 以 天誅之也。 天刑賞之,有王,猶無王 致 胡傳引夫子答齊景 則臣不臣,父不 則 桓死,而 果若君父有惡而臣 其孝? 桓 而作,豈其然哉 得 所以 行 王者 \pm 弑 桀、紂 明 復 乎? 經旨 兒焉。 一代天 山矣。 父則子 不君,逢、 瞽、鯀不 公問 也。 理物, 子得 盡 此 《春 也 不 借 其 政 王

事。 於爲善而已。 齊,意外 管見:古今姦賊,往往 昏 齊 事 以 也。 自 齊非 固 人 固 意 全無賢婦,莊姜、共姜, 不 中 能 意 事 巧 中事 也 於 天, 殺 弄 身 出 夫 于 意 亦 强 外 香

0

「嬴」,

原誤作「贏」,乙本同、據《春秋》改。

公會齊侯于嬴。●《左傳》:

「成婚于齊也。」

爲 之陳登父子。 婚袁紹,欲結爲援,而 此何等人? 謹嚴之意 刀相向? 于天,則 《易》曰 丁原索命于布 隱公報讐,此 婚媾也,寇也。 焉。 《經》書「會于嬴」,志禍始也 婚媾致寇。」夫德之有 天固 然謀 也。 豈 生一 意 天 雖 料 道 殺布者乃出于謀婚 在 淫 所及? 何必胡、越乃能 昭 陳 婦 昭 登 以 前 山 賊 吕 不 疵,獲 寔董卓、 魯 布 畏哉? 桓 以 亦亦 一,代 操 戾 女

古也。 羊》: 夏,齊侯、衛侯胥命 也。 憾 管見: 「相命也。 解 是必一人先,其以相言之。 於是 丽 衛 齊、鄭之交深。 久黨宋,殤公弑 東州 古者不盟,結言而 諸 于蒲。 侯, 無 衛 何 《左傳》: 退。」《穀梁》: 有 也? 乃 莊 分黨。 與 公 不以齊命衛也。」 齊 立 「不盟 宋、 合 小 iffi 相 也。一《公 伯 鄭之 相 命,近 規 命

但諸侯 糾合氣 結言成禮 使之也 模,至此粗定。 要 概 其胥 而已。 盟 亦 ,鄭伯至 可 '想見。 命者,非相命之爲 其不盟者,合不在 雖所命之言無聞 詛 當時, 射考叔 盟 者 詛 一而齊 伯,不 成 盟也,勢 愚 俗, 鄙 僖 之 非 過

甚。 於此 告諭,豈非言不順乎? 命、《春秋》所以善之。高氏曰:所謂 齊侯 者是矣。 乃 能 雖然,命不出於天子而 拔出衆 見,不 日 「胥」、曰「命」, 與 衛 盟 彼 私 而 善 相 相

六月,公會杞侯于郕。《左傳》:「杞求成也。」

善之中有惡存焉。

學者以意推之,可也。

而倚魯以爲援也。《經》於「入杞」之文不國,求親於魯。二年朝,此年會,蓋有所逼管見:杞自爲杞,《公》作「紀」,非。杞,小

闕之可也。安得言「杞求成」乎?

言「遂」,亦不言「師」,正不知其何國人之,

秋七月,壬辰,朔,日有食之,既。《公羊》:

「『既」,盡也。」《穀梁》:「食正朔也。」

聖人之敬天憂世 史,明 何哉 當克謹 日 爽。然則普天之下,同仰此日,有國者,皆 滅莫中興。天象之應,其在明、莫,毫髮 朝黎莊宗棲于漆 改元,至世祖順治,卒代明 度矣。清太祖哈剌哈奴起兵圖 時,史書日食朔日皆合,其食甚數,則 其政,諸 管見: 日,君象也,萬國所同。 食之既,應不 ? 神宗 天戒。 此書· 侯失其道,篡弒相尋, 萬 在 或者乃謂天變不足畏,謂之 曆,當本 _ 僭 魯 ,其旨淵乎 馬 史, 矣。 江,起兵哀牢,至世宗 加 國莫福 嘗觀《 其 加 (變在 有天 明 海、 陰謀者衆。 是時,周失 倫城,稱 天下 文史》 下 福 違 源 及 也 常 之 或 本

公子翬如齊逆女。《左傳》:「修先君之好,故曰「公聖人之敬天憂世,其旨淵乎

管見:《春秋》推見至隱,把公子翬擡得冠

子』。」《穀梁》:「使大夫,非正也。」

四五

四六

得。 冕, 乎? 何? 得 暈也? 若曰:●暈,猶己也 也 天,莫巧於《春秋》。 桓 昭然於斧鉞之中。暈於隱爲 也 爲伐柯之使。 賤,在桓也貴,然後逆黨互 然後逆 而《春秋》言語之。 公豈不能 箇躑躅,又隱然爲挺刃之凶。 **翬其社稷之臣** 非夫子,其誰能修之? 匪 量不 桓 得。 心 親逆,亦豈 事, 循環湊巧,伐柯之使,媒 取 歟? 如 天之誅 妻 然則《 螢 如之何? 無他 此 匿 暗 惡,不 挺 相 春秋》,其天 大夫 翬 中, 刃 封 取 也, 之凶,於 植 ·能言 或 匪 不 莫巧於 而 之罪, 在 翬 如 可 何 隱 之 語 不 必 掩

禮也。」《公羊》:「諸侯越境送女,非禮也。」 九月,齊侯送姜氏于讙。 《左傳》: 「齊侯送姜氏,非

夫人 公會齊侯于讙。《穀梁》: 姜氏至自齊。 《公羊 「齊侯來、公之逆而會之也。」 「暈何以 不至? 得見乎

> 乎? 陰。 此 聖人之情見矣。《易》曰:「姤,女壯 手 怙勢而淫,乃勢之必至。 謀親之,於是假婚爲重,則其女挾貴 州,侈然有宰制六合之形。 姜、哀姜似之。 有 取女。」夫婦,人倫之本。 之文姜、莊之哀姜請婚、●成昏,一一 管見"他公皆取夫人,《 陽以次而 貴 履 探月窟 特於五月之姤,先言之。一陰生,五 可 然而 霜堅 挾, 消。 冰 壯 方知物。」夫十月之坤,乃爲 有勢 一之漸 則 待其消而後言其扶陽抑陰。 是 可 不 時,齊爲 怙,此 可 也。 取。 經》不詳 邵子詠《 魯人其能 則壯 魯欲倚爲援 何 女 大 以 圃 之道 國,倔 知 書。 勿 易》 其 制 取 也 謹 而 强 乎? 壯 勿用 獨 日 文文 驕 미 純 而 東 : ? 桓

若」、乙本無此

莊之哀姜」,原脱, 據乙本補

公也。』《穀梁》:「公親受之於齊侯也。」

至,而 氏至自齊」,逐爲節焉,若欲止之。 亦當知所謹矣。論姜氏事,則送女與 送姜氏于讙」、「公會齊侯于讙」、「夫人姜 亦已難矣。 會齊侯于嬴」、「公子暈如齊逆女」、「齊侯 (年而後見耶? 霜之埋地 謹於姤者,探月窟 盡 有國者,其於妃匹之際 矣。 彭生之禍 也 11,何待 及姜氏 《經》書 不送

冬,齊侯使其弟年來聘。《左傳》:「致夫人也。」 權。 長其 夫、婦婦、兄兄、弟弟,家道正而天下定。」 以愛弟賊 其事,又以愛弟往之,使之樹外交,以 之所誨誘,固已盡矣,何事乎聘問之勤 敬必戒。出門之初,父母之所教告,保姆 管見: 甚矣愛之難克也! 驕 舉 IIII 其子。 前 導其縱矣哉! 兩失焉。於是以愛女賊其婚 《易》曰:「父父、子子、夫 不克其情,欲重 女子從夫,必 固 内 ?

皆在其中。欲正家者,可不深致意焉。《春秋》書此一事,而父子、兄弟、夫婦之義

有年。《公羊》:「以喜書也。」

年爲 《經》旨未必然、《公羊》之論爲好 祥,何故以祥爲異? 以 故書以喜之。此條,程子云「紀異」,胡傳 當得之瑞。 **管見**..一人有罪,民則. 必不移之於民。 爲發明奧旨。 變, 則魯 此寔天之愛民,非厚乎桓也 民 惟桓 愚 無 有孑 謂異自爲異,祥自爲 若曰 獲罪於天,乃有此不 何辜? 遺, 乃 . 桓 負大惡,有 天之怒桓 爲 常 乎?

女,親逆與不親逆,又其次也

羊》:「「狩」者何? 田狩也。何以書? 譏遠也。」四年,春正月,公狩于郎。《左傳》:「書時禮。」《公

農 日 管見:《春秋》,經世之典。其所書政事, 大要持守先王法度。 》,蓋有禮意存焉,非荒于原獸 隙 以 講 武 事。 觀 於《 古者四時之田 行詩 車 也 攻》、《吉 皆因

馳射 荒,非 之時, 先王 之也 較 至泌 其意,娱其身而自壞其典,可勝嘆哉! 公因遊觀至此,遂行狩焉,故謹 匹 夫之 馳聘 E 制 爾 善射 爲 林 喀 後 法,慢主 武 戈 苑,元 世 諸部,著成故 勇,其 御 事,亦非常 獵 有 以 如 丽 忽之。 爲良,借先王之禮 以 戾《經》旨甚矣。 漢武之長 日 歲 「講 畋 所也。 武 流 典。 柳 了,用其 連 林,清 楊 荒亡 以萬 魯有郎 較獵,唐 前 朝 法 丽 乘之尊 書,以 鳴 以 圃 每 小城,桓 日 呼! 縱 不 行 宣 師 觀 獵 之 戒 禽

管見:桓公篡國,於今四年。即位不請《公羊》:「下大夫也。」 夏,天王使宰渠伯糾來聘。《左傳》:「父在,故名。」

欲以 人則 褒逆,何若是 命,終喪不入覲,而天 低。 驅驅名分,諂暴媚强。 不 過 其 日 姑 . 也 王 ? 室衰 王 其 使宰聘 自 弱 然强暴之不足 處 下 下 則 之。 司 卑 列 寵 而 或。 料 篡

經》義

?

祇

此

直

書

其

(凡, 而

王與宰之

罪。 借。 之嚴 宰糾 綱目 豈非 諂,審 遷,李綱 使有 加 假人? 不然,吾之威不 人 魯,當疾足 經》於來聘,具其官而斥其名,凛然斧 冠裳 中 心未忘,雖 士 承 此二事,乃中興 壞 臣 英 高宗孱 勢者 書 法亂 社 胡 於 命 君 福 陳十 名 氏 禽 以 君 傑 丽 而問之矣。 自當知之。 犢。 下 聘 弱, 謂 子 紀, Н, 事,惟 不 魯桓 王 士書 幸 威,徒使奸雄以王威 綫僅 足以服 少康 弑父,皆八柄 自 彝 朝 有 倫之斁,糾寔尸之。 僭 \pm 公卿 可 人,何 李 張本,卒抵張邦昌 小之成 朝啟 存,猶 逆僞 然文、武之澤未 綱 周 謂 人,吾之福 書爵,大夫書字, 正之。 鼎 薦 必 旅,不 命留 之。 托諸侯 圭 立 미 之所予 一許多 壁 窺, 宋 觀此 多 於泥 中不行 高宗 何 則 例,以 之上。 是 可 爲 强 也 也 鉞 故 則 於 南 於 可 以

人?

豈

不爲

他所

暗

算

?

齊

僖

鄭莊

小小

人之雄。

此

條,可謂

小人之愚。

然紀

亦

以朝人爲襲人之局,何以

猫自

處

而

以

鼠

待

惡自見。至於缺秋、冬二時於來聘之後,

明其濫賞失刑。此則聖人有深意焉。

丑之日死而得。」「於是陳亂,國人分散,故再赴。」《公羊》:「甲戌之日亡,己五年,春正月,甲戌,己丑,陳侯鮑卒。《左傳》:

管見:甲戌、己丑相距十六日。「甲戌」下

襲之。紀人知之。」《公羊》:「離不言會也。」夏,齊侯、鄭伯如紀。《左傳》:「齊、鄭朝于紀,欲以

遠,則 於紀,亦猶是也。 鼠 之將搏鼠也 管見:齊、鄭之志則憯,而 者 猫之技窮,於是 愚 者 一,蹲 不 悟 而 夫以 馬爲 掉尾, 馳 其 親 藏斂爪 而 所 鼠 逐之。 噬。 謀則 爲搏鼠之計, 牙, 狡者 淺 齊、鄭之 ,若將 矣。 去 之 猫 親

> 乎兩 之國,不至如 幽 道 鄭搏 不 英歟? 紀,有所畏矣。 幸矣。 一、厲 既 得許可 猫之間,能保無 衰,小人得 傷之。 故曰 鼠 紀於齊,所謂 鄭 齊、鄭譎詐之甚,然卒不 明莫大於《春秋》,仁亦莫大 吾舍魯,何 終爲 此夫子所以 志。 齊謀 傷者乎? 子曰 猫 適矣?」魯, 搏 鼠 有 紀 同 志於三代之 穴。 我 鼠 悲夫! 觀周 齊 禮 能 鼠 既 道 世 救 義 處 爲

乎《春秋》。

其父子。」《公羊》:「譏父老,子代從政也。」《穀梁》:「微其君臣,而著《公羊》:「譏父老,子代從政也。」《穀梁》:「伪叔之子,弱也。」天王使仍叔之子來聘。《左傳》:「仍叔之子,弱也。」

觀於魯 黨。 以 **管見:**《春秋》有 便見。是時,王將 孤鄭 Ŧ 之勢,然後及於兵爾。 欲以間之,故二年聘 則齊 미 知。 事 伐 顯 是乃 鄭, 而情 先結 圃 隱者,詳上 齊、魯 使 齊、魯之歡 然禮者,邦 接 迹 皆 魯庭 爲 下 鄭 文

隆 之經 **戢暴誅** 其 寵 也。 遇 亂,不亦難乎? ,以子弟之弱 人者,邦之幹也。 而預 爲桓 於兵 以 王者,思其大 篡 謀。 弑 之賊 求 以 而

勢已去,●思以 奮發自 强,則先公後 私 先

義後 則 誰 利。 敢 不從? 聲魯、宋弑 憫許、戴亡滅之由 逆之罪 而 命殘 面 執 再 之, 封

卿士。 强 植之,則誰敢不應? 於善 ,安知不爲乃祖之忠於王 羈縻以 政, 丽 潛 鄭雖跋扈,猶 折 其 (横。 室。 彼見 爲 釋 王 王 此 之 朝

佐 不 已,又仍叔之子焉,計亦左矣。 圖 王平邦 乃欲 (國,司 舒 憤 馬九伐之法,不謀於朝 於 鄭 而 屈禮 於魯。 糾爲 家宰, 糾 而 不

祝

弟, 特以 武 乎? 丽 交 王以 入魯 爲· 張仲之孝友乎? 結 事。 魯 圖 仍 鄭 叔之子,其果 謀 之也 抑 徒 則 其 以 吉甫之文 膏梁 債 事 可 子

> 情之不衷,事之多舛,故於糾賤 子微之,其義 皆貶。 若 夫 專 論 之, 世 仍叔 官, 則 之

狹矣。

葬陳桓公。 吴氏曰: 「不書月 ,史失之。」

書

城祝 管見 丘。 魯會 杜氏曰: 1,故 「齊、鄭將襲紀故。」

管見:公昏齊,故於境 Ĺ 築 城 以 備 會

遇

爾,非爲襲紀也。

鄭伯政,鄭伯不朝。 秋,蔡人、衛人、陳人從 聃射王中肩。」 王 以 諸 侯伐 王 鄭、戦 伐 鄭。 于繻 葛。 左 傳》 E 卒大敗 王

涵 者,平王 管見: 孟子 養爲 難。 之孫 論 E 善養 之 其 伐 父狐 氣。 鄭 質 氣 氣者 於 帥 鄭。 之 易 也 平 爲 帥 \pm 桓 E 故

0 已」、乙本作「而」。

也

伐鄭

情

也

聘

魯

事也。

聖人惡

夫

知

隱

於文,

丽

文

以

見

事

春秋

美之

體

鄭

莊

縦

回,不及

嗣

位

而

一殁,其

氣

者

相

小 命 之智 或 此 許 動 爲 朝 後 命, 小 桓 可 \pm \pm 如如 」, 其 **炒**,鄭 弱 王 即 鄭莊 ,使 以 君 立 人之性於君子上, 豈不 類,見他貪名畏 大夫百里説 氣者二。 會齊、 以彰 亦 子。 會諸侯 有 宋、 益 祭 掘 惡 可 有 英 本 地 氣 驕蹇,王卒授 足 鄭 可 魯 雄 性 如誓宣 魯 見母。 Ŧ 者 帥 專 討 用 立 見 小人,遇人説 伐 = 度,安知不 四。 師 政 動 處 不 識 宋, 其 年 取 姜氏 請 將 篡逆,以 即 既 來 義,猶 以 温 王之受氣 E 其 命 奪 使 入許,許 朝,王不 理 之麥及成周 以 于 魏 可 政 許 諸 御 公右 城 惟 義 氣 · 得 有 畀 叔 到 侯 氣 潁 振 理 吾 魏 者 居許 不 義 於 動 莊 卿 驅 王 隙 禮 _____ 當 被 奔走禦侮 公。 一綱,封 之,使 鄭 能 公走 理,便欲 士 策 之明。 時 東 潁考叔 一,鄭乃 之禾, 討 亦多矣, 伐 歸 偏。 篡 鄭 衛 宋 之 移 鄭 逆 而 莊 殖 被被 之 其 其 奉 凡 矯 不 之 其 莊 諸 使 説 假 怨

之,豈 伐 之 不 附 爲 哉 征 則 則 從齊,必 以爲先結齊、魯 乘之貴, 澗、洛,僅 及於兵。 臣 氣 和,二 豊 左 自 也 ? 御 甚 ? 扈,成王之伐 蔡之奪 悖, 非 右 之, 天子出 不 不 能 他 或 能 不 其 其 與 不 知 有 何 於鄭 E 同 盍思當 미 同 鄭 以 寔 敵 爲 可 出 至 其 綴 之 以 役 則 争 敵 王 Ŧ. 以 此 爲 E 旒 能 而 奄,六 爲 鋒 事甚美,其 則 , 積 自 甚 所 H 明 齊 軍 時 鄭 天 ? 不 一疎。 力。 鄭 **愾之**寔 將 矣。 -, 其 王 事 其 僖 吏 同 ? 之 圍 而 于 卿雲集,諸 勢 小 所 討 心, 故 陳 援 賭 果 其 戴 然 出 清揣 忿 用 罪 佗 也。 絶,蔡、衛、 日 名 之 勝 鄭 從 鄭 于 征 : 役,蔡 新 忍 莊 度 甚 負 諸 王 浦 莊 而 若果 彼 乎? 桓 正 是 立 氣 伐 敵 又 胥 反 侯 己,區 侯 伐 E 役 不 鄭 命 平 目 既 或 如啟之 視 而 之志 景從 取之, 也, 勉 ? 於 其 與 陳 勝 人 衛 E 征 從 衛 未 自 遂 從 萬 品 周 負

五二

所予。 法,有 貶絶 之敵 可知。 禮有「君前臣名」,天子在則「人」諸侯,《春 若夫鄭伯不臣,致王自將,罪不容誅,不待 於既 其書三國「人」之,而王不稱「天」,「從」之 云者,王行而姑從之也,則其氣餒以取 經》必書「天王以蔡侯、衛侯、陳侯 鄭 而義自見。 墜,立天柱於將傾、《春秋》所爲作也。 天子在則 諸侯不能佐王定國則貶而「人」之。 然而没不言戰,諱不書敗,不予 也,不許鄭之敗 諸侯稱「人」。 又按:陳氏謂《春秋》之 王也。 聖人扶 爵者,天子 伐鄭 乾 緇 E 敗

書? 記災也。」 大写。《左傳》:「書不時也。」《公羊》:「旱祭也。❶ 何以

秋》安有此法?

陽」,不曰「明幽」 管見:天 義,莫辨乎 地之理,莫大乎 幽 明。 而 然 E 不曰 幽 明。 陰陽。 陽 陰 陰 幽者, 而 陰陽之 日 陰 鬼

> 螽。《公羊》:「記災也。」 神而 矣。 邵子曰:「《春秋》由性命而發言。」性命之 有 秋旱甚乃大雩焉。 書,此因旱而書,是必於四月龍見 格神乎? 恭,神弗福 者,祭也。 德,其至矣乎!」又曰:「祭則受福。」德者 昭 神之府,陽明者,人物之宅,不以 理,於是乎在。子欲無言,後世何 國家者,明知乎此 掩鬼神之冥冥 天子之禮,而諸侯用之。魯可 福者人,明乎神 夫子 也。 慢神以 所以不滿乎魯也。常祀 魯之郊、禘、大雩,弗 也。《傳》曰:「 祭,猶 既僭天子,又瀆天神 ,則可以弗畔 之德 弗祭 而 裕乎人 也。 鬼 人 於禮矣。 已雩,及 述 享天 物 祭 神之爲 之 之昭 恭 而 而 福 不 其 弗

管見:"旱蝗荐至,民有菜色,故謹而書之,

●「旱」,原誤作「早」,據《公羊》改。下文二「旱」字同改。

與「蔡伯

來」同意。

但諸

儒

皆以

州公爲失

復。」《公羊》:「過我也。」冬,州公如曹。《左傳》:「淳于公如曹,度其國危,遂不

于公。 得 得 之。張氏 王 音,如昧、蔑之類,經文間 焉,似不敢信。 淳于縣,●亦古州國。」《左氏》謂州公爲 縣。」又云:「山 **管見:**按《圖志》: 見併於何國? 而賓宋,故得稱公,陳、杞亦止稱侯,州 也。其在荆州,或在山東,世遠迹湮,不 無確定。 而詳。 臣 稱公? 而樹外交,故於周公如曹,特謹書之, 程子謂 若謂 愚意春秋時自有州 謂 果「度其國危而不復」,則 州 州公人爲王三公,經傳 必畿 總不 州公常爲王三公,胡氏 東萊州府高密縣 若謂州本爵公,則周 内之地,與祭公同,皆 「州國 可 曉。 有 在 或者,周、州 如 國、蓋微乎微 荆 此。 州 東 府 聖 北 人惡 此 無 監 承 有 可 淳 同 或 何 殷 聞 取 廢 利

梁》、「何謂「寔來」?謂州公也。」來」,不復其國也。」《公羊》:「「寔來」者,是人來也。」《瀔欢」,不復其國也。」《公羊》:「「寔來」者,是人來也。」《瀔國,竊疑其事,輒敢志之,以俟後之博洽者。國,竊疑其事,輒敢志之,以俟後之博洽者。

謀齊難也。」 夏四月,公會紀侯于郕。《左傳》:「會于郕,紀來諮 字? 依人之乍忽? **管見:三傳皆謂「寔」爲「州公」,不言** 白,信則傳信,疑則傳疑,何嘗有此暗影文 何其經旨之間斷? 州公如果失國 得其義,故證以寓公之禮而傅會之。 名。胡氏謂「寔者、州公名也」。 蓋求之不 意者「寔」字上有脱文,闕之可也。 出奔,冬走曹,春走魯, 前日 「州公」,後乃曰「寔」, 且聖人垂訓,立 義 何 竊 明 其 其

●「有」,原脱,據乙本補。

公

桓

:

紀,其謀不售。 其 稱 之禮,以祀其先。 管見 齊、魯婚姻之國,欲因 齊之東北,齊欲襲之。五年,齊侯、鄭伯 侯來朝」,故凡《經》稱「杞侯」,皆 「紀」。 [[杞]當作[紀]。]蓋 「杞侯」爲「杞」,「紀侯」爲「紀」無疑。 「伯」者,意 然杞、宋二王之後,其國得用夏、殷 此 紀 侯 此年,紀乃越境會魯,蓋 會 如「滕 豈有宋爵公而杞爵 魯 見莊二十七年書「杞 之始。 魯而 子」之「子」。 成 齊 按 也 程 子 目 然則 紀 伯 謂 爲 爲 在 如 ?

秋八月,壬午,大閲。《左傳》: 以早書也。」《穀梁》:「蓋以觀婦人也。」 或 古者井田 當用十萬 管見:按《魯頌》:「公車千乘,公徒 三萬」,據大國三軍之制,爲車三百七十 一通計萬井 方 人,爲 則 里 步兵 爲 魯 井,十井爲 地 七萬二千人。 百里,當有 「簡車馬也。」《公羊》: 乘。 干乘。 百 其 里之 萬。」 法 日

戲諸 謂 亟也? 萬七千人。 鑿,聖人書之,而桓非時玩武, 昏君以兵事觀婦 齊,如莒,莊公不能 娱悦之必矣。 警報,遽爾調兵? 齊、魯姻好方密,鄭忽後班之憤,魯人必不 數,舉國盡用之矣。 五乘,三萬 魯道,車徒如此之盛,則當初炫 其驕横,苟可悦之,不吝傾 大叚駭怕。 田作方殷,何爲妨農動衆,盡國爲兵,若是 齊子歸止,其從如雲。」觀後來文姜遨遊 「觀婦人」,合推二説,《穀梁》未必 侯,寔 胡氏謂「惧 七千 乃創之。 于郎之戰,事在十年後。 此稱「大閱」,則 他 五百 人,非自 閑觀武 鄭忽,畏 魯桓溺愛文姜,不 《穀 防 時魯 人, 閑, 事 梁》所 其 [桓始。 其 工,慣習 四 爲 國。 滿 齊人」、《穀梁 源 郊 步 千乘 有所 無警, 僭禮妄行 聞 耀戎容,以 《詩》 卒 幽 調 不 + 不 Ŧ 發。 無見。 從 烽 能 有 盛 萬之 過 日 火 如 制 何 夏

蔡人 殺 陳 佗。 《左傳》: ❶「陳君也。 謂之「陳佗」、絶也。

淫于蔡、蔡人殺之。」《穀梁》: 「陳侯淫獵于蔡,❷與蔡人争

蔡人不知其陳侯也,而殺之。」

管見:佗立踰年,以「殺」目之,不予其爲

《經》不書其事者,陳亂,桓公走死,免未成 君也。佗者,陳桓之弟,殺太子免而自立

亂陳者, 佗也。 君,不得與魯般、齊舍爲例,故不書。 殺免,亦佗也。其爲 然 賊 明 而

矣。 蔡,乃蔡侯之甥,故邀佗出獵,殺之而立 蔡人因其國人不附,而陳侯之子躍 奔

躍。 《經》特[是蔡 「人」之,見佗之惡,人人得誅之,故 侯之殺佗, 私 意,非 公討 也。

略其 私 而成其公也。夫以公道許天下,以

公討誅亂臣,然後世之亂賊始無所容於覆

載之間 聖人爲慮深矣。

九月,丁卯,子同生。《左傳》: 「以太子生之禮舉

椢

公

之。」《公羊》:「喜有正也。」 《穀梁》:「疑,故志之。」

道孰 焉,責桓公之不能防閑,傷莊公之枉 或 仁至義盡。 姤,故於「子同生」月之日之,而 子,遂蒙贏負之羞。聖人於父母之國 鬲,齊子有夫,乃效 不慎重以正國本乎?」姬姓不幸,亂生 之好,以繼先聖之後,爲宗廟社稷之主,可 嫡出爲君者四公,於莊獨書之。 管見: 古者,太子乃生,固舉以禮。魯之 本 爲 爲大?」子曰:「大昏爲大。合二姓 重 一, 且以戒人君,當閑有家,以 尤 書于《經》,以見 以 爲 「鶉 慎也。 奔」之瀆 哀公問:「人 國本 聖人固以 於姜 魯 之 氏 罹 有 侯 不 至 感 有 中 污

紊,爲魯子孫釋萬世猗嗟不辨之疑,所謂 魯如齊之年詳

- 左傳」,據下文當作「公羊」。
- 侯」原脱,據乙本補

有」,原誤作「其」,據乙本改。

 \overline{h} Ŧ.

之,如 宗 恕之道。 統, 此 丽 其 後世 於 詳 妃 且 謂 兀 辨 之際, 秦始皇爲 焉。 胤 此 嗣 吕不韋子,晉元 條 之 間,慎 見聖 之 人 忠 重

置,時 解。 暴、 案。 帝爲 孟 牛 宫,三思出 子曰:「 通 司馬氏之篡,因爲之辭,此 安知 安知 唐中宗、睿宗幸爲 人傷之,得免 吏 牛 始 盡信書,不如無書。」蓋 人無禁,不與秦始、晉元 必 皇 姓 出 不 所 以 生。 元帝? 十月生? 此 吕政、牛睿爲千 謗。 其 當時,惡嬴 母 不 所 然,武 夏侯妃 忌 獄 遂 非 同 幽 聖 . 傳? 不 氏 氏 果 古定 人 人 與 人 廢 可 之

貢 天 焉。」苟 地之心, 日 知《春 一君 ,則其 子 秋》之義, 豈至居下流 惡 秉 居 筆之公且 下流,天下之惡 明,鮮 矣。 之惡 必 歸 子

乎?

^

穀梁》曰「疑,故志之」,其説

固

非

吕

氏

謂

或或

言

IE

周

公之後爲不然

一,此

固

不

盡

然,而

不盡不然也。

要之,當以重國

本、

正人倫 爲要旨。

Ŧī.

六

《左傳》: 「請王命以求成于

不能。」 冬,紀侯 來朝。

呼! 懷好 流蒲 天地 于齊,其謀近正,惜魯不足與計 管見: 紀侯之志 父母。 音 楚。 宗周赫 而 天 誰 紀國 王 與 赫、化 歸 失 미 ? 其 垂 , 矜也。 作黍 一危,欲 紀 思美 綱,小國 離。 人而 請 人有 楊水 Ŧ 不 靡 命, 疾 事 得 所 滔 痛 也。 以 見。 滔,不 止 求 必 居。 聖 成 嗚 呼

所謂「躬自厚而薄責於人」也 人重其感焉,故於「紀侯來朝」,其義 無 貶。

火攻也。」 者,以火攻也。」《穀梁》:「其不言「邾咸丘」, 七年,春二月,己亥,焚咸丘。《公羊》: 何 也? 「「焚」之 疾其

婦人。 郎,以 管見: 桓公之編,作 畋事 此年焚咸丘 臨 遠 地 以以 無 六 益 淫 年 者多 獵 大 関, 焦 矣。 Щ 以 林 兵 四 · 皆 事 年 淫 觀 狩 可見。

紀朝而

齊滅紀,

鄧朝

圃

楚滅鄧,穀

擾于中,●故雖作無益以害有益,弗恤也。于遊觀之事也。蓋由義理之心少,物欲交

夏,穀伯綏、鄧侯吾離來朝。《左傳》:「名,賤之書以惡之。

也。」《公羊》:「皆何以名? 欲假 蓋 諸 倔 王 謂 夷,及其勢迫力窮,又斂袵於弑君之賊,所 服屬於楚、淪胥於夷久矣。至是朝於魯, 同,罰惡之旨嚴矣。 而 管見:穀伯、鄧侯名之者,夷之也。 二 其志 始終失身者也。賤而名之,與失國之君 國從齊,又惟魯之姻情尤密。 强 綱 惧爲楚所併 一於東, 魯 不振,伯主未興,荆楚横行於南,青齊 可 加 原,故 内通於王,外平於齊。 ៣ 齊之糾合,其黨較 ,將因魯以求通于齊也。 獨 無貶。 失地之君也。」 然魯之無能爲,於此 若穀、鄧俛首於 其情近正 紀之朝, 楚爲多。 威 時

> 噫 ! 要由 道 後爲襄城,楚 路 征 ,依人而不得安,則 命德討罪,王政所以行。明堂諸 伐不出天子而 亦 併 焉, 出 則 强 朝 侯,使 天 魯 王之責 亦 小國 何 益 奔走 哉 也。 侯, ?

來聘」同,此聖人之微意也。故《經》於此年闕秋、冬二時,與四年「宰糾使臯、應、桓、信星散於賊庭而莫之統屬。乾綱所以立,而王褒寵篡弑,自失政刑,遂

濱,濱則不敬。」《穀梁》:「烝,冬事,春興之,志不時也。」八年,春正月,己卯,烝。《公羊》:「譏亟也。亟則

伸冬。《春秋》書「春正月,烝」,則改月之身,蓋仲冬月,正合《周官・大司馬》仲冬寅之月曰正歲,以月數則三月也。此正寅之月曰正歲,以月數則三月也。此正寅之月曰正歲,以月數則三月也。此正

● 「交」,乙本作「膠」。

驗 也。」此非 梁》不明此義,乃曰:「春 子以「春」冠「正」,所謂 也。 《春秋 爲不時,爲下文再烝起見。 》之春,非《 「行夏之時」。 周官》之春, 興之,志不 胡傳 乃 ^ 時 穀 夫

天王使家父來聘。 以 情 得之矣。 公告不能,而爲王謀 責,何也? 故「齊侯盟楚大夫」特無貶,「紀侯來朝」、 事,緣情以立義。 **管見:**此無貶乎? 重,以邀齊人之成。其所以爲紀謀者,亦 「天王使家 事没其心,不以義滅其情,中和之極 有可 原 而 父來聘」,皆薄 紀朝 於義則舛。 杜氏曰:「天子大夫、家氏、父字。」 魯 心有 曰:《春秋》因心以 請 婚於紀,將假 王 聖人 可 命 諒 責 以求 立 而 焉。 文褒貶,不 於 成於 事 其爲 王后 則 齊 也。 非 之 薄 見

> 謂《春秋》責相之意。其然? 輒述愚見,以俟談經者正 后事 伐鄭,夏仍叔之子來聘。 上下文,凡周之交魯,皆有其事。 情議過,故於「家父來聘」,從末 篡逆爲 魯故婚紀,將合謀以 後去國。 紀,而紀尚得延一綫之緒。至十七年,然 公會齊侯、紀 三年,公會紀侯、鄭伯 經》旨去不甚遠。 在春冬之間。 可責而 不可謂 侯 不棄,紀之小弱 盟于 非邀寵於王之力,而王 胡氏引虞舜賡歌 學者詳 舒 黄。 ii, 敗 其難。 之。 及是年 齊 齊 妍 師。 不其然乎? 未 其不 爲 細 能 減 可 認,庶 來 得 五年 焉。 恕。 嫌 七年 聘, 志於 魯之 詳 原 於 秋 爲 逆

祀也。」 夏五月,丁丑,烝。《公羊》:「譏 亟也。」《穀

蟄之時也。 管見:《月令》「孟冬之月,大飲 司馬獻禽祭烝,不於亥月 烝 M 此 於 閉

議

香事

也。

是冬,祭公來逆王后于紀。

+

爲

三行扶弱

抑强之義。

於是

使家父來

聘,

烝,辰月乃復烝,其爲非時,瀆禮甚矣。故子月。要之,皆爲冬祭。此年既以子月

秋,伐邾。陳氏曰:「桓師非君將、皆不言大夫。」

特起上文以見貶。

传之, 豈非以其小弱而侮之耶? 直書「伐**管見**。《公羊》謂:「焚咸丘爲邾邑。」此復

邾」,桓公果於虐小矣。

冬十月,雨雪。《公羊》:「記異也。」

「大夫無遂,此其言「遂」何? 使成乎我也。」祭公來,遂逆王后于紀。《左傳》:「禮也。」《公羊》:

黨援。非以大昏爲重,苟求成事而已。古子婚諸侯,諸侯相爲婚,大抵借婚姻以通事,遂如紀而逆后焉。是時,典禮不明,天事,遂如紀而逆后焉。是時,典禮不明,天

臣親逆之。 九嬪、二十七世婦、八十一 者,天子立后,以率六宫,其屬有三夫人、 使之輕。若然,大昏爲大,聖人何以示 胡氏謂「大夫可矣,何必三公」? 之,皆相 章事充之。 可? 後世,宋朝立后,六禮使命,以同平 子主六官。六官之長,以充六禮,有何不 夫三公往逆,於禮不爲失。 之慢也。行於「遂」者、祭公之疎也。從其 之「遂逆」,簡禮甚矣。 逆止於館。天子冕而親逆,有報期焉。 天子無敵,女家不敢當親逆之禮,故使大 名、納吉、納徵、請期、親逆,其別有六。 内治,以明章婦 遂」者,魯侯之過也。 也。 其在諸侯,或在王畿之内,皆 明朝以謹身、華蓋殿大學士充 重 順,故敬謹之至。 其 事,故以重臣 此譏在「遂」事。 聽其「遂」者,天子 御妻,聽天下之 后主六宫,天 任之重, 爲之使。 納采、問 此 若

六〇

乃以求魯爲本事,而逆后遂之,則失矣。之時,祭公銜命往迎,當往紀,不當求魯。逆乎? 竊考《經》文,媒議成於家父,來聘後來逆,乃爲近理。 豈有來使爲媒,便往訓?《公羊》曰:「成使乎我也。」既成而訓

惟王后書。《公羊》:「稱「紀季姜」何? 父母之於子,猶曰此年,紀季姜歸于京師。《左傳》:「凡諸侯之女行,

學者詳之。

《春秋》書「紀季姜」,亦是如此。 后,不書「后」,當如 古者,后妃其出 嫁于周。」又曰 管見:《詩》云: 師」、《經》文立義,全在此處。 王后于紀」,●書法亦當如此。 : 嫁時,稱國,稱姓,稱 「續女維莘,長子惟行。」 摯仲氏任,自彼殷 何書? 其 天王以 日「歸 周 時,王 前書「逆 商, 逆王 于 行。 京 來

> 者? 耀 立京 假天王之寵以扶宗國之危,穆内 之桓撥乎? 永巷脱簪以相王之中 此何師也? 騵彭彭而見其笄珈之鏗鏗。 子之京,六師在焉。 曰:「遂令天下父母心,不重生 也,覩此京之師 居其一。 京師」,此《詩》、《書》以前未發之文。 「師」字,筆在「京」下。不曰「王京」而 翟 褕 師 女子有行,遠父母兄弟,則 之紀。 而 檀車煌煌 賦《桃夭》,以爲宗 紀國有難,嬪女于京。 其將 也,其或鷄鳴 而見其珩瑀之鏘鏘 在此 武王 行 亂臣十人,邑姜 乎? 警枕 彼何人斯? 國之 則 其 男 白 之風 興 以 歸 豈 重 榮 乎? 居 助 此 生 易 以 Ŧ 京 觀 惟 天 駟 \Box

稱「京」。《詩》曰:「念彼周京。」聖人特創

[「]翟」,原脱,據乙本補。「逆」,乙本作「迎」。

母。」意此時之季姜爲其父母之心何如女。」意此時之季姜爲其父母之心何如女。」意此時之季姜爲其父母之心何如女。」意此時之季姜爲其父母之心何如女。」意此時之季姜爲其父母之心何如女。」意此時之季姜爲其父母之心何如

夏四月。

秋七月。

管見:天時自行,人事皆空。聖人之筆,

臂之于鐘,不叩不鳴,鐘在空中。

則是放命也。《尸子》曰:『夫已多乎道。』」有譏。』《穀梁》:「以待人父之道待人之子,世子可以已矣。朝,賓之上卿,禮也。」《公羊》:「此世子也,其言『朝』何?朝,賓之上卿,禮也。」《公羊》:「此世子也,其言『朝』何?

爲子。君在,斯爲臣。世子之禮,入而問管見:書「曹伯使」,責終生也。父在,斯

十年春,王正月。 若爲父者不使之爲愈也。吴王濞使太子 《尸子》曰:「夫已多乎道。」曹世子可已 曹、魯兄弟之國,是必老病,慮有故焉,將 侍漢,太子遂與景帝争博,卒有削吴之禍 乎? 曰:不可。然則若何而可? 可托,而使朝之,魯人以國君相朝之禮待 以其子托魯,而不知篡逆之不可托也。不 安、出而齒胄、監 以見《春秋》謹微之意,爲後世慮遠矣。 父心,下不廢子職,其殆 於君,以大夫來 則抗,以世子見天王之禮待則僭,或若締 也,况使之外交乎? 結以爲外援則亂。 聘,而 或 是乃賊之,非愛之也 撫 曹伯於是乎不父矣。 留身 兵,亦非 庶 乎? 侍 疾。 所 雖然,不 以安之 上不違 曰:請

● 上「之」,乙本無此字。

管見:此條,胡氏引 陳侯鮑」 爲斷,説 得是。

夏五月,葬曹桓 公。

無赦

之賊

其

比

削、

絀、流、

討

更

加

等。

E

不

能誅,猶於三年

人覲望之也。

桓

卒不

絀

,不從者流

,畔者討。

魯桓

弑

君

「、必誅

管見:禮,天子五年一巡,不敬

削

地,不

孝

正終生之卒也。」

管見 九年。 秋》,當隱元年。 五十四年見於《經》,當 桓 是年卒,世子射姑立 公,穆公子。 三十五年人《春 ,是爲莊公。

相

秋,公會 衛 侯 于桃 丘,弗遇。 《公羊》: 「其言

遇」何? 管見: 書「弗遇」, 惡在外也。 公不見要也。」 衛晉未 知 齊

數既

周

禍

福之循環無爽。

王巡能舉,善

惡之賞罰當明。

聖人標「王」於是年,如見

禮遇之,

則

五年

時巡、

命德、討罪之權

一,不

朝,王亦不問。

故三年以

後,見「春」不見

王」。至四年宰糾來聘,非惟不能誅,又

可復望。

至是

十年,在禮

爲

再巡之時。

天

不 鄭伯矜其世子忽救齊、伐戎之功,請 按《左氏》,齊餼 之怒魯,將爲會以 師伐魯。 遇。 然齊之怒魯,迫於鄭人之請 齊侯召衛侯會之,於是桃丘 諸 親 侯大夫,魯以 之。 弗遇者,畏 周 班 非 齊 後 於 期 鄭 也 直 齊 而

庚申 ,曹伯終生卒。 《穀梁》: 「桓無王,其曰『王』何? 己之去就,晉亦真小人哉!

乎?

王者

奉

天

以

IE

四

方,

聖經行

王以

詔

怒也。

衛

人

於魯,方其遇之也,惟恐

失之。

及其

畔

之

也,

惟

恐免之。

視

人之歡

嗔,爲

胡氏

以「弗

萬

世

皆

天

子

事

也

乎?

玉帛

圃

會

塗

山,魯侯其當

防

風之律

立矣。

干

戚

而

及

版

泉,魯侯其

當

蚩

尤尤之

憲

之奉天討

則天

時

行

矣,以之正

Ŧ

法

則

E

政

王之東

巡,陳

曲

阜之詩,問

魯侯之罪。

以

自我可之,自我否之,行而或尼之謂也,於爲迂詞。迂者,迂延之意。愚謂「弗」者,

義爲貶。

「內不言「戰」,元「戰」,乃敗也。」
即。《左傳》:「齊、衛、鄭來戰于郎,我有辭也。」《公羊》:
冬十有二月,丙午,齊侯、衛侯、鄭伯來戰于

婚以 師 ? 之間 正也。 爲首惡。 利執言。 齊,必不敢來戰。 以其罪,而 狗私之心,而爲鄭主兵。● 斯 管見:此鄭爲志而 公及」,曲直 `,禁暴之旨嚴矣。 固之,衛且將爲桃丘之會矣。不能 桓負大惡,鄭首會垂以定之,齊 鄭忽之伐戎功,私 直書「來戰 不 乃討 · 當 有 戰 所 非 而戦 共過。 魯雖 歸 主齊,魯 」, 雖 矣。 不當 戰敗,其寔三 也。 是役也,鄭 鄭 魯人之序周 來 爲首謀, 師也,謂之何 與戰 齊僖 而來,一 而 不勝其 或 非 不言 又通 而 班, 字 齊 得 不 正

曹。《左傳》:「齊、衛、鄭、宋盟于惡曹。」十有一年,春正月,齊人、衛人、鄭人盟

于惡

惡,意味相投。 莊左右,又於此盟可見。觀春秋之初,會盟 則宋寔黨魯,不從齊、鄭,而齊僖一生爲鄭 後,兢兢圖存,不與大交兵,亦不與小交言。 宋與諸侯無故。 或合,惟鄭終始不渝,死 侵伐之迹,兩奸相得 死後,柔即會宋 欲固齊歡,以 十年來戰,此年乃參盟焉。 至是十年,何故此番特地來盟? 下文,此時宋人必不與盟。 自 管見:按杜氏謂:「宋不書,《經》闕。」詳上 離魯好,故知必 他人不比他老奸,所以外合 于折,公亦爲夫鍾闞之會 他蓋懲與 最深。 而 是必鄭莊之謀 夷 他國於齊,或 後已。 無宋 數 桓二年 戦, 齊、衛、鄭 也。 小 入國以 -馮立 鄭莊 人同 離

「兵」,乙本作「矣」。

0

于蒲 鄭爲 故者詳之。 之交,盡于此矣。「人」之者,厭之也。 以來,其爲天下生事不少。 終不如愛鄭之深。 王伐 何? 其 中 く算計で 離 鄭,周 王 魯自 勢須 利 卿 害亦 衛之類 士,凡事 相依爲奸,不能相捨。 班 會 嬴 後鄭,殊太 深。 成 是 婚 便要假 而齊、鄭相愛,自入春秋 齊强 也。 ,0月謂 齊、鄭 東州,諸侯皆畏他 孟 命,他 惡曹之盟,兩奸 浪,故 與 非但交情 齊 人不敢 愛 相 衛自胥 魯、 得。 閲世 衛 密 命 誰 從

有寵於莊公,爲公娶鄧蔓,生昭公,故祭仲立之。」 夏五月,癸未,鄭伯寤生卒。《左傳》:「初, 管見: 甚矣! 鄭 莊 T 於謀 人 而 拙 祭仲足 於 謀

福禄,似出三子之上。」意欲捨忽立 且 家,智於慮弟 一人,忽、突、亹 悖也! 觀 其 丽 、儀 謂祭仲曰 愚於慮 ,皆有貴徵 子,何 [:「寡 其 人有子 胸 子 突。 中 突才智 之 昏 賴

> 非有 蠱 其弟 미 他日 若日 家,慮弟者慮子,遂至父子之間 暗箭以賊之。將以忽不堪負 祭仲之言 於 乃 以 私, 贵 南 夫睫 不善之積,天晦 誠心善道以安之,其至於相奪 納之之地。 吾 面 非 患 也 有 而 輕 鄭莊之智,其 鬩 得 者, 托? 造 止 牆 患 於馮,故以愛子托之, 乃 能 之禍 失。 是 出 見 既托之, 雖 突于宋, 千里之外, 其衷,故若是 ,莊寔啟 他以 以位與忽,而又伏 其 圃 乎? 是樹之争 所 荷耶? 之。 猶 挾術相 謀 面 以 其 人 爲 不 繼 由 相 者謀 人君 以爲 能 慣 其 或 則豈 争。 也 見 憒 心 望

父,觀此 其眸,然則 也。 此 亦知 所鑿 矣。

亂階。 秋七月,葬鄭 莊 公。 高氏日 不待五月而

是

生

0 嬴」,原誤作「贏」, 17

《公羊》:「古人之有權者,祭仲之權是也。」之,曰:「不立突,將死。」祭仲與宋人盟,以厲公歸而立之。」九月,宋人執鄭祭足。《左傳》:「宋莊公誘祭仲而執

公羊》:「古人之有權者,祭仲之權是也。」 托,爲 臣,鄰 人豈 既爲宋人所脅,當直辭正色,以死自誓,宋 怒宋必深,子突之惡名愈著,宋人其克納 以立突,未有其機。 國,名分已定,大臣 之庭,他豈容撫機 當之? 之罪也。 之,國人何故容 自外入國,不以 **管見:**此古今一大奇事。 人」。省留聘宋,一下大夫足矣,何必以 敢 國何 新君之輔,故當「夙 爲 已主立 大臣以 無名之殺? 故容易執 忽,而突乃居宋,宋 兵 易 身係 順 車,祭仲出諸 不發。 何故容易逐得? 子 顧 得? 得? 命大臣 國 使其殺之,國人之 夜匪 安危,受先君之 其見執,宜矣。 此 鄭忽以 祭仲, 皆 輕 解,以 祭 府 身 仲 鄭 中 世 人 人不測 或 方 事 糊 而 子 謀 身 塗 立 突 繼 大

> 之。 乎? 己, 既 能順 或 其所操,無言可執,其 國人曰:先君之命,不敢違也。 宋人既以不 握 突於國, 不明,執迷不悟,畏宋 以兵來争突,主客殊勢,能保必勝乎? 我戈矛, 譎,不敢從也。 又以 柄在 ,别作處分。突也,在吾掌中,當明示 非變生 伸縮 命則置之,縱有 借 手,逐 藏 ifij 繕 日 甲 由 肘 勸 我 : 義脅,我 己, 脅其國之大夫。 徒 城 腋 忽 其 非 君,立一 出奔。宋人以藏甲脅己, 圃 郭,以預 死 由 義之盟 無 (敢不 姑隱 邪心,則請 人 益,不 如神、置君 敢侵軼我乎? 乎哉? 去國 君。 備 忍 神神 不 聽從。 如 乎? 虞。 夫皆先君之 弗 留 忽 於 如弈。 夫 聽 也, 身 宋人之 宋 何 君 也 俟 就 羽 大臣 見 其 其 而 人 事 失 翼 果 修 突 於 歸 納 理 殺

●「其」,原誤作「不」,據乙本改。

子也,國人其敢不順乎? 此,而所以謀國,其輕率如彼也。《綱目》 之以存其命大夫,見仲之握權,其尊重如 仲於先,名突於後,不予仲之君突也。 遂併大事 而皆糊塗也。 \wedge 經》於其見執 是由 小事 糊 字 字 塗

旨矣。《公羊》曰:「賢 謂之「賢」,成何道理? 不絀其爵,乃所以重光之罪,得《春秋》之 於霍光廢昌邑,立宣帝,皆書「大將軍光」, 乎祭仲!」逐君 胡氏曰:「字仲 而 而

可相通。 臣,名忽以警後之爲人君。 忽之國; 則仲者,忽之臣也夫! 然繫「忽」於「鄭」,又以見鄭者, 各自立義,●不 然而仲

名忽者,語其變。」大抵字仲以警後之爲

之罪不可 掩 矣。

突歸 梁》:「「突」,賤之也。曰「歸」,易辭也 **管見:鄭非突國也,何以「歸」之?《公** 于 鄭。 《公羊》: 「突何以 名? 挈乎 祭仲也。」《穀

> 乎? 類淫 之,以耻姦賊之竊國,亦以戒人臣之賣國 駕予與歸。」然則突之歸 容,不既 爲安,然後宋人歸之,其爲贍脚,不 納非其君,以己爲治容之妓。是必 羊》曰「挈」、《穀梁》曰「易」,其 突也,入非其國,以身爲贍脚之童。 奔者之相 以立突自任,然後宋人釋之,其爲冶 多 乎? 與歸,其 《鄭詩》曰:「叔兮伯兮, 易 也,仲兮駕之,殆 如 此。 、論甚 聖人賤 當。 以從仲 仲也 - 既緊 夫

其爲世教,淵乎微哉!

人

也,辭無所貽。」《穀梁》:「其名,失國也。」

鄭忽出奔衛。

《公羊》:「忽何以名?

《春秋

》伯、子、男

此據《小序》而云,朱子已辨其不然。 蘇》、《蘀兮》、《狡童》四章,以 管見: 胡傳 引《詩 • 有 女同車》、《 爲刺忽之詩 山 有扶 觀忽

0 「義」。 原無,據乙本補。 ÷.

辨戎性 爲人,安見其狡之可 貪輕, 諫 止 莊 何等見 公不授高渠彌 識 目 也。 固 其伐 却 正 齊 卿, Щ 媒 ",何 戎,論 何等 等

明敏 氣概 他非碌碌不做事底人。 所以 至於

失國,非其罪也。 一人。不意其 不能 他所倚爲心膂,惟祭仲 自持 ,爲宋人所奪。 變

尋爲奸臣所弒。蓋緣小人多埋怨他,故及 出不測,不免狼 須出. 奔。 後來既 出 復歸,

於難。 然亦莊公不善之積,貽累後人。

乃聖人不忍絶之。 經》於「奔 衛」猶繫以 意若夫失國而 「鄭」, 則 或 其 名,法當 或 也

如此。 聖人以戒爲君當戰兢保取盈成,不

日 至以此名爲玷,則不獨忽爲然也。《公羊》 「伯、子、男一也」,説得穿鑿 無意義。

穀梁》説可從。

何? 柔會宋公、陳侯、蔡叔盟于折。《穀梁》:「「柔」者 吾大夫之未命者也。」

> 見。《易》曰「 駭」、「暈」一例,而大夫執 大夫莅之, 抗甚 陳、蔡素不睦鄭,故亦與盟。魯爲主,而 立突,幸鄭國多故,亟與宋結好以 不予其會諸 管見:柔,公子也。 侯也。 履 矣。 霜,堅冰至」,聖人豈 魯桓 。《經》目其 其 不 有 國之漸,於此 憾於忽,聞宋人 稱「公子」何? 名,與 樹 「無 無 使 口

意夫!

公會宋公于夫鍾。

管見 爲鄭故也。 宋既 納突,責賂於鄭

數。於是夫鍾之會,欲樹德於突也。宋公 祭仲難之。 突通使於 魯,求魯侯主 一減 其

不從。

管見:鄭請不已也。

冬十有二月,公會宋公于闞

十有二年,春正月。

夏六月,壬寅,公會杞侯、莒子盟 于曲 池。 《 左

傳》:「平杞、莒也。」

管見:隱四年,莒人伐杞,取牟婁。至是

始平也。

秋七月,丁亥,公會宋公、燕人盟于穀丘。杜

氏曰:「燕人,南燕大夫。」

管見:此燕人《春秋》之始。燕、魯絶遠,

侯約宋公爲穀丘之會,爲鄭請平。於是宋此其盟何? 燕來朝于宋,求成于齊。魯

公以燕大夫偕盟。宋志,非魯志也。

八月壬辰,陳侯躍卒。

管見:是爲厲公。弟莊公林立。不葬,魯

不會也。

公會宋公于虚。

冬十有一月,公會宋公于龜。

管見:桓二年,魯、鄭成宋亂。 魯受郜鼎

數,魯侯爲之請焉,蓋二年五會矣。宋公鄭受商彝。於是鄭人以商彝歸宋,求减賂

怒突負約,弗果會。公遂與鄭伯爲武父之

丙戌,公會鄭伯盟于武父。《左傳》:「宋公辭平,故盟,謀伐宋。

與鄭伯盟。」

歡,以全交也。」宋莊貴賂於鄭,不依約不管見:子曰:「君子不盡人之忠,不竭人之

借,可謂「竭歡」矣。二國之叛,宋寔促之。止,可謂「盡忠」矣。魯人五請,無分毫假

餌。鄭厲以穿窬得國,乃急於面。及締奸然魯桓無誠信結鄰,故欲以口舌奪貪夫之

賊之交,彼以不義施,此以不義報。彼以

無德疎,此以無德親。要之,皆小人之徒敗之爻 彼以不靠辦 战以

故於屢盟數會,不厭書之,「不惡而嚴」之

也。

聖人傷世道之愈

趨,慨人情之愈薄。

旨也。

丙戌,衛侯晉卒。《穀梁》:「再稱日,决日義也。」

管見。《春秋》無生名。

生名者,失國之

六八

言「師敗績」?

内不言戰。

言戰,乃敗也。」《穀梁》:「不言

與鄭戰」

耻不和

十有二月,及鄭師

伐宋。

丁未,

戰于宋。

《左

「遂出師而伐

宋、戰焉。

宋無信也。」《公羊》:

「何以不

事 也。 時整 斁,未有甚於此者。 伯,與禄父又整然兩 命,翁命婿也。 其名,當是有深 衛之人倫,傷周之風 十九年諸侯,既已化爲殘煙敗 唾駡之。晉見於隱四年,没於桓十二年。 曰:「晉之名,惡也 新臺》,蓋 翁之道似覺娬娟。 于郎之戰,婿從翁以伐婿 一然爲 也 得 兩親 有人心者,未 國, 桃丘 翁,繼而 意 丽 在。 一。」信然! 生名之。 箇 期會,將 化、惡名無窮。 晉死後,宣姜 日親翁。 按晉於齊 爲翁 有不欲 觀 婿。 兩婿 也。 聖《經》兩 古來彝 草,而 於《詩 指其 禄父, 于蒲 而 歸 是晉於 先儒 其滅 名 倫 爲 于 学之 攸 昭 好 胥 初 書 丽

者乎? 敗? 未安。 羊》曰「戰乃敗」、《穀梁》曰「耻不和」,義皆 魯之罪彰,薄責於宋而 驅兵臨 不能自我以好弭仇,而 加兵於鄭 **貪賂**,不能以義止之,則亦已矣。宋於魯 不言「公」,耻之也。 以「戰于宋」爲文、惡魯、鄭之憤 無仇也,於鄭 曰「及鄭 魯、鄭終合爲 下文公即與鄭戰 城、肆行攻殺、不義又不仁焉。 師 而鄭來求救, -, 日 有 「戰于宋」,歸首於鄭 德 也。 其 一黨,安得謂之不 徒助 爲 齊、宋,是役安見其 以 後鄭之惡著。 爲可耻何? 兵 魯 人以怨報 應之則善矣。 桓者,待宋人 兵 也 《公 宋 而 書 和 後 人 諱

管見:此魯、鄭

與

宋

戰

互互

有

勝

負

也

其

師、燕師敗績。《左傳》:「宋多責賂於鄭,故以紀、魯及及齊侯、宋公、衛侯、燕人戰。齊師、宋師、衛十有三年,春二月,公會紀侯、鄭伯。己巳,

「曷爲後日? 恃外也。得紀侯、鄭伯,然後能爲日也。」《穀齊、宋、衛、燕戰。不書所戰,後也。鄭人請修好。」《公羊》:

「其不地於紀

也。」

取其 外主。 齊侯 國。 鄭始 老。 即 故 國 襲之,不克。 魯之與。 求救於魯,公乃會鄭伯赴之。 管見:宋公怨魯、鄭伐,請於齊 故皆 八爲 交戦 位 地, 紀實無 方以 卒 齊 與魯合,故爲紀出力。宋始 急 魯、鄭 之日 以 出 是直在 以 於 寡 衛 力。 衛 附 師 勝衆, 國 罪,近 也。 者, 至 應紀、宋、衛、 從。 齊。 衛 圖 紀 是 齊 是役也、紀爲 紀,宋公以燕 侯 而 以 何也? 燕伯 齊 救 之與。 朔者,齊侯之外 曲 兵臨 【其罪。 紀 在 者 方 齊矣。 之。 求 師 燕者, 燕從 國,敵 於宋,以 直 桓二年, 師從。 志 日後者,七 爲壯 内主,齊 師 齊。 在 公急紀之 宋 與 以 紀 滅 曲 孫 齊 之 紀 伐 紀 齊 者 成 或 合, 與。 新 鄭 爲 謀 爲 四 於 侯 m

> 城,其 能 以成,成亦不能爲久。 直辭 此 難 齊於紀,蓄必取之心。 之名,豈非 克不在衆也。或曰:紀國區 之義也。 雖齊、紀爲敵、《經》特序公爲首,予其急 曰:「長子出師,弟子輿尸,貞凶。」夫能 以以 庇。 不在兵之多寡,而 使其效死以守,守亦不能爲固 以爲長子,弟子 鄭 可束手 下告 兵來 四國 魯人促其 方伯, 於是 而 稱 待 「師」,見其以衆取 伯 斃 四 雖衆,亦奚以爲? 乎? 統 在 亡乎? 或 上訴 紀於齊, 猶 理 氣 未 之 餒 求 天王,天 品 興。 曲 救 日 直。 有 而 : 於 戰 敵 不敵之 有 敗 不 魯, 丽 屈 兵 E 勝 敗 宜 臨 不 難 故 敵 師

氣奪 以 圃 勝 勝苟 焉。 亦當 安爲 因 爲紀伸大 此 口 固 恃。 城 繕 義。 魯既 兵, 爲 以 爲 E 自 紀 强之 后之宗 戰 勝 策,不 四 或 國

也。

戰

而

勝,幸

也,亦理也。

理

有

可

·勝,幸

犯諸侯之怒乎? 不此之謀,一戰而勝,各其敢以九世之讐爲可托,方天子之命,以深,自省有疾,以己揣彼,亦無必勝之道。告於諸侯,爲之戍以衛之。 齊人蓄怨雖

自亡,而亦魯之不善爲紀謀也,非此戰之黄之會以平之,計亦末矣。紀之亡,乃其弛所圖。及齊養鋭既久,再圖報復,乃爲

夫可以地,可以不地。「後戰」、「後日」、知善後則可,罪紀之輕與齊戰則不可。若「會」、書「及」、書「戰」、書「敗」。觀之。 惜紀之不罪也。聖人示人以自强之意,當於書法書

「恃外」、「從外」,將《經》旨鑿得零碎,何若

是其紛紛乎?

三月,葬衛宣公。

管見: 魯桓葬衛宣公者, 怒不在衛也。

夏,大水。

管見: 元年秋,大水。三年秋,九月,夫人

寒,故雖東風解凍,猶可藏冰。

魯國

地煖

隱然有觀「闞」屯「字」之形。陰盛之災,其會盟戰伐,自以爲得意,而艷妻煽處於内,春,公與夫人姜氏如齊。桓公馳騖於外,姜氏至自齊。十三年夏,大水。十八年

應匪偶然也。

「春會于曹,曹人致餼,禮也。」十有四年,春正月,公會鄭伯于曹。《左傳》:

地主,二國往焉,欲益黨也。 厲畏宋人修怨,急會公謀之,乃以曹伯爲年,魯侯乃即其地爲會。曹、魯相睦久,鄭

管見。《月令》:「孟冬之月,水始冰。」「仲無冰。《公羊》:「何以書?記異也。』《穀梁》:「時燠也。」

生於亥,堅於子,取於丑,藏於寅。邠國地日,鑿冰冲冲。三之日,納于凌陰。」是冰冬之月,冰益壯。」而《詩・邠風》:「二之

必 恒 冬行夏令,愆陽之咎也。 燠若。」周衰, 取 於子, 藏 於 法度縱 H., 此 弛, 當有此 則 《洪 子月 範》 無 日 冰 異。 可 豫, 取

夏五

之,謹天變也

周公踐 胡氏爲是。 管見"按:杜 ·夏五」非首時,意者聖《經》傳疑 祚, 王 後世不明傳疑之義,故《禮記 一莽用 氏謂:「不 之以篡漢。 書月,闕文。」 談經者,其 也。 當從 然

鄭伯 曹之會。《穀粱》:「前定之盟不日。」 使其弟語 來盟。《左傳》:「鄭子人來尋盟, 且修

無

荷

乎哉

嚴。 若兄 朝」、 孝恭,而使習於機械,豈必得文王爲子、周 管見: 也。 鄭使弟語來盟」,皆書「使」,責其 齊 聖《 使弟. 常人之情 經》之旨, 年來 聘」、「曹使 ,利見于可 其於待子 世 欲。 子射 弟 之道 不教 姑 之 父 來 極

> 之而 此。 歸來 邪心 自見矣。 義。 曰: 本澄源,防微杜漸,聖人爲萬 以有尺布斗粟之謡;博望 其子,仁兄不能愛其弟。 况 安必 公爲弟? 會,而大夫 父兄於先,而名子弟於後,以 人之情乎? 蔡叔盟 書「柔 妄念,一 無 故《經》於朝 望思之臺。子弟而 成聲; 覬 覦 彼其 蒞 會 于折 莫平於水,風盪 期望之心? 有 盟,介 宋 使其交際既 見父兄 以 何 公、 聘盟 觸 弟與焉,不待 得 陳 動 會, 無 侯、 有 之,雖慈父不能 貶 使 莫 安 凡使子 淮南會八公,所 通 蔡 ? 廣,関 一之而 介静 富 外交,其 賓客,所以 是爲貶,乃 叔 世慮 日 尊榮 於 」,二公在 . 弟, 貶 熟 成波,而 Ш 也。 此别 絶,義 之地 世 弊 必 途, 立 或 庇 目

之所藏也。」 秋八月,壬申,御廪災。《公羊》: 御廪者何?

御也。 《易》「御天」之義,乃至尊之稱,先公之所 爲能 其惧災慮變,因而止役。 火。災之爲變,大於火。其不復新之,乃 焉,故謹書。 然則廪而 躬耕 管見: 饗 所 後世 親 藏 廪何 非 以 ·稱「御容」、「御集」,意亦如此。 廟也,災何以書? 奉祖考,故 響親之孝,於是乎在,而 以 或曰:災者,天災。 謂 之御 ? 日 安知非君膳之廪 一御 莫尊 廪 乎宗 禮,惟孝子 0 火者,人 蓋 廟, 有災 昉 於 君

御之所 於祖宗何與? 不書泮宫之意。 見。 乎? 新不 日 時 ·書,此 觀 臣建議 於 宋景靈宫災,乃奉真宗神 非 下文書「嘗」,其爲 且天之降災,其責在 可 停修,以答天譴,不 與宫室營造 爲 廟 比,亦 廪 君, 明 可

廪災,不如勿嘗而已矣。」《穀梁》:「志不敬也。」 乙亥,當。 《左傳》:「書不害也。」《公羊》:「猶嘗乎? 御

春秋》之義也

胥至 者。 周禮 天,諸侯不得郊。 不明,諸 此所以深 是故之宋而 夏道,是故之杞而 管見:子曰 何禮之不備? 天下,諸侯有 義,治國 此。 其無文無獻,蓋不足道。不意魯亦 禮 其 侯率意妄行,有僭 夫尊者同尊,親 莫大乎郊、社 有望 如 : 不足徵也。 示 主於魯 國。 明 諸 何時之不可? 薦其時食,則天子、諸 乎郊、社之禮, 掌乎?」又曰 不足徵也。 也。 陳 其 、禘、當。 文獻不足,故也。」 魯先聖之後,猶秉 犧 者 牲 同 E 列 親。 一禮、失 欲 :「我欲觀 當時 然天子郊 禘、 觀殷道 其鼎俎 天子有 嘗之 時 典 侯 淪 禮 制

當薦 已言之,而有不勝言,故於非時 國之道在是矣。 教人忠, 不敢越分。 而 薦 奉乎時 瀆祖 分不得 也。 圃 魯之郊、禘失禮、聖人固 不過,所以教人孝。 郊而 守其分 郊,褻天也。 而 瀆禮,乃志 不 渝 所 時 治 以

帝,亦 《公羊》之論爲合。 社 禘之爲言帝 嘗、烝配 諸侯不得 得祭否? 天不在焉。 親祭。《公羊》:「春曰『祠』,夏曰『礿』,秋 言二時祭天,二時祭親,不 郊, 電 其失,以 不可考證。 與 夏禘,秋嘗,冬烝。」先 日 春 祭,諸 、夏至祭地於北郊之方澤,乃爲僭爾。 『嘗』,冬日『烝』。」是言四 1秋》所 非 見 是續天經於既紊,存萬世之大防, 郊、雩,不經甚矣。 諸 侯 祠、禘、當、烝之祭, 而 爲 觀夫子以「禘」 當 侯 考之《禮 雩,始 竊意郊禮祭天,諸侯不得行。 也, 作 有 所 也。 此 得 E 第不知此 禮。 用。 殺 者祀其 \sim • 丽 儒 左氏》 嘗,閉 惟 但大雩 王 「禘」讀爲 對 零 制 應《春 始 **《曲** 謂:「啟 爲旱祭,社 時祭親,而 \forall 四時祭,諸侯 祖 而《左氏 郊」言,似 蟄 日 帝 所 禮》散亡, 而 秋》 用 「礿」,則 「春 自 烝 盛 出 便 蟄 》以 祠 爲 之 祭 闕 是 丽 亦 至 冬十有二月,丁巳,齊侯禄父卒。

諸侯。 從。 諸侯 必非 於四 嘗,非僭也。 大意郊、稀爲天子禮、社、嘗則 祭爲夏祭耳。 當行之禮。 時之祭,當無 訓 時祭,而《公羊》祠、 輒 「礿」作「禘」,似 述淺意,以俟博洽君 其失在不易災之餘,與以秋 《傳》曰 《王制》出 禘名。 「禘、嘗」,乃互言之。 爲牽合。 礿、嘗、烝之説,乃 一於漢 褅 爲 子 達 天子 祫祭, 儒,恐不可 然則 Œ 乎天子、 魯之

賊,凡 隱爲 不得 管見:竊謂春秋之初 迹 欲詐爲 更 其死 傲 事 無 賊 君 四 讓 則 明 子 賊 人先著; ; 之比 欺天子。 傲比三 衛宣 一爲 罪 譬之夜 鄭 淫 有四 爲深。 今亡盡 莊 賊 大塊 爲 賊 不可 奸 矣。 其 賊 齊 他 彝 長晦 僖 碌碌 然惟 小 倫 爲 而 狡 隱 四 魯

迷,亦世道升降之一小機會也。 賊盡而桓、文出,明得陰翳,人眼不至甚

書》曰:「受爲逋逃主,萃淵藪。」行

非

E

者可? 行其意也。《殷梁》:「以一者,不以也。」「報宋之戰也。以太宮之椽歸爲盧門之椽。」《公羊》:「「以」宋人以齊人、蔡人、衛人、陳人伐鄭。《左傳》:

者何? 行其意也。」《穀梁》:「「以」者,不以也。」 之,與 國,請 主,四 棼。 非 志 賄? 兵,毁人郊廟 强,則宋人爲雇役; 管見。「以」之者何? 何也已。是役 師從,受宋公指揮。 奉 ,則諸國爲傭夫。 惟 詞伐罪之「以」也。 宋人以鄭 師 或 四國之大夫同。 利 以報宋之役。 惟 是 命 比則爲貪兵,因怨而伐 則爲 也、宋公自將、《經》特「人」 是 人所 聽,賄寔迷之。 驕兵,世降至此,亦末之 己不 己本無是志而 此乃假借之「以」,而 賂未滿之數分賂 賄以之也。 於是 王者不作,天下泯 能 一人而以四人, 自 四 强 或 大 而 何以 宋非 則 假 夫 行人之 爲 人 各 伯 憤 爲 爲 以 四

> 兆。 伐鄭爲之兆。其爲禍先戎首 也。若鄭厲以不義受伐,又何足怪。而 之家法歟?「人」之、「以」之、甚疾之辭 無所逃其罪矣。 變之推移,因是亦可考焉。 令諸侯,則隱 命,伐非 「以」之者,逃之主也。 其 搜諸侯以伐諸侯,則 伯 討,而 十年齊、魯、鄭 群 聚 爲惡,則逃之淵 宋公馮,其商 伯者 此 會 鄭 年 于 挾 宋 中 莊 丘 以 天子以 、宋莊 王受 四 爲 也 之 世

諸侯不貢車服,天子不私求財。」《公羊》:「求車,非禮也。」 賦不 有五年,春二月,天王使家父來求 此 管見: 周遷東京,王畿不滿千里之地。 所求,必兵車也。 給,求於諸 侯,觀 若夫玉賂鸞賂,●天府 於 魯 則 他 車。 或 《左傳》 可 知。 車

■ 二「賂」字,疑誤,似應作「輅」。

不能匡 事? 此又來 無 以 法討 所 無所用之,則示諸侯以不武。 四方,收之武庫,徒爲兵實之美觀哉! 何 亦太懣矣。 所 所事而求之,則教天下以不廉。 振 有,當不至有 用? E 其篡逆,使天下知王之「赫 則侯國兵車,皆王之兵車,豈必索之 綱 求,于然而不知 王之闕,前年衘命來聘,慣往賊庭, 而平邦國,誰敢不索敝 伐鄭無功,棄紀 使能 求。 : 奮發有爲,以司馬九伐之 第不知 耻 不救,王之武 可見世 桓王求 家父,世臣, 賦 斯 怒」也 臣 求之而 以從王 車 階 今 亂 德 將

之由。

書「使」,書氏,書字,不異其文,交

夏四月,己巳,葬齊僖公。

公子。 日 聖人之世已遠矣,當是其所傳聞爾。 於 何 **管見**。《詩》云「歸 掩得? 信《經》。 也」,則 存,以及其没 女之嫁他國 亂 不書? 何以. 且此事「莫見乎隱」,人之耳目 則 當時詩人其肯已乎?《公羊》去 桓 《詩》 知其 歸 公固 日 寧、歸 也者。 : 而 曰「展我甥兮」,則莊 己 無亂? 葬,豈無 安知其 疑之。 寧」、「歸唁」,皆言諸 唁,禮也,亦不 文姜歸 《傳》曰「同非吾子 無? 日 如 : 魯,當 齊 信《傳》 但 乎? 歸 齊 公寔 而 必書。 《經》 信之 不如 不及 須以 如 何 桓 侯

使雍糾殺之。雍姬以告,祭仲殺雍糾,厲公出奔蔡。」五月,鄭伯突出奔蔡。《左傳》:「祭仲專,鄭伯患之,「子同生」爲案。

約而伐宋。巧計脅仲,又患專而謀仲。背管見:鄭突可謂負心人。甘言賂宋,即背

天下。 逐,幾 於「伐」,以懲貪暴。 獸? 乃三人已往之心不可療,而萬 頓。凡爲後世正人心,乃聖人之苦心也。 忽納突,逐突納 辭色,曾無愧耻,宋馮亦可謂没心人。 以責突則可,而爲宋之鄰與 來之心猶可醫。 人。此三心者行乎天下,人類幾 生以己之得喪爲 即爲所伐,且 教人奪兄,責以必不 不 字仲於「執」,以伐柔奸。● 保 其 身。 忽,如弄嬰兒,曾無 聖《經》立一討罪案,以 辱及其祖。 負 廢立 心亦 名突於「奔」,以警 何 ,祭仲亦謂喪 可償之賂,形諸 爲仲之君 益 謀仲, 哉? 何 「人」宋 不 即 雖 留 世 爲 亦 爲 難 然 逐 將 難 頑 省 禽 心 所

管見:復者,忽之位,國者,忽之國。其 管見:復者,反其初之謂。於是祭仲復 正也。」

鄭世子忽復歸于鄭。《公羊》:「其稱「世子」何?

復

予其爵 得謚 罪。或曰:此固然矣。 以「世子」稱 者,賤其 時皆貴弟而賤兄。 究也,兄亡而弟存,弟能君 他國大異。 終於君。 世子」。 爲「昭」。當時諸侯見弑甚多,何以 而獨 無位。 故以「伯」貴忽,不若以「世子」貴 以其 明世 弟 奪 何也? 忽乎? 人 世 嫡之正,以 若聖人,又以 ௱ 子重於君,故 兄出,弟 貴者,貴其 後三年,忽見 日 : 而不貴倫,貴利 忽雖不保其位,終 見庶 忽、突事 圃 出 位 兄 不 而 貴 有 兄人。 孽 君之 不 奪嫡之 忽 位 能 (弑,不 體 而 而 ; 比 賤 其 得 後 而 稱

弑,不幸也。於他身上,彝倫何常斁? 聖世教,而南面稱「孤」不與焉。若夫忽之忽之爲貴也。此義也,聖人以扶天常,立不貴義。故以「伯」貴忽,不若以「世子」貴爲可貴,是教天下貴位而不貴倫,貴利而爲可貴,是教天下貴位而不貴倫,貴利而

● 「伐」,乙本作「罰」。

書「世子忽」之義。 唐之弘賢,明之懿文, 帝不追 人 反卑太子之號,崇以皇帝之稱,其悖經傷 豊 爲 一帝 是 其 而 祖 奪之乎? . 止 稱「戾太子」,得《春 漢時 猶 知 此 意 宣 秋

似

也? 許 叔 其歸之道,非所以歸也。」 人于許。《穀梁》:「莫宜乎許叔。 其曰「人」,何

理亦甚

矣。

於衛 失國 然則 以 衛 以 其「人」之,何也? 在也,人而有之,毋乃據乎? 入許,使居 管見:此 國復之,可 謂之逆? ,何得謚爲「莊」? 何以 而 出 歸之, 奔 、許叔、 許 知其許男在 許東 曰 : 及其終,謚之如 也。 叔復之,復之而 新臣 偏,至是 許男奔衛,使其 許非許叔 自 有其國,豈非 也。 此必許叔既復國,請 ? 乘 隱 使其 鄭 十一年, 所有,許男固 有其 此 猶 逆之辭也 亂 在 丽 寓 幸兄之 既 國。 许 鄭伯 歸 死 許。 男 于 則 何

> 通好 無望 字之。按胡 天王 失位 欽宗乃曰:「願得歸爲太乙宫主足矣,[●]他 宋高宗請道君梓宫,不請淵聖,金人耻之。 兄弟之間 爲易,「人」者爲 作逆詞看。 弟、各盡其道、《春秋》 「人」便不難,難便不「入」。凡「入」者,當 叔何以 納 順 於 乜先,不請 而遜之,如 丽 之,歸,竟 而己得之乎? 九 不名? 理則逆。 哥也。」宋人竟不 孰 「復」者,當作 氏於許 不 幽 Œ ·以位 難。 曰 : 何? 然則 之南宫。 統,蒙古 荷此義 叔 猶賢 爲 故許叔之「人」,其 許男終不受國,請 曰 : 미 티 : 利? 無 順 於 小王子惡之,以 作矣。 果然,君臣、兄 請 不明 詞看。「歸」者 「難 分争而 噫 ! 以災爲幸? 辭。」竊 ,則父子、 人者 然則 明景 聖 於 故

0 「爲」,原脱,據乙本補

兵

不如諸夏之亡。」此《春秋》所爲作歟?傳,人心陷於利欲。子曰:「夷狄之有君,

公會齊侯于艾。《左傳》:「謀定許也。」

邪之戒。若夫定許之謀,本非爲蓋 會,不過貪許之功,假仁實利,夫何足取! 乍忽,止 之亂,繼 邪,好惡私 道行則人心正,好惡公。 **管見:**《書》曰:「遵王之路,無好無惡。」王 紀之戰,齊遂敗於魯。及其好也,成於 而爲親? 何所惡而爲仇? 爲 而 方其惡也,促於鄭之唆,繼 加 亂 有櫟之會,魯遂困於齊。 親仇亂矣。于郎之戰,齊、魯 階。 于艾之會,齊、魯何所好 聖人原始要終,以 王道泯 則人心 親 愆 爲 而 仇 鄭 加 私 有

管見:皆近魯之小國。此旅見,故賤而

夷狄之也。」

邾人、牟人、葛人來朝。《公羊》:「皆何以稱「人」?

檀伯,而遂居櫟。」 秋九月,鄭伯突入于櫟。《左傳》:「鄭伯因櫟

人殺

鄭。 既久,俛首於齊,因傅瑕以賊子儀,乃得 莫有肯致之者,可見人心之不與矣。 序,凡事都歸罪於忽。朱子曰:「最是鄭 忽死而亹立,亹死而儀立,翱翔櫟都,國人 因崇卑以 以戒居正之不能保。」此其説祖於《詩》小 家氏曰:「魯史崇突而卑忽,《春秋》因之, 儀三君而後得鄭。 人,殺守臣以據其邑,求諸侯以爲之謀 在於伯鄭,不伯不止。 忽可憐。」論極平正。聖人筆削魯史,豈其 管見: 突已出奔,此年入于櫟,更忽、亹 則凡居櫟之年,顯然爲鄭國之賊。 爲戒、漏突而冤 其以「伯」繫之,何也? 既 以 忽哉? 伯出,又以伯 突之志 居櫟 使

何足爲志? 惟其據櫟,而遂得鄭,成其爲其終不有鄭,寂然無聞,則亦亹、儀等耳,

萬國之誅。故曰:《春秋》,天子事也。天之賍也。得其賍,而突盗國之罪,無所逃伯。譬之盗者,有物以爲賍。突之伯,盗

夫然而亂臣賊子萬世不漏。若夫忽之終筆有萬變,以萬變之筆法,律萬變之人心。子之法有九伐,而九伐行於一時。聖人之萬國之誅。故曰:《春秋》,天子事也。天

閔難之意,止當於「世子忽」三字觀之。 胡局,雖不《經》見,亦不必贅見。● 聖人恤孤

氏

論强都之害,此《春秋》小小節目。

鄭。《左傳》:「將納厲公也,弗克而還。」《穀梁》:「地而後冬十有一月,公會宋公、衛侯、陳侯于襄,伐

伐,疑辭也。」

國,舊怨即 侯。 疑也,疑則不會。 管見:會于袲者,取齊於其 復國之勢,故又貪其重賂,欣然爲之主兵。 宋馮初意,不 平。 突 據 料突遽出奔。 鄭突急於入國,行 强 都 壓新 地 也,非 鄭 及聞 ,赫然有 其失 賂 有 所 諸

> 明,其他可以無辨。 於爲不義,乃在不疑而後爲耶? 上,以見鄭之爲忽,櫟之爲突,順逆較然分 交際而云然耳。 是爲袲之會以謀之耳,豈真疑於爲義而果 突,使傅瑕嚴戍大陵。 諸侯惟貨是比,如谷 獨陳侯疑之。」蓋於《經》、《傳》不見陳、鄭 此《經》旨全在 應響。 諸 國 知 是 鄭 使 「伐鄭」字 張氏曰 有備,於 祭足 患

曹。孫氏曰:「未能納突,故復會。」十有六年,春正月,公會宋公、蔡侯、衛侯干

「突善事諸侯,故皆爲之致力。」 夏,公會宋公、衛侯、陳侯、蔡侯伐鄭。 程子曰:

即欲伐突,方有事于紀,不果行,突乃會齊,何也?忽有功於齊。出奔之初,齊僖齊,此諸侯爲納突之會三次矣,獨無

❶ 「見」,乙本無。

歸,則 而諸 難 亦必無高渠彌之禍。 亦有力不著處。 時諸國力爲突謀,皆不克,可見理之所在 丽 **袲之會,宋公上公,有齊侯,誤矣。** 立 ,而聲突奪嫡之罪,諸侯誰敢黨他? 紀 侯 亹,齊人殺 齊 敗 同惡,齊獨不 之志 齊 師 也。 故 亹及渠彌,其事 使齊人能 齊之怨突深, 忽 立 ·與,此事差有可 惜乎其不然也。 三年, 明大義,爲忽定 高 可見。 ൬ 渠 彌 忽之復 弑 然 忽 當 之

秋七月,公至自伐鄭。

危其黨逆。 **管見:**盟唐「至」,危其即戎。 伐鄭「至」,

冬,城向。 《左傳》: 「時 也。

既 志》,向在莒州南,近魯之國。十二年,公 管見:隱二年,莒人 向,我邑。」此據是年「城向」爲文。 平莒、杞。 此或爲向築城,未必魯邑也 入向。 《穀 梁》 按《圖 日

公子職立黔牟、惠公奔齊。」

十有

一月,衛侯朔出

奔

齊。

左傳》

「左公子洩、右

亦當 伐鄭。 就。 朔,歸之于周,治其殺兄攘位之罪。 《傳》謂「見使守衛朔」,意必天王使 疾,自稱「負兹舍」。」乃天子召朔,托疾 朔乃奔齊。按《公羊》稱:「見使守衛朔 黔牟而請 謂:「天子召而 者,急、壽之黨。 舍」,不即 圃 殺兄急子,壽亦及焉,於 管見:"衛侯朔者,宣姜所出也。 不能使衛 詳《經》文,夏四月,魯、宋、衛、陳、蔡 反 七年,魯侯至 國, 罪 命於周。 其 耳。」其文義 小衆,越在 或 不往。」李氏引禮:「諸侯 會朔伐鄭未至 己 周 立黔 則 莊 岱陰,齊屬,「負兹 是 不可 Ŧ 是 伐鄭 牟,故 壻黔牟,許之, 得 曉。 無 乃 立。 與其母 遂 功 《穀梁 羈守衛 立急弟 出 洩、 衛 乃因 奔。 不 譖 侯 有 職

之屬邑,隱負於兹邑之舍,不肯即伏其罪。 雜者多,天王不能使,朔遂得越走岱陰,乃齊 謀其既奔而有是命,●而衛之群小衆人,黨朔 以

守衛之,告朔召之而發小衆不能使行。朔漢禮遂祖此説,以爲有疾之稱,非天子使

之也。《公羊》辭不達意。漢時最愛《公羊走在齊地,托疾不往,以是爲罪,國人遂逐

子。 此 春秋 征 凡若此類,不可以傅 匈 取用 奴。 其字。 「立子以貴」,光 如「九世 會。 「復讐」,武 武 苟謂 以 此 召 廢 帝以 太 不

往即 在 尤 姑 奔 齊 息 欲討之,周時未 之後。 ,豈有 不 蓋 赴召 蓄慢王之心,托 必如 便走之理? 此。 况東 於齊, 遷 此 事 事 體 冀 當

復其國,則朔罪已不容誅矣。

管見:公欲以納朔爲功,故爲黄之盟,求

于黄。《左傳》:

「平齊

、杞,且謀衛故也

有七

年,春

正

月,丙

辰,公會齊

侯、杞

侯

盟

同,不 豫防。 借日 謀。 以釋杞之憾。 : 而 相 以 及事 杞之命制於齊,魯人不能 爲謀」,况於力不同 此 易 勢 然朔 彼,盍以己量人? 垂 危,乃欲托要盟 雖 無魯,齊 乎? 人 可 爲之思患 以 夫「道不 魯 自 水龍 桓之 爲之

之盟也。」二月,丙午,公會邾儀父盟于趡。《左傳》:

蔑

志昏矣。

謂盪 之以 乍親 南可 舟,放轡之馬。 管見: 春秋之 而未嘗逆流,循理故 乍讐, 北, 理 舟 ; 泛 而 盟 馬 忽喜 未 會 之不若矣。 始 非 初,會盟侵伐,可 然舟 忽怒,侵伐 不 其信,則不 諳 丽 程,順 也。 不繫,則 馬 觀 非 道 守 於 而 其 故 魯事 之以 放 可 義,則不 謂 也 轡, 左可右 不繫之 可見。 道,可 至 則 揆 於 口

● 「乃」,原作「而」,據乙本改。

於是條 邾、如 開 及 如 然。 其 聖人書之,●以見世道之偷 交大 虚 而 桓 「、文出來,便無此 馬 舟 E 杞。 綱 驚 壇上之血未乾,而 馴,稍以信義維繫之,名分控勒之。 流 或 濤 不振,政 圃 如 或 逸馬 齊、 行 前 範 年之好方 如 化 迷 程 宋、 林 不 面 弊。 行,諸 如 驅,不至迷惑。 更 鄭 密 濤帖 郊外之兵 無 薄 ; 人能 ,不惟魯國爲 侯 其 丽 M 無 後年 交 舟停 把持 統 小 八已至。 屬 一之讐 或 7,林 · 正 得 此 如

也。」《穀梁》:「内諱敗、舉其可道者也。」 夏五月,丙午,及齊師戰于奚。《左傳》:「疆事

聖

人

所以·

大其功。

來。 有留 如何 管見 日 兵,不 調 夫三爲屋,屋三爲 事 嘗 動 至而戰,又何謁焉?」疑 觀 得 然,敵人人 快? 春 秋 戰伐,竊 且 如 、境,方 井,井十 此 戦。疆 疑 古 調 寓 爲 吏來告,公 動 是疆 通,通 兵 夫 於農, 場場 衆 原 + 出

> 此成兵 講武。 均 戰争不息,有留 農,來年 必 邑,臨 事? 卒七 爲 所以井田爲良法。 司 不 居」,則 詩 徒兵 成成成 夫 謁 盡 行。 ? 家之 + 祈 即 時 或者 宣 制 再留,至次年冬調 五 父》 復如是。 此 派 出 如 乃周 王 古者 數, 人, 甚 撥 車 不 時已然,至春秋 亦番代法,今年冬蒐 日 不 近地成兵,此豈 曾留兵,其 此 寓兵於農,三時 「胡 亦不 乘。 時 公擬 可 豈 故家 久役,有卒動大衆 曉。 及春秋時 轉 朝 守 每 議 予 盡 竊 呼 乘 番代 未 意《 于 在 馬 爲 夕 成 别 爲甚爾。 戦,人 恤? 疆 四 之 至 人 之 司 細 兀 一場,或 ? 書 法 耕農,一時 來,始放歸 馬 事 法。 制 盡 乘簡 ? 法 甲 靡 寧 大壞 爲兵 淡及 士 考之 所 不 在 則 時 如 徒 止 不 未 小 郊 何 步

●「之」,原誤作「云」,據乙本改。

六月,丁丑,蔡侯封人卒。

秋八月,蔡季自陳歸于蔡。 **管見**一子獻舞立。

《左傳》:「蔡人召蔡季

于陳。」 爲保國 還而魏安。 宗國安危,非賢者不能。 之,以定其位。 管見: 蔡季行狀不 又自陳歸蔡,是必蔡侯卒,獻舞立,國人待 人亦可觀。 命,殺陳陀, 歸」之者,易辭 敷? 親之賢必先得於疎之賢,其善 立 其自蔡往陳,於《傳》無聞,此 厲公,卒定 夫以 也。 可 國 季友 曉。 君介弟,其 字之者,貴之也 歸 陳 觀 而魯定,無忌 國之亂 其 以 去 蔡 則 一就 侯之 繫 其

癸巳,葬蔡桓侯。 則争,不有以節之則亂。 之。」蓋世故無 管見 温公曰:「正名, 盡,人欲 無 細 古者淳樸,爲天 涯,不 務 也,而 有 以 孔子先 限

之

帝焉。

漢以後之宗曾可爲殷三宗之烈乎?

至此。 分。 制謚 爲生王,而大行之美名亂於天下。 上無 華乎? 之盛乎? 之懿乎? 神尊之號,以爲青史污。 之稱,而爲中 自是以後,夷狄之君亦 王而帝,帝之上又冠以皇,而無 加 文繁,至周始以 侯者曰「昭冥」、「相土」而 子者曰「大禹」、「成湯」而不以爲陋 示勸懲,亦經世之大典也。及周之衰, 法以别大行、小行之名。 春秋之時,始猶没公。 道 試 揆,下無 H 考其寔,春秋之公曾可 至五 戦 秦 以 國 國之王曾 王號尊天子, 胡、契丹、女真、蒙古亦可 後之帝曾 禍。 法 公守, 謚 昏暴之主亦 可 厭「單于」、「可 名之不 不 不 미 爲 以 戰 稱 爲 文、武、成、康 五等爵諸侯 凡以嚴限節 爲 德,名不從 堯、舜之光 國之世,遂 卑。 爲 以 正,流弊 竊聖祖 至秦厭 加矣。 周、 爲 世降 汗 召 諸

也

所逭其誅。下行而爲陰所蔽,聖人蓋傷之

,故麗天而行以正王綱,然後宰糾之徒

故大明終始,以立王法,然後逆桓之黨,無

可也。 庶乎不畔於道。漢光武不許言「聖」,唐明 眩名寔以長覬覦,文狂悖以沮勸 且至於懿、僖不君、徽、欽失 觀於《春秋》書「蔡桓侯」,正名爲先, 國,亦可宗焉。 戒、未見其

及宋人、衛人伐邾。《左傳》:「宋志也。」

宗自謂「胡人」,真千古英雄

管見:春與之盟,冬乃伐之。 此舉動,成

何理説?

之也。」 冬十月,朔,日有食之。《左傳》: ●「不書日,官失

十有八年春,王正月。 失度。 爲天子當陽,二爲太陽下行,其一爲陽 **管見:**桓十八年,「王」見於《經》凡九。 當陽而明不能照,聖人蓋望之也, 明 四

> 之,不容以柔乘剛。 功,其四時行天之日乎? 於天。天理民彝、暗而復明。 上天之有日。 序「王」於下,月掩 無所逃其責。 聖人扶王於《經》,所謂捧日 至於繻葛之戰,倒懸甚矣。 日之象 噫 ! 也。 下土之有王,猶 猶以 《春秋》之 諸侯從

公會齊侯于濼。 公與夫人姜氏遂如齊。《公羊》:「何不言【及夫

人」? 其寔夫人外公也。」 **管見**:於是王姬下嫁齊侯,❷王使魯侯 主

常中之有隱變也。 姜,遂與如齊。兄妹之相憶,人情之常。兄 之。濼之會,將成昏于齊也。 妹之相亂,人倫之變。 「子不愛我,豈 魯侯自處以常,不虞 齊侯約 無他 致文

傳」,原脱,據乙本補

嫁」,原作「稼」,據乙本改。

起? 類何 乎? 珈之勝遊而人倫之樂事也。至其於禽鳥之 聖《經》致嚴兩字之間,示後以閑家之道,而 之者,不當遂之也。文姜之惡,桓寔成之。 男理乎外。「與」之者,不當與之也。「遂」 志,是故别之不可不厚也。 蛇之相從,誰則意之? 相瀆,非意之也。夫蟂者,父蛇 自生? 禮始於謹夫婦,別嫌疑。 若曰「來朝走馬」,姜氏及之。 寧父母」,父母可 他人 可 淫 疑,而兄可疑乎? 婦不見奸夫則 戾氣 寧,而 雉不見蛇 相投則 兄弟 而母 女理乎内, 悪心 「害澣 夫亦 不 異類 雉。雉 何 미 則 自 笄 見 害 蟂 同

彭生。」 夏四月,丙子,公薨于齊。 左傳》: 「齊侯使公子彭生乘公,公薨于車,齊人殺 丁酉,公之喪至自

管見:魯桓真愚死矣。既不能制姜氏之

智縱妻而得禍。

朱先正曰:「天之將禍是

於男女夫婦之别,其毋苟乎哉 得寵

計,以 惡,往 哉? 不問。 狎,而又觸之怨。 既變,尤當以善道處之。成禮 得賂,以不 雖然,亦天道禍淫之報。 之,其悔不亦多乎? 爲桓公者,察其 之弑。婦人植性不良,設心最狠。 孝武謂張后「汝以 行,使之及亂。 有家於其志之未變」爲善。 人爲難養也。近之則狎,遠之則怨。」故 詩》以「刑寡妻」爲文王之德、《易》以 以以 奈何忽則不懲,言之無物。 往至於乘剛。子曰:「惟婦人與小 絶姜氏之奸。 不揚其惡,以激齊 不仁 信交 . 賊兄 苟曰知之,謫之何益? 鄰 年亦當廢矣」,遂有 而 風 m 得國,以不義 得志。 自 何至 火出, 桓以 人之怒。 殺 待志變而 其究也,以 不 身,貽 其 Mj 禮 及宜矣。 歸,置之 徐爲 既啟之 陰柔 成 事 世 志之 後 蒙 人 君 不 而 笑 之 閑 閑 之 被 加

不可以不地爲例也。或曰:内諱惡。詳終,以爲不能居正之戒。此又隨文立義,强爲善而已。書「薨于齊」,見其以不正人也,必以微福試之。」斯之謂歟? 夫亦

秋七月。

上下文,則寔不可掩。

胡氏説可從。

不待逆王姬而後見也。至冬乃葬之,此獨無事焉。其忘讐之罪,至冬乃葬之,此獨無事焉。其忘讐之罪,管見:此魯臣子泣血枕戈之秋也。夏喪,

書葬? 譬在外也。」冬十有二月,葬我君桓公。《公羊》:「賊未討,何以

其分則君也,若之何以處之? 曰: 子之孝。 犯皋陶 曰:此舜竊負而逃之驗也。 **管見:**桓,弑君之賊,聖人何以「君」之? 春秋》何以爲天子之事? 之刑 桓罪 ,竊負而 當誅,固已筆之於《經》,而 逃,在舜不可不 筆其罪而 瞽瞍殺人,固 然則 盡 其 爲

> 也。 盡。 以快臣子之心。」此傷道之言,竊不敢從。 旨乎? 之事也。其可以一例一律限聖《經》垂訓之 此光武所以 終追遠」之厚。項羽弑義帝,天下殺之可 於禮不可棄,則「我君」葬之,詔來世以「慎 暴鋤亂之公,桓之没也,固魯臣子之君 賊,無乃惡惡而不誅乎? 於法不可容,則「天王」正之,示天下以禁 其君,師之也。桓之存也,固魯臣子之讐, 天下之義主也。 所以爲天子,而 寵叛龐萌,君子戮之可也。 予天下以討賊,君之也,未有義 戮丁公之不忠,此漢祖所以爲賢。 胡氏曰:「桓公書葬,隱然以爲足 、爲過。 他書 君、師、治、教、非一端可 知此則知《春秋》,天子 不 得與也。 日 侯子密之不義 此《春秋 天子者 而後 彭

莊

也。」《公羊》:「君弑,子不言【即位」。」 元年 春, 王 Œ 月。《左傳》:「不稱「即位」,文姜出故

其親。 者,不 如 陽城之避之矣。 嚴,故舜父堯而「受終于文祖」,禹父舜 **管見:**《易》曰:「何以守位? 行,舜、禹 格 衛 命 蒯 遺其 Ŧ 聵。 爲天子者,如周平王。爲諸 神宗 雖 親 有 天理民 之謂 必 大道既隱,遂有貪位而忘 受命之德,亦 使其 也。 彝,爲之泯 傳授 父子親 不明,孝敬 滅。 曰:仁。」仁 終 而 于 後 有位 侯者, 河 君 南 不 猶 而 臣

> 復,國 言,此 警不 也。 侯,示臣子以 報施 夫 祚 IE 何歸 創鉅 不可 施然南 罪彭 久虚,亦當請於天王,告於諸 痛深之時也。 不忘大讐之義,然後 生,謂 面之尊。 可 蔽 是處身於無父 使大讐未 人耳 目? 踐 祚 能 父 可 澽

帝發 帝斬衰居廬,方建 綱常、大端、大本之所 知大倫之不可滅,大位之不可 喪成服,始正位 國於江左。 於漢 係也。 中。 漢昭 晉元 奸。 雖不能 元帝爲 烈 乃植 滅魏 爲 獻 愍 立

之國,其可以爲君乎? 故没其「即

·位」,使

晉之統 以《春秋》之奪魯莊者奪之乎? 殄胡,而大義明於天下,故《綱 歸之。 不然,雖 帝有 目》 隅,其 宋高宗不 得 以 得不 漢、

有國 夫亦不知《 構」,是有位以爲 復父兄之讐而 者,知有父子、君臣 春秋》之義, 屈 辱 膝 也。 金 以 元 狄,乃稱「皇帝臣 一, 則 取 人目 此 夷 位 狄 宋爲 一可寶。 之慢 淮夷, 耳。 故

之倫

嚴

君臣之禮乎?

桓没非道,不及誓

無位

也

春秋》之繼莊

公,其諸

以

E

父子

三從之道

無

可觀,婦

者,可 意也。 然而 之人可得 得而繳之。 流」,然 非 得 《左氏》曰「絶不爲親 棘薪也,澤之大風則强 亦 而弋之。 而 非 齊無是子,魯無是母,則齊、 誅 栢 之。 舟 「颽 也, 此聖人去「姜氏」之深 風 中 自 流 南 之 吹吹 凫 而不詳絶之 有 則 彼 力者, 泳 棘 薪 而 口 游

親,禮也。」

管見:

此

文姜

也。

其至魯,以「姜氏」

歸

其孫齊,以「夫人」

所

貴

三月,夫人孫于齊。《左傳》:

「不稱『姜氏』,絶不爲

日

.

聖人之大寶

日

位

獸矣。 爲義。 當以胡茅堂所云「内外 亦當絶,則光武之嫁湖 魯不可 夫人書姓氏,例之常。 「外絶去姓,内絶去氏」,似屬 胡氏引孔季彦 絶乎? 杜注謂:「齊當絕。」然則 此義不明,是縱天下 爲 其或 陽 俱 證 可 、絶」爲 而 爲 姓 煩碎。 不 世 而 齊可 好。 一法矣。 明。 不氏,氏 言 至 爲 絶 抵 於 旧 齊

魯桓。罪狀既彰,不

以

耻譁畏謗,又以身歸

夫死

從子,則有

慈

順

文姜不

譜

鄭

不畔於道。

已非。此夫人也,

弒

君之妻,終不

而

不

姓,例之變。

談經者,須意義皆安,庶

以子之,魯之

0 「魯」、乙本無。 其

爲

何

人

也

?

其去

來

「汎彼栢

舟,在河

中

公

莊

夏,單伯逆王姬。《公羊》:「單伯,吾大夫之命乎天子

也。「逆」之何? 親。 於弑。 矣。 往 獸之甥亦辱矣。 警母惡,付之不聞。 妨改請? 拉幹未寒,抱九原之恨。冶容 人,爲六禮大昏之主。 嗣 不失大國之約,信也。 天子之命,忠也。 公之事也。 無耻,爲七子之奔。 管見:此魯侯使單伯如京師逆王姬,卒桓 位 ,權衡於筆削間,而天常人紀昭然不可一 ,存魯侯之喪,没單 王不命魯,豈無他公? 聖《經》以單伯自逆爲文,執天 維 莊公繼 始,以爲首務 使我主之也。」 王使桓 成 人道至此,風化爲之蕩然 其 不廢 主香 事。 王姬、 魯莊 焉。 伯之來,簡 廢憂爲喜,轉仇 於齊 先君之職,孝也。 一舉而三美具,故 其意若曰: 之叔 亦何心哉? 以三年大疚之 魯不主齊, ,遂以 미 尊,而 王 議 王之 不 姬之 昏及 妨 父 何 爲 禽

易矣。

羊》:「築于外,非禮也。」《穀梁》:「築于外,變之正 秋,築王姬之館于外。《左傳》: 《經》不書「館王姬于外」而書「築王姬之館 譬爲耻,偃然受主昏之命,自壞通喪。 **管見** 魯侯可謂月攘 也。 爲伐柯之事。 曷若不築之爲愈乎? 不能以禮自持,以 廉,曷若不攘之爲善乎? 素。」不素而繪,其將能乎? 不慚,其失一至於此。 于外」,則 避嫌、欲蓋 使《桃夭》之賦及於伊蔚之庭,宅恤之心移 又可 見 既 而 其臨 至 喪昏並舛,禮義皆 彌彰矣。 而 時猛 後 築,爲 悔 《傳 此 鷄。 飭 與 齊 以 非 「爲外禮也。」《公 故 日 其築館 侯 與 夏 掩 「君子以作 親 其 非。 逆 過, 繪 迎 也。 秋 爲正 之地 築館 攘 事 文 而 遂 爲

一冬十月,乙亥,陳侯林卒。

事謀始」。

管見: 弟杵臼立。

王使榮叔來錫桓公命。《公羊》:「「命」者何?加我

服也。」《穀梁》:「錫命,非正也。」

之爲「桓公」,而非九錫、九命之錫命也。| 謚之,其在王朝,止稱「桓侯」。於是追命之爲魯公耳。魯稱「公」,僭也,臣子特私| 管見:錫命者,錫之策命也。策命者,命

繼成之,故特追命之。然而循私違理,賞莊王以桓主王姬之昏,未成事而弑,其子

大勳勞,成王崇之上公,●賜之重祭。 其在賊失政,亦甚矣。 周公,魯所自出之祖,有

桓者,弑君之贼,法所必誅,得終於侯,幸魯廟,祀以先公之禮,伯禽以下不與焉。

矣。 可 而進公之? 軫乎? ,則以莊主昏 豈 以 見 以 弑於齊,乃因 爲 桓之冤 可 錫 以 命 慰 則 可 可以 桓公九原之恨乎? 軫 川則 王 伸莊公人子之 事 隱之冤獨 ,故軫其 不 冤

> 隨 《公》、《穀》命服之論,愚以 天道 言其物? 歸赗之比 子所以命生諸侯。 條,胡氏 之予之爲慢,桓之受之爲 若天道,樹后 桓公可知矣。 桓 加 事立義 也。 有知,其敢俎 深辨范 如如 ,安有命物? 故王不稱「天」,以見其惡。 其曰「錫桓公命」,則錫命之爲 「求車」、「求金」之類,豈不顯 王 一君公。 甯甚得《經》旨。若 豆於周公之下乎? 若夫追 不可 若果 僭矣。 命之禮,又非 爲周禮之制,天 樹 命物、《經》必 脯 王 樹之,非 一者,奉 夫 此 Ŧ 如

王姬歸于齊。

「卒」,王姬之爲魯病多矣。然非王姬能病失可見。書「迎」,書「館」,書「歸」,繼又書管見:《春秋》記事,必詳始末,而是非得

●「公」,原作「功」,據乙本改。

九二

爲固 此斃, 之也 其究,齊人亦無以多於魯。 而欲以昏姻爲 魯欲 文姜 借 以 Ŧ 此 姬 奔,莊公以 以 重,漢、唐以公主嫁 求親 於齊,而 爲國不以仁 此 陷於 桓 不孝。 公以 夷

齊 師 狄,竟亦 遷紀郱、鄑、郚。《公羊》:「取之也。」 何益? 觀此,亦當知所戒矣。

空其 婦以 此 春 舊之心,以 威劫,故 之民盡則紀無與爲守, 管見: 遷之者,徙其民而空其地也。 法,故書以惡之。 秋之時,大國取 地爲牧,而徙其民於和林。 歸 意 稱 一師。 過其 亦 如 此。 、必取之計,不仁之甚也 小國,恐人心不附,多用 後世攻 元 而其國空也。 人取宋 城 略 地,俘 州郡,或欲 蓋絶 其戀 其 此以 三邑 男

夏,公子慶父帥師伐於餘丘。《公羊》:「邾婁之 年春,王二月,葬陳莊公。

邑也。」

滅也

書。

凡

以遏人欲於横流,存天理於將

顓臾、 於如字爲較明白 似屬 仁,忘大讐不孝。不於其所當於,而於其 見。 報,而徒示威於不己敵者。 管見:「於」之者,鄙之 慎其所於矣。 所不當於,不亦可鄙之甚乎? 齊而於餘丘,亦何貴公子之帥 於一字,而莊 未妥。 夫君止於仁,子止於孝。 極之間,魯人侮 吴氏以「於」爲發語辭,何若訓 公之無能爲與慶父之妄行 諸家皆以「於餘 小而 也。 虐之。 斯師· 餘 丘」爲邑名 丘 伐 師 知 也,不 此者。當 小 也 小 父讐不 國,在 國 於 可

秋七月,齊王姬卒。 **管見**。魯卒王姬,莊公爲之服 具,不道甚矣。《經》於王姬 檀弓》,其義甚明。

魯莊借緦

衰爲

媚

人

之

也。

胡

傳

引

一案,反覆

詳

者當知警省矣。

「書奸也。」冬十有二月,夫人姜氏會齊侯于禚。《左傳》:

逐。 也。 其敢公行 怒之? 不可 之書,直言其凡,而其過之所歸便見,爲子 有不容誅,而寔 縱母爲邪,長齊之惡。 心,安能捨子而奔齊? 雖虎狼内省有疚, 使莊公孝心純至,孺慕 不與焉。 公幼,安能 之人誅之而 管見: 前年遜于齊,去其「姜氏」,許齊、魯 猛虎 掩 至此 曰 : 而魯之君 伏雌 至暴 復 無忌,爲此 防閑其母? 竟不能誅,則姜氏之穢身固 與 知能固有。順逆所在 八齊侯 無知也,雛之慕切則見 也 魯人失之也。《春秋》正本 一, 正 臣 會,兄妹禽鳥之行,尤 逆 爲 眼 瞽國矣。 雖 理之 齊勢强 不懈,文姜雖有邪 視之則掉尾 齊侯、文姜之罪 事 乎? ,國人安敢 或曰: L, 强弱 而 顧乃 雄 去。 莊 必 在

乙酉,宋公馮卒。

不察。 賢而授之則暗,知其賢而立侄則沽名。是 管見:或謂宋穆公不以 雖 則 子之心相與則爲啟、益,以小人之心相賊 忌益 其子之惡也,但與夷亦不當立。 爲人。去與夷,何以能 馮之得終,幸爾。 之心也。與夷之弑,馮之立,非意之也。 子立弟,穆公又以國還姪而不立子,天理 愛之適以害之也。 馮卒以令終 益於天,益得終避于箕 知與夷則可,謂之暗以害之則不可。 爲 然,此心擴而充之,所謂「蕩蕩、平平」, 馮、與夷,禹之幸而穆公之不幸也。 而殺之。 大道既隱,各子其子。 m 曾謂 與 夷不得其所。 觀其謀 曰 : 禹害之乎? 寸? Щ 此理欲之間,不可 國 鄭一 與 使啟不賢,將 馮 穆公捨之,知 宣公乃能 節,可知其 m 不知子之 謂之暗 是故以 與 與 禹 夷, 君 於 舍

計。 不愧微子之後。 學者詳察,庶於心術有補 若夫利害禍 福,非仁人所

名之。」 也。」《穀梁》: 三年春,王正月,溺會齊師伐衛。《左傳》: 「公子溺也。 惡會仇 人, 而 伐同 姓, 故 「疾之 貶 ińi

齊。 抗 諂 讐 而 而 朔所得有也。 黔牟,爲朔故也。 未即背王納 管見: 天王主立黔牟,齊侯以 王,一 虐小,則慶父存「公子」以鄙之。 莊公與朔皆齊之甥,使溺 助逆、則溺去「公子」以賤之、皆所 舉而 朔。 兩失焉。 納之者,爲黨賊,從之者,爲 至是王 《經》書「伐衛」,則衛 是故伐 一姬没 餘丘爲忘讐 出 朔 Ŧ 師 因力求於 姬之親 伐衛爲 會 齊伐 非

以 明大義 也。

夏 四 [月,葬宋莊公。

五月,葬桓王。《左傳》:「緩也。」●《公羊》:「改葬也。」 管見: 少一目。

0

「緩」,原作「後」,據《左傳》改。

穀梁》:「志葬故也。 危不得葬也。」

爾。 惟有故則書,與魯之有訃 義,未見其可也。 終於南。法《春秋》之意而不得《春秋》之 周之葬望之也。 及周公誅,克奔燕,王室亂稍定,乃 太子陀立,克與周公謀作亂,是以緩葬。 記,王不豫,召周 衰微,諸侯簡慢。 管見:東周之葬天王,非《春秋》之志也。 葬」,亦得此意。 是以志之,其餘則不志。 公黑肩屬次子克,王崩, 惜乎不能 南宋諸陵, 桓王七年乃葬,考之傳 則 討賊 書,以見王室 稱 聖人蓋 「攅」不 復讐,遂 得葬 以 稱 岐

秋,紀季以

酅入于齊。

《左傳》:「紀於是乎始判。」

公羊》:「紀季請後五廟,以存姑姊妹。」

管見:紀季以地人于齊,紀侯命之乎?

宗。 聞 無憂 邑而 紀侯 病紀 乞憐 主 ? 亡在 於弟,存亡以之? E. 不陷子弟於過。 人之也。 有能以之者 擁 邑 以 及聞 非 矣。」宋 力不能以存國, 侯 戴 人於齊也? 圖 日 紀季 」字便 能 也。 也 齊? 存之計 夕, 乃 爲 即 行 知國之必亡,自以 欽 日 所貴 也。 何以 位,乃曰:「吾兒應天順人,吾 權 其 人父兄而 見。 E . 既 勢 而 爾。 . 唐玄既 赴青城,不 知 乎君子 存 然則紀侯固 星 「人」者,逆辭,不當 便 齊 以」者,自行其意, 何至陷弟 宗祀 非紀侯之命? 散 即 師 何不 何以字 不知 真,來救父母。」 人齊,紀 遷 走馬 處 特特 那、鄱 請 處 變 卽 於天 不 薄 之 變之義,未 而 嵬,不即授 在 一邑附 授 責 恭,自以 ,紀季何 不 mi 侯 那 高 E 焉, 失其常。 何 觀《 無 一,授 齊,爲 且 能 紀 人 貶? 而 經 及 肅 其 或 以 或 能 雖 有 圃 自 非

> 道 然存祀爲 可 肅、高僅能 慢,其 未 事 盡 重 未 中興,而 也 一,不得 0 順 是故 已焉。 責紀 乘 紀 危竊 季 侯之昧 此聖人所以 以 邑,其爲子弟之 邑 於處變也。 人 齊,其情 不忍

羊》:「欲救紀而不能也。」 冬,公次于滑。《左傳》:「將會鄭伯,謀紀故也。」《公

絶之也

舉,孰 仇,請於天 救,「次」何以譏? 難 而 自 魯於齊,有必 齊,魯之不敵 管見:《易》曰: 次」以見其謀之不 救之不 m 紀亦不待救矣。 退,武之善經 不義其 暇 王,求於諸侯,爲 審矣。 志, 而 報之讐。 何 左次无咎。」見可 而資 也。 豫也。 暇 奈何忘讐不報 齊於紀,有 日 謀 (其武 . 人? 齊 使 譏 不 用兵先在定謀 魯 不在「次」,舉 能 伐 能 是雖 齊 敵,紀不 必 齊報 以 奔 雖 取 而 不 之勢。 强 進 仇 救紀 或 可 知

何立 齊。 「公」以見貶,而莊公無謀輕動,事故不成, 出 師 欲 謀之不 及齊蠶 以 救 食於紀, 善 紀 也? 抑 齊 旦 而 故 夕 求 書「次于 垂 助 於寄生之突。 亡,方始 滑 目 倉 交

其失不可掩矣。

四 年春,王二月,夫人姜氏享齊侯于祝 之,故於享會存而不削,以志其無别。 猶桑間濮上,見録於《詩》,爲萬世戒也。 **管見**:文姜、齊侯之惡極矣。 聖人所深 丘 亦 疾

月,紀伯姬卒。

此, 《詩》云:「有女 矣。」至於危難 魯,卒無分毫之益,伯 **管見:**書以病 可爲之於邑。 也。 死 仳 别 離, 紀以伯姬之故求救於 而 啜 不 姬 能 其 死 泣 相 而 救,世 矣, 紀侯亦去。 何 道 嗟 至 及

夏,齊侯、陳侯、鄭伯遇于垂。張氏曰:「謀取

城

m 戦。

戰而

不勝,死之可也。

社

稷

所

紀也。」

可 與齊 敬塘,則契丹之擅立,與敬塘之父夷,尤不 帝石敬塘,唐主從 或 立諸 之遇、《春秋》因而書之,而齊不請王命, 伯子儀乎? 管見: 掩。 而 平。 侯之罪可見。 二君,皆不與 齊襄 此《春秋》書鄭伯遇齊之意也。 垂之會,必子儀也。 不喜 曰:非也。 鄭突,子儀 珂,故在《綱目》,晉主 也」,甚得《 蘇子由曰《 齊侯伯子儀 乃 經》旨。 然則《春 春秋 其 所 立,故 契丹 加 秋 擅 與

復讐也。」《穀梁》:「「大去」者,不遺一人之辭也。」 紀侯大去其國。《左傳》:「違齊難也。」《公羊》: 「襄公

部,齊遷之耳。 疾之之辭。紀國雖危,人心未去。 ௱ 以爲「大」者,紀侯之名。 管見:紀侯 不與之争,故「大」之。 出奔,何以謂之「大去」? 使齊人頓兵城下 或以爲賢 愚以爲「大」者, ·, 猶 **郱、** 鄱 其去國 可 櫻 或 六月,乙丑,齊侯葬紀伯姬

相

關

賢襄公而

諱其滅紀,殊甚迂闊

而聞

也。」若夫九世復讐之説,與此義尤不

可以

例

看。

故曰:「夫子之文章,可

得

爵以

辱之,没其名以

微之。

聖人筆

削

不

乎? 居岐。 也。 君出 有美有不美者。「大來」爲美,「大去」爲美 之與大奸,大治之與大亂,其爲大則 社 則何其 借曰:不以其所養人者害人,則太王去邠 天子守土,爲先君守廟,而可若是 在 稷,未有去而 ,如之何其去之? 奉身而去,重其身於社稷 奔,曰:「何爲其去社稷也?」故有 此去國之紀侯,蓋儼然君國之紀侯 棄其妻孥,甘爲匹夫之行。 守之志小而去之志大也? 紀侯之去,何居乎? 不顧,若是之甚也。 望風 行遁,殊 去而無 也。 故存 恝 或 無 禮 所 一<u>,</u> 而 大賢 乎? 君 懷 或 居 其 死 爲 戀

> 哉? 《公羊》主復讐之説,乃曰「滅其可滅,葬其 伯姬 若夫 紀亡 之葬。《詩》云:「死喪之威,兄弟孔懷。」 可葬」,啟小人文過之路 管見:紀伯姬 而齊葬之,魯無聞焉,則謂他人昆矣。 齊葬伯姬以媚 盗跖之仁義 魯女也。 葬,何 存不能爲之謀,没 也,故 魯,豈真 以 書? 目其君以見貶。 有 病 惻 魯侯 隱之仁 不 能 也 爲

何? 諱與讐狩也。」冬,公及齊人狩于禚。《公羊》:「齊侯也。稱「人」

營見:《詩》之《猗嗟》曰:「終日射侯,不失 質,四矢反兮。」是莊公之會齊獵射,詩 世,何莊公之喪心至此? 是年,哀姜生, 人蓋耻之矣。譬莫大於弒父,耻莫深於亂 人蓋耻之矣。譬莫大於弒父,耻莫深於亂 正兮,展我甥兮。」又曰:「舞則選兮,射則 正今,展我甥兮。」又曰:「舞則選兮,射則

若其微者,不欲以齊襄之獸行爲魯凂也。

聖人正本清源之旨,當於此求之。

五年春,王正月。

夏,夫人姜氏如齊師。

弑 耻烝宣姜,及其一亂,遂爲夫婦。文姜耻 之甚者也。 世慮,故於文姜之事不厭書之,示有國家 以「閑家」繫於初爻,意正如此。聖人爲萬 曰:「涓涓不止,遂成江河。」《易 管見。《詩》曰:「中冓之言,不可 來去自由,遂至 未有公然於衆 桓公,而 孫于 夫羞惡之心,人所固 人之中,如齊侯、文姜 齊。 享會如 魯人不能防閑, 師,而 不 道 可 有。 • 家 遏 也 聽 無 昭 故 其 伯 固 耻

秋, 郑黎來來朝。

者,杜漸防微之意也。

禮,故朝之附庸,而非夷狄也。 管見:郳之爲國,蓋微乎微者。能進於

冬,公會齊人、宋人、陳人、蔡人伐衛。《左傳》:

管見:伐衛者,伐黔牟也。黔牟而繫之「納惠公也。」

納之便見。称言納朔,下文書「人」,則其得《經》旨。不言納朔,下文書「人」,則其是役也,齊爲主,四國從之。書「公會」而是役也,齊爲主,四國從之。書「公會」而

志,何 之有善不善歟? 管見:東遷以來,王室非無意於用武。 王之辭不直 而王命之與假 其假王命以 王伐鄭而繻葛敗,莊 也? 伐諸侯,如 而假之者其辭直? 贵 命 E 無與於勝負之數歟? 室之兵弱 則桓王伐鄭,從之者三 王救 齊,如 衛而子突殆,乃 ,諸侯之兵强 鄭,皆足以得 此非 執言 豈 桓

「善救

之,而 等耳 有王。 滅,三 國,豈 倒 子。 不能 之輕 周 之致 假 Ŧī. 寵之,姑以 父之讐,幸其 勢之重 而 B持,其 王命 理 濂 或 爲 力 交質於諸 也 溪 伐之,豈 寔 綱 豈 以 篡弑 也,遺 一,東 謀, ? 而 日 爲 之耳 廢矣。 來 鄭 復 伐,宋人許圍 主,理 其 非 媚 撑 之力 知 愐 肆 得 天 辭 西 腹委裘、足以把持天下。 以 有 目 悦 况 一日之積。 侯,則不能爲父與君。 行,莫知 傾,此 下 習 名分 亦 五 故 位。 强 智 爲 存 豊 其 國,苟 國之辭 熟既 力之不 强 則 勢 皆直 、勢日 以 乎? 順 塞 m 勢輕,理 紀 德 一成, 豈 久,以 逆之理哉? 一彼 已矣,勢輕重 安圖存。 極。 故其後, 乎? 爲 報怨, 陵 逮 湧。 莊 順 夷 乎 爲 能 王又 E 立一則 平 ? 愚 雖 則 諸 盡 ? Ŧ 立 竊 有 太 不 平 諸 黔牟 與 雖 從 侯 勢 推之。 智 天 欲 阿 不 能 E 侯 是 也。 列 而 勇, 重 理 爲 以 之 或 振 褒 知 爲 棄 鄭 面

倒

功,徒 厭其 指爲 於諸 雄者,假之以立己之勢,做出 來,則争持 順,故黨齊而 久已迷悖,如看花 射王,又請從之,則不知有名義之可畏矣。 也 也 侯既 Ŧ 鄭 \pm 邪 立 兵,爲 類此,故 不濃,拂 侯,誅衛 伐 自取 若夫假之者,則假 逆矣。 不直王, 黔牟,其名 鄭 敗。 \equiv 而 魚麗 之而 之不 實玩之矣。 王之真命反以 叛王。 諸侯 或 之陳, 蓋 何 勉從,寔 去。 雖 當立 一般。 由 有 亦 Ē, 其 於 雖子突 以 便 纔 突? 者 理 逐 其 望 非 假 有 理 既 真 黔牟,納朔 理 則 爲 風 敵 命 人剪 以立勢。 花 迷, 奉命出 雖 所 併 不是。 而 王 而 場恐喝, 雖 順 故 以 其 所愾。 走。 出 得 蓓 齊 其 卒 以 錦 IE 雷 師 有 勢易 籠 綵 無 爲 順 人 祝 告 絡 心 聃 便 花 却 成 然 面 纔 IE

諸

遇

桓

莊

豈 無 敢 非 IE 誰 理不 何。 定而邪 此齊、鄭之假 勢得以乘之? 花, 足以 惑 泯 人也。

凡以明大義,正人心,使知天理之不可易。 亂 可 有國家者,先定理 衛,皆諱不 主 傾,勢尊而 張 未 Œ 有 理,扶 甚 於此 書敗,不許天下之敢 不可 植 時者。 王 奪,斯爲國之善經矣。 而 綱。 後立勢,則理勝而 孔子惧,作《春 桓王伐鄭,莊 敵王 秋 \pm 也 一救 不

而逐之。黔牟之立,請命于王,其名正、辭其位,乃覆載不容之賊。職、洩因人之惡善,則譖殺二兄,致其父晉以悸死而據

衛」,順逆之理 天子之命,納朔 以義定。 順可見。 《經》 齊特以强 判矣。「人」者,逆辭,不當 書「諸 加 放黔牟。 主朔,合諸侯之兵,抗 侯伐 衛」、「王人 此以 力勝,非 救

> 不辨。 凉之。 侯。 意。 擬文王之德? 子,其本宗百世 其所引《詩 不明,將使奸賊視朔、突爲榜子,●故 何以得書「衛侯」? 命,本在是矣。 世德之遠如此。 愚於「突入櫟」下,竊已論之。 謂爲職、洩之罪,可 \forall 尤 朔與 諸 爲天子,其 爲 侯黨逆 無 黔牟皆支也,天王 衛宣自賊其本,烏 曰 : 謂。 廢 侯 乎? 《詩》言文王 (支庶) Ŧ, 朔 即 又從 百 或 荷此 伯 世 日 突之 不 爲 而 敢 義 朔 炎 所 得 諸 孫

秋,公至自伐衛。

僧,則此伐當不返矣。 「至」之。若曰:上有明天子,下有賢方衛納朔則書「至自伐衛」,蓋危其黨逆而

「賊」下,乙本有「者」字。

0

不度,是以成敗論人,而不以義理斷可。

而强入

也。

《左氏》以二公子立黔牟爲

旨矣。 情。 也? 相贈,以爲當然之事。 中所俘之物,無 之功,齊以其半歸之,似爲勞其 齊,而分於魯、宋、陳、蔡。魯有擒二公子 之實玉歸於諸侯。 是故郜鼎 言其所取之故,明取者公言其 管見:賂而曰「俘」,若在伐之所獲,何 公然而無所忌也。 不言其立督故也,猶有所耻於章。 聖人結正諸侯之罪,以戒後世」,得《經》 來歸」,其情爲奪 世道至此,幾 賂者,暗取。俘者,明取。 書「取」,其情爲賂,若取於郜者, 耻甚矣。 朔約 而有之。 何不爲夷狄。 齊爲主兵,故其 歸之,受之,曾無 入國之後,以 篡奪 盗賊之分賍 相 所得之由 、功者 暗取者不 尋, 胡氏 衛俘書 貨 如 寶 衛 謂 賂 軍 歸 國 隱

,何 「如」,書「會」,皆志姦也。 管見:姜氏遊遨齊、魯之間,書「享」,書姜請 七年春,夫人姜氏會齊侯于防。

夏四月,辛卯,夜恒星不見,夜中星隕 《經》書「夜中星隕」,其爲隕 之義。 《左氏》謂「夜明不見星」,亦爲有理。 其隕 豈可曲爲之説 若 日人而星出可以見,星隕且 不見,夜之中星反墜於地,不及尺,其實 與雨偕,則於「如」字不妥,而未見「夜中 雨」,星既不見,何以 管見:「辛卯,夜恒星不見, 恒見之星。 雨,意甚迂晦。《穀梁》「夜」作「昔」,蓋謂 是 則 也何以「如雨」? 《公羊》「隕」作「實」,其意以 陰 雨 日既 圃 丽 不見星,何 人而不見,則星失其度, 解之乎? 知其隕? 諸家多 淺 於夜中明矣, 雨而不見也。 以 夜 意 雨 知 中 疑 恒星者, 非 其 如 星 謂 其義 星象, 星隕 隕? 雨 隕 列 如 如 星

0

莊

公

於地。 蒙古僭居正統。《春秋》致詳天象,其 伯統將興,故其象爲天星昏暗不明,下墜 所 如雨之多」,義較明白。 下 萬世,豈不著明哉? 大星隕於海,從之者數百,未幾而崖山溺, ,其象如 以 爲 天人之際,不可 異。 雨 及至 ,則爲大異矣。 夜中復見,自 誣也。 是時,王綱既墜, 啖氏 宋祥興 上 調 丽 「奔流 们間 (垂訓 隕 於 有

秋,大水,無麥苗。

災之爲害,以見致災之由,垂訓之意遠矣。 管見:夏取其麥,秋取其禾。周之秋,今 管見:夏取其麥,秋取其禾。周之秋,今

冬,夫人姜氏會齊侯于穀。

左氏》、《公羊》之論不可從。

書? 典,毋乃有所縱乎? 不一書之,然後 之惡無所逃於斧鉞,而人始知禮 天下。苟諱其 氏」,儼然我小君也。聖人作經,以 爲常,時人不能誅之,使其淫毒 母宣淫於街衢都邑之間,馳逐遨遊,歲 不可忽矣。 壬、姜之與褒、妲,淑 魯國之禍。乃其名曰「夫人」,其 管見: 或曰: 曰 此 「刑故無小」之意。 文姜之惡,一書足矣,何 奸,略其惡,則萬世之下 悪何! 分? 流 以 而 義廉耻之 姓 行 防淫之 刑 或 日 姜氏 典示 終貽 君之 以 I 「姜 以 屢

八年春,王正月,師次于郎,以俟陳人、蔡人。 憊 也。 劉所 管見:次而書「俟」,見其次之久,而師之 久頓師徒,嬴糧以待,室家有轉輸之苦,原 善惡可見。此則次而俟矣。 以 師不以次爲譏,詳其所次之由, 爲 仁 尸 饔 轉 恤 祈 囊彙啟行,公 父所 以 爲 暴。 而

秋》。 之類 俟 必俟 甚 果 野 者 也 定 有 有 甚 爲斷 非 以 而 所 暴露之艱。 行 老 激 徒 疾之辭 案 師 其 無 耐 如如 ? 侵 功,適以 何必俟以 軼 「以成 果 也。 斯師也,其 我 有 平 所 宋亂」、「以 暴衆。 故 期 則 養敵? 疾 以 敵 暴莫嚴 謂 攻 至 《春秋》舉其 之何師乎 伐 而 其究次 俟陳、蔡」 人乎 戰 乎《春 而 ? 而 則 何

甲午,治兵。

矣。 甲胄乃干, 治 無 武者也。 律,習戰陣。 管見:「治兵」者,治 敢 兵於費 淮、徐 伯禽爲 不 善。」然則「次郎」、「治 伯禽征淮夷,誓衆於費,曰:「乃 ,則「師出 並 無敢不弔。 方伯 蓋由 興,東郊 ,帥諸侯之師以伐之,而 出次于郎,因 以 律」矣。莊公意在争 車 不 備乃弓矢,鍛乃矛, 徒, 開, 肅 兵」何譏 則 軍 而 師 位, 整 出 軍 有 乎 申 經經 名 ? 紀

> 異。 興 郕 之罪自見。《左氏》「治兵于廟」,非矣。 謂之有律乎? 無名之師 約陳、 及師 蔡以 次 既 謀 久,乃 出師,二 謹 百 而 姓 之國 日之,其 始 或 訓 丁,其 飭 畏 而 齊 爲久役玩 事 整齊之, 而 比 不 伯 敢 禽 至。 武 可 大

夏,師及齊師圍郕。 郕降于齊師。

也。 之力 而 利者也。 乃乘齊之釁,欲 志 悔於德、力皆無,何以 曰:魯於郕, 管見:隱十年, 以魯及之,誅心之法也 也。何以書 其曰: 而 分其地。郕卒降于 陳、蔡不至,乃陽 我寔不 親 也。 齊已人郕 師師 争 其 德, 齊欲取之,魯當救之。 及」,若魯 利。 服 齊 人? 次 師 則取 與 齊師,力 介齊 郎 何 故郕 之師 罪 郕者, 合,將因 爲 ? 志 降 動 者? 不 齊之 于齊 寔 及 有 於 齊

秋,師還。

管見:《春秋》非特刑書也,兵書也。 所謂

四

於師 姓之 全師 利, 其動 者伯,師 不爲 兵 其害人,失君 其不敗也 齊 潰,幸矣。 之暴,人人之國,戕人之邑,謂之虐,其不 可以言兵。 師還」,皆没「公」以 師 乃可可 書,非 争利,理當敗。 謂之桓、文,疲民以逞,留 或 虐,是謂 日 而 也義,謂之湯、武; 歸。 得《經》旨矣。 暴者 以 教戦 「君子 亦 ,齊既得 是役也,三時暴衆, 統 因 然而 詳《左氏》、《公羊》之意,皆以 潰 馭 道 也。 節 以 人群。 以 師師 矣。 制 弱,暴 見利 容 志於郕,公不敢 之師 Œ 其不 虐者 民 故出 誼 見 不 動衆,久役 荷 畜 孰 貶。 控大扶 而 知《 敗。 潰 徒 衆。」能 甚 書 師 不 也、公 以 春秋》之義,不 焉 謀 胡 故 誼 師 利 ? 法 者 時 氏 伐 利,禁暴 小 次」,入 己 容 自 當 無 ,其謀 罪 王,師 日 黷 争,故得 ^ 畜其 加 易》 日潰,與 武,謂 功, 「義 爲 吊 不 將。 民 利 書 繫 顧 民 之 同 也 而

> 傳》:「連 冬十有一月,癸未, 還,烏在其可善也? 還。不原始以要終,不能 師 還」爲 稱、 管至父作亂。 善,一 則 齊 善其 齊侯 無 知 田 不 於貝丘 弒 争 争,一 其 丽 君 ,遂弑之, 去, 諸 則 幸 兒。 善 其 圃 而 得 能 左 立

無

知。

管見 然後迎 立無 之權衡,豈不正當者哉? 馮之無 其與連夫人通 亂, 寔爲内主。 如 無 不與乎 族,前後 嫡,襄公絀之,以此 知 知,《 者,夷仲年之子,僖公待之,衣 弑 督弑 馮 故, 經》不 立之,其事 般。 而 無 與 連、 知 以謀,以 夷 雖非 故以 目 與 管之徒 而 馮 平 立馮, 不相 速貝丘之難 侕 衛 弑 如 懷怨謀 目 州 州 也 聞, 不 無 吀 吁 連、管弑 若夫徒人費、石 足道 知 手刃 爲 督 逆。 故 例 既 馮 何 也 弑 連、管之 陳完,然 得 也 諸 不 變由 服 與 無 禮秩 討 得 兒 罪 夷 罪 如 公 馮 而

賞也。 誅。 之紛 父」下,竊已論之。 如 賞不僭 刑不濫,故主謀爲逆者,其從不足 皆死 ,故導君爲非者,其死不足録。 於難,而不得書「及」,愚於「孔 知此義者,善不在明,惡 大抵《春秋》,聖人之刑

九年春,齊人殺無知。

不

在暗

善惡之辨

明

曰:此 殺州 爲 罪 管見:凡賊臣見殺,其謀 王 耳,則其 人殺之者,公天 不 有 而 ,禽鳥之行,積惡滅身,天特假 誅 弑 罪 雍廪 吁,稱「衛人」。 條汪 ,諸侯不討, ,人之可 如衛桓公完,陳太子免,則弒之者 見殺獨 殺 氏論之詳矣。 無 下以 得誅 知,稱「齊人」。或曰: 不可以 則固 討賊之義 蔡季殺陳佗,稱 之。 齊國之君 楚比爲 在一人,特以 齊 齊 襄 諸 也。 雖 兒 手於 無道,天 故石 例乎? 豺 也。 狼 無 之 錯 國 有 知 無 蔡

> 公及齊大夫盟于蔇。 故以「人」許雍廪,而 而亂賊之徒,無所逃於覆載之聞矣。 弑之者,國人其可不君 《穀梁》: 以 其君 「賊」 「盟,納子糾 目 而 無 賊 知 其 也 賊 乎? 夫 然

伯。 屈大 以立信? 雖盟 定齊爲己任。若曰:此一役也,魯可 爲子謀也。莊公資僅下中,心非純孝。 管見: 桓公不死於弒,則同之嫡 則徒然無所繫著以要其信也。 「公及」,而大夫不名,見公有意結 於理,不覺其事之悖 可報。及諸兒弒,子糾奔,遂奮然以 有父之可尊。 聞其事,深德於齊。 案既發,勢不乾休。 夫之盟,而以爲 雖親讐人之子,而 知有位 以 結之,終無益也。 於義。 之可 知有母之可 文姜與 非 以 屈 爲 也 樂,不知 義既 非 聞乎 ,惟其心之懵 **警人也**,雖 齊 不 親,不 故,凡 雖 不可,何 人,而人 成。 有 無君 故 納 **讐之** 以 糾 知 明 以 淫

必有當國事與公爲盟。「君前臣名」,有公

人之君而臣己之臣乎?《春秋》之旨己之父,而欲子人之子,則齊大夫安得君在,豈不當名齊之大夫者? 惟公不能父

夏,公伐齊納糾。

深矣。

伐而納之,强辭也。
糾」之者,讐人之子,不與公之,親之也。
管見:「納」者何? 言難辭也。不稱「子

先人。」 齊。《左傳》:「公伐齊納糾,桓公自莒齊小白人于齊。《左傳》:「公伐齊納糾,桓公自莒

不得 白爲僖子,白弟而 管見:「人」,逆辭也。然「小白」繫之 長當立,糾次幼不當立。愚以爲如此,《春 及其殺而「子」之,諸家以 齊」,而其辭曰「人」。糾也,納不稱「子」, 其説。 又以鄭 糾兄,白 忽、曹覊爲 是紛紜。 長 丽 例謂 糾 幼,窮而 或糾 嫡

然其兄弟相争,不由君父之命。 願 國,乘變而立,則賢是議。 襄子,誰兄? 宜,故聖人以繫之「齊」,見白之宜有國也 子則與子,夫是之謂 之志,在於天下爲公, 秋》之法,非活動矣。 也。「憲憲令德,宜民宜人」,國人之所 誰弟? 權。 可與賢 糾、白 固不必辨。《春秋 白之立,齊人之 糾 爲僖子,或爲 與 則與賢,可 白 雖人心所 本 非 崩

徙義,召忽死糾爲傷勇,引聖人之言爲糾 也。 旨,淵乎微哉 **凂**,故目公以見貶,而糾不稱「子」。 及齊 之所願也。聖人不欲子讐人之子以 例,是以「人」之。若糾者,其人無 與,而立不由正,於理爲逆,不得以「歸」爲 人取而殺之,明其爲齊侯之子,以甚 魯侯强欲定之,盟大夫而納之,寔非 噫 ! 字之權衡,其 又按胡氏 (爲揚) 以 、管仲 善 相 遏 聞 爲公 惡之 桓 或 桓 公 人

讐矣,此其

所以可榮。

其可耻,故「及」不

此爲士夫行己之訓,其於糾、白長幼之案,義無妨,去其不肖者以全身,徒死無益。就論,二者皆非正,則就其賢者以立功,於白宜立不宜立之證。大抵聖人以人才去

似

不相

開

此條當從程子。

秋七月,丁酉,葬齊襄公。 八月,庚申,及齊人戰于乾時,我師敗績 國所敗,可耻甚矣。 事齊,没襄公之身不能 論 **管見:此其言敗者,胡氏曰:「爲與讐戰** 不論其情,但言其狀。 又欲定其 其敗於齊則可,惜魯侯之不善擇爾。 不爲不吉也。」然以美其滅紀則不可,此榮 雖敗亦榮。」這 齊 襄 復讐,曰 嗣 ,以讐爲 議 論太快。 「師喪分焉 然齊與魯 親,遂及於兵 杜:「九月葬,亂故。」 魯及 一戦。 蓋祖於《公羊 齊戰 ,寡人死之, 及其 不共戴天, ,卒爲讐 則能 死也 戰

九月,齊人取子糾,殺之。《左傳》"「殺子糾于生定蓋有爲而發,何高宗之不悟也?

稱「公」,其可榮,故「戰」不

諱「

敗」。

管見:與夷立馮居鄭,而卒入宋。鄭忽寶,^{召忽死之。}」

故其殺之也,罪齊之通國而「人」之,其見 謀納之,終則受白而 而爲 始,軟於圖終。 弟。其寶 歸,突奔蔡,而卒入鄭; 亦忍爲此。 於糾寔無能,畀齊其能。 之不免也。 下爲家。父不能得之於子,兄不能得之於 而卒入衛,小白蓋慮及此。 凡桓公之失恩,皆齊人有以成之也。 人所取爲害義。 在 糾於白 以禍福 位 ,而以芒刺待至親,宜 其貶在於不能存己所有 本無罪,不勝其罪。 爲炎凉,等倫常於草 請 齊之於糾 討之。 黔 然魯人簡於作 牟 大道既隱,天 ·立,朔 鮑叔之賢 ,始則盟 奔 子 糾 魯 m

の人

朋友之道。 恩;義 情 可 死 絶 不可 也,儕於未踰年之君而「子」之。 而 不得 殺 絶,則齊舉 而 字字爲 取 殺 加 則 與之取,病齊者病魯以 其 糾存其 綱常 「人」以明君臣 而發,故 「子」以見兄弟之 日 夫理不 之分; 知知 見 我

冬,浚洙。 《公羊》:「畏齊也。」

者其惟《春秋》乎」?

刑

洙乎? 之,而 廣? 故浚 當齊兵 管見:後而深之,則其爲淺水可 書「浚洙」,甚其 mj 况 深之。 衝,防其爲 **葦航之」,河** 師 深 乎? 則 然 厲,淺 無策也。 玩 堰 偂 讐 計亦末 ,然於此水以馳車也 猶 則 招 不 揭 寇,妄作勞民,直 可 」,徒 以爲 矣。「誰 者 知。 廣, 猶 能 謂 ൬ 魯北 涉 况 河

戰,而 寇,幸 相接 此必 矣。 己; 之舉,故 乾時之敗,既 之文。《左氏》欲神曹劌,故未戰,叙其知 將戰, 掩 **洙猶** 齊師及于長勺,公自將禦,不待 公欲 而敏 以 擊 洒憤於齊。 戕民以逞,其 於行詐,以博 叙 「公敗齊」爲文。 以 深洙 其 敗之耳。 知 以 彼。 捍 詳 聖人 齊,其策 勝,非 見 悪 其 其 堂 勝 堂 自 兩 不 Œ 我 在 致 Œ

敗績。」

齊師伐我,公將戰。

曹劌請從,公與之乘。

戰于長勺,

齊師

+

年春,王

正月,公敗

齊師

于

長

勺。

《左

傳

然既 《魯頌》:「矯矯 公日 **臯陶,在泮獻囚。」古人合兵、刑爲教,能用** 管見: 曰:「忠之屬,可 即 :「小大之獄, 能 知 按《左氏》:「曹劌 忠可以 用兵,二者相 戰,何 虎臣,在泮獻 以一戰。」 雖 爲 故 不 用。 復 問:「何以 能 以詐 察, 其 此 馘。 言 必 如《詩》 取 亦 淑 勝 以 有 戰? 乎 問 理 ? 之 如

曰 : 此見曹劌之事不真,而其言皆《左氏 可後,則其謀逞於齊者,非一端。 看《經》文,公自 齊之來素 君

300

此。 者之師矣。 爲據」,得之。 行師之道 劉 一,其 氏 謂 無 発 以 記 詭 图 戰 爲 出 貴,斯 曹劌,不足 爲 Ŧ

一月,公侵宋。《公羊》:「觕者曰「侵」,精者曰「伐」。」

穀梁》:「侵宋以衆其敵,惡之,故謹而月之。」 耳。 明白 邢,又不 耳。趙氏謂 日 至於侵之爲義,且如天子侵諸 之詭道行師者,非可爲訓。 曰『侵』」。 是侵亦天子之事,東遷以來,諸侯始專之 管見:按司馬九伐:「負固不服,則侵之。」 『侵』。」汪氏主其義。 侵」、書「伐」,凡以著其僭 「侵」。 伐義 而 乃潛 可 當 蓋 通, 胡 師以掠境乎? 從 有 「聲罪致討 傳改之曰: 趙 負固者,直逼其境而討 則其 氏。 爲天子伐諸侯之伐。 然可 然 曰『伐』,無名 推 而罪其不正耳。 施於春秋 「 潛 愚謂 大抵《經》之書 荆 伐 侯,何故 師 驅 鄭,狄伐 掠 兵 境 諸 逼 行 之 不 侯 境 師 日

> 三月,宋人遷宿。《公羊》:「「遷」之何? 還之也。」《穀梁》:「『遷」,亡辭也。 非 乎? 國,以空其地而後取之耳。 《公羊》缃侵、精伐之説,意謂掩薄爲侵,明 天水郡公, 也。宋人欲取 管見: 宿國在東平州東無鹽 學者於此等義,詳其事而 進爲伐,亦好。 傷王道之廢墜,恐不當又立師之義例也 司 惜乎征 有 馬 之意。 國 日 也。 伐自諸侯出 存宿國之名而寄生於宋,其 而徙于五國城。 聖人惡之,直 金封徽宗爲天水郡 其地 或又云:淺爲觕,深爲 加 未即 用 推 不地,宿不復見也。」 書 司 元封恭帝㬎爲 之則得矣。 馬之法 所用之名。 滅之,迫之遷 然則宿遷 城 王,欽宗爲 ,微乎微者 不通也。 而 不 寔 存 寔 得 以

地

其郡,公其

所遷之地,特存天水、

瀛國

之名耳。

瀛

國公,而使學佛于吐蕃。五國、吐蕃,其

通也」,意 故 穀梁》曰 不言 滅 「亡辭 謂 宿」, 將 宋地 也」,較是。 亦 環繞於宿,使不 不 以遷 于 《公羊》 某 地 百一不 得 爲 通, 文。

從之,大敗宋師。齊師乃還。」
丘。《左傳》:「公子偃自雩門竊出,蒙皐比而先犯之。公夏六月,齊師、宋師次于郎。公敗宋師于乘

殊甚迂

晦

齊爲 蓋 直 管見: 上 未敢索戰 之合黨。 其憤,思以洒之。 桓公違仲之諫,驟 逼 怒魯决以 外主, 乘 以 丘 齊 一國 興修怨之師,爲次郎之役。 ,卒爲魯人詐謀 於魯,是桓公重用其民,按兵境 用管仲,新 mj 必 聲勢奪之。 魯獨 報 ,乃桓公本心之私 用其民 會宋閔怒公來侵,即 敗宋,齊得全 作 内 而敗。 宋人急 政。 所 敗。 長勺之戰 於是不勝 師 於趨 是 而 役 然猶 ൬ 歸 也 利 畏 與

魯未即輕進,是管仲節制之道。

第一

次用

則流

毒何所不至?

故舉號

而

擯之,見强

不足貴矣。 不順,失「丈人在師,中吉」之義。 之長慮也。 莊兩 見可 志,而其增兩國之忿,啟四鄰之心,非保國 之,不勝 而 度行詐,春敗齊,夏敗 進 亦 知 知 故皆以「公敗」爲文,見其行 不 難 敗。 丽 退 以 亦伯 宋 爲 役, 宋。 者 之 以 雖 桁 觀 雖勝,亦 僥 也 其 倖 變。 險 得 魯

羊》:「荆 也。」《穀梁》:「「以歸」,猶愈乎執也。」 秋九月,荆敗蔡師于莘,以蔡侯獻舞 不可 日: 没其 列國之君。 不言執,賤夷狄 管見:蠻王者號,虜王斥名,敗不言伐,歸 遏,蓋 「州不若國。」楚人《春秋》之始,首執 耻,崇、卑、進、退之意廣 者何? 是役爲之權輿。 猾夏之罪,莫此爲甚。其後强 州名也, 而 深抑 州不 若 其强 國。 獻 若因 一,貴 矣。 舞 中國 何以 圃 《公羊》 國之, 名? 丽 不 公公

胥以 伯,不 例,豈 矣。 之君 暴者 紀 可 足 未 出 非其罪。 大 有國 其道,小人所榮,君子所 戰 此 嘗 國, 侯、夔子之類,則不以生名爲賤,其賤在 以 以 奔 戰 其 敗。 聖 也。 免, 爲 以 生名 爲 可 兢兢, 能 不 春 力 守,不 失 州 語 以富 秋 而 人憫之,不没其 爲之扶衰 不 地賤 書曰「衛人立晉」, 儕於生 次焉者善其辭令,修其文誥 如譚子、弦子、温子之類,雖去 勇 》 論 國之别 而比於賤者,胡氏謂 不 能 長 於 知强國之道,守位之方,而 能 貴爲 支, 之也。 守富貴」, 是非,不 攻伐,不 以 繼絕,卒爲强 上 小事大,自 辱乎? 此 無 勢猶 明 論 論 可 愚恐其 爵 耻。 得之。 富 天子,下 語 可 其或 不斥其 貴。 勇 以 衛 速其亡。 於名 自 大所併, 一欲 説 晉 小 富 至於失 强 之有 無 或 使國 非 貴 名 力力 分 名 賢 間 不 不 猶 也 如 或 之 國 淪 猶 則 方 於 終 以 偏 君

> 明大義 甘爲降 存,則 徽 能 明之莊烈,雖身殞 是則 不 宋 斯、 也。 或 義之所安,而 變,所貴 春秋》之義,蓋 以 高宗於女真 人 知 欽, 頓牂、胡豹、曹陽、邾益之類,勢不能 非 猶 或 歸 又 又當以 享有 虜, 以 道 而專以守富貴,則晉高祖 其 又 君 乎 之富貴,不足 爲 F 豈 死 知 則 君 社 如 死 可 富 道 天位, 以 北 · 而 稷 不 社 蔡 者。 其 貴 ·專在 獻 律 國亡,而當其 稷 之義,其 面 不 名 「大去」、「以歸」之爲 其 稽 爲榮,而 舞、 ·與馬 論 死 以 首 守富貴已也。 乎? 辱 生存 重 著 潞 更甚 矣。 稱 貪 嬰兒 視 聖人爲教,義 亡之際,求 生 兒 乃 事 晉 金 於 勢屈 無 屈 稱 固 懷 沈嘉、 之 以 臣 於 耻 身 有 愍, 哀 契丹 求 之罪 力 歸 苟不 常 者 活 其 有 宋 自 其

冬十月,齊師滅譚。譚子奔莒。《左傳》::「譚無

廣

意

博

觸

類

而

長

之可

也

禮也。」《公羊》:「不言出,國滅無所出也。」

者之圖 感乎此,故書「滅」,自齊之滅譚 雄略,管仲之詭謀,志在殄絶王綱,經營伯 以存亡望之,而不遂其滅也。 焉 之才,非能滅國 以興復望之也。 局,吞噬小弱,則亡者不可復存。 管見。《春秋》與滅之書。 極,齊滅紀,宋滅宿,皆不以「滅」爲文,猶 如許叔者,必能乘機而 [事就功,皆基禍之端,三王之罪人 圃 何也? 有之。 復之矣。 使紀、極 魯隱、齊僖、宋閔 東遷以來,魯滅 若以齊 始。 一、宿 聖 其 志伯 人有 桓之 義 有 固 人

十有一年春,王正月。 也。譚子猶可薄責,故其奔不名。

日成敗之也,宋萬之獲也。」公禦之,敗諸鄑。凡師,敵未陣,曰『敗某師』。』《穀梁》:「其夏五月,戊寅,公敗宋師于鄑。《左傳》:「宋侵我,

管見。: 古者車戰,蓋井田之制,爲道於阡

馬。 也。 有禮爲可用,蓋 故宋襄以不鼓不成列爲仁義,晉文以少長 聖人惡之,而其「敗某師于某」,又惡之甚 祠兵於廟,次則 陌,不徑進,不輕襲。 《左》注得之。 勝 不 掩 ?殺,敗 猶有古意也。 講 讓 不速追,無多殺之禍。 於舍、戰則 出 則受成於學,行 春秋侵伐 請期 於司 則

王者之後也。」
《公羊》:「外災何以書? 及我也。」《穀梁》:「此何以書?天降之災。」公子御説之辭也。臧孫達曰:「是宜爲君。」」
秋,宋大水。《左傳》:「公使弔之。對曰:「孤寔不敬,

恤。 德。 説立 后。 魯弔之,宋復之,辭令之體然也。 管見:齊桓 臧孫達之言,豈非啟小人竊國之路? ,何預屬辭之兆。 可有事 春秋時 尚 君之小心,不可居君 五. 有 命 如 Ė 此 無 禮 人臣之義,謀猷 遏 糴」, 外 災 告 是 民 告 則 捷 之大 災相 弑 惟 御

宋鮑 於義理,宜朱子不之取 左氏》 厚 好神 施 陳 未 氏 來,故辭 得民, 多傅。 是 可 會,不 以 爲 -覺有 君 乎? 害

冬,王姬歸于齊。《公羊》:「何以書? 所自 有顧 矣。 柯、 詳,桓之姬略,先儒 好,假王 者,文姜奪之也。 死」,其心非不以合齊爲耻,而卒不能 故,略者無故。 乾時之敗,長勺、乘丘之勝, 管見:莊公之編,主齊昏者二。 鞠子,其道 盟防,齊之伯勢侈然,而魯之禍胎隱 異乎文姜之謀家,莊公之謀 慮不 來? 誠能絶 姬昏事,以公平於桓。 敢肆之事,而哀姜禍本,其端 觀莊公之言曰「寡人生不 齊 云何? 而 無故 不與之合,則桓公伯 於是文姜欲申齊、魯之 固已論之。 則何以書? 索隱也。 己之宣淫 魯將 過我 然詳者 而徒謀 或 自 也。 與 襄 也 此,盟 之 齊 舍 圖 如 絶 有 昏 然 齊 何 必 姬 事

> 秋》。 婦,人倫之本,而春秋時 謀之多舛,而 媾,爲敗家之局。 微莫過 主昏常事不書,有關國之故 乎《春 徒 秋 用 ×, 保境交鄰,其策安 昏 mj 「媾,爲 謹 亂 微 敗出 N 則 亂 亦莫 書之。 或 之階。 於此。 過 乎《春 故發 在 故 夫 ?

十有二年春,王三月,紀叔姬歸于酅。 所,故言[歸]焉爾。」 隱隱也。 其國亡矣,徒歸于叔爾。」《穀梁》: 「失國喜得 《公羊》:

其

少。 魯而 之身耶? 之哀,境異情遷則 管見: 人莫不有存亡之感, 事過意息 夫之弟,恒心不改,大節凛然,所謂 亡於是八年,豈其從紀侯以去國,没君 捨安樂而就凉冷者爲難。人莫 此紀叔 家 酅 不 常人之情,捨魯 姬所以見貴於《春 懷 姪 其 而 八守寂 懷 叔。 寞 何適? 丽 祖夫 堅貞 秋》也。 不 之祖,弟 霜後 苦 有 乃不家 者 則 死 子 紀 常 其 牛

— — 四

周 薄 名 明,宜漢、唐之臣俛首於妖婦也 而 存於紀,義 雪 七廟,擯其夫而宗其親。 ,獎勸之意 後 蘭 也, 繫 弘 不 於酅 矣。 其 可 吕 0 貴 后 所 也 \pm 以 歟 \wedge 諸 春 ? 表 吕 秋 節 故 》之義 義 武 或 后 敦 亡 不 文 澆 而

夏四月。

子御說齊毫。」《左傳》:「宋萬弒閔公于蒙澤,遇仇牧于門,批而殺之。公秋八月,甲午,宋萬弒其君捷及其大夫仇牧。

以

辨。

逞 既 管見: 體相 其 死 惡 而 大夫 後 須之義 矣, 殤 其 死 公弑 義 也。 難 蒙 固 或曰: 相 孔父不死 「弑」文,見手足腹 關 孔父義形於色, 捷、卓之弑, 則華督不 心, 能 仇

> 愚竊一 賢 義 此等人已也。 表氣節, 臣,臣未易 以信易生,皆人臣之所難也 者惜 ,仇牧爲死 已於徒人費、石之紛如論之,然不 焉。 亦爲 得 士 仁, 荀息爲死信, 此 善擇死 楊雄 夫 行 死莽,蔡 己, 書「及」以褒之,非 者之勸 不 學《春 邕 也。 君 故 死卓,可 不 孔 此義也 秋 父 可 \approx 爲 少 惟 爲 特 此 無 死

冬十月,宋萬出奔陳。《左傳》:「蕭叔大心立桓公

南宫萬奔陳。 不葬? 管見: 捷弑 人 人殆能討賊 醢之,則陳 固 以 討逆 其 宋人請于陳 義 人 扶 御 何 病 雖 衰之義望之。 説 齊 以 非 <u>寸</u> 醢之。」 不 桓 同 公 書 仇 萬 也 出 殺 亦 奔陳 未嘗 萬」,閔公何 齊 惡莫大於弑 伯 蔽 宋 方興 賊 人 請 了, 聖 以 宋 而

弑

卓, 荀息明知之, 明知而

不食其言,可謂

以

身殺

級賊,可!

謂

不

求生以

害仁

里

克

之

牧、

荀

息

徒

死

焉

耳

何

得

與

孔

父爲

比

日

萬之弑

捷

仇

牧

不

得

知

,及知之,即

欲

興,則 君,事 蔡人 是討 不足道也。 不 作,則討賊之權寄於人人。 之會以定之,而於萬 之族。私相擁戴,不請王命。 於天下乎? 陳人受之,伯國若 初時,宋人若不以 葬,是也。 殺陳 賊猶不討,君葬猶不葬也。 莫大於立 其 (權 陀,齊 寄 御説之立、乃立於戴武、穆莊 知乎此,則桓公之伯亦徒然 於 君。 伯 人 主。 無 殺 賂 奔陳之事,付之不問 萬之殺 聞 請,萬 無 宋人不 焉 知是也。 贵 也,宋人賂之, 衛人殺州吁 將 非 齊侯爲北 殺 漏 夫王者不 大義 網 萬,閔公 伯 於陳 統 不明 既 杏

于北 「人」,何也? 有三年春,齊侯、宋人、陳人、蔡人、邾 大司 杏。《左傳》:「平宋亂。 時 行 始疑之。 齊用 ,掌賓客; 管仲 桓非受命之伯也。」 爲 甯越 遂人不至。」《公羊》: 相 鮑 爲 大司 叔 爲 田 將 了。掌田 隰 一其 人會 朋 E

夏六月,齊人滅遂。《左傳》:「齊人滅遂而戍之。」 就,其亦異乎諸國之從風 爲齊人之所驅策。 之。魯之不至, 寔有 諸侯,莫不歛袵而至。齊之伯業,蹶 師合三萬人,以爲三軍。公主一軍,高、國 齊人之才,彬彬傑 爲大司 里,王子城父爲大司馬,治 齊,其應如響,亦 齊而「人」諸國,見齊伯莫適 主齊者,富强之數 天下。始爲北杏之會,其 可禦矣。 主二軍,謂之士鄉。 曰定宋,其寔則主諸侯也。 合二十一鄉。 理 於是管仲勸桓公尊天子,以 ,按獄訟; 内政之法,次第就緒。 世道 出 也。時託 是 别爲六鄉,以居 東郭牙爲大諫,諫 以 。又制 人心 猶 窺 知 而靡者。 名曰 見 諸侯所 守 軍旅 大關 與京,人之從 其 國 名義,以 禮 (微,不 尊 爲十五 義 ; 鍵 周 《經》序 賓 以 而 者也 工賈 然 肯 籠 東州 不 其 號 須 翕 鄉 肯 絡 澽 辭 無 伙

之辭 過,全不於仁義上用功。 志,在併小以威大。 嘗滅之也。 若爲羑里之故,便不成其爲文 讐之大者也。 其伐之者,亦以 至」。 管見 可也,滅之不既甚乎? 《左 爾 然則齊 且如 氏》於譚曰「無禮」, 滅人之國,暴莫大焉。 滅 此 三國 事, 姑存二亡國,以 有 何足爲大 崇虎 名乎? 此事業之所以 譖文王於紂, 從約 罪? 於遂 王 一、然亦 日 管仲之 百一不 爲惡 特爲 伐之 掩 未 其

公之信,著乎天下,自柯之盟始焉。」
《字,公會齊侯盟于柯。《左傳》:「始及齊平也。」《公秋七月。

卑,而三尺童羞稱之也。

即行戡黎,商邑震動。當時,紂勢猶盛,寔伯無道。文王初釋羑里之囚,得專征伐,管見:王、伯之分,道與術而已。王無術,

術精也。

大抵魯之爲國,無秦、楚之强,亦

故盟 不道 臣,得一君,則衆君 爲抗,示之以 東州諸侯 齊不得魯,宋必合魯。宋、魯合而 之會,侯而先公也。 真重曹子之盟而不背汶陽之信哉? 籠人,使之人不疑,他得售其計。 心之所向若此,迹之所行若彼。 挾術,安肯戡黎以啟紂之疑? 遂之滅,魯之附庸也,魯侯敢怒 蓋有慮周之心,文王豈不料此? 有疑文王之心, 純亦不已」,無所 國,則諸侯不合而從。 曹子而 ,可戡則戡,寔恭專伐之命。 視此爲從違,齊不能 反 强 魯田,予之以臣 何事 屈 適 不 弱 宋人面從,而 莫 不 盟 丽 八者也。 韜悔? 而信。 不 此其 以 爲 審勢明而 敵 遽 捐 圃 伯則不然 祖 卑。 君 凡皆智術 只 抗 得 心 不敢言。 然其心 乙奔告。 齊 聖人若 爲 而 邑,收 志矣。 齊,則 不服 北 讓 不以 黎 桓 慮 侯

ů.

非 則 鄭役,莊 味愚戆,每爲諸 「綏斯來,動 邾、莒之弱。 公以汶陽爲齊役。 斯和」。 取之不可,侮之不得, 國 所欺 弄。 道馭之而 隱公以防 使有王者作, 有餘,無 田 而 爲

柯之事,是非得失,朱子所論甚正,可爲諸道伯術,玉碔不分,愚是以一辨。若夫盟也。《公羊》稱其信,温公又推崇之,使王待於術詐矣。驅之以術,此伯之所以卑

「宋人背北杏之會。」十有四年春,齊人、陳人、曹人伐宋。《左傳》:

傳折衷。

> 取成於宋而還。」《公羊》:「後會也。」 夏,單伯會伐宋。《左傳》: 道也。 爲 養兵之費,亦無久役之勞,齊之富强 但其時寓兵於農,事至而聚,事已 知桓公之伯,其不滿 圍新城、伐北戎書爵,其義無貶。 救邢書 師行、恐非將 底人,北伐南征,莫非自將。 行,萬人亦爲衆矣。 且桓公非是深居安坐 良 南摧荆、楚,西抑秦、晉,其效亦在 「人」者,皆非 師」,著其師衆之盛,次而不救爲 人 連,連長率其卒二百人。 即有侵伐,不當只用卒旅。 率其旅二千人。 管仲四十年息養天下,恐未必然。 卑 義 戦。 師 少之謂 處 惟侵蔡、伐楚、伐鄭 五. 「齊請師于周 甚多,宜 鄉 也。 + 立 亦不當以 淺意,其 連 聖門 單 如 此 師 爲 而 憊。 以 伯 也 在 散,無 鄉, 不之 會之 師 此 稱 乃 師 鄉 萬

管見:按《外傳》周釐王使大夫單蔑帥師

七

之謬。 以王 曹二國伐之,其事必禀命於周,請王官下 編尹子、單子三會伐鄭爲 伯逆王姬之文,謂爲魯大夫。又以成公之 《外傳》 齊伐宋,與《左傳》合。 命 愚竊 稱 爲主,宋 名, 惟齊、魯事勢,北 不知 公不 是何所本? · 服。 齊取 證,深駁《左氏 但《 杏之會,齊 左 近宋之陳 傳》稱 諸 家 據單 姓 侯

臨以 求成如是之亟。 非王大夫會之,其時宋人方恨齊侯,未 之,便惶 夫會之? 肯役魯? 爲重。 惧不敢抗,其家 宋 且 魯始與齊合,齊不役遠國,豈 人 此 甚 役 故知單 恐 齊侯自 E 命 伯必爲周 法亦 將, 如 甚 魯豈 鄭 純 莊 之大夫。 良。 假 敢 以 命 必 使 伐 大

楚遂滅息 秋 七月,荆 ,以息嬀歸,生堵敖及成王焉。未言。 入蔡。 《左傳》: 「蔡哀侯繩息嬀以語楚子、 楚子以蔡侯

《左氏》不爲無

見,非

魯之單

伯

矣。

滅息,遂伐蔡。」

楚亦 情 其勢亦終爲 致有于莘之敗,而又道之滅息,終 惟蔡君不 庇,而江、淮莫楚與京。 蔡不從楚以圖 鄭伯于鄧,有親 管見:蔡之從楚,勢也 也 不當啟 觀 知爲 其 寵 放 臣 八計,中 一僕 以 哀 中國之心。 納侮。 侯歸 矣。 國 國,欲平蔡人之怨, 楚之怒蔡,客 ;非 不可恃以爲援,於 既爲息嬀之故, 惟 意 中 也。 或 困 觀 不 1也,非 於 能 其 妖 會 相

之。 人有 存蔡, 然欲 之自 而寄 婦之言,則是年人蔡,蔡自取之。 中國不 媚婦人,而非寔甘心於蔡也。 弱。 生於他 也。 則無 蔡 中 以爲齊、晉之衝,故無 人 人 庇蔡,是自廢 或 也。 不能自 之弱, 故 皆 凡 謀 夷 由 其 是 狄 中 藩 自 之强,皆中 國之人自 籬,而 壞 其屋 意 楚 蓋 非 於 子 楚 爲 國 他 滅 偶 不

淺意當從《左》注

人冠之,正之體也。

^

經》文豈有一

例?

書?

齊序宋上,則主是會者見

矣。

以

E

爲楚 其次陘 心。 此役 服 之師 屬。 也,齊不救 終不 迄《春秋》之終,凡書 得志 蔡,桓公爲失算矣,宜 於楚。 自 是,蔡 荆 人 人

蔡」,皆爲伯主病也。 蔡侯召兵之罪,又其

次焉。

傳》:「宋服故也。」 冬,單伯會齊侯、宋公、衛侯、鄭伯于鄄。 [《]左

伯,王人也, 侯之上,而以 子之類爲證。 故以王大夫臨 管見:此繼北杏爲衣裳之會。 心之易從也。 柯之盟,不强致焉,此齊侯之豁大處,宜 不書單 内爲主。 劉氏駁《左氏》以宰周公、劉 然此皆公會,則序王人於諸 之,而齊之伯定矣。 伯會 此則公不 諸侯、●當 宋公既服, 在 魯既 會。 如 單 人 何 爲

> 于鄄。《左傳》:「春復會焉、齊始伯也。」 ·有五·

+

年春,齊侯、

宋公、陳侯、衛侯、鄭伯

難,而 蔡哀侯新復國,鄭厲公新人國,陳、邾皆小 管見:齊桓三會,魯皆不至,可見齊伯之 服魯之不易也。時宋桓公新得國,

從命如 覷。 國,衛朔者 雖勉爲柯之盟,且歸田 響。 魯自 哺 雛 長 乳燕,依 勺、乘丘 齊以寄 以媚之。是以 之勝,齊不敢 息,故 皆

管仲之謀,而不能驟致,可 去就從違,猶得徐觀審擇。 知爲國 在 自 强

而已。 魯承周公之後,爲諸 侯望,革 車 T

息一 以伯讓人? 奈何僥倖致勝,制國 乘,奄有龜蒙。 之誤,内制於文姜牝 盟,得田 自且是。 藉此鎡 外奪於施 鷄司晨之妖。 基,行其智慧,何 伯飛 無謀,姑 鳥 未幾于 依人

侯」原脱 ,據乙本

以桓公之略

其善於爲國乎?」齊之三會,乃魯人未雨女下民,或敢侮予。」夫子曰:「爲此詩者,《詩》曰:「迨天之未陰雨,綢繆牖户。今

之時,君子當三致意焉。

柯爲可恃也。夫欲得魯爲重,而求於親所管見:齊桓必致文姜以親魯,蓋不專以盟夏,夫人姜氏如齊。《穀粱》:「婦人踰境,非禮也。」

以病之。
魯侯受制於母,其無能爲亦可見矣。故書當絕、禮所當拒之人,此齊伯之不足道,而

鄭人侵宋。《左傳》:「鄭人間之而侵宋。」

_

冬十月。

爲小人之所暗算也。 救蔡之類。 桓公偏好城媚 失,乍異乍同,酷肖其父。 寤生。 鄭,資齊之力。 其始伯作用見之也。有六七分手段,却欠 後,惧齊之心移於惧楚。 强,即輔强 解行其所易而棄其所難。 不寤而果於納之也? 首侵同會之黨,爲媚楚之謀。 即背齊而侵宋,其意 管見: 甚矣鄭突之反覆也 逐弱,如爲宋伐郳而不能 突有心計,巧窺測 ,被他巧弄。 及其定 在 齊之不能終伯 他是善求寵 位列會,惧楚來伐 從 其 楚 子儀勢弱,突勢 也。 寔 又管仲 此其患得患 故 桓 兩 他 何桓公之 智 度會齊 人國之 自櫟人 的人, 當於 仲 爲 抑 謀 政 荆

●「狐」。原誤作「孤」,據乙本改。

卑者也。

蔡、鄭最先受兵。

齊、宋特時其吞吐以爲

蛇中脊也。

擊首

能擊其

中,故

荆

楚

强

了三四

伸縮

無

能

制

楚之命,伯

!勢亦

不

能

及

有六年 春,王 一正月。

故也。」 夏,宋人、齊人、衛人伐鄭。《左傳》:「諸侯伐鄭,宋

管見 情。 之罪,則非伯討 舛也 爲宋爲名,故以宋爲主,見齊桓伯政之多 諸侯伐 齊既 鄭,爲 突 鄭者,北南之樞,事體 黨惡 有奪 中國計,非 助之,及其伐之,又不 嫡之罪,又有背 也。 故事雖統於齊而 爲宋 計 非郎 華即 也。 之比 文不 Ė 夷之 特以 他

秋,荆伐鄭。《左傳》:「楚伐鄭,及櫟,爲不禮故也。」 與,責備之意也

> 周 也。

管見:天下,常

Щ

蛇

勢 也。

首能

擊

其

尾

尾不能擊其 蛇尾也。 齊、宋,蛇之左右 首。 秦、晉,蛇 脇也。 首也。 蔡、鄭 吴、楚,

> 也。」《公羊》。「同同 伯、許男、滑伯、滕子同盟于幽。《左傳》: 冬十有二月,會齊侯、宋公、陳侯、衛侯、 其人。 陵,非 運 國,則有不論其勢,亦在 此天下之大勢也。 秦、晉之强,非 動四 舉尾以 聖人之心,拳拳 海。 光武起自南陽,明 盟」者 擊首乎? 惟 能駕 何? 然英雄審天下之勢,以 同 楚,其 我自强 以 欲 要之,勢輕 也。」《穀 抑 究 戎 而 具 狄望 祖奮自 梁》 已。 併楚矣。 重 一之中 「鄭 存 同 鄭 平 尊 成

與 也? 日: 志。」 管見:《同 草一木,周之封域也, 齊之自爲尊 然 鄭卒不 同盟也者,使若一德以尊于天子,不 則 同 人 朝,魯 盟 也。 曰 : 于 猶 幽、天下 周 君子 德 叛盟,烏 雖 一民一物,周之 爲 衰,天命未改。 之 能 在 志 通 其 通 天 能 乎 下 ? 之 通

書事 尊周 侯同 卑。 象也。 矣。 之故 人親 之諸侯, 臣 未常墜 以前,未發「同」之義,則盟自相盟,於天下 功不可少,而 大變也。 裒然執 或 同 妾也。 躍 盟」,乃扶王 《乾》九 《春秋》之志,聖人如見天子在 筆。 爲 無 同 因 在淵。」飛之下有躍,王之下有伯之 此盟 飛,君象,躍,臣 牛耳,爲天下之宗盟,盡先王 也。 與 外楚, 魯史舊文,間 聽命於一國。 庭寔旅百,自是 同盟自有伯始,可見文理密察, 齊特挾天子以令諸 也。 非齊 聖人爲 五 五伯之罪寔作俑 曰:「龍飛在 于幽 抑伯之旨。 字立許多義。 侯 尊周 同, 之所 有特發 臣爲 象,君德尊,臣 而天下自此 加 盟 得 始。 注謂 天。」九 作,特書 專 君 侯 焉。 二義,乃聖 "**,** 而 綱 夫《春 爾。 雖 同 故 乾 世 四 盟,同 上,諸 之日 道之 綱 多 于 匡之 封 日 秋 德 故 幽 建 猶 日 之也。」

然是後多没「公」之文、蓋有深意。 爲此義,恐鑿。「會」字上「公」,作「公會」, 當默會之可也。 若曰:彼事爲彼義, 當從 此

《左》。

邾 《公羊》: 十有七年春,齊 子克卒。《穀梁》:「其曰『子」,進之也。」 爵。 滅。 當時 秋》之進邾子,孟子之見滕文,其意 其國家,全其名分,如邾子者, 管見: 小國間於大國,而能以小 「此鄭之微者,書甚佞也。」《穀梁》: 存亡興 、如紀、宿、譚、遂、以 在彼 雖 有可 廢, 人執鄭詹。 由 滅之道、邾克乃 我而 《左傳》: 由 小弱 人 乎 可謂 以 爲 鄭 哉 能 事大,保 其 也。 ? 大 以 不 逃 賢矣。 朝 或 功 來、志 也。

告桓公。 管見: 罪之不 在 鄭詹,鄭之大夫 當反諸己,蓋有可侮之道 詹也。 鄭 惧 楚 也。 而 不 以 朝 齊 或 使使 氏 而後 者, 詹 取 议 見

進

所

春

甚軟 若不聞焉。 之説,皆非。 執使? 即放還。」真王者之言也。 是讓,又執其大夫,欲以示 侯,示以同仇之義,揚其必伐之威,則 侮於人。 大畏,孰敢 邊事,元帥 也。 書「執」,惡之也。《公》、《穀》佞人 荆楚憑陵,蔡、鄭先受其害,伯主 金 不朝? 借曰: 府隨宜措置,●行人何罪? 人 執宋使朝 乃不能 勢未 可圖 昉, 武 國體重輕, 然,惟鄭之不朝 前 ,亦當播 金 主 不自 雍 何 知其 小懷 告諸 日 與 可 :

夏,齊人殲于遂。《左傳》:「遂享齊戍,醉而殺之。」 穀梁》:「遂之因氏,飲戍者酒,而殺之。 以 之不以其道,而其忠義所發,譬視齊人,有 周之「篚厥玄黄」,故其國 心未忘也,於是遂之遺民醉殲齊戍。 管見:齊之滅國,非 見 王澤之未泯,伯德之難孚也。 如商之「東征 雖 滅 此謂 加 狎敵也。」 思舊之人 故遂既 西 雖殺 怨」,

見矣。亡,猶以存國爲文。聖人勸忠繼絶之意

秋,鄭詹自齊逃來。《公羊》:「書甚佞也。」《穀梁》:

「逃義曰逃。」

其横逆之來。 他身重於名,故苟免而 之解紛排 志之君子也。大抵春秋人才全無大節,以 義,固當生死以之。 將命,見執於齊。執之不以其理,人 在,則違難 婦之諒者,君子所不取也。 山,有輕於鴻毛。 然則微服過宋,非 管見: 「臨 難則有餘 加 難無苟 去之,與 聖人一身, 死非 敷? 免」,士夫立身之操 ,廉頑立懦則不足。 自越 (權可 其道,而爲匹 無耻者常多,捨命 日 而逃,非致命遂 萬世道統之 陳、蔡之厄,乃 也。 死 鄭 有 重 詹 八臣之 夫 一於泰 爲 也。 所 緣 兀 君

●「置」,原脱,據乙本補。

而受,又當於「自」、「來」二字互見。一之意深矣。若夫齊不當執而執,魯不當受而不渝者常少。聖人以「逃」罪鄭詹,警世

冬,多麋。《公羊》:「記異也。」

麋大於鹿。鹿陽類,麋陰類。故陰盛之麋以害穀,故書。《詩》曰:「麋鹿濯濯。」管見:周之冬,夏之秋也。秋成之後而多

感,其應多麋,則以多爲異也。

也。天子朝日,諸侯朝朔。」十有八年春,王正月,日有食之。《穀梁》:「夜食

管見:是年,周釐王崩,惠王閬立。王室

《公羊》:「大其未至,而豫禦之也。」《穀梁》:「不使戎邇於夏,公追戎于濟西。《左傳》:「不言其來,諱之也。」

管見: 莊公用兵,最好行詭。觀於取齊、

而

有之,此爲陰氣自外而入,殺氣自内

而

我也。」

以固 去,出 没戎之侵,而書公之追,以見其志之憯如 將以博一勝爾。 以邊民爲嘗寇,彼侵之而不禦。 於費而已,不越境以履危也。今也不然。 敗宋、追戎可見。 此必戎人來侵,乘 此,誅意之法也。 玩寇,我追之而不戒。 安邊境爲重 原而已,不窮兵 疆場爲重,當如伯禽之禦淮、徐,治兵 奇兵以追之也。 ,當如宣王之伐 以 其究無 逐北 蓋僥倖戎 若果志於伐,則 也。 功,止以戕民。故 志在 玁 狁,至於太 以邊 於禦, 人之弊, 地爲 其 則 以 既

知事應。盛之爲物,含沙射人。非魯所有當退飛」、「鸜鵒來巢」之類,觀其物異,便學。如書「螽」、「螟」、「多麋」、「有蟚」、「六秋,有蜜。《穀梁》:「有一亡,日「有盛」,前本格致之秋,有蜜。《穀梁》:「一有一亡,日「有盛」,射人者也。」

微忽之也。杜鵑鳴洛陽,邵堯夫獨以爲詳書于《經》,戒人君當慎所感,不可以細矣。夫虫豸至微,而感兆之機毫髮不爽。出。哀姜宣淫,慶父弑逆之兆已見於此出。哀姜宣淫,慶父弑逆之兆已見於此

夏四月。十有九年春,王正月。

異,亦此意歟?

刑,以爲愛君,非也。此乃俠客之祖,不可**管見**:《左傳》載鬻拳强諫楚子,自納於

爲訓。

出境有可以安社稷、利國家者,則專之可也。」《穀梁》:「以盟。《公羊》:「此其言「遂」何? 聘禮,大夫受命不受辭,秋,公子結媵陳人之婦于鄄,遂及齊侯、宋公

輕事遂乎國重無説。

事以其次女來媵?如《公羊》謂媵歸陳侯之微者,嫁女於陳之微者。結,魯公子,何管見:鄄,衛地,齊侯兩會諸侯之所。鄄

公盟。 發,諄諄以國事爲念,卒定南北之好,可謂 生一女,還亡一子,若不聞知。得家書,不 結者,可謂「生事」者也。 傳釋「遂」字,有專事、兩事、生事之殊。 得先其己事之輕而後及於國事之重? 結寔召之。人臣受命出境,國爾忘家,●豈 事,倒行逆施之罪大矣。 謀以伐魯。魯侯疑不敢會,使結往之。結 是必鄭詹來魯,齊、宋以是會鄄尋幽之盟 之婦,亦無公子送媵之體 深明遂事之戒。 因往鄄,便納陳婦之來媵者,遂及齊侯、宋 至鄭? 小小以歸,其亦公子結之類歟? 其爲慢君命,褻大禮,辱國體 遂及齊、宋盟,豈非無理之甚 陶穀使江 富弼使契丹,往 西鄙之兵不弭 南,帶錢塘名妓 且 媵 陳, 一簡公 乎? 何 若 胡 以

「爾」,依文意疑當作「而」。

0

夫人姜氏 如苔。《穀梁》: 「婦人踰境,非正也。」

管見: 凡以罪莊公之失子道。 姜氏之惡,播於 杜氏 遐 通。 書「姦」。 特書 屢 盟

冬,齊人、宋人、陳人伐我 「鄙」,遠之也。不以難邇我也。」 西鄙。 《穀梁》: 「其日

鄭突。 廣,姦臣 兵及於國之西境。 致寇,自取之爾。 重,重者反輕,非伯討也。 難,急修鄭詹之怨。 累内也。 **管見:**「人」三國者,累外 奏,此趙 也。《穀梁》曰「不 人既受鄭詹之來,重以公子結之慢,召兵 非示 舉國伐國,逞其怒於魯人。 誤國之套 高 人 何累乎外? 所 君 以 以 欺 外 胡亥, 其曰「西鄙」者,三 聖人書之,非有所 也。 以 憂 勤 之 難 \pm 孟子曰 齊 ,虞世 邇我」,此 意。 納 也。 何累乎内? 桓 王,讓其 盗 不 基 「伐我」者, 二二出 急王 賊 所 輕者反 蔽 不 以 國之 室之 欺 以 賊 回 無 功 敵 之 於 楊 護 魯 論

針,鑽木得

火,物

相感也。

男女之不

能 制 國外患,國恒亡。」聖《經》之旨,豈有「不 以

二六

難邇 我」爲訓 乎?

如

莒。

一十年春,王二月,夫人姜氏 見于可欲,不見可欲 母之惡不可掩,豈非失孝之大乎? 母爲惡,曾可以 亦得孝之一偏乎? 橋以渡。及母死,乃殺其人。或謂順母 者於溪水之濱,負之以涉。 管見:"古有孝子,其母 志,平父之憾,兩盡 爲順乎? 其道,所以 情何· 曰: 寡 此孝之賊者。 縦能殺其人,而 圃 自生? 其子知之,爲 淫,當待所 爲孝。 磁石 夫情 引 次 私

惡坑易阱。 莒人可悦,何 娱樂之,豈無其道? 防閑之,豈無其方? 其情,亦猶 人,乃使之得見國君之母,使其欲 是 其來不戢,其去莫閑。 也。 以 得 莊公以 接 姜氏 之目 一國事 ? 母 火難禁 明知之 外國之 所以

燕伐

周,子

頹

僭立

, 若

罔

聞

知。

徐

戎

之患

甚淺,特先治之,而荆之入蔡、伐鄭,荐食

弱

也,因

其受鄭詹,

則以三國

來伐,

而衛

於是納王於櫟,卒定子頹之亂。

《易》曰

「孫齊」、「如齊」誅之。至於「老而不死」,子,其罪加一等。若姜氏之惡,聖人已於而明縱之,莊公之惡不勝道矣。律之狂孝

夏,齊大災。《公羊》:「大瘠也。」故特發一二事以深其子之累。

管見:大災告則書。《公羊》「大瘠」之論,

冬,齊人伐

故先治之。」

冬、齊人伐戎。張氏曰:「戌在徐州之域、最近齊、魯、

有咎。」」

管見:齊桓 突,乃從而 從而定之,而 國,捨堅而 納之,而子儀之冤 攻瑕。 營伯,釋難 長萬之罪不問; 如宋 五 而圖 族 既 不辨。 易。 傅 V. 瑕 御 管仲 内應鄭 説 魯又 乃 謀

> 急利 植 楚,僅成伯業,而 中華,終熊貲之身,不敢 立不牢。 而後義,先 此 功 私 人心之向服不久,國 烈 而後公,故 所 以 問。 卑, 雖 凡若 而 能 聖 尊 此類 門不 [勢之 周 抑

道也。

二十有一年春,王正月。 五大夫。 突卒。《左傳》:「春胥命于弭 鄭伯享王, 樂備。 原伯曰 ,夏同伐王城,殺 夏五月,辛酉, 「鄭伯 效尤,其 王 一子頹 鄭 亦 伯 將 及

也。 必及之。」豈非「人之將死,其言也善」乎? 失時,殃咎必至。 享五大夫,樂及徧 **管見**:鄭突一生無可觀者。 奸王之位,禍孰大焉。 今子 舞,乃見號 頽歌 臨 舞 叔 及聞 禍 不 H 倦 忘憂,人 王子 「哀 樂禍 頹

者,不可以 人廢 言。 豈其 晚 節 涉 歷 既 深,

經變長智,故能 立大功,保完名歟?

目也。」 秋七月,戊戌,夫人姜氏薨。《穀梁》: 婦婦 人弗

文姜、武后,千古唾駡,則位、禄、壽爲之玷 餓,柳、跖死飽,看二者受用,優 曰 : 得位、禄、壽。然則天道禍淫,有僭爽歟? 管見:魯文姜、唐武氏,天下之大惡也,而 禄、壽濁、福、名清。 福 也,夷、 多多何 齊死 如

也。是亦禍淫之弗僭矣。或曰:夏塗、周 嫄,見於《詩》、《書》。 德厚流光,理宜 然

賢者。 者。 不係氣類。朱子已論之矣。 魯有國,唐有天下,皆淫婦子 此甚不可曉。 曰:人生自有秉彝 孫,又多

冬十有二月,葬鄭厲公。 王氏曰:「臣子私謚 不敢

妄加美名,古意猶可考也。」 管見:鄭文公謚其父爲「厲」,漢宣帝仍其

> 號,豈 非 亦可 行遺其子孫。 若名行之相副 其不善、雖欲掩之、他人豈爲之掩? 於士論也。誄者,人子不没其親之善。 博士議革去之,可見人主之威,有不能 近古,故厲、繆、幽、頎之號嘗見之。 祖爲「戾」,君子美之。 有公議,按行定名,人子亦不得私其親也 但 廢乎? 戾 非公議猶勁? 園而已,夏侯 曰:春秋時未變古,漢 也。 是故慈父德祖,在有善 公勝論 東漢桓、靈已稱宗、 然 則 武 禮 帝不當 稱 誄 其 立 時 則 如 猶

一十有二年春,王正月,肆大眚。

元惡大憝,不可 管見: 肆,赦 也。 赦。 赦 含冤茹 不 미 泛,亦 痛 獨 不 可 可 赦

罪。」《中孚》曰:「君子以議獄緩死。」但當 乎?《易》之《解》曰:「君子以赦 審其可赦,可宥,可議,可緩,則得其平矣。 過 宥

此 軾 四 則上 更三 凶 赦君子 無 有 赦 議 法,正 闇 不 也。 及,李綱罪在不 主,下有奸臣,但知赦小人而 卯無 豈非赦之病乎? 緩理,法之正 赦,更不 故聖人 也 放還 蘇

之道 不能 明與公而 己。 此譏 不在 肆大告

若莊 慝 ,概行姑 公者,始亦梁武帝之徒歟? 息,非政 體也。 然爲莊公固 不别 淑 不

可。 可,爲孔明以刑新 治天下者,觀《春秋》所書之法,當求 國則可,以 刑平國 亦 不

春秋》爲政之心。

言小君也。」 癸丑,葬我小君文姜。《穀梁》:「以其爲君配,可以

爲 秋》爲教、禮法 者,聖人特筆,即「我君桓公」之意也。 之夫人、《經》文據事寔書。 **管見**:莊公以子 國 君母,於禮不得貶,不可一 所 · 葬母,當時大夫謚其先君 在。 文姜於法 其曰「我 可誅,而 一律論 小君 《春 也 其

爲

他

日敬仲子孫代齊之驗,恐未必然。

此。 爲 光武 人,成何 有 故曰: 説 黜吕后,尊薄后,甚失《春秋》之旨,猶 義 宋 理? 不學《春秋》則斷 時證 詆宣仁皇后欲 聖學不 明,其 國論者,無 害一至 追 廢 爲 於 庶

折衷

陳人殺其公子禦寇。《左傳》:

「陳人殺禦寇。陳公子

完與顓孫奔齊。」

管見 殺而存 其「公子」,見禦寇之 無 罪

此 罪 與,不君甚矣。 如唐文宗殺太子永,其事出 也。 又按公子完奔齊,後 不稱「世子」,未誓於天子也。 昏悖,國人乃得擅殺世子而 其 (國也。 段、《左氏》引陳 以國人殺之,見陳國之無 此不在稱「人」以 故稱「人」以 侯筮《易 爲 陳 氏,代 不能自主。 殺,病其 閹 》遇 張 君 討 宦, 也。 賊 有 氏 觀 己無 之例。 齊 之 説 宣公 君 否, 是。 國 所 此

《易》者,理而已。 矣。 田 其言非出於正。故朱子論其《傳》曰: 始驗耶? 世 起前事,又好引《詩》引《易》曲爲之證 有教人篡國,歷八世之後,而 辭爻辭,雖爲占設,皆妙道 此,何嘗有印定事? 稱文王之德,百世其量。夫子答子張, 氏 미 卜世三十,卜年八百,殆有不驗也。 篡齊之後之書,看此等書,機關熟了, 知 《左氏》説《春秋》,多於後事追 蓋其流澤之遠,與 變動不居,卦體卦才,象 周過其歷 精 損益之理 卦爻之變動 義 ,則德勝之 所 藴 山此 而 豈 如 白

夏五 少間 月。吴氏曰"「四」訛爲「夏」。」 都壞了心術。」

抗也。」 不言[公]? 秋七月,丙申,及齊高傒盟于防。 諱 與 大夫盟也。」《穀梁》:「不言「公」、高傒 《公羊》: 一曷爲

管見: 蔇之盟,大夫不名,而書「公及」。

> 公也。 之志。 《經》旨欲其遠之。 之也。此皆公與齊爲親,乃其忘親釋讐, 名,使若魯之微者,及齊之貴者,不與公比 見「公」而没齊大夫之名,不與齊臣 爲抗則 防之盟,名其 爲同會同盟之義,則不以此爲律矣。 女,非公所宜取,則没「公」而見齊大夫之 曰「取女」,寔從人之意。然女者,讐人之 君,公得伸其尊,而其辭曰「納糾」,若行 然糾者,讐人之子,非公所宜納,則 防者,齊有君,公自列於卑,而 一,特異其文,何也? 大夫,而「及」不書「公」。 若其他會盟,公與 蔇者,齊無 而 齊侯 其 得從 辭 其

曰:「齊疑昏議,故公自行納幣。」 冬,公如 齊納幣。《公羊》: 「親納幣、非禮也。」程子

納幣之禮。 期,即主王姬之婚。 管見:甚矣婚喪之斘也! 桓公之喪未 夫子謂宰我曰:「子生三年而 文姜之喪甫期, 即

此以親喪不終爲大惡。《公》、《穀》止以親斲喪若此。文姜「凶于而家」,其來久矣。乎?」然則莊公安之矣。魯,禮義之國,而後免於父母之懷。衣錦食稻,於女安

危之也。公一陳陀也。」二十有三年春,公至自齊。《公羊》、「何以「致」?

納幣爲

非禮

,何哉?

管見:此吉行,非危也。何以「致」之?

志其告于廟也。然不知何,何哉? 辭以

告也

不與使也。」祭叔來聘。《穀粱》:「天子之內臣也。不正其外交,故

不言使? 祭寔有結於魯之心,非王之純外交。夫朝者,必非王命,故來不言朝。外交。夫朝者,必非王命,故來不言朝。來。此年,祭叔來聘。《穀梁》皆謂不正其

意乎? 其義貶絶。 好意也, 寔非王之所使 黨,如周公黑肩交鄭而謀立王子克,五大 之祭叔,魯已易三世矣。 臣也。前年之祭伯,乃其自來 夫交衛而擁 而使之歟? 是時,王室式微,内臣多樹 立王 豈非防微杜漸、正本清源之 一子頹。 也。 。或有 然則祭之交魯,非 直書「來聘」 朝魯。 又嗣伯 此 之弟 年

可。 法,後嗣何觀?」」《公羊》:「諸侯越境觀社,非禮也。」《穀 夏,公如齊觀社。《左傳》: 朝會、征伐、巡狩、非是、君不舉矣。 「以是爲尸女也。」 「非禮 也。 君舉必書。 曹劌 諫 日 書 : 脯 示 不

言。 社,特托此以觀之爾。 爲君者,惟魯侯爾。」閔公矜此婦 矣魯侯之淑! 魯侯之美! 管見:甚哉魯侯之愚! 宋萬稱之曰:「甚 然則 齊 (女殆 、欲觀 魯侯 漢成帝善修容儀 乎? 天下諸 人 如 而 侯宜 齊觀 姑 其

慣也? 其妹? **甚** 不能 徽宗 宇之祀。 之禮亂 姒 子正諫而言之未中其病,是以莊公不 卒死於飛燕姊 通喪,二《南》之化熄而天下 他於婦人所好便聽。 婦人,全不分曉。 不戒,習以爲常,故其女多淫。 以德爲美而以容貌技能爲美,豈非可 戚,先六 嫁周 止 事 又以此誇婦人,其愚更何如也 其行也。 事皆能 ,不聞有 而 嗚呼! 禮之奔。 縱觀魯侯,不以爲耻。 書「公如齊觀社」,其事貶魯, 至 以 但 妹。 祭 是。 二女嬪虞,塗山 《蓼莪》之詩廢而天下 事 不能 觀 桓公誨 元巙巙謂 爲 桓公伯主 其 不然,何至若是其 戲。 爲君爾。」夫人 如夫人者六,便是 冶容之淫, 瀆 莊 無正 順帝日 公廢三年 一,何 齊俗 桓公處 昏,郊、社 妻夏,姙、 故 那之 閨 君 曲 「宋 悟, 曹 土 之 無 憒 置 不 而 門 狥

> 秋》可 無作乎?

公至自 齊。 《穀梁》: 「公如往時,正 也。 致月,故

梁》:「善累而後進之。」

荆人來聘。《公羊》:

「荆何以稱「人」?

始能

聘也。」《穀

管見:觀

社 而

歸

告廟,辭

不

IE

矣,故「致」。

禮義。 爲中國患。 皆自夏而變於夷。王 静,爲窺覦中國之謀。 義向化之誠 遠之之爲上策 餘未有 何其嚴 管見: 夫子欲居九夷,而《 婪,全無信義,遠之可也。 强於我者,侵侮乘之,則近之不若 不變於夷,而其弊至於棄綱常, 也? 其後 哉? 蓋惟聖人 也。 更 其意在觀 和相 荆之來聘,豈真有 吞 寔封之,遂僭王號 他始 爲 滅。 能 人 春秋》待 東州 與吴、越諸 用 春秋之始,他 由 夏 此 諸 變 率性貪 侯之動 (夷,其 夷 或 狄, 慕 絶

324

0 「近」、乙本作「逆」。

義兼貶齊也。

世降至此,風俗大壞。

《春

之,慮患於 其 狄之義。 千里馬,光武 朝一例,見他朝聘不足爲重。 若欲拒 辭,曰「荆人來聘」,與邾人、牟人、葛人 日 强 事,大書「楚子使某 大。 人蔡、伐鄭 隋煬幸啟民帳,酣歌 初 閉 ,杜患於早之意也。 關 謝質,深得《春 而 來聘」。 獨 聘魯。 聖 爲 人 舊 秋》遠 壽,無 文帝 八特微 史必 圃 華 夷 却 絶 來 榮 其

礙,已於

納幣之時

却之矣。

然

則

何

以

難

以爲常。其後南詔致書稱「大唐皇帝可汗書曰「没處天子」。太宗自號天可汗,子孫夷之别。於是本國書稱曰「出處天子」,致狄之義。隋煬幸啟民帳,酣歌爲壽,無華

「楚」,見其猾夏之不能禁爾。豈以稱州,書法,諸家以爲進荆,恐未必然。是後書爺爺」。此不若不交夷狄之爲愈也。此條

稱人,稱國爲之序乎?

> 人。 之? 矣,盟而復遇,遇而 姜同。聖人有感魯事,是以其辨不殺 禮義著心。 之威,戰伐不休則失昏親之誼。 成婚之後,有所註誤。 敗齊,則昏姻不足恃矣。 未幾周班後鄭,有于郎之戰,尋會鄭、紀以 右之,而其趨走若狂 而無致寇之悔矣。 使魯從齊之意不誠,而 其意 有疑 魯莊特 於 魯 木 此以 復盟,然後魯之從 也。 也 强 隱 人 利害慮事,全 忍 齊桓是老算計 桓 哀姜昏案, 爾 不 故齊 徒假昏爲 公 發 既 故 則 娶 昏 傷 桓 文姜 與 約 能 不 齊 伯 文 定 以 固 底 左

也。於外,非正也。」 蕭叔朝公。《公羊》:「公在外也。」《穀梁》:「朝于廟,正

其若是亟? 簡慢於禮,非賓主之體。此君相遇,一君受朝。朝之又非其所,何爲管見:「蕭叔朝公」,其文别於齊侯也。兩

與 取 戾 僖 於伯、 公朝 主 E 此 相 似, 齊 桓 見 之豁 L 下之皆舛 大 處 也。 其 不

侯黝堊,大夫蒼黈。 秋,丹桓宫楹。《公羊》: 丹楹,非禮也。」 「非禮 也。」《穀梁》: 「天子諸

冬十有一月,曹伯射姑卒。

次年,赤歸于曹,未詳孰 管見:子夷立,是爲僖公。 是。 \sim 經》不 書 7葬。

盟,不日。 十有二月,甲寅,公會齊侯于扈。 此何以日? 危之也。 何危也? 我貳也。 《公羊》: 桓之

焉。 孟 之閟,而以夫人言許之,割臂盟公,生子般 管見:《傳》稱公築臺,臨黨氏,見孟任,從 氏。 則是時,公已有子,且有夫人之約 其 所 以 急昏齊者,原其 心,非 爲 于 儲

于 觀 旋 計 女家 其間 也。 社 冒 齊伯 ,故欲急得齊女,以爲之助。 爾。 喪 而行,如秦俗贅 方强 齊 桓 ,文姜既没,無所 窺見其微,知其心之不 婿 般,有 恃 納 所利 以 周

> 之。 君

御孫諫曰 納諸大惡,無乃不可乎?」《穀梁》: 一十有 若曰: 甯日 盟。 爲志 禮 要鬼神,持相賊之心 吉 誠,是以 喪,昏讐女,湎顔於不共之庭。 夫大昏所以 刻桷、非正。」 事,安 於迨冰之好,齊、魯胥失之矣。 四 : 、《春秋》詳 臣子所慶,日以著之。」此 難爲信也,不得與他盟爲例矣。 「儉,德之共也,侈,惡之大也。 「伯主降心寔與之盟,寔有弘濟 年 要之盟會 用 春, 刑 承宗廟。 王三月,刻 牲? 而目之。 然後 畢 而會客地,盟 挾所利之意,而 更 成 交相 桓 聖人推 禮 「諸侯之桷, 斲之龒 宫 何義 桷。 先君 賊 不 盟 之心 然 見 此 兩 《左傳 誓 有 耶 至 盟,齊 君,瀆 香 共 所 短母 隱。 也 之 范 以 īŤī

及其 觀 管見: 莊公之心,蓋 其 |將迎姜氏,則 主王姬之昏, 即 又丹楹刻桷。 請 有畏於桓公之 於 天 Ŧ, 錫 蓋以 桓 靈 公命 桓公 也

也。 枉 (命,侈飾宫廟,將以 死 於齊,九原 魯之親 齊, 恐其 抱恨,必不欲其 有拂 媚之也。 於 心, 豈 是 子之親 非 以 亦 求 齊 有 隆

典 帝 至此 雨 之藐藐 之智不及此,故侈儉之論雖 千秋訟 隙嚴 與丹 此 使有納約自牖 親之明。 太子冤 也 楹 高 刻 此 廟神靈,使公教我。」情 桷 , 自謂「白 如 惟其 暴 使 尫暴 親樂、 明奪於暗,不覺悖 ,必能格非 頭翁教臣言」。 之 巫, 圃 Ē, 使天 和。 丽 心矣。 哀之 莊 其 公 御 所 mj 聽 謬 孫 武 以 田

孝。 事 誇,若果欲誇,將盡群 再斥桓宫,深惡之也。 桓 官也。 天、 其他 事 親 何與焉 此見莊公之愚 亦,亦甚 鹵 矣。 廟 尊親者,不辱之爲 而 原其 丽 丹 重 刻之,不止 志,不 桓公之耻 專 在

葬曹莊公。

夏,公如齊逆女。《公羊》:「親迎,禮也。」

至,非正也。」 教梁》:「逆者,行見諸、舍見秋,公至自齊。《穀梁》:「逆者,行見諸、舍見

諸

先

將 將 不 不 不 則,昏齊無一 或 姻足以 外孫爲 世之譬於巾幗無與 豈以姬、姜世好,必得齊姜内主乃可,而 哀姜者,襄公之女。 昏之禮,合二姓之好, 白齊」。 管見: 莊公昏齊,納幣、觀社、親逆,三「 知 以 知 知 以 不以自治爲安,而徒以依人爲算也。 何 是 何 是 何 以 以 以爲心? 丽 丽 保國,乃爲孝之大耶? 桓公之嫡 安行 告至乎? 爲 告 爲情。 至乎? 容? 而可。 而非危, 孫 「有女同車,顔如舜花」, \Box 舊穀 郭? 也。 「既見 盛 衰經在躬,遽行納幣 燕婉之迎,爲讐人婿 襄公者,桓公之讐。 以 志 飾 既 豈 其告 繼 觀 則不當以襄公之 没, 以齊 止,我心則降」, 先 社 新穀 于廟也。 聖之後。 ,以尸婦人, 爲伯主, 則 未 既升」, 聞 通 先 大 爲 至 而

戾于三 可爲世道三嘆。故《易》之《歸妹》曰 將以是 綱 而告至乎? ,爲魯國之玷大矣。 其亦無辭 於 詳書三至, 七廟,獲 1:「君

宗廟弗受也。」 難也。夫人不僂,不可使人。」《穀梁》:「『人』者,内弗受也。 八月 ,丁丑,夫人姜氏人。《公羊》:「其言「人」何?

子以永終知

敝。」

此人,宫壼不當主此人,國内不當母此人。 者,逆辭,不當人而强入也。宗廟不當見 **管見:**女子行嫁,書「歸」,書「至」,未有書 「人」者。 「歸」有宜義,「至」有順義。 「人」 百兩御 之」,昂然而 人。 若曰: 齊侯之

倚强齊而娶其女,故聲勢氣燄足以憑藉驕

淫,嗣子見弑,其兆已見於此。

是故禮之不

婦人專而有之,其「無攸

|利||可

知。

夫

人宣

寔」,是不能共己所有。「士刲

羊無

血」,是

爲柔乘剛矣,是以志之。《易》曰「女承筐

無

以「必敬必戒」之行爲「不肯讓人」之人,豈

所謂「宜其家人以教國人」乎?

此莊公欲

氏檄曰:「入門見妬,蛾眉不肯讓人。」夫

妹,魯侯之妻,則可以

人。

唐駱賓王討

武

管見: 大夫、宗婦覿,非同時並見。 其失在 聖人謹禮於此。 果同見,作何班 命之用幣,與大夫之贄禮同,爲 列? 婦贄不用榛、栗而用幣,則 豈至如此混 無别 亂之甚? 爾。

約 ? 「夫人不僂,與公約而後人」,安知其無 陵,爲他日 「人」,不得以「歸」、「至」爲例。《公羊》曰 聖人刑家之旨,於哀姜、文姜之事 宣 淫弑 逆伏 案,故 逆 其 辭 所

屑之教誨也 大意在姤壯而取,至於昏禮之失,蓋有不

栗、棗、修以告虔也。今男女同贄,是無别也。」」 曰: 『男贄, 大者玉帛, 小者禽鳥, 以章物也。 戊寅、大夫、宗婦覿用幣。《左傳》:「非禮也。 女贊,不過: 御孫

大水。

管見:姜氏始人,陰沴之變隨感隨應,信 不誣矣。

矣。」曹伯不可,遂去之。」 羊》:「戎將侵曹,曹覊諫 曹覊出 日 "「戎衆以無義、君請勿自 奔陳。 赤歸于曹。《公 敵

據「突歸于鄭,鄭忽出奔衛」之文推之,或 爲曹大夫,赤爲郭公。 見有曹僖公赤名謚。《年表》又作「僖公夷 年秋,曹伯班卒。冬,葬曹昭公。中間不 伯射姑卒。二十四年春,葬曹莊公。 **管見:按《經》文,莊二十三年十一月,曹** 赤曹僖公,皆無據之論。此條不敢斷。但 立,莊公子」,不知何所本。《公羊》謂 杜元凱 謂覊世子, 僖 曹覊 七

郭公。《公羊》:「曹無赤者,蓋郭公也,失地之君也。」

莊

公

亦兄弟争國之證歟?

一十有五年春,陳侯使女叔來聘。《左傳》:「始 《公羊》誤接《經》書「亡」、「滅」、「奔」、 此乃不能自存,而其亡也忽焉,猶可爲守, 舞歸」、「晉人執虞公」、「晉侯及秦伯戰于 其釁有所招。 辭,而其過有輕重,其惡有淺深,當分三等 mi 如「郭亡」、「梁亡」、「紀侯大去其國」之類 致寇以取辱,其辭賤之。 至於「亡」、「去」, 韓,獲晉侯」之類,則以國君爲俘虜,自己 減之例,其辭憫之。「執」、「以」、「獲」者 看。「滅」、「奔」、「遷」者,其過有所分。 **管見:汪氏引《説文》,**「亡」字從「人」從 人遷陽」之類,則小弱爲强大所迫,當從末 「齊師滅譚,譚子奔莒」、「宋人遷宿」、「齊 「去」、「遷」、「執」、「以」、「獲」,皆失國之 已」,與「公」字相似,則爲「郭亡」明矣。 其去也 恝然。 如「荆敗蔡于莘,以蔡侯獻 斯爲下矣,甚疾之辭也 如

329

結陳好也。嘉之,故不名。」

魯事 齊何 也。 以使 日 奪之也 香 聘者三、祭叔、荆人、女叔。 管見: 莊公之編,來朝者二,蕭叔、杞伯。 可趨,滋味飫然後羨淡薄之爲美,理寔然 天下望國。 下而詐 日:非 高 姻 勢觀之。 賴 人 魯之昏 而愛之者衆。 足 也。 力不 慕。 焉? 以 自諸侯同 爲 人心未厭 1齊,適 其文獻足以起人敬,其禮義足 足以 齊勢日 故 重,乃伯 爲 感人。 或 以以 盟于 炎氣 盛 在 自 乎 丽 自 皆在昏齊之後。 主 損。人之從魯,於 鲁,而伯主不 幽,齊之勢震于天 畏之者多,則 魯,周公之後,爲 重然後知 强 一弘濟 而已,當於齊、 之功 清 魯望 凉之 能 歟 豈 以 ? 來

> 闕 天道 惡餘 此? 惡 完名? 無良,我以爲兄」,則其辱甚矣,何足以 齊人使昭伯烝於宣姜,詩人 也 積, 殃之驗也。 爲 日: 而 茫 朔死未幾,子赤爲狄所滅。 能 昧, 朔 保完名、 之人國,因 而 君子觀於朔之事,不可 忽於自修。 享 令終,是 齊之 (刺之曰「人之 其 不 力當 何 僭 葬, 其 此 爽 身。 以 爲 史

道也。」《穀梁》:「鼓、禮也。用牲、非禮也。」幣于社、伐鼓于朝。」《公羊》:「日食則曷爲鼓? 求乎陰之傳》:「非常也。惟正月之朔、慝未作、日有食之、於是乎用六月、辛未、朔、日有食之、鼓、用牲于社。《左

管見: 固不在此,特爲之節文爾,觀於理而爲之。 流通,其義有不 爲甚失。 之,于社而不于朝,用 日 聖經謹 食,鼓, 可苟。「欽崇、奉若」,其本 而書之。天道人事相 用 牲 牲 丽 于 不用幣,於禮 社。」 自 常 事 未 觀

夏五月,癸丑,衛侯朔卒。

不積,不足以滅身。」朔者,殺兄叛王,罪盈

管見:《易》曰:「善不積,不足以成名。

惡

象爲 陽之微 日食,陰掩陽也。 臣 脅 , 君 責神于社,以 婦 乘夫。 陽氣 不足,陰氣所侵,其 殺陰之盛,天子 故擊鼓 揚 聲,以 之 救

事也。 之義。 侯所用之禮,既舛於理,斯 朝,彰己之有愆,此禮之文,理之正 其國,而遇此變,亦當爲天子行扶陽 諸侯月象、臣象,不得以 用幣于社 ,求陰之静伏,伐 紊 於義。 日自 也 以 抑 鼓 擬 陰 此 魯 于 於

親迎,婚禮

亂而不恤。

伏陰隱禍

譴

告形

示人君以事天之道乎?

答天,多見其不知量也。

《春秋》書之,其

伯姬歸于紀。《穀梁》:「其不言「逆」何?逆之道微,

無足道焉爾。」

于歸之後,事多不正。將有其末,必有其**管見**:常事不書,此其書何? 伯姬内女,

母弟。」

秋,大水,鼓,用牲于社、于即本也。

有幣無牲。非日月之眚,不鼓。」秋,大水,鼓,用牲于社、于門。《左傳》:「凡天災,

管見:子曰:「事天如事親,事親如事天。」

牲。以是爲可慰親心,可合天變。故仇女刻桷。敬心不篤,思以文事天,則伐鼓用無知也? 孝心不至,思以文事親,則丹楹

若齊孝公之厚葬桓公,宋徽宗之齋醮上 天,如湯之自責、宣王之修行,可爲法矣。 號泣、禹之蓋愆,得其道矣, 而 不 憂。 嗟乎 1 人子而 知 人君 事親 mj 如 知事 舜 之

冬,公子友如陳。杜氏曰:「報女叔之聘。友,莊公帝,魯莊之見也,亦何益哉?

表不端,影不正也。《詩》曰:「刑于寡妻,管見:此公子私行,何以得書于《經》?

「形」、乙本作「刑」。

至、兄弟已长,前後已长入6、唐公6次八、三至于兄弟,以御于家邦。」《傳》曰:「其父

夫婦之倫,皆有慚德,子弟無所視以爲儀子、兄弟足法,而後民法之。」莊公於父子、

型。 季友,弟也,行不由使則有慢兄之

恭。 所自? 何 心,樹黨鄰 亦汨 慶父效尤,遂結齊以窺國。 没 唐永王 至 邦則 此? 璘不受肅宗之命而 有傲上之意。 由公孝敬不 足,無以 季友賢行 其原 趨 豈 江 無 教

意在争立。寔爲兄者,蓋有不足法也。然淮,宋信王榛不待高宗之詔而趨汴梁,皆

直書「如陳」,教天下以兄兄、弟弟。

則

季友之貳魯侯,豈

朝

一夕之故哉?

二十有六年春,公伐戎。張氏曰:「爲追于濟西之

夏,公至自伐戎。杜氏曰:「公出師於外,踰時而耻,報怨也。」

返,

管見: 桓公盟戎書「至」, 莊公伐戎書

故書「至」以危之。」

倒懸; 間, 也。 也; 惟口 危? 窮兵以招寇。 之封疆,戢彼之侵軼。 之敗,必有伏機矣,曹彬之所以挫於 謂「于莾伏戎」,衆 克,盟以結之,安知不欺我乎?《書》所 至。 미 伐而克之,安知不 故馭戎之道,在乎遠之爲 爲 興戎」,貪而 戎狄豺狼,不可 夫盟· 用武克伐,士馬至於物故,皆非《春 矛 戟 有信之道,伐有勝之勢, 後世有修文和 矣, 加 吐 無 蕃 無義者,則棄 親者,則笑談揖 以 不啟 誘 之 盟 我 所 定,亦不可 寵 乎? 親 以 E 以 ,首足爲之 刼 策。 納 甲曳 盟 易》 海,不 逐之 岐 于 以 固 何 唐 我 溝 兵 所 謂 伐 以

秋》之旨也。

之? 不死于曹君也。《穀梁》:「不稱名,爲曹覊崇也。」曹殺其大夫。《公羊》:「何以不名? 衆也。何以衆殺

● 「型」、乙本作「刑」。

引身

而

去,必至於盡誅

九族而後爲快。

矯

寔殺機。

方孝孺

於燕

王人、建文

出,不

即

文之事

太祖

顯

知

其禍,故

Ŧ

棣

於燕,以

明太祖

日

國

家

殺

運未除

一,蓋

指

永樂、

建

於刑

戮」爲君子之道, 意有在

也。

劉

基

啟

生?

夫子以「勝殘去殺」爲善人爲邦,「免

就之機。

禁亂

於微,慮禍於早,則

害

何

從

異。 其 民 爲其 附己者。 殺之罪,而 奪生於傳受之不明,恩怨起於從違 矣。古來多殺之禍,常在於廢立之間。争 殺之,甚於薙茅刈草。 孟子「草芥寇讐」之喻,蓋亦 管見:殺其 爲君父而明邪正之辨,爲臣子而 臣者,視君逐君如 相 似 胡 見殺者之姓名,有不必書 氏 是必 大 謂 夫,文意 羈 義紊於殺,著其多殺 出 赤 世變至此,無道 烹魚 如後世屠 歸 之際,盡 變棋 見 春 公故其 其 秋之時 誅 城、 之互 審 與 其 也 君 去 擅 極 不

不 秋,公會宋人、齊人伐徐。張氏曰:「嬴姓夷 激之甚,皆不明《春秋》之義。

國,

近

齊、魯。」

地同 諸 管見: 不同,故不與之同 當莊之十四年,荆入蔡。 役,必不待僖公四年,僅盟大夫而 同於爲公,則中國之患莫深於楚。 於爲私也,其事不 國,而爲之患。 外憂則同,故連兵伐之,同 魯之伐徐,可 不可禦? ௱ 志,以之守,不金湯 越至疎也,及其 侯 鋭。 也。 不救,二國獨受其禍。 况於有 程子曰:「 人能以同憂之心 强 之不可遏哉? 知桓公之伯志 :地有 同舟 同 憂耶? 得不急。 民,同於戰守,何 丽 八則其 舟則 險,以之戰,不犀 十六年,荆 胡、 宜其僅 情 爲同 豈非 使推 越一心。」 至 也。 觀 親 於 固 所憂之地 能 即 是心,而 所 徐 伐楚之 齊、宋、 同 伐 返 服 界二 侮之 强之 憂之 . 鄭。 徐 也 胡 甲

久。 之伯討 稱「人」,乃所以人公。 爲心,亦其勢然也。 患之師,且不協 下之憂爲憂。 而 終 楚勢日 不 能 以 强 遏 不然,則 徐即 楚 矣。 也。 夏而 是則 聖人之道,在乎以天 同 宋序齊上,不 胡 爲所 於 、越 同舟既 私 爾。 伐。 者, 岸,各自 不 故 諸 與 侯救 可 퓆 爲 桓

也。諸侯非民事,不舉。」二十有七年春,會杞伯姬于洮。《左傳》:「非事冬十有二月,癸亥,朔,日有食之。

洮 流於慢,以親 宫庭有起居之所,嬪御有燕接之儀。于 女,或宗女。 道所以爲大,而 席,不共器。 管見:禮以别嫌明微,故男女七歲 非 地 也。 然女子既嫁,使其歸寧父母, 自 其 至 親 公會,非 爲親者入於亂。 異 於 禮 禽 而厚 默也。 也 爲之别,此 以愛爲 莊公之失, 伯姬 愛者 不同 或 公 人

> 此義 不既弘 宫妃,淫風流行,止爲階亂 有限度; 不明,故漢之湖 乎? 唐之太平、安樂晏遊後庭,混於 書以 譏 陽、泌 之, 謹 水出 禮 於 微之 人 宫 I禁,無 意 也

于

邾。 服, 背。 取其 陽穀命於諸侯 僞, 仁不勝 特以其能知尊周、膺狄爲事。 他見夫子大其 管見:《公》、《穀》於齊桓 所謂衣裳之會十有二,始於北 衛不來。 彼善於此。 會鄄者再,魯不至。于幽 于貫,得 詐 于檉、邾、魯同 江、黄。 也。 (功,故從而崇之,不知聖人 曰「無 桓公視春秋諸侯僅爲勝, 盟柯之信,竊已論之。 越十年, 易樹子, 深取其仁 會 **寔則信不勝** 黄亡不 者再,鄭 杏,宋人即 一而魯 無以妾爲 與 即 救。 信。 敗

魁

學者所當

深察。

之正。 葵丘 義。 考其 之會,晉侯乃還, 甯 時,晉殺其世子申生,若不聞也 母 却鄭世子華内臣之請,稍合於 則 其信義未孚於天

原

仲。」

妻」,而

先

自犯之。

惟首

止會

 \pm

世子,得變

略能 鄭莊 暴。 協。 衛, 惧而 之伯,又 特假之之意。 信與仁? 戍 下。兵車 周 一投機,其 夷 之 屈 考《經》按《傳》,凡桓之盟 乞 狄 則 一奸,而 盟 淮 其 是 伯業 横 之會 謀 ,故得不煩於兵。 大抵 蹈 以 行 鄫 襲 擬 功 其 已 中 74 桓無正心之學,所謂仁信 者 幸有管仲爲 於 不 智 所 衰。 或 :于洮,襄 が前 果 也 以 不 城 人,乃爲勝之。 露 爲 其時, 牡 真是功之首, 3 盛 ൬ 丘 還 齊僖之巧, 于 相 救 楚滅黄,狄 Ŧ 夷 淮 徐,諸 ,鹹,爲 考所 既 會,安在 中 夷 <u>寸</u> 年 終 行 圖 罪 後 而 肆 侯 鄭 戎 事 之 來 其 其 其 難 伯 蓋 不

> 秋,公子友 季友之舊也。」《公羊》。「公子慶父、公子牙 公,季友坐 圃 視之, 如陳 則 葬原仲。 親親不 ·忍見。 于是 復 通乎夫 請 至 人人以 陳 间 脇

《左傳》:「非

禮

也。

原

仲

是耶? 秦王 利之 蓋交道 爲 師 同心,其利斷金」,何 勢交者。道交則精神相契。 友之誼,聖人所不禁。 管見:《詩》曰:「生芻一束,其人如玉。」朋 位 生之情與朋 一之疑。 事, 則 圃 受弔 不 哭於寢門之外 非耶 國家之故。 П 廢, 者 孔 ? 友 明 固 亦不可甚。 當 曰: 往 不 無 哭 嫌之有 印, 不韋父喪致 以孔子 可 以 然季友之葬 周 異 往 也。 瑜 弔 ? , 旋 《易》曰「二人 有道交者,有 哭子路 棋 會葬 者尤不 勢交者,名 酌 有 客,遂 其 荆),嫌 推之, 原 義 州 可 门則 仲 也 之 啟

凡 桓 至 信特二二 十四字,原脱,據乙本補。

0

四三

季 義。不没「公子」,其爲勢交之戒,又在言 秋》書季友之私行,示後 世 一以慎 交之

冬,杞伯姬來。《左傳 ×: 「歸寧也。」《公羊》: 「其言

意之表焉。

來」何?

能教訓。 其宗國之情而歸來爲瀆,則爲其長者之不 之。」來者,親狎之詞,非禮之正 管見:《詩》曰:「知子之來之,雜珮 直來曰「來」。」 不守乎閨門之順而往來由己,則 也。 不 以 勝 好

之化 觀雍姬之母謂其女曰:「人盡夫也,父一 不行於天下,女之放恣,習以爲常。

爲其夫者之不能防

閑。

自《葛覃》、《卷耳》

知有夫,風化之敗 而已。」是公然以 爲教者。 極 矣。 《春秋》於婦 但知有父而 人女 不

莒慶來逆叔 穀梁》:「不正其接内,故不與夫婦之稱也。」 姬。《公羊》:「大夫越竟逆女,非禮 也。」

徐皆直造其國都

",伐楚次陘,盟

屈完而

即

子之行必謹書之,正風化

也。

行主昏。 耻,莊公絶之可也。 此何義耶? 乃嫁其 故書以 女於 大夫,自

管見:文姜兩度如

莒, 肆

行

淫

亂

魯國

所

來朝而致之,卑弱甚矣。」 杞伯來朝。 高氏曰:「致伯姬也。 杞伯不能 制其内,又

正論 男之禮 子謂杞國最小,其朝覲 **管見**:杞之侯、伯、子,諸家所説 從事,聖人因 貢賦之屬,率以子、 其寔書之。 不同。 此爲 朱

城 公會齊侯于城濮。 濮,將討衛也。」 杜氏曰: 「賜齊侯命爲侯伯。 會于

餘而咨謀於人,爲萬 黄以謀楚,而伐楚則 謀衛 攻瑕而 管見:資知 、謀戎, 不攻堅,乃管仲謀猷 而伐衛、伐 圃 不資力,此 全之策 無江、黄。 戎 齊 則 之妙。 也 無 桓 魯。 糾合之高。 是其力有 伐衛、伐 會魯以 盟

者乎? 不資 滅 返。 者乎? 而 有取魯之心,黄亡,無救黄之旅,豈非 伯 徐、 力 是瑕者易勝, 主不 衛服 者,有 凡此 不攻堅者,有所難 能 矣。 類 遏 所 者,見齊之圖 夷 厥 易 狄以 而堅者不必勝 也 後、徐 綏中國。 資 爲 人之 也。 楚 伯,殆一 困,衛爲 知 攻人之瑕, 豈非 也。 而 魯 時之 不武 不仁 然 狄 ௱

者爲主,故使衞主之也。」數之以王命,取賂而還。」《公羊》:「《春秋》伐者爲客,受伐人及齊人戰,衛人敗績。《左傳》:「齊侯戰敗衞師,二十有八年春,王三月,甲寅,齊人伐衛。衛

近功,非經國之長慮也。

年事 衛 赤。 同 管見: 奬 王,鄭 E 冷之後。 桓公伐衛,不當其子頹之僭 惠王 室。 納王,其志不 齊 怒 爲主,鄭、 考於《經》,莊十六年盟 衛 不 及於朔之 同,齊無與焉 衛皆會。 存 而 未幾 而 緩 於八 移 幽 則 於 而

> 國。 既 然以 子,思蓋前愆。 衛先有叛王之罪,及其 也,名公而寔私; 於伐之之上,齊主兵而 戰,而勢力不 之日,始聲其 王爲名 衛 明正其罪。 是 齊之伯令未行於天下, 也。桓公不於其初急 而修近憾,無以明大義於天下,是以 不 爲所敗,徒知歸 時,王幸得鄭援,伐 來,王 尊王 未知齊、衛之交情,雖怒衛之深,不 而 爲 討其不附己之罪。 得因此 及莊二十七年, 己任,故聽 所以伐之之故。 及,爲齊 齊兵臨城,乃 其敗之也, 賂於齊 命齊伐衛 「所敗。 王城 難 圃 以 諸 嗣 勤 桓公初 位 衛 侯 而 殺子 不不 垣 之自 王,及其 再盟 辭義 不 欲以 及戰,志 ^ 自 衛 經》文 請 請 特 類而 知 人 心 幽, 罪 寡 爲 而情 即 假 託 本 命於天 :於王, 一敵衆。 事 伐 其 致 遠 齊 得 加 與 以 非 利。 也 之 寔 之 衛 事 奉 怒 敢 復 慨 H

其惡大矣。

故「人」齊、「人」衛,交貶之也

將卑師少之論,愚不敢從。

夏四月,丁未,邾子瑣卒。汪氏曰:「子蘧降嗣,是

火,川,

「諸侯救鄭、楚師夜遁、鄭人將奔桐丘、謀告曰:「楚幕有烏、秋、荆伐鄭。 公會齊人、宋人救鄭。《左傳》:

管見:齊桓是多欲少剛的人。凡所舉動, 乃止。」

權歸於子元。子元欲蠱息夫人而爲是役,雄貲之强,荆伐鄭,不敢救。及熊掉立,兵勇於利而不勇於義,亦有畏首畏尾處。當

有備,宋、魯救兵且至,即潛師夜遁。使齊寔有勝負之慮,非有陵中國之心。及見鄭

禾」?

諱以凶年造邑也。」

大創,則異日次陘之師,必能跨漢水,搗方元腹背受敵,豈得全師而歸? 楚人受此侯知彼知己,乘楚師勢餒,遏其歸路。子

城,豈

止盟

其大夫而已。

奈何不能乘

機

制

敵,救鄭之師及境而

止。

蓋于幽再盟,鄭

嘗憊 中,所以「人」之。 也。 也。 其 克。」觀其兵萊、却費,可 文始 萬 也。 此楚 夫子甲兵之事未學,而 服,勢不得不救,而 ___ 蹉跌,則不若飲 勢所以益 是故救 師 諸家立將卑 强, 雖美,而 見作用處,其 兵縱 丽 寔有畏楚之心 齊 曰:「我戰 伯 敵之 有 師 終 不 少之例 爲上 於 美 不 在 志 競 其 策 以 未 則 恐

善齊,則泛矣。

大無麥禾。《公羊》:「曷爲先言「樂郿」,後言「無麥林藪澤之利,所以與民共也,虞之非正也。」

諸 備先具也。 管見: 堯、湯有水旱而 何蓄積之有具不具也? 廪之耗竭可知矣。 侯 爾。 經用之制 莊公無水旱 不以 堯、湯爲天子,莊公特 或 一而大 無 儉不儉之故也。 捐 或 無麥禾, 瘠、蓄 廣 於天下, 積 則 多, 倉

茅茨 以 損 君,觀《經》所書,自二十三年以後,丹楹 下以 宫室費 蓄積 土 益 階,不邇,不殖。 (), 伐 其有不具者乎? 上,天下亦化 戎 則 以 征 伐 於 上 (儉, 靡 費 以 莊公以 會 儉化 洮 有奢侈之 下, 則 一國之 以 圃 巡 則 不

廣,此 遊 人特筆,甚之之辭也 寶惟穀。 大無麥禾,尚 費, 築郿 積 所 則 以 以 竭也。 土 功 費。 胡 威 可 傳 以 以 寔 謂 爲 民 由 有司會計 爲 國乎? 不 命,民 經 之 用 歲 所 聖

年不艾,而百姓饑。君子非之,不言『如』,爲内諱也。」爲國必有三年之委。一年不熟,告糴,譏也。』《穀梁》:「一臧孫辰告糴于齊。《左傳》:「禮也。」《公羊》:「君子

之多寡

虚

寔,然後知之,其義精矣。

禁,則 律以 是桓 **管見:**告糴 公之賢,急難亦文仲之忠。 季友「如 其予 可知。 而不言與 陳」之文,則 「于齊」 (糴,觀 其 而不言「如 、情爲 桓公遏 然伯主内 急。 羅之 齊 救災

> 以均 勸其 臣。 急 ? 灌在 人臣居官當事 舛於所事矣。《經》以文仲自行爲文,其 事 儉,使其國 有 漢,能使蓄積歲增,民自 君 輸、平準、屯田、和 弘羊之事 不必書。 人罔或夷,有何可 以 務本、節 有 積 **,在彼** 君子之居是邦,不能 武 而 帝, 用。 至於求人,則 而 劉晏之事 不在 糴,善 至於民 讓? 此 理 不病,有 也 窮、 此 德 財 病 所以 宗 爲 財 導 忠, ,不 匱 君以 爲 何 徒 賢 示 亦 能

書? 民力爲已悉矣。」 勤 馬,日中 于 一十有-力,則功築緩。 譏凶年不修。」《穀梁》:「古之人君,必時視民之所勤 耐 九年 出 日中而入。」《公羊》:「修舊不書。 春,新 勤于財 延 ,則貢賦少。 廐。 《左傳》: 冬築郿,春 「書不時 一新戚 此 也。 何 用 凡 以

Щ 乎?』不問馬。」聖人不以物 管見:《書》 一之陽。 ^ 論 稱 語 武 *****: 王 一發鉅 廐 焚, 橋 之 重於人 子 粟 Ė 丽 : 也。 歸 人 馬 安 華 當

秋 管 見

薄 錦 爲者? 時 延」當作「延」,乃 ,莫遏 駿日 所 歲 厚 歉 也。 馳 民 小事必書,戒人君不可厚所 漁陽之兵。 饑 何 而 ^ 制 急 穀 徐 修 加作過制之意。 梁》 偃之叛? 馬 或 廐,不仁 日 亂 : 民 法 流,馬 玄宗五 . 甚 底。 矣。 「延」非 多 淺 薄 亦 色 穆 雲 意 奚 王 而

夏,鄭人侵許。《左傳》: 侵」,輕日「襲」。」 「凡師,有鐘鼓曰『伐』, 無日

廐名也

或 牖」之謀,依齊、魯以 突、亹、儀之際,鄭國 **管見**:許新臣 無事,故復尋 因鄭莊之没 仇 于 有難,遂 許。 爲安。 汪氏 面 鄭文之時,其 得 得 (謂「盟 入國。 爲 「綢繆户 妣 忽、 不

秋,有蜚。《公羊》:「記異也。」《穀梁》: 有 無 日

與,齊使鄭侵之」,或然。

管見:莊公之編「有盛」、「有蜚」,皆本無

「有」。」劉氏曰:「蜚色青,爲虫臭惡。」

此矣。是以「格物 哀姜之惑亂,遂有慶父之非心,其兆見於 知所儆也。 而忽有,故 經》,以見 爲 致異之由 盛者,惑也 異 也。 而后知至」。❷ 夫以一 圃 驗 **;** 畫 將來之應,使之 虫之微 者,非 也。 亦 書 有 于

冬十有二月,紀叔姬卒。

間。 勸也 管見:此一亡國 質金姿,寄諸名節,終 黄金爲門,白 不亡,長生而 無百年之世,世 亡如存; 是以 卒而葬之,爲萬 身死 不死。 玉 爲 而 無百年之人,未有長存 婦 堂,畢竟 名不可滅, 人卒爾, 國亡而節 不 可 世 埋 同 何以 幽 没 歸 則 不可 人之貞之 于 鳥 死 書? 穹壤 有。 奪,則 猶 生。 之 玉 而 時

0 人」,原誤作「大」,據乙本改。

0

以」、乙本作「謂」。

四 八 1

戒事,火

進者。 言,而 本,倉廪不寔,則爲空城。 城之爲亟哉? 民保於穀。 管見: 「吾父子得生。」然則城之固,不如米之重 固,人不可 城」皆譏,而此之諸、防,考其時 觀此,不可以棄本而務末。 城奉天。 賊既退,得淮 何莊 恃, 歲 公謀 歉民 則爲徒 朱泚 夫繕 國之舛也? 饑,至糴於 陷城 城隍,必以寔 米。 險。 有 帝 設險 德宗 謂 採 齊,而 城保於民, 必以 《春秋》書 太子 信 蕪 義又爲甚 道茂 菁 倉 人 廪 根 何築 曰 之 爲 爲 以

夏,師次于成。《穀梁》:「有畏也。欲救鄣而不能也。三十年春,王正月。

者。

豈得以土功之時而無譏乎。

管見: 三年次滑救紀,而紀侯大去其國。

不言「公」,耻也。」

救鄣。 惡也。 次,非 情之教 矣,無有望於紀也。 雖於事皆貶,而善不善之情見矣。 師,故稱「師」以惡之。 次,其情爲不善,而師 人分之,如隱之取郜、 爲不義,三時役衆爲不仁。 義繫於公,故目「公」以見貶,而 有利之之意,而爲謀不熟,不能存紀。 情猶有彼善於此。 競於齊便見。 次成謀 八年次郎及齊師圍邸,而郕降于齊。 審謀甚戰之次。 紀亡既久,酅已入齊,伯姬、叔 次郎則欲争郕於齊。 鄣,而 齊 然或言「公」,或言「師」,其 人降 次滑 寔有救紀之心,非 鄣者,紀之附 鄣。 取防 出爲 聖人一字之權 詳下文,則 皆觀 次成亦 無 於 謀 名。 鄭。 望畏 其情 同 義繫 非 是謂治 是以 姓 庸 魯之不 此 姬 之 非 意 縮 威 其 於 出 没 於 有 之 齊 年

秋七月,齊人降鄣。《公羊》:「鄣者,紀之遺邑。降之

者,取之也。 外取邑, 何以書? 也。

然。 挫,天理人心之固有也。 力,歷二世之久耶? 胡傳本杜氏,以爲紀之附 管見:《公》、《穀》皆謂| 不下,豈以二邑之土地 竊以爲燕下齊七十餘城,獨莒、即 忠義 「鄣者、紀之遺 人民 豈以一邑之民 庸。 所 能 激 啖氏辨 抗 則 全 頓 其 邑 燕 而 之 不 墨 不 不

餘,敢殲 殲于遂。 能二十年獨拒 其戍,則 雖强 伯 齊乎? 齊人滅遂,五年 威 以 力 威 亦 力脇人,而亡國 有用不著 處。 以 之 而

紀,不肯即齊。 凡皆以强 此見人心之不可 陵弱,非寔服也。 至是,齊 泯,而伯者之伐國取 伯 日盛,以力降 鄣蓋未忘 邑, 平

鄣以微邑 《經》以「降]懷舊 ,及其勢屈 鄣」爲文,齊 力窮 桓 而 之惡著 後 心已,蓋 矣。

矣, 徒葬于叔爾。」

 $\overline{\pi}$

0

姬。 管見:紀亡 以其: 得 所葬 一而不 而録之,爲 葬于叔,便不 處 變 成 而 其 不 爲 失其

叔

羊》義不可取

常之勸。此非

可

與

齊侯葬伯姬

爲例、《公

九月,庚午,朔,日有 周衰齊伯之象。 管見: 自十六年盟 食之,鼓, 幽 以後, 用性 日 食三見,此 于 社

冬,公及齊侯遇于魯濟。●《左傳》: 「謀山戎也。 以

其病燕故也。」

之。 計 正,此桓公所以不 管見:齊桓 詭道,是其所長。 伐戎之役,固 也。 觀於敗齊、敗 其不 以 何取 魯 師 於 宋、追戎之事,魯侯 耻咨謀,爲萬 從者,北伐 魯莊? 顧 山戎、爲南 미 以 全必克之 伐 以 戎 奇 兵 謀 勝 略

0 「濟」下,原衍「西」字,據乙本删。

其國亡

八月,癸亥,葬紀叔姬。《公羊》:「隱之也。

有足憫者焉。

諸 抑 侯, 荆 楚張-使之蓄 本。 力於 病燕 伐 則役燕足矣,可無煩於 楚之 後。 此 調 度之

善,亦

謀略之精細

處

齊侯乎山戎也。越千里之險,北伐山戎,危之也。」曰:『蓋操之爲已蹙矣。』《穀梁》:「其曰『人』,何也? 愛齊人伐山戎。《公羊》:「其稱『人』何? 貶。子司馬

他 桓公蓋 以 矣。 國皆服屬他,其政治甲兵與中國 於必行。 部爲酋長,衆部都來聽命之比,所以易制。 之相攻。 孤竹之屬,罔有齊心。 何也? 管見:齊之圖伯, 人才 横 行天下 且山 如 已明必克之狀,操必勝之勢,故果 南北 鬭 非如匈奴、突厥、契丹、蒙古,一 戎部 若荆則自夏 一、屈 ,非可以威力動得。 事勢,竊於蔡、鄭會鄧已論之 落不相 之族,代有韙人,其謀 勇於伐戎而憊於制楚 統 而變於夷,江、淮諸 啗之以利,便可使 一,如無終、令支、 無異。又 桓公算之 略 足

> 城、深入遼水、卒挫於耶律。 宗,非不雄傑者也。 之,爲好大喜功之戒。漢之高祖,宋之太 之於惡泉瘴嶺。 地,堂堂伯主,與戎角力。 狁,至于太原」,乃爲上策。 以之舒燕患, 獲,方始出 兵之武。其事雖善,其道則舛。 于危者,不知其幾,非保大、定功、禁暴、戢 已熟,故不以後著爲先著也。 師 伐 挫 **一魏**,意 戎 耳 騎 Щ 徑 當 亦 之厄, 旱海之困 踰 如 如宣 匈 驅中國之民,毒 此。 逞雄 奴,幾 乃 孔明 王「薄 然是行 是以「人」 知《春秋 心,涉 困 先平孟 伐 於平 也 玁

臨民之所激浣也。」徐氏曰:「即泉臺也。」二十有一年春,築臺于郎。《公羊》:「何以書? 譏

垂戒之旨,爲萬世制禦戎狄慮

也

亡。」庸君鮮克以是爲戒,亦有英雄之主明甘酒嗜音,峻宇雕墻,有一于此,未或不管見:禹之訓曰:「内作色荒,外作禽荒,

春 秋 管 見

嗜音 此數君者,才足以兼撥 知 禽荒者,莫如漢文、唐太。 而 如 明 蹈之。 唐明皇,峻宇雕 色荒者, 亂致 墙 莫如 嗜 如漢 治,智足以 酒 齊 如 武、魏武 桓 齊 楚 顯 祖 莊 知

也? 廢 禹 不以爲樂者,非上哲不能。 卑宫惡 興 存亡,而 曰 : 服 人君之病,在於 於亡 湯 不 邇 或 之事, 聲 色, 以位爲樂。 文不 鮮能 堯茅茨土階, 盤 自 克, 游 田 其 何

終也。」

夏

也。 其 中有妓,心中無妓。吾之有所好也,其公 (視崇音 中焉者,恃其才智足以把持天下。 高 富 貴如深 淵 薄冰之地,而 不敢 筵 肆

爲 溢 豫,卷阿之伴 劉之好貨,太王之好 何損於明? 散幾 ,必至於荒 何? 亡沉 奂者乎? 不自覺其溝壑之盈,一雨 吾之有 酣 色者乎? 加 所樂也,其夏王之遊 不之檢。 自以 爲寸雲點日, 浮生若夢 不以位 爲 輒

危

,而以爲樂之念差之也。

是心一

放,卒

人君「 得 不 平 미 ? 收, 無 皆足 安厥位,惟危」,而無以 春 秋》於臺觀 以 貽 將 來之弊。 苑囿,必 谨 雖 逸豫教有 書之,欲 欲 不

五

邦也。

(四月, 薛伯卒。 張氏日 薛 稱「伯」, 蓋降 班, 圃

管見:春秋之時,滕、薛、邾、莒皆小國 會盟侵伐,薛獨 不見於《 經》。 是未嘗交政 也

無 諸侯,足以爲 所 求 龍, 亦 久, 無 何也? 所 尋 怨, 意 斯 者 以 其 小事大, 爲 善 保

國歟?

築臺

于薛。

《公羊》:

「譏遠」

也。」

杜氏曰:

薛

遺俘。」《公羊》:「威我 曰「捷」,戎菽也。」 六月,齊侯來 獻 戎 也。 捷。 旗 《左傳》: 獲 行而過 我 也。」《 非 禮 穀梁 也。 諸 侯 不 軍 得 相

獻」,抑之之意深 管見:齊爲 盟 主 矣。 過 魯 舜 遺 稱 俘, 禹 而 E 其 不 辭 ·矜,不 日 來

侯量淺,小有得志,揚然便見于色。以戎帛者萬國,天下誰敢與之争功争能? 齊伐」,故「文命敷于四海」。塗山之會,執玉

獲遺魯,其意若曰: 戎既獲矣,天下可運

以「齊侯」,書法與「慶父伐於餘丘」同意。何足以爲耀乎?《經》書「獻捷」,而「來」南,未能使之革面。遼遠之戎,窮力以勝,殆類「齊人之驕其妻妾」者。荆楚虎視於與齊親爲姻國,不可以驕之。以此驕魯,之掌。震矜之萌,不待葵丘之會始見。魯之掌。震矜之萌,不待葵丘之會始見。魯

梁》:「一年罷民三時,力盡則懟。君子危之,故謹志之。」秋,築臺于秦。《公羊》:「何以書? 譏臨國也。」《穀

抑揚頓挫,非聖人孰能修之?

宫室臺觀,紛紜崇侈,艷妃寔蠱之也。淇皆在晚年。莊公之德衰,自姜氏人以後。三時之耕耘,營不急之土木。觀其侈肆,管見:以一國之事力,供無度之遊觀。廢

老之可戒,不但在「得」,而竟有在「色」水之臺,爲宣姜也。姑蘇之臺,爲西子也。

者歟?

者,旱久而不害物也。」」 冬,不一雨。《公羊》:「記異也。」何氏曰:「京房曰:「旱異

氏曰:「小穀,魯地。」三十有二年春,城小穀。《左傳》:「爲管仲也。」范

人交感之際也。

城而役魯乎? 其爲魯邑明矣。 管見:齊桓不以伐衛、伐戎役魯,豈爲仲築

_

五

四

夏,宋公、齊侯遇于梁丘。《左傳》:「齊侯爲楚伐鄭

之故,請會于諸侯。

宋公請先見。」

取。 使人,宜其順且易 武王伐紂,不期而會者八百國。王者 勢而 不遠八百里之地 救,楚不可不伐,此心理之所 管見:人同此心,心同 讓宋 伯者以智使 先,故能鼓 圃 人,而人從之恐 也 與宋遇,又 舞 豪傑,其 此理。 不 同 八志寔 鄭不 後。 挾 也 伯 미 以德 然 有 桓 主 公 之 不 則 可

卒。《公羊》:「公子牙今將爾。君親無將,將而誅焉。」奉使以君命命僖叔待于鍼巫氏,使鍼季酖之,歸及逵泉而叔牙,對曰:「慶父材。」問於季友,對曰:「臣以死奉般。」成秋七月,癸巳,公子牙卒。《左傳》:「公病,問後於

未形。 得不誅。 牙,是暗殺。 管見:周公誅管叔,是 其爲 惡未形者,何不 悪 明誅者、惡已形。 也。 或 日 明 善道 : 誅。 恶 以 已形者,不 暗殺者,惡 季 明曉之, 友 酖 季

0

「少」

原脱,據乙本補。

曰:此 爾。 所 牙之逆形, 翬之禍矣,其 智、先事 情,欲乘危 使之改 後,是乃善 叔牙之死,有 翼既剪,誰 父懷疑作 則其謀在牙,而 生一及」,此何義理? 發,仁義俱 寔明 莊公有子三人,問 季友所 **予豫圖。** 心易 知 亂 與爲 處 便 擁 其 盡 미 其 人 以 得 立,己自執 慮, 以 不 應? 不然, 莊公漏 禍 權 ,視周公誅管、 倫之變。 解慶父之疑 正終于路寢乎? 孤 暗 叫 贵 在 更烈,豈非恩義 其 殺。 曉,故 不 後來謀篡不成, 慶父。使牙既死,慶 援 蓋不 後於牙,乃曰「 託 全 也。 國。 季 不 兄 以 心。 · 獲 友 言,將 疾 勝其 牙死 弟 幸 蔡,事 死,不 此 己 之 圃 舉 加 恩 H. 季 同 而 俱 有 曰:然 母 不 忠 存 便 見 公子 魯 他 發 友 爲 乎 日 誠 其 是 羽 叔 忠 之 此 ?

日之事,乃以周公安周,季友存魯爲况,何喜,志在於殺。及見史官所書玄武四月十萬世心事公私之案矣。太宗於建成、元聖人因之,不異其文,以成其志,此可以斷而心則一也。牙不以罪聞,舊史書「卒」,

手,以齊終也。」 于黨氏。」《公羊》:「正寢也。」《穀梁》:「男子不絶於婦人之八月,癸亥,公薨于路寢。《左傳》:「子般即位,次八月,癸亥,公薨于路寢。《左傳》:「子般即位,次

其不自量耶?

皆 築館于外,知娶姜氏之過 則有公兄弟之心。 謂 生, 不如死 役,謂慶父曰「我寔不德,齊師 **管見:**莊公人品亦不甚低。 反己之意。 柯之盟,謂曹沬曰「寡人之 |愚鄙| 季友曰「牙謂我 所爲,亦可見其有一隙之明也。 也」,則有事讐之耻。 至於知主王姬之過 一生一及,慶父也存」, 而丹宫之楹 觀於圍 何 罪」, 及將薨, 郕之 則 雖 而 有 又

> 内縱, 知,一 内有 是孱 戰伐爲才,於義理上全不理會。 蓋 如 昧修齊之道之所致乎? 齊女,爲所 由 齊桓三會,公皆不至,亦是少有氣概,不 庸 孽母,浸染之惡多。 幼 點明亮之資都翳 釀 底 年 成蕭牆之禍。 ·嗣位 人。 蠱 惑,遊 何其所行之事全 ,外無賢傅,薰陶之功少 觀 無 塞 豊 盡 但以 度,沉 非 尚賴時多賢臣, 了。 無 射御爲良, 涵 溺 中年既 無 遂 養之功, 而 至 可 一妻淫 不 觀? 自 娶 ÷

賢有餘,不可謂無助也。 遏今將之惡,全路寢之終。君賢不足,臣持,彌縫其闕,是以取重强齊,保有魯國,如季友之忠、曹子之智、御孫之直,左右挾

子般于黨氏,成季奔陳。」《穀梁》:「子卒,日正也。」《公冬十月,己未,子般卒。《左傳》:「共仲使圉人榮賊

●「曹」,原誤作「漕」,據文意改。

未踰年之君也。」 君存稱「世子」, 君薨稱[子某]。 般卒,何 以 不 葬?

之覺。 在, 之立。 也? 議 以 則子般也。 管見:莊公享國三十二年,不立世子, 可見莊公之没主 則般必不 之疑,故巧言得以人之。若無季友之决, 外,而寔姜主乎内。 爲他日 是不可鞭。」其意 權 弟 恩 庶 有待 獨 予般之心,分於予仲。 繼國之地 般嘗鞭圉 獨不可予乎? 不可授乎? 不 Ý, 乎姜氏 可 姜氏 而仲 割 無出 張 蓋 乎? 也 人拳,公曰:「不如殺之, 已繼 也。 也 顯然以生殺之權授般 公於兄弟,無 然共仲私哀姜,則不 ,其娣生子啟方而 權 弟而 名則 子而 或 夫嫡 度 矣。 其 不 待乎姜氏 不肖,賢 而 雖曰牙 良,國 間 考事 無 出 社 有 驗情 '毫髮 (者是 主乎 法 稷 通之 不 爲 固 寔 何

> 握權 梁》「日正」之説不可取 内諱惡,以「卒」爲文。 國本不定,無以繫人。 道,行之以義,慮之於早,防之於微 亦甚矣。 擇,乃曰:「吾將焉致乎魯國?」其 何自至 ,遂及於弒,莊公寔 哉? 般也 《穀梁》:「此奔也。 奈何見理不 倉 卒 嗣 位,根本不牢。 《左傳》有 病既 促之 明, 彌 日 也。 情牽 如 留 不 據。 一何? 聖 短 於 慶父 知所 人 於 禍 ^ 諱莫 穀 爲 謀 亂

如深、深則隱。」 公子慶父如齊。

與,故 父逆 則齊 逆爲强 既弑,成季出 管見:慶父如齊何? 倚乎姜氏也。 公漁人之智也。 而 桓方伯,何 謀結 弱, 强, 季子 齊 則慶父必無 援, 奔,姜氏 順 以 慶父與 立 而 縦 啟 弱。 而 方 欲 所 季子勢不兩 不 以 立慶父,國 天未 逃於國人,季子 . 誅 ? 成 篡 厭 事 魯, 爾。 立,慶 以 子 此 順 不 般 然 桓

重。

子

弟

皆

親

無

適

而非

道

也。

揆

之以

不見棄於國人。幸而姜氏立啟方之功 塗炭兩國。 首以「伐」書,著其强 也。」

所改革。 楚、秦、越,其後皆伯中 仲,吾其被髮左袵」,意蓋 胡拓跋之禍,不待漢、晉。 夫子稱之曰「微 狄横行甚矣。 管見: 戎伐凡伯, 狄伐邢。 窺周問 王,故抑而夷之。然於中國衣冠禮樂,無 鼎 齊桓制楚之功在於抑楚,使不 而中 使桓公、管仲不能制之,五 國 能爲中 國。 國 指 此。 春秋之初,戎 聖人特惡 則 在 若夫吴、 膺戎 狄 得 僭

裳

濟之,誰知其德?

天而亡魯,啟

方

雖

而拯之。

天之功,我功也。

於其未溺

而

蹇

可就,吾因以定之。

譬之溺者入水,不

涉

必

以取之。

是溺者自溺,而其

所有,吾

得

有

立,季子不歸。

慶父肆惡,自速其辜,吾因

之效也。此不可不辨。

狄伐邢。 之。 其 罪,使得奔陳。 **豈設隱賊之文乎**? 謂諱慶父之奔,而深其 此。直書「如齊」,其義病齊桓也。《穀梁》 之會以定御説。 功,何急於誅之乎? 其操心亦不良矣。 大抵桓公事事都欲坐觀成敗。如宋萬之 如齊」,義甚明白。 義。 正有所謂徐觀蚌鷸之勢,以收漁人之 徐氏曰: 慶父,國 「狄,北狄也。 及宋人殺萬,然後 王者以道帥天下,必不 也, ^ 春秋》誅 有 解。 伐那,滅衛,三 何 深其 可諱? 亂 賊 辭,故 爲 一年之間 而作, 書 北 如 隱 杏

 $\overline{\pi}$

八

閔

元年 春,王正月。《左傳》: 「繼弑君,不言『即位』。 「不書「即位」,亂故 孰 繼子 般 也。」《穀 也。

「親之,非父也,尊之,

非君

也。

繼之如君父者,受國

焉爾。」 何? 之得 定之,則可以書「即位」。 子當計告於周 **管見:**閔公不 立君 日 也。 上 有天子,下 書 告難於齊。 然 則子 即 位,不 般 有方伯。 弒,魯無 今一君薨,一君 桓公請於 予哀姜、 君, 魯 之臣 如之 慶父 Ŧ 丽

畏。

雖興救邢之師,●不能有

加

於

狄

不

能

抑狄之强,使復肆毒於衛

中

國

爲

其

塗

其始, 大法,正大綱也。 罪,其義爲天王、方伯 重 哀 姜、慶父之罪 病也。 也。 病王 重 其 一, 所 擅 以立 立之

齊人救邢。 豺狼,不可厭 《左傳》: 也。 諸 夏 「狄伐邢,管敬仲言於齊侯 親 職、不 미 棄也。」齊人救邢。」《 日 「戎

梁》:「善救邢也。」

何憊乎? 猶豫,意有 戎,直犯中國,投 遠千里之險爲燕伐戎,不捷不止。 管 見 : 救 師 不競桓公於狄也。 所 之善,何以稱「人」? 難。 · 袂而 及聞 起 仲言, 叮 也。 始 戎疾 以 顧 燕, 不 狄强 簡 乃 憊 書 遲 也 爲 於 田

「興」,原誤作「與」,據乙本改。 疾」,乙本作「病。」

地

故故

不

即

位」,正閔公之始也。

不

īE

文

一,賊

臣、妖婦

乃

得

行

其

私。

大綱

爲

之

掃

弑,天王、方伯若

不聞

其

事。

君弑,

君

炭,伊誰之咎?

豈非方伯憊於救

患

恤

鄰

例,凡於「人」齊之處便爲 之心,得《經》旨矣。 之義者乎? 管仲得政二十年,●未 稱「人」以救,李氏 胡氏: 嘗 拘於將卑師 命 桓 大夫 公回護,如 論其 爲 主 伯者 少之 將 謂

以緩。」夏六月,辛酉,葬我君莊公。《左傳》:「亂故,是

亦

未嘗興大衆出侵伐」,不

知

何

所

據

也

季子來歸。《左傳》:「嘉之也。」《公羊》:「其言「來歸」也。齊侯許之,使召諸陳,公次于郎以待之。」秋八月,公及齊侯盟于落姑。《左傳》:「請復季子

管見:「歸」者,易辭,見季子之得人望也。何?喜也。」

人望

屬

則

何

以

出

奔?

曰:

親臣之義,係

祀何 去 社 國存亡。 則 稷 何 托 死 .賴? ? 而 紂惡既稔,微子不 管、蔡 爲 方其 匹夫之諒 流言,周 (惡猶 掩善,逆 ,非親臣之義所 公不去,則 去,則商之宗 種制制 順,不 周 當 之

> 國人 重。 也。 **蔭** 同志 思。 爲。 以待之。 迫於伯主之命,奉公爲落姑之盟,又次郎 齊侯,以復季子。 之淫愈肆。 與之孚信。 身以遂小 力不可以遏横流,一木不可以支大厦。 君,大權在手。 是時,哀姜、慶父表裏交締,弑 驚濤破 公以 小人挾公以爲惡 思其累卵之危,協以衆心之望,請 出門交有功,格吾之進退 在 此亦衮衣繡裳之歸,衆 道 小人之所挾,非季子之所 人之志,不若留身以 季子去而慶父之勢愈張,哀姜 岸、然後 明 烈暑燃爐,然後羨 何 季子以 咎? 雖哀姜、慶父勢燄薰灼, 知),而國· 砥柱之可依。 孤 行吾之明 忠立 人挾季子以 小必 於 喬松 係 人 哲, 其間 先君 所 有 得 之爲 於是 君 必 與 同 與 爲 望 有 之 之 殺 於 立

● 「仲」,原脱。據乙本補。

陳」。 聖人權 功乃 去非 之歸。 也,故 立 如 **寔季子之功。** 然則閔公見弑 公」、《公羊》 正之法也。 慶父之所能忌也,故卒能立 **前** 齊之事, 衆人 「歸」 君子得 詳《經 終於不免。 季友於子般之弑 所 衡於筆削 以 者 日 則 已則不 **企**左 有 好 謂 此 所 舊 非 所以有後日之功,本於此 此 則 時 書 間 文 氏》謂「季子 季 日之歸,在 不 季子之病,而 季子 事 叔 以以 也。 友 必書,故舉事以 미 勢,関 牙、 自 示 没,故 爲 「子」者, 子 葬 親 國人之所挾 公必 般 而 原 於前 僖 稱「子」以 之 賢 仲 奔 公而 莊公有 者處 爲 卒 陳, 特筆 日之去。 時 慶 與 見之。 定 變得 父 慶 已 立 也 後 関 所 父 美 H 非 奔

慶父,魯難未已。」公曰:「魯可取乎?」對曰: 嘉之也。 始 出 奔爾。 仲 孫 不可。 歸 日 立 案 不去 猶秉 不 也。 周 禮 來而 齊存 使仲 救,將 於世。 斯謀 道爲 王遺 如桓 以 日一周 之啟沃絶無也。 管見:齊仲孫湫來省魯難,歸告桓 慶父將自斃。」此 繫之齊,外之也。」 周 兩慌 魯,他 孫 教。 不急難,則 化之澤未亡。 公、管仲氣 義 斯猷,皆於義 禮 待慶父之斃 爲 人? 丽 不以秉禮爲 所以本」,又是三代士夫見識。 士者 士夫優 尚 是忠於齊,非 權 EI : 利。 不 爲徒來,又何取乎彼之爲 味 仲 挾 游 三代聖 而 議論 相 言 理上起見。 孫 伯者以富强之術 其 術 涵 不去 投,大 知周禮 坐視魯國之難 以 泳,故其 齊 是春 施,不 德 王

冬,齊

仲

孫

來。

左傳》:

精,

何

以

斷

大義

乎

?

亦

取

魯

不得。

勸

於

魯

也

乃

其

,此是本來學術

禮所以本也。」、《公羊》:「齊仲孫者何? 公子慶父

求士

春秋

以

來,

出

m

事君,

以修己正

心之

何

秋人才氣習。

公日

都

如

此

義

理

足以

稱

良。

所以本,此

先

而

不

是諸侯祭父而僭天子之禮。

又魯之重祭,

使? 書其名以微之。 故没其使以 《春秋》教人才之旨深矣。 薄之,隱其 事以耻之,不

齊人逼徙之。」 一年春,王正月,齊人遷陽。 杜氏曰:「陽,國名

國而併其 管見:狄患未除,魯賊不去,急遷陽之小 地 ,是得爲方伯乎? 稱「人」,貶

之也。

吉祭,故非之也。」 羊》:「言『吉』者,未可以吉也。」《穀梁》:「喪事未畢,而舉 夏五月,乙酉,吉禘于莊公。《左傳》:「速也。」《公

以其 其子孫爲天子,故得禘其祖之所自出 子之道也。 祭以大夫。 物之謂也,享之以禮 **管見:**《禮》稱「孝子爲能享親」,非多儀及 祖配之,即 商祖契,周祖 故父爲士、子爲大夫、葬以 此義 也 也。 。閔公禘 稷。 享不以禮,非 稷、契諸侯, 于莊公, 一; 而 士, 孝

> 有不必書矣。 之弊,乃至於此。 於義有不容諱也。 之莊,而合祭之。 王之賜,伯禽之受,聖人固已傷之。 非失禮之甚? 書曰「吉禘」,見典禮之紊 大廟之主與群廟昭穆之主,俯就 王之所賜,止得行於周公之廟。 凶服未除,盛樂殷薦,豈 《春秋》書其重者,其餘 若夫魯人之僭,蓋自成 於未祔廟 乃 以周公 末流

隱之也。」 秋八月,辛丑,公薨。《左傳》: 公不禁。共仲使卜齮賊公于武闈。」《公羊》: 「何以不地

國也 管見: 閔公之爲君可哀 伯兄之斷不能閑寡妹之邪。 罪? 莊公以哀姜主饋,倚其勢之足以定 掇,武闥之怛非 之姿,寄命於彘行狼心之賊。 及其宣淫 常。 肆亂,勢寔促之,而 究其禍 也。 以慶父主兵 以未 路 端 寢之 冲 出 人何 哀 桓公 閨 未 闥

「初、公傅奪卜

齮

田

横。 恃其 寔使之,而季子介弟之賢 向所 才之足以 倚恃者,皆適 禦侮 也。 以 及其 不 基 稔惡逞 能 禍 也。 遏 暴 凶,材 《 詩 兄之

勢力把持,才氣運 日 孫謀,以 刑于寡妻,至于兄弟。」又曰:「 燕 翼子。」爲君不明 動,近其難養之婦 此 義, 而 「貽 人小 欲 厥 以

故曰: 閔公可哀也。 若夫公薨不地,先儒

子,使之凶于而國,豈非以賊遺子孫

乎?

論之矣。

也。 九 月,夫人姜氏孫于邾。 諱奔也 《穀梁》: 孫之爲言, 猶孫

母。 不去姓 有輕 情一也,豈有等殺者乎? 文姜者,國君之 管見: 子 重。 無 氏 文姜孫齊,去其 絶 竊 母 以 或謂 爲 之理,故存其 文姜 婦人之道,從夫從子, 弑 姓 夫,哀 氏。 名 姜 丽 哀 姜 殺 失其身 子 孫 邾 恩 罪

則

莊

公不得母其母。

而此夫人者,乃弑君

間,當 邾 也。 許魯國之臣子,皆得以討之,不容其 存其名,留其身,彰其爲淫賊之人。 之夫人。 也 哀姜者,無後於魯,特一 有權 聖 人 去魯奔齊,其 量。 筆一削,其 然則文姜得以令終,哀 義予國 示人於恩 賊婦人爾,故 人之得誅 其 義 孫 之 于

見殺於齊,其爲魯病多矣。

公子慶父出奔莒。《左傳》:

「以僖

公適邾。

共

仲

奔

莒,乃人立之。 管見:慶父再弒閔公,握重兵,據勝勢,誰 以賂求共仲于莒。 歸之,及密,乃縊

秉禮之人心,能爲 能逐之? 既能逐之,何不殺之? 强 而不能爲 勇也 此可 或 見

能挾季子,而季子 不能 挾公,故慶 父 得 以

衆

人同憤,争

起

爲逆。 豈得 逐之。 此 魯國 安坐? 天理. 至此罪惡既盈 所 以 觸 爲文弱,而 然 而人心强,雖有賁、育之勇 猛 虎 餘威 賊 ,尚能使 臣 所 以 人辟易。 得漏 網

操取 計。 之手? 閒暇。 亂 也。 在 魯,亡君立君,事落他人手。 然不爲遠慮 莒,乃人立之」,看來 爲例也。然則「成季以僖公適邾。 弑逆之罪 義同休戚,必有未然之慮。 莊公之子三 人,般弑,閔幼,有申也在,豈可 一於莊 亦定,然莊 季子之忠智,其不可及者在此。 亂之心,僖公無望親之援。 及閔弑 不去其「公子」者,公子而 是時主少國疑,季子以國之懿親 有後。 季子不得 彰,而 ,仲奔,因 變至 公之統絶矣。 聖人進而「子」之,豈 人疾惡之情見,不得 而憂,糊塗舛錯。 挾関,故挾 倉卒之間,措置却 人望而立之,所 慶父必誅 季子之功,正 傳, 出奔,則己 盡付賊 雖天未 共仲 爲 若 齊人 社 以 以 魯 暈 無 其 臣 厭 泛 稷 甚 奔

冬,齊高子來盟。《公羊》:「桓公使高子將南陽之甲,

意乎?

《穀梁》:「其曰「來」,喜之也。」立僖公而城魯,魯人至今以爲美談,曰:「猶望高子也。」」

中節。 方伯 仲孫 也。 及聞秉禮之言,始爲中止,而養慶父之惡 帖然,魯亂遂定。 定僖公之位,於是桓公使高子來盟。 亦 無定國之功,而 高子,從義 高子來,所謂因 是冬高子之來,僖公已立。季子請 管見: 閔公以 不爲之討罪,馴 有 不稱一 專征之義,不 省難,意在使之覘魯,將乘亂 不足貴矣。 一盟之後,賊臣誅,淫婦殞,不可謂 「使」者,誅桓公之初心 而 不從命,恐未必然。 八月弑, 慶父以九 桓公設心不誠 人而 致閔公之弑,又縱 直 應 此高子之功所以 書「來盟」,進高子,乃 成者也。 如 此。 及僖 則 如 也。 日 : 月奔, 公 其出 其 而 惟 於齊以 (所使, 立,而 取之。 當其 人心 來 權 爲 奔。 得 美 在 則

十有二月,狄入衛。《左傳》:「戰于熒澤,衛師敗績:

遂滅衛。衛侯不去其旗,是以甚敗。」

取」可 魯桓 **管見:魯、衛之亂,基於文姜、宣姜。** 妻而導鶉鵲,禍 定亂,又出 一姜之能 不奪兄之位 也。 亂 不然,自壯至長,理之必然。 於齊 魯、 侯。 端 而媒魴鰥,衛宣不奪子之 衛,亦非 何 此 所 理 自來?「姤壯 齊 如 侯之能定 何? 日 及其 : 也 非 勿 此

也。 最深,則生氣之伏 亂亦定,此又周公、康叔之澤,其本不 二姜所以能貽魯、衛之毒者也。 有物蠹之,待有所觸 於於 地 者 再 而 發。 顛,而其 歷二世 故 関 植 易 弑 根 顛 而

諸 頌 滅, 魯亂 ・泮宫》、●《閟宫》、《衛風·定之方中》 耐 丽 則僖公、文公之賢,猶 燩 申 以 以 廬 奔莒之庶 曹之季弟 孽 復 得 興。 立。 可想見。蓋 考之《 赤 敗 衛 魯

> 猶未 能爲 城魯 賢子 之惡所釀成。魯、衛之興,周公、康叔之澤 泯。 功也。 孫。 無 虧 齊桓 齊姜、齊侯何與焉? 戍曹,特因 故曰: 明 知 魯、衛之亂,桓公、宣公 以定之爾 國 有 再 興 之理,高子 有國者,盍 ,非桓公之

亦反其本爾!

而弗召。師潰而歸,克奔陳,鄭人爲之賦《清人》。」 鄭**棄其師。**《左傳》:「鄭人惡高克,使帥師次于河上,久

如之 威天 思歸 爲不遂之逐,是以 衆作亂,鄭國 管見: 葵丘之戍,久而 而不召,師潰,克奔,文公之幸也。 何 ,得爲 下,諸侯 其可 貝丘之逆。 假 有師 其不殆 人? 師 以 惡 守 棄 乎? 夫天子有師 然則 不代,故連、管因 其 其 也 國。 譬之主 而 河上 太阿之柄, 授 一之師 之 使克 一人,擯 師,以 擁 久 衆

●「泮官」、《詩經》作「泮水」。

魯、衛二祖積善有餘,故雖淫亂之後,又有

所爲。 若夫高克之才,不能撫衆,又何足責? 使之帥師伐漢。卒之陳橋兵變,惶恐不知 聲遼漢之師,范質忌其在 謀之不臧,而克之奔在所略矣。 之時已爲棄其師矣。 譏不在高克師潰之後,乃在鄭伯使克帥師 爲遠小人之計,不覺其爲亡師召 之資斧,以速童僕之反。 有狡焉,攘羊以爲利,而叛其主。此乃 羊俱亡。奴亡不足惜,豈非 其奴而授之羊,使牧之而不得返,奴必與 此不明「棄師」之義也。 故以國爲文,責其爲 鄭之君臣,以 朝,因請於太后, 棄其羊乎? 宋太祖 亂之道 此 虚 此 與

僖

公

位」。此非子也,臣子一例也。」 公出復人,不書、諱之也。」《公羊》。 元年 春,王 正 月。 《左傳 示不 ·書「即 繼弑君 位」、公出 子 不 言「即 故 也。

之謂 爲賊 臣 行乎其間,倫固明矣而 之統也。 爲統,以其所承統爲尊親。 管見: 僖公不 後 也 正。 行即位之禮,可 而 臣 子。 所 天子以有天下爲統,諸 弑 閔公雖弟, 計其喪於天王,致三年之戚 ,僖公寔承 書「即位」,不正其不繼 也。 君 統馬。 也。 理通乎 簡 恩固立矣 享 乎閔公而自 國不 兄也 其下,夫是 侯 以 永,特 丽 閔公 而 有 臣, 義 威

> 君」也 博士劉聞之言而統寧宗,可謂「夷狄之有 統莊 觀於 愐 黜穆、敬、文、武 明此義,光武 之禮,其悖經失正亦甚矣。《春秋》没 鬼大,舊鬼 即位」,示人君當以宗統爲重也。後世 統孝宗,豈非失禮之甚? 公而不 異時 躋僖公便見。 小。」是必當初,僖 統閔公,時 黜 成、哀、平而 Mi 統 憲 念宗,明 臣習見,以爲當然 夏父弗綦 統孝元,宣宗 公以兄 惟 世宗黜 元 E 順 自 帝 武 「新 宗 其 聽 不

耻之。 其言「次」何? 齊 不言「齊侯」,何也? 師、 君也,則其稱「師」何? 宋師、 不及事也。 曹師次 以其不足乎揚,不言「齊侯」也 于 邢已亡矣,桓公不能救,則 聶 不與諸侯專封也。」《穀梁》: 北 救邢。 《公羊 桓 一此

此 盛,前此矣。何以「人」之而此獨稱 管見:齊用兵,自此年以前未有 稱 「師」何? 著師衆之盛 也。 稱「師」, 師 師? 衆之

1/

, 豈得正之體乎?

何以知其簡乎閔?

者,則 衆之多? 遷,三國之 炭 見褒貶。 自將。稱「人」**,**稱 勇於義,故 不繫於師。 日 齊侯」,義亦通。 中華。 "「人」之者,其 其 志憊矣。 詳觀 方伯之義,救之可也。 《穀梁》 師 舉「師」以 「師」之者 無 載 以 例 曰「以 加 邢人待援不至, 事 大抵齊之行師,皆桓 師」,稱爵,各自立義 則其足揚與不足揚之 爲 於狄也,又 見貶也。 其 不 其 事爲 善義 不足乎揚,不 合於義 狄伐邢, 何 繫 救 衆 於 取 乎 潰 脯 事 而 以 公 言 塗 次 師 丽 不 而

使之如改事然。」

意也。」
「題」,那選丁夷儀。《左傳》:「那人潰,出奔師。

事

可

以

類

推

丽

得

其旨矣。

丽 内之邑, 管見: 不 邢遷夷儀,蓋其力不支,自 有 非 其 師遷之也 地。 三國 救 邢 既 師 遷, 即 其 狄 故 人 遷 都 大 于 掠 或 而

> 「遷邢」,義自見矣。 城之。上言「救邢」,下言「城邢」,此不

也。」《公羊》:「不復言師,則無以知其一事也。」《穀梁》:齊師、宋師、曹師城邢。《左傳》:「諸侯城之,救患

乎? 家。 撤 抵 門,修其壞者。 得反覆其舊。 灰冷,相 乎畏狄,終乎避 爲美,蓋 之,邢得 儀,書法當與 管見:城邢,非城于夷儀也。 火之器於路,不肯 桓公救邢,恰似 主人不堪大烈,棄家 邢 與飲 自 人既遷,狄兵既 與 夷 高 楚丘、緣陵 材、治功、 儀 子 同一役也,前之心爲惡,後 一狄,何 諸家皆謂城 城 而 邑人救火、恐 返 魯 焦 ②國,此 取 頭 修 退,諸 同,豈 乎三 般。 而去。 爛 其 存 額 於遷所,是 屋 師 自 亡 若果城于夷 侯 謂之「城邢 以赴失火之 廬 其 爲 某門 救者待 一之功 移 延 也 主人 師 (燒,持 ? 至 所 以 乃 火 始 某 以 城

《公羊》:「夫人薨于夷,則齊人曷爲「以歸」?桓公召而縊秋七月,戊辰,夫人姜氏薨于夷,齊人以歸。《穀梁》謂「使若改事然」,意妙。 之心爲美,不可以一事通之。再叙三師,

殺之。」

然究其 明義。 以 秋 名。 之誅 使能 管見: 公不弑則 王,其情則伯,不得以大義滅親爲比。 人殺之以悦魯人之心,又以其喪歸齊以 不正 婦人,何以全 》誅其意 陷 也。 爲 終 用 哀 所 魯 齊桓處事,獨有殺哀姜一節可 爲 姜 其罪不至如此之甚,以陷於無 先 心 至是,魯既 親於過而殺之以爲名,其 而 禍 與 ,亦於事後立 去慶父,哀姜何能 不没其事 淫之戒; 慶父之事,桓公知之有素, 伯體? 有 ,書「薨于夷」,見其 書「齊以 君,公論 不得不殺之以 名 · ; 爲惡? 歸 乃 不於事 定。 」,見齊 事 <u></u> 觀 閔 赦 繋 春 前 則 爲 庇

公召而縊 **管見:**楚人伐鄭,是即齊敵矣。天下大勢以歸。 楚人伐鄭。《左傳》:「鄭即齊故也。」 智深矣。「人」之者,著其心迹不足取也。 一

未衰 不研 敗。 爲亡宋、明之幾,則知《春秋》書法之旨矣。 遼,慶元之宋未危而 坤之六陰漸 協於安攘,守在四夷,必無于泓、于邲之 降之機, 伯成而王 定於熊頵,亦猶齊伯規模 著其幾也。 治,權綱在 方人於齊,而楚之伯形 其幾 《易》曰: 加 滿洲克瀋 君子深致意 迹熄,楚伯 而 上,必無首上、河陽之事。 長。 深 是故政宣之宋未亂 極 爲之圖,姤 《春 陽。 深 1秋》書| 研 强 蒙古伐 苟知 焉。 幾。」幾者,事之微。 已兆 而 中 略定於禄父。 之 伐 楚 使天王 或 金 遼 弱。 楚伯 人」於是年, 陰 萬萬 金、克瀋陽 圃 天下大勢 始生,即 强 曆之明 女真伐 消 規 於政 模 中 長 略 國 升 齊

檉。《左傳》:「盟于拳,謀救鄭也。」八月,公會齊侯、宋公、鄭伯、曹伯、邾人于

者也。」 九月,公敗邾師于偃。《左傳》:「虚丘之戍將歸

制 所效而爲之。 鄣、遷陽,凡皆敗 者有意感人,而 其寔 棄好 即 管見:邾、魯相攻,見齊伯令之未信也。 天下爲一家,中國爲一人,非意之也。伯 八月會檉,齊爲主,邾、魯 如 楚,宜其功烈之卑也。 敗 桓 邾。 以 此 爲 公之信未有以孚於人。 mj 仇。 齊方樓諸 其 以此道令諸侯,用此諸侯以 行 方命,興 不得所以感之之道,其教 邾之事。 事 侯以謀楚,而 如 彼。 戎,魯侯不爲無罪 同會。 魯人虐小,蓋 滅譚、滅遂、 先王耐 同好者先 九月, 降 以 有 魯

拏。《左傳》:「冬,莒人來求賂,公子友敗諸鵬,●獲莒子冬十月,壬午,公子友帥師敗莒師于酈,獲莒

【孟勞】,公子以殺之。」曰:「吾二人不相説,士卒何罪?」屏左右而相搏。左右曰之弟掌。嘉獲之也。」《穀梁》:「惡公子之紿。公子謂莒挐之弟掌。嘉獲之也。」《穀梁》:「惡公子之紿。公子謂莒挐

勝 興師 獲 聲罪伐之。 子寶刀亦是如此。 以其所長,出 闘卒,漢、唐時 孟勞獲莒挐。 也。」然觀莊公以金僕姑獲長萬,則季友以 曰:「友賢哲之士,寧爲匹夫之事? **管見:**《穀梁》曰:「季友搏殺莒挐。」啖氏 未必《穀梁》無據之言。 而殺之。 負,何用 ,則惡 在 於術詐乎? 慶父既伏其辜,莒人乃以求賂 堂堂公子,提 一莒矣。 入敵陣,身先士卒。 猶 魯人慣習爲此,亦不甚異 然。 然莒有納慶父之罪,當 待敵 如雲長 是 古人臨 刀殺賊,不得爲 必 丽 戰,以 爲 刀,敬德稍 誘 陣,闘將 敵之計, 或者季 曲 傳 直爲

●「公子友敗」,原缺,據《左傳》補。

春 秋 管 見

七〇

氏。 甚多。 再整頓 未 過 勝 爲 後爲季孫 義 同意。」其寔季子無狀。● 除此之外,疵)我,無 非賢 孟 純 戰矣,故以「敗」、「獲」爲文,見其詐 三家專魯,寔基於此,故謹 孫。 乎 得 又接 純 哲之所爲也。子曰:「由也、 所 氏。 社 叔牙之後 也 取 一稷起。 敗莒之役,以此受封 材。」若友者,亦 請封慶父之後公孫敖。 朱 子 聖人取其 Ė 於郈,公孫兹。 : 「季友立得僖公, 功,與取管仲 由之徒 而 日之。 於費,其 爲叔 於郕 好勇 力之 歟 孫 處 ?

喪至也。」《穀梁》: 羊》:「夫人曷以不稱『姜氏』? 十有二月,丁巳,夫人氏之喪至自齊。《左傳》: 君子以齊人之殺哀姜也爲已甚矣。 「其不言「姜」,以其弑子,貶之也。」 與弑君也。 女子從人者也。」《公 貶莫重乎其以

其殺,胡氏譏其歸,此義何如? 請之,故歷六月而後其喪至也。 管見:齊人 殺哀姜于夷,以 其 喪歸。 《左氏》甚 曰:齊! 魯人 桓

> 乎? 請 當参取。 爲盡義矣。 也。 當聲其可殺之罪,命魯黜 殺之,又以 方伯,有 殺、孫邾,姜氏之身亡於 于夷則葬于夷可也。 其喪歸,存其夫人之號。 故去其姓而存其氏。 甚其 如哀姜之惡,可私 其 成於殺,而 胡氏之説可 喪歸,是 魯人窺見伯主之心, 教 不 從, 甚 魯人之請 桓,而 其 桓 其 是乃殺之、不 丽 小君之稱, 薨 其 公此舉,不得 殺之 高氏之義 親 存於桓 而 也。 也。 不 者 亦 但 既 殺

專封諸侯,雖通其仁以義而不與也。故曰仁不勝道。」 蓋狄滅之。」《穀梁》:「其言『城』之者,專辭 封衛焉。」《公羊》: 二年春,王正月,城楚丘。《左傳》: 「曷爲不言」城 衛_? 滅 也。 一諸 也。 非 侯城 天子不得 孰 楚 滅 之? 丘 mi

0 ,狀」,原脱,據乙本補。

此魯從齊令,

會諸

侯城楚丘而封衛

而已損人之神矣,善畫不畫,歸美於天之一一一一人之未病,待其危而調劑之,則見醫之良,之迹,巧畫而非善畫。仁醫不醫,保元於齊桓也。齊桓之心,智醫而非仁醫,桓公焉。其文與魯之城私邑無異,蓋有不滿於

懿公豈至英澤之慘?●文公何事于曹之伐邢,勢必及衛。苟能遏其横以綏中國,貪天之功矣。桓公於衛,亦猶是也。狄既化工,玩其英而點掇之,則見畫之肖,而寔

朝,臨以王官,豈非正之體乎? 自率諸侯子。《衞滅而封之,周王固在也。請於王植,以爲德爾。不思封侯樹屏,權行在天

廬?

乃不能然,直待衛人之困,然後

封

懷德之真情,而《庭燎》之詩,齊侯寔有僭昔時封衛之周。故《木瓜》之賦,衛人雖有終,姬燬之衛以始。此日封衛之齊,儼然而城之,天王無與焉。若曰:康叔之衛既

「正義不謀利,明道不計功。」甚得聖《經》微之,而齊桓之心迹不可掩矣。 胡傳曰:王之非念。《春秋》推見至隱,故没諸侯以

之旨。

則是 之君臣歟? 敬?《春秋》成哀姜之禮,其諸以 善」,則不安其室之惡掩。 管見:既以爲母,得不以禮葬之。《詩 曰:「母氏聖善,我無令人。」既以爲「聖 母 而子之也。 束蒭 爲 自貶「無令人」, 靈, 嗚 病 呼 其 魯國 口

《公羊》:「曷爲使虞首惡? 虞受賂,假滅國者道,以取垂棘之璧,假道於虞以伐虢,滅下陽。先書「虞」,賄故也。」虞師、晉師滅下陽。《左傳》:「晉荀息請以屈産之乘,

^{●「}行」,乙本無此字。●「英」,乙本作「受」。

亡焉。」 之雄 陽。 萃; 石門; 首 餌者 爲 依齊爲安,乃天下之無王,則 暴奪先聲,虞公貪晉之餌,而晉之貪藏 之患,莫大於貪、詐、暴。 鄭寔爲之役,蔡欲救息,自來怒楚,而楚 管見:齊伯兆於僖公,而始見於齊、 不能保其國家,而汾冀無姬,豈非滅下 不能離楚宇下,乃中國之無伯,則于莘之 侕 滅號,晉自 禍 ,無所逃其責矣。文、成、穆、莊之後,蔡 齊之詐高一 晉伯 不之覺。 江、漢,蔡寔 鄭欲叛王,先去交齊,而齊之得諸侯 楚伯 無所 兆 此 た於 兆於文王,而 逭 得 著,蔡侯以暴抗楚,而楚之 獻公,而始 忽、突、亹、儀之際,鄭 其 志中 開 、誅矣。 其端; 國,虞爲之也。 虢亡,虞及,非 鄭伯以詐用齊, 始見於荆 虞受晉賂,假 見於虞、晉 石門之爲 敗 天下 1滅下 鄭盟 不 蔡 惟 戎 能 於 涂 于

> 者,江 言江、黄,則其餘莫敢不至也。」《穀梁》: 傳》:「盟于貫,服江、黄也。」《公羊》:「大國言齊、宋,小 秋九月,齊侯、宋公、江人、黄人盟于貫。 其機 事變之機微。 若夫設險守國,待衰世之一事,未足以盡 事勢此三者,足以學《春秋》。 之作俑乎? 一、黄也。 ,則推 遠國之辭也。」 移 不可復遏,聖 天下 朱子曰 事 勢]:「看 如 轆 人 那事 「貫之盟,不期 轤 所 深致意也。 理、事 般, 有轉 ൬

殆 情,攻取之略,於此 蓋 是從,不必煩於盟矣,亦 離楚之黨,齊、宋同 管見:梁丘之遇,宋公請先見。 爲其上公而挾以相從,亦非諸侯皆在 齊、宋同志也。 可 江、黄,楚之屬國,得其助 與計 事 者,故齊 貫之盟,齊、宋及 謀也。 焉 侯與 决。 不必 、之爲 其 兵謀 他 則 詢其謀 是 貴 諸 可 盟 江 則 密 侯 以 (伐楚, 馬,非 ()惟令 宋 知 黄 而獨 敵 則 相

舉大 穀》以謂 年, 國者。此條張氏得之。 至 侵 諸 蔡 侯莫敢不 伐 楚又二年,安用 至。 按 胡氏· 此 盟 本《公》、 距 勤 于 諸 檉

者,勤雨也。」冬十月,不雨。《公羊》:「記異也。」《穀梁》:「「不雨」

侯乎?

楚人侵鄭。《左傳》:「楚人伐鄭,鬪章囚鄭聃伯。」

公遷 管見 文有以遏之,則周室爲所併。」是時事勢寔 楚屢用兵於鄭,其意在窺周也。 楚在春秋時,他國皆不及其强。 新 鄭桓公始寄帑於號、鄫 鄭 在 E 城 之東,其 或 遂 有 朱子曰: 向非 逼 + ·邑、武 荆 桓

梁》:「一時言『不雨』者,閔雨也。閔雨者,志乎民者也。」三年春,王正月,不雨。夏四月,不雨。《穀

如此

雨之論,諸家取之。或謂《穀梁》賢僖公而管見:三時不雨,必書首時。《穀梁》創勤

徐人取舒。《公羊》:「其言「取」之何? 月雨 爲此 意乎?《穀梁傳》論必有考據,不可謂 乎天,無一時之不 之心。今僖公於不雨之月,《經》無禱 無敬天之實。以怠棄民者,如文之自「十 用牲于社、于門」、《經》必直書其事,以見 者,如桓之「秋,大雩」,莊之「大水」、「鼓, 民之無禄,其過亦在 不雨,如民 恒暘爲慮。 憂民之誠。 文。每時一書,辭繁而不殺,是必 ·秋七月」、《經》必總書其異,以見無憂民 一月不雨」至「秋七月」,自「正月不 説。 則 閱八月,旱亦已甚矣。 詳《經》文,自冬十月不 (命何? 天之降災,罪在一人。 若曰:冬不雨,春不雨,夏又 遇時未雨,引咎責 慮民,聖《經》書法豈無 人。 無 易也。」 (躬,諄 一念之非畏 以文應天 雨 有 至 雨」至 敬 諄 祀之 夏六 天 以

管見:"《書》稱「兼弱攻昧,取亂侮亡」,蓋

七四

貶。 言 亂 外 者 書 乃 「滅」 取。 日 内 諱 取, 滅 乃 滅 書 「取」, 國之善辭, 其 義 於 皆

皆夷 夷 義所當取 攻 也。 蠻 夷, 徐既 也。 於 是 服 徐取 使 齊,舒乃從楚。 舒, 徐 取 何以當取? 之,以 剪 桓公以 楚之 徐、舒 蠻

唐之頡利、突利相攻,此太宗所以扲突厥。漢之日逐、昫鞮有隙,此宣帝所以欵呼韓。

計就 者,其罪 矣。 薄乎云耳。❶ 徐 人 背 夷 即華, 故徐稱「人」,而 比 於滅 或 自 舒 不 益 《春秋》爲

中

國謀,夷狄不

睦,中

國

制楚之

莊滅舒蓼。然《傳》言「衆舒叛楚」,則舒之言「滅」。孫氏曰「舒之宗祀復存」,蓋見楚

存乎?

部

落

不

0

徐

人所

取之舒,

安

知

其

復

而不甚也。」《穀梁》:「雨云者、喜雨也。」六月、雨。《左傳》:「不言旱、不爲災也。」《公羊》:「上雨

管見:「雲行雨施、品物流形」,天道之常

則可以 之心。 變極 不與 也。 竊以爲不 有 也。 守不有,歸諸 書法 而 太空茫茫,不可 曰:「飲却神功寂若無。」歐陽公記曰:「太 ·不雨」以見之,於是精誠 不敢 爲之功方之乎? (聖人) 《易》曰 精 而 自冬不 書矣。 以 變而復常者,人君修省之效。 復常 誠 同 敢 爲 氣 --雨,至 憂。」天 功 乎? 有 天子。 象「浩浩其 僖公敬天勤民之寔,既 也。 其 得而 顯諸 雨 夏乃雨,豈 常 地不宰之功 也, 直書「六月, 天子不有,歸諸太空。 《穀梁》曰 名。」即《春 而 但 爲 藏諸 格天,澍 天」。 見其沛然下 變者,上天仁愛 用 非 喜 秋》書 泛常 贵 , 鼓 韓 雨 雨 魏 雨 以 萬 爲 而 如 公詩 也, 聖人 聖 屢 物 雨 雨, 降 變 人 而 意 書 是

」「耳」,原脱,據乙本補。

▶ 「甚」,原作「其」,據《公羊傳》改。

皆諭乎桓公之志。」 " 對梁 》:「桓公委端搢笏而朝諸侯,諸侯子,無以妾爲妻。」 《穀梁》:「桓公曰:「無障谷,無貯粟,無易樹秋,齊侯、宋公、江人、黄人會于陽穀。 《左傳》:

分耳。 胡傳 乎? 也。 論,以 管見:陽穀 之,以固其即華之心。 情於謀 故陽其事於明禁,若不以 服、未有禁約。楚人失此二國、方以爲疑、 於聲援,亦無事乎調遣。 日錯簡 似 不然,兵未動 大抵江、黄從齊,楚勢自 爲 此桓公之妙處,《公羊》不爲 亦 楚。 伐楚善謀。 胡氏 臆度。 四 但以 命, 本《左》注, 葵丘 宋公同會 與葵五 而聲先 淺意,是時江、黄既 五命,自是申 到伐楚 但以中國禁令曉 命 聞 用兵爲意,匿 有聚一 辭 ,諸侯皆 桓 意 孤,可 時,別有處 公豊 略 正分奇之 同。 無 ·明前 高 無 不 見, 其 之 待 與 或

盛而言之也。禁。《孟子》所載、《穀梁》所傳,就

桓會之

盛而言之也。

「不日,前定也。」冬,公子友如齊涖盟。《左傳》:「齊侯爲陽穀之會來

不與。 主。 重於 者、宋桓一人而已。貫澤、陽穀之會,僖公 如 諸侯待之而已。 其智勇。 又皆齊桓之喜。 管見:陽穀之會,不勤諸侯,公子友何以 初、宋、魯以望國 齊涖盟? 苟欲 齊。 蓋其 申齊之好,奉公以往,可 謂 魯莊既没,齊之所與 歷事猶淺,見 宜 友有 斯 **四爲諸侯** 季友自落 魯濟、梁丘之遇,寔 謀 志乎是 斯 猷, 冠 識未弘,但以 冕。 姑 盟 相 召歸 其 也。 宋 (深謀 君 之後, 桓、 以 齊 也。 伯之 輔盟 密 有 魯 他 資 取 議 莊

● 「左」,原脱,據乙本補。

一七五

僖

公

哉 ? 行 子 而 何 自行 聖經書 亦 爲 則 此 專 法 末 大大 與 流 夫 專 如 而 陳 横之弊 涖 葬 盟 原 則 仲 抗 何 略 所 季 同 不 友 賢 責 至

勤我,棄德不祥。」」整人伐鄭。《左傳》:「鄭伯欲成,孔叔不可,曰:「齊方

備之意深矣。

燕也。 使有 所近 人 足以存亡救患,則東遷之後,夷狄肆行如 先王封建之法之善 管見:"嘗觀戎病燕,狄 無 人,周室 城池足以守,甲兵足以戰,方伯、連 要害之處 戎不 能犯幽、朔,則燕 爲 先被 所併矣。 其毒。 也。 入衛,楚伐鄭, 蓋夷 幽、朔之襟喉 若非 之犯 爲之衝。 衆 建 華 諸 必 而 黎、 者 侯 帥 於 知

> 法乎? 遷 閲 民 郡 廢 王 能禦之者。 春 换 有 則 封 審 秋 五. 建 天 無常,撫馭不素,守令無百年之威,吏 一郡降。 世 日 下之勢而 而 故, 之視,所以 郡 非其城池兵甲不 縣 則 五 知 賊 胡 爲之公也 三王 至 亂 望風 一州 晉,金、元亡宋,卒無 封 瓦解,其 建,其長久之良 則 亦 敵古之諸侯 智 州 也 、勢使 破, 至 後 世

仲 水濱。二 是問。」對 海,惟是風馬牛不相及也。 于 侯、鄭伯、許男、曹伯 四 對日: 陘。 年春, 《左傳》:「 「爾貢苞茅不人,寡人是徵。 日 王正月,公會 『貢之不人,寡君之罪。 楚 使與 不虞君之涉吾 師 侵 言日 蔡。 齊侯、宋公、陳侯、 蔡潰 「君處 昭 昭 王不 E 地也,何故?」 () 遂 北 南 海,寡 復 征 伐楚,次 不 君 復, 人處 其 問 寡 衛 人 南 諸

聲,惟 管見 齊侯 先聲 伐 丽 楚 後 寔,兵 脯 己。 法之常 何以謂 之先 先 實 寔? ௱ 後

蔽

,則齊爲之援,輔車相依,唇

丛

相

助

先

洛陽,則

鄭爲之藩。

而三

或

之能

爲

中

或

屏

爲之蔽。

洛陽之樞紐者,鄭也。

楚不

敢

窺

亳之要領者,衛也。

狄

不能跨黎、亳,則

衛

勝? 之心。 之氣 明 僭 之,非奉天討 以 爲 獻 者 3至 師 不 可 頓,楚人不戰自服。 侵蔡之潰 是 1,有必 伐楚爲名, 即深 舞 如 Ŧ 桓 制敵之善,其義無譏。 以 屈 公借 已非 此 奪。 以 屈 也 伸之神爾。」其齊之謂 朱子 非 來。 角 者, 人其 勝之道 是也。 也。 圖 張子曰 智 日。 以 亦 有不 (境,既 攻楚之所 難 不 爲 以 罪 明其 不能 於其 角力,是以 楚罪 爲 之義 ,故先侵 可勝之道,故伐楚次陘。 何以謂之後聲? 若以 然。 僭 能 請 易,所以 勝兵之勝,勝 不 然則侵蔡、次陘,得行 也。 奪楚之氣 王之罪,乃以 必 於天王,告於諸 미 此 日 (蔡。 救 問 : 朱子 問,豈必保 所以書「遂」者, 或 力不 而 也 乎? 難 日楚勢强大, 不 蔡之從 者易爲功。 敢 挫 便 楚國 亦 4救,則 在至柔, 可以 伯 侵蔡遂 ௱ 可 伐楚次 楚, 大而 其 智 折 論 侯, 必 不 楚 楚 白 伸 事

> 敗鋭 他,責 在,九 其爵 擯 僅以菁茅小事 若使桓公奉天子之命,按 而「遂」其事,抑揚之旨微矣。 上理會,此功烈之所以卑。《春秋》序其 於供給,得以支吾博抑 屈服乎? 惜乎侵蔡會諸侯,而 順,彼之理逆,以此 ()能無 鈍之念,摇 卑,故僭 以 侯 、自歉 大 五 伯 義,是以 一,昭王 于心? 或 號 擾 列衣裳之會,楚 以 胸 聲勢 驕 頑 一冷事 中,全不於正 無一人提 其 冥 楚之名 而震 國。 障 爲 兵問 蔽 問 攝 然 而 罪 自 于陘次師 之,其敢不 以 「僭」字問 獨 己。 冀楚 桀 我 周 誼 以 海 之解 夷 E 明 蓋 人 易 尚 道 成 見

能 許 管見: 乘機 東偏 許新 人國以復其兄。 ,保全宗祀,没鄭之身不 臣 可謂賢 諸 許僖公奔播之餘, 侯 矣。 加 隱 猜 忍 忌,卒 以 居

秋 管 見

之理 更鍊 於齊,亦有譽於許。 乃 得 一,奔走 既深,綢 生還 故 從 國,死 繆 事 以 亦密,灼事大之義,審 輔 有 齊之伯業,可 聖《 美謚 經》詳新臣之終 新 臣之功 謂 有 向 也 功 明

之? 敢不服? 侯之師 楚屈完來盟于師 與與 此 屈 攻城。何城不克?』對日 君若以力,楚國方城爲城,漢水爲池。 完乘而觀 之。 盟 于召陵。 齊侯日 「君若以德綏諸 一以 《左傳》: 此 衆 戰。 雖衆, 齊 誰 侯 侯, 無所 能 陳 誰 諸 禦

始,蓋有取焉。

用之。こ

管見:齊仲孫、楚屈完皆戰國策士之祖 高子未必來,僖公未必立,而于陘之師,未 爲魯、楚祈哀於齊,若將恐旦夕之不保,則 擡楚得 桓定魯之意堅。 仲孫欲申齊、魯之好,先擡魯得 必于城濮,于邲之互有勝負者矣。 若二子 重,然後 齊桓禮楚之心固。 屈完欲弭齊、楚之兵,先 重 一、然後 使二子 齊

> 道乎? 者,可 明人臣奉使之義也,亦所以示人君懷侯之 之别,此書法所 斃之説啟之,而其退師召陵,卒以定盟 其慕義懷德之誠。 其事者,爲齊病也;重言之,爲齊喜 日 仲孫謂桓公曰 意譎,屈完之辭譎 本德綏之説動之也。 危之實。 齊有取魯之心,使仲 特隱其事,於屈完來特重言之,何哉? 「問諸水濱」,其辭譎。 謂「一言定國」,不 楚有平齊之志,使屈完來盟 「魯秉 以異 丽 桓公不討慶父,由夫自 其意 周 也。 孫來覘,非有恤 是仲孫之言正 禮」,其言正 愧 正。 而《經》於仲 聖人筆削之權 儒 又二子優劣 者之用 而 難 孫 屈 也。 隱 其 寔 乃 持 來 完 然

「善。」濤塗以告,齊侯許之。 齊人執 出 於陳、鄭之間,國必甚病。 陳 轅 濤 塗。 左傳 申侯見之、曰:「師老矣。」齊侯 循 海 丽 濤 歸, 塗謂 其 可也。」申 鄭 申 侯 日 侯 日

此 則將徯 《詩》曰「乃裹餱糧,爰方啟行」,無侵掠 自反之暗? 盟屈完,何以自處之謙? 今執濤塗,何 不能然,濤塗恐其資糧 踐之害也。使齊桓之師徂惟求定,次舍有 用兵行 爲例。❷「執」者,不宜執也。 所,糗糧 何以「人」之? 管見: 謀。 正宜反求諸己,未可以罪人也。 師 蘇恐後,簞食壺 濤塗辟軍之謀,其爲國計則善,爲 有備,無徵需之擾,嚴侵暴之禁, 大計 不得爲義舉矣。 則可 病其 罪。 以 漿以迎之矣。● 扉屨之不給,而 德 齊侯執之,宜 始,以 故以執鄭詹 怨終 矣。 也 向 乃 其 蹂 爲

> 陳。 之爾。 忠」,何哉? 惡,故没「公」以見貶。《左氏》以爲 終不免也。 與,以釋從齊之憾於楚,而逞辟軍之怒 於伐楚、驅於伐陳、且以魯及之、齊若 不能制 又必以魯爲 策陳之無能爲,故用其力而强之同仇 雖不與諸侯同 柔遠懷侯之義,兩失之矣,宜江 夫江、黄即齊,伐楚之謀密爲 楚之命,使小 主,取 魯從齊令而 會, 寔楚人必報之讐。 便還 國特以 師之道,而因 「及」,「及」爲 爲安,故 河向引, 一、黄之 討 乃 以命 桓 也。 不 從 於 無 署

管見:是行也,侵蔡,伐楚,伐陳,其以中 楚!?叛盟也。』《穀梁》:「以其伐楚「致」,大伐楚也。」 八月,公至自伐楚。《公羊》:「楚已服矣。何以「致伐

秋,及江人、黄人伐陳。《左傳》:「伐陳,討不忠也。」

穀梁》:「不言其人,「及」之何? 内師也。」

管見:齊桓不以江、黄伐楚而

使之伐

陳,

- ▶「簞」,原誤作「簟」,據乙本改。
- ❷「詹」。原誤作「簷」。據《左傳》改。

知楚必爲江、黄病,不忍以怒楚之禍嫁之。

事「 致」者,擇 其 重者志之。 啖氏 説 是。

葬許穆公。《左傳》:「許穆公卒于師,葬之以侯禮也。」

冬十有二月,公孫兹 人、鄭人、許人、曹人侵陳。 王事爲勞,而不知王命爲重。 管見:不請於王而擅以侯禮 帥 師會齊 《左傳》:「公孫戴伯會 失禮甚矣! 葬許男,徒 人、宋人、衛 以

諸侯之師侵陳。陳成,歸轅濤塗。」 侵國伐國,方伯之職,豈得妄行? 張也? 管見:齊桓 出 師 於濤塗執之、歸之、何其 口 師,經繇之地,豈無 濤 足 没 塗 畫 非 ? 主

侵伐? 乎? 而 言之可 軍 歸之。 師也,惟吾指麾。非謀主也,惟吾權度。 次陘之師 聽 濤塗執 忽喜,忽怒,二三其德,桓公於是 不 可 陳 聽,其權 矣,而復侵之,伐之,取 侯同會,有何不恭 在我,何足爲 之可 怒 成

> 於此。 也。 端。 塗 隳伯之容易,爲君相者,其可不鑒 喜而喜,故德不足以感人。 齊伯之衰已見 在夫方寸。 起於毫釐。 言可 冀其 無所怒而怒,故威不足以 是以人情之向背, 成而歸之,以見德非 指之疵,執之以 成業 觀齊桓、管仲 之隆 污,不 圖 雖見于千里,而 立 伯之 係 威, 服 由 乎 又 衷之喜 人。不當 崇 諸 艱 因 難 高 爲 m 而 怒 兵

之也。」《穀梁》:❷「目「晉侯」,斥殺,惡晉侯也。」 殺申生之故來告。」●《公羊》:「殺世子母弟,直 五 年春,晉侯殺其世子申生。《左傳》: 一晉 書君者,甚 侯使以

也。」晉侯果於烹之,忍 管見:張子曰:「無 生自殺,何以目「晉侯」? 所 心 逃 不既 而 觀其使之居曲 待 烹,申 甚 乎? 生 申 恭

0 「穀梁」,原脱,據乙本補。 故」,原脱,據乙本補。

乎失君道

而管仲失相

體 矣。

蓋

由 召召

陵

退

師,不大得志於楚,思以示武於諸侯,幸濤

變也。 有成 遇此 中。 有辭 爲戾,而晉申生所以爲恭。《春秋》不以 欲 加 申生罪 禍之輕,子叛其父,豈非禍之重? 是驪姬之詐。 而 沃,欲以叛殺,而申生不叛。使之伐臯落, 心 暗 甘於殺, 寔可哀也。 申生有 ,亦有致命遂志 ,聖人許人以死。 一,則死之可也。《易》六十四 心,無所逃於天地之間,故不肯自明 迷 「爲人君父而不明《春秋》之義,必蒙 日: 于國人,明告于諸侯。 不明之狀,陷于大逆不道之誅,得 而 而專 或謂申生不逃,成父之惡爲不合乎 逃之則爲叛父。 良心喪,乃至于相戕,世道之大 功。 目晉侯,蓋 然求其罪 至於送 而已。 定
作
置 蓋困 嗚呼! 父子天性, 而不可得,幸有此 有 父殺其子猶 權 此衛太子所 申生知其父之 毒,晉侯 無出理。 量者矣。 [卦,惟 擇禍莫 不知, 臣 故 爲 以 子 困 爲 以

> 首惡之名。」 其子。《公羊》:「與其子來朝也。」《

杞伯姬

來

朝

穀

梁》:「伯姬爲志乎朝其子也,則是杞伯失夫之道矣。」

夏,公孫兹如牟。《左傳》:「公孫兹如牟娶焉。」 亂階。 姬。 世論於東夷,其所由來,漸矣。《春秋》詳 文姜、伯姬之事,爲婦人與國事之戒焉 宗國以壯其聲援 朝,而親自往之。 親自會之,姬欲以成公托魯,使子來魯 管見:'婦人愛子,無如魯之文姜、杞之伯 姜欲以莊公托齊,使公及齊侯狩,而 魯莊、閔之間幾於中絶,杞成、桓之 也。 察其心,皆爲子謀,欲 然而禮防 一失,祇 爲 國 倚

恣。 僖公用爲世卿,不能蓋父之愆而徒專權 改行,不以父故棄之也。兹者,叔牙之後 管見: 周公黜蔡叔,庸蔡仲,以其能 如牟」,以私事而擅 前書 「侵陳」,以大 行。 夫而專 僖公不能防遏 兵。 率德 此 其 自

秋 管

至矣! 漸。 聖人書之,以志 大夫 執 或, 世卿 豈「一 階亂爲「履霜」之戒 朝一夕之故」哉?

伯會王世子于首止。《左傳》: 公及齊侯、宋公、陳侯、衛侯、鄭伯、許男、曹 曷爲殊會? 王世子云者,●惟王之貳也。 世子貴也。」《穀梁》:「及以會,尊之也。 「謀寧周也。」《公羊》: 何尊

常,行 所得爲,而亦非名義之所取許。 事而會世子,則有脅君之意。此非臣 叛父之心。 視膳,世子之事 事之宜,有經有權。所貴 所予乎? 子之道 管見:"禮,父在斯爲子,君 權 IIII m 私相交結,公相推戴, 不越經,乃聖人之中道。 曰:天下之事,有常 一德以尊天子,諸侯之職 也。 無故 而會諸侯,則有 乎處變而不失 在 斯 然而 有 亦聖人之 爲 變。 臣 問安、 有 子之 其 無 處 臣

> 爲變。 危所 之哲。順正 愛少子, 已論之矣。 是以見取於《經》。 常處變,以經行權,不得 使不得摇。世子因是以止叔帶之謀,使不 未有廢立之命。桓公因是以定世子之位 貞」,諸侯 非得失之理較然也。「一人元良,萬國 歷之賢。 會,於義無所嫌。 肆覲群 係。 安國家,定社稷,在此 后 國本將 使襄 桓公以從君爲忠,則惠 願 乃輯 加 見而 王以 不 摇。 順邪,從義而不從欲,是 五瑞」,世子出 蓋惠公雖有廢立之意,❷ 世子往,於禮 若夫「殊會」之義,胡傳 順父爲孝,則 世子安危, 以叛父脇 一舉,可謂 臨 乃 王 叔 無所 君 ௱ 無 帶 社 爲比 諸 太 稷 非 失。 侯 以 王 季 安

「公」。據文意、疑當作「王」。 者」,原脱,據乙本補

故,有其事,則不得以此爲嫌矣。

惠王溺

0

八二

春秋》書法尊名重義之意也

秋 之尊者。」 世子而不 前 目 八月,諸 而 後 敢 凡也。」《穀梁》: 與 盟 侯 也。 盟 于首止。 盟者、不相信也。 「無中 事,復舉諸 《公羊》: 不敢以所不信 _ 侯,何也? 事 丽 再見者, 尊王 illij 加

也,寔 使 時之處變,序其績而 有 王 救 棄不顧。 東遷 子盟 管見 鄭莊 王世子乎? 名義,托於諸侯之上, 之義 知 功於天下不少。 王之儲 ,竟斃於四國,是不 以來,王室式微,下同 ,其扶植 萬世之大經 爲 交質不已,●甚至 大 質王世子,而齊桓不敢與王世 也。 貳,尊貴之體 桓公爲是殊 乾 綱,整理人紀之功大矣。 此 一美其 故其定世子也,●乃一 盟 詳舉其目。 而權 也 知有天子矣,况於 ·, 扶 事 皆然 會而 列 一於射 謀 而 持 國,徒以 功 一益以 總言其凡。 得箇名義 不敢與盟 其尊世子 利之 Ŧ 見尊 子突 徒 品 又 品

> 于齊也,故逃歸不盟。」 以從楚。 鄭 伯 逃歸 ,輔之以晉,可 不 盟。 以少 《左傳》: 安。」鄭伯喜於王 「王使周公召鄭伯: 命, mj 惧 吾 其 撫女 不

闕,仲山 諸侯,與 之以義,從事 於義豈當從乎? 子之援,庶幾遂 合同 罪鄭伯之逃乎? 首止之書,義甚明白。 管見:《春秋》大義數十, 無知,嬖庶孽 之,特爲 一盟以匡王室,天下之同 甫 此 翊 **攜鄭國之謀,殺齊侯之黨,絶** 補之。」又曰:「宗子惟城,無俾 儲之義 於齊了 加 擯 其廢立之志爾。 爲 嫡長,内夷狄 桓公仗大義,翼世子, 舉。 同 鄭 奉 伯者 豈 ^ 詩》 載 非 炳 書。 復 欲也。 許 如 日 日 諸侯之盟 : 命 而外中國 以 是其昏悖 星。 於王,正 衮 同 惠王 今觀 職 姓 之 忌 有 # 糾 Mi

不」,原誤作「而」,據乙本改。

0

定」,原脱,據乙本補。

其不知本也? 爲 城 之正,以大義爲 曰「逃」以著其 元 壞。」不 夫之行 失 爲 瀬諸! 罪。 意欲 主,而崇高之勢不與焉,故 聖人惡夫見義 侯。 謹 輔 始 帶、 夫 例 向 何 楚 逃 : 不勇,目之 以 歸 至是 抗 不 齊,何 盟 變 甘 而

故亡。」 方睦於 楚人滅弦,弦子奔黄。《左傳》: 齊, 皆 弦 姻 也。 弦子侍之而不 「於是江、黄、道、栢 事楚,又不 ·設備,

日《春秋》之法大居

正

之叛心 無 威 汰,伐楚之後,德 豈 用此 德。]力足以威,德足以 管見:《書》曰:「大邦畏其力,小邦懷其 能 不大 王 行 道 八於百 於 惟 也。 而楚之滅弦 其 小 ,弱,而 盈 里? 齊 也, 以 錫 故 次 衰 然 履之舊,得 、滅黄,不能糾 伐 於 脛之師 而 陳、 懷,文王 盈。惟其汰 伐楚之前 侵 不敢 陳 旋 十二之强 猶百里起 ,力懣 問 同 起 也,故 盟 楚之 於 以 侯

> 矣。 閲夷夏盛 救 觀《春秋》王伯之消 也 聖門不道,豈非 德力 衰之機,則 俱傾,齊 長,則齊 伯 探 齊之維 其 之不 志 在 持 之匡 競 於 經 有 事之先者 理 合爲 由 亦 也 甚 功 疎 故

宮之奇諫,弗聽。 冬,晉人執虞公。《左傳》:「晉侯復假道於虞以 九月,戊申,朔,日 以其族行,曰: 有食之。 「虞不臘矣。」晉

少,而成事於志之後者卑乎

而 修奠祀。」 及之。 管見: 虞公,失國之 寶,忽君國之大寶。 兆民,思所以守其位 寶曰位。」位之所以 名,書法何以 於是晉之璧馬 異 乎 ? 寶者,上承宗 也。虞公貪璧馬 君 假 ^ 猶 易》 也。 途滅虢, 在 Ĕ 存 而 其 虞之寶 聖 虢 爵 廟, 一人之大 È 而 之小 下撫 遂 而 滅 爲 虞 其

晉之所執矣。

此以

貪

失之也。

晉

衛

瓘

八四

師還、館于虞、遂襲虞、滅之、執虞公

[侯圍

上

陽

伐

號。

號公醜奔京師。

有邦。再傳懷、愍,遂爲劉曜所執,而此座曰:「此座可惜。」惟晉武不惜,教逸欲于

皆有所失。是故《春秋》書法,不可以一傾矣。豈非以怠失乎? 人君失位,其端

「緼於晉」,義亦兼通。要之,張氏論虞公位,無爲大盜之窺,其爲教又不止生名之位,無爲大盜之窺,其爲教又不止生名之例。觀此則義繫於「公」,戒人君當保守此

六年春,王正月。

自取滅亡,尤爲切當。

圍新城。《左傳》:「伐鄭,以其逃首止之盟故也。」《公夏,公會齊侯、宋公、陳侯、衛侯、曹伯伐鄭,

羊》。「邑不言「圍」,此言「圍」何? 强也。」

管見: 伐楚,會首止, 伐鄭, 圍新

城、《經

大伐鄭也。」

鄭伯之罪不可掩。《公羊》見下文有「公至伐楚會首止同,見聖人深許首止之盟,則皆書爵。此伐鄭,討其逃盟之罪,書法與

辭,李氏論之得矣。自伐鄭」之文,拘於不得致伐之例

謂

爲强

秋,楚人圍許,諸侯遂救許。《左傳》:「楚子圍許辭,李氏論之得矣。

以救鄭、諸侯救許、乃還。」

管見:《春秋》書「遂」,當詳上下文看,方管見:《春秋》書「遂」,當詳上下文看,亦 問褒貶。雖有專事、兩事、生事,非是一切 見褒貶。雖有專事、兩事、生事,非是一切 見褒貶。雖有專事、兩事、生事,非是一切

冬,公至自伐鄭。《穀梁》:「其不以救許「致」,何也?也。當以意推之,可也。

危矣,請下齊以救國。」公曰:「吾知其所由來矣,姑少待七年春,齊人伐鄭。《左傳》:「孔叔言於鄭伯曰:「國鄭,即伐楚也,是以「致」之。《穀梁》論好。管見:鄭伯逃首止之盟,爲向楚之計。 伐

我。」對日 『朝不及夕,●何以待君?』」

己可 轍。 于鄄 逃齊 之,但以力勝,不以 順 修其文告之辭,示以 也! 是以「人」之、責備之意也 鄭逃,實由 管見: 甚矣鄭捷之反覆,真鄭突之家法 命,庶幾禁暴戢兵之義。 之會, 也。 然 圃 楚人伐鄭 向 日 則 前 楚。 齊 不 即 年, 悪 能 齊之用 背齊 此 齊 德 新 其 與 綏 城之 反 侯勤之。 而 德懷,不得 鄭 而 武 雍容之德,使之革心 覆 侵宋。 突居櫟,齊侯納 致其 童 爲已黷矣。 而伐之,何以 而 此年又勤兵伐 叛。 首止之會,即 猶 前後 未服 爲伯討 當反 如 但 陳 求 出 矣。 之。 稱 宜 諸

夏,小邾子來朝。杜氏曰:「邾之别封,故曰小邾。」

禮見。 管見 小邾附庸,始進爵爲子,故以朝

> 濤 塗之譖也。」《公羊》:「稱國以殺者,君殺大夫之辭 也。

八六

國? 非其道, 其 己以 侯,殺以説 申侯固有取死之道,然鄭伯所以殺之者 之盟,爲向楚之計 之約,取虎牢之賞則不信。 管見:鄭申侯,姦詐之小人也。 何以行? 忠,交友以信,君子立身之大節 侯之類也。 亦不失人。 示 求 人君以 宋寧宗殺韓 也。 成 可 宜足以殺身矣。 齊? 奈何 馭 故 也。 齊再來討其從楚之罪,但當反 臣 稱 :聽濤 之體者 以 或 齊 侂胄以 則不忠。 人得 以 此 塗報復之譖,歸 殺 論刑,豈 弘 (),使 成即 畀 乎 稱國以 勸 若 金 車 還,不失己 鄭 殺 人,鄭 無 可 伯 輗 無罪 事 聞 殺何? 背濤 逃 「軏,其 於鄰 君 殺 罪 首 以 申 止 塗

秋七月、公會齊侯、宋公、陳世子欵、鄭世子

0

「及」, 原脱,

鄭殺其大夫申侯。

《左傳》:

鄭殺申侯以説齊,且用

叔、動師叔三良爲政、未可間也。」齊侯辭焉。 君若去之,以爲成,我以鄭爲内臣。」管仲曰 命於會、言於齊侯曰: 華盟于甯母。《左傳》: 「洩氏、孔氏、子人氏 「謀鄭故 也。 鄭 伯 子華由是得罪 「鄭有叔詹、孔 族,實 使太子華聽 違 君 命

於鄭。」《穀梁》:「衣裳之會也。」 受之? 不既 正以 未聞其以待諸侯之禮而待世子也。 使世子會,於禮豈 故此盟于甯母,陳、鄭二君敢以其世子會, 侯,未聞其以見天子之禮而見盟主也,亦 世子也,乃是行君臣之常。 變。見世子猶見君,所以示常尊,則其 以定國本,則其會世子也,乃爲處父子之 會,而見世子猶見君之禮,行於首止之盟。 管見:齊桓無易樹子之禁,特盟於首止之 甚乎? 觀齊侯之舉動 苟以其既 若非管仲之言,將許子華 得往乎? 受於天子 爾。 夫樹子不可易,所 陳、鄭 則 桓公若 可 以 無 鹵 見 何 故 内 莽 諸 以 朝 而

> 能致主王道? 大都管仲納約之功也。 學,故其作事 ',醇 此桓公事業之所以卑。 少 疵 多。 然仲亦非王佐,安 間有一二可取

臣之請,禍端

更不淺乎?

桓公無正心之

曹伯班卒。

公子友如齊。

始,●可勝言哉 管見:'内大夫書「如」者,行 三家執國之端, 種 若季友者,不得 種 皆見。 朝 僖公之基 聘之禮 純 爲 禍

臣矣。

冬,葬曹昭公。

盟。 侯、許伯、曹伯、陳 八年春,王正月,公會王人、齊侯、宋公、衛 《左傳》: 「謀王室也。 世子 鄭伯乞盟 ,請服也。」《公羊》: 于 洮。 鄭 伯 左

0 「基禍」。乙本作「禍基」。 「孔」、《左傳》作「堵」。

八七

腎

王人,微也 , 曷序諸侯之上? 先王命也。」《穀梁》: 「兵 車

之會也。」

秋》主 此乃 之盟 事實,蓋 縦其 淺意、《 傳於班位處,或進,或退,皆云聖筆所定。 文直 班列之高下,非聖人所能進退也。 綱未墜,政統於王。 聖人之筆乎? 公有翊戴世子之志,故於王人告難,特與 管見:《春秋》之班 「及」、「會」不書「公」,則聖人深筆也。 伯者 、辭,大意 書 ,又别於諸 魯,其 春秋》 在 無 好 此 所 處。 增損 而 書 以 天子之事,非此之謂 升 扶 「公會」 抑舊史之文乎? 是後 侯之上,以示王命之重 黜 也。 綱 位,王人在諸 伯權方興,令統於伯 之,●是否 常, 王 王人與盟始 臣 與「公及 道名 盟 會 分爾。 便 ,班列皆先 見。 侯之上 以 但據史 也。 曰: 此。 其於 會 ^ 王 抑 胡 春 桓

> 國君 盟 聖筆斧鉞之嚴,非史文之所得與 功,斯爲天子事也。 重整名分之功,尤不 大義之易見乎? 而 而曰「逃」,曰「乞」,同 後書「乞」,則不與於此 可少。 若夫鄭伯乞盟 ^ 於匹 春 盟 秋》不 也。 夫 可 之賤 一,先盡 知 掩 其

曰:「期年,狄必至。」夏,狄伐晉,報采桑之役也。」 夏,狄伐晉。《左傳》: 嘗受狄患。 管見:衛啟商墟,晉啟唐墟,皆在 然狄不能 「晉里克帥師敗狄于采桑, 横 行者,諸侯藩 朔 方,故 屏 號

梁》: 貶? 秋七月,禘于太廟,用致夫人。《左傳》: 致哀姜焉。』《公羊》:「夫人何以不稱『姜氏』? 譏以妾爲 非 Œ 也。 妻 夫人之,我可以不夫人之乎?」 也。 蓋 脇 乎 齊 媵女之先 至 者 貶。 「秋禘, 也。」《 曷 穀 以 丽

重也。

愚於「楚伐鄭」竊

已論之。

0 在」、乙本作「如」。

諸

侯, 寔有所昉

而行之。

桓公再植綱常、

射

管見:「禘于太廟,用致夫人」,三傳不同。 致夫人,故書。 竊意,魯之郊、禘非禮,有不勝書。 然而致哀姜與齊女,皆非 此因 其

也。 是必推隆所生母 有常禮,何致乎禘? 先儒已辨其不然。 果有其事,則入廟之主,見廟之婦,自 風氏爲夫人,因重祭而用

其君,私崇妾母 之分,失禮之中又失禮焉。 不與風氏之廟致也。僖公不統閔公則慢 致于廟,使之與祭。 則卑其父。 慢宗廟之禮,亂嫡庶 故去其姓氏, 禮之大 綱 H

所承國爲統,故於嫡妾名分紊亂如此。漢 失,何以爲國乎? 名。致廟非分,夫人非名,蓋由公不以其 禮莫大於分,分莫大於

| 致夫人」之義也。

文帝尊薄

氏爲皇太后,此不明《春秋

》幾

冬十有二月,天王崩。

管見:周自桓王崩後,莊、僖二王之崩不

見於《經》,至是惠王乃復書「崩」。 周不告,魯亦不赴,可見王室之卑,諸侯之 前此,

慢亦甚矣。

九年春,王正月,宋公御説卒。《左傳》:「宋桓卒

未葬,而襄公會諸侯,故曰『子』。」

後,綢繆甚 **管見**:宋桓得國於五族之擁戴。 密,國政 無 疵,又能左 右齊桓 定位

以

尊周攘楚。 齊之伯業,不可謂無 助也。 在

位三十一年之間,盟無不同,會無不與,所

儼然爲諸侯冠冕。 謀無僨事,所用非 貪兵。 襄公遂能主伯,得無有 雖云亡國之餘,

夏、公會宰周公、齊侯、宋子、衛侯、鄭伯、許

所憑藉者歟?

男、曹伯于葵丘。《左傳》:「王使宰孔賜齊侯胙,曰:

顔咫尺,小白敢貪天子之命,敢不下拜。1下拜,登受。」 「天子以伯舅老耄,加勞賜一級,無下拜。」對曰: 「天威」 不違

管見:首止殊會世子,葵丘不殊會三公,

見

當然。 諸 殊 王人 非 乃 在 不與盟,爲得尊王之體、春秋》之所與也 相 焉。 辭 見 侯 齊 聖 各以 有 見之禮。 不 ,如後世藩鎮見制使之禮。 人 學者當深究其 意 書 殊辭,聖人以道名分,予桓之意不 桓公善處,在於世子、三公與 其 1法,以 於 殊 序見,如後世皇太子 三公在會,則諸 不殊也。 明 儲 貳、 く義 大抵 大 臣 尊 世 侯各以 子 貴之 此 出 在 乃 閣 會 别 禮 會 班 爾 貌 列 則 藩 而

秋七月,乙酉,伯姬 卒。

偏 直 也。 德宗厚葬唐 **管見**。《春秋》「卒」伯 愛廢 諫 苟未成 左 禮 遷。 鳴 安公主,又欲築塔。 人,則「殤」之,豈得「卒」之? 苟欲正之,若不援經明證 呼 ! 經 姬, 義 不明, 見成人之禮 人君致 姜公輔以 其 以 重

九

月

,戊辰,諸侯

盟

于葵丘。

《左傳》:

「宰孔先歸、

能

開

悟

鮮

矣

國事。」 君務靖司 遇晉侯 公震而矜之,叛者九國。」《穀梁》:「葵丘之盟,一 毋擁 亂 日 泉, 2 無勤 可 ,毋訖 於行。」晉 無 糴, 會 也。 無易樹子,無以妾爲妻, 一侯乃 齊 不務 還。」《公羊》: 德 而勤 遠略, 「葵丘之會, 毋 其 明天子之 使婦 在 乎? 與 桓

效至 也。 强 存未 舜之志,所望者無 意爲勸也。 濟、聖人不 管見: 危惧,若將隕 有邦,乃曰:「朕兹未 且兢兢業業, 楚,内定天王,於 於雍熙 既 濟之心, 濟、無望 天下之事, 以無望之心爲教,而 故大德無望, 和 無 于 無 泰 也 望 深 怠 丽 而 淵。」 無 望 不 、是盟 猶 民一物 荒。 易 ·知獲戾 無 自 有 是皆 家不 望 知 葵丘 望 成 亦 而 終既 也。 一一十 己。 處 湯 不 無 其 以 無望。 既 革 得 爲 以 桓公外攘 濟 申 夏,輯 濟 下,慓慓 盛 其 未 有 而 E 之時 所 濟 也 望之 終未 ´´; 其 方方 100 望

六以啟 造 命曰: 辭 忒,何以 《詩》曰:「其儀不忒,正是四國。」儀之多 侈然以 不請命。 小穀,而 寵任豎 諫 官事無攝 老慈幼,無忘賓旅。」四命曰:「士無世官, 爲妻。」而公將納子華内臣之請,賴有管仲 日 伯業之盛,●無 ıĻ 初 九 至此 國。 無 命日 争。 命諸侯。 「尊賢育才以彰有德。」三命曰:「敬 又托公子昭於宋 刁、開 曲 .封管氏。城邢,城楚丘、緣陵,皆 正人? 無 王禁之中,不覺自己先犯。 蓋 防,無 :「誅不 以復 其於大端大本,蓋 取士必 其 方,使得 氣滿 有 遏 若日三十年之前 加,其心無 而乃震之,矜之,至 過 糴, 得,無專殺大夫。」五命 孝, 於 意 、此者。 壅 得 無 無 以 蔽 有 易 基 既 通 復有 封 樹子, 濟而 亂,如夫人者 今觀 明。 曹然矣。 而 不告。」然 所望也。 無 爲仲 不 經 五 一於叛 復 誉 方且 命之 以 締 望 城 再 妾

納文公,故以三公子之徒作亂。」② 甲子,晉侯詭諸卒。 之。 辭。」夫美其盛而 《公羊》曰: 盛之極,而 衰之始,故《春秋 元危 危其衰,二義可 《左傳》: 解。」《 「獻公卒,里克、丕鄭 穀梁》 兼通 || || || ||

而

H

美

之也。」 齊于次,書曰『殺其君之子』,未葬也。 冬,晉里克殺其君之子奚齊。 『不如立卓子而輔之。』荀息立公子卓以葬。」《穀梁》:「其 君之子』云者,國人不子也。不正其殺世子申 荀息將死之,人 ·生而 日

《左傳》:「里克殺

私。 荷,則投艱遺大,乃爲 位爲崇高,而以爲艱大。 管見: 甚矣愛之爲害也 艱大授之,故思以安之也。苟徒以崇高爲 又必立嫡以重宗,擇傅 廟 社計 1 量其子之足以 自古聖人不以 以 輔 而 德。 非 愛子之 蓋 負 以

- 0 伯業」、乙本作「王伯
- 0

賢。 道也。 耶 ? 其私乎? 之子也。聖人至公,猶不能必於人心,况 以 樂而 爲君,而獻公以愛害之,非「貽謀燕翼」之 寔國人之同惡也,書法若此,見國 者,竟斃於里克之手。 嫡,孽不奸長,天理之在人心。 奚齊屬 則百姓以其心爲心,禹不能强天下以釋吾 均不肖,故百姓以堯、舜之心爲心。 力脇於目前,終不能 加 害之也。 以 然朝覲 嬖 不以艱大爲憂, 神器至重,天位惟艱,不敢以子 時有萬變,事有萬殊,人心卒定于 諸 少 委 獻公惑嬖妾、殺世子。 荀息,愛亦至矣。 (裘,頃 謳歌,不之朱、均而之啟。朱、 堯、舜、禹皆不傳子, 豈惡之 刻 事 惟吾所愛,不以賢 奪於身後。 是殺之以一人,而 變乃 生,則愛之適 然而 雖 其所 以世子 欲 妾 人不 啟賢, 故妨妨 以 不 亂 以 愛 威 長

> + 年 來朝。 始,與《春秋》書「公如齊」比而觀之,則 卑,不覺推移至此。 **管見**:齊、魯雖强弱 侯驕盈之失不可 順人心而已。 春 ,王正月,公如齊。 僖公始行朝禮。 崇高之勢,鳥足恃哉? 掩矣。 記庭燎之設,自齊 不 敵,然 孫氏曰:「公始朝齊 蓋 齊 方 有 僭 盟 而 會 而 也。」 齊 桓 漸 無

於狄。狄人伐之,王不救,故滅。」 狄伐温,温子奔衛。《左傳》:「蘇子叛王即狄,又不能

氏》謂「王不救,故滅」。若然,齊伯何爲齊伯若不聞焉,皆桓公怠荒之失也。《左管見:狄八年伐晉,此年滅温,横行中國,

晉里克弑其君卓。

者乎?

廢嫡立少,於理爲逆,故不成其爲君。奚以「君」之? 曰:奚齊之立,獻公意也。

順之和起,逆之害生,人君行事亦要

之惡。 如此 號,以 之? 法又不得不然。 爲卓無有宜君之義。 朱子取法《春秋》,而論克弑卓一案,又以 賊之誅,而討罪之法行矣。 唐中宗不 弑之,目 稷計,捨卓 中立 也,然已爲太子,繼統 矣,奚齊弒矣,夷吾、重耳奔矣,荀息爲 弑之罪。 君矣,里克安得不君之乎?● 也。社稷不可 齊弑,卓子立。亡一君,立一君,荀息之忠 者 一以就驪姬之讒,致申生之死,爲 《綱 著武 ,以爲人臣媮合之戒。 故《春秋》成其君臣之名,以正 以 目》 此固里克之獄情也。 弑 而 氏之罪名,得《春秋》之法矣。 君、獄 書「帝在房州」,正中宗之帝 誰 無主,夫皆先君之子,卓宜 立哉? 詞始定。 此特論當初 即位,武后安得 息奉爲 先儒謂里克 克 後來君卓, 然申生 君 無 事 所 丽 宜 其篡 理有 逃 克 逢 廢 死 帝 亂 又 社 君

死者反生,生者不愧乎其言,可謂信矣。」里克弑卓子,荀息立不正,願與子慮之。」荀息曰:『君常訊臣矣,臣對曰:使及其大夫荀息。《公羊》:「里克謂荀息曰:『君殺正而及其大夫荀息。《公羊》:「里克謂荀息曰:『君殺正而

死之。」

許君以 己。 息 ? 殺申 日: 之,終臣子之道也。 弑而立卓子,盡臣子之責也。 力,加之以忠貞,不濟則以 獻公拔他於群大夫中,而 君,而以信死難,聖人何取 管見::信義並行不悖,荀息不能以義正 人臣 觀其對獻公之言曰 責他 生之心,非 死,可 事君之道,非 不 以 能 君 死 口 亡而 諫,豈其 舌之 何謂無義之信? 貮 端 所 一臣 其 使之傅 死 分之當 乎無義之信 能 可 言乎? 卓子弑 繼之。」是 盡 争 竭股 奚 何 死 獻 肱 齊 乎? 公有 而 奚 獨 齊 他 之 柳 死 荀 而

「君」,乙本作「忠」。

0

一九四

之勸。 諫? 子厚 少哉? 也。」非也。 但 是以 就 托 春 他 見貴於《春秋》,爲舍命不渝 孤 秋》之進 非 一事上論,有如息者,其 有 言責 荀 者, 息,非 何 論 聖 其 人 之情 諫 可 不

重耳

也。

夷吾曰: 「是义將殺我乎?」故殺之。」

難乎?』對曰:

「臣聞命矣。」仗劍而死。」《穀梁》:

里

克

爲

夏,齊侯、許男伐北戎。

以 者此年伐北戎,乃爲京 爲戎難 齊侯使管夷吾平戎于王。 城,焚東門。 記楊拒、泉臯、伊雒之戎同伐京師,人王 管見:此 三年者,有戎犯 《傳》不 伐 Ш 載,非 心故諸! 戎爲 年伐 例,何得 侯戍周。 窮 王子帶召之也。 北戎,無《傳》。 王京。 兵 黷 書爵者乎? 武 齊謀 齊仲孫湫致之。 之伐 師 却 十三年,會鹹, 也。 王室之事,或 戎難之故,於 次年、《傳》 至十二年 不 然,必 此

生怨。 之。 《春秋》稱國以殺,又存其大夫,似若有所 《春秋》書法,端本議刑,謹嚴之意微矣。 臣。 知、宋長萬之罪目之。 爲自全之謀。 管見 大夫也。 夷吾賂以汾陽之田而求入,既又背其賂以 縱乎? 之存亡安危置之度外,甚失人臣之義。 善後之策。究其心,求免一死而已。 其殺 是不以弑逆之罪討,而 里克聞 遂因郤芮之譖,疑其黨於重耳 前 也不以罪,而 其 書「里克弑其君卓」,既以 立 既 優 也不 施 而 弑 集 以正,而 苑 二君 成 此必誅 集枯之諷 其 以 以 傾陷之案。 迎 靠於弑逆之 猜忌之故 立立夷 無赦之賊。 以以 吾,爲 於國 齊無 中 而殺 此 殺 立

冬,大雨雪。《公羊》:「記異也。」

管見:兩雪,雪降如雨也。

酉、戌之月,周

晉

殺

其大夫里克。《左傳》:「將殺里克,使謂之曰:

雖然,子弒二君與一大夫。爲子君者,不亦

微子不及此。

使使以不鄭之亂來告。《穀梁》:「稱國以殺,罪累上也。」十有一年春,晉殺其大夫不鄭父。《左傳》:「晉中時爲冬而大雨雪,冬行秋令,爲異大矣。

克、丕鄭之功。 疑,激里克之怨,致 也? 夷吾之人,雖非里、丕之意,然皆 狀不同。 納重耳之謀 管見 里克有爲 於其殺之、《春秋》不異其文, 而 既 乃切切焉以貳於重 露。 重耳之志而 丕鄭之叛。 二子得罪 不果,丕鄭 於夷吾, 孟 子 耳 日 里 何 其 爲 有 :

乎?●故稱國以殺而不去其官,見其罪之罪,夷吾寔成之也。豈非弘人之量未優「君視臣如草芥,臣視君如寇讐。」丕鄭之

夏,公及夫人姜氏會齊侯于陽穀。 與殺里克狀異而情同,故其文一以施之。

有所由

而

非

義

刑

義

殺,足以服

人也。●

此

穀之會,乃書于《經》。夫因歸寧而行會管見:僖公娶齊女,事不《經》見。至是陽

可知。 禮,其情 常,風俗日趨於敗。賢者且爾,則其下者 侯,刑妻不以道。《葛覃》絲、綌,宫庭有定 書之者,齊 御家之體。春秋之時,此等舉 過牽於情愛,自壞禮 省之儀。松栢女蘿,會遇非欵狎之所。不 故《經》文於男女之别,極其謹嚴 與 桓 桓 英君,愛子不以禮 公、文姜 閑。 如 齊 爲 者 般樂之行,失 大 停 動習以 異。 公賢 然必 爲

不得雨曰旱。」 秋八月,大雩。《穀梁》:「雩月正也。雩得雨曰雩,雩

防止水之所自來也。

雩,僭也。説見桓公五年大雩。 管見:大雩用盛樂,●天子禮也。諸侯大

冬, 楚人伐黄。《左傳》:「黄人不歸楚貢。冬, 楚人

^{● 「}殺」,原脱,據乙本補。

^{■ 「}雩」下、原衍「帝」字、據乙本删。

月

伐黄。」

之,窺見桓公之志怠也。 恤 免民於左袵。 於貫澤之盟、陽穀之會亦已久矣。至是 何爲者哉? 管見:中國 患,拯民塗炭。 所賴於方伯,以其攘夷安夏, 黄之從齊有年矣。 小國所恃於大國 不然,則 葵丘之衰, 豈不 主齊盟受方伯 ,以其救災 楚人積憤 伐

共楚職。《穀梁》:「桓公不能救,君子閔之也。」夏,楚人滅黄。《左傳》:「黄人恃諸侯之睦於齊也,不十有二年春,王三月,庚午,日有食之。

於是漸見乎?

以 時之志何如 陽穀見會江、黄,●諸侯皆諭乎桓之志。 至,力不支。 管見:黄被兵三時,其國 爲安。 花之向 也? 楚國 開,月之 滅 大國 而 君 倚 始滅。 死之,可 以 向 爲 圓,但 重,小國 蓋 哀也已。 見 待援 其 此 恃 蓓 不

> 多矣。 狄滅 丘 桓之驕怠,仲寔導之,豈得無責乎? 謂管仲死,楚伐温,滅黄,桓公不能 失一温、黄,何 長鞭,勢不相及。狄、楚必不能以 而怠心生, 侈然以 力不及而氣 會宰 温 此桓: , 楚滅黄, 若罔聞知。 周 公而 公進鋭退 餒,遂棄 損 驕 心 於伯? 爲 起,陽 不追 天下 速之病 正如 無復事矣。 穀 其 會 不過 也。 疲 [僖 夸父追 弊精 病 公、 穀 齊也。 於是 神 馬 姜 梁》 日, 夫 亦 腹 氏

秋七月。冬十有二月,陳侯杵臼卒。

十有三年春,狄侵衛

乃伐晉,既 管見:齊桓伐 元年,城 邢 ൬ 以 滅 後,狄不 Щ 温 戎 ,侵衛,中間 圃 不敢 復侵 加 中 兵 國。 不 於 知 狄。 至 桓公安 八 年 僖

● 「於」,原脱,據乙本補。

蕾

明輝,孰不願挹餘芳、依餘光乎?

及葵

一九六

救,故 後來 夏攘夷如何作用? 漸 敢憑 漸 荒 陵如昨。 怠, 楚 人滅弦,滅 使他: 蓋狄强於戎,齊本 帖 不敢肆。 黄, 皆 及見 不 來 能

夏四月,葬陳宣公。

無所忌也。

無能遏他。

况此年伯業既衰,宜其横行而

會也。」 秋爲戎難故,諸侯戍周。 伯于城。《左傳》:「會于鹹,淮夷病杞故,且謀王室也。 公會齊侯、宋公、陳侯、衛侯、鄭伯、許男、曹 齊仲孫淑致之。」《穀梁》:「兵車之

冬,公子友如齊。 秋九月,大雩。

僖公,重興社稷有大功於魯,是以進之。 人。有外樹黨、内專權之意。● 止爲擁立 狀、蓋不甚取。 名。惟出奔不 管見: 友如陳二,如齊三,帥 書,來歸書字,聖 看來,他非是謙 師一,皆 卑自 人 於 書其 牧 友 行 底

> 其餘所行,雖不 頭,不能拋捨。 至如翬、遂之甚,而勢利念 大夫執國之柄, 寔開其端

觀《經》之所書可見。

十有四年春,諸侯城緣陵。《左傳》: 徐、莒脇之。不言桓公城之,不與諸侯專封也。」《穀梁》: 杞焉。」《公羊》:「城杞也。 **曷爲城杞?** 滅也。 「城緣陵而遷 孰 滅之?

其曰「諸侯」、散辭也。」

言乎尊抑?6 緣陵」是也。● 事者、「諸侯盟首止」是也;●有中事 **管見:**《春秋》編齊事,●前目,後凡,無中 「諸侯遂救許」、「諸侯盟于葵丘」、「諸侯城 事有重於定世子、明王禁者 大抵皆尊王抑伯之旨。 何

「專」,原誤作「惠」,據文意改。

「止」,原脱,據乙本補。 「編」下、乙本有「書」字。

侯」、原脱、據乙本補。

抑」,原脱,據乙本補。

九八

事。 所? 安之。 主。 所得 義。 天下. 乎? 諸侯之迹。❷ 以大一統,使後 敵吾之所愾矣。 桓公固有尊 圃 其 時之褒 知有 專。 天下智勇,皆一人之智勇,非人臣之 後總其凡,歸天子之權。 過 但存君臣之分而已。 吾可以專之。 功有大於抑 Ŧ 不 貶 聖人 齊 章 可 m 周攘狄之心, 圃 掩 弛,●吾可 其意若 已哉。 、立教, 不 矣。 世 事 知 曉 荆 則 戰於何所?● 有 前 豈特於一事之是非、 楚、 然知「尊無二上」之 日 周,是 王 舉 以 丽 膺 其 而 王儲 王者,天下之共 振 權 淮 目,序 不無陵天子捜 其 之。 則伯。 此《春秋》所 夷者乎?● 功 摇,吾可 固 諸 城 伯者之 可 將使 於 侯 取 可 何 以

> 之别 漸矣。 未嫁 於是杞伯姬往 管見 女淫蕩, 蠹人家國。 ,所以 而奔, 詳書二女之行,豈無意哉 魯之閨門不 正人心之本,杜禍亂 同 於野合。 來都邑,不守禮閑。 肅,自文姜、哀姜啟之。 杞夷,鄫用,其 夫聖人制禮,厚 之端 所 鄫季姬 由 爲 來 魯

名也。」 將有大咎,幾亡國。」』《穀梁》: 秋八月,辛卯,沙鹿崩。《左傳》:「晉卜偃 「林屬 於山 爲 鹿。 日 沙, 「期年

繋 如日 仁. 管見:物反常爲變。《春秋》書災異,有事 愛,使 國,如水旱、螽螟之類。 食、星隕 知警 地 惧。 震、 至於事 山崩之類。 應有符合者,詳 有 事繫天下, 大要天心

夏六 左傳》: 月,季 「鄫季姬來寧。 姬 及 鄫 公怒,止之,以鄫子之不朝也。 子遇 于 防,使 鄫 子 來 朝。 夏, 0

遇于防,

而使來朝。」

- 楚」,原脱, 據乙本
- ·陵」,原脱,據乙本補。
- 王」上,原行「吾」字,據乙 所」,原脱、據乙本補。)本删。

Ш

狄侵鄭

蓋既滅温,侵衛,則洛陽無有捍蔽,所以橫 行中國,如人無人。 管見:鄭之爲國,在王城之南,而狄侵之。 齊伯之卑甚矣。

冬,蔡侯肸卒。

朝,此年又朝齊,是用五年一朝之制。」 十有五年春,王正月,公如齊。張氏曰:「公十年

之事,故公五年一朝於齊,亦用諸侯 爲合禮,何哉? 子之禮。蓋齊僭而魯卑也。杜預、何休以 管見: 葵丘以後,齊伯益 諸侯有世相朝之禮,無 盛,儼然行天子 見天 Ŧi.

年一朝之禮。 如齊,可見其勢之所迫,非禮之當然也。 桓公没,齊伯衰,僖公不復

意。 足以爲賢哉? 魯不 能以 朝同列,則所謂尊周,•特假之之 禮自守,北 直書于《經》,蓋交譏之也 面 ൬ 朝於齊,烏

僖

公

齊南

面而

楚人伐徐。《左傳》:「徐即諸夏故也。」

是,徐成于齊。僖公三年,齊桓 管見: 莊二十 六 年,齊、宋、魯伐 使 徐 徐。 人取 於

徐,乘其滅黄之威而遂伐之也。

舒,蓋以夷攻夷,削楚之黨也。

楚爲是惡

伯盟 三月,公會齊侯、宋公、陳侯、鄭伯、許 于牡丘、《左傳》: 「尋葵丘之盟,且 救徐 也。」《穀 男、 曹

梁》:「兵車之會也。」

遂次于匡。《穀梁》:「遂、繼事。

次,止

也。

有畏也。」

伯 公孫敖帥師及諸侯之大夫救徐。《左傳》: 帥 師救徐,諸侯次于匡以待之。」 「益穆

管見:齊桓用兵於楚,三書「遂」,兩書 而以侵蔡之淺事,遂伐楚之重事,惜之也 「次」。「侵蔡,遂伐楚」,有審謀重戰之意, '伐鄭,遂救許」,有憫災恤難之意,而以圍

0 周」原脱 據乙本補

鄭之成 丘,遂次于匡」,有畏敵劫戰之意, 事 遂救 許之急事,美之也。 而 以 盟

盟

牡

求此名 以振 義。 名。 之力,恐一 牡丘之緊事,遂次匡之緩事,譏之也 之命,且隳 抵好勝者 先聲。 當桓公之未伐楚也,二十年 喜盈者惡虧 慮敗,慮敗 旦用之而不勝,非惟 垂成之伯功。 侯,而實無以加 次陘徵貢,寄楚 悪悪 虧則好利之心 則務寔之意少 於是加兵於蔡 於 人易於 楚不 不能 · 圖 回 多 計 應 於 制 經營 於 也。 承 務 大 楚 好

威重,不得已而遂救之。 及其伐鄭 於諸 而 楚圍許,得鄭失許,則 然驕盈之心 無 百以 以 保

宗諸 主,不勝則分惡於大夫,無往而不利 益肆,黄滅不救 以 ,使諸大夫救之。 侯。 恬視,故盟牡丘以會諸侯,而次 徐在齊之南境,而 , 惴惴然恐 若日 勝則 楚伐之, 敗於楚,無 歸 美於伯 勢 師 也 不 于 以

得

匡

之也 其正 衰。 敗徐 所由隆污也。 以 念之差失之乎? 夏之威,豈非務名不務寔,好利不好義,一 是 此心。 于婁 爲 ,病其荒此心。 未聞大夫受價師之謗,徒見伯主隕 保盈 林 其美之也,欲其保此心。 夷 成之計,亦 求心之要,在此一兩字間 狄之勢日 聖《經》於其惜之也,欲 此心之盛衰,功業之 左 强 矣。 中 未 國之 幾, 其 勢 楚 謎 安 日 人

非聖人,孰能修之?

夏 秋七月 Ŧī. 月 ,齊師、曹師伐厲。 ,日有食之。 《左傳》: 「以救徐也。」

厲。 分謗。 救徐 **管見**:諸侯之大夫救徐,●而 蓋以救徐而 可必 미 必勝,故自行 勝 也。 伐楚,不 不 必 以立 勝,故委 必 勝 威 齊師、 也。 諸 桓公之志 大 伐 曹師伐 夫 厲 以 以

0

隳矣。 無所施 於是伐 救徐 厲 丽 師 丽 卒 楚 無 亦不救,則 功 汀則 致 人之行 致人之計

八月,螽

自挫。

齊之不競於楚,自取之爾

九月,公至自會。《公羊》:「此何以「致」? 久也。」

大意有 始。 合禮而致之,非此則不致矣。 莊二十三年,「公至自齊」始。 致地者,桓二年,「公至自唐」始。 管見:《春秋》有致地、致國、致伐、致 十六年,「公至自伐鄭」始。致會自是年 致圍者,二十九年,「公至自圍許」始。 危其行而致之,有致而致之,有不 致伐者,桓 致國 者, 虛

季姬歸于鄫。

管見: 前書「會」,此書「歸」,著前 奔後 嫁

之罪也。

焉。」《公羊》:「夷伯者,季氏之孚也。」《穀梁》: 己卯,晦,震夷伯之廟。《左傳》: 「於是展氏有隱慝 「因見天子

至士皆有廟。天子七、諸侯五、大夫二、士一。」 太廟 美,合同 國同休而天怒皆當敬也。天子宗廟,諸 管見:大夫之廟震,何以書? 見世 ,卿士家廟,並 無 間 唐 貞 建 觀 於國 詔 都,以示 御 史察三品以 尊親

臣

與

之

侯

冬,宋人伐曹。《左傳》:「討舊怨也。」 正得此義。

上,不立廟於京師者,温彦博坐不立家廟,

管見: 宋人圍曹,伯令不行於諸侯 矣。 齊

視廼父桓公同志尊周,輔成伯業,奚啻倍 首伐同盟,急修遠怨,目中遂已無齊。 桓以宋襄爲賢,而托其子。 當其身之存, 其

蓰之於什百? 於是諸 三十載宋人爲戎首焉,直書其事, 侯無私争者。《經》 見 桓

之衰 而襄志之僭也。

楚人敗徐 「夷狄相敗志也 于婁林。《左傳》:「徐待救也。」《穀梁》:

0

於相 之,病 無 狄 下爲公,講信修睦,使華夷各安其分。 敗 賢 而 志 方伯 争 進 也。」竊 齊 相 中 圃 國 不 敗 憫 楚 殺 則與之,犯中國 謂 能使之妥帖平定。 皆 徐 不然。《春秋》之志 人盈城 也。 夷 也。 ^ (穀梁》 此 徐 即 上無 則膺之。 日 中 : 國 明天子,下 聖人蓋 在 夷 楚 其 於 狄 乃 有 至 夷 天 相 敗

夷 取 舒,何 攻夷,中國之算也,非 以 無譏? 曰: 如楚敗徐之比 此志在 上攘夷。 以

感

馬

豈

以

夷狄

相敗爲志乎?

或

徐

我,嗣志倍我。」公曰: 寵 侯。《左傳》: 食其粟、二 月, 「晉侯逆秦師、使韓 I 施 戌,晉侯 而不報,是以 「何故?」 及 對日 來也。」戰于韓原 秦 簡視師。 . 伯 出 戰 因 復 于 其資, 曰:「師 韓 . 晉戍 獲 入用 馬 少 晉 於 其

狡 管見:鄭 猾 反覆之性 惠 晉 略 厲 同,而 0 聖《 經》之惡 H 人踐 履 之迹 也。 相 蓋

濘

前止。

文。 之施。 文。 尚 討 而資 似。 其小人得志, 鄭莊之子十三人,晉獻 歸,此乃突、夷吾小人之巧。 免秦伯伐人之惡。 逐,見伐,自取之也。 心。 侯」,聖人之情見矣。突、夷吾不宜有國, 在之宜立者? 不行,是以失國之人,再辱 (力於 至於敗績,言「獲晉侯」而 及其歸國、言「人于櫟」而不言「人 雍糾 突歸 夷吾人于晉,秦伯之力也,即自 韓之戰,秦寔伐晉,而 之 于 人,得國之後,以 死 鄭 如 仲 蔡 突、夷吾遂得終于位 惜 既已奔矣,而 仲之 則 乎賞 逐 故没蔡仲逐君之罪 之子 突,而 功 罰 也 不 九人、豈無 社 怨 明王不作,天 以 以 乃 H 報 不言「釋晉 稷。 晉及 突 有 復僥倖得 天子,宜 德,其見 自 殺 不然, 秦 背 出 仲 爲 秦 于 之 爲

0 鄭 惠晉属」。 據文意、疑當作「

其諸以明天子之事乎?故二君之歸,非《春秋》志也。隱而不書,

警,急於争伯,施設多舛,舉

動

乖宜

盂之

是月 十有 梁》:「隕而後石也。鷁,水鳥。」 石 鶴退飛,風也。」《公羊》:「實石,記聞,聞其磌然。 察之則 六年春 六鷁 五。 退 **鵡飛**,記見。 ,王正月,戊申,朔, 飛,過宋都。 視之則六,察之則退飛。」《穀 《左傳》: 隕 「隕石 石于宋 視之則 星 五 币

於天 宋都 既 進,爲逆風 之朔,所以 方其隕之初,視其星光之墜下則五 管見 此豈虚 象、物象之變,疊見於一月,獨示於一 翔於空際。 則 隕 加 則 難 加 生? 星隕者,化爲石。 爲上 察之,則石皆 爲 後 氣 止 所驅,雖震羽高 爲大異。 六者,所見之旅數也。 為 隕 也。 宋襄德不 退飛 於地則成質,理 是月 鷁,水鳥,止於洲渚 在宋境,而見于正月 則難 速而 不日,告失之。 星者,陰之明 翔而 爲進。 有侈心。 有退 固 飛而欲 不 勢過 然 及其 知自 星下 國, 震 也。 星

三月,壬申,公子季友卒。《公羊》:「賢之也。」 世執其 薄者 有舞 也。 乎? 大夫 或 氏之貳魯侯,實自友始。 獻,足爲天下望。 所流也。 流 封之祖 **管見**:魯之三家,惟季 執,泓之敗,兆於此 志其始終履歷,蓋有深意焉。 内 也。 出矣。 周公之後,爲儒 流 而 八佾,旅泰 觀其 命。 自操其樞。 太公之後,爲 也。 卑。」豈季子有遠 齊之富强,能爲東州 所 《穀梁》曰 豈非 至於私家 流, Ш 季 此流 貽禍者遠 ,伐顓臾,而禮樂 矣。 遺百年之權,於後 友 書禮 權 非 强 :「德厚者流光, 氏 詐 光、流卑之别。 感應可不畏哉? ,公室弱,末 純賢者。 義,周 最 樹三家之黨,於 功 德歟? 一、安得 利,陰符之化 强,季友其 伯。 禮之澤所 爲 征 曰 : 魯之文 春秋 遠德 伐 流 非 而 德 自 乃 始

夏四月,丙申,鄫季姬卒。

管見:内女嫁於諸侯,卒,有葬有不葬。 管見:内女嫁於諸侯,卒,有葬有不葬。 道之尊。其或不葬者,史之闕。大夫臣 公子、公孫爲大夫,卒皆不葬。諸侯夫人 公子、公孫爲大夫,卒皆不葬。諸侯夫人 秋七月,甲子,公孫兹卒。

而還。」也。城鄭、役人病。有夜登丘而呼曰:「齊有亂。」不果城伯、許男、邢侯、曹伯于淮。《左傳》:「謀鄭、且東略伯、許男、邢侯、曹伯于淮。《左傳》:「謀鄭、且東略冬十有二月,公會齊侯、宋公、陳侯、衛侯、鄭

此《春秋》之法也。

於東略, 略,知其 其伐戎、伐楚之時,有不自滿足之心,故德 葵丘之會,東略爲淮之會。 管見::齊桓北略伐戎,南略伐楚,西略 爲 則 此 亂之萌。 心之著見者,不 無他,卜此 然而宰孔 待 心 1 也 也 於 至 當 西 爲

> 乎? 日盛。 於東,惴惴然惟恐不競於楚,不利於淮 功,伐厲不克。 失之心,則德已昏而智斯下矣。救徐 亦倦,宜其悶之若此也。 而伐英氏,畏惴退縮,殆亦小狐汔濟之象 於是勤諸侯以爲名而城鄫不果,尋復捨淮 心,故德日衰。 桓會諸侯,終于淮。 及葵丘明王禁之後,有矜 楚人肆横於南,淮 至是會淮、謀鄫,有 心德不弘,鼓舞 功 夷猾 患 眩 大之 得 也。 狂 無 患

爲徐伐英氏,以報婁林之役。」十有七年春,齊人、徐人伐英氏。《左傳》:「齊-

「人」之也。 管見:齊伯之始會于鄄,遂爲 易虐,姑以是媚來者。 齊伯之終會于淮,遂爲 士之類歟? 士,終乎爲聖。」若桓者,殆亦始爲 君子耻其德之無以加,是以 徐而伐英。 楊 雄 Ė 宋而 「 始 士,終爲 蓋 伐 乎爲 小 郎 者

取

公諱也。」

所在。 聞,可 項,而 變,學者求其正中之變,便見是非善惡之 會淮 《穀》以爲齊滅。 敗曰「戰」,滅 其有見止于齊之辱。《公》、《穀》傳例内兵 其大夫專兵伐國,此 由季孫、《經》不書某師、直書「滅項」、若公 **管見:滅項之事,《左氏》以爲魯滅,《公》、** 我師 而滅之者,誅意之教也。公意在取 謂欲 敗績」、「滅項」之類是也。 拘於一定之例,不可也。 畏 齊,故使季孫自往滅之,己若 蓋 脯 曰「取」。 彌 胡氏從《左》,是矣。 彰 豈聞於方伯乎? 也。 然義 况國 有不當諱者, 君在 文有正、 會 蓋事 宜 不 而

> 譏之。 桓德之昏,而陷其女非禮之履也。 書以 僖公,討季孫滅國之罪,豈非伯者之事 情,而合禮義之正者甚少。 弟之情且然,况夫婦乎? 此。穆姬聞晉侯獲于秦,即登臺 處之,當 管見: 僖公以滅項之故,見止于齊。 奈何以會禮見姜氏,而權 于魯之境,可也。 如何? 日 爲桓公者,止 一: 婦 臣 人之仁,大 其能 然則聲姜待罪 置之不問。 其 以禮義治 履 會 薪。 抵 聲姜 而 兄 ? 此 歸 如

之也。」 九月,公至自會。 《左傳》: 「猶有諸侯之事焉,且 虈

生孝公、公屬於宋襄公。 以 冬十有二月,乙亥,齊侯小白卒。《左傳》: 殺群吏,❶而立公子無虧。孝公奔宋。」 桓公卒,易牙人,與寺人貂因内 鄭 寵 姬

内 原誤作「而」,據乙本改。

僖 公

會齊侯于卞。」

秋,夫人姜氏會齊侯于卞。《左傳》:「聲姜以公故。

有有有

周、鄭交質,天子與諸侯爲敵國,君臣之異變,辨折詳矣。竊謂當時事勢,寔有三異。管見。李氏論《春秋》三變,與桓公一身三

仇讐,父子之異也。文姜弑夫淫兄,宣姜也。衛宣殺二子,晉獻殺世子,天性化爲

天子之權,又名分中之異,定世子以固國侯,尊天子,扶得君臣名分起,而以方伯專三代以前,未有之事也。桓公出來,率諸妻父昏子,人類變爲禽獸,夫婦之異也。

一、放底。然即放下定叠底事,留窗咼人,又倫常中之異。凡皆古人不曾做得,戒,整得夫婦倫常起,而自家如夫人者六

外,●又綱疇中之異,誅哀

姜以

爲淫

亂之

本,立得父子綱疇起,而

以

諸

侯

召

世

子

于

根。 不正 做底。 大抵王 不邪,半 道熄,伯統興,自然有 然却做 精半 粗,方成伯局。 不定疊 一底事, 此 這 留 亦世 等 箇 禍

道之使然也。

伐齊。《左傳》:「宋襄以諸侯伐齊。三月,齊人殺無虧。」十有八年春,王正月,宋公、曹伯、衛人、邾人

夏,師救齊。《穀梁》:「善救齊也。」

《左傳》:「齊人將立孝公,不勝四公子之徒,遂五月,戊寅,宋師及齊師戰于甗,齊

與

宋

師

敗

績

狄救齊。《穀梁》:「善救齊也。」

宋敗齊師于甗,立孝公而還。」

者,然 管見 IE 愛廢長子,屬次子於宋。 子,立少子,幸有 救齊,便見君父之命固當重, 四國之師。 爲 重。 後爲 觀《春秋》許首止之盟,●善魯、狄之 雖兩不及事,而齊侯制命之非 幸有魯、狄知 可 重也。 桓公定之。 惠 王將 身没在 恤 喪之義,以 以 而 桓 公又 私 以 殯, 義 愛 廢 即 以 制 輔 命 有 私 世

「私」,原脱,據乙本改

之,夷 忠恕 之徒,烏在其可善 或曰:魯僖 義,宋公奉少奪長之非道,不但中國 m 狄 己。 亦 恨 有 君子 齊桓 憂之,可 樂道 也? 不托子,狄人助四公子 以 人之善,探人之私 不聞「夫子之道 爲來 世之鑒矣。 有憂

得葬。」 秋八月,丁亥,葬齊桓公。 情 掩其公義,豈《春秋》之所以爲教者? 杜氏曰。「孝公立而後

而

計, 于墙下,三月方得歛殯。 府。 管見 十三年,不爲不久;威行中國,不爲不盛 榮死哀,子孫安寧而無 智之君,燭 而 天下 王 ,何其周且 九 死生契闊,從違之機。 -寧,處 合、民受其 觀《周書 其 不善則合眼 所 詳 以 也! 顧命》 然 (賜,功 **灬之理 然患也。** 富 不爲 而知先王爲身後 貴 而 一,順 五子争立,幾於 處之善則委 事 權 不高。 道行之。 機 桓公在位 利,吉凶之 變。 故 然 死 裘 聖 四 生 遠矣。」

亡國。 先儒 理不 邪志, 豈有六夫人並 長子,陰樹次子, 明,知道 曰:「王道之外 有此不當得之禍,何哉? 不 , 精。 而可保其無争不 寵,五公子求立 欲 無 以 坦 途,舉 智力把 皆荆 持 無 亂 行 一陽許 他 棘。 者? 見 其

何 子弟,衆不可而後師于訾婁,狄師還。」《穀梁》: 冬,邢人、狄人伐衛。《左傳》: 也? 善 累 而 後進之。 伐 衛所以 救 「衛侯以國讓 齊 也。 「狄稱「人」。 功 近 其父兄 而

觀此,可見王伯之霄壤矣。

喪,惡莫大於奪嫡,人人之所 納孝公,所謂 齊桓封國之恩, 管見: 君子愛人以德, 不以姑息。 狄連兵伐之。 姑 聖人進狄於邢,見「夷狄之 而從其邪志, 息之愛 也。 同 罪 興 惡 莫 師 也。 重 助 衛文感 宋以 於伐 邢

後進」 至「齊也」十字,原脱,據乙本

有君」,此亦浮海、居夷之意也。

·有九年 權 取俘 楚而 《春秋》書「執」、「以」、「獲」,皆失位之君。 以立義。 管見: 人君貴乎有位,無位 又不繫於生名之賤也。 於人之易,以爲國君不能守位之戒,其義 生而名之,例之常然。 「人」稱,亦以 衡 也。 見以 辱,則生名 春,王三月,宋人執滕子嬰齊。 如「執虞公」、「獲晉侯」,見 」,滕嬰齊怒虐宋 著其暴虐之罪。 以賤之,而 爵而 至如蔡獻舞怒暴 荆 丽 不名者,變例 以 此《春秋》之 則 見「執 號舉,宋以 匹夫 其 爾 自 挈

宋以伯也。」「「人」曹、邾以貶宋也。明年,鹿上之盟亦「人」宋,則未常予夏六月,宋人、邾人、曹人盟于曹南。陳氏曰:

己酉,邾人執鄫子用之。《左傳》:「宋公使邾文公鄫子會盟于邾。《公羊》:「其言會盟何? 後會也。」

用鄫子于次睢之社,欲以屬東夷。」

鄫 媚神, 俗。 管見 淫之旨微矣。 盟 私忿,因其 必鄫子不及曹南之會,宋公知 按何休以 又將 奈何宋襄 爲用,小事不用大牲」,而况 有所本。 使邾用鄫子于次睢之社,是春秋 子目邾,見鄫子失身之有所自。 曹南主宋,見 誰欺 噫 ! :秦穆獲晉侯,欲用以郊天, 無道 詳《經》文「宋、曹、邾盟于曹南 者? 爲邾怨鄫争娶季姬之事 迷 清 極矣。 王室陵夷,諸侯放恣,至 而 盟 若夫邾子助桀爲虐之罪, 不悟? 或曰: 邾 于 子 子肆 邾 而 魚曰「古者六 安知 虐之有所 復用於社。 其愛重 其 敢用 事出 邾、 一傷、 由 時 ·, 其 戢暴 人乎? 畜 則宋 鄫之有 於宋? 恤二毛 聖 於 原 人 論 不 用 以 有 以 己 防 執 當 相 人 此 襄

於稱「人」著之。

皆圍 管見:宋伐鄭,圍長葛;齊伐鄭,圍新密, 邑。 此 則 環 其國都圍之,自襄公始。

圃

雨。

殷

有濟。 則苛。 其用 之見 其强者大者,謂之何哉? 於物者,必强人以從己而後爲快。 求諸己,●内省於心,使之大小具孚,庶 公之伯,會不會,朝不朝,不深責也, 也。 力則 曹之不 乃欲以力脇其小者弱者,而以 廣 窒則局於物,不通則 而 服,以鄫子之用 用 心則 狹,責己則恕而 無他、窒而 也。 昧 於 但 不 理 丽 知 不 詐 當 責 貫 桓 局 通 欺 幾 反 人

> 挫,有所由來,非直荆蠻之强 而已。

由

.此盛衰,况於襄公者乎? 盂之辱、

泓之

衛人伐邢。 M 年 ** 天其 《左傳》: 或 者 欲 「衛大旱、甯莊子曰: 使 衛 討 邢 乎? 從 『昔周 之。 饑 師 伐 興

是 而 雨, 量欲寔其 管見:《左氏》議論多不經,如衛 信之? 時阿 意,假 漢武 事也 此 以天早爲乾 以遂報怨之私 使其 言果 封。 出 早 贵 甯 聖學 興 子, 미 師 從 亦 而

「陳穆公請修好於諸侯,以無忘齊桓之德。 冬,會陳人、蔡人、楚人、鄭人盟 于齊。 冬,盟于齊,修桓 《左傳》:

明,故敢文災異以逞私欲也

管見: 莊十 ·六年,會齊、宋、陳、鄭盟于幽 公之好也。」

「已」、原脱、據乙本補。

理者,以爲人心

可以

勢脇

術驅,不知

桓

公

伯業既成,葵丘之會,震

圃

矜之,叛者

九

國

桓公不局於初年而反

昧於晚歲,伯業

澤、陽穀,大國、小國無有不至者矣。 昧於

雨」原誤作「兩 雨」,原誤作「兩」,據乙本改 」,據乙本改。

二〇九

楚、鄭 澤消則伯術長,自是首止、葵丘之會,乾 方 伯 號 盟 令天下之始 于齊, 夷狄交攻 也。 中國之始也 此年, 會 陳、 蔡、 綱 王

墜於雄伯矣。

中國

弱

則夷

狄强,自

是

時

梁亡,鄭去其師,我無加

損焉。」

賈 之大勢也。 世家巨室肯爲之提拔,則不足以爲榮。 陵、于蜀之盟,太阿倒於强蠻矣,●此天下 一欲立價於市中,非名公貴人肯爲之吹 雖然,匹夫欲自立於鄉黨,非 大

伯成,僖公會齊而楚伯兆。 無求於文獻之魯歟? 嘘,則不足以爲重。 齊、楚之伯,所以不能 於是莊公會 世家巨族授 幽 而 兀 齊

夫之政而勢不下者幾希,名公貴人立大賈

之價 邦爲 車千乘,不能自 有感於此、《春秋》以諱 强國借重。 ൬ 俗不敗者亦鮮。 强 會之不已,遂至於朝。 以主 夏盟 魯國 爲貶。 "徒以 地方百里,革 幽、齊之 禮義之 聖

> 羊》:「其言「梁亡」何? 梁亡。《左傳》: 功,乃溝公宫,日 「秦將 梁亡,不書 自亡也。」《穀梁》: 襲我。」民惧 其 主 自 间 取之 潰 秦 也。 遂 湎不足 取 梁 梁。」《公 伯 道 好 土

土,繆 能於未雨而徹桑綢户,豈 管見:《詩》曰 綢牖户。 :「迨天之未 今此下民,或敢侮予?」 至有 陰 雨,徹 雨之蕭 彼 夫 桑

風

摇? 下民 梁伯也。 之者秦,而侮之者梁民 梁伯犯此三亡,故秦人得以取 誰敢侮者? 於其未危、未亂而思 責將誰歸? 「甘酒 故「梁亡」、「郭亡」、 也, 自有亡 嗜音,峻宇雕 爲制治保邦,則 之。 之道者 是 牆 雖 取

十年春,新作 南門。《左傳 「書不 時 也。 凡啟

者不能君國子民之戒。

鄭去其師」、「紀侯大去其國」,可爲有國

盟

,皆諱不書「公」,其旨微矣。

⁰ 倒」原誤作「例」,據乙本改

謹也。

「災」與「火」異。

成周宣榭火,則人

門、雉門」及「兩觀」之類。重言「桓公宫」,臺于郎、于薛、于秦」、「新延廄」、「新作南天子、諸侯之禮,如書「丹楹」、「刻桷」、「築管見:《春秋》極惡奢僭而制節謹度,尤嚴

時之有臺,六閑、三門,諸侯之制。苟仍其作過度,崇修越禮之過也。若桓之有宫,何過方,崇修越禮之過也。若桓之有宫,以著其侈。一言「築臺」。修舊而曰「新延」、「新作」。

夏,邾子來朝。王氏曰:「邾附庸於宋。」舊而修之,則有不必書矣。

曾子曰:「以有西宫,亦知諸侯之有三宫也。」」

五月,乙巳,西宫災。《公羊》:「有西宫則有東宫。

宫災、亳社災、外災如齊災、宋災、陳災。西宫災、新宫災、雉門及兩觀災、桓宮、僖管見、《春秋》至謹天災。内災如御廪災、

宋、衛、陳、鄭災,悉書于《經》,見天災之當

僖

公

曰:「天道遠,人道邇。」人事修則天福應,卒不免於火。曰外傳誣誕不可信。子産事可免。如漢縻竺遇火星下車,避之,而所致,故曰「火」。或曰天災定數,非修人

鄭人入滑。《左傳》:「滑叛鄭而服於衛,故鄭入滑災異何自至哉?

矣。 管見:越四年,夏,狄伐鄭。 於叔帶,反以 是怒,出狄師伐鄭而立狄女爲后。 狄女通 如鄭請滑,鄭伯不聽王命 于鄭。《左》注鄭 天子恨失其政,而借援於狄,狄 嗚 呼 1 狄 乾 師 綱 入滑,王使 攻王,是入滑之貽 解 紐 ,征伐自 偂 伯 執二子,王 冬,天王 服 因 、游 諸 其釁以 侯 禍 出 孫 出 以 伯 居

403

秋,齊人、狄人盟于邢。《左傳》:「齊、狄盟于邢,爲

也。

《春秋》可無作乎?

肆毒

中華。

繆亂昏惑,未有甚於此時者

_

邢 謀衛難。」

者,嫌. 孝公嗣 伯 伐之媒。 謹 謂 王之饗, 管見: 桓公衣裳之會十有 楚,「人」狄於齊 務 之,申之以尊王之義,期之以 狄,引夷 無 鄭伯之師, 其 薦 復 亦 、所操、 狄 蛇 此 其 也。 業,昧 弊,豈 得並 虺 矣。 何 狄 導招與 於 以 何以 無 聚 以 盟 庭 楚 以 非 遂 會者,窺伺之招。 窺 於 伯國,其 得 除 傷伯 遏其 中國 防 滅 政 見取 媒,是啟争也。 微 交 於 引 體 、所趨。 楚? 之虚 慮 IE 於鄭? 虎 政之陵夷, 責孝公之 害至於攻 中 漸 狼 于 華,其 得爲政之要乎 齊 於 寔,冠帶 桓公出來,諸 一,未嘗 聖《 盟 門 卹 息侯不 一楚,于 户 經》下 窺伺 難之仁, 勢 戴 王 至 其 而 伯 盟 者 設 不 於 鄭 不 樽 邢 不 于 能 於 争 知 所 ? 侯 楚 致 戰 俎 盟 或

於菟伐隨, 量 力 丽 動 ,其過鮮矣。」」 取 成 丽 還。 君 子 H: 「隨之見 化,不 量 力 也。

管見 國 陽 也。 抗 東 可 於戰 足以 之以僭,熊通成就之以 漢,浸以 僕、鄧、鄾、絞、羅、鄖、貳、軫、申、江、黄諸 不過丹陽,子、男之田 東之諸 襟 以運 即 衡 地 懷綏小國,貽 楚都 李 淮、淅,南跨閩、甌,其大勢可 國,獨後於吴、越之亡,豈 不 東南形勢,莫過 綱 宜其 姬 天下乎? 盛 加 勸 也 强。 據 廣。 高 肆 形 楚 宗 於 勢也。 考 人以 其 定 東 北控 燕後 其 後 都 南 立 勢養 爾。 遷 於 憑陵 亦 河、洛,西 人,而伯於春秋, 暴,非 或 當 都 荆 以 根 熊 力,故其 于郢, 視 襄 華 州 基, 繹 與 有仁義信 夏 非 陽 隨、巴、蜀 受封之 熊 爲 荆 楚 丽 拒 併 與秦、 (力有) 關、陝 渠 能 州之地 次 不 吞 開 口 盡 初 截 襄 遏 齊 雄 創 漢

0 據乙本補

冬,楚人伐隨。

^②左

一傳》

隨以漢東諸侯叛楚,楚鬪穀

不子也。

而 原 脱

方 免乎? 而 ,宣王之威 不 · 頓。 聖《經》於伐黄、伐隨 Ŧ 道 荆 衰,諸 蠻。 虎 或 弱, 在 羊 無 蓋 群 高 諸諸 有憫焉。 宗之伐 國 庸 鬼 得

之所 狄連邢 矣。 蓋 其是 子而 十有一年春, 狄侵衛 夷 不 則 管見: 天下無道,則命德討罪之權不 夷狄,故衛伐邢,狄侵衛,顛倒於是非 齊,魯救齊,紛紜於正不正之辨矣。 不在諸侯 有 在狄 狄 不 爲 在 抑縱之意存焉。 丽 在諸侯。 正者 救齊爲是。衛怨邢 諸夏當其非。 也 邢 華,宜膺而膺之。 ,宜進而 m 加 不勝 ^ 爲 在夷狄。 經》於前稱 中 舒難之謀。 進之,以内中國爲 -國無 而 不正者勝,於是 以公天下爲心,則義 衛黨宋 人,則扶危恤 權 「人」,於後舉號 在 曹丕廢 究來,其是未嘗 而 諸 爲尋仇之舉, 伐齊爲非,則 侯,故 Щ 夷 難 1陽公, 烈教,則 仁在 之理 宋 之仁 在天 狄 伐 執

> 宋人、齊人、楚人盟于鹿 義也。 懷。 劉淵 之所予乎? 救明爲名,追尊先帝先后 李自 人長 然而 安,以 成弑崇禎帝 遂據中國,即帝位,豈《春秋》 知此 尊漢 則知《春秋》爲 爲 上。 后 名, 謚 清 《左傳》: 追 豫 號,天下之大 謚 王 慮遠矣。 獻 「宋人爲 入燕,以 帝 爲 孝 鹿

《大學》揭「知止」,《論 疎 躁 圃 顛敗者寡矣。 心養性之論。爲國 管見:天下之患,莫大於力不足而 才疎。 則 則 有不 無能 恒之德。 止 輔少奪長,僥倖成功,奮然欲繼 之事。 大抵 而不明此義,其不至於 襄公量淺 好大、喜功者,病於疎 欲速、見近者,失於躁 語》貴「有恒」,乃存 而 心躁,志擴 强 爲。

0 倒」原誤作「例」,據文意改。

盟、禍也。

宋其亡乎?こ

上之盟,以求諸侯於楚。

楚人許之。公子目夷曰:「小

四

夏盟 卒 徽宗約 借其穿窬之物,其爲所挫辱,非 矣。 伯 力,始能役屬宇下之邦。 躁,爲計之疎 用 桓 春秋》「人」宋以著襄公丐伯之妄而因以 鄫 而曹 虜於金。 公之伯。 ", 髮然 乃 子 汲 而 不 金攻遼,爲海上之盟以 M 東 以 卒敗 汲 爲 夷 然立齊侯 理宗約元滅金,爲 焉 爲 乎? 强楚之長,所謂 不之懾,宜 信, 求諸侯 於 元, 鹿上 執嬰 楚人積其富强吞併之 而齊 於楚,是 齊 己 可 圃 不以 一之盟 一欲 以 諸 請 揖 以 省己 淮之盟 、爲德, 侯不之恐 何 二之類 讓 虚 幽 不幸 慮 一、薊 盗 名 m 窒 事 盟 以 跖 而 也 也 之 一欲 請 而 IIII 統

災也。」 爲?」公從 也。 夏,大旱。《左傳》: 城 郭 貶 是 食, 歲饑 省用,務 而不 「公欲焚巫尫。 害。」《公羊》: 穑, 勸 分 ,此其 臧文仲 務 何 H 也。 以 非 枞 尫 早 備 記 何

奪之歟?

管見:《春秋》書「不雨」,謂當得雨不雨,

此乎? 盟于盂,執宋公。《左傳》: 秋,宋公、楚子、陳 不設 於義。 主,豈 不得 爲災, 曹小國從會,忽見楚人特 之已豫 文,胡傳證以 宋公固 業非陳乞之得成。 管見: 甚矣宋襄之愚, 楚成 上執之,國君豈狡童之相誑 如《易》「密雲不雨」是也。 · 而 君欲已甚,其何以堪之? 戎 諸 非 其象有異,書 如《詩》「藴隆 有取 備 ,故應之甚閑 竊意,秦之脇趙,相 侯 中 之比。 而 國之耻乎? 辱之道,而 求 秦、趙澠池之會,責五 諸 侯、 陳、 侯於人,又欲 己以諸侯許人,又於會 法 蔡侯、鄭伯、許男、 蟲 非 蔡、 所以不同 蟲」是也。 「會于盂,子魚曰: 於是楚執宋公以伐宋。」」 楚人 \wedge 如 鄭 地 春 書「早」,謂 宋 如 皆 ? 秋》 豺 凶 之 知 襄 楚宇下, 猛,懾息不 惟狂 之有素,處 狼 狡 單 爲之長,伯 以 其 車 也 或 同 執 害 | 罔念, 「禍其在 赴 辱 曹伯 不 執 稼 早 勇 爲 會 則 熯 4

二元

也。 執之罪。 先代之後,爲天下望國,蠻 暇,豈敢輕易動 要之,宋有不當 他? 伯諸侯之理 其不能救宋,勢使然 圃 君 無 執 可

之如縛匹夫。

之所可重者小,綱疇名分之所係者大。 也。 經》旨矣。 《公羊》曰「不與 嗚呼! 雖宋人之辱,亦冠帶之同 人君一身,崇高富貴 夷狄之執中 國, 憤 得

始釁也

舉動之得失至近,千萬世之榮辱甚遠。

宋

説。彼不能挾爲奇貨,故皆捨之。 縱之權皆在夷狄,冠屨倒置,爲南面之羞 有君爲言。 襄公見執於荆 後皆得復位 于謙 蓋 蠻,明英宗見執於乜先,其 由目 擁立景泰,以社重君輕 夷自 .攝國 事 ,以社 然而操 爲 稷

明祀,保小 太皥。邾人滅須句,須句子來奔,成風爲之言於公,曰 冬,公伐邾。《左傳》:「任、宿、須句、顓臾,風姓也,寔司 聖《經》不 寡,周禮 隱宋事,其示人君之大戒 也。 蠻夷猾夏, 周禍也。 若封須句 也 而修

其祀、舒禍也。」」

氏之私恩,内瘠其國,以爲人役。 僖公爲成風作邾,尋有魚門之辱。 管見:"平王爲申后戍申,不免蒲、楚之刺。 書之,著 皆篤母

諱也。」 何? 楚人使宜申來獻捷。《公羊》:「此楚子也,其稱「人」 爲執宋公貶也。 惡乎捷? 捷于宋。不言宋,爲襄公

爵。 管見:齊桓伐山戎,書「人」,及來獻捷,稱 獻捷於魯,其爲媚以求之、誇以脇之之意 文。爵楚於會,乃扶夏擯夷之旨。 之賓也,而蒙匹夫之耻,惡之,故以同執 喜功之戒。 之,故以微者爲文。 狄,伯主,諸侯之統也,而 「人」。書法不同,何也? 楚成執宋公,書「子」,及使獻 楚以夷狄辱中國,上公,王 「人」齊於伐,爲好 冒千里之險,危 齊以中國勤 然二國 捷 爲 大 夷 稱

六

捷日 於是獻 僖公已 之。 損 固 幽 楚之争伯,不得魯不足爲名。 楚人」,見其 也。 也。 以 一字之間,此夫子文章之可得聞也。 目 後 「戏」,而 以 宋捷以慝之,使大夫以威之。 齒於同 蓋 於是獻 莊公已無從違之心, 齊侯,見其親之不足以 齊之圖伯,不得魯不足爲重。 此 威之不 盟之列,而猶惧其有 戎捷 捷不曰「宋」,内夏外 以耀之,而 足以 爲威 而 于 乎? 自 爲 猶 齊之 來 恐 親 間 夷,增 斥以 然 乎? 以 其 也。 初, 彼 親 未 于

左傳 有 諸 或 求德於宋 管見: 楚釋宋,非 有君 議爾也。」《穀梁》。 侯同 二月,癸丑,公會諸侯盟 子 魚曰: 恶 則挾之不 則 人,取名於諸侯爾。 『禍猶未也、未足以懲君 執之適足以 「不與楚專釋也。」 足以 好 意 也。 爲 爲 恐。 于薄,釋宋公。 怒。 目 夫棄宋公而 伐宋 夷攝 也。」《公羊》: 故釋 無 位 之以 宗宋 功,

於楚?

讓以主盟,請亡

國之人,以

貽

中

國

當

重,目 嫌? 倫? 乘危 也。 何? 其得復也? 人則 伐之,中國之 禮、居於宋以終 使楚 位於襄公之子。 子之罪。 請於天 以大義言 使楚得以甘 不可。 惜魯不能 得以 以奪弟。 嗟乎 夷如之何 日 王,定目 時 楚人知過 肆 諸 1 亦不 以 心,則 志 命出 事 侯 目 義 中 焉。 以私情待 ,則損中國之望。 但 勢言 夷果以奪蒐 餘 當復 其 夷之位, 聲 E 天子, 國 虧同 當 年。 得 臣 而 日: 振 有道,何可 以 辭 君於宋。 自 歸 矣。 襄公必 盟之義。 事 目 義 使其不歸, 也 有 襄公,待以寓公之 人 ? 告於諸 出 夷賢 行 宋 則 此 之, 爲嫌,他 諸 可,以 故 齊 襄公如 不死 侯、社 (者,必 爲 事 傷 桓 何 此 請 , 夫 魯 侯,聲楚 兄弟之 公之 則因 事 至 宋 公義治 於楚。 侯 之 稷 不 卑 復 日 當 公 業 還 爲 屈 何 何 以 如 丽

150

之横。 之耻 以甚諸 以 存中 哉 國 侯 或 之體。 君 不 《春秋》書「 知義 愐 日 也 不言「楚子」,所 「釋」,同於匹夫之賤,亦 盟 于薄 釋宋公」,所 以 抑夷 狄

二十有二年春,公伐邾,取須句。《左傳》:「伐

邾 ,取須句,反其君焉,禮也。」 君也。 復之也。 **管見:**詳《經》文「伐邾,取須句」,非反其 有升陘之戰也 人執虞公而 公不勝母氏之情, 既 伐之,又貪其 修 虞祀之類。 興 地 此 圃 師 邾 取之, 伐 人不 邾, 復 如 將 晉 而 以

如楚。夏,宋公伐鄭。子魚曰:「所謂禍在此也。」」夏,宋公、衛侯、許男、滕子伐鄭。《左傳》:「鄭伯

事,皆一 賢 見執,即授國於目夷,何等明 管見:宋 而 欲致之國,國猶 不 聽 襄 目 讓 夷 國 之言,何等 於目夷,何等仁 可致,其 香 敏 愚 言 1 獨 智! 不 夫知 考其行 미 用 其 及

> 蠻夷 歟? 耶 不 挫 欲 他 非 襄公之疎躁,不 忿 伯令方行, 後動底人。 急於近功。 心,不爲君 氣 ? 用 敗 哄 要急作盟主,不 齊桓容量 不住。 其言 動 亦非 丽 若目 日 諸 不衰,則目夷治蠱之不 : 義理説動 侯,遂 而終不 則 襄 夷者,淺意當 遽 凡事要急做,非思慮慎密時 是以 ,宋國豈得 如 已,爲 興伐曹之師,皆 公人品 先君未葬,即 知所 爲 目 棄其人,所以能 知伯 楚成 消得 夷之言,落 君 以 則 非 用 無事 僥倖 事非資 所 大 必 在季子之上 之也 欺。 伯。 叚 ? 赴葵丘之會。 文 庸 是粗 可 落難合。 至於 級高 得 及 不伯 下。 少。 齊孝,便 桓公没, 爲 率。 見 做 是雖 不 棟 察 得, 挫, 若 其 然 借 幹 而

小,不可易也。」不聽。及戰于升陘,我師敗績。邾人獲公以須句故出師,公卑邾,不設備而禦之。臧文仲曰:『國無秋八月,丁未,及邾人戰于升陘。《左傳》:「邾人

七

胄,懸諸魚門。」

邾 以 惡,諱「公」以爲之貶,其義先儒已論之矣。 欲致 卑之不設備,則爲 句之土 有 管見。《春秋》「及」者,内爲志。 魚門之辱,自取之也。 須句 志乎是 人戰」, 邾 故出師,不言「邾人來戰」而曰 而取之,則爲貪兵。 與 戰 何 戰 也。 也? 而 不 以成 · 知 在 著召兵之由 驕兵。 風之言而 己有 故書「 蓋狃于偃之勝, 不 致邾之師,又 及」以著其 一公,而 미 伐之,貪 此則 勝之道。 公寔 邾 及 須 人

成列。」」二毛。古之爲軍也,不以阻隘。寡人雖亡國之餘,不鼓不二毛。古之爲軍也,不以阻隘。寡人雖亡國之餘,不鼓不後擊之,宋師敗績。國人皆咎公,公曰:「君子不重傷,不擒

宋師

敗

績。《左傳》:「楚伐宋以救鄭、戰于泓。

既

陣

脯

冬十有一月,己巳,朔,宋公及楚

人戰于泓。

也。 管見: 敗某 然則泓之戰,不鼓不成列,獨不比乾 師 詭 于某」,著 道 行 師 其 ^ 春 未 秋 陣 面 所 戰, 戕民 恶。 故 之甚 凡 書

> 仁,以 時之敗 之暴,荐食上國,同仇在天下矣。 苟能相時度力,則 爲耻。❶ 在 宋公致寇之罪,而 理甚矣。 復護其瘡,使之益 者,獲則取之,何有於二毛?」而 魚之言曰:「今之勍者,皆吾敵 矣,聚散奇正之機在我矣。 不能然,以 已。宋公之與楚戰,夷夏盛衰之機括 「某敗某」爲 復讐則以 取大敗。 耶? 至 此戦 致 一於地 死 貶。 楚師 曰 : 敗 也, 楚之志 是 醜 爲 要之,各當於義之正 《春 之來。 未 其 猶盗 以 榮,義 德齊,詐 可 鋭 師 秋 以 敗 以 賊 **>** 主客 伐鄭 以 在 於 ௱ 刼 人 楚 攘 大 謀 其 門,與 人,見中國 以 人肆 勞逸之勢殊 義 也。 ௱ 夷 宋及之,著 相 財,其爲 召 乃 則 爲 敗 之關 主 善乎子 其 兵。 矯 以 雖 則 及 虎 飾 死 也。 乃 敗 昧 胡 狼 m 以 敗 義 小 而

● 「夷」、原脱、據乙本補。

於夷狄之耻。其爲有關於天下之故不小,

是以日而朔之也。

《穀梁》:「不正其以惡報惡也。」其不與盟于齊也。」《公羊》:「此言「圉」何? 疾重故也。」二十有三年春,齊侯伐宋,圍緡。《左傳》:「以討二十有三年春,齊侯伐宋,圍緡。《左傳》:「以討

見矣。 伯。 威。 本 必 胸 亦 知速楚之成 於是宋公敗于泓 管見:宋襄定齊孝以德,而又借齊孝以立 也。 何益 觀成 中則必置 蓋小人 齊孝德宋襄之立己,而 哉? 敗 是則幸宋之衰,以庶幾齊之興。不 而 是非于度外,視恩仇如反手則 相賊之心也。 ,徒醖釀齊之敗。 改 目 心。 以「齊侯」,罪齊孝之不知 而 齊侯圍其邑,炎凉之情 小人之交,大率如此。 大抵設利害于 又怨 操戈人室, 宋 襄 之争

傷於泓故也。」《穀梁》:「兹父之不葬何? 失民也。」夏五月,庚寅,宋公兹父卒。《左傳》:「宋襄公卒,

管見: 五伯列宋襄, 聖人之情乎? 曰: 非

矣。 《經》於諸 也。 民之論,恐鑿。 志附楚,故不會葬,此 以伯乎? 至於宋公不葬,先儒謂僖公有 日 師,伯之勢也。 止、踐土之會,伯之事 得失存乎其事,强弱成敗觀乎其勢。 伯之目, 文無以異,因遂牽挽之耳。 「釋」,同於匹夫之賤。 會盂之執,盟薄之釋,國 諸儒見曹南主諸侯,與北杏、城濮之 且 侯 桓、文 主盟,其文一以施之,而 李氏 不必主 猶 謂 元亦有 不道, 也。 諸 「不足乎終」,夫 此等事勢,庸 侯,已知 理。 聖門不 召陵、 君 况 ௱ 宋 《穀梁》失 日 其 城 襄 曾 執 濮之 如 爲 善 有 乎 足 伯 惡 ? \overline{f}_{1}

於宋也。取焦夷,城頓而還。」秋,楚人伐陳。《左傳》:「楚成得臣帥師伐陳,討其貳公之始亦無可見,何待終之不足乎?

至是伐陳,取其二邑,則中國之地漸淪於管見:前此,滅弦、滅黄,僅併江、漢之國。

楚。書以著其横也。

[子]。杞,夷也。」 冬十有一月,杞子卒。《左傳》:「杞成公卒,書曰

遂從其 來朝。 世已行夷 管見: 杞至夫子時猶 〈俗也。 汪氏引朱子之論爲當 禮。 杞稱「子」,見莊二七年杞伯 意其 國 存夏 微 弱, 時之書, 服 事 東 而 夷 成 因 公

其次親親以相及也。」弗聽。使頹叔桃子出狄師。● 夏,狄「王將以狄伐鄭,富時曰:『不可。臣聞之:大上以德撫民,二十有四年春,王正月。 夏,狄伐鄭。《左傳》:

伐鄭,取

不德,得罪于母弟之寵子帶。鄙在鄭地氾。」」冬,天王出居于鄭。《左傳》:「王使來告難曰:「不穀

帶欲 召戎 必 **管見**:王居于鄭,其 不容者。 攻 奪世子,賴首止之盟 Ŧ ,賴管仲平之。 頹叔 桃子出狄師 不近 人情者五 此 而遂定。 王法、伯 伐鄭。 其後 事。 討 王 德 之 又 叔

> 后不 不以 叔帶 何以 通后? 難,反適 盟。 狄 天子當陽,則廢置賞罰 公何以聽其自齊復周? 之必不有者。 子又奉叔帶,以狄 居于鄭,恩愛之流 天下有道,則 可近者。 人,立女爲 附 以 敢 既又執辱王,使王以狄伐之。 不 楚驕,必無入滑之啟釁矣。 天王出 私 以 適鄭居氾? 頹 鄭居於氾。 襄王何以許 恩立,必 私 叔 暱 桃子 是非 鄭伯不肯擁戴世子,逃歸 后。 免,必 無 毒 好惡 何 師 狄 豈 頹 此深: 無 也。 以 女 攻 叔帶自周奔齊? 非不 叔 歸 有 有 遂 通 王 叔帶何以得歸 之召寇矣。 周 奉叔 恩愛之流毒重, 正 彰 仇、宿怨之必 於 之胎 近人情者乎? 癉 直 此 叔 侕 而 天 帶 攻王? 禍 無 無 理 及 矣。 頹 僭 偏 鄭文 有 叔 濫 頗 狄 不 \pm 周 桓 狄 不 事 桃

● 「頹」,原誤作「顏」,據乙本改。

禍? 犯,勢 則推 君之大戒,變例以立義也。 修義、能以天下爲一家、豈至 後,則怯者爲勇,深澗之禍 則仇怨之毒輕。擇禍莫若輕,適鄭 亂基於莊 夫恩愛者,人情之所由生,然而 春秋》爲尊者諱,此獨不諱,其諸以明人 移之事遂至於不近人情。 不得已。不然也,深澗在前,猛 居鄭前此矣。 王,●而叔帶之亂 惠王不書,蓋子頹之 襄 輕於猛虎故 王寔成之也。 有播遷之 不得其 先王治 而居 虎 爾 E, 情 在

多矣。

晉侯夷吾卒。

道也。 欲 **管見** 《左氏》戴共太子 梁之墟,豈非有定數乎? 曰:此 妹之占,夷吾卒獲於韓,其子圉更死於 據 屈 「子不語怪、力、亂、 城拒父,心無竅 夷吾爲 人, 豈有 新 ;三背秦施,眼 完 名昌 城之巫、史蘇 神」,恐其 後 皆傅 之 理 亂 無 ? 於 會 高 歸

> 瞳; 不然,帛書狐鳴,黄裳僂句,其爲誤世也 氏説《春秋》短 於晉,豈 得十五年爲君,幸爾。 惧重耳之人,殺七輿大夫,胆 在巫言占辭預定其究竟哉? 處多在此,學者所當深察。 其見辱於秦,無 無氣。 復 左

二十有五年春,王正月,衛侯燬滅邢。 衛滅邢,同姓也,故名。」 左傳》

况 師 之也。外書曰「滅」,惡之也。衛方旱,興 加 有窮其力而得之意。 管見:《公羊》曰:「滅者,亡國之善辭,上 下之同力。」蓋見滅者有効死之義,滅之者 滅 滅邢,又遣禮至兄弟往仕,誘其守殺之 衛者,文之昭。 其 國。 是用力苦爲謀譎,不仁甚矣。 邢者,武之穆。 故内 · 書滅曰「取」,諱 同姓相

0 頹」,原作「顏」。據文意改。

滅、比 三傳皆以書名 經》文止隔「夏四月」一 於滅 他 姓 爲 者 其 滅同 惡 爲 姓之故,惟朱子以 句,便書「衛侯 尤、故 謹 M 日之。 燬

夏四月,癸酉,衛侯燬卒。 卒」,恐是因 而傳寫之誤,其或然也

0

宋蕩伯姬來逆婦。《公羊》:「蕩氏之母也,其稱「婦」 有姑之辭也。」

之。《經》於史書昏娶之事,存而不削。 管見:禮,壻親 迎。 姑迎婦,失禮,書以 造 譏

端之道,著其得失爲後鑒也。

之也。」 宋殺其大夫。《公羊》:「何以不名? 三世内娶 也。」《穀梁》: 「不稱名姓,以其在祖之位,尊

宋三世無大夫,

也。」按: 因史文義爲 大夫不名, 日 管見:"《穀梁》於孔父不名, 此年宋無事,恐不當以曹殺其大 正。 「尊祖」,臆度甚矣。 子曰:「於其 E 「諱 不 知 祖, 汪 闕 氏 殺 謂 如

> 密,楚令尹子玉追秦師 秋,楚人圍 子意在 利、春秋》「人」之,誅心之法也。 力憑陵甚矣。 乃納之于頓,存亡恤 迫於陳。 傳》「楚伐陳、取焦夷、城 管見:前 争 陳,納 書陳、頓相争,事 伯、求爲 楚既城之,而卒去其國。 是乃名公而寔私 ,弗及,遂圍陳,納頓子于頓。」 頓 子于 此 名。 難,宜有美詞。 頓。 頓 韋 不《經》見。 左傳》: 而還」,是 而 納 似義 之, 「秦人 至是 其 然 頓 m ^ 圍 强 楚 楚 左 宵 商

葬衛文公。

《左傳》:「衛人平莒于我、修衛文公之好、且及莒平也。」 齊人侵我西鄙,公追 甯 冬十有二月,癸亥,公會衛子、莒慶盟 二十有 齊 速盟 討 是一盟 于向。《左傳》: 六年春,王正 也。」《公羊》: 齊師至酅,弗及。《左傳》: 「尋洮之盟也。」 月,己未,公會莒子、衛 「其言「弗及」何? 侈 于洮 也。」《穀

夫爲例。

甚矣。 敗。 其計 之何益? 不虞,可也。 之遺邑,已屬於齊。追之至此,涉遠 以逞,衆必潰,非完師之善算 乘 管見:三代用 追。 公」以見貶也。 勝 m 或寇去已遠 欲盡其 公以盟莒、衛之故,取齊之怒,豫 蓋 追之,深入重地, 追,危道 於前 邊城 虜 兵,見於《詩》、《書》未 爲 丽 不不 不 玩 也。 追之,困 戒,致 寇,於後 勝其 或敵 師 憤 人俘略 必覆。 潤 人示 爲 也 而 反鬭, 追 輕敵,故 之, 弱, 酅者, 杞 加 或 去, 履 疲 兵 我 不 嘗 言 備 危 必 知 追 民 師 目

夏,齊人伐我北鄙。

乃還。」
 「魯恐乎?」對曰:「小人恐矣,君子則否。」曰:「室如侯曰:「魯恐乎?」對曰:「小人恐矣,君子則否。」曰:「室如衛人伐齊。《左傳》:「洮之盟故也。公使展喜犒師,齊

管見:齊孝有述伯之志,而無嗣伯之才。

僖

公

72

君子識 盟骯 楚之暴張矣。 頓 帆 之善,何 戮 者之量,以桓公爲法,此二國 譎 侯之心。 孟 恨 如 趨功利之比。 \equiv 雄略,而 見諸侯之不 烈力,共 魯僖 各 會不至,蓋 ,楚之勢横 則不可。 浪 恨宋襄爲曹南、盂之會, 髒,以相尋于干戈哉? 矣。 主,矛盾爲 禮 爲洮、 至諸侯之勢散,中 獎王室,補其 梁丘、魯濟之遇、先宋、魯以 于幽 義, 宋、魯,天下之望也。 魯僖,賢諸侯也。 附,欲以 矣。 其 先代之典章 向之盟 且 剪中國之羽翼,益 以前,宋背北杏之會,魯 小人守直 心,坐觀 如 激 宋 成 即即 威力脇之, 不賢之過,用 襄 魯 謂 伐 怨 宋 道 文 之 國之心 其 即 而 敗 物 乃不能然,篙 愚則可,謂 使孝公有 者 非 西 伐宋, 圍 伐 而 猶 與 以 如 丽 北 夷狄之爪 齊,取穀 存, 車 離 之同 他 齊 其 其 鄙 陳、 ? 賢 收 志 或 故 桓 者 蓋 納 伯 其 亦 諸 之 心 急 殊

牙,是 展喜一 其 言 棄 退 命 師 党量非 廢 職,真 深 中其 桓公之不肖子 病,故能服 也。 其

心歟?

乞師。 公子遂如 臧孫見子玉而道之伐齊、宋,以其不臣也。」 楚乞師。 《左傳》:「東門襄仲、臧文仲如 楚

諸 爲人不與而願乎己,於物,爲己不足而 管見:《春秋》書「求」、「告」、「乞」,於事 求車」、「求金」,雖以 人。 然「求」者,上求於下,如「求 貪求而 意 無 所 膊 屈

告而義無所抑。 乞盟」、「乞師」,國 至於「乞」則卑乞於尊,如 君 而乞同盟 鄭伯。 中

告」者,此告於彼,如「告糴于齊」,雖以

助

士魴來乞師。其爲卑辱甚矣。 國而乞夷狄,公子遂。 伯主而乞諸侯,晉郤錡 故以 物求、告

秋》書法之權 衡 也

者,惡之也。

以事

乞者,賤之也。此《春

秋,楚人滅變,以變子歸。 《左傳》: 「夔子不祀祝融

> 子歸。」 與鬻熊、楚人 讓 之。 秋,楚成得臣、 闖宜 申 帥 師 滅 以

二四四

見。 以 管見: 楚讓 詔侯 鬼神弗赦、竄變、失楚爲對、激楚之怒,自 使變子能以禮不得祀答之,未必楚不回心 事理求之,不必立許多義。 夫楚滅同姓,以不祀先祖 喪邦」,夔之謂矣。 速滅亡。不達於禮 ൬ 仁之中又 爲君,忽焉以歸,杞侯大去之類也 悔 是故《春秋》書法、善惡褒貶當以 苟 王皆立商廟,其後有坐 禍 以 也 衛 失禮 乃不 夔子之不祀,執言爲不正矣。 侯燬爲例,●曲 焉。 知 以歸 加 人 出此,反 慢於辭,所謂「一言 而不名,見國 以 爲 爲之説, 滅 辭,此 耐 以 國,其 金 熊 失侯,不 摯有疾 如漢 兩造 惡 則 Á 時 猶

冬,楚人伐宋,圍緍。《左傳》: 「宋以其善於晉侯也

燬 原誤作「燉」,據乙本改。 使當守穀之時,齊人潛師來襲,魯國豈得

叛楚即晉。楚令尹子玉、司馬子西帥師伐宋,圍緍。」

國、未能與楚抗、故宋猶朝楚。 事晉屬世子王臣。 管見:晉文自曹適宋,襄公待之厚,且以 王臣之立,晉文始復 至是,叛楚

公以楚師伐齊,取穀。《左傳》:「真桓公子雍於穀。

即晉,楚始怒,伐之。

公至自伐齊。《公羊》:「患之起必自始也。」《穀梁》:

易牙奉之,以爲魯援。楚申公、叔侯戍之。」

惡事不「致」,此「致」何? 危之也。」

變詐之國,聽公左右,興師以伐齊。 管見:僖公此行,其爲危道者三。 楚反覆 以我

此齊緍 **倐來之將**,馭彼忽往之兵,禍端生於扞格, E 所以困於淖齒也。 寘桓公子雍

喜之言 所以教武庚叛殷也。 於穀,易牙奉之以爲魯援。 人,撫新得之地,變故起於覬覦,此管、蔡 而還,公乃以楚伐之,其曲 齊人伐我北鄙,以展 以彼故國之 在我。

> 意之例,不可從。 致會、致伐,存其事爾。《公羊》得意 之道,是以「至」之。 矣。至於引夷狄以戕中國 無事? 此孔嘉父乘虚人鄭之計也。然則 公之乞師於楚,取地於齊,其爲 此則義繫於致。 一,尤 是 謀亦 覆 師 不得 至於 不審 危 或

二十有七年春,杞子來朝。 夏六月,庚寅,齊侯昭卒。杜氏曰:「弟潘殺其子而 用夷禮、故曰「子」。」 《左傳》: 「杞桓公來朝

秋八月,乙未,葬齊孝公。 自立,是爲昭公。」

管見:齊之伯業,衰於孝公。當初,管反

階,豈非小人之才易愛乎? 以爲賢,不沮廢立之議而贊成之,以長亂 凡人無大才,

弟,父兄鮮不愛之,旁人亦冀其 無大惡。 有小智,必有小慧。 有成也。 此等子

必

不然,桓公之明,管仲之智,何至若是其瞶

姜之子而立長子驩,晉伯不墜。 未必有濟,不若以長。 瞶 又安知長之無才也。晉文公不立秦嬴 治國之道,常之爲貴。 大惡,亦無大才,伯業 緍,侵魯北鄙,諸侯以 盟於齊、是他之小智慧處。 耶 ? 觀 孝公於宋 襄 所以衰也。 是離心。此不 長足以 立子以才, 盟 曹 及後伐宋, 南 弭亂息争, 然則齊伯 即 加 故 會 其 能 齊 五 才 家 爲 韋 或

管見:魯人最喜虐小。伐邾,伐杞,屢見禮也。」 也。」

不振,仲安得辭其責哉?

衛,若伐曹、衛,楚必救之,則齊、宋免矣。」」 傳》:「楚及諸侯圍宋,宋公孫固如晉告急。 十有二月,甲戌,公會諸侯盟于宋。 救患,取威定伯 冬,楚人、陳侯、蔡侯、鄭伯、許 於《經》,非但不仁,亦不武也。 於是乎在。」狐 偃 日 「楚始 男圍 先軫曰: 得 曹而 陳氏曰: 宋。 新 「報施 昏 [《]左 於

前圍宋之諸侯,承上文不列序也。」

厚、春秋》之微婉意固 也。 管見:子曰:「魯一變,至道。」故其筆削 畏而不敢爲。 爲之諱,非 而爲 微其辭,以守天下之望,而 事,於君臣大義,華夷大防,或變於道,特 存其實,「人」楚見其凡。 之弑,薄、宋之會,其爲望國之玷不小。 以爲甘心,是皆中國而 之志,非賢智之君所當爲。 有。有之,則不逞者以爲口實,是率天 於弒君,宋督、齊知之事,非儒書之國所當 公之後,天下以爲禮義之所由出。 諸侯」,若曰魯未嘗有此惡也,姑以 禽獸矣。 何以言之? 禮義 所以爲 惡莫大於即 觀於弑 後 世 君書 如此。 一觀法 爲蠻貊矣。隱、閔 由賢者出。 先儒謂聖人之忠 爲之則無耻 夷,蔡哀、 存萬世之閑者 「薨」,會楚 之地,使有 要之,爲賢 罪莫重 魯, 不 鄭 地 不 下 書 所 者 周 厲

晉侯將伐曹,假道于衛,衛人弗許,還自 十有八年春,晉侯侵曹,晉侯伐衛。《左傳》: 南河 濟侵曹、伐

衛。」《穀梁》:「再稱「晉侯」、忌之也。」 辭。此 不至。 曹、衛、匿其不禮之怨、特以背夷 然齊之滅二國,直以不至爲罪,而 管見:齊桓滅譚,以其無禮。 桓 晉文侵 不譎而文所以爲譎也。或曰 曹,伐衛 ,亦以其不禮 滅遂,以其 即 晉致 華爲 武

先儒已論之矣。 則陳、蔡、鄭、許舉兵同會,擣虛攻瑕之計, 曰:攻其 伐衛致楚,以釋宋之圍,豈非 所必救,兵法然也。 今捨四國而虐二 用兵善算? 苟欲致楚, 國,特以

公心事可見。 遂其報怨之私。 《經》文於其侵伐之始兩言 後來曹、衛皆被執辱,文

公子買戍衛,不卒戍,刺之。《左傳》:「公子買戍

僖

公

晉侯」,疾之之辭也

可 也。」 衛,公惧晉,殺子叢以説焉。」《穀梁》:「以卒而不卒,刺之

管見:甚矣僖公之懦而草芥視其臣 是時,晉、楚並强,躊躇於從違之間。 也

楚人救衛。吴氏曰:「蓋楚人分宋之圍,以救衛也。」 以説。 衛」,見其刺之不當,冤買而甚公也 此持 以不卒戍之罪。 戍衛,公實爲楚使之。又畏晉之威,殺買 失君道矣。内辭以「刺」爲文,而不没其 棄楚則 無術,姑息圖安,乞師,取穀,簡於作始。 復聽命於人,自行剪伐者乎? 之具爾。 「公子」。詳上下文,「晉侯伐衛」,「楚人救 兩端之計 慮其 然猶未敢公然背楚而從晉,乃 君視臣 執言,抗晉則恐其移怒,故爲 而歸罪一臣。僖公於是 非其情也,特借買 如手足,豈有使之運 蓋其持 爲 買之 掉 媚 坐 乎 國 鄰 買 而

管見:《春秋》書「救」,未有不善。 然救在

二七七

見。 晉伐 於此而不係於彼,不必救皆善也。 夷狄 此又屬 衛, 則 楚救 病 在 辭 中國。 衛 比 事,使後 書 是故 救者 宋 人去考義理,係 ,則伐者之罪 伐齊,狄救 齊。 自

趙 勸,是主於內者有能臣。 用 之譎處。 蔿 賈 幼 且 策 其 治兵於萬,終 寄于子玉。 以决於必勝? 曹、畀宋,則其怒楚必矣。 管見:曹者,楚之好。 其民。 衰以説禮樂、敦《詩》《書》之郤穀舉,是 子犯 然楚勢方强,敢致 伐陳,城頓, 日 必 以示義、示禮、示信三事 楚自于泓敗宋之後,兵 而 敗矣。 畢,鞭 宋者, 楚之仇 晉侯入國二年,欲 志驕 作三軍 七人,貫三人耳。 怒以致之,此 而與之争, 氣盈。 ,謀元帥 觀 爲 其 權 晉 何 執

> 忿而 譎 决於必争,而爲 墜。晉之君臣,揣己揣彼,固已瞭然,是 兵,勢不得不救。 靖於外 雖楚席常勝之威,長 而 執曹伯、舉動 不正。 者有 能 將。 此怒楚之計 兵 不中於禮,子嘗言「文公 分則 蓋 驅 儼 車 然 力散 宋。 也。 有 將 制楚 然曹、 若夫 驕 之形。 因 則 衛 私 以 氣 交

晉師曰: 申 戰于城濮,楚師敗績。 夏四月,己巳,晉侯、齊師、宋師、秦師及楚人 春以怒楚,既戰而後圖之。」公説。」 叔去穀,使子玉去宋,日 「請復衛而封曹, 臣亦釋宋之圍。」先軫日 「無從晉師。」子 《左傳》:「楚子入居于 玉 使 宛 春 執 中,使 告於

喜乎是戰也。 臣 是役,齊、宋、秦稱「師」,則 管見: 此晉侯主諸侯之文也。 自是戰始。 不 得先君,晉侯 然召 桓公既没,中國 陵伐楚,從諸 稱 爵 而三 其 或 軍 無伯。 稱 侯 晉 不 序 統 師 在 爵, 行 夏 其 宋 也。 盟 襄 志 而

楚殺其

大夫得

臣。

《左傳》:

「子玉既敗,王使大夫謂

之文美之。

服 子玉 以 既 子于申 其背華即 聲楚僭王之罪,先移兵於許、鄭、陳、蔡,討 意之教,胡氏已論之矣。 文寔予之也。 雖三國之君不在會,而晉侯主乎是戰 若非文公大叚 之役,至於五國同會,侈然有制六國之形。 於欲洩,挽乾坤於將改,有功於天下不小。 左袵 ,不有戰,戰必勝 攜 執 之 于 而戰之也。 陵,莫敢 也,不必 盂,取 而 ,豈復爲 夷,以 伐之,不 誰 敗 然則 才高,一 東周 何。 拘宛 分其黨,然後率諸 于泓 如 一必逞 此 何以 矣。 乎? 魯侯乞師 春 ,中國之氣挫矣。 則 戦 忿 以 辭 書 聖人 爲 怒之 於齊、衛 而 是 直理壯,楚人懾 及! 晉侯者,若能 役 勝 (必以「伐楚」 ,取穀,圍宋 也,不 則 也 ,静 侯從 中國 而 曰: 必 許 河 其 楚 致 楚 海 復 誅 必

聞之而後喜可知也,曰:「莫予毒也已。」」

之曰:「大夫若人,其若申、息之老何?」及連穀

而

死。

晉侯

臣? 致 《春秋》以累 用 情則可原,才則猶可 則城濮之敗,有 管見: 而 固 師之令,•墜晉人誇敵之謀,以 大夫,而舉爲令尹,是他 猶 可殺。 之不以 敗 之由, 楚子實 少與之師,是分 他之才,不在晉先、郤下。 行 然楚子於伯 師之法,兵敗 其道,驅 上爲文, 議 法 之伐 分 明 用也。 而不 乎? 其 棼 以 、將誅。 陳, 請 必有可用 過,豈 去其 將 曰: 戰,不 圍 與 得臣違楚子退 敵 宋, 「大夫」。 驕 法 楚 可 子文,賢 也 取敗,罪 殺 即 則 專 以 處。 止之, 可 得 咎 養 原 誅 臣 然 其 得 其 惟

0

違」, 原誤作「圍」,據乙本改。

驕。

致

此

敗

蚵,

Œ

君臣

交相

警省之時

謂

宜收

其

兵

權,全其性命,使之思

過

以

補

前

知矣。 愆。 威 侯聞之而喜,曰「莫予毒」,則楚之失刑 以過之。 助,則愛惜人才之美,雖秦穆不 ,故隨事立義,以示人君失臣之戒 沮其好戰健鬭之心,留爲禦侮折 聖人意在膺狄,豈欲留 奈何自剪爪牙,以快敵國。 禍本以毒 · 替孟 也 明, 衝之 觀 中 晉 何 可

衛侯们以不名?,著文公之罪也。」衛侯出奔楚。胡傳:「諸侯失國,出奔,未有不名者。

豚何誅 得 楚,是縱 華 ൬ 盟,於情 衛燬不禮 管見:衛侯不名,出奔 一無伯 得 罪於權 罪於公族也。 ? 依 可原。 公 臣也 而 故突之出 豚 强 侈之於鄭,鄭之從楚,特 耐 或 與奸 晉侯意在絶之,故惧而 以 朔之出 鄭之視此 圖存。 奔,討 盗 非其罪 奔,誅 也。 觀其請 其 主人不 猶 人國 也 其争國 爲 不正 歛 薄 重 德, 乎云 盂 以 耳 於 奔 之 中 怒 而

耳。

此蓋《春秋》書法之權衡也歟?

當時耳目未必不喜談 策命,不待明堂之筵几,而在王所之宫庭 至。 侯,則天子之尊下同 事,未有不起於微。 作俑,自首止之會王世子始也。 威,特往會焉。 之功業,未必不以踐土致王爲有光於首止 來未有之奇事 管見:踐 文公一戰勝楚,奔走天下,能使侯伯 土之會,天王 也。 王綱之衰替甚矣! 天子之貳 名 列 丽 日 一勞諸 國,乃其 艶 勞之, 寔 慕 侯,此 也。 而 勢之所 可 天下之 畏 崇五伯 往 封 晉之 推 會 建 必 諸 其 以

見之。 置。 然亦不没其實,故下文書「公朝于王所」以 若曰:天王不在,諸侯特相盟焉。 之致 使奸雄以爲不足羨 之卑,没晉侯之逼,所以扶倫常,存名分, 臣之義乎? 世子也。 《春秋》不作,萬世之下,豈復知 於夫人之所榮也 綱疇 爲之紊亂,冠 圃 不爲,立教 ,削而不書。 履 旨 諱周王 甚 深 一於倒 有 矣。 君

陳侯如會。《公羊》:「言『如』何?後會也。」

不與致天子也。」《穀梁》:「非其所也。」

公朝于王所。《公羊》:「天子在是

也。

曷不言在

是?

元

呾奔晉。」

乎? 管見:夷王下堂,已爲陵替之漸,尚未 之虚文,掩致王之大過,豈巡狩述 特以天王在是,而列於會者朝之。 土之宫,則其供 如此之甚。 是必先朝而後盟。 夫朝不於方岳之常所 給不足,儀禮 《經》之所書 不 備 可 飭 職之意 而 知 覲 朝 於踐 矣。 禮 在 至

亦不可掩焉。文理密察,大類如此。惡之旨微矣。然而蒙「五月癸丑」之下,寔若天王時巡而公朝之,非以會事遂者,諱

盟事之後,而

以

陳

侯

如會」之文間

之,使

衛元咺出奔晉。《左傳》:「或訴元咺於衛侯曰:「立叔國也。」

六月,晉人復衞侯,叔武聞君至,喜,走出,前驅射而殺之。武矣。]其子角從公,公使殺之。 咺不廢命,奉夷叔以入守。衛元咺出奔晉。《左傳》:「或訴元咺於衞侯曰:『立叔

歸,蓋有 社稷有守,强 攝,此二子遭國家之變,犯嫌疑之地,卒之 叔 管見:宋襄執 不免,則 賴 所 於 忠 遇之君,仁不仁之别也。 國悔心。襄公得釋,成公得 m 愛之助。 目 夷守,衛成奔 然目夷得免,夷 而 夷 叔 襄

●「倒」上,原衍「順」字,據乙本刪。

公謂 愛,故毅然以國自任。觀其復公之辭 衛,無一毫争國之心。 也。」是分明以 君雖不言,國 目 夷 日 0 國授之。 固臣之國」,真人家兄弟 一子 歸 守 目夷亦諒其君之友 及釋乎執,走 國。 或, 子之 圃 處 威 之

弟者至誠,目夷未必敢爲此言,而復國之人?」更人倫相得之至樂。若非襄公待兄公以歸,又曰:「國爲君守也,君曷不國已有君矣」,尤人臣應變之至奇。及逆國已有君矣」,尤人臣應變之至奇。及逆

變之至

難。

應

楚

人之言「賴社稷神

靈,吾

立,則衛侯不得反矣。於是已立乎其位,其君臣不合,以及此憂。叔武不立而他人幸也。衛侯欲與楚,國人不欲而出之,乃後,難免於讒口矣。此襄公之仁而目夷之

殺其子,又疑叔武之必争而先期人,是以犯衆疑而不恤。衛侯既疑元咺之援立而多方於晉以反衛侯,蓋充其愛兄之心,故立 具衛係不得反矣。於是已至马其代

業,誠 嗚呼 衛侯出不名而歸名之、《春秋》豈無意 侯與叔武之事,未嘗不 公與目夷之事,喜人倫天理之常明。 小人之心度君子之腹,宜歂 而 殺之。 無 足觀,而 骨肉天性,莫如兄弟之親。 此衛侯之不仁 失 國 歸 而 嘆 國,不名 、恨也。 叔武之不 犬得以探 於《經》。 襄 幸 乎? 觀 公事 觀 其志 也 衛 襄

陳侯欵卒。

公子遂如齊。薛氏曰:「始平於齊也。」秋,杞伯姬來。吴氏曰:「來求平齊也。」

公内聽强臣之申縮,外視强 忿於齊。 管見:此公子遂 此年 如齊平 也 ,前 _, 齊 年如 以 求媚 國 楚乞, 爲從違。 於晉。 楚以 僖 逞

冬,公會晉侯、齊侯、宋公、蔡侯、鄭伯、陳子、

桓之專,魯國之弱,自貽

伊

戚

云

爾

^{●「}齊」,乙本無此字。

莒子、邾子、秦人于温。 左傳》: 「會温、討 不 服也。」

而

穀梁》。「諱會天王也。」

天王狩于河陽。壬申,公朝于王所。《左傳》: 晉侯召王,以諸侯見,且使王狩。 仲尼 曰:「以臣召 君,不

可以訓。」《穀梁》:「以其再致天子,故謹而日之。」

志,以 功,前王之曠 其尊,絳、曲沃 辭,召王于會,以誇示從諸侯爾。若曰 凛乎咫尺不違,何嫌之有? 不過托此爲 萬騎,進 管見 土,再盟 止,未足 周、鄭交質,未足以 河陽,往教之禮也。 而 意 願足矣。 此 「聞禮來學,不聞往教。」天子狩于 前 以 薄郊畿,而範吾紀律,徒御 會温之諸侯,朝于京師,則雖 立聲 天子 事。 然情則倨 미 勢,吾 以 狩于河 十九年備嘗險阻 圖王會,●真雄伯 夫使晉侯真 駭 耳目,會世子于首 而禮則恭 陽。 盟,天子勞 萬 乘 有尊王之 事 不 至 不驚 則 之奇 千乘 敢 于 此 踐 伸

文朝于王

所,其

勤

如

此,視

與有虞五載

隱周王之卑。至此以謀討衛、許之故,會 曾無 脇之也。 文則 疑 難。 順,故王能 《春秋》於前之勞,没而不書,以 凡以文公之譎,可 不許請 隧 而勞之、狩之, 以欺天子而

掩。 諸侯而復致王於會,則其不恭之罪有不 書曰「狩于河 陽」,以存 王體,而 事 寔 容

特筆也。 不没,則伯者之過,無所逃於刑書,聖人之 唐啖助反以晉文此舉爲至忠,謂

冬受朝于 之何哉? 河 又曰:襄王以夏受朝于踐 陽, 載 兩 出 禮 亦瀆矣。 ±, 晉

易王 朝于方岳,合何禮 巡狩,群后四朝 章之罪著矣。 , 乎? 成 周 十二年時巡,諸 直書于《經》,而慢 侯

晉人執衛侯,歸之京師。《左傳》: 衛侯與元 恒訟

絳」, 原誤作「降」,據乙本改。

來。

若

文

「人」何? 貶也。文公逐衛侯而立叔武,使人兄弟相疑。放衛侯不勝,執歸于京,真諸深室。」《公羊》:「此晉侯也,其稱

衛元咺自晉復歸于衛。《左傳》:「元咺于殺母弟者,文公爲之也。」

瑕。」《公羊》:「「自」者何?

有力焉者也。」

歸衛,

,立公子

言! 獄。 故 自 君 楚,立功業 弟,衛侯爲 夫立弟 九 君,亦豈 管見:衛侯殺叔 咺 ()自夫 五. 晉歸衛」、《公羊》謂:「『自』者何? 臣 爲 將將 君 不軌 之權,故左 臣 惜其 而 報 倫 純 皆獄 逐兄, 理 昧 得 不禮之怨所致 臣? 威 世道 心。 作 烈烈 福 ,父子將 紛 武 至此, 晉 右 下移,雖 襄王之言 出訟 紛 轟 侯 申縮,晉侯 固爲不直。 泯 轟, 爲 可 獄 泯。 基禍。 君 而 也。 爲 有中正之德 0 品 於邑。 歸歸 《經》 日 可 文公一 處 謂 得行其 . 立一君,元 疑 衛之兄 元咺 「君 書「元 一大 臣 推原 哉 戰 圃 臣 訟 圃 私 有 弟 勝 其 殺 無 無 其 王 陌

公者,可謂功之首、罪之魁矣。力焉。」此有力,自勝楚之力做得

諸侯遂圍許。

乎? 乎? 使古 美人 以歸 《易》,素患 死 貨筮以爲 不 管見: 何嘗使其臣 必 盡 之道。 、駟馬 然之理 而 曰: 君父之難,臣子有可救 其 子疾病,子路請禱。 無 曹伯之歸 心,非 派死,猶 己解。 難 得 然則文王羑里之囚 以 免,其於性命之理,有 而 而 貨 君 可 行 不 既欺其心,又欺鬼神。 先 紂 以 父 可求之如 哉 使紂 求生之故爲昧 所 儒 ? 當 謂 不釋,致 若曹伯 使 侯 請猶不可 此 獳 也 其 貨 散宜 解,宜 哑, 者, 筮 命 羑 心之 遂志, 里 使豎 况 可 生 非 則使 事 生 演 無 議 夫 以 所 理爲之顛倒。

夷狄進而吴、越、楚之王,秦

道。●《春秋》名曹襄,其爲苟免之戒深矣。之爲妄可知。苟知此義,斯得行乎患難之

可以下言明? 下程平明也。一十有九年春,介葛盧來。《公羊》:「夷狄之君也。

何以不言朝? 不能乎朝也。」

服也。」 公至自圍許。張氏曰:「其致以圍許,久役而不能

見公之致,在從晉令而已矣。中事,如其意也。故以朝王行,以圍許致,中事,如其意也。故以朝王行,以圍許致,

秦人盟于翟泉。《左傳》:「尋踐土之盟,且謀伐鄭也。 摩見:《春秋》最惡禍始。 于幽,爲伯主統 聲見:《春秋》最惡禍始。 于幽,爲伯主統 泉,爲大夫專國命之始。 于幽,爲伯主統 泉,爲大夫專國命之始。 于幽,爲伯主統 泉,爲大夫專國命之始。 于幽,爲伯主統

> 泉以 醖 蠻於衣裳之會,而 爲諸侯之宗,而小白遂行天子之事。 簡,將畢也巨。」故先王制治保邦,未嘗 之帝,禮樂爲 示 不及此。 大夫於王子之班,而大夫遂操盟會之權 善,故以魯之望國,受命如響。 同尊周爲義,于齊以修桓公之好爲義, 諸侯巧詐萬端,皆有術中之隱禍。 謹於微。 曰:「君子以作事謀始。」《莊子》曰: 晉六卿、齊田 貶,謹微之意也。 釀禍端,出于所期之外。 盟王子、獎王室爲義。始謀未嘗 微之不謹,其流將 聖人原始禍,故三會皆没「公」以 氏 之絶滅。 篡弑 荆蠻遂争中國之伯。 接 迹於列國矣。 大夫 莊闇,僖懦,慮 不可遏。 强 丽 然推 于幽 「作始 三三家、 《易》 小 春 厠 陟 荆 白 不 翟 以 秋 不

●「道」,原脱,據乙本補。

秋,大雨雹。《左傳》:「爲災也。」

時行。 茂,陰陽交感之和,觀于雷風恒之象,天地 也。 乎? 則周 《正蒙》曰:「凡陰陽凝聚,陽在内者不得 遯,六月之卦, 聲。一陽在上爲剥,九月之卦。 出,則奮擊而爲雷霆。 管見:《易》一陽在下爲復,十一 雹」,皆不和爲戾,人事之感所致。 之情見矣。《春秋》之「大雨雷」、「大雨 順行至壯,二月之卦,則四陽在上,雷乃發 旋而 若夫雷行而草木甲柝,風來 曰:此言迅 是陰 爲風 陽相值 雷。」然則風 則四陽 雷疾 圃 在 爲 風,陰陽 陽在外者不得人, 下,温風 風 雷,天地之偏 雷。 乖 而品 至,大 月之卦。 逆行 詳 書 于 胡 戾之應 氏 物 氣 引 至 暢 雨

夏,狄侵齊。《左傳》:「晉侵鄭,狄聞晉之有鄭三十年春,王正月。

虞

币

夏,狄侵齊。」

倪。 難險 歟? 也。 以制荆廣之鋭也。文公、狐、趙十九年 脱桎之談已見其略。作内政,寄軍令,謀 公、管仲二十年衣裳兵車之所 不能攘之,則中國諸侯改轅而南向 自熊通再僭,侈然有主諸夏之形。齊、 之齊、晉反弱 伸威於狄,豈狄强 管見:齊桓、晉文皆能伸威於楚, 及召 作三軍,謀元帥,求 阻之所計算,三舍辟師之對 日: 陵盟屈完,城濮 勢之强弱,視乎心之盛衰。 於召 於楚 ī 陵、城 而 以 濮以前之齊、 敗子玉,則心滿 召 抗 陵、城 申、 圖 回,堂 已露 息之老 濮 而不能 以 其 阜 晉 艱 楚 桓 後

●「值」,乙本作「隨」。

冬,介葛盧來。《左傳》:

「以未見公,故復來朝。」

管見:介兩書「來」,爲下文侵蕭起見。

《經》,謹天變也。

428

之無怠 意 蓋 聽 彼之所 心得,以 其 此 侵 心 無荒 之勤 掠 利 爲 圃 者 無 忽,視夫所 不之問 玉 復事 王者之柔能 帛 車 視 馬, 其 争之淺深,非帝 無 狄 傑 安勸,以惠中 人 争 雖 傲 中 强於北 丽 或 之 不之謀。 心 國 故 者 料

此 者,心之僕。 而 , 界彼疆; 行伯者之心 撫 四 夷 也 行帝王之心 故 日 心者,勢之主。 則 則來賓率俾, 此 塞 彼 湧,乃 必 無 勢

:

然之理,於勢乎何與?

使醫衍 玉於王與晉侯。 秋,衛殺其大夫元咺及公子瑕。《左傳》: 酖 衛侯。 王許之,乃釋衛侯。」 甯俞貨醫,使薄其耽,不死。 公爲之請,納 一晉 侯

决。 不明 機 荒之量 管見 弱 此義,其能相保,幾希。 得失者,所適吉凶之馬。 廢立者,國家之大事。 人 ,恩仇之所由 臣 圃 無先見之明,死 生。 去 就者,賢 人家兄弟 人君 衛侯之殺 生之 而 所 哲 無 由 之 咺 包 而

> 之起 文。 據位 憎爲 去就 移 之殺,周歂、冶厪 於殺 利 呾 及 子」短瑕 禍 其 瑕 也知訟君、立君之爲不義, 瑕也知乘危 咺納瑕於死, 瑕不當爲君 5,●恩 也。 立君 之爲 于晉, ,非不幸也。 得 亟,色於市 失 而書「及」,累瑕之非 而 聖人立文,其爲儆世之意 亂 仇 不仁,豈非全身遠害之智? 則二人可以 專國、幸其 役其 其 方寸也。 而怒於室,是其量之不弘 寔從 心 是秋,衛侯 也。 免矣。 其意,故 立己而奪兄。 夫 咺、瑕之及 使 據 未入而 ,《經》以「公 顧 衛 前 以累上 徒 侯 罪 以 知 党贵不 於死 呵、瑕 其 至 咺之 誅 禍 爲 乃 所

咺 衛 也。」 侯鄭

歸

于衛。《公羊》:「言「歸」何?

歸惡乎元

弘哉

0 殺」, 原誤作「察」,據乙本改。

管見:宋襄 敢 用鄫子,晉 文不 敢殺衛侯 已精。

免,天 酖 謂晉侯曰 不書「自京 是其心猶有畏於名義也。 衍,是欲嫁怨于司寇也。 王又 「君臣無獄」,可謂辭嚴義正 爲 師 歸 庇之,晉侯不 ? 病廢置之無名也。 得成 歸 衛 于 侯賴 於殺,何 京 師 酖 使醫 薄 而 Ŧ 以 而

此 侯不兄之惡而 於王,苟 賊殺其親則正之。 以 伸叔 能聲元咺 武之冤乎 廢之,擇衛之賢宗子 無 ? 有先王之典 君之罪 晉侯既以 而 誅之,正 在 其獄 一,不可 ൬ 質之 立 衛 執

之,又 聽 ? 無名,歸之又無辭。 聽 奈 其 何 先 \pm 殺 與 呵、瑕 晉 侯 使專擅之舊惡,復 同 而 後人? 受 十穀 之期 是執 之既 圃 肆 釋

之,周德雖衰,公議

猶

在

奸奸

雄豊

不聳

一然退

安得

不

益

弛

乎?

若晉

侯

則

無

意

於

歸

之,

丽

無忌。

是衛

侯

自

歸

於

京

師

何

預。

乾

綱

秦之爲

戎,挾術

以

馭。

惠公狡而

庸,故

明

故

亦

不

言「自晉」。

生名之法,胡氏

論之

晉人、秦人圍鄭。《左傳》: 「秦、晉圍 鄭, 以其無禮

晉,且貳於楚也。」

喪。 戎,未 役。 役。 威。 晉人之不直也。 諸侯之地, 人之不直也。 彭衙、令狐、 納惠公,尋有韓原之戰,其釁 管見"秦爲晉役久矣,皆始恩 秦伯説 晉饑,秦輸之粟。 晉人亦欲用秦之力以 通中 智力相 故結 國。 燭之武之言, 河曲 助,利害視爲合離。 夫以權詐相交,恩仇生于 穆公操 晉 之戰, 繼納文公,未幾 婚 以 秦饑,晉閉之糴,是 取 用晉之心, 其 重,平 與鄭 伐 . 釁則 叛討 則 而終仇。 人盟,是 晉 自 自 有于 貳, 車 汎 以 秦伯 亂 舟之 鄭 爲 又 以 欺 得 秦 之 V. 求 西 初

0 恩」,原誤作「思」,據乙本改。

背 役之貶,可於「人」兩國見之。 戟森于外,此伯者交情之大概也。 明,秦遂不肯爲晉用矣。 是厚鄰之説有間可入,而晉侯之情見詐 韋 師 [鄭,洩己不平之怒,役人爲越國之行,於 ,翟泉之會,用秦 秦 施 以 取怒。 文公譎 而秦不之覺。 利害叢于中, 丽 巧, 故 若夫是 及驅 城 濮 之 矛 之

介人侵蕭。

聘,饗有昌歌、白黑、形鹽。」 《左傳》:「王使周公閱來

志,則謂下聘爲王禁不可也。意者桓、文人》,王者待諸侯有時聘以結好,間問以諭十年,爲桓公明禁之效。然考《周禮・行至是復見于《經》,先儒謂王臣不下聘者六至是復見于《經》,先儒謂王臣不下聘者六

親親之恩洽,故宰閱聘魯之後,天王復得不敢行於列國。文公以同姓而尊諸侯,則侯,則貴貴之禮尊,故宰孔聘齊之外,天王之伯,體統規模自别。桓公以異姓而尊諸

于周,遂初聘于晉。」《公羊》:「此其言「遂」何? 公不得爲公子遂如京師,遂如晉。《左傳》:「東門襄仲將聘

展於諸姬。

此其所以

異

也

政爾。」

三十有一年春,取濟西田。《左傳》:「分曹地 以南東傅于濟、盡曹地也。」《公羊》:「晉侯執曹伯 聘、適當其時,不可恝於報聘之禮,故使遂 聘以大夫,則權 朝 先如京師,其寔如京師爲遂事也。《經》以 于晉也。 管見:此以二事出,報 遂如晉」爲文,以示尊王之義。 而使遂往,夷天 公意在使遂 臣 執國之漸亦見矣。 E 於 ?列國 如 周公之聘, 晉,特以 爲不恭, 然公不親 王 因 近, 臣 以 自洮 加 所 朝 下 朝 取

侵地于諸侯也。」

子,苟 之,故曰「取」。 晉在取田之前後,是必晉人所予而魯取 取同,則取之非義可知。 之字,則當書「歸」。 大抵取者,取非其有之謂。 曹地、《公羊》以爲魯故地、皆不足深辨。 **管見:**取田之説,先儒不同。《左氏》以爲 有加 地之賞, 則當書 今書「取」,與郜、防之 詳《經》文在 諸侯受國於天 「錫」。 復 兩 先 人 如

公子遂如晉。《左傳》:「拜曹田也。」

夏四月,四卜郊,不從,乃免牲。《公羊》:「三卜,

\ ? 牛。」《穀梁》: 魯郊,非 四 卜, 非 「不時 禮 禮也。 也。 也。 免牲, 禮也。 求吉之道三。 免牲者,爲之緇衣熏裳。 免牛,非禮 禘、當不卜,郊何以 也。 有司 傷者曰 玄端

之四月,夏之二月,先儒以爲祈穀之郊,亦**管見**:魯郊,常事也,特卜日與牲爾。周

奉送至於南郊,免牛亦然。」

之? 泰山、河、海。」《穀梁》:「「猶」者,可以已之辭也。」猶三望。《公羊》:「「三望」者何? 望祭也。然則曷祭

書之。

矣。

失

禮之中,又失禮

焉。

是

以

謹

面

或有據。

求吉之道三卜,至於四,瀆

神

甚

内山 傳不合。 病之之辭。 既不郊而免牲,則望可以已。可已不已, 其以「猶三望」爲文,蒙「乃免牲」下,譏在 之望祭,行之已久。 鄭氏謂海、岱、淮。 管見:三望之祭,《公羊》謂泰山、河、海。 اال 李氏主其説,然深究「猶」之爲 典籍散亡,不可考辨。 胡氏以僭禮未盡除爲 杜預稱分野之星及境 越望非禮,有不勝書。 要之,魯 譏 ,與三

管見:春秋之時,小國借援於大國,必假秋七月。冬,杞伯姬來求婦。《穀梁》:「非正也。」

義,則三傳較精

S.

後哀姜孫,叔姬 姜,杞之伯 昏媾爲重,而淫弒之禍皆自昏媾中來。 不以賢 m 以 姬,皆求宗國之女以爲 勢,其勢足 出,非但不能爲好,而且 基 禍 也。 香。 魯之文 其 爲 蓋

杞伯姬來求婦,書以譏之。「來」者,不當仇。魯弱,杞卑,亦未聞姬、姜之爲助。故

之罪

也。

狄圍衛十有二月,衛遷于帝丘。

來之辭

概見。 莫之省悟。 丘 管見: 狄爲衛 公爲之封之,而衛國忘亡。此 一,若不聞焉。 桓、文優劣,此一事 患久矣。二年,城楚丘, 蓋怒衛德,狄 聽 年 其 亦 遷于帝 憑 口 以 而 桓

「夏,狄有亂,衛人侵狄,狄請平焉。」捷卒。衛人侵狄。秋,衛人及狄盟。《左傳》:三十有二年春,王正月。夏四月,己丑,鄭伯

管見:衛侵狄,狄平而與之盟,是伯主無

終囿畏强之耻。再書「衛人」,所以重晉侯衛成內無伯援,外有戎驕,雖興棄亂之師,也。文公怠於衛事,特不勝其私忿之心。預於攘抑之功,而諸夏與夷狄專要盟之禮

必大捷焉。」」
《子·殯于曲沃。柩有聲如牛,卜曰:「將有西師過我,擊之公卒,殯于曲沃。柩有聲如牛,卜曰:「將有西師過我,擊之冬十有二月,己卯,晉侯重耳卒。《左傳》:「晉文

爾。 公操心積慮,不但非桓公匹,亦 之道? 曰:曾子不以人廢言, 以爲實」,見取於《大學》,豈非 文公答秦人之辭曰「亡人無以爲寶,仁 **管見:**桓、文非匹,李氏論之詳矣。 而 所不肯爲者。 楚書之意,不必所言之人果能如是 隱 忍於十九年之艱險,量其勢之未可取 里克 兩 弑 其不 孤主,其志在報申生之仇 取 或 於卓 弑惡獲之時, 有得於 有宋 亦猶 也。 寒之 ~聖賢 所 然 文 引 親 觀

意在 糾 凡文公所爲,蓋羞之矣。 其大節,桓公固三王之罪人,文公又桓公 於是叔娶姪 立,郤克 文公之譎,蓋有所待。 者賈君之再寵己,本非 未必丕 國,孰有甚於此者? 舍之對,何嘗一日忘 而 ,而其人國,豈不明白? 丕鄭遷就其間 貪 河 鄭之真 無丕、里之才,時 東之土 婦 所喜也 以結秦讙,其 7,所喜者庸君之易制 丽 充宋 穆 晉國: 觀其予塊之謝 穆 姬 穆公 姬 嬴 彌 襄讓國之心,則 齊桓 一哉? 於此 之有 縫 再 狃賈君之態 (爲不 其 平晉 雖失恩 觀 惠 所 間 義 人,于 死, , 所 激 亂 圃 辟 也。 已, 於 懷 得 激 其 以

幼、觀之、日: 秦師 三十有三年春,王正月,秦人入滑。《左傳》: 過周 北 門,左右免胄而 「秦師輕而無禮 下,超乘者 , 必敗。」 三百 乘。 Ŧ. 孫滿 尚

之罪人也

興 「晉原軫曰: 夏 加之以 (戍姜。 四 月,辛巳,晉人及姜戎敗秦于殽。 敏。 子 臧文仲曰: 墨 『秦違 衰 經敗秦師, 蹇叔而 「齊猶有 以貪勤民、天奉我也。」遂 獲 禮 孟 一明視、 君其朝焉。」 西乞術、 《左傳》: 發命,據 白乙

丙

公歸。」●

《書》。 也? 爲? 旋師 管見: 天王,告於諸侯,聲秦人過 亂之恩,假以回 寇,不可不討。 日 國之罪,奉詞 踰晉,其意 乃忘親之喪, 君命大事,有 曰:淮、徐並興、東郊不開。 晉襄墨衰 伯 禽墨 致討,豈非 秦人襲 轅之路,俟 不 衰 敗秦、《春秋》「人」晉,何 在 却 急於 西 伐 淮、《費 師 喪。 鄭 過 趨 無 方伯 周 文公喪畢, 軼, 利 晉 功 不禮,擅 誓》 人常念其 ,襲滑不取 我擊之,必 之 1 見録 職 門庭之 偃之辭 所 興 請於 伐 平 得 於

侯使國歸父來聘。《左傳》:「國莊子來聘,禮成

秦則 大 匹馬隻輪無反,豈泉下之心所以報秦人之 之有釁也? 三舍可以辟楚,則嶺岩之下, 柩之聲,文公有靈,安知不惴惴然於秦、晉 知反之己也。 先軫之言 捷 無禮,何施之爲?」是徒知責人而不 焉。」是 日 徒知攻人 圍鄭之役,抑誰 「秦不哀吾喪 圃 不知 而 有 伐吾同 所致? 葬 事 姓 也。 鳴

癸巳乃克葬,是停柩 施乎? 文公以庚辰出柩,辛巳敗秦于殽, 不窆十有四日。 廢喪

與伯 紀 秦之義,《公羊》爲是,《穀梁》不言戰之 而及干戈,襄公於是乎失子道矣,安得 禽比? 此《春秋》重貶之也。若夫狄

狄侵齊。《左傳》:「因晉喪也。」 癸巳,葬晉文公。 《穀梁》。「日葬,危不得葬也。」

義非。

借日 管見:文公出亡,初主於狄,繼主 狄之德不可忘,齊之恩亦不可背。 於 齊。

> 畢,狄又侵齊而旋伐晉矣。 然而朱邪入汴,亡唐者,夷 京,皆得夷狄之助。 之力以攘群盗,代宗資回紇之力以 不可厭,諸夏親暱之不可棄。 公之存,狄侵齊 而莫之省。 後世子孫 也。 唐高 是戎狄 於是 和 非 祖資 戎 我 葬 豺狼之 族 惟 復 事甫 突 謹 類 兩 厥

秋,公子遂帥 公伐邾,取訾婁。 師伐邾。《左傳》:

其心必異。

内外華夷之辨,可不謹諸?

邾不設備。

秋,襄仲復伐邾。」

管見: 魯自隱、桓以來,伐邾非一。 邾之

復取訾婁,憤 反躬自責,豈可興報怨之師 病魯久矣。升陘之役,蜂蠆之毒也。 以 貪 動、《春秋》之所 ? 既 取 惡 須句, 公當 也。

晉人敗狄于箕。《左傳》:「狄伐晉,及箕。晉侯敗之, 書「伐」,以取甚之之辭。

郤缺獲白狄子。」

「伐邾、報升

之役。

情其 廢 戰 親 亟,不能立威以攝諸夏也,故墨衰從戎, 管見:襄公一年之中,敗秦,敗狄,伯 而 行陣,不假 獲 禮 (狄子。 有懲於齊孝之委靡,徒 而 役智,急利 諸 文公之業不 侯之力,一戰 而緩義,功 墜,非其 丽 **扲秦將** 以 雖 盟 力歟 會 勢 優 ? 躬 爲 振 而 再

乙巳,公薨于小寢。《左傳》:「公如齊朝,且吊有狄師曰:「譏公親往以報大夫之聘。」

德

.則歉,故書「人」以貶之。

也。反,薨于小寢,即安也。」 强 善就底人。 稱,蓋魯之賢侯也。 管見: 僖公享國三十三年,《詩 則從晉,徒以是爲 齊强 則 從 保邦之算。 然考其 齊,楚 强 行事,大率 則 其 • 頌 從楚,晉 於 順 シ所 是 逆

> 優哉 邾而 季姬 即安而終不得其正,非防微慮遠之道 帥 杜 修睦息争。 而待 子遂,而尊君之意簡。 亦大疵 務農,重穀,立泮宫,復閟 婦,杞伯姬 免牲猶 師、公孫 漸 有魚門之辱, 臣之恩 會鄫子,則 滅項而· 三望,則 中之小醇耳。 水婦 敖 内臣 睽。 帥 有止 , 閑家之義安在? 禮 家 師, 外地書「取」者四 書「如」者九、非 典 法 貪誤之也。 齊之耻,暗失之也 馭 八紊矣。 虧 臣之柄 不卒戍,刺公子買 矣。 敬 宫數事可觀 明之譽,不 如京 褅 下 廟 蕩伯姬 移。 所 二,非 致 師,使公 公孫 以 大夫, 防微 至 所 復 要 雖 於 44 戰 以 逆

不時也。」《穀梁》:「可殺而不殺、舉輕也。」隕霜不殺草、李梅實。《公羊》:「記異也。何異也。

刑,人君之大柄。剥之五陰用事,則一陽管見:春生,秋殺,天地之常經。慶賞,威

節、差强人意、其餘疵處多。

姜氏會齊侯,

向

背之機,畢

竟是

没

主

張。

惟

救

無

虧

兵,至是始役秦、鄭。

意者

卿率

師也、故三

睦晉,始從伐許。

襄公嗣國未期,三度用

之待 此,有刑以懲惡,有威以禁暴。惡消則 天地自然之理,不以舒廢慘也。 原荄,而 其來復未得施。 柯葉之應肅殺者不得不改易。 草木之生意 人君 雖 藏 善 體 此 於

國

信。苟以恩賞妨威 長,暴戢則仁興,然後慶賞行焉,夫是之謂 刑,則委靡之弊生,而

恒燠之咎徵應矣。❶ 僖公仁柔,三桓稔惡,

之,著感召之有由也。 自是私家强,公室弱,其應不誣。聖人書

於楚也。」 晉人、秦人、鄭人伐許。《左傳》:「三 國伐許, 討 i 其 漬

管見:晉、鄭二文不睦,故僖三十年,晉、 子之謀,將襲鄭。 秦有圍鄭之師。 及鄭穆公簡立,秦伯用杞 其謀泄於弦高,不果襲

滅滑

而還。晉襄邀諸殽而敗之,於是鄭復

0

其爲 伐,但區區小弱,非秦、狄之比,决不自行。 是行非親將可知矣。 稱「人」。 卿往? 養 或曰: 티 : 處,宜 以 許文公所 下晉侯伐 許堅於從楚,理寔可 其威不 不 衛觀 能 致 之,則 安安 知

强 也。 此

晉襄

善

重

泄

加

伯勢

原誤作「焕」,據乙本改。

四

Б.

四六

文

正也。」 元年春,王正月,公即位。《穀梁》: 「繼正、即位

之位也。 爲 即位之事 禮無傳,此未可曉。 葬,行即位之禮,何以不禁? **管見**。《春秋》之義,踰年改元。 天子、諸侯之禮與士庶不同。 宜,借吉例以繼 他事可 然則釋服從吉,可乎? 攝 冢宰攝,告廟,臨群臣。 ,即位 世正 不可攝。 胡文定、蔡九峰皆以 統。 合觀二説,大抵 蓋 欲 티 : 以《顧命》、 權 然君薨未 曰:典 朱子以 正改元 時之

> 有命戒」是也 陰不言之義,孟子以告滕公「五 一月居 廬

未

天王使叔服來會葬。《公羊》: 二月,癸亥,日有食之。

「會葬,

禮也。」《

梁》:「葬曰「會」,其志重天子之禮也。」

管見:王使大夫會葬諸侯,前此未有

也。

襄王能舉行之,親親、貴貴之禮備 也。

夏四月,丁巳,葬我君僖公。《穀梁》:「葬

諡,於卒事乎加之矣。」

服也。」《穀梁》:「禮有受命,無來錫命。 天王使毛伯來錫公命。《公羊》:"「『命」者何? 管見: 錫命之説,諸家不同。 錫命,非禮也。」 胡氏謂終喪 加

證 馬衮黼。 錫 之義 敵愾獻功、錫 亦切然。 參之傳記,晉 之彤 弓玈 矢。❶ 惠 初 取

人見,錫之黻冕圭璧。

歲 時

來

朝

錫之車

0 「弓」,原脱, 據乙本補

子曰

「君薨,聽於冢宰」,何也?

티 :

此諒

《康誥》證之,竊

意

當從

朱子

抑

有

疑

焉。

我

而

之説矣。

命辭、命物、

制數之詳,蓋不可傅會而

曲

有

錫

與不受命

加

來錫命,故貶之。

若夫

立,王 命 于王,而《詩》有「子之衣 錫之命, 冕之説 有合。若平王命晉文侯 而 晉侯 受玉 安且 惰。 晉武 吉」之辭 公請 以

别矣。 則與 秬 大抵典禮散亡,殊難考辨。 之服及弓矢、鈇鉞之類, 旗、渠門、赤旂,襄王命文公以大輅、戎 .鬯、弓矢、虎賁、宰孔賜齊侯以大輅、龍 至於九錫、九命,其 則無 説 論三代之治 所謂三錫之 又有不倫 輅

略 禮 爲 當求其 ,惟大本原處 ,畢戰問 穿鑿,多 法。 井地、北宫錡 不可 求三代之法,當師 明示指歸。 通。 故 問 孟 班 子答滕 程子亦曰「其 爵 其意。 禄,僅 文 若强 問 其 喪

如 事 毛伯來錫 木 可一一追 命,其失在魯侯 復」, 口 謂 深 未 識 終喪人見 論 治之 體 而

> 晉侯 公不朝,晉襄公伐衛,朝 伐 衛。 王于温

《左傳

晉文公之季年、諸

候朝

衛

成

考上下文,此 管見"《春秋》之義,美惡不嫌同辭, 年,晉侯伐衛在侵曹下,而重言 屬辭比事之體 「晉侯」,則 僖二十 要在

鄭人伐許下,君將大夫將之别, 其惡便見。 此年,晉侯伐衛在晉人、陳人、 則 其美 便

見。 丽 朝 王 曰:此伐衛之爲美,何也? 親伐 也 然則 何以 不書「晉侯 朝王」? 衛

外 朝 王 事 不告 于温 不 可 書。 謂 能正 晉侯伐衛之不 己以正人矣,故見貴 朝 面 親 Á

於《春秋》。

得 叔 臣如 孫得臣如 周 拜。」 京 師。 《左傳》: 王使 毛伯衛 來 錫

爲 之。」君子以爲古者越國 衛人伐晉。《左傳》: 而 謀。」

「衛人使告于陳,

陳共公日

「更伐

秋,公孫敖會晉侯于戚。 《左傳》: 晉侯 疆 戚 田 故

公孫敖會之。」

著堅冰之所自至也。伐自大夫出,有由來矣。《春秋》譏專會,伐自大夫出,有由來矣。《春秋》譏專會,

師潘崇。 聲,●忍人也,不可立。」弗聽。 冬十月,丁未,楚世子商 楚子將以商臣爲世子,令尹子上曰: 『是人也 成王。 王縊。」 崇 日 『能行大事乎?』曰: 既又欲立王子職。 臣 弑 其君 「能。」十月,以 頵。 蜂目 商臣 《左傳》: (宮甲 告其 丽 豺

管見 烈於及身之報。 萬 聖人以心代天意,口代天言,直書在此,使 固 秋》義存褒貶,以 與劭、廣 不善之積 世之下,欲起 不 此此 逐逐然逮於爲惡之身, 同 固 開 科 闢 有自 ,●何也? 以 其人而寸斬之,則 善 唐 來未 來。 悪 郭 爲 瑜 有之大變 然 勸 對 日: 商 戒 太 臣 而 報 子弘 ,故商臣 得 誅 應之理,天 也 漏 惡之權, 日 其 網 恶 禍 楚 而 ^ 名 成 春 更 不

> 秋》特 爾。」 者修 作。 淺意 事 子何嘗用意某 事也。」周子 盡 生者於後 而 善善 千 爾 也。 瑜 知 孔子惧,作《春秋》。 載 悪 載空言,亂 之此 不滅。 此三言,足知《春 孟 瞭 子 亂 也 然 言, 臣 日 曰:「世衰 在 胡 或問 賊 字 未 氏 目, \sim 子,誅死 賊 以 必 謂 於朱 春秋》,孔子 褒貶 何 故 無 腐 緣 道 秋》矣。 亂 補 儒 子 使惧?」曰: 《春秋》, 人,不 微邪 者於前 賊 學 但 日 經 惧 : 其 過 不 而 爲 説 言 孔子 知 直 不 所 天 後 暴 更 其 子之 敢 書 端 世 行 以 ^ 義。 其 春 孔 犯 惧 未 Ŧ 有

衙。 二年 公孫 敖 秦師 春,王二月, 如 齊。 敗績。《左傳》: 何氏曰: 甲 子,晉 如如 「報殺之役 ,有譏喪娶。」 侯 及秦 也。

師

戰

于

彭

戰于彭

衙、狼

●「目」,原誤作「自」,據乙本改。

9

臣得」,

原誤作「得臣」,據乙本改。

瞫

於是乎君子。」 **管見:**學《春秋》不可不讀《左傳》。 君子 。 左 謂 狼

使告于陳,日 氏》按事 甚 詳,然説義理多 "「君子以爲古。」彭衙之戰, 病。 如 衛 伐晉,

狼 論 於陳共公之一節, 瞫 衛伐晉、晉及秦之爲非義,顧取孔 死 焉,曰:「狼瞫於是乎君子。」他不 狼瞫 馳 死 秦師之一事 達謀

以

論

義

理,可乎?

孔達淺夫之謀

,陷衛侯

這 朱子不取《左氏》之「君子曰」。按是役,秦 於非禮。 般人大害事,遠之可也,何足多羨? 狼瞫匹夫之勇,導晉侯於窮兵。 故

丁丑 伐晉、《經》書以晉爲主,胡氏 ,作僖公主。《左傳》:「書不時也。」《公羊》: 論 得 其義 「虞

大夫,其

義皆有所

諱,然未

至盟

大夫

八于其

管見:作主非虞、練 穀梁》謂 「緩」,高氏以爲欲 時,《公羊》 謂 躋之故。 「欲久

文

公

主用桑、練主用栗。作僖公主、譏欲久喪而後不能也。」

偂 公既練,猶未决於袝 按他公作主,不見於《經》, 廟 猶 未遷,待八月有 廟,故 事 練 此 于太 後 特 始 書之, 廟 作 而 ·藏主, 躋之 意僖

也。 竊意當從高氏

三月,乙巳,及晉處父盟。《左傳》:

「晉以

公不

朝

討。公如晉,晉人使陽處父盟公以耻之。」

管見: 晉襄於是乎失體統矣。 欲耻魯侯,

盟其 使盟處父。 大夫,然 雖魯侯畏晉之威,不憚 圃 名分紊亂,不可 以 屈 訓 己而 處

父之不終,殆基 一於此。 或 日 君 盟 大 夫

盟于防,及齊大夫盟于蔇,或没公,或不名 前此矣,何獨 處 父? 曰: 莊公及 齊高 傒

没「公」而不 國,卑屈之甚者也。 地,爲 故出 魯 諱 不 耻,其諸 書 ,反不「至」, 以

病

晉歟?

夏六月,公孫敖會宋公、 陳侯、 鄭伯、 晉士穀

盟于垂 確。 《左傳》: 「晉討衛故也。 書士穀,堪其事 也。

陳侯爲衛請成於晉,執孔達以説。」

雨也。」 之日長而 自十有二月不雨,至于秋七月。《公羊》:"「不雨 隨文立 漸。 矣。 浸不可遏。 夫主盟,序諸侯之下。 管見:《春秋》王人涖盟,序諸侯之上。 大 或以君 使士穀盟 晉襄 魯侯兩 無災,故以異書也。」《穀梁》: 而 義,大要以扶三綱爲主者也 諸 嗣 統 夫亦世變使然。《春秋》書之, 伯、既 度使敖盟會,三家專魯之形, 於臣,名分顛倒,寔啟六卿之 侯于垂隴,或 使處 父盟 君臣上下之分明 以 「歷時而言,不憂 臣 魯侯于國,又 而 敵 於君

秋》之義也。」

祀也。 也。」《穀梁》: 也。」」《公羊》:「「躋」,升也。 (月,丁卯,大事于太廟,躋僖公。 民,居然可見。 夏父弗忌曰:『吾見新鬼大,舊鬼小。 「則是無昭穆也。 何言乎升? 君子不以親親害尊尊、春 僖公先禰而後

先大後小,順

祖

《左傳》:「逆

袝。 管見:周卒哭而祔,殷練 弟、昭穆之異同,諸家之論不一。 逆祀,非禮,三傳之義已明。 袝廟之禮。 因大事于廟 者,練主以二月作,從殷禮 爲子繼弟及,名號 正義》日 夏父以先大後小 :「父子昭穆異,兄弟昭穆同。 禰僖、祖莊,則閔 而躋 僖于閔之上,蓋至是始行 不同,爲 爲 順,其 也,猶未决於升 而袝。 世則一。 然而父子、兄 不得爲一世。 議 始定。 躋僖 胡氏 孔氏 公 以 乃

曰「自」,曰「至」,辭簡義明。文公怠於憂

之時而

不雨,災可知矣。

歷時而總言之,

年之秋

九月, 至後年之夏五月。

當

耕耘

管見:周

正建子,以月數推時令,則爲前

及宋道 哲、徽 公不祖閔公、《春秋》逆之。 無 若朱子恃兩説之爲妥也。汪氏引齊之孝、 不悖。 則議禮者通變,而以義起 待,畢竟何爲折衷? 閔、僖不得爲父子,同昭 曰 昭、懿、惠,衛之懿、戴、文,皆兄弟 則主尊尊之等,孔氏則主親親之殺,然不 同昭穆矣。 子之比,然常北面事之,又繼其國,則不得 乃共王之弟,各爲一世。 文王爲昭,武 一: 此又變之大變,未可爲斷。 祧 祖 ,欽、高皆兄爲穆而 其變。 父子相繼,禮之常。 常視親親,變視尊尊。兄弟固非父 父之理,以 朱子於文、武言其常,於孝、共 王爲穆, 要之,皆爲義理之當。 爲 日: 而其 兄弟同 又以宋祖、太宗, 穆耳。」朱子既 弟爲昭。兄弟對 論 親親、尊尊並 後世乃有以支 可 兄弟相 廟 也。 昭 制 觀其 穆 相 謂 然則 之 及,禮 繼 胡氏 (傳授 孝 證。 列則 文 行 Ŧ 以

443

且居、宋公子成、陳轅選、鄭公子歸生伐取汪及彭 冬、晉人、宋人、陳人、鄭人伐秦。《左傳》:「晉先 管見:程子曰:「晉之伐秦,報復無已。 宋」是也。 而稱「人」,莊十四年「齊人、陳人、曹人伐 考《春秋》伐國書「人」,義例非一。 之。二説考究亦精,當以 氏以救鄭之後,大夫始貶稱「人」。 則國卿以率師稱「人」爲貶,自此始矣。 奪宗,而復黜 民結怨,故貶稱『人』。」胡氏本其説。若 其爲傷道悖理,不亦甚乎 有卿將 其 位 號, 而稱「人」,隱 如明成祖之於建文 何 者 爲 五年「宋人 。李氏 定? 衙 有君 IIII 還。 將 陳 殘 竊 取 此

之謂,亦非單指大夫將恒稱「人」而無貶餘可推。大凡稱「人」,其義皆非將卑師少許人、曹人侵陳」是也。考《經》按《傳》,其

伐鄭, 圍長葛

」是也。

有内大夫稱氏,僖四

年「公孫兹帥

師會齊人、宋人、衛人、鄭人、

人、衛人、鄭人伐沈。沈潰。《左傳》:「莊叔會諸三年春,王正月,叔孫得臣會晉人、宋人、陳妃以奉粢盛,孝也。」《公羊傳》:「譏喪娶也。」公子遂如齊納幣。《左傳》:「禮也。凡君即位,娶元公子遂如齊納幣。《左傳》:「禮也。凡君即位,娶元

侯之師伐沈,以其服於楚也。」 氣能 以 發於墨衰之臨 也 動 難沈也, 强並興,惟恐睥睨 管見: 晉侯敗秦、敗狄皆躬親行陣,不 而 動 氣,氣 國,而區區之沈,環五國之力以伐之,非 氣 動 反 者,志不 也。 動 惧楚之援也。 則動志。 其 彭衙敗秦之後,盟 心。」晉之惧 戎,不見 持也。 得肆,而盈 今夫蹶 孟子曰:「志一則 其 方其 可 、楚,氣 嗣 惧者,志 者 成難保,故奮 趨 伯之始,三 會委於大 者,是 動之也 一足 氣 役

> 伐晉,濟河焚舟,取 夏五月,王子虎卒。秦人伐晉。《左傳》:「秦伯 詩》曰『于以采蘩,于沼于沚』,秦穆有焉。 人」,孟明有焉。」 夫, 慮。 文已不足道,襄公又桓、文之蹇淺歟 楚之議其後。 氣爲帥,故動於物者,反動其 軍於城濮,大有逕庭者矣。豈非志 公侵蔡,遂移兵於召陵;文公侵曹, 人,而商臣滔天之惡,置之不問。其 怠生於驕, 憊起 雖 蕞 爾之沈,不敢 王官及郊而 是以沈潰即去,姑以示武 於怠 還,遂伯 以 ,始惴惴 偏 師 西戎,用 「夙 心乎? 臨 夜匪 於 之, 不 蹶 孟 懈 視 持而 即 蓋 趨 明 以 桓 也 於 整 桓 惧 之 事

伯。然則濟河焚舟,雖足以雪殽、函之誓》。其作《春秋》,不以亂易亂,故「人」秦管見:夫子删《書》,不以人廢言,故録《秦

既拱之人而不用其言,而所用者,孟明之秦之良士,孰如百里、蹇叔? 鄙之爲墓木耻,●而所謂貴良士,思彦聖,亦徒言而已。

取其勇於報怨。是則貴勇夫爾、烏足以爲新進喜事。既敗於殺、又敗於彭衙、而猶

「無念爾祖、聿修厥德。」孟明念之矣,則德用,而穆之疵德益多。至於引《詩》曰:知秦所以伯,百里、蹇叔之功也。孟明再舉人之周?《左氏》謂是役秦伯西戎,不

弑逆,釋此不討,故惟報復是亟,曾是謂之孟明之慎思擬之,則思莫慎於用兵。商臣安在? 又曰:「夙夜匪懈,以事一人。」以莫大於尊王,而襲鄭之師,過周不禮,其德

舛謬矣。 此。他説《詩》尤無謂。苟專信之,義理必

慎

乎?

朱子謂《左氏》趨炎附勢,大類

如

秋,楚圍江。《左傳》:「楚圍江,晉先僕伐楚以救江。」

晉救之? 意者貫澤以後,江一向從中國,管見:江之從晉,不見於《經》,何楚圍而

不即楚也。

雨螽于宋。《左傳》:「隊而死也。」《公羊》:「爲王者之

後記異也。」

○ 論飛、雨螽、●蓋有告而史書之也。不告不管見:外災書于《經》者,惟宋大水、隕石、

書,書則不

削

,謹災也

公,賦《菁莪》,公賦《嘉樂》。」《左傳》:「晉人惧其無禮於公。如晉,及晉侯盟。晉侯享冬,公如晉。 十有二月,己巳,公及晉侯盟。

見、非如盟大夫之屈、故不異其文。
受「公」而不「致」。雖改盟非禮、而兩君相受「公」而不「致」。此書「如」、書「公」、書

●「以雪」,原脱,據乙本補。「函」,乙本無此字。

●「鵡」、原誤作「蠲」、據文意改。

晉陽 晉處父救江,門于方城 處 父 帥 師 伐 楚 ,遇息公子朱而還。」 以救 江 《左傳 ×: 三王叔 桓 公、

還 問 義? 討。 也? 内借重於王朝,外 勤王人,徒以救江 師 期於汙瀦其宮,則名正言順,而伐楚爲 君之罪,奉王命會諸侯, 如召陵、城濮之 救,非名也。名莫重乎義。 無名之舉也。 處父以救之。 管見::晉侯以江故,告之于王,而王叔 也。 ,遠近同仇,奇正相合,操我必勝之勢, 則不惟其名之正,而 乃置大惡而不問,委大權於國卿,遠 不予乎 蓋知楚之必不可救,姑以一軍遠伐 功之濟否,不暇計也。 ,斯師 不書「王人」,獨 伐楚救 沽名 爲辭,此豈長子執言爲 也。 江,情也。 何以 於小國、大義 亦見其情之不 苟能聲商 不予 門于方 書處 ? E 父, 人 城 不暇 臣 有 勇 天 弑 會 情 而 何 會

> 行,所 之役,情 以 卑 在 晉 救 伯 江 前 也 終 若大夫專伐, 不 能 救。 重 其 王 義 臣 亦 之

可互見

以知出姜之不允於魯也。」夏,逆婦姜于齊。《左傳》:「卿不行,非禮也。四年春,公至自齊。

君

子是

之微。 之不謹 爲前事之詳 夫,婦 日 : 以 管見: 文公圖婚於通喪之戚, 逆婦以行 則姜氏子弑身危之禍 永終知敝。」「君子之道,造端乎夫婦」,始 略 聖人作《經》,豈 也。 不婦,何以正風化之原? 姜氏成禮于齊,而後 ,則終之有 或 略哉? 日 : 爲 敝 《歸妹》曰:「君子 逆料 可 姜氏之不 隱 知 然可 後來之禍 觀《經》所 人國。 見。 允, 此 書 聖人天 略 福 夫不 法 也 以 預 所 介

也

經》書「處父」而没王叔之會,是伐楚

狄侵齊。

次曰: 「同盟滅、雖不能救、敢不矜乎?」」 秋,楚人滅江。《左傳》: 「楚人滅江、秦伯爲之降服、出

可 韋 之伯卑矣。 管見: 江、黄從 江, 知 經 年而 熊頵之伐黄、歷三時, 中 後滅,其 或 而皆見滅於楚,齊、 國 上下之同 商臣 力 之 晉

之也。」

管見"伐秦書爵,胡氏謂聖人以常情待晉晉侯伐秦。《左傳》:「圍刓、新城,以報王官之役。」

襄,朱子曰不是,如

何?

日

屬

辭

比

事

救江 報王 如晉 《春秋》之體 秦」,比 看理 官之怨,事理殊甚乖 襄不親伐楚,問商臣之罪,却 勢,合如 事 繼 丽 書 觀,則怯於楚而 以以 一楚 何 做 人 例 滅 爲 觀 是, 江」,此 不 如 · 悖。 得 何 勇於秦,緩 書 前 做 詳 一晉 書「處 爲 上 親 不 下 伐 侯 是。 文, 於 伐 父

> 衛侯使甯俞來聘。《左傳》:「甯武子來聘、公與之宴 、賦《湛露》及《彤弓》,不辭,又不答,曰 義而· 微解 急於怨,其 隱 義,時措從宜。」此 罪自 不 可 類是 掩。 : 臣 程 以 爲肆 子 日

命,衛 及 稷? 其 力。 此 管見: 僖二十六年, 會衛甯 動,反故君,所謂「一言興 忠、保國待鄰之略、蓋世臣之巨擘者。 執之間,貨醫免死,納王得 而「其知猶 魯侯 盟 魯私 至復來聘魯以 不 宛僕之辭曰: 侯 與 好。 有 蓄疑 宴,歌二詩 行者,誰 可及也」。 俞者, 弟之心,國 速之子也,從 修舊好,其 扞牧圉?' 用 不不 以 方叔 侑 人懷逐 有居 「邦」,誠不 歸 食,不辭 武 速盟 攝 排 皆 者, 國、元 君 衛 于向。 難 俞 之惧,觀 能 誰 不 侯 解 周 多 帖 守 紛 旋 咺 於 讓 然 社 執 奔 自

二五五

觀

其答行人之私

日:

諸

侯朝

E

于

主,王

文

公

殆謂是歟? 以陰折犯分之氣,夫子稱「其 好,其敢干大禮以 而 宴 樂之,於是乎 獻 其 功,於是 · 賦《 湛 | 乎 自取戾。」可 賜 露 之《彤弓 **%** 諸侯 愚 謂 ×, 不 能 敵 陪 可 明 愾 及, 無 臣 於 邪 王 繼

風以後,妾母稱「夫人」,嫡、妾亂矣。」冬十有一月,壬寅,夫人風氏薨。程子曰:「自成

可 ? 其國, 階 位 致夫人, 勝其私愛子之心,以爲不托季子 廟,是位 **管見:**風氏托僖公於季子而得立,是國 念,而 .不定,由夫貪非有之一念,而季氏 釀 矣。 티 : 子 則母 非 敬 以 僖公不制其 般、閔既 其 嬴 母 位 氏之德莫報 之禍 貴 一,母 者 也。 弑 胎 以子貴者 、私本生之情,以 伏矣。 或 僖 曲曲 固 公崇 先君之國 然 夫 也 則 解 則 風 如 所 僖 風 氏 之亂 何 親 公之 氏 爲 而 也。 之 不 不 致 非 而

> 日,乃 寔書,而 夫人,後世得不夫人之乎? 没袝於妾祖 得 屬 爲 也 父立 在 僖 夫人致之時 非 嫡 公承 禮 姑 ? 自見。 宗 以 即 廟 配 欲 之 崇 仲子可 此譏不 重 貴 一,繼 所 也。 生,生 先 《春秋》據 在夫人薨之 君之 乃致之爲 備 統 禮 養 事 豈

而含已晚。」「「含」者何? 口寔也。」《穀梁》:「兼歸之,非正也。 賵已早五年春,王正月,王使榮叔歸含且賵。《公羊》:

三月, 其歸 譏。 **管見**《穀梁》謂赗 「王」去「天」以示 辛亥, 而後用 珠玉車馬, 葬我 也。 小 賜之以示優禮、非喪者待 此譏 貶 君 爾。 早含晚、《春秋》非 成 在 胡氏 娶 風 妾 之義甚 母 王 使召 爲夫人,故 明 伯 此 來 之

勤也? 既成之爲夫人,禮應如此。他夫管見:襄王於成風之禮,優崇周至,何其

季子擇賢立之,婦人無預外事,風氏可

無

會葬。

之命,以舒小國之禍者,無公天下之志也。

孽子有所歆羡而肆於爲惡,宜其篡奪相妾母之爲夫人不少,王必一一優禮,是使天王以夫人賵之。 推一魯國之事,則諸侯人常事不書。此妾也,魯人以小君葬之,

夏、公孫敖如晉。

嚴矣。

尋,綱常紊

亂。

「王」再去「天」,示戒之旨

秦人入郤。《左傳》:「初,郤叛楚,即秦,又貳於楚。秦

娶焉。」

人人郤。」

臧文仲聞之,曰:「皋陶、庭堅不祀,哀哉!」」

秋,楚人滅六。《左傳》:「楚成大心滅六,公子攝滅夢。

冬十月,甲申,許男業卒。

皇陶之不祀。然徒發於咨嗟,無能制强楚滅,秦伯矜同盟之不救。六之滅,文仲哀消磨衆矣。五伯之滅國,惟楚最暴。江之情更:嗚呼! 先王建國,迄春秋之中而

戰國而存其七,至秦而收拾之于一。廢封愈趨。塗山萬國,至孟津而存千八百,至不足,欲效之而不能爾。明王不作,世道雖憫人之見滅,而己亦欲滅人,顧其力之

建爲郡縣,豈一朝一夕之故哉?

六年春,葬許僖公。

夏,季孫行父如陳。《左傳》:「季文子聘于陳,且

教也。」」

一世以行。或曰:「安用此?」曰:「豫備不虞,古之善秋,季孫行父如晉。《左傳》:「季文子將聘晉,求遭喪

管見:文子聘晉,求喪禮以行。意者聞晉

侯有病,故豫爲不虞之備也。

賈季亦使召公子樂于陳,趙孟使殺諸郫。」
一個人以難故,欲立長君。趙孟使先蔑、士會如秦逆公子雍。八月,乙亥,晉侯驩卒。《左傳》:「襄公卒,靈公少,

管見: 驩者, 偪姞之子。 文公出亡, 匿於

五

八

役,威 明 熟。 驕盈氣勝。 主夏盟,亦晉之賢侯也。 秦、狄戰 度於内,且居、射姑經理於外。 郤缺於下軍,擢趙盾於世臣,處父、賈陀調 子皆讓長,於是 民 君 間 文公人國 臣 靈 深 之義。 却,華夏影從。 徒 知 褻。 伐秦之師,報復無已。 利 求 病, 改 文 及秦人 得 盟 射 爲 於姑 御 世子。 于 戰 郤, 魯, 卒能繼文之業,以 氏 惜其 陣 敦 季隗 狄 即 之 侵 鄰 存養功虧, 事 朝王于温 位之後,拔 齊, 楚 或 八時 救江之 亦 之 皆 嬴 好。 滅 閑 之

님:

「處父言女不可使將。」射

姑怒

出刺處父於朝

圃

走。

漏

言

也。

君

謂

射

姑

居

殺

陽

處父。」《公

之禍 之勢衰,●良由 至於盟 江、六、皆不能救、於是 會征 六 卿 亡晉, 寔有 伐,委之大夫,其後遂 怠心生、英 襄 夷 公啟 狄 氣餒之所致也 之勢 之。 强 故論 操 中 一廢立 或 其

冬十月,公子遂如晉。 功則 杜氏曰 其 罪則 :「卿共葬事,文、襄之

爲繼業之君

語

爲

基禍之主。

非

所

以

事君之道,亦非

所

以自全之知。

李

制也。」

葬晉 襄 公。

羊》: 傳》: 晉 殺 「賈季怨陽子之易其 「射姑殺也。 其 大夫陽 處 稱國以 父。 班 殺何? 也 晉 使使 狐 續鞠 君 射

姑

出

奔

狄。

左

可? 於朝 不 引趙孟之計。 功,正宜 賢乎? 季之班。 之咎也,故《春秋》以 管見: 襄公以 漏 言,而小人風影 正,諫於君,以 乃密言其不可 反躬 日一臣 借日 自省。 夫密言者, 「其人 無作 漏言殺處父,此 公議 不可 福作威」,處父救 累上 生疑,怨仇之所 乃擅 使將之狀,以 一爲文。 非譖 易置 使將」,則當 廢 置 則愬。 之,誰 之權 不 然則 密,失臣 售 由 易 公言 其 江 日 處 起, 不 牽 曹 無 父

强中國之勢」,原脱, 據乙本補

光武 古 沆 所 最惡密啟,意 以 自 章 致 但 示馮 成於死者,襄公不 異,宋祖 E 如 此。 封章賜 然 則 錢 處 爲 父之死, 淑 無 責 雖 開

克。 心見 其終身不能 以吕蒙正之量,不欲見詆者之人,恐 誠 君道當然,而忘嫌釋怨,常人鮮 忘也。 况 人君復導之,使相怨

淵默,尤其美德。 乎? 由 此 論之,君固 臣固 以 以 開 敢 誠 諫 爲 爲 道 忠,而 前 沈潛 明

追求其故,而 知 處 父所以賈怨之由,其義

正公平,乃其

人大知。

觀《經》

所

書,使後

人

時政也,何以爲民?」《公羊》:「是月非常月也。 【猶」者,可 閏 月,不告月,猶朝于 累 襄公,亦以示人臣之大戒也。 廟。《左傳》:「不告閏 『朔,棄

管見:文公是年庚子,距隱公元年己未

以已也。」

百二年,曆 一是始 法 廢 爲 告月之禮,猶朝于 閏 月三十有 \overline{H}_{\circ} 廟 常 ൬ 告不 已。

> 禮日 意以 朔之餼羊,則欲併常月不告,其原自不告 不復告 以淪亡,後人習以簡怠。 爲 閨 閨 月矣。 非 常月 文公慢天時 不告,是迄《春秋》之終, 違 子貢欲去告 古制,典

閏失之。 於《春秋》以 「猶朝 于廟」 一爲幸 也。

故子於《論

語》曰「我愛其禮

一,而

七年春,公伐邾

故公使爲守須句,大夫也。 三月,甲戌,取須句。 絶太皞之祀以與鄰國 杜氏曰:「邾文公子叛邾在魯 叛臣 故

非禮。」

遂城郚。《左傳》:「遂,繼事也。」

管見: 僖公既 取 須句,升陘之 敗,其 地又

遂城 平 以備之也

没於邾。

至

是文公復取之,

丽

寘

其

叛臣

夏四月,宋公王臣卒。 立,國人殺禦而立少子杵臼 ,是爲昭公。」 汪氏曰:「其弟禦殺世子而

宋人殺其大夫。《左傳》: 「昭公將去群公子,樂豫曰

者 危 僧 身

族率國人以攻,公殺公孫固、公孫鄭于公宮。」「公族,公室之枝葉也。 去之則本根無庇。」不聽。穆、襄之

戊子,晉人及秦人戰于令狐。晉先蔑奔秦。 於蕭 圖 隙 貳。 與大臣,則稱 國君與其大臣不得不分其過。 之變,臣不幸而蒙廢立之禍。 之於邑? 居廬之艱,攝 有人, 覬覦 杵臼立,而宋之大夫殺。 管見: 變故 , 爲臣暗目前之大慮, 使奸凶不逞, 睥睨 誓於天子,傅以端良,名分既定,羽翼 牆 覊出,赤歸,而曹之大夫殺。 ş 何 環衛 何所 故凡 所自來? 乃爲 :國、稱 負扆之斷,夙 無 自致? 殺大夫不名,而 辜,倉皇於玉石,可 「人」而已。 大臣 國不幸而有 夜在公,逆閉 君忽身後之遠 與 構此 世子,君之 或 其責 同 禦殺 禍 體 在 不 廢立 值 根 爲 君 其

聽。穆、襄之│背先蔑而立靈公,以禦秦師。戊子,敗秦師于令狐。」

管見: 情定罪,示輕重之權 以晉人主是戰,秦書「人」而蔑書「奔」 譬,「同之伏戎」者也。 之納,雖皆不正,猶爲薄乎云耳。 心,故肆 及秦戰,所謂賍分於負版之後,反目如 侮寡,其卒事爲賣 孟使,所 于外,逆也。 「比之匪人」者也。 君薨,立太子,順也。 行 謂謀起穿窬之初,投機 圃 趙孟之使先蔑,先蔑之爲趙 無 忌。 友欺 秦之送公子雍,晉人之 衝敷 若乃先蔑之行,秦人 趙孟之始謀 鄰 蓋 舍太子,求君 其操 如 《春秋》 專 爲 膠 輒 欺 漆 仇 孤

狄侵我西鄙。張氏曰:「間秦、晉之争也。」情定罪「万輕重之權復與

「晉侯立故也。公後至,故不書所會。」
秋八月,公會諸侯、晉大夫盟于扈。《左傳

名而趙盾不名,何也? 蓋士穀雖主盟而管見:大夫主諸侯,自盟垂隴始。然士穀

子以啼于朝曰:

「先君何罪?

其嗣亦何罪?」宣子畏偪,乃

《左傳》:「秦康公送公子雍于晉,多與之徒衛。

穆嬴日抱太

二六〇

大夫不名,諸侯不序,不予諸侯之尊晉也。以七國之君聽命於大夫,其强梁甚矣。故權在襄公。此則靈公幼,趙盾專主諸侯。

陳氏曰「散辭」,意精。

冬,徐伐莒。高氏曰:「徐以中國無盟主,是以敢爾。聖

人復夷狄之。」

娶之。」 穆伯如莒涖盟,且爲仲逆。及鄢陵,登城見之,美,自爲公孫敖如莒涖盟。《左傳》:「徐伐莒,莒又來請盟。

八年春,王正月。

夏四

月。

秋八月,戊申,天王崩。

管見:襄王之立,更歷二伯。葵丘賜胙, 竹世遠矣。至於却晉侯之請隧,優柔不 朝。其視平王之質子,桓王之中肩,優於 朝。其視平王之質子,桓王之中肩,優於

冕自毁,甘爲河陽之狩,則桓、文亦有預其也。● 惜其蕭牆不戒,致有氾邑之居,冠直無偏,而沮其奸凶之氣,蓋周之賢王

責焉。

扈之盟也。」《左傳》:「晉人以扈之盟來討,襄仲會晉趙盾盟于衡雍,報冬十月,壬午,公子遂會晉趙盾盟于衡雍。

盾相交。靈幼、文懦、不能制其强臣,而二來討。《經》無晉伐魯之文,則此盟爲遂、盟不序諸侯,曰「公後會」,故此以爲晉人盟不定諸侯,曰「公後會」,故此以爲晉人

子專輒之罪見矣。

乙酉,公子遂會雒戎盟于暴。

齊、晉之境數有戎狄之患。 伐凡伯于楚管見:春秋之時,戎狄雜居中國,魯、衛、

● 「王」、乙本作「主」。

日奔莒也。若未行

m

即

奔,

則不書「復」

公孫敖如京師,不至而復。 焉。 間,此洛所以有戎歟? 戎之横行,雖桓、 若非土著,何以名之? 曰:雒,禮明堂四 非土著於中華之地,如漢、唐之比。 日 文不能攘斥,於是魯人防其侵軼 長 朝宿之地。 夷之位,列 有戎主者。 雒戎,何戎乎? 何以甄没至此? 天下之中而有戎醜居之。 丘 亦然。 ,意者雒邑之戎也。 辨華夷之分」,得其旨矣。 壬午、乙酉,四日二事 後來,部落 在諸 不應天子畿内昂然有戎在側 先王 侯之次。諸侯於王 柔懷遠 諸侯大夫 或曰: 滋 東遷, 蔓散,處伊、洛之 人,意其待夷狄君 先王 丙戌,奔莒。 戎狄倏來 不書「遂」,先儒 而會之盟,是必 以 雒爲 五 而與之盟 一服之制, 一畿,有 忽去, 王畿, 然 《左 則

合乎?」 暴之文,日 罪之正案也。汪氏 朱子曰:「止不至而復,便 矣。其慢命之罪,不容於誅。 之陵替可知矣。 奔莒,宣淫而不之問。 :「盟自爲一事,安得 胡氏 以敖 專論敖從己氏之過。 有是君 如京師,蒙乙 是不 魯侯乃聽其 ,有是臣,魯 恭。」此 西 盟 議 產

及大司馬公子卯,皆昭公之黨也。司城蕩意諸來奔。」傳》:「宋襄夫人因戴氏之族以殺襄公之孫孔叔、公孫鍾離螽。 宋人 殺其 大夫司 馬。宋司城來奔。《左

官名號。 管見:春秋諸侯多擅命官,然不敢襲用 書,其餘外卿書「大夫」,内卿書「公子」。 王,魯周 田、司理之類、皆特設 王所賜。 公之後有 如楚令尹,秦庶長,齊司行、 考於《 經》, 司 馬、 惟宋之司 也。 司 寇之名,意必 惟宋之統 馬、 司 承 城 得 時 先 司 周

傳》:「穆伯如周弔喪,不

至以幣。

奔莒,從己氏焉。」

管見:「復」者,已行而不至,遂以丙戌之

他 蓋 司 城 諸 宋於周 ,即周之司馬、司空,其職任最重。 侯皆僭也。 有 客 丽 此 不 以官舉而不名。 臣 之禮 ,其命卿 不僭 司 馬、 至

公不能制,故書「宋人」,罪公之不能制君。非公之能爲也。群公子與襄夫人爲之,而殃及大臣。禍殃之起,非其臣之罪也,亦殃及大臣。禍殃之起,非其臣之罪也,亦於或殺,或奔,宋公之無政可知矣。既欲

官而不名,舉其重也。

益耳。」

命也。 赗 管見:平王崩,武氏來求賵; 於其葬,皆違格以求之也。 來求金,皆不稱王使。 仲子,襄 諸王皆無求,平、襄何以 賵 成 風,蓋於魯 嗣 Ŧ 有 Ŧ 居憂,冢宰 非常之施 襄王崩,毛伯 既以 有求? 非禮 故 平 攝 而

> 没其「使」,蓋 可,則求之爲妄可知矣。 之執、諸侯不當以非禮之賄來。 無 紀,寔自 **賵孽妾**,宰又以非 不答。 王朝 曰 : 爲王 始 歸赗之命,●不當往 也。 朝諱惡之義 禮 或日 而 求諸 故雖 侯,是壞法 也 冢 往 來之猶 宰 而壞 命 來,禮 ൬ 不 奠 亂

夫人姜氏如齊。吴氏曰:「出姜蓋有所不安,而歸寧以

愬於父母爾。」

晉人殺其大夫先都。《左傳》:「晉人殺先都、梁二月,叔孫得臣如京師。辛丑,葬襄王。

文公。」 三月,夫人姜氏至自齊。《穀梁》:「卑以尊致,

出而告行,歸而告致,一一書之,則有不勝**管見**:《春秋》常事不書。歸寧,常事耳,

❶ 「曰」,原脱,據乙本補。

1

已也。 齊,爲 私 以 不啟蕭牆之厲階。 人夫而 書者,必有 事 禮 裏仲,將有奪嫡之謀, 歸夫人,使衆 圖安儲 不明嫡妾之分,則房帷之偏愛未有 馬矢之禍,權 關 之計。 國家之故 亲妾 《經》備書姜氏之行至, 托 順 輿 歸 而後書也。 於 承 陰 寧 此 故出姜咨諏 而 教,於是 行, 鳴 呼 蓋 文公不 敬 不 爲 得 於 嬴

「人」以殺,誅有罪也。鄭父累也。」晉人殺其大夫士穀,及箕鄭父。《穀梁》:「稱

慮微之意深矣。

之殺 都 起。 暗在 公晚年,趙盾代士穀將中軍,士 管見: 古來傾 爲 是 於是生殺之權,不在上 其 E 賊 佐 則 殺 譖 於 趙 愬 是 軋之禍,多起 盾之佐先克。 得行,予奪有 殺先都、 士 於末 而 縠 趙 偏 在 及 則 盾 穀之黨先 下矣。 世。 箕 怨仇 仇 鄭父。 蓋 都 由 昏 襄

蓋兩下争權相殺,靈公不

由主也。

三大夫

殺 之漸,毋使權 軋之禍,可不畏哉?《春 柄者,當謹 大夫」,明其權之不在上。 戒人君之操八 而趙氏之勢强,晉 於廢置,以杜朋 柄之下移也 國之命在其 秋》書「晉 黨之原 掌 防 握 專輒 殺其 傾

不書、緩也。」
子遂會晉趙盾、宋華耦、衛孔達、許大夫救鄭。 不及楚師,卿救鄭。 《左傳》:「楚子師于狼淵以伐鄭。鄭及楚平。公楚人伐鄭。 公子遂會晉人、宋人、衛人、許人

君之趙 致意。 盛衰之會,大夫諸侯興替之機,聖人 虎狼人室之渠,竊威於方伯。 管見:伐鄭者, 盾遂昂然以大夫主。 遂之會,諸侯 厥貉之次,商臣 自 盾。 狼淵之師,大夫不能 禽 不 潤 在 遂整 無父之商臣。 逼人之毒, 行,降 然爲 然商臣 是 諸 加 侯先; 肆 新 乃覆 此 救,降是 暴 救 城 夷 於 鄭 之盟,趙 自公子 狄 者, 中 所深 不 華夏 華。 而 無

靈公雖 無功, 之賊,固不待其伐鄭而後可誅。 則 幼 趙 ,苟能奉之以主諸 盾之操心慮 事,誠 侯,藉 為可 而是役之 城濮 責矣。 之

志,未 餘威 敢 以 遽 問 爾 商 桀 臣 也。 之罪。 乃蔑 楚人 視 其 雖 君 有 北 事 皆 方 之 專

時

輒。 楚伺 其 有可圖之隙,加 兵於鄭,嘗 試

人 以 執 觀 鄭 中國,而諸侯大夫率 公子而 不及救。 蓋 師,舒徐容預 其 心 欲 執 或 禁 柄,

惟恐 敗損 (望,内 無以 杜士、先之餘黨 外外

無以 鎮 環 視之諸侯,故首鼠 躊躇,至於長

蠻驕,墜伯 春秋》稱「人」以救,見其救之雖善 業,豈 非 心事不恪之所 而 致乎? 有 不

善存焉

夏,狄侵齊。 張氏曰: 楚得 氣去而狄交侵,故書以病

晉也。」

秋八月,曹伯 寝卒。

九月,癸酉 ,地震。

> 廢,人 説者 大夫 始不 精 會有 水。 抑 秋以 固、杜喬 管見:"此大地震也,非止魯國之分。 如 Ŧī. 有 在人 行者, 益龍 脇 獻 日 來 專指魯事,恐未足以 大 事 諸 九 食之有常度乎? 未 地 當 有 君。 龍 侯之兆。 有之大變也。 將 水噴,益 雖能 弭 國,衆賢 銅 震 變消 此之地震,乃夷 軝 推 則 以 測 州 九 象 災之道,故當 世道 在 其度,而理 九 龍 地 朝, 州,其 不 皆 其有 《五行志》漢 該之也。 噴,無 變,其 十九 震。 所感召 法爲 狄 能 侯 蓋 不符 應 伯 震 勝 皆 其 銅 數,未 不 中 人春 不 時 以 乎? 龍 順 國 虚 震 李 噴 帝

冬,楚子使椒來聘。《穀粱》: 「以其來我,褒之也。」

計,此 伐鄭 管見: 凡楚之聘魯,皆有窺中國之志。 十六年,荆伐鄭,已而 寔勘 其冬使椒 破 楚 來聘。 人 八心事。 荆 先 人來 \wedge 儒謂遠 春秋》前 聘。 交近攻 此年 荆 莊

矣。 乎? 也。 方伯不能討 魯 縱則縱,縱者,示萬世之大戒。 涓 之伯無有能遏之者,其勢亦有不得不縱之 冠帶之望,中 長,抑之曰「荆人」,使後世之知 憑陵諸夏,《春秋》之所深惡。 凡其有求於 可親暱。 涓 ൬ 聖人於其 子曰 聘問之亟,律以誅意之法, 此 莫遏,遂 可 君 抑 及其再通魯也,以商臣之大惡而 :「末如之何也已矣。」鳴 書 則 ,得氣於鄭,修好於魯,侈 爵 國又從而 抑 成 始通 而 江 抑者,存萬世之大防 名其 河。 魯 也,慮其 大夫, 星星之火, 冠帶之,於是 書 荆蠻僭 漸之 法 蠻 可 至 夷 以 何 於 呼 之不 미 楚 然有 舉 以 王 燎 莊 不 1 號 미 異

> 秦人 相弔賀也,以無忘舊好。」《公羊》:「兼之,非 來歸 僖公、成 風之襚。 左傳 禮 也。 禮 也。 諸 侯

二六六

平王 蒙夫號 管見:「惠公仲子」,仲者,號 不繫於秦人之襚。《公羊》「兼之」之説,宜 順,僖公私崇其母,安能使萬世 風氏之夫人,此爲定案。 號,見其禮之紊,僖公寔 人,而非莊公之意,故以繫僖公。 謚繫姓也。 啖氏之不 而崇之乎?《春秋》謹嚴 來 其 賵, 取 解順,於禮 猶 小君之禮,特僖公致其母爲夫 也。 非 兀 敵也,故 未 爲甚失。 爲之 夫名 ,意正如此也,義 以 也。 繫 不正 而 一公議 非 惠 成風 謚 母蒙子 聖 則 人 亦 言 奪 妾 因 雖 不

葬曹共公。

蒙古,

其始一

部酋長,終至

於帝中國,由

十年春,王三月,

辛卯,臧孫時卒。

汪氏日

「哀

晉、宋之失

馭

也。

聖人爲萬世

|慮,何

原。

有

國

其當鑒

於

斯

乎?

元

魏、遼、金、

遠哉!

其 伯之孫文仲也。」

管見: 夫子論文仲竊位, 其不仁者三。

蓋

比,而 僖伯諫觀魚,哀伯諫納鼎,若文仲者,遠愧 以 累世名卿, 碌 無 所 繼 聞 Œ 救,宜 國政,宜 聖人責 非如遂、敖之 備之也。

夏,秦伐晉。《左傳》:「春,晉人伐秦,取少梁。 於 迺祖 夏,秦伯

伐晉,取北徵。」❶

自己。 悍,必 貴良士,乃其一點之明。聖人取之,欲使 趨,●但不 伐,乃損益必然之理。 代,郁郁乎文」,則繼周者必捨文事而 《秦誓》之後, 功之習,本所深疾。 至於絶 秦之子孫於此 管見:子曰 以 穆公敗殺,歸 滅仁義 剛 顯言之耳,而 强 : 知秦之必 變繁褥。 一以禍 觀法,即有大叚變革,或 百 世 天下也。 《春秋》之狄,非 可 而 秦起西戎,其 知。」其序《書 作誓,不貴勇 繼 其憫世之心,不 聖人已逆料 周 也。 然其重 周 夫 但 [》,録 其 俗 利 尚 監 首 不 能 爲 而 所 勁 戰

> 習,無 齊、晉伯之時,以重絶於始皇帝之後也 少梁、北徵之報復已也。大抵秦之風聲氣 鐵》之雄,得以 人辨别周、秦榜樣,爲 一非狄。 厠乎靈臺、辟雍之懿,此 因 而 狄之不使《車鄰》、《 萬 世 訓。 故直 擯 聖 駟 于

絶,王使適至,遂止之,使爲工尹。 楚殺其大夫宜申。《左傳》: 「城濮之役,子西縊而 乂與子家謀弑穆 E 懸

王聞之,❸殺宜申及仲歸。」

未必 誅不以罪,亦盗賊 許宜申之得謀楚 以累上爲文,胡氏 管見: 宜申謀弑王,王聞而殺之,《 有殺人者,或問之曰:『可 如此。 商臣大惡,固人人之得誅。 王 相殺之類耳。 謂聖 也。 人之微 竊意《春秋》爲教, 殺與?」曰: 義 孟子曰: 深意,蓋 春秋》

徵」,原誤作「激」,據乙本改。 下「北徵」同。

人」,原脱,據乙本補。

穆王聞」,原脱,據《左傳》補

文也。 乎? 也。 甚楚子之暴也。 訊定辭,殺之可也,豈可以所聞而遽殺之 可可 其深意 弑,楚王聞之」,聞之者,疑 亂,豈聖人之所許者?《傳》稱「子 以殺之矣。既爲之臣而復謀之,以 之。」」若商臣者,有能爲士師之執言: 而未必子西真有謀弑之事。 。』『孰 蓋其操弑父之心,故以疑己者疑 《春秋》稱 都在道理正當上看,不作言外之 可 殺之?」日 國以殺,明子 聖經立義明白以訓 · 士 辭 若果有之,明 西之罪疑,而 也,非 師 可 後世, 成 西 亂 以 則 謀 獄 易 미 殺

雨也。」 自 正月不 雨, 至于秋七月。《穀梁》: 「文不 関

管見:"以「正月不雨」之文冠秋首時, 逆數

及蘇子盟于女栗。●《左傳》:「頃王立故也。」 也,與二年書法同

> 後王繼不覲,則 管見:此 而不書? 與王人盟,或公,或大夫,何 文公簡於事周。 是 盟 必 使微者及之,不恭 前 \pm 崩不赴 以 没

宋。 冬,狄侵宋。 陳侯、鄭伯會楚子于息。 麋子逃歸。」 楚子、蔡侯次于厥貉。《左傳》: 冬,遂及蔡侯次于厥貉, 將以伐

甚矣,故以諱爲貶。

陵,明 日 未雨之防。楚得諸侯,由厥貉之會始。 弱而至於委靡,著其自弱之故,使後世 也"不掩 扶華夏 **管見:**《春秋》之法,抑夷狄而不没其: 處父救江無 衰,商臣遂有圖 其崛强之由,使後世謹履 加 其弱者,扶弱 不掩 功,趙 其弱。 北方之志。 盾 救 不没 鄭 也。 不及,中國之勢 其 强 陳、鄭既平, 强 圃 霜 者 敢 之漸 抑 於 强 自 思 憑 强

.

諸侯受其指麾,而 即謀伐宋。 中國不能制,於是孟諸之田, 覆 載不容之賊得以侈然

自 乃蔡之從楚,其勢又非 肆。 《春秋》先之,傷中 陳 國之無伯 、鄭、宋之比。 也。 不 若

蔡侯,爲不能自强之戒。 過 此其自弱,而人弱之。 望 風 欵 、附,自 赴厥貉之會,爲楚 聖人削三國而獨書 是故先舉 楚者, 前 驅。

舉蔡者,非外之而不扶。 非縱之而 示夷狄之於中 不 抑 國 履加於枕,理之悖,所以 倒 懸之不足以 朱奪於紫,義之 爲榮。 後

0

爲 乖,所以示中國之於蠻夷,親暱之適 耻 知 此 則知《春秋》所 以抑夷狄,扶 足以 華

有 夏之旨矣 年春,楚子伐麋。 《左傳》:

「成大心敗麋師

于防渚。

潘崇復伐麋至于錫穴。」

夏, 叔 仲彭生會 晉郤缺于承筐。 《左傳》: 「謀諸

侯之從於楚者。」

秋,曹伯來朝。

公子遂如宋。《左傳》: 「襄仲聘于宋,且言司城蕩意諸

而復之。」

狄侵齊。

長狄僑如。」 冬十月, 鄋瞞侵齊,遂伐我。 甲午,叔孫得臣敗狄于鹹。《左傳》: 公卜,得臣追之,吉。 冬,敗狄于

鹹、獲

安淝 自强 將略不可見,何以能敗 深入,纔遇有制之兵,便爲所敗。 泉,其長技 之玁狁整居 于鹹之勝。 管見: 狄常侵宋、侵齊,而區區之魯, 而 三人敢侵 能 挫秦、金,與魯敗狄無 水之勝,劉 則莫侮; 中 不過止此。 方鎬 國,恃其 按傳記,鄋瞞,狄之部落,兄弟 兵不在衆,善 錡 順昌之捷,以晉、宋之弱 後此,漢之匈 勇 狄 力 無有抗之,則肆 也 丽 異。 謀 ? 己。 則 或 故 奴火通 無 前 不在大, 得臣 有 敵。 此 乃 或 謝 行 H 周 何

患於夷,顧所以禦之之道何如耳。

禮也。」

本,鄉人立君。太子以夫鐘與郕邽來奔。公以諸侯逆之,非卒,郕人立君。太子以夫鐘與郕邽來奔。《左傳》:「郕伯十有二年春,王正月,郕伯來奔。《左傳》:「郕伯

管見: 郕伯非太子也,使在喪逐,則當書

「子」。不名者,爲齊偪也。

《公羊》:「未適人,何以「卒」? 許嫁矣。」• 一月,庚子,子 叔姬卒。《左傳》:「不言「杞」,絶也。」

宗子,遂圍巢。《左傳》:「群舒叛楚。子孔執舒子平及夏,楚人圍巢。《左傳》:「群舒叛楚。子孔執舒子平及

伯之日卑也。 管見: ●楚伐麋,圍巢,中國不能救,見晉

西乞術來聘,●且言將伐晉。」 秦伯使衛來聘。《左傳》:「秦使

來聘,以爲貶其讓國。於楚椒、秦術來聘,管見:此條,胡氏特發其義。《傳》於吴札

道,朝 豈非 臣。 日 以 良,君子遠 圃 者、楚椒、秦術、吴札是也。《春秋》尊 良哉。」豈非良以明生者乎? 子、楚屈完是也。 竊有見焉。《春秋》有臣 君而貴其 正, 楚子使屈完平齊,其禮順。 爲戎夷之禮,未同 商臣犯大惡,夫子罪作 皐陶 諸儒辨難 墮以叢脞生乎? 聘 不足 日 臣。 刑人而 : 爲 其義 皐 「元首叢脞哉,股 重。 陶 齊侯使高子定魯,其義 餘 **三** 已精,豈 於中夏。 聖 祭 君臣有 人 「元首 以 以君貴者, 目 閣 俑 容有所 其 偂 弑 一體相須之 有臣以 此 明 秦罃 君 聖人予其 肱 意 哉, 隋 而 夷 如 擬 齊 君 哉。」 賤 虜 殉 君 股 何 議 其 之 父 賤 肱

[「]嫁」、原誤作「稼」、據乙本改。

❸ 「西」,原誤作「雨」,據《左傳》改。❷ 「管見」,原缺,據下文補。

鄰、秦、晉之曲直可見。

是役無主客之辭。

城諸及鄆。《穀梁》:

「稱「帥

師」。言

義,表不端則影豈能獨正?《經》文因事 曰: 戎夷之禮,未同於中夏,則椒、術 以見意,因意以立義,此之謂活法。 若 之 季孫行父帥師 有難也。」

前,●荆 人來聘, 秦 人 歸 襚, 何 己 見 於

本劉常山 於世教大關鍵處,未可輕議。 墓,聖人何以親筆? 大抵《春秋》之義,其 若以札辭國 ,引用經據亦甚曲 爲貶,則 折,故諸儒 然胡氏之説 延陵季子之 不 繹

傳》:「秦爲令狐之役伐晉,取覊馬。 冬十有二月,戊午,晉人、秦人戰于河曲。《左 晉師禦之,秦師夜遁。」

復有異

管見 秦、晉二世交兵,至此五次。

然襄

秦伯復 故及於戰。越三年,秦伐晉,晉人亦不 令狐之役,秦多與雍徒衛,蓋有争國之心, 公寔激穆公之怒,而靈公不挑康公之怨。 取 覊馬,故有 河曲之師。 應敵、侵 報。

十有三年春,王正月。

夏五月,壬午,陳侯朔卒。

邾蘧蒢卒。《左傳》:「邾文公卜遷于繹,●史曰: 民而不利於君。」邾子曰: 「命在養民,死之短長,時 也。」遷 「利

於

而卒,君子曰知命。」

矣。 孝,❸乃可以言命。 所賦,義理當然。 引范巫之説,非此之謂命也。命者,天之 條以邾人違卜遷都 管見:《左氏》記事,多載卜祝之言。 若乃楚成王與子玉、子西不得其死, 君死社稷,臣死忠,子死 由由 爲 知 也,不得其死然」, 命,得言命之要 惟此

術」、原誤作「衛」、據乙本改。

「子」,原脱,據乙本補。 「遷」、原誤作「迂」、據《左傳》改。下「遷繹」同。

七

不可以言命矣。故知命者,制之以義矣。

邾子足以當之。

自正月不雨,至于秋七月。

廟」,魯公稱「世室」,群公稱「宮」。世室,世世不毀也。」世室屋壞。《左傳》:「書不共也。」《公羊》:「周公稱「太世室屋壞。《左傳》:「書不共也。」《公羊》:「周公稱「太

諸侯五廟之總稱。成王賜魯重祭,有郊、宮」之類,因以臆見配之也。淺意,太廟乃事于太廟」與「世室屋壞」及「桓宮」、「僖世室」,群公稱「宮」」,蓋見《春秋》稱「有僧見"、《公羊》謂「周公稱『太廟』,魯公稱

文王 禘之禮。《魯頌》曰:「皇皇后帝,皇祖后 昭,伯禽爲 自出 稷。」《春秋》書「吉禘于莊公」。 爲魯太祖,如周之祖 之帝,則魯郊 穆,如文昭、武穆並 后稷 而禘文王明矣。 后 稷。 禘者,禘其 稱。世室, 周公爲 是

於宗廟,亦以見魯國廟制之非禮也。《春秋》於世室屋壞,特謹書之,譏文公慢而魯僭之。若諸侯之廟則無世室之名,故

狄侵衛。

冬,公如晉。

衛侯會公于沓。

成之。」

東伯會公于棐。《左傳》:「如晉朝,且尋盟。衛侯會公鄭伯會公于棐。《左傳》:「如晉朝,且尋盟。衛侯會公子有二月,乙丑,公及晉侯盟。公還自晉。

管見:此新城同盟之張本也。先是,衛、 鄭從楚。至是,因魯求成于晉。鄭子家賦 鄭從楚。至是,因魯求成于晉。鄭子家賦 章,其分憂共慮,見於酬答,卒能輔晉會諸 章,其分憂共慮,見於酬答,卒能輔晉會諸 章,其分憂共慮,見於酬答,卒能輔晉會諸

十有四年春,王正月,公至自晉。文子相魯之功,尤其卓卓者也

倣

周制

也。

群公有宫,以序而祧,則祧主

藏於世室,稀、祫然後大享。

此天子之禮

故

新

城之盟

,聖人爲中國喜。

諸侯列序,

合。

懈於從楚,同

於向晉,

則

魯

不爲

無

功。

夏五月,乙亥,齊侯潘卒。《左傳》:「子叔姬妃齊昭邾人伐我南鄙。 叔彭生率師伐邾。

六月,公會宋公、陳侯、衛侯、鄭伯、許男、曹公,生舍。 姬無寵,舍無威。昭公卒,舍即位。」

伯、晉趙盾。

癸酉,同

盟

新

城。《左傳》:

「從於楚

管見"晉靈之編,會諸侯多散辭。此則散者服,且謀邾也。《穀梁》"「同外楚也。」

麋、圍 晉之可恃矣。 晉 沓、棐之會,魯 厥 會 自處父救江無功,諸侯分於從楚。 而復合,故喜而 貉, 亦不能禁諸 ,雖畏晉之偪,聽命於盾,未幾楚子 「巢,中 則宋、陳、 國 爲 侯之骯髒,而諸侯亦不復信 無 幸 鄭 序之也。 衛、鄭 能救者。 而 之君 魯人 和 在 復 事 椒又聘以釣 其合也 會 蕩意諸 矣。 中國 奈何 之情復 楚 于扈之 於宋, 次 人 魯, 伐 于 ?

以謹而日之。汪氏曰「謹其瀆君臣之分」,之意則一。惟大夫主會、《春秋》所惡,是而其辭曰「同」,與二幽之「同」,其爲予之

意好。

时:「不出七年、宋、齊、晉之君皆將死亂。」」秋七月,有星孛入于北斗。《左傳》:「周內史叔服

中 僞 昴,遼道宗死。 王生弑。 昴,石勒死。 諸侯,後世 管見: 或 亦各有 天子 此以分野 熒惑入南斗,魏静帝出奔。 爾。 所 則 應。 犯昴,石 夷 彗出昴,北元亡。 狄 言 惟 亦 也。 北 弘 應 辰、天 死。 天 古 象。 有諸 (垣,其 太白入井,秦 如 侯)應 熒 故 則 **彗**出 知僭 惑 乃 應 在 在

「齊出貜且長。」宜子曰:「辭順。」乃還。」傳》:「晉趙盾以諸侯之師八百乘納捷菑于邾,邾人辭曰:公至自會。 晉人納捷菑于邾,弗克納。《左

管見:《春秋》書法,「不」者,固辭;「弗」

二七三

七四

恕之。 者,餒 固,固者,疾之,從爲徙義,其辭餒,餒者, 行己志而從人也。 從人也。 齊侯 晉人納捷 鄭 擁戴世子,得變之正。 伯 逃 歸 菑于邾,弗克納,是 行己志 不 盟, 是行己 爲 長傲,其 鄭伯 志 而 不 乃 不

納捷 矣。 之旨明矣。 遜之美。 乃還,改過敏矣。「弗」者,以著 「不」者,所以 菑,邾人辭 聖人文理密察如 此條 日 稱「人」、《穀梁》謂 著其驕蹇狡譎之狀 「貜且 此 長。」知 其 其 揚 柔 其 善 責 辭 其 遏 嘉 晉 知 惡 温 順

欲

阿附惠

E

以

從楚,而逃

歸

不

盟,其

失

大

將來,九月,卒于齊。」 己氏也、生二子於莒。 九月,甲申,公孫傲卒于齊。 請 重賂以求復。 《左傳》:「穆伯之從 惠叔以爲請, 許之。

之晚,胡氏謂

外以

諱

爲善,竊意當從胡

公之政也,終不曰「公」,曰「夫己氏」。」 齊公子商人弑其君舍。《左傳》: 「齊公子元不順懿

> 或由 亂 托,魯般、齊倉之類 之招,而大惡之人,雖聖人爲父,不能 管見: 踰年之君,《公羊》曰「成死者而賤 而得之,故存其「公子」以 心,恒生於肘腋。一 危。於是桃虫辛螫,每伏於蕭牆 委任者,無 周密詳審。 經此變,故懲前毖後。 起所親。 無是子。 而 何自 商 掖 人聚士,卒及 甚矣枝 庭 生哉? 親 以武王之詒翼,而管、蔡煽 若非周 垂紳搢笏之望,有負 攝命者召公,掌兵者齊侯,禍 暱 强 而倚信者 後世托孤寄命不擇其 幹 公東征 於 弱 可 但事 難。 之召 哀 是以 1,或因 ,王室危矣。 也 爲後 變忽 蓋大位 亂 己。 《顧 也 世鑒 中 起, 1 乘 命》 商 貴 者, 生者」, 諒 狼子 致 人 彌 舍 亂,釁 一篇 寇之 成 必其 成未 有 陰 窺 縫 無 求 野 靡 m 王 伺 威

宋子哀來奔。《左傳》: 「宋高哀爲蕭封 人,以爲 卿 不

其説

是。

哀不 管見 雲。]其子哀之謂乎? 食 子 其 日 禄 . 可 不不 也, 義 何 mj 必 富 然則宋公無道,子 且貴,於我如浮 去父母之邦?

子

叔

が姫。」

則 泉石以 其君之無道。 曰:子哀之去,不得已也。 惟 有 死 自安者,如文山、疊山,既不仕元, 圃 己。 既不立于其朝,孰聽其優游 天下一 君,四 士夫不幸, 海 遇

劉忠 公無 恩。」未嘗不委曲求安, 王 之 恩。 齋 可 書 去之 日: 二 四 皓 地 「夷、齊 ,故文山 採 商山之芝,當知 採首陽之薇,當 而竟爲元人逼之北 至於隕 身, 高 疊 祖 知 Щ 之 武 遺

季布 去而 費 死 日 是 亦 「賢 不 者 幸 誠 也 重 ,非賢者之所 其死。」夫 婢 願 妾 也 賤

秋》。

文

公

至

爾。

子

哀

古

重其死,是以見貴於《

春

()感

慨

而

自

殺

者,非勇

也。

其

畫

無

俚

之

母? 冬,單 左傳》。 請受而罪之。」冬,單伯如齊請子叔姬 伯 「襄仲請以 如 齊,齊 王龍求昭 人執 單 姬於齊, 伯 日 齊 人 「殺其子,焉用其 ,齊人執之,又執 執 子 叔 姬

之。 管見 人弑舍不已,又以惡名誣 有罪 嗚呼! 爲 無 罪 世衰道微,人紀滅 無 罪反 有罪 其母 叔 明 矣。 姬 葉 向 而 高 執 商

乎? 天王 請 圃 不 行, 恩 威替 也 , 諸 侯 而

所謂

「舉天下

成

頑

鈍

世

一界」,:

其

春

秋

之

時

惡將與既往之禍福 不克, 寵賂彰 也。《春 盡付之悠悠,亂 秋》不作,則 是 賊 何 非 所 善

憚而 《春秋》,天子之事。 不 爲, 孤 寡 何 所恃 成舍爲 以 爲 君,貴 命 姬爲子, 故 E

後,以治其黨 目商人於前, 奸。 以 誅 然 其 後有罪 首惡; 無罪 結 正 …, 無 齊 人於 所

逃

於公議也

十有五年春,季孫行父如晉。 左傳》 「季文子 如

晉,爲單伯與子叔姬故也。」

君? 曰「華孫」,貴之也。 三月,宋司 請承命於亞旅。」魯人以爲敏。 馬 華 辭 孫 日 來 『先臣督 盟。 《左傳 得罪 臣 承其 華 耦 祀, 來 盟。 其 敢 厚 書

惡 援以 立。 稱爲 胡氏之論,其所考據較 高 用 目 管見 子 爲 事 不 成 耦爲司 大 專 來 節 嫌 華孫來盟,胡 内篡 輒之 盟 夫。 義之士。 同 而 辭 必明矣。 馬、寔 臣 來 魯定,安得 斷 盟之後 爲 詳《左傳》,則 李 預其謀,則是行也,結 其視! 節義之士, 氏 氏 參 精 據 而 爲 屈完 屈 季 昭公弑,公子 比 完、 孫、 ? 來 愚未 仲 盟 高 華耦,宋之 \sim 春 孫 子 而 齊平, 書 敢 秋 書 上法, 信。 ジ美 法 外 鮑

夏,曹伯來朝。 胡氏之論,其所考據較精

齊人歸公孫敖之喪。

《左傳》:「齊人飭棺,寘諸堂阜。 惠叔猶毀以爲請,立於朝

以待命。

許之。」

其爲辱 也鶉 因 聖人書之,其示以正終之義者也 齊,其爲耻亦大矣。 卒于位者,禮之正也。 有不必書者。 許翰之言以 管見:公孫敖,奔大夫也。 以 奔,死 著教。 史官書之,聖人弗削,何也? 更甚矣。 而 竊 爲 狐 書之以著敖之罪 謂 取 首, 玷先累 身 文伯、惠 子 爲 因子毀請, 哀誠,當然 國 敖從己氏旅 卿,子 叔二子之哀 後 卒于齊, 有 爲 方得歸 爾。 不 世 職 胡氏 可 嗣 分, 死 大夫 奔 喪 言 誠 于 蓋 引

致命。」 伯至自齊。 六月,辛丑,朔,日有食之,鼓,用牲于社。 左傳 *****: 齊 人許 單 伯 請 丽 赦 之, 使 單 來

之盟。 晉郤 而 管見:《春秋》重待臣之禮。 蔡人不與。 書 缺 帥 「至」,雖曰 師 伐 晉郤缺以上軍 蔡。 一幸之,而禮貌之意可 戊 申, 人蔡。 蔡。 戊申,入蔡,以 單伯見 左傳》: 見 執,歸 矣。 城下 新城

父救 **管見**:襄、靈之世,書大夫帥師者三。 江 , 郤缺伐 蔡,其 寔 無 以 加 於楚 也。 處

子敢圖 還 晉師不能救,於是狼淵之師,厥貉之次,楚 救 可怠,以城下之盟 ,則懣矣。 江 而 北 以 方 伐 ,則處父爲之也。 楚爲名,門 伐蔡 面 丽 還 以 一,則陋 人國 于 方 爲 城 蔡盟一 矣。 功, 遇 江 息 君 而 公 滅 楚 弱 罪 而 不 而

分: 不敢問 帥 取外夷之侮。 命 帥師」,見其 師 於楚,則 則貶 救 於是 、鄭,不 而稱「人」可 郤 庸之滅,陳、蔡之侵,諸 專兵無狀,徒示中國之 及諸 斯 缺 師 爲之也。 何 侯,大夫在 也。 足道 趙穿 哉 目其人而 ? 行,責 帥 若乃 師 趙 有 弱 書 侯 所 盾 以 以 奔

秋,齊人侵我 西

書法與處父、郤缺同,説見下。

季孫行父如晉。 《左傳》: 齊侵我鄙,故文子告于晉。」

文

公

齊 也。 齊 人賂晉侯,故不克而還。」 冬十

有

一月,諸侯盟

于扈。

《左傳》:

盟于扈

謀

伐

侯。 黨賊 賂 管見: 會于 而 與縱 還,不序諸侯,不書「成齊 書曰:「成宋亂。」盟 賊、書法不同、其爲 稷,爲賂,故立華 于扈,謀 疾惡之意 亂 氏, 」,何也 伐,晉受 列 序諸 則

同惡之罪彰。 定其位。 0 督弑與夷,迎馮 先案後斷, 商人 弑 便見以 於鄭,猶有 舍自 此 文 事 一晉侯 待 會 諸 m 不 侯 小 能 人 以

討。 見凡,使若以異事盟,而晉伯失賊之罪 陽會諸侯謀之,陰受其賂 而 還。 隱 著 H

不惟 矣。 又以 作乎? 亂 夫弑逆大惡,天理不容,王不能 此受賂,綱常爲之掃地 賊有所惧,而亂賊之黨亦當 隨 事 立文,而 奉天討 ~~春 賊之義著。 秋 誅,伯 有所 미 無

懲矣。

+ 有二月,齊人來歸子叔姬。 《左傳》: 「王故 也。

官見

公羊》:「其言「來」何? 嫂之理,臣 當歸 管見:婦 也? 人謂 無逐 叔 姬 嫁 無罪,子弑其 君母 曰「歸」,此言 閔之也。」《穀梁》: 之義。 商 罪。 「歸」,何 「貴之也。」 人敢 叔 爲 無 弑 出 不

逆 ? 君之賊,而 倫敗理,莫此 不 暇 於君母 辨 爲甚。 此。 執之歸之如 齊 書日 人黨惡,既 「齊人」,著 兀 不 婦 然。 能 討 通 國 傷 弑

文子曰:「齊侯其不免乎? 己則無禮,而討於有禮者。」」齊侯侵我西鄙,●遂伐曹,入其郛。《左傳》:「季

管見: 甚矣晉靈、趙盾之無能爲者!

齊

之罪也

於肆惡。抑趙盾亦有今將之志,故養賊而罪不討,又取其賂,使商人侵魯、伐曹,敢

弗 及 有 不之問歟 盟。 六年春,季 《左傳》: ? 書曰「齊侯」,所以 「及齊平。 孫 行 父會 公有疾,使季文子請 齊 侯 于 陽 病晉伯 穀 齊 盟 也 侯

侯不肯, 曰:

「請侯君間。」」

勢。 歟? 弗之受也。 是明知 是公子遂之賂行,尋有郪丘之盟。 魯侯乃使其大夫請盟,豈畏其强 爲有歉也。 管見 比事而觀,齊、魯之交情見矣。 齊侯以暴戾之資行險狠之志,宜 「弗」者,餒 其 無鄙 魯侯不能自强,惰於爲國, 齊嘗執魯使,歸 夷之心,深侮其爲 辭。 齊 侯 蓋 魯 以不見 女,侵魯鄙 而薄 委 蓋 靡 其 魯侯 齊 於 其 之 至

三猶可也,四不可也。」「自是公無疾,不視朔也。」《穀梁》:「以公爲厭政已甚也。「自是公無疾,不視朔也。」《穀梁》:「疾也。」《公羊》:夏五月,公四不視朔。《左傳》:「疾也。」《公羊》:

病,譎 月 不 以寔行父之言,而 **管見:**此自五月以前逆數之也。 視朔,至是病間 也。 當 視 丽 釋齊侯之憾。 不 可以視而 視,慢 也。 不視,意欲 聖 無 公自二 人 病 推 而 見 日

● 「我」。原誤作「伐」、據《春秋》改。

必書矣。

「公使襄仲納賂于齊侯,故盟于郪丘。」六月,戊辰,公子遂及齊侯盟于郪丘。《左傳》:

受遂之賂,復與之盟? 比事而觀,齊貪、義,則遂亦弗及盟可也。夫何不盟行父而管見:商人無耻甚矣。苟持臣不敵君之

數。《公羊》:「郎臺也。」
毀泉臺。《左傳》:「有蛇自泉宮出,人其國,如先君之秋八月,辛未,夫人姜氏薨。杜氏曰:「文公母。」

魯懦,其惡皆不可掩。

彰前人之過,文公於是乎失道矣。檢,强敵外侵而不之備,顧汲汲於毀臺以不係泉臺之存毀。是時,權臣内横而不之管見:成事不説,既往不咎。魯之盛衰,

蠻以叛楚。楚子乘馹,會師于臨品,分二隊以伐庸。秦人、楚人、巴人、秦人滅庸。《左傳》:「楚大饑,庸人帥群

文

公

管見:此秦、楚相合之始。晉 巴人從楚師。群蠻從楚子盟,遂滅庸。」

從楚。 亦以傷中國之不競也。 國稱「人」而楚不言「以」,罪夷狄之同惡 自此始。 此盛彼衰,常反爲變,聖人深致意焉。三 從中國,理之常,夷狄而從夷狄,勢之變。 無功,楚莊之伯,秦亦不爲無助。夷狄 合,以撓中國之權。晉文之伯,秦固 討,秦窺知中國 管見:此秦、楚相合之始。 晉之失秦,亦 晉侯委盟會於大夫,縱 于殽之後,秦雖憾晉,未敢公然 無有爲之志、於是 弑 始 逆 與 不 而 爲 楚

諸死之。書曰「宋人弑其君」,君無道也。」 夫人。公將田孟諸,未至,夫人王姬使帥甸攻而殺之,蕩意子鮑禮於國人,●襄夫人助之施。昭公無道,國人奉鮑以因不知,一月,宋人弑其君杵臼。《左傳》:「宋公

「鮑」,原誤作「飽」,據《左傳》改。下「奉鮑」同。

0

在至桑武心,然更恶心爲國人所 是三,讨杵臼之弑,王姬主謀。曹曰「宋人」 則弑械;

管見

與,閨闥之命,安能行於甸師? 其事與張何? 王姬寔操弑心,然使宋公爲國人所

后之弑晉孝武、馮后之弑魏顯祖、韋后之

道 弑 一,使國 唐 中宗 人離心,因夫人以行弑 異 矣。 夫以 或 君 之尊, 逆。 馭 失 雖 其 曰

人」,以爲有位之戒,而王姬、國人之罪皆婦人媒孽,亦宋公有以致之。書曰「宋

無所逃夫斧鉞之誅矣。

《左傳》:「討曰:「何故弒君?」猶立文公而還。卿不書,失十有七年春,晉人、衛人、陳人、鄭人伐宋。

其所也。」

吁、宋 人,然後國人奉之,因夫人弒杵臼以立鮑, ൬ 前 管見:弑逆不討,故列卿貶而稱「人」。 誅 書「宋人弑 之理? 華督之比。 君」,著通 日 : 苟 除 欲 惡 討之, 國之罪,非 務 本 安有 鮑 禮 盡 如 於 衛 或 或 人 州 然

也。

嗟

乎

商

人

反

(覆,罪

不容

誅。

魯

荷

1

前,而 賊 以 天王 黨惡之條可也,夫何 也 ,討其今將之惡,襄夫 杵臼之失道 ^ 誠自鮑矣。 春秋》辭 約 彰 爲 意 ; 列 遠, 伐宋者「人」於後 立 卿 鮑 弑 人及其帥 者。當執 君 而還? 者「人」於 鮑 甸 是 歸 律 諸

而賊鮑之元惡著。

夏四月,癸亥,葬我小君聲姜。《左傳》:「有齊難

是以緩。」

《左傳》:「襄仲請盟。」 六月,癸未,公及齊盟于穀。

丘之盟 管見:商 血 人操 未 乾 心,真 西 鄙 之 小人之 戎戈 已 無 起 忌 憚 前之盟 也。 郪

公懦弱,及盟於伐我之下、《春秋》之所耻爲取賂於襄仲,後之盟期必屈於魯君。文

知爲國之道,彼安敢侮之若此之甚也?

諸侯

會于

扈。

《左傳》:

「晉侯蒐于黄父,復合諸侯于

若

無

方伯

者。

書「諸侯盟扈」、「公

至

自

放

穀」、「公子遂如齊」,見伯事扞格,諸侯

縱甚矣。賈季稱「趙盾,夏日之日」,觀其

葵丘是 伯 弑君之賊,姑以盟會諸侯爲名,故略而不 其盟諸侯,名與情而 管見::天下之事,莫有善於有情之名,莫 序者、惡之也。 扈,會于扈是也。靈公情不在於討齊、宋 之重、詞之復者、美之也。 不善於無情之名。有情之名,盟于首止、 衰,當求情名之虚寔而已。 所以興 也。 而晉伯所以衰。 桓公情在於翊世 貴寔則益,隆 相 副,故前目後 無情之名,盟 欲觀 虚 子、 則損 五 明王 伯之盛 凡,書 此 齊 于

梁》:「非正也。」 十有八年春,王二月,丁丑,公薨于臺下。 爲政若此,惡在其可畏哉?

《穀

政又 婦 賊。天王錫命歸含,恩禮特優。 閔之上而陷父於逆祀,成姜之禮于齊而 不如事晉,不臣之罪,莫此爲甚。 臣如京師 管見:或謂文公怠政之君,愚以爲三綱之 已有凉德,子孫何所憑藉 以不正 其 末 一。其於三綱之本,蓋蕩然矣。 ,而十有八年不曾 也。 是以抔 土土未 而 乾,蕭 不 覲 亂 僅 牆 哉 躋僖 其 兩 起 事 使 怠 致 於 周 得

473

冬,公子遂如齊。《左傳》:「襄仲如齊,拜穀之盟。」 能 管見: 魯之君臣奔走於齊而 蓋見晉伯之無 於是商人肆行無忌,伐魯、盟魯,旁 能 爲 也 宋、齊弑逆,晉不 不赴扈之會 0

秋,公至自穀。張氏曰:●「齊

商

人不足與會。

「至」,危之也。」

補。 張氏日」 原無 據《通志堂經解》本《春秋集注》及體例

文

公

桷而納之惡。 文姜會齊而 公之於平王 不之檢,莊公之於桓 歸赗來 文公兼前三愆,而有之臺下 、聘而 不見答,桓公之於 公丹楹

刻

秦伯罃卒。 高氏日: □「康公歸襚,始與魯 1通好。 至是

之没,非不幸也。

遂書其卒。」

歌、❷閻職弑懿公,納諸 夏五月,戊戌,齊人弒其君商人。《左傳》:「邴 者,必誅之賊。 管見:此與宋人弒杵臼 竹中。舍爵而行,齊人立公子元。」 齊人不即誅之,乃貪 辭同意異。 其

易亂。 也。 然,是亦商人而已。 與歐、職同心者也。 行,公然無忌,國人 誘,逡巡北面已歷三年,則是舉 至是歜、職 爲商人之臣而以商人之見 以其私 亦不之問,蓋幸 《春秋》之志,不 書曰「齊人弑 憾弑之,歸 國皆 君 弑 其 舍 二,不 商人 爲 賊 以 弑 爵 當 亂 黨 利 丽 而

> 既君 能 叔肸,聲其罪而討之,則得矣。 不 商 立其朝,不食其禄,如宋之子哀,魯之 則弑舍之獄 미 Ē 一乎? 日 : 有

許之。」 秋,公子遂、叔孫 六月,癸酉,葬我君文公。 公、屬諸襄仲。 襄仲欲立之,請于齊。 得臣如齊。 《左傳》: 齊侯新立而 「敬

欲

親

生

嗣 管見:《春秋》使舉介副,止見於此。 乃不能弭禍,又贊成之,故襄仲挾與之行, 大事,弑逆大惡,非一人之能爲。 後得臣卒,略而不日 心,仲有是謀,使得臣 宣之立,赤之弑,得臣寔成之也。 不可 摇,外 侮不可 ,則是雖 納禍 特 立其間 機 得臣 或 毅 可 夫廢 爲介,而 嬴有 然 少戢。 觀 以君 是 立 其

0 0 「獸」、原誤作「歇」、據乙本改。 及體例補 高氏日」原 無 據《武英殿聚珍版叢書》本《春秋集注

以歜、職之私蔽通國之罪也。

或曰:

齊人

重

,隱惡之禮,情文之節,惇庸也。●

繼

111

得臣 京師者二,帥 速就 其 公族 事。 爾,事 或 師伐沈、敗狄各一,委任權力 日 **:** 何 襄仲 由 止? 主兵,敬 日 嬴 得 私 臣 事, 如

階。 齊黨惡之罪著矣。此《春秋》發微之法也。 非泛然之大夫可比。 襄仲豈肯挾之爲副 其冬,子卒,夫人姜氏歸于齊,則是秋 哉。 苟徒碌 小人同惡,爲 碌 無預可否, 國 禍 如

之哀姜。」

曰「子卒」,諱之也。」 冬十月,子卒。《左傳》: 「仲殺惡及視,而立宣公。 書

其 焉 先君既葬,子不名。 管見:子卒不日,公薨不地,書法異諱意 而 同。赤立爲君九月矣,諸侯在喪稱「子」。 可掩,此《春秋》立文之妙也。 見命德 事則寔。學者求其故,見惇典庸禮之意 以 不日見故。 討 罪之權焉。 夫然而 成赤 宣公篡逆之罪不 爲 先儒 未踰年之君, 其文則諱, 謂 終 事 之

> 之恩、紀事之信、誅亂之義、命討 也。 非

聖

人,孰能修之?

夫人姜氏歸于齊。《左傳》:「大歸 曰:「天乎! 仲爲不道! 殺嫡立庶。」市人皆哭。 也。 哭而 魯人謂 過

市

管見: 叔姬歸于魯,姜氏歸于齊,不當歸 莫此爲甚。 也。既弑其君,又逐其君之母,倫理絶滅 《春秋》於叔姬稱「子」,姜氏 稱

「夫人」,其扶持風化之意切矣。

季孫行父如齊。

張氏曰:❷「告宣公之立。」

佗。 鳥雀也。」」 季文子使出諸境 莒弑其君庶其。《左傳》:「莒紀公生太子僕,又生季 愛季佗而黜 僕。 。 日 僕因 「見無禮於其君者,誅之,如鷹鸇之逐 國 人以弑紀公,以其寶 玉來奔。

- 0 惇庸」,原脱、據乙本補。
- 0 補。 張氏曰」,原無,據《通志堂經解》本《春秋集注》及體例

管見:莒僕弑君,稱國以弑者,告略之也。 僕既弑君,何以來奔? 意者紀公無禮於 僕既弑君,何以來奔? 意者紀公無禮於

公子遂如齊逆女。《左傳》:「尊君命也。」

其意也。」《穀梁》:「繼故而言「即位」,與聞乎故也。」 元年春,王正月,公即位。《公羊》:「言『即位』 一何?

管見 大君。」不書「即位」,其惡不著。 不奪之 忌。《易》曰: 得國,靦然南 臣子之事讐,其罪互見。若乃桓、宣以 位、與繼正同、則天王、方伯之失賊,通 也。● 篡逆之人,必誅 矣。《春秋》皆不之奪,此可見聖人之文 君爲弑者所立,有良史作,必奪其「即位 暈弑 隱 面而告改元, 寔小人之無所 「渺能視,跛能履,武人爲于 而立桓,遂弑赤 罔赦,而 而立宣,一 敢公然即 篡 或

> 歟? 故冒喪爲之,而寔遂之謀也。 能動其心也。宣公處非其據,恐不自保, 命」,非也。 失,導君爲非,其惡一至於此,遂亦翬之徒 桓公故事,昏齊之女。 人之私。 故挾得臣偕往,使齊人知事出於公而非一 謀立接也 管見: 鄙夫患得患失,無所不至。 故其文一以施之。《左氏》曰 及謀既成,又恐齊好之不固,用 ,以謂不得齊侯爲主則謀不售, 出姜過市之哭,不 小人患得患 方遂之 [「尊君

也。」《公羊》:「何以不稱「姜氏」? 譏喪娶也。」《穀梁》: 三月,遂以夫人婦姜至自齊。《左傳》:「尊夫人 其曰「婦」,緣姑言之也。」 管見:遂不稱「公子」,姜不言「氏」,而「夫

奪,此聖心之裁制也。

宜

公

Ęď.

「見」,原脱,據乙本補。

母之婦以歸,姜不當夫人婦而挈于遂,宣子、夫婦皆有貶焉。遂不當挈君之夫人君人婦」存其名位,此一筆見魯之君臣、母

之蕩 之不君、不臣、不母、不子,其惡皆不可 婦齊女。 公不當冒喪而娶夫人,敬嬴不當以妾母 有造於魯而 敗 不恤 魯方以有倚 連姻。 也。《春秋》特異其文,● 充利心以相交,而 於齊 「而求 好, 齊亦 IIII 禮 魯 義 以 而

夏,季孫行父如齊。《左傳》:「文子如齊納賂以夏,季孫行父如齊。《左傳》:「文子如齊納賂以

掩矣。

不思 孝子之道事之矣。 弑立,行父爲之如齊告立,納賂請會,則以 禮於君者,誅之如鷹鸇之逐鳥雀。] 然 管見: 莒僕試 「有禮 而行之耶? 於君者,事之如孝子之養父母 君來奔,文子使出諸 所謂「三思後行」,此 孟子論浩然之氣曰 竟, 宣 日 公 : 何 無

> 近正也。」 者,放胥甲父而立胥克。」《公羊》:「放之者,無去是云 晉放其大夫胥甲父于衛。 氣,故於得失利害之際,不能不動其心。 言而未有不餒者。若文子者,知言 直以養之而 無害。」苟 《左傳》: 不 能 養氣, 「晉人討不用命 而 則 不 雖 養 知

已矣。 曉。 皆在趙盾 出於國君與其 甲父,故稱國 駢之謀,●則當偕貶,乃庇其族子 管見: 晉討胥甲父不用 秋》天子之事,刑、賞、廢、置當出 胡氏以謂河曲之敗 晉殺其 柄卿專國,故施以累上之文。 以放,恐未必然。 (大夫先都,放其大夫甲父, 大夫而上不禀命 ,甲父與 命之罪,其 則 穿而 趙穿 於王。 大抵 事 稱 或 獨 撓 不 春 苟 而 放 臾 可

「特」、乙本無此字。

「臾」。原誤作「叟」。據《左傳》改。

0 0

無

强

臣

爲

主

則其事

亦

成。

衛州

吁、

齊

無

管見

春

秋

篡

弑

之禍,外無

强

或

爲

援

内

公子遂如齊。《左傳》:「東門襄仲如齊拜成。」 公會齊侯于平州。《左傳》:「會平州,以定公位。」 所立。 罪 終不 或。 日 討罪,著其 始末皆見。 以定魯公之位,然僞定 必無能 討之者。 不 如齊」,此書「公會齊侯」,而謀魯事者 「篡弑 可逭。 得赦也。」可謂深明《春秋》之法。 蓋 時 議其 齊爲 明 宋 鮑、 晉爲伯國,柄卿者趙盾 知晉之必不能討,而 魯 之賊,身 首犯、從 聖人傷世教之衰微,特以 私也。 《經》前書「行父 强 宣 莒僕之徒 或 黨於齊 一新君 故平州之會一,齊侯 悪 無 存 以 惠,故弑 接 者惠公,亦 一時,而 没 昭 迹 , 時 示 於 如 將 四 無古 世, 齊」,後 赤 陰蓄 來。 無 鄰 赦 諸 而 爲 無 今, 一筆 之刑 奪 胡 弑 弑 侯 其 書 氏 可 亦 之 君 能 君

也。」《公羊》:「外取也。 六 月,齊人取 女,子赤齊甥,齊 齊惠 管見: 魯宣 其爲 愐 公得位。 貪濟西之田而 以保其身, 而黨邪害正,雖乞憐强國,巧成譎就,幸足 會,其位 後篡奪皆效尤 臣之助,其效不 知、陳佗之類,内 春秋》爲教,嚴於義利之辨。 爲 後 君 其 助逆而 禍 身乃安。 謀,亦以 本 始定。 射一 也 濟 丽 取 割 此 西 時之利,賊萬 田,其 以赤易之,故襄仲敢謀 地 特 焉。 生屈辱,罪 輔 如 何以書? 田 爲身謀 外皆無助 侯非 此翬、遂所 以求立,其惡固 書 强 爲篡者, 雖内 《左傳》:「爲立公故,以 罪 國。 親 取 更 爲弑子赤之賂也。」 也 接 田 有所 加 寔 成 也,故敗。 又必其 而 世之倫,寔 不 以 亂 嗚 等。 疎 治其利於人 以 勝誅 主,必 Á 呼 奔 赤 著 不容 稷始, 走 君 出 也 其 於齊 姜齊 然强 列 位 而 賂 罪。 志 臣 於 其 齊

479

者,而不 土 加 ,置之不論,豈除惡務本之意哉 帝敬塘、議者專咎石晉,而 爲人所利之惡自見。 遼貪盧龍 遼 貪 中 國之 之賂

秋,邾子來朝

楚。陳共公卒,靈公受盟于晉。 也、宋文公受盟于晉、鄭穆公曰: 楚子、鄭人侵陳,遂侵宋。《左傳》:「宋人之弑昭公 勢而已。 楚子侵陳,遂侵宋。」 「晉不足與也。」遂受盟 理有曲直,勢之

莊 之亡。」故是役,楚得稱「子」。 之始事。子曰:「夷狄之有君,不 勢,天下翕然宗之。 天下是, 徒挾其勢,以爲天下非。於是楚 篡逆不討,又取其賂。 大勢之所趨 管見: 天下理與 强弱係焉。 仗義以令諸侯,據必直之理 晉承文、襄之烈,操天下之樞, 久 矣。 靈公不君,趙盾 撫鄭,侵宋,乃其 不自執 鄭穆不能 ,輔素强之 其理,以爲 如 不臣, 諸 圖 以 夏 伯

> 貶? 夷者。 《春秋》「人」鄭,誅心之法,以 理爲主,故惡之短而善之長。 意亦可見矣。此條重在討宋 向背,姑借晉人平宋一事, 觀下書「趙盾 然楚子侵宋 帥 爲繼 師 救 事 以文反覆之奸 陳 侵陳 治 賊 以扶 則 中國之即 何 貶 植 楚之 以 是 不

晉趙盾帥師救陳。《左傳》:「救陳、宋。」《穀梁

救陳。」

爲寔也。 能明救患之義,斯善之矣。 書「救陳」? 後,何以捨宋救 管見:此救陳,未救宋也。 宋受侵在陳之 伐鄭乃所 陳 無故受楚侵,雖 陳? 以 以救 救 宋 陳爲名, 也 善救陳,所以 不 然 及 則 以 (救,苟 何 伐 以 鄭

《穀梁》:「列數諸侯,大趙盾之事也。」 宋公、陳侯、衛 左傳》 「楚賈薦救鄭 侯、 曹伯命 ,遇于 北林,囚 會晉師 .晉解 于 楊,晉人乃還。 棐林 伐 鄭

罪

楚子也

義輔相,而乃背晉從楚。蓋視楚之强弱爲

14

宜

公

可,伐 序「宋公、陳 於大夫,故棐林之役 陳 伯 之遇,楚獲 地 故繻葛之役,不許諸侯敵天子。 命於大夫矣。 君之禮。 載書,以伯 城書趙盾,此 管見: 人從 不可爲 而後伐者,觀趙盾 會 諸侯會大夫,前此垂隴書士穀,新 王伐鄭」,存王體 不 伐則 也 解 主 可 侯 楊,卒 也。 則没盾不書,何 冠 春秋之初,天王夷於諸侯, 南 會晉 諸 面之君,發縱左右,●直 盟 侯,且大夫亦 無以加於鄭。 師 不許大夫統諸 雖 躊 伐鄭」,存伯 躇不進,遂使北林 大夫爲主, 也。 也? 其中諸 書「蔡人、 無 自是晉 侯。 先 而 盟會 體 軟 侯 束 也。 列 聽 夷 國 牲 猶

與成。」

學可"「我侵崇,秦必救之,吾以求成焉。」冬,侵崇,秦弗字曰"「我侵崇,秦必救之,吾以求成焉。」冬,侵崇,秦弗冬,晉趙穿帥師侵崇。《左傳》:「晉欲求成於秦,趙

官見:自臨品之役,秦已從楚。 晉之失

之謀。 蓋欲封植宗黨,使之當元戎之任,而 穿武夫無知,趙盾謀國,乃聽其妄行不禁, 之難,而 秦,敵怨使之也。穿欲得秦成,而爲侵崇 是非不計也。 猶推人之孺子人井以恐其父母 不思以德平怨,又將用怨爲 後 激 以 書曰「趙盾帥師侵崇」,見其 結 我 之讙,其不 ,使之急子 思甚矣。 德。 理之 譬

於是晉侯侈,趙宣子驟諫不人,故不競於楚。」晉人、宋人伐鄭。《左傳》:「晉伐鄭,以報北林之役。專兵自恣。桃園之禍,其所由來漸矣。

鄭之罪,偷 聖人急於討賊之情見矣。 管見:'侵宋,書「楚子」,伐鄭,書「晉人」, 使晉能明大義,先討齊、宋弒君之賊, 是爲伯 舉矣。 也。 鄭穆背華即夷,罪 晉人挾 宋 賊 宋之罪,賊 而 討 固 鄭 可 偷 鄭知 問 也 曾

● 「發」、乙本作「麼」。

是晉人自 伯 會扈平宋,鄭子 或 强於爲善, 棄 而 後 家已有不 雖 人 日 棄之 畏楚, 豈 德,則其鹿之言, 也。 敢 改圖? 經》書 一晉 自

之,不得聲罪致討之義 人、宋人伐鄭」,以 見 鄭 也。 寔 可 伐, 加 晉人伐

歸生 二年春,王二月,壬子,宋華元 左傳》: 帥 師 鄭 戰 歸 生受命于楚伐 于大棘。 宋師 宋。 宋華 敗 績 帥 元、樂昌 師及鄭公子 獲宋華元 御之。 戰

敗,囚華元。」

元御之,而 衆,勢相敵 管見: 二大夫 日「華元及歸 也。 並 鄭 言 歸 一帥 生受命 生」者,非林 師一, 于 見其 楚伐宋 將 以 尊 後, · 華 師

戰。 宋兩次從晉伐鄭。 兵,不知己之有瑕,而 千乘之半矣。 棄之也,於是師敗將 傳》稱 鄭 華元 獲 宋 大棘之役,華元志乎是 申 禦 獲。 侵 車 必人之可 鄰 四百六十乘,是盡 《春秋》師、將並 之敵 學傾 勝,是 以 國 衆 之

> 秦師伐晉。《左傳》:「秦伐晉,以報崇也,遂圍 其將,華元 不得以韓爲例也。 舉,聖人重師之意。 雖 獲不 病」,抑何穿鑿之甚 《穀梁》曰「盡 且以 君將、卿將 其衆以 焦。」 之别 也 ? 救

但彼善於此則有之。 晉,是曲 後,秦師不入晉境。 或號「秦」,或稱「人」,或稱 「小人勿用」之義,所 管見:此趙穿負 在 晉 也。 乘 孟 以 致 惟晉 子曰「 聖人 挑 寇之罪, 秦釁也 1侵崇, 「師」. 、於秦、 春 秋 而 無 而 觀其書法 晉交兵。 後 趙 義 河 戰」, 秦伐 曲 盾 昧 以

夏,晉人、宋人、衛 道,不在强弱,止在 而善不善可見。且示後世以 人、陳 曲 人侵鄭。 直 IIII 己。 用 **企**左 兵行師之 一傳》

晉趙

님: 盾侵鄭,以報大棘之役。 『彼宗競于楚,姑益其疾。』,乃去之。』 楚鬭越椒次于鄭 以 待晉師。 趙 盾

管見:《 晉之文,然非聖人之情也,浮海、居 春秋》自楚子侵宋以 後,多予 夷之意 ·楚奪

是理 也。 聖人亦 狄。天下不可一日無主張乎是理 暴誅 罪 交作,於是討 而予人 夏,鄭穆之即 四國侵鄭,卿不氏而書「人」。 子。 不 以令天 亂 少假借。 王 八以誅 道 不以 歸生以 代 不行,不 王行 夷 下, 亂 夷,其辭多恕,而 此 賊之義,不在中國, 故擯之也。 楚命伐宋,而 賊之旨,不限於華夷,其廣 使亂 化 可見聖人天地至公之心, 得 丽 已 賊 E 知 侕 伯 不 進 故 伯, 書「華元 楚 爲 政 雖楚莊之猾 晉人賊黨之 覆 既 侵宋,得書 以 一,有 衰,暴 載 其 而 所 及」。 在 能 能 亂 持 夷 禁

也 不越竟,反不討賊 其君」,以示於朝。 秋 趙 ,書法不隱。」 九月, 穿攻靈公於桃園,宣子未出山 乙丑,晉 非 宣子曰:『不然。』對曰:『子爲上卿,亡 子 趙 而 盾 誰?」孔子曰 弑 其 面 復。 君 "『董狐,古之良史 夷 太史書曰 泉。 ^ 一道 左 |傳》: 盾紙

有

如

此

夫。

討盾 此。 夷泉 賊 待 宗黨,以根據於晉國哉? 是後放殺大夫 子而 之心,雖曰立之,寔非君之,弒械已 於靈公立之初。 管見:此 秋》歸獄 擁 盟會諸侯,或繫以國,或書其名,見靈公徒 狐,廢置其君如弈棋然。 於靈公弑之後; 趙盾之獄 而 虚 ,謹之於微,而 於此 發。 器,特盾之機 外求君之罪,盾豈得 秦納不正,而 加 逆雍于 於盾,豈待是 時矣。 董 穿爲盾之鷹犬,受其 辭定矣。 狐之筆、《春 秦,後 有王 盾不 而盾之獄情、《春秋》已探 人 E 書「晉人及」,聖 然盾之獄 臣 肉 能逃無君之罪矣。 者作,必問 又 無 加 爾。 、將,將 反 1 秋》因 蓋其 後 專執國 雍 斷 桃 辭 而 必誅。 操 ? 董 發 園 而不革 戰 其 小 一之禍, 命,私 蹤。 誅亂 秦 Ĺ 狐 擅 于 露 無 盾 捨 固 能 ^ 春 植 於 忌 定 世 舍 丽

冬十月,乙亥,天王崩。

死,乃不郊。《穀梁》:「事之變也。」 三年春,王正月,郊牛之口 傷。 改卜牛,牛

猶三 甚。 乃廢 不能討 呼! 其爲亂賊之戒切矣。 變,而宣公之罪上通于天,盡在書法之表, 西之賂,其迹 歸出姜,其事慘於桓公也。 郊。是意誠乎郊,因變而後止其禮也。 者,不當郊也。 管見:前年冬,天王崩。是年 人,對高 望。《左傳》:「望郊之屬也。 於是天示之變,悠悠者誠不欲僭逆之 斬 桓、宣皆篡君之賊。 宣公弑惡及視, ,得以 衰而行大禮。傷道悖理,莫此 明 而接 終喪。 顯於桓公也。 牛傷,又改卜。 萬 靈也。 及郊,又值天王之喪, 不郊亦 ^ 春秋》詳書其 王不能 平州之會 無望可 牛死,乃不 春,郊。 也。 誅 伯 「,濟 嗚 爲 郊

> 辭婉。 郊」, 字、「猶」字,就必然上看,是人事之僭妄可 之,可得其一二矣。 義數十,炳如日星」,即其微、著、隱、見求 無方望,則無望 知而其文密。婉於言天道,不曰「魯不 免牲」、「乃不郊」、「猶三望」見之。 字,就或然上看,是天道之鑒臨 郊非禮,不可以響上帝,特以「四卜不從」、 於言人事,不曰「魯不可望」,若以 「牛之口傷」、「牛死」見之。「不」字、「之」 若以爲神聽不和平,則 魯望非制,不可以祀群神 一可也。 程子曰「《春秋》大 《左傳》: 不郊可 可畏 特 「楚子主 爲諸 也。 乃 以一乃 而其 侯 口 密 於

重,對 葬匡王。 雒,觀兵於周疆。 日 『在德不在鼎。 楚子伐陸渾之戎。 定王使王孫滿勞之。 周德雖衰,天命未改。 鼎之大小

楚子問

鼎之大小輕

管見: 楚子觀兵問鼎,其意憯矣,何以得

言天道則微而著,論人事則隱

而顯。

如魯

管見:《春秋

》書事,婉

而

成章,

密 而

有法。

輕

重、未可

問

也。

他 書 但争鼎之所在爾。王畿之戎吾能伐之,獨 雒陽有二王矣。若曰: 薄其封爵 爵? 子、男之田 此聖人尊王之微意也。 ,而僭稱 ,乃先代受封 王。 周王,楚亦王也, 當其觀 兵之時, 之故號。 楚封 丹

爲比。先儒曰:「讀《春秋》如觀山水然。」之戏」、《春秋》革之,楚書爵,戎書號,見君臣之分如此其不可紊也,王畿之尊如此其臣之分如此其不可紊也,王畿之尊如此其不可犯也。乃書法外意,所以治其僭王之不可犯也。乃書法外意,亲有甚於此者。一本可問其鼎乎? 臣逼君,諸侯凌天子,雖不可問其鼎乎? 臣逼君,諸侯凌天子,雖不可問其鼎乎? 臣逼君,诸侯凌天子,雖

重緩急之宜,則弑君之惡,重於即楚之罪。惟理之從。當鄭之從楚也,晉侵之,權輕管見。《春秋》立法公,秉心恕,予奪進退

夏,楚人侵鄭。《左傳》:

「鄭即晉故也。」

「人」楚。觀晉、楚争鄭之曲直,而《春秋》得,掩其背靈之失。楚子憾晉恨鄭,是以也,楚侵之。論邪正向背之理,則歸成之晉侯黨宋怒鄭,是以「人」晉。及鄭之從晉

書法之權衡見矣。

師伐宋。秋,宋師圍曹,報武氏之亂也。」宋師圍曹。《左傳》:「宋公即位,盡逐武、穆之族,

至是戴、桓之族攻武氏,盡逐武、穆之族。以殺襄公之孫孔叔、公孫鍾離及公子昂。固、公孫鄭于公宫。襄夫人因戴氏之族,也? 穆、襄之族,率國人以攻公,殺公孫也? 穆、襄之族,率國人以攻公,殺公孫

義》及體例補。

0

以

冬十月,

丙戌,鄭伯

蘭卒。

兵以 骨肉 族 不 宣 讓。」化起于家, 列 睦 之來,莫 逐 家 也 雖 目 日 隙成於私心之所 也。 之讓 不 以 夷 武、穆之族。 法壞矣。 或 族 幸 爲 伐宗國,國 立 爲 相疑,其端 公族之禍, 展 ·遭弑 襄守國 自 御 私 國 家 親,直齊 介有紀 於穆 成公世子見殺於其弟禦,而 説 嫌 仁,一 於是昭公謀去群公子,文公盡 而 逆之大變, 疑 極。 殺 君 本支相賊,其釁起於相 生 穆 何自 可以及國, 或 兄弟宗族之間 未 Ę 至乎? 家治國 用 于 豈 讓 興 有 萬 外 相 非 生? 於殤。 甚 者,戴、武、穆、莊 争。 師 迎 於宋者。 以 長 讓 馮 觀 况宗族乎? 禍亂 敵 遂至公族 乎宋 衰 于鄭, 家 久安寧 襄 怨讐。 于前 家 讓之 讓 何 事, 《大 無 由 世, 目 之 宋之 争 或 乃 變故 召外 起 或 學 疑 夷, 要 知 之 心 ? 丽 方 興

晉,冀 焉。 言 於小人反覆之非 間,然從楚者,矯情 不知所從之恨。 侯,顧以不見爲 之會,請魯求成於晉,子家《鴻雁》之賦 之師,晉不及救,始不得已 管見:鄭蘭 懷之乎? 不足與,而楚莊借宋事以 有安宅之恩。 順。 威 0《春 勝其德,故慕晉之心 晉人改 歸生以 秋》於其從楚多恕辭 及 享國 于扈之會,晉不能 靈 楚命侵宋,豈非晉德不 其 威,鹿死 前 公弑,成 前 於是背晉事楚。 二十二年,依違晉、楚 也。 轍 其情 拳 晉人威 不擇陰之言, 公立, 圖伯,其義正,其 寔 移 拳 而 可 於 有 從楚。 矜 惧 德 反 圃 復 以 也。 楚, 俱 晉 IE 去 義 其 于 見 之 楚 · 足 人 蓋 卒 命 狼 侵 意 以 寔 寔 棐 淵 陷 楚 之 即 有

●「拳拳」。原作「眷眷」。據乙本改。

道

也

矜,其視乃祖莊、厲,豈不爲有勝歟?於楚,則曲楚而直鄭。故曰:鄭穆之情可

葬鄭穆公。

積,則 《中庸》曰:「篤恭而天下平。」苟有至誠之 返,俱 畔,慚 孟子曰:「愛人不親,反其仁。 莒人不肯,見其心不誠服,不能以强平也 平」,道不外此。 過威力脅之而已。己寔不德,何以平人? 管見:虞、芮争田,如周入界,見其耕者讓 反其智。」魯侯不能自反而乃伐莒、取向 (讓其 觀感具孚,「聖人感人心而天下 相 謂 田而 : 不取,是不待平而自平矣。 「吾所争,周 齊惠、魯宣之平莒、郯,不 人所 治人不 耻 。」遂 治 和

> 書,深惡所爲,故辭繁不殺。 則向 亂,觀此亦當知所省矣。 肯平郯之故,以力取之。 豈非悖理之甚? 爲莒所併已久。 按: 魯人特貪其 隱二年,莒人 **奉** 世之以亂 1秋》撥 地 入向, 亂之 因不 平

秦伯稻卒。

之。夏、弑靈公。」

一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,一定是一个人,

畏偪 以心使力,歸生以力使心。 已。趙盾之獄,斷之以 心,又有可爲惡之力,然後及於弒逆。 之以力。大抵心力相關。 管見:《春秋》之斷弒獄,止在 Mi 非其意。 執國十有四年,植黨於 心。 小人操爲惡之 歸 夷皋之立,盾 生之獄 心 與 力 斷 盾 而

之足以 心,則 乎? 歸 以 外杜其所與謀之逆志,則禍 朝聘之事,而子家乃其輔導之臣。 其對趙盾之言曰「歸生借寡君之嫡夷,與 意 靈 殺營陽王矣。 欲殺子公,而子公與之謀先,是必憚 力者乎? 心,以穿 内,縱惡於外, 一三臣相及於絳」,則夷爲世子時,蓋曾 老 而爲逆,蓋不 生之力以 木偶視其君,弑 不 畜 陰險者皆敢 夫 断之以 視 防 爲 逆弑,大惡不 遏 君 子家 操 弑 也。 刀 而聽逆謀之 **奉** 力,則 夷耳,非其 盟會諸侯,放殺 必盾自爲之。 之僕 自 謂宜 爲 秋》原情議 械之所 穆 姦雄 司 公以來執鄭之政, 耳,非其 内閑其君之邪心, 馬 赦之罪,不斷 者 阳之弑 力之足以 由來 得行 皆 可潛 獄、爲 敢 心之足 乃其包 漸矣。 大夫, 是 消 爲 高 當夷 貴 使 子 矣。 萬 徐 之以 公假 其 世 以 藏 探其 以 羨 鄉 心 之 者 之 禍 亂 公 乃 力 預 觀 使 芻

> 賊之戒,豈 不深切者哉?

赤狄侵齊

秋,公如齊。 公至自 齊

管見:此後,比 公以不正取 國,而委質事 年 齊。 齊之罪 也

如

行

至

悉書

著

官

冬,楚子伐鄭。《左傳》:「鄭未服也。」 雖未 篡弑 管見:鄭弑其君,楚以討賊爲名而伐之也 耻。《春秋》推見至隱,何以予之? 之罪,特假 得書「子」。 云乎「五 春秋》急於討 相尋、暴亂交作、苟 免假之之意,不 霸,假之也」,聖人 此爲名,以 或曰: 賊 ൬ 楚莊意 樂 猶 與 洒 愈於受其 能 人 前 不 固 伸 爲 年不 在 予其 善故 大義 問 獲 賂 鄭 於 能 孟 鄭 是 圃 國 天下, 假 成之 子不 成其 弑 役 耳。

0 邪」、原誤作「邦」、據乙本改。

亂乎

?

是以伯者之事,固聖門之所

羞

君

楚

鄭,其諸以予楚莊之伯歟?

秋九月,齊高固來逆子叔姬。《左傳》:「卿自逆五年春,公如齊。夏,公至自齊。

也。」《穀梁》:「不正其接内,故不與夫婦之稱也。」 君。 始乎 焉。 臣。 惡也,是以志之。 爲受賂之貨。 送賂之物。 外大夫娶内 管見: 夫婦,人倫之本, ? 君臣、父子之道皆失,何以正 高固 宣公畏高固 夫女生而願有家,爲父以嫁 脅 君子敬其妻子,爲 宣公 女,常事耳,其所書,必 夷虜 IIII IIII 禽獸之道、《春秋》之所 娶其 主其香,則 女,則 聖人之所慎 夫而 不父 不 子 夫婦之 以 娶妻 女爲 圃 有 脯 也 故 不 不

叔孫得臣卒。

《公羊》:「其諸爲讐而俱至者歟?」冬,齊高固及子叔姬來。《左傳》:「冬來,反馬也。」

宜

公

ÇZ

秋》之所最惡,是以詳而書之。 高固夫婦來魯,宣公負大惡,方倚爲 齊,襄公有禽行,故能與私而不之遏。 往。 不相 管見:男女不瀆,瀆則離。 不敢制。 女婿不俱至者,恐相瀆也。 順陰陽之理。 慮其離,故爲禮節以 離 歸 寧以 齊俗淫 反 馬 親 使相 以 存, 蕩,魯之末流 婦 敬 成 歲爲 防閑之。 而 ,三月爲 不相瀆, 度,法 聖人於其合而 魯桓公夫婦 亦然。 男外女内, 節 則相保 禮 止女行。 援 止 ^ 春 而 齊 如 使 而

鄭,伐陳。」
整人伐鄭。《左傳》:「楚伐鄭,陳及楚平。晉荀林父救

489

縱,是以前後皆稱「人」。 義,故得書「子」。然其猾夏之罪,法不可止爲服鄭而已。中度以討賊爲名,其動近止爲服鄭而已。中度以討賊爲名,其動近

六年春,晉趙盾、衛孫免侵陳。《左傳》:「晉、衛侵

二九八

陳,陳即楚故 也

之罪,請於天子,别立其君,則名正言順 諸侯之心。 之役,蓋嘗從晉伐鄭。 晉政者,從之也輕。 者,蓋趙盾 陳靈公受盟于晉,爲楚所侵。 爲政,縱 楚莊 出 篡逆 趙 來,假義 盾苟能聲鄭人弑 圃 至是背 不討 動 衆,是 故 ?晉而 無 以 棐林 即 以 楚 厭 服

者乎? 而特書侵陳,以著趙盾當國專兵,失持馭 爲失諸侯之本。 誰敢不從? 乃徒知救鄭 楚人豈能 故林父救 爲 懷諸 操 其 鄭,削 侯 是以聳動 加 不 而不 知 縦鄭 天下 書,

夏四 月。

諸侯之道

秋八月,螽。

七年春 冬十月。 「,衛 侯 使

謀會宋也。」《穀梁》:

「前定之盟不日。」

孫 良 夫 來 盟。 《左傳

始

通,且

夏,公會齊侯伐萊。《左傳》: 所諱,故不言「及」。 「不與謀也。 凡師 出 與

排難之心。

公自毁列

而

與之盟、《春秋》之

索報

於衛。

衛侯使良夫

來盟

是

誠

有

解

紛

之會,衛成因文公以請平于晉,故宣又欲

趙盾

無意於討賊

也。

至是晉

侯將爲

黑

壤

管見:

宣公篡立

專

事齊

圃

不

事

晉,

窺

知

之會,惧其見討,始約

衛

加

求平焉

于沓

謀曰「及」,不與謀曰「會」。」

秋,公至自伐萊。大旱。 文如此之親切者。 管見。《春秋》書災,未有以天變蒙人事之 而大旱,則調 動怨咨之氣,足以 公以夏會齊伐萊,秋 Ŧ 和 而 召

興之後。 變明矣。 「大旱」,大約以志恒陽之變,不必皆 此旱安知 或 日 ^ 經》書「大雩」、「不 非偶 逢其 適 者 ? 在 雨 日 師

:

《春秋》記異,詳先後事,皆見事應,非

漠然

曰:書「公會晉侯」,則晉懷利縱賊之罪自

或曰

魯惡

可

諱,晉惡

亦

山

削

乎?

都 皆足致旱。 無所關。 觀湯以六事自責,有一于此, 宣公之旱,意其時民有失職 見。苟復前會後盟,

冬,公會晉侯、宋公、衛侯、鄭伯、 又 重以兵戎之起,故感召如此其弗爽 曹伯 也 于 黑

壤。《左傳》:「鄭及晉平。晉侯之立也,公不朝,又不使大 夫聘。晉人止公于會,以賂免,故盟不書,諱之也。」 惡 矣。晉侯不討魯罪 盟,均爲有過也。 而失方伯討賊之義。 有援己之德而 下文不復書盟于黑壤者,不與 會不與盟,直書其事耳。諸侯自 管見:此公會諸侯之文,主公而言,故 而受其賂,則是止魯侯者,特恐之以取 心,而盟 以 保姦,又其所最惡者,故削 一不知事大之禮,其爲所 魯侯朝齊而不朝晉 而與之會,又止之與 盟者、《春秋》之所 盟與自 相盟,故 辱 而 一, 知 相 賂 盟 宜 與 不

之文。 則疑於首止、葵丘

八年春,公至自 管見:此其 「致」者,幸宣公之得歸,亦 會。

晉伯之失賊也 嘆

夏六月,公子遂如齊,至黄乃復。《公羊》:

有

也。「乃復」,譏大夫以君命出,聞喪,徐行而不返。」 疾,止 及垂 音遽至,宣公猶以次日繹,遂陷於失禮。 命爲重,而 亦無辛巳、壬午之繁文也。 管見:"仲遂如齊,疾不卒事,非方命者比, 「公子遂如齊,卒于黄」。録其死事之勤, 垂,不若卒于黄乃 亦未可深責。《春秋》書之,爲下文「卒于 垂」起見也。 加 而待代,不及則死命焉,《經》必書 卒。 欲死於婦人之手。 垂 聖人重始終之義,與其卒于 一近魯 可爾。 地、故於廟 將 奈何不以死君 命 祭 至 至 之日, 計 黄乃復, 黄 而 有

於禮

何妨?

小人之生計死謀,不安義

不然,辛巳之日遂卒于黄,太廟

有

事 而

繹

非惟自陷于過,竟納

廢其無聲者,存其心焉耳。」

其君於邪、《春秋》所 命 管見:過莫大於貳,壬午猶繹,事可 而猶不 已也。惡莫深乎故,萬人去籥,知 以

則生 不可爲 ımı 賜 而 氏,與季友同。 故 爲也。 宣公於遂、果薄其 既已隆之,欲殺

非體貌大臣之意。籥、萬皆舞也,去其有

不可得矣。苟不殺之,則吉禮

行

乎

,凶禮,

而 聲,廢其無聲,將以欺死者乎? 可,惟不繹乃可 爾。 宣公本無閑 然則 邪 無 存 敬 適

工夫,遂其 同惡之臣,冒喪逆 婦,習爲不

軌,是以貳過故惡,入於邪而不自知。先 儒謂詳觀書法,見聖人格心之道,以「猶」、

戊子,夫人嬴氏薨

「人」、「去」三字觀之,可以得其旨矣。

辛巳,有事于太廟。仲遂卒于垂。《穀梁》: 深惡也,故詳書之。 卒

之何? 譏乎宣也。 以 惡,而遂,族子也,書字以見世授之失恩。 以 事以見義,因義以見例。 **管見:**以翬爲例,則遂不當書「卒」。 事者,《春秋》之所重,而遂大夫也,書「卒」 爲例,則卒不當書字。《春秋》立文,因人 凡 見「猶繹」之失禮。 例拘,凡例之所變則 聞大夫之喪,則去樂卒事。」 世卿者、《春秋》之所 大義之所存 當從大義看。 以 :則不 終 肸

壬午, 則一《經》之義例,可須 猶釋,萬人去籥。《左傳》:「非禮也。」《公 、推矣。

不必卒而字之,●乃

爲減遂之罪。●

知此

羊》:「繹祭之明日也。

萬,干舞;籥,籥舞。

去其有聲者,

0

「滅」,原誤作「咸」,據乙本改。

「之」、乙本無此字。

492

1100

其事以寓褒貶,乃聖人之微意也 其僭耳。 風氏、嬴氏之薨,乃復以「夫人」稱,則僖、 宣皆書 宣私崇妾母之失可見。不没其寔,所以著 事,予奪存乎意也,豈可著於其文? 嫡妾之辨,書法若此,何也? 曰:此書 **管見:**成風、敬嬴薨稱「夫人」,《春秋》謹 一嫡,莊之哀姜、文之出姜既見於《經》,而 「即位」,則篡奪之罪不可掩。 。此如公薨不地,子卒不日,而桓、 禮 直 書 無 國

传晃: 白狄侵齊,晉不能攘却,而與白狄晉師、白狄伐秦。《左傳》:「白狄及晉平,會晉伐秦。」

予其滅也。是時,强凌弱,衆暴寡,齊、晉、歸焉。」《春秋》興滅之書,凡書「滅」者,不管見:子曰:「興滅國,繼絶世,天下之心

秦、楚之大,其勢力能滅於一時。聖人扶 伐而人伐之,如彼流泉,淪胥以敗, 辭。」上下之同力,凡小 責人乎?●《公羊》曰:「滅者,亡國之善 概誘於滅國者之罪,無亦薄於責己而 故滅人之國者,「人」之而已。《春秋》「人」 秋》爲教,扶衰,振弱,弭亂,息争, 去、郭亡、梁亡之類,書法自異其文。《春 能支,無亡國之罪,則書其滅某。 滅國,乃見滅者不能强於爲善以保其國 弱何所恃以自存,强大何所 天理,正王綱,苟遂滅之,則萬世之下,小 弱迫於强 / 憚而 大, 不爲? 一本於 夫自 力 厚於 如 紀

秋七月,甲子,日有食之,既。

公而已。

管見:日食自《春秋》前,止見於《詩•十

●「亦」、原誤作「非」、據乙本改。

者何?

難也。

『乃』者何?

難也。

或言「而」,或言「乃」

「乃」難乎「而」也。」《穀梁》:

「雨不克葬」。喪不以制

也。

禮也。

所

拘

H

時

止

論

寅餞 縢 以爲常度? 天 晦 朔 虞、三代蓋 周,中星同度,自周至宋有差,推此 觀於《詩 千有餘年,豈 依其度,則人事之感召不誣矣。 月之交》,而《書》不載,何也? 食之異,亦未 命,有當食 陸 朔 ,變有其事,然後書之,其餘 下,乃中國未 秦、漢而下,治少亂多,有頻 推之, 出 氏 納 以 • 爲 天 不 定之方中》,曆家以 自 同真元會合之運。 層差。 可 無日食之變,史何不書? 必如高宗之形日,成王之金 度 食之理。 有 知 有之大變。 定 其 也 有定限。 道 以朱子 ,陽常用 周 室既 ,所論! 或有不當食 考 則 事, 其時,楚伯 東 聖人繼 自 爲 (月頻 略 日月 下 堯至周, 之乎? 此 陰 自 則 不言 堯 合 食 凌 每 作, 唐 將 不 而 於 上 聽 至

《左傳》:「禮也。」《公羊》:「「而」 敬 嬴 雨 不 克 葬。 城平陽。 不可。 按禮 義。 不 因是觀吕才所 道之偏正,力量之全否,而五音姓氏、八家 主勢之强弱,風氣之散聚,水土之淺深,穴 管見:"此條,胡 ൬ 庚寅,日 雨 窮之悔,非孝子之所忍爲。 卦造、九星形勢等説,皆不 爲妄,言亦有 ·拘矣。 若得葬而 克葬也,不 意謂 不擇年月 《左傳》: 而 中 此 葬 H 而 緩 亦 月 既 葬」。 可 理。 「書時也。」高氏曰: 爲失禮、《經》必書「雨 可 日 雨 叙 有日,不 傳 以 時, 以 失 葬 取《穀梁》「喪不以制」之 宣公之爲 又參之朱子葬議 「克」之云者,許 無 禮,謂古者卜葬所 容,草草 圃 譏。 以 ·爲 陰陽家 之取 雨 苟 而 止 襄事,必 「惧晉故也。」 爲 克者,得也

則

葬

日

在

雨

具,亦

無

有

庚寅,日

中而克葬。

冬十月,乙丑

葬

我

小

君

全論

其

其

雨

止

不

楚師伐陳。《左傳》:「陳及晉平、楚師伐陳、取成而還。」

尚如此,則强大不恭必甚矣。

宣公倚齊篡

國之被兵數矣。然陳、鄭樂於從晉而不樂管見:晉、楚争陳、鄭。自靈、成以來,二

於從楚者,天理在人心,知中國禮義之可

慕,夷狄暴戾之可厭也。陳、鄭者,南北之

鄭則不能進窺中國。晉人既能知其勢之樞。晉失陳、鄭則不能號召諸侯,楚失陳、

所必守,苟能明其理之所以得,但當舉方鄭則不能進窺中國。晉人既能知其勢之

彼之所樂,必無乍從乍違之改圖矣。乃惟伯之職,申討賊之義,人心之天理固在。

問,使楚人得執其是而動以義,陳、鄭遂一知陳、蔡之所當争,而陳、鄭之罪,置之不

於從楚矣,可勝惜哉!

夏,仲孫蔑如京師。《左傳》:「春,天王使來徵聘。 孟九年春,王正月,公如齊。 公至自齊。

獻子聘于周,王以爲有禮,厚賄之。」

管見:觀魯之事周,則他國可知。其小弱

矣。 刑可 寇之法治之,篡弑 至是始以王朝徵 國,王不討。 孟 也。 子 İ 舉 「《春秋》,天子之事」,豈 九年之中,會齊 魯事,而 聘,使蔑 不 朝之罪, 諸侯之可 如 京 施 師。 一,如齊二, 以 誅 若以 殘 者 執 不 司 衆 之

信然!

齊侯伐萊。李氏曰:●「萊,從齊之小

國也。」

八月,滕子卒。「取」,與鄭、邿同。」

秋,取

根

牟。

汪

氏

日

❷ 根牟,蓋

小

國。

内

諱滅,

故

九月,晉侯、宋公、衛侯、鄭伯、曹伯會于扈。

●「李氏曰」,原無,據《通志堂』

「汪氏曰」,原無,據文淵閣《四庫全書》本《春秋大全》及體例補。

體例補。「汪氏曰」,原無,據文淵閣《四庫全書》本《春弘

果懼 緩,當 以 以 之會 盟 敖帥 徐 師 固 審其宜。 千乘之威,先之以元戎之行,推轂遣將,法 之君,咸在會盟之地,而以大夫帥師,不 管見 一, 因 然 從 控大扶 也 而 丽 」,當修 諸 也。 大夫 楚不 帥 楚 師 一緩者 此明大義以 此與僖十五年諸侯盟 救 師 爾 陳方平晉,伐之宜 侯待之于匡,是其意不 率師 小可 來 但用 徐 楚人伐徐,救之宜 其責 其 急,要皆非義舉 庸 是在 同 文告,問所以背 得討 前 其 也。遽使大夫伐陳,適 兵大事,所貴乎節 在 伐楚可也。 責在大夫。 緩急之意自異。 一諸侯。 我未得 貳之乎? 緩。 責大夫者,「人」 制楚之道,當思 也。 于牡丘,公孫 急。 諸侯 故 在攘 僅使· 會之由。 使不 夫以 凡 制者 牡丘 諸 赴 楚以 大夫 當 咸 侯 驅 于 諸 急 在 當 而 陳 若 扈 救 帥 之 輕 侯 者 不

> 林父以諸侯之師伐陳。 辛酉,晉侯黑臀卒于 除, 陳而 事 卒以不振。蓋己爲弑逆所 强於外、公族、餘子、公行根 伯之志,然黑壤 不 管見:晉成七年之間,再會諸 能討 無以 便見 陳 亦不來。 不 制 無以遏夷狄之驕。 得以稱爵爲 强 宗之横 晉侯卒于扈,乃還。」 止魯而 當時、赤狄、白 扈。 《左傳 予之也 才僅 魯卒不至 立 德 中 據 ,故縱篡 「陳侯不會 權 下 於 侯, 狄 臣 , 内 得 荆 于 亦 而 保 有 逆 伯 扈 楚 不 晉 没 敢 侵 嗣 而 倔

冬十月,癸酉,衛侯卒。

身亦幸矣,况望其能有

爲乎?

免難 執艱 晉,不思甚矣。 會,孫良夫之盟,能推同憂共患之情, 管見:衛成公嗣國之初,爲晉 而 難,幾乎 歸 後 不返。 聽孔達之謀,欲 惟始終與魯通好。 幸 得 甯 俞 以 文 爲之 弱 所 于沓 衛 仇,奔 左 明講 抗 强

責諸侯者,目其君以見貶。

考文按

無事。孟子曰:「人之有術智,恒存乎疾信修睦之道。靈、成之世,卒與伯國安於

病。」理固然也。

宋人圍滕。《左傳》:「因其喪也。」

滕,元凶 管見: 反能討 人。 是時,篡弑之賊 得志,莫此爲甚。此《春秋》所 魯宣之取 根 非 牟,宋文之圍 惟 人 不 能 討,而 曹、 以

貴於有伯也。

曰:「是國之災也。」」 之役,故伐鄭。晉救鄭,敗楚師于柳棼。國人皆喜,子良憂 楚子伐鄭,晉郤缺帥師救鄭。《左傳》:「楚子爲厲

其意可 管見:林 之惡著矣。 志,不遏 文,其義責楚 義責晉侯 矜,則伐 楚 也。 父伐陳,蒙「晉 横 楚無仗義討 丽 子 郤缺 之不得 與 也。 楚 救 争 鄭、蒙 晉無控大扶小之遠 陳。 爲 罪之真情,幸乘 侯 義 會扈」之文,其 「楚子伐鄭」之 陳畏楚不來, 愐 晉 侯 虐 晉 小

> 陳殺其大夫洩 《春秋》書法若 辭 則救之不 衰 比 而 與晉争鄭。 事之體 失爲仁,而 冶。 非 此,蓋 以 《左傳》: 鄭從晉不貳,其志 (爵晉) 目其 楚子猾夏之罪見矣。 、楚爲予之也 「陳靈公與孔寧、行父通 君以見貶,乃屬 可 取,

死,與 干 置其身可也。 有 可爲 有死義者,托孤寄命是 管見: 人臣 可爲馬伏波。 可爲文山 直言敢諫是也,而 姦 死事者,勤勞鞅掌是也,而 惠伯。 是 死 也 而 一,不可 而 有 有死節者,非 死君,其道非一。有死 益 可爲 不然,則婢妾賤人之感慨自 當權量其分之得 於國 爲 可爲比干,不 楊 屈突, 家,有補 雄。 也,而 不可爲 有 君 死 不 於名教 可爲 可 爲 ·可爲 難 事 死,理之當 者,扞、 徒 是 孔明,不 荀 息,不 忠者, 人費。 洩治。 也 則 一,而 主 委

秋 管 見

也。 則 以殺身。 律身行己之道 累上爲文,而 愛君之心,當 殺等耳。 亦 乃待 碌 碌 君子之所不 徒死 其 洩冶: 事 防 儕之宜 焉 形而 位 ,無荷免之羞,而 其 耳。 非 漸。 E 後 申、 士夫苟 卿 取 正救,非 漸 也。 士穀、鄭 職 不 非 可 知 故《 言 惟 遏,去之可 此 亦不 責。 父者 春秋》以 無 義,則於 益 流 苟 一,徒 流 於 有

田。《左傳》:「齊侯以 十年春,公如齊。 反之不言[來」,公如齊受之也。」 公至 我服故, 自 歸 齊。 我濟西之田。」《穀梁 齊 人 歸 我 濟 西

矯激之俗矣。

是我不自有 管見: 「我」,内詞 而 齊 人 也。 、取之 。「齊 也。 人 齊 取 人 濟 歸 西 我 田 濟

西

田

是

我

之所

失

丽

復

得之也。

詩

日

"「奄有龜蒙,遂荒大東。」七百里之地

族,不以名。」

者? 何者 而 聖人寫出 非 我 有,而 魯宣 於 得田欣幸之意,書法 濟 西之歸,特書 我

> 夏四月,丙辰,日有食之。 作,而 魯宣 之甚謹 焉。 聖人誅 爲我至矣。 施於饜足之喜者等爾。 故田之復得,則 之外而 如 心之所欲。 畫。 如見 宣公殺二兄,逐嫡 憚於爲惡乎? 其 ,惟望齊之見憐而 夫聖 在 肺 心 所期之内,此正 十年之中,奔 人無 肝。 mi 濟西之賂,蓋 以「我」書之,萬世之下,視 所 我, 負篡逆之惡名 得不償所失,與 常 此聖人省世之意 母,而 小人 人 歸之。 走齊 心滿 不獲 有 我, 視此 取 廷,所 已, 意 其 寔出 小 而僥僥 寧 得 齊 IIII 人 之時。 無愧 以 墦 非 尤 所 所 於 事 施 其 甚 望 以

氏有寵於惠公,高、國畏其偪 己巳,齊侯 元卒。 齊崔氏 也。 公卒而逐之,奔衛

出

奔

衛

《左傳

且

於易世見之。 管見: 强 相 逐,此 宋昭公立,司 春 秋 時 城奔 之 通 魯, 禍 戴 往 Æ 往

害。 之族 逐之者不勝則蜂 之族逐之也。 之族逐之也。 逐之者勝 逐之也。 則虎 齊頃公立,崔氏奔衛,高、 魯成公立,歸父奔齊,季 究來,私家之利而公室之 蠆 流 狼 殃,伏藏於堂奥。 得 志, 噬攫於門庭。 戴 孫 或

此 不勝 也。 氏 爲「履 肆 崔氏 横 也 於宋,季氏專權於魯,則 霜 H 書之以志强宗之足以 而能返,返而能 堅冰」之戒。 名與不名,史之 弑, 則逐 禍 逐之者 人 之者 國 勝 如

公如齊。五月,公至自齊。

詳略異矣。

已,獨徵舒則其情之不得已爾。 衵衣之戲管見:春秋弑逆之臣,多出於其勢之不得

罪。 國而 其罪 不能堪也。 其情不能 奔之事,天道禍 躬爲大夫,於家非幼,於國非 于朝,「似爾」、「似君」之形於言,此人情之 臣之戒。 歸于亂。 而 之邪心。 於微,防其母之淫 一年之死 乃立 也。 奔可也。耳不聞淫褻之言, 有是母,有是子,有是君,有是臣,同 於其朝,坐視其君往 堪,射 若果淫不可 若陳侯宣淫 故與宋萬、 爲徵舒當 亦已晚矣。 而殺之, 淫,必有爲之雪其耻 行。 鄭歸生同 以 制, 奈何? 納 書之以爲 取 以自 邪 約 禍 來於株 不 自 得緩 賤 陷於弑逆之 族爲 科,不得 可 牖 目不覩淫 謂 淫君、 遏, 止 林。 於洩 宜 世卿 則 其 謹 逃 及 亂 冶 去 君 禮

499

伐縢。」 六月,宋師

伐滕。

《左傳

*

侍晉

而

不

事

宋,

故

管見:宋自敗泓以後,非從伯主征伐,未

曹,伐滕。 常動衆侵鄰。 衰,而執 蓋效迺祖 滕 襄公之故智也。 其志將致武於小弱,以爲 ,圍曹。文公瞯晉伯之衰,而圍 及至文公之世,數虐曹、 襄公瞷 齊 圖 伯之 滕 伯

侯之不討,乃欲討人,可乎? 名,取重諸侯,齊桓 之漸,而不知自反,亦甚矣。 又欲横挑强楚。 紹桓之伯,亦可也。 於是楚莊 以子托之。 文負篡國之罪,幸諸 披 襄有讓 袂 既虐曹、滕, 而 苟有志於 起,屨及 國 之

平,微子幾乎不祀矣。故曰:襄公之志 宋至於易子而食,析骸以炊。 於窒皇,劍及於寢門,車及於蒲胥之市,使 若非子反許

類狗。 刻鵠不成尚 世之德不足而以力爲强者,盍鑒於

類鶩;文公之志,畫虎不成反

公孫歸父如齊。 管見: 卿會葬,始於公子遂葬晉襄公。 葬齊惠公。

蓋

斯乎?

出於晉文、襄之制,循襲 而行之也

《左傳》:

「鄭及

平,諸侯之師伐鄭,取成而還。」 晉人、宋人、衛人、曹人伐鄭。

管見: 仁義者, 聖賢之藴。 智勇者,豪傑

莫敢與争。 仁義則推。 **蘊仁義而用智勇則鋭,蓄智勇** 此純王之事業,文王是也。次 先王 由仁義行,天下之智勇, 而遇

立乎王、伯之間,漢高是也。 焉者,行仁義而不由仁義,又以智力雜之, 下焉者,假仁

義而 至於捨仁義而純恃智勇,其不爲人之所乘 三行智勇,其效伯而不王 ,桓、文是也。

鮮矣。桓、文既没,中國之甚病者楚,楚之 必争者鄭。 晉之君臣 ,爲楚而 救鄭有之,

也。 爲楚而 授之。不争之以仁義,而争之以智力之罪 智勇非不足也,而卒不能争楚,至以 使晉人内以禮讓治其國,外以法紀律 伐鄭有之。 環中 國之力 圃 與 八楚争, 伯業

不能仗 諸侯謀 豈能越江、漢一 諸侯、戮力同心、修桓、文之業、楚雖虎狼、 義 伐 鄭 討 賊 貮 以以 也 部以窺洛陽之鼎乎? 一,明 操天下之樞,而今年 年帥 諸 侯 取 鄭 威 也 乃 會

無所施矣。《春秋》拳拳以仁義望中國。討之。假仁義以號召諸侯,而中國之智勇楚人曰:中國有弟篡兄、臣弑君者,吾將

扈,猶有望之之意。鄭弒夷而晉、衛侵陳,齊弒舍而諸侯盟扈,宋弒子臼而諸侯會

而不知有仁義。于邲之衂于楚,始基於陳弑平國而晉、宋、衛、曹伐鄭,徒知智勇

此。是年「人」晉,來年爵楚,二伯盛衰之

機關也。

聘。《公羊》:「王季子,母弟也。」秋,天王使王季子來聘。《左傳》:「劉康公來報

管見:寵靈褻而恩禮瀆,故《春秋》之始,

記,則 行也。 間 復興,諸侯 其義病之。及其伯權在夷狄,不望王室之 後、《經》不復書,見諸侯之不 故《春秋》之終,不以聘爲重。 者,見王室之不綱也。 常禮,當其霸權 亦不必書矣。 篡逆不討,而下聘爲 不 ·知有 在 王 此《春秋》記約 中 憧 國,猶 忠敬薄 憧往 呕。 望 臣 自 一來,有一 而情文繁, 王化之得 也。 王季子以 書之者, 志 不勝 博之 夫 聘

體也。

公孫歸父帥師伐邾,取繹。

虐小,貪取其地、《春秋》據事直書而其惡管見:宣公伐莒,取向;伐邾,取繹。志在

大水。

自見。

管見: 宣公之編,大旱、大水,兼非常之

季孫行父如齊。冬,公孫歸父如齊。《左傳》:變。天心之惡篡逆甚矣。

季文子初聘于齊。 子家如齊,伐邾故 也。」

郤,齊 未有 爲,内剪若敖,外滅少西。 大夫之所 以世族之强,脅制其君。 戴、穆、武、宣之族,鄭子家、子公之徒,皆 立黨、欲結 侵國伐國,自行其意。 禮、征伐之權授之大夫,列 狄、白狄侵齊,秦、齊伐萊,可謂大亂之世 晉、楚争陳、鄭,魯虐邾、莒,宋虐曹、滕,赤 鄭走楚、齊。 屬,未有甚於此 管見: 入春秋 至於權臣執命、廢君立君、惟所欲爲。 究其 過 之高、國,魯之季、仲,衛之孫、孔 於此 (所以 致 外援則 也。 時。 魯、晉、宋、陳、鄭皆弑 致 以來,諸侯扞格,●無所係 時。 此,蓋 魯走齊、宋,衛走晉、 天 越境而 八意授 篡奪相尋,戰争不息 欲授内權則專刑而 自 禍亂之生,政在 楚莊 交鄰。 既除 國效之,累 一晉襄 王,奮 國内之凶 以 晉之趙 盟 其 發 世承 會 君。 陳 宋 有 之

> 之禍 又去諸 故哉 邲 而 晉 大夫 侯 旦 之疾。 稍 喪 舒。 氣 盟 楚伯 於 時 是 陵 之 數 丽 十年 興, 陳 鄭 豈 中 景 偶 或 從, 然 强 之 臣 戰

饑。《公羊》:「何以書? 齊侯使國 管見 書,以志其寔,而頃公忘哀長傲之罪見矣。 齊侯 佐 來 不 聘。 稱

子

而

稱

爵、《春

秋

》據

舊史

以重書也。」

早,而 以 則 匱,饑饉 國之饑? 管見: 堯於一民 公之時,水旱頻仍,征伐不息,以 敬 無 天勤 罪 饑 歲之意,而 荐臻。 民之道乎 與 其 (大水! 爲人上之責,不可 《經》書「公至自萊。 饑 同 專 寒, 時,不日 責 人事切 引爲己責, 「大水 矣。 致公私 辭 况 豈非示 矣。 饑」, 於 大 宣

0 「扞」,原誤作「杆」,據乙本改。 +

有一年春,王正

月。

慎戰之意

是以是以

、削之。

楚子伐鄭。《左傳》:「楚伐鄭,晉士會救鄭,逐楚師于潁

北。諸侯之師戍鄭。」

仇,使 戰 師,再 倖勝。 争 弱 之略,尤致 然 而 矣。《春秋》略 春秋》固以弭 鄭 其 制 以累勝爲喜,不至 在 强。 陣之成功而 者, 我 理之曲 楚謀 戰 執 如 而 未見 師 必 召 何郤 精 鄭日深, 逐 救 陵 直 直之理,據 熟。 楚 有善後之策 鄭,柳棼、潁北之勝,聲勢振 亂 退 缺、士會不知 ,量其勢之得失,不趨 而不書,何也? 師。 師, 貽 息争爲教,而 子 圖 無 城 日:「 增楚之怒,以 窮 鄭 於邲之敗 濮退舍,雖 必勝 之害者,殆非聖人 日 . 亟,而 我 出 之勢,故 戰 於用兵行 此謀, 戦 善用兵者 則 晉 不 示 而 增 方施 克 止 利,不 以 0 與 能 鄭 敗 也。 弱, 楚 楚 以 師 施 之

> 夏,楚子、 伐鄭,及櫟。 陳 子 侯、 良 \Box 鄭 0 伯盟 晉 楚 于 無 信 時 陵。 我 安 左 得 有 信 ?! 乃 「楚

從楚。」

於是楚 靈、蓋: 年, 之亂 亂 蜀 未 其 則 時,陳、鄭皆有弑君之罪。 丘、踐土之盛、《春秋》予之,何 爲予楚之伯明矣。 管見:此與 人」曹、邾,不予宋之伯 全得諸 是盟 與 陳、 斲 然後爲盛 國 刑 其 子家 鄭 也,主 牲 與 人既 意 侯。 從楚,宋、衛、曹從晉,魯從齊,楚 陳、鄭 歃 有憚 棺 楚 一於仗義 血 不能 而 至成二年,十一國盟嬰齊于 莊 以以 於楚 逐其族,改 楚 爲 主 討 楚以 伯之權 時 勢 諸 ?,諸侯 討 丽 陵之盟 力 侯 賊 自討 夷主 相 之文 則 鄭 以 亦 葬 輿, 寔自此始。 長 時 其 三盟,未 除 無 幽 謀 既討 者 也 賊 陵 公、謚 中 能 亟也? 異 爵 討 或 問 矣。 幽 觀 陳 有 陳 少 其罪 之 公之 之日 曹 徵 如 亂 西 此 舒 是 南 葵

也。 欲討 不 能 人表 已易世矣。 罪,幸國人之不誅。 所貴伯者,以能 或曰: 諸 賊 而出之。 當時,諸侯皆以 以 侯弑君之罪,其可乎? 爲 無 有能 世教,則 未有 瑕 討 明 圃 賊 父爲 於大義,克蓋前 後可攻人。 楚子旅,商臣之子, 亂賊 而已,故聖人急於予 篡得國。 跖 之徒 而 禁其子捕 互相蒙 苟不進其 日: 楚商臣之 愆, 其 蔽 跖 聖 事 却

公孫歸父會齊人伐莒。

如晉 德其父遂援立之功,信 會齊伐莒,兵權 管見 之一僖,又將繼僖之三 而 歸父專權特甚。 公薨,季文子 在掌,故 乘此逐之。 而 敢 既伐邾, 不 專輒。 疑。 不然,宣 後來,他 取繹,又 宣公又

幾於塞忠孝之路,而開篡奪之端乎? 一狄于 欑 函。 《左傳 桓 而 執國 「郤 成子求成 命矣。 于衆 著。 奉辭 理? 疆 蓋 其

者乎? 《詩》所謂 中國之大 欲嗣伯業,當務之急,孰 湯、武之王,桓、文之伯,道不外是。 夏不失其所、《易》所謂富有之大業是也 扶持宇宙,奠安生民,使上下 精,義精則事舉,●事 管見: 伯王之業, 莫大乎明理。 足 捨義理而欲以立功者,難矣。 心昧於義 以 以討之。 尊君父,討 了 是時,陳有弑 (倫 事,何至 秉彝之懿 而 至於區 理,急於事 汲汲於通 亂 屈千乘 德 賊,内 舉 處衆狄,不過大夫出 君 是 則功成,功 之罪 有 也。 夷狄之私欵也。 功,不知事功之 以 中國, 大於仗義討 會犬羊? 各得其 請 何 謂 理 外四 於天王 何謂 成 事 明 (分,夷 晉景 功? 則 則 夷 業 捨 賊 義 義

父」,原誤作「文」,據乙本改。

0 「義精」,原脱,據乙本補

狄,衆狄疾赤狄之役,遂服于晉。

秋、會于櫕函、衆狄服也。」

秋,晉侯會

于時陵」,後書「楚子入陳」,此書「晉侯會秋》之所貴者。前書「楚子、陳侯、鄭伯盟隆污,視夫義理之得失。雖能服狄,非《春

公立,國乃其國。

楚子爲之討少西氏,當

伯之興,豈非從義理假借出來,故若是其狄于欑函」,比事而觀,晉伯之卑甚矣。楚

勃然乎?

討也。」

| 本本の表別では、
| 本本の

一亥,楚子人陳。《穀梁》:「「人」者,内弗受也。不使

夷狄爲中國也。」

門」,是人陳 蓋以見楚子志在 先殺徵 管見:《傳》稱「楚子人陳,殺徵舒,轘諸栗 春秋》何 八私耳。 舒 陳侯既與時陵之盟,靈公弒,成 用日 脯 圃 後 後殺徵舒 入於下文若此之辨白乎? 人 取陳,特假討 陳 明 矣。 也。 果 詳《經》文,則 賊之名以行 如《 傳》言,

> 鏡。 衡,而楚子立乎仁暴之間, 楚,遂爲所殺。楚子因以入陳,遂縣其地。 何以 明示 假遽歸,又在二伯之下矣。 後,其爲無名之人可知矣。 子」,著其貪地之私。 故前書「楚人」,見其討賊之公,此書「楚 兵伐之。 師 桓、文亦是假仁,猶能 人 其 期,使陳 是必徵舒謂其君 或 都 爲者? 侯 赴 會、執 且人 乃乘 其逆 不在國,自來抗 陳於殺徵 久假。 如 聖人 陳 妍 侯 臣 媸 一字之權 在 而 楚莊 並 晉 誅之, 舒之 在 事 明

之夏州。」
之夏州。」
之夏州。」
之夏州。」
之夏州。」
之夏州。」
之意以歸,謂
不可乎?」王曰:「善乎!」乃復封陳,鄉取一人焉以歸,謂
時曰:「諸侯之從也,曰討有罪也。今縣陳,貪其富也,毋乃
納公孫寧、儀行父于陳。《左傳》:「楚子縣陳,申叔

「納捷菑于邾」之類。寧、儀行父與其君宣管見、《春秋》書「納」,不正其强納也,如

 \equiv

四

巧矣。 淫,又 晉復歸 復納之? 不失爲太公之舉,而反覆 告難於楚。當執以 二人于陳,其玷殆有甚焉。 殺洩冶,納君于邪,以致於弑。 于衛、《公羊》譏 夫 何致亂之臣,國 癉惡之義,果安在 歸 于陳,與徵舒並 其有力。 人 小人,無 《春秋》書伯之 皆 乎? 日 然則 可 所施 元 殺 一戮,則 楚 咺 使其 納 自 而 其

+ 有 二 一年春 1,葬陳 靈公。

事

,,功過不相掩,大類如此。

陳 管見:宋長 夏徵 舒 殺靈公,書葬,予楚莊 萬 殺閔 公,不書葬,病齊 也 桓 也

俘諸 縣,君之惠也。」王許之平。」 楚子圍鄭。《左傳》:「楚圍鄭,克之,入自皇門, 江、以 伯肉袒 寔海濱,亦惟命。 牽羊以逆, 日: 若惠顧前好,使改事君,夷於九 「孤不能事君,使君懷怒,其 至于 逵

圍鄭, 管見 楚子人 人之也,而 陳,滅 書「圍」。 之 也,而 聖 人予人遷善 書「人」。 其

> 之意 劉豫。 誅 安。 世劉 善, 若必欲行其所欲,區 謂,不過欲縣其地。 伐之患,故擇强 無欲,君子窒欲。 江、黄之禍矣。 之舉,猶 時陵之盟,二國始 而許之平。 言而復封之。 無赦 春秋》之所予也,故特末減其 弘 金主晟之於徽、欽,虜之不已,而 聰之於哀、愍,執之不已,而 乎? 豈非楚莊 矣。 爲 有 夫聖人無過,賢者改過。 楚與晉爭陳、鄭、至是十 名。 其圍 然其 而 之罪人而《春秋》之所必 事 苟有改過之美,窒欲之 此年 一於從楚。 鄭 之耳。 以 人陳也,以 也, 區陳、鄭,難乎免 此勢力,乘 圍 以 鄭 楚子前年 鄭伯 之師 寔不堪其侵 申 肉 此機會, 解。 誠 又 袒 叔 伐陳 據 之逆 時 爲 又 年。 立 長 後 之 於 無

0 羊 原誤作「半」、據《左傳》改。

軍佐 分。」師遂濟。 桓子欲還,彘子曰:『不可。 夏六月,乙卯,晉荀林父帥 師 敗 韓獻子謂 績 楚子乘晉軍,桓子不知所爲,鼓於中軍曰 《左傳》: 桓子曰: 「晉師 「不如 晉所以 救 鄭、及河 進 師 伯,師 也。 及楚子戰于邲, 事之不捷,惡有 武臣力也。」以 聞鄭 既 及楚平。 所 中

·先濟者賞。」中軍、下軍争舟,舟中之指可掬也。」

將之。 卿將。 以滅 無法。 韓簡 戎,家僕徒 雖 管見: 師。克曰:「禀命則不威,專命則不孝,是 上軍,太子將 王命以一軍爲晉侯。 太子,未 視秦 耿,滅霍,滅魏。 此强弱之所分也。武公滅翼之初, 君將 晉之 惠 師 公 始得 爲 日 軍 者,合而 以 右。 下軍,趙夙 一師 前 制,莫善於君將,莫不善於 專命也。」韓之戰,步揚 君將 蓋 少於我」,則晉軍盛可 惠公自將,二軍 有紀。 獻公始作二軍,公將 然臯落之伐,太子帥 之。 御 戎,畢萬 卿 文公以 將者,分而 爲右, 後,卿 並 行。 知 御

軍。 枝將 以能令之也。 行,趙盾將 蒐,舍二軍,存車 存中行 行,辟天子六軍之名。 於君,此所以 狐毛、狐 軍之佐 師,曰:「少長有禮,其可 之而行。 卿將矣。 謀元帥 敗,非分之罪也。文公蒐于被盧,作三軍 矣,其失在不報秦施。秦之鬭志倍,晉故 三大夫争立之禍。令狐之役,三軍之帥 是時,秦納不正 下軍 當 而更置新軍,是 偃 使郤 城濮之役,晉侯登有莘之墟 然事皆聽命於中軍,征 陳、蔡,原軫、郤 ,林父御戎,魏犨 以 中軍,林 取勝也。 上軍夾攻。 穀 河 曲之戰,趙盾將 軍,以趙盾代士縠,卒有 將中軍 , 衆心無二, 此趙 父將上軍,先蔑 清原之蒐,罷二行, 爲 禦狄之役,增置三 狐 用 五 三軍之將,禀命 臻 爲 軍。 也。」胥臣 以 偃 右 中 將 ,於是始以 襄公夷之 伐 中軍 軍 E 則 軍 横 將 盾 以 君 以 擊 所 並 觀 將 下

之。 弊所 大敗。 雖三 駢之佐上軍,秦師 父佐之。 新,未能行令。」則楚人已策其有必 軍,樂書佐之。 師救鄭 秦,趙穿帥 之存也,懲河曲 政在大夫,黨羽 師,是撓軍情也。 慢將令也。 下軍,胥甲佐之。 師 由來久矣。 士會將上軍,郤克佐之。 邲之役,林父當國將中軍,先縠佐 僅, 並立 郤缺將上軍, 曳駢佐之。 師 以 ,猶爲自將之軍。 又與胥甲呼於軍門,以 侵崇,林父帥 偏 不用命之弊。 楚伍 既 師 蓋文、襄之時,權 不在 三卿並將,不 掩至,乃 出疆。 分,門户亦異。 参曰 軍事者趙穿,惡 雖不 獨 :「晉之從 師 伐 以 郤缺 靈、成以 ·大勝, 相統一,其 陳 其 趙朔將 士 在己 屬 當趙盾 樂枝將 敗 帥 出 止 之理 亦不 師 政 會 後 出 者 伐 晉 下 帥 是 庚

> 其慢命 愚故備 責 甲曳兵之敗,而 失屬亡師之慮,而 加 格,不至如是之甚。 帥 是役之敗,其後三卿分晉,蓋三帥之權 命,而輕率 一,乃《春秋》大一統之旨也。 行, m 列 卿,如城濮之師? **寔文公立**三 何至 而 濟 論之。 師,又不 以 方 剛 爾 愎 甘於棄師。 軍 制 不仁之先穀佐 欲 能 敗 元帥之貽 國之道,凡 不然,合謀 軍之罪,安得不尸 與分謗。 明正其罪。 惟君 將者,三軍 所命,縱 弊也。 終也,唱 而 事要定于 其 始 動, 軍 也, 不惟 有 擇 輿。 其 棄 懷 及 佐 扞

秋七月。

蕭人殺之。王怒,圍蕭,蕭潰。」 人救蕭,蕭人囚熊相宜僚及公子丙。王曰:『勿殺,吾退。』 冬十有二月,戊寅,楚子滅蕭。《左傳》:「宋以蔡

及此?

欲挈三軍皆行,何不奉公自將,以

林父歷事

五君,久更佐帥,如

何

料

不

^{●「}殼」,原誤作「穀」,據《左傳》改。

蕭。 蕭在宋之東,六之北。 十年爲 管見: 滅蕭則舉宋,而魯、衛震 書「滅」,惡也。蕭,宋附庸。 介所侵,至是滅於楚。 楚既滅六,勢必 矣。 按《圖 先是,秦 僖三 經 及

得漸圖東方以向中原。若無勝邲之勢,則 人、巴人從楚滅蕭,四方諸侯無復楚梗,遂

其憑凌,亦未至如此甚也。

貳。」卿不書,不寔其言也。」 晉人、宋人、衛人、曹人同盟于清丘。《左傳》: 一晉原穀、宋華椒、衛孔達、曹人同盟于清丘,曰 恤 病討

心。 欲賺 有用宋、楚之志,宋乃欲挾齊而求楚,楚亦 時,楚伯雖强,中國承桓公之餘烈。● 者,見人心之趨向,世故之推移。宋襄之 義不與宋、晉之伯也。 管見:鹿上「人」諸侯,清丘「人」大夫,其 宋 未幾,楚人執宋,齊亦不救,則其不同 圃 交齊。 外相 有書「同」不書 爲盟,内寔 各自 齊方 同 爲

> 得。 者詳之。 加 矣。人而同者,傷之。 曹、衛亦不能安枕。 爲安之意。 晉伯雖衰,中國方以虎狼視楚,而有倚晉 可知矣。人而不同者,惡之。晉景之時 中國之既衰,有此塞彼 盗賊。 此齊桓之同,所以爲算之深。 之方盛,有甲可乙否之勢,終須開門 同守維楫。 視 鄉 此又人情世故之大略也。 人。 楚既滅蕭 辭曰「恤病討貳」 此楚莊之不 譬猶 ,勢必舉宋。 要之,不同 湧之形,畢竟 同,不 同 」,則其 舟遇 害 學《春秋 風, 爲 宋舉則 於 同 計之 閉 同 中 脯 可 勢 户 於 或 須 揖 知

死之。」 衛人救之, 宋師伐陳。 孔 達 衛人救陳。《左傳》: 日 : 先 君 有約言焉, 「宋爲盟,故 若大國 討, 伐陳。 我

則

0 「公」,乙本作「文」。 所 惡其横。 權有所寄,則統紀一,法度明。 秋》之所許。 其 也。 之命而伐陳,是景公之孱庸,不能主諸 獝,不能謹 以至於暌乖者, 者,庸主不能 管見::天下之事定于一,所以 以 弊至此。 衛不顧晉之盟 病 晉 伯 衛稱「人」,罪其專。 邦交也。 也。 同盟 救患者、《春秋》之所予。 把持。 小人激爲扞格。 庸 何 伯主失權,中 而敵宋,是孔達之狡 四方之心 益 乎? 伐叛者、 貶宋、衛者, 宋稱「師」, 和 至于涣 宋不禀晉 則同 原 無 · ; 所 統 春 散散 然 侯

齊故也。」十有三年春,齊師伐莒。《左傳》:「莒恃晉而不事

夏,楚子伐宋。《左傳》:「以其救蕭也。」

國。無晉文之才而欲學晉文之事,致寇宜蕭人之殺楚囚。從晉可也,又伐楚之與管見:宋文意在怒楚,救蕭可也,乃不禁

0

「祁」、原誤作「祈」、據《左傳》改。

矣。楚爲陳故,利執言,故書法其辭平。

秋,螽。

穀召之也。 冬,晉殺其大夫先穀。《左傳》: 罪之。 年。 殺,❶舟之僑以先歸殺。《經》皆不書者,能 累上之文。 皆不於其 刑故也。 僖負覊之宫殺。 五,而文公居其三。 管見:晉自伯 而或討 于邲 晉人討邲之敗與清之師,歸罪于先縠而殺之。」 或不 且 胥 先 時 河曲軍門之呼而放胥甲,事在七 甲 治之以狗衆,及事冷始以 討,非爲政之體也,故皆施 濟之罪 與趙穿、先穀與 中 城濮之役,祁 國 而殺 以來,以 人曹之役,顛 先 「赤狄伐晉,及清,先 穀, 軍 趙旃 事在二年。 瞞 法 以 頡 律 同罪, 將者 奸 他故 以 以 命 蓺

十有四年春,衛殺其大夫孔達。《左傳》:「孔達

伐 管見 怒,以危社稷,乃曰:「請以我説,我則 晉。 孔達誤國之罪二。 逮 事穆 公,又主救 在成公時,首謀 陳。 犯伯 或 死 之

成 謀 之。」小人辱國殺身,無足恤也。《春秋》 國以殺者,達 以説 于晉。 鄰 晉人既退,然後以 國。 固 爲衛侯者、當自任其咎、求 有可死之罪,然不當誅 國法殺之,豈 首

夏五月,壬申,曹伯壽卒。 買 一律,故以累上爲文,自治之意也 晉侯伐鄭。《左傳》:

不全國體乎?

此與鄭

殺申侯、魯刺公子

爲邲故也。

告於諸侯,蒐焉而還,中行桓子之謀也。」

重於用 管見:常勝之家,輕於慮 兵。 輕慮敵 者, 挾 勝 敵。 而 驕 屢敗之國 驕 則 有

之形。 王官之後,秦遂伯西戎,屢敗啟之。 城濮之後,楚再世不振,常 勝 誤

宜

公

敗之理。

重用

兵者,因

敗

丽

惧,惧

則

有

勝

圖,可 若能修德悔過,休養其民,堂堂之晉,諸侯 潁 此 北 已然之明驗 屢 無 敗 于邲 楚 師 · 價軍 也。 知 之辱。 勝之難 晉侯果 及其 常 知 此道, 思 既敗于邲, 爲 善後之 柳

未貳,承勝而動,以制楚之命可也。 何驟

於争鄭乎?

乃急於修怨,輕

以

褻威

蒐焉

楚人瞷其有縮心,於是鄭人如 而還 ,何與於勝負之教? 鄭人 楚,子 窺 其 、遠志、 良還

鄭,二國之好合,而中原失其南藩。終鄭 襄之身,晉不得志。 盟蜀 以後, 盡 天 下 而

艾。 **艾**,急求已病。載胥及溺,不 向楚矣。 苟爲 不蓄,終 孟子曰:「七年之病, 身不得。」景公不 亦宜乎? 求 \equiv 能 年 之 蓄

曰「晉侯」,目其君以見貶也

秋 九月,楚子圍宋。 形」,原誤作「刑」,據乙本改。

《左傳

「楚子使申

·舟聘

于

0

薀、故

絳之途。

蓋其沉機先略,在

操

中

或

之樞,收天下之望。

把一

條

極

是

至

當

之

鄙我也。 曰:『無假道于宋。』宋人止之。華元曰: 魯 出 志 邲之勝,曰: 以若敖、 管見: 共之,其勢不得 得蔡、許而 知 自克庸以 諸諸 楚莊之略也。 , 豈其力之不足耶? 在於必伯 鄙我,亡也。 侯之望。 此 蚡冒篳 來 楚莊用兵之終事也。 不 而 ,無日不討國人 猶 · 得 後已。 伐我,亦亡也。」乃殺之。 不争。 陳、鄭, 路藍 秦、齊、晉,天下之强。 有晉在,安得 陳、鄭,中國之樞。 縷,以啟 然圍宋 陳、鄭既 則 竊料春 長江之勝,與 而 以 「過我而不假道 Ш 訓之。 定 《傳》 服 秋事勢,而 後,楚師 林。 功。」 楚人圍宋。 ,又當親 則其 及于 訓之 稱 宋、 楚 晉 楚 不

> 事,以 周 國無篡奪之禍者,畏楚議其後也。 没,華夏無人。 責楚莊,其辭皆恕,非皆直之也。 之心也。 申舟一事 而 王 制諸侯之强,非惟伐晉 故宋平之後,不復輕出。《春秋》 以怒宋,因啟兵端 無厭之侈心,有待而 自時陵之盟,三十 非 而 發。 伯,直欲 真 餘年,中 桓、文既 有 此亦不 是 虐宋 役借 繼

十有五年春,公孫歸父會楚子于宋。華曹文公。冬,公孫歸父會齊侯于穀。●

可少處。

僖公會楚子于宋已然。至是孟獻子薦賄魚得鴻之計也。魯之家法,趨炎附勢,自管見:時宋國被圍,魯人震恐,蓋楚子伺

0

泉之事,則窒皇之**屢**,寢門之劍,便移於臨

與

介楚睦。

齊、晉權

臣

執

國

縱縱

有

如

商

人、夷

之望歸之矣。

拱揖

於淮、漢之間,

舒徐

於

宋、魯。

圍宋

以致魯,魯致

脯

宋平,則

諸

侯

荆、襄之地,以待强邦之釁。

秦伯

西

戎,

久

之謀,更爲委靡。 免 而 釣其采章嘉淑,足以致諸侯爾。 不此之惜 而 丽 ,以爲 背華即夷之罪自見。 其 厥角稽首,夷於九縣,雖幸楚之不加兵, 損 亦 得算 大 ,其他不暇顧也。 魯宣 楚之釣魯,非釣 一保國 若乃歸父前年 無 謀,姑息 據 事 賄 直書, 也 求

反惧,與之盟。」
下之盟,有以國斃,不能從也。去我三十里,惟命是聽。」子師,登子反之床,曰:『敝邑易子而食,析骸以炊。雖然,城題五月,宋人及楚人平。《左傳》:「宋華元夜入楚

齊,此年會楚。

專恣之惡,亦不可掩矣。

平宋 心 宋以表諸侯,不足以繫天下之望。 齊、晉謀者,以先代之後,作賓王家。 華夷盛衰之大機括 管見:《春秋》未 輔伯,不敢有二。正以王室式微, 亂 晉之伯,戰 有書「平」,此書 也。 城濮以釋宋 齊之伯,會北 「平」何 宋亦 韋 緊伯 不扶 杏以 ?

宋,自是于蜀之盟,十一國無 而 亦曰 亂 析骸以爨,不得已於及楚平。 難,蓋拱手以宋畀楚矣。 以觀中國之動静。 之議其後也。於是執宋釁 巴爲之先驅,陳、鄭 乘中國之有釁,假借仁義,號召諸侯。 仇讐生於骨肉,敵國起於舟 成之力,足以執宋而不能奪宋,豈非諸侯 下之大變乎? 志於宋者,不敢窮其 同心共濟之效乎? 之相資, 手足之相 是賴,冀其扶衰恤 存 賊 :社稷,猶爲擇禍莫若輕 鞭 而 長不及馬 不討,同盟者視患難 平者,成也。 腹 無 衛,不能以相 難,奠安社稷。 魯人奔走於薦賄,晉人 入其字下。 晉伯 力以 輪 既 宋 争中 而啟 中。 愐 衰,争奪不息, 人易子而 不聽 成爲 爾。 與其從夷狄 騎以急宋之 不恤 國、恐 兵端,嘗 然未 主盟者縱 舍 楚既 命,非天 夷之統 蓋翰 也 楚莊 諸 能 得 侯 得 楚 屏

平莒及郯之平、尋常世故、《春秋》書法、可其情、此之爲平、與鄭來輸平之平、齊、魯華、聖人謹而書之。若夫華元、子反不隱

狄有五罪,才雖多,何補之?」林父敗赤狄於曲梁,滅潞。」夫曰:「酆舒有三雋才,不如待後之人。」伯宗曰:「必伐。歸。《左傳》:「潞酆舒爲政,傷潞子之目。晉欲伐之,諸大歸。《左傳》:「潞酆舒爲政,傷潞子之目。晉欲伐之,諸大以不立大案乎?

廣 管見:甚矣晉人之遷怒也! 之乎? 晉人若能討賊,執而戮之,潞子何罪 之夫人,傷其君之目,是其權力足以脅主。 王不耕其地,不臣 地 而 滅 夷狄與天地並生,上皇並列,故 其 類 ,死灰復然,貽禍 其 人,覊縻 m 酆舒殺其 不細 己。 非 丽 苟 計 欲 先 滅 君

> 也。 朕。 揮使。 乎? 當初 魏絳 受明官也。 撫馭戎狄之道也。 湧彼,終非長策。 此書「滅」,書 已而清太祖以 並 倡爲和戎之策,然後稍舒邊 明太祖闢 識者謂夷而華之,其後必有黄 存其部落,使之互相 《春秋》意在攘 地至長白山,置建 「以歸」,著晉之貪暴,失 至悼公之世, 戎心 覺羅愛津氏 而 遠之,非取之 控勒、 起,其 患。 之爲 州 益 衣 曷若 衛 初 稱 善 指

狄土及洛,魏顆敗秦師于輔氏,獲杜回。」秦人伐晉。《左傳》:「秦桓公伐晉,次于輔氏。晉侯略

者,當上之詞也。不言「其」,兩下相殺也。」氏争政,使王子捷殺召戴公及毛伯衞。」《穀梁》:「王札子王札子殺召伯、毛伯。《左傳》:「王孫蘇與召氏、毛

管見:殺不言「其」、《穀梁》論亦爲有

之得

晉自文公德狄,縱其侵陵。

襄公

其

啟

雖敗之于箕,景公又有欑函之會,則

寵

納侮久矣。况又黨白狄而滅赤狄,塞此

累上之文。此則王札子矯命,何以不書父,亦兩下相殺,或繫以衆人之詞,或施以然宋人殺其大夫,晉殺其大夫士穀、箕鄭

君而假其臣以命則不君。君不君,臣不者,命也。人臣而侵其君之命則不臣,人下王者,●天也。繼天者,君也。君之所司下王殺召伯、毛伯」?《穀梁》曰:「爲天

同。何休曰:●「孔子至聖,鑒觀無窮。知王朝事體,關天下之事,其法不得與列國臣,天下所以傾也。」則其説是矣。蓋所書

所傳授。故雖立例,間有穿鑿,而所論義夏授穀梁,穀梁爲《經》作《傳》,其淵源有秦將焚書,故以《春秋》之説口授子夏。」子

秋,螽。

理爲長

仲孫蔑會齊高固于無婁。

管見:高固爲魯解從楚之憾於齊,故與

初税畝。《左傳》:「非禮。 蔑會。

梁》:「非正也。以公之與民爲已悉矣。」畝而稅也。古者什一而籍。十一,天下之中正也。」《初稅畝。《左傳》:「非禮。穀出不過籍。」《公羊》:「始

穀

履

竊嘗推之。夏辰一夫受田五十畝,每夫計人百畝而徹。孟子曰:「其寔皆十一也。」管見:夏氏五十而貢,殷人七十而助,周

其五 額,其法是畫一。 畝之人以 爲 貢 故龍 則 子 五 畝 日 : 所 樂 人,必 歲 有 多 取 定

中爲公田,其外八家,各授一區。但借力以六百三十畝之地畫爲九區,區七十畝。焉,此所以爲不善。」商人始爲井田之制,不爲虐,則寡取之。凶年不足,則必取盈

以助耕公田,而不税其私田。此七十畝之口,以上,以外,不利,以上,以外,以

●「王」、《春秋穀梁传》作「主」。

「何休」,據《公羊傳注疏》當作「徐彦」。

至哀公「二猶不足」而用田賦,

乃其流弊之

公田 鹵 畝 此 爲公田。 用助法之處,八家同井,井九百畝,中 所 用貢 通 ,隨其年之豐凶以 以爲善 用 法。 貢、 除二十畝爲盧舍,一 也。 助二法, 都鄙 周 多 時 平 故 地 輸官, 地 爲 闢,一 ,用 轍 而非有科定, 助 夫受 夫所耕 鄉 法。 遂 田 百 其 有 公 畝 所 斥 百

口 後 而 世 有 百 饑。 不能 凡,不因蝝 管見:不以「饑」蒙「蝝生」之文,而特書其 蝝皆所感召致然。 饑」,而公不憂國 儲 蓄以 生而饑。 預備,此豈 本之罪疊見。 既不能修德以餌災,又 宣公之編,水、旱、螽 歲之罪 哉? 再

田

完計

十畝

以

此

十畝之税

入官,

畝之私田

不税也。

大抵古者一夫,如

户,自

有成數而田不在焉。其或人

吁。《左傳》:「晉士會帥師滅赤狄,晉侯請于王以黻冕,命十有六年春,王正月,晉人滅赤狄甲氏及留

士會將中軍,且爲太傅。」

此。

夫之力,助

耕公田,大率公收其

私得其九,此之謂什

0

周之盛時,蓋

行

易再

易於

其

地

是

也。

至

一於夫

數,只是

如

登耗,則所受之私

田互相更易,所謂

辨

白狄 種,大 不可 管見:既滅潞氏,又滅甲氏,其意偏主於 謂馭 也。 傷 中國之體,故貶 雖得 戎之完算 赤狄之土, 也。 而「人」之。 面 又長白狄之驕 其 食殘邑, 虐小

夏,成周宣榭火。《左傳》:「人火之也。」《公羊》:「宣

公田

税

則

爲

什之二,蓋

加

重

倍焉

輕

變古法,厚斂於民,寔自此始,故曰「初」。

助

耕

外,

私

田

百畝,又徵其税什之一,

併

與

此

法,而

頌

聲作矣。

宣公税畝

,則除公田

觀 而 向。丘 殺召伯、毛伯,天子不能誅,天故 管見: 成周宣 五行休咎之術,其端始於仲舒 不 是《經》所書,有下文蒙上文,有前 書其 氏評曰:「孔子於《春秋》,記災異 事應,蓋謹之也。」其言亦是。 榭火,仲舒、 劉 向 而 謂 盛 戒 著於 王札 之。 事 記 然 劉 子 蓋

不可 謂無

後事,感應之理若合符節,則董、劉所見,

秋,郯伯姬來歸。

奪。 姜,子而 類人於禽獸。 之義紊,父子之恩失,則夫婦之道 管見: 有夫婦然後有父子、君臣。 齊之叔姬,臣 逐 嫡 母 春秋之出婦,其端皆起於篡 也。 而 郯伯姬來歸, 逐 君母母 也。 喪,而 事不 魯之出 然君 可 人 臣

冬,大有年。《穀梁》:「五穀大熟爲大有年。」

宜

公

gd.

曉,然必

有其故

十有七年春,王正月,庚子,許男錫我卒。 也。 天,方有水、旱、螽、 熟也,故曰「大有」。 餘九年之食。進業曰登,再登曰 曰太平。 管見::三年耕,餘一年之蓄。二十七年, 惟天不絶民類,是以有此大有之徵。 此大有年,則一年五穀之所有皆 蝝之變,不 以宣公篡逆,自 宜 平、三登 有 此 絶 瑞 於

夏,葬許昭公,葬蔡文公。 丁未,蔡侯甲卒。

六月,癸卯,日有食之。

之。 道。《左傳》:「晉侯使郤克徵會于齊,頃 己未,公會晉侯、衛侯、曹伯、邾子同 河。」會于晰道,討貮也。」 郤子登,婦人笑于房。 獻子怒,誓曰: 「所不報此、無 公帷婦 盟于斷 人,使觀 能

管見: 斷道同盟,《穀梁》以爲同外楚,程

涉

0 「不」上,原衍「有」字,據乙本删

爲合。 楚爾。 子在 子以 克徵會于齊,而宋公寔不預會,則 曹四使之辱,其事無邾,而斷道之盟 之小忿, 豈以國君 侯外雖畏楚,内未貳晉。 在摟齊以擯楚必矣。是時,楚伯方强,諸 之未去晉。《穀梁傳》論,其必有所傳歟? 加 勤 也。 爲同 遠 然以 然景公之編,書同盟者五,亦見人心 略 是年之前,宋及楚平。 ,廢大義而貪小得,是 欲伐齊。 理推之,伐齊之謀,起于笑容 而同欲? 考之《左傳》, 特以晉人忽邇 且晉、衛、魯、 晉侯 以 程子之言 不 其 始 競 使 有 謀 郤 邾 於 圖

食,終身不食宣公之食。君子以是爲通恩也。」 賢之也。 冬十有一月,公弟叔肸卒。《穀梁》:「其日 宣弑而 非也。 與之財,則 E 「我足矣。」織 「公弟」, 屨 ௱

秋,公至自會。

道非 管見:《易》曰「天 有潛,有遯,有奔,有亡。 地閉,賢人隱」,而隱之 潛者,

身而

不哲則社

稷之重何所寄。

之禍。 奔難。 是也。 遯者 楚,惠、懷喜其亡,故名可全,身可安,非所 也。 也。 逆之惡。 而庶幾之。 宣公欲食叔肸以禄,冀 遇之易乎? 札居於延陵、僚先幸其去。文公逃於狄、 遯世者,其迹晦,人不可得 不同,所就亦異。 所容而足以容人,故必留身以成名。 所遇 故不辱名而玷身。 不同塵,不合污,飄 潛、遯行其常,爲人所願 亡者, 違難而 ,不邇勢,不 奔者,見幾而作,不俟終日,季子 爲人臣處之易,爲弟子處之難。 避禄而不善則兄弟之情有所傷,保 閔公方望季子來歸,將 潛、奔者,其形存,人猶 狎利,望然去之遠,季 要之,爲遯、亡易,爲潛 奔、亡處其變,不爲人 逃,不立排 然 立乎外,叔 圃 而 頡 墙,重 不 非所遇之 瀬之。 以 肸 願乎人, 弭 其 是 耳 權 掩 可 也。 得 蓋 是 是 札 臣 篡

身立 難乎? 而 君不忌,名立 人臣之義,不得則去。子弟之道 加 或 可安,乃所以爲

鄫。

雖仇

, 譬忍

於甘心,亦

由 中

或

之

無

伯

賢,則 所難, 而 又難於人臣矣。《春秋》四者,皆行 [季子、叔肸尤爲經權合道,是以 稱

書也 子」,稱 「弟」,而 吴札、 晉文之事,略 而 不

十有八年春,晉侯、衛世子臧伐齊。《左傳》:

于晉。」 晉伐齊,至於陽穀。 齊侯會晉侯,盟于繒, 以公子爲質

欵、 鄭 管見:齊侯徵會不至,故晉伐之。 書之,以著其非禮 以來,諸侯世子見 華、衛 臧,皆朝 於《經》者 聘、 盟 會、征 曹 射 伐之事。 入春秋 姑 陳

公伐杞。

也

秋七月,邾人戕鄫 子于 鄫

尤慘。 管見 春秋之禍, 邾人既用鄫 無 子 所 于 不 社,又戕 有,而邾、鄫 鄫 子于 之事

> 也。 宋襄、晉景安得逃其責乎?

甲戌,楚子旅卒。《左傳》:「楚莊卒,楚師不出 用晉師。楚於是乎有蜀之役。」 既而

之主也。 其譎。晉文、楚莊,譎 何也? 效,宋固不足道。 畢竟一木强人,又在四 **管見**:五伯至此盡矣。 形勝有强弱,風俗有厚薄之不 宋襄學譎 秦、楚可久,晉又勝齊 丽 勝於正。 不成,假 伯之下。 齊桓、秦穆,正 正而 要皆雄 至論其 不似 同 傑 勝

爾。 强而 以北窺中土。 之於《車鄰》、《駟鐵》,其尊君親 變,故天下莫己與争。 能 秦地左殽右隴,足以東制諸侯。 仁,猶 有厚后 其俗勤 稷、公劉之化。 而不匱,習於若敖 楚地襟江帶湖 上,久而 其 足 用 民 不

《葛屨》之儉,易以化率,故 合。 國之中, 不及爾。 不如晉,久不如 假仁義而行富强,能 十二之强,而 天下矣。若齊之立國 禮,可使之以守則固,以戰則克,而無敵 可推矣。 而衰,不可恃之以維持長久者也。 晉在參、虚之分,表 其 民 而求其形勢風俗, 故孟子曰 則唐、魏之遺 土 秦、楚,亦 地 綿 :「伯必有大國。」於大 裹 用之一時,及其 薄 Щ 雖 ,習俗夸詐。 民,《 河, 一藉錫 本其 則 示信,示義,示 處 蟋 事 E 初,鎡 履之舊,得 效之優 蟀》之勤 游 所以 而 盛 基之 齊 制 劣 强 桓 於 極 六

公室,與公謀而聘于晉,欲以晉人去之。」 公孫歸父如 晉。 《左傳》: 「歸父有 龍 欲 去三 桓 以 張

管見: 宣公此計,其失有三: 昭,遽來成濟之禍 臣,不思履虎之戒,此高貴鄉 也。 以 寵 臣 公欲 以 圖 孤 强宗,不 身謀 殺 司 馬 强

> 寇也。 刑、政皆自己出,何强 則 害,此代宗既誅安慶緒 侍之亂也。 戒進 如 何 狼之漸 事不就 而 可 ? 以外 此 而公薨,猶爲國之幸也 鄭 日 戚除内 E 衆 既 臣之足患哉? ,馴致吐 心 . 亂,不 殺 以 竇 正 憲 顧 朝,禮 蕃、 遂 引 回 蛇 階 統之 虺之 + 然 常

冬十月,壬戌,公薨于路寢 之翹楚者。然文子贊成會齊之事,獻 孟獻子,見於《大學》、《論 年之間,政事 管見: 宣公得國,始以篡,終以貪。 無 미 觀。 語》 其 臣 所 如 稱 季 蓋 文子、 十八 魯 子

爲賄楚之計,賢者且爾,况其他乎? 而 君德日 弱 子 趨于卑,而 承 祧, 强 臣 不 執 口 爲。 命, 贵 雖 非 幸 得 盗 IE. 所以 或 之

言於朝曰: 父歸自晉,至笙遂奔齊。《左傳》: 「使我殺嫡立庶、以失大援者、仲也夫。」逐東門 「公薨,季文子

歸

報

歟

或

氏。子家還及笙,壇帷,復命於介。既復命,遂奔齊。」

也。 管見:子曰: 庸,逐而不去,以甘心於權臣,適足以成其 於子文之無後,則逃去安之。 於介,中道奔齊,議者或引楚箴尹自拘於 事何忍? 矣。」夫三年苫塊、憂戚之情未忘、改爲之 司敗之事責之。 私,●而暴先君之過於衆人,非引其君 去三桓,始揚其父之罪而逐之,則其心於 八年,又爲之如齊以定其位? 非其子之罪也。 不善,而終不可改也。襄仲輔宣公篡逆, 人孝子之道也。 而爲惡,亦與襄仲而分辜。至是憤歸父謀 文子苟以宣公爲不義,何乃事之至十 縱有當改,亦未可驟,非謂父之 「三年無改於父之道,可謂 然遇楚莊之雄傑,必不忍 歸父内爲權臣所逐,復 歸父如晉,奉其君之命 遇魯成之昏 是從襄仲 以 命 孝

而奔其父之使者,是亦奔父也。」其説有所季氏,驟改其父之臣。《穀梁》曰:「捐擯至笙,遂奔齊,其義無譏。若乃成公奪於何益乎? 然則去之可也? 曰:還自晉,

傳授矣。

「於」,乙本無此字。

0

君之惡,而同歸於匹夫匹婦之爲諒爾,庸

三九

成

公

於先君,則得書『即位』。」 元年春,王正月,公即位。 胡傳:●「《傳》例:承國

無冰。《穀梁》:「此未終時而言「無冰」,何也? 加之寒三月,辛酉,葬我君宣公。

之辭。」

權柄下移之象也。成公之初,即有此異,得合。此公家失政,權臣執命,愛克厥威,好其序。丑月大寒之候而煖氣乘之,冰不好,君道作威福。苟威福失其綱,則慘舒

作甲,非正也。」《穀梁》:「夫甲,非人之所能爲也。

丘

間,四 爲邑。 且如國 牛三頭,又具甲士之數,其法不亦重乎? 共七十五人,則一丘所出十有八,積四丘 人,甲士三人。以二十五人爲甲,凡三甲, 國百里之制不合矣。又一乘步卒七十二 乘。是千乘之國,當有九百里之地,與大 旁加一里爲成。所取於民者,出長 之法推之,多不可 而具一乘。 管見: 古者因井田而制軍賦,以司馬一 閶 中行鄉遂之法,五家爲比,五 四邑爲丘,四丘 爲族,五族爲黨,五黨爲州。 然一丘之賦,既出戒馬一匹, 曉。 爲 如 甸。 九夫爲 甸 井,四 方八 報一 其賦 比 里, 成 爲 井

纂疏》及體例補。 「胡傳」。原無,據文淵閣《四庫全書》本《春秋胡傳附

三月,作丘甲。《左傳》:「爲齊難故,作丘甲。」《公

感應之際,不亦可畏哉。

約《周 井兵 之人 家同 矣。 所出 對太宗,周 周 載 F 旅 則 重 百 旅、軍、師 《漢書 於稅 ·井六 公起草未成之書,當初 籍已經秦火,其 畝 五 五 五 甸丘之法推之,則與伍、兩、卒、旅、軍、 同 賦 車 人爲 井,井九百畝,其中爲公田,八家皆 至 禮 旅 車千 百乘。 於 矣。先王經綸天下,須有方 如四丘 謂一丘 刑法 養公田 爲 甸 之 伍 而言之,而 制 師, 乘,則 ·--, 五. 賦 志 提 提封 爲 出甲士十有八人,又未 ,乃家、比、閭、族、黨、州之 乘步卒甲士之數,概以《漢 》所云,未可盡信。 丽 五 伍 封 甸 度數法式 爲 不税其私田。 師 私 萬 + ,甸六十四井。 兩四四 《周 井,定 爲 田 ·萬 雖不 軍。 井,定出 禮》首末 未 兩 出 不可詳。 税,而 曾行 是 爲 賦 伍、 卒,五 荷以 六 賦 得, 未 兩、卒、 而李靖 其 千 古者 六 法, 備 卒爲 恐 漢 賦 四 同 必 萬 井 如 乃 儒 但 私 然 又 百 JЦ

羊》曰 人,而 作丘 耳,非 無 뻾 其 兵,如何得快? 苦,供給之煩,豈 近 鄉 出 井不征於丘,丘 於民 師 便。 其 賦 遂 牛 牴 而 於國 之 馬,甸 溥。 今 法不可考。 甲,始取甲士於兵耳。 牾,未足以 今增其 「譏始丘 盡 法, 始 不然,徵 丘、井之外皆爲兵 征者 中 也。 謂 出 者, 之 車 使也」,其 不貢,貢者不 若 爲 不征 乘、甲 亦因 《經》書曰「作」。 調 甸 其 不大 當 日 據 於十 賦 日 書 : 也。 於甸。 井田 生勞 因 <u>:</u> 丘 ·萬 增增 義 故 井 淺 出 一之法 田 7擾? 井之外,去還 有 可 或是 丘 也。 税,税 意三代 井出穀粟,丘 通 大意爲益 事 丽 甲」矣。 甲,往 徵 制軍 行 國 且 至是 發, 作者,古 者 倉卒 盛 以 中 賦 不 成 足 乃 所 時 兵, 之 公 兵 乃 召 爲 取

楚師。夏,盟于赤棘。」 夏,臧孫許及晉侯盟于赤棘。《左傳》:「閩齊將:

 \equiv

春 秋 管 見

何罪? 使宣 臧宣 足倚,故卒依違 子之言 管見 心移之也。 叔明於大義,毅然曰:「子欲之,許不 叔 季文子暴襄仲殺適立 爲 怒曰: 子欲去之,許請出之。」是既 非, 仲氏之去不足恃,季氏之强 而不止歸父之逐,蓋 「當其時不能治 丽 從之,則亦具臣焉耳。 庶之罪於朝 也,後之人 利害之 知文 有

結信 德。 敢聞 晉,終也挾晉 出 以 楚 無 成公幼弱, 命。 於伯 師 齊 難 汲汲 則東 國 矣 乎? 而 與 門 許 (晉侯 不 加 也,黨 不逐,歸父亦 事齊,心蠱於私 大臣 書 盟。 曰「及晉侯盟」,著 一謀國 於季氏,及 始也 如此,庸 挾 不奔齊, 齊 ,二三其 聞 而 足以 齊 不 臧 事 方 可

孫 許之罪

秋,王 公羊》。「孰敢敗之? 師 敗績 于茅 晉敗之。● 不言「晉」,王者無敵,莫 戎。《左傳》: 「秋,王 一師來告 1敗。」

敢當也。」

取敗,其失在 可 賴。 東遷 宣且 師 之擅行,於是敗 之,此何義 王,孰敢與抗 下爲一家,講信修睦,尚 無戰之意,天下一家之義也。 管見:《春秋》文以 也 敗 以 晉既平戎于王,但當惇信以 來格畏威之不暇,亦無待於克伐矣。 績于茅戎」,王者無 單襄公如 來 ,夷狄肆行,攘却之功,伯 郭? 降 ? 中國之尊,與戎 績于茅戎, 定王 晉拜 雖 頑如苗 見意,意以 成、劉 昏弱,不 讓 敵之文也。 蠢 去争,則莫不 乃 康公乃邀戎伐 能 \pm 王者耐 如荆 明 夷 師 制 柔懷之。 義。 敵,《 邀 遇 E 國是 幸 季 以 有 禹 春 以 子 來 天 \pm

秋》之所諱 也,故書法 謹 嚴

侵,及巢。」 年 春, 齊 侯 伐 我 北 鄙。 左 一傳》: 齊取 龍 遂

南

晉敗之」,原脱,據乙本

怨也。 成。 償于鞍之耻 管見:齊 苟不以仁義行之,未有德 於是魯與齊絕。 惠公樹德於宣,而 初年 ·黨邪· 害正 北鄙之伐,不足以 一,亦何 頃公敵怨於 加 不可 益哉? 以 爲

師遇。 築,衛 夏四月,丙 石子欲還,孫子不可。 師 敗績。 戌,衛 《左傳》: 孫 良 「衛使孫良夫、石稷侵齊 夫帥 夏,師擊新築。」 師 及 齊師 戰 于 與 新

心 以戰勝 爲命· 退 衆,舍己從 日 而 無 **管見**一帝王用 心爲心也。 令其 敗」, 二,故 「用命」,全師 用命告將士,而其所自 也 臨 事其君。❷ 故遇 佐 後世 機之不可進,佐不敢以不 也。 人。 敵之不可 啟 不然。 召六卿 秉旄 兵,見於誥、誓,曰 益費 取 推轂遣將之意,曰 仗 勝之要道 丽 戦 君以 勝,將不敢以不 鉞之志,日 禹 有 班 戰 扈 處 師 以以 勝責其 也。 則又詢 以 卿 || 有 可 從屬之 然 士之命 有 臣,臣 心, 謀於 進 可 以 進 無 勝 勝 而

> 强敵 道 還,將謂君何? 戰, 荀林 禀其將也。 王用兵之道,斯 子之言不可入,此衛之所以敗。《春秋》書 欲還,孫 不能行,此晉之所 夫,我弗爲 ·及」以「敗」,著其志是戰者之罪。 上戰者服 也。 而退,非 良 父欲還,先 上刑」,即 夫 也。」以中 覆 夫也。 日 師之禍,恒 今既遇矣,不如 : 得《春 以 以 穀 其書法之意。 命爲 敗。 軍佐 日 師 秋》 : 伐 濟,而 新 軍 「成 在於此。 人,遇其 築之戰,石 所 帥 以 師 丽 林父之令 戰 丽 用 卒 苟 孟子 也。」石 出,聞 邲之 兵 敵 以 知 之 帝 稷 非 日 丽

孫嬰齊帥師會晉郤克、衛孫良夫、曹公子首六月,癸酉,季孫行父、臧孫許、叔孫僑如、公

■「擊」,乙本作「敗於」。

② 「臣」,原作「之」,據乙本改。

惡

晉侯許之七百 及 新樂,不人,遂如晉乞師。 齊 侯 戰 于 乘。 鞍 齊 師 陳 師 于 臧宣叔 敗 鞍, 績 齊 亦如晉乞師,皆 師 《左傳 敗績。 鄭 周父 孫 主郤獻 桓 藏 子 齊 子。 侯

以免。」

之者以 仇, 師, 兵,豈 同歸于 諸 魯 整 怒以正 仇甘心一洒。 以兒女之戲取怒四鄰,諸國大夫以兒女之 管見: 君子如怒,亂庶遄 國大 侯大夫侵伐之黨同 其 情 未 旅」, 仁. 非 有 四 夫 亂。 兒 小 人 同 四 或 專 女焉 怒爲 聖人非 憤, 卿 之志,王 若夫 伐齊,蕭同一笑之怒也。 輒 並 挑怒 之志 耳。 名, 何 舉, 忿 其 庸 無 懥 已一, 者 《詩》云「王 同 同 而 者 得 怒也,而 固 而 之 之 會 則伯 則 執言之義 不 君子非無怒也 有自伐之道,而 公家 多 事 以 得 及 乎 柄爲 丽 E 怒 者, ? 赫 爲 汲 · 至 在 汲若 下 上 斯 乎? 義 春 毒 移矣。 怒,爰 安 替 非 秋 民 齊 民。 矣。 , 而 同 帥 於 亦 伐 頃

還 於 表 四 雖 也 或 日 之非 敗 齊 其 義 戰, 寔 敗 而 晉、 經 世 魯 長 也 慮 寔 辭 繁 在 不 書 殺, 法

曰: 「不可。」揖而去之。 克曰:「反魯、衛侵地,使耕者東畝, 秋 袁婁。 七月,齊侯使國佐 《左傳》: 「晉使齊人歸 郤克許盟 如 師。 我汶陽田。」《公羊 ,且以 己酉, 蕭同 叔子爲質。」佐 及 國 佐 盟

所揖 終也 當爲 爲質 心 之」,况 里之外應之。 管見:《易》曰「 勝而驕、欲使盡 而 之理。 ,强人 應之者非 IIII 操寇賊之心 去之,逮 其 運乎? 以 始也執 必 真 出 君 不 而與之盟,是違之者其 情 而言出不 其言不 子 可行之事,責 東其畝,且以 甚矣 也 兒女之見 居其 《春秋 郤克之淺 善, 室, 義 丽 出 干 》愛樂從, 師 里之 其言善,千 齊 遂 人 出 以 爲 君 陋 無名 之 内 或 必 也 惡 本 佐 不 1 違

脅從,

貴誠

服,賤

僞服,故書法

與屈完

異

月,壬午,宋公鮑卒。《左傳》:「宋公卒,始厚葬。」 應之説而非儒者窮理之論 得令終。或疑善惡之理息, 管見:楚商臣、魯接、宋鮑皆篡 所欲有甚於生,所惡有甚於死。」虎狼 也。 E 弑之賊 孟 此 子曰 佛 氏 · 而 至 報

梟獍之生,君子之所欲乎? 所惡乎? 見容於麟麒之藪,鳳凰之山。 皆羅弋畢。 不仁,未必皆入陷 然 而聞 阱。 其 聲者,欲食其 梟獍至不孝,未 與其爲 肉, 虎 狼 不 必

獍也。 《春秋》,聖人之麟凰 赦之誅,其爲積惡之殃重矣。 是《經》出 而 漏網 也。 之賊 亂 賊,虎狼 得魚 納 於萬 而 失熊 之梟 世 無

庚寅,衛侯速卒。

掌,故君子惡居下流

取汶陽田。《公羊》:「汶陽田者何? 鞍之賂也。」

管見:「取」有二義,有以「予」對言,有以

歸,直 乎? 取。 者,有間矣。 事中國,比於吳、楚之吞噬小弱,憑 以 辨、故書法 事 貪人所有,以智力取之爾。故凡書「取」, 强,而利 强凌弱,衆暴寡,而 之歸商、周,有不待 殘,非利之也,順千八百國之心也。天下 非富之也,復 人捨 徐人取舒」,何以無貶? 曰:待夷狄,治 捨」對言。人予之而我取之,有鄙之意。 不治。 屬國邑田 苟非其義, mj 可以 曰「取」而已矣。《春秋》嚴 我取之,有貪之意。故聖人重於 其賜。 以利相 貪鄙之道取之乎? 如 地,其義皆貶。 故減於滅國之文,然亦不得 此。 匹夫匹婦之讐也。 非以仁義得 一介不取於人,而 取,夷狄之志也。 或曰: 取其 於取之也。 地。 外書 蓋非人情 人之歸,不 小役大,弱 成 滅 世 衰 湯取 武 義利之 况 陵 相 取,如 道微 王取 諸 有 取 所 亂 過 夏 以 願 役

以取國爲予之也。

陽橋。孟孫請往賂之,公衡爲質以請盟。」令尹子重爲陽橋之役以救齊。冬,侵衛,遂侵我師于蜀,及十有二月,公會楚公子嬰齊于蜀。《左傳》:「楚十有二月,公會楚公子嬰齊于蜀。《左傳》:「楚

以 管見:《春秋》公會外大夫與内大夫 人乎君之側。 鞍之役,魯人以其君爲蒭靈,四卿 於成公之會楚嬰齊者也。 時習以爲常,而其危宗國,長蠻驕,未有甚 侯,自桓公以來有之矣。抗尊失列, 曰「王卒 抗晉,故陽橋之役,侵衛 盡 行」,是舉傾國之兵,以逼 蜀之會,又以其 楚 人 以 及 君 志 魯。 爲 並 在 孤 一行,無 魯境。 ^ 蓋 會 扶 注, 傳》 當 諸 齊

> 嬰齊 《春秋》之義,則辱逮其國。 明《春秋》之義,則危及其身。 冀金人之和也,遂有北 有人潞之禍。 譙周勸後主詣鄧艾軍,冀扶風之封也,卒 戒明矣。 之諱者,義有關於名教,則諱之以扶天下 行 行事,非空言比」,其論不誣矣。 之大戒。 之大倫。 于蜀之會矣。《春秋》欲爲之諱,有不容爲 止 、豺狼其性,蛇虺其心,于 由 人。 季文子召敵,誤國之罪著矣。 「公會楚嬰齊于蜀」,危身辱國之 事有係於存亡,則書之以 文子謀 宋何桌勸欽宗如粘没喝 或 不臧, 轅之耻 胡氏 トトトラスト 盂之執, 爲 故爲 日 大 臣 示天下 | 見諸 敵 不 君 又見 明 漢 不 使

獨冒

不測,委質於夷虜之臣。

壞。 以 其光 心。 也。 管見: 從之,猶水之橫流,爲湍所激, 盡 成 此 養伯者之威, 效伯者之事, 同 之勢也。 國之同,不 而 五 後,不作圖 行,十一 必明 莊王 伯 明 戰 要之,皆無伯之才,無伯之志。 敗齊之事,大夫爲志,三國 必行之,晉 之局 知 或 明 蓋 於是于蜀之盟,楚 之 没而楚伯漸衰。侵衛之役,王卒 其 知 楚 或 無 漸 散 其欺 自 窮 復 異 畏其威而會之,猶 而 偂 東 平宋 見矣,乃天下大勢 丽 而 合爲同之寔也。 不知夷狄不 如 不 南 明 南北之形 明 而明行者,楚于蜀之盟 時 知人心 之想,郤克用 知諸 縦 以 陵 者,晉於蜀之盟也 後,無 侯之竊 不可 國之 成矣,南 明 可 有窺 以 無 同 以 知 燈之將絶, 快其 盟 柄授。 而 矣。 諸 控 推 威 晉自敗邲 晉政 四 移之機 而 大 北之形 刼 或 楚欲 (憤 北 晉欲 故 之 扶 于 之 益 縱 强 + 小 而

公子偃帥師禦之,使東鄙覆諸鄤,敗諸丘 伐鄭。《左傳》: 年春,王正月,公會晉侯、宋公、衛侯、曹伯 也。 蜀之避,不能如召陵、城濮之避矣。其究 狄爲晉之梗,伯事涣 也,南自南 天下將爲七雄也。 石門,天下將 天下之勢者,於其 若夫書 「諸侯伐鄭、次于伯牛、討邲之敗也。 ,北自北,吴、越爲楚之梗,秦 法同同 爲 五 一伯也。 變 之例,先儒固 此《春秋》所以 散 丽 m 識 七 其 十一國 輿。」 雄 趨。 興 已論之。 矣。 盟 齊、 志世變 于蜀 善觀 盟

周, 以 勝,以雪邲之耻 甚 不聞乎? 以見貶 管見: 五國 矣。 爲城,搏之未 謂 晉 爾 滅 功 狄 辟楚虎 無 + 伐鄭,書 而 以 獻 必得 也。 或 加 俘 丽 盟楚嬰齊于蜀,晉 矣。 一爵 于 也。 然 搏 非 周 鄭襄非 鄭狐,然鄭 欲 晉侯之不 予之也, 僥 敗 倖 齊 齊頃之狂 於 而 鄭 獻 知 方 目 之 倚 捷 務 侯 其 于 楚 亦 君

鄭人窺知其 其 妄動之戒。况宋、衛忘哀,會伐稱爵者,益 後,伐鄭者再,皆特書「晉侯」,爲國君 千乘之威亦褻矣。 亟會四國之君,謀奪鄭於嬰齊還師之後。 楚,非俟釁不可也。 晉人苟欲得鄭,非 子良無豐舒之惡,楚人豈肯一日失鄭以 八北藩、 ,鄭人豈肯一日離 無 能爲也,覆而 景公輕慮淺謀 制楚不可 于蜀匱盟,無奈楚何。 楚以 敗諸 也。 危其社 丘 敗 苟 輿 欲制 輕 邲 稷); 則 舉 喪 以 ?

辛亥,葬衛穆公。

以著其罪也。

二月,公至自伐鄭。

「新」,不忍言廟。以災,三日哭,禮也。」 甲子,新宮災,三日哭。《左傳》:「宣之宮也。謂之

日,捨而從金革之事。縱使迫於伯令,獨抑有説焉。二月,公至自伐鄭,蓋遷主之管見:此條,胡氏譏其失禮,考論甚精。

其無哀戚之心,遇災而哭,徒爲具文,君子不能卒三年之喪,以全人子之孝乎? 蓋

乙亥,葬宋文公。

所不取

也。

夏,公如晉。《左傳》:「拜汶陽之田。」

此禮不行於覲天子而行於朝伯主, 管見:公曾會晉侯伐鄭,至是 兩失焉。晉侯受之,亦不能無罪矣。 田,何也? 蓋因 終喪 行朝 禮 「許恃楚而 因 始 以 如 不 拜 舉 晉 事 賜 鄭 而 拜

鄭公子去疾帥師伐許。《左傳》:「許恃楚而不事鄭,

管見:自僖之季年,晉、陳、鄭伐許。自是許不見於《經》,蓋專意事楚,故不預中國許不見於《經》,蓋專意事楚,故不預中國別會之事。晉捨許於楚已久,鄭在楚之宇乃得自行其意爾。

汶

陽之不服邑也。 其言「圍」之何? 不聽也。」

管見 晉文始啟 原不降,命去之。 南陽 魯取 汶陽 圍 原 命 棘棘 不 七 服 日 遣 之糧 將

圍之,其事又下於伯者之所爲也。 以五伯况之, 豈其倫乎? 議者或

大雩。

晉郤克、衛孫良夫伐廧咎如。 《左傳》: 「此赤狄之

餘也。

廧咎如潰,失民也。」

是必前

年許男

已改事晉

鄭乃黨楚伐

之。

諸展陂,鄭伯費復伐

許,

晉

樂

書

帥

師 救

殘邑,不足言乎師 **管見**:此不言「帥 耳, 師」何? M 以 廧咎如, 卿 臨 之。 狄之

禮也。」 盟。 夫來 上卿、當 冬十有一月,晉侯 孫 《左傳》: 聘。 貪利邀功,其爲不知本甚矣。 大國之中,中當其下。」丙午,盟晉。 丙午,及荀庚盟。 「公問臧宣叔 使有 日 庚來聘,衛侯使 「將誰先?」對曰: 丁未,及孫 丁未,盟衛 「次國之 良夫 孫良

> 管見: 荀庚、孫良夫皆其君使來聘爾, 臣,在二臣爲生事而敢抗列國之君。 魯侯及之盟。 在公爲降尊 而 私 結鄰 國之 考文 m

按 事,交譏 也

程子曰:「鄭附於楚,一年而再伐許,故夷之。」

鄭伐許。 觀於四年,鄭公孫申帥 管見:鄭於是再伐許,必楚人之縱之也。 師 疆 許田,許人敗

矣。 即華、此其 身,故於再伐狄之明年,書「 楚人聽 生囿: 楚共庸劣,莊王之業已衰,苟能背 於夷而不可 鄭之伐以 八時也。 病許,則 鄭襄堅 解,豈非不明 意事 同惡之情 鄭 伯卒」, 楚,以 向背之大 可見 蓋其 没 其 夷

氏曰: 四 年春,宋公使華元來聘。《左傳》: 「爲共王謀昏張本。」 「通嗣 君。」王

戒乎?

成

公

三月,壬申,鄭伯堅卒。

夏四月,甲杞伯來朝。

夏四月,甲寅,臧孫許卒。

葬鄭襄公。

我乎?」乃止。」
 我乎?」乃止。」
 一遍於我,諸侯聽焉,未可以貳。楚雖大,非吾族也,其肯字公至自晉,欲求成于楚而叛晉。季文子曰:『晉國大臣睦,秋,公至自晉。《左傳》:「夏,公如晉,晉侯見公不敬。

德亦甚矣。晉侯見之不敬,故爲失道,而取侮之道。背齊事晉,匱盟于楚,二三其敬。」成公會嬰齊于蜀,拜汶陽之田,皆有侮,而後人侮之。」又曰:「禮人不答,反其管見:甚矣魯成之愚! 孟子曰:「人必自

下,誰敢侮之? 得透,於義理推 效,終於蹇淺。 民,或敢侮予?」苟能善治其 可侮之形,則雖受命於下國,必 曰 迨 天之未陰 不上,此事業之所以 大抵春秋 文子見不及此,故相魯之 雨,繆綢 人才,於事 牖 (國, 儼) 户。 爲 政 然 今 卑。 勢 於天 有不 此 見 下

鄭伯伐許。《左傳》:「晉樂書救許,伐鄭,取記祭。楚》冬,城耶。杜氏曰:「公欲叛晉,故城而爲之備。」

反救鄭。鄭伯與許男訟焉,子反不能决。」

著其忘哀毁次之甚也。 之臣,失中國諸侯之體矣。書曰「鄭伯」, 管見:鄭三伐許,至是與許男相訟於蠻夷

五年春,王正月,杞伯姬來歸。《穀梁》:「婦人之

義,嫁日「歸」,反曰「來歸」。」

仲孫蔑如宋。《左傳》:「報華元也。」

勝區

之憤

,欲叛晉事楚。

文子之諫

其所以不敬者, 豈非公之自取哉?

乃

不

是審勢之言,而於自反之意則未也。

《詩

女、故會于穀。」

曰:「君親素編 伯宗而問焉。 梁山崩。《穀梁》: 遇輦 前群臣而哭之,既而祠焉。]孔子曰: 者,問 「梁山崩、壅遏河、三日不流。 曰:「君爲此召我也、爲之奈何?」 晉君召 「伯宗

感召 天下之異? 崒崩,西周之所以衰。 盛陽微,則艮變爲坤。 曰:此諸 夫凌諸侯,夷狄亂中國之象也。《春秋》大 山之崩,屢見於《經》。 覆盆之象,故 **管見:**《易》艮爲山,一陽在上,二陰在下, 曰:「如南 統,故不繫以國,見天下之大異焉。 所致。三代盛時,無有此異。 Щ 山之壽,不騫不崩。」其後 不 曰 : 山外寔内虚,陽抱陰也。陰 在 五 表識者,天下之制。 岳、四鎮之數,何以 春秋之時,沙鹿、梁 此諸侯僭天子,大 有崩之理,乃人事 《詩》 Щ 或 主 爲 冢

> 統言以示譴告之無所限乎? 宰者,天子之事。「普天之下,莫非王土」, 事有反常爲變,是裁成之道未盡也,●可不

秋,大水。

傳》: 侯、鄭伯、曹伯、邾子、杞伯同盟于蟲牢。《左 十有二月,己丑,公會晉侯、齊侯、宋公、衛 冬十有一月,天王崩。 「鄭服也。」程子曰:「天王崩,而會盟不廢,見

不臣。」

管見: 人情萬變, 世故 心,同德之同也。受爲天下逋逃主,萃淵 於爲善,有同於不善。 之, 弭亂息争之道 藪,同惡之同也。《春秋》審同異,明善惡。 也。 武王有臣三千惟 萬端。 然同 有 聖王欲 一義 有 其 同 同

- 左傳」。原無,據《左傳》及體例補 裁」。原誤作「栽」,據文意改

成

公

人其皆

衆水 弭 能 挾天子以令諸侯,而王綱下墜。 秋》不以爲貴,同之不以 失,又視夫善惡之趨向而已。 勉於從晉,豈 同,然其 義以予荆楚,而 有晉、守文、襄之業、不盟 不苟從齊,豈非 而 猶知有周 失爲義 魯莊三會不至,《春秋》不以爲譏,異之不 君子之孤 不同,不免爲 亂息争之旨。 審同 會、然其 東流 異 也。 所 ,明善惡,謹 ,明文、武之道,無伯可 而 (所以) 以 楚子争伯, 晉景 砥 非 爲 小 太陽 柱屹 爲 伏 同 中國 明義之異乎? 人之敗 戎 者 會者,雖 行 家一人,非意之也,乃 立,違衆獨異,不 之同 趨 一内離。 天 雖 向,而求聖人所以 圃 類。 其 同 可也。 乎? 陰 道 寔 公寔 五 谷 是 名曰 異 也 盟皆同 齊侯倡伯, 自 則 晉景 人心 名曰 私 也。 松 外 同 諸 天 楚 尊周 下皆 害 舍大 異 侯 猶 齊桓 與 魯 秋 人 特 丽 知 得 時 爲

則止。

去墠爲鬼」,諸侯之祭法,蓋不復行

云「去

廟

爲壇、去壇爲墠、有禱

則祭,無禱

並不祧

,遂爲常典,則

又不止七

一廟。

而

褿

宫災」,是必

武宫既

立,而

桓宫以

下,

世

世

廟已在

桃

典矣。

及至哀公之世,猶

桓

武宫,非禮也。」《公羊》:「武公之宫也。立者,不宜立也。」 二月,辛巳,立武宫。《左傳》:「季文子以鞍之功,立 年 主,則 常事 之廟 管見:諸侯五 可 據其亡於禮者之禮,則成公之世,桓公之 與自出之帝對待,豈非悖妄之甚耶? 蓋七廟也。 爲自出之帝,如周之祖 春,王正月,公至自 以言同。 不 並稱: 世室之下,考廟之上,又有 書。 世室,與 至是 其行之已久,雖 廟,魯僭天子之禮 之復立 四親之廟 武宫,享 后 稷。 爲 爲 非 周 三昭三穆, **十** 一 制 公、 一,祖 祖 世之 然而 伯禽 文王 廟 若

道哉? 也。 祖 必祧,而 次浸遠,祖考之精神既散,返冲寞於無朕 限于五,非薄于七世、五世以 自成公始也 復其始。 天子君道,陽道,三昭三穆,與太 還昭明於大化。天道久而必變,人道遠 人情以爲之隆殺,庸天秩以爲之等威。 一而七,純乎陽之義也。 諸侯臣道,陰道 昭二穆,與 荷違 夫先王之爲 《春秋》書「立武宫」,著典禮之紊, 祧主藏於太祖之廟,以萃其散 制僭 人太祖 禮,是: 廟制,天子限于七,諸 丽 違天瀆祖, 豈孝慈之 五,陰受命於陽之意 上之親 也, 世 侯 而 m

収郭。《左傳》:「吉易也。」《公羊》:「鄟者,邾婁之邑也。」

國。先王觀地水之象,建國親侯,於區域一人、《春秋》之法討亂臣而不許諸侯擅滅管見:《春秋》之義大一統而不以天下奉

或曰: 他僭竊者比 窮經知道者且 因,學《春秋》者也,而祈幸於元之取宋。 明《春秋》者 貴取國,其微意 奥。諸侯之人民、社稷、城池、土地、皆天 中 南唐、宋太祖之於北漢。 曰:故國之後,土地人民,受之先祖,非其 封建,豈其使縣宇瓜 而 子之所予也。 家天下也。天下一家,四 長久,一 不容、《春秋》之所最惡。 滅」,雖其文有異而疾之意則 無争城争地,殺 畫爲疆界,使 古者封 德以尊天子,其道 則 也, 堂奥 建,故聖人疾取 爾、况於錐梩豪傑之徒哉? 輔 俱 如 而 車 存 此,欲使有國安於分守 人以戰之禍 而 籌贊於晉之取吴。 分而 相依 不害,如周世宗之於 互相傾覆,王法之所 此王者家天下之 不圖混 内書「取」,外書 公天下 翰 海之内皆其 屏 國。 0 也。 相 一之者? ー, 其 資, 後 聖人 杜 世不 義 維 劉 不 堂 持 寔

義,而《春秋》之所予也。

衛孫良夫帥師侵宋。《左傳》:「侵宋,以其辭會也。」

夏六月,邾子來朝。

公孫嬰齊如晉。《左傳》:「如晉,命伐宋。」

壬申,鄭伯費卒。

宋,晉命也。」
秋,仲孫蔑、叔孫僑如帥師侵宋。《左傳》:「侵

管見:

小國受命

於大國,

理

也,

亦

勢

也

其 義 始役之於尊周 大要驅之爲 國諸侯如魯、衛、曹、鄭、陳、蔡役於齊、宋。 之世,小役大 然大 國之所 ,殆莊子所謂 以 修怨啟争之事。 ,弱役强。 攘 命,小 楚。 臚 傳 國之所 中國 發塚之徒爾。 當伯者之未興,中 自 以受命 是 桓、文出 有 統 ,諸侯 荷 春 來 非 秋

以脇制 不明其 夫帥 之是非。 而諸侯 酺 非王命而標 夫脇諸侯、《春秋》之隱憂,故其文多没伯 秋》之長慮,故於事 遂多故矣。 馬腹。」是以 伯 命責人。 下之同 没 政 伯 師 既 侵宋 其君,因以竊其征伐之權,而 衰,但 所 則大夫之罪不容誅。 之大夫,惟强令是 疾 自 利於執國柄者,且幸於伯令之足 也。 以命令諸 夫王 ,聖人書法若此, 王則諸侯之惡不可掩,有伯令 衛 不能令自處 存 人 晉人日 其 救 命 所 侯之理。 必標王。 维 陳, 以 丽 :「雖鞭之長,不及 至 命令 諸侯 而徒汲汲以不受 惧,不復計 於殺孔達 諸侯之勢, 經世之意,豈 觀 楚人圍宋,天 伯令行 陵天子 於魯、衛大 以説 , « 其 中 m 國 大 春 理 而

不深切者歟?

冬,季孫行父如晉。《左傳》:「季文子如晉賀遷。」楚公子嬰齊帥師伐鄭。《左傳》:「鄭從晉故。」

不敢以

小忿小争之故,令諸

侯

以

相

侵伐。

不復交兵,非有背華即夷,弒

君

篡

國之罪,

煮

猶

假

行仁義,而矯飭於大德大賢之役。

帝丘,許遷于葉、于夷、于白羽、于容城,蔡 管見:《春秋》書「遷」,如邢遷夷儀,衛遷

遷于州來,有

故則

書。

邾遷于繹,晉遷

于

隧。 晉樂 去我,吾遂 於繞角。 新 趙同 書 田 楚師 帥 至此,是遷戮也。 趙 無故 師 括欲 還,晉師遂侵蔡。 救 戰 加 鄭。 請 以 利 於武子。 《左傳》: 民 戮而不已,又怒楚師,必不克。」 遷 楚公子申遂救蔡, 范文子曰 者則不書矣。 「晉樂書救鄭,與 不可。 禦諸 楚 楚 師 遇 師 桑

遂還。」

機 皆 軍 迹 事 管見:桑隧之師,晉 命 於林父于邲 之有 佐 取 不欲怒楚,其 相 相 敗 同。 濟,其情 類 明不 樂書 軍 繞 帥 明, 之敗 角 以 相 之欲 還 見相符。 臨事 能 似。 也。 師 制 戰者八 之有 命 知莊子、范文子 與 不戰楚,蓋樂書有 樂書、 飲 全 然林父以不 師 斷 馬 人, 此 林父救鄭, 不 於 與彘子 斷 河 又二 不 而 歸 之諫 能 將 能 以 懲 中 無 見 其 制 其

一年春,王正月,鼷鼠食郊牛角,改卜 於覆 見有 者當 也; 而 者之當爲。 綏附懷來、《春秋》之急務。 者紛紛。 以得志。 道 夷,必先制楚。 優劣也。 大夫專於内,諸 公之時,狄伐其 (食其 有 樂書獨書「救」,此二將優劣之權 雖 [權量 師 制楚之形而 能 角 ,亦聖人之所予。 《春秋》屢書,蓋惡之也。 救 有 夫取威定伯,莫如救鄭。 圃 召陵、城濮之功,用此道也。 乃 鄭 鄭不可不救 决 富 免 、擇之。 而 强之寔,有信義之名,乃 不能 牛。 侯篡於外,伯 北,秦伐其 敗於楚,有 伐 鄭、救 穀梁》: 制 蓋 中 楚 小,荷 故 鄭 ifii . 或 南 「郊牛 林 能 損 與與 之能 徒 救災恤 政 ,國勢削 父 却 也 救 楚 日 不 楚 弛 鄭, 制 展 衡 争 牛。 書 矣。 此 安夏 而 要之, 患,伯 楚, 解 也 救 不至 審 無 角 景 鄭 鼷 未 口 其 益 攘 而

知傷,展道盡矣。『又」,有繼之辭也,所以免有可之過也。」鼠又食其角,乃免牛。《穀梁》:「郊牛曰展,解角亞

七

書之。 矣。 而敢 管見: 牛角剛 命,其所感召非偶然矣。 秋》謹變,而於祭祀之禮 祭天之犧而有此異,蓋非常之變也。 か 又食 鼠性竊多疑畏,非牛之所 食,是公然於食,陰得 觀致變之僭,則 ,是故意 無氣 於食, 、味,非 公家失柄,權 尤 陽 鼠 志而· 慎 無 之所慕 敬之至,故詳 憚 權 恣其竊矣。 也 丽 失 也 臣 其 《春 日 竊 改 展 剛

振旅,蠻夷人伐,而莫之或卹,無弔者也。」」 吴伐郯。《左傳》:「吴伐郯,郯成。季文子曰:「中國不

苟有聖人生於其 我之名分,其操心積慮,與 管見:太伯三以天下讓,孔子 國乎? 是以擯之。不然,舜 而子孫僭王則狄之,惡其 夫中國受天地之中,禀光岳之正 地,豈 生 諸 以 夷 馮,文 以我之族類,亂 非 狄 我 而不進於中 稱其 族 王 生 類 至 岐 者 德, 周 比

足文獻,知禮義,此所以可貴。

夷狄僻處

0

「知」,原脱,據乙本補。

矣。 異,何以知 不自勉,而 識《論語》包容宇宙之量。 其區别於《春秋》,必致其嚴,而《論 夷,終囿於偏且駁,而不可進於純 之心,非概 楚、吴、越、《春 國之地,蹈夷虜之風,雖神明 飽,有人心者,華 居夷之意,其所 下之分,此 夷狄之有君,不如諸夏之亡」,又有 隅,得 學者知《春 氣之偏且駁。不 所 其待人者亦豈可 其 視 以 貴賤而區別之? 夫有 秋》亦必狄之。 可 秋》 以 夷之所同。 賤。 嘉 生之類。 涇渭、 惠 至於. 知有倫常之理 於吾人之徒 華夷之旨,尤當 其自處者不 有所限乎? 知寒煖,●識 不幸 胄 若 然聖 是故處 非 胤 且 而 其 人 語 浮 Œ 如 性 者 生於 天 **>** 也 上 海 口 弘 地 中 之 饑

夏五月,曹伯來朝。

宋公、衛侯、曹伯、莒子、邾子、杞伯救鄭。

管見:魯之郊,程子以爲祈穀之郊也。 穀梁》亦曰 :「郊自正月至于三月,郊之

時也。 望也。 猶以穀雨之辰,有變而 後,蓋不專用祈穀之時。 既踰啟蟄之卯 鼷 則不郊矣。」其説蓋有傳授。此年之春,以 從,則以二月下辛卜三月上辛。如不從, 不從,則以正月下辛卜二月上辛。 鼠之變而 望,何耶? 我以十二月下辛卜正 夫郊以祭天,望 免 牛,是於春既不郊也。 以 此見魯之郊禮,自成公 不 以 · 得 祀 祭,即 地, 月上辛。 諸 以其 侯 如 夏猶 禮 月 不 如 不

境内,祭之可也。 得郊,法不越望。 ,故既書「兔牛」,復書「不郊」,蓋其失在 三望,所以詳書之也。 泰 三望豈得祭乎? Щ 四 望之一,而 有 在 中 魯

秋,楚公子嬰齊帥 師伐鄭。 公會晉侯、齊侯、

成

公

氾。 月,戊辰,同 可乎? 物,非 名有 以同 盟 在盟 諸侯之德,則救鄭可 非旦旦信誓之所能固結。 秋》善救者,則伐者之惡見矣。 管見: 自熊審 通吴於上國,其可乎? 意事晉,於是楚再伐之,晉再救之。《春 諸侯救鄭。 同,以 圃 盟爲名,烏在其能同也?《春秋》惡 書「同」,果聖人之所貴乎 面 可於日 區區智數之所能把持。 果 寔無,故自清 見同 .盟于馬陵。《左傳》:「楚子重伐鄭·師于 鄭囚鍾儀 有攘 盟見之。 中之異爾 嗣位,楚浸不競,故鄭 夷 ,獻諸晉。 狄之略,則 也。 丘 以若所爲,顧切切 以後,凡盟皆 同 此善在救而 納衛之叛臣,其 使晉景果有懷 .盟于馬陵,尋蟲牢。」 人心至神 外楚可 ? 救而復盟 天下大 悼 不 也。 · 善 書

公至自會。

三四七

教之戰陣,教之叛楚子重、子反。於是一歲七奔命,始通吳使於吴,晉侯許之。吴子壽夢説之,乃通吴于晉,教吴乘車,吴八州來。《左傳》:「楚子重、子反殺巫臣之族,巫臣請

於上國。

也。 也。 也。 赤 宋通女真而 則 用 ൬ 爾,吴、楚何擇? 無欑函之會 熊審,其心有所偏倚, 管見: 晉景黨白狄而滅赤狄,通壽夢而外 東 魏絳 不 丽 内, 疎 《經》書「吴入州 楚蠻衰,吳蠻盛,他日遂讓黃池之歃 南 等狄爾,白 殺 不免多事 之謀,則 滿, 而 攻遼,汴梁卒爲虜 遼瀋遂爲戰場,亦晉之失 也。 不 戚。 矣。 西北 苟欲外之不必巫臣之使 赤 赤狄滅 孰 來」,著晉啟 扶此 夫中國之於夷狄,外 不 而非 親 能無患矣。 白白 ? 抑 真有攘夷之略 彼 | 狄强 苟欲擯之, 有。 非 一、異日 釁之罪。 明黨 計 等 之長 葉 夷 卒 可

衛孫林父出奔晉。《左傳》:「衛定公惡孫林父。冬,大雩。

林父出奔晉。

衛侯如晉,晉反戚焉。」

盟主。 罔極,二三其德。」七年之中,一予一奪,二三孰甚焉。」」 齊。 八年春,晉侯使韓穿來言汶陽之田,歸之于 之。 達得 之道,舛悖多矣。 管見 晉人於衛 《左傳》: 今有二命,四方諸侯,其誰不解體? 殺其首謀而納其叛臣,景公所以懷 罪於晉則殺之,林父得罪 「韓穿來,季文子私焉,曰: ,何其字小之不 此晉伯之不競也。 「大國制義,以 《詩》曰:「士也 於 弘 衛 也。 則 侯 納 孔 爲

以韶天下,則不言而信,不令而行,况有二 再」,曰「令出 魯,以此田 蓋其言不 者,伯也。 管見:施命誥四方者, 順,故其來意 必 來言者,非伯主令諸侯之體也。 惟行」。 歸之齊也。《書》曰「朕言不 蓋 王也。 餒,而 理 無二是,執其 不敢 代王令諸侯 明令於 是

算歟?

陽之賜,齊桓不復言矣。濟西之賜,晉文方其假於義信,亦不敢執二是之見。故汶命也。伯者不然,以力率人,無所謂是者。

之也。 非不 之也。 言莫過乎《春秋》。 窮而 窮。」《經》書「來言」,其辭之窮便見。 勝,故郤克言於齊,以汶陽歸之於魯,威 不復言 委 睱 韓穿言於魯,以汶陽歸之齊,勢迫 曲 蓋伯術窮而 矣。 計 於來 也 及其假之之意息,率之之力 言。 孟 子曰 荀可 公然用勢力,又恐勢力 行 : 「遁 其私 辭, ,則言之是 知 其 故 所 脇 知

晉樂書帥師侵蔡。《左傳》:「侵蔡,遂侵楚。」

度外。 之爲汲 管見 心。 復侵蔡。 蔡 汲 則累世 自 人之,侵之,特出於其大夫之意。 也 何晉人争蔡於楚,不若争鄭 郤 ? 缺 在楚之宇下,晉人固 入蔡,至 蓋鄭於中國, 是三十年, 猶有從違之 已置 欒 於楚 書 之 乃

蔡制楚之成算也,是以迄無成功。

特托

此爲兵端,以行其

專

輒之私

而

非

有

收

宋公使華元來聘。《左傳》:「聘共姬也。」公孫嬰齊如莒。《左傳》:「聲伯如莒,逆也。」

羊》:「納幣不書,此何以書? 録伯姬也。」夏,宋公使公孫壽來納幣。《左傳》:「禮也。」《公

EI: 管見:《書》稱「 春秋 :《詩》、《書》教天下之爲 以》於納 幣逆女,凡 釐 降」、《詩》美「來 使卿 人婦 皆 1譏,何 者,奉 嬪 也 父 而

姬之貴而忽於婦順也。《春秋》教天下之母敬戒之訓,則其體當抑,不敢以帝女、王

聖人立教之旨深矣。 吕、武之禍何從來,郭、孟之廢 爲 後之忘國敗 夫婦,人倫之首,風化之基。 苟知 不敢以天子、諸侯之尊 人夫者,思宗 家 ,其端多在於夫婦之不 廟 繼 嗣 而慢 之 重 一,則 於敵體 其 何自致? 此義 禮當 也。 則 蓋

三四九

嬰之亡,譖 殺 其 大夫 於晉 侯日 趙 同、 8 原、 趙 屏 括。 將 爲 亂 左傳》: 郤 晉 爲徵。」晉 趙 莊 姬 討 爲 趙 趙

同

趙括。」

年,險 全 條、《春秋》以累上爲文,罪景公少恩,不能 所 管見: 足以倡程、杵之忠, 亂」之譖,乃向年傾 貽 乃昔年從亡之陰騭。 餘殃,足以致同、括之敗,而莊 十四年,生 功臣之世,乃聖人端本之意也 召。 也 阻 禍 趙 觀 艱 根 氏 於趙氏之存亡,足爲 殺 難 盾 得 廢置,犯 之所 政於晉三世 蹈 臣 愐 軋之好還。 兆 子之至危。 然則 韓 也。 臣子之大戒。 厥 矣, 禍 不 衰從 福 侮 福 姬 無 衰之餘慶 鰥寡之言, 永 文公 盾 「原、屏爲 根衰之所 門,惟人 鑒。 相 十九 盾之 靈 此 公

偏,則 不覆,不 猶能伐鄭, 策命,歸開 東遷,王政不行, 罪,行天子之事, 量,容蓋爲心, 乎並生育之中。人君體天,固 子主恩,而 子者 文之請隧, 可犯之稱,則恩不能以 管見 「天子」,此稱 君不君 無 而雷霆之搏擊,霜露之摧 君 不 臣 定 歸 莊 子 覆 主 含, 之謂 臣 王 E 稱 「天子」,主恩 義, 脯 父曰 猶 猶 典禮 惟 又 刑罰 不臣矣。 丽 能 能 必 以 則 臣 辭 救 以 舉 恩 嚴 義 掩 稱 以 晉 衛 爲 寵 天王 義。 君」。 不 君 懲 景 《春 也。 襄 甚 悦 能 思,征 日 之 一之法。 諸侯。 瀆。 王 二者苟有 以 「天子」。 秋》 獻 嚴君者,不 掃,威 已包 天 傷恩。 猶 捷, 未 伐 道 能 然 含 非 以 有 却 桓 錫 周 寔 固 討 爲 所 命 自 稱 \pm 無

親 立、諸侯 向 奔喪,又無一介行李致壤奠之物。 委靡,猶 以 赴 庶 喪之月爲 幾 \pm 之 可 蟲牢之盟 有 爲 也 非 定崩, 律以 惟 簡 不

#

ΪĒ

也。

元年

春

王正

月,正

也,其餘皆通矣。」《穀梁》:

「錫命

秋

七

月,天子使

召伯

來

錫

命。

《公羊》:

「稱「天子

吴故。]

卑,不 其 德 不臣之罪,皆王法之所必誅。 施 而 於 特 至於命晉大夫、齊 他 使 國之强 來 錫 命乎? 大可 知 微弱 矣。 大 夫 自是, 之魯且 成公有何功 爲 諸 侯 王室 然, 不 止 H 則

也。 覬之路,《 賞不足 春 勸 秋》深有感焉。 而 適 以 傷恩,且 特書「 又開 使來 亂 賊 錫 希

其事也。」

法之施 可 命」,著其 愛亦可 畏, 嗚 爲 呼 天 則 下 其 共 尊爲 天 主 子 mj 有 乃 無 常。 人君 所 與於 錫命乃人臣 至 尊 大綱 之號 大

操 極 八 奪 等之榮, 柄以 也 馭 有德者 臣 者,觀《春秋》 有章,則 命乃 書 法,當謹 其 可 . 貴 於

冬十月,癸卯 人,書「卒」,以公爲之服也 杞 叔姬卒。 陸氏曰:「内女爲諸侯夫

子

人、邾 晉侯使士燮來 人伐郯。《左 聘。 一傳》: 叔 孫 來 僑 聘, 如 言 會 伐 晉 郯 也 士 燮 以 其 齊 事

> 甚矣,乃責其事 管見 通吴于上國而伐郯不救,晉之失算 吴而 會三國 伐之。 晉景爲

政如 此,宜伯業之不 振 也

衛 穀梁》: 人 來 「媵、淺事。 媵。 《左傳》: 此其志何? 「禮也。」《公羊傳》: 以伯姬之不得其所 「録 伯 姬

故

也

之矣。 以 管見:人之爲人,以 天子止娶十二女,侯伯 知之矣。 極内庭之娱歡,豈其不足? 有節 以 也。 禮 萬 而 乘 一 無節 T 無 乘 禮 之貴,盡 則 有禮也。 妃 則 止 嬪 雌 娶 媵 雄 九 天 加 嫱 牝 女,以 下之 禮之爲 先 牡 盗 \pm 禽獸 賊 嬌 制 爲 能 禮 禮 艷 廣 能 備

或 而 則荒縱者不知 嗣之道,於此 經》,以見敗度敗禮。 不 來 人媵,諸! 之抑,宋人 侯 lli) 無以 檢, 備 貪色 非 十二女之 加 所以 矣。 而 晉武 不之辭, 爲 苟不爲之限節 數。 訓 掖 也 庭 魯 三千,隋 備 於是三 人 八愛女 録

端,何日至哉?煬後宫數萬。苟知《春秋》之義,喪亂之

梁》:「夫無逆出妻之喪,而爲之也。」《左傳》:「逆叔姬,爲我也。」《公羊》:「脇而歸之也。」《穀九年春,王正月,杞伯來迎叔姬之喪以歸。

亦以 杞伯 伯既 之於叔姬,夫復 關 乃復之,於義安乎? 杞伯逆其喪以 管見: 杞叔姬以五年來歸,前年卒,此年 魚不得哭母於廟,則子無復母之理。 婦既與宗廟絶,觀宋襄不得反母于國,伯 若再見召,須百官立班,受册方可。」其所 鍵、差之毫釐、謬以千里、不可 録叔 有悔 逆 喪 以 姬 心 死 也。 歸,義則得 歸,蓋 生存亡,境雖 婦 宋仁密召郭后,后辭曰: 也。 出婦也。 曰 : 矣,故《春 叔 姬 此 果 異 天理人倫 無出 生不 而 不察。 秋》予之, 情 -復,死 罪,杞 則 杞伯 出 大

> 矣。 之禮 《春秋》書杞伯之事擬之,徽宗 乎?」衆論乃定。盧氏深 再廢。此《春秋》之義不明,故斷國是者 要妥。 徽宗復哲宗 無所折衷,而淆亂若是。 子,天子者,禮義之所自出 於孟氏爲姑,叔不可復嫂,姑 但當以太后詔復之,便於天 一,伊 乃不能然,而帝自詔 ĴΠ 不 廢 能 后 决。 孟 氏, 邵 論 伯 者 温 取其説。 則 復,卒使孟 曰 日 獨 不 雖 不 理 得 叔 一向 尊 口 人 復 無 然以 爲 倫 復 太 嫂 復 婦婦 明 天 爲 后 嫂

伯同盟于蒲。《左傳》:「爲歸汶陽之田,諸侯貳于晉。公會晉侯、齊侯、宋公、衛侯、鄭伯、莒子、杞

晉人惧,會于蒲以尋馬陵之盟。」

有盟無誓。誓者,戒也,聽於人。盟者,詛管見:三代之前,有誓無盟。春秋之後,

自處,

蓋合《春秋》之義,而仁宗失之矣。

有盟,參人神而 後,●又有司盟之設。征伐則有誓,會同 也,聽於神。周承殷、夏,作誓、作會之一 並 用 也。 然人之情僞 不 則

矣。 要質于神,神其聽之乎? 是故盟 齊,苟無忠信 神,正 直 誠 通 明而一 慤以臨之,則 者也,二三其德 八誓而 誓爲 叛 者 衰 有 而

結如此 者不 以神 事之爾。 暴横,衆心同結,勢須依晉爲安,故隱忍以 其事,楚圍宋不救,吴伐郯不恤,戰齊、親 此。 世設,非聖人之所貴,亦非必夫人神之可 齊無恒德,予魯、奪魯有二命,啟諸侯之叛 要約,必 自清 爲 加 미 其 、欺矣。 一有跬誤,即同盟以結之。 丘至于蒲,首尾十有六年。 特以文、襄之餘烈尚 施設如彼,不惟以人爲可 在 我 故凡書 丽 己。 景公之同盟 「同盟」,皆《 在,而 詐,且 春秋 其要 荆 夷攷 止 楚 於

公至自會。

二月,伯姬歸于宋。

享之,賦 夏,季孫行 《韓奕》之五章。 父如宋致女。《左傳》:「季文子復命,公 穆姜出 于房,再拜,

賦

《绿

衣》之卒

晉人來媵。

章而人。」

其事。 《公羊》謂其賢,《 所,得非有所自至歟? 泰,非謙 過禮也。 之愛女、故迎送媵至、若此其盛 拜,賦《緑衣》之卒章。 女復命、公享之、賦《韓奕》之五章、穆姜出 管見: 共姬 二説皆通。 以受福之道。 夫欲遂其愛子之私 昏事,來媵 穀梁》謂 觀《左氏》所記,文子致 致女,詳書 則共姜者,乃 《春秋》存而不削 他 不 日 得 伯 而 其 前 姬 納 所 于《經》。 之 不得 不 於驕 魯國 知 故 其 其 杰

0 「作誓」二 字,原重文,據乙本删。

之所惡,見其盟之不信而其同之有異也。

爲 後 鑒 也

秋 七月,丙子,齊 侯 無野卒。

蠲行成,晉人殺之。」 如晉,晉人討其貳於楚 晉人執鄭伯。 晉樂 也, 書 執 帥 諸銅鞮。 師 伐 鄭。 樂書伐鄭,鄭 人使伯

也。 故曰 凶皆 品 命 其 以 責 面 管見: 鄭之建國,蓋有農家之苦。 ",使小 (所勉。 也 事 無 而 北 : 夷 擾 病 夫鄭人之從晉者,其所樂,從楚者 豐年 鄭人之情可憐,而晉人之暴可 面 而 鄭 國有所恃以爲安,則其捨文物之 則又執之伐之,甚於夷狄之害。 晉苟能修文、襄之業,制 夷 於蠻貊之庭,豈 事 狄 可 華 患之。 以 事 無 夷 病 俱擾, 中華不能 而 重 人情 · 飲困 則 爲長 哉? 之, 救,不得已 農 荆楚之 事 上 不 者之 家豐 華 能 惡 田

> 伯。 弱, 厚於 晉樂書帥 責 己, 師伐鄭」,甚之也 薄於 責 人。 書 日 晉

> > 執

鄭

冬十一月,葬 齊頃 公公。

《左傳》:

「鄭伯

鄆。 楚公子嬰齊帥 大者也。 責在 其 恃 不日者,不必其 師,以兵至之日言伐, 内者、「庚申、莒潰」是也。 重 管見:《春秋》有日伐而不 不必其伐之爲善。 《左傳》: 也。 法 陋 外 莒不修城郭,浹時之間 如 無 備 者 有日潰 此 「莒無備故也。 以 蓋 甲寅,齊 師 師 精 伐莒。 面 潰 圍 義 不日 之無 之日 也。 齊,伯 君子 人人伐 ,楚克其三都 伐, 則日 庚申, 莒潰, 即 辜。 \wedge Ė 穀 潰 國 衛」是 責 日 夫伐而不 梁》 莒,小 恃 以著之。 也,而矯 在 戦,責 則 陋而 H 内 日 無備 也 月 以 或 爲 不 在 楚 日者, 例 也 謹 重 也 潰 責 命行 外爲 人人 夫。こ 罪之 一,而 也 雖 在 脯

自反,所

以

安夏攘

夷之略,

如此

其

疎

而

責

人

背

華向

夷,如此其苛。

^

春秋》

抑

强

扶

秦人、白狄伐晉。《左傳》:「諸侯貳故 不 可盡復,而因例見義,亦不可盡 也。」 廢。

觀 外啟戎心,而 於東,秦强 函之會, 復事矣,未幾白 管見 晉景黨白 ,景公之伯,不足道矣。 可謂 於西、狄强於北。 無 品 策。 1狄而 狄又黨秦 品 争鄭之是 當時,楚强 滅 赤 狄, 丽 晉内 伐 呕。 自謂 之,然 於 失諸侯 南、吴强 比 北 事 狄 則 丽 無 欑

鄭人圍 許。《左傳》:「公孫申謀之曰 「我出師以圍 許

爲將啟立君者而舒晉,使晉必歸君。」」 管見 魯僖· 止於 於齊而 季 孫 滅 項 鄭 成 執

於

晉而 施然樂於專兵。 公 孫 申 圍 許 諸侯不知天子,故大夫不 皆不 顧 其 君之執 辱, 施

之所惡 知 諸侯,乃理勢必然。 也。 項書「滅」,鄭書「人」,蓋 人道至此、《春秋》 深

罪 之。

城中城。 《左傳》:「書時也。」《穀梁》:「城中城者、非外

成

公

民 也。」

中,民 内一 外民以築城,誰 守 市 按都邑之制 管見: 國 朝祖社 ,城郭亦 重城、《穀梁》曰 廛列其 中 城者,裏 ,而棄民廛於外也。 前朝後 (四旁。 守 與守之? 國 城 之一事。 也,如 今城中城,包公宫及 市,左社 「外民」。 不 後 然民 能 右 世 乎? 夫王公設險 豫 外 祖、公宫居 子 之云 城、蓋 惟 備 書「城 或 不 者 本, 虞 城

或欲閉子城,率都民 城,而金人深入,無禦之者。 中城」,譏其棄本而務末也。 敵兵臨 城,倚 以 爲 固,其將能 巷戰。 莊 李自 宋修汴 烈帝 成 陷 日 京 燕 無 裹

十年 以 爲 春,衛侯之弟黑背帥師侵鄭。《左傳》: 也」,然則中 城 何 益哉

侵鄭,晉命也。」

之變。 管見: 以常例施者,賢不肖存乎事 子蒙父者,例之常。 弟蒙 兄 者, 以 例

三五 $\overline{\mathbf{L}}$ 貶。 矣。 弟削 例之類。 其弟 例 因氏以著其專,非常例之比。公弟稱字, 某」,或帥 今君之弟稱「弟」,而情之親疎,如「某君 會某國盟」,則人之賢否見矣。 先公之子稱「子」,而事之是非,如「公子 如「公弟 如某國」、●「公子某帥 施 而 凡若此者,當以意會之可 亦有公子稱氏,如「公子季友卒」,則 某」、「某君 者,善不 不 叔肸卒」,則因字以見其賢,非 此又於例外 書, 師 善存 如魯 或 奔, 殺 乎情。 量、 其弟某」、「某君 或 見 師伐某國」、「公子 鄭 叛,則 義。 段以 是故例之常, 至於公子、公 不稱 也。 人之善惡 例之變, 子弟 之弟 爲 變 見 使 則 某 某 則

月,不時也。」

鄭。《左傳》:「鄭人立髡頑,樂武子曰:「鄭人立君,我執五月,公會晉侯、齊侯、宋公、衛侯、曹伯伐

人焉,何益? 長,中 收,争 據京 據得 爲重 侯爲 不背 管見 宗斂手削地 彼, 迄不能 以來,雖諸侯 伐諸侯,非如唐之藩鎮之難制也。 之藩鎮。 而易者更 華、貪 數郡 更烈矣。 師,引戎 鄭 厭 或 衰周、 伯 不 丽 伯主挾天子以令諸侯,摟諸 不如伐鄭而歸其君。」辛巳, 復 便 利 能 不 而 之封 韓韓 難 散涣,無 葵丘 狄 者 自 亦 全得, 制 然桓、 ? 弘 尚 丽 稱 倚 建,其 之盛。 逼 帝 伯 興疾討 知 以 意者天下之勢,如人 秦、楚、吴、 文之後,失 畿 悼 稱 畏 爲 有 甸,則 憑陵 義, 王,甚至逐天子 安。 綱紀,然向 公之略 1,賊,何 丽 慢 若唐之方鎮 唐 驕 其 王 鄭 憲 恣 越 其 而 蔡 禍 丽 伯 出 難者 得 迭 比 非 丽 又 夷 蓋 來, 此 爲 周 者 東 侯 不 假 如 却 承 失 消 能 諸 而 E 猶 遷 唐 以

0

弱、未 身。 文既没,篡奪 既誤之, 當其 經 庸 雖 血 醫 有 氣强健,固無待於醫。 '相尋。 和 作 壞, 、扁,亦不能投 有良醫者易爲 靈、成之勢,天下 劑矣。 功。 苟既衰 已趨 桓、 若

五,大戰二,救鄭三,略狄三,非無意於嗣于敗壞。景公振起,十有八年之間,同盟

鄭、歸 臣,討 數 伯 者。 ,損中國之威。 鄭,僅同 鄭之從楚而成楚者鐘 然制 命不信,啟 兒戲 責郯之事吴而 ,殊非伯者作用。 諸侯之貳; 儀。 通吴者 至 用 一於執 兵 厲 公 大 巫

而諸侯滋不堪命。蓋其急欲已病,把砒礵繼之,以刻急之資,行暴戾之政,雖能勝楚

頓頗難。若唐方鎮之禍,起於天寶。肅、與人喫,而元氣之受害不淺矣,故悼公整

憲宗加以剛斷處置得宜,此削平僭叛,所怨,故懷恩卒斃於子儀,朱泚更死於李晟。代、德一向姑息,不能使人畏,亦不至使人

乃可 之時 以易也。 "以有 義 故善言治者,其才智足以運掉, 爲。 無 好 作 不然,與 爲以誤 時 天 維 下, 持, 猶 鳥 足 不 失隨 以 爲

善乎?

齊人來媵。《公羊》:「三國來媵,非禮也。婦人以衆多

爲侈也。」

子曰: 『居肓之上,膏之下,若我何?』醫至,曰: 『疾不可曰: 『殺余孫,不義,余得請於帝矣。』晉侯病,求醫。 夢二竪丙午,晉侯孺卒。●《左傳》: 「晉侯夢大厲搏膺而踊,

爲也。」

能爲 言。 公殺趙氏子孫,行有歉於心,故其將死,精 **管見**:《左氏》好語怪 乎? 人之死生壽 凡若此類,蓋不足信 夭, 自有定 一、尤欲 神 命, 夢 豈鬼 也。 1 巫 抑 之 祝 所 景 之

●「獳」,原誤作「獳」,據《春秋》改。

神恍惚而

有是夢耶?

葬。諸侯莫在,魯人辱之,故諱。」秋七月,公如晉。《左傳》:「公如晉,晉人止公,使送

冬十月。

犨來聘。己丑,●及郤犨盟。 十有一年春,王三月,公至自晉。晉侯使郤

管見:此與孫良夫、荀庚例同。及盟者,

魯侯之志也。

夏,季孫行父如晉。《左傳》:「季文子如晉報聘,且

涖盟。」

秋,叔孫僑如如晉。《左傳》:「宣伯聘于齊,以修

前好。」

冬十月。

周公自出故也。」《穀梁》:「周有人無出。❷ 其曰出,上下一十有二年春,周公出奔晉。《左傳》:「凡自周無出,

見之也。」

與三公要盟,始於簡王。其釁起於鄭伯與管見。天子與諸侯交質,始於平王。天子

合晉、楚之成。 夏、公會晉侯、衛侯于瑣澤。《左傳》:「宋華元 「凡晉、楚無相加戎,好惡同之。」鄭伯如晉聽成。」 律以誅心之法,其不臣之罪 周公内諸侯,弱争而不勝,則 虢公争政,周公與 諸侯而責相之意深。聖人經世之大用也 之義著。 伯抗王則隱其事,不許諸侯敵 然鄭伯外諸 晉士燮會楚公子罷盟于宋西門之外, 周公奔晉則彰其迹,不許三公黨 侯,强争而 伯輿争 勝,則 政,前後 則一也。 其勢至 其 天子而 力足 一於奔。 以 相 然鄭 尊王 抗。 符。

戰國策士遊説之漸已見於此時矣。巫臣意者有謀未集之事,《左氏》遂寔之爾。然楚之成,盟于宋西門之外,而《經》不書。

[己]上,原重[己]字,據乙本删。

穀梁周有入無出」,原脱,據乙本補。

550

晉於楚; 奔 書、子重 逋 也, 而謀合晉、楚之成,此 而通吴於晉;鍾儀纍俘也,而成 華元 敗軍之將也,以 儀、 其 善善 衍縱 於 横 欒

事楚,不願歸晉。宋、鄭從違兩國之間,所侯方骯髒。魯、衛從晉,不樂向楚。陳、蔡之權輿。是時,天下大勢將爲南北,但諸

果有其寔,不當以宋、楚平爲例乎?以未能便合。不然,晉、楚之成事非細故。

而不設備,晉人敗狄于交剛。《左傳》:「狄人間宋之盟以侵晉,

以德 勝,其道不足尚也,故亦以微者爲例。 衰臨戎,故「人」之。 管見: 柔 此與襄敗狄于箕 遠人,而 先以詐 厲公即位之初, 敗夷狄。 書 法 同。 雖 襄 公墨 能 未 能 取

冬十月。

管見:自汶陽之田來言,伐秦之師來乞,十有三年春,晉侯使郤錡來乞師。

於前 當諱 尊王 楚,亦直書無隱。 表。 以没其寔哉? 其善惡得失當從寔録,豈爲 而 日: 遂會晉,安知其 圃 恐其令之不從 而晉伯不能令諸侯之寔,具見於書法之 曰「來乞」,豈非《春秋》尊 順 不知其卑屈甚矣。 是《經》之旨,其文則主 一,其 從其意,是晉人之卑,亦魯國之辱。 則 世,乃信義 其所以委靡巽儒之若是者,非 臧 事 孫 則統伯。 時告糴 也,寧 若乃魯侯 (非出於明令? **壅**于 况伯者之事行於諸侯 内則 友邦。 委曲 于齊,公孫遂乞師于 或曰: 不能 當 以 尊周故 魯, 諱 内之體 田 濟吾之 自 以 則 卒 反 曰「來言」, 而 義 諱 歸 而 其 曲 理 勢力詘 齊、公 事 不 苟 歟? 其辭 義 陳 功, 辨 不 則

京師也。」三月,公如京師。《穀梁》:「公如京師不月。月,非三月,公如京師。《穀梁》:「公如京師不月。月,非

如

夏五月、公自京師、遂會晉侯、齊侯、宋公、衛

敬。 子捐棄其命,其不反乎?」晉師以諸侯之師及秦師戰 侯、 諸侯朝王,遂從劉康公、成肅公會晉侯伐秦。 鄭伯、 子曰: 曹伯、 吾聞之: 邾人、滕人伐秦。《左傳》:「公及 民受天地之中以生,所謂 成子受脈,不 命也。 于麻 成

隧。

●秦師敗績。」

之輕重 也。 葵丘 爲遂事, 詐,因伐秦而過京 師 行,削而不書。 假之也,而亦非 管見:伐秦,非王意也,則雖 而 而行朝禮,乃以 超 乘者乎? 之下拜,踐土之三覲,河陽之朝王 詐於尊天子,不猶愈於過周北門免胄 者 何也? 乎 京師 朝 逆其 不 師,朝京師 曰:諸 王,非公意也,特 猶 如 之地 賢 詐 京師爲本事,以伐 (於觀 丽 也。 侯之不朝久矣。 憶 兵周 成子、 其 而後伐秦,詐 假之流而 不 信 疆 因 劉 · 非 問 過 子 所, 聖 秦 京 在 鼎 爲

> 修之? 師 以誅心之法律之、《春秋》之明例也。 能 物而庸窳無所遁其 燭姦之明焉,見尊君抑臣之義焉。 秦,至嚴也。 面之情處之、《春秋》之奧旨也。 出 其 曰「自京 範 權 持 師」,不惡。 衡 世之文章,非 抑 情,駕馭群倫而 縱,見包荒之量焉, 以京 夫 師 曰「如 子 姦雄 曲成 如 誰 而 以 見 京 革 能 萬 伐 不

秋七月,公至自伐秦。 **蒭殺其太子而自立也。**」 曹伯盧卒于師。《左傳》: 「曹人使公子負蒭守。 秋,負

+ 冬,葬曹宣公。《左傳》: 之。成公乃惧,告罪且請焉,乃反而致其邑。」 有四年春,王正月,莒子朱卒。

「既葬,子臧將亡,國人皆將從

0 「衰」,原誤作「哀」,據文意改。 「隧」、原誤作「隊」、據《左傳》改。

小人革面」,故聖人之待小人不惡而嚴。

所以

待衰世之心。●

《易》曰「君子豹

見而復之。」 歸,晉侯使郤犨送林父而見之。衛侯欲辭,定姜不可。

子瑕、公孫剽之立,非晉人之所致乎? 管見:晉文公歸元喧,厲公歸孫林父,皆 復衛之逋臣。藏亡納叛,非伯者之事。 故

皆以自晉爲文。

秋,公孫僑如如齊逆女。●《左傳》:「稱族,尊君

鄭公子帥師伐許。《左傳》: 「鄭子罕伐許,敗焉。 鄭

伯復伐許,人其郛。許人平。」

尊夫人也。」《穀梁》:「大夫不以夫人。以夫人,❷非正也。」 九月,僑如以夫人姜氏至自齊。《左傳》:「舍族,

宗統也。成公即位,十有四年,乃始娶婦。 也。 管見: 昏禮常事不書,此 禮,國君十五生子,所以蚤定國本,重 書何? 譏緩 娶

> 宗國之女爲夫人乃可,故是年乃得娶爾。 禮之中又失禮焉,與遂以夫人婦姜一例, 矣。書以謹之。若乃大夫以夫人,著其失 即位,齊姜竟無出,其爲宗廟 盟于沙隨之歲,妾定姒始生。 襄公四 計,岌 乎危 歲 而

冬十月,庚寅,衛侯臧卒。

當從同同。

秦伯卒。

十有五年春,王二月,葬衛定公。

553

公子遂謂叔仲惠伯曰:"「君幼,如之何?」惠伯曰: 三月,乙巳,仲嬰齊卒。《左傳》:「文公死,子赤幼 一吾子相

公。宣公死,臧宣叔遣歸父之家。魯人傷歸父之無後也,於 之,老夫抱之,何幼君之有?』遂退而殺惠伯,弑子赤,立宣

管見:此條,諸儒謂弟爲兄後,亂昭穆之

是使嬰齊後之。

下「如」字、原脱、據乙本補。 以夫人」,原脱,據乙本補。

成

公

意者齊姜待年於國,公從穆姜之意,必以

不禁。 序。 卒,志世官之非禮,非 通。 世之爾。夫罰 兄爲昭,弟爲 有常有變,道 後,但不可世仲族也。 紹其族尤非也。 人,王道之公。 歸父之奔,志捐 然則兄終弟及之義,可廢乎? 此其失在仲氏 亦有 穆。 不及嗣,聖人之典。官惟 東門之逐固非,而嬰齊之 《經》文隨事立義,不 禮 經有權。 由 不當世卿, 殯之失恩。 謂嬰齊不可 義 起,亦聖人之所 弟可及兄, 而 爲 嬰 魯人 事 齊之 歸父 可 故 相 其 遂 則

盟,方執之,稽天討也。」佐、邾人同盟于戚。程子曰:「負蒭立既三年,諸侯與癸丑,公會晉侯、鄭伯、曹伯、宋世子成、齊國

節,下失節。爲君,非吾節也。」遂逃奔宋。」也。諸侯將見子臧於王而立之,子臧辭曰:「聖達節,次守晉侯執曹伯歸于京師。《左傳》:「會于戚,討曹成公

管見:宋御、曹負蒭皆殺世子而立,《經》

略。 執乎? 也。 曹伯」,後書 辜,即引决於司寇之獄,而乃遷就其事,竟 議,不得以不討。 討有罪之辭明矣。 小人終復得志。 獲釋於天子之庭。 乃與之同盟于戚,方始 名,無討罪之情。假尊王之意,無匡王之 不書者,不告也。 書 當負蒭弑立、諸侯請討、曰 「晉侯執曹伯歸于京師」,豈 執衛侯稱「人」,執曹伯 「歸曹伯 此書 然御 既 蓋由晉侯不勇於義 可惜者,晉侯有討 」,責晉之意切矣。 歸 執 無 執之,是必 京師,不 一曹伯_ 成,負 」,前書 請俟他年。 稱 クタ 能 爵, 有 迫 明 無 E 於公 罪之 成 則 故 7,故 會 其 其 者

公至自會。

夏六月,宋公固卒。

管見。《傳》稱秦背晉令狐之盟,而求盟于背之,無乃不可乎?」子反曰:「敵利則進之,何盟之有?」」楚子伐鄭。《左傳》:「楚將北師,子囊曰:「新與晉盟,而

「余惟 背晉之盟 昭 與 告皇天上帝、秦三公、楚三王 (晉出 , 曰 : 人,余惟利是視。」至是楚復 敵 利 則 進, 何盟之有?」 E .

秋八月,庚辰,葬宋共公。

是

足利!

而動,夷狄之志也,故擯而外之。

宋華元出奔晉。

華元自晉歸于宋。

宋殺其大夫山。

宋魚石出奔楚。《左傳》:「蕩澤弱公室,殺公子肥。華

,魚石自止華元于河上,乃使華喜、公孫帥國人攻

氏,殺子山。魚石出舍于睢上,華元使止之,不可,遂出

奔楚。」

元

蓋 勢,則全身定難之道,非捨之而去不可 難 有權姦,外有强敵,去國 管見:大臣任國家之重,值宗國之危,内 戏者,鮮· |宗卿之權,内足以脇 矣。 然 而 處 衰周之列國,遇此 君而 而 奔,求以全身定 外不能欺伯 也。 事

> 之伯 國。 者,則 有强 相維 天王。 世謂 安,不可謂非共主之德與伯主之力也。 國。伯國之力,下足以虐小而上不足以 者爲人所用,藏亡者不過用其人以 誅,華元 姬以爲之輔翼者,寔畏先王之命也。其 驅策諸侯。 把天下。 六朝、五代, 逋 主主矣。 此世道 諸國分治,其廢 ,其力相資,其事相關,其情 梁跋扈之臣出 條起忽滅。 天王之威令不行,而 出 伯國之信義不逮,而 圃 故《經》不以 故齊、晉之伯,不能捨三恪、諸 既降,人情亦 歸 臣相容納者有之。 則 是以季友出而 蕩 興存 於其間 Ш 一殺。 其 亡,情不 (過掩其 異,又下 其 宋、魯賴 荷 名分 其 有 歸 事 相 功 -相屬 大抵 -於東 謀取 議 足 則 通。 力 也 以 其 足 慶 以 如如 周 其 後 復 父 後 勢 以 持 叛 即

宋華元、衛孫林父、鄭公子鰌、邾人會吴于鍾冬十有一月,叔孫僑如會晉士燮、齊高無咎、

離。《左傳》:「始通吳也。」《公羊》:「曷爲殊會吳? 外吴

管見:天下之事,其害在驕與激。此二也。」《穀粱》:「會又會,外之也。」

乎? 楚不競,吴浸强,則伯權削於外矣。 國,激失之也。 夫横,則伯政紊於内。 驕於待諸侯,而使大夫抗之。 者,英雄之主猶陷没 晉自襄公委盟會於大夫,騙失之也。 激於怒楚,而協吴以制之。 而 **自景公通吴於上** 不 自 諸侯卑,大 知 况 厲公 庸 下

秋》書會以會,此二「會」字,大有主意。 内德薄慮淺,思不到此,又踵而行之。 《春

漸也。諸侯大夫會夷狄君長,是足反居大夫會外大夫,是政自己出,君若贅旒之

故哉?去,而黄池之會,吴遂争長,豈一朝一夕之

上,夷

將主夏之漸矣。

自

是有

逐君

之大

許遷于葉。《左傳》:「許靈公畏逼于鄭,請遷于楚。

楚

公子申遷許于葉。

十有六年春,王正月,雨,木冰。《公羊》"

雨

管見:雨著木而成冰,是雨氣煖而木木冰,何以書?記異也。」

也。 陰氣壯而陽澤壅,感召豈偶然哉? 之徵、愚以爲穆姜宣淫、公子偃被弑之兆。 節度則在人也。 者,如文武火,火有烘冷,而 液,在烘爐則 凝結而不解,則涸沍奪其 方其 (霏霏 溶,在冷爐則凝。 而 下,樹· 何休以爲魯君將執 有潤澤之意。 融和,如錫 調 和 故善燮 使之中其 於兵 及 銀之 氣 理 其 寒

夏四月,辛未,滕子卒。

鄭公子喜帥

師侵宋。

晉侯使樂黡來乞師。 六月,丙寅,朔,日有食之。

能見。王曰:『天敗楚也夫! 余不可以待。」乃霄遁。」御楚共王。及戰,射共王,中目。王召子反謀,子反醉而不鄭伯敗績。《左傳》:「晉遇于鄢陵,步毅御晉厲公,彭名甲午,晦,晉侯及楚子、鄭伯戰于鄢陵,楚子、

志 子爲 幸 及其 爾。 戰 内憂爲言。 如目也,能見千里之外而不能見其眸。 之確見,特以一時之利害而 師,以遷戮爲諫。 管見: 范文子之意, 堅不欲怒楚。 人之强弱爲己之伸縮。 可 乎是戰 謂 而 ,於後則决以必戰,何也? 、挾於吳之成,則欺 方其 取 帥 長 勝、識斯 ,其寔晉 慮 也 懲於邲之敗,則 却 顧 蓋 ^ 矣。 見晉政 下矣。 春秋》惡近功,喜長策。 侯 在 鄢陵之役,以外 而樂武子於前 軍 日 故故 是役,四軍並行,武 楚 樂武子之智,所以 壞,故 而 畏楚 書 不肯避。 晉 節量其休戚 此 不欲 而不 侯 非 及之者, 寧必 桑隧之 則不 有 敢逞。 幸 蓋 文子 勝, 雖 欲 有 城 以

> 雖 心之爲貴也。 戰書 「及」而 日 安夏攘 召陵 夷而殺人盈 孟子曰:「春 書「伐」,屈 野, 安得 其 秋 力 不服 無 不若 義 上刑 戰。 服其

濮之功多於召陵,鄢陵之功浮於城濮。

日:「不穀之罪也。」對曰:「楚殺其大夫公子側。 者乎?

『亡君師、敢忘其死。』 王

一使止

之

《左傳》:「楚師還,王

使謂子反

弗及而卒。」 輪不 人之躡 臨 不醉 補 管見:子反以醉 不虔,而楚得霄遁,不 卒乘,繕甲兵,展車 陣身傷,楚人已喪氣矣。子反察夷傷 返者,幾希。 而 其 復 後 治戎, 可 也。 楚能 誤 然 苟 軍 則 事,罪 欲 再 馬,返 可謂 子反之醉,於事 再 勝 乎? 戰, 不幸也。 固 斾 其 當 而 誅。 日 不 歸 至 : 共 王 但當 防晉 然使 於 爲 售

● 「屈」,原作「弗」,據乙本改。

君不在爲言,而寔使子重促其死也。故稱獄一醉之罪,可乎? 雖楚子以子玉之敗,反求於己,薄責於人,君臣俱引其過,乃歸

國以

殺,而不去其「大夫」。

行,是以後。宣伯使告郤犨曰:「魯侯待勝者。」郤犨訴公于其室。穆姜使逐二子。公以晉難告,待於壞隤,設守而後隨,不見公。《左傳》:「宣伯通于穆姜,欲去季、孟而取秋,公會晉侯、齊侯、衛侯、宋華元、邾人于沙

晉侯,❶晉侯不見公。」

書,病晉, 臣 不得見晉侯,可 然則沙隨之會,晉侯所以不見公,公所以 其母,使宣伯之姦得行。 非,齊家之要道。 管見::去讒賤貨,爲 ,使郤伯之讒得人。魯侯不能正己以防 亦 病 魯 以 也。 晉侯不能明見 兩 分其過。 國之善 此 可爲 二者胥失之矣。 闇主庸君之 經。 《春秋》寔 以 窒 欲 察 其 防

蓋不必泥諱義也。

公至自會。

揚,不敢過。」 「姜命如初,公申守而行。諸侯之師次于鄭西,我師次于督公會尹子、晉侯、齊國佐、邾人伐鄭。《左傳》:

管見: 尹子會伐,序於晉侯之上。攷其

猶若大夫而從王人。劉康公、成肅公會晉

王人也。

前此,王叔桓公會陽處父救江

恣慢甚矣。《春秋》存其文而不隱其情,其厲公勝楚而驕,驅策王人,從於諸侯之列,可道者,是則無可道也,故削不書。 至是侯伐秦,猶若朝京而請王命。《春秋》書其

曹伯歸自京師。《左傳》:「曹人復請于晉,晉侯謂「子

尊王抑伯之旨深矣。

●「公」下,原有「子」字,據乙本删。

戒。

事有關係於綱常,凡若此不没其寔,

國之大夫多矣。

叔孫

僑如忌而欲殺之,晉

國,何以名之? 曰:鄭執而元咺立子瑕,例,而三不美具焉。或曰:衛侯鄭亦不失」的。 篡弑之人而不失國,見天子之縱奸,國。 篡弑之人而不失國,見天子之縱奸,

請於晉,而其國無别君也,故不以鄭爲例。執於晉而晉侯又爲之請於王,曹人猶爲之後來得請於晉,方始得歸。不比負芻雖見

公請于晉曰:「二人者,社稷之臣也。若朝亡之,魯必夕行父而殺之。我斃蔑也,而事晉。」晉人執季文子于苕丘。「宣伯使告郤犨曰:「魯之有季、孟,猶晉之有樂、范也,請止九月,晉人執季孫行父,舍之于苕丘。《左傳》:

夷考其相魯功業,醇疵相半,而其賢於魯「舍」,幸之也。何幸乎? 季孫之得舍也。管見:伯國執大夫,未有言「舍」。此其言

亡。」乃許魯平,赦季孫。」

逃,則不得在此例矣。 父一人之幸,魯之幸也。 臣。 斃,故魯侯請 者,故其辭如 侯聽德 若朝亡,魯必夕亡。」晉人舍之,非 不 聰,爲 此。 於晉曰 讒邪 濤塗執 所惑,幾與 . 「二人,魯社 《春秋》愛惜賢 加 歸 孟 鄭 獻 一稷之 執而 子俱

十有二月,乙丑,季孫行父及晉郤犨盟于扈。立其弟豹以爲叔孫後,是爲穆叔。」冬十月,乙亥,叔孫僑如出奔齊。高氏曰:「魯人

乙酉,殺公子偃。《穀梁》:「先刺後名,殺無罪也。」公至自會。

之也。然則偃無罪乎? 親爲公子,不能公,宣伯使之也。成公之忍刺偃,穆姜成豆燃箕」,釁隙生於勢利。穆姜之欲廢成離怨釀於淫邪。兄弟天顯之至親,而「煮離怨釀於淫邪。兄弟天顯之至親,而「煮

成

公

偃,可 矣。 罪 以 己,内不 偃之意,偃 遠 魴鰥恣於 避 置之而 也 嫌 故《穀 乎? 疑,其害足以 能 庭 不 防 寔無求立之心。 梁》 問。 以仁人之道處之,若偃者, 幃,辛螫藏於堂陛,乃遷怒於 閑 其 曰 : 蓄疑 母 外不 、殺身。 先 殺之,成公爲失 刺 能 成公當反求 要之,姜有 制禦其臣,使 後 名, 殺 恩 諸 無 可 立

子駟侵晉虚滑,衛北宮括救晉,侵鄭。」 十有七年春,衛北宮括帥師侵鄭。《左傳》:「鄭

子成戍鄭。 曹伯、邾 六月,乙酉,同盟 夏,公會尹子、單子、晉侯、齊 人伐鄭。 諸 侯伐鄭,白戲童至于 于柯 《左傳》:「鄭太子髡頑質於楚, 陵。 《左傳》: 曲 洧。 侯、宋公、 「尋戚之盟也。」 衛 , 楚公 侯、

力率人而假借於仁之端。善假而不見其**管見:**伯者以術使人而矯飭於道之似,以

爲,則雖有尊王之名,不足以償其跋

扈之

内之賦

役

天

子之臣

指

麾

驅

策

惟

我

欲

不借重於王

朝,不足以

彰

伯

討。

然

索

畿

陸氏曰:

「不重言諸

侯,譏尹、單

典

盟。

王所、 之? 其力足以屈 厲公,學其矯假之粗 以鼓舞 假,足以駕馭姦雄。 矣,皆假尊王也。 人不懷,乃伯者不熟之荑稗爾。 會王世子、宰周公,桓公有之矣。 盟王 一頑薄。 人、執衛 人而人不服 此桓公所以 然 而 前 侯 巧矯 歸 下 露 拜 京 而 其矯倨之真, 義 爲 威顔,致其謹 師, 不見其矯 足以 豪傑也。 文公有之 動人 何以 朝 而 足

禮,故竊天子 至於伐秦,伐鄭, 師、執曹伯 非假之善、矯之巧乎? 挾王人皆往。 歸 之權 京師,能爲桓、文之所爲矣。 良以禀命則 屢 而 勤 不 王人。 敢 厲 居 不威 公會諸侯 叛天子之名、 其意若 ,制命則不 E

出入三覲,盡

其恭。

至於征伐之事,未嘗

勝楚而 ? 楚 既 何

爲者耶 書會尹子、單子於上,日 同 盟於

下,斧鉞之意明矣。

秋,公至自會。

齊高無咎出奔莒。《左傳》: 「齊慶克通于聲孟 子, 鮑

牽告國武子,武子召慶克而謂之。 夫人怒,訴之曰:「高鮑

將立公子角。」別鮑牽而逐無咎。」

管見: 僑如之奸行而行父執, 慶父之淫恣 而無咎奔。 淫毒讒鋒之禍 人國如此甚矣,

九月,辛丑,用郊。《公羊》:「九月,●非所用郊也。 房幃之不可不謹也。 備書之,以爲後戒。

然則郊焉用? 郊用正月上辛。」

管見:成公之編,書郊三,二以夏,一以

秋,皆志其非時也。

晉侯使荀罃來乞師。

冬,公會單子、晉侯、宋公、衛侯、曹伯、齊人、

成

公

11

邾人伐鄭。

十有一月,公至自伐鄭。

致,一以伐致。 管見: 厲公之經,成公會伐鄭三,二以會 前 兩 番 猶疑其

取怒於伯

國,此則危其無功爾。

壬申,公孫嬰齊卒于貍脈。

遂如齊,至黄乃復,卒于垂,則非死事明 正不正可見。公孫敖奔莒,卒于齊。 管見:大夫地卒,竟外 也。 考文與 (事,而

竟,則其 矣。嬰齊以公命請季孫于晉,不書如晉, 而書于貍 有君 脈。 大夫 命 可 非君 知。 命不出竟,卒于 前事 可 以 不必

且卒。 十有二月,丁巳,朔,日有食之。邾子貜

0 「月」,原脱,據《公羊傳》補。

之,尸諸朝。公遊于匠麗氏,樂書執公。」多內嬖。反自鄢陵,欲盡去大夫而立其左右。攻三郤,殺晉殺其大夫郤錡、郤犨、郤至。《左傳》:「厲公侈,

巢。楚公子橐帥師襲舒庸,滅之。」楚人滅舒庸。《左傳》:「舒庸人以楚師之敗通吴、圍

公,使士魴逆周子于京師而立之。」
東申,晉弑其君州蒲。《左傳》:「晉樂書使程滑弑厲十有八年春,王正月,晉殺其大夫胥童。

不亂。 得弑厲公。 知聖人誅亂討賊之大要,其意若許樂書之 其君,而不著樂書之名氏,學者深求其旨, 之所不容。 秋》,天子之事也。」然則亂 弑其君者有之。 管見:孟子曰:「世衰道微,暴行交作,臣 欒 書 此條,胡氏 愚以爲《春秋》之義,可 爲 或 孔子惧,作《春秋》。 正 卿,親 間《春 見厲 臣賊子,在 秋》稱國 公無 與 道 《春 權 以 王 弑 幾 法 丽

> 所得 也。 不可 門之外,此 命 了語,滋學者之惑。 者。若夫樂書之罪,從同可 商人稱「人」以弑,其義 要之,是經是教,固嚴亂賊之誅,而尤 之事兼而有之,故稱國 戾之戒。 而變置之。 爲 `弑也。」此甚明《春秋》之旨矣。 而 乃使程滑弑 也 厲公失德,殺世臣,寵嬖臣,亡 亂道 伊 此謂行權以安社稷,大臣之 尹 也,豈《春秋》之所 放 公、以 太 故朱子曰 以 甲 同,以戒 -, 霍 車 弑,與宋杵臼、齊 也。 乘 光 . 廢 属 後之爲君 葬 胡氏作不 昌 縦 之翼 口 重 乎? 邑 或 是 暴 東

佐于内宫,以穀叛故也。」 齊殺其大夫國佐。《左傳》:「齊爲慶氏之難,故殺

行,概 管 然袁婁之盟,國佐能抗論以免蕭同叔子之 乘輦蒙衣、基高、 見 可見矣。 房 帷笑客, 要之,爲其子者之過也。 國、 來晉、 慶、崔之禍 曹、魯、 衛 齊之母 之師。

危社稷。

既

執之於匠麗,當請於天王

一,俟

之忠而不能保,卒使妖淫得志,殺其世臣,深責。靈公知慶克之奸而不能去,遇國佐誅,此國子不得爲全智。頃公童行,未足質,而徐關之盟,不能先幾以逭聲孟子之質,而徐關之盟,不能先幾以逭聲孟子之質,而徐關之盟,不能

公如晉。

故《經》以

累上爲文。

百乘戍之而還。」傳》:「鄭伯會吴子伐宋,取幽丘,同伐彭城,納宋魚石,以三傳》:「鄭伯會吴子伐宋,取幽丘,同伐彭城,納宋魚石,以三夏,楚子、鄭伯伐宋,宋魚石復入于彭城。《左夏,楚子、鄭伯伐宋,宋魚石復入于彭城

與納公孫寧、儀行父于陳異,故不言「納」。管見:此非納也。用兵取邑而寘其叛臣,

復人」者,魚石亂公室,不勝而奔,是

賊

也。魚石猶繫之宋者,明其爲宋之逋逃,也。楚、鄭黨賊,挈之以入于宋地,逆詞

而楚、鄭爲之主,則其罪均矣。

來聘,且拜朝也。」
公至自晉。晉侯使士匄來聘。《左傳》:「范宣子

聘。 似有王者風度。 管見::晉悼公是慷慨,是温厚。凡人卒有 真是伯者見識。 安用之? 二三子用我今日,否 曰:「人之求君,使出 大得喪,鮮能定、静、安、慮。 意其待他國 及魯侯 自入春秋以來,此其卓卓 亦然。一 命 也。 來朝,即 以謙德處之,又 立而 觀 其 亦今日。」 使 不從,將 士台 謂大夫 來

者矣。

秋

,杞伯來

朝

八月,邾子來朝。

築鹿囿。《公羊》:「何以書? 譏有囿也,又爲也。」《穀

己丑,公薨于路寢。

梁》:「山林川澤之利,虞之非正

也。

城中 禮始踰 制壞,立武宫而 管見: 魯自成公,事多變古。 -城則 常常 時,媵 增於百雉,築鹿 以 廟 制 舛。 或 丽 郊 囿 昏 以 則 禮 作丘甲而兵 秋、夏 奢於十里。 始 越 常常 而 制。 郊

謹 敗度、敗禮、自陷驕奢之域。 此 守周公成法、庶幾爲天下望。 其 政 事 更張之大略 也。 夫以區 内則寡 M 區之魯, 乃 母之 事 事

虚

村。

《大學》曰「驕泰以失」,成公之謂也。不見敬,厲公之不得見,而魯國之望大損。淫不能閑,權臣之横不能制。外則景公之

侯師于台谷以救宋。遇楚師于靡角之谷,楚師還。」冬,楚人、鄭人侵宋。《左傳》:「宋華元如晉告急,晉

著。 E 見一般,蓋所以收天下之望,乃圖 圍,亦曰:「取威定伯,於是乎在。」二子之 命,二十餘年,使無悼公出來,天下事殆不 安疆,自宋始矣。」前此,先軫勸文公釋 管見:救宋之舉,韓獻子謂悼公曰:「 楚莊圍宋、平宋, 意正 雖鞭之長,不及馬腹。」宋人爲 如 此 伯 伯 第 成伯 宗 楚 制 乃 宋

晉侯使士魴來乞師

可爲矣。

十有二月,丁未,葬我君成公。

仲孫蔑會晉侯、宋公、衛侯、邾子、齊崔杼于

規模見矣。襄公,童子侯,故不會。叛臣。駕楚,先聲其黨叛臣之罪。伯者之叛臣,謀宋彭城也。悼公救宋,先問罪其

元年春,王正月,公即位。

地,追書也。 仲孫蔑會晉樂黡、宋華元、衛甯殖、曹人、莒 人、邾人、滕人、薛人圍宋彭城。 於是爲宋討魚石。 晉人以宋五大夫在 《左傳》: 彭 「非宋 城者

歸,實諸瓠丘。」

定疆 欲討 也。 欲黜 征葛,文王之侵阮、共也。 生民之大綱大法而已。 管見:《春秋》所 他,非能 强 理 他,非能如禹之征 一,討 國 取邑, 亂賊,進善良,扶持宇宙,奠安 如 周公之戮飛廉於海隅也。 聖人欲抑 以爲 天子事者,正名分, 苗,高宗之伐鬼方 然夷狄僭王,聖人 他,非 亂賊 弑君,聖人 能 如 湯之

> 以 忠臣 臣歟? 大法而 者雖死 國,其地仍繫以故國之名。 武 宋地之類,蓋亦得其 炎附勢,其 南面之斷,夫子所以爲素王。《左氏》好趨 「及」。凡若此類,皆聖人之精意。 造意之人。 而 人與其不可傳者死矣,而是非善惡之可傳 E 不 • 葬。 筆撑 之封 義士,不得其所,聖人欲扶他,非能 猶 存萬世之公論。此凡二百四 生。 扶。 比干、表商容也。 滅 間間 死君難者,蒙「弒」文 人國 發明 進退之,予奪之,寓 僭號者,從其 取 一二義, (奥旨。 人邑者,其 如 此所以得爲 本 王 弑逆者,斥 此條注 綱 爵,卒名之 事 下墜,特 雖古之 猶 一王之 而 + 録 追 書 年 其 故 書 加

夏,晉韓厥帥師伐鄭。 郛,於是東諸 人、邾人、杞人次于鄫。 侯之師次于鄭, 《左傳 仲孫蔑 以 待 晉 闸。 「晉韓厥伐鄭、人 會齊崔杼、 晉 侯、 衛 侯 曹 次 其

襄

公

于戚。」

因以駕楚,此其機會矣。 瓠丘,晉之義振矣,大勢張矣。 管見:是時,彭城既歸于宋,魚石等俘諸 前此,自將伐 乘勝伐鄭 曹、

濮之勝也。 衛以致楚,用諸侯之師以戰楚,此文公城 而悼公遣將伐鄭,不勤諸侯,

有寬裕不迫之意。 以戰楚,此 四軍並行,不待諸侯之

師,躬行

陣

厲公鄢陵之勝也。

援,有審慎持重之意。 而悼公以諸侯之師次于鄫,自次于戚爲之 其用兵之規 模次

第,調度合法,不急功,不輕敵,所以爲節 制之師。 晉師書「伐」,諸侯書「次」,《春

秋》蓋善之也。

侵宋。鄭子然侵宋,取犬丘。」

秋,楚公子壬夫帥

師侵宋。

《左傳》:「楚子辛救鄭,

邾子來朝。 九月,辛酉,天王崩。

> 冬,衛侯使公孫剽來聘,晉侯使荀罃來聘。 管見:此條三傳 無 譏。 淺 意悼公處事精

細,苟既聞天王之喪,未必遽行聘禮也。

二年春,王二月,葬簡王

夏五月,庚寅,夫人姜氏薨。 鄭師伐宋。《左傳》:「鄭師侵宋,楚令也。」

管見:襄公嫡母,齊姜也

六月,庚辰,鄭伯睔卒。

晉師、宋師、衛甯 大夫欲從晉。子駟曰:『官命未改。』」 殖 一侵鄭。 《左傳 * 晉師 侵鄭,

秋七月,仲孫蔑 父、曹人、邾人于戚。 管見::急伐鄭喪,此悼公伯政之玷。 會晉荀罃、宋華元、衛孫 《左傳》: 「孟獻子 日 一請 城

林

己 丑,葬我小君齊姜。 牢以偪鄭。」知武子曰:「善。」」

叔 孫豹如宋。

冬,仲孫蔑會晉荀罃、齊崔杼、宋華元、衛孫

諸

者,何所惧而不敢肆乎?

遂城虎牢。《左傳》:「冬,復會于戚,遂城虎牢,鄭人乃林父、曹人、薛人、滕人、邾人、小邾人于戚,

成。」程子曰:「虎牢不繫於鄭、責其不能有也。」

也。 蠻貊之邦? 之,在黜削流討之律也。 **寘其叛臣**。 於中國也。 繫宋者,存宋爲諸侯也。 管見: 虎牢不繫之鄭、《春秋》大一統之義 責鄭之不能有,是教抗也。 非王土」,鄭豈能竊先王所封之國,役屬於 文,以正其即夷之罪。若曰「普天之下,莫 以偪鄭,雖 鄭以中國 所能奪。 然彭城何以繫宋,虎牢乃不繫鄭? 存疆理之制,則彭城固宋土也。 諸 宋受土於先王,楚人受其 地雖屬楚而宋之所受,非楚之 侯 皆《春秋》尊王之精意。 鄭之失險,而聖人從削地之 而 北 面事 夷。 於是諸侯城虎牢 不繫鄭者,外鄭 世之專地拒命 苟以王法治 若專 地而

楚殺其大夫公子申。《左傳》:「楚公子申爲右司馬

多受外國之賂,楚人殺之。」

重伐吴,爲簡之師,使鄧寥帥組甲三百、被練三千以侵吴。三年春,楚公子嬰齊帥師伐吴。《左傳》:「楚子

吴人要而擊之,獲鄧寥。]

吴,病 書矣。 聖人惡其僭王,故擯之於楚,而其病楚,以 管見:漢陽諸姬,楚寔盡之,而獨 舒中國 於吴,此太伯讓天下之澤也。 而奉其子孫,故能與楚抗衡,爲東南强國 之乃書。 患、《春秋》之志也。 吴伐楚,取 於是楚始伐 吴人義 駕, 則不必 不得志 太伯

公如晉。

[孟獻子相公稽首,知武子曰:『天子在而君辱稽首,寡君原四月,壬戌,公及晉侯盟于長樗。《左傳》:

公至自會。

恭倨懸絶,宜其事業之不侔也。 童子侯,晉侯離其國都而與之盟。二伯之 管見:文公如晉,及陽處父盟于國。襄公

逆吴子于淮上,吴子不至。」傳》:「晉爲鄭服故,且欲修吴好,將合諸侯。● 晉侯使荀會子、邾子、齊世子光。 己未,同盟于鷄澤。《左六月,公會單子、晉侯、宋公、衛侯、鄭伯、莒六月,公會單子、晉侯、宋公、衛侯、鄭伯、莒

墜,可 不 而 者,革其 今日」,於是公室之權復張,伯主之柄 公毅然謂大夫曰「二三子用我今日,否 所當爲, 之手不能革,非機 管見。《易》時義之大曰隨,曰 禮,厲公之不 不 能 謂 隨 ൬ 不善,而 善 也? 革矣。 不 隨 其所不當爲。 晉之中葉,樹 德 不 諸侯 革 也 略之主 其 乃 盟 善。 王 踵 不 人,此 其 能隨者 能隨。 立 革。 何悼公能 轍 失 圃 非 文公之 權 行之。 隨 能 英 不 亦 悼 革 革 其 雄

梁》:「諸侯盟,又大夫相與私盟,是大夫張也。」

戊寅,叔

孫豹及諸侯之大夫及陳袁僑盟。

之隨。 凡。 是? 侯以 知其 異,聖人蓋傷之也 而 之陋,而不能自拔也。 不 見貶。 過。 王室同於諸 書「同」,於柯陵 蓋習見於 有天德之資 不然,以 至此 詭 則 侯, 迄春秋之終, 不 隨之隨,而 公之謙 而 以 書 爲 無學問 ^ 同同 春 常事,而 德, 秋 》於 終 則 何 不 得 至 不 不 翟 囿 於伯 爲 直 重 乖 泉 以 言 天 悖 書 則 爲 其 道 若 諸 隱 者

成,晉侯使和組父告于諸侯。」陳侯使袁僑如會。《左傳》:「陳成公使袁僑如會求

之大夫 管見 亦諸 侯之大夫也。 也 齊侯 使 陳 國 侯 使 佐 然國佐不書「大夫及」 袁 如 僑 師 如 盟 會, 或 盟 佐 者 僑者, 諸侯

此

爲見聞

所牿,流俗所

移,委爲故常

而

不

天下惟器與名不可假人。盟主者,伯主之 而 ·袁僑書「大夫及」者,責悼公之造意也。

會而 名也。 使大夫盟 執牛耳,伯主之器也。 袁僑,雖曰避抗别嫌,寔分 於是公寔在

明以 克,與國佐自爲盟也。 主盟之權授大夫,不比 人臣而擅人主之 袁婁之盟 郤

柄,固爲 可誅。 人主而授臣 以 柄,其 害 不

差,至於權柄下移。《春秋》書法如此,其 人,非意之也。 可勝窮。 聖人耐以 悼公意在合異,而 天下爲一家,中 其意之 國 爲

如 諸示後世以誅意之教乎? 何 而 可 ? 曰 : 陳 人既 來服 然則區 義, 則 處 不 陳 盟 事

可也。 魯曹沫 有故 荷欲 事矣, 與之盟,則桓公之於楚屈完, 何悼公處不及此? 君

秋,公至自會。 子不能 無責 備焉。

冬,晉荀罃帥師伐許。《左傳》:「許靈公事楚,不會

于鷄澤,晉知武子帥師伐許。」

管見: 悼公此舉,差不能: 持

重

四

[年春,王三月,己酉,陳侯午卒。

夏,叔孫豹如

晉。《左傳》:

「穆叔如晉,報知武子之

聘也。」

秋七月,戊子,夫人姒氏薨。《左傳》: 殯于廟,無襯,不虞,匠 慶謂季文子 E 「子爲 Œ 卿,小 定姒薨,不 君

喪不成。 君長,誰受其咎?」」

皇后冕服歛葬李宸妃相似。 管見: 匠慶謂季文子之言,與呂夷簡請以 人臣 爲一人

厚,不虧母子之恩。 禍福計,固 之,●則禮守其正,毋亂嫡妾之分。 爲長慮者矣。 此引君當道之善經。 以《春秋》之義裁 葬從其

葬陳成公。

八月,辛亥,葬我小君定姒。

0 裁」,原誤作「裁」,據文意改。

7.

冬,公如晉。《左傳》:「晉侯享公,公請屬鄫,晉侯

許之。」

陳人圍頓

五年春,公至自晉。

夏,鄭伯使公子發來聘。

之俱也。蓋舅出,莒將滅之,故相與往殆于晉也。」叔孫豹、鄫世子巫如晉。《公羊》:「叔孫豹率而與

管見: 鄭子有世子,却欲立其外孫,此

殆

不有,則此事未必其無。此條,《左氏》謂不近於人情者。然春秋諸侯之狂悖,無所

魯屬 出之子? 鄫。 然使鄫 是必 鄫 果 世 服 子 屬 自 於魯,豈敢易 以 其 私 往 愬 其 於 所

爲文。

《春秋》書之,以爲下文起見,而晉、魯、莒、此。晉人不爲之理,莒遂以他姓滅鄫。魯,叔孫率之以訟于晉,故自卑屈毀列如

鄫之失道,並不可掩矣。

仲

孫蔑、衛孫

林父會吴于善道。《左傳》:「吳子

と,こ言。

使壽越

如晉,

諸侯之好。

晉人使衛、魯先會,

吳且

秋,大雩。

楚殺其大夫公子壬夫。《左傳》:

「楚人討陳叛

管見:楚之法沃於用刑,而楚共爲甚。 曰:「由令尹子辛寔侵欲焉。」乃殺之。」

望其臣,非正己馭臣之道也,故皆以累上 事而以常勝責其將,以暴虚爲 欲殺,寔其君有以速之于辜。 反、子辛、子申皆同 姓 之卿也 雖 德 夫 而 以 以 以 憑 亡 無 陵 師侵 子 爲 欲

于戚。《左傳》:「盟于戚,會吴,且命戍陳也。」●子、邾子、滕子、薛伯、齊世子光、吴人、鄭人公會晉侯、宋公、陳侯、衛侯、鄭伯、曹伯、莒公會晉侯、宋公、陳侯、衛侯、鄭伯、曹伯、莒

管見:《穀梁》曰「善累而後進之」,故荆人

. .

絶之之意也。 爲會聘而 稱「人」,無君臣之别,此《春秋 當 時,壽夢 僭 王,悼公不 能

問罪。 延於善道之會而後及于戚之盟,是欲行欲 鷄澤之迎不至,則其驕倨 甚矣。 遷

止,其權在吴,非有慕義服善之真。 特徐

觀中國之動 静,以卜其去就。 安夏攘夷

豈

無

他

策?

悼公何汲汲於會之也?

鄫

會十有四國,吴子寔來,《經》不書「吴子」, 子亦將致國 於莒, 而 伯主付之不聞。 故是

會 乃與鄫子 者,病晉之爲是會也。 黜 而稱「人」者,絶之也。 烏在其進之乎? 絶吳於

公至自會。

冬,戍陳。《公羊》: 「諸侯戍之、離至不可得而序, 故言

我也。」

舒、六未亡。 管見: 桓公之楚, 江、黄 悼公之楚,則江、漢諸 (猶在。 文公之楚, 國、盡

> 也。 樞,楚盡 於楚矣。中國亦不能有陳、鄭,而南北之 戍陳非 「戍陳」於「公至」之下,是諸 欲得陳,不 長 得之。 策者,知諸侯之心 故欲争鄭,不城 戍陳不可 也。 侯既還 未 然范 固 虎 牢不 宣子 也 國,然 以 可 書

楚人來伐陳,卒攜二,中國遂復 後遣兵戍之。姑應伯令而非寔力救陳,故 之勢終不可殺,良可惜也 失 陳 而 楚

鄭伯、齊世子光救 楚公子貞帥 師 伐 陳。 陳。《左傳》:「諸侯戍陳,●子囊 公會晉侯、宋公、衛侯、

陳

伐陳,會于城棣以救之。」

十有二月,公至自救 管見: 據韓 獻 子之見,則 不 可

易楚

丽 納

陳。 之不可易者,勢也。 準魏之言,則不可棄陳 陳之不可棄者,義也。 以 益 楚。 夫楚

0 成」,原誤作「救」,據《左傳》改。

紛乎? 縱之圍 也。 矣。 悼公欲速不達之病 勢復張,不患陳 有可乘,一 黄,服鄭則以鄭爲攜楚之曹、衛。 猶 悼公此舉,於義則得, 萬全制楚之謀。通吳則 爲悼公者,方吴之既成,鄭之既服 有 旦 偪鄭以僥楚,而鄭未敢於改楚命也 晉人通吴以敝楚,而吴未能以挫楚鋭 未 改 盡 頓以怒楚,而戍之、救之若是其 人轅 是故 處 北 舉而 焉。 向, 救陳 一收召陵、城濮之功,中國之 之他 楚人不肯甘心於失 陳在楚之宇下二十餘 雖 也 適。 善 而節量天下之事勢, M 以吴爲間 收陳之非算,此 何驟於盟袁僑 楚之江 待其 ,當思爲 陳 年, 紛 機 明

秋,葬杞桓公。

莒人滅鄫。《左傳》:「鄫恃賂也。」《穀梁》:「非滅也,立滕子來朝。

異姓以蒞祭祀,滅亡之道也。」

貶絶 如以 也。 鄫世子殆而不勝, 莒公子乃得取之。 冒非據之蔭,是必多方於晉,求有其 世子巫之往殆于晉也。 溺愛後妻之女之私,其不知本之罪,不特 管見:滅而書「滅」者,書法之常。 不得歆其 于莒」而曰「莒人滅鄫」、《春秋》誅意之教 書「滅」者,乃聖人精義之藴。 兵滅 鄫子非無後者而賴 而 自見。莒人苟能正 血 《國,夷 脉之祀, •是亦滅之而已。 城毁廟之比,而鄫之祖 丽 後于莒,特不勝 乃 道 貪 直 不曰二 一辭,可 非分之澤, 非 (國,故 無鄫 雖 鄫 滅 或 禰 非 其 滅 m

平公見之,曰:『司武而梏於朝,難以勝矣。』遂逐之。』夏,宋華弱來奔。《左傳》:「子蕩以弓梏華弱於朝。六年春,王三月,壬午,杞伯姑容卒。

0

禰」,原誤作「稱」,據文意改。

辛未,季孫行父卒。

深? 曰:辭受惟義之當。受之合義,則國於外孫,莒人受國於外祖,聖人何罪之曰:《春秋》之志,在於天下爲公。鄫子致

馬。暗以滅之者,一律矣,豈《春秋》之所滅之,其罪比秦之以吕易嬴,晉之以牛易取於人,况國乎? 莒人利鄫之愚而明以

「滅」。此膠於破滅之滅,而傅會其説。直之。其子又鄫外甥,令奉鄫祀,故須書取之,以爲莒人以兵破鄫,立其子,使守

恕乎?

此條《左》、《穀》二傳不同,趙匡

多

邦國之義也。罪莒亦以罪晉,此一筆爲扶其訟,使鄫爲非義所滅,非方伯代天子正書「滅鄫」,所以著莒人之惡,而晉人不理

季孫宿如晉。《左傳》:「季武子如晉見,且聽命。」冬,叔孫豹如邾。《左傳》:「穆叔如邾聘,且修平。」天理、正三綱而作。 非聖人,誰能修之?

不出於天子,又不出於其君,而直聽命於於其君。魯之始封,從大國之列。命卿既管見:大國三卿,二卿命於天子,一卿命

伯國,悼公失之矣。

舜受堯之天下不爲泰。

苟非其義,一介不

七年春,郯子來朝。

夏四月,三卜郊,不從,乃免牲。《左傳》:「孟獻夏四月,三卜郊,不從,乃免牲。《左傳》:「孟獻

小邾子來朝。

於南遺,請城費,故季氏城費。」
「南遺爲費宰,叔仲昭伯欲善季氏而求媚

管見 選拔論升之列,亦不限以世家之子弟也。 卿士,外而諸侯大夫,皆以 春秋之中,大夫始有私邑,陪臣世爲 之職,與大夫之家臣,則凡民之俊秀,蓋在 已非公矣。 周親 然而州 親爲 重,官人以 間黨 族 之官,出長 同 世,内 姓 世 官, 而 邑宰。 其道 人治 王 朝

蓋 家 城費,遂有他年之墮費,聖人亦以志陪臣 官之流弊乎? 雖叛亂 三家之命者,皆在南蒯、公山不狃之徒。 自是世業之資,不但卿士大夫爲然,爲其 有城之足以保姦也。 臣者亦有百年之權矣。 之臣,應時 凡城之志皆譏,而此 折滅,而公室因 推原其故、豈非世 。三家 專魯,而 以 日 年之 削, 執

秋,季孫宿如 釀 衛。

亂之由

父盟。 冬十月,衛侯使孫林父來聘。壬戌,及孫林

登,則其專恣之所由 會吳二,會晉 管見:孫林父爲衛定公所 一, 至 一是聘 來漸矣。 魯 逐,歸 及 盟。 逐君之禍, 衛以 公登亦 後,

十有二月,公會晉侯、宋公、陳侯、衛侯、曹

心也,人皆有之,賢者能勿喪爾。

鄭伯

志

於生者,所惡有甚於死者。」非

獨

賢

者

有

是

朝聞道,夕死可矣。」孟子曰:「所

欲

有

甚

楚公子貞帥

師

圍

陳。

豈

一朝一夕之故哉?

《左傳》: 伯、莒子、邾子于鄢。 不可,於是弑之。」《穀梁》:「鄭將會中國,其臣弑之。 鄭伯髡頑如會,未見諸侯。 以救之。」 鄭伯將會諸侯于鄭,諸大夫諫曰:「中國不足歸也。」鄭伯 「鄭子駟使賊弑僖公,而以 《左傳》:「楚子囊圍陳, 瘧訃于諸侯。」《公羊》: 丙戌,卒于鄂。 會于耶 不言

弒,不使夷狄之民加中國之君也。」

義矣。 禍福之所矣,可以造乎智不憂、 也,但必其義命之在我爾。 斷自洙泗。」學者苟知此義,可 國之大夫而目之爲夷狄之民,其誅 使夷狄之民 **管見:鄭髡頑隱不言弑,《穀梁》以爲「不** 夫横 逆之來,君子不能 加中國之君」。 家氏 故 以 夫子 勇 必 不 日 以 不懼之 失 斥之意 一中 逆 死生 覩

1

爲苟 在從中國,犯大夫之怒而禍及其身,是不 得 加 患有所不辟也。 聖人豈爲 亂 賊

蔽罪 生取 義。 其事 自常 ൬ 情觀之,見 不 書 ? 若義之所在 鄭伯之 弑 於大 則 舍

夫。 自大義觀之,不見大夫之能 弑 鄭 伯

口 也。《春秋》性命之文,聖人以心代天意, 代天言。 雖賦· 命不齊,而造命之權在 聖

並行不悖。 也 一,所以存天理,抑人欲,而誅亂 髡頑不終 非聖人,誰能修之? 命,猶之考終 命也。 討 賊之意 此 義

人執公子黄矣。 陳侯逃歸。《左傳》: 君不來,群臣惧有二圖。」陳侯逃歸。」 「慶虎、慶寅使告陳侯于會曰 「楚

身安。 喜爲 固 管見:鄭伯從中國而身弒,陳侯去中國 卒」鄭伯 執 之道 陳 執一 ? 而 微 成之爲考命,所以補大化之不 春 時利害之見,孰不惡而 前 秋》不作,大義 臨 難苟免之意勝 不明, 矣。 則 爲 擇 鄭 故 善 而 而

> 平。 人知 之無 榮辱 耻。 「逃」陳侯而賤之爲匹夫,所以格小人 聖人以一 之 關 邪 筆扶 正之辨。 大天理 垂 點 世 人欲,使 一立教 之

意,豈不深切著明乎

聘之數。」 八年春,王正月,公如晉。 《左傳》:「公如晉,

聽朝

鄭 夏,葬鄭僖公。 無文德而有武 人侵蔡,獲蔡公子燮。《左傳》:

寧矣。」

功,禍莫大焉。

自今鄭國不四五年,

「子産

日

小

威

楚從晉, 國、子耳侵蔡以 而公孫申圍許 以後,鄭國無政,豪族争權。成公方見執 産出來,豪大弭然聽順。 召兵之禍,其釁常在公族大夫。蓋自穆公 管見:鄭介晉、楚之間,最是受兵之國 以 滋 或 以致 激楚怒。 患,諸大夫寔撓之也。 晉師,簡公新 鄭之三 蕭魚以後,鄭始 世 嗣 紛 位 紛 圃 子 從 子 而

弗得

專 事 中 一國,兵 患稍舒, 此其所以爲賢。

于

狐

駘,既又爲

鄫

世

子

巫訟莒于

晉,不

勝

之伐。

小

或

[肆行·

如

于邢 季 孫 丘。 宿會晉侯、 《左傳》:「會于邢,以命朝聘之數,使諸侯之大 鄭伯、齊人、宋人、衛人、邾人

夫聽命。」 猶不得爲正。 官受方物,陳世子欵、鄭 悼公爲邢 ,齊侯修禮於諸 丘之會,以命朝聘 世子華聽命于會, 侯。 諸侯

移,不 之權。 矣。 之數,而使諸侯之大夫聽命,其事 蓋 能革弊 世 雖悼公事 道 愈 而 降,伯 有 事 甚焉。 整 政 頓 日 此 《易》曰: 弛, 大夫 條爲 習見 專 又爲下 謙 盟 所 尊 會

卑,至 而光, 卑而 一於降 不可 尊 而 踰。」夫以重 미 踰 春秋》所 煩 諸 侯 以 深 爲 譏 謙

公至自晉

之也

莒人伐我東鄙。《左傳》: 四年邾、莒連兵伐鄫、魯救鄫、敗邾 「以疆 鄫田。」

管見:

此,亦悼公伯政之弛 莒是以仇魯, 遂 有 東 鄙 也

秋九月,大雩。

其幣帛,待於二竟,以待强者。」乃及楚平。」 • 其侵蔡也。 清,人壽幾何? 冬,楚公子貞帥 子駟 姑從楚以紓吾民。 欲從楚,子僑欲從晉。 師伐鄭。《左傳》: 晉師 子 至,吾 駟 楚子囊伐鄭,討 日 又從之。 「俟 河 敬 之

好名。 《春秋》士習卑污,而 風。 維持 蓋光 管見: 宋儒曰: 「求士於三代之上,惟 宣子日 之。 岳 以之謀國,蓋 求 既 : 分,士 士於三代之下,惟恐其 苟不好名,不 鹿死 不 無全節,所 - 擇音。 有 鄭 無 國 惟 所 爲 小 律 恃 甚。 不 或 身 者 爲之事 之事 無 有 歸生謂趙 不 廉 名 好 大 耻之 義 名。 恐其 矣。 或 以

犧牲玉帛,待於二竟,以待强者。」是不以是非。子駟曰:「俟河之清,人壽幾何?何可擇?」是以禽獸自處而不恤其義理之德則其人,不德則其鹿也。挺而走險,急

節,習俗使然。此時若無子産,王畿之地耻之誤國乎?《鄭風》輕儇浮躁,士無氣輕,圖全活之心重,淪胥至此,豈非頑鈍無國爲國而以縣鄙爲國。由夫畏名義之心國爲國而以縣鄙爲國。由夫畏名義之心

晉侯使士匄來聘。《左傳》:「范宣子來聘,且拜公之

淪左袵矣。

九年春、宋災。

辱,告將用師于鄭。」

夏,季孫宿如晉。

義之和,貞,事之幹。有四德者,隨而無咎。我皆無之,豈於《周易》曰:「隨,元亨利貞。」元,體之長,亨,嘉之會,利,宮,始往而筮之,遇艮之八。史曰:「是艮之隨。」姜曰:「是五月,辛酉,夫人姜氏薨。《左傳》:「穆姜薨於東

隨也哉? 弗得出矣。」

語。 子以前《易傳》,不知《左氏》所注是孔子 穆姜引證其義。 辭意語脉深奥平易,决非邃古文字。 爻,止有彖辭、爻辭。 亨、利、貞」《彖傳》之言,其文見於《乾》。 **管見:**《左氏》載穆姜引《周易》「隨,元、 曰:「五爻皆變,惟二得易,故不變。」其義 後之書,不可不辨。若夫艮八之義,朱子 氏》掇拾《乾卦· 姜淫婦,如何曉得這義理引出來?《 後儒因此謂乾四德之文,是孔子採用古 是大不然。 彖傳》之言,繫之於隨 世儒 當初,文王繫彖,周 《彖傳》是孔子作,其 但知穆姜所云是 且 以 孔 左

甚精。

秋八月,癸未,葬我小君穆姜。

滕子、薛伯、杞伯、小邾子、齊世子光伐鄭。冬,公會晉侯、宋公、衛侯、曹伯、莒子、邾子、

三八六

與之戰。不然,無成。」知武子曰:「許之盟而還師,以敝楚鄭人恐,乃行成。中行獻子曰:「遂圍之,以待楚人之救而十有二月,己亥,同盟于戲。《左傳》:「諸侯伐鄭,

君子勞心,小人勞力,先王之制也。」」

慧,不如 雖 此時方能 鄭,終不得鄭之比。 故晉師輒來,鄭即行成,非如景、厲屢勤伐 楚命,後來已有犧牲玉帛待於二竟之謀。 心專於從中國也。 堅於從晉。 景、厲以前之鄭,其國無賢大夫,從楚之心 悼公之時爲能行之,他公不能行也。蓋 管見: 知武子敝楚之策,甚爲高見。 欲敝 楚而不可得矣。 乘勢。」悼公卒能駕楚,亦其 行 悼公之鄭,有子産在,子産之 此計。 雖子駟之徒 不然,則鄭方敵晉,晉 鄭成即歸,楚來不 孟子 日:「 初年未 雖 勢使 然惟 有 較 改 智

楚子伐鄭。《左傳》:「楚伐鄭,子駟曰:「楚師至,晉不「此盟乃夷夏盛衰之機括。」信然。鄭」,見晉之得算,楚之失算。李氏曰:秋》書「同盟於伐鄭」之下,繼書「楚子伐

夏五月,甲午,遂滅偪陽。《左傳》:「晉荀偃、士匄吴于祖。《左傳》:「春,會于祖,會吴子壽夢也。」邾子、滕子、薛伯、小邾子、杞伯、齊世子光會十年春,公會晉侯、宋公、衛侯、曹伯、莒子、

我救,則楚强矣。」乃及楚平。」

公至自會。

如至自會。

乎? 聖人拒吳之意切矣。 「人」。 于祖,中國會吴子,又狄之而 不加多於中國也。外一夷,内一夷,庸 於通吴。凡皆撓楚之計,究其要歸,吴 管見:于戚,吴子會中 遂滅偪陽以予宋,削楚之與國,而 悼公急於得鄭 國, 既 黜 之 稱 故勤 而 國。 東 愈 亦 稱

然而人謀湊合之也。

隋高頻獻取陳

之策

曰「彼既聚兵,我當解甲」,意正如此。《春

17

彭城還宋爲義,偪陽予宋不得爲伯者之事西之要衝,晉遂與吴共之,是故啟吴伯也。

矣,故書「遂」。

晉師伐秦。

秋,莒人伐我東鄙。

于中首。」 傳》:「諸侯伐鄭·齊世子光先至于師,故長於縢。己酉,師世子光、滕子、薛伯、杞伯、小邾子伐鄭。《左世子光、滕子、薛伯、根伯、小邾子伐鄭。《左公會晉侯、宋公、衛侯、曹伯、莒子、邾子、齊

子光,未常與諸侯相見,恃其强也。 師 不以爲討,蓋欲以謙德撫之。至是牛首之 靈自盟于虚 儒。事 管見:悼公事事好謙,而謙之過,流於巽 ,世子光以先至長滕,寔欲表其趨 事 好敏,而敏之失,至於糊 朾 以後,初使崔杼會,繼使 塗 晉侯 事之 世 齊

而有正 管見:子産者,子國之子。侵蔡之役,子 殺」,見鄭之無政,三子皆有罪也。《春秋》 産不順,子國曰:「爾 及五族之徒,攻殺 與子駟爲 卿,童子言焉,將 黨,同 亂 鄭 於西宫之朝,書 政,於 何知? 爲 是 敖矣。」蓋 取 或 怨 有大命, 於尉 曰「盗 子 國 止

戍鄭虎牢。楚公子貞帥師救鄭。《左傳》:「戍鄭

責相,故削其大夫。

虎牢,非鄭地邑,言 1將歸 焉。 鄭及晉平,諸侯之師還。」

子各毁其乘。」

公至自伐鄭

告叔孫穆子作三軍,各征其軍。 十有一 之事 晉侯 之。 義也。 是也。《春秋》書法若此,責備之意切矣。 師 目 盗 適 明封域之非鄭有也。 而 楚人豈能奪鄭之心? 乃使諸 管見:虎牢還,繋於鄭,《 1,修其文告之辭,使鄭自服。 有 以待伯主懷 以 年春,王 子孔當國,子 聖人於諸 仁義待夷狄。 ,楚人遂得居 戍梧及制,是欲以 五族之變,子駟、子國、子耳皆 鄭之從楚,子駟主之,子國、子耳 正月,作三 侯城虎牢,既從削地之文, 來。 救鄭之名,是以暴自 産與 王者以德綏諸侯,不 爲悼公者,當按甲 於是牛首之師,鄭 三分公室,而各有其一,三 力脅也。 (政,鄭 軍。 春秋》懷 《左傳》:「季 人 侯戍虎 理之所在, 方 晉尸 翹 諸 戍 殺 首 侯 武子 處 牢 鄭 駐 國 成 之 如 拭 於

> 無聞 **管見** · 魯公族大夫,獨盛於三桓。 前後皆

暈、溺 中,季氏三世 子疆之後 子,成以 子公孫 文四子,惡、視不終,宣篡立,叔盼不 得賜氏, 曰東門襄仲。 終,僖得立。 子皆以桓公子孫得封。莊三子,般、閔 僖以後,始有封邑。 於公家 襄立之年方四歲。是時、公族大夫,惟 逐,而立仲嬰齊。 不卒戍刺。 挾柔 何也? 嬰齊 爲 世 爲 遠 嫡立,偃 之徒,其 僖二子,文以 臧氏,以文仲之勳得 雖 買者,不詳 屬 相 自 故故 爲 魯,而 莊 然嬰齊雖得氏,亦無邑。 卿,亦 獨三桓 刺,鉏 以 子 季 孟孫、 其子歸父爲季氏 前,大夫未 孫 友與慶父、叔牙之 爲桓 無 世嫡立 但 無 爲强 氏 繫 叔孫爲亞卿 聞 或莊之子,以 與 屬 邑。 一,遂以 賜 成 籍 有 三桓之 -仕,其 邑, 封 而 一子, 宣三 而 所 功 不

故季又强於孟、叔。方季文子之存也,與 同志,忠於公室。 文子没,武子宿

於此。 孟獻子 嗣爲大夫,始城其私邑。 至是作三軍,三分公室,孟氏與焉。 分魯之謀,已兆

邑入者無征,不入者倍征 獻子之願爲也。季氏使其乘之人,以其役 然武子告於叔孫穆子而不告獻子,蓋此非 孟氏使半爲

矣。 臣,叔孫氏 是時,魯公與三家爲 使盡爲臣,則三家 四。 所 得 國之賦 有等差

得其一。賦法萬二千五百人爲軍,總計三 税,公得其五,季氏得其四,叔得其三,孟

孫得六千二百五十人,孟孫得三千一百二 百二十五人,季氏得一萬二千 軍,合三萬七千五百人。 公得一萬五千六 五百人,叔

然三軍帥 十五人。此公室私家軍 ,魯之舊,以伯令減爲二軍。 於三卿,則魯侯 特寄生之君。 賦所人之成數。 雖至此 復

> 作三軍,其寔權不與也。 故但言「作」,不

言「復作」。

夏四月,四卜郊不從,乃不郊。

故,子展曰:「與宋爲惡,諸侯必至,吾從之盟。 鄭公子舍之帥師侵宋。《左傳》: 又從之。晉怒驟來,吾乃固與晉。」」 「鄭人患晉、 楚 師至,吾 楚之

傳》::「諸侯師于向,右還,次于瑣,圍鄭,觀兵于南門,❶ 濟于濟隧。」 子、邾子、滕子、薛伯、杞伯、小邾子伐鄭。《左 公會晉侯、宋公、衛侯、曹伯、齊世子光、莒

乃行成。」 秋七月,己未,同盟于亳城北。 《左傳》:「鄭人惧

鄭人之用晉、楚也,此亦可見鄭風之輕薄 以盟誓爲戲壇。 **管見:鄭之謀國亦奇矣。以召敵爲弭敵** 之策,以叛人爲從人之局,以干戈爲 然則晉、楚非能 用鄭,始 佳 事

0 南, 原漫漶不清,據丙本及《左傳》補

西

7.

傷之。 伐,縻爛其 以 也 書「同盟」, 者,誠三尺童子之所羞稱。 自謀,不能擇善固執,惟理之從,使大 小人之無忌憚也」。 懷,固急急争人之從已。 方且 大國之於小國,威不足以畏,德 揚 見其反覆。」蓋聖人觀乎世 民 揚 而不恤 自得, 以爲保國良謀 故程子曰: 要 盟 而小國之所 爲 如晉、楚之 瀆, 鄭 若 不 可 市 國 變而 服 以 爲 足 謂 井 交 丽

楚子、鄭伯伐宋。《左傳》:「楚子囊乞旅于秦,秦右大公至自伐鄭。

夫詹帥師從楚子伐鄭。

鄭伯逆之,伐宋。」

于蕭魚。《左傳》:「諸侯悉師以復伐鄭,觀兵于鄭東門。子、邾子、滕子、薛伯、杞伯、小邾子伐鄭,會公會晉侯、宋公、衛侯、曹伯、齊世子光、莒

管見:齊桓先伐戎而後有召陵之師,晉悼鄭人使王子伯駢行成,會于蕭魚,赦鄭囚,禮而遣之。」

豈 貴,諸夏賴以 陵。 其民城濮之戰。 品 先和 之患未 衛,曾不以 煩於兵,此管仲所以 九合七會之後,中國有必 之緩急爲 而二公所以爲略也。 處 不信乎? 伐鄭,會于蕭魚。 戎事爲先著,然後措置荆蠻。 戎而後有蕭魚之會。 弭,其功又爲 施功之次第,故其 爲己 小小康。 憂。 陰謀 爲智、魏絳所 先儒以爲序績之書 下矣。 荆蠻之燄 文公入國三年,即 取勝、縱 是皆以不戰屈 勝 此二公者,皆以 服 伐楚, 之 雖 狄 勢,是以 楚 殺 侵 駕楚,在 蓋審 以 盟 爲賢 人爲 于 中 召 車 用 勢 或

楚人執鄭行人良霄。《左傳》:「鄭使良霄公至自會。《穀梁》:「得鄭伯之辭也。」

如

楚

一件將

服

于晉,楚人執之。」

以見遷怒執使,楚人之無耻甚矣。管見:不曰「鄭良霄」而曰「鄭行人良霄」,

矣。 盟,長亂階。 魯不之止,是方伯之職,同盟之義 晉之德衰政弛,魯之君 屬辭比 事、《春 秋》所以 弱 臣 强 俱 人賤伯 瀆齊 失之

冬,秦人伐晉。《左傳》:

「秦庶長鮑、

庶長武帥

師伐

晉

主,罪權臣。

秋九月,吴子乘卒。 夏,晉侯使士魴來聘。

圍台。

冬,楚公子貞帥師侵宋。《左傳》: 無地伐宋,師于楊梁,報晉之取鄭也。」 「楚子囊、秦庶長

公如晉。

十有三年春,公至自晉。

之,言易也。」 夏,取邿。 《左傳》:「夏,邿亂,分爲三。 師救邿,遂取

内諱滅曰「取」,義見「取鄟」。 管見: 魯作三軍之後,人鄆,取 如此,但三家專之,故其力猶足以虐小。 弱,何也? 日: 公室自弱 爾。 邿, 軍 數 而 原是 謂 益

來,盟

辭

其

(民,隊

先公、七

慎

秋九月,庚辰,楚子審卒。

三九一

襄

公

疾 死,其言也善」。 狠之態。楚之不競,良由德力俱傾。 夫,失鄭而執良霄,曾無省悔之心, 管見: 楚共敗鄢陵 而 認 過,自請 得謚爲共,豈不優乎? 爲 靈若厲,所謂「人之將 而 殺 子反,失 陳 肆 丽 及其 其 殺 暴 壬

吴之不德,以退吴人。」
《左傳》:「吴告敗于晉,會于向,爲吴謀楚故也。范宣子數邾人、滕人、薛人、杞人、小邾人會吴于向。匄、齊人、宋人、衛人、鄭公子蠆、曹人、莒人、台、齊人、宋人、在人、東公子邁、曹人、 莒人、十有四年春,王正月,季孫宿、叔老會晉士

冬,城防。

吴以撓楚,纔詘 以退吴人」。 釁隙於吴者乎? 是鹵莽也。且晉人猶成愷悌於戎,豈肯挑 管見:'會于向、《左氏》以爲「數吴之不德, 淺意時 楚 意者吴人以庸浦之敗 而 鄭 絶吴,晉之爲計 新服,楚甫 帖, 必不 方通 求

> 衰也。 向。 也。 陳。 介。 失之。 而 是會晉侯不 稱「人」。 **奉** 悼公蕭 夫滿生驕,驕生怠。 士匄名,著主會也。 桓公召陵 秋》直 親往 魚 魯以三 服 書 屈 而 鄭,即 楚,即 其 委列國 卿 事, 列 以 於會 以諸侯之大夫 雄略之主, 鄭 見二伯 之大 諸侯之大 蠆 1,故 名,志 夫, 德 並 故 業之 大服 往 始 舉 皆 侵 往 主 服 貶

晉 瞻。」樂曆曰:「余馬首欲東。」乃歸,下軍從之,乃命大還 卿帥諸侯之師以進。 人、杞人、小邾人伐秦。 宫括、鄭公孫蠆、曹人、莒人、邾 夏四月,叔 人謂遷延之役。」 孫 豹 會晉荀偃、齊人、宋人、衛 荀偃令曰: 《左傳》: 「鷄鳴 「晉侯待于竟,使六 加 人、滕 駕,惟余馬首 人、薛 北

後,復有四軍。悼公之時,新軍無帥,使其管見:晉自于邲以前,止有三軍。鄢陵以

援,晉人以未可伐喪爲辭,因以謀伐秦爾。

二月,己未,朔,日有食之。

以贅 竟而六 首欲 侯不書,墜命也 見,括、蠆以 不爲無 伯復盛,悼公不 責成,不自知其 原其 者幸 中軍 軍爲 什吏帥其卒乘官屬以從於下軍。 故 旒 爾 東 政 荀 蓋 待其 卿 亦可 過。 前 偃以 則 敢相矛盾,非惟木偶視其 事 事 下軍之權 先濟 進師令,而 是役, 君。 見晉 事 權 、胎弊之至此也。 優假大夫。 不 爲無功。 見,其餘皆貶稱「人」。 太阿 豹 國之無政。 相 統 以 寔重。 倒 矣。 下軍樂黶敢 内 持 晉伯遽衰,悼公 卿 當 權 晉之不 故伐秦之役 見,偃以主 初 晉侯寔待 綱 故曰 以 下 心唱爲 是雖中 爲 替。 敗 帥 委任 於秦 兵 晉 于 馬 晉 推 且

子行於孫子,孫子殺之,公出奔齊。」子食,日旰不召,而射鵠於囿。二子怒,孫文子如戚。公使己未,衛侯出奔齊。《左傳》:「衞獻公戒孫文子、甯惠

管見:衛獻公其猶有童心乎? 戒孫文

旨矣。 《巧言》之詩、蓋刺 者。 《春秋》不絶其位,故其奔不名,不許孫 之得出 之惡甚矣。 盟、皆殺之、又敗公徒於阿澤,則 可也,乃并帑於戚 不智。爲忠臣者,當歸朝待命,以釋其疑 孫蒯入使,公使太師 爲大臣者,當正色直言,以匡其失,可 子從之,不釋皮冠 子、甯惠子 子之子。欲使之聞之,以弭 二子怒,孫文子如戚,則已蓄據邑之心矣。 許氏 衛 君 以 食,日 也。 衛侯 爲 抑 此義者,以戒人臣 强 坐此失國,其 旰 而謀 加 爲亂 臣 不 與之言 ,存大義,得聖 召 歌《巧言》之卒章。 先。 者。 mj 射 公使群公子與 其 孫蒯 是傲 鴻 罪 變,是躁 孫氏 於 猶 者 圃 之無禮 囿 爲 無 乃文 經之 不 也。 輕 禮 氏 臣

莒人侵我東鄙。

秋,楚公子貞帥師伐吴。《左傳》:「子囊師于棠以

擊,敗之,獲宜穀。」 伐吴,吴不 出 而 還。 子囊 殿 以 旲 爲 不 能 而 弗 做。 旲 人 要

家大忌。 戒,吴人皆以要繫勝。 **管見:**此楚敗於吴之二度也 此 究也爲中國患。 敗楚,不書者,抑 故數得志。 鄧廖獲。 狄之道也 而入汴者金,滅金 要非 -長策。 中國平原 于棠之師,宜穀獲。 率此道行於吴,是以 苟知此義,斯得所以禦戎 之也。 困楚而歃黄池者吴,滅 而取 曠 野,楚人長 故知懸軍 江南者元。 夷狄 互相 楚人恃强不 衡 屢 驅 客地,兵 Ш 消長,其 塞彼 挫 之戰 而 進 吴 湧 遼

公子蠆、莒人、邾人于戚。《左傳》:「會于戚,謀定 冬,季孫宿會晉士匄、宋華閱、衛孫林父、 鄭

衛也。」

管見: 衛 侯之文,故此條無傳。 侯 出 奔 齊胡 傳以爲《春秋 夫以衛侯爲可罪而 罪 衛

此亦世降然也

劉夏逆王后于齊。《左傳》:「卿不行,非禮也。」 及向戌盟 十有五年春,宋公使向 諸侯。 援。 其意 皆意 邀 管見:春秋之時,天子、諸侯皆借婚 父在 本 不 見王靈之已甚替。蓋春秋之初,諸 后,乃出陵虐無道之齊,則其意欲 之旨嚴矣。莒人、邾人微者,故不書。 濟,敗義傷化,莫此爲甚。聖人書之,誅 寔甚對。 寵 意 討 欲救 在蔽 於天子。 有 林父,此 然桓王求后, ,以定公孫剽之位。 于劉。 疑 一賊,而悼公不悟,故于戚之會,林 於 再問於獻子,又以因 乎 此,故一問 紀,見王 晉 《左傳》:「宋向戌來聘,且尋盟。」 春秋之季,天子不免假靈於 卿之所 乃在微弱垂亡之紀, 戌來聘。 龍之可 以 於師 諸侯大夫同惡相 自 爲計 曠, 既 依。 二月,乙亥, 而定之對, 也 倚於齊, 靈王 以 侯猶欲 其君 姻 悼 求 則 爲

夏,齊侯伐我北鄙,圍成。公救成,至遇。《公

文以後,卓然賢侯。

中國賴以小康,諸

侯

羊》:「其言『至遇』,不敢進也。」

成,至遇,躊躇 疚,又且 魯於晉尤睦,故自來虐魯撓晉以樹 爲戚之會以定剽之位。齊侯意在抗晉,而 始弱之故歟? 管見: 魯之畏齊,勢不敵 人主意未始不善。 齊侯勢來猛烈,抵當不過, 是時,衛 而不敢進,意在待晉之援 魯人既 侯 也,非以作 與於會, 衎 寄於郟,晉人 自 衛 故救 三軍 省 齊 有

成,貳於晉故也。 季 孫宿、叔 孫 於是乎城成郛。」 豹 帥 師 城 成 郛。 《左傳》: 「齊侯圍

而已。

邾人伐我南鄙。

秋八月,丁巳,日有食之。

冬十月,癸亥,晉侯周卒。

寬洪,收已去之威權,振既衰之號令。 管見: 悼公以次支繼國, 仁明 雄 略, 恭謹 桓、

旒然。」

之陋, 偏,而 前,政 於馬 者。 斧鉞 澤盟袁僑則太阿 至平、昭而 良由有天資而無學問,故或梏於見聞 寬 順 不 流 而不 於 軌,不 覺 委轡。 亂 遽替也, 貽 能矯其 賊。 爲 ·可謂 蕭 後 授於大夫,于戚 其爲伯政之累,非 良 患。 前非; 魚 無 以 可惜夫! 功 後、志 不然,晉之伯業 也 或局 但 怠 於 自 會 捧 好 蕭 林 盤 悪之 淺 魚 父 則 未 淺 鷄 以

十有六年春,王正月,葬晉悼公。

子、薛伯、杞伯、小邾子于溴梁。《左傳》:「平公 二月,公會晉侯、宋公、衛侯、鄭伯、莒子、邾

羊》:「何言乎『大夫』? 戊寅,大夫盟。《左傳》:「盟日 即位,烝于曲沃。 警守而下,會于溴梁,命歸侵田。」 遍刺天下之大夫也。 :「同討不庭。」《公

君若

管見: 日月星辰, 麗乎天者也。 天失其

亂。 之戒,豈不著明者歟? 天地之消剥 世。《易》坤卦 夫, 寔非諸侯之大夫。 逐君、弑君,紛紛於 慶,衛之孫、甯,宋之華、向,名爲諸侯之大 大夫出。晉之三卿,魯之三家,齊之崔 伯不復作。 之文。此君之無所繫者也。 民,繫乎君者也。 也 經 「大夫盟」而不繫於諸侯,其爲「履霜堅冰」 則 於是諸侯在會、《春秋》特發「大夫盟」 地 無 失其 麗 而 君不能爲臣綱,而禮樂征伐自 盡矣。 紀, 晦 無一畫之陽,六陰用 冥。 則 君失其綱,則無繫 無 聖人所 Ш 附 岳 而崩 河海,附 以 蓋悼公以後 竭。 深致意,書 百 乎 事,而 而 官 地 紛 者 萬

公、莒犁比公,且曰:「通齊、楚之使。」」晉人執莒子、邾子以歸。《左傳》:「以我故,執邾宣

夏、公至自會。 齊侯伐我北鄙。 公、莒犁比公、且曰:「通齊、楚之使

五月,甲子,地震。

傳》:「許男請遷于晉,諸侯遷許。許大夫不可,諸侯之師伐叔老會鄭伯、晉荀偃、衛甯殖、宋人伐許。《左

許,次于函氏。」

當伸,臣之體當 分,守法度,故曰撥亂之書。 之旨微矣,控大扶小之法密矣。 而没趙盾,書法異 諸侯也,荀偃主兵而先序鄭伯,此 管見:國無大小,體有伸屈。 屈,與棐林伐鄭 脯 意同。 聖人尊 鄭因晉之從 列數 明 以 君 君之體 道 諸 抑 名 侯 臣

秋,齊侯伐我北鄙,圍成。

大雩。

十有七年春,王二月,庚午,邾子牼卒。齊故。」 冬,叔孫豹如晉。《左傳》:「冬,穆叔如晉聘,且言

夏,衛石買帥師伐曹。《左傳》:「衛孫蒯田于曹隧,

宋人伐陳。《左傳》:

「宋莊朝伐陳,獲司徒卯,卑

也。

蒯伐曹,曹人愬于晉。」

於擅興伐國。考文按事,其義病晉伯之蕴不泯也。伯國縱奸蔽賊,故孫、石之徒敢之罪者,乃出於重丘之民。此天理民心之管見: 悼公爲戚之會以庇林父,而聲林父

之,且曰:「無死。」堅稽首 北 秋,齊侯伐我 鄙 韋 防。 《左傳》: 北鄙, 圍 齊 日 : 桃。 人獲臧堅,齊侯使夙 「君賜臣 齊高 不終,使刑 厚帥 師 沙衛 臣 伐我 聘 於 唁

禍

也。

士。」以杙抉其傷而

死。」

尚,而亦周公秉禮之遺化也。 唁士, 臧堅以一死 管見: 賊臣 弑 君,叔盻以 爲榮。 此 萬 鍾 魯人之風 爲 耻 節 刑 臣 可

之,曰:『臣也,不惟宗室是暴,大亂宋國之政,必逐之。』國宋華臣出奔陳。《左傳》:「華臣弱皋比之室,宋公聞

襄

公

九月,大雩。

人逐瘈狗,瘈狗入於華氏,華臣奔陳。」

奔陳。 殺 權罕樹,臣之奔亡相繼,尚可以爲國哉? 廷爲調戲之場,國門爲仇讐之實。 梏華弱於朝,華弱反以此奔魯。 管見: 華吴於門,乃因 宋之無政,平公爲之也。 不能攬權明 或 一罰以 人之逐 馭跋扈之臣,使朝 瘈 狗,始 華 子 君之威 蕩 臣 以弓 惧 以 鈹 而

冬,邾人伐我南鄙。

不能朝也。」十有八年春,白狄來。《公羊》:「何以不言「朝」?

大夫切 是? 幕 管見:襄公之時,邾、莒交伐,齊 楚以撓晉,楚方結秦而交齊。 氈 喪,賓庭 軌 無鳩之慮,國 量 事 執,可 執贄 何何 以 士重抉栈之悲 所 測 戎 威 懷 心 矣。 乃 秦者, 楚之 能 師 齊 致 屢 方 遠 而 擾, 若 困 毳

●「村」,原誤作「村」,據《左傳》改。

矣。 親。 日: 察夷情,聖人可 四 書「白狄來」,蓋 齊間,豈真 夷之位,乃王 至明莫過乎《春秋》。 此義 狄者,秦之 也,以 有觀光慕 暱。 削 不與狄之朝魯 朝 存 則 先 之制 (削,非 此秦 義之 王、謹 魯 誠 人使狄覘 史氏之舊文,故 侯度 亦 圃 不 也。 朝 審 得 于 魯以 ൬ 抑 魯哉 或 受之 明 勢 堂 爲

夏,晉人執衛行人石買。

秋,齊師伐我北鄙。

齊。《左傳》: 畏其衆也,乃脱歸。 登巫山以望晉 莒子、 邾子、 滕子、 冬十月,公會晉侯、宋公、衛 1師,晉 「諸侯會于魯濟,尋溴梁之盟 人以 諸 侯之師焚東郭、北郭、東侵及潍、南 薛伯、 斾 先 輿 曳 杞 柴而從之。 伯、 侯 小 鄭 ·同伐齊。 邾子 伯、 齊侯見之 曹 同 齊侯 伯 重

及汴。」

管見 已精。 之 矣。 齊,晉人爲戚之會 强人以同 心,烏在其能同者? 丽 恤魯難、盍 伐魯,衛伐 高厚歌詩 晉,故不 齊環背盟棄好,肆暴侵鄰,固 心圍之,聖人大其 者,左剽 而齊之所以貳晉,抑有故焉。 可 挾 齊之虐 伐, 與 童 (之同。 愐 使 齊書「同」,胡氏 則 己,無合 不 亦 右 曹,同盟 類 卿 魯,非怒魯 致伐之義, 反其 衎 ~,其 會。 曹、 欲 異 所 意 (伐,故 衛、邾、魯 溴 以 以 爲同 爲 固 相 書「同圍 定 梁之盟 奪晉 乎? 攻,晉寔不能令之 薄晉之爲。 也,撓 剽。 李、 書法 之 以 爲諸 寔 政 胡二 剽 有取伐之道, 齊 同 若 晉 也。 也 齊」,見晉人 剽 可 自衛 環蓋 役 也 此 侯 列 氏 以 若 丽 晉 於是邾 疾 於 無 論 不 夫齊 不 撓 衎 淺 惡 會 同 之 同 奔 意 同

盡。 楚公子 師 曠 午 日 帥 「吾驟歌北風,又歌南風。 師 伐鄭。《左傳》:「楚師多凍、役徒幾 南風 不競, 楚必

十有九年春,王正月,諸侯盟于祝阿。《左傳》:

無功。二

諸侯還自沂上,盟于督楊,曰『大無侵小』。」

蓋其言 也。 管見: 溴梁之盟 祝阿之盟 在意中,故以前言起 曰「大無侵小」,將執 曰「同討不庭」,將 後 事。 邾也 意 圍 若 齊

曰:諸侯以討不庭爲約,則齊之納衛 貮

邾之助齊伐魯,不可以不問。 晉,不可以不伐。 諸侯以大侵小爲 内蔽於私 禁,則 而

秋之季,伯術既窮,推此可以觀世道也。 外假於公,悼公以前,意象便不如此。 春

不伐喪也。」

公至自伐齊。

晉人執邾子。《左傳》:「執邾定公,以其伐我故。」

取料 田 自 「漷水。 《左傳》: 「遂次于泗上,疆我田,取邾

襄

公

田 自漷水,歸之于我。」

明其 管見:鄭假許田,魯取邾田 田 非鄭、魯之所有 也。 ,皆繫以國邑, 貪非己之所有

雖入魯、鄭 而 以 非 義得之、《春秋》之所 脯 其 田 仍還邾、許, 最惡。 聖人律貪 故 其 地

季孫宿如晉。

之旨嚴矣。

葬曹成公。 夏,衛孫林父帥 師伐 齊。

衛孫文子伐齊。」

傳》: 晉士匄帥師侵齊,至穀,聞齊侯卒,乃還。 秋七月,辛卯,齊侯環卒。 「晉士匄侵齊,及穀,聞喪而還 ,禮也。」《公羊》:「大其

《 左

故有交兵,無弭兵。 喪,不恤 管見:自禮樂不出天子而喪紀廢,故有伐 吧。 自征 伐不 此春秋所以爲 由 天 子 丽 兵争亂 無道之

三九九

《左傳》:

晉樂魴

帥

師

從

四00

之事,聖人之所貴也。 争,而至穀 明是《春秋》與他。」是《經》大義數十,炳 爲者? 夏,士匄又帥 黨篡國之人,助逐 世 人之喪,以逞己之志。 也 衛 匄雖不 林 聞 父帥 喪乃還,則 師於秋,爲剽侵齊,豈 能度義,導其 師 君之賊。 伐 齊,爲 故朱子曰 入春秋以 能 以 欒 衎 禮 君 魴 故 行 以 既 也 來,未 「這: 師 弭 義 帥 不 亂 之當 師 晉 分 如 有 伐 息 人 於

有委靡 月,丙辰,仲孫蔑卒。 夫少持立之操, 正 孟 首於晉 管見: 孟獻子, 魯之賢大夫也, 然處 則 氏 四 亦 分其乘之八以 殊 處,如勸 具臣 失 mj 或 己。 宣公進 乃其氣質使然,故雖賢 體 蓋 及 歸 季 賂 魯國文弱,大抵 公,然從之而 於 氏三分公室, 齊,相襄 事煞 公稽 不 者 1 能 雖

君於昏也。」
「殺其大夫高厚。《左傳》:「齊崔杼殺高厚於灑」

齊

縱之專殺,故以累上爲文。 牙於句瀆之丘。 子,而黜世子光。 管 之,不由君命,崇讐也。 見: 《傳》 稱齊 高厚者,牙之傅。 公卒,崔杼逆光 靈公嬖少子牙,立爲 莊公德其 立之, 立己,而 崔杼 殺 執 太

患之。子展、子西帥國人伐之、殺子孔而分其室。」鄭殺其大夫公子嘉。《左傳》:「鄭子孔爲政專,國人

日

星

凡

此

類

也。

國,子 管見:子孔欲去諸大夫,將叛晉 無 亂 起 以去之,是以有 主,子展、子 也,鄭 爾。 政 也 西聽 故 人殺之是矣。 稱國 政,是殺其人而伐之位,同 西帥 以 純門之師,此禍機 殺,不去其官,見鄭國之 或 人 人伐之。 然其 事,簡 既 丽 而 之所 子 起楚 公 不 歸 展 於 當 由 由 師

冬,葬齊靈公。

亦淪胥至此也。

隧,故會于柯。」 叔 孫豹會晉 士匄 子柯。 《左傳》:「齊及晉平,盟于大

城 武 城。 《左傳 ¥: 穆 叔歸 H 「齊猶未也、不可 以不

備。」城武城。」

國太淺 不 管見 其 本而務其末,故凡城之志皆譏 毋有警輒 時 m 築二城,勞民 築城,自隱公以後皆然。 甚矣。 魯 人謀

向。 二十年春,王正月,辛亥,仲孫速會莒人盟于 《左傳》: 「及莒平、督楊之盟故 也。」

務

鄭伯 夏六 、月,庚 、莒子、邾子、滕子、薛伯、杞伯、小邾子 申,公會晉侯、齊侯、宋公、衛侯、 《左傳》:

盟

于澶淵。

「齊成故也。」

所歸 從乍違,晉 伯 管 國 見 餘 業,雄 伯 齊 統 桓 亦 在 公以 據 不 敢强 Щ 後, 至是七十二年。 東,其於諸侯之盟 世無 也。 侵虐小國 令主,不爲 齊 一,晉亦 會 亦 諸 以 侯 乍

欲伐周 立,國 不敢問 華 間 獻捷 嘗不 國,而太師之後也。 關於天下之故。 不 少 錫 是始 不外齊於周,以明大一統之義。 於中國未始不同。 是十二國爲澶淵之會,齊 同。 /挫,然 書 夷之旨; 或 命 書 倚 朝 ,靈王猶求后於齊,非 儼 同 内 于晉。 同」。 也。 書「同 齊之足以牽 而有天下之比。 有難。 盟」者,齊之從 然 未 爲 肯 而 及頃公鞌之敗,齊 以 東 明 於齊 舉 靈公繼之, 崛 大隧之盟,始及晉 從晉 海 同 著晉之私,不書「同 何 表。 自 以 王室 制。 也? 雖與晉時 見其異,乃聖人區別 同 也。 故《春秋》於楚事 違 雖 固 故 圍」之外,未嘗書 侯在焉。 齊 與 諸 依晉 如 莊 定 强 於 楚 侯 楚昂然僭王 公以 Ŧ 猶 或 周,甥 稍 殊 同 以安,而 此《春秋》 辭 昨。 有異,一 異 韋 不 《春秋 平。 廢 鞏 .盟.則 競, ·朔之 。 舅之 非 儲 其 天 有 勢 於 愐 至 得 Ŧ 未

四〇

襄

公

12

之精意,而王者敬親暱,辨内外之道著矣。

秋,公至自會。

仲孫速帥師伐邾。《左傳》:「邾人驟至,以諸侯之事

弗能報也。孟莊子伐邾以報之。」

傳》:「燮欲以蔡之晉,蔡人殺之。」蔡殺其大夫公子燮。蔡公子履出奔楚。《左

大夫。 貴 以 管見: 王化不行,天理不明,人心 子,不削其官,所以 夷之辨久矣。 《萬世 也。 時利 害而 蔡燮欲以國之晉,見殺於國人。 是非而言, 春秋》於鄭 一言,則違衆以殺身者爲不智。 鄭髡 則捨生取 伯 頑欲 廣 ,特隱其弒。 勸善之門 以 國從晉, 義,君子之所 而 扶天理、 於蔡公 昧 見弑 於 以 於 華

正人心之義博矣。

黄之偪,愬諸楚。楚人以爲討、公子黄出奔楚。」陳侯之弟黄出奔楚。《左傳》:「陳慶虎、慶寅畏公子

叔老如齊。

冬十月,丙辰,朔,日有食之。

季孫宿如宋。

於魯。 伯功。 興。 况於行王道者乎? 管見:人心之和平,莫速於王道, 者爲政於天下,一 故釁移於魯。於是圍桃,圍 齊侯之喪,而齊遂平晉。 人纔定衛剽之位,而齊遂貳晉。 王道。❶ 有伯之王者, 穀之師 於是如齊,如宋,朝聘之事舉。 春秋有伯之伯者,戚之會是也。 禍機之蕴蓄,莫深於伯功,莫毒 舉措之直枉,其效乃爾, 故曰「德之流行,速於 是也。 齊、晉平,故寵 防, 齊、晉貳 戰伐之禍 晉人 莫易於 纔 伯 於 逮 避

一十有一年春,王正月,公如晉。

置

郵

而

傳

命

邾庶其以漆間丘來奔。《左傳》:「邾庶其來奔,季武

異。 以 利 竊 之牟婁及防、邾黑肱之濫、或據邑以叛、或 宋魚石之彭城,邾庶其之漆誾丘,莒牟夷 宇,有招亡納 之分,公與私之間 淵藪,是謂 懷,周之所 林父歸 尋,禍亂 爲惡,不患無容身之地。 徒擁虚器,無懷 叛,奸夫之私 管見:懷來綏附,仁主之公心。 加 邑以奔,皆以 故國之名, 邾、莒大夫奔魯, 詳其所以 柔遠能 不 顧 衛,書其所自之國 不息。聖人之最惡 其害。 以 之招納,商之所以亡也。 邇,安勸 意。 叛 興 之資 來綏附之略。 强 也。 於是强 蓋 國 而已。 受爲天下逋逃主,萃 爲依。受之者,牟其 小 綏懷與 如衛 大 梁拔扈之臣 其 周德既衰,天子 庶 3 效至於篡奪 、招納 彭 而 孫 邦,是之謂 諸侯專據 甚謹者,故 城非宋,繫 林父之戚 , 其 招亡 興亡 體 動 納 相 於 土 綏 有

> 降,自 之邑。 豈非以私存心,故其 逋 逃、 謂合於事宜,而 誅 凡若此者,雖 叛 亂 圃 E 法立矣。 害有如是乎? 立文互 不知亡梁者侯景。 異,要歸 梁武 受侯景 於董

夏,公至自

州賓通、愬諸宣子曰:「盈將爲亂。」宣子使城而遂逐之、盈 秋,晉樂盈出奔楚。《左傳》:「樂桓子卒,樂祈與其老 出 奔楚。」 辨,喬木受伐,國運隨之。 覦 逐不 其害至於殺身。 非樂書則郤至之怨不深,非范匄則樂盈之 管見:晉趙、樂、郤之禍,其二由婦人,其 疑畔之釁隙,每藴於百年之權。 臣之相傾軋。 由嬖人,而 ,恒伏於萬鐘之室。 呕 其 哉 婦人嬖人之能 非樂、郤則原、平之獄不具, 傾 爲君 軋之禍,其烈 圃 爲臣而不思挹損 明 元首股肱,體 不 肆毒,寔由權 能 燭 如 寵利之覬 智 此! 不能 要

襄

公

麗之遊,樂氏出而平公亦有固宮之難。然景公殞於搏膺之屬,郤氏亡而厲公戕於匠相須,未有臣悴而君獨榮也。故趙氏亡而

則 世之鑑 退,斯臣 曲 突 徙薪,乃 律己之良 君 規。 體 臣之要訣。 觀乎 晉事, 可 急 爲 流 來 勇

九月,庚戌,朔,日有食之。

高遠,豈拘曆家推步之術而爲之説乎?七十二日始一交會,無頻食之理。夫天道管見:此頻月頻食之驗也。論者謂一百冬十月,庚辰,朔,日有食之。

子、邾子于商任。《左傳》:「銅樂氏也。」公會晉侯、齊侯、宋公、衛侯、鄭伯、曹伯、莒

曹伯來朝

秋七月,辛酉,叔老卒。

夏四月。

二十有二年春,王正月,公至自會。

莒子、邾子、杞伯、小邾子于沙隨。《左傳》:「鸡冬,公會晉侯、齊侯、宋公、衛侯、鄭伯、曹伯、

管見:樂氏再錮,畏其多士也。以一亡四鋼樂氏也。」

也。 復燃 厚。 然。 謀,能不懷去根之毒。 七出 之必然。 何所不 誅,華元出 之故而再合諸侯,平公之爲政可 非公之意也,范匄之意也。 此蓋 苟惟其所 在乎君燭臧否,公章癉弘容,蓋 奔命,固 而 至。 後 樂盈 己。 危道,故二會皆以公至之。 圃 孟 一赫赫 蕩 傾陷是聽,必使其死灰 子草芥、寇讐之喻 鳥 入于 Щ 窮 前 殺,巫臣 則 曲 日 喙,獸 事。 沃以叛,平公激之 權 勢 出 季友出 夫既工 相 窮 而 則 陷 子 知 以一亡臣 "; 自自 搏 重 而慶 也。 傾 不 存 古 事 其 壹 軋 理 得 忠 皆 歲 父 禍 之

公至自會。

楚殺其大夫公子追舒。《左傳》:「楚觀起有龍於子

南、未益禄而有馬數十乘。楚人患之,王遂殺子南於朝。」

道。 父,夷狄豺狼之性也。 其主,不能 管見:追舒事弱主而縱貪奴,蓋有取 然楚康不能訓迪厥官,而 威 刑 由己, 故《春秋》以累上 圃 與人之子 患人之奴及 謀 死 其 之

三月,己巳,杞伯匄卒。二十有三年春,王二月,癸酉,朔,日有食之。

爲文。

夏,邾畀我來奔。杜氏曰:「畀我,庶其之黨,同竊邑

葬杞孝公。

叛君。」

陳殺其大夫慶虎及慶寅。《左傳》:「公子黄愬二慶

乃還。」

陳侯之弟黄自楚歸于陳。

於楚,楚人召之,使慶樂往殺之。」

楚人見討,故黄奔楚。自理,楚直黄而殺會,畏黄之偪,誣與蔡燮通謀,以愬於楚。 管見:慶虎、慶寅,反覆之小人也。 鄢之

以

敢爲傑鶩者,亦由晉之自伐

也。

窮

逋

臣

襄

公

, i

伐晉,取朝歌爲二隊,入孟 秋,齊侯伐衛,遂伐晉。《左傳》: 之甲,因魏獻子以畫入絳。宣子奉公以如固宮。」 晉樂盈復人于晉,人于曲沃。《左傳》: 非君子之致,故歸以「自楚」爲文。 侯之無良也。 謂「人之無良,我以爲兄」,故黄再弟,病 也。陳侯有弟不能 楚也 二慶,黄是以 ,而繫之陳,不與 復歸于陳。 黄投身 門,登太行,以報平 爲 夷 夷狄,求免於難 理,使往理于楚,所 狄殺中國之大夫 然則殺二慶者, 「齊侯伐衛 「欒帥曲 陰之役 遂自衛 要 陳

争伯 於外。於是伐衛而遂伐晉,將以撓 而樂 管見: 晉侯再錮 盈于曲 也。 盈自 沃,其意使盈 其不 極適 ·度德 齊,齊侯拒晏子之諫 樂氏 量力亦甚矣。 作亂 ,齊侯皆與於會。 於内,而己乘 然 晉 齊 而 而 所 隙 納 既 圖

四〇五

7.

國,伯術卒以陵夷。 不急之行,以 於所往之國 以 遂權奸之私意。 激 亂賊之叛心。 《春秋》逆樂 平公暗於經 臣之罪 召諸 盈 之人 加 侯以 晉 病

伯 而遂齊侯之伐晉,蓋所以著亂 國之衰。

八月,叔 孫豹

「次」,非救也。」 先言「救」而後言「次」、先通君命也。」《穀梁》: 帥 師 救晉,次于雍榆。 「言「救」後 《公羊》:

何其切。 父》於獻子、《鴻雁》於宣子,所以求 管見:方魯之病於齊也,穆叔如晉,賦《祈 病晉,魯人苟爲 晉人是以 同 盟 有 之義 圍 齊之役。 ,振袂 而 往 於人者 及齊之 口 也。

之師,方且舒徐於雍 門,登太行,張武軍於熒庭。 不勇於義、《 春秋》之所惡 榆之竟,是 也 豹 故 也 有 先 言 所 帥 畏 赴 救 難 而

而後言「次」,以著其惡。

晉有固宮之亂,不能

守其

四

] 竟。

齊人入孟

立羯。」 宿 己卯,仲孫速卒。《左傳》:「公銀奉羯立於戶側 E : 「儒 子長。1公銀曰:「何長之有? 惟其 才 也。 季 孫

紇 奔 邾。」 於季孫曰: 冬十月,乙亥,臧孫紇出 「臧氏將爲亂,不使我葬。」季孫怒,命攻臧氏,臧 奔邾。 《左傳》: 孟 氏 告

之計,自取 少,乃阿其所好,卒至公鉏之讐,遂 管見: 臧武仲人品 鍾,納邾亂 奔亡,不知修身齊家之學故 ,甚有見識。 亦高,如 及季 孫 諫 季孫 欲 廢 曈 作林 一豐點 長 也 立

晉人殺樂盈

爲亂, 管見:樂盈叛臣,故 以陷於罪, 辭。 何不以國殺? 削其「大夫」。 盈之惡大 晉激之

齊侯 襲 苔。

矣,故從衆

二十有 仲孫 羯 帥 四 師 年 侵齊。 春, 叔 孫 豹 如晉。

門,登太行,叔孫豹次于雍榆而不敢進。管見:臧武仲謂齊侯似鼠,然方其入孟

韓、趙、魏之族方且表裏交締、專權

古

寵

齊,姑以塞責於晉。魯人舉動如此,抑又至是齊侯襲莒無功,仲孫羯乃始帥師侵

夏,楚子伐吴。《左傳》:「楚爲舟師以伐吴,無功

鼠之不若也。

而還。」

秋七月,甲子,朔,日有食之。既。

字如楚乞師。崔杼帥師送之,遂伐莒,侵芥根。」齊崔杼帥師伐莒。《左傳》:「齊既伐晉而惧,使陳無

大水。

八月,癸巳,朔,日有食之。

子、滕子、薛伯、杞伯、小邾子于夷儀。《左傳》:公會晉侯、宋公、衛侯、鄭伯、曹伯、莒子、邾

家拂士,楚側目於南,齊恣睢於東,而范、管見:平公之時,出有敵國外患,人無法

會于夷儀,將以伐齊。水,不克。」

或 矣。 意多 於鄭,浸淫遂失諸侯,馴至夷狄 重弊於諸侯而宗下之心 失恩於宗社樂氏,晉公族。 而 而晉侯墻帷之慮淺。 夷儀之會,不遂伐齊,蓋 飲袵於楚。此會乃 離。 而 酩酊離披之漸 逡巡畏 本根之庇 大夫門户之 悼公之業墜 主 盟 縮 學中 移 薄, 禍

觀春秋事勢者詳之。

冬、楚子、蔡侯、陳侯、許男伐鄭。《左傳》:

管見:兵家之法,攻其所必。救齊必加鄭以救齊,次于棘澤。諸侯還救鄭,楚子自棘澤還。」

兵

矣。熊頵執宋、釋宋,熊旅圍宋、平宋,將哉? 虎視耽耽,其欲逐逐,楚之欲中國久於鄭,法固然也。然楚豈真有愛齊之心

1 「社」,丙本作「姓」。

② 「宗」,丙本作「宇」。

一楚伐

之。 此舉爲之張本。 離,故楚伐鄭以救齊。 固,而從晉之志不分。 大 乘 夫齊光之昧於擇術,亦晉人之失馭有以 挫,楚遂因 此 自是以後,天下始多故矣。 以争中 國之諸 此 不 天下 競。 侯, 平公失政,齊貳,鄭 之無伯齊之爲 救齊而後收鄭,則 而 蓋 城 諸侯 濮、鄢陵, 外 楚之心 繼 也 致 遭

公至自會。

陳鍼宜咎出奔楚。

叔孫豹如京師。《左傳》:「齊人城郟,穆叔如周聘,且

致寇至,是以有崔杼之禍。 言矣。齊光其有侈心乎? 雖然,負且乘,言矣。齊光其有侈心乎? 雖然,負且乘,

大饑。

爲之備。雖有水旱,國無損瘠。苟待荒而管見:救荒無善策,聖人知其如此,故預

書,其 善者。 導民儲蓄,時其發歛,以 焉者衆。」可謂曲盡細民情狀。 故長民者, 文帝曰: 忽意外。 後救之, 病備荒之無具乎? 積貯,天下之大命、《春秋》 斯 「爲酒 方其粒米狼 無 善策 膠以靡穀者多,六畜之食 矣。 戾, 凡人之情, 備 屑 饑荒 越 丽 ,此其策之 不知寶。 饑 狃 歲 目 必 前

夏五月,乙亥。

二十有五年春,

齊崔

杼帥

師

伐我

北鄙。《左

在病我則速歸。」」傳》:「公患之,使告于晉。孟公綽曰:「崔子將有大志,不

就之。」 夏五月,乙亥,齊崔杼弑其君光。《左傳》:「齊

遂

棠

曰:光若無淫行,便有人君之德。當初,人亦知之。使光不宣淫,其事終可已乎?

之役,先 何緣 崔杼立他,其意亦欲左右扶持,以永終譽, 便 有 驅、 弑 械 前 軍。 ? 但 申 他 驅、次軍。 是 不 好 人,如 貮 廣、 伐 副 車。 衛 器

以及之爾。 故 臼、齊商人、晉 士,是甚麽舉動 啟、左翼。 無宇如楚乞師,是甚麽主張? 有逆志。 胠、右翼。 然則 後 州 來 ? 蒲 光 驟 及既 大 有 如 殿 般。 惡德, 宣 後軍。 伐晉 淫, 崔杼 何 滋 ௱ 全用 以 不 窺見不 惧,又使 畢竟宋杵 能 不 勇 - 書「齊 平,是 力 好, 之 陳

陵民? 以 之,其操心 知造己者非 杼爲造己也,是以肆行無忌。 著其 罪。 曰: 社稷是主, 苟即滔 積 杼非 抑 仇己乎? 慮,不 又 (有説) 純 亦 臣 焉。 憯 書法若此,亦以示 乎? 淫 光之本意 已立之而又弑 而忘戒惧,安 然君民豈 故曰「 固 杼 以 以

也。

公會晉侯、宋公、衛侯、鄭伯、曹伯、莒子、邾

萬

世人

君之大戒也。

子、滕子、薛伯、杞伯、小邾子于夷儀。《左傳》: 晉 侯伐齊,報朝歌之役。 齊人以莊公説、賂 晉侯以宗器樂

一晉侯許之。」

者,王 發同 父,討 之奸, 憂也 説仇讐, 之災而縱崔 管見: 甚矣晉平擇術之不審也! 君之事,而 行貨賂, 盟 不能 亂賊,大綱 則所 以 則 則 貶之,見人類 人道 其 其 爲 獲不 杼之罪,受齊人之賂 惡 諸 禍 滅 何 侯 何 如 之所 矣。 綱,而 所 所不至? 其所亡矣。 不爲? 繋 同 晉 也。 吾爲 於禽獸 政若此,故 是教 亂 之 君 所貴 賊 父 圃 綱 而 人 莫之省 而 長 而 幸 乎 下 以 尊 大 齊 미 미 伯 獨 弑 以 以 君 夫 侯

子展帥車 六月,壬子,鄭公孫舍之帥師 初,陳侯會楚子伐鄭。 七百乘伐陳,遂入之。 當陳隧者,井湮木刊,鄭人怨之。 入陳。 《左傳》: 鄭

管見:此文,諸儒以爲無貶辭。 是時,

主。 借 侯、 日 鄭 陳 比事而 伯在 罪 可伐,而 會, 觀 丽 則 鄭大 L 其專輒之罪,不待貶 不禀伯 夫 帥 師 命 内 人人之國 不 由 絶 君

楚,非有他意。

札有得

國之分,

視棄千乘

秋八月,己巳,諸侯同盟于重丘

而

自見矣。

其 人與盟,特以前目 **管見:**承上文會夷儀之諸侯也。 書同 .盟」,則同惡之罪自見 包之者, 耻與賊爲黨也 此 蓋 齊

衛 侯 入于夷儀。

公至自會

不止。 亂 幸 間 管 一君,莫 處此,如子臧、季札可乎? ",有二衛侯。 ·見:突、儀之間,有二鄭伯。 而 名之」,立 然於季札來聘,又曰「貶其辭, 適 與 也 論 胡傳 。 皆 不 不 以 ,何爲 没 爲《春秋》惡 其 寔 確 不如 耳。 定 衎、 ? 是 君 國 剽之 則 子 或 日 生 亂 不 : 而

胡

氏

前

論

是《春

秋》名札,

特夷吴於秦、

楚屈建帥師滅舒鳩。《左傳》:「舒鳩人叛楚,令尹子 也,何 壽夢之罪,非札罪也。光之心,儀、剽之心 之節,其庶幾已亂之道乎? 如脱屣,舜之徒 有於札 也 然則 一,而 君子處此,守臧、札 可少哉? 吴之亂

木伐之。吴人救之、大敗。楚滅舒鳩。」 管見: 宣八年, 楚莊 楚共滅舒 庸。 是年,楚康滅 滅 舒蓼。 舒 鳩。 成 十七年, 自是衆

楚, 鳳 荆、舒 之地。 按圖 蓋北 《詩》曰「荆、舒是懲」,與「玁 功 舒盡於楚矣。三代盛時,荆、舒並 如 狄、 ,荆、舒界濠、滁,後來爲 此。 陽之明是也。 地 胡元帝中華,今之聲容文物,古之 也。 南蠻,並 春 秋 晉、宋之所 以時,荆 稱 驕 地運 始 桀,古人貴 謂 并 何常 綿 舒, 狁于襄」對言 溥 明太祖 形勢 一者,春 憑 其 陵 在荒服。 制服之 中 亦無 秋之 興王 國。

其衷, 啟敝邑心。 晉,晉人問陳罪。 冬,鄭公孫夏帥 「解順。」乃受之。 陳知 對曰:「陳介恃楚衆以憑陵我敝邑。 師伐陳。《左傳》:「鄭子産獻 有罪,授手于我,敢用獻功。」趙文子 天誘 捷 于

十有二月,吴子遏伐楚,門于巢,卒。《左傳》: 《左氏》引夫子之言曰:「晉爲伯,鄭人陳, 當知之矣。 鄭之意。《傳》之誣可知矣。 作《春秋》爲者? 非文辭不爲功。」夫以文辭爲功,聖人 蓋不至于申之會,以諸侯授楚,不止也。 晉伯日卑,君則姑息苟安,臣則偷合詭道。 能爲之功 之耻也。 陳功於鄭,無名之受也。 管見: 晉人問陳 而鄭專之、盟主之辱也。 鄭人之功,晉人當抑之矣。 晉不能討其罪 罪於鄭,無聊之問也。 詳觀書法,聖人卑晉 陳人之罪,晉人 而鄭討之,伯國 是時, (何用 罪 受

吴子諸樊伐楚,門于巢。 遏不戒而 聖人待夷狄,治以不治,蓋以 管見: 吴遏、楚麋之卒, 聖人略然之辭也。 見殺於巢,麋不明而 見弑 禽 機 畜之。

巢牛臣隱於短墻以射之,卒。」

一十有六年春,王二月,辛卯, 之,示萬世之戒也。 于《經》? 赴以國則從赴可 之未聞,宇宙内事有如此者,不 頵,閻殺吴子餘祭,吴弑 而已矣,不必索其隱也。 禽獸交玃互噬。苟赴以卒,《春秋》亦卒之 餘祭親暱 曰 : 刑人,自取殺身。 商臣以子弑 也,與 僚以 、書遏、麋之意同 其君 然則商 國 衛 父, 弒 僚 甯喜弑其 而 前 以夷故 天地之大 臣 何 不書,蓋 弑 此 以 於圍, 其君 有 特 略 君 或 書

政由 剽。《左傳》: 甯氏,祭則寡人。」甯喜攻孫氏,克之,殺子叔及太 「衛侯使子鮮以公命與甯喜言曰: ①「苟反

0 「公」,原重,據丙本删其一。

襄

秋 管 見

四

子角。」

欲樹新 崔杼、 之。《春秋》不稱「人」以弒,而以目崔、甯, 之,吾安死之。」大叔儀曰: 皆有所利,及其得柄在手,禍福之念動,又 君而弗定乎?」是崔、甯之罪,時人已能言 如弈棋。 之,其可乎? 崔、甯之君也。 爲之,殖也 立之, 剽群公子也, 殖逐衎而立之。 管見: 齊光無 甯喜君之者,光廢太子也,杼殺 君 弈者,舉棋不定不 ,反故君, 不 及 道,衛 故晏子曰:「人有 既君之,又弑之。 以 遺其子。 以 剽篡立、《春秋 固 其 權。 「甯子視 勝其耦, 然則 杼者 君 欲 光 初 况 不 君 親 特 而 牙 剽 君 置 意 不 弑 Á 丽 以

> 臣者。 失國之君等耳。 氏,祭則寡人。」是 者,可謂 暗,至於背信失約,臣殺,弟奔。 名之者,衛侯使謂 意,蓋與衛侯之歸 管見:林父書「叛」而不書「奔」、《春秋》之 在歸前 名,不忍絶其位。 面 此聖人之精意 困 成之爲叛臣 而不知」矣。《春秋》於其 患 有 甯喜 其 也。 得之念重,思終之志 位未絶,故 國 也 曰:「苟 歸則可 而 以做 不 自 夫後 反,政 爲 以不名,特 雖 政, 若 世 林 之爲 奔 衛 父 則 由 去 不 侯 甯 與

諸侯,將以討衛也。」 夏,晉侯使荀吴來聘。 《左傳》: 「晉人爲孫氏、故召

孫氏。」

傳》:「會于澶淵以討

衛

銏

一戚田

0

取衛西

鄙

懿氏六十以與

公會晉人、鄭良

、霄、宋

人、曹

人

于

澶

淵

企左

衛 甲午,衛侯衎復歸于衛。 孫 林父入于戚以 叛。

豈

不

深切著明者哉?

所以定萬世

一君臣之分,爲見利忘義之戒,

疆」。原誤作「彊」,據丙本改。

0

之鐘 微。 名分 利之不 於利。 於勢。 靖 而 ൬ 於叔向曰:「晉君 賂,魯侯使子服惠伯對曰:「君舍有罪,以 謀,不過 管見: 會,晉侯 理之在人心者未忘,故夷儀之會,晉侯受 可 源壅於天下,勢利之禍 奪者審矣。 補其 不悟,臣愚弄其君爲自得,使綱疇紊亂 小國,君之惠 公室衰替於上 聲,其害猶淺。 顛 足以 く関。 晉自 係屬 倒,人心 爲 在相帮助,自相并植 持天下之大道,莫堅於理,莫恑 孫氏 動 今爲臣執君,若之何?」 大夫執國,黨 人心之大方,莫深於義,莫 晉人不知擇術,君受欺 人,而義理之根於 止衛侯,齊國 也,寡君 陷 宣其聽於諸侯,恤 於勢利 ,私家放恣於 魏斯、趙籍、 塞於中原。 聞 奸 丽 命 蔽 義 子使 一而己。 矣。」澶 賊 理日 韓虔 下。 義 人, 晏 究 於臣 則 其 其 以 子 戚 其 淵 然天 理之 不 勢 私 之 淺 邑 益 患 爲

霄獨無解。淺意,良霄以伯國序宋上見,稱「人」爲尊君,先儒已辨其是非,而鄭良侯,其禍不可勝言。《左氏》謂此會,趙武

子爲亂,既與楚客盟矣。」公囚太子,乃縊而死。」師,而無寵。楚客過宋,太子野享之。夷戾聘,告公曰:「太秋,宋公殺其世子極。《左傳》:「寺人夷戾爲太子内

餘並

貶

而

稱「人」。

言而 讒者 不能 闇 管見: 父子,天性之至親也,然 廣,至於子 行,稱譽日 其子,皆以 座、漢之戾園、晉之遹、唐之瑛,至於父 不辨,蔽譽言 生疑,疑生忌,忌生忍。 一、必以 相保,不明之至禍也。 不察,固 弑其父。 至,如楚之商臣、宋之劭、隋之 反 讒 足以 逆 而 故疑,而嬖妾小人之所 不 誣構,故惑 傷恩。 知 其惡,將 然則爲人父者 委人言爲 晉之申生、宋之 之而 然亦有 有意 而 至 偏生闇 外 於 離 誻 之變 聽 天 以 恕 間 性 殺 讒 丽 不

間之。 《春秋》之子禍,稱父以 禍 就月將之際,不使之露聰明。 道 出 本之意,所以爲萬世慮者遠矣。 有潘崇、劉 見其剖决明敏,讒間之言何自而人? 楚客不享,博望之賓不通,賈后、林父不得 如何 何 於肘腋,此有國家之大慮。防微杜 所 問安侍膳之餘,不使之預 而 至 可 一哉? 濟、楊素以爲之羽翼,則弑 ? 日 其 究 慎擇 在君父之責 殺,稱君以弑 師 傅 曲沃不營, 外 勿以 事 而 漸之 逆之 乃正 憸 已。 非 日 人

其罪執之也。」 晉人執衛甯喜。《公羊》:「此何以不得爲伯討? 人當 管見:孫、甯之黨,始合終離。 同於爲利,所謂「小人同 兩討 之,乃爲林父執甯喜, 而 不 和 二者 觀其心迹, 則其失政 也 不以 晉

八月,壬午,許男甯卒于楚。

平、康之晉、楚適當其會。

蓋

天下事勢,南

可

知矣。

子産曰:「晉、楚將平、諸侯將和,不如使逞而歸。」乃易冬、楚子、蔡侯、陳侯伐鄭。《左傳》:「鄭人將禦之,

葬許靈公。

成

也。

《左傳》:「宋向戌欲弭諸侯之兵以爲名,如晉 夏, 許之。子木謂向戌請晉、楚之從交相見。」 衛石惡、陳 二十有七年 叔孫豹會晉趙 孔 ·春,齊侯使慶封 奂、鄭良霄、 武 楚屈 許 來聘。 建、蔡公孫 人、曹 告 趙孟。 人 、于宋。 歸 晉人

晉、楚未有 猜 撥,使輻輳 舌,托弭兵之名,以 管見: 宋向 而有葵丘 晉衰楚敝,導之以止怨息争,因 不 破 也 踐 而 其機。 向 戌之爲 歸之宋。 土之效,其深情 也, 華元 今也, 運動天下之諸 此計,其 有 無 志未 向戌 召 陵、 意 詭 就,厲、共之 言 欲 城 而 意,晉、楚 可 從 掉三寸 濮之勞 侯。 底行, 中 轉 乘

1

得

而

暴行隨之。

于申之會,舉天下歛

袵

當

時

諸

侯從

命如

響,豈

世

局

將

變,故

邪

説

彼,向

戊之

輕

慮

淺

[謀,其

罪

有

不

勝誅者

矣。

楚,宋人

亦在

其

中。

所

圖

如

此

而

所

就

如

遂

請晉、楚之從

交相

見,於是

中

或

北

面

於

戰場,事

無

中

變者

幸

爾。

既

開

其

端

楚

人

於宋、若我

何

是?」晉人意中

固

以

宋

地

爲

之甚耶?

伯夙惧難,趙孟

曰:「吾左還

人

收全功,爲桓、文所不能

爲之事,何不

自

量

闇

臣

侈

欲

僥

倖

於晉、楚之成

將

就

於

齊、

秦之合,

自

爲

地

主

以會諸侯,不大聲

一色而

《詩》曰

「不狩

不獵。」《易》曰

:「不耕

穫,

挽世道

於大同

之盛。

果

哉

末

之難

也。

不畬菑。」其宋人之謂乎?

國

亂

無

政,主

征

,况大道既

誰

能去兵」?

無

北合當如此,事理乃大不然。「天生五材, 隱之時,欲消弭 黄有蚩尤之戰 干戈,以 ,舜有三苗之 一言 意乎 ?

衛 餘請殺之。 夏,攻甯氏,殺甯喜。」 出奔晉。《左傳》: 「子鮮 日 逐 我者 出

奔晉。」 納 衛侯之弟鱄 我 者 死 賞罰 無 辜 何 以 沮 勸 ? 且 鱄 寔 使 之。」 遂

奔,戆 衛侯 所疑 管見 事之宜,則命之施,約之受,果已坦然而 則寡人」,此豈近於人情? 儼然南面 言之必可行也,行之必無弊也 不可守之信, 甯喜貪必不可 乎? 與 誤 衛獻公施必不可行之命,子鮮 喜,不足 之也 爲千乘之主,而 然則 0 論 甯之死,貪 衛 矣。 侯 之失 所 日 貴乎 信, 禍 「政由 得之利。 揆之心之制, 之也。 仁人 躁 鱄以君子 失 甯 (君子, 之也。 氏、祭 鱄 夫 拘 無 以 必

殺其大夫甯 喜。 《左傳》: 「甯喜專、公患之、公孫免

四 五

H

向日: 秋 七 勝言。 終,豈 門不 失其 庶幾 衛 非仁人之於兄弟也。 之大倫 信 不言,逡 姦,使臣之驕 行之,於是利 之貪,使公以 稱 月,辛巳,豹 者 侯 而 將盟于 「吾因宋以守病、 信 也,當 鄉 甯 兩 ,愚以爲責備賢者 一不兩^ 及喜專而 喜 乎? 衛 有感悟 宋西門之外,楚人衷甲,趙 巡 IIII 侯 不 國 全? 不 正言以 IIII 誅,尚可 若鱄 害叢 無 戢, IE 去,喜 坐,豈 ir, 其 及諸侯之大夫盟 刑。 何惧焉?」乃盟。 復 吾既 君之疑 公患之,獨不 國 禍 中,矛戟形外,其 者 匡公之躁, 殺然後去之,且 甯 甯 或 以爲 不然,難乎使君守此 率 此文先 可 ,譏鱄之失弟道 可 氏之妄約 爾言 以 謂守 解, 1 國乎? 正 戢。 孟 之,彼 則 納 晉、楚争先, 儒 辨 几 患,告叔 奉 君, 能 于 夫之諒 理 以 重 ൬ 身 託于 轉 宋。 於兄 悔 爲 乃 以 亦 君 以 向。 撥 專 緘 止 图 有 臣 也 叔向 [《]左 去, 弟 木 默 其 罪 君 然 甯 而 不 始 叔

常禮 分也。 於臣 則禮 柄下 乃先楚人。 曰: 之言 謁 南 細,而不足禀矣。 晉?」趙武不待晉君之命,决 也。」蓋子木不 齊、秦難之,是其 管見 『諸侯歸晉之德只,非 諸 北 「晉、楚狎主諸侯之盟也久矣,豈 脅 義 樂 移,於此 屈趙武。 之貢,托齊、 Ŧ, 今中 觀于宋之盟 君,夷 楚人 征 王 一伐,諸 非惟 國 言請 日 陵 可 不 及將盟,晉、楚争先。 敢奸其君之命,故 : 晉、楚之從交相見,趙 見。 夏,莫有 能 侯 釋 以 秦以爲 意欲弭南北之兵 歸 楚之權綱在 其尸 爲 不 尸 Mi 齊、 夷 夫 能 盟 知 盟 以 爲 也。」乃 晉、楚强弱之所 爲 秦, 之辭。 窮 狄 尸 細 也。 尸 大 且以 盟 他 於叔向之言 先楚 矣。 夫尸矣。 爲 上,晉之權 或 能 子 向 不足貴。 戌 請 其 晉君爲 以 木 而 楚 爲 禍 專 楚子 相 使 不 孟 猖 至 綱 見 馹 通 以 由

禍之首,趙武爲稔之魁。後世有慕銷

偃之

《春秋》前以趙武主會,此則楚 夏外夷之義著矣。特曰「諸侯之大夫」,而 以前目包之者,不與楚之主中國也 人主盟,特 而 内

在申酉,司曆過也,再失閏矣。 冬十有二月,己亥,朔,日有食之。《左傳》: 「辰

尊君抑臣之法行矣。

一十有八年春,無冰。

乃爲正月。 管見:據《左氏》「再失閏」,此年之三月, 周之正月,夏之十一月,而 無

夏,衛石惡出奔晉。《左傳》:「衛人請討甯氏之黨,故

冰,故書。

石惡出奔晉。」

邾子來朝。

秋八月,大雩。

襄

公

仲孫羯如晉。《左傳》:「告將爲宋之盟,故如晉也。」

冬,齊慶封來奔。

封也。 毫髮不漏。● 莊公之淫報,其禍足以殺身, 氏,又出莊公之黨。 管見: 弑莊公者,崔杼也。 既而殺崔氏,乃出慶氏之謀。 天道好還,積惡之報, 助崔杼者, 慶 殺慶

後世觀此,亦當知所鑑矣。

而崔、慶不忠不義之報,其禍至於亡族。

十有一月,公如楚。《左傳》: 公、陳侯、鄭伯、許男如楚。」

「爲宋之盟,故公及宋

609

十有二月,甲寅,天王崩。

乙未,楚子昭卒。

官得其人,能振共 後相子木,通好於晉,使中國諸侯南面而 管見:楚子昭,中才之主也。 王之衰,遏吴人之强。 初 相 子午,

0 「漏」,原誤作「漏」。據丙本改

之效,而楚之人才至此盛於前世也。朝楚。方之成、康,功業爲優。乃其得人

十有九年春,王正月,公在楚。 也。 弱公室也。有一國之謀,害及天下, 管見: 身之謀,害及其家,齊崔、慶所 有一家之謀,害及其國,魯季、孟 春秋之季,何人謀之不 臧 也? 以 宋向 所 亡 族 以 有

之主 于楚。 桃於鬼殯 卒從叔孫穆子之言,遂如楚。以赫赫 爲楚也」,宋公遂反,則其 而 屈 楚子昭卒,向 膝 ,此中國之大辱,臣子之深痛 於夷庭,方皇 戌 曰「我一人之爲,非 皇朝正之時 心迹露矣。 魯侯 宗邦 而 也 祓

> 以爲 之綱 自身而家、國、天下,其所謀者 楚,以正人君之名分。 見穆叔之言爲自誤,所以爲萬世謀 楚」,示不 名分,則功澤之所及遠矣,何 天下謀, 疇。 天下 則 謀 爲 没其寔,見向 如楚 也。 萬世謀,則 而 書「在 不 正其 苟知《春 楚」,示 戌之策 在 朝 楚 楚, 而 以 無違 不 爲 品 不 以 秋》之義 忘其 匪 安於客 存 品 於綱疇 也。爲 一彝, 所 中 淺 近 或

爲哉?

戌所以

誤

中

國之諸

侯

也。

於是諸

侯

旅

朝

庚午,衛侯衎卒。 夏五月,公至自楚。

闉

【弑吴子餘祭。《左傳》:

「吴人伐楚,

馬

以

爲

使守舟。吴子觀舟,闖以刀殺之。」

其職而 管見:官者之星,上應天象,是故 宦,宦人必不是端良。 設,帝世有之,周 不可近其 人,蓋 亦有閻寺之職 端良之人必 苟既近之, 其 宫 但 不 刑之 淺 雖 爲 置 閽

危,其

事非如間歲在

齊、晉之比。

故書「如

名分爲之顛

倒

事

夷

則

미

耻

居

夷

則

미

哉? 一小人謬於爲謀,使綱疇

爲之紊亂

「公如楚」、「公在楚」,豈《春秋》之得已

以 如 往 閬之禍,可 人君所以遠之而 爲之事。 非道 肺 喜其趨赴之勤 腑,至於流殃構 惑 其深 君 為親暱 心 者 將 ,使令之便,委以 不敢近也。 弑 刑人之戒。 有 逆殘 禍,莫知紀極,豈不 敗度敗禮,不當爲 忍,無不爲已。 春秋宋寺、 後世人主 心腹 親親 深 往 旲 此 丽

諸侯之大夫以城杞。」 (香平公,杞出也,故治杞。知悼子合人城杞。《左傳》:「晉平公,杞出也,故治杞。知悼子合儀、鄭公孫段、曹人、莒人、滕人、薛人、小邾仲孫羯會晉荀盈、齊高止、宋華定、衛世叔

可

漢夫!

鼓舞 義 及其窮 飭公義之意,直曰私 管見: 方伯 放辟邪侈,飭之以公道,此 國之諸侯而受齊之賂,不知其何以 世。 也,小役大,弱役强。 非 術之興,權 深於智術,莫能 與利 謀 而 功 已矣。 利 役之者無矯 假假 測 桓、文所 其端 晉平 之以 倪。 爲 以 大

杞子

來盟

此子服 乎? 術窮 嘆。 辭 聖人所以大桓、文之功而 道之衰。 而 將母之志 其何以爲命也。 而伯,伯 夏 也。 m 人心之不服,固其 肄 會十一 豈其 私 惠 是 變而 乎? 春秋之季,慮 利之情見耶? 伯 屏,此大叔文子所 日遺者彝器,姑兔爾弑君之罪 所 國之大夫而 夷,至於夷 以 夫 豈其曰 有 亂 舍罪之譏。 賊 (所也。 伯 不 平爾板 則 桁 春秋之初, 不能 治杞之城,不 討 害 之窮。 而 豈非矯 以 無 薄減 幹 貨 宗 有 不 益 賂 棄 周 至 夫王 不 憂 飭 或 不 順 之 Ŧ 之 此 恤 我 知

城

之罪

也

以有君,有大夫? 賢季子也。何賢乎季子? 讓國也。」吴子使札來聘。《左傳》:「通嗣君也。」《公羊》:「此

之事。 者也。 子蓋 管見 我 歟 陽城之避 之天下不 不 軒冕 出 蹟 博 樊之致 衰,觀國 ? 不能 後 可 儒 亦 而 而 廢,君臣 求 也 表 窮 意 有季歷之昌、發而敢以吾身爲太王之 籌之熟。 如之何 非 國,棄 非 吾而 故能 與 其 見 士 乎 而 、於此。」季札觀樂而 · 豈 以爲 理。 高 夫 合 薄 其 知 道與 果有舜、禹之德, V. 視宗國 得 之分 人才之臧 其 義 其 室 天之生聖賢固 《易》 舉天下 泰,况未必 節 於涵養者 亂 理 輕 而 心融, 耕, 不 莫 大 之 天 Ĭ: 也 可 倫 當 下 難 萬 則 否,其 理與 易。 乎 面 而 事 「深 其 蓋 不 其 易 愛 守 吾 皆足 立節 能 深 神合, 達 而 約 常 然 則 不數,安 非 明 知 識 節 通 分 毛者 也。 辨 舜、禹受堯 聖 風 守 父子 觀 以 者, 乎? 卓 人 非 於 蓋 化之盛 其 操 約 ? 河 識 之 聖人 守 知 之倫 銖 避 非 則 探 南、 徒 聖 諸 聖 其 視 約 其 季 迥 知

言之。 特以夷吴故名。 生亂 聘 之能 禍而 世謀 過,周公之過也,不 而 卵之危,而己倖倖然爲 闔廬之弑僚,在十二年之後。 興 季 天地之常 秋》之旨。 於兄弟之心,豈可逆料兄子他日未然之隱 失事,其子孫當有吴 讓 圃 廢 歷 必必 名,疑 之繼 非爲 不 臣 ? 有 札逃夷 而 以宜君之福 限 期 吾 經 使之監 夷 嗚 季 於 一己之潔身謀 愐 既 也,季 昧, 呼 札 萬 楚 不 昧之子僚,在 世之 以 敢 椒 同 武 從壽 以 子無間矣。 豈 此 亦宜乎? 庚,季子 秦 望 名 國。 身 其 之? 心 術 夢之命 兀 節 然乎? 爲 也。 以 夫之諒。 也。 無 屈 季 爲 意王 窮 周 狐 歷 十二年之前 然 諸 况 貶 非 聘不 庸 乃 公意管、 \wedge 則 其 儒 宗 夷 季 則 僚之能 微 春 爲合《春 於其 季 充仁. 辭 國 昧 子 ()故能 ·稱字, 秋》存 子 有 時 度 爲 或 來 之 君 蔡 累 不 萬 之

惜浮漚之浪逝。

若共姬者,造次顛沛必於

是, 豈非

深

識

理

欲之機

丽

默晤

死

生之致

冬,仲孫羯如晉。

有大事,子蕩助之,匿其情矣。」「穆叔問:"「至之爲政何如?」不告。穆叔曰:"「楚令尹將三十年春,王正月,楚子使蘧罷來聘。《左傳》:

婦義事也。J」 宋伯姬卒,待姆也。君子謂:『宋共姬女而不婦。女待人,五月,甲午,宋災,宋伯姬卒。《左傳》:「宋火災,

可也。 以理勝欲,其次則須防止水之自來。 老,避火而免於難。 火、《左氏》謂「女而不婦」。 是時,伯 管見:宋共姬,平公之母也。待姆而 人,有禮而 事之大關,惟達人視死猶生,其餘則 然所貴乎禮 己。 男女人情之大欲,惟 常人觀之,未見其不 ,謹微 丽 己。 所 死生 聖人 死於 貴 姬 乎 已

> 天王殺其弟佞夫。《左傳》:「儋括欲立王子佞夫,佞 乎? 爲萬世婦人之則。 卒」之上,録其死不失正,以爲萬世勸 昌宗得以穢 食其得以染壁衣。 曷若捐旦夕之命而 與其離 宸極。 須臾之禮 《春秋》書「災」於 吕后惟不謹於禮,故審 可全我之幽貞? 武后惟 圃 或凂吾之倉卒, 不謹於微 ,故張 此可 也。 「伯姬

贬之之意同。 之比,故以「天王殺弟」爲文,與劉刺公子之比,故以「天王殺弟」爲文,與劉刺公子寔主之也。其事非如王札子殺召伯、毛伯蹇主之也。其事非如王札子殺召伯、毛伯 夫不知。尹言多、劉毅殺佞夫、括、瑕、廖奔晉。」

王子瑕奔晉。

鄭良霄出奔許,自許入于鄭,鄭人殺良霄。秋七月,叔弓如宋。葬宋共姬。

襄

公

駟氏之甲伐而焚之,伯有奔雍梁。自墓門之瀆入伐舊北門,《左傳》:「鄭伯有嗜酒,爲窟室而夜飲酒,擊鍾焉。子哲以

駉帶帥國人以伐之,伯有死於羊肆。」●

甚於此 也。 之事,足爲 有大咎。是知大臣與國 良氏 從天所與。」將以卜天意也。天之存鄭,則 良氏 季札聘魯,過鄭,已先知之,殆天意之存鄭 則凶于而國 於伯有之庭勞不敬,知其 此意也,子産之見與魯穆叔之見同。 相攻,皆召子産。乃曰:「兄弟而及此,吾 管見:鄭之公族,七穆爲强。 必亡。 八爲點。 不然,囚君而 時。 明 子産蓋七穆之族,良氏、駟氏 書曰「鄭人殺良霄 良氏亡,是天去鄭 鑑。 國敗則家不能以 盟大夫,鄭國之難,未有 於是良氏亡,政及子産。 同體 無戾 獨存。 」,與其殺良 大臣驕侈, 國之疾矣。 於鄭,鄭必 七穆之中, 伯有 穆叔

冬十月,葬蔡景公。

澶淵,既而無歸於宋。不書,魯大夫諱之也。」武、齊公孫蠆、宋向戌、衛北宮佗、鄭罕虎及小邾之大夫會盱故。《左傳》:「諸侯之大夫會以謀歸宋財。叔孫豹會晉趙人、滕人、薛人、宋人、衛人、鄭人、曹人、莒人、邾晉人、齊人、宋人、衛人、鄭人、曹人、莒人、邾

事矣。 也。 也。 然《國 子之言意有在 管見: 孟子曰: 父者有之。 王必無褒姒之嬖,而平王 而《春秋》作。《春秋》,誅亂 自平王首滅大倫,於是臣殺君、子弒 使《關雎》、《麟 [風》多春秋時詩,深求其 夫婦之倫廢而《詩》亡,父子之倫 究其禍根,多生於淫亂。 也。 「《詩》亡然後《春秋》作。」 趾》之化行於天下,幽 所詩者,二《南》之詩 亦無 誅賊之大 召戎殺父之 (故,乃 此二 知 法 孟 廢

● 「羊」,原誤作「年」,據丙本改。

霄也有罪也,與樂盈書法同

1

王法之不舉。 南》化息之所至也。聖人慮王化之不行, 當時之亂 賊,王不能討 伯

事,而 不能問,而又縱之、賞之,是教人以弒逆之 人類 人於禽獸矣,故作《春秋》以 寓

王法。 於亂賊則必舉其重誅之案,而黨亂

賊者,必擬以從惡之條,如成宋亂、謀宋災

風化之敗,繼《詩》 日星,使 而不問華督、蔡般之罪。 人知 大綱大法之不 而作者也。 凡若此類,義 口 若夫屬 滅,所 解 以 比 救 炳

事之體,此條胡氏論之已精。

夏六月,辛巳,公薨于楚宫。 三十有一年春,王正月。

乎不返。 侵,三耦 朝,傾心宗輔,故能保兹拱璧,奄有龜蒙。 管見:襄公冲年嗣 及其伯國外弱 不能 若無榮成伯《式微》之賦,將與鄭 具 7;權 (其數。 臣 位,國步斯頻,稽首伯 内 晚 ,興,四 年 屈 鄙 膝 無 夷 以 庭,幾 遏 其

突、衛衎同科,乃作楚宫以彰其耻。

昏庸

若是,魯國無卑得乎?

秋九月,癸巳,子野卒。《左傳》: 九年矣,●猶有童心,君子是以知其不能終也。」 「毀也。

公子禂立

己亥,仲孫羯卒。

冬十月,滕子來會葬。

管見: 諸侯將會葬、《春秋》特謹書者,

嫌

於亂 王禮也

癸酉,葬我君襄公。

十有一月, 莒人弑其君密州 管見:《左氏》於莒弒其君庶其及密州,皆

云莒公子僕及展輿爲莒人

所廢,因國

人以

《傳》也。 弑之。先儒謂 子弑父,大惡,《 以 當作之、蓋 春秋》豈作 信《經》 隱 不信 賊

之文乎? 儒者作文於綱常名教處,下一

0 禍」,原誤作「稠」,據《左傳》改。

字切要處仔細。不然, 莒案《經》之所書若字切要處仔細。不然, 莒案《經》之所書若被, 與著 萬子 有罪, 故此, 《傳》之所記若彼, 疑若 萬子 有罪, 故此, 《傳》之所記若彼, 疑若 萬子 有罪, 故

1

元年春,王正月,公即位。

叔

孫

豹

會晉趙武、楚公子圍、齊

弱

國、

宋

向

也。楚令尹圍請用牲,讀舊書,加于牲上而已,晉許之。」虎、●許人、曹人于虢。《左傳》:「會于號,尋宋之盟戌、衛齊惡、陳公子招、蔡公孫歸生、鄭罕

楚先晉 之戰,宋 管見: 雖子魚之諫,不以爲然。宋之盟 仁義之爲 久矣王道不 襄 美而 虢之會,仍讀舊 不拎二毛,自 不 知行 明,人心不正 仁義有其道 書, 以 爲仁 自以 義 一,趙武 爲 也 者 知 也 泓 有 讓

> 夏,中 春秋 以 謂仁. 也。 此 謂 彼流泉,淪胥以 富,我以 之度,方 外,曾是爲仁義乎? 中,登盗 子固以仁民 心,然讐則 食 仁. 權 之時 人 讓 義者,豈其養稂莠以害嘉穀,縱 度者。 義之所 或 類,如 仇讐於坦 吾 之讐也。 賊 且 ,詭詐當 以 於明堂 不與之共戴 爲德,然賊 天 由 宋 . 吾何慊 聖賢之言 無 、敗而 立 襄、趙武之不知本 路而 也。 途,權謀 不覆,聖人 其操 丽 不自覺 失其輕重之權、長 使之擯己 使之推 乎 荆 心 則 矣。 ,哉」? 藉 積 楚 不 塞路 口 也。 僭 慮 民 與之同 固 己 日 。 盗 E 吾 本 聖賢 一於門 以 此 於 「彼 一,剪 同 體 所 荆 賊 者 '胞矣。 胞,君 牆 禽獸 之所 以仁 乎? 以 棘之 之 滅 天 以 之 爲 爲 如 其 諸 短

「罕」,原誤作「罩」,據《春秋》改。

者也

雖祁午之言,不以爲耻

此

其

心

桁

義

爲

可

慕

之羊肉。

有

慕

焉,反爲

不熟

之稗

之差,殆夷子愛無差等之見,而

不

知其

所

0

昭

公

四二五

許之,乃免叔孫。」 會,楚告於晉,請戮其使。 此,何常之有? 一月,取耶。《左傳》:「季武子伐莒,取 使後世之慕行仁義者,當知其本而求之。 國之所望者,伯也。 荑,此夫子不能 莒之疆事,楚勿與知,諸侯可無抗也。」楚 不 趙 傷 孟請諸楚曰: 存晉、宋於荆楚之上 乎周 道 也。 「疆場之邑,一 鄆。 周衰,中 莒人告於 彼

焉? 惡,謀宋災 彼一此,何常之有?」主 **管見:**趙文子謂楚人曰:❶「疆埸之邑, 不 ·知當 而 時爲政所辨 不 討 則 綱 常不 齊 何事? 盟者, 必辨矣。 誰 弑逆 能 大 夷 辨

常弭 矣。 疆 夏大防,先楚 理 大 也 日 (事,釋 ? 弭 兵以息諸 日 務 魯罪 人而不較,則名分不必辨矣。 德 以 而 侯 寧 不問,則 而 中 干戈不戢,則兵何 或 ൬ 邦 小 國 弱 不 不 必 恤 辨

則德

何

常

務

也?

但

見

今日

會

盟

賦

詩

以

觀

大夫之志,

來日

宴享,折俎以樂嘉賓

0

賢,謂之何哉? 侯,請 卑,武之得罪於中國 下 於事理之正,將七十餘年之伯業斷送於向 戌之一言而 豹則可矜,宿豈無罪? 之心,以 極是至當 戮魯使,方且巽言委曲 爲 天下無 不顧。 之理,都 故凡 復 也大矣。 事矣。 胡 蓋其志墮知昏,魯 事 亂 淪 看 胥委靡 楚人 惟 去。 論者或 恐失之。 晉 氣 把 以 凌 伯 諸

千乘。」 桓,如二君 夏,秦伯之弟鍼 於景。 其 出 母 奔晉。 日 一弗 去,惧 《左傳》: 選。」鍼 秦后子 適 晉, 有 其 寵 車

國,或 則 不書,蓋 管見:春秋諸侯,多使其庶子分仕 書。 以同盟之誼 \sim 傳》 出 仕 載 常 秦 事 伯之弟 ,或以 也。 惟 姻 鍼 出 姬 適 奔 之親 晉,其 非 常 〈經》皆 事 車 於 T 列

1

疑若仕 故 晉,安得車徒如此之多。 龍於桓,故 也。 以 而非奔者。《經》書「出奔」,則非無 理 惧罪 論之, 鍼既 丽 出 奔 晉。 惧選於秦,適仕 意者秦伯忌其 秦人因 以 其 罪 有 於

告於諸侯,不稱「公子」而稱「弟」,著其兄

之不友也。

敗之。」 遇又阨, 大鹵。《左傳》:「崇卒也。 六月,丁巳,邾子華卒。 以 什 共 車必克。」乃毁車爲行, 將戰、魏 晉荀吳帥 舒 日: 未 「彼 陣 師 而薄之,大 徒 敗 我 (狄于 車 , 所

周 卑耳 漸 理勢之必然也。 管見:大鹵之役,毀車崇卒,胡 也 車戰法亡。 開 衰,慢其 然則 Щ 亦亦 戦 其 用 終是 經界,井田之法壞 崇尚步卒,皆此等啟之,然亦 事非自魏舒始也。 馬步,不 行 蓋車戰之法,本於井田 不 得。 用 車乘 管仲 則阡 阨 伐 氏謂 非徒不 Щ 陌之道 一戎,至 後 世 미

莒展輿出奔吴。

其 管見:去疾、展 者之有國皆非正,齊、晉與有責焉。 不稱「公子」,展興不 不問,是有國 不能討 君、蓋《春秋》寔 國 也 賊,藉齊人之力而 展輿爲 丽 録 出 輿 弑 以 八皆以 奔 者 著 也。 所立 稱爵、《春秋》 齊、晉之罪。 國氏 以二君 得 ,晉人與其 人, 嫌於一 自 鬭, 以 莫適 或 去疾 去疾 文 爲 Mi 國 兩

與也。

叔弓帥師

疆

鄆

田。

者。 著之制。 之,若曰 與「取」 管見:春秋 以 一而已。 亂道守之,以亂法據之,直 引其 令,王伯之令也。魯人之無忌 滅 封 此則以 國 疆 取邑多矣,未有書 而樹之官。 亂道守之,以 舉之表 書 治 法行 旗 滅 疆 憚 而

7.

甚矣。 楊雄曰: 於大夫。 器授諸侯也。 者,誰能辨焉? 常之有?」封疆 不紀,雖有羅網,惡得一日而正 晉人日 君子爲國,張其綱紀。 叔弓疆 諸侯又不能爲其 :「疆場之邑,一 之削 是自壞其紀綱, 田,小人而 何國 顛 乘君子之器 有? 諸 綱,而其 如綱不綱,紀 彼 侕 以王伯 主齊 此, 權 也。 盟 移 之 何

遂殺其二子。靈王即位。」 冬十有一月、己酉、楚子麋卒。《左傳》:「楚公子葬邾悼公。

弑之。」 疾,縊 有説 從赴 未出 管見: 焉 也 竟,聞王疾,反,問 而 楚麋之弑,《左傳》云: 則 弑之。」《 韋 從 弑狀甚 赴 曾 而 人 明。 戰國策》亦云: 不 預 索隱 夏盟,緝 ^ 春 疾,遂以冠纓絞 外外 秋》乃 夷略 蒲 「公子圍 以 爲宫、設服 之也 卒 韋 聘 人問 書 王 鄭 抑

未必。 미 遂爲 弑械 弑逆 問疾 臨崩、太宗入侍之事,可謂得《春秋》之旨。 載楚圍之事,不能必其 死,便疑問疾之時,果有 宋太宗 縊之乎? 太麄莽。 離 口 夫《春秋》,刑書也 二子,其可 也 薄 桂之《史纂通要》、陳陘之《通 衛 中 減 萬 而王卒,其 圍 ? 世疑 燭 後來見宋后之不成喪,德昭之不 司 則何辭? 國大夫莫 《傳》何不記其同事之人,抑圍 馬 影 朝入宫問 疑二 果 冠纓而 獄。 光《 斧聲之事,情 無 也。 可疑 涑 耶 然則《左傳》、《 遽 水 不 然圍 豈 疾,便 絶 紀聞 弑逆大惡,果有耶,豈 也。 知 以 可 無,亦不 其 心 其 輕 弑逆,其案成於胡 於 命, 家不 有 以 與 有 聘鄭 加 王卒而遂殺 可 冠 事 無君之心矣。 亦甚 ? 曾 一敢信 戦 觀 疑 纓絞王 之時 説 然則 鑑 之, 國 容易 丽 及 續 其有。 策》所 未 加之 太 從 理 編 一, 殊 也 祖 掛 得 或 親 其 有

使諸 專信《左傳》而穿鑿其 條法,强 胡氏謂略不書「弒」,謂于申之會,故不 曰:「《春秋》之書,聖人有言外之意。」苟 侯主 有力者得 於 篡逆之賊。 脇 脯 義,恐有窒 然則《春 隱 之耶? 秋 丽 朱 不 討 子 欲 通 賊

楚公子比出奔晉。

處矣。

且告爲政而來見,禮也。」 二年春,晉侯使韓起來聘。《左傳》:「韓宣子來聘,

夏,叔弓如晉。

公孫黑皆公族之强,小人之尤,必可除之輪彈之用。時鄭之大夫如良霄、公孫楚、鬭,不施陷阱之勞,隨蟲鼠之自然,無意

是雖不 是也。 氏,又因 則其黨離 癉惡之典,所損多矣。 知,授之相殺之機,爲所授 四凶之罪,兩觀之誅,公平正大之體,不 色敗,則其黑之力以傾之也。 蟊賊也。 而其黨自斃於下,可謂 而數之,蓋使之反 見 夫陷之必死之地,爲所陷者由 | 駟氏 其 而 急討之則其黨合而 :國靖。 知 與諸 名 勇 面 大夫之欲殺之,然後從 於是良霄以 功, 相 攻,其 有政術矣。 故公孫 以 得 者昏 罪 《怨不 國危,緩 及黑欲去游 黑雖 於 酒敗,楚 以 E 歸於上, 然揆之 室,而 有罪, 取 圖之 而 敗。 如 不 以

儷也。」公還。季孫宿遂致服焉。」
「晉少姜卒,公如晉。及河,晉侯使士文伯來解,曰:「非伉冬,公如晉,至河乃復。季孫宿如晉。《左傳》:

《春秋》猶以累上爲文。

紀大事也,聖人惡無從之涕。魯自襄公以管見:朝聘大禮也,君子羞不度之行。喪

端 矣。 四維不張,國乃滅亡。」昭公失國之兆,其 及河而返,則其 私、欲親 禁,魯人辭而不弔可也。 之喪赴於諸侯,是以妾爲妻,自犯葵丘 時,遽以少姜之喪而 朝夕在庭,猶 來,如晉無有限度。 殆見於此乎? 《管子》曰: 致以 有 小君之隧。 説 非禮妄行,取 一禮 也。 如 借日 義 晉。 昭公方除 廉 乃以伯主嬖妾之 以小事大, 晉人辭 耻 使晉· 一,是謂 辱鄰 入以 喪人 非优 國 四 亦甚 小 覲 敢 儷 維 之 之 君 不

三年春,王正月,丁未,滕子原卒。

夏,叔弓如滕

五月,葬滕成公。

秋,小邾子來朝。

八月,大雩。

冬,大雨雹 北燕伯欵出 奔齊。《左傳》:「燕簡公多嬖寵,欲去諸

四 大夫而立其寵人。燕大夫比以殺公之外嬖。 下。 以見人 燕」,是燕之於齊,猶陳、蔡之於楚也。至 或病 事,燕皆不預,蓋齊之私屬也。 管見 書之也。 是北燕伯以大夫之難奔齊,乃書于《經》, 見於《經》。 燕,齊桓爲之伐之。 傳》稱「子雅放高 燕自 君失國出 自是燕事始間見於《經》矣。 桓公十二年穀丘之盟,至是再 中間更迭二伯,會盟侵伐之 奔事 非 細故,有告則 止、蒲 自是燕在齊之宇 莊公之時, 盧 公惧,奔齊。」 嫳于北 謹

豐 日: 觀而出之。 面 震。 年春,王正月,大雨 『雹可禦乎?』對曰: 雹之爲災,誰能禦之?」 今藏川澤之冰,棄而不用,風不越而 「古者日 **雹**。《左傳》:「季武子問於申 在北 陸 圃 藏冰 殺 雷不發 西 朝

管見:春秋術數家言災異之應多有 如周之叔服 、萇弘、晉之卜偃、師 曠,鄭之 恐合,

而

言鄭火,梓慎言魯水之類, 其所言將來之事,亦有時而不合。 蓋 災祥,或驗八風之音律 上 加 星孛之分野 裨竈,魯之梓慎,●或推五行之妃偶而卜其 處 識 精於術而 也。 其存 是故儒 Ļ 暗 mj 料其生死,或測 於理,詳於數而 至於 者莫要窮理。 災異之感,邈 m 知 則 其 術 昧於義 日食之運 强 理之所至, 數有 焉 弱, 如裨竈 無 推 或觀 知。 然 不

邇 不用善,則自 何也?」對 象,不可知也。」日食,晉平公問於士 陳、鄭災,子太叔欲用裨竈之言,以瓘斝玉 曰:「《詩》所謂 義 「天道 、禳火。 非 亦至焉。 所 可必乎?」對曰:「在道。國 及也。 子 日 宋災,晉悼公問於士莊子曰: 産 : 取 弗與,曰:「天道遠, 一彼 不不 灶 謪 日而食,于 安 于日月之災。宋、衛 善政之謂 知 天道,是亦多 也。」 何不臧 或 文伯 亂 無政 一者, 道 無

> 石所 過。 晉梁 義理發 命。 則災異日去,福禄日來。 秋》之義,先修人事 孤虚旺相之屬,此劉向所以不 者流之下矣。夫以天數 雹,申豐以用冰勸武子。 之何損?」此 爾。」齊有慧星,齊侯使禳之。 晏子 無 益也,祇 以 以天道爲茫昧 Щ 君無穢德,又何禳焉? 誤 出 崩,伯宗以素縞對景公。 來。 神 宗 取 四君子,不於術數起 要之,格致之學不 誣 而 基靖 也。 而抹 ,而後 天道不滔,不 康 搬乎災異,此 其見 以天道爲定命,❷ 爲印定而 之禍。 董子天人三策, 若德之穢, 又在 能 王 苟 見,直從 外乎此。 魯大 拘泥 一成帝 術 明《 王安 數 E 春 之 於 家 B 穰 其

● 「定」,乙本無此字。

蓋深得聖人之奧旨矣。

四三

申。 子、 之盟,君其何用?」王曰: 之享,商湯有景毫之命,周武有盟津之誓,成一 有豐宮之朝,穆有塗山之會,齊桓有召陵之師,晉文有踐 胡子、沈子、小邾子、宋世子佐、淮 楚子 《左傳》:「楚子會諸侯于申。 蔡 侯、 鄭 伯、 「吾用齊桓。」」 許男、 椒舉曰:「夏啟有鈞 徐 子、 有 岐陽之蒐 滕 夷 子、 會 于 頓 臺 土 康

者聽 法乎 爾。 弑之罪 其 國 前。 夷 君子,無奈楚 叔 秋》以恕待人而 屈 管見 也。 旅之,恕其 向、鄭子産、宋 天所 諸侯會申 ? 至 愚 ",使 竊 胡氏 申之會,此夷狄之甚盛,中國之大 變於夷 ^ 命。 謂聖 君 謂 事 中 何,故《春秋》爲之隱楚虔 日: 楚主中國,天之命也。 楚麋書 人筆削、《春秋》果若 而 責備賢者之意。 賊 或 與 向戌,皆諸侯之良也 不 淮 不 之罪,而 較,聖人 聖 夷 爲 「卒」,不革其 人範圍 累 逆 數 賊 寓 以 於後。 所主,姑 責 天 蓋 天地而不 備 自 是 以爲 之 僞 此《春 處 赴 其 以 意 一時 篡 賢 謀 晉 於 屈 云 淮

之義。陽變爲陰、柔遂乘剛、孔子爲此惧、

盟,叔 之龍 否、剥 人成 過。 能輔 遂至 是 位 圃 中國諸 乾之「元 極之所由立也。苟臣 合諸侯之禮六,子産獻伯、子、男 變乎?「天地閉,賢人隱」,一時賢者 六,安於夷狄爲中國主,而不知天尊 飛 反爲陰所 ,中國四夷之防,如天地之不可易,此人 一於與 位 範圍 是君爲安攘之計, ,不得爲飛在天之龍,豈 龍 向既倡爲 而 乎 侯與淮夷累數於後。陽不能統陰 不 亨」。 其 淮 云 變爲「牝馬」,乃坤之「貞吉」,非 可爲已。 中, 夷 統,此牝馬之貞, 者 並 失 長楚之議。 丽 天 列,乃坤之極 其 人極 尊 所謂 於是楚子主會於前 地 爲君綱,夷爲夏主 立 則去之可 卑, 焉。 範 乾 至 圍,其效至於 以順從爲 非天 是 坤 君 加 會 向 也。 爲 臣 位 地 戰 戌 上 矣 公之禮 之大 地 宋之 荷 于 下之 獻 卑 野

《春秋》所 以直書 妨於從 其凡。 赴 而 以 書。 作也。 略而不爲隱,以爲萬世事 諸侯之主虔,其 虔之弑 君,其 迹 事 ,暗,不 顯 是 夷

之戒。 春秋》隱楚虔之弑,而恕諸 荷以 不校於夷 爲賢者 君 聽天 子 之罪 所 命 則

也,而 許衡、仕元當從責備之例,非 可乎? 要之,說《春秋》甚難。 名教之罪 朱子 人

曰:「儞如何知得他肚裏事? 須是己之

心果與聖人之心神交心契,始可 以 斷 他 所

書之旨。 不然,未易言也。」 真足以 知《春

秋》矣。

楚子執徐。

秋九月,楚子、蔡侯、 沈子、淮夷伐吴。《左傳》: 陳 侯、 楚子以諸侯伐吴,宋華費 許 男、頓子、 胡子、

遂、鄭大夫從。」

執齊慶封殺之。 一若有 齊慶封弑其君 者乎?」慶封曰 《穀梁 王以慶封令於軍 . 「有若楚圍弒兄之子 中 日

> 使公子棄疾城之而 還。

遂滅賴。

《左傳》:「遂以諸侯滅賴,遷賴於鄢,

遷許於

管見 争伯,借齊慶封。 無玷討有玷,出於衆人之樂從,故 售其争諸侯之計。 楚莊 欲 圖 伯,借陳 幸中 然楚莊無玷者也。 -國有 夏徵舒。 可借之人,以 其 楚靈 殺 徵 欲 以

君以 事 舒也 子與從諸侯於前,繫以殺 仇共憤之心,爲天下討亂賊之意。 有罪,則其從之者畏其 則 見貶。 ,繫以 其毁公行私,恃衆暴 衆人之辭。 楚靈有罪名者也。 及其 (威,而助之非 齊 寡,二罪 慶封 陳,始 遂滅 以 故目 有 並 賴之 有 罪 不 可 楚 同 其 執

意也

掩,又不

得

與

、楚莊

同

科。

此《春秋》之精

圃 九月,取 來,故曰『取』。」 鄫。 《左傳》: 莒亂,著丘公立而不

四

人

目

孫卒,牛立昭子而相之。」雉。問其姓,曰:「余長子矣。」召見之,號曰牛,使爲豎。叔去叔孫氏。及庚宗,遇婦人而宿焉。既立庚宗,婦人獻以冬十有二月,乙卯,叔孫豹卒。《左傳》:「初,穆叔冬十有二月,乙卯,叔孫豹卒。《左傳》:「初,穆叔

范宣子逆之,問焉,曰:「古人有言『死 也 君 三拜。 始晉侯享之、金奏《肆夏》之三、不拜、工 齊,故魯人立爲大夫。 有立言、立功、雖久不廢、此之謂 不朽」,何謂也?」曰:「太上有立德,其次 見之樂,臣不敢及; 以享元侯,臣弗敢 奏《文王》之三,又不 管見: 叔孫豹者,得臣之子也。 可,敢 也,敢不拜 不重拜?」是説《詩》甚 晉人問之,對曰: 嘉 ?《四牡》,君 與聞; 《鹿鳴》,君所以 拜 ; 觀其兩聘於晉,其 「《三夏》,天子所 《文王》,兩君 歌《鹿鳴》之三, 次第 所 兄僑如 以 不朽。」真 勞使 敏 嘉 丽 後 臣 寡 相 奔

見得可久可大之事業。

蓋博學審問之君

人之數也。

穆子窺見心迹,既以「政將及

狼猫。 子也。 士矣。 蛇。 不能慎思明辨之所致乎? 審問,慎思,明辨」,少一於此,難爲全德之 比之匪 邂逅 乃以庚宗婦人之故,弄出竪牛 相 人,馴致辛螫挑 遇,不思深山 子思日 蟲之禍。 大澤,寔 「博學, 生龍 豈非 一段

分公室,季氏擇二,二子各一,皆盡征之,而貢于公。」 乎? 也,一 魯,礙於三家,故 堪從大國之貢,故減 室之權,倍孟、叔二氏之禄,然後足其 軍 各有其一,然其意不 管見:險哉,季孫宿之用心也! 減 爲二軍。 軍 蓋三軍,魯國之舊。 更爲二軍。 中也,二軍復 陽復中軍。 爲二軍。 在與孟 朝三暮四,祇 齊、晉之伯,不 一、叔平 爲 三分公 季氏 三軍。 初也 不覬 分 在 室 奪 其 所 丽 意 公 終

五年春,王正月,舍中軍。

《左傳》:

「卑公室

也。

四

此

《公羊》以爲復古、《穀梁》以爲復

三軍之作也,季氏盡征之。叔孫氏臣其子之必舍,爲之要盟以冀其法之不復變爾。 云諸僖閎,詛諸五父之衢,則已預策其中軍 知子,子必不能怵之」。既而武子固請,乃盟 忠

意,直欲終穆子之身,然後其法乃變。於其十二分之五,卑之而未甚卑也。武子之弟,孟氏取其半焉,是軍賦之人公室,猶得

是穆子卒,舍中軍,四分公室,季氏擇二,

以分謗於穆子,不知人之視己,如見肺肝。之殯曰:「子固欲毁中軍,既毀之矣。」將盡露矣。又不欲尸此謗也,乃使告於穆子二子各一,皆盡征之而貢于公,宿之心迹

然,田氏六卿之禍已作於定、哀之世矣。天未厭周公之德,激而爲家臣之内潰。不二,而各以一分授二子哉? 其不遂篡者,

充此心也,不至於篡魯不止,豈但自擇其

不良之心,無所逃於萬世之誅矣,何正之叙事爲詳。考《經》按《傳》,則季孫宿陰險皆不見載籍,不知季氏之本末,維《左氏》

足云?

公如晉。

非卿而書,尊地也。」 夏, 莒牟夷以牟婁及防兹來奔。《左傳》:「牟

從其 討、蓋齊、晉之大夫爲之援樹。 權未去,雖大夫欲自行并植,未 管見: 自襄公以 於魯國 人。季氏專魯,於今四公,魯公不得 之三卿,雖 不於他國 類 中, 也 而 有篡國之心而未 故敢 必於魯者,是時,齊之 季 氏 爲 來,邾、莒叛 招 逋逃者 納 叛,不 必以季氏爲歸, 露,且 人以 季氏於魯, | 惲大 敢 田 地 其 輒 一氏、晉 出 國之 爲 納 君 奔, 政 威 叛

積。 魚石 失 爲 一荷 自 政 爲 於彭 於 致 家 後 是 然。 脇主 義 篡叛之臣,接迹 城。 之 加 自 先 地 晉 季氏 人受戚 也。 利,不奪 效尤,其 推 於 原 其 不壓」,其 於 林 父, 故, 世 來 非 故 亦 孟 楚 猶 斯 日 子 人 伯 之 之 日 納 或

來討,不設備。叔弓敗諸蚡泉,莒未陳也。」戊辰,叔弓帥師敗莒師于蚡泉。《左傳》:秋七月,公至自晉。

「莒人

謂歟

岸。是行也,吴早設備,楚無功而還。」伐吴。《左傳》:「楚子以諸侯及東夷伐吴,吴人敗諸鵲冬,楚子、蔡侯、許男、賴子、沈子、徐人、越人秦伯卒。

之禍至滋蔓於中國,則晉、楚不能 利害論之,以夷攻夷,未爲 制吴,既 管見 晉景公通吴 mj 人 郢者吴,滅吴 以 制楚, 失算。 楚 者 越。 靈 E 然 辭 就 通 其招 蠻 越 夷 時 以

> 胥於夷 狄之。 封豕 同,而 法亦 於夷 自 啟 甚。 寇之責 冰至。」觀吳、越堅冰之至,其當謹 長慮,不能無感乎此。 而晉、楚 鍾 釁 (狄,則 一楚爲 異、皆所以著吴、越之强也 離之會始。 長 之罪,又重 骨肉 矣。 越之驟强 蛇 狄 衰,春秋之伯 之毒 既 累數而「人」之。 相 中國 夫吴、 久。 殘,虔 遍 於作釁 中 ,自伐吴之役始。 病、《春秋》猶深斥之,况 語 满 越 或 劉 其 固 於華夏 猶 局變矣。 《易》曰:「 其民,暴 僭 『皆聖· 矣。 能 王 爲主 事體 之 人之 故 而 罪 吴之驟 不 , 則 虐 聖 吴、 不同 口 後 夷狄 履 人 比 履 殊 遏, 會而 經 楚 霜 霜 越 與 然 强 之 堅 世 强 書 則 爲 楚 淪

戒

歟

夏,季孫宿如晉。

惡之,華合比曰:「我殺之。」柳乃坎用牲埋書,而告公曰 宋華合比出奔衛。《左傳》:「宋寺人柳有龍,太子佐 比將納亡人之族。」公遂逐比。」

貴。 之不早。 寵 禍,咸其自取之爾。 謀以圖之。君不密則身弒,臣不密則 禍者廣,終爲國家之患也。 己之謀,亦無不 防人之傾己者,宜無不盡其心,而害人益 訓注是也。 之所禍者。 管見:從古人臣謀誅宦官,未有不爲宦官 去之不得其道爾。 春秋》以自奔爲文。 無所 富貴外物,賊其身以求之而 不爲。 及其勢足陵人,權能震主,然後 宋之華合比,漢之何進,唐之 然則宦官不可去乎? 故君子不近刑人,防其 極其 夫宦者,贼其身以求 華合比爲寺人所 苟知此義,但當慮患 致。 苟可賣國 豶豕童牛,遠 不顧 日 以 : 則 求 賈 富 貽 患

> 《春秋》之罪人也。 何進、訓主之徒,害其身以及其國,夫亦 於早,待小人不惡而嚴,其禍何所至哉?

秋九月,大雩。

令尹子蕩帥師伐吴,吴人敗其師于房鍾。」 楚遠罷帥師伐吴。 《左傳》: 「蓮洩伐徐、 吴人救之。

冬,叔弓如楚。

齊侯伐北燕。《左傳》:

齊伐北

燕,

將納簡

629

七年春,王正月,暨齊平。《左傳》:「齊求之也。 曰: 『不人,燕有君矣。』」 癸

巳,齊侯次于號,燕人行成。」

燕,間 齊莊公弑景公立,即 年,齊崔杼伐我北 襄二十四年,仲孫 **管見**:杜注云:「燕與齊平。 無異事,故不重言燕。」以《經》考之, 湯鍋帥 鄙。 使 慶封 齊、魯之隙舊矣。 師 侵齊。二十五 來聘,魯亦不 前年冬,齊伐

四三七

報。

既

加

慶封來奔,齊人來讓,乃奔吴。

昭

公

7.

誅之故,而楚人寔成之也。是春,公如楚,封,叔弓如楚。意者齊、魯之平,以慶封既同盟,迫於晉、楚,而非本意。至是楚殺慶是齊、魯舊讐未解,新好未咸。宋、號雖曾

氏》言「齊求之也」,而於癸巳日之下,叙叔孫舍如齊涖盟,則魯暨齊平明矣。《左

落之,薳啟疆來召公。」三月,公如楚。《左傳》:「楚子成章華之臺,願與諸侯

燕、齊事,其不接上意可知

禮,曰:「吾用齊桓。」成章華之臺,又願與蒲宮有前。申之會,使其臣舉六王二公之專從邊幅上修飾。如號之會,設服離衛,會見:楚靈、魯昭,一味浪子兒也。一則

《何忌於夫子,使學禮焉。』]

人以 威 好寔,其驕泰浮侈,與 儀 文詞 知禮稱之。 F 講 求。 大要詳細 如郊 、隋 勞贈 焬 而忽大,守末 賄 般。 無 失禮 一則從 時時 而

諸侯落之。

大要務外而不務内,好名而

不

昧其君國子民之遠者大者,其不至於喪身其歸。是故人君而不知道,徒役心於外,局,乾谿、雷塘之難,季氏、王氏之禍,同一遺本,其善修容儀,似漢成一般。及其終

反[1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1] · [1]

亡國者鮮矣。

秋八月,戊辰,衛侯惡卒。 夏四月,甲子,朔,日有食之。

其大夫曰:「吾聞有達者曰孔丘,聖人之後也。我没必屬九月,公至自楚。《左傳》:「孟僖子病,不能相禮,

子統立,是爲悼子。」 冬十有一月,癸未,季孫宿卒。《左傳》:「武子也

管見:季孫宿包藏禍心,寔有篡魯之志

召

説

其惡。 削公室,封殖 初 城費,既 若非天奪之魄,乾侯之禍,宿親 而 私家。 作三軍,復舍中軍。 值 襄、昭暗弱), 故 大意 得 爲 肆 剥

十有二月,癸亥,葬衛襄公。

公子留。」「陳哀公三妃生公子留。公有疾,公子招殺悼太子偃師而立「陳哀公三妃生公子留。公有疾,公子招殺悼太子偃師而之八年春,陳侯之弟招殺陳世子偃師。《左傳》:

夏四月,辛丑,陳侯溺卒。《左傳》:「哀公縊。」

管見::人之所惡,莫甚於死,則凡可

避

患

會,恐及於髡頑之禍,而逃晉事楚。然鄭者,何不爲也。陳侯之惡死亦甚矣。 鄭之

得而避 有 師之人,扶其太子偃師 不 可 得而 也。偃師之死,憂恚自殺,則 惡 也。 蓋 無 奔 義 墓,則 理 以 養其心,而 患有 死者 不 可

陳公子留

出

奔鄭。

皆 摇 擾於 稔 禍 生死 之囮 禍 媒。 福 之慮。 放 解 邪侈 不 知 , 乃殺 其 偏 黨反 身之鴆 側

> 毒。 是則可 回。」苟知此義,由 爲安,卒之,滅陳者楚。 公子招之禍,蓋自外來。 以 避 患 圃 有 是則 不爲 生而 《詩》云 也,亦 有不用也 陳方依楚以 :「求福 何傾 覆 由由 之

有哉?

蒙也! 可弔也,而又賀之。」」 叔弓如晉。《左傳》:「賀虒祈也。史趙曰:「甚哉其相

成爲 降 戍唱弭兵之説,驅諸侯人於宴安之域。 管見:楚成章華,晉成虒祈,崇侈宫室,誇 示諸侯。 至 事。 此,深可慨 朝聘盟會之禮,不復講矣。 玉帛之使,馳驛於天下,惟 也。 自 以 世 向 落

于楚,且告立君。公子勝愬于楚,楚人執而殺之。」楚人執陳行人千徵師,殺之。《左傳》:「千徵師赴

管見:古來廢嫡立少,未有不階亂。然而

冠以「世子」,聖人扶正嫡, 公子」、《春秋》不 之大戒也。 故奚齊稱「君之子」,留 正 其 爲君,而 黜 申生、 庶孽 稱「 之意 偃 陳 師

秋,蒐于紅。《左傳》:「秋,大蒐于紅,自根牟至于商衛,

切矣。

革車千乘。」

賦 衆十萬人矣,是謂 其爲步卒不過二萬七千人,不盡用千乘之 閱,甲午治兵、《傳》不言乘數者,蓋止用三 十萬人,而爲步卒七萬二千人。壬午大 管見: 魯本千乘之國,盡賦而行,法當用 與,三家寔專其權,故没「公」而 軍,爲車三百七十五乘,三萬七千五百人, 蒐」,見權臣 也。於是大蒐于紅,革車千乘,則其用 專兵自恣。 傾國之舉。然而公不得 昭公失國之端, 直 書日

公子過而殺之。」

大雩。 冬十月,壬午,楚師滅陳,執陳公子招,放之 圍陳、宋戴惡會之。 于越,殺陳孔奂。《左傳》:「楚公子棄疾帥師 滅陳,使穿封戌爲陳公。」 奉孫吴

夷途, 管見:持國之安在綱常而不在勢力, 以見陳滅、楚亂之由、《春秋》治本之意也。 稱「陳侯之弟招」,歸首惡於陳侯。 義,而賊靈王者棄疾。 之靈王托棄疾以心腹,興師 安、廢長屬少、絶滅 之固在仁義而不在權謀,以權謀 力滅綱常之棟幹,則禍亂稔於安疆。 楚師」,歸首惡於楚子。 則仇讐生 一於親 綱常,而滅陳者楚。 暱。 是故殺世子偃 著其罪 陳哀公倚 滅國,閉塞仁 塞仁義之 之所 滅 楚爲 藏 陳 以 在 師 稱 楚 身 勢

葬陳

、哀公。

陳人殺其大夫公子過。《左傳》:「陳公子招歸罪于

决於此矣。

i

管見: 楚莊圍宋而歸父會, 楚靈滅陳而叔

靡。氣習如此,其削弱不振宜矣。

夏四月,陳災。《左傳》:「鄭裨竈曰:『五年,陳將復許遷于夷。《左傳》:「楚公子棄疾遷許于夷,寔城父。」

封。

封五十二年而遂亡。」」

以 特 或 楚,而陳之爲 筆削以 封三恪以復陳,故以興 能爲高宗之伐鬼方以攘楚,不能爲武 子之事, 管見 楚滅陳 侯恬然不救。 膺夷狄,扶中國,存先聖之胤胄,復先王 以其災,故復 ,夷滅於强蠻,而莫之省憂。 Ē 興滅 王綱。 陳 総 先聖神明之祀,先王封建之 而縣之,伯國置之不 繫之陳。 ,非楚能 絶,任爲己責。 於是陳既亡,無事可書 滅繼絶之義 亡之也。 見陳之地雖亡於 《春秋》,天 然聖 此義也, 7,托於 聞,諸 人不 王之

秋,仲孫貜如齊。《左傳》:「孟僖子如齊殷聘,禮之疆理。非聖人,誰能修之?

也。

冬,築郎囿。《左傳》:「季平子欲速成,叔孫昭子

『無囿猶可,無民其可可乎?』」

十年春,王正月。

伐虎門。晏平仲端委立於虎門之外,四族召之,無所往。戰良將攻陳鮑。」桓子授甲,伐樂高氏。子良曰:「先得公。」遂夏,齊樂施來奔。《左傳》:「有告陳桓子曰:「子旗、子

于稷,樂高敗。」

高, 亂,晏嬰不往,潔身之道得矣。 防其漸,莊公可 志,豈賢 義律之,未盡 管見:"崔、慶之禍,晏嬰不死;• 自當 品 者 處 不能 得宜,不至與陳氏構釁而 也。 逆料? 無 崔杼之弑 宣淫之行,景公之待樂 苟 能 機, 納 約 陳 以 於君,預 樂高 氏 人 、臣之 之 逆 之 賊

● 「晏」,原作「宴」,依文意改。下「晏嬰」同。

其本支 若晏子謂之志士則 欲立 稱,愚以爲晏之操心,必在管之下矣。 乎?」曰:「何善焉。」「助樂 作,而立於虎門之外。 闕 不可,宜曾西之不願爲也。 歸?」其意在觀望成敗,然後從 也。」曰:「歸乎?」曰:「君死安歸?」其意 也。」曰:「行乎?」曰:「吾罪乎哉? 「庸愈乎?」「然則歸乎?」曰:「君伐安 生戈。 高 死 談以 也。 乎?」曰 君 既 取 不 重於崔 弑 知 「獨 出 而 可,謂之忠臣、大臣 立 此,坐待蕭牆 子耳。 於崔氏之門。 其徒 吾君乎哉? 或以晏與管並 高 E 四 加 乎?一曰 族之 生 助之爾 助 變, 難 吾亡 其 陳 吾 則 既 死 鮑 人 城 :

> 同 亦晉 **莒愬於晉** 歸 于亂 人 失 而已。 馭,故 遂 有 魯得 平丘 之辱, 肆 行。 自 事 取 後 之爾 丽 Œ 抑

九月,叔孫舍如晉。葬晉平公。戊子,晉侯彪卒。

鄫 楚分伯,以没其身,豈非人 虞其敗。當時,楚滅陳,滅賴,魯取鄆,取 以主盟之權授夷狄,徒以三不殆爲足恃。 爲政,惑於向戌弭亂之説。宋、虢之會,又 悼公之遺烈猶在,首委政於大夫。 管見:晉平公,怠政之君也。 之才,爲流連荒亡之事 天下大勢,涣散 女謁盛行,宫室崇侈。 公方自以爲安,大夫有季世之憂而公且不 鄭即 楚而 啟圖 而 不可 矣; ,猶能 諸侯 復收。 齊伐 心未忍亡晉,乃 有可弔之謗 燕 數合諸侯,與 無 溴梁之盟 而 把持運 争伯 及趙武 量 而

秋七月,季孫

意如、叔弓、仲孫

貜帥

師伐

《左傳》:「平子伐莒,取郠,獻俘,始用人於亳社。」

管見一魯之病莒甚矣。

既取鄫,又取

牟婁

及防兹。

至是三卿並將,以伐其國。

於是

文、悼安攘之澤未泯歟?

誘我也。」蔡侯不可。 夏四月,丁巳,楚子虔誘蔡侯般殺之于申。 十有一年春,王二月,叔弓如宋。● 葬宋平公。 左傳》: 「楚子在申,召蔡靈侯。蔡大夫曰: 楚子醉而殺之。」 「幣 重而言甘,

楚公子棄疾帥 師 圍 一蔡。

真得 故生名之,以著其挾詐欺人之罪。 而 朱。」楚虔一生奸僞,凡所作事,假公行私 蔡,故以甘言重 殺之也。 般弑父之賊,天王、方伯不能討,楚子能 管見:諸侯 而殺之,何以爲大惡? 般一會申,再會 敗 楚子果有討賊之意,不待至是而 義 奉詞討罪之義? 一蔡,則其 毁信,莫此爲 於是既 非 意 失國 在 幣 縣陳 取國,爲此盜賊之謀,豈 誘 而生名者,大惡也。 殺蔡侯。 甚。 子曰 而 聖人深 有之,欲因 : 「惡紫之亂 即 使棄疾 疾其 然則奸 遂 又誘 悪 伐 誘 帥 取 蔡

> 晚,但惜虔非討般之人。 雄心事,無所逃於斧鉞之誅。

> > 蔡般之死既

五月,甲申,夫人姜氏薨。

簡車 大蒐于比蒲。《左傳》"「非禮也。」《公羊》"「「大蒐」者 一徒也。 何以書? 以罕書也。」

之母。 而公不悟其奸。 此之甚,有所自至而然。 蒐。 昭公特尸生之君爾。 于比蒲。 有畏於公議也。 時,季孫行父已蓄無君之心,故蔑 管見: 定姒薨, 不殯于 蓋 然匠慶用 意 如 君有三年之戚,而國不廢一日之 無 君之迹 於是大夫歸喪之月,大蒐 築郎囿以蕩之,而公方以 蒲圃之檟,季孫 其至於敗 露,無 廟,無 舍中軍 所 襯 忌 壞三 不御 不 憚 以 視 . 虞。 弱之, 一綱,若 :者矣。 則 其 猶 君 是

「宋」,原誤作「晉」,據《春秋》改。

借」,原誤作「借」,據乙本改。

昭

公

7

特書「大」者,甚之也。
朝一夕之故哉?《經》之蒐不書「大」,此之諫文子者諫平子。權臣得肆其惡,豈一之諫文子者諫平子。權臣得肆其惡,豈一不以爲疾。魯人不君其君,不復有如匠慶爲樂。至是廢喪紀,簡車徒,則公亦安然,

秋,季 仲 用之?」會于厥憋,謀救蔡也。」 北宫佗、鄭罕虎、曹人、杞 楚子在蔡,晉荀吳謂韓宣子曰 孫貜會邾子盟于祲祥。 孫意 如會晉韓起、齊 「爲盟主 人于 國 · 厥 整 。 弱、 而不恤亡國 宋 華 《左傳 亥、 衛

意 恤 夷、誅亂討賊、凡皆當爲之事。 又冀楚王之幸克必受其咎,故荀吴責其不 人於叔向 管見:厥憗之會,救蔡不力。 亡國, 也 所貴 卿, 勉强 之言,以 伯 乎 應之,而 主 仁. 所 人 爲天 與 爲 治 能 寔 (假手 天 非 以 職 義 有救蔡攘 於楚 者。 制 蓋韓 苟概誘於 命 以 安 宣子 斃 夏 楚之 韓 攘 子 先

恕耶

以

爲

無

惡,然則見

義不爲,亦《春秋

、》之所

故此會列序大夫,目其一

「人」以

見貶。

胡

Æ

曾謂 將不 墟。 宜乎? 其 國 般得 之會 命而 移,付之於天於命,無 及此乎 聲楚子擅興伐國之罪,驅兵 人,莫之省憂。 夫以天命自詫 大義合諸侯,擇蔡公族之賢者立之,然後 待戰 觀從 ,誘而殺之。 ,偏蔡賊也。 不以人合天,將安用彼 楚虔巢穴内潰,進退不可,周 肆於民上十 ? 韓子苟能内輔伯主,上請天王 能爲 自斃,而 蓋 韓 而 此謀,以諸侯之良,乃 人寔爲之,於天乎 子不 人謀弛 有二年之久。 以 趙 蔡之復封,權 武 勇於義,直待 亂易亂,豈 以 既誤於 所圖,至於禽獸 唱諸 方城,直擣其 相哉? 侯之敵 爲謀 楚靈 天理之 在 旋不 何 事 中 愾 勢推 慮 與 利 故 澶 國。 以以 温 不 所 ? 取 淵

. .

與大夫挈諸侯也。 故頓 子、 燕伯皆不名。

三月,壬申,鄭伯

嘉

卒。

曰:「不祥,王必悔之。」 歸,用之。《左傳》:「楚滅蔡,用隱太子于岡山 冬十有一月,丁 九月、己亥、葬我小君 西 楚 師 齊 歸 滅蔡,執蔡世子有以 申無字

縦亂賊 此 何辜? 救蔡,其 其暴,有 滅 夏之封疆 其子,又逞虎狼之毒。 管見: 楚靈之虐甚矣! 有之用 起安能辭其責哉 而 稱 失不可掩者。 誘殺其父,既 ,殘先聖之胤 不討,使奸雄 深 「世子」以見其正,而晉人 有慨焉。 爲盗賊 胄。 伯國不能明大義 伯權之卑,其害 得借以爲 故 般誠 楚 ^ 春 稱 之謀; 有罪, 秋 一師 》於 辭, 以 虐 不 蔡 有 剪 能 之 著 諸 用 如 則

有 「齊高偃納北燕伯于唐,因其衆也。」 二年,齊 高 偃 帥 師 納 北 燕 伯 于 陽。 <u>《</u>左

挈 管見: 中 國 也 楚 齊高 韋 陳 偃帥 納頓子于 師納北燕伯于陽,不 頓,不 與 夷 狄

> 用人 刑苛,而 管見:鄭简公之世,作丘賦,鑄 之體,子産知爲 或 内 稱 治。 政之要也。 深求其 故, 刑書, 見簡 蓋 自 穆公 賦 公 得 重

賢,猶不足以知此。 而徵於書乎? 然,子産古之遺 以張公室之勢。 之貧。刑書不 賦 矣。 以 室不能 百乘之家非一族,良、駟之豪,壞法亂紀 而子産所以 不作則 後,鄭之公族僭侈踰 簡公以 摇 兼併 政授 爲賢相 子産深 鑄 無所 愛也 渾罕,鄭之良;叔 救 則豪大無所懲,懲豪大 子産,舉國 也 時 知 抑,抑兼 一,豈其 此簡公所以爲賢 之急 時弊,振 制。 作法於貪,棄禮 ,莫先於此。 併所以救公室 品 以 而 聽 區之國 救之。 向,晉之 而 所 不 丘 巨 極 而

夏,宋公使華定來聘。 《左傳》: 「通嗣君也。」

四 四 $\overline{\mathbf{H}}$

晉。晉有平公之喪,未之治也,故辭公。」公如晉,至河乃復。《左傳》:「取郠之役,莒人愬于

五月,葬鄭簡公。

秋七月。

楚殺其大夫成熊。

管見: 楚靈以疑殺屈申,以譖殺成虎,故

皆以累上爲文也。

仲許之,告公而遂從公如晉。南蒯惧不克,以費叛,如齊。於南蒯,謂子仲:『吾出季氏,子更其位,我以費爲公臣。」子冬十月,公子整出奔齊。《左傳》:「季平子立,不禮

子仲還及郊,聞費叛,遂奔齊。」

之,以費爲公臣,何其不自量也?「黄 之歌,民告不可叛矣。 世,取精多,用物 管見:公子 整聽 亦危國之道 元吉」之占,神告不可叛矣。「有圃 也。 南 弘。 季氏 蒯謀 南 得政 季氏何以得斯於 蒯 季 驟欲 孫, 於魯,於今 非 以 ·但危· 家 生杞儿 臣 身, 裳 四 晑

以自奔爲文。

濟也。 鑿。 倖,未有不 之。事功不就,嫌隙遂生。乾侯之禍,寔 深根固蒂之强臣,一朝欲以淺謀之竪子 理,知季氏之不可叛公,猶南蒯之不 苟有愛民憂國之心,但當陳善閉邪,勸修 神不知所主,民莫適在公。 神、民也? 自此始。 季氏,然後漸收其權,以 德政,使神享克誠,民懷有仁,自然曉於事 雖爲 乃私結家臣,聽其以 故人臣 季氏 階 蓋魯侯之德,不 亂 之故,至於去國、《春 一而不 者。 憗 知大計,欲行險以 之志 張公室, 整,貴 (奴叛 爲 則 神、 忠 主。 庶乎其 戚 民 而 秋》 之卿 所 可叛 智 累 歸。 猶 僥 圖 世 則 有

是獲没於祗宫。」王揖而入,數日不能自克,以及於難。」 其志,周行天下,祭公謀父作《祈招》之詩,以止王心。 谿,以爲之援。 楚子伐徐。《左傳》: 右尹子革夕,王見之。 「蕩侯潘子帥 師闡 子革 徐 日 楚子次于 一昔 穆 E E 以

. 2

威,而 禍。 前非,休兵息民,罷伐徐之役,止謀吴之 之舊封 虔必惕然畏惧,復郟、敖之謚號,反陳、蔡 道之死,未能 能厭國人也。 曰:「周 楚 逆,靡所不爲。 代之位,滅諸夏之國,賊先聖之胄,窮凶 心, 管見:子 志在求周之鼎,取舊 育,欲以止其流連 滅身。」使乾 曰: 楚虔之惡極矣。 而 使 莫 惜乎子革能納約自牖 陳、蔡之滅,莫 E ,歸般、有之旅襯。下令於國,追 敢 王之鼎可求,而郟、敖暗昧之謗未 能 革引《祈 他 自 谿之難 適。 睦 克, 其 舊許之田 《易》曰:「惡不積,不足 鄰 子革若能 而 或 招》之詩、欲 也。 無以格其凶悖。 不 許之田 不惡楚之暴。」如 獲 殺 作,將 免 其 可取,而般、有非 諸侯固皆畏楚之 乾 君兄之子 丽 正 必 谿 未 以 使諸侯皆畏 言以 有 之 能 止 熊 楚 切 難 匡之, 虔之 中 頵 孫 乎 是, 悔 之 極 以 膏 而

王之 諷。 免蕭 之不免也 事,庶乎天心 辭 牆之憂。 深 意 遠,豈能 悔禍,不 夫何 對 頓省 病 惟 不 脱 香 醫 封 1迷? 徒 疆 之難 以 宜 古 楚王 詩 亦 托 口

左矣。 秋》可無作乎? 而 維持 腹心之病, 箕、交剛、大鹵之戰,路 狄而已矣。 討,亡國則棄之而不恤 注意者,北事而已。 滅、廧咎如、鮮虞之伐。 管見:晉與北狄爲鄰,故數用兵於狄。 致武於鮮虞。 經理之道,在彼 時楚 而秦、越之肥瘠,其地 王 虔 吞 變而伯,伯一變而夷,《春 捨中國 噬 東 至於亂 而 南 不 ,是晉人固 氏、 而從 襄、靈 晉 在 甲氏 此 臣 人曾 事於夷,則亦 也。 則釋之而 以 及留吁之 後, 所 不 無所 爲計 以 介意 狄 闘 爲 亦 不

如 圍費,不克,敗焉。 有 年春,叔弓帥 冶傴夫曰:「若見費人、共其困乏、 師圍費。《左傳》: 「叔弓 費來 帥 師

Ŧ

歸, 事 叛,此 微 也 叛 南 蓋 牙官亦世 事 度 管見:季氏之有費,大意如後世平章 可見矣。 者, 蒯 而 使, 意 使公臣,則以公邑書之,此 季孫役公朝之大夫,以討己之叛 南氏亡矣。」平子從之,費人叛南氏。」 ,使若公事 寓於書法之表,不從史氏之 以 久任 叛 居 財 費 季 中 賦 《春秋》不與 一領其 氏 遥領之弊也。 執 兵 削 然, 爾 朝 馬 職 圃 權 之政,委之牙官, 則 季氏 不書,蓋 其 權 意 一季氏 制 柄 又且 以 斷 漸 公 於是叔弓圍 得 南 移 或 臣討 世 蒯 專費,既 命,政自 ,至於據守以 扶公抑私之 襲 非 舊 其 之, 公臣 文 不 臣 封, 脇 也 親 領 以 己 一, 其 費, 也 公 H 公 節 故 鎮

乾

谿

左傳》:

「觀起之子從在蔡,事朝吴,曰:「今不封

夏

四

月

, 楚公子比自

晉歸

于

楚,

弑

其

君

虔于

蔡,蔡不封矣。』召子干、子晳及郊而告之情,乃盟于 陳、蔡以人楚,殺太子禄。 縊于芊尹申亥氏。」 公子比爲王,使觀從從師于 鄧。 乾谿 依

棄疾 與 觀 及既 者,比十一 疾。 正 虔 國人,故以位 資,觀從爲其謀主,然次不當立 所 管見: 乾谿之難,主謀者,觀 者,棄疾 與 金 也 從 由 旦以亡公子自晉 / 嫁 歸 爾。 被之以 海 孤 從 王導不殺 弑 身 陵 師 蔡,乃 也。 虔之惡於比,比受弑虔之惡於棄 同。 在 子干之初 于 年在 弑,欲辭 外, 乾 推之, 特以子干尸之者, 有利 伯仁,伯仁由 比 谿。 外, 欲 雖 不死,不 位 歸蔡, 而己自爲司 討 歸 不 或 不 一之意。 弑 蔡, 寔 有 賊 可 虔,虔 之謀,不 新 得 自蔡歸楚,欲不 矣。 得 君 導 無弑 棄 臣 矣。 由 從 而 恐恐 馬、然後 著虔 疾 以 心也,就 曾 死 比 民 虔之心。 其 雖 虔君 無 出 易 相 丽 弑 事 以 有 類 死 望 勢 使 撫 篡 之 計

叔 向

H

翻 春秋之始,平丘爲春秋之終。 爲威,尚何盟會之足道哉? 伯政既分,諸侯將貳,乃以畏 坐視其君德敗於宴安,國 室之侈,師 寵,子産外大夫能言,叔向不能言也。宫 叔向私於晏嬰,明知其季世也。 人争承,人亦從而棄之矣。 之謂自暴。 以晉之威也。己寔不威而以剛强爲威,是 平丘之會,治兵于邾南,曰不可不示諸侯 自侮,故 不德而以姑息爲 盟,讓長於楚,曰 管見:異哉晉叔向之所謂威德也! 局於是年。 號之盟 曠樂 自暴者自棄,故 叔向之徒,無能辭其責矣。 、申之會,人從而 人 德,是之謂 諸 敢 侯歸晉之德只。 心諷,叔 政 流 自欺。 向不敢諷 夫晉伯之衰 齊人不可,鄭 伯者之功業、 人爲德,怵人 是故于幽 於墜弛。 然内寔之 侮之矣。 自欺者 己寔 宋之 也。 及

曰:「王至矣。」子干、子晳皆自殺。

棄疾即位,名曰熊居。」

管見: 比既蒙弑君之名,

則是

楚國之賊

兩下相殺爲文。弑虔

而代之者比,殺比

而

《春

夫

而殺之而

據其位,是盗賊之相殺也,故

以

人人得而

討之。

然而

無討之者,棄疾乃

騙

楚公子棄疾殺公子比。《左傳》:「棄疾使周走而呼

疾之條

而造意者亦不没其寔,故下文又條公子棄

以

度爲君可乎?《春秋》之權衡審矣。

然

四四九

昭

公

m 「魯朝夕伐 不 月 施。 甲 壬申,復斾之。 戌, 我,幾亡矣。 同 盟 于 平丘。 諸侯畏之、邾人、莒人愬于晉曰 我之不共, 《左傳》: 魯故之以。」 「辛未,治兵, 晉 侯 建 不

威,序 威 夫業 皆疊 曲 管見: 叔向之言曰: 「有事 天 經之序因之。 經隨之。 不明棄 ,故共之誠僞 折 「惟皇作極」,是作大公至正之極,使事 下道理 文彩之昭,故明之久近 有業 床架屋之語 有皇、帝之業,有王、伯之業,而事之 有 則 共, 條 不 合是 禮有中國之禮, 而 理 有事 共。 似 無 如 威 禮,經 有 若 不 有 此 ,而於義 有仁義 終,所 不 知 故立 威 道者。 同 而 則 不 不 以 有 之威,有 昭 有 理 序。 昭, 而無業,事 箇 傾 不 然 有 鑾 E 覆 準 ____ 共則 見不得透。 質幹之昭 夷之禮 細 有禮 則 也。」其言 而 剛 聖 思之, 不 强之 人知 而 則 書 , 而 明 無 不

矣。 不振 明 事 理之道,抑 禮 不立也。 非 致者歟? 而 政隳於内,諸 言,惜乎泛言之而 莫不燦然有章,而明乃生焉。 命德 經世之學,故 有序,而 行矣。保大定功,安民 不 於等,示威於衆,昭明於神 業 口 物 得其 贵 治情 討 也 舉 物 有 罪 而 共乃 非 要,故淪胥以敗 修 措之。 君臣 非 所 亦 事、業、禮、威、共、 無 此 歸宿, 義 侯貳 興馬 末矣。 不能 非 ,尚 則 上下,父子兄 立極 事 不 於外,然後 不得其本領。 輔 讓 然後事、業、 也。 謂之業 平 禮樂紀綱,法度刑政 是 去 垂 争,捨 丘 君 和衆,外 非 統,開 而不 同 以 矣。 此 弟,莫 盟以 主 志業 ,以爲 明 此 則 自 叔向 先昌後, 夏 惇 禮、威、 此 不 **慢其** 則 六 蓋 後 《於好 盟 典 者 謂 則 禮 不 能 不 維 一一一一 庸 之事 所 使 明 秩 威 舛 持 爲 有 共、 謬 遂 伯 於 有 馴 講 此 無 經 不

也。」程子 日 晉 雖 欲 辱 公、 然得 不 與 同 盟 之罪

幸也。」

乎? 擇」? 管見: 平丘之盟, 魯侯以邾、 莒之愬而不 罪,得《經》旨矣。 不 則 爲 家云「鹿 果 得 人于宗」則 牛雖瘠,僨 諱 尊 不 或 與,自反誠不縮矣。 其 與 周 而 同 雖 外楚之同乎? 事, 之 至 言 死不擇音, 人于野 同 以 無同 程子 於豚上其 意 群 禽 潤 不 以 可喜, 以 」則 自 同 免吝可 爲幸其不與於同盟之 方,是自 而 不. 非 畏不死」,正如 頑 挺 抑 得 然晉人之爲此盟 可 鈍 加 也。 同 以 耻 無 者 走 威 與 勢脇 也。 耻 爲 叔向 險, 禽 則 可 以默等 《春秋》 急 之言 羞 人之同 0 何 鄭 夷 能 夫 子 E 同

晉人 如 ,以幕蒙之,使狄人守之。 執季孫意如 以 歸。 《左傳》: 「公不與盟,晉人執

意

昭

公

638

賞,政 必誅之律。 管見: 人臣 自己 H 無將,將必誅。 晉 爲 苟 方伯,諸 能 宣 其 侯 明 季孫於魯,在 卿 德 大 以 夫 照 之刑 臨 几

六 牟夷以牟婁及防兹來奔,晉人置 公元年,宿伐莒,取 方,意如之脇 年,宿如晉拜莒田 制 其 君 鄆。 , 晉侯享之有 门,討 五 而 年,公如晉,莒 誅 之可 加 而 也 不問。 籩 是 昭

不供晉貢,欲 如 賞 人數伐之故,晉人遂執意如。 其 遂伐莒,取 能納叛矣。 以 郠 歸 季 丽 惡於魯,乃 孫 竊 以 取 是不悛。 其 邑。 與邾 是以 苔 . + 人故 人愬 利討 年, 魯 意 意

公至自 會

非

以義討,故《春秋》貶而稱「人」。

即位 蔡侯 封 廬 陳 歸 蔡而皆復之。 于蔡。 陳侯吴歸 隱太子之子廬歸於蔡,悼太子之 于 陳。 《左傳》: 平王

0 音」, 原誤作「陰」,據《左傳》改。

子吴歸於陳,禮也。」

侯也。 大順。 之意並行,故曰《春秋》謹嚴。 侯廬、吴於楚復陳、蔡之初,不許楚之封諸 晉於楚滅陳、蔡之後,罪晉之棄 故國之復在夷意而不在伯權。《春秋》狄 道罰惡之至公。 **管見:**陳、蔡之滅,中國受屈之深耻。 悼之死,人子處變之奇冤。 聖人興滅繼絶,與扶 然暴君之誅,在天機而 平、惠之封,人理 靈、平之事 王綱、存伯統 不在王法, 中 秉彝之 或 大,天 也。 隱、

己也。」

冬十月,葬蔡靈公。

其卿而朝其君,有不好焉。」乃使士景伯辭公于河。」公如晉,至河乃復。《左傳》:「荀昊謂韓宣子曰:「執

管見:《春秋》於昭公如晉,「至」、「復」乃

【吾未撫人民,未修守備。州來在吴猶在楚也,子姑待之。』」 吴滅州來。《左傳》:「令尹子旗請伐吴,王弗許,曰:

> 終,楚亦不能復矣。 楚附庸之國,吴始併有其地。 迄春秋之管見:成八年,吴入州來,至是滅之。 蓋

十有四年春,意如至自晉。《左傳》:「尊晉,罪

罪,執其父,此聽失之大者也。 嬰齊請之,范文子與樂武子言之。 曾孫也。 管見::意如,昭公之賊臣,亦文子之不肖 而後返國,可謂 是晉人執文子。 而執臣之君,吾恐聽失之爲宗廟羞也。」 曰:「此臣之罪也。 沙隨之會,晉侯將執成公,文子 及其舍之也,成公使子叔 「臨難無苟免」矣。 臣有罪,執其君, 舍臣之身 意 盟 子有 如 魏 於 犨 方

荷求 伯逃命爲耻,而請惠於會,欲以存國體 伯辨義其 昭公之不與盟,己無辭于叔向。 生活 (間,晉人當會執之。 既而 晉人以 爲 夷 執 蒲伏飲冰 親 惟子服惠 爲 悔,惠 也。

間,曾匹夫之不若,其庸懦無耻甚矣。《春之期,乃使惠伯待禮而自己先歸。 鼠竄草意如慌於叔魚之詐,恐西河除館,無歸魯

士大夫立身行己,顛沛造次而不於是者,秋》録其「至」而削其氏,蓋鄙其人而賊之。

三月,曹伯滕卒。

盍當有鑒此乎?

夏四月。

秋,葬曹武公。

八月,莒子去疾卒。

郊公善於意恢。冬,蒲餘侯殺意恢,郊公奔齊。」冬,芎殺其公子意恢。《左傳》:「蒲餘侯善於庚興,

變,去疾、庚興世有兄弟之争。 蓋淪於夷管見:莒,小國也,庶其密州世有父子之

二月,癸酉,有事于武宫,籥人。叔弓卒,去十有五年春,王正月,吴子夷末卒。

既久,故世有夷風

也

樂,卒事,禮也。」

樂,卒事。《左傳》:「禘于武公,叔弓涖事,籥人而卒,去

所,故去樂卒事 當祭不得聞大夫喪之條,則卒於涖 可也。「有事于武宫,籥人,叔宫卒」,若拘 宜,要適乎義理之當而 管見: 禮之制有度,而事之變無窮。 殯之文,則不得返其國,故壇帷復命于介 至笙,遂奔齊」,若拘於聘禮有執圭復命于 觀其變而求情之所安,因其 可 也。 己。 此《春秋》達變之 歸 情而著禮之所 父還自晉 事之 聖人

旨,二義皆無訊。

無極對曰:「吴在蔡必速飛,去吴所以剪其翼也。」」三子莫之如也,而在其上,不亦難乎?」蔡人逐朝吴。王怒,蔡也,欲去之,乃謂其上之人曰:「王惟信吴,故處於蔡,二夏,蔡朝吴出奔鄭。《左傳》:「楚費無極害朝吴之在

言,鮮矣仁。」無極之害朝昊,妬其才,忌其管見:甚矣巧言之可畏也! 子曰:「巧

彭。

彭人或請以城叛,穆子不

許,

日

吾

不

可

以

欲

城

IIII

邇

[《]易 操心 之讒得人而 朝吴外事楚平之暗主,内事蔡平之弱君, 招 遂斃其三兄而卒有楚,不可謂無功。 功 文,其示人臣以寵利居成之戒乎? 仁,亦朝吴之不知 利欲之心,己耻爲下,使人難爲上,故 避禍,如鳥之戢翼,遠災 正明傷於暗之時。 君子于行,三日不食,利攸往。」主人有 立,不爲 楚虔,歸 妬,功奇取忌,於是 也 ·明夷》初六:「明夷于飛,垂其 亦不仁 衆所歸。 蔡廬,不 L 剪翼之計 事 矣,然 冷, 可謂 朝吴 朝吴以一言使衆奉之, 苟能明哲見 也。 亦 定肆爲 得 無 ^ 用 朝 可也。 行。 才。 春 反間以去之,其 吴之自 秋 觀 棄 雖 $\stackrel{\cdot}{\searrow}$ 從, 幾、當戢身 乃不 以 無 疾 自 極 次 卒 取 オ大 奔 之不 勝 速 不 能 言, 翼。 也。 爲 飛 其 當 斃

奸。」彭人告力盡 師。 管見: 荀吴不納彭人之叛,欲 録也。」 於狄之貶,此無異文。 之,此宋 心,則撤 然彭 襄之仁義爾。 車 L ,而後取之。」 而 何 去 罪 口 丽 也。 伐之乎? 於是再 待 陳氏曰:「從 其 力 苟 追迹仁 伐鮮 盡 有 而 1 虞,已 義之 後 人之

取

徐人行成,叔孫 十有六年春,齊侯伐徐。 冬,公如晉。 昭子日 「諸侯之無伯也,害哉

《左傳》:

一齊

師至於蒲

齊

君

之無

道

也。」

將伐徐 中豈復有晉伯哉? 伯之志露矣。 管見:齊景公如 丘之會,姑同 昂然 主徐、 晉而 北燕之伐,特畏晉 晉,投壺有 盟,非寔服也。於是 郯、莒之盟 然不務内而務外,不 代 興 於 而 蒲隧 之祝 請。 目 自 平

秋,晉荀吳帥師伐鲜虞。《左傳》:「荀昊伐鮮虞、圍

六月,丁巳,朔,日有食之。

寔

陳。 就,女吴之涕空流,爽鳩之樂未幾而 其小智小勇以窺晉伯。 戢。 在 圖 齊,而 大 志大而才疎,機深 三老凍餒 而 圖 徒虐區區之夷,會瑣瑣之國, 細 當 怨 時 讀 之頻 四 族 而 宜其争晉之志 興。 縱横,仇讐之不 慮淺,其景公之 陳 氏之 欲用 移於 祖 不 己

也,使然丹誘戎蠻子嘉,殺之。《左傳》:「楚子聞蠻子之亂楚子誘戎蠻子,殺之。《左傳》:「楚子聞蠻子之亂

謂歟

管見:自入春秋,諸侯無相誘殺之文,而

夏,公至自會。

秋八月,己亥,晉侯夷卒。

楚封陳、蔡而中國不與聞,齊盟徐、莒而伯既去,雖有甲兵之盛,豈能服諸侯之心?向惧公室之卑,汲汲以示威爲事。然大權會見:昭公在位日淺,伯事無有可觀。叔

政,臣 主不 焉,著諸夏之無伯也 敗,得乎? 是故昭公之《春秋》,晉始狄 索衛之錦,奢傲 敢問,卑弱甚矣。 亦相 率 而 以習寔爲常、欲以 人 於 偷。 君既不能 方 且 求 鄭 自 維 之環, 强於 持不

九月,大雩。

冬十月,葬晉昭公。

季孫意如如晉。

十有七年春,小邾子來朝。

夏六月,甲戌,朔,日有食之。

秋,郯子來朝。

仲尼聞之,見於郯子而學之。 事曰:「自 管見:《左傳》載郯子言上古龍官、鳥官之 謂此事未必然。 曰:「吾聞天子失官,學在四夷,猶信。」 近,爲民 師, 顓 圃 頊 命 以 夫子删《詩》、《書》,斷 以 來,不 民 事,則 能 紀遠,乃紀 不能 既 故故 而告 也 愚 人 於

《左氏》托夫子之言,以寔郯子之説。 徵。文獻不足故也。 之杞而不足徵。 證之妄,學者宜察焉。 爲民師 鴨、白鷺,终是行不得。 策,有許多道理,何待學四 文,吾從周。」夫唐、虞官百,夏、商官倍 法度非後世 唐、虞以 上古龍官、鳥官亦惟其 三百焉。 m 下, 訖周, 蓋 周盛矣,聖人祖述憲章,典謨 命以 一所可 民 事,非隨時 欲觀殷道,之宋而 考。 周監於二代,郁郁 以 又曰:「欲觀夏 萌 後世人文宣著,不 時可爾。 此 夷而後信乎? 世 制宜之義也。 尚 洪荒,其 魏之鳧 此引 不足 周 道 方 乎

陸渾,數之以貳於楚。」 沙白棘津,使宗史先用牲于雒。陸渾人弗知,師從之,遂滅 八月,晉荀吳帥師滅陸渾之戎。《左傳》:「荀昊

伊川。宣三年,楚伐陸渾之戎,觀兵于周管見:僖二十二年,秦、晉遷陸渾之戎于

《春秋》惡滅國,凡稱「人」皆貶。 疆。 於别内外,故無貶 甸,爲楚之外臣。 臣,君子固欲俱存而不害。 地,剪其荆棘,驅其豺狼,爲不侵不叛之 宜若過暴。 不可長,中國斥而遠之可也。 有戎夷雜處,又與 如駒支居晉南鄙 自此戎 曰:先王之制,戎狄荒服。 遂從 M 解。 楚。 强蠻通款,亂華之漸,寔 晉人滅之,不爲過矣。 貍 或 所 曰: 居,豺 陸渾居周之近 E 荀吴滅之, 畿之 狼 此條義繫 所 中之 側 使 而

火,●諸侯其有火災乎?」」
火,●諸侯其有火災乎?」」
火,有星字于大辰。《左傳》:「有星字于大辰,而

及

管見:星孛出于大火,應宋、衛、陳、鄭之

「面」、《左傳》作「今」。

昭

在

「上,萬邦同仰,見於《經》書魯事,而

常。 侯有 災異以譴告之。見其垂象昭著 明,五行順其序。 不拂上天仁愛之意哉? 應某事,某宿應某分,專於術數上理會,豈 修省,期于弭變而復其常可也。 人君之奉天亦然。 辭色,則當省過悔罪,期于底預 爲子之孝,有以允當親 子,猶人子之於父母也。 錯行代明而 特明天象以 有偶中,非大義之所存。 分,既而 一國,分雖不同,天之鑒 有異焉,則爲變。 諸國有火災。申須、梓慎、裨竈所 以五行術數言也。 儆 無薄 人 八君爾。 蝕。 若有疵德闕政,天乃出 德足格天,則三光得其 彗孛之災者,天道之 心。 人君父天而爲之 日月星辰之麗天, 天子有四海,諸 《春秋》書災異, 父母悦豫,必其 苟或乖違 臨 大抵術 ,則當恐懼 必日 M 也。 後 [某象 數 見於 己。 昭

楚人及吴戰于長岸。《左傳》:「吴伐楚,大敗。吴師之旨,區區象緯之占驗,何爲者哉? 異之大,皆引爲己責,可見事天之道,示戒

呼皆迭對。 獲其乘舟餘皇。 棺,據 者,夫亦失於自治之本而然耳。 也,繼之以子建之奔。巫臣之去不已也, 數敗楚。然而《春秋》書「楚伐吴」,未有書 管見: 自壽夢十六年吴獲楚鄧廖, 自是吴 才策士,使之操戈入室。 重之以子胥之讐。吴人窺 世有惡德而吳日就强大。 於是吴始敵楚。 楚及吴」者,抑吴故微之也。長岸之戰, 昭 楚師亂,吴人大敗之,取餘皇以歸。」 王之宫,敗亡之禍,未 吴公子光使長鬣者三人潛伏於舟側、●三 靈、平不君,骨肉相殘,楚 至 何間隙,收其奇 乾谿之難不止 於 徒欲以 有 斲 酷 平王之 於此 力

●「鬛」、原誤作「髯」、據《左傳》改。

長,自 故金始狄遼,靖康之亂本也。元始狄 郢,從此 遏 德祐之禍 無 不 IIII 嗣 知 根 争諸侯,皆其勢之所必至。 於 吴之力 也。 華 夏之盛、 有國者觀《春秋》書法之 乃過之。 衰。 然從 夷 狄 此 互 而 相 金, 是 人 消

夏五月,壬午,宋、鄭、陳、衛災。《左傳》:「五月,十有八年春,王三月,曹伯須卒。旨,其於「綢繆牖户」之道尚無忽。

火始昏見。

丙子風,●梓慎曰:「是謂融風,火之始也。」戊

寅,風甚。壬午,大甚。宋、衞、陳、鄭皆火。」

此修人事回天變之驗也。子産以令政格人定有勝天之理。觀於鄭子産、漢劉昆,定固能勝人,然使有消災之德、救災之政,定固能勝人,然使有消災之德、救災之政,

其惡不可掩矣。 書四國災,則當時國君以天變爲不足畏

秋,葬曹平公。●六月,邾人入鄅。《左傳》:「鄅人籍稻,邾人襲鄅。」

冬,許遷于白羽。

管見:害哉天下之無伯也! 邾人襲鄅,女也,故向寧請師。宋公伐邾,圍虫,取之,乃盡歸鄅俘。」十有九年,宋公伐邾。《左傳》:「鄅夫人,宋向叔之

帮,《春秋》予宋而罪晉也。 君爲盗賊之行,伯主若不聞。於是宋公伐盡俘而歸。反其夫人而舍其女,以諸侯之

「許悼公瘧,飲太子止之藥,卒,太子奔晉。」 夏五月,戊辰,許世子止弑其君買。《左傳》:

管見: 父母之於子,惟其疾之憂。慈愛之

● 「葬」,原誤作「喪」,據經文改。 ■ 「風」,原誤作「展」,據《左傳》改。

滅。

以小國之卿,一縣之令,修其

德政,尚

足消變,况天子諸侯乎?

前書有星字,此

天

m

災不復作,劉昆以誠心感天而

火亦

尋

心,本乎自然也。 故人子之事親,冬温 夏

時。 清,昏定晨 藥嘗湯, 省。 加謹 問 安視膳 於不豫之日 致敬 於 無 諄 派事之 篤 誠

想,猶恐未足以 報罔極之德也。 况君 父有

疾,誤藥不嘗,以 弑」,安可辭乎? 至死 夫爲子簡於事親,使 於非命。 被之 意 以

外之變,自己致之則亦 與亂 賊 同 科, 此 聖

利而賊其君父。 人以教後世之爲子者。 然不歸獄於止 原止之心,固 ,猶有陰狡 無所

不良,操心欲速投暗昧之藥毒,而陰行弒

人爲 是縱一許止 逆,方且以止之誤藥借聲,希逃萬世之誅。 此惧,禁止暴亂之意,何其深遠 而開宋邵、隋 廣行徑之竇。 聖

乎哉?

己卯,地震

子殺其夫,已爲嫠婦。 秋,齊高 發帥 師 伐莒。《左傳》:「 及老、託於紀鄣、紡焉、以度而去之。 初,莒有婦 人。 莒

> 及師至,投諸外。 齊師 人紀。」

管見: 紡纑 度 紀鄣,人莒之端,兆於 無

夫

之嫠婦 弟之釣夫。 絲 故恤民用賢,人主之能 繩 繫采石,亡唐之釁,成: 事。 於不 仇

可亡人 國。 聖人不虐無告, 野 無遺 段,有 **警**所在

鰥

寡可傾人城。

淹滯不收,貧賤

以哉?

冬,葬許悼公。《公羊》: 「葬許悼公,是君子之赦止 也。

赦止者,免止之罪辭也。」

與夫弑,不立乎其位。」以與 管見: 悼公飲太子止之藥,卒。 歌飦,嗌不容粒,未踰年而死,其賢於遂過 其 弟 止曰: 虺。 哭泣 「我

遠矣。 之

告災、《舜典》「宥過無大」之

仁也。 速由」、「作罰」之義 前書「弑」,罪止之弗祇服、《 也。 此 書「葬」、赦 康誥》 止

二十年春,王正月。

夏,曹公孫會自鄭出奔宋。《公羊》: 「畔也

不言畔? 爲公子喜時之後諱也。」

管見:子臧讓國,公孫會而果以邑叛,是 曹之賊臣而子臧之不肖孫也。《春秋》爲 野者諱,諱其不幸者耳,豈更掩其子孫之 對語諱,諱其不幸者耳,豈更掩其子孫之 世之賊臣而子臧之不肖孫也。《春秋》爲

氏擊公孟,宗魯蔽之,皆殺之。」公孟,謂之曰:「勿與乘。」對曰:「聞難而逃,是僭子也。」齊秋,盜殺衛侯之兄縶。《左傳》:「初,齊豹見宗魯於

質見: 盗殺衛侯之兄繁,《左氏》歸獄於齊 養繫於下者目其人,義繫於上者目其君。 也。宗魯,公孟之參乘也。《春秋》立法, 也。宗魯,公孟之參乘也。《春秋》立法, 也。宗魯,公孟之參乘也。《春秋》立法,

夏,晉侯使士鞅來聘。

不幸而有廢疾之兄,所以貴寵之,豈無其

冬十月,宋華亥、向寧、華定出 公攻之,華、向奔陳。」 「華、向之亂,質公子。 道? 於群盗何誅焉? 兄,危及其身,幾亡其社稷,其不君甚矣, 母之宣淫,使小人得以 乃使 預 政 公曰。『子死亡有命、余不忍其詢。』 以 書之,罪衛侯 媒齊氏之讐, 乘間 奔 謀 陳。 也 亂 又縱 ,害及其 《左傳》: 其 嫡

二十有一年春,王三月,葬蔡平公。明,名分顛倒,未有甚於東周之時者矣。侯與大夫交質,宋元公爲之也。義理不侯與大夫交質,宋元公爲之也。義理不

十一月,辛卯,蔡侯廬卒。

御士,與貙相惡。貙殺多僚,劫司馬以叛,而召亡人。華、向《左傳》:「宋華費遂生華貙、華多僚。貙爲少司馬,多僚爲宋華亥、向寧、華定自陳入于宋南里以叛。

昭公

64

制。乍以一事之稱心則轉憎爲愛,忽以一一事華、向而又攻之,此其心無所可否,不自裁一場管見:宋元公惡寺人柳而又寵之,質子於一葉

衛衎同科者,特幸爾。於是華、向人居廬不用華費遂之言啓之也。其不至與鄭突、人柳之寵激之也。公之攻華、向以召亂,謀之忤意則翻信爲疑,故華、向之謀先,寺謀之忤意則翻信爲疑,故華、向之謀先,寺

如此,則華、向以陳敵宋,若兩國之辭,病巨室,以啓厲階,失人君居正之道。書法此數人者,其罪固不容誅,而元公得罪於此數人者,其罪固不容誅,而元公得罪於門,以南里叛,宋城舊鄘及桑林之門而守門,以南里叛,宋城舊鄘及桑林之門而守

秋七月,壬午,朔,日有食之。元公也。

何物也? 禍福何爲?」對曰:「二至二分,日有食之,不八月,乙亥,叔輒卒。《左傳》:「公問於梓慎曰:「是

曰: 「君王將立東國,不如先從王欲。」蔡人惧,出朱而立蔡侯朱出奔楚。 《左傳》:「費無極取貨於東國,謂蔡人

東國。」

不聰明,故其巧言,聽之如響。 管見:蔡人出君何容易也? 蓋蔡自平侯 動平王。 國之貨而欲出朱,則以 復封,制命於楚,而楚平王即位以後,又受 命於無極。 王於是時,無 無極者,楚之工讒人也。 極閉 廢 置在 塞 其耳目,使 君,言之以 蔡以王 取東 室

權之不立,其害如此,可勝嘆哉!

之親,中國不能相恤,三世受辱於楚。

伯

公如晉,至河乃復。《左傳》:「鼓叛晉,晉將伐鮮虞

二十有二年,齊侯伐莒。

故辭公。」

●「盧」,原誤作「虞」,據《左傳》改。

四六一

從之。」
「楚遠越使告于宋曰:『原君聞君有不令之臣,爲君憂,請受而戮之。」諸侯之戍謀曰:『不如出之,以爲楚功。』宋人而戮之。」諸侯之戍謀曰:『原君聞君有不令之臣,爲君憂,請受從之。」

其 壞,故 自 是 不 苟得目前之安,以是 皆知叛 蓋當伯權之立,紀綱 彭城,楚之力也,悼公執而誅之。 人入南里,亦借楚之援也,諸侯縱 南 縱 顧 楚蠻夷之國 賊 也。 以 里 其是非泯,但 自悼公以來,天下無公。 病 出 者 人之不 中國之無人乎? 奔 其效 乃所 楚 可赦。 至 以 而 一於叛 自 諸 在,故 向 知 爲 賊 及伯政 侯之戍,略 助 逸叛 亂之臣 爾。 功足矣,而公義所 賊。 其是非 人以 書 一之衰 魚石 接 日 是公非 媚 迹於世。 而不書, 也, 紀綱 明,諸侯 而出之。 「宋華亥 華亥三 五 强國。 人 人 久

> 晚矣。 命而莫 其掌 問 直待其釋甲執冰,始 警,亦無從大國征伐之事,而 悟,何哉? 管見::意如之心,路人 時 握 與 一,使惟 敢誰 地 也。 何? 魯自 我之號令約束。 蓋其意欲盡挈 于紅 昭公乃欲以公徒攻之, 狼 以 (所知 狽 來, 丽 走,其識亦已 也, 簡 國 然則 國之兵,歸 徒 無 而 以 四 昭 制 亟,不 一鄰之 公 斷 不 國

王室亂。《左傳》:「王子朝因舊官百六月,叔鞅如京師。葬景王。夏四月,乙丑,天王崩。

靈、景之族以作亂。

叔鞅至京師,言王室之亂

也

工之喪

職

與

而 子朝争立。 無二王,古今之通誼 以「王室亂」標其凡,何也? 管見: 王猛、子朝之亂、《春 治 稱 東 西二王。 既 而 猛 卒,弟 也。 王 一朝無 時景王崩,子猛 匄 秋》詳書,而 天無二日,土 Œ 立 統者五 , 與 朝分國 年 特

大蒐于昌間

次當立,早定國 太子 决。 莫適歸也。 壽卒,暨王崩之歲 旦綴 本可 衣不諱,震 推其亂本, 寔由景 也。 乃嬖愛子朝, 鬯無 八年矣。 歸、劉、單 王 猛 啓 逡 以

侯。 立猛 前此子頹、叔帶之亂,未有甚於此。 ,尹氏立朝。 堂堂宗主以於畿内之諸

書「王 室 亂 於葬景王之下,見 猛 非 能 生

亂, 前 之事互發,而以 秋》正本之意。 凡後目,正 朝 非 能 爲 深切 王綱、扶 亂 白 然天下不可 景 繼 王 猛則天王之統有歸。 人 寔 、紀之意並行,其爲 亂 之 兩王,故二子 爾。 此《 春

劉子、單子以 王猛居于皇。《左傳》:「單子以王如

萬

世

戒

豈

不

?

秋, 平時,遂如圃,車次于皇。」 荀躒帥九州之戎及焦瑕、温原之師以納王于王城。」 劉子、單子以王猛 入王 城。《左傳》:「晉籍談

綱常禮義,國之大本,殄滅之則命

者。 是景王 以 王 險之中,有「小狐泛濟 據國抗衡,而劉、單奔走間 目, 猛 操移於下。 制乎人。 而 下未見 恢猛 不 猛 以 且紛然於當立不當立之疑,故 名,胡傳 雖 若夫猛 無 有宜 也。 廢大命 推於臣子,遂爲劉、單 寵 權綱 承 景王 此戒君之不能居 君之分,而 繫以「王」而 姚, 曰「禮當其變者」是矣。 加 威福,君之所操,陵替之則 爲 溺愛次子,自滅 《左傳》: 失所操,故劉 國 人 上 無攸利」之象。 八所不 「子猛卒,敬王即位 名之,劉、 不 關 所 得命於父王, ,挈王猛 Œ 服 二、單 左右之人。 而 大倫 得 單 當 貽 子 操之 後 君 朝 時 於危 蓋 前 患 得 耳 王 館

于子旅氏。」 冬十月,王子猛卒。

不 而 管見 炳炳然如日星乎? 一世及明,名分正、《春秋》大一統之義,豈 録子 猛之卒,正敬 猛 王之始也。 稱「王子」,從其 夫然

恒 未踰 年之君 也

十有二 月,癸酉 朔, 日有食之。

二十有三年春,王正月,叔孫舍如晉。

癸丑,叔鞅卒。

館于箕。」 取邾師。邾人愬于晉、晉人來討。 晉人執我行人叔孫舍。《左傳》:「邾人城翼,武城人 叔孫婼如晉、晉人執之、

孫、蓋. 國歸 使叔 叔 昭子爲政,意如欲惡諸晉,使有司以 憾,將以計陷之。 太史請 意如有脅主之 管見: 叔孫 夫子將有異 孫 費之禮爲士鞅。至是以邾人之愬,乃 獲歸,復有如宋之命。 孫 叔 如 奏鼓 孫 晉,將假於晉人以陷之也。 不 昭 用幣,意如 ·在故 志,不君君矣。」意如以 子, 心。 二十一年,晉士鞅來聘。 也。 魯之賢大夫 十七年夏, 不有君子,其能 不從。 公即有陽州 人也。 日有 昭子曰: 食之, 是時, 既 齊鮑 是蓄 或 之 而

伯之職之罪也。

書

Ē

「晉人圍郊」,

胡

氏

微之之解」是矣。

室之亂,經

五年

而始定,此晉人

不

能

修

方

晉人 罪不 圍 郊。 可 勝 《左傳》: 誅矣。 「丁未,晉師

王使告間。庚戌,還。」 幾,子朝復 力,僅使偏 《春秋》不必書矣。 者,如鄭厲公之納惠王,殺子 明於大義,合諸 之定襄王,誅叔帶。 管見: 時敬王既 入于王 師 童 郊。 侯,從 立,大統有歸。 城,天 而乃見義 凡皆諸侯職分當爲 王使 王 王 師 在平 告間 出 討 不明,勤王 陰 類 居 即即 晉人 其 狄 E 師 泉。 晉文公 還。 不 在 八苟能 當 不 E V.

夏六月,蔡侯東國卒于楚。

之。 **管見:**前書蔡侯朱出奔楚、《穀梁》謂 去國 意者蔡人出朱而立東國,朱愬于楚。 而存東,貶之之意。 劉氏 深不然 朱

乎?

意如屏斥忠良,以遂其逐君之計,其

如 東 以草 許 國 如 男 - 芥諸 楚與朱訟,乃卒于楚爾。 甯、 蔡 侯,使之奔 侯 東 或 之類, 走不 時, 可 至於客始 爲 抑以 中 或 見楚 之

秋 七月,莒子庚 耻 也 輿來奔。 《左傳》: 「莒子庚與 八虐而

好劍,國人患之。 烏存帥國人以 逐之。」

若 此 苟 禍 管見 夷臯以彈人觀 世及 等人 此 亦 類 春秋 玷 以 由 亦 禮 玉等之列哉 王 得 諸侯之狂 政 ,誓於天子 南 丸, 莒庚輿以 不行,諸 面 爲 君, 悖,無所 侯 而 遂 多 後 有 殺 得繼 僭之流 篡 人 不 弑 有。 試 國、安有 逐 劍 弊 奔 如 也。 之 凡 晉

役而 戊辰 吴子從之,楚師大奔。」 來,楚薳越帥師及諸侯之師救州來。 胡子 不同 髡、沈子逞滅,獲陳 ,吴敗頓 心,楚可敗 、胡、沈、蔡、陳、 也。」請 先者去備薄威,後者敦陳整旅。 夏齧。 吴公子光曰: 許之 《左傳》: 師 于 一七國同 「吴伐州 鷄 父。

管見: 自鷄父之敗, 而楚之衰弱既 益 甚。

> 能 己 吴光一行詐,死胡、沈、陳之君大夫, 取 楚不書 以 於天下之故似 用 至其 勝 慮,乃大不然。 大創,宜《春秋 以楚之肆 許、頓之師,而楚亦大潰。 夫,以重吴子 勝 陷 容 兵之虐,未 而用之。 而 親此 死 君 以 民畜衆,不 亡,仁 單 大 詐 虐中 夫 敗 當 舉 以此毒天下而民從之者,以 亦 人,使 諸 知 之罪。 人 有 有 華 無 以》之進 兵,凶 所 行險以 國之師 過此。 能 諸諸 戒矣。 所 死於兵者, 七 無慨 弱 世 國 侯之俛 器 吴 焼 倖 與 一之詐 之民 雖 於 而 也。 3 沈、 夷 此 中 此 戰,危事 也。 狄 肝 首 術 乎 或 自 固 胡 聖 ? 腦 夷 相 爲 互 春 巧於設奇。 吴子 人 陳 高, 所 相 秋 塗 狄,受此 爲 之君 故 ş 地,甚 奔 役 勝 以 不 博 後 旲 傾 來, 屬 負 敗 大 其 得 111

天王居于狄泉,尹 氏立王子 朝。 左傳》: 王子

四六六

王城。」● 朝人于 尹, 單 子、 劉子、 樊 齊 以 王 如 劉。 E 子 朝 入于

其事不 統也。 信王而高宗正位號於應天,得《經》書「天 稱 之名位既正 立盆子而光武正位號於鄗南,馬擴方擁立 立之罪著矣,尹氏階亂之惡彰矣。 王室大亂,畿内分王。 管見:居于狄泉,不出者,畿内 「天王」者,緣宗廟祖考之心,急於扶正 緣海宇臣民之心,急於見天日也。 ·得與常 而尹氏猶立 時諒 闇爲比。 未終三年之喪而 王子朝,則王子篡 故樊崇方擁 地 也。 是時, 王 亟

王居狄泉」之義矣。

八月,乙未,地震。

冬,公如晉,至河有疾,乃復。

若,而竄身失國,伯不之救。 恃人不 **管見**:春秋十二公事伯之謹,皆不 若自 昭公

恃,信矣。

0

上「王」字,原重。

據乙本删其一。

二十有四年春,二月, 丙戌,仲孫貜卒。

叔孫舍至自晉。 間關旅館,雖一日必葺其牆屋,去之如始 管見。舍不賞私勞而殺竪牛,是存心剛毅 室,是持操修整也。 見執於晉,不肯納貨以免,是 也。不阿季氏而忠公室,是立節堅正 故能造次顛沛於是。 制 行方潔 也。 也。

夏五月,乙未,朔,日有食之。

稱氏以「至」、《春秋》賢而貴之。

1 秋八月,雩。 西,杞伯郁釐卒。

冬,吴滅巢。葬杞平公。

以略吴疆 不能爲守,則當慎其四境 管見: 楚於鷄父之敗,禍 一,而疆 埸 無 備。 及六國。 可 吴人遂踵之,以 也。 乃 爲 四 舟 鄰 師 已

亟

一,其

不知本亦甚矣。

吴既滅州來,滅巢,

城郢,師

熸

民

病,皆不之恤,而猶略

吳疆

以

户」之謀

可

也。

今日勞師伐吴,明

日

勞

民

雖伯禹之才,亦力不能也,徒鑿智以自誤 流。 之自然也。 散 堤堰,雖欲崩而猶可維持,以待其端之順 其岸必崩。 大抵善觀 N',其 苟旦旦障之,使之反激其 (國將 或 È; 居所激之地,固其椿杙,慎 湍之所去,其 . 勢 者 勢之漸聚,其國將 如 觀湍 洲必孕。 水。 方孕之洲, 湍之所激 興,皆理 勢之漸 其

滅巢,於是藩籬日薄而亡郢之禍端見矣。

之岸,日崩月頹,夫豈無所馴

致者哉

未幾而入郢。

方厚之洲,日滋月益,方激

爾。 雖垂亡 楚人當内治其國, 智,亦事不濟也,徒疲民以自斃爾。 汲汲用之,使抗衡於方興之國,雖孔明之 失鄧廖而勢寢弱,聲吳自通上國 處方散之勢,修其政治,和其人民, 而猶可匡救,以待其勢之復合。 息兵養民,爲「綢繆 而勢寢强。 楚自 牖

> 父。《左傳》:「謀王室也。 之姊爲小邾夫人, ●生宋元夫人, 生子, 以妻季平子。 粟,具戍人,曰: 『明年將納王。』」 游吉、曹人、邾人、滕人、薛人、小邾人于黄 夏,叔詣會晉趙鞅、宋樂大心、衛北宫喜、 如宋聘且逆之。」 一十有五 年春,●叔 孫 趙簡子令諸侯之大夫,動輸 舍 如 宋。 《左傳》:「季公若 昭 鄭 Ŧ 子

奥之照曜,其究終入於昏事 王室者乎? 管見:頃公之伯,日没之餘 會黄父矣,又曰「明年將納王」。 能 重 郊矣,告間 光 丁,孰 而 也。 蓋其見義 有 即 還。 大 雖 於定 有 能 須

徒」,原誤作「從」,據文意改。

「姊」,原誤作「娣」,據《左傳》改。

「令」,原誤作「合」,據《左傳》改。

「二」。原誤作「三」,據《春秋》改。 「廖」、原誤作「瘳」、據《左傳》改。

也。 未出 亂反正之舉,僅兩使大夫觀望成敗,貪天 卿貶稱「人」之例,以爲 會,有名無情,故目卿以見貶。 之功以爲功,其見在釐婦之下矣。 黄父之 王室之亂幾五載,不能率三軍合諸侯爲撥 於得失之疑。若非單子之告,則籍談之師 不明,泯然於邪正之辨。爲善不力,紛然 也。 堂堂伯主,所治何事? 非子太叔之言,則黄父之會未徵 無貶,不幾於以 畿内有一 胡氏 三王 拘 於

其觀。

逐乎?

例觀聖經乎?

君不可以微故忽之也。 應,至微 管見: 「六鷁 鸜 鵒 來 而至神 巢」,魯 退飛」,宋襄 如 昭 此。 有 陽 《春秋》書之,戒人 禽鳥固得氣之先, 州之孫。 有于 泓之敗。 物 類之

0

「旱」、原誤作「早」、據《左傳》改。

災。 己。 《春秋》明災異之旨,理數爲一,不可 亂。 而是氣之能爲災祥,係乎人事之臧 然則或然之數,視夫必然之理。 神宗既弊其民,故 高宗克 Œ 厥 事, 則 洛陽 鼎耳之雊 之鳴 鵑 雉 以二 否 苟 果 不 知 將 爲 而

衆以逐季氏。」三蒐之兵,豈二雩之衆所能曹再雩,旱甚也。」●《公羊》:「非雩也,聚衆以逐季氏也。」秋七月,上辛,大雩。季辛,又雩。《左傳》:「秋,

往,公徒釋甲執冰而踞,遂逐之。公與臧孫如墓,謀遂行。」月,伐季氏,遂人之。平子登臺請罪,弗聽。叔孫氏帥徒以先,以月,己亥,公孫于齊,次于陽州。《左傳》:「公九月,己亥,公孫于齊,次于陽州。《左傳》:「公

.1

行。

甲

他

脱

季

氏

及公

徒

釋

如

墓

謀

來援,意

在

他

勢急

徼幸之謀,不量事勢,遽 雖欲走,無路矣。 之賦,其紀律約束, 陽州 幸郈 ,冀得緩兵 ,事出倉卒,一時未能抵敵,姑以三事 邑之甲以 得 叔氏之司 之難, 一,他蓄衆怒,甘心一洒。 可 免 得 孫 相 難,衆 臧 奔,亦幸矣。 無,終是捨他 而 爲公徒而伐之。 八待援。 孫二氏,與他 無 馬 公既不從 憤 鬷 意 亦聽 稍舒,故公得 戾帥 於 孟、叔二家與 攻 其失在誤聽公果 爲 命於他,公無 其徒 不得。 公。 此鶻突之舉。 所請 有

相

有

此三事

他可

那時,公

公從其

爲請

太猛

其私

焉。

隙

故

得

取

與

他

見勢來

乎?

陽州之孫,乾侯之辱,咸其自取焉爾。

求脱。

爲 德俱傾,臣民皆叛,地皆三家之土,民皆三 氏之得民,不如季氏之深且久也。 立 至於平子之請 家之兵,欲二 權臣 一,雖許 所 亦 逐,後得 無 履虎尾」而「不咥人」,其將 益 不 也。 許, 返 國。 那 前 時 此 祭 公與 氏 鄭 之得政 厲、 他 勢 衛 昭公威 不 獻 (),孫 皆 兩 能

權,盡

在季氏

《掌握。

孟

孫、叔孫各得一

分

季氏之勢,

免

陽

州之難乎?

日

魯之兵

:

所逐

論者

或

爲惜之。

使公從

其

請

미

殺

管見: 昭公伐季氏

,平子請罪,

弗

許,

遂

爲

公先至于野井。 齊侯唁公于野井。●《左傳》:「齊侯將唁公于平 齊侯曰:「是寡人之罪也。」」

獲,乃親執鐸,終夕與 處 喜之宰伐齊豹,滅之。 也,使公孫青聘于 管見:齊景公待人,全避炎凉之名, 何謙,其言何恭。 事,偏 有觀 望之意。 衛 青以賓掫, 日 於燎。 衛侯 阿 如 衛 下 得 既 主 靈 執 返 之 人 事 而 或, 奔 辭 衛 北 其 死 而 而 宫 意 鳥 其 不

于」,原誤作「子」,據《春秋》改。下「于平陰」同。

0

淵。 伯于陽 于齊。 也。 能制 高國 亦不足,其啻廼祖定、僖公出慶父,奚啻天 徒欲效伯者之言之事。 罪,姑取 窺見昭 之敢用」,其禮何卑? 昭之奔野井也,親 之心,姑 唁何爲哉 執漿,食歸 雖然,姜氏將 無怪 而 齊侯以是褊賜大夫。 公寡助而 置情 鄆 止 處之。 乎坐 爾。 於將 服器 視季氏 蓋景公無伯者之志之才, 季氏 自 公不 爲田氏,景公知之而 事 臨 曰「寡人未之敢服、未 因 其辭 唁,請致于社,又 果納, 益强,卒不 非惟德有不逮,力 之逐君而 人而 何婉? 僅 蓋本無恤 成 如 焉 敢問 不能救 納 爾 後 北 其 使 不 來 燕 難

粮,使祝宗祈死。戊辰·卒。」 曰:「子以逐君成名,不亦傷乎?」平子有異志,昭子齋於其冬十月,戊辰,叔孫舍卒。《左傳》:「昭子歸見平子

> 諧,憤 其「至」而直書「卒」,責備之意 身狥國,而徒爲 家奴遂得帥 伯,不足以勝群讒人之謀。 之家臣。 身爲 又欲挈之平子,抑 智安在 正卿,二 而祈死,無 乎? 無人乎昭公之側,僅有子家、 而爲平子逆婦,是自儕於季 徒助逆。 國亂 無益之行,以成不測之禍。 亦匹 君 何暗之甚 先見之明,豈不當留 奔,然後從之於齊, 夫之諒。 已既 也 也 ? ^ 經》 不在,其 事卒不 不録 氏

「宋元公爲公,故如晉,卒于曲棘。」十有一月,己亥,宋公佐卒于曲棘。《左傳》:

信,得罪巨室,致有華、向之亂,社稷幾危。季札之節,有愧多矣。即位之後,多私無人伊戾謀之,左師向戌成之。律以子臧、人毋戾謀之,左師向戌成之。律以子臧、

0

管見:昭子白璧之微瑕,其如宋之事乎?

年,又爲魯侯之故,如晉謀之,不爲平子姻矣。惟爲鄅伐邾一節,差强人意。及其末若非天心悔禍,賊臣出奔,宋國殆不可爲

故能以正倫恤患爲心。人之有慧知,恒存亂以後,經此變故,深知釋君助臣之爲惡,婭之私,廢望國交鄰之誼。蓋自華、向煽

乎疚疾,信不誣已。

十有二月,齊侯取鄆。 《春秋》屬辭比事之體也。 **管見**:先書「晉人圍郊」,繼書「天子居于 業所以趨 齊,居于鄆」,則齊侯無恤鄰之意見矣。 情見矣。先書「齊侯取鄆」,繼書「公至自 狄泉」,「尹氏立王子朝」,則晉侯無勤王之 令釋此 公之伯所以至于陵遲。 子之職捨此不思,而僅 不 圖 于蹇淺。 一, 而 姑 取 志小則事業小,故昭、 小邑藏亡,此景公之 賊臣 以 偏師赴難,此頃 夫王事靡盬,臣 必 誅,王伯之 此

二十有六年春,王正月,葬宋元公。 世無眩於伯者之名寔,蓋聖人之微意也。

定之《春秋》多微辭,亦多發微之辭,使後

三月,公至自齊,居于鄲。《左傳》:「言魯地也。」

管見:前書「公孫于齊」 《穀梁》:「公在外也。」

管見:前書「公孫于齊」,此書「公至自齊」,見魯之未公絕也,季氏絕公爾。前書「齊侯取鄆」,此書「公居于鄆」,見鄆之非公有也,齊侯居公爾。公不絕於魯而絕於公居于齊侯,是公之不臣君。齊侯不當居公面公居于齊侯,是公之不君民。此一筆而魯之君臣之惡並見。

公爲魯君卒于曲棘,叔孫昭子求納君而死,❸不知天之棄魯幣錦貨子猶,❶子猶受之,言於齊侯曰:『據有異焉。宋元夏,公園成。《左傳》:「夏,齊侯將納公。申豐從女賈以

●「求」,原誤作「永」,據乙本改。●「幣」,原誤作「弊」,據《左傳》改。

四七一

四七二

秋,公會 左傳》 在彼。 可復振 丘據之言足以動之。 懦 使偏師 討季氏 管見: 魯昭自不與平丘之盟, 耻見外於 好借之以 面之樂也。 死,何樂如之?」是意欲長生無極,以 餒,所以怕死之甚 晉,●故 也。 「謀納公也。」 齊侯、莒子、邾子、 矣。 宋元公、叔孫舍之死,又逢其適,正 從公圍敝室之成,卒不能克,抑 景公已有怕死之心,故助公之氣 而 走依於齊。 納 售 據也探公之所惡在此,而 乃 之,適此 其 惟巧言是聽,釋賊不討,僅 取 貨之媒,故 者,蓋貪生之意切,故梁 使景公少有伯者之略 景公常曰: 無伯之時,桓公之業 杞伯盟于 下 古古 死 鄟 亭南 字 所 而 陵。 樂 何 嚇 無

> 夫豈 爾。 君 以觀世變也。 其妄,而景公昏昧乃至是乎? 小人之所愚。 見哉? 由其君無正誠之學,往往以非理之嗜 無能 無 昭公之不果納,豈待高張稱主 所馴 相救。 小人愚弄其君,投機之巧如 致哉 當時列國 不然,梁 田 氏 之有 丘之言,夫 雖 齊, 權 臣 雖然, 卿之有晉 並 張,而 君 此 能 亦 好 而 其 知 爲 亦 後 可

公至自會,居于鄆。

九月,庚申,楚子居卒。

冬十月,天王人于成周。 王子朝奔楚。《左傳》: 卒有斲棺鞭尸之辱,天網果不漏 婦,其傷道敗德 管見: 楚平王以 不 貪位 「晉師克鞏,召伯盈逐 減 頵 殺 尹氏、召伯、毛伯以 虔。 三兄, 雖 以 幸 也 漁 死 色淫子 E 牖 一子朝。 下,

成矣。

於是四國盟于鄟陵,求爲此名焉

0

「晉」,原脱、據乙本補

公,則公納

昭公之意

解,而:

他

援

季氏

之計

子

子朝 之,順 者,順 之勢。 之形。 以 子朝 之志 也。 故問 助, 也。 IE 强弱勝負之勢不 之命,君子之所 而 失道 後 始雖合而 逐朝 周 不 所就之成 以 此 逆之理,曉 劉、單 圃 然 孽 理 故者 世之爲 居 尹 寡 Æ 邪。 明 而諸 氏 亂 出者,亦 助。 則 長,尹 ,晉人也。 挾 挾 宗 敗 侯 録 終必 順助之心始雖怯而終必勇。 子 人臣當從義 敬 同 周 以以 敬 與 推 劉、單、尹氏 然 朝 召伯 王 惡。 之 、焉。 戴敬 召奉之, Ŧ 於人心,不可泯滅 離。《春秋》詳悼、敬 教 間 僭 隕 以 也。 赴 後世之爲人父當居 故 據 孟子 識 關 弟 王,而子朝卒 必逆朝 周 於 於 及兄, 而 逆而 此理定則 難者 者之所 E 甸 所以之是 Ħ 不從欲。 入者, 城 邑, 邪。 劉、 「得道 ,亦晉人 有 有 同 干景 單 黨惡 召 奔 必 必 非, 憂。 不 伯 奉 多 m 敗 勝 敗

> 秋》結 與《 條、《傳》稱「召伯 然、《春秋》二百四十二年所書王室之事 又出子朝,立心反側 先儒劉氏已深辨之。 未有如是之詳且 經》不合,故杜 正其罪,故 悉,垂 逐王子朝,逆王于尸」, 與毛、 注 亦與毛、 「召伯」 愚意召伯 訓之義大矣。 尹一律。 當 尹 等爾。 作「召氏」, 既 納子朝 逆王之 按此 《春

室而享王,鱄設諸寘劍於魚中以進,遂弑王。」夏四月,吴弑其君僚。《左傳》:「吴公子光伏甲於堀二十有七年春,公如齊。公至自齊,居于鄆。

功,何足數哉?

居。 之罪 下得 管見: 光之弑 人,寧守節 季歷 也。 生昌,故 壽 夢 僚,壽 以 口 季 無 也 夢、諸 妨 歷 ,故壽夢之意 於 待 繼 季 樊之過 國。 札 札 苟 乃 非 不 非 反 爲 敢 季 平 天 札 自

● 「王于」,原誤作「于王」,據乙本改。

昭

公

道,則 能 歸。 赴 帝 中 不受國,宜還之光, 光、僚等爾、奉之亦 然則吳國之禍,貽謀之不善 啓承 庸。 夢 奉 而 不應 札 胡傳 光 守經 之弑 季札 禹 有 以 嗚 可也,故諸 本不 此 以 爲罪吳之大臣,其意責吳人不 呼 逆不 命,諸 帝 1 · 爲 至 啓事 索隱者,見其過之有 札 何益 則光之操 樊 而 樊之意爲 公。 諸 國 又不能 有 哉? 樊, 奉之也。 志 苟 也。 於 樊不能 非 心如 若曰 居 得 昧 爲 《春秋》從 正 旲, 乎 其失 嫡 一擇賢 此 : 爲 大 則 札既 子 義。 法。 亦 失 在 所 以 縱

正 立 有得國之分,亦不當以 一, 故 之,其將能 其 流 弊 乎? 至 此 毫 差 里 謬 後 來 雖 欲

楚殺 極譖焉 其大夫郤宛。《左傳》: ,子常滅郤 氏之族。」 郤宛直而和,國人説之。

渾渾者怨之府。 宛 可 謂 以 愚 以昭 死 昭 也。 自别,是昏昏者讒 以 察察自名,是

與己

同志

者,又得以爲口

寔。

蓋

以身處

無

宜。 售小 臣,顧 之囮。 害,故以累上爲文。 所 畏 然平王有直臣 悪 人 以 傾陷之謀。 難 立乎危亂之朝,上有弱主,下 和直 矣。 取説 乃 暗 於國 律以 脯 丽 不能保,使爲 不 人,其不爲 保身之義,其及固 悟 『陳兵 請 小人之 權 客,卒 有 臣 所 讒

秋, 公也。范獻子取貨於季孫,乃以難 人、滕人會于扈。 晉 士鞅、 宋樂 《左傳 、祈犁、 衛 「會于扈,令戍 復。」 北 宫 喜、 曹 (周, 且 謀 邾 納

管見 伐也 或 林父之出 懲於祭仲之出 竊國之地 立之惡名 荷 有 季氏 仗 諸侯之大夫 義 也。 爾。 衎 出 討 文 曷若 君 剽。 突立 罪 意 者, 而 如 〈釋君 豈 然 不 留 一儀,元 無所 立 誠 此 耐 君,欲 卒 欲 弁髦 而 執 **恒之出** 無 改 臣 以 事 成 事 是 以 爲 之? 也, 君 助 兵 止 鄭立 哉 端 徒 爲 諸 ? 自己 居 侯 如 其 在 之 廢 蓋

毒,不 過之地 知其過之尤甚者也。 而 以 過歸君,其設計 小人 最險,用 同 .恶 心最 相

濟,惟貨是比。 宋、衛欲納公,士鞅 以 踐 難

王靖 其成周之言。 復,豈得無貶? ·難,至是貪天之功,遺戍以爲名,其寔 愚謂晉人觀望,五 《春秋》序之者,或以 年不 即 爲 勤

《春秋》目諸國之大夫以見貶爾 方伯之職,無有能舉,况有受貨黨惡之罪。 ,何必拘前

冬十月,曹伯午卒。 此 盟扈之例乎?

邾快來奔。●

猶以公爲君,今則君季氏也。 正南 管見: 是時, 意如儼然行 面 爾。 向之受叛臣,公未 魯君之事,但未 伯主失馭, 失國,奔者

其害至此。嗟夫!

公如齊,公至自齊,居于鄆 一十有八年春,王三月,葬曹悼公。

公如晉,次于乾侯。

管見:飛鳥依人,人亦憐之,曾謂昭公不 虫辛螫,敵國隱於舟中。 如鳥乎? 齊、晉大國之君,亦飛鳥爾。 巢鵲屋鳥,公餗

桃

覆乎鼎足。 方且恬然不悟,自以爲安。

見

知越瘠 有無禮 於其君者,若秦人視楚人之瘠,不 而秦亦不能以獨肥也。 乾侯之辱

之甲分於三晉。 未幾而爽鳩之宅移於陳、密須之鼓、闕鞏 齊、晉不能庇魯,亦不能

夏四月,丙戌,鄭伯寧卒。

自庇。

鸜鵒之謡,豈但稠父之應而已哉?

六月,葬鄭定公。

冬,葬滕悼公。 秋七月,癸巳,滕子寧卒。

一十有九年春,公至自乾侯,居于鄆。 齊侯

0 奔」, 原脱,據《春秋》補

四 七五五

使高張來唁公。《左傳》:「齊來唁公,稱主君。子家

「齊卑君矣。」」

之衣屬而歸之於乾侯,公執歸馬者賣之。」公如晉,次于乾侯。《左傳》:「平子每歲賈馬,具從者

蟄,以 也。 臺 後 管見:《易》曰: 安其心 患,聖人亦不得無之,况常人乎? 之理,教天下之處憂 而 也。」聖人繋《易》,獨 用安身,以崇德也。 而利生焉。 曰:「天下何思何慮? 求。 白 次焉 慮。 王困 存身 而後動,易其 君 求其在 子 往者屈 也。 于美 尺蠖之屈 三者,故 精義 「憧憧往 里,而 一我,不大望於人。 也,來 患也 於此爻深言 過此 心而後語,定其 入神,以致用 不 以來信也 者 同歸 全也。 來,朋從爾思。」子 失 妖 信 以往,未之或 蓋 也 而 天 亨, 殊 湯 屈 下 屈 途,一 故 由 囚 信 有 信 也。 龍蛇 布衣帛 交 于 此 君 箇 往 相 道 夏 憂 來 知 之 致 面 子 利 感

> 冠, 助,卒死乾侯。 憂患不求 晉,憧憧 惧以語則民 勾踐之棲于會稽。 物終不感,其斯之謂歟 公内失其民 如衛 往 文公之盧 解 來,何爲 ,外失其 不 而 應,無交以求則民不 自 「咸 解矣。 于 其 者哉? 鄰 知 曹。 輔 微 ,今年如 危以 頰 知 卧 舌」,欲 彰 齊、 薪 動 齊, 則民 嘗 知 晉 柔 腑 感 亦 從。 明 不 知 莫之 物 年 如 與, 剛 如 昭 越 而

秋七月。 夏四月,庚子,叔詣卒。

重負。」冬十月,鄆潰。《穀梁》:「訊公也。昭公出奔,民如釋

君。 Ш 蟄,乃爲 管見:山者,虎之宅也。 民者,君之宅。 水 虎不 也。 冰凍所害。 夫山 善 藏, 水非 君 乃 離 爲 惡龍虎, 乎 君不善撫其 陷 民, 井 水者,龍之宅也 所 猶 民 傷 龍 未 虎 民 之離 龍 有 故 不 疾 畔 善 其 平

· , i

罪也。昭公有國而不能守,舍曰爲君難。而去之。是不能有其所有,非山水與民之

異龍虎之自絶於山水哉? 前書「居鄆」,今有一邑而亦不能守,是誠不能君矣,何

此書「鄆潰」,爲戒遠矣。

存公,存公故也。」三十年春,王正月,公在乾侯。《穀梁》:「中國不

八月,葬晉頃公。

夏六月,庚辰,晉侯去疾卒。

鞅一會,名曰戍 恤 管見: 頃公之伯,無一可人意事。 以益韓、 侈,宜伯業之不振也。又滅祁氏、羊舌氏 難,觀望而不勤王。 難。 宋專伐,齊專盟,曾不聞 魏之封。 周,寔 剪世臣之喬木, 戕公室 魯侯之奔,恬 則 取貨。 知。 君昏,臣 視 周室之 僅 而 + 不

冬十有二月,吴滅徐。徐子章羽奔楚。《左

之本根。

三晉之分,於斯决矣。

夫人以逆吴子。吴子唁而送之,遂奔楚。」傳》:「吴子伐徐,防山以水之滅徐。徐子章羽斷其髮,攜其

賤 存不 **管見**:徐當桓公之世,背夷即華、《春秋》 於其取舒已進而人之。及婁林之敗,中國 不能救,乃復捨齊事楚。 向在 而 名之。 能依楚以爲安,亡乃投楚以 楚宇下。 至是滅於吴,章羽 自伯 統在 求活,故 晉,徐 奔楚。

二心。」」 等。」季孫練冠麻衣,對曰:『若得從君而歸,臣之願也,敢 師納公,召季孫。 范獻子使私焉,曰:『子必來,我受其 季孫意如會晉荀躒于適歷。《左傳》:「晉侯將

能見夫人者,有如河。」」 乾侯,荀躒以晉侯之命唁公,曰:「君其人也。」公曰:「己所乾侯,荀躒に公於乾侯。《左傳》:「季孫從知伯如晉侯使荀躒に公於乾侯。《左傳》:「季孫從知伯如

夏四月,丁巳,薛伯穀卒。

管見:此士鞅黨於季孫,爲調停之計也。

以

三十有一年春,王正月,公在乾侯。

其讐 植 作主,故 當爲昭公悔也。 若乾侯寄生,尚足以保天年之爲 季孫 之櫟,衛衎之夷儀 勢,自昭公奔齊,一 與 準子家之見,則昭公一慚之不 姦臣,投穿窬 至於落權臣之手。 足以繁屬人心,號 倚齊之力,取 衣練服之對, 意如會 季孫,爲自家脇君之地。 季 外然 特 孫 俱 荀躒 力 機 後 歸 請 制 上肉 歸 豈 鄆 之機, 覬分賍 其 」,繼書「荀躒唁公」,責晉之 論 君,必 爾。 非 動 以 蓋由 者 猶 静,惟 棲 暗授之活套耶? 召卿佐。 往往惜之。 苟昭公從晉之命挈乎 地一民已非 勢亦 丽 晉侯 有 先甘心於從 鄆 强 所 留往 又 都 闇弱,其臣 欲 季孫全靠 之利而已。 潰 可 一旦入來,不 爲。 不得, ·忍,而 ';非 依 然 愈。 其 者,以 ,其聲 有。 此 揆 如 則 前 士鞅 一欲封 量 此 鄭 不 書 麻 顆 快 不 勢 幸 肯 不 突 事

秋,葬薛獻公。

衛也。 名,重地故 冬, 公羊》: 黑 何賢乎叔衛? 肱 「通濫 也。 以 濫 也。 或求名 來 賢者子孫宜 奔。 讓國 而不得,或欲蓋而名彰, 《左傳 也。 有地 也 邾 黑 賢 肱來 者孰 激不 奔, 謂 賤 義 也。 謂 mj 叔 書

之後。 嗣,賞 之善故 立通 其子孫,此《春秋》之所予 勳,子文之功而 管見:曹會自 奔叛,王 後世浸微,不爲上人之所收録 在此科矣。 也短,君子之道,至於禁暴誅 謂賢喜時之讓國。 義, 延 而 四 法之所必誅。 于世,聖人之仁。 亦謂 裔之投,三辟 末減其 虞之四凶,周之三監 賢 鄭奔宋,《公羊》立諱義,以 無 叔 罪 後,何以勸 黑肱 衛 也 之 苟爲先世之善 之誅 以 讓 使 也。 善善 濫 其 或 未 善? 亂 奔 若 前 之典,則 也 魯、《公羊》 夫罰 聞 世 亂 如 当皆 長,惡 則當. 成 積 以 臣 季之 先 神 不 mi 善 竊 掩 代 明 及 惡 録 邑 而 不

意功矣。

十有二月,辛亥,朔,日有食之。 羊》,事取《左氏》,庶乎其弗畔也。

三十有二年春,王正月,公在乾侯。 「在」。 朝廷。諸侯之朝覲有不得廢焉。《詩 省視器具,非方伯之職之所當爲乎? 之謂也。 忠,於魯示臣子不敢忘君父之義。《論》 文一以施之者,於周示諸侯不敢叛天子之 故稱「居」。諸侯,四境之外非土,故稱 管見。《春秋》兩書「王居」,襄公、敬公。 曰「王居」,見王 曰:「北宸居所,衆星共之。」居者,安其所 出避,襄公即夷,昭公失國,事體不同,其 「公在」。襄公、昭公。王者,四海之内皆臣, 先儒固已論之。然襄王出奔,敬王 昊天不平,我王不寧,奔問官守, 雖居外,而乘輿之處即爲 四書 書

> 牆,不違咫尺,非臣子之職之所當盡乎? 所之謂也。 以扶王綱,立人紀,爲萬世慮遠矣。 非無君。上下之名分有不得紊焉。 書曰「公在」,見公雖在外,而朝正之時,國 曰:「魚在于沼、或潛其淵。」在者,不定其 天方 艱 難, 日 蚆 厥國 坐 食羹

取闞。 力安能取邑? 特以群公墓之所在,季氏 管見: 昭公覊旅既久,非有鄰國之助,其 杜氏曰: ●「公居乾侯,使人誘闞而取之。」

夏,吴伐越。《左傳》:「史墨曰:「不及四十年,越其有 吴乎? 越得歲而吴伐之,必受其凶。」」 非有所利

,故退還之耳。

常察其機。 管見:天下之患,每隱 矜忽者,成敗之機。 於微。 聖人之智, 盈 虧者。

解》及體例補。 「杜氏曰」,原無 四部 刊》影印宋本《春秋 經

昭

公

伐吴。 《經》書楚、吴、越交兵之始,有國者無忽於 理,孰 也 之權輿已伏於共、康之世。方吳之與楚争 存 幾微之際則善矣。 之覺,取 一,恃强 亡之微。 蜋 能與此? 然吴之乘車戰陳,楚不知之,人郢 彈 而伐越。 吴之前 之隱 尺 蠖龍 伏, 方楚之與晉抗 孽 然越之生聚教訓 至 蛇之屈 Ė 理 隱 寓 於光、 焉。 伸, 也,恃 至道 非 僚之時 明 7, 吴不 存 道 强 焉 丽 窮

勿與之可也。」 衛世叔申、 冬,仲孫 秋七月。 范獻子謂魏 小邾人城 何忌 《獻子 成 鄭 周。 H 或 會晉韓不信、齊高 「與 《左傳》:「王使富辛如晉 參、曹人、莒人、薛人、杞人、 其 戍周,不如 《城之。 張 雖有後事,晉 宋 請城成周 な仲が 幾、

意。悼公以前,政在伯主,猶假尊王之名,管見:觀韓、魏之言,是成周之城,非晉本

於是 王,且 幾已 起來。 哉? 叔向且 躒如 姑用 故子朝之亂,觀望而 以令天下。 幸召伯出子朝而後定,亦不過 源之説,晉人始致閻 王使詹桓伯辭於晉,至有裂冠毁冕拔本塞 晉閻嘉争閻田,晉梁丙、張趯率陰戎伐潁 兆於此。 周 ,亦不必書。 病於遺戍, 黽 塞 權臣 至於慢矣。 七雄稱王之後,天下不復尊 以非禮責之。 葬穆后,王求 責 m 欲把伯局作壞,翻 其 已,豈 不然,諸 後 平公 權 此特書,亦以 勉築城 有爲其 在 彝器,非惟 是其 不勤 田。 大 侯從 晚年, 意 夫, 及昭 王。 意之無 君 於 在 舉 非 出 貪天 志世變也。 王 躊 晉人 公季年,荀 周 勿 方 惟 列 事 躇 甘甘 E 知 伯 或 不 周, 已久, 功 後 五 不 城戍 之 能 E 人 爾 年, 與, 事 其 局 職 龃 尊

, '6

曰: 「天生季氏以貳魯侯,爲日久矣。」」所也。趙簡子問於史墨曰: 「季氏出其君而民服焉。」對十有二月,己未,公薨于乾侯。《左傳》: 「書失其謂衰世之幸,可乎?

者? 紊。 《經》書「公孫」、「公薨」,不少諱者,示後世 授,至於失其所操,乃欲求於人,愚矣。 貨於外大夫,魯之世臣巨室豈無議 得如鄭突、衛衎,猶足以繫人心,縱意如行 之者,故鄰國亦莫如之何。若使公之人品 别之禮廢。欲恃晉而數往朝,則居正之體 羞萬世者也。 奔播八年。 管見:昭公一生,專會恃人。要之,人不 而晉莫救,亦由公自絶於國人,莫肯推挽 可恃而 德敗不修,權傾不振,卒爲權臣所逐, 終當有還國之期,不至客死于外,貽 適以自困。欲恃吳而娶同姓,則厚 初欲恃齊而齊不納,終欲恃晉 故人在自修而已。太阿 其 倒 後

四八一

定公

年,特書「元年春,王正月,●公即位」。 意多微辭,主人習其讀而問其傳,則未知己之有罪焉耳。」 文祖」、「正月朔旦,受命于神宗」,而皆不 文祖」、「正月朔旦,受命于神宗」,而皆不 文祖」、「正月朔旦,受命于神宗」,而皆不 文祖」、「正月朔旦,受命于神宗」,而皆不 方正日元爲重,而歲首時初猶不計也。自 是下春」。蓋於喪畢之後,行即位之禮,以 月正日元爲重,而歲首時初猶不計也。自 《春秋》發明五始之義,於魯君嗣位繼國之 《春秋》發明五始之義,於魯君嗣位繼國之 《春秋》發明五始之義,於魯君嗣位繼國之 《春秋》發明五始之義,於魯君嗣位繼國之

> 執仲幾以歸。」 諸侯之大夫于狄泉,將以城成周。 三月,晉人執宋仲幾于京師。《左傳》: 爲一 削。 其一,其爲罪 秋》之討不正,豈其微哉? 之微意也。 昭如日星。其或審己之有闕,亦備 五始正,然後人紀立而 位」者,一 事,無他意義。 正統之有紊,乃間削而 國之始。 故此五事也,不修《春秋》則各 也著矣。 示 《春秋》合而書之,則 人君審己正統之道 王道 宋仲幾不受功,士伯怒 定無「正月」、《春 可。 不書,則聖人 五始而 「晉魏舒合 書 而不 闕

自黄父之會,趙簡子爲政,樂大心不輸粟,伯國帥之尊王,未嘗崖異,蓋恭順之國也。

❶ 「王」、原脱、據乙本補。

者,受命之始。「正」者,政教之始。「即

「元」者,氣之始。 「春」者,時之首。

三王

其辭

日

:「我於周爲客。

若之何使客?

主,雖 之意,所以正王法,立人紀,豈不深切 執小國之大夫十一,●未有甚於此者。 怒於尊者之側而可乎? 自入春秋,大國 之不恭於姑,其不知自反亦甚矣。况 晉,叔娌之視兄嫂也。 下以叛王。 恁地 王之功,不足以贖 罪弟之不孝於父,不熟於藜羹之烝 夫晉之事周,子婦之事父母也。諸侯 曰:「伯父若裂冠毁冕,拔本塞源,專棄 不君,權在大夫,弁梗王室久矣。景王 晉之罪也。宋之敢梗,晉教之也。平、昭 幾不受功,其辭曰「滕、薛、郳,吾役也」,却 及狄泉之會,韓獻子爲政,將城成周。仲 梗脹 戎狄 起來,此事 其何有予一人?」是晉人帥 諸侯不知 慢王之罪。 如 德色於擾耡之借 有周,不亦宜乎? 何? EI : 聖人抑 宋之罪, 而 又逞 强 責 謀 臣 視 天 奬 娌 而

夏六月,癸亥,公之喪至自乾侯。戊辰,公即 位。《左傳》:「叔孫成子逆公之喪于乾侯,公子宋先人。

六月,公喪至。 戊辰、公即位。」

禮。魯國之典,不如是之壞亂 關鍵,聖人所深致意也。 至濡七月而始歸,新君可得 節,則邪謀必沮,冢嗣 不肯北面事之。 公衍、公爲非有可廢之罪,特爲權臣所怨 警樂禍,千里廢原隰之求。 公生往死歸、九京含「中露」之耻 **管見:**生死大關,仁者愛親之所慎。 傳授 反兵」,而君臣之分猶天地之不可易。 大義,哲人持世之所珍。 念天顯,惟貪大位,使權臣得行其私。 定公若能守子臧、季札之 必立。 故「兄弟之讐不 當時,昭公之子 此天常人紀大 行踰年即位之 乾侯之喪,不 也。夫何不 定公德 昭

「一」,乙本作「二」。

朝 王」,録「即位」於喪至之六月,以著定公篡 之樂,於心安乎? 竊之罪,志魯國典禮之失,爲萬世鑒,垂訓 IE 於 或 中 奪 故 君 ^ 之嫡 經 》削「正 子 而 月」於「 己 戸 南 春 面

墓道南。孔子爲司寇,溝而合諸墓。」秋七月,癸巳,葬我君昭公。《左傳》:「葬昭公於

之旨遠矣。

禮成 時, 之耻,未有甚於此者。《春秋》書「公在 侯」而公之君位存矣,書「喪至自乾 管見: 昭公生作寄公,死從殤鬼。 日 公之喪紀備矣,書「葬我君 五國之悲 陵房州之苦 加加 聖人植 矣。 有 蓋 崩 而 權 IIII 綱 無 我,吾其 無 常,寔 永 臣 景 固 竊 龍天日之期,有 Щ 威 爲東周乎?」此見諸 存公論 陵之奉。 柄, 昭 能 公」而公之喪 於 行 私 萬 自古失 # 意 有唐 宋道 侯 於 子 而 乾 國 盧 君

管見"龍見而雩。龍見者,建巳之月。雩_{正也。}」

九月,大雩。

穀梁》:

雩,月雩

之,

Œ

也。

秋

大

零,

非

立煬宫。」 立場宫。《左傳》:「昭公出,故季平子禱于煬公。 見。况又祭非其時,將何以格天 之禮,則定公之無兄,季氏之無 者,求雨之祭。 昭公葬纔三月, 君 也 即 哉 行 九月, 罪 盛 並 樂

臣 管見:祭法,諸侯立 煬宫,行父作 公立十一世之武宫,至是 有禱焉,祭之,無乃 祖考廟,享嘗乃止。 廟、王考廟、皇考廟,皆月祭之。 行私, 輒破 格 俑 媚 於前 祖 咋 而 去祖爲壇、去壇 五 意如 廟,一 廟 又立 去墠爲 制 效 壞 壇, 二十 尤 矣。 於 鬼。 顯考 墠。 後。 慢瀆之 七世之 爲 自成 墠 廟 權 考

冬十月,隕霜殺菽。《穀梁》:「未可以殺而殺,舉重

罪,可

勝誅哉

行事之驗,學者深求而自得焉。

管見: 菽與粟對言、爾 然豆以夏熟,周之十月,今之八月,安 雅》以爲豆之總

得有菽? 考《書・金縢》言「秋,大熟,未

穫」。 被野」,是必豆之晚熟者。言「殺菽」,則麥 而唐史秋七月,李淵入關,世民曰「今禾菽 周之秋,今之夏,未熟則菽 亦熟矣。

苗之害可知矣。不言苗者,苗,五穀之

君; 天,故有 菽,五穀之臣 殺菽」,先誅季氏,見定公闕德之 隕 霜之異,明年又有門觀之災。 也。 定公君臣獲戾於

所由 也。

經》書「

年春,王正月。

夏五 月,壬辰,雉門及兩 觀 災。

故曰 者,雉門及兩觀 管見: 雉門。 雉門,正 不日南門者,南 爾。 南門也。 正陽臨 離 群臣之門而有 爲雉 非 一門。災 而 在 南,

災,其爲譴告大矣。

敗之。」 人曰:「以師 秋,楚人伐吴。《左傳》: 臨我,我伐桐。」楚囊瓦伐吴,吴人潛 「桐叛楚,吴子使舒 鳩 師 氏誘 于 巢

楚

不知有害,輕則知有己 伐桐以致楚,三尺童亦 管見: 吴之誘楚多矣。 利,不覺吳之有伏機。 吴之有所憚,必吴之不 何哉? 貪與輕 晦其 (衷也。 敢詐。 而不知有彼。楚意 於是亡師 誘舒鳩 知其詐 貪則知有利 蠱於伐桐 而 以 於巢, 楚 誑 ie 楚,僞 不 而 之

冬十月,新作雉門及兩觀。《穀梁》: 加其度也。」 「作、爲也,有

言哉?

人郢之禍

成

矣。

囊瓦

誤 國

之罪,

미

勝

廟飭 管見:《禮 弓棘之器,鼓、鍾、笙、磬之用,大抵兼先代 、門制、車乘、旂旒、卷冕、圭瓚、鼎璜 明堂位》記魯之禮數、樂 則

· '£

定

公

四八五

謹度不 子曰 階。 以 澤未泯。 故 復先王之舊而 事之驗也。 特舉一 《經》於延 之禮,備 末流 托之於《經》, 「魯 魯非 越 二以著其僭。 有三家之横, 豈非 時王之制 於其 於禮,以 廄、 强 變,至道」,蓋儒書文獻,先聖之 而 夫强者, 僭之萌。 南門、 踰制僭禮,欲 不 僭,此成王、伯禽之過也 嚴 . 得 防凌 示 可可 雉 時位,無制作之權,是 誅 門、 此撥亂 見 逼之漸, 貶,使 貽謀之不善乎? 兩 魯之僭禮 觀 一一正之,以 有 反正見 皆 僭者,亂之 杜 或 書 禍 者 甚多 新」, 亂 諸行 制 Z 節

三年春,王 一月,辛卯,邾子穿卒。 原 也。 正月,公如 晉, 至 河乃復。

冬,仲孫何忌及邾子盟于拔。 秋,葬邾莊公。

尊攘令也。

楚不攘則周不王,周不王

一則齊

以

前,無

會

示

以

尊

攘謀

也,

無

盟

不

以

夏四月。

陵,侵楚。《左傳》:「劉文公合諸侯于召陵,謀伐楚也。」 子、滕子、薛伯、 三月、公會劉子、晉侯、宋公、蔡侯、 四年春,王二月,癸巳,陳侯吴卒。 以有召陵之會。 管見:春秋之初,蔡與楚合,齊 管見: 召陵之師。 至是邾莊公之子隱公而乃始平 平丘之愬,邾、魯 鄭 伯、 邾子在喪亟盟, 許男、 春秋 曹伯、 杞伯、小邾子、齊 然齊桓 有 之季,蔡 隙 莒子、邾子、 畏魯 能 魯 與 因 服 圃 楚離 納 楚,晉定無 求 缺 桓 或 好 。 晉 頓 衠 與 夏于 是 也 侯、 黑 定 以 肱 胡 是 以 有 召 陳 自

子、

國之盛衰,視夫齊、 回,排下尊 人才之臧 加楚者,楚之强弱,不係 否 周 異 攘 也。 楚 局 晉之勤怠。 仲相 面 乎蔡之合離,而 桓 北 公, 杏 以 勤怠之分, 四 + 陽 年 圖 穀 中

.

己。 失其 得,故召 事楚惟一 貢,事不終休。 不伯,仲 王室之安危不恤也,諸侯之從違不 權,政在 陵之師 明知天下之勢合如此。 蔡耳。 私門,六卿志在於分公室而 是時遠近咸服,小大俱孚, 不 蔡潰,楚亦自料 戰 自服。 晉定之時,上 楚不輸 抵當不 顧

之前 者,無鮑 故有韓、趙、魏之徒 將爲春秋,故有仲出來。 凶,係天下之休戚。 猶 塞責於蔡,而其 他已排下戰國 人,乃辟易於一 晉,無晉然後各有晉而 也,夷狄之强弱不念也。 能 驅 制 則 楚之命,曾謂十九國 叔 三晉 之先容 分王局面 不 楚哉? 意不在楚也。不然,一吴 能 則 夫亦 出來。 集事。 仲 不能 得與 ,姑以侵楚之淺 故 以爲 春秋將爲戰國 世運然也。 然亦有 日 成功,無荀、范 閲 夷 諸侯會以 無王 世變,觀 狄 人才之吉 並 一然後 爲之兆 E 東周 E 是 人 事 無

楚之强弱爲夷夏盛衰之案,未足以盡《春才,當於此詳之。徒以蔡之合離,齊、晉、

秋》之藴也。

名、《春秋》之正例也 下,而晉人遷怒之罪自見。 怒楚而甘心於從楚之國,固 事夷無益,已然之明驗也。 年,沈子逞滅於吴。 管見:沈之爲國, 蔡滅之,不仁甚矣。 主也,不能柔懷小國,至於他適求安,又縱 而 國隨 以亡,蓋依楚以自存 微 書蔡 至是,沈子 乎微 滅沈於會召 乎。 無足怪。 然吴子夷性 而 若夫失 卒爲 嘉 昭 殺 二十三 楚困。 晉伯 地 1陵之 於蔡 而

蔡於衛。衛侯祝佗私於萇弘曰"『以先王觀之,尚德非尚年五月,公及諸侯盟于皋鼬。《左傳》"「及皋鼬、將長

四四

八八

也。」乃長衛侯。」

之效也。方城濮之戰楚也,楚師 伯之終也。 然伯業以之興廢者,得 餘息,召陵之楚既衰 之始也。 臯鼬之盟,在 每,舍其舊 管見:踐土之盟,在 戰也。 晉侯患之,聽輿人之誦 戰 而 而 城濮之楚方强而文公覊旅之 捷,必得諸侯。 新 是謀。」公疑焉,子犯 城濮勝楚之後,晉 而定公伯主之餘烈。 人者昌,失人者亡 召陵侵楚之後,晉 若其不捷,表 曰:「原田 背鄉 日 伯 每 而

曰:「國家方危,諸侯方貳,將以襲敵,不晉之爲蔡謀楚於召陵也,荀寅謂范獻子敗楚,中國之勢大振,子犯一言之力也。 裹山河,必無害也。」於是莘北一交,晉卒

> 還,中 隨,從政之卿寔梏之。學《春秋》者,觀 伯之始終,不可不察晉事之源委也。 從亡之臣寔存之。 爲,有梏亡者,梏之反覆則夜氣不足以存 故國 遂伯,夜氣之所存也。 圃 與物接則清明在 而 神氣昏矣。文公嘗十九年之艱 會遽衰, 晝氣之所 氣作,暮 無 國之氣 强 弱,人 而 大索,荀寅 氣 有 憊。 躬,志氣如神。 定公合十九國之勢力 臧 蓋夜之所息,平 否, 梏。 龍 一言之誤 一人之身 虎 源 風 流 雲之相 表 及旦晝 難, 影之相 也 也 ·旦未 遇 戦 所 朝 是

許遷于容城。❷六月,葬陳惠公。

楚。

吾自

方

城

以

來,楚未

可以

得志,祇

取

亦

難

乎?

中

Ш

不

服,棄

盟

取怨,無

損

於

勤焉。」乃辭蔡侯。

晉由是失諸侯,無

功而

^{● 「}容」、原誤作「客」、據《春秋》改。

葬杞悼公。

晉 士鞅、衛 孔圉 帥師伐鮮 虞。

管見 欲無衰敗得 伐鮮虞。 楚 方病於吴而圍蔡,晉無功於楚而 腹 乎? 心之病不療,疥癬之醫是亟, 比 事 而觀,晉、楚之卑,

葬劉文公。《公羊》:「何以書? 緣我主也。」

於斯

决矣。

非知 春秋 其 不能 曰: 賢,周旋晉伯,代有功伐。 管見:劉子,畿内諸侯,左右王室,世出忠 會晉侯伐 命」字、《中庸》未發之前,康子已能言之, 孫 也,王猛、子朝之亂,間關京邑,擁立 人 者 道者道不得。 民受天地之中以生,所 ,敗以 才習見,然其學未可少也。 秦。 取 成子受脈于社,不敬 禍」,是猶 但曰「能者,養之以 景王 爲 禍 謂 一時,劉 福 命也。」此 絆著,乃 劉文公 劉 康 福 子 公

王。 派, 食菜 周危而復安,皆其力也。 於劉,世德之美 如此 夫以 周 以親 頃

Ŧ

親 爲 重 良 有 以夫!

昭王即位,無歲不有吳師。蔡侯因之以吳子伐楚。」 冬十有一月,庚午,蔡侯以吴子及楚人 柏舉,楚師敗績,楚囊瓦出奔鄭。 管見: 楚之蔡,虎之倀也。 人有 《左傳》: 死 於虎 (戦于 「楚 Ħ

能奪 百餘 也。 寔倀 而 撫字之心移爲 之不從,無會之不與。 虎爲倀食,内潰而死。 其魄化爲倀,懾虎食人,而 包藏禍心,伍員爲之謀主,然亦由 親 自荆敗节 蔡於楚。 之仇 暱之意變爲仇讐。 年,楚人憑陵中國,吞噬 ", 蔡 暴蔑。 至是楚人肆其 雖 師 有 于莘,蔡 功 蔡 於虎 雖齊、晉之伯,終不 然則虎雖能養 人積 栢 在 舉 而 食虎之肺 蛇 楚之宇下,二 其 之戰,雖闔盧 小邦,蔡無役 究 螳 豕之食,而 則虎之 螂 蔡 之憤 昭 倀 腸。 賊 面

四八九

定

公

焘 貪 戰,蔡寔召之,是蔡 獸食人之鬼,而又爲食獸之蟲,蓋獸 佩 女 也。 喪之故 無厭, 夫蔡固 則倀之爲祟也,宜哉。《書》 ,欲甘心於一洒, 非能 左右吴者,然吴之爲 固楚之倀也。 適 抓吴人之 倀 心之 固 率 是

庚辰,吴入郢。《左傳》:「吴從楚師五戰,及郢。 庚辰,一患於不見,勿以其所易者而可忽之也。「以」,書「及」,戒有國者當弭怨於未明,圖

日

-

怨豈在

明?

不見是圖。」《春

秋

参書

入郢,以班處宫。」

之而 之,何也? 管見"自入春秋以來,楚之肆暴於中華 禽鳥之行,伍員快仇讐之憤而恣盜賊之 秋》之所不禁也。 矣。齊桓、晉文制之而不足,蔡侯、吴子覆 人示訓之方不以 有餘、《春秋》宜有美 王者馭戎之道 然闔 亂 易 亂。 盧 操 固 辭 以吴及楚,《 夷虜之心 以 進吴 夷 攻 而 夷, 乃 加 縱 春 聖 狄 久

> 甚於 及。」此義也,非聖人,孰能修之? 我,吾亦欲無 地容蓋之心。 区。 、此者。 處官、 鞭墓,諸 春 子貢 加諸人。」子曰: 秋》擯吴 侯 互相吞滅,其 「我不欲 而存楚,此 人之加 非 聖 悪 爾 人天 未 所 諸 有

夏,歸粟于蔡。《左傳》:「以周亟矜無資。」五年春,王三月,辛亥,朔,日有食之。

兩,既 管見:衛爲狄滅,衛人立戴公以廬于 惠爲德,何足以言伯乎? 公無存亡繼絶之德,顧 亡,爲之賦《木瓜》,志士至今美之。 狗皆三白與 齊侯歸公乘馬、祭服 而 帥 諸 門材,歸 侯 城 楚丘 五稱、牛、羊、豕、 夫人魚軒重錦三十 徒 而 以 封 召陵之會,晉人 所歸衛人之小 衛 或 衛 使桓 國忘 鷄、 曹,

❶ 「庇」。原誤作「疵」,據文意改。

不能

庇

蔡。

及蔡侯以吴敗楚,然後使諸

侯而不序,使若魯事然,《春秋》之旨微矣。喪而緦小功之察,豈不可鄙哉? 故没諸侯歸粟,以周亟矜無資,所謂不能三年之

於越入昊。《左傳》:「越入昊,昊在楚也。」《公羊》:

「「於越」者,未能以其名通也。」

而取下蔡,歸重於越,漢無事矣。」是「於」召薛公問之,對曰:「若布出下計,東取吳管見:於越,古國名。漢史黥布反高祖,

字非發聲之文,乃其證

也。

六月,丙申,季孫意如卒。 其子 宋 國。 也。 而意 管見::意如者,昭公之賊臣,定公之恩主 公,始得 理宗德彌遠立己,恩寵終身。 及意如死,明年侵鄭、侵齊,從祀 而立之。 定無得國之分,意如 如 之終,定公之始,其 與征 伐禮樂之事。《春秋》寔録, 然定雖得立,未得有 既 迹不可 逐昭公, 彌遠卒, 掩 义 爲 矣。 先 黜 於

乃以是而文其説,謂之何哉?更新。」夫以權臣之終爲始,《春秋》所惡,之端,式嚴謹始。聖人開太平之路,尤貴始親政,下詔改元,略曰:「《春秋》正王道

秋七月,壬子,叔孫不敢卒。

冬,晉士鞅帥

師圍鮮虞。

南之禍,可也。晉人捨其大而謀其細,顧以聖之裔。苟有伯者,當問戎首之罪,以舒東聖之裔。苟有伯者,當問戎首之罪,以舒東

小。 伐楚之役,天下之事更迭於五伯,天 雄,伯統遂散爲合縱連衡之局。 管見 王政不 與禮樂征伐之權。 自鄭 獻 滅許之師 綱,諸侯以大控大。 伯圖 ,天下之國 不競,列 夫亦 收 國 白齊 拾 以 於七 E 世變 小吞 無 桓 許男斯歸。《左傳》:「鄭滅許,因楚敗也。」

六年春,王正月,癸亥,鄭游

速帥師

滅許,

以

圍鮮虞爲亟。伯業之不振,宜哉

以 使然,其有關 深致意 也 於天下之故 不小、《春秋》所

月,公侵鄭。 《左傳 侵鄭, 取匡, 爲 晉討 鄭 之伐

胥靡。」 公至自侵鄭

夏,季孫斯、仲 ,獻鄭俘也。 管見: 甚矣私 陽虎强使孟懿子往報夫人之幣。 孫 何忌. 邑之爲 如晉。 患 也 《左傳》: 始 也,三 季 桓 子 桓 如

不以假 夫兵財 城 驅 爲公室患。 封三桓也,以爲壯宗國之藩翰。 於僖公。 故,魯君爲其把持。 使。 費 也 ,意其自 ,國家之柄; 人,人臣 根深難拔,尾大不掉,勢使之然。 三桓失操,基於武子。 終也,陪臣爲 亦 行并 不 城地,社稷之衛,人主 陪臣 專利 植 足 三桓患。 世故,三桓 八爲 魯君 世業之資。 及武子之 當僖公之 失馭,始 一爲其 桓世

己

執朝權

,勢不得不使陪臣守其邑。

於是

楯六十於簡子,范獻子言於晉侯,乃執樂祁犁。」 秋,晉人執宋行人樂祁犁。 興,其 敗,而 之微,於斯、何忌之並使見之,其旨微 者,適以 有 本,特書盗三字,以 桓 城 徒 池 勢 公 手 可 自 不 Щ 公所, 憑, 害 可 不 而 狃 復 兵 欲 くく 己。 遏。 甲 發 不 미 犯、 受命 《春秋》 是三桓 其 保, 誅亂之端, 陽貨 《左傳》: 其 得 力 乎? 於陪 之 所 足 以 徒 「樂祁犁 以 臣 謀 而 同 南 階 之禍 自 時 蒯 獻 亂 桓 利 並 既 楊

樂祁 趙鞅之惡於朝,而歸僇樂祁於其國,則 之受魯錦 侯,諸侯受賂於盟會 伯、天王索賂 管見:春秋之季,賄 所忌矣。 大夫求賂於聘 獻楊 一大國 晉人能清 楯 於簡 於宴享 使 屋壁臣 也。 子, 源 邀賂 則 也。 也。 道 叔鮒之受衛 正本,兩討其罪, 遺者受者,公然 孔 於鄰邦也 玉環謁 甲父之鼎 彰。 魯 錦 諸 壶 子。 鄭 賂 宴 於 伯 主 肆 是 猶 無 齊 文

. '6

趙 氏 權 氏之受楊楯置之不 妬趙氏之故,但 收 而 伯令行,篡叛 以樂祁 何自 問 私 生哉? 蓋 飲 賄 酒 賂 成 爲 乃爲 罪 風 爲 加 范

責外、《春秋》之所深惡也。祁犁有罪,而日既久,恬不爲怪,故釋重而討輕,捨內而

執之不以其罪,是以貶而稱「人」。

季孫斯、仲孫何忌帥師圍鄆。冬,城中城。《穀梁》:「城中城者,三家張也。」

會于衛。」

陪臣 利。 法 居鳩,大夫侵諸侯 澤麋蒙虎 大夫,固 之寔? 如公侵鄭侵齊之文,其寔三家使公爾。 管見:季孫 如 世道至此,名分之倒顛甚 此 行大夫之事。 非 日 何 諸 國之福。 以見大夫脇諸侯,陪 量 侯 「鄆、諸」 春 假 秋》,名分之書 之權。 天子之靈。 一百四十國 家以爲陽虎使也。 政在陪臣,亦非 終也,鷦 矣。 寶書、儘 中也 也。 臣 鷯 凌 始也 鵲 生 或 大 政 鵬 見 巢 之 夫 書 此 在

諸侯奸天子也。撥亂反正之書,不亦深切臣執命,亦不没其名氏,不使大夫奸諸侯,本末。聖人筆削,事事標王標公。至於陪

七年春,王正月。

著明

乎?

秋,齊侯、鄭伯盟于鹹。《左傳》:「齊、鄭盟夏四月。

Ŧ

伯。 屬,不 式微 盛,衣冠禮樂之殷,傳先代之典章,爲中州 管見:大勢所趨,不人秦則入楚。人 人於齊、晉何擇? 之棟幹,捨齊、晉而 遂伯西戎。 大國,齊、晉天子舅父之親。 八有能 人畏其力,而勉從之矣。 在晉則在齊。 安 楚 夏 盡 攘 江、漢諸姬, 夷,人情之所 石 誰 蓋 適 門、于鹹之盟,謂 秦、楚天下莫强之 與哉? 秦滅 聲容文物之 亦 望 值 與 或 中 此 也 四 望 州 王 非 室 争 所 聖

從之。」

北宫

結

如

齊

丽

私

於齊

侯

日

「執

結

以

侵

伐。」

齊

侯

也。 驅。 作俑 之篡奪。 鹹 炎之志同也。 才,而鄭 不能也,遂至天子之權移於方伯,是 鄭伯盟于石門」,所以望於扶周切矣,而卒 大之志同 深者責之切,乃在言意之表焉 至諸侯之權移於大夫,是以有三晉、田 葵丘、踐土之紛紜。 究其本心,不過自謀,非有志於扶 《春秋》 」,所以 代興氣勢漸張,蠆也亦望風景附,趨 挾 《春秋》特拳拳於齊、鄭,書曰「齊侯 》許齊、鄭之合乎? E 伯亦 也。 望於嗣晉切矣,而 蓋 晉不能伯,杵臼 由 依 小伯規模略定,寤生爲其 齊、鄭之祖若孫,前後 齊 違 侯 其 間 無 曰「齊 尊 而 止 王之意、嗣 周不能 耳。 侯、鄭 攘 卒不能 袂 聖人 嗣 王、禄公 伯 持世 也,遂 伯, 相 (望之 伯之 盟 以 符, 道 齊 于 有 前 圖 父

買,衛 然爾。 教其臣 之前。 事君 忿。 挾術以 明太祖 **管見:**孟子手足、腹心、草芥、寇讐之喻 王統絶,功 良交相警戒,商、周嗣王拜手稽首於師 愈下,誠不明君臣之道所致也。 有餘年,上下相安,大致 十二年,諸侯之禍 祭仲之於鄭厲,趙盾之於晉靈,用 逐逐施報當如是也,亦甚言感應之 靈之於北宫結,借其臣 相窺,懷詐以相 愚觀春秋之時,叛亂迭起。 ,然孟子之意在警其君,非 惡其言,彎弓欲射。 體 利風 相 須, 熾、名爲 無 無彼此 虚 傾 日。 懸 君 ,如魯僖之於公子 也。 臣 絶。 夫此言誠不可 口 以 寔 嗟夫! 視三代,千 贵 快鄰國之 唐、虞 則 一百 獨 謂 仇 世 臣 其君 敵。 保 四 理 之 帝 降 明

以洩一己之怨。此君不君,臣不臣,宜

禍亂

齊人執衛行人北宫結以侵衛。

大雩。

齊國夏帥師伐我西鄙。

九月,大雩。

冬十月。

八年春,正月,公侵齊。 《左傳》:「門于陽州,士皆

坐列。」

君。名曰從公,其寔大夫制指之也。至是 特幸爾。 管見: 甚矣魯之不足以爲國也! 徒釋甲執冰而踞一般,定公不爲齊所擒 蓋自三桓四分公室,魯人不知有 此與公

諸侯出,至於陪臣執命,人紀絶矣,《春秋》 **儡轉其機,公何與焉**? 之徒之掌握。公往侵齊,猶偶人跳躍,傀 大夫僭,陪臣强,前日四分之軍,又在陽虎 天下無道,征伐自

公至自侵齊。 可無作乎?

定

公

三月,公至自侵齊。 二月,公侵齊。

曹伯露卒。

夏,齊國夏帥師伐我西鄙。

會晉師于瓦。」 公會晉師于瓦。《左傳》:「晉士鞅、趙鞅、荀寅救我,公 曹沫之盟,豈其力不足以加於魯哉? 其君之急於小利乃爾,烏在以其君顯乎? 宜魯人之不服也。 於心,惟恐人之不親附己而欲以力脇之, 其西鄙,今又伐之,何爲者耶? 以儒書之國、得之不以其道、不争也。 公志在代晉,急於得魯。 管見:齊景,桓公之不肖孫也。 於是晏子爲相,●而聽 前年,國夏既伐 蓋行有歉 桓公不背 景 誠

0 「晏」,原作「宴」,據乙本改。

管見:晉之救魯,所謂跛人救蹩人之僕

四九五

也。 憐 亦 玉之臣,其 而 魯三家專國 又 致乃以 相 驕。 病 則 晉之臣 \wedge 春 晉亦六卿 ; 秋》書公會師 外 會魯之君,同 有投壺之敵 執命。 而 没 病 内 晉 其 有 不 改 卿 相 憂

秋七月,戊辰,陳侯柳卒公至自瓦。

名氏,撥亂之意深矣。

士鞅侵鄭,圍蟲牢,遂侵衛。。 晉士鞅帥師侵鄭,遂侵衛。《左傳》:「衛侯叛晉, 不一人 九月 附位札立

晉

齊者也。 衰也,侵鄭,遂侵衛。 衰,齊、 管見: 衛盟 周之衰 文之興也, 于沙。 也,齊、衛 是 侵曹,遂 衛 是晉始乎失衛,終乎 始 胥 乎從齊, 命 伐 于 衛。 蒲 終 乎 定之 晉之 從

子魚 晉? 失衛 德 以以 者也。 晉 藩 何 屏 難 周。 武 衛 於 Ŧ 何 分康 得 克 樂 商, 衛 於 而 叔 成 易 從 以 王定之,選建 於 齊 大輅,命以《康 失 而 衛 不 耶 樂 ? 於 從 賢 衛

> 其求。 耳目, 之,以 語 ≫ 晉侯 分唐 風 其心樂於從齊,是從其朔 命也 啟 以力脇 屬諸侯,雖 召康公命 肆 以 而 叔 0 非 而 夏 夾輔 久不可易。 封 之,一 外叛 中 有 以 大夫難乎 政 於殷 大輅 間 方伯之命,原 齊太公曰「五侯,九伯,汝 世 周室」,則齊之爲 疆 内替,其 衛 何愚昧之甚 變推移,而一定之成 墟 以 侯 命 爲 0 戎 畏晉勢力, 黽 晉之中葉,伯政 以《唐誥》 上,貨賂 索。」 啟 何 以 日 不曾 蓋 殷 耶 之有 也。 政, 衛、 彰 統 伯,先王有 面 此見先王 而 晉 疆 勉從之, 屬 封 士 小 、隳弛, 得 皆 於 以 憲在 鞅 國 夏 衛 叔 周 寔 猶 不 索。 墟 也 勝 驕 繫 然 成 欲 人 征 丽

葬曹靖公。

九

月,葬

陳

懷公。

| 冬,衛侯、鄭伯盟于曲濮。| 季孫斯、仲孫何忌帥師侵衛

辛卯"禘于僖公。」

借乎?

如

此,

有

或

者

其

無

使名義

爲

小人之所

不在上 廟 以行其 有此禮。 定公不弟,意如不 庶人 然後 虞其 而 而公,彼 於群公禘嘗之列。 希世盗名之資。 之是者 義制事。 **管見**: 先王 至是 號 不議」。 禮 得 乎? 竊 得 而在下矣。 常在 丽 舒黨錮 爲逆而私,然後 其 國之計 寔以影三 苟 移 於奸 IE. 能 制 曹 若使得而議之,則禮 乎上之人。 而 制 禮 諸 操 爾 如魯之從祀先公,其失 雄。 不 事 ,虞其失 欲 臣,黜 賢之憤。 世之大姦惡,得 於是陽 紊。 桓之惡,使人知此爲順 以 篡,先 豈非 故 義, 紀綱 昭 以 派衆 故「天 則 丽 虎革 革 上 禮 公之廟,不得 姦雄立心險詖 ·去威· 裁 入於夷 無 名分,其 制 心,收人望 前 斷皆當理, 道 心 F 揆 宗、懷宗 正之,遂 者,必以 樂之 竊之爲 有 八淪胥 (狄,不 所 道 在 柄 操 與 則

> 之。 出 氏戰于南門之内。● 盗 ,人于讙陽關以叛。」 竊實玉大弓。 桓子適孟氏,陽虎劫公以伐孟氏,公斂處父帥 陽氏敗,陽虎如公宫,母取實 《左傳 「陽虎 將享季氏 于 玉 成 蒲 大弓以 人與 囿 丽 陽 殺

之徒 白 竊 賍之後,何 人 豈以盗爲美名哉? 爲惡,明知己之爲盜也。 管見: 也。」夫舜之爲善,不知己之爲 柄,其 爾。 日,方且 也 扶 孟 心迹 服 子曰 憚 鷄 日 於人之不見 鳴 亦然。 而 : 「吾龔、黄也。」内脇其 不爲者? 而 鷄 起, 乞哀於昏夜 以 鳴 孳 爲 丽 而 孳 不 明 起 小人竊 揚 孳 遇 爲 知 揚 聖也。 伯 恶, m 孳 而驕 自 夷 禄、强 固 爲 跖 得 則 『爲之, 善, 之徒 君父 人於 於分 猶夫 跖之 舜 臣

「陽虎」,原誤作「楊虎」,據《左傳》改。 「陽虎劫公」至「與陽氏」十八字,原脱,據乙本補。

四九七

定

公

. . .

心? 筆也。 伯夷在 之徒 羨其 世公論。 洙、泗之間有聖人斧鉞,立盗一案,付之萬 而 外 而 權 肆 故曰:《春秋》成而亂 已矣。 當陽貨盗出以叛,莫之誰何。 也,竊權者不知名教之地有《 利,怵惕其 於臣民,方且曰:「吾伊、 世之爲虎者、觀此 然姦盗者不知首陽之山 聲勢,則 就賊惧。 亦 寧不 襲、 管也。」歆 黄、伊、管 自 春秋 愧 寧知 於 有

九年春,王正月。

夏 四 月,戊申,鄭伯蠆 卒。

《左傳》:「伐陽關,虎出奔齊,遂奔晉。」

得實玉大弓。 有之。 也。此《周官》天府所藏之寶,魯不當 龜,天子之器也。 **管見**,《明堂位》稱崇鼎、貫鼎、大璜封 春秋》於實玉大弓失之書,得之書,亦以 成王之賜,伯禽之受,所以 越棘大弓,天子之戎器 爲 非 有 禮 父 而

著魯國僭侈之召亂也。

六月,葬鄭獻公。

儀,晉車千乘在中牟。 秋 ,齊侯、 衛侯次于五 衛侯將次五氏,乃過。」 氏。 《左傳》: 齊 侯 伐

晉

夷

秦伯卒。 見耶? 魯也。 印定 貶。信《傳》文而鑿《經》義,不幾膠柱 儒以 伐,爲是擾擾,《春秋》之所病也,故 何心哉? 之業,尊周室,匡諸夏,與晉代興 周乎?」夫使周道可興於東 **管見:此條,**《傳》書「伐」,《經》書「次」,先 如 爲《春秋》重絶晉也,恐聖人之意 晉伯之不振久矣,齊侯而能 冬,葬秦哀公。 此。 惜齊不能舉方伯之職 子曰: 如有用 方,聖人 我,吾其爲 而 修桓 書 聖人獨 會 猶 以 盟 不 之 見 次 子 東

十年春,王三月,及齊平。

夏,公會齊侯于夾谷。公至自夾谷。 《左傳》:

暇,其中當有 子家 惧? 子嘗言「我 止 惹 欲將聲勢唿嚇 魯之心,不覺 公於會,齊人不意 蓋其天縱之聖,見重於齊素矣。 公欲封以尼谿之田,晏嬰不可,孔子遂行。 管見: 夾谷之會,孔子一言,齊 蓋 出 .把一段正大議論來折倒 事來,未 臣 《史記》孔子年三十五, 量其勢之不可 以 通乎景公,有聞韶、問 戰則克」,是會必 必齊能 處 轉 ,使魯併不信孔子,又被 分。 成 怕 魯能 動 占得勝算。 若不中止,恐於會 魯。 寧 遽用之也,十分欺 忽聽 委曲以全交 地,見其應接 預有備。 適齊 犁彌 至是相定 故聞 侯 政二事。 何 爲 之言, 言遽 高 緣 也。 不 上 閒 聖 昭 便

> 法,則運用之妙亦可見其倪也。 記備齊之事。然其曰士兵之,曰使司馬行事而惧」之旨哉? 三傳但記答齊之言,不然,飭章縫於甲胄而徒以語言應敵,豈「臨

孫,三月不違,齊人爲是來歸之。」齊人來歸鄆、讙、龜陰田。《公羊》:「孔子行乎季

晉趙鞅帥

師

圍

衛。

《左傳》:

「報夷儀也。」

與 致而 聖人,齊將歛袵 此,而寔齊恐聖之用於魯也。 而罷 管見:齊人歸田 方來,後夫凶」,言人不能自安,來求親比, 來」之爲義,主來者而 屈 完 即歸田 野享之設之故乎? 來盟 [,是齊. 乃《 而 ,果爲郤 春 人求寵之意。 朝 秋 豈但歸 》序 言。 裔俘 績之書。 日 《易》曰「不寧 :拒兵 田 夫使魯終 其 先儒 而 端 車 己。 之命 淺 謂 固 意 此 用 在

●「犁」,原誤作「梨」,據《左傳》改。

定

公

五〇〇

管

小試。 歸 求 罪,侏儒誅 不 得 職分内事。 比之道矣。 速 所 田」,其 而 比則保其安。 後 夫皆義所當 則則 義予楚、齊也。 耐 孔子以 齊知悔,是謂「不寧方來」, 雖 若桓公以大義責 夫 (亦凶。 若獨 行 正 理 而 强 屈 立自恃,求比 曰「來 暴有 齊,亦聖人功用 包茅責 (楚,此 盟 以服其心, 而 伯 楚 之志 者 知 來 得

臣 功 理 蓋 子何力之有。 所當伸而 有不 必 驕亢 序 也 有以挫其鋭。一人智勇 四 時造化,亭毒不言之

調邱 叔 「子不如易於齊。」介侯犯之門甲 以告人」,此曲沃之民 孫 管見:《揚水》之卒章 「臣之業在 İ 州 師 駟 仇 赤 仲 E 《揚 一郎非 孫何 水》卒章之四言矣。」●駟 忌 惟叔孫氏之憂,社稷之患 帥 師 叛 Ė ,以圍侯犯。 圍 「我聞 昭 侯 丽 左傳》: 有命,不敢 赤 黨 侯犯奔齊。 謂 桓 侯 叔 也。」對 犯日 叔 也

> 舟中, 卿。 咎叔 度帥 行 閉 説,志不云乎「從善 走,是教通國之人爲罔上之舉。 然,侯犯擁藏甲據堅城,至於二卿 仇以社稷之患,説動 居,圃生之杞。 姬公之子孫也,侯犯 足交扶,爲 此 詩,其意順。 僞 其從善之門 可見魯爲 孫使犯之僚屬爲許諼之謀,誘之 師 魯君世失其政,故日就强大。 而堅者以 非 圍之而 其 自然之感,何能若是? 公室 儒書之國 叔 此 而 弗能 孫氏 夫 有 輔 爲 開 口 其 如 下之。 何以 人心 駟 獨 魯國之君若 寔,故愚不敢不辨。 登 也。 從惡之路,將 赤,便即操戈。 何 ,從惡如 得此於郈 之所 人哉 三桓者,同 忽然敵 同 ? 崩 悪、故 民, 並 鵲 然 果若 或 使世之 ? 論 人 命,兩 巢 者 起 姓 哉 固 而 此 H 荷 或 於 不 州 鳩 之 日

0 「揚水」, 原作「楊水」,據《左傳》改。 下「揚水」同。

然晉人之爲此詩,其意逆。

駟

赤之引

此

管見:樂大心辭使晉之命,不肯逆樂祁之

罪。 大心自取之也。 `,爲祁之子溷所讒,宋公逐之出奔,然亦 大心直指其過,以 溷 也 居喪 來讒賊,非「不 無 禮 ,誠 悪 爲 而 有

地出奔陳,公弗止。」 魋,魋欲之,公取以予之。 宋公子地出奔陳。《左傳》:「地有白馬四。 母弟時日 :「子出竟,君必止。」子 公嬖向

嚴」之義,故《經》以自出爲文。

冬,齊侯、衛侯、鄭游速會于安甫

也? 記 其見不亦淺 會,以繫人心,故顧 齊侯不能帥諸侯,獎王室,法廼祖二幽之 管見: 齊景有意於合諸侯而卒不 日: `,非意之也。」齊侯意之,其將能乎? 失其本領也。 聖 人 哉? 能 以 天下爲 於是晉 汲汲以合黨叛晉爲事, 周室雖微,天命未 一家,中國 衰,齊亦不 成 伯 爲 振 改。 何

際,故敢助君憂之。」」

叔孫州仇如齊。《左傳》:「齊侯享之曰:「邱屬與敝

管見:齊侯致 邱 于魯,非好 意 也, 郈 民 之

乃納其 魯,明正其叛主之罪,得方伯討賊之義矣。 齊而爲其屬邑哉? 齊侯若能執侯犯以 民,固已恐齊之遷之也,豈肯帖 不願也。 叛 人而 方侯犯以 固以致郈 郈 易齊 爲德,欲圖 齊 有 然 司 服 觀 佰 役 郈 畀 於 之

不亦疎 乎?

曰:「我廷吾兄也,吾以國人出。」」

宋公之弟時暨仲佗、石彄出奔陳。《左傳》:「時

出 桓 無助 秋之季世也。 釁而 管見: 悲夫! 竟 魋 桓 ,仲佗、石彄 梯大禍,至於奔亡相繼,未有甚 而 魋 拂宋公之意,公弟時 而 奪公子地之物,公子地 夫四馬之争,小矣,宋公可 王化不行,人心不正,媒小 可無從公弟時 可 無 出 勸 可 公子地 一於春 無 奔 奪

定

公

. 4

病根。宋公克,公子地伐,公弟時怨,佗、一何悖妄至此? 大抵克伐怨欲,是難制之不已,至於入蕭以叛。君臣兄弟之間,

十有一年春,宋公之弟時及仲佗、石殟、公子「及」,可無别生意義?

疆欲、《春秋》直書,交罪之也。

「暨」之與

地自陳人于蕭以

叛。

秋,宋樂大心自曹入于蕭。《左傳》:「大爲宋患,寵夏四月。

向魋故也。」

臣、巨 愛, 國安危,故 叛生于挾。 用儉人以召亂 地、大心之叛,向魋之寵 管見:華、 族者 開 口 挾 便關 其叛 向 令色、孔壬者,偏 如如 侍 之叛,寺人抑 也易。 其 出一轍。 禍 勢之堅牢,一 福,故 人君明足以達 也。 其 夫怨起于偏 之 得其 元、景父子, 怨 嬖 舉 也 也。 足 多。 君之寵 便 時 四 繋 世 而

不爲意。

乃捜

一二小國,今年盟,來年會,

宋之患矣。强臣不敢媒孽於外,闕一於此,難乎免於惡臣不敢媒孽於外,闕一於此,難乎免於聰,武足以操八柄。嬖臣不能濁亂於內則

叛

管見 令行。 伯規 鄭來 魯。 十年 專竊之漸 攘之,然後其 當合之,然後其權收,中也。 其機固 勢,而大勢之運 模, 輸 於是 魯 鄭即 景公不 平 不在多矣。 平 而 前 魯 齊 相 齊 齊久矣。 始 類 以 齊、晉 (威立 景不能焉。 知 平 後 掉 出 然齊 鄭 歸歸 在 終也。 此 尤 周之東遷, 心, 同 田 養 甚。 (僖用 齊得鄭,未得 志 致 能 内盗 以 郈 列國 當 天下之分合在 審 魯、鄭,能 事 荆 制 勢 齊 縱 齊,其 諸 之, 臣 楚 圃 多 强 憑 侯 外盗,恬 酌應之, ,然後 魯。 方 凌、當 皆 星 以 建 事 散 有 與 釣 自

之無奈如 使之叛晉附己,以爲勝算,而齊將爲陳,付 此,而 欲立桓、文之業,不幾 一跛

愛人以德,不以姑息。孔子行乎季孫,三

履眇視」之類乎?

有 二年春,薛伯定卒。

夏,葬薛定公。

衛公孟殟帥 叔孫州仇帥師圍郈。 師 伐曹。

氏宰, 季孫斯 之,費人北。」 將墮三都。 、仲孫 何忌帥 公山 不狃 師 帥费以襲、魯 墮費。 《左傳》: 仲尼命 仲 申句 由爲 須伐

季

脱冕 不爲海 日 使之自墮。 之。或曰:聖人無僞,桓子一向倚信,乃 邱、費之墮,聖人微轉其機,二家 管見:孔子 是 而 不 上之鷗 行, 知 曷若 其所 聖 於 乎? 所以愛桓子之深也。 季 當 恃以爲固者,田 桓 初不墮都之爲 他後來著 子,見行可之仕 疑,聖人不 中之鳥, 順 愈 君子 也? 而 也。 行

> 何與? 之? 用,何其宏長乎哉? 深根之巢窟,崇朝毁圮,非聖人,其 受女樂,是天晦其 其邑無悔也。 月不違,日「家不 區之魯,尚能維持於七暴國之間 之言,退省其私,事 已明告之矣,何嘗用 雖成卒不墮,而三桓自此漸 然而 觀此舉 夫道之不行,命也。 藏甲,邑無百雉之城」,是 衷。 理不 動,不大聲色, 術 孔子之行,於 鼓 過如 舞? 此,於是自墮 他 微。 聞 聖人 而 桓 子忽 誰 墮 聖人 累 功 都 品 能 #

秋,大雩。

冬十月,癸亥,公會齊侯盟于黄。 齊。 無 爲,而齊亦何足倚。 管見:魯於是始明叛晉矣。 主意? 齊之視晉,猶爲彼善於此。 魯在齊、晉之間,不 是時,聖 人用 夫 晉 事 以 於魯 晉 固 小 則 無 事 贵

人之所能測也。 無不可。聖人作爲,自有次第條理,非常外好名,得魯而後厭足,委曲與之同盟,亦大,知也,能不爲而後可以有爲。景公慕大,知也,能不爲而後可以有爲。景公慕

十有一月,丙寅,朔,日有食之。

十有二月,公圍成。

公至自黄。

保障,我將不墮。」公園不克。」公至自園成。《左傳》:「公歛處父謂孟孫:「成,孟氏之

行相 斯舉矣」,説 用事,未得專魯國 管見:圍成不克,胡文定以 經》文不言三家,直書曰「公」。 事而云然也。 亦 有 理。 政,蓋據《史記》孔子攝 胡氏宏辨其不然,意 蓋 郈、費既 爲是年孔 聖人「色 堕,成 子雖 獨 謂

> 之,不知 是年,孔子遂行,魯之不振有 之之辭,而目「公」以見貶。 取誤耳。書「公圍成」、「公至自圍 有必守之志。 之成,可無待於公之自將矣。 使定公堅忍持重,惟聖人運 孟氏 有必不肯墮之心,公飲 是必其自用 然則女樂當 而弗克 掉伸 由哉 乃欲 縮 成」,危 由 以 聖以 處 力 品 父 勝 品

「齊侯、衛侯使師伐晉。將濟河,使告曰:「晉師至矣。」齊侯

有三年春,齊侯、衛侯次于垂葭。

《左傳》:

乃介。 此 出,掠境而歸,然内自虚驚,既介復止。 敢伐盟主之名,以示武於諸侯。 晉」,惡齊、衛之無名也。 管見:垂葭之次,寔伐 知其志之不憊矣。 或告曰「無」,乃止。」 動不以義,事故 景公不 晉 也。 幸晉師 過欲誇 不 書 二伐 觀 其 不

■ 「成獨不墮」,原脱,據乙本補。

成」,當有處分,决不輕舉驟發以自僨事。

第

唤

醒

,既不能使他自墮,聖人「好謀

而

不墮,●强者不覺之而

弱者覺之。

他

已次

夏,築蛇淵囿。

力,故凡書「築」、「作」,皆譏。 之類。 作從木,門觀之類。 聖人重用民之類。 聖人重用民意,「築」、「作」義不同。● 築從土,臺囿

大蒐于比蒲。

與焉,故不書「公」,則圍成而褻威之甚。 夏,夏之春。此之大蒐,雖不詳月數,或在 其卒伍,君親誓社以蒐田 終,火之始,於是出火焚田,簡其車 管見: 先王之爲蒐禮,以季春之月,木之 孟獨不墮,三家相疑,因蒐以閱軍數,公無 大蒐,特以縱從禽之樂耳。 公之蒐,非爲蒐田之常禮也。先築囿 辰、巳之間,亦未爲失。《春秋》書之,見定 而習軍旅。 抑叔、季墮邑, 賦, 周之 丽 後 閲 公、敗,奔朝歌。」

衛公孟殟帥師伐曹。

伐曹,亟戰附庸之國。夫子不答問陳,惡**管見**,衛靈公從齊伐晉,垂葭無功,連年

其好小勇也。

「荀躒、韓不信、魏曼多奉公以伐范、中行氏,不克。二子伐冬、晉荀寅、士吉射入于朝歌以叛。《左傳》:伐趙氏之宫,趙鞅奔晉陽,晉人圍之。」秋、晉趙鞅入于晉陽以叛。《左傳》:「范氏、中行氏

697

已。其離合之迹,每起于權利,而五卿者,最强,知次之,韓、魏、范、中行各立門户而趙、韓、魏、知爲一黨,范、中行爲一黨。趙趙、韓、魏、知爲一黨,故有六卿。六卿之中,

「築」,原脱,據乙本補。

一「請」,原脱,據乙本補。

之也。

定

公

. 1

比事

而觀,定公自取削弱,《春秋》蓋

惜

五〇五

薛弑 同歸。 行并植 所歸。 將 重。 立 卒無 不仗公義而行私意,遂至勢力不敵,與亂 頃、定昏庸,太阿 於趙有輔車之勢。平、昭侈汰,伯業凌遲。 子勤勞公室,又過成、宣。 然者,成季之勳,宣孟之忠,載在盟 趙氏亡而復存,僕而 其君比。 爲 ,韓厥之請也。 鞅欲取衛貢五百家寔邯鄲之邑,其自 能與 趙 趙 厚於趙氏,即 鞅 **奉** 也 晉固以趙爲喬木之臣,而韓、魏、知 ,非特將焉而已。 趙 言 1秋》兩 歸 氏 堅冰之戒, 豈不著明 争。 以 國歸 以「叛」書,討賊之義 倒授,於是大夫之權始 趙鞅之歸,荀躒之贊也。 所以 非 再植者,數矣。所以 惟不 易 自厚 中行、范氏伐之, 辭 累世執國,民望 能争之,而 也。 也,見晉國之 也 故趙武之 1哉? 府。 又助 行 文

> 來奔。」 宋。《左 傳 ×: 衛 侯逐公 孫 戍 與 其 黨, 故 超 陽 奔 宋, 戍

體臣,乃人主之能事,所謂 戍以殖貨招讒 奔魯,奔宋,同時並見,著靈公之不君也。 管見:公叔戍者,衛之公族,趙陽其 臣,其能國乎? 靈公嬖寵南子,唯言 一固其 (自取。 是聽。 故國 然去讒,遠色, 世臣之謂 朝 而 八黨也。 逐二

頓,以頓子牂歸。《左傳》:「頓子然三月,辛巳,楚公子結、陳公孫

是乃復 聖人大桓、文之功 遂及於魯。 姬,荐食上國,迄春秋之終, 管見:自柏舉之敗,楚 滅 國, 諸夏之無伯,流 夷德 ,豈無意歟? 無 厭 師不 也 弊 滅 出者十年,至 楚 盡 陳、杞、宋, 至於此。 江 一、漢諸

夏,衛北宫結來奔。

衛趙陽出奔

十有四年春,衛公叔戍來奔。

佗

人帥

師

滅

五月,於越敗吳于攜李。吴子光卒。《左傳 吴伐越,越子勾踐大敗之。 闔廬傷將指,還,卒於陘。」

救范、中行氏,不克而還。」 公會齊侯 神爾。 於勝。 故。 之入吴,又以是物。 共之讐,而 勾踐之敗吴,夫差使人立庭,出入必謂己 何。 方闔 以有會稽之棲。 勝,是以有攜李之敗。越有攜李之勝,是 克而卒無後。」誠 曰:「夫差,而 管見:《楚訓》曰: 卒之身斃於脛,乃在驕心之速禍。方 廬之入郢,自以爲横 《春秋》貴已亂,故不没其 是故勝兵之勝,勝在至柔,明屈伸之 趨利 、衛侯 夫椒之報 前 于牽。 不知害者,何足以 忘越王之殺 夫夷狄勝負,無關天下之 哉是言也! 「勝之不可保。 公至自會。《左傳》: 大仇起于争,而敗 亦不 行東 旋 而父乎?」蓄 踵。 吴有柏舉之 事以 語此 南,莫之誰 未幾,越 紂之百 哉? 示戒。 「謀 基 不

> 深而 也。 事,不知瞰室之盗,遂用此爲梯 禹迹所及,相率而朝 苟能明大義爲四方綱,可 晉之衰運,玉帛之所 是又會魯、衛,謀救中行。 管見:景公惑梁丘據之言,不討季氏,至 不弘,於原本全不理會。 君之賊,是以 致」公,危其或討是 今年會,定亂 慮 彌 淺,其 亂 教 景 也。 臣 公之謂 齊矣。 行 輻 也。 也 輳,冠帶之所 夫以 今年次, 以拱揖 自以 堂堂全齊,助 乎? 奈何識 齊 之兹 爲 階。 臨 ^ 圖 叛 短 春 淄 基,值 依 伯 伯 年 ൬ 秋 而 彌 能 國 器 脇

秋,齊侯、宋公會于洮。 比 齊 衛有公叔戍,趙陽之亂未弭 管見:宋有母弟時,樂大心之禍未艾也 事 侯 丽 以 救 觀 所 范氏,曾以 謂救 無名之指 《左傳》: 是 爲 當 也。 「范氏故也。」 而 務 捨 之急 乃汲

疾也。

腹

心之

乎?

汲會

天王使石尚來歸脈。《公羊》:「「脈」者何? 俎實

也。腥曰「脹」,熟曰「膰」。

見,則 天王 雉,感時 聞 桓在 北之旅。 真儒之效 孔子用於魯。 韶 側,無有能贊下拜者,則亦已矣。 起敬,千 丽 此 脤 忘肉味, 物 脈 魯人受不與祭之福,而 也。 肉 也。 ,其不忘之味乎? 歸,而膰 ·里歸 惜乎五 齊侯 東周之道未 思大道 俎, 寔之腥 歸 肉已不致矣。 寸象環,已爲 田,叔季墮邑,於是 也。 興,則 ,亦足見 三嗅而 周公之夢不 無君之三 此 東 前年, 魯用 西 脤 嘆梁 然 其 南

太子羞之,謂戲陽速殺之。夫人啼而走,太子奔宋。」衛世子蒯聵出奔宋。《左傳》:「衛侯爲南子召宋朝,可嘆之雉乎?《經》書「歸脈」,傷衰周也。

淫,播於衆聽,靈公昏而不悟。蒯聵若能原逃父之誅,則蒯聵之過猶可準。南子宣管見:論殺母之故,則蒯聵之責不可逃。

孝。 猛,爲 其褒貶矣。 事,義繫於納,不 爲善於不去,故存其「世子」。 欲待時 令名之意。 逃而待烹,如申生之恭,非人子思貽 受,大杖走,違其難 幾諫,有隱 以靈之無道,得免殺子之惡,則去 戲 再入,以争其國,非有下廪 陽 無犯, 速 夫蒯 近所賣。 得以 職 固· 庶 乎 而去之亦可也。 南 書世子之故 貪生者,原 可 子仇 也。 之既 夫何 若 其心 深, E 人 ൬ 心 戚 父 一井之 印 粗 無 小 ·, 直 定 後 猶 母 所 杖

衛公孟彄出奔鄭。

宋公之弟時自蕭來奔。

子。 足侔矣。 言,先正其家,以 之亂,而 管見:子答景公以「 當時,晉、宋有君 齊 乃汲汲 之隱 禍 Œ 以扶范氏撓晉國事 亦 四 君 如之。 國,則 君、臣 臣之亂, 苟 桓、文之業 臣、父父、子 能 衛 有 紬 父子 繹 聖

1

奔子亡臣,未有甚於此時者, 所以與之會者,捨內事而謀外 宋、衛父子爲仇,君臣相賊,置之不問。其 何取 事。 乎數 諸侯之 會

爲哉? 景公有馬千駟,死之日,民 無 得

稱。 覽其行事,誠無有足稱者矣。

大蒐于比蒲。 何氏曰:●「凯亟也。」徐氏曰: ❷「蒐

邾子來會公。

五年一爲。數則亟

,緩則緩,皆訓也。」

蓋三家奉公觀蒐。 **管見:**上文書「大蒐」,下文乃書「公」者, 公寔不爲政,因邾子來

握,乃必以奉公爲名,嫁晉怨於公也。公 會乃見爾。 夫盡 魯國之兵車,人三家之掌

晉人之來討,或如衛孔達之事。 會齊,謀救范、中行而不克。三家惴惴於 伯國 以 誅

人耳。 邾子之來, 首謀令,故托大蒐,簡軍寔,分明以公爲叛

適逢其會。《經》變文曰「邾子會公」,見公 晉之標,公特看場之矮

之無與於蒐,且以志嘉樂野合之失禮也。

城莒父及霄。

管見:大蒐之斾旌 方建,築城之畚

鍤已

具。用民如此,可知其無政矣。

十有五年春,王正月,邾子來朝。

管見:《左氏》載子貢觀執玉受玉之俯仰,

知邾、魯二君之將亡。聖門之學,有此意

見否? 曰:子貢言「夫子之言性與天道、

藝,多言或中,豈吾儒之徒歟?《左氏》好 不可得聞」,此其學已見到至處。 小道曲

誕,此類當明辨之可也。

二月,辛丑,楚子滅胡,以胡子豹歸。《左傳》: 鼷鼠食郊牛,牛死,改卜牛。

0 何氏曰」,原無,據 《四部叢 刊》影印宋本《春秋公羊經

傳解詁》及體例

補。

0 及體例補。 「徐氏曰」,原無,據阮刻《十三經注疏》本《公羊傳注

胡不事楚, 子云「存亡有命」,尤爲無謂。夫存亡而歸 性」、《孟子》「莫之致而致者命」。 其自取滅亡宜哉! 之命,是天有事而無理,人事皆無可爲矣。 字,是「天生烝民,有物有則」之命, 命」、《易》「致命遂志」、《中庸》「天 相不可言命」,此亦未達命之爲義。 富、貴賤、死生、存亡之命。● 管見: 曰:「存亡有命、事楚何爲?」楚滅胡。」 經傳言命,見於《詩》「昊天 唐陸贄 此「命 「日「君 如 命 非 有 貧 成 胡 謂

夏五月,辛亥,郊。

《詩》「四月維夏、六月徂暑」及「維莫之春、 也。 武王大會孟津之十三年春,反覆詳論。 管見:周正建子,而寅月起數未嘗改。蔡 氏傳《書》,於太甲即位之元祀十有二月, 亦又何求」證之,則四 然考《春秋》書法,如郊、禘、大雩、城、 時之序,周與夏無異 以

0

「賤」,原誤作「践」,據文意改。

者,帝王立治之體。變者,聖人示訓之用。 月爲正月,仲冬、季冬爲孟 築、蒐、狩之事,志其非時失禮,是以十一 讀《春秋》。 秋》乎?」蓋指此類。 孔子曰:「知我其《春秋》乎? 所記,典之常。《春秋》所書,例之變。 又何與《詩》、《書》牴牾? 是故室不通,不可以 曰:《詩》、《書》 春、 罪我其《春 仲春明矣,

壬申,公薨于高寢。

據而不可除也。 也。「公圍成」、「至自圍成」,見三桓之根 祀先公」,見大夫之將失權,陪臣之將執 不正終,後君之不正始也。 喪,至自乾侯」、「戊辰,公即 管見: 定公之編、《經》多特筆, 「大蒐于蒲」、「邾子來會 「意如卒」、「從 位」,是先君之 如書「公之 或

. . .

文状,呈入众身之邛。灰孚从前,圆事下公,見魯之兵權不統於公也。夫以魯之

可爲。夾谷以後,東方有將興之勢,而乃文獻,聖人父母之邦。夾谷以前,國事不

迷於女樂,弗克由聖。魯之不振,果誰之

之不得就。辭雖微而寔顯,蓋有「鳳不至,爲? 夫子於是編,傷世道之不可爲,素志

鄭罕達帥師伐宋。

圖不出」,發於咏嘆之餘者焉。

齊侯、衛侯次于渠蒢。《左傳》:「謀救宋也。」

管見:次于垂葭,伐晉而無功。

次于渠

故書「次」而不書「伐」、「救」,不得與審謀際,救宋而不果。齊耄,衛昏,無名妄動,

邾子來奔喪。

慎戰之次爲比也。

君之喪,於義何居? 禮經之不明,諸侯壞夫五,士三,此爲其臣子言也。邾君奔魯管見:奔喪之禮,哭天子九,諸侯七,卿大

責馬。 其典籍之罪也。弱諂强,大脇小,均有

秋七月,壬申,姒氏卒。《公羊》:「哀公之母也。責焉。

不

八月,庚辰,日有食之。

稱「夫人」,哀未君。」

九月,滕子來會葬。

行」,是魯、滕之廢禮久矣。二國皆文王之曰「宗國魯先君莫之行,吾先君亦莫之管見:滕文定爲三年之喪,百官皆不欲,

侯會諸侯之葬,乃淪胥所必至也。書之以昭,委禮經於萊莽,至廢三年之紀,則以諸

昃,乃克葬。《左傳》:「禮也。」《公羊》:「喪不以制也。」丁巳,葬我君定公。雨,不克葬。戊午,日下志其失,此天子議禮之事焉。

未離穸所而虞於墓。虞之爲言安也,於墓虞於路,五虞於寢。日下昃乃葬,是虞主管見:日下昃,向夕也。禮,諸侯七虞,二

急爲哉? 直書而其失自見。不拘時日。既不以時日爲拘,何以下昃之克葬。戊午,日下昃,乃克葬,是待雨霽而安神,可乎? 非禮甚矣! 且丁巳,雨,不

辛巳,葬定姒。

其失禮便見。胡氏引《曾子問》是也。之禮葬,故《春秋》寔録。若先重而後輕,惟哀不書「薨」,不書「小君」,蓋不以小君管見:魯君妾母者四公,僖、宣、襄、哀。

獲麟之十四年。 管見: 哀十六年,孔子卒,《春秋》絶筆於 編年書哀公者,《傳》文追

述,非《經》文也。

也。蔡於是請遷于吴。」 楚子、陳 九年春,王正月,公即位 侯、隨侯、許男圍 蔡。《左傳》:「報柘

爵 以有立而天理滅矣。 父母,若包羞忍耻而 楚之於蔡,固爲可憾, 於不與共戴天者。 管見:此條,胡傳 ,恕楚之罪。」其意蓋諷宋 曰:「議讐之輕重,有 今楚人禍及宗 不能一洒之,則 故特書「圍蔡」而 而能懷其宗廟,徙其 高宗也。 廟。辱 不可 淺 意 稱 逮 至

> 本領。 讐,不説養活然之 狐 陳器 高宗之藥在是矣。 詳認《經》意目楚、陳、隨、許四國之君而 奪其剛果,不能自强自治,至於奉貢 用之併失,其勢無奈金何。 高宗未嘗以復讐爲不是,只恐江左一隅, 之於闔盧、伍員,而徒虐區區之蔡,所 一蔡,好小勇,怯大敵,故直書以見貶,砭 而辟易於虎,未足爲復讐之義舉也。 ,鞭平王之墓者,吴也。 説《春秋》者,只 氣,①恐未究是《經》 故柔懦 楚子不能 之心, 稱 説 謂 報 復 圍 置

> > 705

梁》:「志不敬也。嘗置之上帝矣,故卜而後免之。」 鼷鼠食郊牛,改卜牛。 夏四月,辛巳,郊。《穀 聖人之大用也。 管見:《春秋》之書,彌綸天地,燮理陰 天地之道,莫辨於五行。 陽,

0 活」、依文意疑當作「浩」。

五

哀

公

則 之失禮,爲 之非時,與郊牛之傷死,必謹書之,以見魯 者則萬物祈報之意息矣。 春 萬物,郊而置牲於帝,報本反始之誠,食之 前 五 行 祭帝於郊,出震見離之象。 闢 翕之序舛 萬世訓。 矣。 若成王之賜,伯禽之 陰陽之理不離 故是《經》於郊 緩於 此 於

衛伐晉,取棘蒲。」秋,齊侯、衛侯伐晉。《左傳》:「救范氏也。師及齊、

受,在不修《春秋》之前,聖人已傷之矣。

叛晉而爲之撑扶,亦豈計其理之然否?兩立,於是范氏走依於齊。齊侯不過喜其范、中行何擇焉。趙存即范、中行亡,勢不之强弱而已。若夫曲直是非之理,則趙、大強弱而已。若夫曲直是非之理,則趙、大強弱而已。若夫曲直是非之理,則趙、

雖夷晉於列國,亦罪齊之首戎,聖人蓋 之祀與太公而俱泯。 是 丘 IIII 理者也。 有光。 理之亡,則同就于衰。 春秋之終,●齊覬 書曰「齊、衛伐晉」, 晉 丽 無 此 成,昧 唐 兩 叔

責之也。

冬,仲孫何忌帥師伐邾。

「伐邾、將伐絞。邾人賂以漷、沂之田而受盟。」 孫州仇、仲孫何忌及邾子盟于句繹。《左傳》:忌帥師伐邾,取漷東田及沂西田。癸巳,叔二年春,王二月,季孫斯、叔孫州仇、仲孫何

勇者苦怯,●此大亂之道也。」邾於魯,來會亂之事。强者脇弱,衆者暴寡,知者詐愚,惡無節,於是有悖逆詐僞之心,有淫佚作惡無節,於是有悖逆詐僞之心,有淫佚作

理之存,則同歸于盛。

此踐土之會,繼葵

夫春秋之初,晉代秦而迭興,假是理者也。

^{● 「}苦」,原誤作「若」,據乙本改。 ● 「終」上,原有「中」字,據乙本删

甚矣。 人。」女樂 顔 餽 問 而 爲 季 邦, 氏 子曰 荒, 處父存 • 放 鄭 面 聲 孟 氏 遠 梗, 佞

汰如昨,無有 叔 孫 武 叔 敢 毁聖人。 以禮義律其邪心。至是三卿 聖人去而 三家之驕

才 並 剛 將,二卿受田 者 决, 力 强 ,盟邾國之君而魯公無 者 奪, 豈 復 有 人理哉 與。 ?

其事,無以見强 春秋》辭極 簡 嚴 臣 ,此條 之蟠結,牢不 立文兼史 法。 可 解 不詳 戒

人不以禮爲 國 ,其弊有如此 也。

滕子 來朝

夏四月,丙子,衛

侯元

鞅 帥 師 納衛世子蒯聵于戚。《 左傳 趙 鞅

衛太子於戚,使太子纔哭而人,遂居之。 管見:富貴,人所欲,惟 知 道者,不 以 道

之,不顧也。 其餘 則 行不義,殺不 辜 加 得 得

> 也。 者,强詞,惡 耻 明大義,欲以大夫 之者,無所不爲,豈獨蒯聵哉? 喪,争子國,此殆喪 以 若輒拒父之惡,義見下文。 世 子 面 權奸之所爲,亦耻世子之不子 挈 於 Mi 鞅。 心 置 病狂者 諸 書之 侯。 日 矣。 蒯 納 觀 聵 趙 其 見 鞅 利 忘 納 不 親 忘

之。 于 秋 鐵,鄭 八月,甲戌,晉趙鞅 趙鞅禦之、過於戚。 師敗 績。 《左傳》:「齊人輸范氏粟,鄭子 鄭師大敗,獲齊粟千車。」 帥 師及鄭罕達帥 師 姚送 戰

臣。 論 范之志同 之,何也? 子姚于戚,不得不與之戰。 管見:于鐵之師,非 至於反易天明,欲 意 法均 趙鞅之納 也 論 齊人之施范氏,固 一,反 情 蒯聵, 豈 , ~ 以 擅晉國 春 此 秋 趙鞅志乎是戰, 爲 》之權 范 非援 丽 氏 滅 春 罪 衡。 不孝之子? 爲 其 乎 秋 君 助 ? 》以 故 不 則 雖 忠之 蓋 鞅 均 ÷ 遇 兩

軍 相 遇,而特以鞅爲主。

冬十月,葬衛靈公。

駟。《左傳》:「吴洩庸如蔡納聘,而稍納師。蔡侯殺公子十有一月,蔡遷于州來。蔡殺其大夫公子

駉以説。」

罪。 蔡侯請遷於吴,吴人迫之殺 管見:蔡駟得罪,於《傳》不見。 故意者諫 蔡侯 主 張 不定,移禍 其 臣 爾 ",是駟 然卒 遷 也 于 無

之喘息須吴,自貽伊戚,微傳而其文顯矣。遷都、《春秋》先書「遷」而後書「殺」,見蔡州來。徒剪本支,終無益也。先殺駟而後

「伯討也。靈公立輒,固可以拒之也。不以父命辭王父命,三年春,齊國夏、衛石曼姑帥師圍戚。《公羊》:

是父之行乎子也。」

之,未有 蕩之,莫不有 管見:人莫不有顧復之思 無至德,夷、齊餓 如蒯聵之父子者。 離 屬 而斯世無求仁。 之情 而 而 以 太 利 以得喪之心 伯 害 没 甚 之 愐 矣天 心 天 下 喪

> 之矣。 父? 之惡尤甚。 衛太子案, 雋不 見長惡之在齊也。《公羊》反以爲伯討,其 附齊,故輒也依齊抗晉。 景公何心助子拒 衛之群公子,豈 天王,告於諸侯,聲其罪而 斯獄者,原父子之親,立君臣之義,則 理之難明,人欲之易肆! 曰:靈公意 立義不精甚矣。 傷倫背理,莫此 至於此。 迹其所爲,與鞅之納父以争子等爾 或曰 攘羊有證,畫蛇之惡更深。 在立]: 父 疑 漢時專治《公羊春秋》,故 爲甚。 無可立者乎? 諸侯叛晉 野,非立 猶主其説。 命辭王父命 《春秋》序齊爲 負虎不回,教猱 兩廢之, 輒,胡氏 因謬承誤, 可乎? 可也。 請於

夏四月,甲午,地震。

管見:先儒論地道有四遊升降之説,然則

, 4

震 天相 之極 中。 序,地 等倫 者,日 以 以 漢因 岳 水人,吐之則水 月 辰 一,萬 爲 流 而 氣之呼吸,驗 氣常動 而岸不移、故器 ,如岸上燈 異,不 食 北 爲流通 磾之盈虚 夏陽之極, 古流 月星 氣降磾低 或遊方 有 而 如 南 地 峙 與 辰 而 是 是象 氣 日月星辰,四 質 而 之曆數。 日 理 乘機 爲 故 動 震 所 常 Щ 出,只那 氣 乎 食 度。 者 反静 震 升 静, ? 比 動 Ш 左旋 H 亦 自 之方,如 人 磾高,故日 也 而 如魚之吸水,吸之 短 日月 如 淺 動 而形反 物, 燈 形者 於中 0 周 呼吸之氣。 意 其 不 時 静 天之度, 潮汐之升降 天 五 如槎 動, 或 者 變遷,河 者 漢《 星 Ш 動 故 精 自 氣 如 長。 則]1] F 使 五 推 静 人物 四時 流 日 器 而 日 恒 行 測 冬陰 故 海 地 磾 地 每 月 心 志 者 地 Ш 與 則 亦 空 者 值 之 槎 星 河 之

怠,便謂遊能震地也。航云,然亦偶中,未敢以地有四遊押闔

其

乎?

《易》曰:「在天成象,在

地

成

形。」

公立於象魏之外,命藏象魏曰:「舊章不可亡也。」」 \overline{H} 之所 傷於殺 禮由 「天高 日 義也。 陽。 屈, 月,辛卯,桓 秋 不 毁不毁,此 子七,諸侯 管見:聖人制禮,本於天地自然之 語 》,此亦言天道之一端,使後世 故陰 成, 陰作 怪 良以孤 其 地 多乎 神, 而 桓 卑, 則 陽 非 待 天災適當之矣。 别 五,大夫三,士一,其數 魯人之失禮。 仁。 僖 争 此 陰則不生,取陰陽互 宮、僖宮災。 萬物散 宜 聞之而 乎 則 而 過 ?」聖人 鬼 爲 居 於隆而 者,陰之靈。 殊, 火。 鬼 後言之。 而 而 《左傳》: 夫子 從 心 禮 非義 其氣 地」,故 桓、僖、 與 制 在 其 天 行 「季桓 可 藏 知 不 少 筆 通 陳 矣 夫禮 屈 之 安 其 每 乎 廟 平 於《春 聞 子 廟 此 乎 宅 淮 制 而 至, 理 者 H 陰 之 於 不 則 天 御

7.

窮高直遠而測深厚,不可一毫私意於其

間也。

季孫斯、叔孫州仇帥師城啟陽。

管見:城漆城、城啟陽,皆由叛晉而爲之

備也。

宋樂髡帥師伐曹。

伯失馭,故無以輯其附庸之國。管見:區區之曹,而衛、宋交伐。是時晉

曰:●「桓子妻南子。」子生男,康子請退。公使共劉視之,則或殺之矣。」杜氏秋七月,丙子,季孫斯卒。《左傳》:「康子即位,南

主。 人雖 其知足以知聖人,故孟 月不違,及卒又囑 管見:季桓子 桓子,見行可之仕。」時權 攝相 從大夫之後,有 與 政三月,魯國 亦足任 康子召 所 爲 作 子曰:「孔子之於 善,如信 大治,桓子不爲 用 去公室既久,聖 孔子而用之,是 勢須 任 由 孔子三 季 氏

他便晦其衷也。康子雖向用孔子,然信道樂,怠政不致膰,孔子行,是寔魯之不幸,無功。惜乎人欲之心勝於天理,及受齊女

不篤,故聖人卷而懷之。

蔡人放其大夫公孫獵于吴。

之,蔡人執而畀之。 比。意者公子獵黨公子駟,吴人鈎 管見: 時吴人制蔡之命,蔡人安 于其國? 其事不得與晉放胥甲 稱「人」以放,罪 能 父 于 放 圃 大夫 衛 抑 治 爲

冬十月,癸卯,秦伯卒。 吴之辭也。

叔孫州仇、仲孫何忌帥師圍邾。

氏得田,權由季氏。至是邾將敗盟,故圍管見:季孫斯卒,州仇、何忌圍邾。蓋二

● 「杜氏曰」,原無,據《清武英殿聚珍版叢書》本《春秋釋

例》補

1,16

之也。 盟以結信, 脇而盟之, 其究至于興

戎而後已。不以禮讓爲國,亂是用長。書

「圍」,書「盟」,疾亂之辭也。

傳》:「將如吳,諸大夫恐其又遷也,公孫翻逐而射之。」四年春,王二月,庚戌,盜殺蔡侯于申。《左

擊柝,高城深池,不足以爲固,而所恃以固管見:政者,人君所以藏身之固。夫重門

蓋殺蔡侯于申,是不能以政藏身也。遷躬率以正,舟中之人,其不爲敵國者乎?身之藏者,政焉。蓋政以正不正。苟不能

當謀及乃心,謀及卿士、庶人,須卿士、庶都,國之大事。使其畏偪于楚,請遷于吴,

臧,既移禍於大夫,又欲率意妄行,以犯衆强,盗賊何自作哉? 乃不能然,爲謀不人之從,與己之心無逆,是謂大同,身其康

戒人君行事當以公正爲準,則身安而無悖人之怒,其及宜矣。故没翻名,稱盗以殺,

蒸公系寺出家逆作者矣。

蔡公孫時出奔吴。

葬秦惠公。

宋人執小邾子。

夏,蔡殺其大夫公孫姓、公孫藿。

管見: 時姓、藿皆與殺蔡侯者。

子赤奔晉陰地。士蔑執之,以畀楚師。」 晉人執戎蠻子赤歸于楚。《左傳》:「楚圍蠻

氏, 蠻

統屬。於是晉執戎蠻歸于楚,聖人蓋絶望將百年。《春秋》猶重絶之,不忍中國之無管見:楚見晉之氣燄大屈,伯統陵夷,垂

於晉矣。北宫子曰:歸于楚者,京師楚

連一介布衣,不肯帝秦,而晉堂堂伯主之也。不京周而京楚,晉人之王楚可知。仲

由之盛衰。不能治人而治於人,是失其所不足以繫天下之故,而伯圖之起廢,中國餘,至以事天王者事楚。一蠻氏之存亡,

五一九

綱常禮義 操,無以爲諸侯之望。 志世道 可恃矣。 之變, 所恃以 春秋》内夏 以 戒有國者,其於名分體統 爲中國之命 外夷,而 冠 丽 脉 倒 置 書法若此, 者,至是不 一於屨 則

城西郛。

無苟乎哉?

六月,辛丑,亳社 記災也。」 災。 《公羊》: 「亡國之社 也。 何 以

魯國 災,災社 侯以亡國之社,故亳社者,亡國之屋社也。 禮,故周社者,天子之大社 管見:魯 以二社爲 屋也 有二社 聚民誓戒之地,於是亳 既 閉 成王 其陽,使不 賜周公以天子之 也。 得達天 武 \pm 頒 社 諸 地

> 夫子責之,是《春秋》明天道而《論 語 || || || ||

人

事也。

秋八 冬十有二月,葬蔡昭公。 月,甲 寅,滕子結卒。

管見:《春秋》之義,尊君父,討亂賊。

楚。 漏 殺蔡侯也,●蔡侯自殺 又録其 侯死於弑、《春秋》盗 網於弑逆之臣 終也,辭楚投吴。 官。 賊者釋 乎? 不 其 治,又 日: 爾。 友封 賊 與 非公孫 始也,挾 於弑 豕 書 ൬ 其 攖長 葬, 者 翻 見 吴困 之能 無乃 蛇 蔡

利 己從 究非全身遠咎之道。 心,不知艱 曰:「羝羊 艱 則吉。」蔡侯於壯之終,欲 人而 觸 乃委 圃 藩,不能 處 國蠻 柔,有自取吝悔 王, 退,不能 及 (勢迫 以 取 力 衆 遂 窮 之理。 極 怒。 無 用壯之 但當 攸往, \wedge 易 捨 然

問社

知《春秋》謹災慮患之意而以殺伐啟其君。

,宰我以「周栗,使民戰栗」爲對,蓋不

象。

三家强

魯國危,其

應不

爽。

後

哀公

之氣,

而

天降之災,是陰

争於陽、柔

棄

剛

之

盗。盗而書之,有不勝書。賊在外,其勢 伯之伯者,其則吳、楚者,蔡侯之賊。諸大夫者,蔡侯之 者不忍爲矣。

不能討,則葬之而已。此《春秋》權衡之精

意也。

葬滕頃公。

夏,齊侯伐宋。五年春,城毗。

晉趙鞅帥師伐衛。《左傳》:「范氏之故也,遂圍

中牟。」

於衛。 將爲 蓋權 管見: 京師楚 之心迹見矣。 三家分晉,氣勢漸張,於是求寵於楚,結恩 戰 奸之謀 國,與 執戎 戰場衛而父子之倫道睽,無易樹子 而 苟可以 華夏之體統紊,同獎王室者不肯 自 蠻 入春秋之始 利 樹 時 歸 楚,爲 黨援者, 賊名 荀、 固無不可 范 奔亡,韓、 蒯 氣味大不 聵 爲之事。 伐衛 義而 魏 相同。 連結 不恤 春秋 鞅

秋九月,癸酉,齊侯杵臼卒。 伯之伯者,其春秋、戰國之際乎?

夫亦世變使然。

邵子所謂

冬,叔還如齊。

閏月,葬齊景公。

内寵。 藝。 慮淺。 鄰。 既敗,委國晏嬰。 之才,有桓公六如之亂。 之權,多見其不知 東,幾復桓公之業。 人之詛而欲 踊貴屢賤,刑 意,奪於陳無宇之横 管見:景公嗣位之初, 值平、昭之世,伯政陵遲,諸侯引 聊、攝以東,姑、尤以 國儲 惑於梁丘據之同 不立,遂基禍 取 獄滋豐。 威定伯,統 晏子内畜其 量 然公志大才疎, 也。 而大權 衡 權 而 端。 百百 年 鹿 姜氏不祀,厥咎 西,不能 歸 或 渙散 老知 舟鮫,徵求 崔 事可 四 無桓公九合 (君,外 慶。 + 昏,嬖於 不能 否行 勝 或 億 心多 4 領 睦 收。 兆 無 其 其 耳 而

之繇。 或稱爲 顯諸侯,不知何所取也。

六年春,城邾瑕

管見: 哀公即位六年,書 於晉,肆虐於邾,罷民築城,謀斯舛矣。 「城」者三。 挑 怨

晉趙鞅帥師伐鮮虞。

罰,晉 夷狄 以 必去其疾 於晉,而求援於鮮虞。 管見 至犯覆載不容之罪。 逞,所 未 君 趙鞅既 嘗 但 謂 而後 無 憤兵 以 公是公非之心, 三臣 强 已。 人晉 毒 弱爲左右。荀、范 衆焉爾,烏足爲聲罪之 鞅復移怒於鮮虞,罷民 而 鮮 晉君 夫皆故國之臣,未 虞猶 既 爲趙 敢 納 鞅所制, 荀 無 同 寅, 所 罪 容 異 雖

吴伐陳。

伐乎?

統既 吴則困於楚。二國皆以神明之胄,逼於夷 **管見** 陳、蔡在 微 一蠻 並 强 吴、楚之間。 陳 從楚則 困 春 秋之季,伯 於吴,蔡從

> 狄。 貴於有伯 獲麟未幾,淪胥以亡。 也。 此《春秋》所以

戰敗,遂來奔。] 者,謂諸大夫曰:『二子者禍矣。』以甲人公宫。 夏,齊國夏及高 張 來 奔。 《左傳 陳乞偽事高 昭子、惠子

蚊

之,以戒後世大臣之不明者 管見: 所謂 秋》録二氏之奔,以著其 元惡今將之計, 賣,使怨仇交作 在側,不能燭微 之世臣,受托孤之寄。 故國,非喬 慮遠, 亂 又 起公 何 而比之匪人,爲其 取 本之謂。 當主少國疑, 宫,戰 世 監 國 臣 爲 無 敗 狀 也? 身 高、 奔。 M 國, 權 深 ^ 春 就 所 奸 罪 齊

叔還會吳于柤

秋七月,庚寅,楚子軫卒。

公一 管見:齊桓公九合諸 戰 IIII 伯,蒲 之出 也。 侯, 莒之奔 秦穆 公修 也 德悔 晉

文

過,晉之敗殺也。

楚昭王由己率常,吴之

疾。

之禍。 幾乎? 是耶 移築 知者,其資禀亦未易 存心養性之學, 入郢 殊。 復安。 自知 然觀 獲 貪天之功,養其驕 ? 也。 》稱「綏猷」,《周易》言「懿德」,殆 憂 方之 于 孰謂 韓 故人之有德慧術知,恒存乎疚 戚 於 謙 氏 無 及 玉 昭 昭 以 以 春 德 成,不必人人皆然。 王,奚 Ŧ 既復位,挾 社 明 秋之季,夷狄之君 寧 又 而 稷 英宗擬之。 非 不 死 得 爲 啻 齊、 肯 圃 重、援 也 横、幾 天 祭 不 晉、秦之君 壤, 越 怨 逃 丽 立 望 讐,當災 抑天之降 有 夫英宗 誅 之神,其於 景 漢 石亨、 泰,明 十九九 故困 而 所及。 爲 能 而 侯 張 祚 而 才 乜 如 庶 不 爲。 病。 命爲 爲 以 管見: 而 齊 君 重

朱毛遷孺子於飴,殺諸野幕之下。《公羊》: 生,大夫皆之乞家。 齊陽生人于齊。 陳僖子使召公子陽 生夜 乞使力 齊陳乞弑其 至于齊,與 士舉巨襲于中 饋者皆人,立之。 君 雷 茶。 「陳乞使人迎陽 開 之,則陽生 《左傳》: 公使

爾

軏。

危

m

先所

欲。 制 其「公子」,以正其不子之罪。 其欲得之心,乘機 誰 景公於父子之倫蕩然矣。 愛故立之。 亦古今篡奪之同惡。 施陰設,亦古今姦雄之同術。除草去 國,以 何。 或 父所棄,苟有泰 陽生 命,謂吾君之子,取 是穿窬之徒之不若,故書氏 立不正 愛母 脇 臣父子之獄 則 明世嫡之重 立 而 視 陽 廢 而茶之死决矣。 立之,然後 者抱 干 生不當 正,亦古今廢立之通 乘 其 伯之 其 人 咸 子,此 國,處囊 如 而治情愛之私。 《春秋》於 人具焉。 廢, 脱 讓、伯夷之節, 劆 必 屣 以 劌 故陽生立 古今偏 於 可 斷 不愛 茶 人饋 雖 衆 也。 陳 割 弑 不 乞 以 放 當 茶 之 愛之 陽 惟 挾 乃 弊。 人 無 廢之。 一案, 立 生 己 不 陽 不 以 陽 IIII 所 而 根 使 所 敢 勝 生 去 父 牛 氏 陽 通 不

之爲人君父,罪陽生、陳乞以教後 與之同志者,以弑 之,朱毛行之,亦明知陳乞之不遺後患 君臣父子,人道之大倫。 無所逃於斧鉞 人臣子。《經》文十三字而天理民 間。 逆歸 亂 賊 罪於乞,然後奸 罪景 惧正 公以 在 此 彝 世之爲 教 處。 盡 後 世 在 夫 雄 而

冬,仲孫何忌帥 師伐邾。●

聖筆,其嚴乎

宋向巢帥師

伐曹。

故也。」 七年春, 宋皇 瑗 帥 師 侵 鄭。 左 傳 ***** 鄭 叛

晉魏曼多帥師侵衛。《左傳》: 「衛不服也。」

管見: 伐邾

曹,

侵鄭,侵衛,此伯

統

周道 墜,諸侯無 春秋》夷王於諸侯,此爲五伯之萌孽。 衰 而 征 所 伐 伐 統 不統 攝,事勢與 於王。 春秋 至於王 之初 伐 無 鄭, 異。 晉 既

> 夏,公會吴于鄫。《左傳》:「公會吳,吳來徵百牢。」 牢,偃然以王自居,而禮物 王。 **管見** 不稱「吳子」何? 鄭之役,根於吾 討,魯不敢違,《春秋》擯而夷之,所謂代天 昭、定以 於盟會,所謂 秋》夷晉於列 曰:太伯以天下讓,而其子孫 於父子之相争。 行化,扶帝王之正統,嚴夷夏之大防。 在九伐之誅 人於《論語》稱太伯至德,而作《春秋》擯吳 而世道日淪于傾覆。 無王,是無祖 前, 魯猶 乎? 國,此爲七雄之權輿。 「賞 君之交質。 三綱不正,故九伐 與 也。 延于世」,何獨 周 (吴 抗 此《春秋》所爲作也。 德 使當成、康盛時,其 下 禮。 夷吴之辭 衰,吴 過之。 侵衛之役,根 至是徵 敢 日 晉不能 與 不 也。 益横。 不行, 會 周 然? 然伐 並 百 聖

0 「冬仲孫」至「伐邾」九字、原脱、據經文補。

政弛而征伐不由於伯。

至於晉侵衛、春

紂 而 拘於善 屈 不君、湯、武誅之、不得以禹、湯之後、而 法 善長之義。 於 旲 也。 先 此《春 儒 日 秋》不以太伯 祖 宗 德澤 不 故 미

《左傳》:「伐邾,及范門,猶聞鐘聲。師遂入邾,處于公宮,秋,公伐邾。八月,己酉,入邾,以邾子益來。恃」,其意亦謂是歟?

以邾子益來獻于亳社。」

郊。 康 氏 權 雀相窺。 過 罪 而 管見::康子患盗,子曰::「苟子不欲, 不竊。」然則魯之盜,康子爲之也。 一以其 (納君 一則歸 子, 貪其 非己出 己寔爲盗 蓋 不義,其惡自見。 君,利則歸己。不意蜂蠆 土,拒 地鄰於魯、擊柝相聞、康子侮 深見其病。 一,行止· 邾子既來,而吴盗入國,齊盗 叔 ,有以媒 由 孫之諫,使 人。 以盗 四 書「公伐邾」, 聖人以「不欲」箴 鄰之盗 患盗,不亦疎 君 自 也。 有毒 將伐之。 邾 雖賞 而 哀公 其 寔 蟬 季 人 弱 無

傳》: 八年春,王正月,宋公入曹,以曹伯陽歸。 有曹,鄭之患也,不可以不救。」鄭師救曹,侵宋。」 冬,鄭駟 「宋滅曹,執曹伯及司城 弘 帕 師 救 曹。 疆以歸,殺之。 《左傳》: 「鄭子 思 H 「宋人 [《]左

於亡。 賓,滅周之同 德以保其國,爲公孫疆伯 動輒侵 **管見** 曹月齊 陽歸」,則滅國之罪便見 則其妖孽先已見 宫而謀亡曹,曹叔振鐸請待公孫疆許之, 宋,自取滅亡。初,曹人夢衆君子立于社 詩,其當 不言「滅 既而 伐, 曹」,不許宋之得 春秋之中 爲 北 姓, 豈得 所 桓以後、爲晉、宋所病、 面 困 事晉,僅可維持,而 于夢兆矣。 ·世乎 弊。 無 ? 意者下 罪? 説 滅 曹伯 也。 所誤,背晉 然宋 書「人 泉思 陽 以 以 不 曹」, 曹伯 周之 周 宋 思 屢 修 之 人 奸 幾

吴伐 負載造於萊門,吳人盟而 我。 《左傳》: 「吴爲邾故 還。 ,伐魯。 克 東 陽 而 進。 景 伯

秋 寔爲唇 弭兵。 陳 耻 知 元 之外,無 睦 之盟,《 管見: 吴伐 孫 有端委之雍穆。 夷安夏,托於 乎? ,尚 勇 固 耻若是乎? 、國佐之所不肯爲,曾謂 於國門、强者怵以威、弱 之所惡 於 讓 協,不 春秋 苟 邾 日: 要質之紛 去争,不待 魯 可 而 也 雖 以 》之所 盟非 魯 怯 能 盟 利 無 於昊, 魯人之不審勢 固 若夫鋒鏑交 而 盟 夫自 與立,必 國 盛 一守待 人乃 紜。 耻 而 家,等 盟 世 也。 還。 其 强 而 事 伯者 同。 援 ≢也。 所 不 人自 有 盟 盟 丽 者 不 謀 息,君子之道。 儒 控 與 於 故 也 以 書 呕 迫於勢,此 或 信。 書之 亦 王者講信修 斃。 於 壇 大 結 盟 與 原 若 甚 、吴盟, 野、載 扶 城 信 者 **壝之中** 此 魯 故 矣。 齊、 小 下, 語 信 丽 城 春 季 晉 旲 華 書 攘 誓 不 何 以 下

> 學者 隨做 貶。 若卒議其後。 含羞 秋》爲君子謀,不爲 去,如 不明《 然國惡有諱 忍 耻, 寇萊公之忠, 春秋 以 苟 》,及出 安 耻之義 小人謀 爲 務,小人之志。 而 而 7、故以 應 澶 固當直書 世 淵 諱 之盟 凡事 耻爲貶。 王 王 要 ^ 欽 詭 春

歸 夏,齊人取讙及 以邾子益來也 邾 子 益 于 邾。 闡。 左傳》: 《公羊》:「賂齊也。 齊侯使如吳請師,將以 曷爲 賂

此不學之過

也

秋 七月

我,乃歸邾子。」

齊 冬 人歸 十有二月,癸亥,杞 讙 及 闡 伯 過

西、讙 龜 **管見**《春秋》書歸 在外也。 陰。 闡。 書 宣公篡位,哀公人邾, 所 書 取 歸 罪 而 在 田 不 内 書 圃 也 先 所 書 取 不 者 所取者一 已寔 書 郭、灌 所 有 取 二,濟 疚 罪

足以償 取之。 返 强所侵, 至於賂 ,則返者爲卑。 前 先 人所受於先王先祖之地,他國 則 取 日 侵者之罪,事 所失之辱。 而 後 歸 没其取而見其 是 後 若夫勢力不敵,爲 理不 日 所 過。 得之榮 歸, 既 卑外 侵 得 復 不 以

削,非史策之舊文。所以尊内也。此《春秋》之精意,可筆

每日遷舍壘合。鄭師哭,宋取鄭師于雍丘。」宋皇瑗帥師取鄭師于雍丘。《左傳》:「宋圍鄭師,

九

年春,王二月,葬杞僖公。

者。 取鄭 既而 伯 取 管見: 自隱十年 ൬ 敗之者,未 也),雖 取者 齊、晉統伯,不復有 師, 有桓、文作 諸 蓋 侯 盡俘其衆而 伯 相 統統 有敗而取之者。 二,當服 侵,不敢 - 書鄭: 之既絶 伯取宋、蔡、衛之師 上 有之。 也。 有 刑。 書取 違 夫師 方中 者。 節 此 天下 戦 制 莫 或 之 至是宋 無王 憯 之 最 有 戰 有 善 平

此春 後。 鄭人 秋之終始 及于 逞 毒 於先。 品 之師 圃 天下 鄭人 國汰於用 無伯, 又恣 爲 宋 、武、其 報 復 肆 之舉。 罪不 虐 於

夏,楚人伐陳。

可掩矣。

可

秋,宋公伐

冬十月。

學未 虎筮 不然,宋皇瑗既取鄭師,宋公又親 伐宋。」於是止 得水火之兆,曰:「水勝火, 管見:《傳》載宋伐鄭,晉將救鄭, 得 明,專從 泰、需之卦,日 術 師 數 不 救。 理會,不繇義 : 蓋 「宋方吉 春 可以伐齊。」 秋以 理 「, 不 前、《易》 趙 自 起見。 鞅 帥 可 師 陽 以 1

誤。故陽虎之徒,亦能言之。凶。此蓋十翼未作之先,術家用《易》之

可矣。

然晉

人

不

勇

於

義,卒

以

利

害

爲

吉

伐鄭。

若使有

賢方伯,抑

强

扶

弱,

1

諸

心

公會昊伐齊。三月,戊戌,齊侯陽生卒。《左十年春,王二月,邾子益來奔。

傳》:「齊人弒悼公,赴于師,吴子哭于軍門之外。」

此弑 之所以弑,五季之所以數易也。 彼之所求。 則小人 之所以伯,漢文之所以帝 也。 簡將悉也巨。」非 之間,智者明,愚者暗,而吉凶 爲德,然後伸 能無樂乎此,則求我者不敢以我之不樂者 無樂乎爲君。 管見:善乎晉悼公曰:「人之求君,使出 説命》曰:「 圃 立而不從,將安用君!」故英雄之主, ,假我以求富貴者,用我之所樂,肆 書「卒」,胡氏以齊侯辭吴師之故 少不如意,即爲仇敵。 無啟 縮 昏庸之主,以爲君爲樂。 由己,權綱在 固 寵 聰 納 明 侮。」莊叟曰:「作始 者,不足以 也。 成敗 上。 荷 得失取舍 以 此陽 此 隨之。❶ 語此。 爲 齊 夫 4 桓 命

> 等爾。 君,其 弑逆之文,教後世人君以藏身之道也。 以取殺身之禍。 義 非 已 齊人之能弑 明。 淺意,齊 故齊 人與 齊侯, 寔齊侯 侯之卒,與 乎故者,不施 樂 陳 爲 侯 以 君 溺

夏,宋人伐鄭。

晉趙鞅帥師侵齊。

《左傳》:

「大夫請

卜之,

趙

孟

日

[吾卜於此,起兵事不再令,卜不襲吉,行也。]」 勝。 虐有喪之齊也。 諸 泉之兆。」公曰 王,使卜偃卜之,曰:「吉,遇黄 人,假卜筮以文奸詐。 於宋,以水適火之兆决之也。 管見: 宋伐鄭,晉侵齊,趙鞅勇於齊 心而 知道之君子 卜諸術,則利 :「吾不堪 晉之始伯,文公將 所不肯 重 此鞅捨不義 而 爲 義 也。 輕, 而 夫吉凶 帝 賊 理 戰 德 對 之宋 微 納 之 而怯 于版 不 日 而 小 襄 而 欲 1

爲

齊人所弑,不忍以夷狄之民加中國之

怯

存

乎

操,審勢者轉其輪

而

理自

定。

也。 於逆王 後之筮 于筮者 師 以逆公,不亦可乎?」晉侯以右師圍温 天子之卦也。 周 筮之。」 遇大有之睽, 曰 逆王 禮 春秋之季,不復 未 ,遂以此 則義理 ,王入于王城。 ,蓋未達 改,今之王,古之帝 天爲澤以當日,天子降心, 明白,有所啟發于心,故 伯諸 前之卜爲襄 有此見識,故一 侯,亦其用《易》之善 其始有疑于ト :「吉,公用享于 E 也。」公曰 一復國 一之應, 變而 而 左 勤

天, 差公子结帅师伐谏。秋, 葬薛惠公。

爲戰

國

理者據其鵠而勢自趨。勢者,理之輪,壯管見:理者,勢之鵠,曲直是非常相對,明吴救陳。《左傳》:「楚子期伐陳,吴延州來季子救陳。」冬,楚公子結帥師伐陳。

伐楚 壯 動其 敖帥 分, 以 也。 理之是,使夷狄得 救中國,其事則甚美,其情則 其德孚。 以久役情 侯納不正,子突奉王命以救衛,不以 之不誠。齊、宋、曹 之固。楚公子貞救鄭、狄救齊、吴救陳、救 惟 窺 據理有 相去只毫髮間 心。 以 諸 楚人 師 如子突救衛,救之誠 救 侯爲 及諸侯之大夫救徐、晉陽處父帥 楚、狄、吴救鄭、齊、陳,以 其志。 虐中華,桓公合諸 誠 是救患之誠,雖王 江 不 ,救之不 猾夏争伯之地。 誠 是救災之固 操 以操勢之壯、蓋 師 勢 是 固。 次 有 故 于聶北救邢、公孫 固 救 何以言之? 諸侯救許 者 不 侯以 非真,特假 雖 師 中 古 師師 敗 國 新 救 m 有 之最 不 夷 城 得 不美 其 衆 失之 能 失 狄 救救 諸 救 不 氣 寡 善 據 mi 師 而

得之。 補,是 以號舉。 鄭,稱將目其專。狄救齊、吴救陳,夷之而 存焉。若夫救邢、救徐、救江,則齊桓之德 而 法,救衛「字」子突,救許「遂」諸 衰, 會襄之志怠, 雖 據理之明暗,操勢之鋭鈍,舉其凡 亦竊救 此《春秋》權衡之精意也。 救邢、救徐書「次」,救江書「以」, 難之名 能 脯 救而 己。 詳《春 望救 侯。 者無 秋 楚 可盡 救 書 所

及清。孟孺子洩帥右師,冉求帥左師。齊人不能師,霄遁。」十一年春,齊國書帥師伐我。《左傳》:「齊伐我,

人 可 第出禦齊 管見: 零門之役, 冉 得 見瑚簋甲兵,未有文而不兼武者。 政於魯,以七十二賢 師。 既 而 强敵退師,卒保 有、 樊須皆以聖門高 布列 衆職 、虞之 無事, 使聖

九官

周之

74

臣, 咸萃

國,

則

天下

尊魯

職分,故不矜其功也。
職分,故不矜其功也。
職分,故不矜其功也。
就以衛祖稷,乃臣子本不能用,詳見《史‧世家》。意者,《春本不能用,詳見《史‧世家》。意者,《春本不能用,詳見《史‧世家》。意者,《春本》之作,在獲麟十四年之前,所書當伐,

夏,陳轅頗出奔鄭。《左傳》:「初,轅頗爲司徒,賦公

田以嫁公女,國人逐之。」

管見:轅頗者,濤塗之後。陳三恪,故有

三千,以獻于公。」 吴子伐齊,戰于艾陵,大敗齊師 戰于艾陵,齊 五月,公會吴伐齊。 師 敗績 ,獲齊 甲戌,齊國 獲國書, 國 書。 革 書帥 《左傳 車 八 百乘,甲首 師 及吴 一公會

管見:《春秋》書「獲」六,獲君一,獲將五。

一家臣,此魯所以卑也。

此條書「伐我」,

0

然聖人不得時位,門人見用

亦不過

哉? 之師 其人,至以其 之不存,毛將安傅? 者三軍之司命,而三軍亦將之守要也。 敗之下,不異其文。 惟大棘之師、宋及鄭 ,齊及吴戰,獲齊國 是故爲將之道,揣彼揣 卒予 ,敵,將 蓋將尊師衆,以 戦,獲 將固 書,皆書將 亦 重於師,而 宋 贵 華元。 己,知進 能 以 獲 艾陵 獨 將 見 於 皮 知 存 非 將 師

敗。 敗而 不慎擇將 乘,甲首三千。 六術、五權、三至,而處之以恭敬, 二千五百人,馘百人。吴獲齊,革車八百 《傳》所載鄭 身可 保也。 圃 其 害至 覆師之禍,未有甚於 獲宋甲車四百六十乘,俘 華元、國 於空國。 書皆以 ^ 春 1秋》以 輕 則師 躁 此 民 取 不

退,不行險以僥倖,無見利而

不顧

害。

行

秋七月,辛酉,滕子虞毋卒。 萬世「長子帥師」者之明戒也。 命邦本爲重,故先書「敗」而後書

「獲」,爲

新世叔齊出奔来。 冬十一月,葬滕隱公。

管見:甚哉財色之爲害也! 世叔懷衛世叔齊出奔宋。

之美珠 政,兄弟也。」 孔叔文子爲之。 播之妻妾而在國 生,逆之而復不與相似。 子自衛 反 而 魯,所 得 城失 見衛 其 出國,妻妾爲之階。 城,美珠爲之祟; ❶ 事 事 與 獨詳。 子曰 季康子之妹 鲁、 世叔之奔, 、懷賈! 時夫 衛之 妻陽 具 齊 胡

冉有訪諸仲尼。不對 周 十有二年春,用田 公之典在。若欲苟而行之,又何訪焉?」」 而私於冉 賦。《左傳》: 有 i i 「季孫若欲 「季孫欲 用 行 田 M 賦 法 則 使

田。公田百畝,二十畝爲田廬,餘八十畝,畝,其中爲公田,八家皆私百畝,同養公畝,其中爲公田,八家皆私百畝,同養公

●「祟」,原誤作「崇」,據乙本改。

供皆於 於此 私既 也。 無 比 井田之大 法,使其有易而 同 賦 之典,指 遂用 每 公之作 人於公而 二,則 又 出 家 畝,是謂 不登於版籍,民 爲 夫 有 賦 田 助 及 以 輕,而 八家 賦。 俑 白 耕 常 而 於 徹言之也。 網已 故子曰: 以 + 也 復 畝 易再易之法 税 什一 私 蓋以 畝。 百 取 所受之田各百 有 寔 田 畝 漢 用, 於此 税 見 科 矣。 而税。 有 爲 氏 田 共受公私 定 田 是公爲 「有周公之典在。」周 則 數。 私 減 爲 漸 無復有世業之資。 不變,農民寔受其病 收 徹 其 至是 其 車 率,則 輕 壞,至 通之。 租 法行 厚 宣公 田 上 税 飲於 又 即 租 中 十畝,十畝之税 田 乘牛馬甲士之 無不受税之田 而 秦 税 而 以二猶 百十 零星之高 下 至於田 私 頌聲 + 掃 民 畝 農 爲 ,始什取 税 地, 寔哀 畝, 地 無 賦 不足, 作, 力 以 賦 0 止 Ш 之 公 不 蓋 加 今 税 書姓。

夏五月,甲辰,孟子卒。《左傳》: 陵,分田劫假。 租之外,又有 古制之不行,其來已久,豈一日之積哉 更 厥名三十税 賦, 疲 癃 咸 「昭公取于吴,故不 ,寔什税 Н, 而 Ŧī. 民

義,猶 系,多 同 之教 姓 狐 不及同 管見 堯、舜大聖,豈爲此瀆倫之事? 如 司 疾,君子是以惡之。 姓乎? 爲 也。」春秋之時,周 湯、 姬 不 IIII 婚 出 知 文 禮, 明, 不不 生重 姓。 於 耻 相 取妻 習熟 祀録之謬 曰 : 獨 而 去 其 耳,平公 魯 諱 + 生 不取 堯、 之。 見 昭 世 不 聞 然 舜 殖,美 日 審 故男 猶 道 内度 或 也。 同 姓。 恬 1矣,其 爲 E : 廢 祖 不 墜,如 叔 有 女辨 先 世 子 H; 爲怪。 堯女 侄 衰 盡 四 事 産 迁 道 姬 姓 矣, 不 則 譜牒 晉 史所 舜 微 然 可 歷 獻 禮 魯 則 妻,非 盡 公取 之大 代 或 同 則 相 内 .所 世 倫 禮 同 生 官

弟相昏媾,率以爲常,竊常疑之。 云 後觀《説

己諱 明《春秋》書「孟子」之義 皇禪位 郛》外書 而諱之、非有所筆削。 于 陳,陳人防后族移 「竊國于李,有監 也。 此可 國之禍 孟子者,因其 圃 然。」蓋 因 甚 則 因 不 昭

公會吴于槖臯

不翹君之過,而其過亦不可掩矣。

或者難以伯乎?」太宰説,乃舍衛侯。」 侯之舍,子貢見大宰嚭曰:「合諸侯而 秋,公會衛侯、宋皇瑗于鄖。《左傳》: 執衛侯。誰敢不 「吴人藩衛 惧?

知出 才,欲以救父母之邦而 之略,聲其 夫子矣。夫子不爲 管見:衛侯輒蓋有可執之罪,子貢嘗聞於 此,顧以緩 罪 丽 來爲罪,故墮黨崇讐之説 執 之。 衛君,使夫差少 不能救也。 子貢 雖 有 言 有 吴人不 語之 伯 者

> 亦君子之所當爲者。 子貢因投其機,以舒衛君之難,爲中國謀, 故曰: 不有君 子,其

能 國乎

宋向 巢 帥 師 伐鄭。

冬十有二月,螽

十有三年春,鄭罕達帥師取宋師于喦。 管見: 自宋平、元之族奔鄭, 罕達敗宋師于 老丘,二國有憾久矣。 然隙 地處亡臣 鄭

夏,許男成卒。

寔爲首禍。

於是又取宋師,不亦僭乎?

晉平公、吴夫差于黄池。」 公會晉侯及吴子于黄池。《左傳》:「公會單平公、

攘夷之略。 平、昭、頃、定之世,其君專事 管見:黄池、于宋之會,其事遥遥 讓先,趙鞅 楚人衷甲,吴人擐甲,脅盟之情 讓 其臣自行并植,無扶衰 長,畏敵之意 0 侈汰,無 蓋 同。 振 晉 相對。 趙 弱之 安夏 伯 武

晉,特 勢。 中夏。 故 晉侯 聖 權 圖 時 人爲 凡 冠 名,姑息苟安爲 桓、文挾天子令諸侯 而 日 之 人不容已,托之于《經》。 ,既不在王伯 屨之常經,發圭弁之永嘆。 不序。 《春 勢之所趨 細 萬 及吴子 以楚虔之無道, 書「豹及諸 晉人平日不於大義 世 故 慮 秋》、天子之事。 深 ௱ 黄池之盟,吴先晉,特書「公會 于 華 矣。 黄 及事變之來,乃以 L, 故涇 算,卒至以伯 夷 侯之大夫盟于宋」,標其 池」,存其統 晉、吴、楚之争長,特一 之別,乃 氣 吴夫差之不仁,非 渭 概,特 華 上 夷,紀綱名分, 有王 萬 宋之盟 理 以 權 IIII 扶持宇宙之 世 會,以 勢力 不紊。 授之。 之大 者作, 弭 一,楚先 脅 兵 遏 防。 拂 可 爲 有 其 制

於越人昊。《左傳》:「越子伐昊、爲二隊、大敗吳師、獲以俟之而不惑矣。

太子。

入吴,吴人告敗于王。」

蘇,而 州。 咸自 恨, 故。 不 提 子比 也。 行成之始。 湛 釁,以二十餘年之教 故先晦其衷。 施 管見:吴自夫差勝越,夫差日 書 溺之吴。 艷 犯 庫 宋之 取之。 扇 於「公會吳子 其事與夫差 入郢,卒 夫差不 4 無湛 於内 爲 耳 師 夷 猶 廬 前 務其内,徒事其外,國亡身斃 吴之爲 至是始 III 宰 狄 見弑 争於黄 劍名。 勾踐匿 此 完 嚭 互 相類。 ,楚虔方次 於黄 顔 賄 相 於乾 沼 入吴者,乘 之藏。 彰 雍 訓生 消 池。 一必報之情,伺可乘之 ,識者已 於外。 人 池」、「於 長, 谿。 《經》於「吴入越」 燕,卒 聚,甘 天之將 麋 無 伐徐之旅 後 鹿 預 虚 一預 朝 益 此, ·見弑 將 越 於天下之 策 心 有 騙 掩襲之計 亡人國, 於 遊 倨。 金 於 鴟 於 亮 宴 而 會 於 夷 安 瓜 方 公 稽 姑 之 西

意也。

以

爲

有

或

者務寔隆

虚

之戒,

此

聖

人

訓

世

晉魏曼多帥師侵衛

末甚詳。引而伸之,晉自平、昭以後,諸侯大夫之擅,而歸罪於上下征利之故,其顛一等見:先儒論晉之失伯,在於諸侯之離,

離於外,大夫合於内。大夫擅於內,諸侯

恣於外,由晉政失其本領故也。周德雖

王而嗣業。大綱既正,諸侯景從。王室之衰,天命未改,故文公逆王而成伯,襄公覲

不墜,惟伯國是賴,而伯統之不绝,亦惟王

侈。陰戎之師,致辭而後歸地。子朝之室是依。平、昭不德,暴蔑宗周,以宣示其

戎而抗天子。王城之役,魏子敢南面而見亂,觀望而後勤王。彝器之求,籍談以拜

是大夫不知有君,韓、趙、魏、智之黨合而一麟大夫。晉人不知衣服之有冠冕,木水之有一十大夫。晉人不知衣服之有冠冕,木水之有一十大夫。晉人不知衣服之有冠冕,木水之有一十

有叛晉 衡而浸淫以失伯也? 之遺烈,天子伯之,天下宗之,同列何敢抗 魯之交 固 者 焉。 而 有 伐 諸 侯 晉者焉。 不 知 是知伯者之盛衰。 有 伯 不然,則文、襄 齊、衛、宋、

葬許元公。

題目

, 豈無意乎?

係尊王之勤怠。

《春秋》編年,把「春王」作

九月,螽。

管見:"字者,慧也。術家以爲冬十有一月,有星孛于東方。

除

舊

布新之

爲民象,而其光有芒,影射霄漢,下陵上替象,恐不必然。《書》曰:「庶民惟星。」星

之應也。

十有二月,螽。

殺

陳夏區夫。

麟,以爲不祥,以賜虞人。仲尼觀之,曰:『麟也。』然後十有四年春,西狩獲麟。《左傳》:「西狩于大野,獲

五三五

Ÿ

哀

公

取之。」 其 將 宜 其變,以驗事 王 上 子足以當之。 見。凡皆参贊之極功,彌綸之大用,惟 生、存亡之故,其或父子、君臣之失道,存 地名,而 星孛記其異,以見感召之所由。 迭運之首 者主張 二年,爲天綱 不作。 一使後 案 代之王法定。 使夫子 ,其或昆蟲草木之反常,識 而 乎是。 《春秋》爲書,自隱至哀,二百四 倫 世知 地 爲 麟,王者之瑞,非時 時 理 紀辨於下。 明。 素王乎? 地 三才之植 ൬ 應之自致。人事莫大於死 故每年標「王」於「正月」之 方周之衰,堯、舜、禹、湯之 天 紀,人事 又以麟絶,而萬世之王法 物理 綱 E 不 立,萬化之流 至於地 一於上。 於是筆 物理 外乎 其 寂 而出焉。天 圃 震、山 以 至於 (名而 詳列 作 勇 麟 蟄 也 起,而 行,王 日 奮之 崩 國之 分 食、 類 + 天 録 書

聖,瑞 盛,反 麟兮! 後,與 《春秋》何以 《禮》、正《樂》,立一 違時 成。 也。 民 於民亦類 貴王賤伯,遊必擇土而翔必有處也。 IIII 遊之麟也。 者,郊棷 貴惟民 以 不爲害 之麟 内夏 來,未 夫子 兩間 世 哉 其是《經》之大旨乎? 所畜 亂 也。 之麟 外夷,行 也。 也。 佩 ? 同 麟可 有 加 哉? 無 流,仁之顯於神 之麟 盛 出乎 爲 尊 鼓 麒麟之於走 聲 也。 於孔 一治 君父 以出 有聲之木鐸 之象 撥亂世反之正,設武 步 也。 其類,拔乎其萃。 箇準,則道之見於讚 删《詩》、定《書》、考 中 討 也。 子 環 矣,成麟之瑞者,非 規 仰 亂 也。」孔 高 丽 獣 以 賊,含仁 然 化 類 折 鑽堅,瞻 以以 周 則 者,苑 旋 也, 流 是《 子之所以 有 統 中 於 聖 若 mi 會乎群 經》之 矩 吁嗟 四 人之 自 懷 前 囿 日 也。 方, 生 義 備 所 忽 述

作,與放龍蛇驅虎豹同功。

感於麟,終於

五三七

孝經立本 孝史略詮

〔越南〕馮明孝 校〔阮朝〕阮綿窩 撰

校點

	目 録
周武王章第三 二二	聖治章第九 七
周文王章第二 二一	孝治章第八 六
夏王禹章第一 二一	三才章第七 五
帝王部(二十一人) 二一	庶人章第六 五
孝史略詮	士章第五 四
孝史略詮自序 一九	卿大夫章第四 三
孝史略詮序 一八	諸侯章第三 三
	天子章第二 二
喪親章第十八 一五	開宗明義章第一 一
事君章第十七 一四	孝經立本
感應章第十六 一三	孝經立本自序
諫静章第十五 一二	孝經立本序
廣揚名章第十四 ——	校點説明
廣至德章第十三 一〇	
廣要道章第十二 一〇	
五刑章第十一 ::::::: 九	1 录
紀孝行章第十 九	

黎朝聖宗章第二十 二八	陳朝英宗章第十九 二七	明成祖章第十八 二七	明太祖章第十七 二七	元武宗章第十六 二六	宋孝宗章第十五 二六	宋高宗章第十四 二六	宋仁宗章第十三 二五	宋太宗章第十二 二五	唐明皇章第十一 二五	元魏高祖章第十 二四	燕仁宗章第九 二四	晉孝武帝章第八 二四	魏明帝章第七 二三	漢章帝章第六 二三	漢明帝章第五 二三	漢光武帝章第四 二二
唐越王章第三十五 三三	唐霍王章第三十四 三二	晉漢安昌王章第三十三 三二	晉齊王章第三十二 二二	漢沛王章第三十一 三一	漢東平王章第三十 三一	漢河間王章第二十九 三一	周公章第二十八 三〇	周泰伯章第二十七 三〇	皇親公主部(十五人)三〇	宋吴后章第二十六 三〇	宋王后章第二十五 二九	唐長孫后章第二十四 二九	唐寶后章第二十三 二九	漢許后章第二十二 二九	皇后部(五人) 二九	黎朝憲宗章第二十一 二八

111	目 録
唐梁君章第六十五 四五	朱子章第五十 三八
顧君章第六十四 四四	程子章第四十九 三八
陳徐君章第六十三 四四	韓子章第四十八 三八
文中子章第六十二 四四	董子章第四十七 三七
靖節先生章第六十一 四三	孟子章第四十六 三七
玄晏先生章第六十 四三	儒雅部(五人) 三七
酒泉先生章第五十九 四二	端木子章第四十五 三六
晉許君章第五十八 四二	有子章第四十四 三六
漢趙君章第五十七 四二	顏子章第四十三 三六
漢毛君章第五十六 四一	高子章第四十二 三五
韜潛部(十五人) 四一	孔門部(四人) 三五
黎朝阮程公章第五十五 四一	陳朝韶陽公主章第四十一 三五
宋司馬温公章第五十四 四〇	漢常山公主章第四十 三五
唐狄梁公章第五十三 四〇	陳朝興道王章第三十九 三四
晉何郎中章第五十二 三九	陳朝昭明王章第三十八 三三
漢石郎中章第五十一 三九	明楚王章第三十七 ************* [三]:
年尊德邵部(五人) 三九	明蜀王章第三十六 三三

盧卿章第八十一 五一	隋蘇房公章第八十 五一	陳徐尚書章第七十九 五〇	齊劉參軍章第七十八 五〇	晉吴將軍章第七十七 四九	晉張司馬章第七十六 四九	晉陶長沙公章第七十五 四八	晉王宗正章第七十四 四八	漢劉宗正章第七十三 四七	漢匡丞相章第七十二 四七	周樂正子章第七十一 四七	仕進部(二十七人) 四七	明王君章第七十 四六	明胡君章第六十九 四六	金陳君章第六十八 四六	慶山先生章第六十七 四五	節孝先生章第六十六 四五
婦女部(三人) 五七	日本山井掌書記章第九十七 五七	黎朝武探花章第九十六 五六	黎朝黄都尉章第九十五 五六	陳朝馮少傅章第九十四 五五	李朝李帝師章第九十三 五五	明吕太傅章第九十二 五五	明丘太師章第九十一 五四	宋真參政章第九十 五四	宋程太學章第八十九 五四	宋黄文肅公章第八十八 五三	宋丁制科章第八十七 五三	宋蘇學士章第八十六 五二	唐柳京兆章第八十五 五二	唐郭卿章第八十四 五二	唐員卿章第八十三 五二	唐薛卿章第八十二 五一

- 14

孝史略詮(章奏)	大南皇親藩盛國公綿寯彦叔自跋	明謝定住章第一百八	遼耶律安搏章第一百七	唐獨孤及章第一百六	庾子輿章第一百五	梁吉粉章第一百四	晉范宣子章第一百二	晉王延元章第一百二	晉劉長盛章第一百一	孩童部(八人)	唐鄭氏章第一百	北魏花氏章第九十九	漢淳于氏章第九十八
六三	六二	六一	六一	六〇	六〇	五九	五 九	五九	五八	五八	五八	五七	五七

明

向潛心於儒學古籍。

阮朝規定,皇子滿十五

要

入集善堂,授課者均爲儒學淵博的學者。

對 於阮

的。 存有《孝經國音歌》和《孝史國音歌》。 綿寯所撰,是針對《孝經》的義理進行解釋和評 除此之外,阮綿窩所撰有關《孝經》的著作,還 孝經立本》、《孝史略詮》二著爲越南阮 朝 論 阮

又追封和盛王。 妃事被奪爵,一年後復舊爵。卒後追封和盛郡王, 同慶三年(一八八八),因諫封同慶皇帝親母爲王 和盛郡公。 帝)第三十七皇子。紹治三年(一八四三),被封爲 彦之、號雅莊、松園、阮朝聖祖仁皇帝(即明命皇 缺五卷)。 阮綿寯(一八二七—一九〇七),字彦叔,又稱 咸宜元年(一八八五),晉封盛國公。 今存著作還有《雅堂詩集》十五卷

身爲皇族,阮綿審幼年即習學儒家經典,並

校

點

説

「如人閱《孝史》各章,照與《孝經》玩味,自見有印 史略詮》承《孝經立本》發揚孝道之脈,深有寄託 之心傳,本《孝經》爲首務」,撰寫《孝經立本》,乃欲 多種,對《孝經》加以註釋和演繹。 爲購訪商舶書坊、積歲、歷觀古今註疏」,先後著 儀《孝經國音行義歌序》) 阮綿窩偏嗜《孝經》,「 嗜唯書。 綿窩考究《孝經》之事,明命年間(一八二〇——一八 合者,可以自樂」。 表達對《孝經》義理的獨特認識和獨 四〇)身爲諸皇子贊善的太史范有儀(一七九七— 一八六二)曾評論說: 而《孝經》者,更爲書中之羊棗矣。」(范有 「公生平恬淡,無他偏嗜,所 他提倡「立道 創見解。 《孝 統 廣 書

越南 前所見的唯一版本。VHv.343本與AB.266本之不 VHv.343和AB.266° 漢 現存的《孝經立本》與《孝史略詮》均爲合編, 喃研 兖 院 圖 二者出自同 書 館藏 有兩 一刻板,這也是目 本, 編 號 分别 爲

二,AB.266本《孝史略 時 同 AB.266本卻包含四 孝史略詮》、《孝經 在 作者的續記。 于: 第 一,VHv.343本只 道 次整 或 種著作, 詮》多一篇附 音歌》、《孝史國音歌》。 理,即以 底本。 依次爲《孝經立本》、 包 含 AB.266本中的《孝 這 録,是該書付 兩 種 著 作, 第 梓 而

經立本》與《孝史略詮》爲

閲 版心皆有「盛國公文鈔」五字,也不 略 在 證 面、序和各章的内容、《孝史略 孝史略 加《孝經國 讀 詮 明以上兩 一》當 個 根 而將它們合編在 共同 據 詮》也都具 初 現 是 音歌 題 部或 有的資料,儘管它們 兩 名。 種 四 》和《孝史國 不 我 部 有 同 們 作品是屬於單 的 認爲、孝經立 種書的 起。 書 詮》還 籍,作 音歌》) 而 完整 且、《孝經立本》和 互 有 有 者寫完四 能 部書籍; 後, 結構,即 關 跋 本》與《孝史 證 聯 和 爲了便 明它們 尚 附 録。 有 種 儘 不 封 能 於 書 存 管

外 於 作 밂 年 代 以 及 成 書 時 間 以 下 分 别 介

泰

初

年。

《孝經立本自序》寫於「皇朝大南嗣德重光

紹

德年印行」之字。 不過一八八三年, 議以《孝經立本》命名此 一八七一年。 協治」(一八七 梓行之事也許 即 而 嗣 此 德皇帝晚年, 前 書,可見此 范 有 就 儀 在幾 閱 書最 讀 因 年 本 封 以 晚 書 後、最 面 完成 後 有 曾 嗣 遲 於 建

(一八八九—一九○七)的避諱(如 封 慶皇帝只 以斷定,由於付梓時 題「同慶年印行」,但是書中 即 梓,同慶丙戌丁亥年(一八八七)付梓功完。」附 未年(一八八三),至建福甲申、咸 撰的,本書附録指出: 面 作於同慶丁亥年。 雖 二、《孝史略詮》是在完成《孝經立本》後 然 題 在位三年,一八八六—一八八九),因 有「同慶年印行」,但實際印行 間 值得注 「《孝史略 長 而皇帝在位 卻 意的 存在成 | 詮》繕 宜 龍 點是。 Z 的 泰 西年 就 昭」字)。 時 於 皇帝年 間 增 應在成 封 嗣 短 才 補 面 德 編 同 미 間 雖 録 付 癸

花了二十多年時間,下了很大工夫,正如 阮 綿 **高撰寫《孝** 經 立 本》和《孝史略 他所說: 詮 前後

=

精神。」(《孝經立本自序》) 雖所註無甚壞奇,無他文飭,顧是半生心力,全副穩,則必至自誤誤人,而手加改定。凡四五易草,「所願脈絡暢通,聖道復著,深恐一字一句或有未

意。

校點者 馮明孝

孝經立本序是章乃當日范先生手答來簡,今謹全

録,冠諸卷端。

《孝經立本》。太史范有儀仲羽謹題。《孝經立本》。太史范有儀仲羽謹題。是書詮定精密,多發前賢所未發,表章是野,正如《大學》只言「修身爲本」,而無復言「齊家」、「治國」、「平天下」。「夫然後尊卑窮達,壹皆可學可行,方無偏弊之病」等卑窮達,壹皆可學可行,方無偏弊之病」等學,得未曾有。是爲全經本旨,宜稱書名。至經「孝經立本》。太史范有儀仲羽謹題。

多而 也, 望洋者矣。 日斯下。 學應試,致令士子舍本逐末,馳騖空文,風 載道之書,總以《孝經》爲 以立身爲 而 Ŧi. 小視之。 每攽是經 經因之始 君子 夫孝,天之經也。」《孝經》于是乎名, 蓋多未目擊,宜其略詰經義,輒已 本,則人人皆所當知者 務 本,本立 設 況我國 得 科 經 取 名 ±, 而道 丁、李、陳、黎 焉。 本,而《孝經》又 但 生 且「孝, 猶 有 焉。 也。 謂 德 故 未 文 中 之本 聞 句 五 必 朝 講 不 經

和平,何止 欽 唯我聖 祖 德 孝仁天縱,聖敬 加 百姓,遂使日 日 南文爛 躋,是以 盛

孝經立本自序

. . . .

其人。 學》。 多。 Ē 膳之暇,出 以 首 今註疏,溯自漢、唐以 廬之次矣。 聖治章》第九註釋改正。 述效,而其 教家兒等,而親 稱,道冠諸王。 有明人陳 務。 四 由是廣 及後 書 繼得元人吴艸廬之書,乃 嘗敕諸 但求其繁不支離,略不缺失,而 及 索居 士賢 諸 誤 八爲 閣 見《孝經立本・廣要道章》第十三 經 解 讀 購 皇子 所註 賜 史。 自較課之際,覺陳 書 義者間 立道統之心傳,本《孝經》爲 訪 邸,仍命塾師首講《 「學問 商 子 師 其 今文一 舶 至宋、元、明、清,代 (誤引 傅 臣 有 書坊、積歲、歷 猶 綿 首 相 略。 書者, 書行 寯 講《孝經》, 同 自 知 當是時,●惟 見《孝 世。 幼趨 陳 則 註 經立 踳 又 註 (孝經 附在《小 庭 註 表 觀 駁 在 皆 而 侍 釋改 本 有 古 咖 所 良 繼

改,下不再 時」, 原作「辰」 出校。 避阮朝 宗皇帝之廟 諱 而 改,今回

書也。 秘旨,親切貫通,的爲善本者,寔覺未有其

氏註 諸家 吕 明吕氏諸註同。 不 身」、「正心」等、「行道」如「齊家」、「治國」等、「終於立 可 顯 乃得爲立身者,恐誤。 註 如 云:「立身、行道、揚名於後世,以顯父母,孝之終。」後云: 終於立身。」次第不紊,字字 氏又註。 知 然兩 修身爲本」也。 男子通 又云: 混 揚 觀 按 名顯 事,故 淺 作 自 此 稱 又云:「立身者,忠孝兩 擬《孝經》本同《大學》,「立身」如 開 又 「非 諸 事,至: 卷, 親,未得 説 又云:「立身、行道,非 經 「師 行 圃 文前 孔傳未 不 明 道 諸 使妙義 稱姓」之類。 謂 亦 註 爲立身。」宋邢氏、元吴氏 後不 無 必先行 蓋先有立身之寔,不 解 安, 以 索然,則 有云:「若 精微。 同,各有深意,前 文 如漢孔安國 身、 道、 並 立 揚 事 全。」 他章 只惜 身、 名 親 兩 行 注 行道 明 孝 之 事。」 註 而 清李 陳氏 孔 身」 修 道 後 解 疏 子

濫

、達不溢,其利欲否泰舉皆不足以動

其

於人。 心 未能 期名 奔 靡 行道 非經旨。 身之孝者耶? 孝子,王尊叱 子思《中 乎名」、《周易》。 致身,終竟立身爲 「不求人知」之節,曾子傳。 自古不遇之時,甘心求志,不行其 藉口 監 競浮沈, 差,毫厘 兩全,未能行道、揚名,則皆未得 始爲立身耶 ,不遑將父將母」,有 而名揚後世, 庸》。 若使先爲 而懷寶韞玉 蓋聖賢 熱中 千 獨善其 里 馭,獨作忠臣,亦謂 有「莫我知」之嗟、《孔子世家》。 一,豈爲 不敏心竊爲之不 摇 ? 爲 利名,即干 何 本, 外, 且孝忠 己之學,不暇 身」、《孟子》。 亦 可 以 小 而 將枉己從人, 先求名不 視 小 行道 如 洎于「居易俟 文 云 王 一 理 · 禄 身 陽畏 乎 有 沽 不拔、 哉 平 與 遇 ,從時竭 務其寔, 求 名 此等聖 道,「不成 大三王 ? 途, 不 全苛 則 得 想 ·遇焉 命」, 歧 爲 窮 又 以 此 只 不 或 路 欺 青 必 文 腎 爲 事 力 先

頹風, 以 壤 鑠 1 於外 誠 使 覺 頑 不 雖 夫 敢恝然,致不 不能 廉 懦 相 夫 助 爲 有 理,而 立 敢 志 以 者, 不 樹 敏 高 何 辭 節 一一一一一一 振 霄

愚寧

好

辨

哉

有未穩 伸己 多,一 是 四 所 註 及采嘉言者,則表出之,不藏 正文取明皇今文本,其 以 則 半. 願 疏 爲 中 Ŧi. 意見 生心 未 經」者,遂 乃自 易 脉 夜而興,當食 日 則 絡 詳 艸 恍若有得 力, 暢 與 下 而 必至自誤誤人,而 雖 通 發明改 舛誤者 帷攻苦,俯誦 全副 所 ,聖道復著,深恐一字一句 取今文《孝經》 註 註釋則自拙 索筆。 其 精 無 正之,必得 神,今十年 則 要領肯繁 甚 考證 瓌 經營慘淡 奇 仰思,每有所悟, 撰。 經 手加改定。 人善也。 無 而 心 史百家 其 而 來矣。 註 他文飭, 安而 似 或從 釋 可「緣 年月 後已。 之。 其 間 古 凡 嘗 諸 遂 或 註 顧 督 其

書成,未敢自是,遂以書兼尺素明敘,

是書, 遊多 經問答》而 文學雅博, 名,則仍未定。 之計,而效蘇、 見、皆善,不須予改也。」不 可 自是,姑置案頭 空谷足音!」 喜 厭 均求改正於吾兄 手復 圖 至 籍,君 如 更進焉。兄又手簡 簡 蓋於書 或 不 日: 從 八,只 朱諸公之家法。 敏 獨 古 得 籍 不 可自悦。 得 註 書, 虩 顧 多 綏 留 流 所 理公静圃 或 心 俗 淹 敏 出 寔 虩 通。 復 他 學 新 以 窮 궁 作教 恐 經 日 意 工 若拙 及閲 先生。 「今之貴 自 夫, 發 各抒 子 仍 取《孝 難 註 不 已 不 兄 誠 己 敏 書 經 敢 爲

謂 牖 詮 不 儀,後改有儀,字仲羽。 敏也。 定 後 修 學 精 先是,曾質於范太史公仲 立 嗣德 密, 其 可 謂 初,充授太 身爲本」,正如《大學》云云。 多 孔 發 子 前 明命年間,爲諸皇子贊善,授書於 功 賢 史。 臣。 所 承手復簡云: 未發 至釋 表 羽 「孝終立身」, 章先 先生 一、公諱 聖,開 是 書

來,若合符節 註 中 此 語 更 覺錚錚

思 得未 覆 立 本 看 ,是後或逢明哲,見是書名,必念「己欲 -》。」綿 曾有。 寫惶惶久之,未敢當也。 是爲全經本旨,宜 稱 書名《孝 至今籌 文 經

於地 睦 鴻之盛世。 經》,以順天下,而協氣旁流,休風四達, 而 無 哀 其素衷,相與 ,不亦善耶 怨,災害不生,禍 是在竚覘感應孝治之美矣。 ? 講 抑聞學要得本,行在《孝 求,扶 亂不作,以成 植聖人之道不墜 純厚

夫

龐

和

不憚費辭,知

其

有

所遠

寄,風樹、春暉之感

而立人」之義,以匡愚未是,補愚未詳,見其

也,而 乃 是 孝經》以 敬從先生 也 行「天下之達道」則舉此以措之耳。 一,倘 修立 有涓 所 言 其身爲本、「立天下之大本」 埃之益,少 ,遂名《孝經立本 答 或 家 也 與

至 後日,前朝皇子和盛郡公綿 時 皇 朝 大 南 嗣 德 重 光 協 治 寯書於澹 大 吉 暢 月 寧 長

> 書 院。 字 彦叔,又稱彦之,號雅 莊 松 豆 諸公子

四

同 註

孝經》、 五 經 得 經 名 《漢書 藝文志

作 等明指安國古文爲僞。 亡。古文孔傳,吾邦獨存,至真僞不可辨。」又清紀曉嵐 儒言孔鄭傳乖謬凡鄙,多屬疑僞。 藏止有鄭氏、明皇及古文三家而已。」那 漢孔安國註古文,鄭氏註今文。 日: 經》,手不釋 名目,自《孝經》始。 刻《七經孟子考文》曰: 五經無經名。」文句不 夫孝,天經,故曰「孝經」。」又《孝經義 正義》,皆推廣 解説古文。 「孝者,德之本。 卷。 朱子作 唐 或 註。 《孝經》乃孔子自名。 曰:「此 何謂不多?」」望洋《 《刊誤》, 司馬 「五代以來,《孝經 唐明皇略註今文。 多《南史》: 温 書 分古文爲經 公、范太史祖 温公上言:「今秘閣 文句不多,何 再 「庾子與當讀《孝 日本國人山 疏》: 景《正 當孔子時,● 一章、傳 《莊子》。 礼 馬, 「經之爲 宋邢昺作 自 義 各有 鄭傳 [苦?] 井 + 漢 諸 略 皆 鼎 所 書 四

而

⁰ 時, 今回改,下不再 原缺 日 一旁作 一寺」, 一出校。 避 阮 朝翼 宗皇 帝之廟諱

7

耳。 略。 《孝經》至此而古文今文皆有改本。 子威曰:「讀《孝經》一卷足以立身治國,何用多爲?」 章,且删節經文至二百二十三字。今《立本》全存經文, 朱子父章齋授以《孝經》,朱子題曰:「不若是即非人。」 貞白詩:「只可自怡悦,不堪持贈君。」蘇、朱蘇綽 論梗概,亦非註解。 要自有理,然專事攻駁二家,不作註解。」又李厚菴光地 書,且曰: 史奇齡作《孝經問》,力駁朱子《刊誤》、吴澄《定本》二 吕尚書維祺著今文《大全》,其大概亦從邢本。 清毛太 明陳選註今文,黄道周作《集傳》,間有削減换易經文。 不敢改棄一字。 春暉唐孟郊詩:「慈母手中線,遊子身上衣。 止註大略,朱中丞軾止從艸廬本。 章、傳十二章。曉嵐等言:「顛倒經文,破碎大道」 心,報得三春暉。」得本唐穆宗問: ○按:自漢至清作者尚衆,但書多不傳,僅存 肯綮《莊子》。 「删改古經,談何容易!」曉嵐等云:「此説 一元吴艸廬澄作《定本》,改易今文爲經 至吴隆元作《孝經管窺》,尤多訛 緣督爲 經同上。 阮元所輯《義疏 可勝歎哉!」云云。 ❶「爲學安得其 自悦 誰言寸 晉 書 》,略 戒 陶 名

> 事。」暢月《月令》:仲冬之月又曰暢月。註:暢,充 本,行達道《中庸》。 要?」章放對曰:「《孝經》,人倫之本。」行在子曰: 筆談》:「子月曰大吉,君子道長,大人之吉,主大臣之 吾志在《春秋》,行 「誦此能行,足矣。 在 《孝經》。」劉 安用多誦而不行乎!」立大 重光協洽《爾雅》。 盛 好誦《孝經》,當 大吉

日:

又伸也。

下不再一一出校。 「宗」,原作「尊」,避 阮朝憲祖皇帝之諱而改,今回改

0

孝 經立本

也。

民用和睦,謂人化之而寔底于行。

上下無怨,謂家國

註

皇子綿窩 釋

開宗明義章第一●宗,本也,謂至德, 爲首章。 之之理,謂要道: 皆孝也。 此開釋顯明「孝」字,冠 義,與衆共

要道 王也。 孝之體爲至要也。 平居也,亦可。 常,仁統之。 之乎?」先王,先代明聖道德之王。 以以 至德,明德之至善。 仲尼居,曾子侍。 順天下,民用 道有五倫,父子統之。故兼之者,孝也。 侍,陪坐也。 順 ,謂順天下固有之心而訓之,非强之 要道,大道之要會也。 和睦,上下無怨,女知 仲尼,孔子字。 子曰:「先王有 所謂必則古昔稱先 居,坐 德有 至 也,又 德 此 五.

孝 經

V.

弟子。 也。 也。 至毁傷者乎? 而生之,乃奉父母之遺體也。 毁傷,孝之始也。大而身體,細而髮膚,皆受父母全 語,去聲。女,同上。 坐,吾語女。敬慎其辭,使諦聽也。 全經之主,與卒章「本」字相應。○夫,音扶,後同。 之德、孝乃德之本、是至德也。「君子務本、本立而道 互同。子曰:「夫孝,德之本也,教之所由生 以知之!」避席,出坐起對。參,曾子自名也,乃孔子 各有上下而各無相怨尤者,亦由孝也。 修道之謂教」,故教由孝而生,是要道也。此章「本」字爲 ○女,同汝。 此「德之本」與《論語》「仁之本」,皆指孝也。仁者心 不敏,如《論語》「參也魯」。 故敬守其身,不敢行殆也。 曾子避席曰:「參不敏。 身體髮膚,受之父母,不敢 所當全而歸之,寧敢不敬而 唐明皇註 此孝之用有明效 ○復,扶佑 由此 「敏、達也」, 元而伸長 何足 復 切

改,下不再一一出校。 「宗」,原缺筆作「宗」,避阮朝憲祖皇帝之諱而缺,今回

雅》「修德」以承之。 母 耳,未足盡孝。 之、擴充之,則 天下」也,故稱「以順天下,民用和睦」以明之。 ,孝之終也。 凡傷生損德皆所當慎。 立 身,行道,揚名於後 行道,如《大學》「齊家」、「治國」、「平 立身,如《大學》「修身」也,故 然是但爲孝之先 世 至如揚名 以 稱《大 顯 父

顯親,乃預言其後世耳。

是誠爲孝之極則也。

夫孝,始

其

(德也。

此承上意修立其身。

於事 不復兼言行道,正如《大學》只言 在立己,「確乎其不可 世」,「不愠」、「無悶」,是「舍之則藏」、「獨善其身」,所以 命在、雖孔、 身爲本,是已足爲孝矣。 爲,但守其身之謂與? 舍輕,亦已足爲孝矣。 固爲孝也。 ,則重在事君, 故此不復兼言不毀傷矣。 親 「治國」、「平天下」。 中 然有所重者在。 孟無意 於事君,終於立身。」向 丽 必也。 竭 拔」而已。 夫先不敢毁傷親之遺 必首於處家 力」、「致身」,其重 至如得行其道以經 或 夫然後尊卑 倘從所遇或不能 道 根於修德, 「脩身爲本」,而不復兼 故此只言「終於立 不 行行 ,則重 則 窮達 在 欲 則 有甚于 事 體者 濟治平,則 上若能兼之, 浮 重 我, 一・壹皆 兼,則取 主在修 海 剪 守 中 身 1可學 身 於從 立 是 遯 而 其 言 重 有 也 重 無

可行,方無偏弊之病。

此全經本旨也。

○按:舊註諸家,

聿 惜 IE. 辭 也、聿、發語。 未發明此義,似失經 修 丽 無表章聖人深意。 厥 德 《大雅》,四 言安得無念爾 旨。 大雅 《詩》之三。 是 類 祖之德者耶? 崇云 頗 饒 此文王之詩。 綿 窩不 無念 只在 敢 爾 以 自 不 雅 修 敏

終成就,榮其祖考。 孝。《援神契》云「天子行孝曰就」,言德澤及人,始天子章第一天子,謂父天母地也,以「賴及萬方」爲

族 與 德本,教所由生。 傲」、《夏書》「爲人上者,奈何不敬」,是也。 子家語》「古之政、愛人爲大、所以治」、《虞書》「無若丹 姓 敢 者 m 刑 慢於人。 「平章百姓 理 子曰:「愛親者 於四海,蓋天子之孝 也。 愛敬 故愛敬親,不敢惡慢於人。 二、而 ○愚謂張子《西銘》「乾父坤母, 「協和萬邦」者,分殊也。 盡 不 於 敢惡於人,敬 事 親 也。」不敢惡慢,如 而 德 《堯 德教. 教 故愛敬 典 親 加 如 民 者 於 孝爲 親 胞 乳 不 百 朱 九 物

已關 愛且敬焉。] 葉氏仁藹曰: 之」,是已合言愛敬。 聖人之極功,能事畢矣。 於事親,而後及於人。 家邦,終于四海」、《武經・太公六韜》「民有孝慈者,愛敬 統於天子,故發其端。 恒敬之」,得「萬國之懽心」,鍾 ·天地位,萬物育」,「天下和平,災害不生,禍亂不作 天命人心矣。」〇惡,去聲,下 周子《通書》: 《商書》「立愛惟親,立敬惟長,始于 所謂「愛人者人恒愛之、敬人者 ○按:「愛敬」二字,貫通五孝 「斯須不愛爲殘忍、不敬爲傲慢, 「兩間之和氣」,其効馴 同。 「君子悉有衆善,無弗 《甫刑》云: 此 丽 致 人

也。 蓋以子孫已改封國號名之。 吕侯爲司寇,穆王命訓刑,史録爲篇。 今孔子作「甫刑」者 一人有慶,兆民賴之。」甫刑,《周書》作「呂刑」,言 一甫 慶 ,福慶,善事也。 Œ 如叔虞初封唐,後子孫封晉,《史記》稱「晉世家 賴,受其德教 故《詩》與《禮記》、《史記》亦皆 ,則而象之,得全其孝。

諸 孝。 侯章第二諸侯,謂諸國君也,以世守祖父社稷爲 《援神契》云「諸侯行孝曰度」,言奉法度,得不

危

溢,榮其先祖

在 上 不驕,高 而不危。 制 節 謹 度 滿而

> 不溢。 福 兢, 溢 戰戰,恐 圃 常在吾身、方能保國土、和臣民矣。 法也。《左傳》: 凌傲,雖高不危,用儉而不踰矩,雖 土、稷主穀,有國之稱。 保其社稷,而 不騙」,是也。 同 ,所以長守富也。 如臨 懼; 高而不危,所以長守貴也。 深淵, 兢 兢 「制財用之節。」《詩》: ○離, 和其民人,蓋諸侯之孝 戒 如 慎 履 去聲。 人,有職役, 也。 薄冰。」《詩・小 富貴不離其身,然後 《大學》「慎獨」、《周 《詩》云:「戰 滿 别 范蠡日 不溢; 民也。 「謹爾侯度。」社 雅 盈而 則長守富貴 言位尊 滿 小旻》篇 也。 不溢,盛 易》「致 戰 圃 m 度。 能 兢 不 主 不

卿大夫章第四 傳 굸 「進賢達能,謂 之卿 大夫」,以

《援神契》云

「卿大夫行孝日

譽」,是榮親 遵法道、奉宗廟爲孝。 也。

不 敢道、非先王之德行不敢行。 非先王之法服 不敢 服,非先 是 王之法 故 非 法

孝 經 立 本

, \$

Ξ

説也。 以明之。 斁,譽髦斯士」,鄭氏《箋》引《孝經》「口 是以言行較詳,當加慎勉。 敢私自偏 陳氏本作「不敢言」。 過、怨惡之有哉? 先王之法而過者,未之有也。」故言行雖滿天下,亦何 言之于口也。 服、法言,禮法之衣服言辭也。不敢服道,無被之于身、無 矣,然後能守其宗廟,蓋卿大夫之孝也。 滿天下無 孟子》曰: 詩》云:「夙夜 ,非道不行。 〇此書正文,全據唐明皇本。 是則此二「擇」字有讀爲「厭斁」之「斁」者,亦 擇而取舍改更也。《書》曰:「罔有擇言在身。」 服堯之服,誦堯之言,行堯之行」,又云"「遵 口過,行 蓋大臣奉君,「監于成憲」,「率由舊章」,無 《易》曰:「言行,君子所以動天地 匪懈 ○德行、擇行、行滿之行,皆去聲。 口 滿天下無怨惡。 以以 無擇言,身無擇行。 ○按:《詩·思齊》「古之人無 事一人。」《詩・大雅 如此章作「不敢道」, 無擇言,身無擇行 三者 也。 備 言 П 法

> 士章第五子曰:「推一 孝曰究」,言資事榮親 也,以忠順保禄位 、守祭祀爲孝。 合十爲士。」蓋 援神契》云「士行 能 始 合終

而已。 同。 事君 之者父也。故以孝事君則忠,以敬事長 君則忠,不獨偏敬而 此乃全充孝量而不偏勝方,爲盡孝也。 偏所尊勝於愛也。 於事父已有愛敬之心,以事母則此愛同,以事 順。忠順不失,以事其上,然後能保其禄位 也」,愚謂不獨與下句「取」字重混,而其義已説欠通。 由敬」者,如《告子》之論是也。 而守其祭祀,蓋士之孝也。 故事母取此愛,愛偏所親勝於敬也, 而 資於事父以 士有卿大夫爲之長也。 説敬同。 若親尊並至,愛敬兼隆,則唯事父耳。 故母 己 事 以此 取其 母 而 誠敬而事 李氏光地 〇按: 愛 愛同,資於事父以 加 資,憑藉 長則 舊 君 故以此 日一世 事 註 取 順,不 君取此敬,敬 皆 也。 其敬,兼 有 盡 日 君則此 長長不 徒 言憑 孝 資, 虚 丽 則 今 取 長 事 敬 藉

烝民》篇。

言勤劬不怠,隱顯無欺也

改憑藉之義,以合經旨。昔者,應氏解《禮記》「先資其言_ 夜寐,無忝爾所生。」《詩・小雅・小宛》篇。 《字典》諸書並缺此義。 曰 、憑藉也 」、《説文》、《韻 〇長,上聲。 瑞 》亦曰 《詩》云: 憑也」, 而 「夙 《韻府 言朝夕 興

也。

君民總叙,故不言中。

庶人章第六嚴植之曰:「士以下皆庶人也。」以勤

哉

孳孳爲善而莫爲惡,無辱爾親也。

力農以養其親。謹省節養親爲孝。《援神契》云「庶人行孝曰畜」,言

無「孝終立身」、「孝始事親」,而裁不及其身者,未有此理焉。謂五孝貴賤不同,而各有應行之道,爲孝則同。倘均無終始而患不及者,未之有也。此合言而總斷

由一孝以則之,便能配爲三才之大矣。 人可不自重三才章第七人在乾坤,渺若太倉一粟之小,而但知

Ŧī.

孝經立

本

. .

六

乎孝,故「教」字从孝」,又明黄氏道周曰「孝者,教也」, 化 相發明」,是也。 皆所謂化也。 之「博愛」不同 必改經? 則二字互 教所由生, 陳之以 政,勸禁使正。 示之,如 知禁。」司馬温公曰:「教,當改作孝。」愚謂孝,德之本, 争,導之以禮樂而 從其政謂治。」〇行、 有而教之,則人易 了,如《天子章》「愛敬盡於事親」之意。 民 惡其不孝而必懲也。 也。 可 「加百姓」、「刑四海」之意。 「利物足以和 相關通。 德 則凡教皆自孝始。 廣 是故 義 興行,人興起 《韻》: 者,因 一也。「德義」三者,皆德教也。 肅言聲容,嚴言法令。 ○陳氏舊註「行」音韓,言倫行也,又「導」 而 此教是教孝、已可通矣。 知易從矣。 「博、大也。」言先之以大愛敬以身教 民 先之以 治,皆去聲。 地 之順 義。」〇吴氏澄 興 民 吕氏 行,先之以敬 和 而行之。 承 按: 維棋日 博愛而 最 睦,示之以好惡 又 利 宋王氏去非日 先王見教之可 何 物 前 好惡,謂好其孝而 日 必齊 者 「此章與天子之孝互 信從其教謂成,服 民 成」、「而治」二者 此與 以 「教,誨化使 刑 莫遺其 順人人之所 當仍舊貫,何 讓 韓子《原道 陳之、導之、 苛令者哉? 加 「教者,教 圃 民 親, 效 不 以 民 固

> 作「道 今改以合上文。 之引此詩是褒詞 太師尹氏,則是之謂 具,俱也。 也,按:應氏註 詩 小小 __ 雅 ^ 言大臣助君教化,人俱景仰也。 節 詩》云: 流南山 《書經· ○好,去聲 乃斷章取 一》篇。 刺 用政 益稷》篇云「天子之相稱師尹」。 赫 赫赫,顯盛貌。 義耳。 危亂,反爲貶 赫 師 若 尹 [諸家 民 師 詞,失經旨矣。 註 ○按:《孝經 具 尹,天子之相 疏 言 爾 師 瞻。」 尹 即

以孝而治之,自有明效也如此。○治,平聲,下同。治章第八此章承上,言先王順之,易成其治。故

孝

親。 姓之懽 乎? 敢遺 者 妾,而況於妻子乎? 不敢侮 夫然,故生則親安之,祭則鬼享之。 小國之臣,而況於公、侯、伯、子、男 子曰:「昔者明王之以孝治天下也,不 故得 心以 於 萬 事其先君。 鳏 或 寡,而 之權 況 心以事其先王。 故得人之懽 於士民乎? 治家者不敢失 心 以 故 於臣 事 得 治 是 其 白 퓆

孝經立本

. 1

矣。 孫保之。」王符《潛夫論》曰:「德義無違,鬼神受享,福祚乃 豫常安,祭祀則吾親感格受享。 以下也。 之以孝治天下也如此。」治國,謂 德要道 行,四國 隆。」夫和氣致 以天下和平,災害不生,禍亂不作。 ○陳本「失」作 也。 言得衆懽心,聚百 順之。」《詩・抑》詩。 以此順天下而天下亦順之矣。○行,去聲。 祥 M 天下 「侮」,叠上。 盛治,自 順 以 《中庸》曰:「宗廟享之,子 《詩》云: 事 無水早 親。 覺,大也。 諸侯, 故 災疫、亂臣賊 事 生 「有 大德行, 治家,謂 則 故明王 吾 覺 親 德 至 子 底 卿

加於孝也。是故「孝治」所以至「聖治」也。

天,則周公其人也。昔者,周公郊祀后稷以莫大於孝。孝莫大於嚴父,嚴父莫大於配乎?」子曰:「天地之性,人爲貴。人之行,乎言子曰:「敢問聖人之德,無以加於孝

帝。 天也。 《左傳》「郊祀后稷」、《公羊傳》「王者必以其祖配」,是也 鄉。 以尊奉之。 稷,乃周公始祖,舜封邰爲周國之始。 明堂之製,自昔諸儒 曰「貴」。 於孝乎? 也 配天爲大,則廣推其極 以尊父爲大,此教人人皆可得而爲也。 ○行,去聲。 德澤及人,致得萬國懽感,亦各以其職貢玉帛,來朝助祭。 分天下有其二,爲周有天下之始。 義,難悉詳明,不敢躗言,從衆臆度,姑缺疑焉。 宗,謂祖考有功德,百世不祧。 之内各以其職來祭。 配天,宗祀文王於明堂以配上帝,是以 《郊特牲》郊祭「大報本反始也」、《春秋》「三卜郊」、 即 禮所宜然,本非私意。 觀 言大而尊之曰「天」,言主宰而 孝爲百行之首,故曰「大」。 自古以 首舉配 ○按: 性,猶生也。 來,始有周公一 天之大祀,獨遂嚴父之孝心。 德至於孝,則 論説不 而言之,此非 嚴,即尊也。 而公適當其會,復能孝誠 夫聖人之德又何 一,未知孰是。 本朝均弗遷桃,勝千古矣。 人,是可 其大已莫能 皆有功德高大,故配 必教人人皆可 文王,乃周公父,三 郊,祭於郊,居 親之曰「上 人爲萬物之靈,故 '知已。 至 如尊父中 愚謂 加, 但 上 帝」。 古 丽 得 推 一帝,亦 以 四 文以 法微 配天 盡 或 孝 此 而 加 海 后 爲 中 而 褿 天 南

何如? 養父母 或問: 爲極 綿 國」、「平天下」矣。 修身 寫《孝經問答》諸書具在。 何 爲本」, 加於孝」而 先賢多疑《孝經 得 愚謂 日 嚴。 亦不 若疑《孝經》「配天」,亦必 丽 不 不復言配 過 句。 復言行道 是註明辨,大意已伸。 孝 中 》此章,使人臣子皆有「今將」之心, 聖 天; 人 事 治平者,若合符節,無疑 故親生之膝下,句。 耳。 因 正 嚴 如言「終於立身」,與言 故 以 初 言 教敬,因 須疑 如欲再詳 莫大於 《大學》「治 孝」, 親 , 則 也 以 以 有 結

教愛。 節焉。 父母日 故此親嚴 膝下之時,及其漸長,由於侍養父母而遂日日 父母日嚴」, 一、陳氏選諸家皆曰: 又按: 更訛,不敢不辨。 聖人之教,不肅 義方」、「趨庭」、「就傅」、皆教敬也。 如 親,親近孺慕之心也。 自 和 吴氏 句。」,言父母 又「因親 然固 氣」、「愉色」、「抑搔」、「痛癢」、皆教愛也、「内 隆 有之本性也。 元註: 教愛」,則 親,言父母也。 蓋 生養也。」愚謂此解尤説 而成,其政不嚴 「親嚴」四字,上下相 「親生之,句。 舊註 言親慕之心生自孩幼依圍 聖人因之而教愛敬之儀 自 愚謂照與下文以 相 牴牾, ○按: 膝下 1知所尊 而 應 皆説 以 舊註吴氏 治 未通 其 養, 未 理 其 句。 嚴 顯 丽 通

則

而象之,故能

成其

(德教

而行其政令。」思

進

退可

度,

以

臨

其民。

是以其

民

畏

而愛之,

行

思可樂,德義

可尊,作事

可法,容止

可

逆理自身 焉。 全》作 於我如浮雲」 父子之道,天 德、悖禮,即凶德之德、非禮之禮也。 重,所當盡愛敬之德禮 成,奕葉嗣續之道最大。 義。《易》曰「家人有嚴君焉」,父母之謂也。 不貴也。父慈子孝,天命之性。父尊子卑,又有君臣之 愛其親而愛他人者,謂之悖德。 之,續莫大焉。 所 而民不從」也。 而敬他人者,謂之悖禮。 因 者本 能 不在於善而皆在於凶德,雖得之, 處,是「以順 」字, 訛 也。 也。 如此雖得志以榮顯焉,即 誤也。 性 本 則 君親 逆 皆」字,陳 也, 謂 也。 更是君親撫臨,隆厚之分又爲 君子 本 而非 性 臨之,厚莫重焉。 反此則 君 固 臣 「絜矩」,即 則不 有 氏選本缺,吕 以 一之義 之親嚴 難能 順 夫以順理教人,卻 然,言思可 愛敬他人,亦 則 也。 也。 不義而富且貴 「所令反其 逆,民 不敬 既受父母 0 氏 父 治 維棋《大 故 其 母 無 去聲。 道, 爲 所 則 親 生 好 以 悖 生

紀孝行章第十此章承首章事親又必立身也。連

上下而言,故事君另在

後章

此

明事親又必立身。

則致其 敬爲本,凡遇左 平日人易怠忽,而孝子則常定省温凊不忘,敬焉。先當以 居,平居之日。 而 者,居上不 養則致其樂,病則致其憂,喪則致 三者不除,雖日用三牲之養,猶爲不孝也。」 驕則亡,爲下而亂則刑,在醜 子曰:「孝子之事親也,居則 嚴。 驕,爲下不亂,在 致,猶 右就養 五 者備矣,然後 盡也。 則 服 醜,衆也。兵,相加刃也。 勞承 権以 醜 能 底豫焉。 不 事 而争則兵。 争。 親 其 致其敬, 侍 哀,祭 疾則 居 事 E 親 言

> 牲養親 乃能安親矣。 恐刑法也。 則不恃勢驕陵,恐危亡也。 又必當立身,而後安親, 盡誠,無所不用其極也。 慎醫藥,執喪則「易者寧戚」,祭祀則齋戒肅嚴。 過 厚,亦 在 反此則裁其身,以及其親。 同輩 尚 非孝,況 則 能 忍 方得爲盡孝也。 兼 讓 不能 此五者,乃能事親矣。 時而爲人下,則不犯上作亂 不争,恐 耶? 相戕也。 謂 養 故 雖日 未足 時 丽 日 是爲立身 此 爲 居 然事 皆每 能 人上, 也 親 事

五刑章第十一此章承上言,懲不孝者必以刑。刑

期

於無刑也

一世

能

知此

· 可

以

刑

措

其屬三千條。要者,恃有權勢,脅朿其君,使從已也。非親,此大亂之道也。」五刑,墨、劓、剕、宫、大辟也,孝。 要君者無上,非聖人者無法,非孝者無子曰:「五刑之屬三千,而罪莫大於不子曰:「五刑之屬三千,而罪莫大於不

❶ 「鳲」,原誤作「鳴」,據《毛詩》改。

孝

經

文

九

道」。 之類、非孝則臧倉沮孟子之類,總爲姦蔽,亦皆亂道 腹誹口議孝道,亦已陷爲無父之人也。 0 爲罪大,若其要君則武仲據防邑之類、非聖則子申譖文宣 言 聖人者爲「無法」,譏貶孝道者爲「無親」,亦均爲「大亂之 而違之,俾不通,實不能容。」不有仁人,孰知其殆?),獨不孝爲罪極大。 「非孝無親」者,乃叮嚀告戒。 天地所不容,刑法所不赦也。 議之也。 《書·秦哲》:「人之有技,媢疾以惡之。 聖人 者, 只或有迫脅君主者爲「無上」,譏 萬 世以爲法紀者也。 言不待躬行不孝事狀,即 ○按"既言「不孝」,又 噫! 彼不孝者 人之彦聖 言刑 法 之 固 貶 雖

廣要道章第十二此章承上,言禦亂道者必以教,

要,平聲

教先於孝。孝爲道之要,是廣首章「要道」之義。後

倣此。

順,莫善於悌。移風易俗,莫善於樂。安上子曰:「教民親愛,莫善於孝。教民禮

要道,其德之行乎?」〇易,去聲。樂,音岳。 此之謂要道也。」孝、悌、禮、樂,皆愛敬也,唯孝能兼 父則子悦,敬其兄則弟悦,敬 要者也。《樂記》:「禮者殊事合敬,樂者異文合愛。」夫道 之。然能敬者必能愛,是以敬者爲孝之要,而孝者爲道 敬一人而千萬人悦。 分言,而理則未嘗離也。 治民,莫善於禮。 禮者,敬 《文中子》:「至德,其道之本乎? 所敬者 而已矣。 寡 其 君 而 治,平聲。 悦 則 故敬其 者 臣 悦 衆 德 之

廣至德章第十三此章承上,言「敬」字也。敬者又

爲孝之至,而孝者爲德之至者也。

也。教以悌,所以敬天下之爲人兄者也。見之也。教以孝,所以敬天下之爲人父者子曰:「君子之教以孝也,非家至而日

● 「□」,此字底本漫漶不清。

舊註引《南山有臺》,誤也。愷悌,樂易也。孝者,君子順民如此其大者乎?《詩·大雅·泂酌》之篇。陳氏思也。樹之風聲,只在一人行孝而已。《詩》云。臣也。樹之風聲,只在一人行孝而已。《詩》云。臣也。樹之風聲,只在一人行孝而已。《詩》云。同世,樹之風聲,只在一人行孝而已。《詩》云。同世,樹之風聲,只在一人行孝而已。《詩》云。自知此其大者乎?《詩·大雅·泂酌》之篇。陳氏知此其大者乎。《詩·大雅·泂酌》之篇。陳氏知此其大者乎。《詩·大雅·泂酌》之篇。陳氏

道,而後揚名。 其章目乃舉後效耳,重在「行成於廣揚名章第十四此章具説事親、事君、立身、行

内」、立身爲本。

謂至德也已矣。

親則可久,有功則可大」,此之謂歟?

故孝之爲德,其可

民之所好,樂易簡而教之也。《周易》曰

「易簡配至德」,又

曰「易則易知,簡則易從。易知則有親,易從則有功。有

子曰:「君子之事親孝,故忠可移於

經立

本

3

上聲。 理、治,亦然。 矣。」孝者,所以事君,移孝作忠,其則不遠。至其悌、順、 時縱無榮用,而奕葉自有尊崇,❶所以必言後世也。 行不修,身之罪,出而名不章,友之過。 不揚人名。子曰:「雖有國士之力,不能自舉其身。」人而 自得猶喫飯,何求人知? ○綿寯嘗謂聲聞過情,不如躬踐寔行,爲善自知猶耳 君。事兄悌,故順可移於長。居家理,故治 可移於官。是以行成於內,而名立於後世 雖先未遇審音,意後必逢知己。 行、治、皆去聲、 故必行成一身之内,而自名立百世之後云。 故不愠人之不揚己名,而 故孔、曾、程、朱一 愚思舉世,寧乏聖 患己

● 「崇」。原缺筆作「崇」。避阮朝憲祖皇帝之諱而缺。今回

争臣 不義。再云「是何言與」,甚警之也。 犯,又敬不違,故曾子疑而問之。 心貌如一。 乎?」慈,如《内則》子事父母「慈以甘旨」。 恭敬,言内外 則身不離 侯有争臣五人,雖無道,不失其國,大夫有 名,則聞命矣。 天子有争臣七人,雖無道,不失其天下,諸 生安祭享」。 子曰:「是何言與? 是何言與? 昔者 三人,雖 曾子曰:「若夫慈愛、恭敬、安親、 安親,如曾子所謂 於令名; 揚名,如上文「揚名後世」也。 無道,不失其家,士有争友, 敢問:子從父之令,可謂 父有争子,則身不陷於 「敬可能也,安爲難」,又如 且前教順德,未聞諫 明王聖不自聖,如 事親有隱 揚 孝 静 無

> 舜好問、 義,則子不可以不争於父,臣不可以不争於 矣。〇與,平聲。争,去聲,同諍。下倣此。 焉。」劉氏炫曰:「下文言子、言臣,則子臣皆宜諫諍也。」其 臣 瞽獻典,史獻書,師箴,膄賦,朦誦,百工諫,庶人傳語,近 後有位,匡其不及」、《國語》「天子聽政,公卿至列士獻詩 歷數言官,略見差等耳,疑非古來定制, 長久。若更徹底理會,便是湯、文以上人是也。 顏」、「開道」、「用言顯身」,所以先賢多稱盛治富庶,享國 韶除誹謗之罪,又止輦受言,未嘗不稱善, 諫,其法可采。及秦禁人上書,而鹿馬莫辨。 疾臣之輔,惑之大也。」〇按:《戰國策》鄒忌所諷,齊王納 無道耶? 尤尚「貴難」、「陳善」之臣、雖無道 《荀子》言天子諫臣四人、諸侯三人、大夫二人,則不足據 盡規 ,親戚補察,瞽、史教誨,耆、父修之,而後王斟 、禹拜昌言, 其餘能守國、家、名、義,亦然。 遂使賢良得以 忠告。 亦能不失天下,況未至 如 若夫中材之主。 《孔叢子》:「君 《冏命》「左右前 賈山 《漢書》文帝 故 至《孝經 猶勸 和 當 不

龙關切。父母有過,恰色柔聲以諫,諫而不聽,則號泣而孝·子·」再云「不義則諍」,甚言當諍也。父子天合,理

君。故當不義則争之,從父之令,又焉得爲

四倫。 從之。 之法。 章表出「友」字,足見《孝經》於人倫無 無大害,亦當曲從。 敢違祖父耶? 其變耳。 姦」、「止 復 利害 ,猶爲不 《温公家訓 起 以 温 脯 於至善」,不 夫天下無不是底父母,若子孫見識,安可自 觀 白之。 公謂人不負心,爲子必孝、爲臣必忠,亦誠知人 敬 順之子,況 反仄負 起 孝, 倘 <u>*</u> 待親之許 有所諫,則必 心者,將焉廋哉 積 倘以親 陷於不義 「或所命果不可行,則和氣柔聲,具 誠 未必是乎?」此 致 感。 心命爲 然後改之。 而 有萬不得已之事也 悦 非 後已。 則 而直行己志, 復 一欠缺,且 誠救 諫, 若不許 世之言。 愚 必 謂 須 難所 前朋友 則 此 文 其 章 不 義 又 執 事 間 是 但 嗣 此 皆 苟 是 嘗 格 而

感 應 克講《孝 章 第十 經》 而宅妖息。 六《史》: 徐汾誦 況 帝 王 《孝經 孝 感 》而父病痊,孝 乎? 虞淳 熙

日

孝經集靈

亦曾略及。

事 母 孝 子 ,故 Ė 事 「昔者明 地 察 長 \pm 事 幼 順 父孝,故 ,故上下治。 事 天 明 天

海

切

孝

經

立

本

1

於宗廟宮闈之事,有 所樂,不獨厚德, 四表,格于上下」,是行道、 行,「無忝所生」,是立身也。 中。 自 仁人事親,如 敬 言 福報顯彰矣。 推之家齊,故能國治。 四海,無 不 有 地 樹 之言 父也 然之理。 - 忘親 鬼神著 明 通 明察」、「致敬」,舉其大者,而 ~,殺一 夫事父母、敬宗廟、「事死如生」,是 能敬宗廟則不違犯天地之時。」曾子曰: 於神明。 察,神明彰矣。 與 也。 獸,不以其 此 所不通 果能 必 事 昭 且 矣。 神 天地。 有先也,言 合。 修 致敬 亦孝一端。 雖天子極貴, 明 身慎 且 孝悌之至,通 ^ 굸 八時,非 。」神明,謂 ,則宗廟享于克誠 果 能 猶 詩》云: 誠 孝親, 能 助之,而 行, +孝也」。 明 故 揚名、 既 孝悌之至,感通 又温公上言,力勸英宗 猶有所尊所 察 有兄 雖天子 故能 恐 盡 治 則 天 自自 況 矣, 顯 辱 地。 人乎?」噫! 天地祐之,吉無 明 是以 與 也 親 則大孝之名 先 察 西 於神 者 ,鑒格昭 必 「修」、「慎 事 鬼 其 戒 也。 先 自 也。 親也。 神, 事 宗 有 殺 ,明孝悌 天地,「光 東, 天地之道 謂 明, 尊 夫子謂 廟 放 0 宗 著矣。 生,仁人 考 均 致 也 達 邢 修 忠 光 妣 廟 不 氏 身 當 於 孝 在 利 也 南 于 致 再 四 昺 被 慎 其

763

=

自北,無思不服。」《詩・大雅・文王有聲》之篇。

言

自西周及天下,皆心服也。

事君章第十七曾子曰「居處不莊非孝,事君不忠 事才之義,首章發之,此章明之。夫《孝經》中矣。事君之義,首章發之,此章明之。夫《孝經》中矣。事君之義,首章發之,此章明之。夫《孝經》事君,是孝之

君子與人隱惡揚善,況其君乎! 親 思 格君之非。』《穀梁傳》「《春秋》成人之美」是也。所以心德 有惡必早諫止之。 補君闕失而彌 政,必思展己忠貞而啓沃之,以底於有成,退食自公,亦思 地官》注 也。」補,如《詩》「補衮」。《史記》:「將,助也。」《周 補 過,將 子曰: 「救,防禁人過」。《説文》: 縫之,以復於無過。 順其美,匡救其惡,故上下能 「君子之事上 此乃防惡於初萌也。《孟子》曰:「大人 且 也,進思 此 君有美必早助成之。 爲隱過於已顯也。 「止也。」言進朝行 盡 忠,退 相

哉。 謂矣。 温公頗合愚見云。 澄、 同小異。 忘恩之徒,其未學《孝經》 芥」之喻,是匡齊王,非詔臣子矣。 子不忘孝,君縱未明、臣不忘忠,五倫皆同 至温公云「不以君 求賢、勸使、盡言當心藏而不忘,此欲子産規 孟於垂隴,子産賦《隰桑》,趙孟曰: 敢謂爲遠而忘君也。 桑》之篇。遐,遠也。言事君忠愛根于丹忱,雖君疎己,不 救,功成事立,歸善於君,不伐其勞」者「良臣」也,與 相 「以孝事君則忠」,故表出「愛」字。○按:《左傳》鄭伯享趙 思補身過」,亦可通。 |説苑》「使主立乎顯榮,天下稱孝」者 同 、陳選等亦云「遐」通 又明皇、邢昺等云「雖疎 肝 體 又按: 腑 中心藏之,何日忘之。」《詩·小雅· 相親,縱有姦黨善讒,無從間蔽矣。 相 照,何 明皇註「君有過失則思補益」,而 疎遠于己,而 異 夫爲人臣止於敬,然能兼愛,方爲 《詩》云:「心乎愛矣,遐 手 》相親心愛之義耳。 何」,謂 足之捍 君不謂爲遠」, 忘君 「何不言而 護 若古有進 「武請受其卒章。」舊説 頭 也,所謂 「聖臣」 目 也。 氣 心 今諸 諛退 也,「將順、 海也。 血 無忘 父縱未 藏,何日 迨孟子「土 ○劉更 之榮 解説, 一諦、得 韋昭 君 又吴 此 衛 慈 也 不 濕 皮

也。 歸重 言孝 以 立 身爲本, 結完「本」字,與首

本」字相應。

皆古今上下通喪,專主哀戚真情,不服他及。 〇 偯,衣上 不及樂」,況其重耶? 故服縗麻、居倚廬、寢苦枕塊 者發端也。 喪考妣,三載四海遏密八音。 儀節,無能趨翔修容,故 哀,氣竭而後止,無能委曲餘聲,故「哭泣無數」也。 甘,此哀慼之情也。 容,言不文,服美不安,聞 禮記。 ,則不能 三日而食,教民無以死傷生,毁不滅性 子曰:「孝子之喪親 間傳》:「大功之哭,三曲而偯。」今謂斬衰之哭盡 文飾 高宗諒陰三年不言,蓋亦此之謂也。 故 「斬衰唯而 不甘味,故蔬食水 「稽顙觸地」也。 偯,哭聲,委曲從容有餘 也。 又《四制》「緦、小功之喪,亦 不對,齊衰對而不言」。 不樂樂,故堯崩,百 也, 樂 哭不 不樂,食旨 飲也。 時或不得已而 偯, 凡此六者 不安美, 禮 姓如 舉 也。 不 無 行 有

其簠 踊 宜完密也, 椁之言廓, 謂廓大之不使土侵棺也。衣,即大 此 宅命日: 之。宅、墓穴也。 《問喪》曰「動尸、舉柩,哭踊無數悲哀,志懑氣盛」,而 哭泣,哀以送之,辦,以手擊胸, 小斂諸衣;衾,即被尸所覆所薦也。 從,是中庸也。 有程限可法,示人有終竟之期,使不肖者跂及,而賢者俯 駟之過隙,然遂之則是無窮也。 三年之喪,自天子至於庶人也。曷爲乎不過三年? 子生三年,然後免於父母之懷創鉅者日久,痛甚者愈遲 喪不過三年,示民有終也。 不孝矣。 以哀毁雖深,而不殞滅性命。 人子之心,思親罔極,雖至没齒,孺慕不忘。 、女擗 聖人之政也。《禮記》「三日食粥,過此則傷生」,是 簋 也。 「度兹幽宅兆基,無有后艱。」温公曰:「卜地止求 故聖人制此禮節而爲政教,所以全人子之生也 丽 哀感之。 送,謂祖莫送柩。 爲之棺椁衣衾而舉之,棺之言完 《爾雅》: 簠方,簋圓,均 「兆,域也。」○按:《儀禮 反此則不勝 故先王爲之玄中制節,永 1 其 舉,謂舉尸入棺。 曷爲乎三年? 宅兆, 踊,以 祭器也。 喪,而比之不慈 視此三年若 足頓 而 安措 地 擗 E] 日 也 踊 陳 男

孝

立

::

則 無風 當思寧親,不至累親,而加慎勉。 外人識己薄葬,後果無禍及焉。 以 漢文帝 並 向 枝葉蕃盛、子孫興隆,是爲吉地 八爲誠。 滅序 次感。 」 一移動改葬,不使親寧,均 水水 遺詔薄葬。 吴澄加避「沙石、 蟲 、利益子孫之語,而 唯 蟻 高 孝 耕犁 經》一書,示不忘孝道。」宋朱文公又欲 所 晉皇甫謐遺命曰: 及, 、樹根」。 與 爲不孝。 遂延年月不使先柩入土爲安。 後 無 矣。 爲道 此皆賢達見識,舉世子孫 先擇後卜,均 ○措,同厝。 至如厚 或邨 路 「費用以啓姦心, 城 俗偏 池 殉, 願根本寧 足 聽堪 非 爲之宗 矣。 徒 人無益 奥,方 過 可 而 擇

序而 怵惕 不敢 祭不欲疎,疎則怠,怠則忘。 則朝夕奠,猶以人禮事之,致哀慕也。 蒸。」此 祔 煩瀆 思 悽愴之心. 于祖考之廟。 感也。 日 也,親喪乎!」 春秋 ,致尊嚴也。 《祭統》曰:「祭有四時,春 ,遂祭其: 兼 嗣後乃全以鬼神之禮享之,免朝夕奠, 包冬夏 是以祭不欲數 先。 萬代所宜三 也。 此 故春露秋霜,君子履之,必 誠不敢數,不敢 曾子曰:「人未有自致 ,數則煩,煩則不 既卒哭曰成事。 礿、夏禘、秋嘗、 此章也。 疎,常因 敬 事 明 也 冬 節 有

愛敬,死

事哀感,生而事之,其道多矣,然二字以蔽之

必

一是以

復

生

廟,

以鬼享之。

春秋祭祀,以

時思之。

親始卒

盡

在是矣。

死生,言事死事生也。

○按:古今註疏未有發

日

相應。 皆在是矣。 生,不至夭折棄捐也。 長,老得少以養,死得生以藏,萬世人類得以蕃 不敬歟? 皆爲孝也。 爲孝也; 生之義備矣,此章「本」字爲全經之主,與首章「本」字 其哀」、「與其易也,寧戚」是也。 日 愛敬」。 夫天地之大德曰生,而孝爲德本, 而俯育妻子仍各得遂其生長之至理,是和慈者 子也者,親之後也,敢不敬歟?」是以幼得 何耶? 蓋仰事父母得安其老壽之天年,是孝者固 故《 天子章》 曰: 孝之體用大矣哉! 發 孔子嘗云「妻也者,親之主也,敢 之,此 章結之。 生民之本 故爲生人之本。 哀 故生人之本 慼 盡 盛,永遂 矣, 如 壯 喪 死 其 以 亦 致

溥哉 然、民 愚意合,特表出之,不擅美也。 長,老者得養,死者得藏。 聖人以禮養之也。 明 天性,順人情,而利導之。 古,上合聖經矣。 此義,特有温國公言斯爲近之。 無爪牙毛 孝子之事親終矣。」首章言「始於事親」 羽以 公曰: 人情慈愛之篤,莫若父子。 自 衛 夫人之所以能勝物者 教父以慈,教子以孝,使幼 是以日 其 / 殄滅 仁人之言, 藹 以繁息而物莫能 也 公之卓識可 必 一爲物 如其吉。 先 以 故聖 稱 矣。 其衆也 傷。 超 一人因 越千 其 此 者 不 利 與 得

七

力行,必也久當自知全書本旨。勉,是要終立身,如原始於事親矣。學者口誦心推,身體終於《既濟》而終於《未濟》者何異? 矧舉事親以叮嚀加之終,謂事親之完局耳。且言有盡而味無窮,與《周易》不

此章言「事親終矣」,何耶? 則此章專言喪親,故爲事親

《孝經立本》完。諸公子合檢較讀本。

孝史略詮序

丁亥夏五,兄綏理公綿寅書。 能助此役,以掛名於册,是有憾耳! 同慶其視諸著述,相去何啻倍蓰。惜予耄病,無此,足見黜浮華,崇寔得之學,詎不美與?此,足見黜浮華,崇寔得之學,詎不美與?

改,下不再一一出校。「昭」,原缺筆作「昭」,避阮朝成泰皇帝之諱而缺,今回

0

八

序

或 雅、年尊德邵 之,以驗古人言行印合,以遂今日揚 聖賢修天爵,尊《孝經》。 染,則求繼善成性,終全人道者幾希。賴 事 述成《孝史略 見,直從天命 而 十,爲 了其人不少,而 母孝 孝 乃叙帝王、皇后、 道著矣。 在昔判定玄黄,乾坤 故 人一百 事 地 、韜潛、仕進、婦女、孩 詮》,兼著贊 中來,洵 是以二 察 有 0 此 八,各成一章。 未 明 至 多。 皇親 於孩 王 性 溯自 事 善善 稱爲父母,人類 語,引十三 良 父孝 提 公主、孔 也 由 中華,及我 知 從 故 能,孝尤 及 是皆「 童 心記 事天明 長 門、 爲 善 經 而 憶, 依 部 儒 證 南 有 習 易 生

> 之訂定。 花者 其 下 且 典補遺,或新聞續誌, 全性善也。 行 云。遂不量粗略 之稱,以資國家之盛,綿寯 效先覺所 山 味 和平,災害不生,禍亂 厚慰往哲潛馨,感 事 仰 深深 比。 止,景 有 切著明」,原 至道 各當講學體 爲「至德要道 行行 倘引 弗學一 止。 丽 而繕 伸之,觸類而 不知 非 發世人善 認 夫有嘉肴,弗 茸 加光兹册,是待高賢 近,班 虚 素位 不 經營,尚賴 其善。 説 宜 作 班 清 慶 力行,必 念, 在 談 是 有 長之,或舊 故後 如《孝 史,「 書 與 馴 食 知 幸 月 致「天 音爲 覺 小 露 見 不 可 經 諸 欲 補 復 知 煙

> > 769

獨能載 親 臣 曰:「我欲載之空言,不如見諸行事之深切著明也。」空言 賊 藩 子 盛國 大南同 懼。 其 理 行 今《孝史》成,亦 公綿 事然後見其用。 . 漫 寯 元 彦 年,春, 叔六 願爲忠臣 綿寯又聞 十老 王 正 孝子 人序。 月 勸 上 《春秋 矣。 元 先 是以 日 》作 儒 9 稱 而 皇 子

九

孝史略詮自序

, i

越,及其王也巡越,病崩葬越地,壽年百歲,今冠全書。八者,學《孝經》也。又《綱目前編》引越傳,禹始也到不一引者,不掠美也。至如朱子述著《二十四孝》而《孝史》史》乃表章輔翊《孝經》、《春秋》而作者也。又《孝史》章零史》乃表章輔翊《孝經》、《春秋》而作者也。又《孝史》章零史》乃表章輔翊《孝經》、《春秋》而作者也。又《孝史》章零史》乃表章輔翊《孝經》、《春秋》而作者也。又《孝史》章零史》

孝 史略詮

于帝」。「菲飲食而致

孝乎鬼神,惡衣

服

而

率百官,若帝之初。

「文命敷于四海,祗

承

惟危,道心惟微,惟精惟一,允執厥中。」禹

tp

合

《孝

史》中人。言

文句訓義者

印合

大南皇親藩盛國公綿寫字彦叔

又仲延號雅莊又松園述著

從寺,敬作 凡例:上從一下從示,敬作「尊」字。左從日右 「辰」字。 如「寺五福」、「寺乃功」、則義與

辰」别,仍省半字作「寺」。

帝 王 部二十一人。

夏王禹章第一見《書經大全》、《通鑑綱目》。 〇 王

承舜道統,後胤封在我大南越國

夏王禹承虞帝舜傳位,命之曰:「人心

八能知聖人。」

孝 史

略

詮

. 1

心法,而夫子稱禹「致孝鬼神」,明指其孝心。 孔子表禹孝心,聖知聖也。《孟子》曰: 鼎爲萬世準。 致美乎蔽冕,卑宫室而 「孝弟而已矣。」《告子》後。 綿寯曰:夏王禹承舜 盡力乎溝 〇先儒謂禹承舜「執中」 洫 蓋孝爲中之 心法 鑄九

周文王章第二見《文王世子》。 在孝,如《孝經》「至德要道」,指孝也。 〇至德,義廣而 重

乃喜。 以告,文王色憂,行不能正履。 鳴,衣服至寢門外,問安否,内豎曰安,文王 周文王爲世子,朝於王季日三。 日中及暮亦如之。 其有不安,内豎 王季復膳, 鷄初

本,是乃舜之心法而已矣。

言》。 然後 爲盛,遂基成周三十餘世、八百餘年。《易》 殷」,孔子稱「至德」,可見。 移於君」。 云:「積善之家,必有餘慶。」《周易·坤 復 初 觀「三分天下有其二,以 綿 寯 日 : 文 王 事 姬家積善,於斯 親 孝, 一故 卦 服 忠 事 可 文

繼也。《詩·閔予小子》「永世克孝」,謂武王也。 周武王章第三見《武成》、《中庸》十八章。○續,

續緒焉,斷章取義也。

漢光武帝章第四見《光武紀》、温公、致堂論。

勝少康、周宣矣。

帝平亂爲治,靈恥崇儒,①全功臣,長隆盛。

中興

光武光前裕後,無愧漢高。《詩》云:「無忝講經不疲,舉無過事,國祚久享。綿寯曰:漢世祖光武皇帝光復舊物,孝大功高,

皇祖、式救爾後。」《大雅・瞻卬》。

下不再一一出校。「崇」,原作「崇」,避阮朝憲祖皇帝之諱而改,今回改

0

4.8

漢明帝章第五見《後漢書》范曄論、《册府元龜》、

帝亦善於繼述。 〇又初光武命虎賁俱習《孝經》,今明

崇尚 薦 思不 亦遺子入學」。 率百官上陵。 夢先帝后,如平 忘。 儒 漢顯宗孝明皇帝居光武喪,孝慕不已。 又「自期門、羽林、令通《 學。 \sim 小 綿 雅》 其 寯 帝 生歡。 日 궁: 兼 ,甘露降于 善刑理、幽 明帝 明 既寤,悲不 發 夙 不 夜 孝 陵 寐, 敬 枉 經 樹 止,繼 必達,尤 命采 能 **%** 有 寐,遂 懷 匈 序 奴 以

漢章帝章第六見《後漢書》范曄論

漢孝章皇帝奉明德太后,盡心孝道。

福 或 漢章有慶,建立皇極 事從寬厚,平徭簡賦,民 也。 用 敷 錫 洪 厥庶民。」《書》。 範》 云 「皇建 也。 賴其慶。 兆民賴之,孝治 其 有 極, 綿 斂 寯 時 日 五 萬

魏明帝章第七見臨川王《世説》。又《世説補》作

全,觀王莽其覆

車

也。

「舅母」。

○自富其舅固

宜

第免預權政。

是

爲保

〇註: 云: 氏,宜名渭 送舅渭陽,其 右當以何名。 「王命召伯,定 魏明帝爲外祖母築館於舅甄 宣王之舅,申伯 陽。 定 侍中繆襲 綿 如 宣 寯 申 日 伯之宅。」《大雅·崧高》。 王之營 : 曰:「此 明 帝 舅 雖 居 館 宅。 似 氏, 康 情 公之 鍾 問 詩 舅 左

經》日 則

孝經》

宋太宗,以 史》如晉孝

晉孝武

帝

九

日講《孝

經》。

謝

安

侍

坐,

孝行。

四孤及等,不 「不愠」,本

陸

納

、卞耽執

讀,

謝

石、

袁

宏

執

經,車

胤、王

百行之本,蓋寓君子道長 泰》初九云:「拔茅茹,以其彙,征吉。」《易

新知。

温

摘句。

綿

寓曰:晉孝武當

重

陽

之朝,講

而

延

拔諸賢

也。

泰卦》。 ○《漢書》宣帝受《詩》、《孝經》、《論語》,略仝。

燕仁宗 章第九 見《彙 纂功過 格》, 大清 錫

嘏譔。

屢 詔給之。 燕仁宗 叔 御史沈邈言不可。 泰 肅王,常 預借 料 仁宗曰: 錢 數歲。 晉 孝 、
武帝 章第 八 見《晉 陽 秋》。 0 此 雖 只 講 孝

何足計

焉。」

綿

寯

日

仁宗蓋

知

德

本

財

末。

御史誤矣。

王乃

朕之叔父,

而

此

數

歲

之禄

知孝也。 經》,亦登《孝史》者,蓋志仁 後仿此 無惡 聲 應氣 求 , 則 唯

《孝經》云:「夫孝,德之本也。」《開宗明義章》第

元魏 高祖章第十見《 通鑑綱目》、《册府元龜》、《孝

吮父瘫。

經集靈》。

○《紺珠》:

「孝則生福。」〇又帝四

歳

親之感,内切於心。」居祖母憂,哀毀,布 獻文皇帝之禪而泣。 終制,不從廷議。 元魏高祖孝文皇帝有至性。 先儒 獻文問之,對曰:「代 日 此 秦、漢 五歲受父 以 來曠

典。 太和元年,詔曰:「朕夙承實業,天貺具臻, 頭 周公、孔子之祀,封孔、顔後,及命大臣以本 語譯《孝經》,教於國 帝又始親祭郊 丘、明堂,修堯、舜、禹、 人,稱《國 語孝

四

地 瑞 也。 高 並 祖 應,實賴 小永 魯頌》云:「是享是宜,降 言 神 配 祇、 命,自求多 七廟降 福之助。」綿 福」,「孝 福 則 既 生 寯

多。」《詩·閟宫》。

唐重《孝經》如此。 宗生日,悲不張樂,嘗令孔穎達講《孝經》於太學。 唐明皇章第十一見《唐書》、《孝經紀事》。〇又太

者,己欲立而立人,己欲達而達人。」《論語·
者,己欲立而立人,己欲達而達人。』《論語·
令習行之。綿寫曰:明皇欲立身行道而以 條例,謂《孝經》德本,學者宜先,試期請皆 註《孝經》頒行天下。澤州刺史趙匡上舉人 唐玄宗明皇帝曲意奉承上皇爲樂。又

宋太宗章第十二見《宋史》、《山堂肆考》、《淵鑑類

函》、《孝經紀事》。

本,朕當自書刻碑。」綿寯曰:「《孝經》,百行之本,朕當自書刻碑。」綿寯曰:宋太宗美之而人倫以止,各得分定。《易》云:「觀乎人而人倫以止,各得分定。《易》云:「觀乎人而人倫以止,各得分定。《易》云:「根夹理,至,以化成天下。」《實卦》。○《程傳》:「天文,天之本,朕當自書刻碑。」 綿寯曰:《孝經》,百行之也。」

代叢書》楊簡詩:「平生不解藏人善,到處逢人説項宋仁宗章第十三見《宋史》、《孝經紀事》。○《唐

斯。」簡,字敬之。

宋仁宗設試進士法,兼《論語》、《孝

善。 《孝經》刻 經》 綿寯曰:仁宗崇經嘉善,公善無私,不藏人 策 孟子》云:「樂取於人以爲善。」《公孫 時 石 務 兩 三條。 楹 賞龍昌期《孝經》之註。 又命國 子 監 取 六 經 並

宋高宗章第十四見仝上。〇《玉海》:宋高宗雲

H *

章奎畫,手追心慕。

曰 : 金 玉 其相。」《棫樸》。 高宗手 宋 高 宗 追 寫《 心 孝 慕。 經 ^ ×, 詩》云: 命 刻 「追琢 金 石。 其章 綿 寯

宋孝宗章第十五見《宋史》、《少微》。

襌 位 宋孝宗 ,孝事二十六 乃 皇 親 年。 藩 秀 及高宗崩,哀 王 一偁 之子,承 慕 高 尤 宗

《孝經》而

有

獲

耶

?

夫

聖

主

遇

賢

臣

以

興國

家,「韞之爲德行,行之爲事業」。

且

益

人寔

章帝云:「國以簡賢爲務,賢以孝行爲首。求忠臣, 元武宗章第十六見《元史》、《綱目》。〇章彪對漢

必於孝子之門。」

子,號 太廟。 元朝郊 言。 尚 國字釋《孝經》,進之。 德 命刻板摹印,諸王以下咸賜之。」先是, 簡 元武宗初年,中書右丞孛囉帖 「大成至聖文宣王」。 廟未 賢,故 三年,始以太祖 ·嘗親享。 政 多美善, 至大二年, 配享南郊,又加 詔 爲 曰:「此 綿 元 朝 寯 帝 冠。 E 始親 孔子微 木兒 逝 蓋 尊 學 孔 享 以

孝 史 略 詮

20 3

《書》云:「人求多聞,時惟 訓,乃有獲。」《説命》。〇一本作「博囉特穆爾以國字 益於己如此,是「惟斆學半」須用讀 建 事。 書人也。 學于古

明太祖章第十七見《明史》。太祖又有《思親歌》。

從孝。」 〇王深寧《紀聞》:「教者教孝,學者學孝,故二字均

字從孝」,可見致能垂統久長。 明 建國君民,教學爲先。」《禮》。 祖開 明太祖御製《孝慈録》行世。 國 務先教學本根。 昔 《學記》云: 稱 綿窩曰: 「教、學二

> 明成祖章第十八見《明史》、《十科策略》。 ○僅見

書名大略,其十卷則未獲經目

況於公、侯、伯、子、男**乎**? 明王之以孝治天下也,不敢遺小國之臣,而 以孝行稱者、名當時、傳後世。」綿寯 以化彊暴、格 人。序曰:「大足以 心,以事其先王。」《孝治章》第八。 祖旌表孝順,貴賤不遺。《孝經》云:「昔者 明成祖御製《孝順事實》十卷,二百七 鳥獸。 動天地、感鬼神, 自古帝王、公卿、士 故得 萬國之歡 日 微足 成 庶

陳朝英宗章第十九見《大越史記》。 〇時尊上皇 爲孝皇。

陳朝英宗善繼善承,所以休明康泰,世

二七

孝誠 謹 家。」綿 稱 承 盛 順。 主 《帝典》云:「克諧以孝。」《書》。 寯曰: 陳英宗順親 上皇曰: 繼 母 宣 慈 「父忝 太 后 性 稱孝皇,宜 峭 有道,蓋 緊, 教 誨 在 以 嚴 反 稱 身 官 帝

選》。○又號道庵,有《御製天南餘暇》諸集。帝兼黎朝聖宗章第二十見《大越史記》、《皇越詩文

善國

語、

其 纊之際,大 離 賡歌成 儒 左 術。 、後衣衾含斂,帝皆一一躬親。 右 黎朝聖宗淳皇帝孝篤學勤,親賢才,崇 集。 湯 嘗著《英華孝治》詩,命太子與臣 藥飲 慟呼 至太后違和,帝與太子日夜 食必先嘗之,禱 號,太后猶爲一 補備 開 綿 口 寯 至。 欲 日 語 屬 弗 工

治」之義,以爲「仁政」之本,故孝治與文治

黎聖宗御製《英華孝治》詩,蓋明《孝

經》

典》。

又未施之場屋,致我南國士子未有詳學《孝經》,可數也!天下。」《離婁》。 〇聖宗雖取《孝經》「孝治」而未講究,齊興焉。 《孟子》云:「不以仁政,不能平治

黎朝憲宗章第二十一見《大越史記》。〇聖宗

太子也。

遵德 孤貧 天下。 峻 冤抑,褒有功, 道、敦敘彝倫。 德 ,以親 濯 本, 黎朝 聖宗崩 而 廉潔,進 憲宗爲太子時,德業 九族,九族既 敦 族,而 蠲 ,諭行三年之喪,世稱克遵 初即位,放宫女,減賦役,伸 賢 逋負, 才。 安 人。 寬刑罰,旌節義,賑 綿 睦,平章 寯 ^ 書》云: 日 日 進 百姓。」《堯 黎 憲宗 克 孝 明 克 老 聞

二八

后 部五人。

漢許后章第二十二見《太平御覽》。

酒食是議」。 佐餕。」《内則》。 以婦道供養。 漢宣帝許皇后朝皇太后,親奉案上食, 《禮記》云:「朝夕恒食,子婦 綿寯曰: 許后 「無非無儀,唯

唐竇后章第二十三見《唐書》。

母。 徽音矣。《大雅》云:「思齊太任,文王之 后,怡謹盡孝。 思媚周姜,京室之婦。」《詩 唐高祖實皇后,文皇之母,侍元 綿寓曰: 寶后母 ・思齊》。 儀婦德,著 貞太

孝 史 略

詮

....

唐長孫后章第二十四見全上。

妃。 《内則》云:「子婦孝者敬者,父母舅姑之 綿寯曰:長孫后孝敬舅姑,嗣徽音矣。 唐太宗長孫皇后盡孝事高祖,謹承諸

命,勿逆勿怠。」《禮》。

宋王后章第二十五見《宋史》。〇《易・家人》:

有嚴君焉,父母之謂也。」

義,此兼借用,言王后也。 則人觀感亦尊親之如嚴君焉。《表記》云: 心。綿寫曰: 王后得太后歡心,良由孝敬, 而后可以爲民父母矣。」《禮》。 一孝慈而敬,使民有父之尊、有母之親,如此 宋太祖孝明王皇后事杜太后,得其歡 ○第五「后」字二

二九

宋吴后章第二十六見全上。

母。」《易·晉卦》。 若。《晉卦》云:「貞吉,受兹介福于其王居,順適其意。綿寯曰:吴后孝貞,克受允居,順適其意。綿寯曰:吴后孝貞,克受允

皇親公主部十五人。

周泰伯章第二十七見《論語》、《史記》。 〇尊父

命,三以天下讓,兼孝忠也。

人多從之,遂成吴國。綿寯曰:泰伯能孝欲立王季,以及王季子昌。泰伯避於荆蠻,周泰伯爲太王元子,王季兄也。太王

之荆蠻,與《史記》小異。《論語·泰伯》。○《吴越春秋》泰伯與弟仲雍同托採藥而載。孔子曰:「泰伯其可謂至德也已矣。」非但不争也。一自聖人表章,而后昭垂千非但不争也。一自聖人表章,而后昭垂千少忠,善行無跡,人無得而稱。此爲至德,

周公章第二十八見《書・金縢》、《孝經・聖治

高祖謂曰:「在私能孝,處公必忠。」章》。〇《泰伯章》之「能孝」,見《魏

彭

城

王傳》。

心。 忠,始於達孝,又適當然嘉會,獨遂嚴 大於配天。」《孝經・聖治章》全上。 海之内,各以其職來祭。 配天,尊祀文王於明堂以配 「人之行莫大於孝,孝莫大於嚴父,嚴父莫 古來之孝,莫大於此。 周公請命代武王厲疾,又郊祀后 綿寫曰: 《聖治章》云: 上帝。 是 周公聖 稷 以 配 孝 四 以

ž 2.

之,得於芝子貞。 經》。○秦時,顏芝藏《孝經》十八章,漢河**潤王章第二十九**見《前漢書》、

河間

王求

羽翼

仲舒。 世。 一百。」《上繫詞》。 云: 問 被服造次,必如儒者。 今文得於顔貞,上於朝,又問《孝經》義於董 思 「君子將有爲也,將有行也,問焉而以 君子哉若人! 辦,洵可必行。 漢河間獻 綿寯曰:河間王書多,唯《孝經》學 王德,修學好古,寔事求是, 且 尚德哉若 求得書多,如《孝經》 表章聖經,功延萬

學不知其善。」

漢東平王章第三十見《後漢書》、《東觀漢紀》。

○趙雪航云:「孝爲百行之冠冕,萬善之本源。」

「莫善於孝。」《廣要道》章。〇《學記》云:「有至道,弗能樂善,而孝爲萬善之本源。《孝經》云:《中興頌》甚美。綿寯曰:東平王有學,故家何等最樂,王對曰:「爲善最樂。」又有漢東平憲王蒼,孝友宏雅。顯宗問處

漢沛王章第三十一見仝上。○《論語正義》云:

「論者,綸也。此書可經綸世務。」

孝經通論》。綿寯曰:沛王著《論》以經漢沛獻王輔,善説《孝經》、《論語》,著

世。

夫論,綸也,言《孝經》可

孝史略詮

73

=

以經綸世務。

象云:「君子以經綸。」《易·屯卦》。

晉齊王章第三十二見《晉記》,同《晉書》。

邦彦國 起。 德 綿 事 性 常 泣 中外 寓曰: 好學 ,以引以翼。」《詩》。 至孝,人觸先諱 而 不受。 左右密 晉齊王攸居文帝喪,哀毀盡禮,杖而後 植。 不倦,借 翕 齊 然, 《卷阿》云: Ŧ 以 太 有孝德才學,足以 后 稻米乾飯雜 轉鎮 書必手刊其謬而後反之。 勉 輒流涕。 諭,令人逼 軍 太將 「有馮 泰始初,總統軍 理 軍 中 有翼,有 進飲食。 尋拜太傅。 丸進之,攸 幹 事 洵 孝有 爲 又

晉漢安昌王章第三十三見《通鑑綱目》。

晉永嘉時,漢安昌王盛常誦《孝經》、

行何如 《論語》,曰: 製。」《説命》。○「讀得一尺」語,詳《 貴,是「讀得 不行乎?」綿 耳! 寯 誦此 尺,不如 書》云:「非知之艱,行之唯 曰: 能行足矣。 安昌王 行得 《性理》。 寸。 讀 安用 書, 篤 貴 多 在 行 誦 力 爲 而

唐霍王章第三十四見《唐書》、《天中記》。

君子儒 好讀 以行過乎恭,喪過乎哀。」《小過卦》。 食布 長,王無不備,吾何以稱之?」王又多才藝 雅,亦漢間 宗曰: 「元軌孝行 或問王所長,答曰:「無長。 書 衣終身。 唐霍王元軌乃高祖之子。魏徵言於太 者氣象,學 及高 平 祖崩 也。 綿 寯 行 ,曾、閔不 毁 王 日 過 與 瘠過禮。 人。 霍 劉 能 王 元 夫有短 易》云: 平爲 終 過 身 服 又經學文 率 布 除,遂蔬 所以見 性,有 ·衣交。 君子

1 3

唐越王章第三十五見《唐書》、《羽翼孝經》。〇

預解,言王生在韓子之前,若先預解韓嘲也。

以爲。」 草野。 逸。」《書・無逸》。 本,又能無逸,可預解韓子之嘲。所謂 爲《越王新義》。 「不暇以爲」也。 周公曰:「君子所其 至若王公貴人,氣滿志得,非性能 唐越王貞,太宗之子,撰《孝 〇韓文公云:「文章之作,常於羈旅 綿寯曰: 越王多學識 而好之,則不暇 經》解,號 王公 而 無 知

明蜀王章第三十六見《淵鑑類函》。

兼之,要言不煩。《書》云:「惟忠惟孝。」《蔡自儆。綿寯曰:蜀王蓋以忠孝一致,屏藩明蜀獻王椿嘗揭「忠孝爲藩」四大字以

史略

詮

18

明楚王章第三十七見《續文獻通考》。〇又《明

史》: 孟烷子季堄至孝,英宗賜書獎諭。

著《間平圖

贊》,士林傳誦。

云:「古之賢王好善而忘勢。」《盡心》。 寓曰:楚王翼翼孳孳,撝謙慎獨。《孟子》《樂善堂記》、《求放心論》、《無妄齋説》。 綿明楚莊王孟烷性孝友,小心畏義,有

陳朝昭明王章第三十八見《大越史記》、《皇越

詩文選》。

云:「一代功名天下有,兩朝忠孝世間無。」王。奉出征時,聖宗賜以二旗,御題其上東朝陳朝陳光啓,太宗之次子,晉封昭明

三三

1.2

24

行 興 光 囚 道 啓 光 顯 王 又 君 夾 嘗 銀 子 潢 輔 嗜 以 學 王 自 乃 室。 能 昭 自 詩 明 昭 綿 德 有《樂》 忠 寯 っ」《晉性》 孝 E 之 道 明 昭 集》 德 明 也 王 行 蓋 世 以 易 學 與

陳朝興道王章第三十九
見全上。○紀信事,詳

公四年。

《前漢書》。

王

孫由于受戈,

免楚昭

Ξ

詳《左

傳

》定

尚父, 下。 連 國 厶 公, 日 破 興 元兵 陳 宋 以 兼許 時國 武 朝 太 占 位 殺 陳 \pm 祖 君 興 與 政 或 對 擒 道 臣 自 田 人爵,先 云 峻 元將。 事 舍 王 己 聖 出 翁 跡 雖異 宗 聰 也 陽 與 聖宗 愐 之 ; 問 明 後 E 姓 乘 博 從 諸 奏, 製 慎 機 猶 學 兄 子 守 生祠 興 爲 弟 而 有 運 臣 不 興 王未 也 文, 節 文 可 讓 以 武 如 若 嘗 以 封 有 王 此 材, 此 天 對 與 擬 上

> 《兵家 引紀信 是 終 日 薨 能 諸 王 有 兩 有 臣 也 故 顯 得 全。 警急,告祭祠堂,匣 使 典 有 出 加 興 故, 於 名垂 大勳 미 神 於不孝子。」遂欲殺 E 妙 太 道 深 與 心 代 明 觀 師 理要 且云「自 王蓋 勞, 酬 然 死 焉 Ξ 竹帛, 洵 尚 酢可 興 責子 以 父。 又能 堪 略 知 武 脱 文 計 \vee 爲 與天 古 漢 宣 書 事 與祐神矣。」《易· 爲國 羨 自 面 或 ~ 忠 高 王 君 後 拔 懿 劍 地 萬 臣 日 顯 遂 薦 劍 親,忠 由 鳴 興 則 同 義 : 劫 使 靈 賢。 數興 于 必 讓 明 爲 士,何代 秘 性 受 顯 禱 報 孝 即 不 傳 靈 嘗 而 讓 道 戈 大 之 是孝, 朽。 道 作 興 久 罪 書。 捷。 而 輒 神 而 武 而 檄 云 免 應。 無之? 能 德 不 救 勵 著 楚子 綿 及 行。 泯 衆 免。 舉 亂 Ŧ. 有 奮 每

綿寫曰:常山公主能孝於姑,而不驕凌專 請於姑。」《禮》。 輒,有合《内則》之義。 漢常山公主,獻帝之女,奉姑有孝稱。 《内則》云:「每事必

陳朝韶陽公主章第四十一見《大越史記》。

〇《祭義》:文王「思死者如不欲生」。

觀過 過乎哀云。 長 也。文王「思死者如不欲生」,而公主亦喪 號 斯知仁矣。」《論語・里仁》。 而 陳朝韶陽公主,太宗之女,聞太宗崩, 逝。 傳曰:「人之過也,各於其黨。 綿寫曰: 韶陽公主過乎孝者

> 高子章第四十二見《孔子家語》、《檀弓》。〇《祭 樹,殺一獸,不以其時非孝。」」

義》:「子曰:「斷一

獸,一 殺,原非異端也。 親而仁民,仁民而愛物。」《盡心》。〇里賢放生戒 綿寯曰:高子事親孝,與人仁,至於一樹一 蟄不殺,方長 子稱其「仁恕樹德」、「公以行之」。 又嘗啓 之喪,泣血三年,未嘗見齒。爲衛士師,孔 高子名柴,字子臯,篤孝而有法。 物之微,不輕傷損。 不折,避難而行,不徑不實。 《孟子》云:「親 執親

三五

孝

史 略

詮

· , \$

顏子章第四十三見《論語》、《四書人物》。○三,

焉,見《北史·常爽傳》。 謂父生、師教、君養,見《國語》。 又弟子事師若嚴君

進》。 寫曰: 顏子蓋以事三如一,故事師若嚴君 又「予不得視之猶子也」。古稱門弟爲「猶子」、「如 孔子曰:「回也,視予猶父也。」《論語·先 顏子名回,字子淵,事師孔子猶父。 綿

有子章第四十四見《孔子家語》,又《史記》。 ○道

德,又可知已。 莫古於孝,而孝爲道之要。 有子既好古道,是有孝

子游曰:「甚哉! 有子名若,字子有,爲人强 有子之言似夫子也。」孔 識 好古道。

> 德者必有言。」《憲問》。 德行必有過人。觀「爲人孝弟」至「爲仁之 綿寯曰:有子似聖,想非止言貌而已。 是有子之有孝德可知已。 味斯言確當,自非有得於心身者未易言也。 本」等語,《魯論》首篇,繼於孔子之次。 子没,弟子思慕,乃以有子狀似共立爲 《論語》云: 「有 師。 其

端木子章第四十五見《孔子家語》、《四 書人物》。

其學自知 多才辯。綿寫曰:子貢率良 〇子貢由知人,曾子由行人,故二子得聞一貫互同 端木子名賜,字子貢,性至孝,有異 人,故亦得聞 一貫之旨。《大學》 知愛親 之性,

相,

云:「知至而后意誠。」第一章。

3.7.

禹下。

大禹謨》云:

「萬世永賴

時時

乃

功。」

孝悌。

後世賴之,知有恒性要道,其

功不在

《書》。

孟子章第四十六見《孟子》、《四書人物》。 者,言親喪也,詳見《論語》。 〇自致

也。 倉以 子喪親,從時自致,不屑辦謗,而道 曰:「堯舜之道,孝悌而已矣。」綿寯曰:孟 使予不遇哉?」又道性善,言必稱堯舜。 天下儉其親。」及魯平公將見孟子,嬖人臧 木已美,弟子充虞問之。答曰:「比化者, 曰:「行或使之,止或尼之,行止非人所能 無使土親膚,於人心獨無恔乎? 君子不以 後 吾之不遇魯侯,天也。臧氏之子,焉能 孟子名軻,字子輿,爲齊上卿。 喪踰 前喪譖之。弟子以告,孟子 性善, 喪母棺 稱 且

子章第四十七見《通鑑綱目》、《孝經大全》、《紀

事》。〇素王,謂孔子。

之道,以待後之學者。」《滕文公》。 經》,爲自漢以後諸賢之冠。遂令後學獨尊 間王問《孝經》義。 教」及「天地之性,人爲貴」等語。又云:凡 素王之道,功盛大矣。《孟子》云::「守先王 諸不在孔子之術者,使絶,勿並進。 董子名仲舒,對策引《孝經》如先王「德 綿寯曰:董子表章《孝 與答河

三七

史 略

4

讀書樂趣》。

韓孟子,以接周、孔之傳,聖道不墜於地,功德更多。韓子章第四十八見《韓文公全集》。○又韓子知

德。 者,好之者不如樂之者。」《論語·雍也》。 道,自有 又嘉董生孝行,爲之作詩。學者仰之如 監 山、北斗。 陽 觀其珍寶《孝經》,稱揚孝行,則 冰 唐 韓子名愈,字退之。 科 此 斗《孝經》。 綿寫曰:韓子文章蓋世,才厭 德。 傳云: 公實之,爲之作記。 知之 貞元間,得李少 者 不 如 素樂 〇公又 好 之 其 此 泰

程子 史·楊 者,必忠于君。」 章 第 政傳》: 四 十九 政 幼 見本傳、《孝經 圃 孝, 其 母謂云: 節略》。 「汝孝于親 〇《宋

孝乳母,亦不可没。

宋程子名顥,字伯淳。嘗曰:看詳武

綿寯 學 犯上作亂,而 云 經 「赳赳武夫,公侯腹心。」《詩·國風 制 曰:程子使武 添 習《孝經 爲 朝廷親信之用矣。 夫 》, 欲 亦識 使 孝者必 武 員 能 忠,自無 知 或 義 周 南》。 風 理

○《大學》:「人之有技、媢疾以惡之、人之彦聖而朱子章第五十見本傳、《綱目》、《五子近思録》。

違之,俾不通,實不能容。」

綿 欲修葺小文字,以待後世小補天 傳道,講學不休。 所厭聞。 人。」及筮仕,或勸勿言「正心」、「誠意」,上 授以《孝經》,公學而 於完顏,尚於《孝經》、《大學》講 寯曰:朱子身受媢違 宋朱子名熹,字仲晦,幼穎異。 公曰:「吾學在 嘗曰:「吾自 題云:「不若是,非 於辣 此。」既 手。 解 知 不 諄諄。 或 地之間。」 無 遇 父韋齋 方交涉 用,只 退退 時 而

ハ

世。 斯 謝 庸》二十九章。 人 屈 文 于一 雖笑拙 愐 ,扶延 子思云:「百 公松 時。 迂,後 或 栢 〇不許 身 脉。 歲 能 寒。 世 立 世 夫 仰 時 則 分子不 以 得 傳 霑 道 用, 俟 道 惠 傳 聖人 用 而留 澤矣。 統 m 則 集 百 不 道 丽 世 大成, 惑 晦 況諸 重 不 伸伸 用 感。」《中 而 是天愛 不 哲 于百 獨 行, 肩 凋

年尊德邵部五人。

才至矣。

故媢疾者,未可深爲罪過

也

漢石郎中章第五十一見《史記》、《漢書》。 顔注

厠

腧」,近身小衫。

腧,音投。

君。 慶 五· 奮歸老,子孫來歸, 漢 石 人,各二千石。 建 爲郎中令, 與父 申 景 申 奮、弟 帝 如 號 也 奮 甲 爲 奮 次、 萬 家 以 石 Z

孝

史

略

詮

5 %

子之心者也。」《離婁》。 孺 綿 浣 謁 孝謹聞於郡國。 慕孝心。《孟子》云: 寯 滌,復與侍者,不 人子舍,竊 日 石 郎 問 中行 侍 及建 者 敢 媲 白首,每 令奮 老 取 「大人者,不失其 萊,故老大不 奮 知之,以 中 帬 五. 厠 日洗沐,歸 是 牏 ,身自 爲常 衰其 赤

晉何郎中章第五十二見《晉記》。〇仕務行道,

老遭時不能,則辭尊居卑,禄足養親,易稱職

初。 涇令。 敏 今煢然,尚可 充,乃爲主簿。 ,好古博學,節 服 晉何 王導引爲參軍,不 闋 | 数云: 琦,宣城人。父喪哀毁,事 瀆 耶 察孝廉、除 出 儉 ? 寡 仕 遂以 欲 寔 赴。 利 琴 郎 詔 微 書自娱。 徵 中, 母亡,哀 禄, 博士、公車 選 展 補 母 供 毁 宣 患 如 城

三九

耳。

今

《大雅·抑》篇。

卑也 再徵 非爲貧而干禄,是思禄逮養親,致 餘篇。年八十二卒於家。 性,老而不衰,布褐蔬食,嘗事著述,撰 貧。」《孟子・萬章》。 山之南 侍 傳 有 郎 皆 人焉。 云:「仕 辭 何公真 上非爲 桓 温 貧也, E 止足也。」 綿寯曰: 界 山 而有 歎 甘 公善 時 日 解 何 乎爲 尊 郎 録 居 中 百 養 此

唐狄梁公章第五十三見《唐書》、《黄眉故事》。

○公忠孝素著。范文正公曰:「梁公事親極孝,事

君極忠。」

少知 日: 君母老矣。」即 州 法 梁公孝忠,顯揚今古。 者,致兼表章。 曹,友人鄭崇質當使 唐 狄梁公仁傑,孝親 詣 長 《詩》云:「惠于朋友。」 官請代崇質 絶 忠 獨孝於友母,人 域。 君。 公日 焉。 又初 綿 爲 并 鄭 寯

宋司馬温公章第五十四見《名臣言行録》、《邵

氏聞見録》、《五子近思録》。○范祖禹作《孝經説

附《指解》後。

者。 嘗妄。 臣 所不通。 爲能盡其性。」《中庸》二十二章。 誠 著《孝經指解》。 君亦然。且平生所 3、致能 必忠。 又謂人受恩而不忍負者,爲子必孝,爲 宋温國公司馬光,字君實,孝友恭儉 自謂事 率 性誠信,幼承父訓 綿 性。 寯 親無以踰人,只不欺之耳,事 日 於物 : 中 温 爲,未嘗有不可對人言 庸》云: 一公雅 澹然無所欲,於學 澹 勿欺 慎獨,本於孝 唯天下至誠 ,至老語 無 未

知。 其言,而後從之。」《論語・爲政》。 是則平日力行亦可知已。孔子云:「先行 心。」綿寯曰:阮程公孝忠自矢,情見乎辭, 氣 簡友詩云:「道非身外豈難尋,況又相期意 著《白雲庵詩集》一千餘首。 深。 晉封程 黎朝阮秉謙,字亨甫,精數學,事多前 君父綱 國公,後致仕家居四 常千古在,孝忠誓不 壽九十五。有 十餘年。 - 負初

漢毛君章第五十六見《後漢書》、《通鑑綱目》。

○先韜潛後仕進,如先立身後行道。

漢毛義以孝稱,張奉慕名往

候。

府檄

子》云:「君子之所爲,衆人固不識也。」《告 帝賜穀千斛。 之,辭去。 適至,以義守安陽令,義喜動 而奉以衆人之見,則其 「賢者固不可測。 後義母亡, 徵辟不赴。 綿 寯 往日之喜,爲親屈也。」章 曰:毛君有君子之心, 不 知 也 顔色,奉心薄 固 奉歎云: 宜。 **念孟**

子》。

鞱 潛 部十五人。

四

漢趙君章第五十七見《東觀漢紀》、《類林新咏》。

○趙君孝養,不私妻子、貨財,故盜賊媿歎而去也

愧,歎謝云「干暴賢者」,不劫 請 母驚,乃先至門外迎,謂盜云:「老母 曰:趙君至性,遂能 少置 「有耻且格。」《爲政 漢趙咨,性至孝。 衣糧。」至妻子餘 感格盜 一夜盜往欲劫,咨恐 物, 無 贼。《魯 而 所 出 請。 綿 盗 論 皆 寯

首許君章第五十八見《晉記·許孜傳》,許生附。

立宅墓次。郡察孝廉,不赴。卒年八十餘。經》、《論語》等書。親没,廬墓二十餘年,遂晉許生孝謹,有父孜之風。孜學《孝

子孫。 其子純 揚父之美。」《穀梁》隱公元年。 者,原原如是也。 許君濟美,以 後太守張虞上 詔 慇亦家墓側、《陽秋》之義,善善及其 旌 表門間 (揚親 言,稱孜性孝友,立節 《春 美,遂 蠲 秋 復子孫。 穀 獲 賞 梁 延 傳》云: 于世。 綿 清 日 有 本

也。按"晉元帝立儒林祭酒官,以處士杜夷爲之,**酒泉先生章第五十九**見《晉記》。〇二九,十八

詳《杜夷傳》。

博通 儒 泉先生。 孔賓依《孝經》作《二九神經》。 由《孝經》十八舊章者,何哉? 林祭 經傳,精究大義。 晉祈 酒,朝士以下受業者至二千餘 綿 嘉,字孔 寯 日 賓,酒 孔 賓 門生百 博 泉 通 人。 經 時 餘 蓋不忘 清貧 傳 人。 人稱 而 好學, 後爲 二本 獨 爲 率 酒

可 兼 ●「不愆不忘,率 萬 殊, 知 爲 聖 賢之至 由 舊章。」《詩 要 也。 ^ 假 樂

玄晏先生章第六十見仝上。○石椁,見《檀弓》。

寢食。 患。 中庶 行。 唯齎《孝經》一書,示不忘孝道,千載無慮 不石椁,儉不露形。 之用,啓姦招 廣交,力辭。 學,帶經而鋤 是子孫篤愛也。 子,辭篤疾。 上表借書,武帝與之一車。 晉 人謂 皇甫謐、字士安、性沈静寡欲。 書淫,號玄晏先生。 渦,止 ",遂博 舉孝廉,又舉賢良 論葬貴薄寧儉,勿費生者 通典 增亡者之毒。 平生之物,均不將從, 無信 籍,常務著述,至忘 卜筮 方正,均不 無抅俗言 韶爲太子 或勸 今制: 修 奢 名 勤

> 忘。 臣。 《孟子》云:「大孝終身慕父母。」《萬章》。 足介意。 行 著有《帝王世 世。 是所謂「信之如神明,敬之如父母」也。 綿寯曰: 壽 獨有《孝經》,終身敬信,生死不 近 七十。 紀》、《年曆》等書,及詩、賦、頌 士安視世敝 門 人 張 蹝、浮雲,舉皆不 軌 等均 爲 晉 名

東坡有記外祖程公,又朱子有記外祖祝公,俱效陶靖節先生章第六十一見《陶靖節全集》。〇蘇

公意。

若 謹撰斯傳。 諱嘉,字萬年。 履深薄 晉陶潛 馬 ,號靖節,作外祖 懼 1 或乖大雅君子之德,故戰 綿 凱風寒泉之思,寔鍾厥心, 德 曰 : 陶公能厚母黨,而 孟 府君傳云:

● 「假」,原誤作「嘉」,據《毛詩》改。

孝

史

略詮

; ŝ

四

四四四

2.3

記》。「睦於父母之黨,可謂孝矣。」《禮·坊母黨外祖爲尊,致謹表章德行以傳之。《禮母

感問孝,文中子曰「始於事親,終於立身」。問忠,曰文中子章第六十二見《中説》。〇又云:「揚元

「孝立則忠遂矣」。」

之寔。 三月。 弟子李靖、魏徵等,多爲唐初將 居教授。 志也」。不見知而不悔,德醇椊也。《文言》 子稱隱德君子。 弟問答成書,名曰《中説》,以法《論語》、《孝 文中子,姓王,名通,字仲淹。 唐司空圖、宋阮 綿 銅川府君之喪,勺飲不入口者三日。 太夫人有疾,文中子目不交睫 寓曰: 文中子「嘉遯、貞吉,以 朱子 稱其學近 逸等,皆稱聖人。 Œ 相,集其師 , 有 世亂,隱 可 用 Œ 程 者

> 作《忠經》,贅矣。 「孝立忠遂」之言,深得《孝經》之旨,而馬氏未知此義,故云。「龍德而隱者也。」《易·乾卦》。〇按:《中説》

陳徐君章第六十三見《南史》、《孝經集靈》。

子恭敬。」註:「在貌爲恭,在心爲敬。」又《南史》: **顧君章第六十四**見《孝經集靈》。○《曲禮》:「君

顧懂字景怡,授徒不赴徵。

病者遂瘥。或問之,答云:「善禳惡,正勝顧懽令病邪者置《孝經》枕邊,恭敬之,

推 邪 邪惡必矣。 以 也 及 0 人, 綿 寯 《易》云:「閑邪存其誠。」《乾卦 圃 曰 恭 . 敬者 顧 君 貌 有尊信《孝 心均 誠 也 經》之誠 ,其能禦

唐梁君章第六十五見《唐書》、《韓文公全集》。

○當與《周 禮 》調 人官語、 柳子厚復讐議合。 看 重

伸冤」字上

罪。 冤請 傳》云:「臣不討賊,非臣也。 敇 子也。」《公羊》隱公十一 與共天,致自伸冤,乃 赦 死。」悦乃免。 罪,自詣公門, 憲宗云:「復仇殺 唐梁悦爲父報仇,殺人,自投於 綿 發於天性 年。 寯曰 歸 人, 命也。 固有彝典。 梁君以父 一、志在 子不復讐,非 《春 殉 秋 節 公羊 讐 今伸 縣 特 弗 請

> 節孝先生章第六十六見《通 鑑 綱目 高山 一堂肆

《祭義》云: 是先生重孝而不敢私重妻子也。 孝居則致其 帝賜帛米。 石,終身不用 宋徐積旦夕必 卒謚節孝先 敬,一 稱 石器,遇石 諱 如 舉足出言則不敢忘 冠帶定省 見親 生。 心」《禮 不踐。 其 綿 親。 過 寯 0 壯 過壯 日 以 未娶。 父名 未 親。 節

慶 山先生章第六十七見《皇越 人,姓甲,名河。 文選

黎朝 甲 河, 性孝友,涉 獵 經 史,

明

燭

事

理。 寯 郡 \Box 邑 慶山 舉 孝弟,辭 孝 友, 不 人無間 敢 當 於其 號 父母 慶 山 先生。 昆弟

綿

四 天

之言,即宗族 云:「善父母爲孝,善兄弟爲 稱 孝、 鄉 黨 稱 弟 友。」《爾 也 爾 雅 雅 釋

訓》。

金 **一陳君章第六十八**見《金史》。 經立本》,已註「立身」之義,互閱 加詳。 ○綿寯著 有

明胡

初,其

父

應

役

泗

以

逃

身、不敢私其財。」《禮》。 與是同。 經》之言「事親」、「事君」、「立身」則無復言 之,會帥至,曰:「此 「不毀傷」者,此重于彼也。 陳君 能堪,乃自誣 金 陳顔,父光,調 奉 《坊 親 記》云:「父母在,不敢有 遺體,代親 服。 真 孝子,兩釋之。」綿 壽 顔 陽尉,家 請 禍殃。 故成仁授命,義 代 死。 蓋 奴誣告。 太守 明《 其 孝 哀 寯

> 明胡君章第六十九見《明史》。 子》「草木疇生」,凌氏云「疇,類也」。 傳》體。《漢書》「疇」,通「儔」。 儔 ○贊 即 類。 語 倣 按: 春 《荀 秋

日 己孝,錫其疇類」是也。 韶宥其父子,并詔宥同 省,哀號乞代父死。 亡論死。 〇《左傳》:穎考叔純孝也,愛其母施及莊公。 云: 「孝子不匱,永錫 胡君純孝也,愛其 剛,洪 敕駙馬 武 都 若《詩》註 尉 殷 梅 爾 父施及 罪八十二人。 憫 殷 類,善也」,義别 類。」《大雅 圃 監 奏聞。 刑。 同 疇。 時 林註 太祖 剛」 既 ^ 綿 方 「長以 奮 下 走

明王君章第七十月全上。

明 王俊,刈草爲茇,寢處親塋之側 Œ

修天爵。而戒 學《孝經》「立 行道」,欲人 人爵,辨義

輕潛後仕進

仕 進 部二十七人。

存,孝之至也。」《中庸》十九章。

周樂正子章第七十一見《祭義》。 名,後爲姓。 縉紳華胄,致人仕進焉。 〇樂正,官

復,无祗悔,元吉。」《易》。 出 故不累大德,復全大善。 曰:樂正 步,不敢忘孝。 ,猶有憂色。弟子問之,答曰:「君子 周樂正子春,下堂傷足,及瘳,數月 子 知過即 今予是以有 改, 則 ^ 能 復卦》云: 矜 憂 細行 也。」綿 「不遠 顯 然。 頃 不 寯

漢匡丞相章第七十二見《漢書》。

統

年,旌。

綿寫曰:

王

君廬墓,欲繼定省晨

香 也。

 \wedge

中

庸》云:

事

死

如

事

生,事

亡如事

乎?」《繫辭》。 義、人行之書,言行爲樞機也。《易》云: 宜究其意。」綿寯曰:匡丞相勸講天經、地 嘗上言: 「言行,君子之所以動天地 漢 匡 「《論語》、《孝經》,聖人言行 衡, 字稚圭, 又字鼎 也。 ,官至丞相 可不慎 之要,

漢劉宗正章第七十三見《漢書》、《文獻通考》。

○宗正更有著書、校書之功。 自此至清,多尊《孝

經》十八章。

其繁惑,以十八章爲定。 元帝以更生尊臣 經》十八章,較與後見之古文二十二章,除 漢劉更生,又名向,嘗取顔芝家藏《孝

孝 史 略 詮

4

四 t

立, 亂 明 義 本貴戚之卿,而非孟子所言之志,明 諫,乞遠邪黨,開 ,而有周公遭謗之時。 經 政 蓋 「公孫碩膚,德音不瑕。」《詩 有 合《孝 讒 行 妬 命 流 經》「終於」之旨 爲 言, 宗 正路焉。 災異 正 屢 著 雖道不行,乃 見。 述 綿 頗 寯曰 也。 更 ·國風·狼跋 廣 生 進忠之 劉 上 時 或 宗 書 權 風 正 切 奸

王宗正章第 七十 四見本傳。 ○後如 E 導等,

語

補

》作

虚 談

覽之胤

河太守 使祥 祥, 行 爲 彌 ıĻ 覽 固。 輒 覽 覽 王 泣 輒 孝 咸 其 覽,字元 抱。 與 友恪恭,名亞 以 寧 俱。 覽 初 祥,前 爲宗正 詔 至於成 通, 母 數歲 生 「覽服 立於祥。 卿。」覽 童、每 也 見 母 朱 仁履 諫 後 後覽官 朱 氏 母, 繼 氏 又 義,至 世 母 撻 屢

清

虐

虐

兄

賢

静之。」《諫静章》。 不義乃止之意。 敢 幾 才 諫,怡 疾 興 怨,起敬起孝,悦則 於 色柔聲,諫若 江 左 綿 《孝經》云:「故當不 寯 日 不 復諫,致親 入而 王 宗 撻之流 正 明 不 於 血 義 陷 事 不不 則 於 親

陶長沙公章第七十五見本傳。 字,詳《孝經》。「清談」八字,詳王右軍 語。 企世 法言」六

醉! 見約, 肅 曰:長沙公克尊母命,不獨 法言。 」乃命取參 大禹 清 晉長沙公陶侃 惜 樗蒱者,牧奴 不 壽七十 寸陰, 敢 踰 六。 衆 佐酒 性 人 (當情: 明 ,字士行,持節都督 嘗曰:「幼有酒 戲 器博具投 鑒 耳。 忠 分陰,豈 浮 勤 脱 華,非 每 「清談 於江 語 口 失, 先 逸 人 廢務 王之 游 慈 日 州 荒 親

説

敢自暇自逸,矧曰其敢崇飲?」《書》。浮文妨要」及斥酒博而已。《酒誥》云:「不

晉張司馬章第七十六見《文苑》本傳。

耶? 貴 足 哀 我 章之至,本於孝忠。 魚 王 曰 段盡 (求名,何若眼前 動心,非 膾 门 ,於我如浮雲。」《論語·述而 張司馬,史人《文苑》,未爲 晉司 執 遂命 日 禮。 權 . 馬張 翰 駕歸。 人 止 其撰著文章,各行 知 因 翰,字季鷹, 生 幾 見 人謂 貴 也 一盃 秋 志道 適 風 傳云: 見幾。 志 酒。」性 起 德者,功 、思 耳 善屬文章。 示 鄉 又嘗 何 於 至孝,母亡, 知 中 能 世。 義 名富 己。 蓴 稱:「使 要 而 羹、 名 綿寯 富 貴 夫文 時 爵 且 何 鱸 齊

晉吴將軍章第七十七見《循吏》本傳。● ○《左

傳》之謂「令德」者,孝也。詳《書•君陳》

綿 家法,雖 與 詔 前 過人。禄均九族,菲已潔素,革 日 伯 軍,又爲廣州刺史。 吏部尚書,吴遂釋 將軍 寯 諸 許之,加 鄰 「汝若居銓 居,韓母每聞哭聲,輟 晉吳隱之,性至孝,喪親哀毀。 日 孫 或 ,賜錢五 才學不逮隱之,而孝悌 吴將軍 賜 爲 錢 太守、或爲郡 衡,當舉 十萬、米三 十萬、穀千斛。 孝爲德本,故能 褐 清 爲 操 輔 如此之人。」 愈 或 縣,常 百 **飱投**筋 属。 功曹,轉 斛。 奢務嗇。 詔 潔敬 及請 以清白 以 子 嘉 後 泣 廉 延之等 其 左 與 老,優 不衰 慎 孝 謂 衛 韓 韓 慎 爲 進 友 將 爲 韓 康

「循」,疑當作「良」。吴隱之傳見《晉書・良吏列傳》。

0

四九

德,以示子孫。」《左傳》桓公二年。
吏》,●恐未先本。《春秋左傳》云:「故昭令勤遺子孫,三世「聿修厥德」。史人《循

齊劉參軍章第七十八見《綱目》。〇《書・君

與《論語》均重「孝」字。

》「惟爾令德,孝恭。

惟孝,友于兄弟,克施有政」,

政? 嚴 于兄弟,施於有政。」是亦爲 世。」綿寫曰: 在《孝經》。」帝歎云:「儒者之言,可寶 肅。 《論語 齊參軍劉 孔子曰:《書》云:「孝乎! ·爲政》。〇「治成」二句,詳見《孝經》。 劉參軍 職對高帝之問爲政云: 知此 政教治 政,奚其爲 成,不 惟孝,友 「政 爲 待 萬

《于兄弟」,則

字當在上

日

從來稱「惟孝」宜

陳徐尚書章第七十九見《南史》、《孝經集靈》、

《紀事》作「唐人」,恐誤。《孝經紀事》。〇《南史》:陳徐孝克,徐陵弟也.

言善 子·離婁》。 學,發《孝經》題,詔太子北一 教以孝,所以敬天下之爲人父者也。 妖變皆息。 省第多鬼怪,官吏居多受殃。 ? 論 陳徐孝克通《孝經》。 子輿氏云:「陳 日 綿寫曰:徐尚書善於輔 陳 於前, 則邪僻 善閉 面 至德中,太子人 邪 聽講。 之氣 孝克居 謂之敬。」《孟 何 時 翊,是 且格 兩載 從 尚 書 而

●「循」,據文意,亦當依《晉書》作「良」。

五〇

\$,25

隋 蘇房公章第八十見本傳《網目》。 〇此可 證

「立身、行道」,而 「行道」是「治國」、「親民」,乃「用之

剪

仁°」《論語·

泰伯

讀《 晉封房公。壽八十二。 知立身,忠也,治國 爲?二帝深然之。 孝經》一卷,足 「忠恕而已矣。」《論語 隋 蘇 威言於文帝曰:「臣父嘗云:「唯 以立 威 即 襲 綿 行道,恕 ·里仁》。 父爵爲邳公,後 身、治國。 寯 E 也。 蘇 何 房公蓋 曾子 用 又 多

盧 卿章第 八十一見《孝經集靈》。 〇是書不著何

굸:

代人,兹闕文。 前後仿 此。 ○互詳《關 帝實 訓 像

註

盧 操 事 母。 每 早冠帶,誦《孝經

> 焉。 人 徧,然後視事。 、興仁。 綿寯曰: 傳云: 盧 卿篤 佐政寬仁,惡少感激向 君子篤於親則民興於 敬,親親爲仁之本,而 化

唐薛 卿章第 八十二見《舊唐書》、《孝經紀事》、

《子史精華》。 〇大經,人倫也。 大本,全體也。

詳

(中庸

》朱註

云: 經之大者,著自聖 大本。」帝嘉 「聖人,人倫之至也。」《離婁》。 唐 薛 放對穆宗曰:「《孝經》爲人倫之 稱之。 綿寫曰: 人,立大本 薛 也。 卿 知《孝經 ^ (孟子)

 \overline{h}

唐員卿章第八十三見《唐書・藝文志》、《弘簡

弟順德,而孝爲大。 ○「伏至險於大順」,詳《易・師卦》本義。孝

唐員半千,字榮期,歷事五君,清白一

節。

著有《臨戎孝經》二卷。

晚年以山水自

放。遊堯山,樂之,遂居焉。卒年九十四。

孝,戰陣無勇非孝之義。文王云:「師,貞,大順」,老成見識尤正。此即事君不忠非綿寫曰:員卿正色歷朝,著書又「伏至險於

員餘慶「五百年一賢」,遂名「半千」。 ○《文苑》: 王義方謂丈人吉,无咎。」《易・師卦》。○《文苑》: 王義方謂

唐郭卿章第八十四見全上。

唐郭良輔著書名《武孝經》。綿寯曰:

烈祖。 何異 郭 修乎軍旅。 卿 意 也哉! 《魯頌》云:「允文允武,昭假 靡有不孝,自求伊祜。」《詩》。 謂 「有教無類」,故孝 尊親同道,忠臣本于孝子,文武 弟 發 諸 朝 廷,而

唐柳京兆章第八十五見全上。

之孝。《檀弓》云:「兄弟之子猶子也。」《禮》。曰:柳京兆持躬合猶子之倫,事叔能如父唐京兆尹柳仲郢事叔公權如父。綿寓

宋蘇學士章第八十六見《蘇文忠公全集》。

○《禮・祭義》:「子」字,音慈;「諒」字,音良。

然生矣。至第十八章,人子所不忍者,獨寄孝經圖》云:「觀此圖者,易直子諒之心,油宋蘇軾,字子瞻,號東坡。《跋李伯時

云:「是故君子居則觀其象而玩其辭。」《譽公善於觀感圖象,能知讀畫之方矣。《易》明殿學士,謚文忠公,贈太師。綿寯曰:蘇其彷彿。非有道君子,不能爲也。」公除端

宋丁制科章第八十七見《山堂肆考》。

伍, 祖 \pm 孫。」後度 卷,曾曰:「吾聚書多,必有好學爲 明清《揮塵後録》:「余家有書幸存,自祖至今蓄之。」又 武矣。 承義方之貽厥 公雅有公才公朢之風,與 范喬傳》: 宋丁度,字公雅。 《書》云:「追配于前人。」《君牙》。 力學有守,登服 「承祖遺硯,常抱守之。」 孫謀,而守學業以 祖顗,厚費置書八千 勤 詞 抱 學科。 硯 蓄 吾子 繩 書 綿 其 爲 寯

宋黄文肅公章第八十八見《宋史》、《綱目》。〇

獻公壻富弼。 半子,見《唐書》德宗嫁公主。 事修謹,見《筆録

一元

衆以 後,曾子、子思 著書,嘗稱「道之正統,待人而 後榦仕進,常講學,弟子日衆。榦朝 書授榦,曰:「吾道之托在此,吾 子後,周、程、張子繼 與之處甚 夜不設榻,不解帶。 爲「知言」。 宋文肅公黄幹, ①號勉齋。 有益,遂嫁以 得其微,至 綿 朱子稱直卿志堅思苦, 寯 曰: 其 女。 (絶,至 孟 黄公善 久之,以手著諸 子 朱子始 傳。 始 初見朱子, 著。 無 能 由 夕 憾 矣。」 識 著 孔子 講 由 岳 經

下司。「榦」,原作「幹」,據「號勉齊」者爲黄榦改。下三「榦」,原作「幹」,據「號勉齊」者爲黄榦改。下三「榦

五三

略 詮

父。 《大雅》云:「崧高 ○公録五經、四書言孝,爲《孝經本旨》。 經繼述之孝,不愧「半子」、「修謹」之賢矣。 道統正傳, 而道之大原出于天,是達天 **推岳,峻極于天。」**《崧高》。

宋程 太學章第八十九見《玉海》、《孝經紀事》。

〇一本作名「全一」。

化民成俗,其由學乎!」《禮》。 太學職事 職,帝欲以是興學也。 宋程全著《孝 綿 寯 曰 : 經 解》,上之。 程太學進是經,授是 《學記》云:「君子欲 高宗 命 爲

宋 真 參政章第九十見《通鑑 綱目》、《大學衍義》、

羽翊孝經》。

宋真德秀嘗著龔君栗《孝經集義》序,

義。」《説卦 學》之義。 相爲表裏,故多引「至德要道」。 綿寯曰:真參政發明《孝經》,知 勸敬德反本。 引《孝經》,發明論辨甚 及著《孝經紀孝行章解》與《大學衍義》,多 《易》云:「和 帝命爲學士,尋加參知政 切。 順於道 表進於理宗,以 德 與《大學》 以 而 衍《大 理於 事。

明丘太師章第九十一見《大學衍義補

「先王有至德要道。」

公心也。 學 太師。綿 宗,帝嘉之,詔官刊 云:「爲治要道,人君 衍義補》,於《崇教化章》引《孝 明丘濬掌國子監,兼禮部侍郎。 帝舉仁者耳。 寯曰:丘太師 印。 至德 勸引《孝經》,仁者 《孟子》云:「是以 遂陞 也。 潛尚書,後 表 進 經 著《大 於孝 >, 且 加

義,終之以仁。」《禮》。

序》,見《實善編》,八十老人王佐敬書,綿寯重刻送。惟仁者,宜在高位。」《離婁》。〇公又著《文昌孝經

明吕太傅章第九十二見《孝經大全》及跋。〇

兆 太傅修 行寔踐。 著《羽翼孝經》,及《大全》、《本義》、《紀事》、 識餘≫諸書,各主十八章。● 琳 《文王世子》云:「修之以孝養,紀之以 等 明吕維祺,爲參贊機務南京兵部尚書。 明《孝經》諸書,以紀大義,不違仁 重 加付梓 後加太傅。大清康 行 世,並 修輯發明,可驗躬 跋。 熙 初,子 綿 寯 EI : 兆璜 吕

李朝李帝師章第九十三見《大越史記》。

之,則 信。」《孟子·盡心》。 兼善」也。 致澤之心,故帥天下以仁,而民從之,「達 教民忠孝。 李朝李敬修爲帝師,内 安富尊榮; 傳云:「君子居是國也,其 綿 寯 日 其子弟從之,則孝弟 李 卿 有 則 用 侍 行之 經幄 遇,存 一外則 君 忠 用 則

陳朝馮少傅章第九十四見《大越史記》。〇明

沈鍊《題岳武穆王廟文》:「忠臣孝子,即是神仙。」

官至少傅,號巽齋先生。初元兵來侵,仁宗陳朝馮士周,忠孝,有文藝,能前知。

● 「各主十八章」五字,原爲隨文旁注。

五五元

五六

即是 寯曰 善必先知之,故至誠如神。」《中庸》二十四章。 之先見者,此爲知幾其神,正謂 命公占之,公對 神仙」也。 :馮少傅有至誠之道,可 子思云:「善必先知之,不 日 . 「必大勝。」 以前 後 「忠臣孝子, 果 知。 然。 吉 綿

黎朝黄都尉章第九十五見《大越史記》。

尉蓋 臣 云: 者,贊清之遺 也。」《禮記》。 忠,四朝歷事,一節始終。」綿寯 知孝忠一本,故能始終弗渝。《祭統》 忠臣以事 朝 黄清 像云:「體 爲 其君,孝子以事其親,其本 左 司騎 具 都 而 尉。 用 周 有 日 子 梁 黄 孝 如 都 鵠 而

黎朝武探花章第九十六見《皇越文選》,與《詩

選》小異。

官 禮》云: 則以學文。 務本,以善及人, 時表率」。 文稱「孝弟忠信,示世儀型,德行文章,爲 地,授徒以千數,得以成名甚衆。 族師》。 黎朝探花武 「書其孝、弟、睦、婣,有學者。」《地 綿寫曰:武探花率性修道,教人 觀祭文所 晠,官至 而信從者衆。 書,蓋公是也。 御 史。 行 後 其門生祭 有餘 久 在 力, 周 閒

日本山井掌書記章第九十七見《七經孟子考

文》、《四庫全書》。○享保,日本國王年號。山井。

日本,東洋之國,有山井生,名鼎,字君

彝,爲掌書記。國王享保年間,喜獲中國諸

作《孝經序》。

本有太宰

可采。惟

經,錄較成書,顏云《七經孟子考文》。其中

卿,爲序,又作補遺。綿寯曰:日本國山井《孝經》致辨加詳。有國内講官物觀,字茂

安耳。

綿寯

孝經古今文

已

古、今文鄭、

日星。《詩·大東》云:「東有啓明。」《小雅·生,東人之子,表章聖經,吾道東矣,炳如

大東》。

婦女部三人。

漢淳于氏章第九十八見《史記》、《漢書》。

縈篤孝,是女有士君子之行。《葩經》云:文帝悲憐,詔除肉刑,具爲令。綿寓曰:緹齊中皆稱廉平。今坐法,願爲官婢贖父。」女緹縈從至長安,上書曰:「妾父意爲令,英緹縈行至長安,上書曰:「妾父意爲令,

「釐爾女士。」《既醉》。

北魏花氏章第九十九見《樂府》。○《易》「蹇

身計也。」今比父子。

蹇」、《體註》:「君在

難,臣能不避萬死以求濟,不爲

木蘭,姓花氏。北魏時苦征役,其父老

5) 順 意

人不知爲女。後有功,封孝烈將軍。木蘭弱,有司催逼。木蘭乃代父戍邊。十二年,

詞略云「願爲市鞍馬,從此替爺征」,又「朔

氣傳金析,寒光照鐵衣。火伴皆驚忙,安能

綿寯曰:花氏以君子女,「蹇蹇匪躬」。《小辨我是雄雌? 娘爺聞女來,出郭相扶將」。

雅》云:「之子于征,有聞無聲。允矣君子,

展也大成。」《詩・車攻》。○《易》「蹇蹇」、《本義》「柔

順中正」,今比女。

唐鄭氏章第一百見《唐書・藝文志》。〇「女子之

行」四句,詳《列女傳》。

《孝經》,知「女子之行,於親也孝、婦也節、爲婦女之道焉。 綿寯曰:鄭氏以巾幗尊唐陳邈妻鄭氏撰《女孝經》,進於朝,教

母也義而慈」之意,故閨教孝爲德

本。

《禮

記》云:「教以婦德、婦言、婦容、婦功。」《昏

義》。

孩 童 部八人。

晉劉長盛章第一百一見本傳。

地不愛寶,詳《禮運》。「墓」一作「芹」。

〇孟卿冬笋

見齒。 斛。 所在供 博通經史,州郡王公聘之,均辭有老母。 栗百石賜孝子劉殷。」後殷食之七載。 籬有粟」,晨掘,得 中,半日堇生,採歸 有七子,分授五 晉劉殷,字長盛,七歲 九歲,曾祖 衣 食、蠲 徭 賦,賜帛二百疋、穀五 十五 母隆冬思堇,殷往泣 奉進。 經、《史記》、《漢書》。 鐘。 又夜夢人謂「西 喪父,哀毁未 銘曰: 「七年, 弱冠 白 澤 嘗 詔

涉大川

利

《孟子》云:「仁則榮。」《公孫丑》。 比 長 盛 孟尊、逾郭巨,故地不愛寶,人皆歸仁焉。 處 驕國,竟以壽終。 綿 寯 曰 劉 長盛

晉王延元章第一百二 見全上。 〇王延與王祥、

黄香事略同。 一作字延光。

綿 史。 母。 繼母 有 爲尚書左丞、金紫光禄大夫。 生魚,延循汾,叩淩而哭,有魚躍 寯 王、黄 冬以身温 州郡禮 ト氏遇之無 母感其誠,撫 二卿 王延 延,字延元,九歲 解不赴。 貞。」《易》。 之孝。 被。 元敬信 道,延事彌 如己出。 又畫傭 ^ 感豚魚,貞 中孚》云:「 及母終,廬墓。 喪母,泣血三年。 夜讀,遂 延事 謹。 年垂六十矣。 誠貫 親,夏 出,延 母 豚魚吉。 博 盛 寒暑, 冬思 扇 以 後仕 通 枕 經 進

> 晉范宣子章第一 百三見本傳。 ◎世 説 新

語

補》云: 「宜年八歲。」又别傳云。「宣,字子 宜。」皆

小異。

始矣。 義。 之體 養。 改容。 孝矣。」《禮 義》云: 綿寯 蓋慎厥初,惟厥終,終以不困,慎 而 晉范宣,字宣子,十歲微誤傷指, 人問痛耶? 致 執道者德全,德全者形全矣。 「父母全而生之,子全而 曰: 毁 傷, 宣子自幼 難 處 曰:「痛 耳。」後 已 知 博 可 全體 ?學,躬 歸之, 忍,但受 不 毁 可謂 終 耕 捧 ^ 祭 如 之 供

梁吉翂章第一 百四見《梁書 》、《通鑑綱目》。

梁吉 翂, 父爲原鄉令,有姦吏誣 時

王志 幼,疑 咋 道固 吉 或 受教?」終無異辭。 亦知憚 寯 謂 翂 當然。 欲於歲首舉吉克純孝。 當時未察權姦,吉亦宜伸冤 年十一 綱目》大書「翂孝,帝仁」,交予之也。 人教之,命廷 死,顧不忍見父如是,故求代,奈 吉年 五 若因父取名,不忍也。」固拒,乃 雖幼 撾登聞 丽 尉詰誘。 上并宥其父。丹陽 鼓 能 ,乞代父。 願代 死 吉云:「父子 吉云: 頗 武 抑 有 帝 「雖 可也。 周 以其 公 尹 何 幼

庾子輿章第 一百五見《南史》、《世説新語 補

終古。」《疊卦》。

吉氏爲有子矣。《易》云:「有子考无咎,厲

庾子輿,字孝卿,五歲讀《孝經》,手不

知順 禮 志 始加冠 塘水退爲庾公。」綿寫曰: 忽減退。既渡,水壯如舊。 親 釋 曰:「夫孝,德之本也。 士冠禮 ,順爾 卷。 喪,至巴東,秋水方壯,子興 德本,遂延壽福,竟免禍災焉。 云:「令月吉日,始加 或曰 成 德。 : 「此書文 壽考維祺,介爾景 句不 何 孝 謂 時人語曰:「瞿 多 元服 卿 撫 不 幼若成 多?. 心 何 長 自 福。」《儀 棄 、嗟,水 儀禮 苦? 爾幼 後 奉

唐 獨 孤及章第一百六見《唐書》、《孝經集靈》。 黔婁

聖賢之德行。

若夫事

掩 蔽

勢單

弱

何

從辨明?

吾審其時,哀其

志,舍輕取

重

一,斯

降 後爲 生,禍亂不作。」《孝經·紀孝行章》。 此孝感。 於 庭 常 唐 州 獨 樹 夫子云:「是以天下和 刺 孤 及, 綿 史, 寯 年 七 日 歲 穀 : 誦《孝 屢 獨 熟, 孤 **%** 及 經 >,非 能 害 平. 誦 不 ,災害不 作 能 法 不言。 甘露 致

遼耶律安搏章第一百七●見《遼史》。○峻楙

德才,如謂德大才盛。

「峻茂之貌。」許慎云:「嶷,小兒有知識。楙,茂通。」 質匍匐,克岐克嶷。」《詩·生民》。○岐、嶷,朱註: 在孝。綿寯曰:耶律安搏,幼有至性,已如至孝。綿寯曰:耶律安搏,幼有至性,已如至孝。。以及長,事母 遼耶律安搏,幼若成人,父喪哀毀盡

明謝定住章第一百八見《明史》。〇嗣有賢人,

每章加著詩詞圖繪,大意粗陳,觀感必多,益爲功德

快舉。

弟,適有虎至,定住奮前擊去之。及再來再明謝定住,年十二,母行從後,母抱幼

定住與母及弟並全。 親與身及弟並全,孝弟 十石、鈔二百錠,旌表 擊,虎去。 云:「孝弟之至,通於神明。」《感應章》第十六。 又還,遂取石復擊,虎乃舍之去。 成祖召見、嘉獎、賜米 公家門。 通 神 可 綿 見。 寯 日 孝經 定住

「搏」、《遼史》作「摶」。下同。

0

孝史略詮

大南皇親藩盛國公綿寯彦叔自跋

學古先耳。知我者或是書中人與? 或今洟。今風樹之思,寄托筆硯;孤哀之分,勉幼冲,已遭苦世。每閱書中聖喆,惶汗涕當年具慶,未能竭力事親。子臣方在

《孝史略詮》完。

與? 噫嘻!

世、後世人與?

後之視今,猶今之視昔

六二

孝史略詮恭録章奏本文、欽奉旨準允。

之冠 其孝。 部覈 奉旨: 行。 孝道 墓側 就 稱: 奏, 累其心。 年 冕 議 雖家 爲 ,寢苫枕 該 庚 具奏。 現 興 ,萬善之本原 鄭 誠 轄 五 及彼父母 聖 計單 有 化致治之先 如 同 + 伊 鑒 德 所 塊, 春 一歲, 寒,而 欽此。」 事。 等謹 總 縣 奏 朝 社 之 了, 阮 命没,葬 夕 奏爲 兹 甘 稍 鹽 能 ,自古盛 臣 不 務 文就孝道 結。」 據 識 田 左 一等竊 離 遵旨 文 富 右 村 故 事 字,爲 有 在 就養,不 安 凡 帝明 思 州 經 覈 Щ 鎮 人 可 閶 議, 谷,彼 臣 臣 孝子 子 孝爲 王 人 嘉 老 部 恭 少 頗 具 莫 有 以 題 百 著 結 妻子 表 摺 不 皆 有 阮 奏。 節 行 交 稱 廬 以 奏 具 孝 文

字,並 來,未 心 仍 樣 並 擬 里,人無間言。 典 雖 之昭陳。 準 計 孝爲萬 鎮,各宜 風 朱漆 準官 旌 行之可 無 應 禮 姓 奉 未 俗 給 如古 賞。 窮 請 名年貫 也 前 有 誠 子 錢 方之 旨 金 其 刻 以 用 銀 非 製 立教 人孝 欽 洪 稱 行 飭, 孝 旌 刺 心 兩 如 惟聖 皆 造 此。」仰 核)標準。 知 聞 採 賞之例 以 割 明 賜」二字,後 派 德之純,然 匾 該 其孝 載 實考 者。 訪 股、卧 倫,誠 E 一額,中 員 鎮 示 在 民 恢 見宸 遞 臣。 經降 鼓 書 順 此 語 間 張 臣 到 籍 勵 刻 冰 誠 次,富安之阮 足 治孝 該 等 諭旨 奉 翰 彙 凡 之 了孝 可 其 以增光前史。 刻年 所 孝子家 未 進 炳 册 有 惟 要譽。 養 嘉 培 以 順 耀 孝 敢 孝 官 由 獎。 生送 號月日 「著 示 天 子, 渞 可 銀 部 植 勸 門 風 三 十 概 最 題 綱 徵 臣 死 並 諸 經 獎 大大,孝 定 文 懸 常 之 等 四 頗 地 城 聽 而 大 州 合 奉 邇 義 候 詳 誉 勵

欽此。]〇子臣 風 慎 以 題 如 再《孝史略詮》書: 命四年三月初七日題。 之見,合否有當,伏望聖明訓示。 化 奉旨:「阮 爲 明 嗣 者 人子者之勸。 有 均均 著 純 增 孝之人 從人 賞 文就 綿 表 從 寓著有《孝經立本》先 迥 裹 孝 於嗣德癸未年冬陽 事 出 緞 行 庶爲妥合 臨 倫輩 疋 可 本月 時 嘉,正 各 候旨 , 十 由 1 堪 該 餘依 格外 謹奏。 因 日 臣等愚昧 地 之 臣 方 議 生 旌 勸 阮 核 日。 成, 行。 賞 勵 有 明 寔

金籯與 嘗親製 福甲 世。 李、 之,上 册 地間 最 天 藩 中如子最好慕者,何 諸葛公忠武語。 丁亥年,付梓功完。 盛國 好 之多 地 陳、黎,下則表章當日賢臣 慕 申、 《孝· 神 厚慰潛馨, 則顯揚我仁廟 公綿 明照 玉 圖 以 遂用印 咸宜 史略詮》繕就 而 Щ 章數顆,日 願學 手 寓彦叔六十一歲老人謹 鑒 大南 Z 拈 生平淡泊喜寧静 存 則 行見志。 用資 酉年,增 是 同 焉。 間 本 慶 平、温 人?」曰: 有謂之曰:「是書百八人 「立身教子 勸 孝治德教 1 今子臣 於 勉。 此 「淡泊明志,寧静致遠 亥年夏五穀 補 嗣 中 公、朱 付 德 子臣 機 謹 梓。 癸 「均吾師 緣 孝子,留名後 冠 一經完, 子其 奉全録 華書小 未 綿 我 感 書續記。 同 年。 寯 南 應, 日 慶 人 記 國 一,皇親 也 也。」 補 丙 至 以 覺 不 重 戌 建 傳 有 而

手拈

一本觀之,

適

是

此本,乃

明

命

四年

癸未

既

面

訪

人,見書

架

上

章奏鈔

本

倣

百餘

册

偶

子, 寔

有

其

人向

化應舉者,

則自

我聖

祖

仁

皇

帝教化

廣及

諭

準

周

行爲之始

也。

IIII

此

本

至如文書

百

者,又是欽奉舉行爲最先云。

日,子一

臣遂

親

恭録全本,歸

而

詳

觀

并

按

越

奉聖旨旌賞孝子阮文就銀縀

扁

額

也。

當

史,

古

來

得

未

曾

有。

故

採

訪

民

間

旌

賞

孝

孝 史略 詮》附録完。公子公孫校勘讀本。

六四

論語愚按

〔越南〕丁清孝〔黎朝〕范阮攸

校 撰點

五四

三五

四五

四

Ŧî.

四五

五三

五三

五三

五二

論語愚按卷之十二 一一〇	學篇總説 一〇九	附門人記諸弟子 一〇八	附門人言 一〇七	交際類 一〇五	附門人言 一〇四	孝弟類 一〇二	學篇二之六 一〇二	論語愚按卷之十一 一〇二	附門人記 一〇一	附門人言 九六	力行類下 九一	學篇二之五 九一	論語愚按卷之十 九一	力行類中 八〇	學篇二之四 八〇	論語愚按卷之九 八〇	力行類上 六九	學篇二之三 六九
政篇四之三 一	論語愚按卷之十七	觀人類上 一	政篇四之二 一	論語愚按卷之十六	正己類	政篇四之一 ::::::::::::::::::::::::::::::::::::	論語愚按卷之十五	仕篇總説	附門人記	下仕類 一	仕篇三之三 ·······	論語愚按卷之十四	附門人言	中仕類 :	仕篇三之二 ······ 一	論語愚按卷之十三	上仕類 一	仕篇三之一 ············ 一
四一	四一	三四	三四	三四四	五五	五	五五	四四			<u>=</u>	\equiv	九	四四	四四	四四	$\bar{\circ}$	0

六六五五五五五五	目録		政篇總説	附門人言并記	臨民類	政篇四之五	論語愚按卷之十九	附門人言并記	禮樂類	政篇四之四	論語愚按卷之十八	觀人類下
\sim 1 \sim \sim \sim \sim \sim \sim \sim \sim \sim \sim			六六六	一六五	五八	五八	五八	一五七	一 五 〇	<u>五</u>	<u>五</u>	四四

明

御史、乂安督同、東閣大學士等職。 鄧田社(今乂安省宜禄縣宜石社)人。 名撝謙,字好德,又字養軒,號石洞,乂安省真福 語愚按》、《朱訓纂要》、《南行記得集》、《石洞詩抄》、 《石洞文抄》、《讀史癡想》、《斷腸録》等。 四十年己亥(一七七九)二甲進士出身,歷任監察 范阮攸(一七三九—一七八六或一七八七),原 現存著作有《論 越南黎朝景 縣

鍵意義。

每類又包含章。 序,而按《論語》的 例、目録等自成 四九三章,對《論語》做了全面的解釋與評價。 《聖》、《學》、《仕》、《政》。 愚按》的章節編排没有按照《論語》本文的章節次 論語愚按》共有十九卷(書前小引、序跋、凡 每章首列《論語》正文。次列作者的 一卷,正文從卷二開始至卷十九), 内容分類編次。全書分爲四篇: 每篇由若干類内容構成。 《論

校

點 説

明

八四二—一九二三)的龍岡書院。

龍

岡書院是當時

者還 價值 者不同於前人的獨到見解。 除了與朱熹《論語集注》見解相同的部分外,也有作 理 變 當時學風 的認識,還明顯地 對書中每 的經學著作。 書是在越 的 動機。 章内容做了總結,指出了其中的 南儒學蓬勃發 不僅反映出作 體現了作者振興越南儒學、改 《論語愚按》對《論 爲了引導後代學者,作 展 者對 時 期 儒 問 語》的評價 世 家經典 的 頗 H 義 有

或許依據了一八三二年的刻本。 是藏於越南漢喃研究院圖 印問世,但這個版本早已亡佚了。 板」字樣,表示這個版本來源於阮朝大臣高春育(一 卷,分上下雨册。 留縣瓊洞社人胡宗士(後因避諱而改名胡尊士)刻 ○年蔵事。 范阮攸於一七七八年着手編寫此書,於一七八 一八三二年,由范阮攸的女婿乂安省瓊 道 個版本是在格子紙上鈔寫的 書館的手寫本,共十九 版心處有「龍岡 現存的唯一版本

解釋與評價,即「愚按」部分。 每篇結尾又有總説。

再一一説明。
 再一一説明。
 一一説明。
 一一説明。
 一一説明。
 一一説明。
 一一説明。
 一一説明。

 一一説明。
 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一記述

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一説明。

 一一記述

 一一記述

 一一記述

 一一記述

 一一記述

 一一記述

 一一記述

 一一説明。

 一一記述

 點者 丁清孝

新 鐫 小 引

然。 原 思繼其志乎?」因示之見。士既來城,訪 先生所著《論語愚按》欲使公之學者,子可 遊京,得與翰林院侍講平峰范秉直 御,文治大興,四方之書間 兩 督驩闖 乃敢問世,亦姑俟知我者取正 者,是書誠不少也。 學者就篇求類,就類求章,就章求意 之書也。 次。 本于范立齋先生之門人。時斯道中人 體於躬,應於事 論語愚按》一書,石洞范先生晚年願學 因以書示,蓋不敢自私也。 同年范立齋先生,千里飛 其書分篇逐類,有統 ,以求所以爲爲己之學 朝夕每 出矣。 以自隨,期以老 焉 屬,有法度。 爾。 庚寅冬,士 書,索觀者 今聖明 ,一覧瞭 語。「以 甲辰, 不 出 得 在

> 九月下旬工竣。士因念是書之公於學者,士 力相與成之,•登之棃棗。 壬辰春起工,秋 有 志焉,而成之者,亦斯道中人之力也。

明命拾叁年,歲在壬辰,季秋月下澣。

固

瓊瑠 宜 春縣 縣 富厚社 丹浦 社 壻瓊 秀才 洞胡尊士拜書 陳 日 偀 恭寫

同 時」, 此,不一一出校。 原作 「辰」,避阮朝 翼宗皇帝廟 韓 今回改。 以下

新刻論語愚按書引

之盡 經六月餘而書本告成。繼志述事,是胡尊士 樂爲成就。壬辰年五月二十八日起功鐫刻, 惟憑斯道中人,亦以斯文爲己任,各矢恒心, 營,早克完事。 在甫恨不得見者,而今得見之。 也,携得全書來示,欲登之棃棗,以惠後學。 瑠富厚胡尊士遠訪。尊士是范先生之小壻 概,甫恨未得見也。壬辰年之孟夏,幸見瓊 之門,得覩先生《論 之備載,在學者所當悉力而研究之也。 誼寶篆正進士副都陳公曾受業於石洞先 乃心,而實先生之靈,有以啓迪之也。 聖人之言,莫備於《論語》。凡二十篇中 顧念甫年届八旬,筋力倦矣。 語愚按》書,與甫言其大 誠願相與經 甫 生 年

> 後學北寧省順安府嘉平縣香篆社丁未科正 士、原任國子監司業、休致阮登陸拜

進

論語愚按序

多。 耶? 其學 華。」 乎折中,豈非大幸歟? 晦庵朱子爲之《集註》,發揮宗旨,後學于是 漢之濯之,秋陽之暴之也。 子往矣,今固 經文、《集註 語》,僅 舍是書奚求哉? 寥寥千載,微言弗章,幸得 象,載在《論語》,皆爲萬世師法者,皜皜乎江 則大異乎孔子之所謂學焉。 誠 我越文獻之邦,聰明博達之士,不 世之讀書者莫不曰:「吾孔子之徒。」考 朱子嘗稱子游曰:「南方之學,得 摭諸 知 所 嚮 家小註,務爲 》, 概 不可得而親炙矣,而其言行氣 往,則何子 略 圃 弗 而今日學者之讀《論 講。 游之不可及也? 帖 學者之學孔子, 括 是 取取 嗟夫! 爲 便應 知 學 ·爲不 其精 舉。 也 孔

> 也。 類 好。 《論語》,未讀時是此等人,讀了後只是此 默有以啓之歟? 按》,書凡十有九卷。 爲己之學,其於是書,固已默 人,便是不 亦足以發,賢於人遠矣。 俗,志乎聖人之道。 讀之,綱領條理,燦 劬 石洞好德氏,自少以舉業名場 而篤行實踐,以馴進乎大成,其至蓋未可量 於 而章以類附,各有論説,名曰《論 沉潛 甫不敏,庶幾見之。 其 會讀。」今觀石洞以過人之才,爲 義 日讀《論 ,三閱寒暑,彙爲四篇二 雖然,程子有言:「今人讀 然有章,喜其能 語 其用意良勤,而 客臘以書見示,甫 》,翻然大悟 豈天之將興斯文 而 屋。 識之。 既 拔 其 深 仕 由 + = 爲説 出 契篤 得 語 一,猶 是 等 愚 流 而

|澣,東川居士懷德甫謹題于三希堂。 時景興萬萬年之四十二,歲在辛丑仲春

上

季氏

無

别

頗覺

亂

論

語》古二十

論 語 愚按自序

歲。 始 五. 懷恐懼。 務爲記 幾二十五六年。 事章句文字之學,以投時 音義,而未能知味也。 義,茫然洋若。 悟 + 戊戌三十九,人翰苑 明 平生 無 由 攸年十二三,家父使讀《論語》,粗 Ħ 道 憶 今至老之年, 聞」句,恍然如 君子。 待訪 授受孟 既 夕忽思《論 而 奮 又未能自悔,亦未有啓發之 問,擬資 以吾 浪, 時或執卷,不 然 日 更有許多年工夫,獨不 視魯齋求 夢 • 語》,取讀之,至「四 稍長,爲場屋 棄其 (馳騁) 方覺,徘徊 備數 一昔魯 好,與《論 舊。 愐 過勾 添差,以 道 許 己。 時,尚 從 齋年 小學 語》相 擇據拾, 所驅 如 聖賢旨 四 少 有 究 狂 人, +, 事 所 + 戇 遠 其

時論 覽。 决意 路、子張、冶長,以其名 者,曾子弟子樂正子春之徒也。 ~ 换,期以老乃敢問世。 = 嗜 可 所記,壹部二十篇,子取而 之奚囊、公暇 愚按》名之。 玩味,不捨晝夜。 正 兩字爲別,初無 論 弩力向 而 文,次讀 語》,孔子弟子嘗雜記其言, 凡爲篇四,爲類二十三,爲章四百九 廢舉子學,朝夕以《論語 每章正文下,附 所 力求焉。 罪 ·前,以自托于困知之後耶?」於是 歟?」則又 熟《集註》,次熟讀 自是 私 輒不自揆,拈出篇 意 取 積七八 義。 年 玩 瀆。」 况《 以 誦。 夏,越庚子冬乃 曰 : 或曰:「《論語 爲篇 顔淵大賢,其次如子 八月,漸 愚按」。 有未穩處, 輒復 改篇定類,能 「朱 與衛 》自隨。 諸 漸開 晦 每篇取篇首 儒 뻾 因 類,以 翁 靈 卒成其 説 以《 豁,遂 先熟 、陽貨 成 固 》,聖人 論 云 不爲 便觀 逐 章 更 貯 語 + 深

篇求 章。 乎? 所 没 爲己 四 從《集註》 此 書 如 義 訓 多寡拘 舊 言 也。 也 書去其 必欲推尋聖訓 中,强求有 ,潛思默 類 者 章雖 所記列 (政》。 且《論 求所 分篇 乎? 也。 就 其説 其篇一 重出 以 內二 以 類求章,就章 契,體於躬,應 於後 宗《集註 今之讀《論語》者,爲必欲 以聖人 語》四百八十二章,内六章重出, 類 類,附 意義 篇,魯乃有二十篇 爲必欲按據篇 爲己,則此 曰《聖》,二曰《學》,三曰《仕 ,但加《鄉黨》篇内十五節,及 散 章 ,潛思默 出 别 區 盛德格言列 有統 己 》以發正文,亦謹 爲 逐章 見 區從 四 屬 下求意, 書 一章,爲 而 契,體於躬,應於事 必 於 固 不 事於其小者 有法度。 肩註 章 事 石洞 爲 次第,就 於前 物 何 四 訓 覽瞭然,不 篇名,示 百 氏 以 嘗以篇 釋, 學者 九 自 重 求 推 + 之所 學之 門 何 乎? 無 所 尋聖 就 人 妨 不 意 以 數

> 没, 子曰 之不 吾誰 謂 姑俟知我者取焉。 言之是非?」客既 困 庚子冬,敬書于京北月德江之修拙 敢自以 之有 而 「吾日三省吾 至,行之不力,上悖至教,以違先意 與歸? 論語》存,道未嘗 願 學 爲 功而謂之有 罪。 聖人之道 莊 諸君 誦 去 身」,此 遺言,彷彿全旨。 也。 罪 無論 因 攸 一日忘也。 弁其 可亞 掩 此 不敢自以 乎? 讀《 卷。 作之功罪,盍 語 于 論 悲夫! 攸 書首 語 聖賢 爲 謂 》大法 齋 功,亦 此 惟恐知 藏 (既遠) 孔子 也。 吾 不

海陽華堂范立齋筆點

論語愚按跋

好德敬題于安場官舍。

是編之所以作,已於序見之。其言曰:
是編之所以作,已於序見之。其言曰:
是編之所以作,已於序見之。其言曰:
是編之所以作,已於序見之。其言曰:

論語愚按凡例

章。 六、「未見好德」、「主忠信」、「三年無改」、「博學於文」、「不 在其位」,「巧言令色」。 南容」,「子曰三分」。 節 鄉黨》章内十五節各爲一章。《鄉黨》一章十七 皆有圈 并《冶長》、《泰伯》内有二章爲 爲别。 《論語》二十篇,四百八十二章,今加 除 一章及一 共四百九十九章。除重出 爲四 節重出,餘 百九十三章。 十五節、壹圈爲壹 四。「子謂

曰《致知》,曰《力行》,曰《孝悌》,曰《交際》,聖》、「曰《儀聖》,凡一百五章。《學》篇類四,知《應事範物》,曰《處變》,曰《取人》,曰《說類八,曰《學問》,曰《威儀》,曰《居處服食》,曰《應事範物》,曰《威儀》,曰《居處服食》,曰《養馬》,曰《強語》,曰《強語》二十篇,今彙爲四篇,曰

章,共七章附焉,通

併一百五

章。

下中三類,故《學》篇四類爲七類。「觀人」分 性》,曰《下仕》,只《觀人》,曰《禮樂》,曰《臨民》, 八一百四十一章。每類各因章意相同者,歸 八一百四十一章。每類各因章意相同者,歸 爲一類,不拘多少。 「致知」、「力行」、「觀人」三類,章數 爲一類,不拘多少。

八章,而以門人論聖人之德六章,與《堯曰》序聖人盛德事實者,各從其類,爲八類,九十一《聖》篇撮取《鄉黨》及逐篇各章,凡

二十三類。

上下二類,故《政》篇四類爲五類。

門人所記類此者,共三十四章附焉,通併三者,各從其類,爲四類,一百六十八章,而以一《學》篇撮取逐篇聖人之言最切學

合四篇凡

百二章。

所説所記類此者,共八章附焉,通併四十五者,各從其類,爲三類,三十七章,而以門人一《仕》篇撮取逐篇聖人之言最切仕

之。

説所記類此者,共五章附焉,通併一百四十從其類,爲五類,一百三十六章,而以門人所一人與》篇撮取逐篇聖人所論政事,各一《政》篇撮取逐篇聖人所論政事,各

一 每篇終皆有《總説》,以見命篇之意。書時偶有所得,觸意即書,以求正于大方云。一 每章正文下,附以「愚按」一條,蓋讀

「誠不以富,亦祇以異」八字,附「于今稱之」《集註》添「子曰」二字,於上又以别章錯簡一《季氏》篇「齊景公有千駟」章,今從

一《鄉黨》篇「必有寢衣,長一身有半」,

當在「齊,必有明衣,布」之下,今從程子正舊繫「褻裘長,短右袂」之下,程子以爲錯簡,

註》以此列「三復白圭」後,自爲一章。 一《冶長》「子謂南容」連上章,今從《集

一《泰伯》「三分天下」連上章,今從《集

一 某章舊繁某篇,今肩註舊於章傍,以註》,别以「子曰」起之,自爲一章。

備參考。

《目録》一卷,爲十九卷。 一 四篇四百九十三章,釐爲十八卷,加

_

論語愚按目

卷二

學問類 凡七章

子曰 默 而 識之 《述而 子曰

吾十

有

五

而

志

《爲政

子曰 加我數年 《述而 子曰

述而

不作

《述而

子日若聖與仁 《述而

子曰 君子道者三《憲問

子曰莫我知也夫

《憲問

威儀 類 凡七章

子温 孔子於鄉黨 而 厲 《述而》 《鄉黨》

聖篇一之一

升車必正 居處 服 立 食類 《鄉黨》 凡九章

子之燕居 《述而

寢不尸居不容

鄉人飲酒 子之所慎 《述而 《鄉黨》

齊必有明衣布

君賜食必 正 席

君子不以

紺

緅

飾

食不厭精

《鄉黨》

卷三 子食於有喪 《述而 朝與下大夫

君召使擯 《鄉黨》

人公門鞠躬 《鄉黨》

執圭

鞠躬

《鄉黨》

論 語 按

聖 篇 之二

應 事 範物 類 凡三十章

子不 子 絶 語 四 怪 《子罕》 力 《述而

子罕言利 《子罕》

子以 子 所 雅 四 言 教 《述而 《述而

子 日 自 行 束 修 述 而

子

日

二三子

以

我

述 而

子 日 吾 有 知 乎 **今子**罕

閔 朋 子 友 侍 死 側 無 誾 所 歸 뾥 《鄉黨 先 進

顔 淵 死 顏 路 請 先 進

顔 顔 淵 淵 死 死 7 子 哭之 日 噫 先 先 進 進

顔

淵

死

門

人欲

《先進

子 伯 華使於 牛 有 疾 齊 雍 《雍 也

也

問 子見齊衰 人 於他 鄉

《子罕》

子 與 人歌 《述 慽

師

冕

見

及

階

《衛靈

原 壤 夷俟 《憲問

孺 闕 悲 黨 童子 欲 見 陽 憲問 貨

佛 肸 召子 《陽貨 公山

弗

擾

《陽貨

陽

貨

欲

見

陽

貨

子

見

南子

雍

也

子 廄 釣 焚 子 而 退 不 朝 綱 鄉 述 黨》 丽

民 伯 夷 叔 齊 《微子》

逸

卷四

聖篇一之三

處 變類 凡七章

陳 成子弑簡公 《憲問

子 子疾病子路使門人 《子罕》 疾 病子路請 禱 《述而

子畏於匡曰文王 《子罕》

《先進

子畏於匡 衛 靈公問陳於孔子 顔淵 《衛靈

子曰天生德於予《述而

子曰 賢哉 回 也 雍 也

取

人類

凡二十六章

子 日 吾 與 口 言 《爲政

子曰 回 也 非 助 我者 也 《先進》

子曰 哀公問弟子孰爲 回 也其 心 三月 雍也 《雍也

> 子曰 子謂 季 康子問弟子 П 子 貢 也 其 日女與回 庶乎 《先進 《公冶長

《先進

E 語之 而 不惰 **今子罕**

子謂 子 顔 淵 日 惜乎 《子罕》

子 從我 於 陳蔡 《先 進

E

子 日 1孝哉 閔子 騫 《先 進

子曰 仲弓 日 犂牛 雍 也

子曰 雍 也 可使南 面 雍 也

南容三復白圭 《先進

子謂公冶 子謂南容 長 《公冶長 可妻 《公冶長》

子 貢 問 日 賜 也 何 如 《公冶長

南宫适問於孔 《憲問 子謂

子賤

君子

哉

《公冶長

子謂衛公子荆 《子路

雍

遽伯 子 日 玉 孟 使 之 人於孔子 反 不 伐 《憲問 也》

子在 互. 鄉 陳 難 日 與言 歸 與 述而 《公冶長

子曰 不 得 中 行 《子路

卷五

聖篇 之四

説 聖 類 凡八章

陳子 禽 然歎 謂 子貢日 《子張》

顔淵

喟

日

《子罕》

叔孫 衠 公孫 武 孫 朝問於子貢 語大夫 《子張》 《子張

叔孫 武 孫毀仲尼 《子張》

子 禽 問 於子 貢 《學 《子罕》 而

太宰 問 於子貢 日

儀封

人請

見

《八佾》

儀聖類

冉

有

日夫子爲

衛

君

《述而

《凡十章

子人太廟每 事問 《八佾

陳 司 敗問 昭 公知禮乎 《述而

達 巷 黨 人 日 《子罕》

微 生 畝 謂 孔子 《憲問

子 路 宿 於 石 菛 《憲問

子擊 一磬於衛 《憲問

楚 狂 接 興歌 《微子》

長 沮 桀 溺耦 《微子》

子路從 而 後 《微子》

附門人記

群聖道

統

凡一

章

堯 日 咨 爾 舜 《堯日》

右《聖》篇四 [卷凡 八 類 共 百 五 章

卷六

學篇二之一

四

子曰士志於道

子曰

人能

弘道

《衛

《雍也

《里仁》

子在川上曰《子罕》

致

知

類上

凡二十八章

子曰君子博學《雍也》

子曰温故而知新《爲政》

子曰知之者不如《雍也》子曰由也汝聞六言《陽貨》

子曰人無遠慮《衛靈》

子

日

由

知德

者

鮮

《衛靈》

子曰已矣乎吾未《衞靈》

子曰辭達而已矣《衞靈》

子曰知者不惑《子罕》

子曰可與共學《子罕》子曰知者樂水《雍也》

子曰苗而不秀《子罕》

子曰朝聞道 《里仁》子曰人之過也 《里仁》

子曰人之生也直

子曰小子何莫學《陽貨》

子謂伯魚曰 《陽貨》

子曰詩三百一言《爲政

子曰可與言而不與《衞靈

子曰由誨女知之乎《爲政》

子曰攻乎異端《爲政》

季路問事鬼神《先進》

王孫賈問曰與其媚《八佾》

子夏問曰巧笑倩兮《八佾》

卷七

陳亢問

於伯魚

《季氏

學篇二之二

致知類下 凡二十七章

五

子 日 予 欲 無 陽 貨

子 日 誰 能 出 不 由 户 雍

也

子 日 中 庸 之爲 德 雅也

子 日 不 知 命 《堯 日

子 日 富 而 可 求 也 《述而

子 日 飯 蔬 飲 水 《述 而

子

日

蓋

有

不

知

而

作

述

뻾

子 日 不 仁者 不 可 以 久 《里仁

子曰 子 日 荷志 [仁遠] 於仁矣 乎哉 《述而 《里仁》

子 日 好勇 疾 貧亂 《泰伯》

唐 棣之華 《子罕》

子 張問善人之道

《先進

子欲 居 九 夷 《子罕》

子 子 日 日 士 賜 而 也 女以 懷居 予爲 《憲問

> 子 日 愛之能 勿 勞 乎 憲問

子曰 不 逆詐 不 億 《憲問

子曰 吾 猶 及 史

子曰 巧言 亂 德 《衛靈》

孔子

Ė

生而

知之《季氏

子 Ė 性 相 近 《陽貨》

子 日 唯 上 知 與 下 《陽貨

子 Ė 齊 景 公 有 馬 季氏

葉公語 孔子 Ė 吾黨 拿 路 宰我

問

日

仁

者

雖

告

確也

公伯 寮愬子 路 《憲問

附 門人言 凡三章

子 貢 日夫子之文章 《公冶長

子夏 日 E 君 雖 子 小 道 思不 必 出 有 《子張 《憲問

卷八

學
篇
之
<u> </u>

淵 力行 問 仁 類上 顔 淵 凡三十九章

子 顔 日 吾常終日 《衛靈

子 貢 問 曰孔文子 《公冶長

子 子 E 學 而 不 思 《爲政

日

譬

如

爲山

《子罕》

子 日 當 仁 不 讓 衛 子

日

君

子

食

無

《學

而

冉 求 日 非 不 説子 雍 也

子 日 君子 不 重 **《學** 丽

子

日

學

而

時

習之

《學

直

子 張 學干 禄 《爲 政

子

日

弟子入則

孝

《學

而

子 日 恭 而 無 禮 《泰伯

子 日 君 子 上 達 《憲問

> 子張問 行 《衛靈

子

日

德之不修

《述

而

子

日

子

,夏女爲

《雍也

子

日

質

(勝文

雍也

子曰志士仁人

子 日 躬自 厚 衛靈

子 衛靈

子 日 日 君子 群 居 義 終 以 日 爲 質 《衛靈》

子曰 君子 病 無 能 衛 靈

日 君子 病 没 世 衛靈

子

子曰 君子 矜 而 不 争 《衛靈

子 日 君 子 謀道 《衛靈》 子貢

問

日

有

一言

《衛靈

子 日 過 丽 不 改 《衛靈》

子 日 君 子 貞 而 衛靈

日 侍 於 君子 有 \equiv 愆 《季氏》

子

七

孔 子 日 益 者 《季氏

孔子 日 君子 有 三戒 《季氏》

孔子曰君子有三 畏 《季氏》

孔子曰見善如不及 《季氏》

孔子曰君子有九思

《季氏》

樊遲 問仁子曰居處 《子路

子曰 出 則 事 公卿 《子罕》 子貢問.

何如

斯

《子路

卷九 子曰 軍 미 奪 《子罕》

學篇二之四

力行類中

凡三十九章

子 日 衣敝 縕 袍 《子罕》

司 馬 牛問 仁 (顔淵

子 司 張問 馬 牛 崇德 問 君 子 《顔淵》 《顔淵

> 樊 遲 從 遊 於 舞 顏 淵

子曰 富 與 、貴是 《里仁》

子曰 君子之於天下 《里仁》 子曰

我未見好仁

《里仁》

子曰古者言之不出 《里仁

子曰 以約失之 《里仁》

子 子 日 日 君子欲訥 而 無信 《里仁》 《爲政

人

子曰 非 鬼 而 祭 《爲政

子貢 日 君子 亦 有 惡 《陽貨》

子曰 年 四十而 見惡 《陽貨》

子曰已矣乎吾未見 《公冶長

宰予晝寢 《衛靈》 季文子三思

《公冶長

子曰 子 日 君子求 不曰 如之何 諸 己 《里仁》 衛靈

見賢思齊 日 貧 而 無 諂 《里仁 《學而》 子曰 子曰學如不及《泰伯 後 生可 畏 《子罕》

子貢 問 君子 《爲政》 子曰

子貢

顔淵季路侍 《公冶長

子曰 子曰 一志於道 十室之邑 《述而》

《公冶長

子曰 不憤不啟 《述 而

葉公問孔子於子路 子貢曰我不欲 《公冶長》 《述而

子曰放於利 《里仁》

子曰我非生而 知 《述 而

子曰文莫吾猶 子曰三人行必有我 人 《述而 《述而

子曰 興於詩 《泰伯》

子

Ħ

奢則不

孫

《述而

子 Ħ 三年學不至《泰伯

學篇二之五

卷十

子路問

聞

斯

行諸

《先進

力行類下 凡十九章

仲弓問仁

《顔淵

子張問仕 子曰參乎吾道 《顔淵 《里仁》

樊遲請學稼 《子路》

子曰

[誦詩]

三百 《子路

克伐 怨欲 《憲問

子曰

貧

而

無

怨

《憲問

子曰 其言之不作 《憲問

子曰君子恥其言 子曰古之學者 《憲問》 《憲問

九

子 貢 方人 《憲問

子曰 不患 無 位 《里仁》

子 子 Ħ 日 不 不 患人之不己知 患人之不己知 《學而 憲 間

或 日 以 德報怨 《衛靈

子曰 民之於仁也 《衛靈

子

日

知及之仁不

能

《衛靈

子曰 古者民有三 疾 《陽貨》

子 日 飽 食終日 《陽 貨

曾子 有 疾 孟 敬 《泰伯

附

門

人言

凡十九章

曾子

日

以

能

問

於

《泰伯》

曾子 日 土 不 可 以 不 《泰伯

棘子 成 日 君 子 質 《顔淵》

子張 子 夏 日 日 日 執 德 知其所亡 不 弘 《子張 《子張

> 子 夏 曰 博 學 而 篤 ______ 張

子 夏 曰 百工 居 肆 《子張

夏 日 小人 之過 《子張

子

子 夏 日 君 子 有 變 《子張》

子 游子 夏之門 人 《子張》 子

夏

日

大德

不

· 踰 閑

張

子 游 日 喪致 乎 哀 《子張)

曾子 日 堂堂乎張 《子張

子貢 日 紂之不善 《子張

子 夏 曰 賢 賢 易 色 而 子貢

日

君子之過

也

《子張

有子 曰 信近 於義 丽

子 張 日 土 見危 《子張

子 路 有聞 《公冶長

附

門

人記

章

學篇二之六

孝弟類

子曰父在觀其志 《學而

孟

懿子問孝

《爲政

子游問孝 《爲政》

孟武伯問

孝

《爲政

子夏問孝 《爲政

子曰父母在 子曰事父母 《里仁》 《里仁》

子曰父母之年 《里仁》

子路問 或謂 孔子曰奚 日 何如 《爲政 《子路

附門 人言 凡五章

有子曰其爲人也 《學而

曾子有疾 《泰伯

曾子曰吾聞諸夫子 《子張

> 曾子曰慎終 追遠

《學而

曾子曰吾聞諸夫子孟莊

《子張

交際 類 凡六章

孔子曰益者三方 /季氏 子曰

晏平仲善

《公冶長》

《衛靈)

子貢問爲仁

子貢問 友 《顔淵

子曰 《里仁》 子曰

1里仁

爲美《里仁》

[德不 孤

附門人言

凡五章

曾子曰 牛憂曰 吾日三省 《顔淵 **《學** 丽

曾子曰君子以文 司馬 《顔淵》

子夏之門人問交 《子張》

子游曰吾友張也 《子張》

附門人記諸弟子 童

柴也愚 《先進》

右《學》篇六卷凡四類共二百二章

卷十二

仕篇 三之 一

上仕類 凡十一章

子曰道不行乘桴《公冶長

齊景公侍孔子《微子》

子謂顏淵曰用之 《述而

齊人歸女樂《微子》

子曰鳳鳥不至《子罕》

色斯舉矣 《鄉黨》

子貢曰有美玉 《子罕》

子曰事君盡禮 《八佾》

子曰甚矣吾衰

《述而

微子去之《微子》

子曰三分天下《泰伯

卷十三

仕篇 三之二

中仕類 凡十八章

子使漆雕開仕 《公冶長》

憲問恥 《憲問》

子曰篤信好學

《泰伯

孟武伯問子路《公冶長》

子謂子産有 《公冶長》

子張問曰令尹《公冶長》

子曰甯武子邦有道 《公冶長

季康 子問仲由 《雍由》

子曰下在其位 子曰邦有道《公冶長 《泰伯》

子貢曰管仲非仁者《憲問

子路曰桓公殺公子 《憲問》

公叔文子之臣

《憲問

子路問事君 《憲問 季氏富於周公

季子然問

仲由

《先進

《先進

子路使子羔

《先進

子日賢者辟 世 《憲問

子曰作者七人 《憲問

子曰 直哉史魚 衛 靈

子 Ė 事君敬其 事 《衛靈

附門人言

凡六章

子夏日仕而優 子 夏日 君子信 《子張) 《子張》

子游曰 孟 氏使陽膚 [事君數 《子張》 《里仁》

曾子 日 可以托 《泰伯

季氏使閔子 騫 雍 也

卷十 四

仕篇 三之三

子曰 臧文仲居蔡 下仕類 凡八章 《公冶長

> 冉子退朝 《子路

子曰 臧武 仲 以 防 《憲問》

子曰 子曰 臧文仲其 竊 《陽貨》

衛靈

鄙夫可 以 事君

附門

人記

凡二章

柳下惠爲士師 《微子》

大師摯適齊 《微子》

右《仕》篇三卷凡三 類共四十五章。

卷十五

政篇四之一

正己類 凡二十五章

子曰苟正其身 《子路

子曰夷狄之有君 《八佾

定公問君使臣 《八佾

《雍 也

子

Ė

居

上

不

寬

《八佾》

子曰 子 日 禹 觚 吾 不 無 觚 間 《泰伯

子 E 法語之言 《子罕

子張問 明 《顔淵 《顔

齊景公問政

淵

子曰片言可 以 折 《顔 淵

子張問政子 日居之 《顔淵

《顔淵》

季 季 康子 康子問政 患盗 《顔淵》

子 季 路問 康 子 問 政子曰 政 於 先之 孔子 日 《子路 如 殺 顔

淵

子 路 日 衛 君 待 《子路

定公問 子曰 其身正不令《子路 一言 《子路》

> 子曰晉文公譎 子夏爲莒父宰 《憲問 《子路

季氏將伐顓臾 《季氏

孔子曰天下 有道 《季氏》

孔子曰 禄之去公室 《季氏

子張問 於孔子 《堯日 子張問.

仁於孔子

《陽貨》

卷十六

政篇四之二

子 日 道 觀人類上 不同 《衛靈》 凡二十八章

子 子 Ě 貢 問 南 日 人 有言 鄉 人 《子路 《子路

子 Ħ 剛 毅 木 訥 《子路

子曰 衆惡之 《衛靈 子

百

惟

仁者能

好人

《里仁》

四

或 日 雍 也仁 《公冶長》 子曰 聖人吾不 《述

子

日

君

子

坦

蕩

蕩

《述

丽

而

《泰伯

子 日 吾未見剛 《公冶

子 日 巧言令色足恭 《公冶長

子 日 君子成人之美 《顔淵》

子 日 君 子和 而 不同 《子路

子 子 日 日 君子不 中人以 上 以言舉 可 以 語 人 上 也 雍也》

衛

子 日 巧言令色鮮矣 《學而》

子 日 君子懷德 《里仁》

子 子 日 日 君子不器 君子喻於義 《八佾 《里仁》

子 日 君子 周 而 不比 《爲政

子 日 君 子 無 所 争 《爲政

子 子 日 日 孰 伯 謂 夷 微 叔 生 齊 《公冶長 《公冶長

子 日 不 有 祝 鮀 《雍也

> 子曰 子 日 如 泰 有 伯 周 其 公 可 謂 《泰 伯

子 日 狂 而 不 直 《泰伯

子 Ė 由之瑟 先 進

卷十七

政篇四之三

觀 人類下 凡二十八章

子貢

問

師

與

商

《先進

子

Ė

論

篤

是

與

《先進

子 日 君子 泰 而 不 驕 《子路》

子 日 有 德 者 必 有 言 《憲問

子 子 路 日 問 君 成 子 人 丽 不 (憲問 仁 憲問

子 問 公叔文子 《憲問

子 E 驥 不 稱 其 力 憲問

子曰 色 厲 而 内 荏 《陽貨

子 İ 鄉 原 德之賊 《陽貨》

子曰 道 聽而 塗説 《陽貨》

子曰君子易事 《子路》

子路曰

君子尚勇

《陽貨》

子曰 視其 所以 《爲政

舜 有 臣 五 人 《泰伯 子

游

爲

近

成宰

《雍·

也

子曰 歲 寒 《子罕》

仲弓爲季氏宰 樊遲問仁子曰愛人 《子路》 《顔淵

子曰 爲 命裨 谌 《憲問

或問 子 産 (憲問

子曰 言衛靈公 孟 公綽 《憲問 憲問

> 子 Ė 吾之於人 衛靈

子曰 子路曾皙冉有公西華 君子不可 小知 《衛靈 《先進

子曰 惡紫之奪朱 《陽貨》

子曰 唯女子與小人

《陽貨

卷十八

政篇 四之四

子曰 [禘自] 既灌 《八佾

禮樂類

凡二十八章

或問 . 禘之説 《八佾

祭如在 《八佾》

子

日

射不主皮

《八佾

子 日 關 雎 樂 八八佾

子 日 管仲 之器

《八佾

子 子 日 日 麻冕禮 師 摰 之始 也 **今子**罕 《泰伯

子 日 吾自衛反魯 《子罕》 ě

子 張 日 書云高宗 《憲問》

子 Ė 能 以 禮 讓 《里仁》

子 張 問 十 世 可 知 《爲政

孔子謂

季氏

八

佾

《八佾

子曰 家者以 [人而 不仁 雍 徹 《八佾》 《八佾》

林 放問禮之本 《八佾》 《八佾》

子 季氏旅於泰山 日 夏禮吾能 《八佾》

子 Ė 周 監於二代 《八佾

子語 子 貢 欲 魯 长告朔 大師 《八佾》

《八佾》

子謂 韶 盡 美 《八佾》

子在齊 聞韶 《述 而

子 Ė 先進於禮樂 《先進

> 子之武 顔淵 宰我問 間 城 爲邦 三年之喪 《陽貨》 《衛靈》

《陽貨

子曰 禮 云禮 《陽貨

附門· 人言 章

有子曰禮之用 《學而 章

附門人記

卷十九 邦君之妻 《季氏》

政篇四之五 臨 民類 凡二十七章

子曰 巍巍乎舜禹 《泰伯

子曰 日 道千乘之國 爲 政 以 德 《爲 《學而》 政

子

0 宗」,原作「尊」, 此,不一一出校。 避阮朝 憲宗皇帝廟 韓,今回改。

以下

七

子曰道之以 政 《爲政

哀公問日 何 爲 《爲政

季康子問 使 民 爲政

哀公問 社 於宰 我 《八佾》

樊 企理問 知子 日 務 《雍也

子貢 日 如 有 博 施 《雍也 子曰

齊

變至

一於魯

《雍也

子曰 子曰 大哉堯之爲 民 可使由之 《泰伯 《泰伯

魯人 爲 長府

子貢問 政 子曰 足食 《顔淵

子曰 魯衛之政 《子路

子 適 衛 冉 有僕

子曰 聽 訟吾猶 人也

子曰 苟 有 用我 《子路

子

Ħ

善人爲邦

葉公問 政

子曰

如

有

E

者

《子路

子曰 善 人 教民 《子路

子曰 以 不 教

子曰

上好

禮

《子路

子路問 君子

日

有 教 無 類 衛靈

子

子

曰

無

爲

而

治

《衛靈

哀公問於 附門 有若 人言 《顔淵 童

附門人記 二章

周公謂魯公

周

有

八

士

右《政》篇五卷凡五類共 百四十一章。

此下 有八條原稿未標明出處,此處不補,篇內補。

論語愚按卷之一

後學日南石洞范阮攸輯

瓊洞胡士藏 板

聖篇一之一

《爲政

學

問

類凡七章

子曰:「吾十有五而志于學,三十而立,四十

而不惑,五十而知天命,六十而耳順,七十而

從心所欲不踰矩。」

愚按: 「獨見其進」一段,朱子最發出聖人

者也。 至誠處。 俗學務超躐而卒無成,所謂「幼而 其自志學至不踰距,以積累勉學

0

《述而

可不懼哉?

子曰 . 默 而識 之,學 而 不 厭,誨人不倦,何

不孫弟,長而無述焉,老而不死,是爲賊」,

有於我哉?」

事業,賢於堯舜,都從此心上來。 愚按: 三者,雖聖人自謙之辭,而其萬世

該治而 以障頽 商,矻矻終身,可哀也已。 師道絶,雖以鄒國、考亭二大賢之力,未足 流 瀾。 於佛老,卑者務干禄 閲時益 久,去聖益遠,高者務 而 世教微 人 於申

《述而》

子曰 : 述 而 不作,信 mi 好 古, 竊 比於我

老彭。」

愚按"「功倍於作」,此朱子發出夫子賢於 胡士」。自卷十 起作「胡宗士」。

九

群聖處。然曰「述」,曰「信」,曰「好」,味其

至如王荆公之變亂舊章,豈知古也者?辭,尤足爲萬世教也。學者不察乎此,遂

乃後之所當信好而述之哉?

《述而》

子曰:「加我數年,五十以學《易》,可以無大

過矣。」

學」,何也? 蓋《易》道無窮,聖心亦無窮。愚按:聖人渾身是《易》,猶曰「加數年以

六十四卦,三百八十四爻,引而伸之,至於

三萬六千日,一日十二辰,廓而推之,至於一千萬億兆,無非道之所在,所以爲《易》。

聖心無窮,有以見《易》道之無窮,何厭之瞬息呼吸,無非心之所存,所以爲聖人。

有? 學者宜深思焉,《易》非可以驟讀也。

《述而》

子曰:「若聖與仁,則吾豈敢? 抑爲之不

曰:「正唯弟子不能學也。」 厭, 誨人不倦, 則可謂云爾已矣。」 公孫西

_

華

愚安:瞿枫二,非失子可足以當之。曰:「正唯弟子不能學也。」

謙之中,有勉進學者之意。苟志於道者,如此,夫子所以爲夫子也。第觀於德盛語終身如此,他人見其如此,而不自知其已思按:聖與仁,非夫子何足以當之? 然

門而人哉? 毋徒以公西之説自畫。誠能奮力直前,循循不已,豈不得仁聖之

《憲問》

知者不惑,勇者不懼。」子曰:「君子道者三,我無能焉。仁者不憂,

子貢曰:「夫子自道也。」

三者,非聖不能。 於知必爲物欺,未至於勇必爲物折。盡斯於知必爲物欺,未至於仁必爲物役,未至 自勉哉? 大抵未至於仁必爲物役,未至

《憲問》

子曰: 子也?」子曰:「不怨天,不尤人,下學而 莫知我也夫!」子貢曰 「何爲 莫知 E

達,知我者,其天乎?」

間 此意 人無 也。 俯仰戚戚,欲速成而不漸進,此等人難乎 愚按:「不怨天,不尤人」,天道之徧 十一 「下學而上達」,天德之健 高第尚未喻,况夫人哉? 以異於人處,即聖人與天爲 字,學者要不出此。 苟求知之切, 然反覆中 運 也。 處。 覆 聖

其

有聞矣。

威 類凡七章

《述而

子温 而 厲 威 而 不 猛 一,恭 而 安。

愚按: 學者知 門人所記之深意,反躬自治,逐時 此十字,見聖人 盛 德 自 然 而 然。

> 五年學箇「恭而安」二字不成,其可以易 省察,擴充其所已能,勉進其所未至,而. 1畫焉 則 庶幾於爲己矣。 然以張横 渠十 無

自

《鄉黨

言哉。

宗廟朝廷,便便言,唯謹 孔子於鄉黨,恂恂如也,似不能言者。 爾。 其在 各

得矣。 朝廷當玩「謹」字,「謹」則非好辨也,不 當其 愚 之大法,從容玩味於二字之間,庶乎有 敢隱,故見其便便。 不能言也,不敢多,故見其恂恂。 按: 可。 聖人盛德,醉然見於言貌 在鄉黨當玩 學者知 「似」字,「似」 守 恂 隨 恂 在宗 便 則 在

便

郷黨

誾 朝,與下大夫言,侃侃 如也。 君在, 踧踖如 如 也 也 」,與與 與上大夫言,誾 如 也

非

廟

其 唯 與 愚 可。 、殊,不一概也。 知 按 有 君 君 學者立于朝,當知所以自省矣。 而已。 未 視 朝 聖人道充德盛 及君既視朝 所 與 言 者 有 ,此時之心 上 ,無適不當 下 言 以

《鄉黨》

退,必復命曰: 左右手,衣前後,襜如 君召使擯,色勃如也,足躩 「賓 (不顧 也。 矣。」 趨進 如 也。 翼 揖所 如 也 與 立,

謹。 愚按: 如在 始終不 聖人所 擯者 倦, 存者敬、從容天 本 所以 末兼該, 秖 達 君意於賓,尤不 一精 理節文之中, 神, 儼然 可 不

《鄉黨》

足者。 履閾。 出降 人公門,鞠躬 等, 過位 攝 齊 逞顏色,怡怡如 升堂 色 如也 勃如 一,鞠 ,如不容。 躬 也 一,足躩 如 也 也 屏 如 立不中門,行 氣 也,其言 没階,趨,翼 似不 息者 似不

如也。復其位, 踧踖如也。

無 愚 動 按 非 敬 此 無無 節 適 自 非 人至 禮 一出,許 聖 人 盛 多 周 德 自 旋 然,學 曲 折,

而進,所謂求則得之,豈欺我哉?

者未易驟躐及此,然能就要

(領用

I

循

《鄉黨》

如戰色,足蹜蹜如有循。享禮,有容色。私執圭,鞠躬如也,如不勝,上如揖,下如授,勃

覿,偷偷如也。

愚按: 隨 在 致 此 殊 唯當之爲合。 節 又 有三 節 聖人 始 加 中 何嘗有意於 中 而 終

《鄉黨》

其

間

哉?

親指。升車,必正立執綏。車中不内顧,不疾言,不

●「鄉黨」、原脱、據全書體例補

必

變。

愚按: 此 節 熟玩之, 想見凡升車 必 敬

愚按:

聖人一

身,都是天理

觸

事

隨

時,

動

미

爲

則。

此

節

有

一節寢

居之則

者

,有接

圃 不放 無 時 不

居 處服 食 類

《述而

子之燕居,申申 如也,夭夭如也。

容者如 愚按: 熟,碎盎生焉。 者誠能深沉玩味,從敬字下工夫,涵 此想見聖人全體,隨時呈露, 此 ,所謂「致中和」,即其一端 聖固不易及也,其不爲君 也 可得形 養 既 學

《鄉黨》

子乎?

寢不尸,居不容。 見齊衰者,雖狎必變。 見

負版者。 冕者與瞽者,雖褻必以貌。 有 盛 饌,必變色而作。 凶 服 者 迅 式之。 雷 風 烈 式

凡九章

《述而

者亦可以自省矣。

見之則者,有行車之則者,有當饌之則者,

有遭變之則者,從容禮度,不期

而然。

子之所慎:齊、戰、疾。

畏也,兵事可懼 愚按:三者時不同,而同 也,父母 遺 於慎。 體 可 蓋神 重 也 明 聖 口

不勉哉。

人無不慎之時,而於此

尤致其

(慎。

學者

口

《鄉黨》

朝服 而立於作階

鄉人飲酒,杖者出

斯 斯

出

矣。

鄉

人

儺,乃多反。

鄉。 愚按:常人多謹於在國在 聖人在鄉黨之時,無 事不 朝,而每 敬,一 忽於在 舉一

動

惟體之安。

豈非

以

宗祖

所

依

,父兄所

在之地,不可以斯須怠忽哉?

《鄉黨》

必變食,居必遷坐。 齊,必有明衣布,必有寢衣,長一身有半。 齊

處哉。 敬不交。一敬所存,必極其至,豈可以常時 固曰:「事鬼神敬而遠之。」夫幽陰窅妙,非 愚按:四「必」字,蓋未嘗不然之謂。 聖人 學者知聖人之心,則可以知祀矣。

袂,狐貉之厚以居。 必殺去聲。 羔裘,素衣麑裘,黄衣 爲褻服 君子不以紺古音反。 當暑, 袗絺綌, 必表 之。羔裘玄冠不以弔。 **郷側由反。** 去喪無所不佩。 M 裘。 飭,●紅紫不 而出之。 褻裘長,短 吉月必 非帷 緇 朝 裳 右 衣 以

愚按: 制,與古大異。學者誠得其正而不苟之大 聖人衣服,無一不合於禮。 後 世 服

服

而

朝。

意,則於服不敢輕用矣。

《鄉黨

飯。 君賜食,必正席,先嘗之。 疾、君視之、東首加朝服拖紳。 君賜生,必畜之。 侍食於君,君祭,先進 君賜腥,必熟 君命召, 脯 薦

不俟駕行矣。

損之則爲不及。 其中輕重權衡,毫釐纖悉,益之則爲太過, 其壹端矣。 愚按:聖人事君之禮,無所不極其至,而 蓋所謂「時中」者,於此見

《鄉黨》

餒而 食不厭精,膾不厭細。 失飪,不食。不時,不食。割不正,不食。不 肉敗,不食。 色惡,不食。 食饐 一而餲。 臭惡,不食。 鳥邁反。 魚

「鄉黨」,原脱,據全書體例補 「古音反」,據《廣韻》,「音」當作

疏食音嗣菜羹瓜祭,必齊如也。席不正不坐。日,出三日,不食之矣。食不語,寢不言,雖食,不多食。祭於公,不宿肉。祭肉不出三無量,不及亂。沽酒、市脯,不食。不撤薑得其醬,不食。肉雖多,不使勝食氣。唯酒

節而加察焉,雖未造至善之地,亦庶幾不之。學者能即此,反之於心,省之於身,逐謹,毫釐不差。一點人欲之私,不得以動題按:聖人一飲一食,莫非天理,斯須必

《述而》

失其正矣。

子食於有喪者之側,未嘗飽也。子於是日哭

則不歌。

能安,亦當知所勉矣。 愚按:性情之正,聖人自然而然。學者未

論語愚按卷之三

瓊洞胡士藏板

聖篇一之二

應事範物類凡三十章

《子罕》

子絶四:毋意,毋必,毋固,毋我。

我。纔著一邊,便分兩樣。蓋我之爲我,愚按:我與人對,有我是有人,有人是有

矣。唯聖人之心,如天地之於萬物,太虚固,固則我。一成乎爲我,則不復知有人每從意起。意者,人欲也。意則必,必則

則聽

者易放懷於寥

廓不

可摸捉之地

一,皆非

《述而》學》曰「誠意」,此正學者下工夫處。

自無意中來。

然無

意又當自誠人,故《大

子不語:怪、力、亂、神。

最所易惑。聖人爲萬世慮深矣。秦皇以愚按:四者,人事之非可泛談,而人情之

力亡其身,宋徽以神亡其國,可不戒哉?

《子罕》

子罕言利與命與仁。

若不可形狀之鄉。未可以語仁而語之仁,未可以語命而語之命,則聽者易馳志於渺言?蓋命至微而難見,仁至廣而難尋。愚按:罕言利,可也。命與仁,何以罕

豈有所隱乎爾哉? 學者不可不思。所以使人循序漸進,下學而上達者。聖人

二六

渾然,一真自如,以我應人,不繫人我,都

道,識 以文行在忠信之先。 忠信,無所 矣,故以忠信繼文行之後。 力行,裹面誠篤,其庶幾乎。 뻾 愚按:不 實其 個義 所修之行,終歸於虚 忠不信,則無以踐其所學之文, 向 理,正 方,亦未 容謹 學者於此勉焉,致知 見其 節,立個模樣,徒 爲成人者。 然非讀 文僞 行 書 m 故 有 明 已

《述而

子所雅言:《詩》、《書》、執禮,皆雅言也

愚按:聖人言教,有不語者,有罕言者,有

矣。 雅言者。學者知此,則知所擇守而不躐等 嗟乎! 齊、衛作,天下無《詩》。 桓、

《禮》。 舉 世 滔 滔 往往 mj 不反。 子如不言,

小子何述焉?

語愚按卷之三

文作,天下

無

^ 書

%

管、晏

作,

天

下無

《子罕》

《述 偂

子曰 :「自行束修以上,吾未嘗無 誨 焉

愚按: 禮之在 聖人誨 人雖 演,而. 人,仁也。 仁之在我常充,天地無 學者束修,禮

也。

窮之心也。

《述而

子曰: 吾無行而不與二三子者,是丘也。」 二三子以我爲隱乎? 吾無隱乎

愚按: 此當與「予欲無言」章參看。 聖人

之道,非高非遠,飲食、起居、動静、視聽之

間,莫非至教所寓。 疑其隱,即之不知,而欲其言。 無 隱 復警之以 無言,欲學者近 學者由之,不見而疑, 故既告之 察 而深

思也。

以

於我,空空如也,我叩其兩端 子曰:「吾有 知 乎哉? 無 知 而竭 也。 焉。」 有鄙 夫問

二七

謙。 有 愚 無 按 若無故說謙,便似要人知 因 朱子 而 發。」此 於 此 處 必因 謂 人稱道,方承之以 凡 聖 模樣,學者 人謙辭,未

人在 不可不細思也。 下,不得已用言教之責。 世衰道微,上失其教。 有空空之鄙 聖

夫,不可無循 循之善誘。叩即《禮記》「叩

遺 端諸子之學,有 之以小小鳴,叩之以大大鳴」之義。 理者,是皆一端之見 語理 而遺物者,有語物 非 所以爲教。 夫異 惟 m

下無所不通,精粗無所不 盡 ,終始本末,

爲木鐸」,信然。

無所

不該,此謂竭

其

、兩端。

「天將以夫子

《先進

閔子侍側,誾誾 子貢,侃侃如也。子樂。若由也,不得其死然。 如也。子路,行行如也。 冉有、

愚 人得陰陽剛柔之中則爲聖,克治以就其 按:天地之間,陽必 有陰 ,剛必有柔,故 中

> 爲小人。 則爲賢。 然則「誾誾」,其賢乎? 偏於陽 剛 者爲君子 偏 「侃侃」、 於陰柔者

侃」,又不及矣。 「行行」,固不失爲君子。但「行行」視「侃 仲由終不悟於夫子之教

豈非氣習之難除 敷?

《鄉黨》

朋友死,無所歸,曰: 於我殯。 朋友之饋,

雖

車馬,非 祭肉,不 拜。

愚按: 裁之,而各適其宜,此聖人人倫之至處 友以 義合,故處常遇變,無不

《先進》

椁。吾不徒行以爲之椁。 顔淵死, 顔路請 才不才,亦各言其子也 子之車 以 以吾從大夫之後 鯉 爲 也死,有棺 之椁。 子 日 而 無

不可徒行也。」

愚按: 不可 施 聖人於七十 於鯉者 必不 子 可 之中,視 施 於 П 回 猶 子也 腔義

以

義

理 爲,貧富豐約,隨有爲裁,豈 知 一,遇 也 事 然則君子之於大事,須 權衡,此 回之所知 非 口 顧 妄求諸 以 其義之當 下 所能

而

亦豈可徇人之以妄求哉

《先進 顏淵死,子曰:「噫! 耶 無 不可 無道 生民 加 П 愚按: 重言「天喪予」,想見聖人爲千萬世 吾見其進也,未見其 ? 如 如 予何分? 喪 拯 回 ,寄道於聖人以拯之。 發出一段悲愴感 口 ,將寄道 非天 未 回 可 將 其 喪 好學 子 之年 孰能之耶。 於門人以拯來 也 前 無 天喪予! 如 而喪,予在未 慨。 止也」。 喪矣,予耶 回 口 聖人哀 夫天哀 猶予 先後 一揆, 天喪予! 世。 ? 斯 喪之年 也 斯 回在, П 民之 民 也 進 之

《先進

顔 淵 死, 子 哭 之 慟。 從 者 日 子 慟 矣。」

> \Box 道,其哀失之,亦豈他人之得比哉 愚 之,非他 亦中也。 至於顔氏, 「有慟乎? 按 聖人性 人之得比。 有顔氏 則慟而不 非夫人之爲 情之正 有 山 自知。 無 京樂 以寄 顔 氏 慟 蓋 斯 未 而 無 道 慟 嘗 誰 可 爲? 過 其 以 其 미 中 寄 ١, 慟 斯 得 獨

《先進》

顔淵

死,門人欲厚葬之,子曰:「不可。」門人

厚葬之,子曰:「回

視猶子也,非我也,夫二三子也。」 門人二三子者,豈足以 歟? 使回 乃足以葬顔 厚葬之非 人裁之以禮也。 愚按"門人奪於常人姑息之愛,不知家貧 不得以聖人爲父,亦歎回死之無好 嗟乎 禮。 1 子,惟聖人乃足以葬顔子。 門人二三子之見一般耳,聖 不得 厚豈足以葬顔子? 以 回爲子,爲 葬顔子 哉? 回 惜也 惟 學 禮

得

也,視予猶父也,予不

論 語 愚 按

也

有斯 命矣夫 伯牛 有 疾 也!」 疾,子問之,自牖執 斯人也而有斯 疾也 其 手, 1 曰:「亡之, 斯 人也而

也。 命。 愚 人之所致也,命也。 按:疾者,人之所不宜有,亦所不能無 玩 惟自天致之則爲 斯 人而 有斯疾」六字、蓋 然命 命,自 非數然,學 我致之則 斯 疾 者 非 可 非 斯

《雍也

不修身謹疾以俟考終哉?

與之粟九 吾聞之也: 君子周給不繼富。」原思爲之宰, 秉。子曰:「赤之適齊也,乘肥馬,衣輕裘。 之釜。」請 子華使於齊,冉子爲其母請粟。 百。 益,曰:「與之庾。」冉有與之粟五 辭,子曰:「毋,以與 子曰: 爾鄰 里鄉 「與

愚按"辭受取予,貴合乎義。世之人非冉

黨乎。」

哉 ? 其揆。誦聖人之言,不求聖人之意,可乎 則吝,非思則貪。 部《春秋》斧鉞。 於冉曰「不」,於思曰「毋」,二字可當 嗟乎. ! 中道 弗 講 士夫

《子罕》

子見齊衰者,冕衣裳者,與瞽者,見之,雖少

必作,過之必趨

愚按:敬存于中,感之即 發。 感殊敬一,

《鄉黨》

無發非存。

水鏡炤物,其聖人之心乎?

問人於他 邦,再拜 而送之。 康子饋藥,拜 而

受之,曰:「丘

未達,不敢嘗

理,而《周易》「不惡而嚴」之義在其中。 玩「未達不敢嘗」數字,從容和平,自然順 愚按:聖人一言,如風 、吹萬物,無所不遍。

《述而

子與人歌而善,必使反之,而後和之。

如 愚 此 按 歌 有 面 身 善,小 家 者知 善 此 也 義 聖 則 人 善 小善 言 無 必 不 録 萃 蓋

而 身家 成。 有 一國天下者知 此 義 則善道

無 不 通 而 或 天下治。

衛

師冕見,及階,子曰:「 階也。」及席,子曰

斯。」師冕出,子張問曰:「與師言之道與?」 席也。」皆坐,子告之曰:「某在斯,某 在

子曰 : 「然,固相 師之道 也。」

成 於聖人哀矜之至。 愚 輔 按 相者 瞽者,不得 也。其答子 於天地生育之全, 此聖人之仁,所以 張,「固」字最 可玩 爲 而 裁 得

味。 備道 蓋天下事 於身,體 事物物,莫不有當然之道 道 於 心,隨 感 丽 應,惟 是

之安,曷嘗有意於其間 哉

《憲問

原 壤 夷 俟, 子 日 : 幼 而 不 孫 弟, 長 而 無 述

> 焉,老而 不 死,是 爲 賊 0 以 杖 吅 其 脛

之意。 愚按: 以 世人 杖 犯 叩 脛 原 即《 壤之三條者多 虞 書 扑 矣,讀此 作 教 刑

書能 無惕然哉? 此一節,尤見極嚴 厲

中

他 極 人 和 可 平 誠誠 以 感 寒谷之嘘 化 矣, 春 壤 「, 覆 其 聖 盆 之 門 炤 化 日 外 也 之

蠻乎?

(憲問

闕黨 曰 : 「吾見其居於位 童 子 將 命, 或 問 也 之日 一見其 與 先 益 者 生 與? 並 行 也 子

非 求益者也,欲速成者也。」

物,四 教,不 以 愚 是故數罪而責,不外於原壤之老。 習 按:童子即《易》之所 1禮也。 時之運,洪纖高下,無不得 可與 成 聖 人並 人之於 施 聖 人 謂蒙也。 人 猶 所 天 以 地 使 遂其性。 之之傳 循序而 之於萬 童蒙之 命

進 不驟於闕 黨之童

《陽貨》

取瑟而歌,使之聞之。 孺悲欲見孔子,孔子辭以疾。將命者出户,

愚按"不見者,聖人之義。使聞者,聖人之愚按"不見者,聖人之義。使聞者,聖人之多,欲無一物之不復其性也。當是時,三千欲遊之外,如陽虎、叔孫武叔、荷蓧、沮、溺、從遊之外,如陽虎、叔孫武叔、荷蓧、沮、溺、

《陽貨

口 謂 陽貨欲見孔子,孔子不見。歸孔子豚,孔子 時其亡也 來,予與爾言。」曰:「懷其寶 謂 乎 知 ?! 曰: 乎?」曰 而 往 拜之,遇諸塗。謂 一一一不 「不可。」「好 可。」「日月逝 事 從 而迷其邦,可 而 孔子曰: 矣,歲不 亟 一失時,

愚按:陽貨以「仁」「知」二字諷聖人,可謂

我

與。」孔子曰:「諾,吾將仕矣。」

他只得如此。 安能使天下無 能使宇宙間無 暴戾,儘入春風 順,氣象雍容,無 不知量矣。今玩「吾將仕矣」之辭, 和 等陰邪不正之人,所以待 等陰邪不正之氣,聖 屈 氣 [撓,無] 吹 嘘 動 逼 盪 切,將 中。 天 他 語 人亦 地 平 一腔 理 不

《陽貨》

曰:「夫召我者而豈徒哉? 如有用我,吾其曰:「末之也已,何必公山氏之之也?」子公山弗擾以費畔,召,子欲往。子路不説,

爲東周乎?」

豈惟聖人之罪人,抑亦子路之罪人哉。想得聖人心事。今以常人而欲赴非其召,「行行如也」人所能知,然有子路之問,可以愚按:「如有用我,吾其爲東周乎」,此意非

《陽貨》

佛肸召,子欲往,子路曰:「昔者,由也聞諸

磷。 夫子 也。」佛肸 日 「然, 不曰 日: 見親 白 有是言 以中牟畔,子之往 乎? 於其身爲不善者,君子 也。 涅 ıllıj 不日 不 緇。 堅 也,如之何?」子 乎? 吾 豈 磨 匏 不人 而 瓜 也 不

哉?

焉能繫而

不食?」

天 間 看。 愚 而 地 不僞 按:此章當與「公山召,子欲往」 物耳。 間 聖人應物之心,常如明 中中 無 可 ·正而 彼以召來,聖人 棄之物,無不可 無私。 公山、佛肸 鏡止水,虚 化之機,亦 以 欲 往 亦 應,視 一章參 天 無 地 靈

聖 以 在 不 人 常 可爲之時,斯聖人之所以爲聖人歟? 無懼哉。 一之欲 情 固 不 免於子路之疑,亦不可 蓋 未堅則 磷、未白 「則緇? 藉 其能 於

《雍也

者,天厭之,天厭之。」 子見南子,子路不説,夫子矢之曰 「予所否

> 愚按: 浼,亦豈子路所得 人問尹彦明: 日 :「不敢見。」曰:「聖 節,乃是天 「無可無不可」者,聖人也。 涵 『今有南子,子亦見之乎?』 地 育氣象,豈 ılıi 疑。 人何爲見之?」 朱子謂:「向有 南子 所 見南子 得 而

學者不可不思。

曰:『能

磨不磷,涅

不緇,則

見之不妨。こ

《鄉黨》

廄焚,子 愚按: 退朝,曰:「傷人乎?」不問馬。

《述而

觀此則知墨之道可闢矣。

愛人重

於愛物,仁之心必有等差。

子釣 ௱ 不網,弋不射宿

愚

按

聖人仁物之心,觸

處發見,豈若禁

殺放生如異端者所爲哉。

《微子》

逸民 伯夷、叔齊、虞仲、夷逸、朱張、 柳下

異於是,無可無不可。」
夷逸:「隱居,放言。身中清,廢中權。我則矣。言中倫,行中慮,其斯而已矣。」謂虞仲、夷、叔齊與?」謂柳下惠、少連:「降志,辱身惠、少連。子曰:「不降其志,不辱其身,伯惠、少連。子曰:「不降其志,不辱其身,伯

則此逸民者流,亦在不足法矣。中,則皆未免有偏者也。學者知學聖人,愚按:七人之門則高矣,然斷之以聖人之

愚按:讀此章,想見萬世綱常擔係在聖人

論語愚按卷之四

弑其君,請討之」,何等嚴肅。

兩日「不敢

身上。沐浴而朝,何等敬謹。

曰:「陳

恒

後學日南石 瓊洞胡士藏板 洞范阮 攸 輯

聖篇一之三

處 類凡七章

《憲問

也。 子。」孔子曰:「以吾從大夫之後,不敢不告 日 孔子曰:「以吾從大夫之後,不敢不告也。」 陳成子弑簡公,孔子沐浴 君曰『告夫三子』者。」之三子告,不可。 「陳恒弑其君,請討之。」公曰:「告夫三 而朝,告於哀公

> 實有望於哀公。公不能告諸天子,而復使 駸駸有陳恒之迹。 於諸侯,莫非有陳恒之心。 不告也」,又何等正大。 告諸權臣,名分顛倒,宇宙 政陵遲、彝倫盡矣。諸侯之於周,大夫之 浴之誠,安得不發爲《春秋》之筆。 聖人固非有望於三子, 噫 ! 傾 季氏之於魯 頹。 當是時,周

《述而

曰:「丘之禱久矣。」 子疾病,子路請禱,子曰:「有諸?」子路對 曰:「有之。誄曰:『禱爾于上下神祇。」」子

愚按:《詩》云「祈天永命」,●《詩》云「自求

多福」,此即聖人禱久矣之意。 聖人與天

詩」。當作「書 -0 《書 召誥 「祈天永命。」

三五

時沐

論 語 愚 按

對 武 乎 地 ,理,亦 王,何 越 合其德,與 而 無歉 事於請? 何 所 於心,疾病自可 、鬼神合其吉凶。 事 於禱哉? 子路之請,亦非 昔 以 周 生平既 從 公以身代 容 矣。 而 順 口 以 滴

《子罕》

哉! 欺 ? 子病 寧死於二三子之手乎? 疾,子路 由 欺天乎? 之 行 詐 使 也 門 且予與其死於臣之手也,無 人 爲 無 臣 臣。 且予縱不得大葬, 面 病 爲 閒, 有 臣, 日 吾 「 久 誰

予死於道路乎?」 哉? 公而 愚按: 詐 無 則 而 無,可 至正 不 由 誠者,天之道。 自 與門人輩,平昔親炙,一 一,行 覺。 以 所 對 無 是故學者欲 越上帝,又烏 事 順 聖人 其 自 與天 然, 用由之行 誠 旦乃陷 意,必致 有 無 則 間,太 有, 於 詐

《子罕》

其

知。

天之未 天之將喪 子畏於 喪斯 王 斯 ,曰:「文王既没,文不 文也 文 也 三,匡 後 人其如予何?」 死者 不 得與於斯文也。 在兹乎?

字,聖人秖 自存,夫誰得而害之? 雖 之在孔子,必矣。 斯文所恃以在也。 愚按:聖 暴,安能 人既 以 以 天 奪 生,道在聖人。聖人之身, 理斷耳。 天 有可必之理於天,匡人 理哉? 由文王至于孔子,斯文 推此義,君子亦自 天理未亡,聖人 「其 如予 何 四

《先進

修而已矣。

無妄之災,何可懼也

子畏於匡,顏淵後,子曰:「吾以 曰:「子在,回 何敢死?」 女爲死矣。」

也。 也。 義理 愚按:「如予何 味「何 ,真能制命以俟命矣。 子 在 敢 二二字,所 П • 亦 聖人 以 道 以 以 自 權 信 道 此日子在何敢 度死生,從容 聖人之 自 信 其 不 不 死 死

聖人其如天何? 噫! 「天喪予」與「以女死,命在回。他日子在而回死,命在天。

《衛靈》

「君子亦有窮乎?」子曰:「君子固窮,小人在陳絶糧,從者病,莫能興。子路愠見,曰:聞之矣。軍旅之事,未之學也。」明日遂行。以靈公問陳於孔子,對曰:「俎豆之事,則嘗

窮斯濫矣。」

則行,無斯須之戀戀。當固自固,無幾微人在陳,宜其發爲子路之愠。在聖人當行愚按:他人在衛,未必决於明日之行。他

《述而》

之戚戚。

子曰:「天生德於予,桓魋其如予何?」

也。常人論勢不論理,聖人論理不論勢。愚按:小人之不能害聖人,此以理裁命

歷 威 不足以敵天理,桓魋又烏足以害聖人哉? 辱,如王 故君子亦貴 夫欲害之機在人,而不害之理在天。 人幾 事五 怵 勢, 代,老亦一 一衍之自陳於石 屈 己 乎循理安命 求 生, 死,遺臭千載, 勒而卒不免,馮 失 IIII 已矣。 所 操, 亡 若夫畏 可 存 道 俱 不

取 人 類凡二十六章

戒歟?

《雍也》

陋巷。人不堪其憂,回也不改其樂。賢哉!子曰:「賢哉!」回也。一簞食,一瓢飲,在

愚按: 有顏子之樂,則簞瓢

陋巷,與食前

回也。」

「雍也」,原脱,據全書體例補。

0

三七

方丈,

廣

心。蓋所樂必

厦萬間,隨分所有,何足以 掛 吾 不愚者乎? 得聞一貫之旨,亦曰唯而已,其即

樂矣。苟不得所以樂,不惟一《先進有其事,而尋之必有其方。 不

亦至矣,可不勉哉? 偶得一絶云:「謾云貧賤之能爲憂,遇富貴則樂在富貴,而憂知所尋則得所樂矣。苟不得所以樂,不惟

顏子樂簞瓢,顏子心非筆可描。 真樂不分

窮達境,學之至處便囂囂。」

《爲政》

其私,亦足以發。回也不愚。」 子曰:「吾與回言終日,不違如愚。 退而省

辭揚,所以反上文之「如愚」。聖人之道,起下文之「不愚」。「不愚」,斷之之辭。其愚按。「如愚」,疑之之辭。其辭抑,所以

子曰:「回也,非助我者也,於吾言無所

不説。」

其有感於此歟? 我亦少矣,况能及於説哉?「今也則亡」,甚至有「迂也」之議,「何謂」之疑,其爲助乎? 三千之徒,非不説子之道,而於其言乎。 三千之徒,非不説子之道,而於其言

《雍也》

子曰:「回也,其心三月不違仁,其餘則日月

至焉而已矣。」

日月以至於三月,由三月而修之不已,求人歟? 學者苟知求仁之急,反身用力,由人年一至,而甚或不至焉,抑非聖門之罪愚按:「日月至焉」,聖人猶惡其暫。世之

高低

,而學困之知則一。

故魯如曾子,於

抑亦

好學之難其

人歟?

嗚呼!

資質有

問

難

而

能

悟亦鮮矣。

豈惟

人才相遠

惟顔氏爲能發之。其他諸弟子,往往反覆

如愚

丽

以 至於 無 一息之間 斷 聖人之道豈 已矣。 畫 我

故善學亦勉於自修而

確也

哉

顏 哀公問:「弟子孰爲 回好學,不遷怒,不貳過,不幸短命死 好學?」孔子對曰:「有 矣,

弗如也。」

今也則亡,未聞好學者也。」

蓋 子之資,又無顏子之學,專計 克己復禮,而其功用至於不遷怒,不貳 愚按: 顔子之資,聞一知十。 不如是不足以爲好學也。 詞章利禄,雖 今人既無 顔子之學, 過 顔

先進

好何益哉?

季康子問:「弟子孰爲好學?」孔子對曰: 「有顏回,不幸短命死矣,今也則亡。」

耳。 也。 愚按: 此與答哀公略似,信哉好學之難 然非 若後之書淫傳癖 好學之難,好學聖人之道 ,何足謂之好學哉 爲 難

《公冶長

也,聞 子謂子貢曰:「女與回 賜也,何敢 一以知二。」子曰 望 回 1 日 -也,聞一 也,孰 弗如 愈?」對日 以知 也 一吾與 + 賜

所有,而 故顔淵難得,而子貢亦不易能。 於所長,而不可與進。 自知甚明,服善甚誠。 愚按:聖門之學,專務切實,故一時高第, 不可 與 益 二者,學者之患也。 夫自知不 服善不 誠,則局於 明, 則 畫

《先進

貨殖焉 子曰:「回也其庶乎? ,億則屢 中。 屢空。 賜不受命,而

愚按: 得 而空矣。 以回· 之才,苟知 空至於屢,而 賜之不受命,則不 不足以動其心,

畫」,原作「畫」,據文意改。

語 愚 按

之自 他哉? 乎受命 得 回 而 所 [得爾。 志在 盡 愐 惟 已。 命在天,有不得 道,他非所計 其才識 蓋學不到則心爲物遷。 賢如賜而不免於貨 之億中,而未至 也。 而疆。 道 在 故學道 「我,有」 殖 乎 况 學 識 貴 其 可

《子罕》

子曰:「語之而 不惰者,其回也 敷?

之言 兩章參看。 愚按:此章當與「終日不違」,「無所不説 不違,不違故不惰。 「譬如 鐘鳴 顔氏心得夫子之道,力行夫子 響應, 請事斯語、信 雨潤物滋。 不誣已。 惟説故

子謂顏淵曰: 止 也。 惜 乎! 吾見其進也,未見其 **今子罕**

數衰,聖人不可繼得。 噫 愚 按 聖人之生, 此 日 新 氣 自關 象。 宇宙 假之年,其 故天存夫子,必 氣數。 聖 春 秋 平 奪 ? 氣

> 顔 淵 此 惜乎」,非獨惜顏氏,爲斯世 斯

道惜也

《先進

貢。 子曰:「從我於陳蔡者,皆不及門也。 顏淵、閔子騫、冉伯牛、仲弓。 勝。 愚按: 學者先從切實處 學,必非有不足處,餘亦是一善成名焉 科之限也。 表,使全體 有,以科稱於世 政事: 舉其教固 聖人之教無 冉有、季路。 中惟顔氏大賢、言語、政事、文 大 用,莫不 無 哉 四 用 私 科之分,語其才則有 工,由 施,而 文學:子游、子夏。」 具舉, 本 言語: 弟子之才有偏 及末,從 尚 無 宰我、子 畫 德行: 長見 裏達 四

《先進

之言。」 子曰: 孝哉閔子騫! 人不間 其 父母 昆

愚按:孝者,何獨閔子?

惟閔子處變異

於衆人。聖人稱之,所以示人子處變而不

失其常也。

《雍也

子謂仲弓曰:「犂牛之子,騂且角。 雖欲勿

用,山川其舍諸?」

仲之意。爲人子者,不幸處人倫之變,亦 愚按:聖人不以父故棄仲弓,此即 用禹 命

《雍也

可以勉矣。

子曰: 子曰 雍 可可 也 也,簡。」仲弓曰:「居敬而 미 使南面。」仲弓問子桑伯 行 子, 簡

簡乎?」子曰:「雍之言然。」

以臨

|其民,不亦可乎? 居簡

居方存於内,一心爲之宰,猶 愚按:居者,在室之謂。 行者,出 門之謂。

外,萬物交其前,猶人之出門。 居不以敬,則 頹 墮 而難 居矣。 行不以簡 行己應於

> 弊不生。 爲應物之門,必所施者重,而 必自守者嚴,而偏邪苟且之念不起。以簡 則勞擾而難行矣。君子以敬爲存心之室, 此 南面 臨民之道。 然必居 煩 瑣 狂 敬 妄之 而

《先進》

後可以行簡,此聖人所以取仲弓歟?

南容三復白圭,孔子以其兄之子妻之。

愚按:言出於口,應於千里,君子之樞機

也,故有言非有德不能。合「子謂南容」章

《易》歟? 觀之,斯人也非特善讀《詩》,抑亦善 學者必如南容,則於修 身思 過 讀

半矣。

而行簡,毋乃太

《公冶長

子謂南容,「邦有道,不廢;

邦無道

免於刑

以其兄之子妻之。

人之在室。

邦,士捨此,其將何往哉? 愚按: 有道之邦, 士者之所願仕。無道之 陰陽有消長之

四

四二

與不幸焉。然以有道而處乎有道則易,以理,治亂有推移之機。士生於其邦,有幸

有道 子 ,能無 而 處 過涉 乎 無 滅 道 頂 則 X 難。 如如 東 非 漢 言 諸 行 名士 篤謹之君 哉?

聖人之取南容,所以爲萬世處亂法也。

《公冶長

罪也。」以其子妻之。子謂公冶長,「可妻也,雖在縲絏之中,非其

蓋 其得罪 愚 按 非 其 之道。 聖賢論人,不計其得罪之跡, 罪, 則 縲 此章 絏 非 所 能 取 以 在 唇 「非罪 人。 在 二二字。 縲 惟求 絏

《公冶長》

者,非所

以辱己。

子貢問曰:「賜也何如?」子曰:「器也。」

若人!

全。學者知聖人所以勉進子貢之意,則當愚按:瑚璉之器雖可貴,而未若不器之爲曰:「何器也?」曰:「瑚璉也。」

反求諸己矣。

《公冶長》

焉取斯?」 子謂子賤,「君子哉若人! 魯無君子者,斯

爲貴。 前,切 乎 愚 難哉? 1 按: , 偲在後,其爲子賤,亦豈有志者之所 生聖人之邑,遊木鐸之壇 此章當與「里仁爲 故學者資質不可恃,而觀感 美 ()章參 教 看 漸染 誨 在 嗟

《憲問

南宫适出,子曰"「君子哉若人! 尚德哉得其死然。禹稷躬稼而有天下。」夫子不答。南宫适問於孔子曰"「羿善射,奡盪舟,俱不

而必彰。邪者必消,正者必長。善者必一時權力,暫炎而必滅。萬古道德,暫晦愚按:南宮适此言,讀之凛然生氣。想見

衣冠與造化相爲無窮。知言君子,非适其子之爲禹稷? 姦雄輩斯須安在? 洙泗嗚呼! 當是時,天下皆羿奡也,孰知吾夫植,惡者必傾。雖常人觀之,亦可勉矣。

誰哉?

《子路》

矣」,少有,曰「苟完矣」,富有,曰「苟美矣」,少有,曰「苟完矣」,富有,曰「苟舍

西, 豈不爲居天下之廣居哉? 野馬, 不足以動其心。靈臺純丹, 虚室常公子荆居室一節推之, 其視外物, 如浮雲公子荆居室一節推之, 其視外物, 如浮雲

《雍也》

馬,曰:『非敢後也,馬不進也。』」子曰:「孟之反不伐,奔而殿,將入門,策其

哉?」是故謝上蔡别伊川一年,只去一有莫大功業,亦只如一點浮雲,何足矜伐實若虚,則幾於道矣。善乎饒氏謂「便是愚按:學者當如孟之反之用心,有若無,

「矜」字

《憲問》

蘧伯玉使人於孔子,孔子與之坐,而問焉, 未能也。」使者出,子曰:「使乎! 曰:「夫子何爲?」對曰:「夫子欲寡其過而 心誠 誰能無過? 能寡其過,斯君子矣。然非 愚按:「欲寡過」,見伯玉之篤於修身,「而 底意思。 容得省察克治工夫,謙抑黽勉,進進不已 於躬,又安得而 未能」,見其使之善於辭令。夫自非聖人, 玉之使之言。 於欲寡其過,則過不聞於耳,而常留 學者苟慕伯玉寡過之心,當思伯 寡哉。 而 未能」三字,形 使乎!

四四四

《述而》

與其潔也,不保其往也。」進也,不與其退也,唯何甚? 人潔己以進,互鄉難與言,童子見,門人惑。子曰:「與其

愚按"宇宙内皆天地覆載之人,即皆聖人

之誠,其潔可與也。疑於不可見,常情耳。教育之人也。以彼不善之習,而猶有求見

聖人之心,與天地爲一,何外乎互鄉哉?

偏,王道平平。 書》云:「 無 偏 無 無 黨,王道 反 無側,王道 蕩 蕩。 正 直。 無 黨 無 會

其有極,歸其有極。」其此章之大意歟?

《公冶長》

子在陳,曰:「歸與! 歸與! 吾黨之小子

狂 .簡,斐然成章,不知所以裁之。」 其澤。 愚按:"千古道統,託 番精 道可 神。 託 嗟 ,小子猶得蒙其 乎 ! 在「歸 道 不 行 與歸 *,赤子 功。 與 裁不 不 四 字上 得 及 被

> 裁。 之狂 即爲狂。 也。道者,中庸之謂。卑之即爲鄙,高之 於七十二侯, 世事業俟夫子,而 者,猶幸有聖人之遺書以裁之。 此日之狂者,幸有聖人以 鄙者裁 而 獨 無從 及於三千 以 人,而狂者尚 萬世事業 ·吾黨。 人裁之。 俟 天 夫子 今日 有 不 高 明 可 以

《子路》

之士可不知所勉哉?

者進取、狷者有所不爲也。」子曰:「不得中行而與之、必也狂狷乎?

道。取長裁短,在聖人造化陶鑄中爾。 愚按:中行非易得之人,狂狷有可教之

狂

論語愚接卷之五

瓊洞胡士藏板

聖篇一之四

説 聖 類凡八章

《子罕》

以文,約我以禮,欲罷不能,既竭吾才,如有在前,忽然在後。夫子循循然善誘人,博我顏淵喟然歎曰:「仰之彌高,鑽之彌堅,瞻之

子,中乎爲「如有所立」之顏子,終乎爲「末愚按:始乎爲「仰」、「鑽」、「瞻」、「忽」之顏

所立卓爾。

雖欲從之,末由也

一。口匠

乎? 美,學力之至。 熟,從容俟化之時乎? 面 由 有 也 得,既 已之 於此見夫子誘掖之善,顔子天資之 得 顔 子。 而 學者不可不勉。 未 化。 蓋其 斯 初 極賢而 時 學 也 而 一,其 知 將聖之時 難 I. 夫到 既 學

《子張》

和, 及也?」 謂立之斯立 猶天之不可階而升也。 爲不知,言不可不慎也。 子乎?」子貢曰:「君子一言以 陳子禽謂子貢曰 其 生 也 榮,其 ,道之斯行,綏之斯 一子爲 死 也 夫子之得邦家者,所 夫子之不可及也 恭也,仲 哀, 如 爲知,一言以 之 來,動之斯 尼豈 何 一賢於 其 可

禽。 愚按:聖人以「天何言哉,四 之,子禽輩何 生」告子貢。子貢於此 天即聖,聖 足 以 即 語 天 此? ,至是子貢 以 夫子猶天 「生」、「榮」二 時行, E 能 曉 百 子 知 物

字 萬 黄、堯、舜、禹、湯、文、武,一首出 國咸 , 提 出 寧。 素 聖人其人則賤,其道則榮,此 E 七十餘 年,宇 宙 儼 庶 然 物, 義、

非 尋常見到

《子張

大者,不賢者識 衛公孫朝問於子貢曰:「仲尼焉學?」子貢 焉,夫子焉不學,而 曰:「文武之道,未墜於地,在人。 其 (小者。 亦何常師之有?」 莫不有文、武之道 賢者 識其

然太極 相承。天生夫子以續道統,生知安行,渾 愚按:自伏羲至於文、武,斯道一脈,聖聖 ,子貢 ,亦何待於學哉。 亦姑因 問 而答耳。 此豈公孫 朝 所

《子張

知

子服景 叔孫 賜 之牆 武 伯 叔 也及肩,窺見室家之好。 以 語 告子貢。 大夫於朝 日 子 貢 「子貢 日 「譬之宫牆 夫子之牆數 賢於仲 尼。

> 富。 宜乎?」 仞,不得其門 得其門者或寡矣,夫子之云,不亦 丽 人,不見宗廟之美,百官之

洙泗數. 門而人,則爲三千之徒。然而能窺見 美富者亦少矣。况不得其門人,如叔孫 愚按: 仞壁牆,屹然綱常禮樂世界。 春秋之時,舉天下皆牆 傾 壁 倒, 得 所謂 武 其 惟

《子張

叔輩,何足道哉?

不可毁 傷於日月乎? 仲尼,日月也,無得而 叔孫武叔毁仲尼,子貢曰:「 也。 他 人之賢者,丘 多見其不知量也。」 踰 焉。 陵也,猶 雖欲自絶,其何 無以 爲也,仲尼 可 踰也

《詩》「詢彼仇方」氣象。 崇乎? 語之科? 愚按: 夫子之有武叔,其猶舜之苗,文之 子貢一言,隱然《書》「奉詞 不然, 豈足以當言 伐 罪

四 六

其政。求之與? 抑與之與?」 子禽問於子貢曰:「夫子至於是邦也,必聞

夫子之求之也,其諸異乎人之求與?」 子貢曰:「夫子温、良、恭、儉、讓,以得之。

心哉。 習俗之弊,在上惟求,是與在下惟得之求 愚按:「夫子之求之也,異乎人之求之」一 無得之之道,汲汲於求,必得後已,是誠 人而以 淪於污陋,無復廉耻。 句,蓋子貢反説以曉子禽。 抑亦以見當時 爲問歟? 仕者亦可以自省矣。 故學者遂至於疑聖 苟 何

《子罕》

賤,故多能鄙 也。」子聞之,曰:「大宰知我乎? 能也?」子貢曰:「固天縱之將聖,又多能 大宰問於子貢曰:「夫子聖者與? 事。 君子多乎哉? 不多也。」 何其 吾少也 多

論語愚按卷之五

牢曰:「子云:"吾不試,故藝」」。

聖,則非大宰之所能知也。 能,則爲小人之才矣。「多乎哉? 不多 愚按:多能,亦聖之一端。 也」,蓋因答以寓教,欲學者之務本也。 苟無其本而 若夫子之所以 多

《八佾

不得見也。」從者見之。 儀封人請見,曰:「君子之至於斯也,吾未嘗

久矣,天將以夫子爲木鐸。」 出曰:「二三子何患於喪乎? 天下之無道

呼! 常存,不泯於天地宇宙間,其於世道,豈小 惟一時之木鐸,其萬世之木鐸 愚按:聖人之道,所以振發警悟衆人,豈 補 之君,行政之臣,振之以警世,使斯響斯形 倫、紀綱法度、皆木鐸之形也。 哉 六經四書,皆木鐸之響也。 苟有欲治 乎? 日 用彝 嗚

四七

四

八

議 聖 類凡十章

《述而

吾將問之。」人曰:「伯夷、叔齊,何人也?」 而 曰:「古之賢人也。」曰:「怨乎?」曰:「求仁 冉有曰:「夫子爲衛 得仁,又何怨?」出曰:「夫子不爲也。」 拘於俗見,蔽於常情,不可不思也。 斂,而不耻 察乎此,而猶以爲疑,宜其事季氏,爲之聚 齊之罪人,聖人豈與 判然,夫何怨之有? 心安矣。其爲得仁,視得千乘之國,輕重 愚按: 仁者,本心之固有。 也。 是故學者不通於大義,必 君乎?」子貢 之哉? 彼據國拒父,乃夷、 夷、齊讓國,於 冉有 日 : 不能省 諾

是禮 也

直 也。 **豈肯以其已知而不問?** 謹,觸處呈露,自然而 愚按:聖人之心, 與天地覆載萬物同其大。 酬答之頃,氣象温和,亦所以教或人, 無 斯 然。 須 此非或者之所及 不 況於宗廟大禮 敬,無 毫髮不

《述而

陳司

)敗問:

「昭公禮乎?」孔

了

曰:「知禮。」

孟子。 黨,君子亦黨乎? 孔子退,揖 子曰:「丘也幸,苟有過,人必知之。」 之惡。 愚按: 姓,常人猶能 有過」, 君而知禮,孰不知禮?」巫馬期以告。 曰「知禮」,則 聖人認過 則 巫 萬 馬 期 知其非禮 世 婚 圃 處,正是存名教處。 君取於吳爲同姓,謂之吳 姻 進之曰:「吾聞 萬 之禮 世 而不可直言,諱 君 在。 臣之禮 夫娶 君 在 於同 子不 觀 其 日

《八佾

知禮乎?

人太廟,每事問。」子聞之,曰:

子人太廟,每事問。

或曰:「孰謂

鄹人之子

細玩此章,當思所以權度於禮義之際矣。

《子罕》

名。」子聞之,謂門弟子曰:「吾何執? 執御達巷黨人曰:「大哉孔子! 博學而無所成

乎?

執射乎?

吾執御矣。」

一藝自名矣。 一藝自名矣。 一藝自名矣。 一藝自名矣。 一藝自名矣。 一藝自名矣。 一藝自名矣。 一藝自名矣。

《憲問》

曰「疾固也」,何其明决。謙遜之至,警發其直,直而見其温。曰「非敢」,何其從容。足以知時中之義哉? 問答之頃,恭而見愚按:微生畝,一時高隱,固而不通者,豈

之深,斯其爲聖人之言歟?

《憲問》①

子路宿於石門,晨門曰:「奚自?」子路曰 「自孔氏。」曰:「是知其 人無不可之時。他人可以言天與命,惟聖 之行,亦可以少止叩關遊壁之心。 之,天命可回,此非晨門輩所料。 愚按: 晨門但知春秋爲 則安分識時,不可則隱於下位。 人則有斡旋造化,運量乾坤手段。 不 可而 不可之時,不知聖 爲之者與?」 能守晨 若學者 使 得 爲

《憲問》❸

則揭。」子曰:「果哉! 末之難矣。」徑乎! 莫己知也,斯已而已矣。深則厲,淺何有心哉! 擊磬乎!」既而曰:「鄙哉! 硜子擊磬於衛,有荷蕡而過孔氏之門者,曰:

「憲問」,原脱,據全書體例補。

」「憲問」,原脱,據全書體例補。

之中。 泗 爲之佐者,不過五臣、六臣、十臣而已。 山 愚 興,爲之佐者七十二,餘何暇論哉? 按 執 嗚呼! 荷 一偏之見,妄置喙於無可 費 輩 與 堯、舜、禹、湯、文、武興、能 聖 人 同 時 有 眼 無 不 識 不 洙 可 泰

《微子》

而,今之從政者殆而。」孔子下,欲與之言。之衰。往者不可諫,來者猶可追。已而已楚狂接輿歌而過孔子曰:「鳳兮鳳兮,何德

趨而辟之,不得與之言。

以爲高,不知其在聖人覆載中一物爾。意。夫子道大德宏,包含發育。彼狂者自物之心。欲與之言,即使子路見丈人之愚按:聖人之於一世,其心即天地覆載萬

《微子》

焉。 長沮 一、桀 長沮 溺 日 耦 「夫執 而 耕 孔子過之, 輿者爲誰?」子路曰 ,使子 路 問 津

> 吾非斯人之徒與而誰與? 路行以告,夫子憮然曰:「鳥獸不 與易也。」 皆是也,而 之徒與?」對曰:「然。」曰:「滔 士也,豈若從辟世之士哉?」耰 也。」曰:「是知津矣。」 「子爲誰?」曰:「爲仲由。」曰:「是魯孔 爲 孔 丘 __ 誰 以 易之? 是 魯 問於桀溺 孔 且 丘 而 天下有道,丘不 與? 與其從辟 而 滔者,天下 桀 可與同群, 不輟。 日 溺 人之 曰 「是 子 丘

則可矣。 思按:博施濟衆,其猶病諸,聖君之心也。 一夫不獲,若己推而納之溝,聖臣之心也。 一夫不獲,若己推而納之溝,聖臣之心也。 是祖、桀溺豈足以知聖人,若謂斯 心哉? 長沮、桀溺豈足以知聖人,若謂斯 心哉。 長沮、桀溺豈足以知聖人,若謂斯 以司,聖臣之心也。

《微子》

子路從而後,遇丈人,以杖荷蓧。子路問

, 仕者思

焉

無

窮。

於《尚書》見堯、舜、湯、武之事業

路 \overline{H} 日 拱 穀 :「子見夫子乎?」 丈人曰 而 不 立 分,孰 ,止子路宿,殺鷄 明日,子路行以告,子曰:「隱 爲夫子?」植 爲 其 四四 黍 杖 而食之,見 mj 體不 芸。 勤 子

倫。 其二子焉。 臣之義,如之何 者也。」使子路反見之,至則行矣。子路 已知之矣。」 曰:「不仕 君子之仕也,行其義也。 無 義。 其廢之? 長幼之節,不 欲潔 道之不 미 其身而亂大 廢 也。 君

爲義。 義」 戒 則不仕以傷義固 之義無所逃,聖人惜其隱而固 君子自不容已於吾 愚按: 丈人徒知不仕之爲 不行,君子實無奈何於 段,最開 徒知長幼之倫不可 益學者。 其宜,而苟仕以悖義尤所 心。 、世運。 《集註 詳玩 潔, 廢 「義」之一字, 也。 加 愐 》發「然謂之 義之當行 不 不 夫道之 知 知 君 仕 臣 之

附門人記群聖道

《堯日》

人。 躬有 帝。 中, 堯曰 寬則得衆,信則民 逸民,天下之民歸 修廢官,四方之政行焉。 周有大賚,善人是富。 日 愚 四 「予小子 罪,無 按: 百姓有過,在予一人。」謹權量,審法度, 答, 有罪不 海 此章見道 木 以 爾舜,天之曆 敢 窮, 履,敢用 萬方。 (赦,帝) 天 心焉。 任焉,敏則 一也。 禄 萬方有 臣 玄牡 永終。」 「雖 不蔽,簡 所 興 數在 堯、舜、湯、武在上 政敢 滅 重民、食、喪、祭。 有 罪 有功,公則説 昭 舜 國,繼 周 1,罪在 爾 在 告 親,不 亦 躬, 帝 于 以 絶世,舉 朕 心。 皇皇后 允執其 命 如仁 躬。 朕

爲治,故夫子在下爲言教,一統相續,傳之

於《論語》見夫子之事業。

聖篇總說

下而 刑 無 妙 數千載之後,求聖人之遺後言,高者馳 萬 心 臨 百 此 之敢萌,他岐 射者之有的。 ~,援儒 乎前。 Ŀ ,而其近 政之具。其遠 極、太極之運 物之齊瞻 篇 五 臨下, 於依歸,其心一 謹 不自覺。 章 取《論 ,爲四卷,欲讀者 丽 望之而有所尊,即之而有所準。 不出 忠厚仁愛之極 人 並 於禪, 語 異端之敢 孰 戴乎 如群 起居出 》中所記 而 知 則 其粗 聖人之道,其精則 夫 磅 工之環視拱 一於向 卑者得志干禄 礴古今宇宙之不 地 人 趨 不出 聖人盛德事實,凡 端拜景仰 日月。 其 動 赴,如行者之有 也。 作飲 至。 日用 嗚呼! 聽乎大匠 食之間。 無別念妄 而 ·,如聖· 彝 其進 倫 流 足 可 心玄 生於 退 禮 以 於 人 一, 如 家, 污 意 其 儼 其 窮 辭 樂 配

> 乎! 之安。 受之義 聖遠 亦弗克 屈。 朽"退足以修己教人,俯仰 天子用之,可以 直 以 五帝、三王之盛,下貽國家生民千萬 動其 方之氣, 書 聽其言,若無 備於聖人之身, 學者用之,進足以致君澤民,樹 曲 存 心。 則 聖」,可不知所警勉哉 ,然則見書亦猶 則 千 其 乘 非千鈞萬仞、雷霆斧鉞之所 處己接物, 齊家治國平天 萬 鐘 旦夕之效,目 學天 圃 散見 見聖也。 温 下 無作。 和平易,而 之可 下,上配 於 前 聖 欲 之利 人之書。 既 者 大哉道 世 見聖 立 無 剛 不 皇、 能 足 窮 大 M

五二

之,至孟子復浚之。

孟子没,佛氏塞之,至

論語愚按卷之六

後學日南 石洞范 一藏 阮攸輯 板

學篇二之一

致 知 類 上凡二十八章

《子罕》

子在川上曰:「逝者如斯夫! 不舍晝夜。」

愚按:聖人具道於心,觸處設教,而川流 取譬尤切。夫道之不息,猶水之不息。洙

之源,以闡其流于萬世。孔子没,楊、墨塞

泗實浚羲、農、黄帝、堯、舜、禹、湯、文、武

瓊洞胡士

《雍也》

程、朱復浚之。

然水未嘗一日息,道何嘗

日息哉?

韓子稍浚之,力不勝。

俗儒塞之,至周

子曰:「君子博學於文,約之以禮,亦可以弗

畔矣夫。」

教人,由淺入深,自不背於道,以至於顔子 愚按:博以知,約以行之,聖人所以循循

之以約,則多記泛濫,用處 道爲一。然二者却相資爲用。博 之「欲罷不能」,「所立卓爾」,其極可以與 和差。 約 面 而 不終

萬事。不然,則去道遠矣。 會於一心。終乎禮,是道之守,以一心應 也,約亦道也。始乎文,是道之考,萬事畢 始之以博,則偏執固滯,用處不著。博道

不

《爲政

子曰: 「温故而知新,可以爲师矣。」

五三

愚按: 六經、《語》、《孟》皆故也。 時時温

見聞,自謂學富,而好爲人師,可不耻哉?者。得諸己而後可以教諸人。世之綴拾習,日有新意,則又妙在學者之所以自得

《陽貨》

其蔽 愚。 好學,其蔽也亂。 子曰:「由也,女聞六言六蔽矣乎?」對曰 未 也。」「居,吾語女。 也賊。 好知不好學,其蔽也蕩。 好直 不好學,其蔽也絞。 好剛不好學,其蔽也狂。」 好仁不好學, 好信 不好學, 好勇不 其 蔽 也

蔽,則蔽勝而美亡矣。然則欲除其血氣之直、勇、剛六者,言之非不美,然非學以去其好學之弊,蓋無所好而可矣。夫仁、知、信、好學之弊,蓋無所好而可矣。夫仁、知、信、

《雍也》

子曰:「知之者不如好之者,好之者不如樂

病,以入於理義之歸,可不勉於學哉?

之者。」

截然。 愚按: 得也。夫道是天地古今公共之物,非有 又一級,可不著力向前哉! 限於人。人自知至樂,一層又一層,一級 未至於樂,樂無由生,求其一分之樂,不可 之者既 好,好無由 好自知人,樂自好人,然三者層級 知之者既難,知而至於好又難 難,好 生,求其 加 至於樂尤 一分之好,不可得也。 難。 知 未 至於 好 所

《衝靈》

子曰:「人無遠慮,●必有近憂。」

嚴,處己接物者,不可不知。 愚按:無與有對,遠與近對,「必」字尤緊

《衛靈》

子曰:「由,知德者鮮矣。」

0

者也。 愚按: 「民之秉 世之人爲物欲 彝,好是 所 懿德。」 蔽 至 於不 德 者,在 知,豈 我

非不學之病哉!

《衛 靈

子 i E I 己 矣 乎 ! 吾 未 見 好 德 如 好 色

者也。」

亦非不 愚按: 德之興人, 色之亡人, 世所共見, 而 共知也。 然天理常微,人欲常勝,

乎情者之易肆, 則二好交其前,不免移此以就 M 原乎性 者之難 彼。 持 豊非 敷? 發

然則欲得其所好 必自復。

《衛靈

子曰: 辭達而已矣。」

達吾意而 愚按:存於中爲意,發於外爲辭。 己。 既達而又有所加,則冗長而 吾 解 以

《子罕》

無味矣。

子曰:「知者不惑,仁者 愚按: 三者亦有次第,其 不憂,勇者 功 則知以明之, 不 懼

效則不惑而後可以不憂,不憂而後可以 必仁以守之。 仁以守之,必勇以行之。其

不懼

雍也

子曰:「知者樂水,仁者樂 Щ 知者動,仁者

静。 愚按: 知者樂,仁者壽。」 聖人以知似水,仁似山,發

義。 知所 其自然之應歟? 勞攘紛擾之謂 守之謂,而主義弗變,則 然其重不遷,得静之體爲多。 山之發育包含,四 静也,然其流不息,得動之體爲多。 水之淵深蕩漾,千古寒波自如 以 爲賢。 而 然 仁壽於知,多 [時生意 觸 具仁知所以爲聖,求仁 事無壅,則静之動 動之静也。 互换,非不 仁非兀執塊 動 不 非 動也 知非 如多 樂壽 也。 不

五五五

動

静

之

静也。

《子罕》

未可與立。可與立,未可與權。」子曰:「可與共學,未可與適道。可與適道,

愚按: 信道愈篤,然後能中立不倚,然後能 學之次第,循 道,至於可 知學爲爲己,則能切實用力,然後 可與共學,至於可與適道。 與立。 循 圃 進,然 可 與立,至於 必 自 可 可 與 權豈易 미 與 達 共 與 權 薩權 能 學 適

《子罕》

子曰:「苗而不秀者,有矣夫,秀而不實者,

有矣夫。」

世之人但以詞章爲達,科第爲成,豈知古此何異? 聖人勉人進學之意,深且切矣。愚按:學而不至於達,達而不至於成,與

人之所謂學哉

(里仁)

仁矣。」 子曰:「人之過也,各於其黨。觀過,斯

知

《里仁》

子曰:「朝聞道,夕死,可矣。」

責? 闕 問朝夕? 聞道者,生則冥昧妄行,死則徘徊顧惜,其 之不可不聞。 愚按:人真知道之可信, 即即 使百 故朝聞夕死,甚言其近 雖 年 爲 彝倫日用之間 生死有命,非所計也。 人, 亦 何足 則雖 而安,正 以 有 死猶生,何 盡 所 愧 爲 彼 作 見道 人 之 欠 不

終無 時 而可矣。

子曰:「士志於道,而耻惡衣惡食者,未足與 《里仁》

議

也。」

也。 故見其惡之可耻。 若夫志道之士,所慕在 此,則所耻不在彼。志無二在也。 愚按:衣食以養其外也,道理以養其中 愚下之民,志於衣食,見其美之可慕, 學道之

《雍也》

士

,要在勘破理欲關頭。

子曰:「人能弘道,非道弘人。」

愚按:此章黄氏説「弘」有二義:容受弘

用,則 體 出去,是「弘」。此義最切於學者。蓋無其 之體,廓大弘之用。性分之所固有者,一 一盡收入來,職分之所當爲者,一一盡推 ,則道自道 道自道而 而不能收之以積躬, 不能推之以及物。 然則弘 無其

不思。

也者,人云乎哉?

道云乎哉?

學者不可

《雍也》

子曰:「人之生也直,罔之生也幸而免。」 愚按: 直生罔死,乃天理之必然。 然栽培

迹。世人遂以理爲可疑,非卓然不惑,孰 能知此 蓋造化難測之機,有時泄爲 傾覆,或有不齊,於是乎有幸與不幸之異。 義哉? 故曰:「不幸之死,死猶 人間難平之

、陽貨》●

生。幸之生,生猶死。」

之事君,多識於鳥獸草木之名。」 興,可以觀,可以 子曰:「小子,何莫學夫《詩》? 群,可以怨。 邇之事父,遠 《詩》可以

里仁」,原脱,據全書體例補。 原脱,據全書體例補。

五七

五八

而已歟? 夫自三百篇之教遠,《詩》流爲法,則學者之於《詩》,其無求之篇什聲韻愚按:觀聖人以事父事君爲讀《詩》之大

名,其感慨皆理義之發,餘何暇論哉? 欲易、元稹已失之。宋程、邵、朱雖不以詩唐人精於律,杜甫之作,庶幾憂愛。白居薄,世運攸係,惟陶於君臣父子之際正矣。

(陽貨》

言《詩》,不可不思。

子謂伯. 也歟?」 而 不爲《周 魚 日 : 南 「女爲《周 》、《召 南 南》、《召 》,其猶 正牆 南》矣 面 乎? 而 立

之誨,所當然也。 尤不可不學。 事,尤備 愚按:人倫之道備於《詩》,而修 於二南。 聖人豈有私 《詩 夫《詩》惟正風、正雅爲 固 不 乎 魚哉 미 不學,二南 身齊 家之 趨 庭

失言。

而正者百無一二,可勝歎哉!耳。後世言《詩》之士,得力處乃入於變,得之,其變風、變雅,聖人但録以爲勸戒

《爲政

騒

,屈庶於怨,此後世之近可者。 六朝浮

子曰:「《詩》三百,一言以蔽之,曰: 『思

無邪。」

累什,何補於心身哉?
器按"「思無邪」三字,須是玩味紬繹,有
以自得,然後可與言《詩》。蓋《詩》之爲以自得,然後可與言《詩》。蓋《詩》之爲

《衛靈》

言而與之言,失言。知者不失人,亦不子曰:「可與言而不與之言,失人。不可與

如 愚 桓温 按 之於 口 語 王 則 語 猛,是失人。 可 默 則默,所 田豐之於袁 以 爲 知。

《爲政

子曰: 知爲不知,是知也 「由,誨 女知之乎? 知之爲知之,不

害大。 誤人 而知。 愚 是終無 按: 、國家,如王荆公輩,可勝歎 不知其害小,不知而自以爲知,其 夫苟有不知而篤學好問 時 自以爲知,則不學不問,大言無實, 加 知矣。 况又以其所不知之知, 則猶 哉 有

《爲政

子曰:「攻乎異端,斯害也已。」

聖人爲戒尤切。 愚按: 異端之害人尤甚,而溺人尤深,故 今佛氏之説 最 盛 ,寺觀僧

其人,廬其居,火其書」,豈不快哉!

尼幾半天下。

爲政者能

如韓昌黎所謂

季路 問 事 鬼 神,子 曰:「未能事人,焉能 事

論語愚按卷之六

鬼。」敢問 愚按: 問」而不能「近思」,聖人所以不告而 會,安能以 則人之道,生之理也。 他,誠而已矣。 必知鬼之道。 人鬼一道,死生一理,故知人之道 死,曰 悟幽 : 知生之理,必知死之理。 夫彝倫日用,内省無缺,是 「未知生,焉知死。」 明聚 散之妙。子路 苟於道 理上未能 能

無

《八佾

到歟?

之。

後來横死於孔悝之難,其亦學之未

隱

教

切

領

謂 王孫賈問 也? 子 曰:「「與其媚於奧,寧媚 曰:「不 然, 獲 罪 於 天, 於竈」,何 無

所

禱 也。」

嗟呼 其發問 媚己。 愚按: 賈執其私意,欲借俗語以 之失,抑亦 聖人從容,至理渾然, 古今媚竈 人 以 (何限。 沮 其 專 蔡 擅 非 京之奴隸, 之心 惟 諷聖人之 可 歟? 以 Œ

五九

此,能無愧哉! 臭千載,而後來猶有蹈其覆轍者。讀書至安石之沙門,彌遠之鷹,侂胄之犬,徒以遺

《八佾》

《詩》已矣。」「禮後乎?」子曰:「起予者商也,始可與言絢兮。」何謂也?」子曰:「繪事後素。」曰:,子夏問曰:「『巧笑倩兮,美目盼兮,素以爲

有疑,因問《詩》而有得,可謂善學矣。此以爲之質,則禮不可施。子夏固讀《詩》而愚按:無素以爲之質,則繪不可施。無忠

《季氏》

魚

,安足以知聖人哉?

其在文學之科歟?

《詩》乎?」對曰:『未也。』「不學《詩》,無以 陳亢 言。』鯉退而學《詩》。他日,又獨立,鯉 曰:「未也。 問 於伯 嘗獨立, 魚曰:「子 鯉 亦有 趨 而 過 異 庭,曰 聞 乎? 趨 學 而 對

> 者。」陳亢退 學《禮》,無以 過庭,曰:『學《禮》乎?』對 聞《禮》,又聞君子之遠其子也。」 薫陶 而 之疑,終有「遠子」之喜。 也,是則小人之見耳。 然,本非容心於其間者。陳亢始有「異 爲教之目,學者爲學之序,皆循其理之自 愚按:子與弟子,其觀雖有等差,然聖人 動息起居,無非至教,豈獨學《詩》、學《禮 己。 漸 觀伯魚所以答亢,氣象自别。 染、默觀 而喜曰:「問一得三。 立。」鯉 而化之妙。 退 而學《禮 嗚呼! 聖人在前 曰:『未也。』『不 疑私也,喜亦私 亢且未知伯 **%** 聞 聞 蓋 聞 有

論語愚按卷之七

後學日南 石洞范 阮 攸 輯

瓊 洞 胡士藏板

致 知 類 下凡二十七章 學篇二之二

《陽貨

小子何述焉?」子曰:「天何言哉? 四時行 子曰:「予欲無言。」子貢曰:「子如不言,則

焉,百物生焉,天何言哉?」 愚按:學者知求聖人於聖人,不知求聖人

也。 於天。夫「無聲無臭」,至道存焉,天之天 動一息,至道存焉,聖人之天也。

《雍也》

子曰:「誰能出不由户,何莫由斯也?」

聖人雖代天言,而無言之體自具。

以子貢

而終不喻,信乎如「天之不階而升」歟?

愚按: 行之必由道,猶出之必由户也。然

知户之可由者皆是,而知道之可由者 獨

無。「誰」、「何」二字,慨歎千古。嗚呼 1

有户在此,而踰牆穿實,不户之由哉? 學

有道在此,而尋蹊覓徑,不道之由,奚異於

者矣。

者尚由

所當由

,毋徒失脚一生墜坑落

塹

《雍也》

子曰:「中庸之爲德也,其至矣乎!

民鮮

久矣。」 愚按"《書》云"「惟皇上帝,降衷于下民,

若有恒性。」所謂「衷」與「恒」,即 中 庸也

全所降而有之爲天民。世衰教壞,學絶道

六一

喪,滔滔凡民,其何民之有哉。

《堯日》

以立也。不知言,無以知人也。」子曰:「不知命,無以爲君子也。不知禮,無

命」,非工夫到熟,真積力久,不能與於此。言」、「知禮」,審問慎思者能之。至於「知字。三「無以」,其警學者尤嚴。然「知愚按"「命」、「禮」、「言」三者,重在一「知」

學者不可不勉。

聖人以五十爲知天命之時, 豈易言哉?

《述而》

之。如不可求,從吾所好。」子曰:「富而可求也,雖執鞭之士,吾亦爲

> 義而 鴻毛 嗟乎 ! 爾 富 何 且貴,於我如浮雲。」 苟知義之不可求, 執 鞭之有? 聖人 則 固 萬鍾千駟 嘗 猶

《述而

其中矣。不義而富且貴,於我如浮雲。」子曰:「飯疏食,飲水,曲肱而枕之,樂亦在

愚按;「如浮雲」三字,直將古今名利朦

朧

《述而》

聞,擇 子曰: 其 蓋 善者 有不 而 知 從之,多見 而 作之者,我 丽 無 識 是 之,知之 也。 名

愚按:聞見寡固不足以致知,然不擇不

次也。」

見頁哉。至之, 見見可未,可丁在下丁在一識,則聞見雖多,適足以爲害。故聞須擇,

之理則一,窮理而後知所從。見須識。要之,聞見有殊,而可從不可從

《里仁》

子曰:「不仁者不可以久處約,不可以長處

愚按:仁知相隔一層,要皆中心有主,外樂。仁者安仁,知者利仁。」

則一。終身在約而濫不生,終身在樂而淫物不足以移之。故時異境殊,而安分循理

約之約,暫樂之樂,猶可以勉。惟久約長不生。學者當細玩「久」、「長」二字,蓋暫

《述而

樂

而能處之,乃足以見仁知之仁。

子曰:「仁遠乎哉? 我欲仁,●斯仁至矣。」

須於至後用功,否則至而後去矣。要之,無如仁。欲之斯至,其應我甚速也。學者愚按:仁者心之所固有,則物之最近者,

慝,無身而气宜。 我欲仁之念,無時而少間,然後仁至我之

應,無時而不有。

《里仁》

子曰:「苟志於仁矣,無惡也。」

仁者必無惡,猶行,誠於東心不西。❸ 愚按:仁與惡,如東西兩條路相反。誠於

乎! 苟志於惡矣,豈有仁哉。

「苟」字是用力處,「無」字是收功處。

嗟

《泰伯》

子曰:「好勇疾貧、亂也。 人而不仁,疾之已

甚,亂也。」

可不戒其已甚哉。故仁者必存寬厚。善固宜。不仁在人,疾之在己,亦足以致亂,愚按:「好勇疾貧」,不仁之在已也,其亂

「我」,原脱,據《論語》本文補。

「心」,疑當作「必」。

不能去惡者設耳。力能去之,四裔之投,善之長,惡惡之短,皆此意也。然特爲力

兩觀之誅,何患其甚?

《子罕》

「唐棣之華,偏其反而。豈不爾思,室是遠

而。」子曰:「未之思也,何遠之有?」

思理之思。學者誠知此理在我,反而求之

愚按: 夫子借逸《詩》思人之思,爲勉學者

於心,則安肯以爲遠乎哉。

《先進》

子張問善人之道,子曰:「不踐迹,亦不人

於室。」

人之奧,僅能爲善人而已。學者可不知用愚按: 天資雖美,苟不學,則無以進於聖

力於學哉?

《子罕》

子欲居九夷,或曰:「陋,如之何?」子曰:

「君子居之,何陋之有?」

愚按: 夫子嘗曰: 「里仁爲美,擇不處仁,

焉得知?」今欲居九夷,何也? 蓋擇居爲

宋月后,京高文,集长百二郎,京是一衆人設,聖人所過者化,何擇之有? 然子

不曰「言忠信,行篤敬,雖蠻貊之邦,行矣」

可哉。

者哉?

學者當於此勉焉

則亦何居而不

《衛靈》

子曰:「賜也,女以予爲多學而識之者與?」

貫之。」

對日:

「然,非與?」曰:「非也,予一以

堯,傳于尹,而大成于孔子。知所謂一,則知言」。蓋子貢未能知也。「一」字始于愚按:朱子謂「告曾子以行言,告子貢以

萬物之理,不外乎吾身矣。

《憲問》

子曰:「士而懷居,不足以爲士矣。」

愚按: 居者, 情 欲之所 在 也。 情欲之所

在,性 理可 得 而 在哉? 故約情窒欲,當如

利刀斷物。

《憲問

子曰:「愛之能勿勞乎? 忠焉能勿誨乎?」

即忠也。 不勞,勞即愛也。 愚按:愛與忠,存乎 小人之爲愛也以姑息,爲忠也以 誠於忠,則不能不誨,誨 誠。 誠於愛,則不能

《憲問

媚悦。

子曰:「不逆詐,不億不信,抑亦先覺者,是

賢乎?」

愚按: 不逆不億,是其誠。 先覺,是其明。

逆之而 人愈許,億之而人愈疑,惟獨理足

以 盡 物情。

《衛靈》

子曰 . 「吾猶」 及史之闕文也,有馬者借人乘

之,今亡矣夫。」

愚按:學者知聖 則當謹厚存心而不萌自是自私之念矣。 人悼時之意,廓而充之,

《衛靈》

子曰:「巧言亂德,小不忍則亂大謀。」

矣。必有忍其乃有濟,若小不忍則亂 愚按:有德者乃能有言,若巧言則亂 大謀

德

矣。此皆心術不正、氣血不治之病。 聖人

教人,丁寧至矣。

《季氏

孔子曰:「生而知之者,上也。 學而知之者,

斯爲下矣。」

次也。

困而學之,又其次也。

困

而

不學,民

愚按:人有四等氣質,然均之秉彝好德之

非學不能也。 民,故困而學可以至於生知。變化氣質 困 而不學,乃終於困,名曰

民 而實非民矣。 抑觀聖人之門,若顏子之

聰 士之學,尚無諉於氣質焉 明,曾子之質魯,皆能做亞聖大賢事

《陽貨》

子曰:「性相近,習相遠也。」

同。 愚按: 蓋 性相 語其天賦者則 近之性, 與孟 一,而 子 語其 性 善之性 氣質者不 不

而 近者復爲一,所習惡 而 近者遂轉 而遠 能

一,而但能近。

近則未遠矣。

惟所習善

堯、舜、桀、紂爲疑,不知 可不謹哉? 孟子只就源頭説。 堯、舜、桀、紂發源 或者至以

謂

有純 不異,到稍 清純駁之分,故下流遂大差殊。 轉 流 處 漸別。 此氣 質也 習之 氣質

《陽貨

善惡,皆不可移。

子曰:「唯上知與下愚不移。」

愚按:上者得天地之氣極全,下者得天地 之氣極駁,各據其極 而不移,所以爲 上知

> 所以爲堯、舜。 愚,又半在 下愚之别 人,__ 然 而不全在天。 氣 自暴自棄,所 · 禀 固 有 不 齊,而 故 以 好 爲桀、紂。 問 上知下 好察,

《季氏》

不

細認也。

聖人所謂不移,天也,有人焉。

學者不可

今稱之。 而 孔子曰:「齊景公有馬千駟,死之日,民 歟?」 稱 焉。 伯夷、叔齊餓于首陽之下,民 『誠不以富,亦秖以異』,其斯之 到 無 於 得

位所 彝,何嘗重富貴而輕貧賤哉? 矣,而民之稱,則不在彼而在此。民之秉 愚按:千駟之君,與一餓之夫,其不 能奪 也 稱不稱 侔 非 甚

《雍也》

從之也?」]子曰:「何爲其然也? 宰我問曰:「仁者雖告之曰: 『井有人焉,其 君子 可

逝也,不可陷也,可欺也,不可罔也。」

人之所罔哉? 蓋仁者必明,不明者非仁。十分明白。苟理不可救,義不可從,豈爲發,不顧其身。豈知仁者理熟義精,胸中愚按:宰我不知仁之爲仁,故意其惻隱之

葉公語孔子曰:「吾黨有直躬者,其父攘羊《子路》

父爲子隱,子爲父隱,直在其中矣。」

而子證之。」孔子曰:「吾黨之直者異於是。

然當君臣之義,則君臣又重於父子者。是苟不相隱,則不知有父子矣,何直之有?父子也。知有父子,即不知其爲相隱也。愚按:「直在其中」,非直在相隱也,直在

《憲問》

故懷光之子,雖未盡義,君子猶或憫焉。

「夫子固有惑意於公伯寮,吾力猶能肆諸市公伯寮愬子路於季孫,子服景伯以告,曰:

將廢也與? 命也。公伯寮其如命何?」朝。」子曰:「道之將行也與? 命也。道之

附門人言凡三章

《公冶長》

之言性與天道,不可得而聞也。」 子貢曰:「夫子之文章,可得而聞也。 夫子

未形。聖人之文章,即聖人之性道也。惟之發於外而可見,性道是文章之藴於内而愚按:文章性道,初非二端。文章是性道

六七

力。果能從淺人深,進而不已,文章既得 亦悟。聞之得不得,又在學之用力不 言,則低者皆可知。 人之才有高低,故教之序有先後。 性道罕言,而 高者 文章 用 久 常

豈有得聞之時哉? 而聞,性道亦時得聞矣。 苟畫而不知勉,

《子張》

泥,是以君子不爲也。」 子夏曰:「雖小道必有可觀者焉,●致遠恐

其小故不足以致遠。 行、橐駝、管輅,皆挾一術之精,而身無所 愚按:農圃醫卜,亦人道之所不 益,况其遠且大哉。 包,彼四者亦在一事 一物之中耳。若許 聖人之道,無 ·可無, 所 不 惟

《憲問》四

曾子曰:「君子思不出其位。」

愚按:位者,身之所在。 思者,心之所存。

> 不敢萌出位之思,正所以盡當思之位。 君 子 無 無 思之位, 丽 不 敢 萌 出位之思。

六八

故

「憲問」,原脱,據全書體例補。 「必」,原脱,據《論語》本文補。

0

愚

禮本己有,己勝則禮去,必克己然

論語愚按卷之八

瓊洞胡士藏板後學日南石洞范阮攸輯

蓋常人之己與顏子之己不同,多少也。常

人之禮與顏子之禮不同,精粗也。「由己」

量自家分上己,見得不侔,便可十倍用力。

後復禮。學者能就聖人告顔子分上己,思

學篇二之三

力 行 類 上凡三十九章

《顔淵》

曰:「回雖不敏,請事斯語矣。」
視,非禮勿聽,非禮勿言,非禮勿動。」顔淵哉?」顏淵曰:「請問其目。」子曰:「非禮勿哉禮,天下歸仁焉。爲仁由己,而由人乎顏淵問仁,子曰:「克己復禮爲仁,一日克己顏淵問仁,子曰:「克己復禮爲仁,一日克己

《衛靈》

益,不如學也。」子曰:「吾嘗終日不食,終夜不寢,以思,無

寢,無所用心,胸中無一物,而不能遜志以象曰:「天行健,君子以自强不息。」聖人之心,即天也。然思而不學,不可也。學之心,即天也。然思而不學,不可也。學人不思,亦不可也。然思而不學,不可也。學人為與實之以學,然

求,併思而學而無之,可勝歎哉」

《爲政》

子曰:「學而不思則罔,思而不學則殆。」

學而 聞多 愚按: 殆之所必至也。 事,則踐 學,何以 識 入於偏邪,昏罔之所必至也。 學而 而 履無實,反移所思而人於空寂,危 遽至於殆? 不 ·水諸 不思,何 是故思與學不可闕一。 心,則情欲 以 研窮搜索 遽 至 交蔽 於罔? 而 反 不習其 思 蓋 移 而 博 所 不

《學而》

慎於言,就有道而正焉,可謂好學也已。」子曰:「君子食無求飽,居無求安,敏於事而

於事 也、士之力行者能之。「就 之徒,不足與言 愚按:「食 而慎於言」,怠惰 無 求 也,士之有志者能之。 飽,居無 輕躁之徒,不足 求 安」,沉酣 有道 而 īE 焉」, 與言 宴 「敏 樂

非其人親師求教,心虚志切者不能

然有

慎於言」,亦 折衷,雖能 就有道之書 道之人不數見,惟有道之書則幸 「食 難乎其近道 ,以求當然之道 無求 飽、居無 一,則 求 少安,敏 是 存。 非 於事 苟不 無 所

《公冶長》

日 子貢問 謚。 愚按: 學,是亦人所難能也。 敏 蓋其處天資人爵之兩高,而能遜 曰:「孔 而好學,不耻 孔文子他無可取,惟以學問一節得 文子 下問,是以謂之文也。」 何以 君子果 謂 之文也?」子 能 玩 味 志於 敏

而充之,可以造於聖賢之域,何有於文所學必正,所問必善,以去文子之短。 廓字與「下」字,取文子之長,反躬而力行之,

《子罕》

子哉?

譬如平地,雖覆一簣,進,吾往也。」子曰:「譬如爲山,未成一簣,止,吾止也

誠以進 愚按: 兩「吾」字,所以責學者之身者切矣。 山 也,止之則 1,勢甚 爲山 止爲吾責,惟日孜孜。 難 也,進之則 不能成。 未成一簣,其至於山 平 可以成。 地 覆 簣,其 進而不止, 聖人 ,勢甚易 學者 揭 至 於 出

《衛靈》

則成德之功,不在吾而誰哉?

子曰:「當仁不讓於師。」

愚按: 人? 人所 師 ? 正學者用 以悪 我何人?」我亦曰:「顏子何人? 學者求於聖賢,而仁是求至之地 當而後能不讓。 力處。 冉 求之畫 苟不向 也。 前賢往聖,何非 上,則 顔 子 日:「 必落 下, 此 何 聖 我

《雍也》

我何人?」

曰。「力不足,中道而廢,今女畫。」冉求曰:「非不説子之道,力不足也。」子

非在 反之心 鞭策極 愚按: 畫則未能說也。 心。 一嚴。 丽 委諸-畫是 至於「非吾徒」,誨之愈切,攻 IL) 力,哀哉 不向 前 力不足,是在 非在 「今女畫」三字, 力也。 一力而

《學而》

之愈至,而終不悟,是真畫矣。

方來,不亦樂乎? 人不知而不愠,不亦君子曰:「學而時習之,不亦説乎? 有朋自遠

子乎?」

愚按: 後爲君子。 者鮮矣,學習在我,來不來在人,故不愠 習則人信之,而後有朋自遠。 焉」者也。 聖賢之意,事物 聖人首提起一「學」字,學者 所學得其道 從學入説,從説入樂,從樂人 之情,所謂 而 後 「就 可 然世之好德 以 有 時習, 道 所 以 而 時 求 而 Œ

● 「雍也」,原脱,據全書體例補。

不 愠 非 真積力久不到。

《學而

子曰: 信,無友不如己者,過則勿憚 「君子不 重 則 不威,學 改。 則 不 固。 主忠

中。 則 忠信立,則威儀不 具舉,學者當紬繹 主,然後外面許多事 愚按: 重威所以修其外, 忠信所以 善 無 有損友不如不有,故曰「無」。 由 人,故曰「勿」。 而體認之。 至爲色莊。 ,無不各得其當。 聖人一言, 夫人必有所 友得其益 憚 實其 表 改 故 裹 過

≪ 學 丽

而

過不留於身矣。

衆 子曰:「弟子入則孝,出則弟,謹而 而 親仁。 行有餘力,則以學文。」 信 汎愛

意,二者之中不可相無也。 愚 按:聖人説行三句,兩 一者必不可 無 也。 兩「而」字有 「則」字有 文非待行之 分辨 緊 重 底 底

> 畢,而 每 在 行之餘, 然亦異乎後之所謂

文也。

《爲政

則寡尤。 子張學干禄,子曰: 多 見闕殆,慎行其餘,則 寡悔。 禄

「多聞闕疑,慎言其

餘,

在其中矣。」

之,修己固非爲干禄謀,而 闕,其餘又須慎,然後尤悔可寡。 於爲己不篤矣。夫聞 然念頭 愚按:子張干禄,未必如今人干 不可先計較爾 之理。干禄必無成己之時,皆理自然,但 禄説做慢。 張干禄之心急,聖人直將言行説做急,將 纔 動 凡此乃因 一「干」字,便覺 病下藥。 見須多,疑 修己自有得 輕 内 然 重 禄之志, 只緣子 殆又須 細 外, 而 禄 推 而

泰伯

子曰:「恭而無禮則勞,慎而無禮則葸,勇而

無禮 民 興 (於仁。 崱 亂 ,直而無禮則絞。 故舊 不遺 ,則民不偷。」 君子篤於親,則

也。 後得其中。 君子之學,無往而不辨「理」、「欲」二字,然 之勇矣,爲直之直矣,爲之則人欲矣。 愚 則仁有等差,豈墨氏兼愛之仁哉 一按:恭、慎、勇、直,有禮則天理之自然 否則爲恭之恭矣,爲慎之慎矣,爲勇 君子非私乎親故也,自親故始 故

《憲問

子曰:「君子上達,小人下達。」

其理則上 愚按: 君子小人,其初皆具天理之性。 毫釐一分,天壤自隔。 而爲君子,失其理則下而爲小 保

《雍也

子謂子夏曰:「女爲君子儒,無爲小人儒。」 其 愚按:孔孟之後,世之學爲儒者多矣。 立 心僞 而不真,故其學只爲名譽利禄,

> 間,遂有君子小人兩樣之别。 操心則入於小人。 不干自己分上事。 所争「理」、「欲」一 蓋爲學則同於君 玩「爲」、「無 子,而 毫之

《雍也》

爲」三字,學者亦可惕然矣。

子曰: 「質勝文則野,文勝質則史。 文質彬

彬,然後君子。」 之學,表裏 文勝質,如無實之花,生意不續。 愚按:質勝文,如無繪之素,光彩不生。 兼舉。 去其勝以求其中,

《述而

以質爲主。

子曰:「德之不修,學之不講,聞義 不善不能改,是吾憂也。」 不能徙

人則非不修也,非不講也,非不徙也 不改,而必修、必講、必徙、必改也。 愚按:憂非徒憂,其憂不修、不講、不徙、 在聖

故

儒

者

而常

至 誠

者多 改 在學者分上,則其未修、未 也 ,真以爲憂。 前 猶 以 爲憂,所 著實用力,其 謂 講、未 無息」者也 (庶乎? 徙、 未改 然

欲知德之爲德而修,義之爲義而徙,過之

爲過 講聖賢之學,方知 而改,又要講學,而講學又要所 得 數件事 一面 必 講 行 何

止矣。《乾・九三爻辭》、《文言》正此意 不然,雖憂而欲必行,亦湛然 無 所底

行乎哉? 之邦,行矣。言不忠信,行不篤 子張問行,子曰:「言忠信,行篤敬 立則見其參於前也,在興則 敬,雖 ~,雖 州 見其 蠻 里, 貊

倚於衡也。

夫然後行。」子張書

諸紳。

執 以忠信篤敬爲之主,參前倚衡 發乎邇,見乎遠。」言行,君子之樞機。 愚 此以行,蠻貊亦州里也。 按:《易》曰:「言出乎身,加 否則辨口以禦 ,静動如 乎 民。 見。 行 能

> 敬。 Mi 非惟遠 人終不信。 不可行,近亦不可行矣。 飭 貌 以 接 丽 人終不

斯言豈獨子張之所當書紳哉?

《衛靈

成仁。」 子曰:「志士仁人, 無求生以害仁,有殺 身以

愚按: 殺也。 能 未熟者 朝從容,處乎死生之變? 生者人之所欲求,身者人之所不欲 苟非平日權度,即乎義理之安,安 也 然慷慨當仁,其志亦必無害而 志士,仁之

《衝靈

有成。

子曰:「躬自厚 若徇物避怨,是落鄉 自遠耳。 人合當道理,非爲遠怨設也。 愚按: 責 然曰薄責,則非不責 己常厚,責 而 薄 責於人,則遠 原 人人常 中。 薄 此 能如 (,薄焉) 怨矣。」 固 此 修己待 而已。 則怨

乎? 私欲日長,天理日消,患害之及,其可免 皆忘言矣。好行小慧,則所行皆忘行矣。 則多矣,終日則久矣。 愚按:君子之取友,可不謹哉? 夫群居 居不寧群居。 然世之知難者鮮,故爲己之士,寧獨 言不及義,則所言

《衛靈》

子曰:「君子義以爲質,禮以行之,孫以出 之,信以成之。君子哉!!」

切學者之身。 有信,可交相有而不可闕一也。此一條最 義之中有禮,禮之中有孫,義、禮、孫之中 之自然,而以之在君子。 愚按:"四者其本則一,其目則四,皆天理 四「以」字最緊。

子曰:「君子病無能焉,不病人之不己

知也。」

以爲能,急欲人之我知者,此何等人哉? 能,不知者自知矣。嗟乎! 汲汲進修,何暇表暴。 愚按: 君子之心,惟恐知之未至,行之未 力,不敢自處於有能 ,而常自 如 此則 纔有小善,便 病於無能。 無能 者自

《衛靈》

909

子曰:「君子疾没世而名不稱焉。」

愚按: 名者實之發,稱者名之徵,没世則是 非定而毀譽平。苟無稱焉,即其人無一善之

可名矣,豈不可疾哉? 故人當自强於善。

《衛靈

子曰:「君子矜而不争,群而不黨。」

愚按: 持己當矜, 矜而争則戾。 ,群而黨則流。蓋矜者常失之争,蕭瑀· 與物當

七五

論語愚按卷之八

七六

寇 孫 近 準 之類 之 類 是也。 是 也 故矜須去争,群須去黨。 群 者 常 失之黨,曾 公亮、

《衛靈》

子曰:「其恕乎? 己所不欲,勿施於人。」子貢問曰:「有一言而可以終身行之者乎?」

欲弟,必使人得以遂其欲孝欲弟之心,便行之須以恕人。先儒陳氏謂:「如己欲孝仁。一循乎天理之公,而無人己之限,然必施於人矣。廓而充之,由恕可以至於必施於人矣。廓而充之,由恕可以至於

恕之,不輕恕之意,是己有過且自恕,人有是恕。自漢以來,不知恕字之義,只説且

精,學者所當細認。

過

又併恕,乃相率爲

不

肖之歸。」此

極

《律靈》

矣。 子曰:「 學也,禄在其中矣。 君 子 謀 道 不 謀 食。 君子憂道不憂貧。」 耕 也 餒 在 其 中

> 其樂。 生而 謂 之自有哉?● 先且急矣。 之飽爲盗跖。 愚 飲 按 蔬飲水,●樂在 入於禽獸。 無 何暇謀乎? 食, 况於耕之餒,學之禄,亦 雖 君子擇乎二者,則知所謀之 憂内也,謀外也,不 死 故有道之餒 而 其 不 中 失 3 爲 硒 爲伯 人; 巷簞瓢,不改 無 夷 憂 道 無 (則所 道 雖

《衛靈》

子曰"「過而不改、是謂過矣。」

成湯之德,曰「改過不吝」。聖人且如此,愚按:遂過之人,不可以入於善。仲虺稱

《衛靈》

學者可不戒哉?

子曰:「君子貞而不諒。」

● 上「飲」字,疑誤,當作「飯」。此句顯據《述而》「● 「□□」,原漫漶不清,下「□」似是「理」字。

飲水」。

910

幹。」「貞固足以幹事。」「固」不離「貞」,則人於《文言》繹《易》之貞曰:「貞者,事之苟不正而固,則爲尾生之行,何益哉? 聖愚按:貞者,乾四德之一,正而固謂之貞。

事可幹矣。讀者宜深思焉。

《季氏》

而言,謂之瞽。」謂之躁,言及之而不言,謂之隱,未見顔色子曰:「侍於君子有三愆:言未及之而言,

必平日有涵養切實工夫,然後而言當其可。愚按:三者之過,戒之當自不忘語人。然

《季氏》

樂道人之善,樂多賢友,益矣;樂驕樂,樂佚孔子曰:「益者三樂,損者三樂。樂節禮樂,

遊,樂宴樂,損矣。」

無,無其一則未足爲益。三損宴樂獨甚,愚按:三益節禮樂最切,然三者不可一

然三者不可一有,有其一則皆足爲損。 之樂不已,手舞足蹈,何快如之? 肆則念頭向損上去,益無由 總不出此 不已,志墜神頹,而憂至矣,可不謹哉? 二字耳。 日昏蔽。 也,天理之樂,心日開明。 古今成敗存亡之迹,歷歷 敬則 兩船。❶ 念頭向益上去,損無由人。 究其原,生于「敬」、「肆」 人。 人欲之樂,心 嗟乎 損之樂 在 1 眼 益 樂

《季氏》

徹尾,自少至老,無非戒之之時。惟日孳成其老也,血氣既衰,戒之在得。」及其老也,血氣既衰,戒之在得。」及其老也,血氣既衰,戒之在得。」及其老也,血氣既衰,戒之在得。」

「船」,疑誤,當作「般」。

0

七七

ALTER ALLE AND THE

妄動,庶乎其可矣。 孳,涵泳天理,必使德性常用事,而血氣不

《季氏》

聖人之言。小人不知天命而不畏也,狎大孔子曰:「君子有三畏"畏天命,畏大人,畏

人,侮聖人之言。」

當敬。不然,如王莽藉口天生德之言,陳定「乾乾」、《書》之「紫業」、《大學》之「恂之「乾乾」、《書》之「紫業」、《大學》之「恂之「乾乾」、《書》之「紫業」、《大學》之「恂之「乾乾」、《書》之「紫業」、《大學》之「恂

爲斷爛朝報,其禍可勝言哉!賈輩目朱門爲僞師僞徒,王安石指《春秋

《季氏》

思温,貌思恭,言思忠,事思敬,疑思問,忿思孔子曰:「君子有九思:視思明,聽思聰,色

難

,見得思義。」

此學者省察工夫。引而進之,可以至於不愚按:九思統於一心,一心存則九思應,

思而得之城矣。

《季氏》

其人矣,吾聞其語矣。隱居以求其志,行義孔子曰:「見善如不及,見不善如探湯,吾見

愚按:世衰道微,此二等人,世皆罕見矣。以達其道,吾聞其語矣,未見其人也。」

縱不能爲後一等人,猶可爲前一等人。不循序勉進,由前一等人可以爲後一等人。致,體用備具,斯人也,其完人耶? 然必學者知至,意誠,篤信,自修,至於窮達一

《子路》

然,吾不知其爲何等人也。

樊遲問仁,子

曰:「居處恭,執

事敬,與人忠,

雖之夷狄,不可棄也。」

居處須

要

七八

恭,執 之理。 事須要敬,與人須要忠,此 聖人一言,上下貫徹 學 者 自 미 然不 以 易 之

治一

身,人君可以之治天下。

不可棄」與「雖蠻貊之邦行矣」,此言功,彼 地宇宙間 言效,而其意則同。 初 無 夷 夏遠近之限。 夫理之爲理,盈乎天 可。 循理 則 何

《子路

之不可,悖

理則無

所之而

子貢問 行己有 曰 耻, 使 何 於 如 四 斯 方, 可謂 不辱君命, 之士矣?」子 미 謂 日 1

黨稱弟焉。」曰:「敢問其次。」曰:「言必信 矣。」曰:「敢問 其次。」曰:「宗族 稱孝焉, 鄉

曰:「今之從政者,何如?」子曰:「噫! 斗

行必果, 徑徑然小人哉, 抑

亦

可以

爲次矣。」

《子罕》

筲之人,何足算也

果之士,固其下者。 愚按::子貢三問,聖人以三等答。 荷能 自强 勉進,保守 言信行

> 其 至 於上 良 知, 士 而 哉? 輔 益之以 斗 筲 從 學問,豈 政 鮮 有 亦 不 不 誤 可 以 馴

國者

「雖之夷

狄

子曰 《子罕》 二二出 則 事公卿,入則

事父兄,

喪

事

敢

不勉,不爲酒困 ,何有 於我哉?」

生事 愚按: 聖人之心無窮,故常見其不足。事 死是大節目 ,戒酒是小節目。 一言而

學者 《書》有 未 酣 有 不 歌」之刑、《詩 謹 於其 小, 》有 丽 能 「弊言」之罰 謹 於 其

大小皆致其謹

所

以

爲

聖人之言歟?

其以是歟?

子曰: 「三軍可奪帥 也,匹夫不可奪志

在我,故不可得 愚按: 三軍之勇在人也,故可得 愐 奪。 古人鼎 鑊 而奪。 在 一前,矢 志

石交注,而安閒自若者,亦在

我者之定爾

論語愚按卷之九

後學 日 南 石洞范阮 攸 輯

瓊 洞胡士藏板

力 行 類 中凡三十九章 學篇二之四

《子罕》

路終身誦之。子曰:「是道也,何足以臧?」 者,其由也與? 「不忮不求,何用不臧。」」子 子曰:「衣敝緼袍,與衣狐貉者立,而 不 耻

打破貧富關 愚按: 志於大者忘乎其小者也。學者能 路所以見許於聖人歟? ,則足以爲進道之基矣。 雖然,此特勇者 此子

(顔淵》●

「不忮不求」之爲未足矣。

者,豈以是畫哉? 學者苟有子路之志,擴

而充之,日進不已,到「不改其樂」處,則知

之善耳。

求乎大學之道,所以止於至善

司馬牛問仁,子曰:「仁者其言也訒。」曰: 「其言也訒,斯謂之仁矣乎?」子曰:「爲之

難,言之得無訒乎?」

顧,不亦仁者之事乎? 此凡人皆當然,而 浮。苟思爲之難,則不易於言矣。言行相 包,宜乎其終不喻也。 聖人但就切實入德處說,而大小無所不 於輕躁之人最切。牛猶疑斯言爲小,不知 愚按: 存乎其中者不重,則見乎其外者必

爾淵

0 顏淵」,原脱,據全書體例補。

八〇

司 E 一一不 馬 牛問 憂不惧,斯謂之君子矣乎?」子曰: 君子,子曰:「君子 不 - 憂不 · 惧。 」

内省不疾,夫何憂何惧。」

則臨 其資質既低,學力又淺,故不能深喻聖人 愚按:司馬牛於聖人之言,每每疑問。 時 若夫學者自修,平日有不疚之實, 内省,雖當憂惧之事,而無憂惧之

《顔淵

心,不亦君子矣乎?

崇德也。 子張問崇德、辨惑。子曰:「主忠信,徙義, 愛之欲其生,惡之欲其死。既欲其

生,又欲其死,是惑也。」 知 非「徙」,「主」何從進? 玩「欲其」二字,則 字,則知「崇」。 心障,非撤開之,不明。 愚按: 德是 蓋欲生,愛之惑,欲死,惡之惑。 心基,非 蓋非「主」、「徙」何所歸? 積累之,不高。 玩「主」、「徙」二 惑是

《顔淵

慝、辨惑。」子曰:「善哉問! 樊遲從遊於舞雩之下,曰:「敢問崇德、修 先事後得,非

崇德與?

攻其惡,無攻人之惡,非修慝歟

於「攻其惡,無攻人之惡」八字,因其切問 間,安有一朝之忿以至忘其身與親哉? 朝之忿,忘其身以及其親,非惑歟?」 心。愛惡惟人自取,而不加一毫私意於其 愚按:此章當與告子張參玩。 之惡,則惡轉歸於我。此學者最當用力處 切告之。攻己之惡,則惡不留於身。 義,則凡事皆我當爲,安有計較得不得之 主忠信,徙 攻人

《里仁》

子無終食之間違仁,造次必於是,顛沛必 之,不處也。貧與賤,是人之所惡也,不以其 子曰:「富與貴,是人之所欲也,不以其道得 道得之,不去也。君子去仁,惡乎成名? 君

於是。」

義理之當然。非君子何足以與此? 仁常在我,物不能役。暫時急境,無不安乎惟以道之當得不當得爲權度,則與衆人異。 愚按:君子於富貴貧賤,欲惡與衆人同。

《里仁》

我未見力不足者。蓋有之矣,我未之見也。」者加乎其身。有能一日用其力於仁矣乎?無以尚之。惡不仁者,其爲仁矣,不使不仁子曰:「我未見好仁者,惡不仁者。好仁者,

愚按: 以進 也。未有用 聖訓丁寧備矣。志仁之士,必奮然爲「事 人。又爲 未見」數語,雖 於好仁 仁非自外至也,自然固有之良 難 辭,以深警學者之不肯用力。 .惡不仁之事。玩「蓋有之,我 力而不足者也。由用力自 爲 疑 解,以 不 忍絶天下之 知 미

斯語」之顔子,而毋爲「今女畫」之求,則昏

解,是無志而非無力也,鳥足以與於此?哉?苟未嘗用一日之力,而徒以不足自可漸使之明,弱可使之彊,何仁之不至

《里仁》

義之與比。」 子曰:「君子之於天下也,無適也,無莫也,

據。此章之旨,重在「義之與比」四字。 也,感而遂通天下之故。」其斯之謂歟? 其處事 愚按:「無適」、「無莫」之中,非義則無 主,協于克一。」《易》曰:「無思 書》曰:「德 接物,無 無常 所容 師,主 心,惟當然之爲主。 善爲師。 也,無 善無 爲 常 蓋 可

《里仁》

子曰:「古者言之不出,耻躬之不逮

也。」

應,工夫自「耻」字起。故臯、益、伊、傅、躬之行,則必知節於口之言。躬與口相愚按:此章大意全重在「耻」字。知耻於

論語愚按卷之九

若陳平以相 周、召之謨訓,皆先有諸己而後出諸言。 職對文帝,安石以世務説神

宗,可謂 不知耻

《里仁

子曰:「以約失之者,鮮矣。」

人心常危,道心常微,故放之易而約之難。 愚按: 約是持心妙訣,以示教人用工。 蓋

敢逸於規矩之外,豈不足以寡過哉?

必也常飲此心於規矩之中,則見諸事自不

(里仁

子曰:「君子欲訥於言,而敏於行。」

要敏,氣質之輕者可變,惰者可化,豈諉爲 愚按:此 「欲」字警學者最 切。 言要訥,行

固然哉? 大抵言有餘而行不足,學者之

大病。 有萬 鈞 不 非奮然於心,决捨不得,故「欲」字 可當之勢。

(爲政

子曰:「人而無信,不知其可也。 小車無軏,其何以行之哉?」

大車無朝

愚按: 可無信,切矣。 以車之必不可無輗 人皆知行車,而 , 机, 喻 獨鮮 人之必不

己,何哉? 本於志不誠,心不正爾。斯人

知

《爲政

也,難乎其爲人歟?

子曰:「非其鬼而祭之,諂也。 見義不爲,無

勇也。」

爲哉? 奪於利害,又烏 智足以辨是非,何至 勇。原其心,則私 愚按:非鬼之祭,在諂。 故學者 在 知祭其所當祭,爲其所當 Œ 而 其心。 已。 乎諂? 見義 私 心正 故 氣足以配道 惑 不爲,在無 則明生。 於禍 福

《陽貨

義,何至乎無勇?

子貢曰:「君子亦有惡乎?」子曰:「有惡。

乎?」「惡徼以爲知者,惡不孫以爲勇者,惡無禮者,惡果敢而窒者。」曰:「賜也亦有惡惡稱人之惡者,惡居下流而訕上者,惡勇而

訐以爲直者。」

三,假善之隱惡也,其辨惡之心嚴。 常之顯惡也,其誅惡之心公。子貢之惡者惡,猶明鏡之惡醜爾。聖人之惡者四,悖惡,猶明鏡之惡醜爾。聖人之惡者四,悖惡,猶明鏡之惡醜爾。如其惡。不善

《陽貨》

慮,從此衰頹,尚何望其長進哉? 噫!惟無可聞之善,乃有可惡之惡。精神志愚按:當聖賢「不惑」、「不動心」之年,不子曰:「年四十而見惡焉,其終也已。」

子曰:「已矣乎! 吾未見能見其過而内自

《公冶長

斯人也,幾何不爲原壤之老賊歟?

訟者也。」

意。此其爲聖人之心歟? 問,雖爲歎惜之辭,而實有拳拳不自已之 悟,然後有改過遷善之勇。「已矣乎吾未 悟,然後有改過遷善之勇。「已矣乎吾未 見」,雖爲歎惜之辭,示學者須於不見處省 見」,雖爲歎惜之辭,亦學者須於不見處省

《公冶長》

可矣。」季文子三思而後行,子聞之,曰:「再,斯

愚按: 間故也。 凡 商量 學者務窮理、力行,思之又思,所 工夫思到精熟,是非可否已有定見,遇事 有九思」是也,而豈但三哉? 使文子爲學 臨 既 事多思,皆學識未到, 再者,應事 得 便行 ,何至於多思以 之思,非爲 而 私 學 意横乎其 起 之思· 謂 惑 一君子 哉 也。

言而 不可 宰予晝寢,子曰:「朽木不 '杇也,於予與何誅? 信其行。今吾於人也,聽其言而觀其 始吾於人也,聽其 可雕也,糞土之牆

行。

於予與改是。」

不及。 愚按: 進之也。禹惜寸陰,湯昧爽丕顯,周公窮 聖人且如此,况中人哉? 夜旦之所 受教,學者宜勉之。 聖人因其晝寢,而深責之,所 宰予在聖門言語之科,而力行 思,孔子終日不 食,終夜不 知自强 M 後可 以 有 寢。 勉 所

《衛靈

子曰:「君子求諸己,小人求諸人。」 一「求」字便有君子小人兩樣。

愚按:

道

得 所以爲君子。富貴聲名,向人喉下取氣討 德事業,從己分上著力做來,無所事於外, 無所有於內,所以爲小人。

論語愚按卷之九

之何也已矣。」 子曰:「不曰「如之何」、「如之何」者,吾末

如

矣」之意。 愚按:「如之何」「如之何」,即「再, 夫處 事貴乎審熟,不然,非 斯 躁

身,可不戒哉? 人相尋於世,大足以害天下,小足以害一 愚,正如病

在膏肓,良醫無

所著力。

此等

則

미

《學而

子貢曰:「貧而無諂,富而無驕,何如?」子 矣,告諸往 斯之謂與?」子曰:「賜 貢曰:「《詩》云:「如切 曰:「可也,未若貧而樂,富 而知來者。」 如 也,始可與言《詩》已 磋,如 而 好禮者也。」子 琢 如磨」,其

舉 已在其中。 愚按:「樂」與「好禮」,則「無諂」、「無驕 丁,類 如 此。 聖人之言,大小精粗,無 然學者用 功,必從 「無諂 不具

八五

無 驕」人,積之不已,自然忘乎其貧富 者

者, 也。 一聞 子貢蓋曾用力於「無 至教,豁然開悟。 諂」、「無驕」二 觀其引《詩》言

聖人所以與之。 篇,觸類旁推 一聞 一知二」,斯其驗矣。

《里仁

子曰:「見賢思齊焉,見不賢而内自省也。」

信之,少者懷之。」

人行必有我師」章意同。 賢在人,而啟發感悟之機在己。 去惡。,大抵學者之學,爲己而已。 善。「内自省」則不以不賢加諸己,而 愚按"「思齊」則不以賢讓人,而力於爲 此與二 故賢不 力於

《爲政

子貢問 君子,子曰:「先行其言,而後從之。」

點醒。 先以行爲言之基,則言出而人信之,不至 愚按:子貢以言語名,故聖人就他 夫能言者,多不足於行,故君子 有 餘 必 處

私

,求爲子路,由子路以求至於顏淵,則數

於大言無實矣。 學者進修,無切於此

《公冶長

憾。」顔淵 顔淵、季路侍,子曰:「盍各言爾志?」子 曰:「願聞子之志。」子曰 曰:「願車 티 : 馬衣輕裘 願 無 伐 與朋友共,敝之 善無 "「老者安之,朋友 施 勞。」子 愐

路

路

無

愚按: 聖人之於人,猶天地之於萬物,日 顔淵,亞聖者也,其用心公平廣大,不自滿 日 用間與我接有三等,無不各得其所。 . 「雲行雨 施、品物流 形」,意蓋 如 ^ 此。 易》

其心坦然 足。而子路之善,自在其中,但不及聖人 躬行爲本,而自取甚確。 以希賢希聖矣。 之渾然無迹爾。 無物 我之私。 若子路雖不及於顏子,而 讀此章,見聖門之學,以 學者能克治 廓充此 心,亦可 其

皆道

仞之牆,庶幾從可窺矣。

《公冶長

子曰:「十室之邑,必有忠信如丘者焉,不如

丘 之好學也。」

愚按:上「如」字提挈世間無限低一等人, 下「如」字警覺世間 .無限畫一等人。夫資

質之不可恃,而學問之所當勤。 聖人且

之無窮,貫童老而不息。造其極爲聖,隨 爾,况學者乎? 然「好」之爲言、蓋見義理

所至爲賢。 不則間斷滅裂,搜獵苟且 高高

人荒唐,卑人利禄,雖學何益哉?

《述而

子曰:「志於道,據於德,依於仁,游於藝。」

非其仁,游不可於非其藝。 可於非其道,據不可於非其德,依不可於 愚按:四「於」字,是教人下工夫處。 志不 也。 自其實理之常行,曰道。 道、德、仁、藝, 自其本

> 自其所用必適, 日藝。 心之不失,曰德。 自其所得既 熟,日

《述而

子曰:「不憤不啟,不悱不發,舉一 隅不以三

隅反,則不復也。」

者。 而投,未嘗强聒,此所以爲時雨之化 愚按:「啟」「發」在聖人,「憤」「悱」在學 聖人之施教,學者之受教,其機相迎

也歟?

《公冶長》

子貢曰:「我不欲人之加諸我也,吾亦欲無

加諸人。」子曰:「賜也,非爾所及也 克恕爲仁,由生人熟,豈無及之時哉? 勉之使漸進也。使子貢知此,著力行之, 從」教之。「非爾所及」,非畫之使不進,蓋 愚按:子貢患在能言,聖人嘗以「先行後

(述而

ハハ

葉公問孔子於子路,子路不對。 奚不曰:『其爲人也,發憤忘食,樂以忘 子曰 一:「女

不知老之將至云爾。」 能知 高。其爲人也,其爲天矣。 迭乎朝夕之不倦,而俛仰倏忽于年歲之將 自然,而樂生焉,故樂至於忘憂。 焉,故憤至於忘食。 愚按:慨義理之無窮,奮發將去,而憤生 ,子路亦何能以形容之哉? 喜道理之既 非但葉公輩不 得,從容 憤 樂更

《里仁

子曰:「放於利而行,多怨。」

所計 學者慎所行焉,非重在「多怨」字。但能捨 非 放又利之積,怨安得不多? 愚按:利者,悖義自私,固 無怨,在我 也。 此章深戒在利,緊戒在 無可以致怨,則怨出於 有可怨之理。 然放於義亦 放,以示 入,非

利,怨亦少矣。

述 而

者也。」 子曰:「我非生而知之者,好古,敏以求之

愚按: 提出 其訓 知,猶孜孜於「好」與「敏」, 轍,其爲萬世教,備矣。 好不敏者哉? 。」又曰:「惟學 「好古」與 傅説告高宗曰:「不師 「敏」字,聖人至訓, 遜 志,務時敏。」此 嗟乎! 可以中人而不 古訓 古之生 如 于何 出 章

《述而

從之,其不善者而改之。」 子曰:「三人行,必有我師焉。 擇其善者而

所謂 從可 機觸 亦可師哉? 愚按:常人知善者之可師,孰知 改、無往非師。玩「必」之一字,見理 於我,所謂「見不賢 「見賢思齊」者也。 不善在人, 而改之 夫善在人,而從之機觸於我, 而内自省」也。一 不善者之 可

之必然也。

《述而

子曰:「文莫吾猶人也。 躬行君子,則吾未

之有得。」

行難。 者熟玩乎此,文不求于過人,行常憂其未 愚按: 此爲聖人自謙之辭,亦可見文易而 文可以猶夫人,而行必得諸己。 學

得,則庶乎君子焉。

《述而

子曰:「奢則不孫,儉則固。 與其不孫也,

寧固。」

愚按: 義。 本爲救時 此章即《易 而發,然學者知此,亦可以 小過》「用 過 乎儉」之

去奢崇儉矣。

《泰伯

子曰:「興於《詩》,立於《禮》,成於《樂》。」

愚按: 此章見古者以《詩》、《禮》、《樂》爲

> 《禮》之本在敬、《樂》之本在和,而反之於 廢。 乎和平樂順之心。 精神,以立夫實地。 戒是非以起其善端。 教人之具,次第習熟。 學者能求其本,則知《詩》之本在 今遺書雖 終乎流通融化,以養 中乎操存 始乎歌 存,教法盡 誦 氣 美 血 (刺, 勸 收 Œ

歛

《泰伯

吾心,斯可矣。

子曰:「三年學,不至於穀,不易得也。」

三年,學已有成,能無子張之問者少矣。 愚按:學不至穀,亦有志者所能,然至於

駟,顔子之簞瓢 己之本分。 穀不穀,有命 ,初何嘗與於我 焉。 伊 尹之鐘

夫穀者,朝廷尊賢之常經。學者,君子爲

《泰伯

子曰:「學如不及,猶恐失之。」

愚按: 細玩「如」、「恐」二字,蓋有著力向

可矣。 前 圃 不落後之心。 學者用功如此, 其 急

《子罕》

子曰:「後生可畏。 四十五十而無聞焉,斯 焉 亦不足畏也已。」 知來者之不如今也。

起,於以警惕,其無以可畏之後生爲不足 愚按:聖人一語,勸戒兩存。 學者於以興

《先進

畏之四五十哉!

如之何其聞斯行之?」冉有問:「聞斯行 子路問:「聞斯行諸?」子曰:「有父兄在,

問「聞斯行諸」,子曰:「有父兄在。」求也 諸?」子曰:「聞斯行之。」 西華曰:●「由 問 也

問。」子曰:「求也退,故進之。由也兼人,故 聞斯行諸」,子曰:「聞斯行之。」赤也惑,敢

愚按: 聖人不得已以言爲造化。 同問 異 退之。」

兼人。 可以約義理之中矣。 者知此 答,各隨其資。 雖不敢專,而 而勉於行,雖 進弱, 不爲求之不勇,庶幾 不敢後,而不爲由之 退 强 無 非 至

九〇

0 「華」,原作「花」,避阮朝聖祖仁皇后諱,今回改。 賓、大祭在。

雖未出、未使時,亦然。

應於

有大

存於内須敬,故出門、使民,此心如

論語愚按卷之十

瓊洞胡士藏板

意,常流行乎其

間

爾。

豈

可姑

息以爲

學篇二之五

力行類下凡十九章

《顔淵》

愚按:答仲弓二十八字,都作一脈串透。一無怨。」仲弓曰:「雍雖不敏,請事斯語矣。」大祭,己所不欲,勿施於人,在邦無怨,在家仲弓問仁,子曰:「出門如見大賓,使民如承

《里仁》 仁哉?

「唯。」子出,門人問曰:「何謂也?」曾子子曰:「參乎! 吾道一以貫之。」曾子曰:

曰:「夫子之道,忠恕而已矣。」

仁不出一箇是,而矜莊守己,温厚愛人之與,則自近而遠,無有怨我之不是者。蓋諸人。雖不得已施之,亦理當然,而我無外又須恕。人已一體,故勿以己之不欲施

九一

九二

知自 下 以 脯 人。 有 忠 然之忠 所 恕 由著 依 明 據 演繹。 貫,不 恕 力之忠恕,以 則 見 惟一 學者潛 所 謂 時間 一貫者在。 求自然之忠恕。 思默 者易曉,千 契,得其門 古今 載

《顔淵》

聖賢

大心

上法,宇宙一

大分上

事,儘

在

此

子張 達 聞,在家必 而 人,在邦 何 行 也者,質 哉 問 違,居之不疑,在邦必聞,在 爾 必 所 土 達,在家 聞。」子曰 直 謂 何 圃 達 如 好義,察 者?! 斯 心達。 : 可 子張 謂 是聞 言 之達矣?」 夫聞 而 對 也 觀 曰:「在 也 家必 非 色, 者 達 聞 慮 子 色 也 邦 取 以 日 下 夫 必 0

愚按: 於内 미 聞。 强合。 而 子張認 聖 達 學者 與與 兩 僞 「聞」爲「達」,問「達」 折 務達,則真 爲 語 於 是 外 兩 而 聞 峻 德 念異 攻 自 劑 進 前 境 一病在 蓋 循 真 不 循 修 求

明白辨晰,不爲子張者勉焉?墜乎無聞。玩「達也者」、「聞也者」二節

以

至

於必達。

務聞

則

虚

譽雖隆,而

駸

駸以

《子路》

樊遲請 圃,曰 人 哉 樊 : 須 學稼,子曰:「吾不 吾不 也 1 如 上 老 好禮 圃。 則 樊 如老農。」請 民 遲 莫 出 子 敢 不 敬。 -學爲 小 上

矣,焉用稼?」

用情。

夫如

是,則

四方之民襁負其

子

而

至

好

義

則民莫敢

不

服。

上好信,則

民

莫

敢

不

樊遲 愚按: 之所行,移其 志 是時 在農 人心 圃 利 己之術爲利人。 欲以 趨 於伯 今日之所學,爲 術 争 事 然不知 富 强 他 其 H 故

矣。 本,而 義、好信之效,使知治國之要,實 圃 學 其流 者 所見則 成己成 不已,猶 卑鄙 物之方 有戦 矣,故聖人極言好禮、好 國之許 亦 不 出 行者 此 不出 ,其旨嚴 可 此 勝

《子路》

四方,不能專對。雖多,亦奚以爲?」子曰:「誦《詩》三百,授之以政,不達,使於

資其多也,貴乎涵泳大旨,優游深入,自然愚按:《詩》三百,可謂多矣,然誦之非欲

其辭。以之爲政,必豈弟而達物情。以之温厚生於其心,和平見於其氣,風諭發於

使四方,必婉正不辱命,而無待介助。誦

知《詩》者無幾。其鬬音律,較工拙,皆是。之善者如是。後世失其意,而務創新體,

當玩此章。

古之心、氣、辭俱亡,可勝慨哉?

言《詩

《憲問》

曰:「可以爲難矣,仁則吾不知也。」「克、伐、怨、欲不行焉,可以爲仁矣?」子

愚按:禁遏其情而非除去,譬如藏毒胸

語愚按卷之十

問、豈非蔽其能,不自悟其病根之固在顔、冉二章,見氣象境界自别。憲聞告不惟不足以爲仁,亦無與於求仁焉。參考答中,閉盜門內,行之機已伏於不行矣。豈

《憲問》

哉?

學者亦當深戒

子曰:「貧而無怨,難。富而無驕,易。」

境,此難而彼易。儒者讀書窮理,知命知愚按:身之在境,此逆而彼順,故心之在

分,能居貧,則居富誠不難矣。

《憲問》

子曰:「其言之不怍,則爲之也難。」

此一種口給小人,●尚何望其能爲哉?愚按: 言之不怍,則言時已不想到爲矣。

《憲問》

● 「種」,原作「重」,缺半字,避阮朝世祖高皇帝廟諱。今

回改。

九三

九四

子曰:「古之學者爲己,今之學者爲人。」

唐按: 饒氏論此章:「當看『者』字,同此愚按: 饒氏論此章:「當看『者』字,同此思按: 饒氏論此章:「當看『者』字,同此問題按: 饒氏論此章:「當看『者』字,同此思按: 饒氏論此章:「當看『者』字,同此

《憲問》

子曰:「君子耻其言而過其行。」

可磨之圭,行不足則爲不可雕之木,可不言不耻則浮,行不過則怠。言有餘則爲不愚按:此章當就「耻」、「過」二字用工。蓋

《憲問》

戒哉?

子貢方人,子曰:「賜也賢乎哉? 夫我則

不暇。」

不暇爲,示學者以所不當爲也。「見賢思愚按:務克己者,無事於方人。聖人但言

存於中則有自强之實,形於外則無自治齊」,是存之於中。「方人」,是形之於外。

之誠。

《里仁》

子曰:「不患無位,患所以立。不患莫己知,

愚按:「求」字當細玩。求爲可知也。」

求諸己

而

非求諸

人也。君子講學明道,無一事一理之不

而求知於人,幸而有位,其能久而不會,自然人知而位有矣。苟無可知之實,

《學而》

仆哉?

子曰:「不患人之不己知,患不知人也。」

愚按"不己知,失在人。不知人,失在己,

《憲問

子曰:「不患人之不己知,患其不能也。」

學者之大病也,故聖人之教,於此不厭愚按:求知而不求能,務外而不務内,此

其煩。

《律靈》

德? 以直報怨,以德報德。」或曰"「以德報怨,何如?」子曰"「何以報

得其平。若報非其施,則將有矯飾沽名,愚按:禮有務施報,但循乎理之當然,乃

《衛靈》

而忘君父之大仇者。

敬。知及之,仁能守之,莊以涖之,動之不以之。知及之,仁能守之,不莊以莅之,則民不子曰:「知及之,仁不能守之,雖得之,必失

禮,未善也。」

論語愚按卷之十

然必本立乃可問末,大舉乃可責 白璧無 成己,可以 瑕可指,其 成 物。 如 黄 明德、新民之事 金 經 百 鍊 細。 以 成,如

愚按"知、仁存於内,莊、禮發於外,可以

《衛靈》

蹈而死者矣,未見蹈仁而死者也。」子曰:「民之於仁也,甚於水火。 水火,吾見

其殺之無水火之害。人未嘗慣水火而不愚按: 仁之在人,其生之有水火之利,而

人,可謂深且切矣。

用,獨憚仁

而不爲,何哉?

聖人設譬以教

《陽貨》

廉,今之矜也忿戾。古之愚也直,今之愚也也。古之狂也肆,今之狂也蕩。古之矜也子曰:「古者,民有三疾,今者,或是之亡

詐而已矣。」

愚按:世愈降,人愈僞。必克今之疾,又

九五

證 乎 然大著力,不 必克古之疾 ! ,即醫世之仁心也。養身者宜深察焉 古之疾尚輕,今之疾已重。 ,然後可 能 自 拔,終至於亡矣。 以爲 無疾之身。 聖人 非 辨 嗟 奮

《陽貨》

博弈者乎? 子曰:「飽食終日,無所 爲之猶賢乎已。」 用心,難矣哉。 不有

愚按: 博弈 苟置之於無所用之地 之,學者可 邪僻,無所不爲。欲其成人,豈不難哉? 御之馬,悠悠泛泛,不知所止,將至於放蕩 非賢,而 心之所以能主身也,以 以 惕然自省矣。 以 爲 猶賢,聖人甚言以深 ,則如 不繫之舟,不 有所 用 也。

附 **P**9 人 言凡十九章

《泰伯》

子所貴乎道者三: 曾子有疾,孟敬子問之,●曾子言曰 顏色,斯近信矣,出辭氣,斯遠鄙倍矣。 將死,其鳴也哀。 豆之事,則有司存。」 人之將死,其言也 動容貌 ,斯遠暴 慢矣; 善。 「鳥之 Œ 君 籩

九六

所可 者。 愚按: 此道之不講於天下久矣,平生既 不知也,特不以此爲貴爾。 心,將死何以善其口? 器數之末,君子非 曾子日省工夫,誠篤 跂及,故將死之言,超然 容貌、顔色、 辭 氣, 確 皆修 實,始非 獨 身 識 以 之 如 病其 常人 最 此。 重

曾子曰:「以能問於不能,以多問於寡,有若 《泰伯

斯矣。」 無,實若虚,犯而不校,昔者吾友嘗從事於

敬子」,原誤「子敬」,據《論語》改。

愚按: 虚 則 ,則無窮。 窮。 能爲 惟 其 能,多爲多 問 犯 於 而校,則有我。 不能, 一,有爲有,實爲 問 於寡 惟其不校, 若若 無 若 實,

其迹,所以爲顔子之大賢,至於無迹而則無我。此天地之量,聖賢之心,但猶見

聖矣。

《泰伯》

仁以爲己任,不亦重乎? 死而後已,不亦曾子曰:「士不可以不弘毅,任重而道遠。

遠乎?」

生百年乃爲期,遠莫遠於死矣,而任仁者而志仁者以之自任,●非弘何以堪? 人愚按:天地萬物皆其體,重莫重於仁矣,

《顔淵》

至此後已,非毅何以至?

士可不勉哉?

貢曰:「惜乎夫子之説「君子也,駟不及舌」。棘子成曰:「君子質而已矣,何以文爲?」子

之鞟。」

文猶質

也,

質猶文也。

虎豹之鞟,

猶

犬

羊

失,在「猶」字。學者能推質之爲本,文之愚按:子成之失,在「何以」字。子貢之

爲末,質之爲重,文之爲輕,質存於中,

文發於外,則能有得於「文質彬彬」之教,

而無二子之弊矣。

《子張》

焉能爲亡?」 子張曰:「執德不弘,信道不篤,焉能爲有?

不篤則所信者復廢,而不足以及成。 名,故不弘則所執者自孤,而不足以語大。 悬按: 德已到手曰「執」,然德非一善之可

改。以下同此,不再出校。

九七

九八

《子張》

子夏曰:「日知其所亡,月無忘其所能,可謂

好學也已矣。」

能下如此工夫。不然,日月至焉,一日暴日,日日守其所已得。非篤於爲己者,不愚按:十二時,時時察其所未有。三十

聖門從遊,領略至教,自顔、曾終日不違,之,十日寒之,豈聖賢之所謂學哉? 當時

終日三省之外,子夏其庶幾於進哉?

《子張》

子夏曰:「博學而篤志,切問而近思,仁在其

愚按: 志。 問 學須博,而學非志不 須 切 而 問 非 思 不 悟 故故 成,故又須篤 而 又 須 近

《子張》

思。

四者在心,則心存矣。

子夏曰:「百工居肆以成其事,君子學以致

而然。

其道。」

「事」與「道」二字。蓋非其道則爲徒學,猶之於學,當如百工之於居其肆,然又重在愚按:學者之學,猶百工之肆也。故君子

《子張》

非其事則爲徒居。

子夏曰:「小人之過也必文。」

過愈重。此與「勿憚改」正相反,所以爲小愚按:文非君子之所貴。有過而文,則其

人歟?

《子張》

温,聽其言也厲。」子夏曰:「君子有三變:望之儼然,即

之也

其温,聽之則見其厲。從容天理,自然有自然之中,故望之則見其儼,即之則見愚按: 所謂變者,非變也。德至於聖,則

子夏日 「大德不踰閑,小德出 人可也。」

愚按: 免有病,然亦可以爲觀人之法。 苟於其大 德無大小,皆當有閑。 子夏之言未

者可觀,則於其小者亦不必求備矣。

《子張

子游曰:「子夏之門人小子,當洒掃、應對、

道 子夏聞之,曰:「噫! 進退則可矣,抑末也,本之則無,如之何?」 ",孰先傳焉? 孰後倦焉? 言游過矣。 譬諸草木,區 君子之

者,其惟聖人乎?」

以别矣。

君子之道,焉可誣也?

知 求其 愚按: 君子之教, 本末兼該。 淺深各别。子游之言,固是 所以洒掃、應對、進退之義。由此而上, (理也。 如子夏所言,士亦知習其 若於洒 掃、應對、進退之中,而 不知循其序 (事,而 學者所至, 未 知

亦可以漸造其本矣。

《子張

子游曰:「喪致乎哀而止。」 愚按:

喪固

1致乎

哀,而禮文亦不可略。

者之不足歟?

《集註》以「而止」二字議子游,抑亦以輔學

《子張

曾子曰:「堂堂乎張也,難與並爲仁矣。」

愚按:子游議張之才,曾子議張之貌。

則務外好高,豈非學者之大戒哉?

《子張

有始有卒

子貢曰:「紂之不善,不如是之甚也。

是以

君子惡居下流,天下之惡皆歸焉。」

愚按:天下之惡皆歸紂,非天下之惡紂 也,紂自取之耳。 嗟乎! 一念有紂之萌

《子張

即

生有紂之累,可不戒哉?

論語愚按卷之十

九九

100

人皆見之。更也,人皆仰之。」子貢曰:「君子之過,如日月之食焉。過也,

謂敷? 其舊,光彩炫燿,萬景俱新,其此章之 顛覆,未幾改悔,先儒比之日月昏蝕,一復 顯形惲改,故雖暫有而旋無。太甲初年 題數不憚改,故雖暫有而旋無。太甲初年

《學而》

吾必謂之學矣。」能致其身,與朋友交,言而有信,雖曰未學,子夏曰:「賢賢易色,事父母能竭其力,事君

亦必資於學問,而學問實不出於人倫。不病,而勉學者之不可獨恃資質也。蓋美質推廣子夏之心,以救其詞氣抑揚太過之愚按:《集註》「非生質」「必務學」二句,蓋

遠耻辱也。因不失其親,亦可宗也。」●

有子曰:「信近於義,言可復也。

恭近於禮

其謀始之謂 愚按:《易》 圃 後可以爲恭,親 敷 曰:「作事謀始。」此章大意, ? 而 蓋 後 義 可 而 以爲宗。 後 可 以 爲 苟不 信 禮 ·謹

無,當思恭之遠耻,因不可無,當思因之之間,信不可無,當思信之可復,恭不可之於先,必至悔之於後。 君子與人、接物

《子張》

可宗。

子張曰:「士見危致命,見得思義,祭思敬,

「其可已矣」,則子張之病處。 士之爲士愚按:四者固士之所立乎其大,然曰:喪思哀,其可已矣。」

敢。下同此,不再出校。 □ [宗],原作[宗],缺一筆,避阮朝憲宗皇帝廟諱。今回

《學而

務本、奚以爲學哉?

《公冶長》

愚按:看子路之心,在一「恐」字。斯時子路有聞,未之能行,唯恐有聞。

在心,斯其所以爲勇歟?也,前聞未行,後聞將至,皇皇切切,著急

論語愚按卷之十

後學日南 石洞范阮攸輯

瓊 洞胡宗士藏板

孝 類凡十章 學篇二之六

《學而》

子曰:「父在、觀其志,父没、觀其行。 無改於父之道,可謂孝矣。」 三年

所向所發,皆足以觀孝。 愚按:兩「觀」字,見人子所處 惟 没 時, 不同 又 時 重 在 而

(爲政

孟懿子問孝,子曰:「無違。」樊遲御,子告之 曰:「孟孫問孝於我,我對 曰:「無 違。」獎

遲曰:「何謂 也?」子曰:「生, 事之以禮

死,葬之以禮,祭之以禮。」

然則非禮者,豈所以孝其親哉? 今人於 愚按:「無違」二字之意,聖人以禮發之。 生事葬祭之間,或得爲而不爲,或不得爲

而爲之。是則爲孝耶? 爲不孝耶?

《爲政

孟武伯問孝,子曰:「父母唯其疾之憂。」

愚按:人子之身,受之父母。然受之者多 不能自愛,而父母愛之。故孝子必知父母

欲,自作之疾,可不惧哉? 可不戒哉?

之心,不幸之疾,猶恐以貽親憂,况悖理縱

《爲政

哀思,不容

有

别想也。

急於行,則忘親而非孝矣。

三年無改。三年之心,專在

子游問孝,子曰:「今之孝者,是謂能養。 至

於犬馬,皆能有養。 不敬,何以别乎?」

愚按: 生我劬勞,功德罔極,所當致孝之 不亦人而犬馬乎? 故不敬則何養之有? 念,曷有窮已? 世之人或至於蔽欲忘親,

《爲政

子游之賢,聖人猶以爲戒,况其他哉?

子夏問孝,子曰:「色難。有事,弟子服其 有酒食,先生饌,曾是以爲孝乎?」

勞。

愚按: 心,則勞可服也,饌 知難于色,必知難于心。 可奉也, 色不可和也, 苟易其

《里仁

何足以事親哉?

子曰:「事父母幾諫,見志不從,又敬不違,

勞而不怨。」

其 愚按: 人子之於親,視其有過,不可也。 m 和樂孝敬之實,安足以感動於父母哉? 觸其怒,亦不可也。 非心存愛親 致

爲人子者,不可不知此章之義。

《里仁》

子曰:「父母在,不遠遊,遊必有方。」

多。此孝子所以誠 愚按:人子受親之德無 敬戀慕,不能遠遊 極,而報親之日無 如

扶持世教,其言無不備。

不得已,遊必有方。

聖人所以感發人心,

《里仁》

子曰:「父母之年,不可不知也。 則以喜

一則以惧。」

樂之中,有顧影徘徊之意。 過,惧將及 愚按: 玩「喜」、「惧」二字,想見於承顔歡 加 難 防。 蓋在我 喜有限 有 미 不 · 知之 ௱ 易

能自已。 年,而在 天有不可知之年。 聖人之教人孝,備矣。 兩念交纏,不

《子路》

子路問曰:「何如斯可謂之士矣?」子曰:

切切偲偲,恰恰如也,可謂士矣。朋友切切

偲偲,兄弟恰恰。」

蓋以救子路行行之失。學者觸類而充之,愚按:聖人之答子路,只説所以處二倫,

子、君臣、夫婦者也。蔡氏謂後世父兄之未有盡道於朋友、兄弟,而不能盡道於父

千載,能革斯弊? 然士之從事於此者,必誦而已耳。人道之大端,不暇講也。悠悠所告詔,師友之所訓誨,有司之所掄選,記

苟其心先爲功名利禄所役,則開卷如面牆能如子路之問,而後可以服膺聖人之言。

《爲政》

耳

,尚何求士之所爲士者哉?

本與?

爲政,奚其爲爲政?」云:「孝乎惟孝,友于兄弟,施於有政。」是亦或謂孔子曰:「子奚不爲政?」子曰:「《書》

愚按:學者能推聖人之言意,孝友之實,

疏, 則亦豈有爲政不爲政之疑哉? 廓 而 國之政,在天下則爲天下之政。 一理之推。 充之, 在 家 用舍行藏,其道無以異也, 則 爲 家之政, 在 遠 或 邇親 則 爲

附門 人 言凡五章

有子口《學而》

子務本,本立而道生。孝弟也者,其爲仁之矣。不好犯上,而好作亂者,未之有也。君有子曰:「其爲人也孝弟,而好犯上者,鮮

犯上作亂而已哉? 民,由民以及物,而人道盡矣。豈止於不 民,由民以及物,而人道盡矣。豈止於不 仁以復其性,而行之自孝弟始。由親以及 仁以復其性,而行之自孝弟始。由親以及

《詩》云:「戰戰兢兢,如臨深淵,如履薄冰。」 曾子有疾,召門弟子曰:「啟予足,啟予手。

而今而後,吾知免夫,小子 <u>.</u>!

所以然者,都自戰戰兢兢、臨淵履冰中來。 愚按: 即其體之能全,知其心之能全矣。

臨死數言,光明俊偉,上無忝於吾親,下足

警夫小子,遠可以垂訓萬世,賢矣哉!

《子張

曾子曰:「吾聞諸夫子:『人未有自致者也。

必也,親喪乎?」

字。 愚按:曾子就天理呈露處,點出「自致」二 要之發揮聖教,提醒人心,必從至性

中來。

他可 《子張 曾子曰:「吾聞諸夫子:「孟莊子之孝也,其 能也,其不改父之臣與父之政,是

論語愚按卷之十一

能也。」

愚按:故老世臣,成規舊典,多不 便於

人取莊子一節,所以爲萬世人君之法。 年緒業之朝。 非篤孝忘私,鮮有

不改。

聖

少

《學而

曾子曰:「慎終追遠,民德歸厚矣。」

愚按: 德原於吾心之本然, 而施之必 自親

始。 中,悽愴怵惕存焉。 哀痛之中,莊 肅戒謹存焉。 盡厚之心存於吾,而 恭敬之

939

厚之機 觸於彼。 故曰:「草上之風

必偃。」

歸

交 際 類凡六章

《公冶長》

子曰:「晏平仲善與人交,久而敬之。」

愚按: 聖人取平仲,大意在「久」字。

難

〇 五

語 愚 按

愚者 無或怠 於外 交而 足以爲善也。 積 亦 能 將 敬 留而 **,常情皆然。** 悦 如是,則交之賢者樂輔以仁,其 而 未嘗衰; 久而敬 敬之,無往 則真能敬矣。 必存 漸熟 而不得於人,不 於中,操持 而 能敬 ",猶 夫發 之 未

《季氏

亦善哉?

損矣。」 直,友多聞,益矣。 孔子曰:「益者三友,損者三友。 友便辟,友善柔,友便佞 友諒,友

仁,則 愚按: 間 始。 不 故 責善、輔仁,此外 益 可 擇 得 益 者難以爲 爲益。不可 五倫之中,朋友以 益常 旦 加 絶 不 少,得損常多。 擇損,其機 也。 親,而損者又重 無所 然 以責善、輔仁,則爲損 世之人,往往失之於 水馬。 在 義 1我,非 合。 益損 可以責善、輔 其合惟 如天屬之 相 與之絶。 雜 於其 以

> 日親,損者日遠。 必翻然有好直、好諒、好多聞之誠,庶益者 此爲不慎始而欲圖 終者

思云。

衛靈公》

仁者。」

器。 子貢問爲仁,子曰:「工欲善其 居是 ,邦也,事其大夫之賢者,友其 事 必 先 士之 利其

有所法 矣。 惡,何仁之有? 至,有所 先師友。 事,不可以不先利器。 愚按:士之欲爲仁,猶 不然,前 而 勉 夫得其師 進。 而 無 修,然後 得 嚴 其 「惲,群 而 友 足以 師之,則畏心日生, 工之欲善事。 而 欲爲仁,不可 友 無 爲 之, 切 成德 磋,淪胥爲 則 忠 之君子 告日 以不 欲善

《顔淵

止,無自辱焉。」 子貢問 友,子曰 : 忠告而善道之,不 可

則

人而不在天,則告道之機,由我而不由彼。善,無以啟發而感悟之。然締合之誼,在愚按:此章重在「忠」與「善」字。不忠不

《里仁》

可畏哉! 擇居一節,聖人所以教人備矣。愚按:蘭香鮑臭,丹赤漆黑,習染轉移,真子曰:「里仁爲美,擇不處仁,焉得知?」

子曰:「德不孤,必有鄰。」

《里仁》

曰:「順以説,剛中而應,故聚也。」也,故《萃》之《彖》曰:「利貞」,聖人釋之愚按:「方以類聚」,然則德者類之所必聚

附門 人 言凡五章

《學而》

乎?●與朋友交而不信乎? 傳不習乎?」曾子曰:「吾日三省吾身:爲人謀而不忠

成己,而謀身反致於失身,不可不戒。夫此身得於天地,自有良貴,故省己可以愚按:曾子之賢,猶日三省,况其下哉?

《顔淵

弟也。 子敬而無失,與人恭而有禮,四海之内,皆兄 曰:「商聞之矣: 『死生有命, 富貴在天。」 君 司馬牛憂曰:「人皆有兄弟,我獨亡。」子夏 無益之憂,固不可。 又在乎自修而已矣。 有命,富貴在天」,然以義制命,以人成天, 以「如」字足「皆」字之義最精。大抵「死生 言,專以寬慰,而不覺流入於墨。《集註 愚按:司馬此憂,人情之所必至。 君子何患乎無兄弟也?」 委之天命,而 蓋不安於天命,而爲 忽 子夏之 自修

● 「忠」,原作「謀」,今據《論語》本文改。

之實,亦非宜。

故君子敬而

無失,恭而有

無失則 非暫敬之敬,有禮則非足恭之

恭。 患之足言哉? 盡 其在 我, 學者當求子夏之意,而 以順受天命之正 亦亦 何 不 憂

必拘子夏之辭。 此即立命、格天要訣,雖

遇變而常理自在也。

《顔淵

曾子曰:「君子以文會友,以友輔仁。」

愚按: 夫在我,非朋友則孰爲之助? 「切切偲偲」,朋友之義。 兩「以」字, 蓋知行工

見此 外無 所 以 也。 能 如是,群居安有難

《子張

圃

損何自至哉?

賢 拒之。」] 子張曰:「異乎吾之所聞。 何?」對日 子夏之門人問交於子張,子張曰:「子夏云 而容衆,嘉善而矜不能。我之大賢與? :「子夏曰:「可者與之,其 君子尊 不者

於人何所不容?

我之不賢與?

人將拒我,

之厚,魯者之實,偏中自有是處。

宜

一乎曾

如之何其拒人也?」

子之於交,親益 愚按:子夏之失狹,子張之失泛。 而 遠損,斯可矣。

然則君

何

可 爲

《子張》

子夏之拒,亦何可爲子張之容。

子游曰:「吾友張也爲難能也,然而未仁。」

愚按: 友責善每 子游論子張 如 此。 後世則以譏斥爲怨矣。 ,曾子數子夏,古人朋

附門人記諸弟子

《先進》

柴也愚,參也魯,師 也辟,由也喭。

偏,而深警之也。 之無質,由之無文,其病最 愚按:此章先儒以爲聖人之言,指四子之 然求之四偏之中, 難醫。 脯 愚者 則

師

至歟? 能傳道,柴能近道,而師與由,終於不

學篇總説

六卷。 心得躬行之教。 應物,無非彝倫日用之常。 周旋人道,以庶幾所謂正焉。 之四,守其所已得,求其所未能,磨濯吾心, 人,儒者之學,無餘藴矣。 于江漢秋陽,太和元氣前。 而類分之。 此篇謹取《論語》中論學處,凡二百二章,爲 間以致知、力行、孝弟、交際,隨章意 誦斯言,想若與聖門高第,親 由希賢而希聖,自成己而成 紙上餘 省曾之三,克顔 嗟乎! 師, 目前 無非 炙

一〇九

論語愚按卷之十二

後學日南石洞范阮攸輯

瓊洞 胡宗士藏 板

仕篇 三之 一

上 仕 類凡十一

《微子》

季、孟之間待之。」曰: 齊景公待孔子,曰: 「若季氏則 「吾老矣,不能用也。」 吾不 能,以

孔子行。

愚亦謂齊君知有晏子而已矣。聖人爲斯 愚按: 孟子曰:「齊人知有晏子而已矣。」

世斯民而往,知吾道之必不可行而去,豈

計齊之如何待哉?

子曰:「道不行,乘桴浮于海。● 從我者,其 由與?」子路聞之,喜。子曰:「由也,好勇 《公冶長

過我,無所取材。」

我, 愚按: 聖人之藏? 掖,一何深且 捨世以長往? 自喜於浮海之從。 裁度之以理,故無以抑其憤世之氣 夫子所以許之與? 子弟服勞,又烏肯以困苦流離易其志,此 共朋無憾。 無所取材」八字,斂其氣質之勇,以求 子路,天下之大勇也。 敝袍、狐貉,視物頓忘。 而聖人德盛量洪,豈真 至哉 方許而遽非,則其循 嗟乎 1 情其爲勇所驅,不能 學者涵泳「好 1 浮海豈所 車馬、 輕裘 况於 勇過 循 恝然 以爲 而 誘 輙

0 释浮」、底本作「浮桴」、據《論語》乙。 《微子

所 謂 義理之勇,其庶 幾 乎?

《述

子謂 子曰 必也,臨 是 顔淵曰 夫 暴虎馮 事而惧,好謀 !」子路 "「用之則行,舍之則藏,惟 河,死 日 而 耐 「子行三軍 成者也 無 悔 者, 吾不 則 誰 與 與? 我 也 與

於血 樂生,以是希賢希聖,亦無 然學者須持畏命之心,涵養充積 我,更不問命。《集註》取尹氏之説,曰 以義之安不安爲行藏。 命而 三千之徒,獨與顏子有之,此豈易能 愚按:常情以得不得爲行藏,故中人 命不足道也。」其開示後學最切。噫! 藏 氣之勇,至以行三軍爲問,則舍之豈 不求,小人則彊 命 而 兩 無耻 不可。 「則」字,其 惟 ()性 子路 聖 (猶畏 人 得 哉 理 傷 在 直 ? 而

> 子行 人 歸 女樂, 季 桓 子 受之,三日

不

朝

孔

齊

呼! 欲而 於魯。 愚按: 弗克由,舉天下皆齊、魯 聖人 齊人不能用聖人,猶恐聖人之得 然則非 道 德,孰不知之? 不知也, 用之爲 也 惟 難 其 耳。 栖 被 栖 於 于 便 用 嗚

《子罕》

行,豈非天

郭

子曰:「 其如 之徒 噫 不 悲時之不遇己,則爲聖人之惓惓, 怨己之 此時、此語、此想,豈果我輩所能 在,而不能自已之餘意,猶可於此想見。 愚按::「已矣夫」三字,用舍行藏,氣象自 遇 1 天何 時,則爲常人之悻悻。 與而誰與」,夫子之心,則如斯 「鳳鳥不至,河不出圖」,夫子之道 鳳鳥不至,河不出 ? 「鳥獸不 可 圖,吾已矣夫。」 與 同 學者於此,當 群,吾非斯人 測知,然 世何?

有辨焉,庶乎知所以自樂矣。

《鄉黨》

時哉!」子路共之,三嗅而作。色斯舉矣,翔而後集。曰:「山梁雌雉,時哉

時,此即歎雉之深意,豈子路所能知哉?於《易》,發明六十四卦、三百八十四爻之審。物之時哉如此,人當如何哉? 聖人審。物之時哉如此,人當如何哉? 聖人人當,則知擇處之不可不思按:玩「斯」「矣」二字,則知見幾之不可

《子罕》

價而沽諸? 子曰:「沽之哉! 沽之哉!子貢曰:「有美玉於斯,鞰匵而藏諸? 求善

我待賈者也。」

人固欲行道以救世,而終不枉道以從人。而不可求。待則其信全,求則其美失。聖愚按。美玉本以沽而非以藏,然沽之可待

無他,於理欲上分明耳。

《八佾》

子曰:「事君盡禮,人以爲諂也。」

秋,禮教崩,臣節壞。下之諂上,無所不臣分義,截然於天高地下之間。世至春愚按:此章當細分「禮」與「諂」二字。君

數語從容温厚,含蓄不露,而所以誅當時、秩,非人所私。無禮於君,見者必逐。此聖人之諂,可勝歎哉? 嗚呼! 禮者天至,而於所當盡禮處,反不能盡,遂就於疑

《述而》

警後世最嚴。

子曰:「甚矣吾衰也! 久矣,吾不復夢見

周公。」

其爲東周」意同。固急於濟世之心,亦安武之身,而有周公之夢,與「吾從周」、「吾世運之衰也。以羲、黄、堯、舜、禹、湯、文、愚按:聖人不衰,世運未衰。聖人之衰,

位,天下大同,何有於周公? 於臣節之心充之,而思其次也。聖人得

《微子》

微子去之,箕子爲之奴,比干諫而死。孔子

于先王而已。聖人表而出之,見觀人者不避異,而三仁之心則未嘗異。無他,自獻之安。不幸遇一不仁,而有三仁之迹。迹思按:三人非欲爲仁也,隨分所遇,惟理曰:「殷有三仁焉。」

《泰伯》

于其迹而于其心。

德,其可謂至德也已矣。」 子曰:「三分天下有其二,以服事殷。 周之

於《春秋》書「春王」,亦此意。君臣之大法。聖人於《易》《詩》皆稱文王,愚按:此章蓋爲千萬世存名分之大防,立

_

論語愚按卷之十三

後學日南石洞范阮攸輯

瓊洞胡宗士藏板

仕 篇 三 之 二

中 仕 類凡十八章

《公冶長》

子使漆雕開仕,對曰:「吾斯之未能信。」

子説。

此聖人所以使開。惟開也見得其大,而不已信於斯哉? 亦量其材之可仕則仕耳。愚按:是時,聖門高第多仕亂國,豈果皆

之遲早每由人。學者思焉。之裁度常在己。今之仕爲欲

深一層。

噫 !

古之仕以理决

也,

則

可

否

驅

也

引,則得

失

之外,較諸子尤覺著實,故説

他

比

使

他

又

志道之篤,進道之勇,忽出於聖人意

許

待

《泰伯》

道,貧且賤焉,耻也。邦無道,富且貴焉,邦不居。天下有道則見,無道則隱。邦有子曰:「篤信好學,守死善道,危邦不人,亂

耻也。」

好學。 本領。 等耻人而已矣。 這八字,尤不可 愚按:此章開首八字實相須。 則能審於去就、出處之義。不然,則爲二 非學則守不到,無守是學未成 召忽、荀息守死 缺 彼許行、陳相 0 丽 夫學與守,學者大 不能善道 篤信而 兼是四者 不能 E 見

遽安於其小。

回答一言,想見見道之明,

也

知禮

也

当皆

足

以

舉

職。

若人欲

難

耻 憲 也。 問 耻 子 日 · · · 邦 有 道 穀; 邦 無 道, 穀,

子之所事也。提出兩「穀」字,爲仕者之愚按:聖人取「學三年不至穀」者,穀非君

耻 問、聖言在耳。 般 人皆 彼肉 미 點 食 而 醒 反之於心,而無陷於耻,其 無遠謀,素 學者 就 此 餐 求之,宛然 而 昧先幾,二 憲

《公冶長》

庶乎!

知其仁也。」「赤也何如?」子曰:「赤也,束也,千室之邑,百乘之家,可使爲之宰也,不也,不知其仁也。」「求也何如?」子曰:「求又問。子曰:「由也,千乘之國,可使治其賦孟武伯問:「子路仁乎?」子曰:「不知也。」

平,所 克,心 而 仁體 德 以 至大,亦非武 難全,彼 勉 進 人才。 固 日 伯所 月 精 至 神 知 焉 在「不 聖人 何 可 知一 辭 驟 語 氣 和 ?

《公冶長》

字上。

恭,其事上也敬,其養民也惠,其使民 子謂:「子産有 産,可 己、事上、養民、使民。能以恭、敬、惠、義 德盛 爲主,雖其人未必純乎道,其事則合乎道 聖人亦非有意於單 愚按:"此章《集註》但取吴説置圈 則 想像得之。 言精,細 君子之道 認 夫君子之道,莫大於行 「有」字而 數他長 四焉: 其 以 子 见 産 所 行 之 外。 也義。 短 爲 己 也 蓋 子 旧

《公冶長》

矣。

學者勉焉

其仁也。」

帶立於朝,可使與賓客言也,不知

按:武伯三問仁,只以才答。

蓋

勇也,

色。三已之,無愠色。舊令尹之政,必以告子張問曰:「令尹子文,三仕爲令尹,無喜

新令 陳文子有馬十乘,棄 乎?」曰 尹 「未 何 如 ? 知 馬 子 日 而 得仁?」「崔 : 違之。 忠 矣。」 至於他 子 日 弑 : 邦,則 仁 齊 矣

子曰"「清矣。」曰"「仁矣乎?」曰"「未知,又曰"「猶吾大夫崔子也。」違之。何如?」曰"「猶吾大夫崔子也。」違之。之一邦,則

焉得仁?」

而非出於自然,則非仁爾。聖人不輕許二豈易言哉? 忠、清亦不在仁之外,但近名斷其心,不知事僅可而心則私者有矣。仁愚按:子張未識仁之爲仁,故因其事而欲

《公冶長》

子,正所以

教子張。

子曰 其知可及也,其 「甯武 子 愚 邦 不可及也。」 有 道 則 知 邦 無 道 則 愚。

有道之世者,每遠危避險於無道之時。武愚按:凡人智多不能愚。蓋安常順處於

君與身 子犯 謂愚者非真愚。 難 兩 不 顧 全,又高 其 迹 「愚」字特對「知」字説,故 出 似 凡 凡 人之愚。 人之知之上 就 中 則 能 所 使

《雍也》

日

愚不可及也」,狄仁傑庶幾焉

有?」日 從 季康子問:「仲由 「由也果,於從政乎何有?」曰:「賜 政 也與?」曰:「賜 : 「求 也可 可使從 使從 也達, 政 政也與?」子 也與?」曰:「 於 從 政 也 乎 日 可 求 使 何

也藝,於從政乎何有?」

愚按: 玩三「也與」字,有藐視人才之意,

陋哉! 學 有志之士 而深警季氏也。 圃 優 則 聖人三以「何有」答,所以進三子, 必必 仕 也兼三子之長,加 不然,且當爲漆開之守,而 然此乃用人者 之以 所 當 學問 知 爾

《泰伯》 無急急於仕與。 其仁

!

子曰:「不在其位,不謀其政。」

謀,每 愚 按 出於炫長好 謀 非 所 職 ,君子耻之。 事者之所 爲 蓋越 也 미 位 不 之

戒哉?

《公冶長》

子曰:「邦有道,危言,危行。邦無道,危行,

言孫。」

孫則 也。 然失其正,則入 愚按: 危有截然難攀之高, 人不得而浼我 然失其 有 渾 然不露之順,人不得 Œ 於阿 則流於矯激,而 諛 而 非孫矣。 加 犯我 非 故非存 危矣。 也。

《憲問》

養之正,不足以語此

不以兵車,管仲之力也。如其仁!如死之,曰未仁乎?」子曰:「桓公九合諸侯,子路曰:「桓公殺公子糾,召忽死之,管仲不

之生。 物廣。 所及。 及。 愚按: 義,白當有齊。 而守己貞。 以仕者有安天下之功而言,仲 且糾、白皆齊出,而白兄也。 以仕者忠於所 聖人就仁者事業處許仲,亦以 子由勇於義者,故重忽之死 仲從容佐齊之伯,其功高 忽慷慨殉糾之難,其節苦 事 而言, 忽非 :仲之所 非 而 曉 權 輕 而 忽之 由 仲 及 以

(憲問) 也與?

其被髮左袵矣。豈若匹夫匹婦之爲諒也,自侯,一匡天下,民到于今受其賜。微管仲,吾不能死,又相之。」子曰:「管仲相桓公,伯諸子貢曰:「管仲非仁者與? 桓公殺公子糾,

得國也,非不正。當是時,周室衰,諸侯可相也。夫桓,齊公子也,爲糾之兄。其愚按:子貢不取管仲之相桓,意以爲桓不

經於溝瀆而莫之知

也。」

楚。 之,使子貢就王伯本領處問,而論 之諒,而 則齊不伯,齊不伯則周室亡,中國 横,生民被其患,諸侯無所統紀。 子貢直言仲相齊之非仁,是徒 不通仁者之權宜。 聖人以 仲之未 必 仲不相 泥 此 爲 匹 曉 夫 荆

《憲問》

仁,聖人必不如此告矣。

聞之,曰:「可以爲文矣。」 公叔文子之臣大夫僎,與文子同升諸公。子

光明,不亦文乎? 在上位當存文子之心,愚按: 忘分薦賢,順乎理也。順理則氣象

《憲問》

而後無遺賢。

愚按:「勿欺」積於平日,「而犯」發於臨子路問事君,子曰:「勿欺也,而犯之。」

即所以見「勿欺」之實。欺而犯,則無以使時。「勿欺」即所以立「而犯」之本,「而犯」

流於趨媚求合。這六字,一戒一勸,爲訓之見信,而所犯爲賣直。勿欺而無犯,將

《憲問》

備矣。

子曰:「賢者辟世,其次辟地,其次辟色,其

次辟言。」

不辟。辟之所以合義,而遇有不同,則所愚按:賢者,非有意於辟也,蓋所遇不得

辟亦隨乎所遇。三「次」字,須作辟之次第

看,不當作賢之次第看。

子曰:「作者七人矣。」

愚按:春秋氣運之厄,自非有聖人大力

諸生叩閻於宋末,無益於國,自陷其身,可量,則七人之作,亦高矣。群賢標於漢衰,

《衛靈》

不

·戒哉?

子曰 矢。 一直直 君子哉遽 哉 史魚 伯 玉 1 -邦 邦 有 有道 道 如 則 矢, 仕, 邦 邦 無 無 道 道 如

則可 卷而 懷之。」

之辭。 來 愚 從氣禀中來,則爲魚之峻截。 按 ,則爲玉之圓融。 提 然詳玩聖人言意,二者人品自别。 頭起「直哉」、「君子哉」、皆許他 仕者當知所擇焉 從涵 養 中

《衛靈》

子曰:「事君,敬其事而後其食。」 愚按: 此章大旨全在敬。玩兩「其」字,事

先,即食看得後,不期然而自 心惟恐吾職之未修,而不敢少怠。 然。 事 看得

是吾分内之事,食是吾分内之食。

敬則

其

附 門 人 言凡六章

《子張

厲 子 己 夏 也。 日 : 信而 君子信 後 諫,未信 而 後 勞 則以 其 民 爲 未 謗 信 己 則 也 以

爲

愚按: 字,方是事上、使下之盡善。 不容不諫者,義不得 事有民未信 而不容不勞,上未信而 E 也。 「信而 後」二

《子張

子夏曰:「仕 愚按: 仕之善。 急,斯可矣。 其學之成。 既仕則仕之事爲重,而學特以 方學則學之事爲重,而仕特 .而優則學,學而優則仕。」 君子各因其時 然仕不學 ,則爲 以 未信之仕,學 權 其 事之緩 助 以

觀

953

其

《子張》

不仕則爲未用之學。

失其 孟 氏使陽膚爲 道, 民 散 久矣。 士師,問於曾子,曾子曰:「上 如 得其情,則 哀 矜 mj

勿喜。」

愚 按 堯舜之世,民 自 示 犯於 有 司。 後世

語 愚 按

言。 流遂至於漢武之株連萬數,則天之羅織 往鞠獄爲能,而鞠獄往往以得情爲喜。 不東民以教,而但東民以刑,故法官以往 嗟乎! 春秋以降,能爲陽膚之問、曾 其 千

子之答,有幾哉?

《里仁》

疏矣。」 子游曰 : 事君數,斯辱矣。 朋友數,斯

先見其不合之機,數則疏至而隙生矣。 其不合之幾,數則辱至而禍生矣。 告友不 愚按:《易》曰:「見幾而作。」事君不先見

《泰伯

人也。」 曾子曰:「可以託六尺之孤,可以寄百里之 命,臨大節而不可奪也,君子人與? 君子

可奪之節,然後可以託六尺之孤,可以寄 愚按: 上兩「可」字應下「不可」字。 有不

> 百里之命。斯人也,非平日深知預養,則 我越如蘇憲誠亦可以當之矣。 事變之來,豈易得哉? 爲政者不可不思。

《雍也

辭焉。 季氏使閔子騫爲費宰,閔子騫曰: 如有復我者,則吾必在汶上矣。」 「善爲我

爲我辭」,何等從容! 由我。季氏之宰,豈能以加閔子哉?「善 愚按:學者明於義理,則出處去就,權度 「必在汶上」,何等

勇决! 以德行稱,宜哉!

論語愚按卷之十四

《先進

後學日南 瓊洞胡宗士藏 石 洞范阮攸輯

板

下 仕 類凡八章 仕篇 三之三

《公冶長

子曰:「臧文仲居蔡,山節藻棁,何如其

知也?」

足以用《易》? 以稽疑。 愚按:《易》所以微顯 能窮《易》之理以致用,然後可求《易》之神 文仲 **僭禮**,則悖理矣。 而專務諂龜,豈不惑哉? 闡幽,推往知來。 悖理,何 惟

子曰:「非吾徒也,小子鳴鼓而攻之可也。」 季氏富於周公,而求也爲之聚斂而附益之。 其君,本借謀國以謀其身,不過適以誤國 臣戒也。 愚按:聖人深責冉求,所以爲萬世聚斂之 而誤身,其端一 夫挾才而不窮理,徒以聚斂 開於冉求。 後世如桑弘 而導

《先進》

哉?

故曰:聖人不作,聚斂之臣不絶。

身,則豈至急於求仕,而甘爲不義之行

不知戒。

嗟乎! 聖人之道,反而求之心

謂大臣者,以道事君,不可則止。 曰:「吾以子爲異之問,曾由與求之問。所 也,可謂具臣矣。」曰:「然則從之者與?」子 季子然問:「仲由、冉求可謂大臣與?」子 今由與求

國,而身亦亡不旋踵。然士之執中者,猶

羊、王鉷、劉晏、皇甫鎛之徒,往往敗人之

曰: 弑父與君,亦不從也。」

則卒然大事變、大利害之臨 有素,果能 大惡所奪。 道自 愚 季氏爾,玩「亦」字可見。 按 持。 時蔽 平日習熟於綱常之教,猶 記耻爲 聖 錮於物欲之私,固不 人不絶由、求,正 具臣,乃能不 仕者 ,鮮有不易其 爲 心存? (賊臣。 所 以 能以 養 不 講 深 至 否 警 貫 爲 正

《先進

其

與聞之。

所守矣。

後爲學?」子曰:「是故惡夫佞者!」 子路曰: 子路使子羔爲費宰,子 有民 人焉,有 社 日 一:「賊 稷 焉,何 夫人 必 之子。」 讀 書 然

羔。 賊 其後言之不是,直折其初意之不然也。 佞 愚按:子路不知未學之可仕,率爾欲使子 處。 責之,他便撰出這 想頭原未有下文對聖人意,因聖 故聖人舉平日所嘗惡者 話來,以 掩其錯 折 他,非折 Ē, 人 以 是

> 字, 尚 精。 集註》「非其 惕 則 嗟乎! 然 逞 知 辨 畏, 毋 禦 玩 本意」與「不斥其非」等語最 上「賊」字,則未 急 尚 仕 悚 以 自 然 賊。 知 改, 學而仕者, 玩 毋 下 「惡」 自 陷

於佞。

《子路》

冉子 政。」子曰: 退 朝, 「其 子 日: 「. 事 也。 何晏 如有政,雖 也? 對 不吾以,吾 티 : 「有

聖人 以家 愚按:「有政」一 ·實以 因 臣列大夫,名分大防,爲其 而諷之, 垂至訓於萬世 辭 對,偃 婉義 嚴 然 以 非 大夫列 惟 所 阻戾心於 損 諸 多 矣。 侯,

《憲問

時

子 君,吾不信也。」 日 . 臧 武 仲 以 防 求 爲 後 於 魯, 雖 日 不 要

愚按:武仲用其小智,以爲人所不知。 聖

人提 出以防求後,明正要君之罪,所 以 抉

微隱 當挾勢以求,亦不當挾寵以求矣。 懼 奸邪 後世 人 臣,知 戒乎 此, 挾未 固 有 不

《衛靈

不敗。

子曰: 二 臧文仲,其 竊位 也 與? 知柳 下 惠之

賢,而 不與立也

矣。 奈何? 所可私,既知有賢,而不與之共,則此位 愚按"文仲罪在「知」字上。 蓋天位非己 雖居,與盗何 日 要在誠心,不爲塞責,誠未 .異? 然舉 而 上不用 則 有 私

《陽貨

不動。

也,患得之。 子曰:「鄙 夫 既得之,患失之。苟患失之,無 미 與 事 君 也 與哉? 其未 得 之

所不至矣。」

愚 按:聖人提出三「患」字,深悉鄙夫之情

> 狀。 獨 患,而天下國家之患隨之矣。 之終。苟患之患,患之極也。 事君者所當戒,用人者可不戒哉? 蓋未得之患,患之始。 既得之患,患 彼得行其三 嗚呼!

豊

附 門 人 記凡二章

《微子》

柳下 乎?」曰:「直道 惠爲士師,三黜,人曰:「子未可 而事人,焉往 而 不三 以 黜 去

枉道 愚按: 惠之行則和,惠之道則直,惠之意 而事人,何必去父母之邦。」

則不恭。三點不去,和也。 守道不枉,直

也。

逆料天下之皆不容直道,不

恭 也。

雖

然,非惠之直,豈可徒效惠之和,亦豈可專

《微子》 議惠之不恭哉

缺 大 師 適 秦 墊 適齊 ,鼓方叔 亞 飯干 人於河 適 播 楚, 鼗武 飯 繚 入於漢 適 蔡 小 四 師 飯

陽

擊磬襄

人於海。

舊在「逸民伯夷」章之下。

以賢 何 聖人得政,則此諸賢者皆得 愚按:賢人流散,此其 患 魯國 人隱爲懼矣。 之不治哉? 爲 然則爲政者,亦可 遯之時乎? 以在 於其職, 使

仕 篇 總 説

人,誠 此篇謹 鑒 者之功,史魚之直,武子之愚,公叔之升家 何 玉之疑, 與顔淵。 四 戒。 十五 適歟? 不足以言仕也。 夫「仕」字從「士」從「人」,蓋非士 章,分上、中、下類爲三卷,以爲仕 取《論語》中聖人、賢人、小人之事,凡 皆未足以 當時 至若子産有 高第 語 如 此。 仲由 君子之道,管仲有 聖人以 仕之準 乘桴之喜 用 -的,捨 行,捨 子 兹 貢 藏 其 隱 非 者 獨

> 爲下。 道,俯 君。 夫! 臣 訓,求之則得,捨之則亡。願以 謂之鄙夫。 亦所以自勉 未仕,則學事君之道;既仕,則行所學 亦各有取 雕 有志於上 君臣大義,原諸天地,本諸人 仰 開之見大意 又况所 於天 焉。 人臣聞 地間哉? 一,猶得 志既 其 ,凡此皆中人之勉進者 餘謂 下,其何 此,亦 其 中。 之具 歷 可 歷 苟志 以 以 臣,謂之竊 遺 行 此 悚惕矣。 編,無 於 臣 望士大夫 心。 中 義,合人 ·, 不 以 非 士之 位 免 事 嗟 聖

四

論語愚按卷之十五

愚按:

名分定則

爲

有,名分紊

則

爲

《書》云:「天佑

下民,作之君。」君者

,所以

後 學日 南 石 洞 范 阮 攸

瓊洞 胡宗 士 藏

板

謂

「夷狄行夷狄事,中國行

中國

事」,安

夷狄之有,聖人所以痛之也。

必如邵子所

夷狄之亡不足論、諸夏之亡、是移其有

爲

爲民而作之也,可以一日亡乎哉?

噫

政篇卷四之一

正 己 類凡二十五章

《子路

子曰: 「苟正其身矣、於從政乎何有? 不能

正其身,如正人何?」

愚按:「何有」,甚言其易。「如何」,甚言

其難。 難易之機,存乎身之正否耳

《八佾

子曰 「夷狄之有君,不如諸夏之亡也。」

> 《八佾 得亡。

對曰:「君使臣以禮,臣事君以忠。」

定公問。「君使臣,臣事君,如之何?」孔

愚按:《書》云:「后克難厥后,臣克難

厥

思克艱,則爲君惟恐不盡其在君之禮,爲 臣」,先聖後聖之言,一意相貫。 荷君臣 各

臣惟恐其不盡其在臣之忠。上下懋勉,一 由乎天理之當然。 君非以禮爲作忠,臣 非

以忠爲報禮也。《集註》「自盡」二字,實以 兩「以」字之義。不然,尊位 重禄,

發

語愚按卷之十五

二五五

一二六

菲飲食,而致孝

所謂「以」哉?

《八佾》

何以觀之哉?」子曰:「居上不寬,爲禮不敬,臨喪不哀,吾

愚按:事事必有其本。本既立,而事有過 長之。 長之。

《雍也》

子曰:「觚不觚,觚哉! 觚哉!」

愚按:舉

觚以慨天下之名存實亡,程、范

二義,皆推廣聖訓餘意,故《註》取置圈外。

人思所以人,可不如觚所以觚哉?

而盡力乎溝洫。禹,吾無間然矣!」乎鬼神,惡衣食,而致美乎黻冕,卑宫室

子曰:「禹,吾無間然矣!

身、家者不可不知。蓋當豐而儉,當儉而可也。推此義,不獨可施之國、天下,有愚按:聖人重嘆以美先聖,示豐儉必當其

《子罕》

豐,人人皆得而非議之。

巽與之言,能無説乎? 繹之爲貴。説而不子曰:「法語之言,能無從乎? 改之爲貴。

愚按:從而改則爲成湯之「從諫弗咈」、繹,從而不改,吾末如之何也已矣。」

繹之心。「已矣」,深嘆之辭,警世最嚴。可説之理。兩「爲貴」,見聽者當有必改、必乃言惟服」。兩「能無」,見言者固有可從、「改過不吝」,説而繹則爲高宗之「旨哉説,

《顔淵》

《泰伯

嗟乎

行焉,可謂明也已矣。浸潤之譖,膚受之愬,子張問明,子曰:「浸潤之譖,膚受之愬,不

不行焉,可謂遠也已矣。」

其急。 己。 匆匆迫切,急以動之,我自從容,他無 以人之,我自明白,他無所用其緩。任他 之巧者也。「行焉」,常情者也。 愚按:「浸潤」,譖之巧者也。「膚受」,愬 不足以爲明。 心有把持,有主張,任他暗暗搬弄,緩 能察無 玩「不行」二字,正見「遠」、「明」 他,存乎吾心之居敬、窮 明必遠,然後能 察 明非遠 其 所用 所 理 難 而

《顔淵》

君,臣不臣,父不父,子不子,雖有粟,吾得而臣,父父,子子。」公曰:「善哉! 信如君不齊景公問政於孔子,孔子對曰:「君君,臣

其道。 臣、子也? 不臣不子,其得生而食粟乎? 世大閑。 君、臣、父、子並説,是分其責於臣、子,而 聖人意平語婉,其微意自在 愚按: 一説 不以自任。齊國卒亂於嬖子强臣,豈 而臣、子聞此,苟不悚然於心,則如之何其 而不繹」者哉? 然則 上四字,是 爲君、父而不知此義 君 君、父父,而 指其人,下四字,是指 嗚呼! 後 語 表。 ,固爲景公。 臣臣、子子, 言八字,萬 景公以 非

《顔淵》

無宿諾。」 子曰:「片言可以折獄者,其由也與? 子路

自「惟明克允」載於《書》,至聖人取子路,「可以」二字,是虚説理,不是實説事。夫明决,有孚於平素如子路者,其可哉? 玩也。片言折獄,折獄之最易者也。非忠信也。片言折獄,大而且難也。片言,言之少

大旨益著。後世律例愈煩,文案愈廣,而

其選而謹其命焉,庶幾得之矣。陶、子路世不數有,此又擇人者所當知重獄愈亂。 治獄者盍亦反思其本乎? 然臯

《顔淵》

子張問仁,子曰:「居之無倦,行之以忠。」

無倦,則不欺之事,難以久存於心。大發於事。「以忠」,不欺之誠也,然居非息之誠也,然行不以忠,則不息之心,無以愚按:八字兩意,其實相須。「無倦」,不

《顔淵

子帥以正,孰敢不正?」季康子問政於孔子,孔子對曰:「政者正也,

而不在人也。知所以帥,則先務正己,而正之外,别無所謂政也。帥者,其機在我愚按:爲政者當著力在「帥以正」三字。

人自正。

不知

所以

(帥,則

專欲正人,而人

爲可忽哉!理,間不容髮。苟有志於政,其無以聖言亦不可正。私分於一念之微,而感應之

《顔淵》

不欲,雖賞之不竊。」
季康子患盗,問於孔子,孔子對曰:「苟子之

愚按:《書》云:「民生有欲,無主乃亂。」

哉? 盗竊 盗,如民盗 盗生於欲者也。 不竊」,所以明其理之必然。「大道之行 康子徒患民之欲,而不患己之欲。 荷子不欲」,所以救其心之已陷。 亂賊不作」,正如此。 故「不欲」二字,乃主民止盗之本。 何? 以欲禁欲, 豈所謂主之 聖訓 從容,辭簡 後世惟唐太宗 是己自 「雖賞 意

《顔淵》

庶幾焉,而非真矣。

季康子問政於孔子曰:「如殺無道,以就有

子欲善,而民善矣。君子之德風,小人之德道,何如?」孔子對曰:「子爲政,焉用殺?

草,草上之風必偃。」

「好生之德,治于民心,民用不犯于有司」,殺促其祚,爲政者不可不思。《書》云:善則性復於此,而後世猶不知戒,秦、隋皆以好聖訓凛然,而後世猶不知戒,秦、隋皆以好聖訓凛然,而後世猶不知戒,秦、隋皆以好重,民之性也。無道,乃其情之勝耳。欲愚按:康子殺心之萌,此最害政。夫有

《子路》

蓋此章之意。

子路問政,子曰:「先之,勞之。」請益,曰:

「無倦。」

遽請益,便是勇躁病處。祇曰「無倦」,此先之、勞之之外,豈復有餘藴哉? 方答而愚按:政者,正也。正則本諸身而已矣。

意固已在「先」、「勞」二字中,子路聽

不

《子路》

到

爾

不興。 不順。 之必可行也。 則民無所措手足。 君子於其所不知,蓋闕如也。 之迂也! 子路曰: 曰:「必也,正名乎?」子路曰:「有是哉,子 愚按:是時 禮樂 言不順,則 「衛君待子而爲政,子將奚先?」子 奚其正?」子曰:「野哉,由 不 君子於言,無所苟而已矣。」 輒位未定,他人謀衛,不過 興,則刑罰 事 故君子名之必可言也,言 不成。 不中。 事 名不正,則言 不成 刑 ,則禮 罰 不 也 中 借 1

不正。本領既殊,規模自别。彼疑聖人之子路之政,在於定輒。定衛正,而定輒則告以立。以子拒父,何以有國? 不正其權定位而已矣。孰知父子三綱之首,國所權定位而已矣。孰知父子三綱之首,國所

| 三〇

尤嚴。 於心哉? 實萬世之大防。 迁 不正名之禍以 加 不 信乎無先於此者,豈獨一時 自 知 其 、曉之。 爲 亂臣賊子聞之,寧不悚然 小 人 一章三「必」字,語 之 野 故 聖人 至訓 極 意 言

《子路》

不從。」
不行。其身正,不令而行。其身不正,雖令

「其」字,專指在上者之身。 必然之辭,明民之從身而不從令也。兩 愚按,「不令而行」、「雖令不從」八字,皆

《子路》

乎一言而 「爲 諸?」孔子對曰:「言不可以若是其幾 曰:「言不可 定公問:「一言而 君難,爲臣不易。」如知爲君之難也,不幾 興邦乎?」曰:「一言 以若是 미 以興 其 幾 邦,有諸?」孔 也。 人之言 丽 喪 邦,有 曰 子對 也。

> 違也。] 如善 而莫之違也,不幾乎一言而喪邦乎?」 人之言曰 己。 心。 敬生矣。敬則百事治,邦不有興幾乎? 善」字。 臣,其慎哉 不有喪幾 心樂其不違,而 知,則爲君可以愧於爲。 愚按:上一節,重在知「難」字。 而實已伏 以此二言,反求諸心。 然豈獨 不 子 於是。 乎? 而莫之違,不 善而 人君 無 樂乎 肆生矣。 莫建,則 兩「不幾」雖 爲定公發,故 所當戒? 爲 亦 君 徒 下一節 肆 善乎 知 唯 心知其難 未 則衆惡萌,邦 得君 其 爲君之樂 ? 必期 歸 言 ,重在「不 難 行政之 宿在 如 而 於是, 而 不 莫 , 子 君 善 而 而 不

《子路》

不成。」 小 子夏爲莒父宰,問政,子曰:「 利。 欲 速, 則不達。 見 小利, 無 欲 速, 則 大事 無 見

乘之國」、「爲政以德」二章,是不見小成」、「必世後仁」,皆不欲速之實。「道千必然。自一邑推之天下,則所謂「三年有愚按"二「無」,禁其如此。二「不」,斷其

《憲問》

之實。

不譎。」子曰:「晉文公譎而不正,齊桓公正而

道 然,而其迹愈悖。 變,人心安於伯矣。召王、請隧,氣勢赫 秋 愚按: 譎是論文之心, 正是論 「天威之不違」,凡此類皆以義舉。 初猶 嘆。 興師 知 有 周。 曰:「王祭之不共」,拜賜 桓公之伯,未敢侈然自 聖人右桓於文,可爲世 桓之迹。 又降 春 用 :

《季氏》

季氏將伐顓臾,冉有、季路見孔子曰:「季氏

蕭

牆之内也。」

則安之。 與? 將有 戈於邦内。吾恐季孫之憂,不在顓臾,而在 能 是故遠人不服,則修文德以來之。既來之, 聞:有國有家者,不患寡 於費。今不取,後世必爲子孫憂。」孔子曰: 是誰之過與?」冉有曰:「今夫顓臾,固 且爾言過矣。 止。」危而不持,顛而不扶,則將 曰:「求,周任有言曰:"陳力就列,不能者 曰:「夫子欲之,吾二臣者皆不欲也。」孔子 域之中矣,是社稷之臣也,何以伐爲?」 而患不安。蓋均無貧,和無寡,安無傾。如 求,君子疾夫舍曰欲之,而必爲之辭。 來也,邦分崩離 事於顓臾。」孔子曰:「求, 夫顓臾, 昔者先王以 今由與求也 虎兕出於柙,龜玉毁 析 而 相夫子,遠人不服 不能守也,而 丽 爲東蒙主 患不均,不患貧 安用彼 無 乃 公於櫝 謀 爾 H 相矣。 一冉有 動 是 丘 而近 而不 在 也 過 邦

乎! 之, 病。 爾。 氏憂。 時 愚 而 按 而特舉「憂在蕭 杜將 聖人始責之,中折之,終以 沮 冉求 聞 顓臾其 奸雄於方熾,誅黨惡於未彰 至 來,便是 不 海 能爲 不覺 實欲奪 一部《春秋》斧鉞 季 牆」一語作 遁辭,此千古具 氏憂,季氏 魯公之臣 以以 結 事 未 理 必 益 党遗直 懼 臣 凛 曉 爲 季 當 凛 告 同 氏 季

季氏

嚴

師

訓

第子

而已哉

孔子 四 世矣,故夫三桓之子孫微矣。」 論 桓僭魯,不旋踵 愚按: 魯僭天子,不旋 有者必失,不宜大而大者必微。」足以 其 曰:「禄之去公室 勢、皆當然 而 者 微於家臣 也。 五 踵 洪氏 世矣,政逮於大夫 而微於大夫。 謂 聖人即 非 其 理 發 \equiv 有 而

無

政。

三桓之僭,由於魯之無政。

爲國者

「因民之所利而利之,斯不亦「惠而不費」

此

章之義。

嗟乎!

魯國之僭,由

一於周

之

而

可 不 謹 哉

《陽 貨

惠。 有功,惠則足以使人。」 下,爲仁矣。」請問之,曰:「恭、寬、信、敏 子張問仁於孔子,孔子曰:「能 恭則不侮,寬則得衆,信則人任焉, 行五者於天 敏則

身一家,以至爲國 也,無一處之不行也,其效驗豈誣 是有所據依,仁之體用亦在其 愚按: 五者雖爲子張而發,而學者亦可因 爲 天下, 無一時之不行 中。 也哉? 始乎一

《堯日

子張問 子曰 費,勞而不怨,欲而 張 猛。」子張曰:「何謂「惠而不費」?」子 目 「何 「尊五美, 於孔子曰: 謂 五. 美?」子 屏 四 「何如 不貪,泰而 悪 斯斯 日 斯 可 可 以 君 以 不驕,威 從政 從 子 政矣?」 惠 矣。」子 日 而 丽 不 不

一念之萌耳。 則爲君子。屏美而尊惡,則爲小人。存乎 愚按:美惡非畫定於□。● 尊美而屏惡,

三四

論語愚接卷之十六

瓊澤日南石洞范阮攸輯

政篇四之二

觀 人 類 上凡二十八章

《衛靈》

子曰:「道不同,不相爲謀。」

爲小人謀,小人亦不能爲君子謀。嗚呼!

愚按: 道不同,則其人相反矣。君子不能

人其慎所謀哉!

《子路》

子曰:「南人有言曰:『人而無恒,不可以作

占,蓋不玩其辭,非知占也。醫且不可作,况其大乎底意愚按:南人言,只看重巫醫。

聖訓便念巫

不恒

曰:「不占而已矣。」

巫醫。」善夫!」「不恒其德,或承之羞。」子

《子路》

「未可也。」「鄉人皆惡之,何如?」子曰:「未子貢問曰:「鄉人皆好之,何如?」子曰:

可也。不如鄉人之善者好之,其不善者

惡之。」

悉實得有執守,其可矣乎! 悉實得有執守,其可矣乎! 悉實得有執守,其可矣乎! 悉實得有執守,其可矣乎! 悉實得有執守,其可矣乎! 悉實得有執守,其可矣乎! 悉實得有執守,其可矣乎! 悉實得有執守,其可矣乎!

子曰:「剛、毅、木、訥,近仁。」

加之以學,可以至於仁,而不徒近矣。 愚按:剛、毅、木、訥,乃質美而未學者。

《里仁》

子曰:「惟仁者能好人,能惡人。」

愚按: 存之公,則施之正。 得,方且用力於仁,何暇妄有所好惡哉? 人心所同。理欲分,而同者反相懸隔 ·惟」,曰「能」,警世最嚴。 , 夫好善、惡惡, 學者熟玩而有 日

〈衛靈》

子曰:「衆惡之,必察焉。衆好之,必察焉。」

就衆論 物之情 未必公。兩「必」字,非委衆論爲無憑,實 愚按:好惡出於衆,似公矣,然迹似公而 加 不能遁。 加察。 仁者無私,而後人之情不 嗟乎! 衡鑑無私,而 後

能

遁。

豈以

衆而

已定哉

論語愚按卷之十六

《公冶長》

禦人以 或曰:「雍也,仁而不佞。」子曰:「焉用佞? 口給,屢憎於人。 不知其仁,焉

用 佞?」

答顔淵「佞人殆」之意。 言「焉用佞」,用佞者之所當深惡也。 仁」六字,其抑揚起頓,言簡 德,則雍未可 仁之一端,則雍何可非? 仁乃聖人之全 曰:「雍不佞」,是輕於非雍。 愚按:或者曰:「雍也仁」,是輕於許雍。 許。 細 認「焉用佞」、「不知 丽 豈知不佞亦 教 備矣。 此即 再

公冶長》

子曰:「吾未見剛者。」或對曰:「申棖。」子 曰:「棖也慾,焉得剛?」

奪,不爲物摇。 得之以爲性,所恃者理,所守者義,不爲勢 愚按:剛者,天道乾德也,陽明之精也,人 故世有似剛 而 非 剛者,遇

三五

利 便昏,遇威便折,悻悻于所忤,役役于所

投,其根類歟

《公冶長

耻之。匿怨而友其人,左丘明耻之,丘亦 子曰:「巧言、令色、足恭,左丘明耻之,丘亦

耻之。」

愚按: 耻亦耻之, 見二者之真 可 耻也。 巧

令之恭,非真

(面目。

匿怨之友,非真

肝

腑。

哲通闢,而世人猶或犯焉,何哉? 般人諂媚,一般人奸險,此古今同嘆,聖

《顔淵

子曰:「君子成人之美,不成人之惡。小人

反是。」

愚按:是君 誘掖 獎 勸」發 子小人用 成 義 心 最 相 備。 反處。 非誘 《註 掖 之則 以

關,而其成之之意則 進不鋭,非 ·獎勸· 之則 守 不堅。 尚謹其所成哉! 美 恶 雖 異

> 路

子曰: 「君子和而不同,小人同 而 不 和

愚按: 存中有義利之分,則形外有 和 同之

異,如富、范之交,辨於上前,退未嘗 别。蓋君子之和也,以義合。 義 殊 失 則 和 處

隙生,如伾、文之黨,未幾相離 氣,是已。小人之同也,以利交。 是也 利 聚 則

《衛靈

子曰:「君子不以言舉人,不以人廢言。」

言。 愚按:能言者,未必能 舉之,則爲所欺。 以人廢之,則 無 示 不廣。 行者亦 有實踐之行。 未嘗無 兩「不以」字, 得之 以言

《雍也

其本在公而已矣。

子曰:「中

人以上,可

以語·

上也。

中人以下,

不可以語 上也。」

愚按:

人性同得於天,而氣禀則有高下之

可

以

知省矣。

異。上、中、下三等,教者之所當知。蓋驟

至於成,則下者亦可以爲中,中者亦可以告而未喻,不若循序而易從。及其漸進而

爲上。此又學者之所當立志也。

《學而

子曰:「巧言,令色,鮮矣仁。」

言,令色,是務外以悦人也。 愚按:學者所以求仁,必以務内爲本。巧

《里仁》

子曰:君子懷德,小人懷土。君子懷刑,小

人懷惠。」

乎善則爲君子,存乎惡則爲小人。學者亦懷土之小人。蓋人之爲心,必有所存。存於懷德之君子。懷惠之小人,其惡已深於於懷德之君子。懷惠之小人,其惡已深於愚按"《詩》云"「維以永懷。」懷者,中心

《里仁》

子曰:「君子喻於義,小人喻於利。」

豈其性然哉? 亦係乎所習之正不正爾。愚按: 君子惟知有義,小人惟知有利。是

故學者當求其本。

《爲政》

子曰:「君子不器。」

愚按: 君子學充德備, 何用弗臧?

以一器名。故瑚璉之貴,止於爲子貢。

「無所成名」,所以爲聖人之大。

《爲政》

子曰:「君子周而不比,小人比而不周。」

之修,未足以爲君子。一念之差,已足以天地之氣有陰陽,人之禀受有邪正。終身愚按:君子小人,只争「公」「私」二字。夫

八佾》

爲小人。豈非陽難感而陰易感與?

《八佾》

非可

子曰 飲,其 君子 無 争也 所 争, 子。 必 也 射乎? 揖 讓 而

升,下而

君

義,則 義,觸事而 愚按:争非君子之所宜有也,然所争者禮 猶 不害於争。 推之,無所争之争,其争之無所 聖人以 射一 端 發 其

争與?

《公冶長

子曰:「伯夷、叔齊,不念舊惡,怨用是希。」 愚按:讀此章見夷、齊之所惡者,惡也,非

至。 惡其 不念則在己有能容之量,在人無絕善 人也。 惡去而 人存,舊染除則 新 善

之嫌,其斯以爲仁與?

子曰:「孰謂 微生高直? 或乞醯焉, 乞諸其

鄰而與之。」

萬物,其能審於是非有無之理,而誠意以 愚按:"一物之小,曲意狥人。况天下萬 事

> 應之乎? 以不見取於聖人歟? 即其· 小以推其 大,此微生之所

《雍也》

子曰:「不有祝鮀之佞,而有宋朝之美,難 免於今之世矣。」

崩頹,其好尤甚。 愚按: 佞美,人情所易好。 士生於衰世,不有豪傑, 當是時,教化

其能興乎?

《述 而

子曰:「聖人,吾不得而見之矣,得見君子 泰,難乎有恒矣。」 恒 者,斯可矣。善人,吾不得而見之矣,得見有 .者,斯可矣。 亡而爲有,虚 而爲盈,約而 爲

恒。 無 不能以爲泰,而爲之者,必無恒之人也。 愚按: 亡不能以 恒之人,自絶於善,故聖人獨拳拳於有 蓋其資質實無僞,果能學問以充之, 爲有,虚不能以爲盈,約

望巔,可登之勢甚難,而可登之理自有。聖人。夫自有恒以望聖人,譬猶自山脚以可以至於善人,可以至於君子,可以至於

《述而》

之日

荷志於登者,循序躡級,進

m

不已,其無登

子曰:「君子坦蕩蕩,小人長戚戚。」

子。 理 内 我本無干涉。 困 者矣。 ,自然心 之, 不知其 固 不 嗟乎 廣 ·足道 爲 體 外 知其爲外而外之,所以爲君 胖 而 功名、富貴、外物耳、於 斯斯 外 内之,所以爲小 之者,必須 見其爲外。 講學 荷置 心 窮 彼

於放曠,超然於事物之外,則西晉之老

莊耳。

《泰伯》

下讓,民無得而稱焉。」子曰:「泰伯,其可謂至德也已矣。

三以天

善處 常名分之重,從容回 讓之中,上順 之際,其勢駸駸乎不可遏。 愚 所不安,義有 句吴,在豈不能朝諸侯,有天下? 君臣之變者哉? 按:泰伯之讓,人徒知其以 父子之變,孰 父心,下全臣節,而 所 不 夫 敢,故寧自泯 知 「轉,凛 商 其 末 以 周 天 然獨 泰伯逃 初,天 下 讓 存。 其 千 或 惟 迹 猶 命 爲 萬 讓 斯 Ë 世 於 能 人 善 人 有 爲 綱 辭 1 爲 處

《泰伯》

之德,不其至歟?

不足觀也已。」 子曰:「如有周公之才之美,使驕且吝,其餘

語 愚 按

德,而 當以理 愚 而 所謂才者,渾 按 但有其 御氣,使理勝 才德 兼 才, 備 然於德之中。 則 所 小 而氣平,則驕吝不生, 以爲 人 前 大人。 己。 有德之實, 故學者必 苟 無 其

《泰伯

而

無才之名矣。

吾不知之矣。」 子曰:「狂而不直,侗而不愿,悾悾而不信,

人? 嘗絶 也。 愚按: 狂者之常理 愿, 悾悾者之常理 人無可奈何之人。 反常背理,爲天地 物? 然絶之亦所以教之。 人自絕於聖人耳。 物絶於天地耳。 必信。 無 其曰:「不知」,絶之 必直,侗者之常 可 奈何之物,即 嗟乎 今也不然, 聖人何嘗 天地 理 爲 則 絶 何 聖 是 必

《先進

子曰:「由之瑟,奚爲於丘之門?」門人不敬

子路,子曰:「由也,升堂矣,未入於室· 也。

之心,亦豈易及哉? 聞未能行,惟恐有聞」二事,則其改過 所以惜之。 誘掖非不至,而行行之氣習終不除,聖人 者之立志,則不當以子路自畫。 愚按:升堂入室,固學之次第當然。 然觀「人告之有過則喜」、「有 不敬者,意又門人之 夫循循之 從善 但 學

下於子路耳,高第必不然。

四 0

論語愚按卷之十七

後學日南石洞范阮攸輯

瓊洞胡宗士藏板

政篇四之三

觀人類下凡二十八章

《先進》

過,商也不及。」曰:「然則師愈與?」子曰:子貢問:「師與商也孰賢?」子曰:「師也

「過猶不及。」

與商之過、不及殆一耳。者。自聖人觀之,則中也者,道之準的,師愚按:自常情觀之,未有不以過爲勝不及

《先進》

子曰:「論篤是與。君子者乎? 色莊

者乎?」

外而無其中,小人之僞爲類如此。 以爲君子,不專取之於言貌之間。蓋有其愚按:聖人之教,貴學者躬行實踐,乃足

《子路》

子曰:「君子泰而不驕,小人驕而不泰。」

戒驕,莫如寡欲。

中,中滿

m

驕至。

學者求泰,莫如循

理。

愚按: 理充於内, 内

虚

丽

泰

1

欲動於

《憲問》

子曰:「有德者必有言,有言者不必有德

仁者必有勇,勇者不必有仁。」

取給,一爲理折則沮矣。無仁而徒勇,行仁,則爲仁者之勇。苟無德而徒言,喋喋愚按:言出於德,則爲德者之言。勇出於

四四

四二

善之才,合之似可矣。

然非

有禮

樂以文

三字,此聖人勘破人情,欲學者之知所行向前,一爲義勝則縮矣。「必」、「不必」

警也。

《憲問》

子曰:「君子而不仁者有矣夫,未有小人而

仁者矣。」

其全體言之,勉此懲彼嚴矣。雖有一隙之暫明,亦不得爲仁。聖人概舉斷,則不免於不仁。小人之心都是不仁,愚按。君子之心都是仁,苟有一息之間

《憲問》

可以爲成人矣。」曰:「今之成人者何必然,不欲,卞莊之勇,冉求之藝,文之以禮樂,亦子路問成人,子曰:「若臧武仲之知,公綽之

愚按:四子之長,或爲一善之德,或爲一

可

以

爲成人矣。」

見

利

思義,見危受命,久要不忘平生之言,亦

戒哉 其但 宜其他 之,則無以去其偏倚邪 之可能,而告之耳。惜子路牿於 而進於渾然粹然之域。 以 ? 日 無苟得、無苟避、不食其言爲成人, 以 勇 圃 死於非義也。學者可不 僻戾乖矯激之失 然聖人亦度子路 一偏,觀

《憲問》

笑,人不厭其笑。義然後取,人不厭其取。」也。夫子時然後言,人不厭其言。樂然後言不笑不取乎?」公明賈對曰:「以告者過子問公叔文子於公明賈曰:「信乎,夫子不

子曰:「其然? 豈不然乎?」

俗常人所與,而不能逃於聖人之疑。蓋人不能與於此。大凡廉謹簡默之士,多爲末累之功。公明賈所言三者,非仁熟義精,愚按:文子固有資質之美,未必有學問積

才必大者可觀 而後小者可録。 惟其天資

高,學力到,和 順 積中,自然發而 中 節。 此

豈文子所及? 亦豈公明賈之所知 哉 ?

《憲問

子曰:「驥不稱其力,稱其德也。」

愚按: 力,而惟見其調良。 驥以德藏力,不見其 君子以德藏 千里追 才,不見 風 之

其大段任事之才,而惟見其盎粹。 知稱驥

《陽貨

則知

稱人矣。

子曰:「色厲而 内在,譬諸小人,其猶穿窬之

盗也與?」

愚按:陰陽剛柔之氣,具於天地而鍾於人

外剛而 内柔則爲 小人。 穿窬之譬,警世

身,未嘗無也。

惟内

剛

而外柔

則爲君子。

《陽貨

嚴矣。

子曰:「鄉愿,德之賊也。」

同意。 愚按:一「賊」字,凛然斧鉞,與 兩漢之張禹、孔光、胡 廣、五 舜

道,唐之蘇味道,宋之曾公亮,此其類與?

代

之馮

誅

四

IXI

老賊誤國,相踵于世。爲政者尚無以

聖訓

爲徒言哉?

《陽貨》

子曰:「道聽而塗説,德之棄也。」

愚按:《易》之《小畜》曰:「君子以懿文 不畜者,聖

德。」輕浮淺露之儔,棄其德而

務内之人哉?

人惡之,爲萬世戒。

爲政者尚無取務外不

《陽貨》

爲上。 子路曰:「君子尚 君子有勇而 勇乎?」子曰:「君子 無義爲亂。 小人有勇 義以 而

無義爲盗

愚按: 無義之勇,逆理 亂常。 君子之位

四 四

盗。 中,如比干之伏闕大聲,鄧芝之解衣望鼎 大,其禍至於亂。 然則勇不 可 小人之位小,其害止於 尚乎? 上義 則 勇 在 其

何嘗不勇?

備焉。」 《子路 不説也。 説也。説之雖不以道,説也。及其使人,求 子曰:「君子易事 及其使人也,器之。 丽 難 説 也。 小人難事而易 説之不以道

恕,則 以其類 位者,受説之勢,而 愚按: 此君子小人, 指有位者而 君子以類進。 進。 消長治亂,於此攸繫,可不 操使之權,一念之公 一念之私刻,則小人 言。 夫有

《爲政

戒哉?

焉廋哉? 子曰:「視其所以,觀其所由,察其所安,人 人焉廋哉?」

> 矣。 愚按: 善,非所樂則僞。 以」、「所安」深於「所由」、「觀」深於「視」、 察」深於「觀」。具此三者,則人無 蓋所以雖善,有所 此章一節深一節,「所由」深於「所 君子小人,於此可見。 爲則私。 所 所 由 雖 匿

《雍也》

用人者不詳考之,能無誤哉?

子游爲武城宰,子曰:「女得人焉爾乎?」 曰:「有澹臺滅明者,行不由徑,非公事,未

嘗至於偃之室也。」

之正,確然以自守,不能也。爲政者,每以 急,可知矣。 愚按:爲宰而問以 二事觀人,則持身正大之人出矣。 如澹臺者,非其心純 得 人,則聖人 八以人 乎 才爲 義 理

《泰伯

舜有臣五人而天下治。武王曰:「予 十人。」孔子曰:「才難,不其然乎? 有亂 唐虞之 臣

際,於斯爲盛。有婦人焉,九人而已。」

難 既 教化之隆,周之十已不如虞之五,况 無限珍重愛惜意在。 愚按:「才難」二字,是爲世 降 得之才哉? ·,教化既衰,苟不能以 後世如武帝 唐、虞、周 難視才,何以 輪臺, 道 人才 氣運 理宗 發,有 之之盛 世 收 運

《子罕》

日

之詔,庶幾知難。

惜其徒言耳。

子曰:「歲寒,然後知松柏之後彫也。」

子。 發 愚按: 揮 至 文山《正氣歌 歲寒然後知松柏,臨 訓 ,大舒千萬古忠義之氣 》。「時 窮節乃見」,真足 難 然 後 知 君

《顔淵》

於夫子而問知,子曰:「舉直錯諸枉,能使枉枉者直。」樊遲退,見子夏,曰:「鄉也,吾見人。」樊遲未達。子曰:「舉直錯諸枉,能使樊遲問仁,子曰:「愛人。」問知,子曰:「知

舜有 者直」,何謂也?」子夏曰:「富哉! 有天下,選於衆,舉伊尹,不仁者遠矣。」 遲資質低,故再告未達,然能辨之於友以 之,蓋欲達其所疑,此循 其體一也。 便是知。 其用殊也。合而言之,能發其舉直錯枉之 心,便是仁。 愚按:分而言之,則愛人爲仁,知人爲知 天下,選於衆,舉臯陶,不仁者遠矣。 能 聖人於樊遲,必待其問而徐告 使枉 能知其爲直爲 者化 爲直,又便是仁, 循 誘掖之法也 枉 而 舉錯之, 言乎 知 湯

《子路》

求其知,其亦庶幾乎哉。

「舉爾所知,爾所不知,人其舍諸?」過,舉賢才。」曰:「焉知賢才而舉之?」曰:仲弓爲季氏宰,問政,子曰:「先有司,赦小

才。賢才既舉,然後赦小失以取其長,先愚按:三者,雖平説,而其要則在於舉賢

一四六

不能如聖人之大。爲政者,可不以公且大仲弓之所謂知者出於人,而其知大。蓋其心蔽之所謂知者出於人,而其知大。蓋其心蔽之所謂知者出於己,而其知小。聖人有司以考其成,故仲弓再以賢才爲問。但

《憲問》

存心哉?

才之重,又當即為汝皆之不可自壬一口1。愚按:讀此章,當知辭命之重,又當知人人子羽修飭之,東里子産潤色之。」子曰:「爲命,裨諶草創之,世叔討論之,行

國寧民哉? 此義尤切於執政者之身。子之長,而辭命不善,將何以交鄰事大,保是時子産當國,使獨任己見,則無以盡三才之重,又當知爲政者之不可自任一己。

《憲問》

「彼哉!彼哉!」問管仲,曰:「人也,奪伯或問子産,子曰:「惠人也。」問子西,曰:

愚安:観聖人取子産、管中,而不氏駢邑三百,飯疏食,没齒無怨言。」

産,功如仲,未可以不純乎道而舍之。使則知進賢退不省之法矣。當春秋時,德如愚按:觀聖人取子産、管仲,而不取子西,

豈直伯佐而已哉。

二子從事聖門,得其要領,以充其資與才,

《憲問》

滕、薛大夫。」子曰:「孟公綽爲趙、魏老則優,不可以爲

孔明猶失於馬謖,可不慎哉? 其才矣。然非知之之豫,辨之之精,則雖愚按:觀聖人論公綽一節,則用人不當違

《憲問》

愚按:以靈公無道之君,處於春秋戰争之宗廟,王孫賈治軍旅。夫如是,奚其喪?」而不喪?」孔子曰:「仲叔圉治賓客,祝鮀治子言衛靈公之無道也,康子曰:「夫如是,奚

見此 哉 ? 世,叔 明之於馬謖,宜 不了之事,在我 之長,猶 人,足以了此事,而後用之,則在 夫人才 圉輩三人,亦非真君子者,用其 足以 存衛。 有 無 所短,必有所 中之於世傑,賢愚殊而其 不用之人。不然,如孔 爲政者 可不 長。 擴 必 而 二事 人無 須 充 真 之

《衛靈》

失均耳。

直道而行也。」
 所譽者,其有所試矣。斯民也,三代之所以所署者,其有所試矣。斯民也,三代之所以子曰:「吾之於人也,誰毀? 誰譽? 如有

序,而 乎? 固 愚 教於言。 按 有 類也。 也。 ···春秋之民,亦三代之民者,天理之 試 陽 施 譽而 春秋之俗,非三代之俗者,世教 之意常多於陰慘乎? 誰 聖人不得施 不試毀,即 毁 誰 譽」, 其天 教於政,不得 一元之氣,周 地 生 爲 物 政 之心 已寓 流 四

不可不知此義。

《先進》

作,對 乎? 學焉。 焉。」「點,爾 之,比及三年,可使足民。1 如?」對曰:「方六七十,如 有 曰:「千乘之國 也。」如或知 子路、曾皙、冉有、公西華侍坐,子曰:「以 旅,因以之饑 君子。」「赤也 一日長于爾,毋吾以也。 勇,且 亦各言其志也。」曰:「莫春者,春服 曰:「異乎三子者之撰。」子曰:「 宗廟之事,如會同 知 爾,則 方也。」夫子 何如?」鼓瑟 ,何如?」對 饉,由也爲之,比及 攝 何以哉?」子路率 乎大國之間 哂 ,端章甫 居,則曰:「不 曰:「非 希,鏗 之。 如其禮樂,以 五六十,求 「求, (三年 爾, 願 日 加之 能 舍 爾 爲 之, 何 瑟 也 爾 以 而 吾 可 小 既 傷 願 俟 吾 相 爲 何 使 對 知 而 軍

● 「使」,原作「此」,據《論語》本文改。

成,冠 唯赤 與? 何? 禮,其言不讓,是故 矣。」曰:「夫子 者之言,何如?」子曰:「亦各言 也。」三子者 則非邦也 安見方六七十,如五六十而非邦也者。 赤也爲之小,孰能爲之大? 者 詠 五 而 六 歸。」夫子 出 人, ,曾皙後。 與? 何 童者、 哂 哂之。 宗廟 由 喟 六七人, 也?」曰:「 然 曾皙曰:「夫三子 會同, 唯求 嘆 曰 浴 乎 其 非 則 沂, :: 吾 志 非 爲 侯 邦 或 也 與 風 m 也 已 點 以 平

愚按: 其本, 嘗置此心於天理之中。 失之高,偏於三子則失之卑。 之襟懷,不可無兵財禮樂之實用。 用,不可 之間,聖人氣象自别,四子氣象又自相别 風 而子路斯下矣。 滿滿 座,瑟聲鏗 觀「侍坐」二字,想見秋陽 無浴沂風詠之襟懷。 爾,和氣怡然。 嗟夫! 有兵財禮樂之實 學者誠能 講求其末,不 有浴沂風詠 偏於點則 一時問 在前,春 存 答

馳此心於事爲之外,庶幾不悖聖人之道矣。

《衛靈》

不可大受,而可小知也。」子曰:「君子不可小知,而可大受也。小人

之憂。 長,而 操觀人之權者,可不知所戒哉? 能,遂寄以幼孤,此見其小而不知 而不計其 奪,足以任天下之重。 多於小處有所 愚按:用人當觀其大,不當觀其小。 其臨 宋太宗知 小也。 大節 短,而其臨 處 日端 唐太宗 則 無 小 小人多於小 可恃,反 事糊塗,此 以 大節 世勣 處 有 以 其大也。 則 見其 貽 處 長城之 不 君子 有 或 口 大 家 所

《陽貨》

子曰:

「惡紫之奪朱也、惡鄭聲之亂雅樂也,

惡利口之覆邦家者。」

愚 非賢否。 按: 紫 能 細觀聖人言意,重在 亂 朱、淫 能 雅 利 悪 口 利 能 亂是

安石、惠卿用事,卒以誤國殄民,豈非利口對神祖。神祖號爲聰穎,終於不悟。當時句,有國者所當深戒。司馬光嘗舉此語以

《陽貨》

之難惡哉?

孫,遠之則怨。」子曰:「唯女子與小人爲難養也,近之則不

與怨無由而生。夫然則善養,不見其難。惟知其爲難,於不近不遠求其中,使不孫能不養陰,人亦不能不養女子與小人也。我一人之類,亦不可無於人間。天地不是按:幽陰之氣,不可無於天地間。女

論語愚按卷之十八

後 學 Ė 瓊洞 南 石 胡宗 洞 范 士藏 阮 攸輯 板

政篇四之四

禮 樂 類凡二十八章

《八佾》

子曰: 褅, 自 既 灌 ൬ 往者,吾不欲觀之

者矣。」

愚按:《易》曰:「盥而不薦,有孚顒若。」

既灌以往,誠意散矣,而况於魯之禘已失

八八佾 禮乎? 講禮者不可不知聖人之意。

《八佾》

或人者也。

祭如在,祭神如神在。 子曰:「吾不與祭,如

不祭。」

如不祭」之心,則「神如在」矣。 愚按:祭禮,人所易忽,惟聖人「不與祭, 苟無此心。

繁文盡物,何足以求神哉?

《八佾》

子曰:「射不主皮,爲力不同科,古之道也。」

愚按:春秋之時,專尚武射,不知古人射

力家。 大夫無不習焉。 禮之遺意。 古者射以觀德,列之六藝,士 今則責之武夫走卒,士耻言射, 世降 教弛,此藝遂移於武

Ŧī.

於天下也,其如示諸斯乎?」指其掌。

愚按:聖人於禮,豈有不知?

蓋傷禘之

義不行於後世,而魯禘尤僭,誠難可以告

或問禘之説,子曰:

不

知 也。

知其

説

者之

惜哉!

《八佾》

子曰:「《關雎》樂而不淫,哀而不傷。」

愚按:詩人貴得性情之正,故《關雎》以不

與吾夫子之所以垂教萬世,意皆在此。學淫不傷爲三百篇之首。文王之所以興周,

以知《詩》哉? 惟能存養夫未發,以限節者讀而不察,察而不有以自得之,亦豈足

《八佾》

夫方發之情,庶可以爲學矣。

儉?」「然則管仲知禮乎?」曰:「邦君樹塞門,乎?」曰:「管仲有三歸,官事不攝,焉得子曰:「管仲之器小哉!」或曰:「管仲儉

聞道學之大,故卒無充其才。未伯則挾天愚按:人莫大於學,學莫大於道。仲惟不氏亦有反坫。管仲而知禮,孰不知禮?」管仲亦樹塞門。邦君爲兩君之好,有反坫,管

從下。」

益信管仲之不足爲 爲 則 子以令諸侯,假借仁義以求遂其私。 瑜禮 小。 學者能 犯分,偃然自以 分别 也 於理、欲、義、利之際 爲大, 前 不自 知其 既伯

《泰伯》

子曰:「師摯之始、《關雎》之亂,洋洋乎

| 盈耳哉!!

「洋洋乎盈耳」,皆彝倫風化所係。若後世《乾》、《坤》,下經首《咸》、《恒》之意。故其愚按:古者樂首《關雎》,即《易》上經首

《子罕》

之淫聲艷曲,何足以爲樂哉?

子曰: 拜下, 禮 麻冕, 也。 今拜乎 禮 也。 上,泰 今也 也。 純 儉, 雖 吾 違 衆,吾 從

時。名分綱常之所關者重,不可以狥俗。愚按:制度節文之所係者輕,亦可以隨

觀聖人之權衡,則學者亦可以達於義也。

《子罕》

子曰:「吾自衛反魯,然後樂正、《雅》、《頌》

各得其所。

故能 厭。 愚 按 刪《詩》定《樂》,垂教萬世。學者其 周 聖 流 人 四 雖 方,禮樂之説 以 生 知之資, 無 不 然 參互考訂 猶學 丽 可 不

《惠問》

暴十寒云乎哉?

然。君薨,百官總己以聽于冢宰三年。」何謂也?」子曰:「何必高宗? 古之人皆子張曰:「《書》云:『高宗諒陰,三年不言。』

愚按:學者知此義,則知後世短喪之非

禮矣。

《里仁》

子曰: 讓 爲國 能 如 禮 以 何?」 禮 讓 爲 或 乎 何有 ? 不 能 以 禮

> 之元。 爲? 以爲之本,則 圃 難 愚 百年之漢。 人皆化之,是 爲者,禮 按 無禮,胡不遄死?」苟無恭敬辭讓之實, 嗟乎 糠粃 莫 難 也,惟讓能爲之。 劉因闌入之禁,猶足以 土苴如此,况有志於講 爲 凡其 使 者 叔孫綿蕞之儀,猶足 人 動 國 人有 作 也 施 死 惟 爲,一 之道, 禮 《詩》云:「人 能 向 爲 於僞,而 植 何 之。 禮 以 哉 或 樹 百 之 四 年

《爲政》

益 夏禮,所 子張問:「十 可 料。 説 耳。 聖人所以 愚按 既 知 後 斷 盛,大足以傾人之國,小足以 損益, 也。 拘 以 儒 於術 學《易》失 推往知來,亦不過於理 因 其 世,可知也?」子曰:「殷 革之常理,百 叮 或 數之小 知 繼 也。 周 (真,流 者 智,一 **丘** 周 因 ൬ 世 百 爲 一亦可 於殷 世 世 桁 不 上 可 禮 以 미 覆人之 看 知 讖 預 以 所 因 緯 得 也 透 損 於 逆

家,可不戒哉?

《八佾

孔子謂季氏:「八佾舞於庭,是可忍也,孰不

可忍也?」

職陵偪之資。爲政者尚無使至此哉! 一後世權臣,反僭其防範維持之具,爲僭禮作樂,本以維持防範,使上下之分截然。 也不可以維持防範,使上下之分截然。 是按:一念之敬,敬必無不極其至。一念

《八佾》

穆穆」,奚取於三家之堂?」 三家者以《雍》徹。子曰:「『相維辟公,天子

爲非。嗟夫! 周公之禮,近不得行於成章程子推原其故,以伯禽之受,成王之賜愚按:爲政者杜絶陵僭,當謹其始,故此

尚何望其遠且大者? 然則成王將以天子王、伯禽之時,小不得行於後世子孫之魯,

是故有國家,不可不知防微杜漸之義。禮樂盛周公,不知其反以是衰周公者矣。

《八佾

子曰:「人而不仁,如禮何? 人而不仁,如

樂何?」

噫! 玉帛之會,《韶》、《濩》之音,不復見愚按:禮樂者,治之本,而仁又禮樂之本。

於後世,夫豈無所自哉?

《八佾》

林放問禮之本,子曰:「大哉問! 禮,與其

愚按:禮有本有文,得其本則文在其中,奢也,寧儉。喪,與其易也,寧戚。」

禮者,不可不知。 之於儉、戚,誠以質之不可無歟? 爲國以失其本則文徒繁而不足觀。聖人論本,歸

《八佾》

季氏旅於泰山,子謂冉有曰:「女弗能救

五四

與?」 對 日 「不能。」子曰 : 「嗚 呼 曾 謂

泰山 不如林放乎?」

故制治者,當防亂於未成 而亂之卒不可救。 於泰山 愚按:八佾之舞於庭,《雍》之徹於堂,旅 ,則亂成矣。 彼冉有何足 聖人傷吾道之不 責哉? 成, 是

《八佾

禮,吾能言之,宋不足徵也。 子曰:「夏禮,吾能言之,杞不足徵也。 文獻不足故 也。 殷

足則吾能徵之矣。」

之後,已不足徵,文獻之難考如此哉! 世奸臣,生於數千餘載之後,附會聖經以 人能言,而不敢引以爲證,謹之至也。 愚按:聖人去夏、殷時未甚遠,杞、宋二代 後 聖

《八佾

禍天下,可不戒哉?

子曰:「周 監 於二代,郁郁乎文哉! 吾

從周。」

法,經緯 愚 按: 周公集 周密,前所未及,後 群 聖之大 成,爲 世 無以 百王之定 加

郁哉! 盛、爲聖之達。氣數衰、爲聖之窮。 撫今

天也,寧

獨

聖

耶?

嗟乎

!

氣

數

郁

追昔,觸於夢,發於言,此正精神心術默

契

潛通 處

《八佾

羊,我愛其禮。」 子貢欲去告朔之餼羊,子曰:

朔」參看。爲國者,其當求聖人之意,毋使 存者大。此一章當與《春秋》書「公不視 愚按:子貢但知小費之可惜,不知禮之所

《八佾》

禮教之陵遲至此哉!

如也。 子語魯大師樂,日 從之,純如] 「樂 也。 其可 皦 如 知 也。 也, 繹如 始作,翕 也,

「賜也,

爾

愛其

以 成。」

有志於作樂者,於此求之,亦可以得其大 政衰樂廢 愚按: 此章與「聞《韶》忘味」同意。 ,聖人一語點醒,古樂恍然若存。 是時

《八佾

意矣。

子謂《韶》:「盡美矣,又盡善也。」謂《武》:

盡美矣,未盡善也。」

之心也。學者於此處明白,則《書》之「允 故道同而樂不同。 夫樂者,德之形也。 愚按:聖人於《韶》、《武》,分出帝王氣 祖述憲章,夫子繼前聖 讓伐異時,性反異質、 象。

可得而推矣。 邪」、《易》之「時義」、《春秋》之「予奪」,皆 執厥中」、《禮》之「無不敬」、《詩》之「思無

《述而

齊,聞《韶》,三月不知 肉味,曰:「不圖

> 爲樂之至 於斯 也

平日默契之于心,忽然觸之于耳 愚按:舜之道 ,發於《韶》,而 傳於夫子。 徘

亦與斯世同之也歟 ?

像,宛然蒲阪泰和堂上精神。

此時之樂

徊

想

《先進》

子曰:「先進於禮樂,野人也。後進於禮樂,

君子也。 愚按:衰世之弊可矯,而盛時 如用之,則吾從先進。」 之道

用之,聖人其如斯世何?

「如用之」三字,聖人惓惓斯世之意也。

《衛靈》

服周之冕,樂則《韶 顔淵問爲邦,子曰: 舞》。 「行夏之時,乘 放鄭聲,遠佞人。 殷之輅,

鄭聲淫,佞人殆。」

要則在於放淫聲,遠佞人。 愚按:時、輅、冕、《韶》,爲國之大也,而其 蓋淫聲 亂

難

行。

不

樂,無所用之。 佞 人在傍,則天理亡而人欲肆矣。 聖人於此二者,反覆深切, 雖有禮

爲國可不戒哉?

《陽貨

子生三年,然後 安,則爲之。」宰予出,子曰:「予之不仁也。 不甘,聞樂不樂,居處不安,故不爲也。 穀既没,新穀既升,鑽燧改火,期可已矣。」子 不爲禮 宰我問:「三年之喪,期已久矣。君子三年 曰:「食夫稻,衣夫錦,於女安乎?」曰: 「安。」「女安,則爲之。夫君子之居喪,食旨 ,禮必壞。三年不爲樂,樂必崩。 免於父母之懷。 夫三年之 今女 舊

愚按: 可,信哉 人子有終身之喪,三年,節之以禮耳,而尚 宰 「糞 我 牆 從 遊聖門,猶 朽 木,於 予 何誅 疑 於 通 喪之不 嗟 乎 1

母乎?」

喪,天下之通喪也。

予也有三年之愛於其父

爲萬世 欲奪禮以狥私者,獨 |教人孝一大公案,爲人子可以知感 何哉? 此 章是 聖人

丘六

動矣。

《陽貨》

則易使也。」」子曰: 聞諸夫子曰:「君子學道則愛人,小人學道 前言戲之耳。」 子之武城,聞弦歌之聲,夫子莞爾而笑曰 割雞焉用牛刀?」子游對曰:「昔者, 「二三子,偃之言是也 偃 也

弦歌 也? 求附益輩,不大逕庭耶 愚按:當是時,盈耳皆戰國殺伐之聲,獨 一響,出自洙、泗,以入武城,其視由 聖人不得之以 至鳳,子游 ? 嗚 呼 1 僅 竊之以 此 何 聲

《陽貨》

割雞

「莞爾」之喜,其「已矣」之悲歟?

子曰: 云,鐘鼓云乎哉?」 禮 云,禮 云,玉 帛 云乎哉? 樂云,樂 等級

然,而一

陰

行

乎五陽之中, 兑説附

愚按: 其本,則 禮樂固 玉帛、 鐘 藉玉帛、鐘鼓以爲用,然 鼓 爲虚 設耳。 故 四 嶽 塗 無

Щ 無無

樂矣。 之衰,無禮矣。 泰山 季氏 《九韶》、《大夏》之衰 ,八佾舞私家,强

隧,大夫徹《雍》,冠履倒置 乎哉」三字,其爲悼時憫世 旅 ,華夷鼗磬 踰 侯 越 請

何 如

河漢。

云

附門人言并記●凡二章

《學而

美,小大由之。 有子曰:「禮之用,和 有所不行,知 爲 貴。 先王之道,斯 而和,不 爲

和

以

禮

節之,亦不可行也。」

愚按:人皆知禮之嚴,有子獨知禮 之 和。

嚴其體,和其用也。《易》天上澤下爲 履

> 乎乾健之體。 此章之大意似之。

《季氏

童」,邦人稱之曰「君夫人」,稱之諸異 邦君之妻,君稱之曰「夫人」,夫人自稱曰「小 邦

日

寡小君」,異邦人稱之亦曰「君夫人」。 所失,則名分紊、綱常亂矣。 愚按: 禮始乎夫婦,而莫重於君臣。 凡此類,學者

有

不可不講。

并記」,原無,據目録及卷 十九例 補

五七

論語愚按卷之十九

後 學 日 南

瓊 洞 胡宗 士 藏 板

偏無黨」中來。

聖人之言,可謂簡

而

盡矣。

信,爲禮,爲仁,爲義,都自「王道

蕩

蕩,無

敬所充,

爲

當是時,王道微,伯術熾,一念不敬,流爲

《爲政

何有?

詐侈吝

虐。

誠

能

反本而力行之,於治

子曰:「爲政以德,譬如北辰,居其所而衆星

共之。」

與焉。」

愚按:

處

極高之位,而不自有其高,此聖

禹

事

業乎何有?

則不以爲

位

爲樂,而

以天命爲憂,其於舜

人之所以爲

高歟?

有天下者,能存此心,

《泰伯

臨

民

類凡二十七章

政篇四之五

子曰

:

巍

巍

乎!

舜 禹

之有天下

· 也, 而

不

天象 所謂 去不正 愚按: 事 順 取 政 理去做,無所事於作爲,而 爲 響,示乾道 者, 豈後世之所謂政 而歸於正,禁令刑罰,虚設 政者, 以 也。 德 爲本。 哉? 本 領既 人自感化, 而不用。 聖人以 立,凡

石 洞 范 阮 攸 輯

《學而

子曰:「道千乘之國, 敬事 而信, 節

用

而

愛

人,使民以時。」

愚按:「道」字本領自别。

《爲 政

子曰: 道之以德,齊之以禮,有耻且格。」 「道之以政,齊之以 刑,民免而 無 耻。

則天理也。 政矣。嗚呼! 刑 但 使民之耻於不善,而化於善。 刑束其身也,德、禮範其心也。 愚 , 則 之中,必有德、禮以爲之本,庶幾可以爲 能 按:治民當範其 使民 王 也。 之懼 分而爲二,則人欲也。 分而爲二,則伯也。 而 政、刑、德、禮,合而爲 不 敢 心,不當束其身。政、 犯。 範其 東其身者, 然則於政、 心者 合而 理欲之 一乃能 爲

教不能,則勸。」

分,則王伯之辨,可不慎哉?

《爲政

直錯 哀公問 諸 日 枉, 「何 則 爲 民 則民 服 服? 舉 枉 孔 錯 子 諸 對日 直, 則 民 舉

愚 按: 哀公時,政 在三家,權去公室。 常

論語愚按卷之十九

不

服

固 或 情 或 策 如此,高則 得民之理,亦不外是。 士之談。 爲春秋伯佐之説,下則 聖人獨 以舉錯之義示之, 然則謀國 亦 爲 奚 戰 而

《爲政

以智數爲哉?

日: 季 康 子 臨之以 問:「使民 莊,則 敬。 敬 忠 孝慈,則忠。 以 勸 如 之何?」子 舉 善善 而

使也 勸? 安有 存乎公而不存 答,自然之公理 德惟風,下民惟草」,意蓋如 愚按:在我敬,民安有不敬? 「使」字問,有爲之私心也。聖人以「則」字 不忠? 上感下應,其 在 乎 也。爲政者,誠究乎此心, 我 私, 理自 知 所 則民之化之,不待 然。 勸 此。夫康子以 則 書》云:「爾 在我忠, 民安有 民

《八佾

五九

不

之,曰:

「成事不説,遂事

不諫

,既往不咎。」

人以柏,周人以栗,曰:「使民

哀公問社於宰我,宰我對曰:「夏后

以松,

殷

輕獲,其於仁、知何有哉?

雍也

戰栗。」」子

聞

子曰:「齊一變,至於魯。魯一變,至於道。」

太公只差毫釐,不覺以王 入伯。

旦汲汲,故無太公之失。

雍也

而

子貢曰:「如有博施於民

而能濟衆,

何

如

?

後世子 變而 夫二公皆聖人之耦,獨周 章有發人精思之義,有示人倡始之義 愚按:太公、周公皆以王道佐周。 伯,到此則 孫之所觀法也,可 伯之餘,遂 祖宗創家 公心 不謹哉? 至 隔 思 及桓公盡 道 經 當初 立國 緯,夜 兩 讀此 層。

《雍也

説哉?

我發。

爲

政者,尚

無借此以文其遂非之

於時、

亦且

流毒

於後。

聖人三言,爲責

宰

問

社

亦甚

無味。

宰我一答之妄,非

惟

無

益

皆理自然,非有深意。

哀公寄命權臣,其

愚按:古者建國,必有社。

建社,必樹木,

之,可 樊遲問 謂知矣。」問 知,子曰:「務民之義,敬 一一,曰:「仁者,先難 鬼神 而 後 遠

獲,可謂仁矣。」

愚按: 其病 其言若小,擴而充之,則其理 學者潛思細認,篤義而存敬,重難 在 仁、知之用大 惑而私。 聖人投以不 矣。 遲是 ·惑不 甚大,其味甚 問 私之 農 圃 而

也已。」

人,己欲達而達

人,能近取譬,可謂

仁之方

乎?

堯、舜

其猶

病

諸。

夫仁者,己

欲

立

丽

文

可謂

仁乎?」

子曰:「何事

於仁?

必

也

聖

愚按:天地萬物,皆吾一體,仁者之心也。

汾陽,太宗征遼左,皆功小而心滿,况其下之心所推也。漢、唐號爲賢君,如文帝祀此,故皇皇汲汲,不自滿足。堯、舜不自知此,故皇皇汲汲,不自滿足。堯、舜不自知此,故皇皇汲汲,不自滿足。堯、舜不自知然必欲無一物之不被,無一處之不徹,雖

《泰伯》

者歟?

子曰:「民可使由之,不可使知之。」

愚按:讀此章,當知王伯源

頭。王者以

理

知,其聖人不得已之心耶? 夫禮、樂、刑、術,而但務使民之愚其術。 然則使由不使其理。 伯者以術使民,故不必使民之曉其

使民,故可使民之由其理,而不使民之

知

《泰伯》

能

知哉?

政,皆使由之具,而性命精微,豈凡民之所

爲大, 巍 子曰:「大哉堯之爲君也! 巍 乎 唯 1 堯則之。 其 有 成 蕩蕩乎! 功 也。 巍巍 焕 民 乎 無 乎 能 1 名焉。 其 唯 有 天

文章。」

故有 愚按: 有是德,故有是政教。 理之外哉? 之自然,所以 人大處。 夫子,亦曰「大哉」,其不知聖人處,正是聖 堯爲「大哉」,群聖人不與焉。達巷黨人言 則不可而名。 是事業。 《書》稱堯曰:「安安」,純 爲天,所以爲大,豈有出於常 聖人於祖述憲章之中,獨 故善學聖人,當自 政教事業, 可得 有 而 名 是 常理上 乎天性 了其德 政 教, 稱

《先進》❶

起見。

魯人爲長府,閔子騫曰:「仍舊貫,如之何?

■ 「先進」,原脱,據全書體例補。

何 必 改作 ? 日 : 「夫人不言,言必 有 中。」

子騫,是爲政第一義。 信如此。君子可不重改作哉? 愚按:《易》曰: 「革,已日乃孚」,革之難 聖人之取

《顔淵

去,於斯二者,何先?」曰:「去食。 先?」曰:「去兵。」子貢曰:「必不得已而 子貢曰:「必不得已而去,於斯三者,何 子貢問政,子曰:「足食,足兵,民信之矣。」 有死,民無信不立。」 自古皆

兵、食,聖人窮理之定見也。 可一時無土,人可一時 愚按"信也者,原於天理,人心之所固有。 重於信,常人狥欲之淺見也。 在五行爲土,其氣於四時無不運行。天不 無信哉? 以信重於 以兵、食

《顔淵》

子曰:「聽 訟,吾 猶人也。 必 也, 使無

> 訟 乎 ?

愚按:「使」字是爲政者用力處。

正本清

日

源,其機在 我 也。 聖 人繫《訟》之象

樂教化,即「謀始」之義歟? 「君子以作事謀始。」謀始即

「使」之義。

《子路》

子曰:「魯、衛之政,兄弟也。」

愚按: 魯、衛皆周之後。 其盛也, 得處 相

昔,其傷周之不復興乎?

似。其衰也,失

處亦相

似。

聖人撫

今思

《子路》

富矣,又何加焉?」曰:「教之。」 子適衛,冉有僕,子曰:「庶矣哉。」冉 既庶矣,又何加焉?」曰"「富之。」曰"「既 有

「子路」,原脱,據全書體例補。 顏 淵」 原脱 ,據全書體例補

加,不教則富庶不可保,人道不立,故也。愚按:不庶則富無所加,不富則教無所

於此三事,知所緩急先後,而施之不失其教,是亦宇文大誥、劉表學校類耳。爲國富庶而不教,則爲漢之文、景。不富庶而

《子路》

時,庶幾乎。

政者欲以歲月致太平,何其不知量也?而後風移。漢文、景六七十年,唐太宗三川後風移。漢文、景六七十年,唐太宗三其下者乎? 故以周、召、畢之爲周,三紀其下者乎? 故以周、召、畢之爲周,三紀其下者乎? 故以周、召、畢之爲周,三紀人战。则不成。大以存神過化愚按:聖人於《易》之《恒》曰:「久於其道

矣。」誠哉是言也!」子曰:「「善人爲邦百年,亦可以勝殘

去殺

有百年之厄運。勝殘去暴,豈不愈難哉?放善。况氣數既降,無百年之善人,而常成一變之功。宇宙間陰常多於陽,惡常浮成一變之功。宇宙間陰常多於陽,惡常浮成一變之功。宇宙間陰常多於陽,惡常浮

《子路》

子曰:「如有王者,必世而後仁。」

摩,其本在教化。教化未至,雖聖人亦不愚按:斡旋回轉,其幾在聖人。 浸灌漸

《子路》

能以使民仁。

葉公問政,子曰:「近者悦,遠者來。」

「子路」,原脱,據全書體例補。

「子路」,原脱,據全書體例補

政 以使之之義,正欲葉公詳問而啓發之。 邇 愚 (者,能有得於言意之表,當自正身始。 可遠 按:《書 在兹」,正此章之意。 臯 陶 **》**云: 慎 厥 聖人未發所 身修,思永 爲

《子路

子曰 愚按: 功,而惟從事於戎,可乎? 人之所欲哉? 後世教民,未嘗有一日之 「善人教民七年,亦可以即戎矣。」 教民七年,始云「亦可即戎」,豈聖

《子路》

子曰:「以不教民戰,是謂棄之。」

未教,玄宗驅民於雲南。 盛、未教、武帝驅民於漠北。 以行險。 愚按:《師》之爲卦,坤上坎下,非順 教化所以 順之也。 是謂棄之,安得 唐太宗之盛 漢文、景之 不 口

> 子曰 . E 好禮 ,則民易 使 也

胄超乘,王孫滿策其必敗。 雄,猶知少長有禮 民志。」民志定,則不難使也。 愚按:《履》之象曰:「君子以辨上下,定 爲 미 用。 是故無禮,不 秦師過周,免 晉文一伯之

憲問》

可以使民。

姓,堯、舜其猶病諸 已乎?」曰:「修己以安百姓。 子路問君子,子曰:「修己以敬。」曰: 而已乎?」曰:「修己以安人。」曰:「如 修己以 安百 斯 如斯 Mi

愚按: 子,終乎爲成物之君子。 傳心之要。 此章本領在「敬」字。 學者以之,始乎爲成己之君 聖人以之,達則 敬也者,千聖

《子路

不敗。

⁰ ·子路」,原脱,據全書體 憲問」,原脱,據全書體例補。 例補

形容堯、舜不敢自滿之心,此堯、舜所以 其所,亦一理之所充廓爾。「其猶 立於我,達於人,極於無一人一物之不得 自反與? 爲政者果能服膺一字之訓,敬 修之於己者,若小且近,而推之家之國 爲堯、舜之事業,窮則爲夫子之事業。 夫 下者,其大無外,其遠不可際。 率爾」,蓋不足於敬者,宜其 人能問 觀子路 病 丽 不能 諸 之 天

《衛靈》

爲敬。

哉? 恭己,正南面而已矣。」子曰:「無爲而治者,其舜也與? 夫何爲

如炤物之止水,如人物之春風。斯時也,刑用」,皆欽敬之推。一由乎天理之當然,無荒」,皆欽敬之存。「典敦、禮庸、服章、謂欽,所謂敬也。是故「兢兢業業」,「無怠愚按:此章本領,全在「恭」字上。恭即所

暇。此外,亦何迹之可見哉?《易》曰:彈琴歌詩,氣象雍容。鳴球拊磬,朝廷閑

如此。

「下觀而

化,群陰之應五

,不待作爲。」意蓋

《衛靈》

子曰:「有教無類。」

皆教。類者,天不能使之無,故有善惡之愚按:天佑民,賦性皆善。聖奉天,施物

《乾》之「雲行雨施,品物流形」,正此意。

教者,聖人能使之有,故無善惡之限

殊。

附門人言并記凡三章

《顔淵》

不足,如之何其徹也?」對曰:「百姓足,君何?」有若對曰:「盍徹乎?」曰:「二,吾猶哀公問於有若曰:「年饑,用不足,如之

孰與不足? 百姓不足,君孰與足?」

乎 愚按: 財,不務理財。 不足矣。故王者務富民,不務富國。 ţ 聚斂之臣,相望於世,亦 爲 政不知節用 後世惟漢文帝知此義。 ,則取民 盡緇 有若之罪 銖,亦 務 嗟 生

《微子》

人歟?

怨乎不以。故舊無大故,則不棄也。無求備周公謂魯公曰:「君子不施其親,不使大臣

於人。」

夫「無求備于一人」,亦有得周公造就之微王命君陳曰「孝友于兄弟,克施有政」,與愚按:四者,爲天下可也,况一國乎? 成

《微子》●

意歟?

夏,季隨,季騧。周有八士:伯達,伯适,仲突,仲忽,叔夜,叔

有? 盛 符,而多士生焉。 王國克 愚 按 然亦聖聖相承,教化漸 是故爲國者,莫急於立教成才。 ^ 生,爲周之楨」,此 詩 **>** 稱 思 八士 皇 多 一同母, 士 固 漬。 當 生 亦 時 理 此 何異 與 氣 王 數之 數 或 之 相

政篇總説

《正己》、《觀人》、《禮樂》、《臨 關於政者,共一百四十一章。 時,法式垂於萬世,宇宙賴以主宰扶持,以不 其本在乎正己。 允執厥中」,皆是正己底道 右《政》篇,以聖人大訓及門人所言所記 政者正也」之意,則政之大無 是以古先聖 理。 王「惟 民》四 出 各因章意,分 事業著於 此 精惟 四 類。 者 凡 而 推

「微子」,原脱,據全書體例補。

乎哉!

一六七

黎朝教化條律

〔越南〕裴伯鈞

校點

目 録	第十條	第九條	第八條	第七條	第六條	第五條	第四條	第三條 第二十條 第二十條 第二十條 第二十條 第二十條 第二十條	第二條 第十九條	第一條 一 第十八條	黎朝教化條律四十七條	校點説明 ···················· 第十六條 ················	第十五條	第十四條	第十三條 ····································	第十二條	第十一條
_	t	六	·····	***	<u> </u>	六	T .	Ŧ.	T	ī.	五	四	四	四	四		

第四十四條	第四十三條	第四十二條	第四十一條	第四十條 :	第三十九條	第三十八條	第三十七條	第三十六條	第三十五條	第三十四條	第三十三條	第三十二條	第三十一條	第三十條 :	第二十九條	第二十八條
······································	0	10	10	· · · · · · · · · · · · · · · · · · ·	九	九	九	九	九			八				七

第四十七條	第四十六條	第四十五條
_	_	_

黎、阮兩個朝代。

越

南現存的

聖訓較多,大部分是手寫的,

於

選目時,我們儘量考慮選擇漢

語

寫、年代較早、版本完整、受儒家思想影響較

深

校 點 説 明

聖訓 寶訓 飽。 十條》、《皇訓九篇》、《訓 其他東亞國家的封 化百姓遵禮儀、戒違法,從而使風 教化條律》、《黎朝教化條律》演喃、《皇朝聖諭訓 訓有:《二十四訓條》、《治平寶範》(今不存)、《黎朝 被推廣使用。 是朝廷准定並在全國 聖諭)和家 訓」是《書經》中 越南的 訓。 建時 在越南歷史上,代表性 訓包括聖訓(即皇訓、帝 六體之一。 迪十條演義歌》等。 期,它在軍事及教育領域 推衍頒 俗美好、民生温 佈的,目 在中國、越 的 是教 道些 的 南 訓 迪 聖 和

> 的作 品。 其中聖訓 選擇了三種:《黎朝教化條律》、

皇朝聖諭訓迪十條》、《皇訓九篇

十四 喃字並頒行。 景興二十一年(一七六○)稍作調整後,被翻 訓 黎朝教化條律》,景治元年(一六六三)撰成 條》的擴大化及具體 這份條律是對黎聖宗朝 化,含有四十七條, 頒佈的《二

譯成

988. Paris, EFEO. MF. I/2/207 的本子,我們 理就以此爲底本。此外,還有一部標號爲MF. 號爲A. 1507的楷體手寫本,共二十八頁。此次整 此 書現存版本有二。 一是藏於漢喃研 究院 没有

德紀綱[°]

的是勸誠

百姓忠厚節義地生活,遵守法律,維護

道

目

見到,所以對于它的情況還不瞭解。

校點者

裴伯

黎朝教化條律四十七條

善惡

,使各伸情

一,不

可

偏爲財義

小樹

恩結黨

不

可

雷

同

絾

默,

無所

建明。

其

勘訟

則分别

武

則

衛内捍外,叶

心同力。

其治兵則講

時

練

法

0

使

悉精鋭,不

미

廢

弛

教習,

不

明

行

行。 廢 知 明 田 飭 辰 之日 所勸 格 周 屬 春 内 天 不 至,使愚夫愚婦、童蒙、戆獃 承、憲二司等官,各分責府縣州官 景 「, 拘 懲 再 治 遵,視爲 坊、社、村、莊、寨長: 申 元 同 集男女大小,再三講 明 年秋七月定,景興二十一年 歸 ,轉送交該衙門官 厚俗 具文,國刑 均均 享昇平之福。 具在。 於節 江耳濡! 解 吏欽 日 引 祈 目染, 或有 誘 福 奉 詳 社 遵 庚 通

第一條

勤 職 爲 業。 人臣 其 當 議 盡 事 忠 則 效 獻 力。 미 替否,使皆 文 則 履 公奉 中 理, 正

,

第

條

威詐

力

,務行苛虐。

務盡

爲臣之道。

伍

其該民則寬征

舒力

使

能

被

澤

不

可

役始供飲食。其喪祭,惟本於禮,以盡爲子晨奉養,不可缺乏,并不得分從諸子服作勞爲子當孝敬父母。如見父母年老,當

之道。

「時」,原作「辰」,避阮朝翼宗皇帝廟諱也,今回改,後

做此

第 三 條

恭 其兄,勿聽 爲兄弟當相和睦。 婦言而忘骨肉之義 兄則愛其弟, 弟則

第 四 條

爲 大婦則 當敬 愛,篤 法 恩 義。 夫 當 修

整閨 事舅姑,無違夫子,不可逞其疾妬,并不 門, 以德化率,不可耽 淫 酒 色。 婦 須 可 奉

厭其貧薄,胥相背棄,致傷風化。

第 五 條

正,不可引誘非道,及見小益,反相棄背,以 爲 朋 友當 止於信, 相 責 以善, 相 規 以

> 第 六

虧

朋友之義

條

門,小則樸教痛懲,大則糾舉治罪。 訓,男女不能聽從,許坊、社、村長引告該 以義方,女教以 棋及遊戲淫蕩,有傷風化。 爲父母當先 工則,勿許耽 修其 身, 以 齊 淫 若父不能 其 酒 家。 色、 賭 男 衙 教 博 教

鬭

第 七 條

學,以 及遺棄禮法,僥倖代試。 以 爲 士子 爲 德行爲本,不 師 矜式。 生各 當當 門 盡 其 미 生 從 道 則 違者抵罪。 事 尊 敬 於 師 末 其 則 背 先 師 務 慢 勉 正 其 敦 師 寔

第 八 條

之人 并 無 作 朝夕教 有所視傚,不 姦 爲 非 家長當躬行禮法,以齊其 致 訓 子 陷刑 弟,使 辟。 可 服 自 若不能教 壊禮 勤 家 事 法,首唱弊 訓 勿 家,使 者抵罪。 惰 四 肢, 端。

呈

該

衙門

官痛

治。

第 九 條

同 見 負 盤 戴則代其勞。不可恃富貴,同 而 爲子弟當尊敬兄長,有飲食 食,以失人倫之道。 則 席 讓 其飯, 而坐,

第 + 條

爲人婦當 以 順從爲 務 敬 事 舅 姑 和 睦

> 至 心,反相背黑,或奔竄道途,或偷寓 兄 而 聲大語 弟。 父母及夫教戒,當革心 淫風,有傷婦道。 妬 不可 悍任 恃 其 情, 父 母 動 違者,許坊、社、村長引 富 輒 貴 改 求 過 出 而 一、不得 詆 并 侮 其 鄰 有 益肄忘 家,馴 夫,高 過 失,

第 條

坊、社、村長捉送該衙門官嚴治。 則陽敦 婦 人孀 恩 居,不 義,内 得 則 招 陰 致 肆姦淫。 童 男 , 詐 違 稱 者,許 義養,

外

第 條

夫家,喪祭 婦人不幸,其夫早亡,未 如法,不得喪 中 挾 有 取 貨 子媳,當居 物,歸父

朝教化條律

母 家。 違 者, 許 親 戚投告,治以 重 霏

第 + Ξ 條

村 理 如 亂 長 一,不得懷私心,挾取財 捉 常,有傷風 婦 送該衙門官治罪 人不幸夫死,或有别妻諸子,宜 化。 違者,許族長及坊、社 産,陰有外情,違 愛恤

第 + 四 條

當敬 其 有 教 豪 欺 訓 悔之心,爲之幼者,宜長其長,不 讓 富 居 其 而 爲之長者 鄉黨,當 長,不 有 驕慢之態。 長 可 ,當幼其 幼 以 有 酒 序,以 肉之故, 若祈 幼,不可 福、宴 禮 義 致 恃 廉 生嫌 飲飲 年 恥 等 可恃 長 胥 "隙, 日 丽 相

以

乖

鄉

黨之義。

罪。

第 五 條

水寶、水關、堤路、 居 鄉 黨, 見 便 溝 所 渠等處,當培堅寔以防 當 興。 如 田 畔、 田 界、

旱潦。 告該 見害所當 則 衙門并力以 引 可決 呈該 除, 則決, 衙 如 門區 野 去之。 可 潤 塞 害 處,不得隱縱,以 則 若盜 稼 塞 猛 ,并力以行之。 賊豪横 潤 害 人,當馳 各色等 害良

第 + 六 條

民。

肆行 侮 社 毆 長 居 駡 鄉 私 黨,不 以 某社 詞 可 訟 有 恃 此等人,許社長引呈治 自 其 爲 豪 理 强 斷 兄 弟 欺 衆多, 蔑 鰥 寡, 輕

四

物,講 賣田 罪。 鄉 并擔當首唱訟謀及自立私約,脅捉財物,指 飲 池土宅,罄竭家財; 爲 解調 有乖法律。 鄉 長,於鄉 和。 不 . 得 内 違者,投告衙門拿送治 自 或 爲 有 并禁錮水火,除外 不平 教唆,使 事,當平心率 人争訟;

第十八條

已 枉,横捉錢財,破竭 右及另項,不得私立衙門 有 該 鄉 黨 衙 門官隨公勘行。 或 有 户 婚、 家産。 田 土、 勾勘諸訟,不分直 違者抵罪。 人命 某 本 社 及 、村官豪 諸 雜 訟,

> 社、村長引呈治 生遊戲淫蕩,偷竊 人"女子不得高聲 居鄉 黨, 男子 罪 財物。 大 不 語 得 馬 肆 某社有此等人,許 其 其 凶 鄉 黠, 里 一,并不 無故 得 毆

第二十條

黨邪 如 争 害正。 訟 居 爲 鄉 村, 證 違者治罪 借,當以 當 秉 心 公 寔對,不 E 别 可 白 私 是 徇 非 財 曲 貨, 直

第二十一條

鄉村,近於道路,去處可置亭館者,

居

Ŧi.

黎朝教化條律四十七條

隨便 本家及鄉里人當審察明白,以防姦非。 見婦人投宿,則謹其關 居,暮夜之間見人暫來宿泊,不得斥拒。 構 作 以 便 往 來 諸 人 防,不得自肆邪 宿 泊, 并 沿途 若 其 家

并縱親戚外人强行淫污,以取罪戾。

第二十二條

往來。若强者,引呈治罪。致狹隘者,許社、村長勘度,再還舊界,以便鄉村道路已有界限,如有侵占爲私,以

第二十三條

來。若有填者,再疏以通水道,不可私占爲鄉村原有溪港,當開通,以便舟筏往

池沼,以取罪戾。

第二十四條

所有,當與衆共,不得占爲己私,不與人同。山林、川澤、溪港、漁梁等處,非原祖業

第二十五條

之故保置非人,并結爲朋黨,别立村甲及生已及格、衆所推服者爲之,不可以錢財酒肉社、村長,當擇良家子弟識字才幹、年

第二十六條

嫌隙。

違者抵罪。

事俯育,供其徭役。不可惰其四肢,以致貧爲人當恪勤生業,使衣食有餘,得以仰

六

薄,肆行盗劫,以取罪戾。

第二十七條

田産以傷生業,自致貧困。華美。富者欲以勝人,貧者欲以企及,致賣喪祭等禮,其盤饌飲食務要適中,不可競爲喪祭等禮,其盤饌飲食務要適中,不可競爲

第二十八條

公門,言人善惡,囑托詞訟,規取財物。違爲人當遵理常守,不可倚托權勢,出入

者抵罪。

第二十九條

揜,終陷刑戮。 死,及墮胎嫁禍諸人。然奸詐情狀,卒不可殿等事,故將老弱、病疾、懷孕之人陰圖致

第三十條

爲人有三綱五常之道,不可惑於異端。 爲人有三綱五常之道,不可惑於異端。 爲人有三綱五常之道,不可惑於異端。 爲人有三綱五常之道,不可惑於異端。 爲人有三綱五常之道,不可惑於異端。

七

第三十一條

之。若不能改,必取罪戾。得便教唆。如此之類,甚爲可惡,有必改露,身陷刑辟,并有假作宗親,自爲伴訟,變衒黑白,欲售奸計,規得財貨,然事情顯

第三十二條

訴 語陷 梁道路,嫁禍於人,自取重罪。 及以私 良善"以 争訟之事,出於不 怨作慝名書,詩歌凯諷,粘在 人細 過,羅 得已,不 織 狀訟,妄行 可 懷怨, 盾 告 誣

阻

違者抵罪。

弗三十三條

知人捉送所任司官治罪。 其宿泊,陸行則擇其止居,不可托爲販賣, 易斗升衡秤尺度,規得 相聚徒黨,夜間隙伺以便夜盜。 爲商賣,當隨 其時 價貿易 小益。 有 如 違者,許見 無,不 舟 行 則謹 可 變

第三十四條

率修 茸 社村 古培築, 橋 梁 以 道 便往來,不得留 路 弊漏 頹 壞 者, 廢,以 即 隨 致妨 便 相

八

刻,以傷風化。 國諸傳,及歌詩涉於淫蕩者,不可刊板印方可刊板通行。若道釋異端邪説諸書,並,凡經、史、子、集及文章有裨於世教者,

第三十六條

則戒其顛倒,應務則懲其怠惰。不得競逐爲吏當循其常分,勉其當爲。修簿牒

門官,小則朴教痛懲,大則糾舉治罪。刀筆,弄智舞文,罔知廉恥。違者,許該衙

承認者,當存舊跡,不可破壞。 有干者,引木,故縱牛羊踐踏破壞, 及古人墳墓無人凡歷代陵廟并功臣祠墓,不得斬伐竹

呈治罪。

第三十八條

構作,勞人費財。 違者抵罪。 額弗禁。 若某鄉村無原額佛寺,不得私自犯佛寺浮屠,皆無益之事,係有名藍原

第三十九條

爲人有姓氏,所以别族類,不可冒稱前

九

黎朝教化條律四十七條

結立證借,妄争他人田土。違者抵罪。朝世家子孫,假立宗派文憑,并買取囑書,

第四十條

者、許社、村長引呈該門官區 聽 長徇情容縱者, 不得假爲巫覡,妄言禍福,以惑世誣民。 巫 覡之徒,托以鬼神怪誕之事, 爲 人死 生有命,禍 體治罪。 福 惟其所召,不 一處。 若村、社 并 男 可 違 女 偏

第四十一條

輓,竟爲歌 家, 唱 中 以以 元 節 革弊俗, 當 循 家 口 體 純 , 不 風。 可 托 敢 有 以 違 吊

者,治以重罪。

第四十二條

如坐 而有傲慢之心。 則 軍 起,行則 民家奴等人,如 趨,不得謂 違者,依法律治。 見官 非 員, 該管、 所 當 非 宗主, 敬

第四十三條

賣他國,以取財貨。違者,許見知員人捉送天下各鎮官員軍民,不得誑誘人口,專

第四十四條

治罪。

計較貧富,多索財物。其配室當别屬族,不夫婦,人倫之本。婚嫁當循常禮,不可

妨仁

厚之俗。

得貪 近 貫、酒一 於 (其富· 禽 閣 貴,胥 坪,其· 係 本 相 本社、村官員并另兵等,不 貫 亂 别 倫; 社 並 并 不 許 可 欄 無 街 禮 禮 苟 古 合, 錢

標錢,及混同 得托以娶夫别貫,索取欄 劫分寡居婦女爲妻妾。 街錢禮過多,并 違者 賞

第四 [十五條

論

罪。

水火盜 不可 賣彼家妻子田土,或致竭産,以致貧漂; 必 相 扶 要索盤 居 一賊,宜 持。 鄉 黨宗 一饌,亦 若 盡力救護,不 違者抵罪 族, 死 喪,當 有 不得拘 窮 困 相 以舊俗世 必 救 可 相 助 恬然 周 隨 恤 坐視, 常常 有 家 豐 疾 圃 儉 并 以 脋 病

第 四 + 六條

界。 凡 間 居 耕 民必有鄰,貴 同 田,不 可 索 相親 取 標錢,并托 相 睦 一,不 可 以執 彼 此

第 四十七條

水放

火

而

斂

取

禾穀

以

厚民

俗。

違者抵

疆

其 居坊、 社、 如鷄 村、 豚、禾穀、柴笋、花菓等物 鄉 間, 當 秉 心 IE 直,不可

肆

係 非 己有,不得攘竊,以取罪戾。

皇朝聖諭訓迪十條

[越南] 裴伯鈞

校 撰點

目

1023

爲

喃字,頒行推廣。

校 點 説 明

南阮 朝聖祖仁皇帝,世 阮福擔(一七九一—一八四一),即阮福 祖 高皇帝 阮 福 映 之 四 咬,越 皇子,

課、丁 籍、寫詩文。 勦平北圻逆匪詩集》、《御 崇尚儒學,勤於施政。 製文》、《御製聖 一八二〇年即位,年號明命。 田等 方面 其著述 一德神 多有改革,並立國 有《韶 功 碑 即位後、在行政、法律、税 製 記 表 》、《御 勦 並 明 平 御 命皇帝聰 南北賊寇詩 製 製詩》、《明 史館,鼓 詩 集》、《 明 勵 嚴 集》、 御製 命 編 謹, 御 書

城及各省頒 録》記載,甲午年(一八三四)六月,明命皇帝在 據《大南實録 佈訓條十篇。 . 正編 翼宗皇帝與陳文義翻 第二紀聖 祖 仁 皇 帝 京 譯 實

文。

御題名勝圖繪詩

集

》等。

第六種校點者未能見到,其餘均藏於漢喃研究院。 頁,成泰朝乙巳年春(一九〇五)刻印,南默 據《越南漢喃遺 《皇朝聖 諭 訓迪十條》,藏號A. 2611,二十 産書目》,此書有七個本子,除

問 題 的奏本。 藏板,以十條原文刻印,没有禮部關於抄録暨刻

廟宅

印

二、《上諭訓條解音附演歌》,藏號AB. 555

百一十頁,明命十五年(一八三四)刻印,有十條原

文和陳文義翻譯的喃字部分。

三、《聖諭十條衍義歌》,藏號AB. 107,一

的注釋。 翼宗英皇帝演歌,致中堂藏板。 十頁,嗣德辛未年秋(一八七一)刻印,包括訓 結 尾 有 一些字 條 及 詞

頁,有句讀,末有 四、《上諭訓條抄本解音》,藏號AB. 402,六 明 命十五年十一月吉 日 禮 部

+

奏

抄本,校其文字,似抄自明命刻本。

五、《上諭訓

條》,藏

號VHv. 2485,三十六頁,

1025

百

製十條衍歌》),藏號Paris, PD. 2392,我們沒有見六、翼宗皇帝的《聖諭訓迪十條衍義歌》(《御

到。

七、《大南實録。正編。第二紀聖祖仁皇帝實。

绿》録有《訓迪十條》原文及禮部的題詞和奏文。 録》録有《訓迪十條》原文及禮部的題詞和奏文。 402)作爲校本(簡稱「乙本」)。另將乙本文末禮部 2611)爲底本,此本没有哺字注解,較易排版。以 2612)

校點者 裴伯鈞

奏文另行坚理,作爲附録收入。

皇朝聖諭訓迪十條

之官。」施政教時,學振木鐸以警衆也。❸ 型。 必以 孟 春 遒 化民成 又慮民之觀感不一,視聽 上渝: 音首。 自古聖帝明王以 俗爲先務。 人徇路、《書·胤征 身教言教,具有儀 Ē 難 *****: 正月州 道涖天下, 0 齊,則設爲 「遒人,宣令 長 讀

之,以糾其過惡而戒之。」 七制,用能 正月之吉,各屬其州之民而 法《周禮· 地官》: ●「州長各掌其州之教治政令之法。 讀法,以考其德行道藝而勸 家喻户 曉,

興

讓

興仁,以臻雍熙悠久之盛。

我國家肇

成 基 興學校以 《孟子・盡心》篇:「善政,民畏之。 在 南 久。 服 神 育才, 傳聖繼 奉我皇考世祖高皇帝大定之後 頒 條 二百餘年,德 例 以 正 善教、民愛之。」浹于 俗,善政善教 意汪 涵,美

> 圖 租 之。二向來綏彫 咸臻富庶,然 子路》篇:「冉有 民心;恒道之貞,每匹 ,拳拳以惠養黎元爲念。 ,率循大下,深思富而後教之義, ◎《論 E. 而 撫 涵 一既 瘵,側賣切,勞病也。● 養安佚,經今十有五 富 矣,又何 庥前古。 雖 加 未 焉?」曰: 朕 能 丕 使 降 紹 吾 赦 2 教 語 年 民 蠲 鴻

書胤征」上,乙本有一「出」字。

做此。 「時」,原作「辰」,避阮朝翼宗皇帝廟諱。 今回改。

- 「遒人」至「衆也」、乙本無。 周禮地官」、乙本作「出《周禮》」。
- 戒之」下,乙本有「屬聚也」三字。
- 義」下,乙本有注: 恒道之貞」下,乙本有注。「出《易·恒卦》。」 在久」下,乙本有注:「出《莊子》。」 「出《論語》。」底本之注文,乙本作
- 日」上、乙本有「子」字。

眉批

側賣切勞病也」,乙本無此六字。

◍

後

賞 撰 然。 教。 然亦 轄 訓 曉 軌 輕 寔 方: 矣。 撫 無 廬 民 諸 也。 一,必有 儀 惟 布 迪 賴 犯憲網 彝 隨 凡有耳 與 廉 總 之 有 物 按 註 惡 勸 教 朕嘗閱 即 ,各宜 分送 第思 夫 訪 氣 訓 里社村, 辭 勵 棍 則, 忠 盡 誠 賢 孝 凡 有 IE 及 禀 蹈 信。 具此 牖 + 目,皆可 刑 俗 良 方 順 狂 所 體 可 刑 京 0 部所上案宗,見 以以 民 方 節 條 狡 蔽,物 ?矜憐,朕心殊所不忍。 朕 誅 並 外 其 知能, 孔易,當在平 Œ 亶惟 義, 不 轉 此意,將 間 諸 爲人心 頒 之士, 逞之徒,❸ 聞 此 飭 地 誠 行 欲 其 知,固 則 專 方。 樸 有 屬 天 所 時 順逆之理 轄 獨也,一也。 下; 風 醇 原 奏 香,是 亦 爾 厚 府 送 不 俗至計。 節經論: 命 上 力有頑 每 時 待煩 再 縣 印 京 所 固 0 有 以 即 學 敕 本 尹 京諒 在 冥 不乏人。 不 政 敢 厚 及 禮 爰 令諸 谝 言 搜 無 且 及 命 可 室 諸 部 行 加 送 已 重 而 知 求 該 所 督 擬 撰 後 昭 不 如 無 蓬 念 旌 地

> 廷 庥,咸蒙多福。 此 總 傚,●務期革薄從忠,薰成美俗 相 等,切勿視爲具文,必身體 規 等 里 亦得長治久安。 以 長等,各遵 教 成 條 日 以 期 染 爾 宣 部 月 讀 送儀 臣 濡 則朕眷念爾等 庶盡 講 同 明 註 歸 6 享春臺壽 于善。 遍 務 飭 於以 使 力行,胥 土 家傳 臣 爾 庶 域 永 庶 士 軍 迓 然 庶 思 人將 圃 以 天 朝 軍

也。」也の乙本有眉批:「「教訓正俗」、出《曲禮》。廉、察此句乙本有眉批:「「教訓正俗」、出《曲禮》。廉、察

0

● 「獨」上,乙本有「專謂」二字。

0 詐狡 批。 棍」下,乙本有「棍音混」三字注文。 「《康熙字典》: 猾 爲 無 賴 『賴,利也,謂無利於家也。 恃 也。」不 檢 謂 且此 之 不 句乙本有眉 逞。 又多 束

大雅·板》第六章。」「當在平時」下,乙本有注:「牖,明處也。出《詩經

「期」,乙本作「時」。

0

0

● 此句乙本有眉批:「《詩·小雅·角弓》篇:「爾之遠

此。明命十五年五月十五日。教育而成全之一片苦心,方不虚負矣。● 欽

敦人論

急公。 爲胥 仰 爲兵 土 之大倫也。 有 夙 不振,居平 正 軍民等,皆知以 夜 者 親 事父母、俯育妻子,外以 圃 吏者, 農 講 必 咸 ,夫婦有别,兄弟 夫人道,莫先於明倫。 隸軍籍者, 勤 盡 學 I 其 明 商 則 無 勿 人倫 道 心,趨 者,樂業服 舞 練習技 廢 公事。 敦 文 砥 明 勿離 弄 礪 事 人倫爲 而 法, 藝 成 赴 後 有 伍 若 勤 才, 功 序 人 勿侵 有 而 ",安常 夫 八道立。 重。 加期 而不惜其力。 供租 事 以 苟 君臣 事 蠧 則 供 逃,勿惰 友 父母 仕者奉 守 或 小 奮 就 有信,此 有義,父子 朕 分,内 賦、好 民 勇 家之用。 必以 願 向 ·公履 氣 惟 臣 前 爲 思 以 庶 而

> 信能 敬, 迓昇平之治。 守道,所以長守其 子守道,所以長守其庥。」《忠經 争,朋友則相 處 如 夫 是,則 (婦必 彝 信 庥,小人不常,所以 以 焕乎韙音偉,是也。● 倫攸敘 而 和 無 順, 欺 公,●諸 侮。 兄弟 福 則相 忠 自 . 證 咸 蹈 經 、臻,于 哉! 應》章: 其 愛 **>** 答。」 Ĕ: 而 以 爾 一君 無 「君 永 等 乖 子

正心術二

由 惟皇上帝,降衷于下民,若順也。● 生,其心不正則 夫心者,人之本 百惡所從出 也。 其 心 可可 Œ 有恒性,出 則 不 慎 萬 善 歟 所 ?

此句乙本有眉批。「《書經

洪

範》曰:『彝倫攸敘。』』

[「]不虚負矣」下,乙本有注。「眷,謂顧也。」

[「]音偉是也」,乙本無此四字。

[「]順」上,乙本有「若」字。

皇朝聖諭訓迪十條

思之。 成,而 逆凶 若不 于刑 善好 遷 善心,存養良性 初 於利誘,勿陷於惡習。 生 行之不善,必知愧耻於心,深自改悔。 章, 噬臍 思警省,淫 義,以保 富者勿至於驕奢,貧 不樂 無 惟影響。」夫朕教養萬民,樂觀 誥 % 0 不 ·固有。 見 是以 何 爾等之羅于咎也。 其 凡及! , 雖 僻 生 仁義禮智,藹 朕 邪 所 願 辟惡 穢 《書》曰:「惠 業 爾 無所 者 有 苟有一言之不 百 去 不 勿 姓等,各思 邪,咸歸于 同, 不 流 然四端,人之 -爲,到 於姦僞 圃 爾等其慎 迪吉、從 向 爾等之 此 善 恒 Ē Ė, 勿 樂 陷 守 則

務本業

自擇一業,以爲立身之本。士農工商,園圃夫上天生民,必各付之一業,故人莫不

澤牧, 析。二 象日 改圖。 以 低 生 也 期以及時成立 見其成效矣。 專,不懈用力,則 生 ,財也。● 也。 者,莫不習而 至百工之飭貨八材、《周禮・天官》: 盈 磋,玉曰琢,石曰磨,木曰 商賈之阜通貨賄,貨,金玉也。 寧 以至武弁軍旅,各有 夫業成於勤 爲農者修其耒耜,時 縱有豐歉 軍伍則講習武藝,凡有常 爲士者澡身礪行,博學洽聞 ,縱有目前小利,亦不可遽 安焉,勤 百計 不 而 齊, 不 廢 刻,金 足,月計 而行 亦 於 念,但 其稼 所業,皆資 不 日 焉,此 可 鏤, 賄,音悔,❸布 稀,務 因 有餘 革 能 0 丽 曰 務 職 治業精 珠日 剥 ,終必 輟 本業 之以 以 以 業。 羽 切 治 阚 帛 \Box

下

- 「珠

日

0

句爲《周禮・天官・大宰》鄭玄注文。「周禮」上、乙本有「八材出」三字。按「出書湯誥」上、乙本有「上帝降衷」四

[「]財也」,乙本無此二字。

之。 之義 也。 書》曰: 「業廣惟勤。」●爾等其勉

尚 節 儉四

費。 衣服 也。 之醮祭,所需亦累千百。 酬 平,人民多尚奢侈,衣服器用,華 聖賢每論用財,必以節 各宜 取質樸,冠昏葬祭但貴得宜 于鴉片,蕩于酒 寡,爲之者疾,用之者舒,則財恒足矣。」●故 酢往來,率多浮費。 凛遵朕訓 夫生財 不 至如愚人蕩子,曾誤 觸憲冒法,甚 可過 華,飲食 有大道:「 以 博,卒之破産傾貨,即移切,財 食 勤 可憫也。 不 儉爲持身治家之良術。 又有 可 儉爲先。今海 生之者衆,食之者 無 甚者冥頑之徒,淫 吃鴉片及好 切切 事 節,房屋 爾士庶軍 神奉 不 麗過 可 佛 调 器 人等, 宇承 度; 酒 爲 具務 筵 博 奢

> 富之效可 永圖。」●爾等信能如 致,6顧不 -韙 敷 是, ? 則 儉 約 之風

者,速宜洗除。

《書》

日

慎

乃

儉德,惟

懷

成,殷

厚 風 俗五

寢, 富侵貧,毋以貴驕賤,毋以智欺愚,毋 有信順以睦鄉黨,有禮 等,相觀爲善,偕之大道,有恩意以厚宗族 四海之内有太平音。● 夫風 俗所 關 非 細, 讓以和上下。 風 醇 朕 俗 願 美則 爾 土 刑 庶 毋以 以彊 措 軍人 兵

即移切財也」、乙本無此五字。 財恒足矣」下,乙本有注。 業廣惟勤」下,乙本有注: 「出《周官》。」 「出《大學》平天下章。」

富」,乙本作「實」。

永圖」下,乙本有注:

「出《書・太甲》。」

太平音」下,乙本有注: 「出《忠經》。」

五.

守望以 積讐 處 凌弱 忠信之 心純 忿 厚,立 習 弭 以 居 無無 平 盗 構 賊 争 則 操 浮 端 相 誡 恬 僞 保 静 險 置 勿 愛, 詐 兆 好 農 之 以 健 有 風。 圃 訟 免 事 則 株 公》: 以 則 勿 爲 連 妨 相 士 越 生 賙 畔 者 有 理 恤 以 必 廉 求 知 耻 聯 謂 勿

爾 日 則 等 勿 凡 宜 射 喻 厥 利 庶 此 丽 民, 意 交 争, 於 無有淫朋 以 勿 盡 眩 革 貨 ,人無有比 澆 ൬ 古 求 堯 售。 切 冷德。」❷ 薄 \wedge 也。 書

不得

曲

爲隄坊

,❶壅泉激水,以專小利

病

鄰國

也

Ι.

賈

益

一,勿曲

防

以

害

人。

[《]左

傳

僖

無

曲

防。

麻。 風 咸 臻 爾 美 等 其 俗, 勉 永迓 旃 哉 和 平 之 福 聿 躋 大 順 之

訓 子 弟六

不 知子弟之道,他日 夫 人 始 爲 子弟 即 後 不 爲 能 父 兄 知父兄師 師 長 長 今 之 日

> 存於禮 失 游惰 教其 日 兄師 大 高 勿 自 納 道 邪也。 使 且 爲 者 於 0 習 遠 良 不勤,勿使 子 可 邪。 長 故 「臣聞愛子,教之以義方,弗納於邪。」驕奢淫佚,所 也。 乎 民,保守家業。 義 尚 弟,務俾恪守天良,無 古之教 以 今朕願爾等之爲父兄師 哉? 《左傳• 廉 奢 成 耻 侈 材 是以古者 必 達德,光顯 夫幼子童孫、書 好 隱公三年》: 衛大夫石碏諫莊 久之心地 行 自子弟始,蓋 博縱 必 愛子,教之以 平日 重 酒, 一於孝 門間, 醇 勿 教誨之功, 豈不 良, 使 弟 失 以 交結 世業 力 日 長 吕刑》 下者亦 期 者,各 進於善 田 義 乎 ·心 匪 方 爲 勿 「幼子 不 必 使 勤 父 公

記

禮

運

》篇。」

比德」下,乙本有注: 坊」,乙本 作

此句乙本有眉批: 古堯切薄也」、乙本無此五 「大順」,出 「出《書。

碏」,原誤 奢淫佚所自邪也」,乙本無此八字。 作 「錯」,據《左傳

嚴。 篇名。 童孫,皆聽朕言。」聖人之所必教,《少儀》、《禮記 孟子曰: 《弟子職》,《管子》篇名。● 「逸居 丽 無 教, 君子之所 則近於 禽 致

崇 正 學七

獸。」●爾等其毋忽焉。

Ę 先:是皆所當講 不惑於他岐,自 誘,當速改除。 誅,此其壞教斁倫,尤不可信。 至男女混 勿爲其所誑 堯舜之道,孝弟 無學,亦不可一日 朕願爾兆姓等,務崇正學,講 夫學者,所以 澈,行同禽獸,煽奸樹黨,自蹈 感。 能 凡冠昏喪祭,必循國禮。 也。 而已,孔孟之教,仁 爺蘇之説,●尤爲 學爲 歸 無 於正 學,而 若夫一切左道異端, 人,故天下不可一人 道。 其所學尤不 夫業爲士者, 其有業爲 無 明人倫。 .理,甚 義 可不 荷 所 刑 爲

> 朕啓誨諄切,本欲嘉惠我民,爾等其敬聽 事長上,聖賢之學,亦不外是。 彝好德,不失本心,人足以事父兄,出足 言,悦而從之,見人之善行,效而爲之。 賈,豈必皆 誦習《詩 「息邪説,距詖兵媚切,偏也。 • 》、《書》,自知 能讀書識字? 然其見 義理。 行,放淫辭。」6 至於兵農 孟子 人之善 E 以 秉 I

之。

- 篇名」下,乙本有「並見《小學》内篇」六字。
- 近於禽獸」下,乙本有注: 「出《孟子·滕文公上》
- 「左道」,原空缺,今據乙本補。 爺蘇」,原空缺,今據乙本補。
- 兵媚切偏也」,乙本無此五字。
- 淫 一下,乙本有注: 「出《孟子・ 滕文公下》篇。」

戒 淫 慝八

始則 閑,女以貞節自守。 節婦貞女者,朕特加旌賞, 可不 甚爲平民之害。 活,多詐也。 所由集矣。 父母兄長者,各知教誨其子弟,男以 扁 其端甚微,其禍 流於淫蕩,貴由 女之際,情 額 發櫃穴墻,終則煽惑滋事,此皆天理之 ,以爲天下之貞者勸。 知所痛戒遏止也哉? 夫人在天地之中以生,貴守正性 欲最 舞 乃若豪黨挾勢以侵凌, 智 甚 善道而不入於邪慝。 爲易惑,苟不以 又 以 鉅 如 慫 男女之情正,而 ,讐釁生焉,獄訟 無賴 恵,音悚,音勇,皆勸也。❷ 游 或建祠所,或 願 向來諸地 棍 爾百姓等,爲 慣慣 禮自 爲不善, 百 禮法自 刁 起焉 防, 夫男 方有 福之 猾 丽 賜 則 不 音

> 善禍 姓等念之。 改惡還 淫。」●其 良, 胥 囿 有 於相 犯此等條, 養相安之域。 速宜自 知 惟 畏 爾 悔,

白

慎 法 守九

等可不思所以慎守之歟? 朕告爾百姓等, 法。 民,每以法律轉 家之父兄各教其子弟,鄉之長正 而全其生焉。● 吾民 夫朝廷之於民,欲 能知守法,然後寡過,不 則法紀之設,6以爲民也,爾 相曉示,勿慢法而故爲,勿 其 守 法 而 各戒其小 不 人於罪 欲 其 戾 犯

《湯

0 9 0

0

焉」,乙本無此字。

所不

容,國法之所不貰。《書》曰:「天道福

此注乙本作 福善禍淫」下,乙本有注 音活多許也」。乙本無此 五 恿,音勇, 字。 出

則」上、乙本有「然」字。

康王 敢逞 棄法 庥。」●夫如是,則下有風動之庥,《書·禹謨》: 公法之所禁,皆當謹 干 則 有 有 爲 圃 四 連,則 勿 以 以 [方風 修 一刑措 私 革 彊 常 遏 圃 良。 動,惟乃之休。」上有刑措之治,《史記》: 暴囂 輕犯。 圖 不用。」顧 犯 其 其 勿互 包攬而 義 健 邪 書》 之行; 訟 僻 凌之 一相串 之習; 如 之 不盛哉 曰: 拖 知 心 氣 通 欠 知 不 各 避, 而 IE 道不 知 知 知 鬭 窩藏 供; 税 越 姦 毆 自能 守爾 課 訴 淫 攘 孝之律,則 逃 知匿犯之必至 之自 祛其 盗 奪 誣 犯。 典, 之律, 告 竊 之律, 偽妄, 有定 之律,必 以 凡一 承 則 不 額, 「周 切 天 進 必 不 敢

廣善 行十

者,福之所集也。所謂善者無他,不過孝弟 夫積善之家,必有餘慶。音姜,●福也。善

> 哉! 窮矣。 命,保合太 咸 顯,則其子孫亦必憑藉餘慶,繁衍盛大於 殃不至,福禄日來。 久之而實得諸己,積之而 言,勉進 要亦不外是。 前 忠信仁義 體 項等條之所能悉,然其彝 朕意,敦行善道 《書》曰 於善。 7禮智 和 **共** 爾 : 间 今日 己。 士庶軍 作善,降之百祥。」3 縱使報應稍遲,其 躋仁壽之域。 行 面 兹朕 不怠,于以 人等,各宜敬聽朕 善,明 미 倫日 教 廣 陰 爾 功,自 日 用之常,大 有民,非 行 焕 各 乎 正 爾 身未 然災 善 肆 無 性 筡 謂

「天麻」下,乙本有注。「出《湯誥》。」

[「]音姜」上,乙本有「《易·坤卦·文言》:「積善之家、 「百祥」下,乙本有注:「出《伊訓》。」 此句乙本有眉批:「「正性命,合太和」,出《易·剪业句乙本有眉批:「出《伊訓》。」

條・崇正學》一段疑處,留作塗樣,方知讀儀註告文,次看卷三經緣始末,內《訓讀十十條》者,宜先看《陳廟弘道經編》卷首宣講成泰十七年三月日奉擬。欽讀《聖諭

南墨善譜生等謹奉禱擬。

法。

兹奉擬。

行, 呈進。 當胥 於此 縣 有 奉 摺 Œ 如前全篇,至方不虚負矣。 如 俗。 H 具 轉 頒 有以 奏 相 此 諭 禮 録 給京外諸 浸濃 兹臣 之深 鼓舞, 仰 如 雖自古盛帝顯 部 送 蒙俞 自古聖帝明 臣 祈 社 仰見我皇上 郁 等 且 等 聖鑒 民 講 允, 奉 亹 摰 謹 地方, 撰 貫 各照 也。 亹 奏: 請 事 擬 而 成 即 主 内 再 儀 王 尋繹之, 佩服 爲 則 風 由 闡 本 欽此。 即 所 永 註 以正 遵 凡 臣 道 年 以 遠 抄 幸 諭 以 部 逐 以 Ŧi. 共 録 遵 道 覩 撰 款 恭 化 開 月 欽遵。 享 併行 行 涖 擬 彝 録 訓 人, 拾 臚 太 天下云云。 儀 訓 列 臣 五. Ψ. 而 明 俾 分 者 民 日 註 體 謹 蹈 送 之 教 臣 府 等 欽 恭 奉 福 行 所 未 以 奉

聲敘

,伏候聖旨

謹

奏。

俗 傳 爲 學舍家塾, 幼 礪 訓 八易曉。 寫 行 可 可 丽 條》, 興矣。 學之, 講 矣。 以授 儀 也。 均 文 即 再 聽各該 壯 要文從字 童學,庶 既 兹擬 所有臣 凡臣 臣 ൬ 肅 等 行之,不 請 庶之家 有 觀 師 由 等膚淺之見 使 所 聽 長等,奉將《 順 各 得 思 自 該 教 特 之養教 辭 者 乎 地 時 訓 義 此 方官 而 其 子 坦 次 後 輒 之素, E 弟 聚 明 欽 轉 知 會 諭 敢 皆 飭 原 奉 所 訓 然 可 欲 面 所 命 砥 條 併 美 在 後 使 使 撰 德

藏; 諸 飭 本 轄 京 餘各本 尹 計 奉 由内 開 行 届 頒 數干 閣 一、奉 日 給。 奉 臣 納 均 鐫印 部飭 其 由 欽 承 用 臣 完 屬 天 部 御 竣 于 府 寶 祗 後 部 由 領, 更 仍 堂 臣 按 奉 正 部 部 中 照 敬 蠲 奉 間 京 吉 謹 將 設 外 韓 尊 IE

● 據乙本補録。

附

録

導 樂,並 服 樂 子 吅 服。 跪 奉 亭 員 紅 尹 列 衙 安 Ė 等 員 廷 員, 亦 案 並 興 京 奉 于 龍 于 臣 前 再 兵杖 接 尹 具 咨 國 虒 另 該 各 部 亭于 廳 左 밂 (授, 率 學 撥 欽 奉 由 府 具 恭 司 服 堂 右 門外 整 員 屬 給 將 臣 衙 大 行 加 香案之南, TE. 肅 弁 及 奉 員 應 部 京尹 朝 謝 額 員 中 齊 跪 該 臣 將 軍 給 恭 恩禮 轉 恭 前 冠 間 監 整 迎 部 昇 欽 該 備 以 就 捧 服 預 授 臣 頒《訓 司 行 轄 恭 仍 五 欽 部 恭 下 龍 設 並 所 兵杖、 堂 各 兵 安龍 派 頒 亭、 咸 香 學 拜 屬 備 員 杖、 Ŧ 奉 出 趨 條》各 趨 案 政 訓 文 繖 龍 亭于 本 扈 迎 部 等員 員 廷 雅 雅 條 亭、繖 蓋 隨 出 安 司 樂、繖 樂、 行 本 京 國 其 設 原 兵 五 祗 至 繖 學 具 員 安 尹 本 臣 至 杖 拜 蓋 領 廳 大 Ē 交京 蓋 于 部 率 如 蓋 該 朝 具 訖 禮 堂 中 雅 或 排 前 龍 雅 府 司 屬 밂

> 分 間 部 上 杖 及 擇 河 府 奉 送所 各該 該 設 潔 省 司 前 行 香 静 界 貮 省 轉 往 轄 地 學 案 别 首 員 給 迎 府 方 舍 政 接。 由 即 其 縣 祇 以 員 驛 在 行 領訖 州 俟 爲 賫 其 外 轉 轉 各 欽 迎 遞 諸 儀 報 送 均 具 派 接 地 節 社 大 按 員 之所, 即 方 照 該 民 轄 朝 至, 奉 省 與 祇 欽 冠 由 將 該 又于 官于 承 領 給 臣 服 省 天 部 本 仍 官 省 府 省 該 奏 敬貯 整 率 堂 城 同 派 進 備 屬 Œ 外 員 派 餘 儀 員 中 預 出 向 到

人 拜 安 堂 弁 即 各 , 咸 擇吉 禮 員 置 正 該 仍 學 中 具 1,先行 政、教 等 其 間 分 衣 京 諸 設 左右 巾 外 内 地 紅 授、 整 官 各 外 方 案 讀 肅,各 列 各 該 訓 及 坐,由 該 地 導等 府 次。 奉 學 方 於 縣 臣 將 及 本 員 州 該 届 欽 府 齊 廳 等 長 日,各 此 頒 縣 堂 集 衙 官 次 並 諸 前 齊 奉 訓 祇 國 于本 有 趨 集 行 條 領 子 廷 肄 所 宣 後 監 業 屬 原 衙 行 本 廳 均 臣 $\overline{\mathcal{H}}$ 紳

間

該

監

臣

拜

領

如

儀

其京縣訓導等

員

另

由

承

天

前

次

儀

註

辦

理

以

示

数言

策

禮。 講 本。 分 村 讀 紳 即 亭正 夫 ,仍擇吉日, 説 由 童 人 訖 亦 該 該 義 率 先 稍 中 長 學 長 理 各 目或 間 讀 有 亦 目 民 該 毋 諭 文 設 皆 社 人 得 鄉 學 鄉 語 會 紅 印 等 民 草草 次 紳 紳 通 案 齊 曉 接 以 整 等 社 曉 讀《 到 説 次 備 員 其 義 村人 府 奉 過 静 訓 轉 衣 在 理 縣 安欽 坐。 飭 條 巾 、民等, 者 會 要 臣 社 預 + 轉 趨 送 奉 該 均 村 聽 分 送 廷 將 長 于 逐 内 訓 明 者 原本, 行 目 該 傳寫 原 旬 條 社 亦 逐 本 或 五 村 使 條 宣 鄉 拜 原 多 宜

> 體 以 照 訓 于 廢 退 時 例 誘 案 認 服 申 會 上 出 毋 通 膺 講 飭 得 飭 聽 該 總、 遵 視 各 庶 該 長 依 爲 該 有 里 府 目 前 具. 社 實 縣 按 次 民 得 文 鄉 員 儀 等 例 紳 即 註 各 講完 嗣 奉 各 將 要 辦 後 趨 行 該 體 理 廷 歲 總 遍, 認 行 若 仍 以 里 領 有 Ŧi 奉 由 四 長 會 疎 拜 安 季 府 懲 懈 胥 禮 原 縣 月 辦 曠 臣 朔 本 相 而

旨 日 方 依 ,各照内 内 明 奏 閣 命 着 臣 拾 即 遵 申 五 將 奉。 文 年 權 訓 陸 欽 條 月 臣 此 拾 何 印 玖 宗 本 日 權 分 題。 送 臣 京 本 阮 外 文 月 諸 章 貮 奉 拾 地

臣潘輝湜

臣

何

登

科

臣吴世榮

録

附

河内省列貴職遵辦禮部堂恭録

臣潘文雅

四四

皇訓九篇

[越南] 裴伯鈞

校 撰點

 	止信
點說明	
(章 一	
忠良 八	
訓九篇卷下	
慈愛 一一	
孝悌 一三	
造端 一五	
友于 一七	
目録	

校 點 説 眀

輯

阮

裴

集》、《御製古今體格詩法集》、《御製成 下約四千首詩、百篇文,結集者有: 實 章皇帝,葬於昌陵。 位,年號紹治,丁未(一八四 母 四 天詩集》、《御題 御製武功詩 御 在,崇道愛文的 親是佐天仁皇后胡 七)、諱鎔和暶、阮朝聖祖仁皇帝阮福擔的長子、 製歷代史總論》、《止善堂詩文繪集》。 皇訓九篇》,作者阮福綿宗(一八○七─一八 集》、《 名勝圖 人,是有 皇 他是一 氏 訓 繪 華。 九篇》、《紹 詩集》、《聖製 才能 位學 七)年去世,廟號憲 辛丑(一八四 的 歷 詩士及文士, 淵 治 《紹 博,心地純 御 北巡 輔 製 治 相 一)年繼 先 御 文 詩 集 集 天 製 後 詩 留 IE 祖

大臣 多加 阮 伯 編著《皇訓九篇》的 儀、 尊 室鈴、阮 久長、 人還 武 有紹 范啓、枚 治 朝 英俊 的 各 位

> 篇。 説 詩 句下是 奏章外,分上下兩卷,共九篇 的大部 中 註 詩的内容浸透 義例 解 每篇常有三章,每章有四 皇訓 有 關 分基本範疇, 的敷衍闡 九 文超、申 詩 篇》除卷首是 句 出 着 説。 處 文 人人 孔 的 如三才、三綱、五常、天人 孟 詩 註 程 篇 有 解, 朱的 的 詩,上卷 關 句,每 每 標 編 思想。包 篇 題 寫《皇訓 詩 皆 句 四 取 的 四 録。 篇,下 後 括 自 言。 九 儒家 儒 面 是 毎 卷 家 學. 對 的 經 五

量 皇 境下、《皇 相 訓 帝的 的 九篇》撰成於紹治七年(一八四七)。 説,都體現了 對 古聖明王的 和 根 據《大 詩篇到詩句下的註釋 平, 訓 儒 九篇》作爲「訓」 家 南實録》及書 淵 IE 事 博和 發 跡和典故。 展到它的高 含蓄的 中 體的御製作 以及各位 記 特 載, 點, 潮。 書 可 以 中 大 在 品 涉 臣 當 推 那 定,《 的 從 及了大 樣 時 敷 或 紹 的 治 皇 衍 環 家

研 究院 皇訓 E 書館 九篇》現 存有 兩 個手寫本,都藏於 漢 體

等。

馬·詩篇正文及詩末議論文字用大字,註釋部分寫。詩篇正文及詩末議論文字用大字,註釋部分五字左右。此本保存較好,從頭到尾都是楷體書五字左右。此本保存較好,從頭到尾都是楷體書

此本原文脱字較多,後人多補寫於行間。 大字書寫,註釋及詩末議論文字用草體小字書寫。 大字書寫,註釋及詩末議論文字用草體小字書寫。 供。此本首頁有漫漶及損毀處。詩篇正文用楷體 ,以下稱「乙本」),尺

差别不大。然而甲本比乙本清楚易讀,所以我們比較上述兩本,内容大致相同,有一些異文但

選用甲本作底本,乙本作校本。

校點者 裴伯鈞

乎。 治事。 六 世 聞 致 廷,達於間巷,粹然一出於正,共協于中。 事,皆可 俗,有身教焉, 皇訓 詩 爲天下法, →概無 治之隆,卓冠千古。 故舜德廣 有教。 内 九篇》, 臣等竊惟: 閣臣 師法, 足 等稽首 取。 協 奉行 觀風設教,言而世爲天下則 運 有言教焉。 言教者,●宣揚 之聲律,播之絃 求其「明德」「新民 而 鐫 自古聖帝明王,化人成 [頓首] 九叙 刻,以 漢唐而 [謹奏: 惟 歌,周 身教者,言 闡 化 諷 爲籲懇 歌,用 下,教 源 誦 德 用 使 一,行 重 化無 於朝 之感 光 行政 光 頒 文 而 而 示

> 篇,則 行物生之至教。 《詩》、《書》、《禮》、《易》、《春 天聰 未 體要,深造本原。 賾也;理之分於萬有者,至博 文,則皆經天緯 奉自臨御以來,御文二集,御詩 德,即愷悌爲綱,發爲文章,則敦柔以教。 堯、舜、禹、湯、文、武, 臣,父子有親,夫婦 爲深切而著明 有 時 如今日之盛美者也。 獨合至博 憲,聖學日 也。 地之至文,其爲教,則皆 爲 伏覩御 顧惟事之散 新。 至約,會至 有别,兄 蓋道 丕顯 允執 原 詩 於天 欽惟皇帝陛下 弟有 惟 厥 中,倣《詩經》九 於萬 賾 秋 德 中,接道統于 也。 四集。 地 爲 * 會 序,朋友有 殊者, 至精,尤 其 著 藴 心 其爲 於君 發 爲 源 道 于 明 至 時

- 標題爲校點者所
- 言」,原漫漶不清,據乙本補 聞」,乙本作「由」。

奏

期于 息,而 漆金 之訓 於朋 凡今之人,莫如 艱 疆 致 成 後 信 君子之道,造端夫婦 天者日 前 其 篇 能 輔 而 固 爲天地立心,爲生民立本, ,教爲人子止於孝,而勿忘作室之功。 盡 圃 石, 來自遠,友以 要 周 相 行,必牖之門 其 通 其功普於生物。 道 不察,生民 在 ,道之在 無 易 神明之德,類 道 相資之益,譬如朱赤藍青。凡 執 故 所 簡 譬 教爲人父止 中 其 不 之 如如 立言也 兄 人 用 至 臣 張弓; 弟,比 日 者 而 其 理 輔仁,相 奉 心 用 物物 ,徵於《易》則有 後 至 君 萬物 ,謂 本 君奉 能 ; 而 謂地 於物則 則 於慈,而 以 中和 人。 不知 來自有。 之 之情 成 天 得之深,比 夫 當 蓋 蓋 名,必 以 位 ,必導之途 仰惟聖心, 爲 厚, 然 高,健 惠民,必 育 至 必有 有 蘭 …,無 德合 粹 匪 倫 咸 然百 道 玉 而 於 過 懈 行 之 恒 而 此 膠 克 不 裁 ş 庭 不 至 有 無 姓 在 至 而 而

> 《易》之經,五教敬敷,則 也。 精。 但詩云乎哉? 典叙禮,爲《春秋》之文,教訓正 聲依律 賦 捧而讀之,若披 記》之用。 義,亦莫奥於此矣。 絃,優游以自得之, 訓有九篇 言,是彝 章雲漢 爲天下國家有 m 其言爲訓, 後 近 以 比 在 是 而 諧,言可 ,篇有三章。 日 分之爲 理則 訓。」天下之理,無復 兼三 用 彝 緑字之文,得 九經,行之者一」之義 至微。 而其 臣 經 倫 等 歌 九篇,合之則一道,傳 而 佩服 體 至若三才道備 密 以 而 三緯 則 或抑 陪禁近,邇 咏。 旨 洪 本乎《書》之旨; 訓 詩 備 則 範 ,求之三百篇 行,須臾 雅 將 觀 》 曰 其 四 圃 使 秘笈; 遠 加 詩 揚 俗,爲《 人 3 奉 則 之 風 於此矣。 「皇之敷 春 不 燦 清 也,豈 四 跪 體 若 叮 誦 禮 悼 前 而 T. 之 離 夏 天

御製詩三集,琳琅並彩,奎璧

聯

輝

誠

已

炳

聆之,若扣

黄鐘

之律

共聽

元

音。

經

奉

登

切 此 至 今家 也。 今奉聖上因心示訓,發言爲經,其 傳 人 誦 蓋 秉 好之心同,倫常 之 用 高

等竊 經 義 奉 至 以言 精 遵 勅 若非 至博 倣 日 者,其 涉 講 其 註經之法, 藩籬, 豈易窺其堂奥? 道 至大; 文至奥者,其 逐字 逐句,詳

如

天

其

近

如

地

凡

有

聞

聽

快觀

争先。

臣

節 爲 經 講 進 解 呈,欽 雖未 奉 能 裁 仰 定 測 敬謹 高 深,要亦 彙編,釐 求 成 其 本 卷。

得 同 於 奉 爲 響 至 誦 寶,嚅 3 萬 善甄 嚌 道 陶 真。 之化,咸 與六經菽粟之文, 得 指 歸 非

狠

請

登

于梨棗

()候

奉

頒

行。

俾

中

外

臣

民,咸

特 辭 籲 臣 狠 等 、伏冀 之 願 ,寔天下之大願 允行。 臣等: 弗 勝 望 踴 也 躍 翹 輙 望 敢 之 合

至

謹

奏

章

竊

儀、 臣 紹 尊 治 室 七 年 臣 九 阮 月 久 初 長、 日 臣 題 武 范 啓 奉 臣 旨 元

許

伯

解、 編 輯、 考校)、 謄 録

註 禮 解 部 編 左 輯 一侍 郎 充 辦 内 閣 事

務

加

級

紀

録 次 臣 阮 伯 儀

户 I 部 部 右 右 侍 侍 郎 郎 充 充 辦 辦 内 内 閣 閣 事 事 務 務 臣 加 尊 室 級

阮 久 長

署 翰 林 院 直 學 士 充 辦 内 閣 事 務 加

級 臣 孟 范啓

翰 林 院 侍 講 學 1 充 内 閣 秘 書 所

走

臣 枚 英 俊

翰 林

院

侍

讀

充

内

閣

絲

綸

所

行

走

臣

阮

考校:

文 超

翰 林 院 著 作 充 内 閣 秘 書 所 行 走 臣 申

 \equiv

臣

隆 翰林院待詔充内閣本章所行走臣裴

四

御製

五常,帝王順之則治。」

故云「浩浩元氣」。

六

極五常。

之所生,萬物之祖也。」《物理論》:

「元氣浩大,則稱浩天。」 《莊子》:「天有六極

浩元氣《禮記》:「浩浩其天。」又《禮統》:

「天者,元氣

耶門厥類惟彰。

《周書》:「天有顯道,厥類惟彰。」浩

恒 第 章

悠悠在上、《詩 ¥: 「悠悠蒼天。」又:「高高

性。

因

[倣《詩

經》古體

創 製

九

篇,攽

賜

講

堂,用加修進。

天高

地

厚,

覆

載

群生。

綱

五

常, 秉

彝

夢及天而咶之,斯皆聖王之前占,吉不可言。」循文以 鐘乳狀,迺仰嗽飲之。 蕩正青。《後漢書》鄧皇后「常夢捫天,蕩蕩正青,若有 厥士,日監在兹。」又《釋名》曰: 以訊諸占夢。 「天,顯也,在上高顯。」蕩 言堯夢攀天而上,湯

流形。 動、《鹖冠子》:「圓者,天之文也。 《易·乾卦》: 「大哉乾元! 天循文以動。」品物 萬物資始,乃統天。

第

章

高

明

三章,章四句。

皇訓九篇卷上

遠視之蒼蒼然,則稱蒼天。」《莊子》:「天之蒼蒼,其正色

維彼蒼蒼、詩

王風》:「彼蒼者天。」《尚書説》:

據

雲行雨施,品物流形。」

1051

在 上。 陟 降

第三章

大也。 乾乾 包 者損之,不足者與之。 强不息。」九三: 涵 「天以至健,故能運四德於四時。」道猶 「天之道,其猶張弓乎? 健 昭明顯融,帝之所以爲功也。」 昭 運、《易》: 明 顯 「君子終日乾乾,夕惕若,厲,無咎。」又胡 融。 「乾爲天。」象曰: 天之道,損有餘而補不足。」偏覆 子英子: 高者抑之,下者舉之,有 「編覆 「天行健, 包涵,天之所以 張弓。 君子以 《老 爲

清爲天 色耶? 運。 然 第 視之,則茫然一太虚也。 無 一章,天道 際,而 仰而觀之,則穹窿 八,重濁 《詩》云「上天之載,無聲無 道 爲 無 自會, 漠然無 地。 爲 而 尊 天之所 也。 而周下也;遠 蒼蒼然者,其 以 鴻蒙 分,而道 爲天者 初 判 臭」, 自 E 窈 而 輕

> 雲行,施 代明錯行,一元之所遞嬗, 無垠者,天之不可以階升。 道有大美而不言也。恢恢統覆,覆幬 此其六極、五常皆自天做也。 浩浩也 者言之,高也,明也,悠也,久也,元氣之 日 有 氣之所流 靈者,天之文也,而本乎天者,乾文斯朗。 曰「惟天爲大」,「蕩蕩正青」之謂也。 圓 廣大而無極者,天之不可 蓋高」,「悠悠在 方,高明之位列,仁義禮智,彝則之昭陳。 監 顯道 在 一,其 兹」,厥類惟彰也。 斯普矣。 通。 自其陰騭 義 甚 其循文以 明。 上」之謂也。 資以始者,洪纖 相協者言之,上下四 詩》 動 以 云 "《詩》曰「謂天 者 自其周流磅 屈 窺 如 第二章,天 陟 昭 伸來 測。 此 昭 降 之多 厥 往 ^ 雨施 語 ±, 丽

「必」,乙本作「自」。

惟

彼蒼蒼也。

善福禍淫,必然之理。●

厥

所以寓法天之意也。●

之流 各遂 主剛,以運爲德。 章承上二章,以至 形 其生; 者如 動 此 植 所 飛潛,各正 日月爲車,運轉之不 以 健 爲 明 萬 天 物 其 德 之 彙 性。 也 也 묘 天 止 道 第 物

之運,❶弩矢之流,有 也,風雲爲駟,變 動 而不居 不足以 也。 喻其意。 雖陶 其 鈞

無事而推行是? 其猶張弓乎? 高者 健如此,孰主張是? 孰 綱 維是? 孰 抑 居

之,下者舉之,有餘者損之,不足者

與

之。 以爲天也。 虚滿合離皆理之不可已,此天之所 是故就其遍覆 而言, 則 稱 昊

清,而臨下有赫,帝之所以爲功也。 大也,以其主宰而言,則 普物 稱上帝,得一以 臣 等

天,淯陽無量,而

無

心,天之所

以

爲

理以作。」●無爲以

寧。

《莊子》:「天無爲以之清,地

通吐靈。」循理

以作、《鶡冠子》:「方者,地之理

也。

循

大,末乃推言天行之健。 謹 按 此詩始言天道之公,中言天德之 其味深長,無非

> 博 厚三 章,章四 句。

第 章

容足耳。」含通吐 載物也。」又:「博厚配地。」《莊子》: 廣大博厚、《易》: 靈。 「廣大配天地。」《禮記 《晉書》: 「天以懸象致明,地以含 「地非不廣且大,人所

博

厚 所

以

爲以之寧。」

「與」,乙本作「補」。 運」、乙本作「妙」。

無非」、乙本無此二字。

循」上,依《鹖冠子》當有「地」字。

第 章

則兮,達后土之方貞。」又:「地道柔静,陰之常義也。」 調 是以 生,乃順承天。」可 乃 則 順 地可以 政不可正也。」方貞柔静。 承 天,《易》: 正政也。」平均和 以 坤 E 爲地。」 政。 調 《管子》: 彖 日 《管子》: 《漢書》: 「至哉坤 「地者,政之本 「正皇天之清 「地不平均和 元 ,萬物資

第 章

物。」生植之功。 厚 鴻蒙之光。 出 德載物 度 遊于岡 音郎。 冟 此其下無地而上無天,聽焉無聞,視焉無矚。」 《易• 之野,北息于沈墨之鄉,西 沈墨,育音香。 《淵鑑 坤 卦》象 日 「生植之功,直方之德。」 「地勢坤,君子以厚 冥 (鴻蒙。 窮窅冥之黨 往南 子》 東開

其

順

乎

!

王者觀象于坤

以

平

其政,明

廣

輪之數,得

夷險之

情。

形有

高

下,平

间

均

以

氣

始

物

之形,坤

順

其

氣

而

承之。

坤

道

一章,在天成象,

在

地

成

形。

天

包

地

氣有剛

柔

和

而

調

之。

五

材

以

之

順

天以 也。 依, 博厚 埏,八 作 廣 嬗其播氣,含通 陰,竅於山 載 竪亥不能窮其步推,大章不能畢其里數 外 坤 生焉; 故含吐 Ш 作成物 歷終古而 地 理 第二章,地 也。 岳 埏之外有八紘,八 在 始 加 天中,裏 恒簡 不重 其 物 應節 JII. 之性, 體 循 不 知 振 湛濁,虚 普群 萬 丽 理之 以 變。 爲 阻 物 叶 河 坤 積 九 資含其化光,四 海 靈 謂 而 順 順 爲 物 州。 也。 而 化 爲 其 也 以受澤, 而 面 紘之外 不 德,其 裁 性 無 九 無 静翕 洩,至廣 焉 惟 州 而 心; 爲,一以 其 之外 承之; 有 卦 動 《易》 形 其 循 闢 八極 氣 理 時 氣 大 有 坤 天 率 相 以 搋 秉 īfīi 而

四

之利 于人。 樹 載 功乎 也。 牝 自 啿 未 爲順之至乎! 丽 及 布 東西之極 正之在人,而肇域茫茫, 0 六六 於 當以爲區昼也, ●正用在君 ,使危者 者 其含弘光大言之,《周易》以爲理契於 貞 ,地則一於柔静,未嘗有所作爲 墨翟以爲仁深於天,誠 也。 ! 柔 如 地 草木甲标,地之化也, 稼穡 惟就其功用之最著者,其在 府 《易》曰 此,生材 則 岡 而静,上以 以 於無 生之斯生,植之斯立。 同 度、沈墨、育冥、鴻蒙,♥此 安, 之允修。 傾者 九 「美在其中,發於事業」,斯 際 ?致養者如此,豈非 第三章,地以生物爲功。 土異宜,而資 也。 平。 順承乎天,下以正 然五方殊域,而 裁 其太過,輔 政 地 則 之 未 所 生 易 加 於 作甘, 以 地道 於 生植 以 厚德之 群 也 方 E 地 其 南 名 生 貞, 也。 敏 政 地 則 持 北 之 狀 方 唭 不

> 名篇。 以明地之博厚者,其益無方,故以《博厚》 政,末則以生植之功結之。 最 功用贊之。 或言形體,或言性 著者哉 聖人效法於地,亦若是而已矣。 始云循 臣等謹 情。 理以作,次云 按 而 三章之中 此 反覆參互,皆 詩 統 論 可 又 地 以 各 道 Œ 以

龍 綏三章,二章章四句,一章六句。

第一章

受天明命,《商書》:「受天明命,以有九有。」亶任寵

❷ 「岡」,原作「罔」,據前文及《淮南子》改。爲「畫」。 爲「畫」。 「嘗」,原作「常」,據下文「嘗」字改。「昼」,據文意似當

以

六

綏。 樂道,不如是不足與有爲也。」 有爲之君,必有所不召之臣。 政乃义、黎民敏德。」故將大有爲。《孟子》: 后克艱厥后,《大禹謨》:「后克艱厥后,臣克艱厥臣 天佑下民,作之君,作之師,惟其克相上帝,寵綏四 《周書》: 亶 一聰明,作元后,元后作民父母。」又曰 欲有謀焉,則就之。 「故將大 其尊德 方。

第 章

萬幾。 官,天工人其代之。」又董仲舒云: 天之威,于時保之。」堯兢兢,舜業業, 畏天之威,于時保之。《詩·周頌 《皋陶謨》: 「兢兢業業, 一日二日萬幾。 「堯兢兢,日行其道 我其夙夜,畏 日 無曠 二日 舜 庶

第 章 業業,日致其孝。

道統相傳,韓子曰:「堯以是傳之舜,舜以是傳之禹,禹

争奪息,養之而生育遂,教之而

倫理明。

惴若臨深淵。舜居人上,矜矜如履薄冰。 王道蕩蕩, 惟一,允執厥中。」無偏 如不滿日,日 心。」憂勤日慎 公,行之以至仁。」《唐書》:「王者至公無私,故能服天下 記》:「王中心無爲,以守至正。」《漢書》:「人主臨之以至 論 是傳之文武。」道統相傳,有 語 》堯命舜曰: 協和萬邦、黎民於變時雍。」 無黨無 慎一 一日,太公《金匱》:「黄帝居人上,惴 「允執其中。」《虞書 日。」黎民 偏, 王道平平。三至正至公。《禮 無黨、書·洪範》: 於 自來矣。 變 一時 》舜 禹居人上, 慓慓 命馬 雍 允執 「無偏無黨 日 《書 厥 中 . 惟 堯 之 精 0

爲己任,佐佑 爲天元子,必以天心爲心,而 大,其責至重 居天位,治天職,承天意,代天工,其任至 睿知出於間,則天必命之以爲億兆君師 第一章,天生蒸民,立之司牧。一 上 也。 一帝以 爲人君者,受天明命, 寵 安天下。 以君師之責 有聰明 治之而

乎哉 勞所 荒 經綸 平 焉。 畏之心。 民,相與之際,至近 有 子 未 惕 既 舉 艱 易》之「鼓舞 莫 顯 所 未 易 勵 知 而 寵 當勞。 尤思 其艱 ? 謂 易致 周 凛乎 己。 天下之大經,建立天下之大業 命,亦有明威。 動 綏之事 違 大有 也 第二章,克艱之道在於畏天。 乎 不顯 、則不 視 也 若朽索之馭六馬,兹 蓋 所 而 聖 雖 聽 爲之君也,豈 人 也。 以 盡 加 必 法 日昃夜分,不敢 嗣 君 亦 克其 敢易其爲 必 以 神」、《書》之「直匡 焉 以 臨 寵 以 10 日 丽 , 綏 躬致之。 周 艱 無 人臨 明 明威 非 之道 之, 射 嚬 遠 曰 君之道,而 九 一但爲 亦 日 也 在 無他 兆 萬 州 保。 笑,得 民, , 民 遑 勤 或 至 小小小 弗 必常 惟 在 之上, 暇 所 咸 廣 離 明 無 艱 振 當 寧、太 乎 畏 失 怠 存 近 平 如 乾 哉 固 幽 德 勤 敬 在 功 將 隱 乾 係 克 道 無 天 孟

> 皆自 道。 者舜 之理,豈 授受之際,丁寧 也; 得 命 治 不存 規。 日 堯之放勳,舜之重華,●蕩蕩巍巍之事業, 日日 加 統 固 禹 慎 萬 於舜 以 之間 兢兢業業致之也。 常厥 堯之命舜日 憲 幾」,其 即 本 而 天 是堯得統於天,舜得統於堯,禹 者成, 復 懋 萬 於 事 德,乃 下 也。 事 有外於此 勉 相 謂 以之隳弛。 幾之來且至 寅 未 心; 傳,天 夫堯、舜、禹,天下之大 此 反 恭 能 嘗 「允執 乎? 未嘗 覆,不過 聖聖 保 中者哉? 下之大事 厥 日 位 厥 《書》曰「一日二 第 倦 相 一萬焉 是故則天者堯, 矣。 中」,舜 傳, 三章,帝 于 如 日 勤 此,則 荒 荷 所 也。 況 中 也; 于事 復 守 者 斯 乎 何 敕天 者 王 須之 天 而 以 也。 聖 爲 H ? 其 又 此

「華」,原作「輝」,避阮朝順德仁皇后諱也,今回改。

0

日。 無 正至公,亦此中也。 過 根於一心者甚微,而民協 不及之謂。 無 偏 能 執此 無 黨,此中也 中, 于中 則憂勤 - , 其效 慎 至

姓太和,萬物咸若,黎民於變時雍。 見於萬邦者甚大。 堯之時,比屋可封,百

此,無以復加矣。 心堯之心,行堯之行,

命,次言天威,末則以黎民結之。 是亦堯而已。 臣等謹按:此篇首言天 可見人

民,則可以無負上天立君之意。 君之職,所畏者天,所愛者民。 其旨深 能愛其

明作有功; 事者,皆寵綏之寔也。 伏見 我皇上臨 敬天法祖 御以來,旰 ,勤政愛民,見於行 迺奉宸衷宥密,教 宵圖: 治,

相 訓、兢業之辭,寔與 思淵深,揭爲 爲表裏。 皇之敷言,是訓 此詩。 御 猶 製《爲 且諄 政 是彝,誠足爲 諄於克艱之 四大端筬

萬世君國子民之法也。

忠 良三章,章四句

第 章

治至

明 明 在 下《書》: 「穆穆在上 ,明明在下。」《詩

矣。」」夙夜匪懈,以事一人。《詩·大雅》: 嘗會公卿於式乾殿,謂 諸 公曰:「朕左右可謂 恂 「夙夜 恂 濟

在下,赫赫在上。」左右恂恂。

晉

書・

王渾傳

武

明明

第 章 懈,以事一人。」

黨、管子》:「爲人臣者,忠信而不黨。」事治身榮。 明臣 志 叶 良, 議從,相資 志叶議 從,相資以成,固千載之遇。」忠信不 以 成。 《唐 書・ 房杜傳》贊。「方君

匪 濟

第三章

肱喜哉 道 之,日 之。」又鮑照《河清頌序》: 之道,終始勿渝。1.又《張建封傳》:「帝使左右以所持鞭 「國之實六而已。 弗渝、唐書》:「魏徵上疏曰: 「道其所道,德 元首起哉! 加加節 誼 ,歲寒弗踰。」」道 其所德。」股 聖 庶事康哉!」君國之實。 能 「君國帝實,燦爛瑰英。」 制 議百物,以輔相國家,則 肱喜哉、《書》: 其所道 「陛下許臣以仁義 韓子《原 《國 股 寶 賜

法。 賤 之忠,北 分截然。 第一章,言爲人臣止於忠。 軍 人臣之義,雖有 虚 旅 心 面委質,無有二心。 不 待 君有常尊,臣有定卑,自然之 敢 令, 辭 無 難 所 明明之德,常存 敢 順 專。 上之爲,從 天高地下,名 朝廷 易》之坤二 不 主 亹 敢 之 辭 亹

> 起,夙 風 懽 道事 匪 承乾, 之。 也, 敷! 臣 得益章,信乎 臣道,人君必信之而 於貌敬而心疎者,幾希矣。惟爲臣 之間,其分至嚴,若非 黄裳,●含美而 ,沛乎如巨 懈 敷 然交欣,志叶 退 以以 恂恂 君,則道合志通 興夜寐, 罔不或勤。 奔走後先,小心 如子之事父。 則 事一人」也。 翼 思 然恰謹 爲 補 魚之縱大壑。 千載之會遇。 明 過 處 議 聽, 嚴恭 也。 (順,明 從,翼乎 惟 ,而令名可保。 不疑,任之而不貳。 色辨 "惟事 翼翼。 左之 誠 第二章,言人 日 明 孜孜,其 意感孚,有 在 如鴻毛之遇 右 此所謂「夙 而 然豈 聚精會神,相 進則 下也,其爲 之, 朝, 職 如如 無 鷄 無 思 爲 其本 坤 盡 而 不 堂 臣 鳴 不 小 盡 忠 順 至 陛 以 夜 宜 臣 大 而

●「二」,據《周易·坤卦》疑當作「五」。

皇訓九篇卷上

九

德音如 不欺。 按: 於照 不膠 不苟 貫 是惟 不可 以加 身顯 之隆 天工 以 哉 異 四 此詩首言克忠之道,在於惟勤 此? 乘。 尊 時 不易 ~,永世 于 前 而同。 Ě 以 亶其 膝 玉 「股 也 而 廊廟翱 少 加 以 日 熙 天下之實,孰貴 ,價重於白珩, 席上之珍,明 不 所守,永肩一 間。 然乎? 古人云「人臣之術,行六正 肱 固 無 一有 主 措 帝 忠信 改柯易葉。 倚 適 忠信 喜哉」,即 解。 載。 世于長治久安之域。 翔,以 德或二三,其忠爲未至。 而 而不黨,惟一乃心,以 毗 惟 第三章,言臣道之忠, 雖 于以致君於唐虞三代 而 是 道 和相 已。 稷、契之稱良臣,何 賴,如 之從。 心,如 其 義不苟合也,位 義 於是? 濟 忠 也。 則 手 松 情分交孚, 政 無 足 夫如 柏之貞, 事 隱,信 臣 相 論 名尊 親。 是, 列, 則 謹 逾 亮 則

> 忠。 忠良之至, 於天下。 謹常佩書紳,奉爲明 能 節 顯 深 其 於一 德 3 節,無 末 訓 言 賢 非 臣 教 爲 臣下 實, 以 貴

皇訓九篇卷上止

爱三章,章四句。

御製

徙舍學宫,《列女傳》:「孟母徙舍學宮之旁。

孟子嬉

第 章

而歸。

母問何學所至?

孟子自若也。

孟母以刀断機、

遂居之。卒成大儒。」斷機之訓。

戲,乃設俎豆,揖讓進退。●

孟母曰:「真可以居吾子矣。」

《列女傳》:「孟子學

嚴君焉,《易》:「家人有嚴君焉,父母之謂也。」無 之間。《書・畢命》:「建無窮之基,亦有無窮之聞。」

 \equiv

《詩》乎!

《論語》:「孔子猶立,鯉趨而過庭。

曰:「學

學

慈惠以教,《管子》:「爲人父者,慈惠以教。」曰

第

章

第 章

大哉乾元,《易》:「大哉乾元,萬物資始。」至哉坤

讓」,乙本作「遜」。

皇訓九篇卷下

《論語》:「子曰:「學《禮》乎? 不學《禮》,無以立。」鯉退

訓是行。」又杜甫詩:「義方兼有訓。」曰學《禮》乎!

訓,《左傳》:「石碏曰:「愛子,教之以義方。」」《書》:「是

《詩》乎?不學《詩》,無以言。」鯉退而學《詩》。」義方是

1061

窮

曰:「子之廢學,若吾斷機。」孟子懼,勤學,遂成名儒。」有

而學《禮》。」

元 「父子之道,天性 坤 也。」
罔 元 萬 物 極 資生。二天 深 恩。 性 詩 至 親 欲 報之 孝

,昊天罔極。」王勃詩:「深恩重百年。」

乎? 《禮》,其何以立? 矣。 綱, 學《詩》,其 退 者可以 退之節,御射書數之文,有彝教矣。 慈,則君子之愛其子,必有教焉。 面 所當執守。三千、三百之儀文,必使之退 慈父之愛其子,必有訓 其 學 而 一章,父道之慈也。 修齊治平之目,有古訓 學馬 第二 焉 福。 方其子之少 興觀。三百餘篇之美刺,必使之 山 可 章,母道 也。 古 何 也。 之稱 以言?《詩》道性情,學之 觀於趨 教子一 之慈也。 時 慈 《禮》主節文,學之者 `,則三徙其居,擇 母,孰 養而不教,非 庭之教,可 焉。 經,昔人所貴, 有 慈母 矣。 明 如 德 於子, Th. 見 然 新 應 母 父道 所 不 民 然 對 學 則 鄰 者 之 不 謂 務 進

慈

者也。 者,如 其勤。 言 乎? 父道 聞。 則 蓋厚」,德之罔 懷,恩斯深矣。 也,髮膚之體,骨肉之恩,乃天性之至 言之,以申明慈愛之恩也。 爲亞聖,而古今之稱賢母者 而 家人有嚴 慈惠 處; 推 惠之教也 豈不美哉! 言 似之。 坤 坤之生物乎? 是知父母之於子 念其 其慈愛之至,教 慈 丽 生之,鞠之,長之,育之,明 爲 加 惠 地 君」者也。 子之不學, 以 子之所 之 也,而母 極也。 教,中言教 至。 《詩》云「謂 第三章,承上二章而 反 瞻 道似之。 覆 臣等謹按:此 宜 則 詔 者, 推 其 養 斷 之 天 明 教 嚴 以 如 乾爲天也, ,必歸 其 機 ,示天下以 蓋 育 成 子之所 乾 如 高,謂 大 其名,末 之始 此 杼 無窮 賢 所 詩 以 發 親 總 始 有 依 物 之 德 謂 勖 地 而

第 章

然。《宋書·張敷傳》:「少履貞規,長懷理道,清風素氣, 孝悌以肅,《管子》:「爲人子者,孝悌以肅。」得之天

意承志,喻父母於道。」崇德象賢。《書》:「殷王元子, 得之天然。」先意承志、《禮記》:「君子之所謂孝者、先

第 章 崇德象賢,統承先王。」

柔色承顏,恰恰盡樂。《晉書·孝友傳》序:「柔色

順顏,恰恰盡樂,擊鮮就養,亹亹忘劬。」肯構肯堂,肯 播肯穫。 《書》:「若考作室,既底法,厥子乃弗肯堂,❶

皇訓九篇卷下

第 \equiv 章

矧肯構?

厥父菑,厥子乃弗肯播,矧肯穫?」

克諧以孝、《書》:「父頑、母嚚,克諧以孝。」玄德升

史論: 君。●《書》:「皇天眷命,奄有四海,爲天下君。」又《書 「孝爲萬善之根柢,爲百行之冠冕。」❷爲天下大

聞。《書》:「玄德升聞,乃命以位。」爲百行冠冕,漢

註:「首出庶物、爲大君於天下。」

第一章,孝之爲德也,分渾元 而

罔間。 蓋其因孝以生悌,義本一原,主敬而有 品彙以順名。父斯乾,母斯坤,一尊親而 人則孝,出則悌,求職分之當爲。

「爲」、乙本無此字。 弗」,原誤作「作」,據乙本改。

嚴,禮

斯爲順。

「孝弟以肅」,此之謂也。

爲」、乙本無此字。

 \equiv

立體,資

四

衷之 若 膝 有 者。 大 志 意者 父母 於天 田 子之心 君子有孝子」。 作室 孩 穀 者 和 不 承 而 無 歡 子 非 初 第二章,孝子之有深愛者必 似之,孝 氣 ,弓冶之業,預習於 知 非 燕 敷 忝 知知 常戒 乎 愛; 怡 必 由 既 翼之謀, 心 菑 自 爾 怡 有 外 誠 能 亦 惟 底 然 所 及 盡 愉 鑠 思 純 法,惟 在 親 于 生, 而 其 其陳修 色, 樂 乎 逸 維 洞 然乎? 心之所 根 既 其「崇德 嘗徵 則。 有 屬; 事 有愉 乎 相 觀 長, 其 生之後 親 固 爲 厥 鍚 勒 于繩 斑 想夙 無 之 色必 存 有 類 箕裘 身 厥 艱 垣 庭 不 象賢」, 篤 也。 疆 難 之不 體 淦 起舞, 武。 夜 有 知 恒 也 献。 暨 之寐 髮 方其 無 善繼 能先 性 敬 婉 茨 貴 膚,受之 有 夫 忘 具 有子 然 取 又 顔 者 興 如 孩 和 本 於 若 慕 如 人之 其 人之 而 始 是, 嚴 是 得 降 無 稽 孝 于 E

尊爲天子。

不惟

九

州

之内

共爲

帝臣,孝

舜

也

夫

亦

恭己無

爲,而

所以充

天

地

-

原

其

應

堯

命

巽

帝位者

一,只以

孝揚。

君

哉

來

朝

然則

舜之興也

雖

在

諸

艱

歷

試

而

養

之國

隔隔

冀

州

之西二

萬

里

, 亦

執

玉

帛

以

其二 若 舜 咎 塞 極 號 畆 身之儀表。 夔夔齋 日 旻引 稽 孝 贊 致 與 0 譽 一十以 其 爲之首 固 是 舜 古 凡 擅 慄 孝。 謂 之 慝 難 庶 于 孝聞 德 瞽 罄 能 不 虞舜 恐 克 浚井 舜 稱 其 孝 同 日 弗 瞍 家; 其 猶 盛 「濬哲 幽 亦 獲 不 大孝 方其測 美。 耕 聖 允若 冠冕之於衣 潛之德 于 亦 父 田 人 親 宜 母 也 者 文明」, 然 一,克諧 心。 惟 乎 陋 勤 八人 萬 示 ? 克供乎子職 也 勞 善 可 祇 倫之至。 以 ,家庭之間 曰「温 第 裳 羅 掩 載 德 功 孝 三章 其 爲聖人, 見 ,尤係一 有 完 也。 躬 瞽 如 恭允 于 者 瞍, 此 故 紁 帝

1064

親切。 見聖人因心設教,證古作規,尤爲著明而 家,感神明 言大孝惟聖人爲能。 根 君 博宇宙者,本是孝德。 而致休徵。 也。 乎賦予; 臣等謹按:是詩首言孝悌之德, 而 中言孝悌之德,存乎繼述,終 《孝經》 昭景 福 蓋孝也者,用之於 書,義該於 用之於國,動天 信乎其爲天下大 此。 地 仰

造 端

章,章四句。

第 章

以固。 敦 夫婦法人,取象六合陰陽,有施化端焉。」又: 幪 以 爲人妻者,勸勉以貞。」六合四禮,《白虎通 固,●勸 勉以貞。 《管子》:「爲人夫者,敦幪 「婦事夫有

> 朋友之道也。」通達 子之道也,會計有無,兄弟之道也, 四禮焉: 婦之道,❸參配陰陽,通達神明。」 鷄初鳴,櫛總而朝,君臣之道 神明。 《漢書 閨房之間 也, 曹世叔妻傳》: 測隱之恩, ②父 袵席之内 一夫

第 章

禮 曰:「致功而不流,致臨而有辨。」請問爲人婦。 王作《易》,上經首乾、 恒、《漢書・荀爽傳》:「夫婦,人倫之始,王化之端。 致功不流, 則 柔從而聽侍; 致 臨 夫無禮,則 有 坤,下經首 辨。《荀子》 恐懼而自疎。」乾 咸、恒。」子孫孝善。 請 問 曰:『夫有 爲 坤咸 人夫。 故文

「子孫孝善,是家興也。」

懒, 據文意似當爲「懷」。

測」,據文意似當爲「惻」。

之」,原重文作「之之」,據乙本改。

Ŧi.

第 章

齊眉。」 齊眉。 林》: 《列女傳》: 在外,妻在内,各反其事 維家之保、《楊子》: 「韓氏長女,嫁於東海,宜家富壽,利得十倍。」學 漢書。 「夫婦之好,終身不離。」宜家富壽、《焦氏易 梁鴻傳》: 「夫妻反道,維家之保。」註 而家正 妻孟光饋食,不敢仰視 ,故正保。」終身 云: 不 一夫 案

下 位 倫。 貞 有 幪以 節。 位乎外,女正位乎内,命以 第一章,君子之道,●造端乎夫婦。 常 也 矣。 乾道 訓 固 閨門之内,不 環 貞固足以幹事,察乎天地,該乎 也 成 陽 佩有常聲。 男,坤道 盛 義 無 于南,陰盛 專制,順 肅 成 加 女。 爲人妻者,勸 成。 從 于北。 卑高 坊欲,動 爲人夫者, 爲 務。 以陳,上 日 生 勉 組 由 男正 人 于 以 織 敦 禮

夫、

婦

婦

而

家

道

正。天人一理,陽唱

陰

臨

隨

剛

柔

相

推

· , 而

生變化。

聖

人作《易

E

經首乾、坤

·, 配

偶

之

始

也

下

經首咸

致功 後有 東, 閨門之内,有四禮焉。夫有天地,然後有 在敬身以帥 章,家人之吉,由君 子,然後有君臣; 臣之嚴,父子之敬,兄弟之道,朋友之義 義有所錯焉 物,有萬 面 月生于西。 夫婦, 有 而 不 辦 流 也。 物、然後 其 也; 有 婦 是以是以 夫婦, 反 施 有孚 身 有 化之端,象六合焉。 家 子之反身也。 mi 有男女; ,威如 君 然後 通神明之德。 行修治 誠,家人化之。 臣,然後有 敬 有 父子,有 以 閨 有男女,然 章别 門 夫之道 上下 唯 第一 父 致 君

禮

萬

0 「君」上,乙本有「言」字。

恒

,化生之源

也。

萬

福之基於此,宜爾子

始。 之效,化自内始。 矣,中言家人之義,夫爲妻綱,終言成家 等謹按: 是詩首言夫婦之道,貞固 梁鴻之妻孟光舉案齊眉,此其寔 莫若,常如恐懼,酒食是議,相敬 女嫁于東海,宜家富壽,此其驗也。 家人」,富家大吉,百年偕老。 必賢内助而後家道成。「之子于歸,宜其 瑟静好,終身不離也。 樂,而德音莫違,歌曰女曰士之宜,而 爲格有家,維家之保也。 斯錫之福,順以相成,義以相愛,而 貞」也。 孝惟善,家之興 家法,門推禮讓,簪纓見重 孫,其逢吉乎! 何則? 婦者,家之所由盛衰也。故 夫人無比德,家用平康,而 也。 世有同居,堂構無違 或合言之,或分言之, 第三章、「家 然家之齊,自婦人 賦如弟如 于士 韓氏之長 人利 林。 也。 如賓。 兄之 其象 有善 惟 丽 臣 琴 皇 乎 已 女 惟

治平之首務。聖人垂世立教,尤留意焉。天下之家正而天下治矣。風化之大原、無非以勸天下之爲人夫、爲人婦者。蓋

友 于三章,章四句。

第一章

顯民。 庸祗祗,威威顯民,用肇造我區夏。」 長民順 立敬自長、立愛自親。《禮・祭義》:「立敬自 也, 《書·康誥》:「文王克明德慎罰: 立愛自親始 ,親民睦 也。」庸 庸 ,不敢侮鰥 祇 源,庸 威 長 威

第二章

寬裕以誨,比順以敬。《管子》:「爲人兄者,寬裕以

八

兄弟 海 有令名於天下。」克施 季、康叔皆有馴行,周公舉之爲司徒、司空,佐成王治,皆 ,克施有政。」 弟 比 順 以 敬。」 有 政。 皆 有 書 馴 君陳 行 史記 惟孝友于 冉

第三章

服 玉暉」,喻兄弟之賢也。」孝友時格,永乃保之。 蕙茂,弟蘭發而玉暉。」又《初學記》曰: 瓊芳蕙茂, ,兄弟具來。 禮樂志》冠禮: 蘭 孝友時格,永乃保之。」 發 「祝日: 旨酒既清 玉 暉 陸 機《思 ,嘉進亶時。 親賦 「『瓊芳蕙茂 「兄瓊 始 加 《唐 蘭 芳 發 元 而

之恩 第 顯 所 立 自 而 而 一章,兄弟之道,莫先於敬愛也。 哉? 恭厥兄,非 ,莫如兄 民順睦 吹 燻 弟 雁序分行, 鴒原篤 所謂「立敬自長」乎? 則 吹 箎, 所 交 以 相 文 其 敬 敬 也,克念 愛, 眷 豈 骨 敬 天 肉 愛 如 無

心,必

常

其

敬

克

順

克

比,

所

謂

止

敬

也

夫如是,兄則

綽

綽

而

有

裕

弟

則

亹

亹

而不

違。

克友克恭,兄兄而弟弟。

閨門之内

於順。 其親 手如 所謂 也 父道焉,則主於 之以誥康叔 德 用 者武 非 居家理則,治可移於官也。爲人兄者,有 于言表,仁人之愛其弟也如此。 輕。 則日 所 ,降于國人。 所當用,敬所當敬,威所當威,用 足,親 善 長 謂 E 友愛 順 誨 慢 文王,二則 立 其 也。 則 慢 長 愛自親」乎? 之至 其 也。 以 厥 ൬ 情易親 爲人弟者,有子道 養,而 弟, 此文王之家法,而 寬。 反覆 天 也, 日文王。 衛 下平」,此之謂也。 永念鞠子 寬 居 侯 m 丁寧,友愛之情,溢 以 則 啓封,作書 愛也篤。 君子 其 寬,克寬 文之明德 教易人而從 而 日「仁人親 第二章 **一焉,**則 友于 武 克仁 陳 王 顯 弟 丰 舉 其 乃

1068

是夫。 鬼神可 美。 聽 蘭發而 之集,一 棠花荆樹,史籍留芳,金友玉昆,古今稱 此之謂也。 何有? 也。 爲 肅 「宜兄 和 加 人之所貴者,而兄弟之賢者似之。 冠 樂, 和 而 政 若 平, 時 玉溪有《花萼》之編,實氏有《聯 交神明也。 兄弟足法而 ,則寬者所以 朝廷 宜弟,令德壽豈」,孝友之 加 玉暉 臣 卜之矣。不惟 格,不在 時擅美,千古蜚英,瓊芳而蕙茂, 《詩》云「其 聞 載錫之福,載錫之光,已於 一等謹 望孔彰,令名永保。 者也。 第三章,友愛之至,可以 馴 行 按: 斯 夫蘭有國香,玉爲世寶, 之稱 國人法之,其 使衆 乎? 明德馨香,人家至寶, 此 儀 詩 可永其懽愉,久其 不 也,順 聞 兄弟 始言惟 忒 於 正 家 者 式 於 國。 是 所 好, 敬 至,有如 《詩》 爲 四 以 惟 是以 成 資於 而 政 或 推 事 珠》 云 人 平 神 之

> 人 則 所 之大旨者乎。 反覆,身體力行 推 以 以孝友之義 教 言 德 民 可 中言孝友於家,可 以 至 感 以 明 神 且 明, 無 切,讀 負 而 教 保 民 者所 令譽。 以 順、 爲 當 教 政 沈 其 民 潛 睦 曉 末

止 信三章,章四句。

第一章

有? 道 同 「凡交,近則相磨以 所存。 人于門、易 惟 道 所存。」相 《文中子》: 信 同 磨 ,遠則忠之以言。」 人》九 以 信 天子必 四 ,忠之以 同 有 師。 人于 然 亦 無 《莊子》 何 咎。」 常 師之 惟

第二章

又蔡邕《正交論》曰:「直、諒、多聞之友,時濟其益。」以文會友,以友輔仁。」子曰:「友直,友諒,友多聞,益矣。」好,固於膠膝,堅於金石。」敬業樂群,《禮・學記》:「三好,固於膠膝,堅於金石。」敬業樂群,《禮・學記》:「三屆於膠膝,堅於金石。 譙子曰:「交得其道,千里同

第三章

第一章,朋友之交以義合也。

他山

之石,

可以攻玉,遷喬之鳥,必求友聲。

孚; 不挾賢也。 交者,利盡則散。君子不然,不挾貴也 以相成也。 里之應,常如 孚之感,已在言前,遠則志氣相投,●千 合志同方,營道同術。近則朝夕問志,中 存而已。是以其義敦以正,其誓信以固。 不輕,擇其善者而從之,亦唯視夫道之所 道,不同不可以爲友也。 功」,同人于門也。 逆於心,有孚在道。 不求 氣求之下,不膠膝而固,不金石而堅。 「主忠信」而已矣。 外則若疎,而 友生乎? 以勢交者,勢傾則絶,以 淡 語對。 然 同 如 第二章,朋友之道,正 然而君子以同道爲朋 門 心 《易》曰「出門交,有 之神明 水,而心之天理 《語》 日 朋 禮義相接,然諾 稱善與人交, 同 相契。 志 日 友, 聲 其 應 相 利 莫

■ 「投」,乙本作「求」。

人可

成。 勢矣。 得; 友 措諸用者,得朋之助也,在邦必達,在家 相信 見才非交不用,義非交不立,名非交不 必達,身不失令名者,責善之功也。 益矣。以之建立大經,經綸大化。學能 變之機矣; 日進而大有功。 人不可不慎於取友也。 交道於德業大有益也。與賢者處,則德 之歌,其輔仁濟益爲何如哉! 也。●《易》明「斷金」之美,《詩》有《伐木》 友,磨琢之功也,德必有鄰, 三年 諸 如 立身揚名,人之所助者信也。 有如此 譬如染焉,以朱則赤,以藍則青。 道 此者。 中中 視學,將必驗其大成。 青出 者。二人同心,既可信 臣等謹按: 言朋友相資以成,終則 白堪受采,則氣質有可 於藍,則漸染有易移之 友直、友諒,友之 此詩始 切思之益 第三章, 言取 樂多 其 交 于以 其 推 賢 相

> 交友之道,庶乎其有得也。 讀者所當潛心玩味,身體而力行之,則於止。止於信,至善之義,大學之極功也。當止之地。聖人則安所止,賢人則欽厥言朋友之助,以明止信之意。夫止者,所

皇訓九篇卷下止

「思」,乙本作「偲」。

作「首」。

鳴

謝

儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長

馬驥先生

NE·TIGER 時裝有限公司董事長 馮建新先生

張志峰先生

壹佰萬元 壹佰萬元

壹萬元 壹佰萬元

北京大學《儒藏》編纂與研究中心

本册責任編委本 册 審 稿 人

沙志利雄

陳殿

駢宇騫

孫欽善

